

॥ नमो तस्स भगवतो अरहतो सम्मासम्बुद्धस्स ॥

## विनयपिटके विमतिविनोदनी-टीका (पठमो भागो)

गन्धारम्भकथा

करुणापुण्णहृदयं, सुगतं हितदायकं ।

नत्वा धम्मञ्च विमलं, सङ्खञ्च गुणसम्पदं ॥

वण्णना निपुणाहेसुं, विनयटुकथाय या ।

पुब्बकेहि कता नेका, नानानयसमाकुला ॥

तत्थ काचि सुवित्थिण्णा, दुक्खोगाहा च गन्थतो ।

विरुद्धा अत्थतो चापि, सदतो चापि कत्थचि ॥

काचि कत्थचि अपुण्णा, काचि सम्मोहकारिनी ।

तस्मा ताहि समादाय, सारं सङ्खेपरूपतो ॥

लीनत्थञ्च पकासेन्तो, विरुद्धञ्च विसोधयं ।

उपट्ठितनयञ्चापि, तत्थ तत्थ पकासयं ॥

विनये विमतिं छेतुं, भिक्खून् लहुवुत्तिनं ।

सङ्खेपेन लिखिस्सामि, तस्सा लीनत्थवण्णनं ॥

गन्धारम्भकथावण्णना

विनयसंवण्णनारम्भे रतनत्तयं नमस्सितुकामो तस्स विसिद्धगुणयोगसन्दस्सनत्थं यो कप्पकोटीहिपीति आदिमाह । विसिद्धगुणयोगेन हि वन्दनारहभावो, वन्दनारहे च कता वन्दना यथाधिपेतमत्थं साधेति । एत्थ च संवण्णनारम्भे रतनत्तयपणामकरणप्ययोजनं तत्थ तत्थ बहुधा पपञ्चेन्ति आचरिया, मयं पन इधाधिपेतमेव पयोजनं दस्सयिस्साम । तस्सा संवण्णनारम्भे रतनत्तयपणामकरणं यथापटिञ्जातसंवण्णनाय अनन्तरायेन परिसमापनत्थन्ति वेदितव्वं । तथा हि वुत्तं “तस्सानुभावेन हतन्तरायो”ति । रतनत्तयपणामकरणेन हि रागादिदोसविगमतो पञ्चादिगुणपाटवतो आयुआदिवद्भुततो पुञ्जातिसयभावादितो च होतेव यथापटिञ्जातसंवण्णनाय अनन्तरायेन परिसमापनं ।

तत्थ पठमं ताव भगवतो वन्दनं कतुकामो “यो कप्पकोटीहिपी...पे... तस्सा”ति आह । इमिस्सा पन विनयदेसनाय करुणापधानजाणसमुद्धितताय करुणापधानमेव थोमनं आरद्धं । एसा हि आचरियस्स पकति, यदिदं आरम्भानुरूपथोमना । करुणागहणेन चेत्थ अपरिमेय्यपभावा सब्बेपि बुद्धगुणा नयतो सङ्गहिताति दडुब्बा तंमूलकत्ता सेसबुद्धगुणानं । तत्थ योति इमस्स अनियमवचनस्स नाथोति इमिना सम्बन्धो । कप्पकोटीहिपि अप्पमेय्यं कालन्ति कप्पकोटिगणनावसेनापि “एत्तका कप्पकोटियो”ति पमेतुं असक्कुणेय्यं कालं । अपि-सद्देन पगेव वस्सगणनायाति दस्सेति । अप्पमेय्यं कालन्ति च अच्चन्तसंयोगे उपयोगवचनं, तेन कप्पकोटिगणनावसेन परिच्छिन्दितुमसक्कुणेय्यमपि, असङ्ख्येय्यवसेन पन परिच्छिन्दितव्वतो सलक्खं चतुरसङ्ख्येय्यकप्पकालं अच्चन्तमेव निरन्तरं पञ्चमहापञ्चाद्यादिअतिदुक्करानि करोन्तो खेदं कायिकं परिस्समं पत्तोति दस्सेति ।

लोकहितायाति सत्तलोकस्स हिताय । नाथतीति नाथो, वेनेय्यानं हितसुखं आसीसतीति अत्थो । अथ वा नाथति वेनेय्यगते किलेसे उपतापेति, नाथति वा याचति वेनेय्ये अत्तनो हितकरणे याचित्वापि नियोजेतीति नाथो, लोकपटिसरणो लोकसामी लोकनायकोति वुत्तं होति । महाकारुणिकस्साति यो करुणाय कम्पितहृदयत्ता लोकहितत्थं अतिदुक्करकिरियाय अनेककप्पकारं तादिसं दुक्खं अनुभवित्वा आगतो, तस्स महाकारुणिकस्साति अत्थो । तत्थ किरितीति करुणा, परदुक्खं विक्खिपति अपनेतीति अत्थो । दुक्खितेसु वा किरियति पसारियतीति करुणा । अथ वा किणातीति करुणा, परदुक्खे सति कारुणिकं हिंसति विबार्धेति, विनासेति वा परस्स दुक्खन्ति अत्थो । परदुक्खे सति साधून् कम्पनं हृदयखेदं करोतीति वा करुणा । अथ वा कमिति सुखं, तं रुन्धतीति करुणा । एसा हि परदुक्खापनयनकामतालक्खणा अत्तसुखनिरपेक्खताय कारुणिकानं सुखं रुन्धति विबार्धेति । करुणाय नियुत्तो कारुणिको, महन्तो कारुणिको महाकारुणिको, तस्स नमो अत्थूति पाठसेसो ।

एवं करुणामुखेन सङ्खेपतो सकलसब्बञ्जगुणेहि भगवन्तं थोमेत्वा इदानीं सद्धम्मे थोमेतुं असम्बुधन्ति आदिमाह । तत्थ बुद्धनिसेवितं यं असम्बुधं जीवलोको भवा भवं गच्छति, तस्स धम्मवरस्स नमोति सम्बन्धो । तत्थ असम्बुधन्ति असम्बुज्झन्तो, यथासभावं अपटिविज्झन्तोति वुत्तं होति । हेतुअत्थो हेत्थ अन्तपच्चयो । यन्ति अनियमतो सपरियत्तिको नवलोकुत्तरधम्मो कम्मभावेन निहिटो । बुद्धनिसेवितन्ति तस्सेव विसेसनं, सम्मासम्बुद्धेन, पच्चेकबुद्धसावकबुद्धेहिपि वा गोचरासेवनभावनासेवनाहि यथारहं निसेवितं, अजहितन्ति अत्थो । तत्थ परियत्तिफलनिब्बानानि गोचरासेवनवसेनेव निसेवितानि, मग्गो पन भावनासेवनवसेनापि पच्चवेक्खणजाणादिवसेन गोचरासेवनवसेनापि निसेवितो । भवाभवन्ति भवतो भवं । अथ वा हीनपणीतादिवसेन खुदकं महन्तञ्च भवन्ति अत्थो । वुड्ढत्थोपि हि अ-कारो दिस्सति असेक्खा धम्मातिआदीसु (ध० स० तिकमातिका ११) विय । अथ वा भवोति वुड्ढि, अभवोति हानि । भवोति वा सस्सतदिट्ठि, अभवोति उच्छेददिट्ठि । वुत्तपकारो भवो च अभवो च भवाभवो, तं भवाभवं । गच्छतीति उपगच्छति । जीवलोकोति सत्तलोको । अविज्जादिकिलेसजालविद्धंसिनोति धम्मविसेसनं । तत्थ न विदति धम्मानं यथासभावं न विजानातीति अविज्जा, अज्जाणं । सा आदि येसं तण्हादीनं, तेयेव किलिस्सन्ति एतेहि सत्ताति किलेसा, तेयेव च सत्तानं विबाधनट्टेन जालसदिसाति जालं, तं विद्धंसेति सब्बसो विनासेति सीलेनाति अविज्जादिकिलेसजालविद्धंसी, तस्स ।

ननु चेत्थ सपरियत्तिको नवलोकुत्तरधम्मो अधिपेतो, तत्थ च मग्गोयेव किलेसे विद्धंसेति, नेतरेति चे? वुच्चते — मग्गस्सापि निब्बानमागम्म किलेसविद्धंसनतो निब्बानमि किलेसे विद्धंसेति नाम, मग्गस्स किलेसविद्धंसनकिच्चं फलेन निड्डितन्ति फलमि “किलेसविद्धंसी”ति वुच्चति, परियत्तिधम्मोपि किलेसविद्धंसनस्स उपनिस्सयपच्चयत्ता “किलेसविद्धंसी”ति वत्तुं अरहतीति न कोचि दोसो । धम्मवरस्स तस्साति पुब्बे अनियमितस्स नियामकवचनं । तत्थ यथानुसिद्धं पटिपज्जमाने चतूसु अपायेसु संसारदुक्खे च अपतमाने धारेतीति धम्मो । वुत्तपकारो धम्मो एव अत्तनो उत्तरितराभावेन वरो पवरो अनुत्तराति धम्मवरो, तस्स धम्मवरस्स नमो अत्थूति अत्थो ।

एवं सङ्खेपनयेनेव सब्बधम्मगुणेहि सद्धम्मे थोमेत्वा इदानीं अरियसङ्घं थोमेतुं गुणेहीति आदिमाह । तत्थ गुणेहि यो युत्तो, तमरियसङ्घं नमामीति सम्बन्धो । सीलादयो गुणा चेत्थ लोकियलोकुत्तरा अधिपेता । “विमुत्तिविमुत्तिजाण”न्ति वत्तब्बे एकदेससरूपेकसेसनयेन “विमुत्तिजाण”न्ति वुत्तं, आदिसदपरियायेन पभुत्तिसद्देन वा विमुत्तिगहणं वेदितव्वं । तत्थ विमुत्तीति फलं । विमुत्तिजाणन्ति पच्चवेक्खणजाणं । पभुत्ति-सद्देन छळभिज्जाचतुपटिसम्भिदादयो गुणा सङ्गहिताति दडुब्बा । कुसलत्थिकानं जनानं पुञ्जातिसयवुड्ढिया खेत्तसदिसत्ता खेत्तन्ति आह “खेत्तं जनानं कुसलत्थिकानं”न्ति । खित्तं बीजं महफलभावकरणेन तायतीति हि खेत्तं । अरियसङ्घन्ति एत्थ आरक्ता किलेसेहि, अनये न इरियन्तो, अये च इरियन्तो, सदेवकेन लोकेन “सरण”न्ति अरणीयतो उपगन्तव्वतो, उपगतानञ्च

तदत्यसिद्धितो अरिया, अट्ट अरियपुग्गला, अरियानं सङ्घो समूहोति अरियसङ्घो, तं अरियसङ्घं ।

इदानीं रतनत्तयपणामजनितं कुसलाभिस्सन्दं यथाधिपेते पयोजने नियोजेत्वा अत्तना संवण्णयमानस्स विनयस्स सकलसासनमूलभावदस्सनमुखेन संवण्णनाकरणस्सापि सासनमूलतं दस्सेतुं **इच्चेवमिच्चादिगाथाद्वयमाह । पुञ्ञाभिसन्दन्ति** पुञ्ञोयं, पुञ्ञप्पवाहं पुञ्ञरासिन्ति अत्थो । **तस्सानुभावेनाति** तस्स यथावुत्तस्स पुञ्ञप्पवाहस्स आनुभावेन बलेन हतन्तरायो विनयं वण्णयिस्सन्ति सम्बन्धो ।

अट्टितस्स सुसण्ठितस्स भगवतो सासनं यस्मिं ठिते पतिट्ठितं होतीति योजेतब्बं । तत्थ **यस्मिन्ति** यस्मिं विनयपिटके । **ठितेति** पाळितो च अत्थतो च अनूनं हुत्वा लज्जीपुग्गलेसु पवत्तनट्टेन ठिते । **सासनन्ति** सिक्खत्तयसङ्गहितं सासनं । **अट्टितस्साति** कामसुखल्लिकत्तकिलमथानुयोगसङ्घाते अन्तद्वये अट्टितस्स, “परिनिब्बुतस्सपि भगवतो”तिपि वदन्ति । **सुसण्ठितस्साति** अन्तद्वयविरहिताय मज्झिमाय पटिपदाय सुट्ठु ठितस्स । **अभिस्सन्ति** भावनपुंसकनिद्वेसो, निकायन्तरलङ्घीहि असम्मिस्सं कत्वा अनाकुलं कत्वा वण्णयिस्सन्ति वुत्तं होति । **निस्साय पुब्बाचरियानुभावन्ति** पुब्बाचरियेहि संवण्णितं अट्टकथं निस्साय, न अत्तनो बलेनाति अधिप्पायो ।

अथ पोराणट्टकथासु विज्जमानासु पुन विनयसंवण्णना किंपयोजनाति? आह **कामज्जाति** आदि । तत्थ **कामन्ति** एकन्तेन, यथिच्छकं वा, सब्बसोति वुत्तं होति, तस्स संवण्णितोयं विनयोति इमिना सम्बन्धो । **पुब्बाचरियासभेहीति** महाकस्सपत्थेरादयो पुब्बाचरिया एव अकम्पियट्टेन उत्तमट्टेन च आसभा, तेहि पुब्बाचरियवरेहीति वुत्तं होति । कीदिसा पन ते पुब्बाचरियाति? आह **आणम्बूति** आदि । अगमगजाणसङ्घातेन अम्बुना सलिलेन निद्धोतानि निस्सेसतो आर्यति अनुपत्तिधम्मतापादनेन धोतानि विसोधितानि रागादीनि तीणि मलानि कामासवादयो च चत्तारो आसवा येहि ते **आणम्बुनिद्धोतमलासवा**, तेहि खीणासवेहीति अत्थो । खीणासवभावेपि न एते सुखविपस्सकाति आह “विमुद्धविज्जापटिसम्भेदेही”ति । तत्थ **विज्जाति** तिस्सो विज्जा, अट्ट विज्जा वा । पटिसम्भिदापत्तेसुपि महाकस्सपत्थेरादीनं उच्चिन्तिवा गहितताय तेसं सट्ठम्मसंवण्णने सामत्थियं सातिसयन्ति दस्सेन्तो आह “सट्ठम्मसंवण्णनकोविदेही”ति ।

किलेसजातं, परिक्रारबाहुल्लं वा सल्लिखति तनुं करोतीति सल्लेखो, अपिच्छतादिगुणसमूहो, इध पन खीणासवाधिकारत्ता परिक्रारबाहुल्लस्स सल्लिखनवसेनेव अत्थो गहेतब्बो । सल्लेखेन निब्बत्तं सल्लेखियं, तस्मिं **सल्लेखिये**, धुत्तङ्गपरिहरणादिसल्लेखपअपत्तियन्ति वुत्तं होति । **नोसुलभूपमेहीति** सल्लेखपटिपत्तिया “असुकसदिसा”ति नत्थि सुलभा उपमा एतेसन्ति नोसुलभूपमा, तेहि । **महाविहारस्साति** इमिना निकायन्तरं पटिक्खिपति । विहारसीसेन हेत्थ तत्थ निवासीनज्चेव तेहि समलङ्घिकानज्च सब्बसे भिक्खून् गहणं दट्टब्बं । तस्मा तेसं महाविहारवासीनं दिट्ठिसीलविसुद्धिया पभवत्तेन सज्जाणभूत्ता धम्मसङ्घाहका महाकस्सपत्थेरादयो “महाविहारस्स धजूपमा”ति वुत्ता, तेहि **अयं विनयो संवण्णितो** सम्मा अनूनं कत्वा वण्णितो । कथन्ति आह “चित्तेहि नयेही”ति । **विचित्तेहि नयेहि सम्बुद्धवरन्धयेहि** सब्बज्जुबुद्धवरं अनुगतेहि, भगवतो अधिप्पायानुगतहि नयेहीति वुत्तं होति ।

एवं पोराणट्टकथाय अनूनभावं दस्सेत्वा इदानीं अत्तनो संवण्णनाय पयोजनविसेसं अज्जेसकज्च दस्सेतुं **संवण्णनाति** आदिमाह । तत्थ **सङ्गत्तताति** रचितता । **न कज्चि अत्थं अभिसम्भुणातीति** न कज्चि अत्थं सार्धेति ।

**संवण्णनं तज्जाति** आदिना अत्तनो संवण्णनाय करणप्पकारं दस्सेति । तत्थ तज्च इदानीं वुच्चमानं संवण्णनं **समारभन्तो** सकलायपि महाअट्टकथाय इध गहेतब्बतो महाअट्टकथं **तस्सा** इदानीं वुच्चमानाय संवण्णनाय **सरीरं कत्वा** महापच्चरियं यो विनिच्छयो वुत्तो, तथेव कुरुन्दीनामादीसु **विस्सुतासु अट्टकथासु यो विनिच्छयो** वुत्तो, ततोपि विनिच्छयतो युत्तमत्थं **अपरिच्चजन्तो** अन्तोगधत्थेरवादं कत्वा **संवण्णनं** सम्मा **समारभिस्सन्ति** पदत्थसम्बन्धो वेदितब्बो । एत्थ च अत्थो कथीयति एतायाति अट्टकथा त्थ-कारस्स ट्ट-कारं कत्वा । **महापच्चरियन्ति** महापच्चरीनामिकं । एत्थ च पच्चरीति उट्ठुमं वुच्चति, तस्मिं निसीदित्वा कत्तता तमेव नामं जातं । “कुरुन्दीवल्लिविहारो नाम अत्थि, तत्थ कत्तता ‘कुरुन्दी’ति नामं जातं”ति वदन्ति । **आदिसद्वेन** अन्धकट्टकथं सङ्केपकट्टकज्च सङ्गहाति ।

**युत्तमत्थन्ति** महाअट्टकथानयेन, चतुब्बिधविनययुत्तिया वा युत्तमत्थं । “अट्टकथंयेव गहेत्वा संवण्णनं करिस्सामी”ति वुत्ते अट्टकथासु वुत्तत्थेरवादानं बाहिरभावो सियाति तेषि अन्तोक्तुकामो “अन्तोगधत्थेरवाद”न्ति आह, थेरवादेपि अन्तोक्तत्वाति वुत्तं होति ।

**तं भेति** गाथाय सोतूहि पटिपज्जितब्वविधिं दस्सेति । तत्थ **धम्मपदीपस्साति** धम्मो एव मोहन्धकारविद्धंसनतो पदीपसदिसत्ता पदीपो अस्साति धम्मपदीपो, भगवा, तस्स । **पतिमानयन्ताति** पूजेन्ता मनसा गहं करोत्ता **निसामेन्तु** सुणन्तु ।

**बुद्धेनाति** आदिना अत्तनो संवण्णनाय आगमनसुद्धिदस्सनमुखेन पमाणभावं दस्सेत्वा अनुसिक्खितब्बतं दस्सेति । तत्थ यथेव बुद्धेन यो धम्मो विनयो च वुत्तो, सो तस्स बुद्धस्स येहि पुत्तेहि महाकस्सपत्थेरादीहि तथेव जातो, तेसं बुद्धपुत्तानं मतिमच्चजन्ता सीहळट्टकथाचरिया यस्मा पुरे अट्टकथा अकंसूति सम्बन्धो वेदितब्बो । तत्थ **धम्मोति** सुत्ताभिधम्मे सङ्गणहाति । **विनयोति** सकलं विनयपिटकं । **वुत्तोति** पाळितो च अत्थतो च **बुद्धेन** भगवता वुत्तो । न हि भगवता अब्बाकतं नाम तन्तिपदं अत्थि, तत्थ तत्थ भगवता पवत्तितपकिण्णकदेसनायेव हि अट्टकथा । **तथेव जाताति** यथेव बुद्धेन वुत्तो, तथेव एकपदमि एकक्खरमि अविनासेत्वा अधिप्पायज्च अविकोपेत्वा जातो विदितोति अत्थो । **तेसं मतिमच्चजन्ताति** तेसं बुद्धपुत्तानं मतिसङ्घातं थेरपरम्पराय उगहेत्वा आभतं अब्बोच्छिन्नं पाळिवण्णनावसेन चेव पाळिमुत्तकवसेन च पवत्तं सब्बं अट्टकथाविनिच्छयं अपरिच्चजन्ता । **अट्टकथा अकंसूति** महाअट्टकथामहापच्चरि आदिका सीहळट्टकथायो अकंसु । “अट्टकथामकंसू”तिपि पाठो, तत्थापि सोयेवत्थो ।

**तस्माति** यस्मा तेसं बुद्धपुत्तानं अधिप्पायं अविकोपेत्वा पुरे अट्टकथा अकंसु, तस्मा । **यं अट्टकथासु वुत्तं**, तं सब्बमि पमाणन्ति योजना । **हीति** निपातमत्तं हेतुअत्थस्स तस्माति इमिनायेव पकासितत्ता, अवधारणत्थो वा, पमाणमेवाति । यदि अट्टकथासु वुत्तं सब्बमि पमाणं, एवं सति तत्थ पमादलेखापि पमाणं सियाति आह “वज्जयित्वा पमादलेख”न्ति, अपरापरं लिखन्तेहि पमादेन सति अपच्चुपट्टपेत्वा अज्जत्थ लिखितब्बं अज्जत्थ लिखनादिवसेन पवत्तिता पमादलेखा नाम, सा च समन्तपासादिकायं तत्थ तत्थ सयमेव आविभवस्सति । पुन **यस्माति** पदस्स सम्बन्धदस्सनवसेन अयं अत्थयोजना — यस्मा अट्टकथासु वुत्तं इध इमस्मिं सासने सिक्खासु सगारवानं पण्डितानं पमाणमेव, यस्मा च अयं वण्णनापि भासन्तरपरिच्चागादिमत्तविसट्टुताय अत्थतो अभिन्ना, ततो एव पमाणभूताव हेस्सति, तस्मा अनुसिक्खितब्बाति ।

**ततोति** ताहि अट्टकथाहि । **भासन्तरमेव हित्वाति** सीहळभासंयेव अपनेत्वा । **वित्थारमगज्च समासयित्वाति** पोराणट्टकथासु यथाठाने वत्तब्बमि पदत्थविनिच्छयादिकं अतिवित्थिण्णेन वचनक्कमेन चेव वुत्तमेव अत्थनयं अप्पमत्तकविसेसेन पुनप्पुनं कथनेन च तत्थ तत्थ पपज्चितं तादिसं वित्थारमगं पहाय सल्लहुकेन अत्थविज्जापकेन पदक्कमेन चेव वुत्तनयसदिसं वत्तब्बं अतिदिसित्वा च सङ्केपनयेनेव वण्णयिस्सामाति अधिप्पायो । **सारत्थदीपनियं** पन विनयटीकायं “पोराणट्टकथासु उपरि वुच्चमानमि आनेत्वा तत्थ तत्थ पपज्चितं जत्तिचतुत्थेन कम्मन्...पे... उपसम्पन्नाति भिक्खूति एत्थ अपलोकनादीनं चतुन्मि कम्मानं वित्थारकथा विय तादिसं वित्थारमगं सङ्घिपित्वा”ति वुत्तं, तं तन्तिककमं कज्चि अवोक्कमित्वाति एत्थेव वत्तुं युत्तं । अज्जत्थ पाळिया वत्तब्बं अज्जत्थ कथनज्हि तन्तिककमं वोक्कमित्वा कथनं नाम । तथा हि वुत्तं “तथेव वण्णितुं युत्तरूपं हुत्वा अनुक्कमेन आगतं पाळिं परिच्चजित्वा संवण्णनतो सीहळट्टकथासु अयुत्तट्टाने वण्णितं यथाठानेयेव वण्णनतो च वुत्तं ‘तन्तिककमं कज्चि अवोक्कमित्वा’”ति । तस्मा यथावुत्तनयेनेव अत्थो गहेतब्बो । कथं पन वित्थारमगस्स सङ्घिपने विनिच्छयो न हीयतीति? आह “विनिच्छयं सब्बमसेसयित्वा”ति । सङ्घिपन्तोपि पुनप्पुनं वचनादिमेव सङ्घिपन्तो, विनिच्छयं पन अट्टकथासु सब्बासुपि वुत्तं सब्बमि असेसयित्वा, किज्चिमत्तमि अपरिहापेत्वाति वुत्तं होति । **तन्तिककमं कज्चि अवोक्कमित्वाति** कज्चि पाळिक्कमं अनतिकमित्वा, अनुक्कमेनेव पाळि वण्णयिस्सामाति अत्थो ।

**सुत्तन्तिकानं वचनानमत्थन्ति** वेरज्जकण्ठादीसु आगतानं ज्ञानकथादीनं सुत्तन्तवचनानं सीहळट्टकथासु “सुत्तन्तिकानं भारो”ति वत्त्वा अवण्णितब्बट्टानं अत्थं तंतं सुत्तानुरूपं सब्बसो परिदीपयिस्सामाति अधिप्पायो । **हेस्सतीति** भविस्सति, करीयिस्सतीति वा अत्थो । एत्थ च पठमस्मिं अत्थविकप्पे “भासन्तरपरिच्चागादिकं चतुब्बिधं किच्चं निष्पादेत्वा सुत्तन्तिकानं वचनानमत्थं

**परिदीपयन्ती** अयं वण्णना भविस्सती”ति वण्णनावसेन समानकत्तुकता वेदितव्वा। पच्छिमस्मिं अत्थविकपे पन “हेट्ठा वुत्तभासन्तरपरिच्चागादिकं कत्वा सुत्तनिकानं वचनानमत्थं परिदीपयन्ती अयं वण्णना अम्हेहि करीयिस्सती”ति एवं आचरियवसेन समानकत्तुकता वेदितव्वा।

गन्थारम्भकथावण्णनानयो निड्डितो।

### बाहिरनिदानकथा

इदानीं संवरविनयपहानविनयादीसु बहसु विनयेसु अत्तना “तं वण्णयिस्सं विनयं”न्ति एवं संवण्णेतब्बभावेन पटिञ्जातं विनयं दस्सेन्तो आह **तत्थाति** आदि। तत्थ **तत्थाति** यथावुत्तासु गाथासु। **ताव-**सदो पठमन्ति इमस्मिं अत्थे दट्ठब्बो, तेन पठमं विनयं ववत्थपेत्वा पच्छा तस्स वण्णनं करिस्सामाति दीपेति। **ववत्थपेत्तब्बो**ति नियमेतब्बो। **तेनेतं वुच्चतीति** यस्मा ववत्थपेतब्बो, तेन हेतुना एतं विनयो नामातिआदिकं नियामकवचनं वुच्चतीति अत्थो। **अस्साति** विनयस्स। **मातिकाति** उदेसो। सो हि निदेसपदानं जननीठाने ठितत्ता माता वियाति “मातिका”ति वुच्चति।

इदानीं संवण्णेतब्बमत्थं मातिकं पट्टपेत्वा दस्सेन्तो आह **वुत्तं येनाति** आदि। इदं वुत्तं होति — एतं तेन समयेन बुद्धो भगवा वेरञ्जायं विहरतीति आदिनिदानवचनपटिमण्डितं विनयपिटकं येन पुग्गलेन वुत्तं, यस्मिं काले वुत्तं, यस्मा कारणा वुत्तं, येन धारितं, येन च आभतं, येसु पतिट्ठितं, एतं यथावुत्तविधानं वत्ता ततो तेन समयेनातिआदिपाठस्स अत्थं अनेकपकारतो दस्सेन्तो विनयस्स अत्थवण्णनं करिस्सामीति।

एत्थ च वुत्तं येन **यदा यस्माति** इदं वचनं तेन समयेन बुद्धो भगवाति आदिनिदानवचनमत्तं अपेक्खित्वा वत्तुकापोपि विसुं अवत्वा “निदानेन आदिकल्याणं, इदमवोचाति निगमनेन परियोसानकल्याणं”न्ति वचनतो निदाननिगमनानिपि सत्थुदेसनाय अनुविधानत्ता तदन्तो गधत्ता निदानस्सापि विनयपाठियंयेव अन्तो गधत्ता वुत्तं येन यदा यस्माति इदम्पि विनयपिटकसम्बन्धयेव कत्वा मातिकं ठपेति। मातिकाय हि एतन्ति वुत्तं विनयपिटकंयेव सामञ्जसो सब्बत्थ सब्बन्धमुपगच्छति।

इदानीं पन तं विसुं नीहरित्वा दस्सेन्तो **तत्थ वुत्तं येनाति** आदिमाह। **तत्थाति** तेसु मातिकापदेसु। **इदन्ति** तेन समयेनाति आदिनिदानवचनं। **हि-**सदो यस्माति अत्थो दट्ठब्बो, यस्मा बुद्धस्स भगवतो अत्तपच्चक्खवचनं न होति, तस्माति वुत्तं होति। **अत्तपच्चक्खवचनं न होतीति** अत्तना पच्चक्खं कत्वा वुत्तवचनं न होति। अथ वा अत्तनो पच्चक्खकाले धरमानकाले वुत्तवचनं न होति। तदुभयेनापि भगवतो वुत्तवचनं न होतीति अत्थो।

### पठममहासङ्गीतिकथावण्णना

**पठममहासङ्गीति नाम चेसाति** एत्थ **च-**सदो वत्तब्बसम्पिण्डनत्थो, उपञ्जासत्थो वा, उपञ्जासोति च वाक्यारम्भो वुच्चति। एसा हि गन्थकारानं पकति, यदिदं किञ्चि वत्ता पुन अपरं वत्तुमारभन्तानं च-सदपयोगो। यथापच्चयं तत्थ तत्थ देसितत्ता विपक्किण्णां धम्मविनयानं सभागत्यवसेन सङ्गहेत्वा गायनं कथनं सङ्गीति, महाविसयत्ता पूजनीयत्ता च महती सङ्गीति महासङ्गीति। दुतियादि उपादाय चेसा “पठममहासङ्गीती”ति वुत्ता। निददाति देसनं देसकालादिवसेन अविदितं विदितं कत्वा निदस्सेतीति **निदानं**, तत्थ **कोसल्लत्थं**।

वेनेय्यानं मग्गफलपुत्तिहेतुभूताव किरिया निप्परियायेन बुद्धकिच्चन्ति आह “धम्मचक्कपवत्तनञ्जि आदि कत्वा”ति। तत्थ सतिपट्टानादिधम्मो एव पवत्तनट्टेन चक्कन्ति **धम्मचक्कं**, चक्कन्ति वा आणा, तं धम्मतो अनपेत्ता धम्मचक्कं, धम्मेन जायेन चक्कन्तिपि धम्मचक्कं। **कतबुद्धकिच्चो**ति निड्डितबुद्धकिच्चो भगवति लोकनाथेति सम्बन्धो। **कुसिनारायन्ति** समीपत्थे एतं भूमवचनं। **उपवत्तने मल्लानं सालवने**ति तस्स नगरस्स उपवत्तनभूतं मल्लराजूनं सालवनुय्यानं दस्सेति। तत्थ नगरं पविसन्ता उय्यानतो उपेच्च वत्तन्ति गच्छन्ति एतेनाति “उपवत्तनं”न्ति उय्यानस्स च नगरस्स च मज्जे सालवनं वुच्चति। कुसिनाराय हि दक्खिणपच्छिमदिसाय तं उय्यानं होति, ततो उय्यानतो सालवनराजिविराजितो मग्गो पाचीनाभिमुखो गन्त्वा नगरस्स दक्खिणद्वाराभिमुखो उत्तरेन निवत्तो, तेन मग्गेन मनुस्सा नगरं पविसन्ति, तस्मा तं “उपवत्तनं”न्ति वुच्चति। तत्थ किर उपवत्तने अञ्जमञ्जसंसङ्घट्टपानं सम्पन्नछायानं सालपन्तीनमन्तरे भगवतो परिनिब्बानमञ्चो पञ्जतो, तं सन्धाय वुत्तं “यमकसालानमन्तरे”ति। उपादीयति कम्माकिलेसेहीति उपादि, विपाकक्खन्धा कटत्ता च रूपं। तदेव कम्माकिलेसेहि सम्मा अण्णहीनताय सेसो, नत्थि एत्थ उपादिसेसोति **अनुपादिसेसा**, निब्बानधातु, ताय। इत्थम्भूतलक्खणे चायं करणनिदेसो। **परिनिब्बानेति** निमित्तत्थे भुम्मं, परिनिब्बानहेतु तस्मिं ठाने सन्निपतितानन्ति अत्थो। सङ्गस्स थरो जेट्ठो **सङ्गत्थेरो**। एत्थ च सङ्गसदस्स भिक्खुसत्तसहस्ससदसापेक्खत्तेपि गमकत्ता थेरसहेन समासो यथा देवदत्तस्स गरुकुलन्ति। आयस्मा महाकस्सपो धम्मविनयसङ्गायनत्थं भिक्खूनं उस्साहं जनेसीति सम्बन्धो।

तथा उस्साहं जननस्स कारणमाह **सत्ताहपरिनिब्बुतेति** आदि। सत्त अहानि समाहटानि सत्ताहं, सत्ताहं परिनिब्बुतस्स अस्साति सत्ताहपरिनिब्बुतो, सत्ताहपरिनिब्बुते सुभदेन वुड्डपुब्बजितेन वुत्तवचनमनुस्सरन्तीति सम्बन्धो। **अलं, आवुसोति** आदिना तेन वुत्तवचनं दस्सेति। तत्थ **अलन्ति** पटिक्खेपवचनं। **तेन महासमणेनाति** निस्सक्के करणवचनं, ततो महासमणतो सुट्ठु मुत्ता मयन्ति अत्थो, उगुहत्ता च होम तदाति अधिप्पायो, होमाति वा अतीतत्थे वत्तमानवचनं, अहुम्हाति अत्थो। **ठानं खो पनेतं विज्जतीति** तिड्ढति एत्थ फलं तदायत्तवुत्तितायाति **ठानं**, हेतु। **खोति** अवधारणे, एतं कारणं विज्जतेव, नो न विज्जतीति अत्थो। किं तं कारणन्ति? आह **यं पापभिक्खूति** आदि। एत्थ **यन्ति** निपातमत्तं, कारणनिदेसो वा, येन कारणेन अन्तरधापेय्यं, तदेतं कारणं विज्जतीति अत्थो। अतीतो अतिक्कतो सत्था एत्थ, एतस्साति वा **अतीतसत्थुकं**, पावचनं। पधानं वचनं **पावचनं**, धम्मविनयन्ति वुत्तं होति। **पक्खं लभित्वाति** अलज्जीपक्खं लभित्वा। **न चिरस्सेवाति** न चिरेनेव। **याव च धम्मविनयो तिड्ढतीति** यत्तकं कालं धम्मो च विनयो च लज्जीपुग्गलेसु तिड्ढति।

**वुत्तज्जेतं भगवताति** परिनिब्बानमञ्चे निपन्नेन भगवता वुत्तन्ति अत्थो। **देसितो पञ्जतो**ति सुत्ताभिधम्मपिटकसङ्गहितस्स धम्मस्स चेव विनयपिटकसङ्गहितस्स विनयस्स च अतिसज्जनं पबोधनं देसना। तस्सेव पकारतो आपनं असङ्करतो उपनं पञ्जापनं। **सो वो ममच्चयेन सत्थाति** सो धम्मविनयो तुम्हाकं ममच्चयेन सत्था मयि परिनिब्बुते सत्थुकिच्चं साधेस्सति। **सासनन्ति** परियत्तिपटिपटिपटिवेधवसेन तिविधं सासनं, निप्परियायतो पन सत्तत्तिस्स बोधिपक्खियधम्मा। **अद्धनियन्ति** अद्धानकखमं, तदेव **चिरड्डितिकं अस्स** भवेय्याति सम्बन्धो।

इदानीं सम्मासम्बुद्धेन अत्तनो कतं अनुगहविसेसं विभावेन्तो आह **यञ्चाहं भगवताति** आदि। तत्थ **यञ्चाहन्ति** एतस्स अनुगहितोति एतेन सम्बन्धो। तत्थ **यन्ति** यस्मा, येन कारणेनाति वुत्तं होति। किरियापरामसनं वा एतं, तेन अनुगहितोति एत्थ अनुगहणं परामसति। **धारेस्ससीति** आदिकं भगवता महाकस्सपत्थेरेन सङ्घि चीवरपरिवत्तनं कातुकामेन वुत्तवचनं। **धारेस्ससि पन मे त्वं कस्सपाति** “कस्सप, त्वं इमानि परिभोगजिण्णानि पंसुकूलानि पारुपितुं सक्खिस्ससी”ति वदति, तञ्च खो न कायबलं सन्धाय, पटिपत्तिपूरणं पन सन्धाय एवमाह। **साणानि पंसुकूलानीति** मतकळेवरं पलिवेठेत्वा छट्ठितानि तुम्बमत्ते किमयो पफोठेत्वा गहितानि साणवाकमयानि पंसुकूलचीवरानि। रथिकादीनं यत्थ कत्थं च पंसून् उपरि ठितत्ता अब्भुगतट्टेन तेसु कूलमिवाति पंसुकूलं। अथ वा पंसु विय कुच्छितभावं उलति गच्छतीति पंसुकूलन्ति पंसुकूलसदस्स अत्थो दट्ठब्बो। **निब्बसनानीति** निड्डितवसनाकित्थानि, परिभोगजिण्णानीति अत्थो। एकमेव तं चीवरं अनेकावयवत्ता बहुवचनं कतं। **साधारणपरिभोगेनाति** अत्तना समानपरिभोगेन, साधारणपरिभोगेन च समसमट्टपनेन च अनुगहितोति सम्बन्धो।

इदानीं नवानुपुब्बविहारछळभिञ्जाणभेदे उत्तरिमनुस्सधम्मे अत्तना समसमट्टपनत्थाय भगवता वुत्तं **कस्सपसंयुते** (सं० नि० २.१५२) आगतं पाळि पेय्यालमुखेन आदिगहणेन च सङ्घिपित्वा दस्सेन्तो आह **अहं, भिक्खवेति** आदि। तत्थ **यावदेव आकङ्कामीति** यावदेव आकङ्कामि, यत्तकं कालं इच्छामीति अत्थो, “यावदेवा”तिपि पाठो। **नवानुपुब्बविहारछळभिञ्जाणभेदेति** एत्थ **नवानुपुब्बविहारो** नाम अनुपटिपाटिया समापज्जितब्बभावतो एवंसज्जिता निरोधसमापत्तिया सह अट्ठ रूपारूपसमापत्तियो। **छळभिञ्जा** नाम आसवक्खयञ्जाणेन सङ्घि पञ्चाभिञ्जायो। **अत्तना समसमट्टपनेनाति** “अहं यत्तकं कालं यत्तके समापत्तिविहारे अभिञ्जायो च वळज्जेमि, तथा कस्सपोपी”ति एवं यथावुत्तउत्तरिमनुस्सधम्मे अत्तना समसमं कत्वा उपनेन, इदञ्च उत्तरिमनुस्सधम्मसामञ्जेन थेरस्स पसेसामत्तेन वुत्तं, न भगवता सङ्घि सब्बथा समताय। भगवतो हि गुणविसेसं उपादाय सावका पच्चेकबुद्धा च कलम्पि कलभागम्पि न उपेत्ति, तस्स किमञ्जं आणण्यं भविस्सति अञ्जत्र धम्मविनयसङ्गायनाति अधिप्पायो। तत्थ **तस्साति** तस्स अनुगहस्स, तस्स मेति वा अत्थो गहेतब्बो। पोत्थकेसु हि केसुचि “तस्स मे”ति पाठो दिस्सति। **आणण्यं** अणणभावो। **सककवचइस्सरियानुप्यदानेनाति** एत्थ चीवरस्स निदस्सनवसेन कवचस्सेव गहणं कतं, समापत्तिया निदस्सनवसेन इस्सरियं गहितं।

इदानीं यथावृत्तमर्थं पाळिया विभावेन्तो आह यथाहातिआदि । तत्थ एकमिदाहन्ति एत्थ इदन्ति निपातमत्तं । एकं समयन्ति एकस्मिं समयेति अत्थो । पावायाति पावानगरतो । अद्धानमगगपटिपन्नोति दीघमगगपटिपन्नो । दीघपरियायो हेत्थ अद्धानसद्दो । सब्बं सुभदकण्डं वित्थारतो वेदितब्बन्ति पञ्चसतिककखन्धके आगतं सुभदकण्डं इध आनेत्वा वित्थारेतब्बं ।

ततो परन्ति सुभदकण्डतो परं । सब्बं सुभदकण्डं वित्थारतो वेदितब्बन्ति इमिना “यं न इच्छिस्साम, न तं करिस्सामा”ति एतं परियन्तं सुभदकण्डपाळिं दस्सेत्वा इदानीं अवसेसं उस्साहजननप्यकारणवत्तं पाळिमेव दस्सेन्तो हन्द मयं आवुसोतिआदिमाह । तत्थ पुरे अधम्मो दिप्पतीति एत्थ “अधम्मो नाम दसकुसलकम्मपथपटिपक्खभूतो अधम्मो”ति सारत्थदीपनियं (सारत्थं टी० १. पठममहासङ्गीतिकथावण्णना) वुत्तं । धम्मसङ्गहणत्थं उस्साहजननप्यसङ्गता पन धम्मविनयानं असङ्गायनहेतुदोसगणो सम्भवति, सो एव एत्थ अधम्मो दिप्पति तपटिपक्खो धम्मो च पटिबाहीयतीति वत्तब्बं । अपि च “अधम्मवादिनो बलवन्तो होन्ति धम्मवादिनो दुब्बला होन्ती”ति वुच्चमानत्ता येन अधम्मेन ते सुभदवज्जिपुत्तकादयो अधम्मवादिनो, येन च धम्मेन इतरे धम्मवादिनोव होन्ति । तेयेव इध “अधम्मो” “धम्मो”ति च वत्तब्बा । तस्मा सीलविपत्तिआदिहेतुको पापिच्छतादिदोसगणो अधम्मो, तपटिपक्खो सीलसम्पदादिहेतुको अपिच्छतादिगुणसमूहो धम्मोति च गहेतब्बं । पुरे दिप्पतीति अपि नाम दिप्पति । अथ वा याव अधम्मो धम्मं पटिबाहितुं समत्थो होति, ततो पुरेतरमेवाति अत्थो । दिप्पतीति दिप्पिस्सति । पुरेसहयोगेन हि अनागतत्थे अयं वत्तमानप्ययोगो, यथा पुरा वस्सति देवोति । अविनयोति पहानविनयादीनं पटिपक्खभूतो अविनयो ।

तेन हीति उद्योजनत्थे निपातो । सकलनवङ्गसत्थुसासनपरियत्तिधरेति सकलं सुत्तगोय्यादिनवङ्गं एत्थ, एतस्स वा अर्थीति सकलनवङ्गं, सत्थुसासनं । अत्थकामेन परियापुणितब्बतो दिडुधम्मिकादिपुरिसत्थपरियत्तिभावतो च “परियत्ती”ति तीणि पिटकानि वुच्चन्ति, तं सकलनवङ्गसत्थुसासनसङ्घातं परियत्ति धारेन्तीति सकलनवङ्गसत्थुसासनपअर्यत्तिधरा, तादिसीति अत्थो । समथभावनासिनेहाभावेन सुक्खा लूखा असिनिद्धा विपस्सना एतेसन्ति सुक्खविपस्सका । तिपिटकसब्बपरियत्तिप्यभेदधरेति तिण्णं पिटकानं समाहारो तिपिटकं, तदेव नवङ्गादिवसेन अनेकभेदभिन्नं सब्बं परियत्तिप्यभेदं धारेन्तीति तिपिटकसब्बपरियत्तिप्यभेदधरा ।

किस्स पनाति कस्मा पन । सिक्खतीति सेक्खो । तमेवाह “सकरणीयो”ति । उपरिमगगतयकिच्चस्स अपरियोसितत्ता सकिच्चोति अत्थो । अस्साति अनेन । बहुकारत्ताति बहुपकारत्ता । अस्साति भवेत्थ । अतिविय विस्सत्थोति अतिविय विस्सासिको । नन्ति आनन्दत्थेरं ओवदतीति सम्बन्धो । आनन्दत्थेरस्स कदाचि असज्जताय नवकाय सङ्घिविहारिकपरिसाय जनपदचारिकाचरणं, तेसज्ज सङ्घिविहारिकानं एकक्खणे उपब्बज्जज्ज पटिच्च महाकस्सपत्थेरो तं निगणहन्तो एवमाह “न वायं कुमारको मत्तमज्जासी”ति । एत्थ च वा-सद्दो पदपूरणो, अयं कुमारो अत्तनो पमाणं न पटिजानातीति थेरं तज्जेन्तो आह । तत्राति एवं सति ।

किञ्चापि सेक्खोति इदं न सेक्खानं अगतिगमनसम्भावेन वुत्तं, असेक्खानज्जेव पन उच्चिन्तित्वा गहितत्ताति दडुब्बं । तस्मा “किञ्चापि सेक्खो, तथापि थेरो आयस्मन्तम्मि आनन्दं उच्चिनतू”ति एवमेत्थ सम्बन्धो वेदितब्बो, न पन किञ्चापि सेक्खो, तथापि अभब्बो अगतिं गन्तुन्ति योजेतब्बं । अभब्बोतिआदि पनस्स सभावकथनं । तत्थ छन्दोति छन्देन सिनेहेन । अगतिं गन्तुन्ति अकतब्बं कातुं । परियत्तीति अधीतो उगहितो ।

राजगहं खो महागोचरन्ति एत्थ गावो चरन्ति एत्थाति गोचरो, गुन्नं गोचरड्डानं । गोचरो वियाति गोचरो, भिक्खाचरणड्डानं । सो महन्तो अस्साति महागोचरं, राजगहं । उक्कोटेय्याति निवारय्य ।

सत्तसु साधुकीळनदिवसेसूति एत्थ संवेगवत्थुं कित्तेत्वा साधुकं एव पूजावसेन कीळनतो साधुकीळनं । उपकट्टाति आसन्ना । वस्सं उपनेति उपगच्छति एत्थाति वस्सूपनायिका ।

तत्र सुदन्ति तस्सं सावत्थियं, सुदन्ति निपातमत्तं । उस्सन्धातुकन्ति उपचितपित्तसेम्हादिधातुकं । समस्सासेतुन्ति सन्तप्पेतुं । दुतियदिवसेति जेतवनविहारं पविडुदिवसतो दुतियदिवसेति वदन्ति । विरिच्चति एतेनाति विरेचनं । ओसधपरिभावितं खीरमेव विरेचनन्ति खीरविरेचनं । यं सन्धाययाति यं भेसज्जपानं सन्धाय वुत्तं । भेसज्जमत्ताति अप्पमत्तकं भेसज्जं । अप्पत्थो हि अयं मत्ता-सद्दो मत्ता सुखपरिच्चागातिआदीसु (ध० प० २९०) विय ।

खण्डफुल्लपटिसङ्करणन्ति एत्थ खण्डन्ति छिन्नं, फुल्लन्ति भिन्नं, तेसं पटिसङ्करणं अभिनवकरणं ।

परिच्छेदवसेन वेदियति दिस्सतीति परिवेणं । तत्थाति तेसु विहारेसु खण्डफुल्लपटिसङ्करणन्ति सम्बन्धो । पठमं मासन्ति वस्सानस्स पठमं मासं, अच्चन्तसंयोगे चेत्तं उपयोगवचनं । सेनासनवत्तानं बहून् पञ्चत्ता, सेनासनकखन्धके (चूळव० २९४ आदयो) सेनासनपटिबद्धानं बहून् कम्मानं विहितत्ता “भगवता...पे०... वणिणत्त”न्ति वुत्तं ।

दुतियदिवसेति “खण्डफुल्लपटिसङ्करणं करोमा”ति चिन्तितदिवसतो दुतियदिवसे । वस्सूपनायिकदिवसेयेव ते एवं चिन्तेसुं । सिरिया निकेतनमिवाति सिरिया निवासनड्डानं विय । एकस्मिं पानीयतिथे सन्निपतन्ना पक्खिनो विय सब्बेसं जनानं चक्खुनि मण्डपेयेव निपतन्तीति वुत्तं “एकनिपाततित्थमिव च देवमनुस्सनयनविहङ्गान”न्ति । लोकरामणेय्यकन्ति लोके रमणीयभावं, रमणं अरहतीति वा लोकरामणेय्यकं । दडुब्बसारमण्डन्ति दडुब्बेसु सारं दडुब्बसारं, ततो विपसन्नन्ति दडुब्बसारमण्डं । अथ वा दडुब्बो सारभूतो विसिडुत्तरो मण्डो मण्डनं अलङ्कारो एतस्साति दडुब्बसारमण्डो, मण्डपो । मण्डं सुरियरस्मिं पाति निवारतीति मण्डपो । विविधानि कुसुमदामानि च व मुत्तोलम्बकानि च विनिगलन्तं वमेन्तं निक्खामेन्तमिव चारु सोभनं वितानं एत्थाति विविधकुसुमदामोलम्बकविनिगलन्तचारुवितानो । नानापुष्पपहारविचित्तुपरिनिडित्तभूमिकम्पत्ता एव “रतनविचित्तमणिकोट्टिमत्तलमिवा”ति वुत्तं । एत्थ च मणियो कोट्टेत्वा कततलं मणिकोट्टिमत्तलं नाम, तमिवाति वुत्तं होति । आसनारहन्ति निसीदनारहं । दन्तखचितन्ति दन्तेहि खचितं ।

आवज्जेसीति उपनामेसि । अनुपादायाति तण्हादिडिवसेन कच्चि धम्मं अगहेत्वा । कथादोसोति कथाय असच्चं नाम नत्थि ।

यथावुड्ढन्ति वुड्ढपटिपाटिं अनतिक्कमिक्त्वा । एकेति मज्झिमभाणकानयेव एके । पुब्बे वुत्तम्मि हि सब्बं मज्झिमभाणका वदन्तियेवाति वेदितब्बं । दीघभाणका पन “पदसाव थेरो सन्निपातमागतो”ति वदन्ति । तेसु केचि “आकासेना”ति, “ते सब्बेपि तथा तथा आगतदिवसानम्मि अत्थिताय एकमेकं गहेत्वा तथा तथा वदिंसू”ति वदन्ति ।

कं धुरं कत्वाति कं जेडुकं कत्वा । बीजनि गहेत्वाति एत्थ बीजनीगहणं परिसाय धम्मकथिकानं हत्थकुक्कुच्चाविनोदनमुखविकारपटिच्छादनत्थं धम्मतावसेन आचिण्णन्ति वेदितब्बं । तेनेव हि अच्चन्तसज्जतपत्ता बुद्धापि सावकापि धम्मकथिकानं धम्मतादस्सनत्थमेव चित्तबीजनि गणहन्ति । पठमं, आवुसो उपाति, पाराजिकं कत्थ पञ्चत्तन्ति एत्थ कथं सङ्गीतिया पुब्बे पठमभावो सिद्धोति? पातिमोक्खुहेसानुक्कमादिना पुब्बे पठमभावस्स सिद्धत्ता । येभुय्येन हि तीणि पिटकानि भगवतो धरमानकालेयेव इमिना अनुक्कमेन सज्जायितानि, तेनेव कमेन पच्छापि सङ्गीतानि विसेसतो विनयाभिधम्मपटिकानीति दडुब्बं । किस्मिं वत्थुस्मिन्ति निमित्तत्थे भुम्पं । अन्तरा च, भन्ते, राजगहं अन्तरा च नाळन्दन्ति राजगहस्स च नाळन्दाय च अन्तरा, विवरे मज्जेति अत्थो । अन्तरा-सद्देन पन युत्तत्ता उपयोगवचनं कत्तं । राजागारकेति रज्जो कीळनत्थाय कत्ते अगारके । अब्बलट्टिकायन्ति रज्जो एवंनामकं उय्यानं । केन सङ्घिन्ति इध कस्मा वुत्तन्ति? यस्मा पनेत्तं न भगवता एव वुत्तं, रज्जापि किञ्चि किञ्चि वुत्तम्मि, तस्मा “कमारब्भा”ति अवत्ता एवं वुत्तन्ति दडुब्बं । वेदेहिपुत्तेनाति अयं कोसलरज्जो धीताय पुत्तो, न विदेहरज्जो धीताय । यस्मा माता पनस्स पण्डिता, तस्मा सा वेदेन जाणेन ईहति घटति वायमतीति “वेदेही”ति पाकटनामा जाताति वेदितब्बा ।

एवं निमित्तपयोजनकालेदसदसकारककरणप्यकारोहि पठममहासङ्गीतिं दस्सेत्वा इदानीं तत्थ ववत्थापितेसु धम्मविनयेसु नानप्यकारकोसल्लत्थं एकविधादिभेदे दस्सेत्तु तदेत्तं सब्बम्पीतिआदिमाह । तत्थ अनुत्तरं सम्मासम्बोधिन्ति एत्थ अनावरणजाणपदड्डानं मगगजाणं, मगगजाणपदड्डानञ्च अनावरणजाणं “सम्मासम्बोधि”ति वुच्चति । पच्चवेक्खन्तेन वाति उदनादिवसेन पवत्तधम्मं सन्धाय्याह । विमुत्तिरसन्ति अरहत्तफलस्सादं, विमुत्तिसम्पत्तिकं वा अगगफलनिष्पादनतो, विमुत्तिकिच्चं वा किलेसानं अच्चन्तविमुत्तिसम्पादनतो । अवसेसं बुद्धवचनं धम्मोति एत्थ यदिपि धम्मो एव विनयोपि परियत्तियादिभावतो, तथापि विनयसदसन्निधानेन भिन्नाधिकरणभावेन पयुत्तो धम्म-सद्दो विनयतन्तिविरहितं तन्तिं दीपेति, यथा पुञ्जजाणसम्मारो गोबलिबहन्तिआदि ।

अनेकजातिसंसारान्ति इमिस्सा गाथाय अयं सङ्खपत्थो — अहं इमस्स अत्तभावगेहस्स कारकं तण्हावड्ढुकिं गवेसन्तो येन जाणेन तं दड्ढुं सक्का, तं बोधिजाणं अनिब्बिसं अलभन्तो एव अभिनीहारतो पभुति एतकं कालं अनेकजातिसत्तसहस्ससङ्ख्यं इमं संसारवट्ठं सन्धाविस्सं संसरिं, यस्मा जराब्बाधिमरणमिस्सताय जाति नामेसा पुनपुनं उपगन्तुं दुक्खा, न च सा तस्मिं अदिट्ठे निवत्तति, तस्मा तं गवेसन्तो सन्धाविस्सन्ति अत्थो। दिट्ठोसीति इदानीं मया सब्बज्जुतज्जाणं पटिविज्झन्तेन दिट्ठो असि। पुन गेहन्ति पुन इमं अत्तभावसङ्घातं मम गेहं। न काहसीति न करिस्ससि। कारणमाह सब्बा तेतिआदि। तव सब्बा अवसेसकिलेसफासुका मया भग्गा। इमस्स तया कतस्स अत्तभावगेहस्स अविज्जासङ्घातं कूटं कण्णिकमण्डलं विसङ्घतं विड्डंसितं। विसङ्घारं निब्बानं आरम्भणकरणवसेन गतं मम चित्तं। अहञ्च तण्हानं खयसङ्घातं अरहणमग्गफलं अज्झगा पत्तोस्मीति अत्थो। केचि पन “विसङ्घारगतं चित्तमेव तण्हानं खयं अज्झगा”ति एवमिपि अत्थं वदन्ति।

केचीति खन्धकभाणका। पाटिपददिवसेति इदं पच्चवेक्खन्तस्स उप्यन्नाति एतेन सम्बन्धितव्वं, न सब्बज्जुभावपत्तस्साति एतेन। सोमनस्समयजाणेनाति सोमनस्ससम्पयुत्तजाणेन। आमन्तयामीति निवेदयामि, बोधेमीति अत्थो। अन्तरेति अन्तराळे, वेमज्झेति अत्थो।

सुत्तन्तिपिटकन्ति यथा कम्ममेव कम्मन्तं, एवं सुत्तमेव सुत्तन्ति वेदितव्वं। असङ्गीतन्ति सङ्गीतिकखन्धक (चूळव० ४३७ आदयो) कथावत्थुप्पकरणादिकं। सोळसहि वारेहि उपलक्खितता “सोळस परिवारा”ति वुत्तं। तथा हि परिवारपाळियं (परि० १ आदयो) पठमं पाराजिकं कथं पञ्जतन्तिआदिना वुत्तं। पञ्जत्तिवारो कथापत्तिवारो विपत्तिवारो सङ्गहवारो समुद्धानवारो अधिकरणवारो समथवारो समुच्चयवारोति इमे अट्ठ वारा, तदनन्तरं “मेथुनं धम्मं पटिसेवनपच्चया पाराजिकं कथं पञ्जतन्ति”न्ति (परि० १८८) एवं पच्चयमत्तविसेसेन पुन वुत्ता तेयेव अट्ठ वारा चाति इमेसं सोळसन् वारानं वसेन भिक्खुविभङ्गस्स च भिक्खुनीविभङ्गस्स च पकासितता सोळसहि वारेहि उपलक्खितो परिवारो “सोळसपरिवारो”ति वुत्ताति वेदितव्वो।

दळ्हीकम्मसिथिलकरणप्योजनाति इदं लोकवज्जपण्णत्तिवज्जेसु यथाक्कमं योजेतव्वं। सज्जमवेलं अभिभवित्वा पवतो आचारो अज्झाचारो, वीतिककमो। तेनाति विविधनयतादिहेतुना। एतन्ति विविधविसेसनयत्तातिआदिगाथावचनं। एतस्साति विनयस्स।

इतरं पनाति सुत्तं। अत्तत्थपरत्थादिभेदेति एत्थ आदि-सद्देन दिट्ठधम्मिकसम्परायिकत्थे लोकियलोक्तरादिअत्थे च सङ्गणहाति। वेनेयज्झासयानुलोमेन वुत्तन्ति विनयं विय इस्सरभावतो आणापतिट्ठापनवसेन अदेसेत्वा वेनेय्यानं अज्झासयानुलोमेन चरितानुरूपं वुत्तता। अनुपुब्बसिक्खादिवसेन अदेसेत्वा वेनेय्यानं कालन्तरे अभिनिब्बन्ति दस्सेन्तो आह “सस्समिव फल”न्ति। उपायसमङ्गीनयेव निप्पज्जनभावं दस्सेन्तो “धेनु विय खीर”न्ति आह। न हि धेनुं विसाणादीसु, अकाले वा अविजातं वा दोहन्तो खीरं पटिलभति।

यन्ति यस्मा। एत्थाति अभिधम्मे। अभिधम्मन्ति सुपिनन्तेन सुवर्कविस्सट्ठिया अनापत्तिभावेपि अकुसलचेतना उपलब्धतीतिआदिना विनयपञ्चत्तिया सङ्करविरहिते धम्मे, “पुब्बापरिवरोधाभावतो सङ्करविरहिते धम्मे”तिपि वदन्ति। आरम्भणादीहीति आरम्भणसम्पयुत्तकम्मद्वारपटिपदादीहि। लक्खणीयत्ताति सज्जानितव्वता। यं पनेत्थ अविसिदुन्ति एत्थ विनयपिटकन्तिआदीसु तीसु सहेसु यं अविसिदुं समानं, तं पिटकसहन्ति अत्थो। मा पिटकसम्पदानेनाति पाळिसम्पदानवसेन मा गण्हत्थाति वुत्तं होति। यथावुत्तेनाति एवं दुविधत्थेनातिआदिना वुत्तप्पकारेन।

देसनासासनकथाभेदन्ति एत्थ देसनाभेदं सासनभेदं कथाभेदन्ति भेदसदो पच्चकं योजेतव्वो। भेदन्ति च नानतन्ति अत्थो। तेसूति पिटकेसु। सिक्खा च पहानानि च गम्भीरभावो च सिक्खापहानगम्भीरभावो, तज्ज यथारहं परिदीपयेति अत्थो। परियत्तिभेदन्ति परियापुणनभेदं विभावयेति सम्बन्धो। यहिं यस्मिं विनयादिके यं सम्पत्तिज्ज विपत्तिज्ज यथा पापुणाति, तम्पि सब्बं विभावयेति सम्बन्धो। अथ वा यं परियत्तिभेदं सम्पत्तिं विपत्तिज्ज यहिं यथा पापुणाति, तम्पि सब्बं विभावयेति योजेतव्वं। परिदीपना विभावना चाति हेड्डा गाथासु वुत्तस्स अनुरूपतो वुत्तं, अत्थतो पन एकमेव।

आणारहेनाति आणं पणेत्तुं अरहतीति आणागहो, भगवा सम्मासम्बुद्धता। सो हि महाकारुणिकताय च अविपरीतो देसकभावेन पमाणवचनत्ता च आणं पणेत्तुं अरहति। वोहारपरमत्थानम्पि सम्भवतो आह “आणाबाहुल्लतो”ति। इतो परेसुपि एसेव नयो। पठमन्ति विनयपिटकं। पचुरापराधा सेय्यसकत्थेरादयो। ते हि दोसबाहुल्लतो “पचुरापराधा”ति वुत्ता। पचुरो बहुको बहुलो अपराधो दोसो वीतिककमो येसन्ते पचुरापराधा। अनेकज्झासयातिआदीसु आसयोव अज्झासयो, सो च अत्थतो दिट्ठि जाणज्ज। चरियाति रागचरियादिका छ मूलचरिया। अथ वा चरियाति चरितं, तं सुचरितदुच्चरितवसेन दुविधं। अधिमुत्ति नाम सत्तानं पुब्बपरिचयवसेन अभिरुचि, सा दुविधा हीनपणीतभेदेन। यथानुलोमन्ति अज्झासयादीनं अनुरूपं। यथाधम्मन्ति धम्मसभावानुरूपं।

संवरासंवरोंति एत्थ खुट्ठको महन्तो च संवराति अत्थो। वुट्ठिअत्थो हेत्थ अ-कारो। दिट्ठिविनिवेठानाति दिट्ठिया विमोचनं। सुत्तन्तिपाळियं विविच्चेव कामेहीतिआदिना (दी० नि० १.२२६; सं० नि० २.१५२) समाधिदेसनाबाहुल्लतो सुत्तन्तिपिटके “अधिचित्तसिक्खा”ति वुत्तं। वीतिककमप्पहानं किलेसानन्ति संकिलेसधम्मानं, कम्मकिलेसानं वा यो कायवचोद्वारेहि वीतिककमो, तस्स पहानं। अनुसयवसेन सन्तानमनुवत्तन्ता किलेसा परियुट्ठितापि सीलभेदवसेन वीतिककमित्तं न लभन्तीति आह “वीतिककमपटिपक्खत्ता सीलस्सा”ति। परियुट्ठानप्पहानन्ति ओकासदानवसेन चित्ते कुसलपर्वत्तिं परियादित्वा समुप्पत्तिवसेन ठानं परियुट्ठानं, तस्स पहानं। अनुसयप्पहानन्ति अरियमग्गेन अप्पहीनभावेन सन्ताने कारणलाभे उपज्जनारहा थामगता कामरागादयो सत्त किलेसा सन्ताने अनु अनु सयनतो अनुसया नाम, तेसं पहानं।

तदङ्गप्पहानन्ति तेन तेन दानसीलादिकुसलङ्गेन तस्स तस्स अकुसलङ्गस्स पहानं तदङ्गप्पहानं। दुच्चरितसंकिलेसस्स पहानन्ति कायवचोदुच्चरितमेव यत्थ उपज्जति, तं सन्तानं सम्मा किलेसेति उपापेतीति संकिलेसो, तस्स तदङ्गवसेन पहानं। समाधिस्स कामच्छन्दपटिपक्खत्ता सुत्तन्तिपिटके तण्हासंकिलेसस्स पहानं वुत्तं। अत्तादिसुज्जसभावधम्मप्पकासनतो अभिधम्मपिटके दिट्ठिसंकिलेसस्स पहानं वुत्तं।

एकमेकस्मिज्जेत्थाति एत्थ एतेसु तीसु पिटकेसु एकेकस्मिं पिटकेति अत्थो। धम्मोति पाळीति एत्थ धम्मस्स सीलादिविसिद्धत्ययोगतो, बुद्धानं सभावनिरुत्तिभावतो च पकट्टानं उक्कट्टानं वचनप्पबन्धानं आळि पन्तीति पाळि, परियत्तिधम्मो। सम्मुत्तिपरमत्थभेदस्स अत्थस्स अनुरूपवाचकभावेन परमत्थसहेसु एकन्तेन भगवता मनसा ववत्थापितो नामपञ्चत्तिप्पबन्धो पाळिधम्मो नाम। देसनाय धम्मस्स च को विसेसोति चे? यथावुत्तनयेन मनसा ववत्थापितधम्मस्स परेसं बोधनभावेन अतिसज्जना वाचाय पकासना “देसना”ति वेदितव्वो। तेनाह — “देसनाति तस्सा मनसा ववत्थापिताय पाळिया देसना”ति। तदुभयमिपि पन परमत्थतो सहो एव परमत्थविनिमुत्ताय सम्मुत्तिया अभावा। इममेव नयं गहेत्वा केचि आचरिया “धम्मो च देसना च परमत्थतो सहो एवा”ति वोहरन्ति, तेषि अनुपवज्जायेव। यथा “कामावचरपटिसन्धिवापाका परितारम्भणा”ति वुच्चन्ति, एवंसम्पदमिदं दडुब्बं। न हि “कामावचरपटिसन्धिवापाका निब्बत्तितपरमत्थविसयायेवा”ति सक्का वत्तुं इत्थिपुरिसादिआकारपरिवितक्कपुब्बकानं रागादिअकुसलानं मेत्तादिकुसलानज्ज आरम्भणं गहेत्वापि समुप्पज्जनतो। परमत्थधम्ममूलकता पनस्स परिकप्पस्स परमत्थविसयता सक्का पज्जपेत्तुं, एवमिधापीति दडुब्बं। तीसुपि चेतसेसु एते धम्मत्थदेसनापटिवेधा गम्भीराति सम्बन्धो। एत्थ च पिटकावयवानं धम्मादीनं वुच्चमानो गम्भीरभावो तंसमुदायस्स पिटकस्सापि वुत्तो येवाति दडुब्बो। दुक्खेन ओगहन्ति, दुक्खो वा ओगाहो ओगाहनं अन्तोपविसनमेतेसूति दुक्खोगाहा। एत्थाति एतेसु पिटकेसु, निड्डारणे चेतं भुम्मवचनं।

हेतुनो फलं हेतुफलं। धम्माभिलापोति अत्थव्यज्जनको अविपरीताभिलापो। विसयतो असम्मोहतो चाति लोकियलोक्तरानं यथाक्कमं अवबोधप्पकारदस्सनं, एतस्स अवबोधोति इमिना सम्बन्धो। लोकियो हि धम्मत्थादिं आलम्बित्वाव पवत्तन्तो विसयतो अवबोधोति वुच्चति। लोक्तरो पन निब्बानारम्भणताय तं अनालम्बमानोपि तब्बिसयमोहविड्डंसनेन धम्मादीसु पवत्तन्तो असम्मोहतो अवबोधोति वुच्चति। अत्थानुरूपं धम्मसूति कारियानुरूपं कारणेसूति अत्थो। पज्जत्तिपथानुरूपं पज्जत्तीसूति छब्बिधनामपज्जत्तिया पथो पज्जत्तिपथो, तस्स अनुरूपं पज्जत्तीसूति अत्थो।

धम्मजातन्ति कारणप्पभेदो कारणमेव वा। अत्थजातन्ति कारियप्पभेदो, कारियमेव वा। या चायं देसनाति सम्बन्धो। यो चेत्याति एतासु धम्मत्थदेसनासु यो पटिवेधोति अत्थो। एत्थाति एतेसु तीसु पिटकेसु।

अलगहूपमाति एत्थ अलगहसद्देन अलगहगहणं वुच्चति वीणावादनं वीणातिआदीसु विय, गहणज्जेत्थ यथा डंसति, तथा दुग्गहणं दडुब्बं, इतरग्गहणे विरोधाभावा। तस्मा अलगहस्स गहणं उपमा एतिस्साति अलगहूपमा। अलगहोति चेत्य आसिविसो वुच्चति। सो हि अलं परियतो, जीवितहरणसमत्थो वा विससङ्घातो गदो अस्साति “अलगदो”ति वत्तव्वं “अलगदो”ति वुच्चति।

वट्टतो निस्सरणं अत्थो पयोजनं एतस्मात् **निस्सरणत्था**। भण्डागारिको विधाति **भण्डागारिको**, धम्मतरानुपालको, तस्स अत्थनिरपेक्खस्स परियत्ति **भण्डागारिकपरियत्ति**। **दुग्गहितानीति** दुडु गहितानि। तेनाह “उपास्मादिहेतु परियापुटा”ति। एत्थ च उपास्मो नाम परियत्ति निस्साय परवम्भनं। आदि-सहेन इतिवादप्पमोक्खलाभसक्कारादिं सङ्गहति। **यं सन्धायाति** यं परियत्तिदुग्गहणं सन्धाय। **वुत्तन्ति अलग्गपमसुते** (मं निं १.२३८) वुत्तं। **तज्जस्स अत्थं नानुभोन्तीति** तज्ज अस्स धम्मस्स सीलपरिपूर्णादिसङ्घातं अत्थं एते दुग्गहितगाहिनो नानुभोन्ति न विन्दन्ति। **पटिविद्धाकुप्पोति** पटिविद्धअरहत्तफलो।

इदानीं तीसु पिटकेसु यथारहं सम्पत्तिविपत्तियो निद्धारेत्वा दस्सेन्तो आह **विनये पनाति** आदि। तत्थ **तासंयेवाति** अवधारणं छळभिज्जाचतुपटिसम्भिदानं विनये पभेदवचनाभावं सन्धाय वुत्तं। **वेरज्जकण्डे** (पारां १२) हि तस्सो विज्जाव विभत्ता। दुतिये **तासंयेवाति** अवधारणं चतस्सो पटिसम्भिदा अपेक्खित्वा कतं तिस्सन्मिप्पि विज्जानं छसु अभिज्जासु अन्तोपविडुत्ता। **तासञ्चाति** एत्थ च-सहेन सेसानमि तत्थ अत्थिभावं दीपेति। **अभिधम्मपिटके** हि तस्सो विज्जा छ अभिज्जा चतस्सो पटिसम्भिदा च वुत्ता एव। पटिसम्भिदानं तत्थेव सम्मा विभत्तभावं दीपेत्तु **तत्थेवाति** अवधारणं कतं। **उपादिन्फस्सोति** मग्गेन मग्गपटिपादनफस्सो। **तेसन्ति** तेसं पिटकानं। **एतन्ति** एतं बुद्धवचनं।

**चतुत्तिसेव सुत्तन्ताति** गाथाय अयमत्थयोजना — यस्स निकायस्स सुत्तगणनतो चतुत्तिसेव सुत्तना वग्गसङ्गहवसेन तयो वग्गा यस्स सङ्गहस्साति तिवग्गो सङ्गहो, एस पठमो निकायो इध दीर्घनिकायोति। **अनुलोमिकोति** अपचचीको, अत्थानुलोमनतो अन्वत्थनामोति वुत्तं होति। **एकनिकायम्पीति** एकसमूहमि। **एवं चित्तन्ति** एवं विचित्तं। **यथयिदन्ति** यथा इमे। पौणिकचिक्खल्लिका खत्तिा, तेसं निवासो “पौणिकनिकायो चिक्खल्लिकनिकायो”ति वुच्चति। **पञ्चदसवगपरिगहोति** पञ्चदसहि वग्गेहि परिगहितो। **सुत्तन्तानं सहस्सानि सत्त सुत्तसतानि चाति** पाठे सुत्तन्तानं सत्तसहस्सानि सत्त सुत्तसतानि चाति योजेतब्बं। कत्थाचि पन “सत्त सुत्तसहस्सानि, सत्त सुत्तसतानि चा”ति पाठो। **पुब्बे निदस्सिताति** सुत्तन्तपिटकनिदसे निदस्सिता।

**वेदन्ति** जाणं। **तुट्ठिन्ति** पीतिं। **धम्मक्खन्धवसेनाति** धम्मरासिवसेन। द्वासीतिसहस्सानि बुद्धतो गण्हन्ति सम्बन्धो। **द्वे सहस्सानि भिक्खुतोति** धम्मसेनापतिआदीनं भिक्खून् सन्तिका तेहियेव देसितानि द्वे सहस्सानि गण्हिं। **मेति** मम हृदये, इति आनन्दत्थेरो अत्तानं निहिसति। **ये धम्मा** मम हृदये **पवत्तिनो**, ते **चतुरासीतिसहस्सानीति** योजना। इदञ्च भगवतो धरमानकाले उग्गहितधम्मक्खन्धवसेन वुत्तं, परिनिब्बुते पन भगवति आनन्दत्थेरेन देसितानं सुभसुत्तदं० निं १.४४४ आदयो। गोपकमोग्गल्लानसुत्तानं (मं निं ३.७९ आदयो), ततियसङ्कीर्तियं मोग्गलिपुत्ततिस्सत्थेरेन कथितकथावत्थुपकरणस्स च वसेन धम्मक्खन्धानं चतुरासीतिसहस्सतोपि अधिकता वेदितब्बा।

**एकानुसन्धिकं सुत्तन्ति** सतिपट्टानादि (दी० निं २.३७२ आदयो; मं निं १.१०५ आदयो)। **अनेकानुसन्धिकन्ति** परिनिब्बानसुत्तादि (दी० निं २.१३४ आदयो)। तज्हि नानाठानेसु नानाधम्मदेसनां वसेन पवत्तं। तिकदुक्कभाजनं धम्मसङ्गणियं निक्खेपकण्ड(धं स० ९८५ आदयो) अडुक्कथाकण्डवसेन (धं स० १३८४ आदयो) गहेतब्बं। **चित्तवारभाजनन्ति** इदं चित्तुप्पादकण्डवसेन (धं स० १ आदयो) वुत्तं। **अत्थि वत्थुति** आदीसु **वत्थु** नाम सुदिन्नकण्डादि (पारां २४ आदयो)। **मात्तिकाति** सिक्खापदं। **अन्तरापत्तीति** सिक्खापदन्तरेसु अज्जस्मिं वत्थुस्मिं पञ्चत्ता आपत्ति। **तिकच्छेदोति** तिकपाचिन्तियादितिकपरिच्छेदो। बुद्धवचनं सङ्गहितन्ति सम्बन्धो। **अस्साति** बुद्धवचनस्स। सङ्कीर्तियपरियोसाने साधुकारं ददमाना विधाति सम्बन्धो। अच्छरं पहरितुं युत्तानि **अच्छरियानि**, पुफवस्सचेलुक्खेपादीनि। या “पञ्चसता”ति च “थेरिका”ति च पवुच्चति, अयं पठममहासङ्कीर्तिय नामाति सम्बन्धो।

इति समन्तपासादिकाय विनयडुक्कथाय विमतिविनोदनियं

पठममहासङ्कीर्तियकथावण्णनानयो निड्ढितो।

**दुतियसङ्कीर्तियकथावण्णना**

एवं पठममहासङ्कीर्तिय दस्सेत्वा यदत्थं सा इध दस्सिता, तं निगमनवसेन दस्सेन्तो **इमिस्साति** आदिमाह। **तत्रायं आचरियपरम्पराति** तस्मिं जम्बुदीपे अयं आचरियानं पवेणी पटिपाटि। **विजिताविनोति** विजितसम्बल्लेसपटिपक्खता विजितवन्तो। **जम्बुसिरिद्धयेति** जम्बुसिरिदो सिरिन्तो अद्ध्यो नाम यस्स दीपस्स, तस्मिं जम्बुदीपेति वुत्तं होति। महन्तेन हि जम्बुरुक्खेन अभिलक्खितता दीपोपि “जम्बू”ति वुच्चति। **अच्छिज्जमानं** अविनस्समानं कत्वा। **विनयवंसन्ति** आदीहि तीहि विनयपाळियेव कथिता परियायवचनत्ता तेसं। **पकतञ्जुतन्ति** वेय्यत्तियं, पटुभावन्ति वुत्तं होति। **धुरगगाहोति** पधानगगाही, सब्बेसं पामोक्खो हुत्वा गण्होति वुत्तं होति। भिक्खून् समुदायो समूहो **भिक्खुसमुदायो**।

**यदाति** निब्बायिसूति सम्बन्धो। **जोतयित्वा च सब्बधीति** तमेव सद्धम्मं सब्बत्थ पकासयित्वा। **जुतिमन्तोति** पञ्चाजुतिया युत्ता, तेजवन्तो वा, महानुभावति अत्थो। **निब्बायिसूति** अनुपादिसेसाय निब्बानधातुया निब्बायिसु। **अनालयाति** अस्सङ्गा।

**अथाति** पच्छा, यदा परिनिब्बायिसु, ततो परन्ति अत्थो। **कप्पति सिद्धीलोनकप्पोति** एत्थ कप्प-सदो विकप्पत्थो, तेन सिद्धीलोनविकप्पोपि कप्पति। इदमि पक्खन्तरं कप्पतीति अत्थो, एवं सब्बत्थ। तत्थ सिद्धेन लोणं परिहरित्वा अलोनकपिण्डपातेन सद्धि भुज्जितुं कप्पति, सन्निधिं न करोतीति अधिप्पायो। **कप्पति द्वङ्गलकप्पोति** द्वङ्गलं अतिक्कन्ताय छायाय विकाले भोजनं भुज्जितुं कप्पतीति अत्थो। **कप्पति गामन्तरकप्पोति** “गामन्तरं गमिस्सामी”ति पवारितेन अनतिरिक्तभोजनं भुज्जितुं कप्पतीति अत्थो। **कप्पति आवासकप्पोति** एकसीमाय नानासेनासेनसु विसुं विसुं उपोसथादीनि सङ्गकम्मानि कातुं वट्टतीति अत्थो। **कप्पति अनुमतिकप्पोति** “अनागतानं आगतकाले अनुमतिं गहेस्सामा”ति तेसु अनागतेसुयेव वग्गेन सङ्गेन कम्मं कत्वा पच्छ अनुमतिं गहेत्तुं कप्पति, वग्गकम्मं न होतीति अधिप्पायो। **कप्पति आचिण्णकप्पोति** आचरियुपज्झायेहि आचिण्णो कप्पतीति अत्थो। सो पन एकच्चो कप्पति धम्मिको, एकच्चो न कप्पति अधम्मिकोति वेदितब्बो। **कप्पति अमथितकप्पोति** यं खोरं खोरभावं विजहितं दधिभावं असम्पत्तं, तं भुत्ताविना पवारितेन अनतिरिक्तं भुज्जितुं कप्पतीति अत्थो। **कप्पति जळोणिं पातुन्ति** एत्थ **जळोणीति** तरुणसुरा, यं मज्जसम्भारं एकतो कतं मज्जभावमसम्पत्तं, तं पातुं वट्टतीति अधिप्पायो। **जातरूपरजतन्ति** एत्थ सरसतो विकारं अनापज्जित्वा सब्बदा जातरूपमेव होतीति जातं रूपं एतस्साति **जातरूपं**, सुवण्णं। धवलसभावताय राजतीति **रजतं**, रूपियं। **सुसुनागपुत्तोति** सुसुनागस्स पुत्तो। **काकण्डकपुत्तोति** काकण्डकस्स ब्राह्मणस्स पुत्तो। **वज्जीसूति** जनपदनामत्ता बहुवचनं कतं।

**तदहुपोसथेति** एत्थ **तदहूति** तस्मिं अहनि। उपवसन्ति एत्थाति **उपोसथो**, उपवसन्तीति च सीलसमादानेन वा अनसनादिना वा उपेता हुत्वा वसन्तीति अत्थो। **कंसपातिन्ति** सुवण्णपातिं। **मासकरूपन्ति** मासको एव। **सब्बं ताव वत्तब्बन्ति** इमिना **सत्तसतिकक्खत्थे** (चूळव० ४४६ आदयो) आगता सब्बापि पाळि इध आनेत्वा वत्तब्बाति दस्सेति। सङ्गायितसदिसमेव सङ्गायिसूति सम्बन्धो।

सा पनायं सङ्कीर्तीति सम्बन्धो। **तेसूति** तेसु सङ्कीर्तिकारकेसु थरेसु। विस्सुता एते सद्धिविहारिका जेय्याति सम्बन्धो। **साणसम्भूतोति** साणदेसवासी सम्भूतत्थेरो। दुतियो सङ्गहोति सम्बन्धितब्बं। **पन्नभाराति** पतितक्खन्धभारा।

**अब्बुदन्ति** उपद्वं वदन्ति। “भगवतो वचनं थेनेत्वा अत्तनो वचनस्स दीपनतो अब्बुदन्ति चोरकम्म”न्ति एके। इदन्ति वक्खमाननिदस्सनं। सन्दिस्समाना मुखा **सम्मुखा**। **भावितमग्गन्ति** उपादितज्झानं। **साधु सप्परिसाति** एत्थ **साधूति** आयाचनत्थे निपातो, तं याचामीति अत्थो। **हट्टपहट्टोति** पुनपुनं सन्तुडो। **उदग्गुदग्गोति** सरीरविकारुप्पादनपीतिवसेन उदग्गुदग्गो, पीतिमा हि पुगलो कायचित्तानं उगगतता “उदग्गुदग्गो”ति वुच्चति।

**तेन खो पन समयेनाति** यस्मिं समये दुतियं सङ्कीर्तियं अकरिंसु, तस्मिं समयेति अत्थो। **तं अधिकरणं न सम्पापुणिसूति** तं वज्जिपुत्तकेहि उप्पादितं अधिकरणं विनिच्छिन्तितुं न सम्पापुणिसु नागमिंसु। नो अहुवत्थाति सम्बन्धो। यावतायुक्कं ठत्वा परिनिब्बुताति सम्बन्धो। किं पन कत्वा थेरा परिनिब्बुताति? आह **दुतियं सङ्गहं कत्वाति** आदि। **अनिच्चतावसन्ति** अनिच्चताधीनतं। **जम्मिन्ति** लामकं। **दुरभिसम्भवं** अनभिभवनीयं अतिक्कमित्तुं असक्कुणेयं अनिच्चतं एवं जत्वाति सम्बन्धो।

दुतियसङ्गीतिकथावण्णनानयो निडितो।

### ततियसङ्गीतिकथावण्णना

**सत्त वस्सान्ती**ति अच्चन्तसंयोगे उपयोगवचनं। **अतिच्छथा**ति अतिक्कमित्वा इच्छथ, इतो अञ्जथ गन्त्वा भिक्खं परियेसथाति अत्थो। **भत्तवस्सगकरणत्थायाति** भत्तस्स अञ्जोहरणकिच्चत्थाय, भुञ्जनत्थायाति अत्थो। “सोळसवस्सो”ति उहेसो कथनं अस्स अत्थीति **सोळसवस्सुहेसिको**, “सोळसवस्सिको”ति अत्थो।

**तीसु वेदेसू**तिआदीसु इरुवेदयजुवेदसामवेदसङ्घातेसु तीसु वेदेसु। तयो एव किर वेदा अट्टकादीहि धम्मिकेहि इसीहि लोकस्स सगमग्गाविभावनत्थाय कता। तेनेव हि ते तेहि वुच्चन्ति। आथब्बणवेदो पन पच्छा अधम्मिकेहि ब्राह्मणेहि पाणवधादिअत्थाय कतो। पुरिमेसु च तीसु वेदेसु तेहेव धम्मिकसाखायो अपनेत्वा यागवधादिदीपिका अधम्मिकसाखा पक्खित्ताति वेदितब्बा। **निघण्डू**ति रुक्खादीनं वेवचनप्पासकं परियायानामानुरूपं सत्थं। तज्झि लोके “निघण्डू”ति वुच्चति। **केटुभन्ति** किटति गर्मेति किरियादिविभागन्ति केटुभं, किरियाकप्पविकप्पो कवीनं उपकारसत्थं। एत्थ च **किरियाकप्पविकप्पो**ति वचीभेदादिलक्खणा किरिया कप्पीयति विकप्पीयति एतेनाति किरियाकप्पो, सो पन वण्णपदबन्धपदत्थादिविभागतो बहुविकप्पोति “किरियाकप्पविकप्पो”ति वुच्चति। इदञ्च मूलकिरियाकप्पगन्थं सन्धाय वुत्तं। सह निघण्डुना केटुभेन च **सनिघण्डुकेटुभा**, तयो वेदा, तेसु सनिघण्डुकेटुभेसु। ठानकरणादिविभागतो च निब्बचनविभागतो च अक्खरा पभेदीयन्ति एतेनाति **अक्खरपभेदो**, सिक्खा च निरुत्तं च। सह अक्खरपभेदेनाति **साक्खरपभेदा**, तेसु साक्खरपभेदेसु। आथब्बणवेदं चतुत्थं कत्वा “इतिह आस इतिह आसा”ति ईदिसवचनपटिसंयुतो पोराणकथासङ्घातो इतिहासो पञ्चमो एतेसन्ति **इतिहासपञ्चमा**, तयो वेदा, तेसु इतिहासपञ्चमेसु।

**यस्स चित्तन्ति**आदि पञ्चद्वयं खीणासवानं चुतिचित्तस्स उप्पादक्खणं सन्धाय वुत्तं। तत्थ पठमपजे **उप्पज्जती**ति उप्पादक्खणसमङ्गिताय उप्पज्जति। **न निरुज्जती**ति निरोधक्खणं अपत्तताय न निरुज्जति। **तस्स चित्तन्ति** तस्स पुगलस्स तं चित्तं किं निरुज्जिस्सति आयतिञ्च नुप्पज्जिस्सतीति पुच्छा, तस्सा च विभज्जब्बाकरणीयताय एवमेत्थ विस्सज्जनं वेदितब्बं। अरहतो पच्छिमचित्तस्स उप्पादक्खणे तस्स चित्तं उप्पज्जति, न निरुज्जति, आयतिञ्च नुप्पज्जिस्सति, अवस्समेव निरोधक्खणं पत्वा निरुज्जिस्सति, ततो अपटिसन्धिकत्ता अञ्जं नुप्पज्जिस्सति। ठपेत्वा पन पच्छिमचित्तसमङ्गि खीणासवं इतरेसं उप्पादक्खणसमङ्गिचित्तं उप्पादक्खणसमङ्गिताय उप्पज्जति भङ्गं अपत्तताय न निरुज्जति, भङ्गं पन पत्वा निरुज्जिस्सतेव, अञ्जं पन तस्मिं वा अञ्जस्मिं वा अत्तभावे उप्पज्जिस्सति चेव निरुज्जिस्सति चाति। **यस्स वा पनाति**आदि दुतियपजे पन **निरुज्जिस्सति** नुप्पज्जिस्सतीति यस्स चित्तं उप्पादक्खणसमङ्गिताय भङ्गक्खणं पत्वा निरुज्जिस्सति अपटिसन्धिकताय नुप्पज्जिस्सति, तस्स खीणासवस्स तं चित्तं किं उप्पज्जति न निरुज्जतीति पुच्छा, तस्सा एकंसब्बाकरणीयताय “आमन्ता”ति विस्सज्जनं वेदितब्बं। **उद्धं वा अधो वा हरितुं असक्कोन्तो**ति उपरिमपदे वा हेड्डिमपदं हेड्डिमपदे वा उपरिमपदं अत्थतो समन्नाहरितुं घटेतुं पुब्बनापरं योजेत्वा अत्थं परिच्छिन्दितुं असक्कोन्तोति अत्थो।

सोताप्पन्नानं सीलेसु परिपूरकारिताय समादिन्नसीलतो नत्थि परिहानीति आह “अभब्बो दानि सासनतो निवत्तितु”न्ति। **वट्ठेत्वा**ति उपरिमगत्थाय कम्मट्ठानं वट्ठेत्वा। दन्ते पुनन्ति विसोर्धेन्ति एतेनाति **दन्तपोनं** वुच्चति दन्तकट्टं। अभिनवानं आगन्तुकानं लज्जीसभावं खन्तिमेत्तादिगुणसमङ्गितञ्च कतिपाहं सुट्ठु वीमसित्वाव हत्थकम्मादिसम्पटिच्छन् सङ्गहरणञ्च युत्तन्ति सामगेरस्स चेव अञ्जेसञ्च भिक्खून् दिट्ठानुगतिं आपज्जन्तानं जापनत्थं थेरो तस्स भब्बरूपतं अभिञ्जाय जत्वापि पुन सम्मज्जनादिं अकासि। “तस्स चित्तदमनत्थ”न्तिपि वदन्ति। **बुद्धवचनं पट्टपेसीति** बुद्धवचनं उगण्हापेतुं आरभि। सकलविनयाचारपटिपत्ति उपसम्पन्नानमेव विहिताति तप्परियापुणनमपि तेसञ्जेव अनुरूपन्ति आह “ठपेत्वा विनयपिटक”न्ति। तस्स चित्ते ठपितम्पि बुद्धवचनं सङ्गोपनत्थाय निव्यातितभावं दस्सेतुं “हत्थे पतिट्ठापेत्वा”ति वुत्तं।

**एकरज्जाभिसेकन्ति** सकलजम्बुद्वीपे एकाधिपच्चवसेन करियमानं अभिसेकं। **राजिद्धियोति** राजानुभावानुगतपभावा। **यतोति** यतो सोळसघटतो। देवता एव दिवसे दिवसे आहरन्तीति सम्बन्धो। **देवसिकन्ति** दिवसे दिवसे। **अगदामलकन्ति** अपकेनेव सरीरसोधनादिसमत्थं सब्बोदसहरं ओसधामलकं। **छन्ददहतीति** छन्ददहसमीपे ठितदेवविमानतो, कप्परुक्खतो वा, तत्थ तादिसा कप्परुक्खविसेसा सन्ति, ततो वा आहरन्तीति अत्थो। **असुत्तमयिकन्ति** सुतेहि अबद्धं दिव्वसुमनपुप्फेहेव कतं सुमनपुप्फपटं। **उड्डितस्स सालिनीति** संयंजातसालिनो, समुदायापेक्खञ्चेत्थ एकवचनं, सालीनन्ति अत्थो। **नव वाहसहस्सानीति** एत्थ चतस्सो मुड्डियो एको कुड्डवो, चत्तारो कुड्डवा एको पत्थो, चत्तारो पत्था एको आळ्हको, चत्तारो आळ्हका एकं दोणं, चत्तारि दोणानि एका मानिका, चतस्सो मानिका एका खारी, वीसति खारिका एको वाहो, तदेव “एकं सकट”न्ति **सुत्तनिपातदुक्कथादीसु** (सु० नि० अट्ठ० २.कोकालिकसुत्तवण्णना) वुत्तं। **नित्थुसकणे करोन्तीति** थुसकुण्डकरहिते करोन्ति। तेन निम्मितं बुद्धरूपं परस्सन्तोति सम्बन्धो। पुञ्ञपभावनिब्बत्तगहणं नागराजनिम्मितानं पुञ्ञपभावनिब्बत्तेहि सदिसताय कतं। **विमलकेतुमालाति** एत्थ **केतुमाला** नाम सीसतो निक्खमित्वा उपरिमुड्डनि पुञ्ञो हुत्वा दिस्समानरस्मिरासीति वदन्ति।

**बाहिरकपासण्डन्ति** बाहिरकप्पवेदितं समयवादं। **परिगण्णीति** वीमंसमानो परिगहेसि। **भद्वीठकेसूति** वेत्तमयपीठेसु। **सारोति** गुणसारो। **सीहपञ्जरेति** महावातपानसमीपे। किलेसविफण्णरहितचित्तताय **दन्तं**। निच्चं पच्चुपड्डितसतारक्खताय **गुत्तं**। **खुरग्गेवेवाति** केसोरोपनावसाने। आतिविय सोभतीति सम्बन्धो। **वाणिजको अहोसीति** मधुवाणिजको अहोसि।

**पुब्बे व सन्निवासेनाति** पुब्बे वा पुब्बजातियं वा सहवासेनाति अत्थो। **पच्चुप्पन्नहितेन वाति** वत्तमानभवे हितचरणेन वा। **एवं इमेहि द्वीहि कारणेहि तं सिनेहसङ्घातं पेमं जायते**। किं वियाति? आह “उप्पलं व यथोदके”ति। **उप्पलं वाति** रस्सकतो वा-सदो अवुत्तसम्पिण्डनत्थो। **यथा-सदो** उपमायं। इदं वुत्तं होति — यथा उप्पलञ्च सेसञ्च पदुमादि उदके जायमानं द्वे कारणानि निस्साय जायति उदकञ्चेव कललञ्च, एवं पेममीति (जा० अट्ठ० २.२.१७४)।

**धुवभत्तानीति** निच्चभत्तानि। **वज्जावज्जन्ति** खुद्दकं महन्तञ्च वज्जं। **मोगलिपुत्तितस्सत्थेरस्स भारमकासीति** थेरस्स महानुभावतं, तदा सासनकिच्चस्स नायकभावेन सङ्घपरिणायकतञ्च रज्जो जापेतुं सङ्घो तस्स भारमकासीति वेदितब्बं, न अञ्जेसं अजाननताय। **सासनस्स दायादोति** सासनस्स अब्भन्तरो जातको होमि न होमीति अत्थो। ये सासने पब्बजितुं पुत्तधीतरो परिचचजन्ति, ते बुद्धसासने सालोहितजातका नाम होन्ति, सकलसासनधारणे समत्थानं अत्तनो ओरसपुत्तानं परिचचत्ता न पच्चयमत्तदायकाति इममत्थं सन्धाय थेरो “न खो, महाराज, एत्तावता सासनस्स दायादो होती”ति आह। **कथञ्चरहीति** एत्थ **चरहीति** निपातो अक्खन्तिं दीपेति। **तिस्सकुमारस्साति** रज्जो एकमातुकस्स कनिडुस्स। **सक्खसीति** सक्खिस्ससि। **सिक्खाय पतिट्ठापेसुन्ति** पाणातिपाता वेरमणिआदीसु विकालभोजना वेरमणिपरियोसानासु छसु सिक्खासु पाणातिपाता वेरमणि द्वे वस्सानि अवोतिक्कम्म समादानं समादियामीतिआदिना (पाचि० १०७९) समादानवसेन सिक्खासम्पुत्तदानानन्तरं सिक्खाय पतिट्ठापेसु। छ वस्सानि अभिसेकस्स अस्साति **छवस्साभिसेको**।

**सब्बं थेरवादन्ति** द्वे सङ्गीतयो आरुळ्हा पाळि। सा हि महासङ्घिकादिभिन्नलद्धिकाहि विवेचेतुं “थेरवादो”ति वुत्ता। अयज्झि विभज्जवादो महाकस्सपत्थेरादीहि असङ्कृतो रक्खितो आनीतो चाति “थेरवादो”ति वुच्चति, “सथेरवाद”न्तिपि लिखन्ति। तत्थ “अट्टकथासु आगतथेरवादसहितं साट्ठकथं तिपिटकसङ्गहितं बुद्धवचन”न्ति आनेत्वा योजेतब्बं। **तेजोधातुं समापज्जित्वाति** तेजोकिंसिणारम्मणं झानं समापज्जित्वा।

**सभायन्ति** नगरमज्जे विनिच्छयसालायं। **दिट्ठिगतानीति** दिट्ठियोव। **न खो पनेतं सक्का इमेसं मज्जे वसन्तेन वूपसमेतुन्ति** तेसज्झि मज्जे वसन्तो तेसुयेव अन्तोगधत्ता आदेव्यवचनो न होति, तस्सा एवं चिन्तेसि। **अहोगङ्गपब्बतन्ति** एवंनामकं पब्बतं। “अधोगङ्गपब्बत”न्तिपि लिखन्ति, तं न सुन्दरं। **पञ्चातपेन तप्थेन्तीति** चतूसु ठानेसु अग्गिं जालेत्वा मज्जे ठत्वा सूरियमण्डलं उल्लोकेन्ता सूरियातपेन तप्थेन्ति। **आदिच्चं अनुपरिवत्तनीति** उदयकालतो पभुति सूरियं ओलोकयमाना याव अत्थङ्गमाना सूरियाभिमुखाव परिवत्तन्ति। **वोभिन्दिस्सामाति पग्गण्हिसूति** विनासेस्सामाति उस्साहमकंसु।

**विस्सट्ठोति** मरणसङ्कारहितो, निब्बयोति अत्थो। **मिगवं निक्खमित्वाति** अरञ्जे विचरित्वा मिगमारणकीळा मिगवं, तं उड्डिस्स निक्खमित्वा मिगवधत्थं निक्खमित्वाति अत्थो। अहिनागादितो विसेसनत्थं “हत्थिनागेना”ति वुत्तं। **तस्स पस्सन्तस्सेवाति** आनारे सामिवचनं, तस्मिं पस्सन्तेयेवाति अत्थो। **आकासे उप्पतित्वाति** एत्थ अयं विकुब्बनिड्ढि न होतीति गिहस्सापि इमं इड्ढि दस्सेसि

अधिष्ठानिद्विधा अपर्पटिक्खितता । पकतिवण्णञ्चि विजहित्वा नागवण्णादिदस्सनं विकुब्बनिद्धि । **छणवेसन्ति** उस्सववेसं । **पधानधरन्ति** भावानुयोगवसेन वीरियारम्भस्स अनुरूपं विवित्तसेनासनं । **सोपीति** रज्जो भागिनेय्यं सन्धाय वुत्तं ।

**कुसलाधिप्यापोति** मनापज्झासयो । **द्वेळहकजातोति** संसयमाप्नो । **एकेकं भिक्खुसहस्सपरिवारन्ति** एत्थ “गणित्वा आगच्छथा”ति आणाकारेण वुत्तेपि थेरा भिक्खू सासनहितता गता । कप्पियसासनज्हेतं, न गिहीनं गिहिकम्मपटिसंयुत्तं । **थेरो नागच्छीति** किञ्चापि “राजा पक्कोसती”ति वुत्तेपि धम्मकम्मत्थाय आगन्तुं वट्टति, द्विक्खत्तुं पन पेसितेपि “अननुरूपा याचना”ति नागतो, “महानुभावो थेरो यथानुसिद्धं पटिपत्तिको पमाणभूतो”ति रज्जो चेव उभयपक्खिकानञ्च अत्तनि बहुमानुत्पादनवसेन उद्धं कत्तब्बकम्मसिद्धि आकङ्खन्तो असारुप्पवचनलेसेन नागच्छि । एकतो सङ्घटिता नावा **नावासङ्घटो** । सासनपच्चत्थिकानं बहुभावतो आह “आरक्खं संविधाया”ति । यन्ति यस्मा । **अब्बाहिंसूति** आकङ्खिसु । **बाहिरतोति** उय्यानस्स बाहिरतो । पस्सन्तानं अतिदुक्करभावेन उपड्डानं सन्धाय “पदेसपथवीकम्पनं दुक्करं”न्ति आह । अधिष्ठाने पनेत्थ विसुं दुक्करता नाम नत्थि ।

**दीपकतित्तिरोति** साकृणिकेहि समजातिकानं गहणत्थाय पोसेत्वा सिकखेत्वा पासड्डाने उपनकतित्तिरो । न **पटिच्च कम्मं फुसतीति** गाथाय यदि तव पापकिरियाय मनो नप्पदुस्सति, लुदेन तं निस्साय कतम्मि पापकम्मं तं न **फुसति** । पापकिरियाय हि **अप्पोस्सुक्कस्स** निरालयस्स **भद्रस्स** सतो तव तं **पापं न उपलिप्पति**, तव चित्तं न अल्लीयतीति अत्थो ।

किं वदति सीलेनाति **किंवादी** । अथ वा को कतमो वादो किंवादो, सो एतस्स अत्थीति **किंवादी** । अत्तानञ्च लोकञ्च सस्सतोति वादो एतेसन्ति **सस्सतवादिनो** । सत्तेसु सङ्घारेसु वा एकच्चं सस्सतन्ति पवतो वादो एकच्चसस्सतो, तस्मिं नियुत्ता **एकच्चसस्सतिका** । “अन्तो, अनन्तो, अन्तानन्तो, नेवन्तो नानन्तो”ति एवं अन्तानन्तं आरब्ध पवत्ता चत्तारो वादा अन्तानन्ता, तेसु नियुत्ता **अन्तानन्तिका** । न मरति न उपच्छिज्जतीति अमरा, एवन्तिपि मे नो, तथातिपि मे नोतिआदिना (दी० नि० १.६२) पवत्ता दिट्ठि चेव वाचा च, तस्सा विक्खेपो एतेसन्ति **अमराविक्खेपिका** । अथ वा अमरा नाम मच्छजाति दुग्गाहा होति, तस्सा अमराय विय विक्खेपो एतेसन्ति **अमराविक्खेपिका** । अधिच्च यदिच्छकं यं किञ्चि कारणं अनपेक्खित्वा समुप्पन्नो अत्ता च लोको चाति वादे नियुत्ता **अधिच्चसमुप्पन्निका** । सज्जी अत्ताति वादो येसन्ते **सज्जीवादा** । एवं **असज्जीवादा नेवसज्जीनासज्जीवादाति** एत्थापि । “कायस्स भेदा सत्तो उच्छिज्जती”ति (दी० नि० १.८५-८६) एवं उच्छेदं वदन्तीति **उच्छेदवादा** । **दिट्ठधम्मोति** पच्चक्खो यथासकं अत्तभावो, तस्मिंयेव यथाकामं पञ्चकामगुणपरिभोगेन निब्बानं दुक्खूपसमं वदन्तीति **दिट्ठधम्मनिब्बानवादा** । विभजित्वा वादो एतस्साति **विभज्जवादी**, भगवा । सब्बं एकरूपेण अवत्त्वा यथाधम्मं विभजित्वा निज्जटं निगुम्बं कत्त्वा यथा दिट्ठिसन्देहादयो विगच्छन्ति, सम्मुतिपरमत्था च धम्मा असङ्करा पटिभन्ति, एवं एकन्तविभजनसीलोति वुत्तं होति । **परप्पवादां महमानोति** तस्मिं काले उपपन्नं, आर्याति उपपज्जनकञ्च सब्बं परवादां कथावत्थुमातिकाविवरणमुखेन निम्महं करोन्तोति अत्थो ।

ततियसङ्गीतकथावण्णनानयो निड्डितो ।

#### आचरियपरम्परकथावण्णना

**केनाभतन्ति** इमं पज्जं विस्सज्जेन्तेन जम्बुदीपे ताव याव ततियसङ्गीति, ताव दस्सेत्वा इदानीं सीहळदीपे आचरियपरम्परं दस्सेतुं **ततियसङ्गहतो पन उद्धन्ति**आदि आरद्धं । इमं दीपन्ति तम्बपण्णिणीपं । तस्मिं दीपे निसीदित्वा आचरियेन अड्डकथाय कत्ता “इमं दीप”न्ति वुत्तं । **कच्चि कालन्ति** अच्चन्तसंयोगे उपयोगवचनं, किस्मिञ्चि कालेति अत्थो । **पोराणाति** सीहळदीपे सीहळड्डकथाकारका । **भदनामोति** भद्रसालत्थेरो । आगुं पापं न करोन्तीति **नागा** । विनयपिटकं वाचयिंसुति सम्बन्धो । **तम्बपण्णिण्याति** भूमवचनं । **निकाये पज्जाति** विनयाभिधम्मानं विसुं गहितत्ता तब्बिनिमुत्ता पञ्च निकाया गहेतब्बा । **पकरणेति** अभिधम्मपकरणे **वाचेसुन्ति** योजना । तीणि पिटकानि स्वागतानि अस्साति “तेपिटको”ति वत्तब्बे “तेपेटको”ति छन्दानुरक्खणत्थं वुत्तं । **तारकराजाति** चन्दिमा । **पुप्फनामोति** एत्थ महापदुमत्थेरो सुमनत्थेरो च जातब्बोति द्विक्खत्तुं “पुप्फनामो”ति वुत्तं ।

**वनवासिन्ति** वनवासीरट्ठं । **करकवस्सन्ति** हिमपातनकवस्सं, करकधारासिदिसं वा वस्सं । **हरापेत्वाति** उदकोघेन हरापेत्वा । **छिन्नभिन्नपटधरोति** सत्थकेन छिन्नं रङ्गेन भिन्नं पटं धारणको । **भण्डूति** मुण्डको । **मक्खं असहमानोति** थेरस्स आनुभावं पटिच्च अत्तो उपपन्नं पेरेसं गुणमक्खनलक्खणं मक्खं तथा पवत्तं कोधं असहमानो । **असनियो फलन्तीति** गज्जन्ता पतन्ति । मे मम भयभेरवं जनेतुं पटिबलो न अस्स न भवेय्याति योजना । **अज्जदत्थीति** एकंसेन । **कस्मीरगन्धाराति** कस्मीरगन्धाररट्ठवासिनो । **इसिवातपटिवाताति** भिक्खुनं चीवरचलनकायचलनेहि सज्जनितवातेहि परितो समन्ततो बीजयमाना अहेसुं । **धम्मचक्खुन्ति** हेट्टामगत्तये जाणं । **अनमतगियन्ति** अनमतगसंयुत्तं (सं० नि० २.१२४ आदयो) । **समधिकानीति** साधिकानि । **पञ्च रट्ठानीति** पञ्च चिनरट्ठानि । **वेगसाति** वेगेन । **समन्ततो रक्खं ठपेसीति** तेसं अप्पवेसनत्थाय अधिष्ठानवसेन रक्खं ठपेसि । **अड्डुट्ठानि सहस्सानीति** अड्डेन चतुत्थानि अड्डुट्ठानि, अतिरेकपञ्चसतानि तीणि सहस्सानीति अत्थो । **दियड्डसहस्सन्ति** अड्डेन द्रुतियं दियड्डं, अतिरेकपञ्चसतिकं सहस्सन्ति अत्थो । **निद्धमेत्वाणाति** पलापेत्वा ।

**राजगहनगरपरिवत्तकेनाति** राजगहनगरं परिवत्तेत्वा ततो बहि तं पदक्खिणं कत्त्वा गतमग्गेन, गमनेन वा । **आरोपेसीति** पटिपादेसि । **पळिनाति** आकासं पक्खन्दिंसु । **नगुत्तमेति** चेतियगिरिमाह । **पुरतोति** पाचीनदिशाभागे । **पुरसेट्टस्साति** सेट्टस्स अनुराधपुरस्स । **सिलकूटन्हीति** एवंनामके पब्बतकूटे । **सीहकुमारस्स पुत्तोति** एत्थ “कलिङ्गराजधीतु कुच्छिस्मिं सीहस्स जातो सीहकुमारो”ति वदन्ति । जेट्टमासस्स पुण्णिमियं जेट्टनक्खत्तं वा मूलनक्खत्तं वा होतीति आह “जेट्टमूलनक्खत्तं नाम होती”ति । मिगानं वानतो हिंसनतो बाधनतो **मिगवं**, मिगविज्जनकीळा । **रोहितमिगरूपन्ति** गोकर्णमिगवेसं । **रथयट्ठिप्पमाणाति** रथपतोदप्पमाणा । **एका लतायट्ठि नामाति** एका रजतमया कञ्चनलताय पटिमण्डितता एवं लट्ठनामा । पुप्फयट्ठियं नीलादीनि पुप्फानि, सकुणयट्ठियं नानपकारा मिगपक्खिनो विचित्तकम्मकता विय खायन्तीति दट्ठब्बं । **राजककुधभण्डानीति** राजारहउत्तमभण्डानि । **सङ्खन्ति** दक्खिणावट्ठं अभिसेकसङ्घं । **वड्डमानन्ति** अलङ्कारचुण्णं, “नहानचुण्ण”न्ति केचि । **वटंसकन्ति** कण्णपिळ्चनं वटंसकन्ति वुत्तं होति । **नन्दियावट्टन्ति** नन्दियावट्टपुप्फाकारेण मङ्गलत्थं सुवण्णेन कतं । **कज्जन्ति** खत्तियकुमारि । **हत्थपुञ्चन्ति** पीतवर्णं महग्घहत्थपुञ्चनवत्थं । **अरुणवण्णमत्तिकन्ति** काणभवनसम्भवं । **वत्थकोटिकन्ति** वत्थयुग्मेव । **नागमाहटन्ति** नागेहि आहटं । **अमतोसथन्ति** एवंनामिका गुळिकजाति । अमतसदिसकिच्चत्ता एवं वुच्चाति । **भूमत्थरणसङ्केपेनाति** भूमत्थरणकारेण । **उप्पातपाठकाति** निमित्तपाठका । **अलं गच्छामाति** “पुरस्स अच्चासन्नत्ता सारुप्पं न होती”ति पटिक्खिपन्तो आह । **अड्डनवमानं पाणसहस्सानन्ति** (अ० नि० ६.५३) पञ्चसताधिकानं अड्डन्नं पाणसहस्सानं । **अप्पमादसुत्तन्ति** अङ्गुत्तरनिकाये महाअप्पमादसुत्तं, राजोवादसुत्तन्ति वुत्तं होति ।

**महच्चाति** महता । **उपसङ्कमन्तोति** अतिविय किलन्तरूपो हुत्वा उपसङ्कमीति अत्थो । तुम्हे जाननत्थन्ति सम्बन्धो । **पञ्चपण्णासायाति** एत्थ “चतुपञ्जासायाति वत्तब्बं । एवञ्चि सति उपरि वुच्चमानं द्रासड्ठि अरहन्तोति वचनं समेती”ति **सारत्थदीपनियं** (सारत्थ० टी० १.आचरियपरम्परकथावण्णना) वुत्तं । **दसभातिकसमाकुलन्ति** मुटसिवस्स पुत्तोहि देवानंपियतित्सादीहि दसहि भातिकेहि समाकिण्णं । **चिरदिट्ठो सम्मासम्बुद्धोति** धातुयो सन्धाय । **सब्बताळावचरेति** सब्बानि तुरियभण्डानि, तंसहचरिते वा वादके । **उपट्टापेत्वाति** उपहारकारापनवसेन सन्निपातेत्वा । **वड्डमानकच्छायायाति** पच्छाभत्तं । **पोक्खरवस्सन्ति** पोक्खरपत्ते विय अतेमितुकामानं उपरि अतेमेत्वा पवत्तनकवस्सं । **महावीरोति** सत्थुवोहारेन धातु एव वुत्ता । **पच्छिमदिसाभिमुखोव हुत्वा अपसक्कन्तोति** एत्थ पुरत्थाभिमुखो ठितोव पिड्डितो अपसक्कनेन पच्छिमदिसाय गच्छन्तो तादिसोपसङ्कमानं सन्धाय “पच्छिमदिसाभिमुखो”ति वुत्तो । “महेजवत्थु नाम एवंनामकं देवद्वान्”न्ति वदन्ति ।

**पज्जरकेनाति** अमनुस्ससमुड्ढापितेन पज्जरकरोगेन । **देवोति** मेघो । **अनुप्पवेच्छीति** विमुच्चि । **विवादो होतीति** एत्थ किरियाकालमपेक्खित्वा वत्तमानपयोगो दट्ठब्बो । एवं ईदसेसु सम्बत्थ । **तदेतन्ति** ठानं तिड्ढतीति सम्बन्धो । “छन्नं वण्णानं सम्बन्धभूतानं रंसियो चा”ति अज्झाहरितब्बं, “छन्नं वण्णानं उदकधारा चा”ति एवमेत्थ सम्बन्धं वदन्ति । परिनिब्बुतेपि भगवति तस्सानुभावेन एवरूपं पाटिहारियं अहोसि एवाति दस्सेतुं एवं **अचिन्तियाति**आदिगाथमाह । **रक्खं करोन्तोति** अत्तना उपायेन पलापितानं यक्खानं पुन अप्पविसनत्थाय परित्तानं करोन्तो । **आविज्जीति** परियायि ।

**रज्जो भाताति** रज्जो कनिट्टभाता । **अनुळादेवी** नाम रज्जो जेट्टभातु जाया । **सरसरंसिजालविस्सज्जनकेनाति** सिनिद्धताय रसवन्तं ओजवन्तं रंसिजालं विस्सज्जेन्तेन । एकदिवसेन अगमासीति सम्बन्धो । **अप्पेसीति** लेखसासनं पतिट्ठपेसि । **उदिकखतीति** अपेक्खति पथीति । **भारियन्ति** गरुक्कं, अनतिक्रमनीयन्ति अत्थो । **मं पटिमानेतीति** मं उदिकखति । **कम्मारवण्णन्ति** रज्जो पकतिसुवण्णकारवण्णं । **तिहत्थविक्खम्भन्ति** तिहत्थवित्थारं । **सकलजम्बुदीपरज्जेनाति** एत्थ रज्जो इदन्ति रज्जं, सकलजम्बुदीपतो उपपज्जनकआयो चेव आणादयो च, तेन पूजेमीति अत्थो, न सकलपथवीपासादादिवत्थुना तस्स सत्ताहं देमीतिआदिना कालपरिच्छेदं कत्त्वा दातुं अयुत्तता । एवञ्चि देन्तो तावकालिकं देति नाम वत्थुपरिच्चागलक्खणत्ता दानस्स, पथवादित्थुपरिच्चागेन च पुन

गहणस्स अयुत्तता। नियमितकाले पन आयादयो परिच्यता एवाति ततो परं अपरिच्यत्तता गहेतुं वट्ठति। तस्मा वुत्तनयेनेत्थ इतो परम्मि आयादिदानवसेनेव रज्जदानं वेदितव्वं। **पुण्णुळका हत्वा**ति केतकीपारोहङ्कुरा विय उदकपुण्णुळकाकारा हुत्वा। **गवक्खजालसदिसन्ति** भावनपुंसकं, वातपानेसु जालाकारेन ठपितदारुपटसदिसन्ति अत्थो, गवक्खेन च सुत्तादिमयजालेन च सदिसन्ति वा अत्थो।

**देवदुन्धुभिद्योति** एत्थ देवोति मेघो, तस्स अच्छसुक्खताय आकासमिव खायमानस्स अनिमित्तगज्जितं देवदुन्धुभि नाम, यं “आकासदुन्धुभी”तिपि वदन्ति। **फलिसूति** थर्निस्सु। **पब्बतानं नच्चेहीति** पथवीकम्पेन इतो चित्तो च भमन्तानं पब्बतानं नच्चेहि। विम्वयजाता यक्खा “हि”न्तिसद्वे निच्छारेन्तीति आह “यक्खानं हिङ्कारेही”ति। **सकसकपटिभानेहीति** अत्तनो अत्तनो सिप्पकोसल्लेहि। **अभिसेकं दत्त्वा**ति अनोत्तदहोदकेन अभिसेकं दत्त्वा।

**देवताकुलानीति** महाबोधि परिवारेत्वा ठितनागयक्खादिदेवताकुलानि दत्त्वाति सम्बन्धो। गोपकराजकम्मिनो तथा “तरच्छा”ति वदन्ति। **इमिना परिवारेनाति** सहत्थे करणवचनं, इमिना परिवारेन सहाति अत्थो। **तामलित्तिन्ति** एवंनामकं समुद्दतीरे पट्टनं। **इदमस्स ततियन्ति** सुवण्णकटाहे पतिट्ठितसाखाबोधिया रज्जसम्पदानं सन्धाय वुत्तं। ततो पन पुब्बे एकवारं रज्जसम्पदानं अच्छिन्नाय साखाय महाबोधिया एव कतं, तेन सद्धिं चतुक्खत्तुं राजा रज्जेन पूजेसि। रज्जेन पूजितदिवसेसु किर सकलदीपतो उपपन्नं आयं गहेत्वा महाबोधिमेव पूजेसि।

**पठमपाटिपददिवसेति** सुक्कपक्खपाटिपददिवसे। तज्जि कण्हपक्खपाटिपददिवसं अपेक्खित्वा “पठमपाटिपददिवस”न्ति वुत्तं, इदञ्च तस्मिं तम्बपणिणदीपे वोहारं गहेत्वा वुत्तं, इध पन पुण्णमित्तो पट्टाय याव अपरा पुण्णमी, ताव एको मासोति वोहारो। तस्मा इमिना वोहारेन “दुतियपाटिपददिवस”ति वत्तव्वं सिया कण्हपक्खपाटिपदस्स इध पठमपाटिपदता। **गच्छति वतरेति** एत्थ अरेति खेदे। **समन्तायोजनन्ति** अचन्तसंयोगे उपयोगवचनं, योजनपम्पमाणे पदेसे सब्बत्थाति अत्थो। **सुपण्णरूपेनाति** महाबोधिं बलक्कारेन गहेत्वा नागभवनं नेतुकामानि नागराजकुलानि इद्धिया गहितेन गरुळरूपेन सन्तासेति। तं विभुतिं पस्सित्वाति देवतादीहि करीयमानं पूजामहत्तं, महाबोधिया च आनुभावमहत्तं दिस्वा सयम्मि तथा पूजेतुकामा थेरिं **याचित्वा**ति योजना। **समुद्दसालवत्थुस्मिन्ति** यस्मिं पदेसे ठत्वा राजा समुद्दे आगच्छन्तं बोधिं थेरानुभावेन अद्दस, यत्थ च पच्छा समुद्दस्स दिट्ठुडानन्ति पकासेतुं समुद्दसालं नाम सालं अकंसु, तस्मिं समुद्दसालाय वत्थुभूते पदेसे। **थेरस्साति** महामहिन्दत्थेरस्स। **पुण्णअग्घियानीति** कूटागारसदिसानि पुण्णचेतियानि। **आगतो वतरेति** एत्थ अरेति पमोदे। अट्ठहि अमच्चकुलेहि अट्ठहि ब्राह्मणकुलेहि चाति **सोळसहि जातिसम्पन्नकुलेहि**। **रज्जं विचारेसीति** रज्जं विचारेतुं विस्सज्जेसि। **राजवत्थुद्वारकोट्टुकड्डानेति** राजुय्यानस्स द्वारकोट्टुकड्डाने। **अनुपुब्बविपस्सनन्ति** उदयब्बयादिअनुपुब्बविपस्सनं। “सह बोधिपतिट्ठानेना”ति करणवचनेन वत्तव्वे विभत्तिपरिणामेन “सह बोधिपतिट्ठाना”ति निस्सक्कवचनं कतं। सति हि सहसहप्ययोगे करणवचनेनेव भवितव्वं। **दस्सिसूति** पज्जायिंसु। **महाआसनट्टानेति** पुब्बपस्से महासिलासनेन पतिट्ठितट्टाने। **पूजेत्वा वन्दीति** आगामिं महाचेतियं वन्दि। पुरिमे पन महाविहारट्टाने पूजामत्तस्सेव कतता अनागते सङ्खस्सपि नवकता अवन्दितव्वता च पकासिताति वेदितव्वता। अनागते पन मेत्तेय्यादिबुद्धा पच्चेकबुद्धा च बुद्धभावक्खणं उद्दिस्स वन्दितव्ववा सभावेन विसिद्धपुगलताति गहेतव्वं।

**महाअरिड्ढोति** पञ्चपज्जासाय भातुकेहि सद्धिं चेतियगिरिस्मि पब्बजितं सन्धाय वुत्तं। **मेघवण्णाभयअमच्चस्स परिवेणट्टानेति** मेघवण्णअभयस्स रज्जो अमच्चेन कत्तव्वस्स परिवेणस्स वत्थुभूते ठाने। मङ्गलनिमित्तभावेन आकासे समुपपन्नो मनोहरसद्दो आकासस्स रवो विय होतीति वुत्तं “आकासं महाविरवं रवो”ति। न हि आकासो नाम कौचि धम्मो अत्थि, यो सद्दं समुद्दपेय्य, आकासगतउत्तुवसेससमुद्दितावो सो सद्दोति गहेतव्वो। **पठमकत्तिकपवारणदिवसे...पे०... विनयपिटकं पकासेसीति** इदं विनयं वाचेतुं आरद्धदिवसं सन्धाय वुत्तं। **अनुसिट्ठिकरानन्ति** अनुसासनीकरानं। **राजिनोति** उपयोगत्थे सामिवचनं, देवानं पियतिस्सरराजानन्ति अत्थो। **अज्जेपीति** महिन्दादीहि अट्ठसिट्ठिमहाथेरेहि अज्जेपि, तेसं सरूपं दस्सेन्तो आह **तेसं थेरानन्ति** आदि। तत्थ **तेसं थेरानं अन्तेवासिकाति** महिन्दत्थेरादीनं अट्ठसिट्ठिमहाथेरेन अरिड्ढादयो अन्तेवासिका च महाअरिड्ढत्थेरस्स अन्तेवासिका तिस्रसदत्तकाळसुमनादयो चाति योजेतव्वं। **अन्तेवासिकानं अन्तेवासिकाति** उभयत्थ वुत्तअन्तेवासिकानं अन्तेवासिकपरम्परा चाति अत्थो। **पुब्बे वुत्तप्पकाराति** महिन्दो इट्ठियो उत्तियोतिआदिगाथाहि (पारा० अट्ठ० १.ततियसङ्गीतिकथा) पकासिता आचरियपरम्परा।

**न पग्घरतीति** न गळति, न पमुस्सतीति अत्थो। **सतिगतिथितिमन्तेसूति** एत्थ सतीति उग्गहधारणे सति। **गतीति** सहत्थविभागगहणे जाणं। **थितीति** उग्गहपरिहरणादीसु वीरियं। **कुक्कुच्चकेसूति** “कप्पति न कप्पती”ति वीमंसकुक्कुच्चकारीसु। **मातापितृदुनियोति** वत्ता तमेवत्थं समत्थेतुं आह **तदायताहीति** आदि। **विनयपरियत्तिं निस्सायाति** विनयपिटकपरियापुणनं निस्साय। **अत्तनो सीलक्खन्धो सुगुत्तोति** लज्जिनो विनयधारणस्स अलज्जिअज्जाणतादीहि छहि आकारेहि आपत्तिया अनापज्जनतो अत्तनो सीलक्खन्धो खण्डादिदोसविरहितो सुगुत्तो **सुरविखतो** होति। **कुक्कुच्चपकतानन्ति** कप्पियाकप्पियं निस्साय उपपन्नेन कुक्कुच्चेन पकतानं उपट्टानं अभिभूतानं यथाविनयं कुक्कुच्चं विनोदेत्वा सुद्धन्ते पतिट्ठापनेन **पटिसरणं होति**। विगतो सारदो भयमेतस्साति **विसारदो**। “एवं कथेत्तस्स दोसो एवं न दोसो”ति जत्त्वाव कथनतो निम्बयवो **सङ्गमज्जे वोहरति**। **पच्चत्थिकेति** अत्तपच्चत्थिके चेव वज्जिपूत्तकादिसानपच्चत्थिके च। **सहधम्मनेनाति** सकारणेन वचनेन सिक्खापदं दस्सेत्वा यथा ते असङ्गमं पतिट्ठापेतुं न सक्कोन्ति, एवं **सुनिगहितं** कत्वा **निगगह्णाति**। **सद्धमट्ठितियाति** परियत्तिपटिपत्तिपटिवेधसङ्घातस्स तिबिधस्सापि सद्धमस्स ठितिया, पवत्तियाति अत्थो।

**विनयो संवरत्थायाति** आदीसु विनयपरियापुणनं **विनयो**, विनयपज्जति वा कायवचीद्वारसंवरत्थाय। **अविण्णटिसारोति** कताकतं निस्साय विण्णटिसाराभावो सन्तापाभावो। **पामोज्जं** तरुणपीति। **पीति** नाम बलवपीति। **पस्सद्धीति** कायचित्तपस्सद्धि। **यथाभूतजाणदस्सनन्ति** स्पक्कचयनामरूपपरिगहो। **निब्बिदाति** विपस्सना। **विरागोति** अरियमग्गो। **विमुत्तीति** अगगफलं। **विमुत्तिजाणदस्सनन्ति** पच्चवेक्खणजाणं। **अनुपादाति** कच्चि धम्मं अनुपादियित्वा परिच्यजित्वा। **परिनिब्बानत्थायाति** पच्चवेक्खणजाणे अनुपपन्ने अन्तरा परिनिब्बानाभावेन तंपरिनिब्बानत्थायाति पच्चयत्तेन वुत्तं अनन्तरादिपच्चयत्ता। **एतदत्था कथाति** अयं विनयकथा नाम एतस्स अनुपादापरिनिब्बानस्स अत्थायाति अत्थो। **मन्तनाति** विनयमन्तनायेव, भिक्खुनं “एवं करिस्साम, एवं न करिस्सामा”ति विनयपटिबद्धमन्तना। **उपनिसाति** उपनिसीदति एत्थ फलन्ति उपनिसा, कारणं। विनयो संवरत्थायातिआदिकारणपरम्परापि एतदत्थाति अत्थो। **सोतावधानन्ति** इमिस्सा परम्परपच्चयकथाय अत्तानं समनत्थाय सोतावधानं, तम्मि एतमत्थं। **यदिदन्ति** निपातो। यो अयं चतूहि उपादानेहि अनुपादियित्वा चित्तस्स अरहत्तमग्गसङ्घातो, तप्फलसङ्घातो वा विमोक्खो, सोपि एतदत्थाय अनुपादापरिनिब्बानत्थाय। अथ वा यो अयं कच्चि धम्मं अनुपादाचित्तस्स **विमोक्खो** विमुच्चनं विगमो परिनिब्बानं एतदत्था कथाति एवं उपसंहरणवसेन योजेतुम्मि वट्ठति मग्गफलविमोक्खस्स पुब्बे वुत्तता। **आयोगोति** उग्गहणादिवसेन पुनपुनं अभियोगो।

आचरियपरम्परकथावण्णनानयो निट्ठितो।

इति समन्तपासादिकाय विनयट्ठकथाय विमतिविनोदनियं

बाहिरनिदानकथावण्णनानयो निट्ठितो।

## वेरज्जकण्डवण्णना

**सेय्यथिदन्ति** तं कतमं, तं कथन्ति वा अत्थो। **अनियमनिद्देसवचनन्ति** अत्तनो अत्थं सरूपेन नियमेत्वा निद्दितीति नियमनिद्देसो, न नियमनिद्देसो अनियमनिद्देसो। सोव वुच्चते अनेनाति वचनन्ति अनियमनिद्देसवचनं। **तस्साति** तेनातिपदस्स। **परिवितक्कोति** “कतमेसानं खो बुद्धानं भगवन्तानं ब्रह्मचरियं न चरिद्धितिकं ओहसी”तिआदिना (पारा० १८) पवतो। **पुब्बे वा पच्छा वाति** तेनातिपदतो हेट्ठा वुत्तपाटे वा उपरि वक्खमानपाटे वाति अत्थो। **अत्थतो सिद्धेनाति** सामत्थियतो सिद्धेन। **तत्रिदं मुखमत्तनिदस्सनन्ति** तस्सा यथावुत्तयुत्तिया परिदीपने इदं उपायमत्तनिदस्सनं। मुखं द्वारं उपायोति हि अत्थतो एकं।

समयसद्दो दिस्सतीति सम्बन्धो। **अस्साति** समयसद्दस्स समवायो अत्थोति सम्बन्धो। **कालञ्च समयञ्च उपादायाति** एत्थ **कालो** नाम उपसङ्कमनस्स युत्तकालो, **समयो** नाम सरीरबलादिकारणसमवायो, ते उपादाय पटिच्चाति अत्थो। **खणोति** ओकासो। बुद्धुप्पादादयो हि मग्गब्रह्मचरियस्स ओकासो। सो एव समयो। तेनेव “एकोवा”ति वुत्तं। **महासमयोति** महासमूहो। **पवनस्मिन्ति** वनसण्डे। **समयोपि खो ते भद्दालीति** एत्थ **समयो**ति सिक्खापदाविलङ्घनस्स हेतु, को सो? अत्तनो विपटिपत्तिया भगवतो जाननं, सो समयसङ्घातो हेतु तस्सा **अप्यटिविद्धोति** अत्थो।

**भगवाति** आदि तस्स पटिविज्झनाकारदस्सं। **उग्गहमानो**ति किञ्चि किञ्चि उग्गहेतुं समत्थताय उग्गहमानो, सुमनपरिब्बाजकस्सेवेतं नामं। समयं दिट्ठिं पवदन्ति एत्थाति **समयप्पवादको**, मल्लिकाय आरामो। स्वेवं तिन्दुकाचीरसङ्घाताय तिम्वरुरुक्खपन्तिया परिक्खत्ता “तिन्दुकाचीर”न्ति च, एकाव निवासा साला एत्थाति “एकसालको”ति च वुच्चति। **अत्थाभिसमया**ति यथावुत्तस्स दिट्ठुधम्मिकसम्परायिकस्स अत्थस्स हितस्स पटिलाभतो। **मानाभिसमया**ति मानप्पहाना। **पीळनट्ठो**ति पीळनं तंसमङ्गिणो हिंसनं, अविप्फारिकताकरणं, पीळनमेव अत्थो पीळनट्ठो। **सन्तापो**ति दुक्खदुक्खतादिवसेन सन्तापनं। **विपरिणामो**ति जराय मरणेन चाति द्विधा विपरिणामेतब्बता अभिसमेतब्बो पटिविज्झितब्बोति अभिसमयो, सोव **अभिसमयट्ठो**, पीळनादीनि।

एत्थ च उपसग्गानं जोतकमत्तता समयसदस्स अत्थुद्धारेपि सउपसग्गो अभिसमयसदो उट्ठो। तत्थ सङ्गमवसेन पच्चयानं फलुप्पादनं पटि अयनं एकतो पवति एत्थाति समयो, **समवायो**। विवट्ठूपनिस्सयसङ्गमे सति एन्ति एत्थ सत्ता पवत्तन्तीति समयो, **खणो**। समेति एत्थ सङ्गतधम्मो, सयं वा एति आगच्छति विगच्छति चाति समयो, **कालो**। समेन्ति अवयवा एतस्मिं, सयं वा तेसूति समयो, **समूहो**। पच्चयन्तरसङ्गमे एति आगच्छति एतस्मा फलन्ति समयो, **हेतु**। सञ्जावसेन विपल्लासतो धम्मेषु एति अभिनिवसतीति समयो, **दिट्ठि**। समीपं अयनं उपगमनं समयो, **पटिलाभो**। सम्मदेव सहितानं वाचानं अयनं विगमोति समयो, **पहानं**। सम्मदेव, सहितानं वा सच्चानं अयनं जानन्ति समयो, **पटिवेधो**। एवं तस्मिं तस्मिं अत्थे समयसदस्स पवति वेदितब्बा।

एत्थ च समयसदस्स सामञ्जेन अनेकत्थता वुत्ता। न हि एकस्मिं अत्थविसेसे वत्तमानो सदो तदञ्जेपि वत्तति। तस्मा अत्था विय तंतंवाचका समयसद्दापि भिन्ना एवाति गहेतब्बा। एवं सब्बत्थ अत्थुद्धारेसु।

**तत्थ तथा**ति तेसु सुत्ताभिधम्मेषु उपयोगभूमवचनेहि। **इधा**ति विनये, **अञ्जथा**ति करणवचनेन। **अच्चन्तमेवा**ति निरन्तरमेव। भावो नाम किरिया, किरियाय किरियन्तरूपलक्खणं **भावेनभावलक्खणं**, यथा उदये सति चन्दे जातो राजपुत्तोति। **अधिकरणञ्ही**ति आदि अभिधम्मे समयसदो कालसमूहखणसमवायहेतुसङ्घातेसु पञ्चसु अत्थेषु वत्तति, न विनये विय काले एव, तेसु च कालसमूहत्था द्वे तत्थ वुत्तानं फस्सादिधम्मानं अधिकरणभावेन निद्विसितुं युत्ता। खणसमवायहेतु अत्था पन तयोपि अत्तनो भावेन फस्सादीनं भावस्स उपलक्खणभावेन निद्विसितुं युत्ताति विभावनमुखेन यथावुत्तमत्थं समत्थेतुं वुत्तं। तत्थ यस्मिञ्चि काले, धम्मसमूहे वा समये अधिकरणभूते कुसलं उपपन्नं, तस्मिञ्जेव काले, धम्मसमूहे वा समये फस्सादयो होन्तीति एवं अधिकरणत्थयोजना, यस्मिं पन खणे, समवाये हेतुहि वा समये सति विज्जमाने कुसलं उपपन्नं, तस्मिञ्जेव खणादिहि समयोपि विज्जमाने फस्सादयो होन्तीति भावेनभावलक्खणत्थयोजना च वेदितब्बा।

**होति चेत्था**ति एत्थ यथावुत्तअत्थविसये सङ्गहगथा होति। **अञ्जत्रा**ति सुत्ताभिधम्मेषु। **अभिलापमत्तभेदो**ति देसनाविलासतो सदमत्तेनेव भेदो, न अत्थतो।

**अविसेसेना**ति सामञ्जेन। **इरियापथो**ति आदीसु इरियाय सब्बद्वारिककिरियाय पथो पवत्तनट्ठानं तब्बिनिमुत्तकम्मस्स अभावाति ठानादयो इरियापथो, सोव विहारो। ब्रह्मभूता सेट्ठभूता परहितचित्तादिवसपवत्तितो मेत्तादयो **ब्रह्मविहारो** नाम। तदवसेसा पन महग्गता सब्बनीवरणविगमनादिसिद्धेन जोतनादिअत्थेन **दिब्बविहारो** नाम। ब्रह्मविहारभावेन विसुं गहितत्ता मेत्तादयो इध असङ्गहिता। अरियानमेव विहारोति फलसमापत्तियो **अरिविहारो** नाम।

रुक्खादिमूलेयेव मूलसदस्स निरुळ्ळभावं दस्सेतुं अपरेन मूलसदेन विसेसेत्वा “मूलमूले”ति वुत्तं, यथा दुक्खदुक्खन्ति (विभ० अट्ठ० १९०)। लोभादीनं दोसमूलादिचित्तासाधारणत्ता “असाधारणहेतुम्ही”ति वुत्तं।

**तत्थ सिया**ति तत्थ वेरञ्जायन्ति आदीसु पदेसु कस्सचि चोदना सियाति अत्थो। उभयथा निदानकित्तनस्स पन किं पयोजनन्ति? आह **गोचरगामनिदस्सनत्थ**न्ति आदि। तत्थ **अस्सा**ति भगवतो।

किलमोव किलमथो, अत्तनो अत्तभावस्स किलमथो अत्तकिलमथो, तस्स अनु अनु योगो पुनपुनं पवत्तनं **अत्तकिलमथानुयोगो**। वत्थुकामारम्पणे सुखे सम्पयोगवसेन लीना युत्ता, कामतण्हा, तंसहचरिते कामे सुखे वा आरम्पणभूते अल्लीना पवत्ततीति कामसुखल्लिका तण्हा, तस्सा कामसुखल्लिकाय अनु अनु योगो **कामसुखल्लिकानुयोगो**। **लोके संवट्ठुभावन्ति** आमिसोपभोगेन संवट्ठितावन्। **उप्यज्जमानो** बहुजनहितादिअत्थायेव उप्यज्जतीति योजना।

दिट्ठिसीलसामञ्जेन संहतता सङ्घोति इममत्थं विभावन्तो आह **दिट्ठो**ति आदि। एत्थ च “यायं दिट्ठि अरिया निव्यानिका निव्याति तक्करस्स सम्मा दुक्खक्खयाय, तथारूपाय दिट्ठिया दिट्ठिसामञ्जगतो विहरती”ति (दी० नि० ३.३२४, ३५६; म० नि० १.४९२; ३.५४; अ० नि० ६.१२; परि० २७४) एवं वुत्ताय दिट्ठिया। “यानि तानि सीलानि अखण्डानि...पे... समाधिसंवत्तनिकानि, तथारूपेषु सीलेसु सीलसामञ्जगतो विहरती”ति (दी० नि० ३.३२४, ३५६; म० नि० १.४९२; ३.५४; अ० नि० ६.१२; परि० २७४) एवं वुत्तानञ्च सीलानं सामञ्जसङ्घातेन सङ्घातो सङ्घटितो समणगणो, तेनाति अत्थो। “दिट्ठिसीलसामञ्जसङ्घातसङ्घातेना”ति वा पाठेनेत्थ भवितब्बं, तस्स दिट्ठिसीलसामञ्जभूतेन संहनेन सङ्घातो समणगणो, तेनाति अत्थो। एवञ्चि पाठे सदतो अत्थो युत्तरो होति। **अस्सा**ति महतो भिक्खुसङ्घस्स।

**ब्रह्मं अणतीति** एत्थ **ब्रह्म**-सदेन वेदो वुच्चति, सो मन्तब्रह्मकप्पवसेन ति विधो। तत्थ इरुवेदादयो तयो वेदा मन्ता, ते च पधाना, इतरे पन सन्निस्सिता, तेन पधानस्सेव गहणं। **मन्ते सज्जायतीति** इरुवेदादिके मन्तसत्थे सज्जायतीति अत्थो। इरुवेदादयो हि गुत्तभासितब्बत्ताय “मन्ता”ति वुच्चन्ति। “बाहितपापता ब्राह्मणो, समितपापता समणो”ति यथावुत्तमत्थद्वयं उदाहरणद्वयेन विभावेतुं **वुत्तञ्जेतन्ति** आदि वुत्तं। “समितत्ता हि पापानं ‘समणो’ति पवुच्चती”ति हि इदं वचनं गहेत्वा “समितपापता ‘समणो’ति वुच्चती”ति वुत्तं, बाहितपापोति इदं पन अञ्जस्मिं गाथाबन्धे वुत्तवचनं। **यथाभुच्चगुणाधिगतन्ति** यथाभूतगुणाधिगतं। **सकिञ्चनो**ति सदोसो।

**गोत्तवसेना**ति एत्थ गं तायतीति गोत्तं, गो-सदेन चेत्य अभिधानं बुद्धि च वुच्चति। **केनचि पारिजुञ्जेना**ति जातिपारिजुञ्जादिना केनचि पारिजुञ्जेन, परिहानियाति अत्थो। **ततो परन्ति** वेरञ्जायन्ति आदि वचनं। **इत्थम्भूताख्यानत्थे उपयोगवचनन्ति** इत्थं इमं पकारं भूतो आपन्नोति इत्थम्भूतो, तस्स आख्यानं इत्थम्भूताख्यानं, सोयेवत्थो इत्थम्भूताख्यानत्थो। अथ वा “इत्थं एवंपकारो भूतो जातो”ति एवं कथनत्थो इत्थम्भूताख्यानत्थो, तस्मिं उपयोगवचनन्ति अत्थो। एत्थ च **अब्भुगगतो**ति एत्थ अभि-सदो इत्थम्भूताख्यानत्थजोतको अभिभविता उग्गमनपकारस्स दीपनतो, तेन योगतो तं खो पन भवन्तं गोतमन्ति इदं उपयोगवचनं सामिअत्थेपि समाने इत्थम्भूताख्यानदीपनतो “इत्थम्भूताख्यानत्थे”ति वुत्तं, तेनेवाह “तस्स खो पन भोतो गोतमस्साति अत्थो”ति।

इदं वुत्तं होति — यथा साधु देवदत्तो मातरमभीति एत्थ अभिसहयोगतो इत्थम्भूताख्याने उपयोगवचनं कत्तं, एवमिधापि तं खो पन भवन्तं गोतमं अभि एवं कल्याणो कित्तिसदो उग्गतोति अभिसहयोगतो इत्थम्भूताख्याने उपयोगवचनन्ति। साधु देवदत्तो मातरमभीति एत्थ हि “देवदत्तो मातरमभि मातरि विसये मातुया वा साधू”ति एवं अधिकरणत्थे वा सामिअत्थे वा भूमवचनस्स सामि वचनस्स वा पसङ्गे इत्थम्भूताख्यानत्थजोतकेन अभिसदेन योगे उपयोगवचनं कत्तं, यथा चेत्य देवदत्तो मातुविसये मातुसम्बन्धी वा सो वुत्तपकारपत्तोति अयमत्थो विज्जायति, एवमिधापि भोतो गोतमस्स सम्बन्धी कित्तिसदो अब्भुगगतो अभिभविता उग्गमनपकारपत्तोति अयमत्थो विज्जायति। तत्थ हि देवदत्तगहणं विय इध कित्तिसद्वगहणं, तत्थ मातरन्ति वचनं विय इध तं खो पन भवन्तं गोतमन्ति वचनं, तत्थ साधुसद्वगहणं विय इध उग्गतसद्वगहणं वेदितब्बं। **कित्तिसद्वो**ति कित्तिभूतो सदो, न केवलोति दस्सनत्थं विसेसितन्ति आह “कित्ति एवा”ति। ततो **कित्ती**ति थुति, तस्सा पकासको **सदो** कित्तिसद्वोति दस्सेतुं “थुतिघोसो वा”ति वुत्तं।

**सो भगवाति** एत्थ **सो**ति पसिद्धियं, यो सो समत्तिस पारमियो पूरेत्वा सब्बकिलेसे भञ्जित्वा दससहस्सिलोकधातुं कम्मेन्तो अनुत्तरं सम्मासम्बोधिं अभिसम्बुद्धो, सो लोके अतिपाकटोति “सो भगवा”ति वुत्तं। भगवाति च इदं सत्थु नामकित्तनं, न गुणकित्तनं। परतो पन भगवाति गुणकित्तनमेव। **इमिना च इमिना चाति** एतेन अरहन्ति आदिपदानं पच्चेकं अनेकगुणगणं पटिच्च पवत्तभावं दस्सेति।

**सुविदूरविदूरे**ति द्वीहि सदेहि अतिविय दूरेति दस्सेति, सुविदूरता एव हि विदूरता। **सवासनानं किलेसानं विद्वंसितता**ति इमिना पच्चेकबुद्धादीहि असाधारणं भगवतो अरहन्ति दस्सेति तेसं वासनाय अप्पहीनत्ता, **वासना** च नाम निक्किलेस्सापि सकलज्येयानवबोधादिद्वारत्तयप्पयोगविगुणताहेतुभूतो किलेसनिहितो आकारो चिरनिगळितपादानं निगळमोक्खेपि सङ्कुचिततागमनेहेतुको

निगळनिहोतो आकारो विय । याय पिलिन्दवच्छादीनं वसलवोहारादिविगुणता होति, अयं वासनाति गहेतब्बा । **आरकाति** एत्थ आकारस्स रस्सत्तं क-कारस्स च ह-कारं सानुस्सरं कत्वा निरुत्तिनयेन “अरह”न्ति पदसिद्धि वेदितब्बा । एवं उपरिपि यथारहं निरुत्तिनयेन पदसिद्धि वेदितब्बा । यञ्चेत्तं संसारचक्कन्ति सम्बन्धो । **पुज्जादीति आदि-**सहेन अपुज्जाभिसङ्गारानेज्जाभिसङ्गारे सङ्गहाति । आसवा एव अविज्जादीनं काणत्ता समुदयोति आह “आसवसमुदयमयेना”ति । “आसवसमुदया अविज्जासमुदयो”ति (मं नि० १.१०३) हि वुत्तं । विपाककटत्तारूपपथेदो तिभवो एव रथो, तस्मिं **तिभवस्थे । संसारचक्कन्ति** यथावुत्तिकलेसकम्मविपाकसमुदयो ।

“खन्धानञ्च पटिपाटि, धातुआयतनान च ।

अब्बोच्छिन्नं वत्तमाना, ‘संसारो’ति पवुच्चती”ति ॥ (विसुद्धि० २.६१८; दी० नि० अट्ट० २.९५ अपसादनावणणा; सं० नि० अट्ट० २.२.६०; अ० नि० अट्ट० २.४.१९९; ध० सं० अट्ट० निदानकथा; विभ० अट्ट० २२६ सङ्गारपदनिहेस; सु० नि० अट्ट० २.५.२३; उदा० अट्ट० ३९; इतिवु० अट्ट० १४, ५८; थेरगा० अट्ट० १.६७, ९९; बु० वं० अट्ट० ५८; पटि० म० अट्ट० २.१.११७; चूळनि० अट्ट० ६) —

एवं वुत्तो संसारो चक्कं विय परिभमनतो चक्कं, तस्स चक्कस्स सब्बे अरा हताति सम्बन्धो । **अनेनाति** भगवता । बोधीति जाणं, तं एत्थ मण्डं पसन्नं जातन्ति **बोधिमण्डो । कम्मखयकरं जाणफरसुन्ति** अरहतमग्गजाणं वुत्तं, तं छिन्दितब्बं अभिसङ्गारसङ्घातं कम्मं परिच्छिन्दतीति दस्सेतुं कम्मखयकरं विसेसं विसिद्धं वुत्तन्ति वेदितब्बं ।

एवं कतिपयङ्गेहि संसारचक्कं तदवसेसङ्गेहि फलभूतानामरूपधम्महे तिभवयञ्च तस्मिं रथे योजितसंसारचक्कारानं हननपकारञ्च दस्सेत्वा इदानीं सब्बेहिपि द्वादसहि पटिच्चसमुपादङ्गेहि रथविरहितमेव केवलं संसारचक्कं, तस्स अरघातनपकारभेदञ्च दस्सेतुं **अथवाति**आदि वुत्तं । तत्थ **अनमतगन्ति** अनु अनु अमतगं, सब्बथा अनुगच्छन्तेहिपि अविज्जातकोटिकन्ति अत्थो । **अविज्जामूलकता जरामरणपरियोसानत्ताति** इदं सङ्गारादीनं दसन्नं अरभावेन एकत्तं समारोपेत्वाति वुत्तं । न हि तेसं पच्चेकं अविज्जामूलकता जरामरणपरियोसानता च अत्थि तथा **पटिच्चसमुपादपाळियं** अवुत्तत्ता । अथ वा तेसमपि यथारहं अत्थतो अविज्जामूलकत्तं, अत्तनो अत्तनो लक्खणभूतखणिक्जरामरणवसेन तत्परियोसानतञ्च सन्धायेतं वुत्तन्ति वेदितब्बं । एवञ्च तेसं पच्चेकं अरभावो सिद्धो होति ।

एवं सब्बाकारं संसारचक्कमेव दस्सेत्वा इदानीं येन जाणेन इमस्स संसारचक्कस्स अरानं छेदो भगवतो सिद्धो, तस्स धम्मट्ठितिजाणस्स “पच्चयपरिग्गहे पज्जा धम्मट्ठितिजाण”न्ति (पटि० म० ४; १.४५) मातिका वुत्तत्ता भवचक्कावयवेषु अविज्जादीसु पच्चयपच्चयुपपन्नाता परिग्गहवसेन पवत्तिआकारं दस्सेत्वा परतो तस्स अत्थस्स निगमनवसेन वुत्तेन **एवमयं अविज्जाहेतूति**आदिकेन **पटिसम्भिदापाळिसहितेन** (पटि० म० १.४५) पाठेन सरूपतो धम्मट्ठितिजाणं, तस्स च तेसुयेव अविज्जादीसु चतुसङ्केपादिवसेन पवत्तिविभागञ्च दस्सेत्वा ततो परं **इति भगवाति**आदिपाठेन भगवतो तेन धम्मट्ठितिजाणेन पटिच्चसमुपादस्स सब्बाकारतो पटिविद्धभावं दस्सेत्वा पुन **इमिना धम्मट्ठितिजाणेनाति**आदिना भगवतो तेन जाणेन संसारचक्कारानं विद्धंसितभावं दस्सेतुं **तत्थ दुक्खादीसु अज्जाणं अविज्जाति**आदि वुत्तं । तत्थ **तिण्णं आयतनानन्ति** चक्खुसोतमनायतनानं तिण्णं । एस नयो **तिण्णं फस्सानन्ति**आदीसुपि । रूपतण्हादिवसेन छ तण्हाकाया एव वेदितब्बा ।

**सगसम्पत्तिन्ति** कामसुगतीसु सम्पात्ति । **तथेवाति** कामुपादानपच्चया एव । **ब्रह्मलोकसम्पत्तिन्ति** रूपीब्रह्मलोकसम्पत्ति । तेभूमकधम्मविसयस्स सब्बस्सापि रागस्स किलेसकामभावतो भवरागोपि कामुपादानमेवाति आह “कामुपादानपच्चयायेव मेत्तं भावेती”ति । **सेसुपादानमूलिकासुपीति** दिट्ठुपादानसीलब्बतुपादानात्तत्तत्तुपादानमूलिकासुपि योजनासु । तत्रायं योजनानयो — इधेकच्चो “नत्थि परलोको उच्छिज्जति अत्ता”ति (दी० नि० १.८५-८६ अत्थतो समानं) दिट्ठिं गण्हाति, सो दिट्ठुपादानपच्चया कायेन दुच्चरितं चरतीतिआदिना, अपरो “असुकस्मिं भवे अत्ता उच्छिज्जती”ति दिट्ठिं गहेत्वा कामरूपारूपभवूपत्तिया तं तं कुसलं करोतीतिआदिना च दिट्ठुपादानमूलिका योजना, इमिनाव नयेन अत्तत्तत्तुपादानमूलिका योजना वेदितब्बा । अपरो “सीलेन सुद्धिं वतेन सुद्धी”ति असुद्धिमग्गं “सुद्धिमग्गो”ति परामसन्तो सीलब्बतुपादानपच्चया कायेन दुच्चरितं चरतीतिआदिना सब्बभवेसु सीलब्बतुपादानमूलिका योजना वेदितब्बा ।

इदानीं यस्स संसारचक्कारानं घातनसमत्थस्स धम्मट्ठितिजाणस्स अविज्जादिपच्चयपअग्गहाकारं दस्सेतुं **कामभवे च अविज्जा कामभवे सङ्गारानं पच्चयो** होतीतिआदिना अविज्जादीनं पच्चयपच्चयुपपन्नाभावो दस्सितो, तमेव जाणं अविज्जादीसु पवत्तिआकारेन सिद्धिं **पटिसम्भिदामग्गपाळि** आनेत्वा निगमनवसेन दस्सेन्तो **एवमयन्ति**आदिमाह । **विसुद्धिमग्गटीकायं** पन “इदानीं ख्यायं संसारचक्कं दस्सेन्तेन कामभवे अविज्जा कामभवे सङ्गारानं पच्चयो होतीतिआदिना अविज्जादीनं पच्चयभावो सङ्गारादीनं पच्चयुपपन्नाभावो दस्सितो, तमेव **पटिसम्भिदामग्गपाळि** आनेत्वा निगमनवसेन दस्सेन्तो एवमयन्तिआदिमाहा”ति वुत्तं । **सारत्थदीपनिया** विनयटीकार्याप अयमेव पाठो लिखितो । तत्थ च **कामभवे च अविज्जाति**आदिना अविज्जादीनं पच्चयपच्चयुपपन्नाभावो संसारचक्कं दस्सेन्तेन वुत्तो न होति **तस्स च अविज्जा नाभि, मूलत्ताति**आदिना पुब्बेव दस्सितत्ता उपरि चक्करूपतो पयोगत्तेन उपसंहाराभावा च । “अपि च तमेव पच्चयपच्चयुपपन्नाभावं निगमनवसेन दस्सेन्तो”ति च वुत्तं, न चेत्थ पच्चयपच्चयुपपन्नाभावो निगमनवसेन पधानत्तेन दस्सितो, अथ खो पच्चयपरिग्गहवसपवत्तं धम्मट्ठितिजाणमेव यथावुत्तपच्चयपरिग्गहाकारस्स निगमनवसेन दस्सितं । तथा हि “एवमयं अविज्जा हेतु, सङ्गारा हेतुसमुपपन्ना, उभोपेते धम्मा हेतुसमुपपन्नाति पच्चयपरिग्गहे पज्जा धम्मट्ठितिजाणं । अतीतमपि अद्धानं । अनागतमपि अद्धानं अविज्जा हेतु...पे... धम्मट्ठितिजाण”न्ति (पटि० म० १.४६) धम्मट्ठितिजाणमेव पधानत्तेन दस्सितं । “अविज्जा हेतु, सङ्गारा हेतुसमुपपन्ना”तिआदि पन पच्चयपरिग्गहे पज्जा धम्मट्ठितिजाणन्ति (पटि० म० मातिका ४; १.४५) वुच्चमानता तस्स पच्चयपरिग्गहाकारपरिदीपनत्थं विसयत्तेन वुत्तं, न पधानत्तेन ।

अयङ्गेत्थ अत्थो — **एवन्ति** अनन्तरे वुत्तनयेन **अयं अविज्जा** सङ्गारानं हेतु, **सङ्गारा** च तेन हेतुना समुपपन्ना । **उभोपेतेति** यस्मा अयं अविज्जा परपरिकपितपकतिइस्सरादि विय अहेतुका निच्चा धुवा न होति, अथ खो “आसवसमुदया अविज्जासमुदयो”ति (मं नि० १.१०३) वचनतो सयमपि सहेतुका सङ्घता अनिच्चायेव होति, तस्मा उभोपेते अविज्जासङ्गारा हेतुसमुपपन्नायेव । **इतीति** एवं यथावुत्तनयेन पच्चयपरिग्गहनेन या पज्जा, तं धम्मानं ठितिसङ्घाते कारणे याथावतो पवत्तत्ता धम्मट्ठितिजाणं नामाति ।

एत्थ हि जाणस्स विसयविभावनवसेनेव अविज्जादीनं पच्चयादिभावो वुत्तो, न पधानत्तेन, जाणमेव पनेत्थ पधानतो वुत्तं, तस्मा एतस्स जाणस्स पच्चयपरिग्गहाकारदस्सनत्थमेव हेट्ठापि **कामभवे च अविज्जाति**आदिना अविज्जादीनं पच्चयादिभावो वुत्तो, इधापि निगमनवसेन उपसंहटो, न भवचक्कदस्सनत्थन्ति अयमेत्थ अत्तनो मति ।

तत्थ च पच्चयुपपन्नधम्मेषु अदिट्ठेसु हेतून् पच्चयभावोपि न सक्का दडुन्ति “सङ्गारा हेतुसमुपपन्ना”ति **पच्चयपरिग्गहजाणनिहेसे** (पटि० म० १.४५) पच्चयुपपन्नधम्मानमपि गहणं कतन्ति वेदितब्बं । **एतेन नयेनाति** अविज्जायं वुत्तनयेन सङ्गारा हेतु, विज्जाणं हेतुसमुपपन्नातिआदिना सब्बानि जातिपरियोसानानि पदानि वित्थारेतब्बानि ।

एवं **पटिसम्भिदामग्गपाळिया** धम्मट्ठितिजाणस्स अविज्जादीसु पवत्तिआकारं दस्सेत्वा इदानीं तस्स तेसु पच्चयेसु अज्जेहिपि आकारेहि पवत्तिआकारं दस्सेतुं **तत्थाति**आदि वुत्तं । तत्थ **तत्थाति** तेसु पटिच्चसमुपादङ्गेसु । सङ्घिपन्ति एत्थ अविज्जादयो हेतुसामञ्जेन फलसामञ्जेन वाति **सङ्केपो**, सङ्गहो, कोट्टासो रासीति अत्थो । सो पन जातितो दुविधीपि कालभेदवसेन चतुब्धिषो जातो । **पच्चुपपन्नो अद्धानति** अनुवुत्तति । **तण्हुपादानभवा गहिता** किलेसकम्मसामञ्जतो तदविनाभावतो च । अविज्जादिकिलेसवट्ठमि विपाकधम्मधम्मतासरिक्खताय इध कम्मवट्ठमेवाति आह **इमे पञ्च धम्माति**आदि । विपाका धम्मातिआदीसु कम्मजअरूपक्खन्धानमेव विपाकसहवचनीयत्तेपि नामरूपादिपदेसु रूपमिस्समपि फलपच्चकं अरूपपथानताय च तब्बहुलताय च “विपाकवट्ठ”न्ति वुत्तं । विपाकपथानं वट्ठं, विपाकबहुलं वा वट्ठन्ति अत्थो । कम्मजपरियायो वा एत्थ विपाक-सदो दडुब्बो । **जातिजरामरणापदेसेनाति** परमत्थधम्मविनिमुत्तजातिजरामरणं नाम नत्थीति तदपदेसेन तेसं कथनेन तंमुखेनाति अत्थो । आकरोयन्ति पकासीयन्तीति **आकारा**, अविज्जादिसरूपा, ततो पच्चयाकारतोति अत्थो । **एको सन्धीति** अविच्छेदपवत्तिहेतुभूतो हेतुफलसन्धि, दुतियो फलहेतुसन्धि, ततियो हेतुफलसन्धीति दडुब्बो ।

एवं धम्मट्ठितिजाणस्स अविज्जादीसु अनेकेहि पकारेहि पवत्तिआकारं दस्सेत्वा इदानीं तेहि, अवुत्तेहि च सब्बेहि आकारेहि भगवतो पटिच्चसमुपादस्स पटिविद्धभावं, तस्स च जाणस्स धम्मट्ठितिजाणसहपवत्तिनिमित्तत्तं **पटिसम्भिदापाळियेन** दस्सेतुं उपसंहारवसेन **इति भगवाति**आदि वुत्तं । तत्थ **इतीति** वुत्तपकारपरामसं, तेनाह **चतुसङ्केपन्ति**आदि । **सब्बाकारतोति** इध कामभवे च अविज्जा कामभवे सङ्गारानं पच्चयातिआदिना इध वुत्तेहि च अवुत्तेहि च **पटिच्चसमुपादविभङ्गादीसु** (विभ० २२५ आदयो) आगतहेहि सब्बेहि पकारेहि पटिविज्जति । तन्ति येन जाणेन भगवा एवं जानाति, तं जाणं । **जातट्टेनाति** जानन्दुन । **पजाननट्टेनाति** पटिविज्जनट्टेन ।

इदानीं यमिदं धम्मट्ठित्तिजाणं पच्चयपरिगहाकारभेदेहिं सद्धिं पपञ्चतो दस्सितं, तस्मिं अरघाते एतस्स उपयोगितं दस्सेतुं इमिना धम्मट्ठित्तिजाणेनातिआदि वुत्तं। तत्थ धम्मट्ठित्तिजाणेन अरे हनीति सम्बन्धो। कथन्ति? आह “ते धम्मं”तिआदि। ते अविज्जादिके धम्मं महावजिरजाणवुधेन तेन धम्मट्ठित्तिजाणेन यथाभूतं जत्था तेन बलवविपरस्सनावुधेन निब्बिन्दन्तो अरियमग्गावुधेन विरज्जन्तो विमुच्चन्तो अरे हनीति योजना। अरियमग्गजाणम्पि हि किच्चतो समुदयसच्चादिबोधतो “धम्मट्ठित्तिजाणं”ति वुच्चति।

एकेकं धम्मकखन्धं एकेकविहारेन पूजेमीति धम्मकखन्धं आरब्ध पवत्तापि विहारकरणपूजा भगवति पेमेनेव पवत्तता सधातुकादिचेतियपटिमण्डितता च भगवतोव पूजाति आह भगवन्तं उदिस्सतिआदि। किलेसारीन सो मुनीति एत्थ निग्गहीतलोपो, किलेसारीनं हतत्ताति अत्थो। पच्चयादीन चारहोति एत्थापि निग्गहीतलोपो दडुब्बो।

सम्मासम्बुद्धोति एत्थ सं-सदो सयन्ति अत्थे पवत्ततीति आह “साम”न्ति, अपरनेय्यो हुत्वाति अत्थो। सब्बधम्मानन्ति इदं कस्सचि विसयविसेसस्स अग्गहितत्ता सिद्धं। पदेसग्गहणे हि असति गहेतब्बस्स निष्पदेसताव विज्जायति, यथा दिक्खितो न ददातीति। एवञ्च कत्वा अत्थविसेसानपेक्खा कतरियेव बुद्ध-सदसिद्धि वेदितब्बा कम्मवचनिच्छाय अभावतो। “सम्मा सामं बुद्धत्ता सम्मासम्बुद्धो”ति एतकमेव हि इध सदतो लब्धति। सब्बधम्मानन्ति इदं पन अत्थतो लब्धमानं गहेत्वा वुत्तं, न हि बुज्जनकरिया अविसया युज्जति। अभिज्जेय्येति लक्खणादितो अनिच्चादितो च अभिविसिट्ठेन लोकियलोकुत्तरजाणेन जानितब्बं चतुसच्चधम्मं। परिज्जेय्येति अनिच्चादिवसेन परिच्छिन्दित्वा जानितब्बं दुक्खं अरियसच्चमाह। पहातब्बेति समुदयसच्चं। सच्छिकातब्बेति निरोधसच्चं। बहुवचननिद्वेसो पनेत्थ सोपादिसेसादिकं परियायसिद्धं भेदं अपेक्खित्वा कतो।

अभिज्जेय्यन्ति गाथाय पहातब्बभावेतब्बानं समुदयमग्गसच्चां हेतुधम्मानं गहणेनेव तप्फलानं दुक्खसच्चनिरोधसच्चांनम्पि सिद्धितो परिज्जातब्बञ्च परिज्जातं सच्छिकातब्बञ्च सच्छिकतन्ति इदम्पेत्थ सङ्गहितमेवाति दडुब्बं, तेनाह “तस्मा बुद्धोस्मी”ति। यस्मा चत्तारिपि सच्चांन मया बुद्धानि, तस्मा सब्बम्पि जेय्यं बुद्धोस्मि, अब्भज्जासिन्ति अत्थो।

विचिताविसयपत्थनाकारपवत्तिया तण्हा दुक्खविचिताय पधानकारणन्ति आह “मूलकारणभावेना”ति। उभिन्नन्ति चक्खुस्स तंसमुदयस्स च। अप्पवत्तीति अप्पवत्तिनिमित्तं, न अभावमत्तं। तस्स अवत्थुत्ता सप्पच्चयत्तादिअनेकभेदा सब्बसङ्गहिता। निरोधप्पजाननाति सच्छिकिरियाभिसमयवसेन निरोधस्स पटिविज्जना। एकेकपदुद्धारेनापीति चक्खु चक्खुसमुदयोतिआदिना एकेककोट्टासनिद्धारणेनापि, न दुक्खसच्चादिसामञ्जतो एवाति अधिप्पायो। तण्हायपि सङ्गारदुक्खपरियापन्ताय परिज्जेय्यत्ता दुक्खसच्चभावं दस्सेतुं “छ तण्हाकाया”ति वुत्तं। यस्मिं पन अत्तभावे सा उपपज्जति, तस्स मूलकारणभावेन समुद्गापिका पुरिमभवसिद्धा तण्हा समुदयसच्चन्ति गहेतब्बा। कसिणानीति कसिणारम्माणानि ज्ञानानि। इत्तिंसाकाराति केसादयो तदारम्माणज्ज्ञानानि च। नव भवाति कामभवादयो तयो सज्जीभवादयो तयो एकवोकारभवादयो तयो चाति नव भवा। चत्तारि ज्ञानानीति आरम्माणविसेसं अनपेक्खित्वा सामञ्जतो चत्तारि ज्ञानानि वुत्तानि। विपाककिरियानम्पि यथारहं सब्बत्थ सङ्गहो दडुब्बो। एत्थ च कुसलधम्मानं उपनिस्सयभूता तण्हासमुद्गापिकाति वेदितब्बा, किरियधम्मानं पन तस्स अत्तभावस्स कारणभूता तण्हा। अनुलोमतोति एत्थ अविज्जा दुक्खसच्चं, तंसमुद्गापिका पुरिमतण्हा आसवा समुदयसच्चन्ति योजेतब्बं। सङ्गारादीसु पन अविज्जादयोव समुदयसच्चभावेन योजेतब्बा। तेनाति तस्मा।

विज्जाति अत्तनो विसयं विदितं करोतीति विज्जा। सम्पन्नत्ताति समन्तागतता, सम्पुण्णता वा। तत्राति अम्बडुसुते। मनोमयिद्धियाति एत्थ “इध भिक्खु इमम्हा काया अज्जं कायं अभिनिम्मिनाती”ति (दी० नि० १.२३६) वुत्तता सरीरब्भन्तरज्ञानमनेन अज्जस्स सरीरस्स निब्बत्तिवसेन पवता मनोमयिद्धि नाम, सा अत्थतो ज्ञानसम्पयुत्ता पज्जायेव। सत्त सद्धम्मा नाम सद्धा हिरी ओत्तपं बाहुसच्चं वीरियं सति पज्जा च। गच्छति अमतं दिसन्ति दुक्खनित्थरणत्थिकेहि दडुब्बतो अमतं निब्बानमेव दिसं गच्छति, इमिना च चरणानं सिक्खत्तयसङ्गहितअरियमग्गभावतो निब्बानत्थिकेहि एक्कसेन इच्छितब्बतं दस्सेति। इदानीस्सा विज्जाचरणसम्पदाय सावकादिअसाधारणतं दस्सेतुं तत्थ विज्जासम्पदातिआदि वुत्तं। तत्थ आसवक्खयविज्जावसेन सब्बज्जुता सिज्जति, चरणधम्मभूतेसु ज्ञानेसु अन्तोगधाय महाकरुणासमापत्तिया वसेन महाकारुणिकता सिज्जतीति आह “विज्जा...पे... महाकारुणिकत”ति। यथा तन्ति एत्थ तन्ति निपातमत्तं, यथा अज्जोपि विज्जाचरणसम्पन्नो बुद्धो नियोजेति, तथा अयम्पीति अत्थो। तेनाति अनत्थपरिवज्जनअत्थनियोजनेन। अत्तन्तपादयोति आदि-सद्देन परन्तपउभयन्तपा गहिता। असज्जमानो भवेसु अपच्चागच्छन्तोति पहानानं पुनानुपत्तितो न पुन उपगच्छन्तो।

तत्राति युत्तवाचाभासने सधेतब्बं चेत्तं भुम्मं। अभूतन्ति अभूतत्थं। अतच्छन्ति तस्सेव वेवचनं। अनत्थसंहितन्ति पिसुणादिदोसयुत्तं। सम्मागदत्ताति सुन्दरवचनता, गदनं गदो, कथनन्ति अत्थो। सुन्दरो गदो वचनमस्साति “सुगदो”ति वत्तब्बं निरुत्तिनयेन द-कारस्स त-कारं कत्वा “सुगत्तो”ति वुत्तं।

सभावतोति दुक्खसभावतो। लोकन्ति खन्धादिलोकं। यथावुत्तमत्थं सुत्ततो आह यत्थातिआदि। तत्थ यत्थाति यस्मिं लोकन्तसङ्गहाते निब्बाने। तन्ति लोकस्सन्तं, ओकासलोके कायगमनेन जातब्बं पत्तब्बन्ति नाहं वदामीति योजना। इदञ्च रोहितदेवपुत्तेन लोकस्स कायगतवसेन अन्तगमनस्स पुच्छितता वुत्तं। अप्पत्वा लोकस्सन्तन्ति खन्धादिलोकं सन्धाय वुत्तं।

किन्ते पदसा ओकासलोकपरिभ्रमनेन, परिमितद्धाने एव तं जाणगमनेन गच्छन्तानं दस्सेमीति दस्सेन्तो अपि चातिआदिमाह। तत्थ ब्याममत्ते कळेवरेति सरीरे। तेन रूपक्खन्धं दस्सेति। ससज्जिम्हीति सज्जासीसेन वेदनादयो तयो खन्धे। समनकेति विज्जाणक्खन्धं। लोकन्ति खन्धादिलोकं, दुक्खन्ति अत्थो। लोकनिरोधन्ति निब्बानेन लोकस्स निरुज्जनं, निब्बानमेव वा। अदेसम्पि हि निब्बानं येसं निरोधाय होति, उपचारतो तन्निस्सितं विय होतीति “ब्याममत्ते कळेवरे लोकनिरोधम्पि पज्जपेमी”ति वुत्तं, चक्खु लोके पियरूपं, सातरूपं, एत्थेसा तण्हा निरुज्जमाना निरुज्जतीतिआदीसु (दी० नि० २.४०१; विभ० २०४) विय। कुदाचनन्ति कदाचिपि। अप्पत्वाति अग्गमणेन अनधिगन्त्वा। तस्माति यस्मा तं गमनेन पत्तुं न सक्का, तस्मा। हवेति निपातमत्तं, एक्कसत्थे वा। लोकविदूति सभावादितो खन्धादिजाननको। चतुसच्चधम्मानं अभिसमितता सभितावी, समितकिलेसोति वा अत्थो। नासीसति न पत्थेति अप्पटिसन्धिकता।

एवं सङ्केपतो लोकं दस्सेत्वा इदानीं विथारतो तं दस्सेतुं अपि च तयो लोकातिआदि वुत्तं। तत्थ इन्द्रियबद्धानं खन्धानं समूहसन्तानभूतो सत्तलोको। सो हि रूपादीसु सत्तविसत्तताय “सत्तो”ति च, लोकियन्ति एत्थ कम्मकिलेसा तब्बिपाका चाति “लोको”ति च वुच्चति। अनिन्द्रियबद्धानं उतुजरूपानं समूहसन्तानभूतो ओकासलोको। सो हि सत्तसङ्गारानं आधारतो “ओकासो”ति च, लोकियन्ति एत्थ तस्साधारा च आधेय्यभूताति “लोको”ति च पवुच्चति। इन्द्रियानिन्द्रियबद्धा पन सब्बेव उपादानक्खन्धा पच्चयेहि सङ्गतुडेन लुज्जनपलुज्जनडेन च “सङ्गारलोको”ति च वुच्चति। आहरति अत्तनो फलन्ति आहारो, पच्चयो। तेन तिट्ठनसीला उपपज्जित्वा याव भङ्गा पवत्तनसीलाति आहारदुत्तिका, सब्बे सङ्गतधम्मा। सब्बे सत्ताति च इमिनापि वेनेय्यानुरूपतो पुगलाधिद्धानत्ता देसनाय सङ्गाराव गहिता।

यावता चन्दिमसूरिया परिहरन्तीति यत्तके ठाने चन्दिमसूरिया परिवत्तन्ति पवत्तन्ति। विरोचनाति तेसं विरोचनहेतु ओभासनहेतुति हेतुम्हि निस्सक्कवचनं। दिसा भन्तीति सब्बा दिसा यावता विगतत्थकारा पज्जायन्ति। अथ वा दिसाति उपयोगबहुवचनं। तस्मा विरोचमाना चन्दिमसूरिया यत्तका दिसा भन्ति ओभासेन्तीति अत्थो। ताव सहस्सथा लोकोति तत्तकेन पमाणेन सहस्सप्पकारो ओकासलोको, सहस्सचक्कवाळानीति अत्थो। एत्थाति सहस्सचक्कवाळे। वसोति इद्धिसङ्गहातो वसो वत्ततीति अत्थो।

तम्पीति तिविधम्पि लोकं। अस्साति अनेन भगवता सङ्गारलोकोपि सब्बत्था विदितोति सम्बन्धो। एको लोकोति व्यायं हेट्टा वुत्तनयेन सब्बसङ्गहानं पच्चयायत्तवुत्तितो तेन सामज्जेन सङ्गारलोको एको एक्कविधो, एस नयो सेसेसुपि। सब्बत्थापि लोकियधम्माव लोकोति अधिप्पेता लोकुत्तरानं परिज्जेय्यत्ताभावा। उपादानानं आरम्माणभूता खन्धा उपादानक्खन्धा। सत्त विज्जाणदुत्तियोति तथा तथा समुपपन्ना पजायेव वुच्चन्ति। नानत्तकाया नानत्तसज्जिनो, नानत्तकाया एक्कत्तसज्जिनो, एक्कत्तकाया नानत्तसज्जिनो, एक्कत्तकाया एक्कत्तसज्जिनो, हेट्टिमा च तयो आरुप्पाति इमा सत्तविधा पजायेव विज्जाणं तिडुति एत्थाति विज्जाणदुत्तियो नाम। तत्थ नानत्तं कायो एतेसमत्थीति नानत्तकाया। नानत्तं सज्जा एतेसन्ति नानत्तसज्जिनो। सज्जासीसेनेत्थ पटिसन्धिविज्जाणं गहितं, एस नयो सेसेसुपि।

तत्थ सब्बमनुस्सा च छ कामावचरदेवा च नानत्तकाया नानत्तसज्जिनो नाम। तेसज्जि अज्जमज्जं विसदिसताय नाना कायो, पटिसन्धिसज्जा च नवविधताय नाना। तीसु पठमज्ज्ञानभूमीसु ब्रह्मकायिका चेव चतुसु अपायेसु सत्ता च नानत्तकाया एक्कत्तसज्जिनो नाम। तेसु हि ब्रह्मपारिसज्जादीनं तिण्णम्पि सरीरं अज्जमज्जं विसदिसं, पटिसन्धिसज्जा पन पठमज्ज्ञानविपाकवसेन एकाव, तथा आपाधिकानम्पि, तेसं पन सब्बेसं अकुसलविपाकाहेतुकाव पटिसन्धिसज्जा। दुत्तियज्ज्ञानभूमिका च परित्ताभ अप्पमाणाभ आभस्सरा एक्कत्तकाया नानत्तसज्जिनो नाम। तेसज्जि सब्बेसं एकप्पमाणोव कायो, पटिसन्धिसज्जा पन दुत्तियतत्तियज्ज्ञानविपाकवसेन नाना होति। तत्तियज्ज्ञानभूमियं परित्तसुभादयो तयो, चतुत्थज्ज्ञानभूमियं असज्जसत्तवज्जिता वेहप्फला, पञ्च च सुद्धावासाति नवसु भूमीसु सत्ता

**एकतकाया एकतसञ्जिनो** नाम । आभानानत्तेन पन सब्बत्थ कायनानत्तं न गह्ति, सण्ठाननानत्तेनेव गह्तीति । असञ्जसत्ता विञ्जाणाभावेन विञ्जाणद्धितिसङ्ख्यं न गच्छन्ति । नेवसञ्जा नासञ्जायतनं पन यथा सञ्जाय, एवं विञ्जाणस्सापि सुखुमत्ता नेवविञ्जाणं नाविञ्जाणं, तस्मा परित्यक्तविञ्जाणकिच्चवन्तेसु विञ्जाणद्धितिसु न गह्ति । तस्मा संसांन आकासानञ्जायतनादीनि तीणियेव गहितानि, तेहि सङ्खि इमा सत्त विञ्जाणद्धितियोति वेदितब्बा ।

**अट्ट लोकधम्मा**ति लाभो अलाभो यसो अयसो निन्दा पसंसा सुखं दुक्खन्ति इमे अट्ट लोकस्स सभावता लोकधम्मा । लाभालाभादिपच्चया उपपज्जनका पनेत्थ अनुरोधविरोधा वा लाभदिसहेहि वुत्ताति वेदितब्बा । **नव सत्तावासा**ति हेट्ठा वुत्ता सत्त विञ्जाणद्धितियो एव असञ्जसत्तचतुत्थारुणेहि सङ्खि “नव सत्तावासा”ति वुच्चन्ति । सत्ता आवसन्ति एत्थाति सत्तावासा, सत्तनिकायो, अत्थतो तथा पवत्ता पजा एव इध सङ्खारलोकभावेन गहन्तीति वेदितब्बा । **दसायतनानी**ति धम्मायतनमनायतनवज्जितानि दस ।

एत्थ च तीसु भवेसु अस्साददस्सनवसेन तस्सो वेदनाव लोकभावेन वुत्ता, तथा पच्चयदस्सनवसेन चत्तारोव आहारा । अत्तग्गाहनिमित्तदस्सनवसेन छ अञ्जत्तिकानेव आयतनानि । थूलसञ्जीभवदस्सनवसेन सत्त विञ्जाणद्धितियोव, अनुरोधविरोधदस्सनवसेन अट्ट लोकधम्मा वा, थूलायतनदस्सनवसेन दसायतनानेव लोकभावेन वुत्तानि । तेसं गहणेनेव तन्निस्सयत्तपटिबद्धा तदारम्माणा सब्बं तेभूमका नामरूपधम्मा अत्थतो गहिता एव होन्ति । संसेहि पन एकविधादिकोड्ढासेहि सरूपेनेव ते गहिताति वेदितब्बं ।

**आसयं जानाती**ति आदीसु आहच्च चित्तं एत्थ सेतीति आसयो, अञ्जस्मिं विसये पवत्तित्वापि चित्तं यत्थ सरसेन पविसित्वा तिड्ढति, सो वट्ठासयो विवट्ठासयोति दुविधो । तत्थ वट्ठासयोपि सस्सतुच्छेददिट्ठिवसेन दुविधो । विवट्ठासयो पन विपस्सनासङ्गता अनुलोमिका खन्ति, मग्गसङ्गातं यथाभूतज्ञाणञ्चाति दुविधो । यथाह —

“सस्सतुच्छेददिट्ठि च, खन्ति चेवानुलोमिकं ।

यथाभूतञ्च यं जाणं, एतं आसयसहिं”न्ति ॥ (सारत्थ० टी० १.वेरञ्जकण्डवण्णना) ।

एतं दुविधम्पि आसयं सत्तानं अपवत्तिकखणेयेव भगवा सब्बथा जानाति । **अनुसयन्ति** कामरागानुसयादिवसेन सत्तविधं अनुसयं । **चरितन्ति** “सुचरितदुच्चरित”न्ति **निहेसे** वुत्तं । अथ वा चरितन्ति चरिया, ते रागादयो छ मूलचरिया, संसगसन्निपातवसेन अनेकविधा होन्ति । **अधिमुत्तिन्ति** अञ्जासयधातुं, तत्थ तत्थ चित्तस्स अभिरुचिवसेन निन्ता, सा दुविधा हीनाधिमुत्ति पणीताधिमुत्तीति । याय दुस्सीलादिके हीनाधिमुत्तिके सेवन्ति, सा **हीनाधिमुत्ति** । याय पणीताधिमुत्तिके सेवन्ति, सा **पणीताधिमुत्ति** । तं दुविधम्पि अधिमुत्तिं भगवा सब्बाकारतो जानाति । अपं रागादिरजं एतेसन्ति **अप्परजक्खा**, अनुस्सदरागादिदोसा । उस्सदरागादिदोसा **महारजक्खा** । उपनिस्सयभूतेहि तिकखेहि सङ्गादिन्द्रियेहि मुदुकेहि च समन्नागता **तिक्खिन्द्रिया मुदिन्द्रिया** च । हेट्ठा वुत्तेहि आसयादीहि सुन्दरेहि असुन्दरेहि च समन्नागता **स्वाकारा ढाकारा** च वेदितब्बा । सम्मत्तनियामं विञ्जापेत्तुं सुकरा **सुविञ्जापया**, विपरीता **दुविञ्जापया** । मग्गफलपटिवेधाय उपनिस्सयसम्पन्ना **भब्बा**, विपरीता **अभब्बा** । एवं सत्तसन्तानगतधम्मविसेसजाननेनेव **सत्तलोकोपि विदितो** धम्मविनिमुत्तस्स सत्तस्स अभावाति वेदितब्बं ।

**एकं चक्कवाळं...पे०... पञ्जासञ्च योजनानी**ति एत्थ होतीति सेसो । **परिक्खेपतो** पमाणं वुच्चतीति सेसो । चक्कवाळस्स सब्बं परिमण्डलं छत्तिस सतसहस्सानि...पे०... सतानि च होन्तीति योजेतब्बं । **तत्थाति** चक्कवाळे, द्वे सतसहस्सानि चत्तारि नहुतानि च योजनानि यानि एत्तकं एत्तकप्पमाणं बहलत्तेन अयं वसुन्धरा सङ्गाताति योजना । तत्थ **एत्तकन्ति** किरियाविसेसं दडुब्बं । सन्धारकं जलं एत्तकं एत्तकप्पमाणं हुत्वा पतिट्ठित्ति योजना । **एत्थाति** चक्कवाळे । **अञ्जोगाळहुग्गताति** अञ्जोगाळा च उग्गता च । **ब्रह्माति** महन्ता । **योजनानं सतानुच्चो**, **हिमवा पञ्चाति** योजनानं पच्चसतानि उच्चो उब्बेधो । **तिपञ्चयोजनकखन्धपरिक्खेपाति** पन्नरसयोजनप्पमाणकखन्धपरिणाहा । **नगद्धयाति** रुक्खाभिधाना जम्बूति योजना । **समन्ततोति** सब्बसोभागेन, आयामतो च वित्थारतो च सतयोजनवित्थाराति अत्थो । **यस्सानुभावेनाति** यस्सा महन्ताकप्पट्ठायिकादिपकारेन पभावेन । **परिक्खिपित्वा तं सब्बं, लोकधातुमयं ठितोति** हेट्ठा वुत्तं सब्बम्पि तं परिक्खिपित्वा **चक्कवाळसिलुच्चयो** ठितो, अयं एका **लोकधातु** नामाति अत्थो, **म-**कारो पदसन्धिवसेन वुत्तो । अथ वा तं सब्बं लोकधातुं परिक्खिपित्वा अयं चक्कवाळसिलुच्चयो ठितोति योजेतब्बं ।

**तत्थाति** तस्सं लोकधातुं । **तावत्तिसभवन्ति** तिदसपुं । **असुरभवन्ति** असुरपुं । अवीचिमहानिरयो च तथा दससहस्सयोजनो, सो पन चतुन्नं लोहभितीनमन्तरा योजनसतायामवित्थारोपि समन्ता सोळसहि उस्सदनिरयेहि सङ्खि दससहस्सयोजनो वुत्तोति वेदितब्बो । **तदनन्तरेसूति** तेसं चक्कवाळानं अन्तरेसु । लोकानं चक्कवाळानं अन्तरे विवरे भवता **लोकन्तरिका** । तिण्णञ्जि सकटचक्कानं पत्तानं वा आसन्नट्ठपितानं अन्तरसदिसे तिण्णं तिण्णं चक्कवाळानं अन्तरेसु एकेको लोकन्तरिकनिरयो अट्टयोजनसहस्सप्पमाणो सीतनरको सत्तानं अकुसलविपाकेन निब्वत्तति । **अनन्तानीति** तिरियं अट्टसु दिसासु चक्कवाळानि आकासो विय अनन्तानि । उद्धं पन अधो च अन्तानेव । **अनन्तेन बुद्धजाणेनाति** एत्थ अनन्तजेय्यपटिवेधसामत्थिययोगतोव जाणं “अनन्त”न्ति वेदितब्बं ।

**अत्तनीति** निस्सक्के सामिवचनमेतं, अत्तनीति अत्थो । गुणेहि अत्तनो विसिद्धतरस्साति सम्बन्धो, तरग्गहणञ्चेत्थ अनुत्तरोति पदस्स अत्थनिहेसवसेन कतं, न विसिद्धस्स कस्सचि अत्थिताय । सदेवके हि लोके सदिसक्कपोपि नाम कोचि तथागतस्स नत्थि, कुतो सदिसो, तेनाह **सीलगुणेनापि असमोति**आदि । तत्थ असमेहि सम्मासम्बुद्धेहि समो **असमसमो** । नत्थि पटिमा एतस्साति **अप्पटिमो** । एस नयो सेसेसुपि । तत्थ उपमामत्तं पटिमा, सदिसूपमा पटिभागो । युग्गाहवसेन ठितो पटिमो पुग्गलोति वेदितब्बो । **अत्तनाति** अत्ततो । **पुरिसदम्मेति** आदीसु दमितब्बा दम्मा, “दम्मपुरिसा”ति वत्तब्बं विसेसनस्स परनिपातं कत्वा “पुरिसदम्मा”ति वुत्तं, पुरिसग्गहणञ्चेत्थ उक्कट्टवसेन इत्थीनम्पि दमेतब्बतो । **निब्बिसा कता** दोसविसस्स विनोदनेन । **अत्थपदन्ति** अत्थाभिज्जञ्जनकं पदं, वाक्यन्ति अत्थो । एकपदभावेन च अनञ्जसाधारणो सत्थु पुरिसदम्मसारथिभावो दस्सितो होति, तेनाह **भगवा हीति**आदि । **अट्ट दिसाति** अट्ट समापत्तियो । **असज्जमानाति** वसीभावप्पत्तिया निस्सङ्गचारा ।

दिट्ठधम्मो वुच्चति पच्चक्खो अत्तभावो, तत्थ नियुत्तोति **दिट्ठधम्मिको**, इधलोकत्थो । कम्मकिलेसवसेन सम्परितब्बतो समागन्तब्बतो सम्परायो, परलोको, तत्थ नियुत्तोति **सम्परायिको**, परलोकत्थो । परमो उत्तमो अत्थो परमत्थो, निब्बानं । सह अत्थेन वत्ततीति **सत्थो**, भण्डमूलेन वाणिज्जाय देसन्तरं गच्छन्तो जनसमूहो । सो अस्स अत्थीति सत्था, **सत्थवाहोति** निरुत्तिनयेन । सो विय भगवाति आह “सत्था, भगवा सत्थवाहो”ति । इदानी तमत्यं निहेसपाळिनयेन दस्सेतुं **यथा सत्थवाहोति**आदि वुत्तं । तत्थ **सत्थेति** सत्थिके जने । कं उदकं तारेन्ति एत्थाति **कन्तारो**, निरुदको अरञ्जप्पदेसो । चोरादीहि अधिड्ढितअरञ्जप्पदेसापि दुग्गमनट्टेन तंसदिसताय कन्तारात्त्वेव निरुद्धाति सामञ्जतो “कन्तारं तारेती”ति वत्ता तं विवरन्तो **चोरकन्तारन्ति**आदिमाह ।

**भगवतोति** निस्सक्के सामिवचनं, भगवन्ततो धम्मस्सवनेनाति अत्थो । यथा “उपज्जायतो अज्जेती”ति, भगवतो सन्तिकेति वा अत्थो । **सरे निमित्तं अगहेसीति** पुब्बबुद्धुप्पादेसु सद्धम्मस्सवनपरिचयेन “धम्मो एसो वुच्चती”ति सरे आकारं गण्हि । पुब्बाभियोगवसेनेव हि ईदिसानं तिरिच्छानानं धम्मस्सवनादीसु पसादो उपपज्जति वग्गुलिआदीनं विय । इतरथा सब्बतिरिच्छानानम्पि तथा पसादुपत्तिप्पसङ्गतो । यदि हि उपपज्जेय्य, भगवा अनन्तचक्कवाळेसु सब्बसत्तानम्पि एकक्खणे सप्पाटिहारियधम्मं सावेत्तुं सक्कोतीति सब्बसत्तानम्पि इतो पुब्बेव विमुत्तिप्पसङ्गो सिया । ये पन देवमनुस्सनागसुपण्णादयो पकतियाव कम्मस्सकत्तज्जाणादियुत्ता होन्ति, तेयेव पुब्बे अनुपनिस्सयापि भगवतो सद्धम्मस्सवनादिना पठमं विवट्टपनिस्सयं पसादं उप्पादेत्तुं सक्कोन्ति, न इतरेति गहेतब्बं । **अरे अहम्पि नामाति** एत्थ “कुतोहं इध निब्वत्तोति ओलोकेत्वा मण्डूकभावतोति जत्वा”ति इदं एत्तकम्पि अरे अहम्पि नामाति विम्वयवचनेनेव सिञ्जतीति अवुत्तन्ति वेदितब्बं । **जलन्ति** जलन्तो विज्जोतमानो । **मण्डूकोहन्ति** गाथाय **उदकेति** सज्जातट्टानदस्सनं, तेन थलमण्डूकता निवत्तनं कतं होति । उदके जातानम्पि कच्छपादीनं थलगोचरतापि अत्थीति तं निवत्तनत्थं “वारिगोचरो”ति वुत्तं, उदकसञ्चारीति अत्थो ।

**विमोक्खन्तिकजाणवसेनाति** एत्थ सब्बसो किलेसेहि विमुच्चतीति विमोक्खो, अग्गमग्गो, तस्स अन्तो, अग्गफलं, तत्थ भवं विमोक्खन्तिकं, सब्बञ्जुत्तज्जाणेन सङ्खि सब्बम्पि बुद्धजाणं । इदानी सम्मासम्बुद्धपदतो बुद्धपदस्स विसेसं दस्सेतुं **यस्मा वाति**आदि वुत्तं । सम्मासम्बुद्धपदेन हि सत्थु पटिवेधजाणानुभावो वुत्तो, इमिना पन बुद्धपदेन देसनाज्जाणानुभावोपि, तेनाह **अज्जेपि सत्ते बोधेसीति**आदि ।

**गुणविसिद्धसत्तुत्तमगरुगारवाधिवचनन्ति** सब्बेहि सीलादिगुणेहि विसिद्धस्स ततो एव सब्बसत्तेहि उत्तमस्स गरुनो गारववसेन वुच्चमानवचनमिदं **भगवाति** । **सेट्ठन्ति** सेट्ठवाचकं वचनं सेट्ठगुणसहचरणतो । अथ वा वुच्चतीति वचनं, अत्थो, सो सेट्ठोति अत्थो । **उत्तमन्ति** एत्थापि एसेव नयो । **गरुगारवयुत्तोति** एत्थ गरुभावो गारवं, गरुगुणयोगतो गरुकरणं वा गारवं, तेन सावकादीनं

असाधारणताय गरुभूतेन महन्तेन गारवेन युतोति गरुगारवयुतो। अथ वा गरु च सब्बलोकस्स सिक्खकत्ता तेनेव गारवयुतो चातिपि योजेतब्बं।

अवत्याय विदितं **आवत्थिकं**। एवं **लिङ्गिकं**। निमित्ततो आगतं **नेमित्तिकं**। अधिच्च यंकिञ्चि निमित्तं अधिवचनवसेन अनपेक्खित्वा पवत्तं **अधिच्चसमुपपन्नं**, तेनाह “वचनत्थमनपेक्खित्वा”ति। यदिच्छाय आगतं यादिच्छकं। एत्थ च बाहिरं दण्डादि **लिङ्गं**, अब्भन्तरं तेष्विज्जादि **निमित्तं**। पचुरजनविषयं वा दिस्समानं **लिङ्गं**, तब्बिपरीतं **निमित्तं**ति वेदितब्बं। **सच्छिकापञ्जतीति** सब्बधम्मनं सच्छिकिरियानिमित्ता पञ्जति। अथ वा **सच्छिकापञ्जतीति** पच्चक्खसिद्धा पञ्जति। यंगुणनिमित्ता हि सा, ते गुणा सत्थु पच्चक्खभूताति गुणा विय सापि सच्छिकत्ता एव नाम होति, न परेसं, वोहारमत्तेनाति अधिपायो। **यंगुणनेमित्तिकं**ति येहि गुणेहि निमित्तभूतेहि **एतं नामं** नेमित्तिकञ्च जातं। **वदन्तीति** धम्मसेनापतिस्स गरुभावतो बहुवचनेनाह, सङ्गीतिकारेहि वा कतमनुवादं सन्धाय।

इस्सरियादिभेदो भगो अस्स अत्थीति **भगी**। मग्गफलादिअरियगुणं अरज्जादिविवेकद्वानञ्च भजि सेवि सीलेनाति **भजी**। चीवरादिपच्चयानं अत्थरसादीनञ्च सीलादिगुणानञ्च **भागी**, दायादीति अत्थो। विभजि उदेसिन्हेसादिपकारेहि धम्मरतनं पविभजीति **विभत्तवा**। रागादिपापधम्मं **भगं अकासीति भगवाति** वुच्चतीति सब्बत्थ सम्बन्धो। गरुपि लोके भगवाति वुच्चतीति आह “गरू”ति, यस्मा गरु, तस्मापि भगवाति अत्थो। पारमितासङ्घातं भग्यमस्स अत्थीति **भग्यवा**। **बहूहि जायेहीति** कायभावनादिकेहि अनेकेहि भावनाक्कमेहि। **सुभावितत्तनोति** पच्चत्ते एतं सामिवचनं, तेन सुभावितसभावोति अत्थो। भवानं अन्तं निब्बानं गतोति **भवन्तगो**। तत्थ तत्थ भगवाति सहसिद्धिं निरुत्तिनयेनेव वेदितब्बा।

इदानीं भगी भजीति निहेसगाथाय नवहि पदेहि दस्सितमत्थं भग्यवाति गाथाय छहि पदेहि सङ्गहेत्वा पदसिद्धिं अत्थयोजनानयभेदेहि सद्धिं दस्सेतुं **अयं पन अपरो नयोति**आदि वुत्तं। तत्थ **वण्णविपरिययोति** एत्थ **इति**-सहो आदिअत्थो, तेनेव वण्णविकारो वण्णलोपो धातुअत्थेन नियोजनञ्चाति इमं तिविधं लक्खणं सङ्गहति। **सहनयेनाति** सहलक्खणनयेन। पिसोदरादीनं सद्धानं आकतिगणभावतो वुत्तं “**पिसोदरादिपक्खेपलक्खणं गहेत्वा**”ति। पक्खिपनमेव लक्खणं। तप्परियापन्नात्ताकरणञ्चि पक्खिपनं। **भग्यन्ति** कुसलं।

लोभादयो चत्तारो दोसा एककवसेन गहिता। अहिरिकादयो दुक्कवसेन। अक्कोच्छिमन्तिआदिना (ध० प० ३-४) पुनपुनं कुञ्चनवसेन चित्तपरियोनन्धनो कोधोव **उपनाहो**। परेसं पुब्बकारितालक्खणस्स गुणस्स निपुञ्छनो **मक्खो** नाम। बहुस्सुतादीहि सद्धिं युग्गाहो अत्तनो समकरणं **पलासो**। अत्तनो विज्जमानदोसपटिच्छादना **माया**। अविज्जमानगुणप्पकासनं **साठेय्यं**। गरूसुपि थद्धता अनोनतता **धम्मो**। तदुत्तरिकरणलक्खणो **सारम्मो**। जातिआदिं निस्साय उन्नातिलक्खणो **मानो**। अब्भुन्नातिलक्खणो **अतिमानो**। जातिआदिं निस्साय मज्जनाकारप्पतो मानोव **मदो** नाम। सो सत्तवीसतिविधो। कामगुणेषु चित्तस्स वोस्सग्गो **पमादो**। कायदुच्चरितादीनि **तिविधदुच्चरितानि**। तण्हादिद्विदुच्चरितवसेन **तिविधसंकिलेसा**। रागदोसमोहाव **मलानि**। तेयेव कायदुच्चरितादयो च **तिविधविसमानि**। कामब्बापादविहिंसासञ्जा **तिविधसञ्जा** नाम। तेयेव **वितक्का**। तण्हादिद्विमाना **पपञ्चा**। सुभसुखनिच्च अत्तविपरियेसा **चतुब्बिधविपरियेसा**। छन्ददयो **अगति**। चीवरादीसु पच्चयेसु लोभा **चत्तारो तण्हुपादा**। बुद्धधम्मसङ्घसिक्खासु कङ्का, सब्रह्मचारीसु कोपो च **पञ्च चेतोखीला**। कामे काये रूपे च अवीतरागता, यावदत्थं भुज्जित्वा सेय्यसुखादिअनुयोगो, अज्जतरं देवनिकायं पणिधाय ब्रह्मचरियचरणञ्च **पञ्च चेतोविनिबन्धा**। रूपाभिनन्दनादयो **पञ्च अभिनन्दना**। कोधमक्खइस्सासाठेय्यपापिच्छतासन्दिद्धिपरामासा **छ विवादमूलानि**। रूपतण्हादयो **छ तण्हाकाया**। मिच्छादिद्विआदयो अट्टमग्गाङ्गपटिपक्खा **मिच्छत्ता**। तण्हं पटिच्च परियेसना, परियेसनं पटिच्च लाभो, लाभं पटिच्च विनिच्छयो, तं पटिच्च छन्दरागो, तं पटिच्च अज्झोसानं, तं पटिच्च परिग्गहो, तं पटिच्च मच्छरियं, तं पटिच्च आरक्खा, आरक्खाधिकरणं दण्डादनादिअनेकाकुसलरासीति **नव तण्हामूलका** धम्मा। पाणातिपातादयो **दस अकुसलकम्मपथा**। चत्तारो सस्सत्तवादा तथा एकच्चसस्सत्तवादा अन्तानन्तिका अमराविकर्षेपिका द्वे अधिच्चसमुपपन्निका सोळस सञ्जीवादा अट्ट असञ्जीवादा अट्ट नेवसञ्जीनासञ्जीवादा सत्त उच्छेदवादा पञ्च दिट्ठधम्मनिब्बानवादाति एतानि **द्वासिद्धि दिट्ठिगतानि**। रूपतण्हादिछतण्हा एव पच्चकं कामतण्हाभवतण्हाविभवतण्हावसेन अट्टारस होन्ति, ता अज्जत्तबहिद्धरूपादीसु पवत्तिवसेन छत्तिंस, पुन कालत्तयवसेन **अट्टसत्ततण्हाविचरितानि** होन्ति। **पभेद**-सहं पच्चकं सम्बन्धित्वा लोभपभेदोतिआदिना योजेतब्बं। **सब्बदरथपरिळाहकिलेससत्तसहस्सानोति** सब्बानि सत्तानं दरथसङ्घातपरिळाहकरानि किलेसानं अनेकानि सत्तसहस्सानि, आरम्भणादिविभागतो पवत्तिआकारविभागतो च नेसं एवं पभेदो वेदितब्बो। पञ्च मारे अभज्जीति सम्बन्धो। **परिस्सयानन्ति** उपहवानं।

एवं भग्यवा भग्गवाति द्विनं पदानं अत्थं विभजित्वा इदानीं तेहि द्वीहि गहितमत्थं दस्सेतुं **भग्यवन्तताय चस्साति**आदि वुत्तं। तत्थ **सत्तपुञ्जजलक्खणधरस्साति** अनेकसत्तपुञ्जनिब्बत्तमहापुरिसलक्खणधरस्स भगवतो। **सक्कचित्ते इस्सरियं** नाम पटिकूलादीसु अप्पटिकूलसज्जितादिवसप्पवत्तिया चैव चेतोसमाधिवसेन च अत्तनो चित्तस्स वसीभावापादनमेव। **अणिमा लथिमादिकन्ति आदि**-सद्देन महिमा पत्ति पाकम्मं ईसिता वसिता यत्थकामावसायिताति इमे छपि सङ्गहिता। तत्थ कायस्स अणुभावकरणं **अणिमा**। आकासे पदसा गमनादिअरहभावेन लहुभावो **लथिमा**। कायस्स महन्तातापदानं **महिमा**। इट्ठदेस्स पापुणं **पत्ति**। अधिद्वानादिवसेन इच्छित्तथनिष्फादनं **पाकम्मं**। सयंवसिता इस्सरभावो **ईसिता**। इद्धिविधे वसीभावो **वसिता**। आकासेन वा गच्छतो, अज्जं वा किञ्च करोतो यत्थ कत्थिच वोसानप्पत्ति **यत्थकामावसायिता**, “कुमारकरूपादिदस्सन”न्तिपि वदन्ति। **सब्बङ्गपच्चङ्कसिरीति** सब्बसं अङ्गपच्चङ्कानं सोभा। **अत्थीति** अनुवत्तति। लहुसाधनं तं तं कालिकं इच्छितं, गरुसाधनं चिरकालिकं बुद्धतादिपत्थितं। **भगा अस्स सन्तीति भगवाति** इदं सहसत्थनयेन सिद्धं, सेसं सब्बं निरुत्तिनयेन सिद्धन्ति वेदितब्बं।

**पीळनसङ्गतसत्तापविपरिणामट्टेनाति**आदीसु पीळनट्टो सङ्गतट्टोतिआदिना अत्थ-सहो पच्चकं योजेतब्बो। तत्थ अत्तनो सभावेन पीळनलक्खणं दुक्खं। तस्स यो पीळनमेव अत्थो “पीळनट्टो”ति वुच्चति, सो सभावो। यस्मा पन तंसमुदयेन सङ्गतं, तस्मा **सङ्गतट्टो** समुदयदस्सनेन आविभूतो। यस्मा च मग्गो किलेससन्तापहरत्ता सुसीतलो, तस्मास्स मग्गदस्सनेन **सन्तापट्टो** आविभूतो तप्पट्ठियोगत्ता। अविपरिणामधम्मस्स पन निरोधस्स दस्सनेन **विपरिणामट्टो** आविभूतोति। एक्कस्सेव सभावधम्मस्स सकभावतो इतरसच्चत्तयनिवत्तितो च परिकप्पेतब्बत्ता चत्तारो अत्था वुत्ता। समुदयस्स पन रासिकरणतो **आयूहनट्टो** सभावो, तस्सेव दुक्खदस्सनेन **निदानट्टो** आविभूतो। विसंयोगभूतस्स निरोधस्स दस्सनेन **संयोगट्टो**। निव्यानभूतस्स मग्गस्स दस्सनेन **पलिबोधट्टो** आविभूतो।

निरोधस्स पन **निस्सरणट्टो** सभावो, तस्सेव समुदयदस्सनेन **विवेकट्टो** आविभूतो। सङ्गतस्स मग्गस्स दस्सनेन **असङ्गतट्टो**, विसयभूतस्स मरणधम्मस्स वा दुक्खस्स दस्सनेन **अमतट्टो**। मग्गस्स पन **निव्यानट्टो** सभावो, तस्सेव समुदयदस्सनेन दुक्खस्सेवायं हेतु, निब्बानप्पत्तिया पन अयमेव हेतूति **हेत्त्वट्टो**, अतिसुखुमनिरोधदस्सनेन इथमेव दस्सनन्ति **दस्सनट्टो**, अधिकपणस्स दुक्खस्स दस्सनेन **अधिपत्तेय्यट्टो** आविभूतो। एते एव च पीळनादयो सोळस आकाराति वुच्चन्ति।

कामेहि विवेकट्टुकायता **कायविवेको**। नीवरणादीहि विवित्ता अट्ट समापत्तियो **चित्तविवेको**। उपधीयन्ति एत्थ यथासकं फलानीति उपधयो, पञ्चकामगुणसङ्घातकामखन्धकिलेसअभिसङ्गारा, तेहि चतूहि विवित्तं निब्बानं **उपधिविवेको** नाम।

अन्तानुपस्सनाय पटिलट्टो दुक्खानिच्चानुपस्सनाहि च पटिलट्टो अरियमग्गो आगमनवसेन यथाक्कमं **सुज्जतअप्यणिहितअनिमित्तविमोक्खसज्जं** पटिलभति, किलेसेहि विमुत्तता हि एस विमोक्खोति।

यथा लोके एकेकपदतो एकेकमक्खरं गहेत्वा “मेखला”ति वुत्तं, एवमिधापीति अत्थो। **मेहनस्साति** गुह्यपदेस्स। **खस्साति** ओकास्स।

**सह देवेहीति**आदीसु सह देवेहि वत्ततीति **सदेवको** लोको। तं **सदेवकन्ति**आदिना योजना वेदितब्बा। **सदेवकवचनेनाति** सदेवक-सहे विसेसनभावेन ठितदेववचनेन। तस्सापि सदेवकपदे अन्तोभूत्ता अवयवे समुदायोपचारवसेन वोहारो कतो। इतरथा तेन देवविसिद्धलोकस्सेव गहणतो पञ्चकामावचरदेवगहणं न सिया, एवं उपरिपि। **समारकवचनेन** मारसद्देन तेन सहचरिता सब्बे वसवत्तिदेवा च गहिताति आह “छट्टकामावचरदेवगहण”न्ति। ब्रह्मकायिका नाम पठमज्ज्ञानभूमिका। ते आदि येसं आरुप्पपरियन्तानं ब्रह्मानं तेसं ब्रह्मानं गहणं **ब्रह्मकायिकादिब्रह्मगहणं**। लोक-सहस्स आकासलोकादीनम्पि साधारणता सत्तलोकवोणिकमेव पजागहणं कतन्ति आह “पजावचनेन सत्तलोकगहण”न्ति। सदेवकादिवचनेन उपपत्तिदेवानं, सस्समणवचनेन विसुद्धिदेवानञ्च गहिताता आह “सदेवमनुस्सवचनेन सम्मुतिदेवअवसेसमनुस्सगहण”न्ति। तत्थ **सम्मुतिदेवा** राजानो, **अवसेसमनुस्सा** सम्मुतिदेवसमणब्राह्मणेहि अवसिद्धा। सत्तलोकवोणिकस्स पजासहस्स विसुं गहितता सदेवकं लोकन्ति एत्थ लोकसहगहणं आकासलोकमेव नियमेतीति आह “तीहि पदेहि आकासलोको”ति। इदञ्च सदेवकादिपदत्तयवचनीयस्स पधानत्थस्स वसेन वुत्तं। आकासलोकविसेसनस्स पनेत्थ देवमारादिसत्तलोकस्सापि गहणं वेदितब्बं सामत्थियतो गम्यमानता सपुत्तो आगतोतिआदीसु पुतादीनं विय। इमस्मिञ्च नये सदेवकं समारकं सब्रह्मकं आकासलोकं सस्समणब्राह्मणं सदेवमनुस्सं पजज्जाति **च-कारं** आनेत्वा योजेतब्बं, आकाससत्तलोकानं गहणेन चैत्थ तदुभयसम्मुतिनिमित्तभूतो सङ्खारलोकोपि तदविनाभावतो गहितो एवाति दट्टब्बो। अपरे पन “सदेवकन्तिआदीहि पञ्चहि पदेहि

सत्तलोकोव अत्तनो अवयवभूतदेवादिविसेसनेहि विसेसेत्वा गहितो, तग्गहणेन तदाधरो ओकासलोको, तदुभयपञ्जतिविसयो सङ्खारलोको च गहिता एव होन्ती”ति वदन्ति । तेसञ्च पजन्ति इदं लोकसदस्स विसेसनं कत्वा सदेवकं पजं लोकं...पे०... सदेवमनुस्सं पजं लोकन्ति योजेतब्बं ।

अरूपावचरलोको गहितो पारिसेसजायेन इतरेसं पदन्तरेहि गहितत्ता । मारगहणेन तप्यधाना तंसदिसा च उपपत्तिदेवा सङ्गहन्तीति आह “छकामावचरदेवलोको”ति । खत्तियपरिसा ब्राह्मणगहपतिसमणचातुमहाराजिकतावतिसमारब्रह्मपरिसाति इमासु अट्टसु परिसासु चातुमहाराजिकादीनं चतुन्नं परिसानं सदेवकादिपदेहि सङ्गहितत्ता इध सस्समणब्राह्मणिन्ति इमिना समणपरिसा ब्राह्मणपरिसा च, सदेवमनुस्सन्ति इमिना खत्तियपरिसा गहपतिपरिसा च वुत्ताति आह “चतुपरिसवसेना”ति । तस्स मनुस्सलोको गहितोति इमिना सम्बन्धो । तत्थ **मनुस्सलोको**ति मनुस्ससमूहो, तेनाह “अवसेससब्बसत्तलोको वा”ति ।

विकप्पन्तरं दस्सेन्तो आह “सम्मुतिदेवेहि वा सह मनुस्सलोको”ति । देवपदेन सम्मुतिदेवा, समणब्राह्मणमनुस्सपदेहि सेसमनुस्सा च गहिताति एवं विकप्पद्वयेपि मनुस्सं पजं मनुस्सिं पजन्ति पजा-सदं मनुस्स-सद्रेन विसेसेत्वा तं पुन सह देवेहि वत्ततीति सदेवा, पजा । सदेवा च सा मनुस्सा चाति सदेवमनुस्सा, तं सदेवमनुस्सं पजं । पुन किं भूतं सस्समणब्राह्मणिन्ति एवं यथा पजासद्रेन मनुस्सानञ्जेव गहणं सिया, तथा निब्बचनं कातब्बं, इतरथा मनुस्सानञ्जेव गहणं न सम्पज्जति सब्बमनुस्सानं विसेसनभावेन गहितत्ता अञ्चपदत्थभूतस्स कस्संचि मनुस्सस्स अभावा । इदानीं पजन्ति इमिना अवसेसनागादिसत्तेपि सङ्गहेत्वा दस्सेतुकामो आह “अवसेससब्बसत्तलोको वा”ति । एत्थापि चतुपरिसवसेन अवसेससब्बसत्तलोको सम्मुतिदेवमनुस्सेहि वा सह अवसेससब्बसत्तलोकोति योजेतब्बं ।

एतावता भागसो लोकं गहेत्वा योजनं दस्सेत्वा इदानीं एकेकपदेन अभागसो सब्बलोकानं गहणपक्खेपि तस्स तस्स विसेसनस्स सप्फलतं दस्सेतुं **अपि चेत्था**ति आदि वुत्तं । **उक्कट्टुपरिच्छेदतो**ति उक्कट्टानं देवगतिपरियापन्नानं परिच्छिन्नवसेन जाननवसेन कित्तिसदो सयं अत्तनो अवयवभूतेन सदेवकवचनेन तं सुणन्तानं सावेन्तो अब्भुगतोति योजना । **अनुसन्धिक्कमो**ति अत्थानञ्चेव पदानञ्च अनुसन्धानक्कमो, जाननक्कमोति अत्थो ।

अभिज्जाति य-कारलोपेन निहेसोति आह “अभिज्जाया”ति । **समन्तभद्रकत्ता**ति सब्बभागेहि सुन्दरत्ता । **सासनधम्मो**ति पटिपत्तिपटिवेधसासनस्स पकासको परियत्तिधम्मो । **बुद्धसुबोधितताया**ति इदं तिकं धम्मस्स हेतुसरूपफलवसेन वुत्तं, तथा नाथपभवत्तिकम्पि । मज्जे तिकद्वयं फलवसेनेव वुत्तन्ति वेदितब्बं । **किच्चसुद्धिया**ति धम्मं सुत्वा यथासुतवसेन पटिपज्जन्तानं सुप्पटिपत्तिसङ्गातकिच्चसुद्धिया ।

इदानीं आदिकल्याणादिपकारमेव धम्मं देसेन्तो भगवा सोत्तुनं यं सासनब्रह्मचरियं मग्नब्रह्मचरियञ्च पकासेति, तपकासकस्स ब्रह्मचरियपदस्स **सात्थन्ति**आदीनि पदानि विसेसनभावेन वुत्तानि, न धम्मपदस्साति दस्सनमुखेन नानपकारतो अत्थं विवरितुकामो **सात्थं सब्बज्जनन्ति एवमादीसु पनाति** आदिमाह । तत्थ तिस्रो सिक्खा सकलो च तन्तिधम्मो **सासनब्रह्मचरियं** नाम । भगवा हि धम्मं देसेन्तो सीलादिके विय तपकासकं तन्तिधम्मम्पि पकासेति एव सदत्थसमुदायता परियत्तिधम्मस्स । **यथारूपन्ति** यथारहं । सिक्खत्तयसङ्गहितजिह्वा सासनब्रह्मचरियं मग्नब्रह्मचरियञ्च अत्थसम्पत्तिया सम्पन्नत्थया, उपरूपरि अधिगन्तव्यविसेससङ्गातअत्थसम्पत्तिया च सह अत्थेन पयोजनेन वत्ततीति सात्थमेव, न तु सब्बज्जनं, तन्तिधम्मसङ्गातं सासनब्रह्मचरियं यथावुत्तेन अत्थेन सात्थं सब्बज्जनञ्च । किरातादिमिलक्खवचनानि सात्थसब्बज्जनन्ते समानेपि विसिद्धत्थसब्बज्जनयोगं सन्धाय सहत्थो देवदतो सवित्तोतिआदि विय “सात्थं सब्बज्जन”न्ति वुत्तन्ति आह “अत्थसम्पत्तिया सात्थं, ब्यज्जनसम्पत्तिया सब्बज्जन”न्ति । तत्थ यं अत्थं सुत्वा तथा पटिपज्जन्ता सब्बदुक्खक्खयं पापुणन्ति, तस्स तादिससम्पत्ति **अत्थसम्पत्ति** नाम, सम्पन्नत्थताति अत्थो । **ब्यज्जनसम्पत्ति** नाम सिथिलधनतादिव्यज्जनपरिपुण्णाय मागधिकाय सभावनिरुत्तिया गम्भीरम्पि अत्थं उत्तानं कत्वा दस्सनसमत्थता सम्पन्नब्यज्जनताति अत्थो ।

इदानीं **नेत्तिप्यकरणयेनापि** (नेत्ति ४ द्वादसपद) अत्थं दस्सेतुं **सङ्कासनानि**आदि वुत्तं । तत्थ सङ्केपतो कासीयति दीपीयतीति **सङ्कासनन्ति** कम्मसाधनवसेन अत्थो दट्टब्बो, एवं सेसेसुपि । पठमं कासनं **पकासनं** । उभयम्पेतं उद्देसत्थवचनसङ्गातस्स विथारवचनं । सकिं वुत्तस्स पुन वचनञ्च **विवरणविभजनानि** । उभयम्पेतं निद्देसत्थवचनं । विवटस्स विथारतराभिधानं विभत्तस्स च पकारेहि जापनं **उत्तानीकरणपञ्जत्तियो** । उभयम्पेतं पटिनिद्देसत्थवचनसङ्गातस्स विथारवचनं । **अत्थपदसमायोगतो**ति यथावुत्तानि एव छ पदानि परियत्तिया अत्थविभागत्ता अत्थपदानि, तेहि सहितताय अत्थकोट्टासयुत्तताति अत्थो । अपरियोसिते पदे आदिमज्झगतवण्णो **अक्खरं**, एकक्खरं, पदं वा अक्खरं । विभत्तियन्तं **पदं** । पदाभिहितं अत्थं ब्यज्जेतीति **ब्यज्जनं**, वाक्यं । कथितस्सेवत्थस्स अनेकविधेन विभागकरणं **आकारो** नाम । आकाराभिहितस्स निब्बचनं **निरुत्ति** । निब्बचनत्थविथारो **निद्देसो** । अथ वा “अक्खरंहेहि सङ्कासेति, पदेहि पकासेति, ब्यज्जनेहि विवरति, आकारेहि विभजति, निरुत्तीहि उत्तानि करोति, निद्देसेहि पञ्जपेती”ति वचनतो सङ्कासनपकासनसङ्गातउद्देसत्थवाचकानि वचनानि अक्खरपदानि नाम । विवरणविभजनसङ्गातनिद्देसत्थवाचकानि वचनानि ब्यज्जनाकारा नाम । उत्तानीकरणपञ्जत्तिसङ्गातपटिनिद्देसत्थवाचकानि वचनानि निरुत्तिनिद्देसा नाम, तेसं सम्पत्तिया सब्बज्जनन्ति अत्थो ।

**अत्थगम्भीरता**तिआदीसु **अत्थो** नाम तन्तिअत्थो, हेतुफलं वा । **धम्मो** नाम तन्ति, हेतु वा । **देसना** नाम यथाधम्मं धम्माभिलापो । **पटिवेधो** नाम यथावुत्तअत्थादीनं अविपरीतावबोधो । ते पनेते अत्थादयो यस्मा ससादीहि विय महासमुदो मन्दबुद्धीहि दुक्खोगाहा अलम्बनेव्यपटिद्वा च, तस्मा **गम्भीरा** । तेसु पटिवेधस्सापि अत्थसन्निस्सितत्ता अत्थसभागत्ता च वुत्तं “अत्थगम्भीरतापटिवेधगम्भीरताहि सात्थ”न्ति । धम्मदेसनानं अत्थसन्निस्सिततेपि सयं ब्यज्जनरूपता वुत्तं “धम्मगम्भीरतादेसनागम्भीरताहि सब्बज्जन”न्ति । यथावुत्तअत्थादीसु पभेदगतानि जाणानि **अत्थपटिसम्भिदा**दयो । तत्थ **निरुत्ती**ति तन्तिपदानं निद्धारत्वा वचनं, निब्बचनन्ति अत्थो । तीसु पटिसम्भिदासु जाणं **पटिभानपटिसम्भिदा** । लोकिया सट्ठेयवचनमुखेनेव अत्थेसु पसीदन्ति, न अत्थमुखेनाति आह **सट्ठेय्यतो**तिआदि । **केवलसदो** सकलाधिवचनन्ति आह “सकलपरिपुण्णभावेना”ति । **ब्रह्मचरिय-**सदो इध सिक्खत्तयसङ्गहं सकलं सासनं दीपेतीति आह **सिक्खत्तयपरिगहितत्ता**तिआदि ।

यथावुत्तमेवत्थं अपरेनापि परियायेन दस्सेतुं **अपि चाति**आदि वुत्तं । तत्थ **सनिदानन्ति** देसकालादिदीपकेन निदानवचनेन सनिदानं । **सउप्यत्तिकन्ति** अट्टुप्पतिआदियुत्तियुत्तं । तत्रायं पाळियोजनाक्कमो — “वेरञ्जो ब्राह्मणो समणो खलु भो...पे०... विहरतो”ति च, “तं खो पन भवन्तं गोतमं”इतिपि सो...पे०... पवेदेतो”ति एवं कल्याणो कित्तिसदो अब्भुगतो”ति च, “सो धम्मं देसेति...पे०... परियोसानकल्याणं, देसेन्तो च सात्थसब्बज्जनादिगुणसंयुत्तं ब्रह्मचरियं पकासेती”ति च, “साधु खो पन तथारूपानं अरहतं दस्सनं होती”ति च अस्सोसि, सुत्वा च अथ खो वेरञ्जो ब्राह्मणो येन भगवा तेनुपसङ्कमीति ।

अट्टकथायं पन किञ्चापि “दस्सनमत्तम्पि साधु होतीति एवं अज्झासयं कत्वा अथ खो वेरञ्जो...पे०... उपसङ्कमी”ति एवं साधु खो पनातिआदिपाठस्स ब्राह्मणस्स परिवितक्कनभावेन वुत्तत्ता ब्रह्मचरियं पकासेतीति पदानन्तरमेव अस्सोसीति पदं सम्बन्धितब्बं विय पञ्जायति, तथापि “साधु खो पन तथारूपानं अरहतं दस्सनं होती”ति एवं यथावुत्तनिदस्सनत्थेन इति-सद्रेन परिच्छिन्दित्वा वुत्तत्ता पन अज्जत्थ इति-सदस्स अदस्सनतो च अथ खो वेरञ्जोतिआदिना कत्तव्वन्तरदस्सनमुखेन पाळिया पकारन्तरे पवत्तितो च यथावुत्तवसेनेव “साधु खो पन तथारूपानं अरहतं दस्सनं होती”ति वचनानन्तरमेव अस्सोसीति पदं आनेत्वा सम्बन्धनं युत्तं । अट्टकथाचरियेन हि ब्राह्मणस्स अत्तना सुतवसेनेव अज्झासयो उपज्जतीति उपसङ्कमनहेतुदस्सनमुखेन **दस्सनमत्तम्पि साधु होतीति एवं अज्झासयं कत्वा**तिआदि वुत्तन्ति गहेतब्बं ।

**२. सीतोदकं विय उण्होदकेनाति** इदं उक्कमेन मुखारुद्धवसेन वुत्तं, अनुपसन्तसभावताय ब्राह्मणस्सेव उण्होदकं विय सीतोदकेनाति अत्थो गहेतब्बो, जाणतेजयुत्तताय वा भगवा उण्होदकोपमोति कत्वा तब्बिरहितं ब्राह्मणं सीतोदकं विय कत्वा तथा वुत्तन्ति गहेतब्बं । **एकीभावन्ति** सम्मोदनकिरियाय एकरूपतं । **याया**तिआदीसु याय कथाय सम्मोदि ब्राह्मणो, तं सम्मोदनीयं कथन्ति योजना । तत्थ **खमनीयन्ति** दुक्खबहुलं इदं सरीरं, कच्चि खमितुं सककुण्ठेयं । **यापनीयन्ति** चिरप्पबन्धसङ्गाताय यापनाय यापेतुं सककुण्ठेयं । रोगाभावेन **अप्याबाधं** । दुक्खजीविताभावेन **अप्यातङ्कं** । तंतंकिच्चकरणत्थाय लहुं आकिच्छेन उट्ठातुं योग्यताय **लहुट्ठानं** । **बलन्ति** सरीरस्स सब्बकिच्चक्खमं बलं कच्चि अत्थीति पुच्छति । **फासुविहारोति** सुखविहारो । सरणीयमेव दीधं कत्वा “सारणीय”न्ति वुत्तन्ति आह “सरितव्वभावतो च सारणीय”न्ति । **परियायेहीति** कारणेहि ।

भावोति किरिया, तस्मिं वत्तमानो नपुंसक-सदो **भावनपुंसकनिद्देसो** नाम, किरियाविसेसनसदोति अत्थो । एकमन्ते एकस्मिं अन्ते युत्तपदेसेति अत्थो । **खण्डिच्चादिभावन्ति** खण्डितदन्तपलितकेसादिभावं । **राजपरिवट्टेति** राजून् परिवत्तनं, पटिपाटियोति अत्थो । पुरातनुच्चकुलपुत्तताय जिण्णता, न वयसाति आह “चिरकालपवत्तकुलन्वये”ति । विभवानं महन्तत्तं लाति गणहतीति महल्लकोति आह “विभवमहत्तताय समन्नागते”ति । **विभावने नाम अत्थेति** पकतिविभावनसङ्गाते अत्थे । न अभिवादेति वाति अभिवादेतब्बन्ति न सल्लक्खेति, एवं

असल्लखणपकतिकोति वुत्तं होति । रूपं निच्चं वा अनिच्चं वाति एत्थापि निच्चपकतिकं अनिच्चपकतिकं वाति अत्थो । **अनिच्चं वाति** एत्थ **वा**-सहो अवधारणत्थो ।

**सम्पतिजातोति** मुहुत्तजातो, जातसमनन्तरमेवाति अत्थो । **सत्तपदवीतिहारेण गन्त्वा...** पे०... **ओलोकेसीति** एत्थ द्वारं पिधाय निक्खन्तोति आदीसु विय गमनतो पुरे कतम्पि ओलोकनं पच्छा कतं विय वुत्तन्ति दडुब्बं । **ओलोकेसिन्ति** च लोकविवरणपाटिहारिये जाते मंसचक्खुना ओलोकेसीति अत्थो । **सेट्ठोति** पसत्थतरो । **पतिमानेसीति** पूजेसि । **आसभिन्ति** उत्तमं ।

**३. तं वचनन्ति** नाहं तं ब्राह्मणातिआदिवचनं । **अञ्जाय सण्ठहेय्याति** अरहेते पतिदुहेय्य । **जातिवसेनाति** खत्तियादिजातिवसेन । **उपपत्तिवसेनाति** देवेसु उपपत्तिवसेन । **आविच्छन्तीति** आकङ्क्षन्ति । यस्स अभिवादादिकरणसङ्घातस्स सामगिरसस्स भगवति अभावं मञ्जमानो ब्राह्मणो “अरसरूपो”ति आह, तब्बिधुरस्स रूपतण्हादिकस्सेव सामगिरसस्स अभावेन भगवा “अरसरूपो”ति दस्सेत्तुं सामगिरससहस्स रूपरसादीसु वत्तनप्पकारं दस्सेत्तो आह **वत्थारम्माणादीति** आदि ।

**तालावत्थुकताति** उच्छिन्नमूलानं तालानं वत्थु विय नेसं रूपरसादीनं वत्थु चित्तसन्तानं कतन्ति इमस्मिं अत्थे मज्झेपदलोपं दीघञ्च कत्वा निहेसोति आह **तालवत्थु वियाति** आदि । तालवत्थु विय येसं वत्थु कतं ते तालावत्थुकताति विसेसनस्स परनिपातो दडुब्बो, कततालवत्थुकताति अत्थो । मत्थकच्छिन्नतालोयेव पत्तफलादीनं अकारणताय अवत्थुति तालावत्थु, तं विय येसं वत्थु कतं ते रूपरसादयो तालावत्थुकता, अयं अञ्जपदत्थवसेन अत्थग्गाहो हेट्ठा वुत्तनयेन सुगमोति विसेसमत्थं दस्सेत्तो आह “मत्थकच्छिन्नतालो विय कता”ति । एवञ्च मत्थकसदिसेसु रूपरसादीसु रागेसु छिन्नेसुपि तब्बत्थुभूतस्स तालावत्थुसदिसस्स चित्तसन्तानस्स याव परनिब्बानद्वानं उपपन्नमेव होति । यथारुततो पन विसेसनसमासवसेन अत्थे गद्धमाने रूपरसादीनं तालावत्थुसदिसताय ठानं आपज्जति । यं पन **सारत्थदीपनि**यं (सारत्थं० टी० १.३) एतं दोसं परिहरितुं रूपरसादीनं कुसलाकुसलत्तं वुत्तं, तं ते तथागतस्स पहीनातिआदिपाळिया, कामसुखस्सादसङ्घाता रूपरसातिआदिअडुकथाय च न समेति, खीणासवानम्पि याव परनिब्बाना कुसलाकुसलानं फलुप्पत्तितो तेसं मत्थकच्छिन्नतालसदिसतापि न युताति गहेतब्बं । अथ वा मत्थकच्छिन्नतालस्स ठितं अडुत्तञ्च अमनसिकत्वा पुन अनुप्पत्तिधम्मतासदिसमतं उपमेत्वा तालावत्थु विय कताति विसेसनसमासवसेन अत्थग्गाहणेन न कोचि दोसो । **अनु-**सहो पच्छाति अत्थे वत्ततीति आह **पच्छाभावो न होतीति** आदि । **अनु अभावं गताति** पच्छा अनुप्पत्तिधम्मावसेन अभावं गता । **अनच्छरियाति** अनु अनु उपरूपरि विम्वयकताति अत्थो । **यञ्च खो त्वं वदेसीति** यं वन्दनादिसामग्रीसाभावसङ्घातं कारणं अरसरूपताय वर्देसि, तं कारणं न विज्जतीति अत्थो ।

**४. सन्धाय भासितमत्थन्ति** यं अत्थं सन्धाय ब्राह्मणो निब्भोगो भवं गोतमोतिआदिमाह, भगवा च यं सन्धाय निब्भोगतादिं अत्तनि अनुजानाति, तं सन्धाय भासितमत्थं ।

**५. कुलसमुदाचारकम्मन्ति** कुलाचारकम्मं । कायतो कायद्वारतो पवत्तं दुच्चरितं **कायदुच्चरितं** । **अनेकविहिताति** अनेकप्पकारा ।

**६. पञ्चकामगुणिकरागस्साति** रूपादीसु पञ्चसु कामकोट्टासेसु अतिविय सङ्गवसेन नियुत्तस्स कामरागस्स, एतेन अनागामीनं वत्थाभरणादीसु सङ्गनिकन्तिवसेन उपपज्जनकामरागस्स कामरागाभावं दस्सेति तस्स रूपरागादीसु सङ्गहत्तो । **अवसेसानन्ति** एत्थ सककायदिट्ठिविचिकिच्छानं पठमेन मग्गेन, सेसानं चतूहिपि उच्छेदं वदति, तेनाह “यथानुरूप”ति ।

**७. जिगुच्छति मज्जेति** जिगुच्छति विय, “जिगुच्छती”ति वा सल्लख्खेमि । **अकोसल्लसम्भूतट्टेनाति** अञ्जाणसम्भूतट्टेन ।

**८-१०. तत्राति** यथावुत्तेसु द्वीसु अत्थविकप्पेसु । पटिसन्धिपरियायोपि इध गम्भसहोति आह “देवलोकपटिसन्धिपटिलाभाया”ति । **अपुनब्भवभूताति** खणे खणे उपपज्जमानानं धम्मानं अभिनिब्बन्ति ।

**११. धम्मधातुन्ति** सब्बञ्जुतञ्जाणं । तज्झि धम्मे याथावतो धारेति उपधारेतीति “धम्मधातू”ति वुच्चाति । **देसनाविलासप्पत्तोति** अभिरुचिवसेन परिवत्तेत्वा देसेत्तुं समत्थता देसनाविलासो, तं पत्तो । **करुणाविष्फारन्ति** सब्बसत्तेसु महाकरुणाय फरणं । तादिगुणलक्खणमेव उपमाय विभावेत्तो आह “पथवीसमचित्त”ति । ततोयेव अकुञ्जनसभावतो **अकुप्पधम्मता** । **जातिया अनुगतन्ति** जातिया अनुवद्दं । **जराय अनुसट्ठन्ति** जराय पलिवेठितं । **वट्टखाणुभूतन्ति** वट्टतो उड्डरितुं असक्कुण्येयताय वट्टे निच्चलभावेन ठितं खाणु विय भूतं । जातानं मच्चानं निच्चं मरणतो भयन्ति आह **अज्ज मरित्वाति** आदि । **अप्पटिसमं पुरेजातभावन्ति** असदिसं अरियाय जातिया पठमजातभावं, सब्बजेट्टुभावन्ति अत्थो ।

“अपी”ति अवत्वा “पी”ति वदन्तो **पि-**सहो विसुं अत्थि निपातोति दस्सेति । **सम्मा अधिसयितानीति** पादादीहि उपधातं अकरोन्तिआ सम्मदेव उपरि सयितानि, अकम्मकस्सापि सयतिधातुनो अधिपुब्बताय सकम्मकता दडुब्बा । **नखसिखाति** नखग्गानि । सकुणानं पक्खा हत्थपादद्वानियाति आह “सङ्कुटितहत्थपादा”ति । **एत्थ्याति** आलोकद्वाने । **निक्खमन्तानन्ति** निक्खमन्तेसु, निट्टारणे हेतं सामिवचनं । **अण्डकोसन्ति** अण्डकपालं ।

लोकोयेव **लोकसन्निवासो** । अबुज्झि एत्थाति रुक्खो **बोधि**, सयं बुज्झति, बुज्झन्ति वा तेनाति मग्गोपि सब्बञ्जुतञ्जाणम्पि बोधि । बुज्झीयतीति निब्बानं बोधि । **अन्तरा च बोधिन्ति** दूतियमुदाहरणं विनापि रुक्ख-सदेन बोधि-सदस्स रुक्खप्पवत्तिदस्सनत्थं । **वरभूरिमेधसोति** महापथवी विय पत्थटपज्जोति अत्थो । **तिस्सो विज्जाति** अरहत्तमग्गो अत्तना सह वत्तमानं सम्मादिट्ठिसङ्घातं आसवक्खयजाणञ्चेव इतरा द्वे महग्गतविज्जा च तब्बिनिबन्धककिलेसविट्ठसन्नवसेनो उपादनतो “तिस्सो विज्जा”ति वुच्चाति । **छ अभिज्जाति** एत्थापि एसेव नयो । **सावकपारमीजाणन्ति** अग्गसावकेहि पटिलभित्तं सब्बमेव लोकियलोकुत्तरजाणं । **पच्चेकबोधिजाणन्ति** एत्थापि एसेव नयो ।

**ओपम्मसम्पटिपादनन्ति** ओपम्मत्थस्स उपमेय्येन समं पटिपादनं । **अत्थेनाति** उपमेय्यत्थेन । **तिक्खखरविष्पसन्नसूरभावोति** इमिना सङ्घारुपेक्खापत्तत्तं विपस्सनाय दस्सेति । **परिणामकालोति** इमिना वुट्ठानगामिनिभावापत्ति । तदा च सा मग्गजाणगम्भं धारेन्ती विय होतीति आह “गम्भग्गहणकालो”ति । **अनुपुब्बाधिगतेनाति** पठममग्गादिपटिपाटिया अधिगतेन । **चतुरङ्गसमन्नागतन्ति** “कामं तयो च न्हार च अट्ठि च अर्वास्सस्तु (म० नि० २.१८४; सं० नि० २.२२; अ० नि० २.५; महानि० १९६), सरिरे उपसुस्सतु मंसलोहित”ति एवं वुत्तचतुरङ्गसमन्नागतं वीरियं ।

**छन्दो कामोति** आदीसु पत्थनाकारेन पवत्तो दुब्बलो लोभो इच्छनट्टेन **छन्दो** । ततो बलवा रज्जनट्टेन **रागो** । ततोपि बलवतरो **छन्दरागो** । निमित्तानुब्यञ्जनसङ्कप्पवसेन पवत्तो **सङ्कप्पो** । ततोपि बलवसङ्कप्पवसेनेव पवत्तो **रागो** । ततोपि बलवतरो **सङ्कप्परागो** । स्वायं पभेदो एक्कस्सेव लोभस्स पवत्तिआकारभेदेन अवत्थाभेदेन च वुत्तो ।

#### पठमज्ज्ञानकथावण्णना

**सेय्यथिदन्ति** तं कथन्ति अत्थो । **एतन्ति** पुब्बपदेयेव अवधारणकरणं, एतं अत्थजातं वा । **तन्निस्सरणतोति** तेसं कामानं निस्सरणता । **एसाति** एव-कारो । कामधातु नाम कामभवो, **नेक्खम्मन्ति** पठमज्ज्ञानं । **एसाति** नियमो । तदङ्गविक्रम्भनसमुच्छेदपटिप्पस्सिद्धिनिस्सरणविवेका **तदङ्गविवेकादयो** । कायचित्तउपधिविवेका **कायविवेकादयो**, **तयो एव इध** ज्ञानकथाय, समुच्छेदविवेकादीनं असम्भवा । **निहेसेति** महानिहेसे । **तत्थेवाति** महानिहेसे एव । **विभङ्गेति** ज्ञानविभङ्गे । **एवज्झि सतीति** उभयेसम्पि कामानं सङ्गहे सति ।

**पुरिमेनाति** कायविवेकेन । **एत्थाति** एतस्मिं कार्याचित्तविवेकद्वये । **दुतियेनाति** चित्तविवेकेन । **एतेसन्ति** यथावुत्तनयेन वत्थुकामकिलेसकामविवेकद्वयस्स वाचकभूतानं विविच्चेव कामेहि विविच्च अकुसलेहीति इमेसं पदानं, निट्टारणे चेत्तं सामिवचनं । **बालभावस्स** हेतुपरिच्चागोति अनुवत्तति । अकुसलधम्मो हि बालभावस्स हेतु । **आसयपोसन्ति** आसयस्स विसोधनं वड्डनञ्च । विभङ्गे नीवरणानेव वुत्तानीति सम्बन्धो । तत्थ कारणमाह “उपरिज्ञानङ्गपच्चनीकपटिपक्खभावदस्सनतो”ति । तत्थ उपरि सवितक्कन्तिआदिना वुच्चमानानि ज्ञानङ्गानि, तेसं अत्तनो पच्चनीकानं पटिपक्खभावदस्सनतोति अत्थो । उपरिज्ञानङ्गानं पच्चनीकपटिपक्खभावस्स दस्सनतोतिपि पाठो । तत्थ “उपरि वुच्चमानज्ञानङ्गानं उज्जुविपच्चनीकवसेन पटिपक्खभावदस्सनतो”ति “नीवरणानं तानेव विभङ्गे वुत्तानी”तिपि अत्थं वदन्ति । **पेटकेति** महाकच्चायनत्थेरेन कतं नेत्तिप्पकरणयानुसारिपकरणं, तं पन पिटकानं वण्णनाभूतता “पेटक”ति वुत्तं, तस्मिन्ति अत्थो ।

वितक्कनं नाम आरम्भणपरिकप्पनन्ति आह “ऊहन”न्ति । रूपं रूपन्तिआदिना विसये आकोटन्तस्स विसयप्पवत्तिआहननं उपरि आहननन्ति वेदितब्बं । **आरम्भणे चित्तस्स आनयनं** नाम

आरम्भणाभिमुखकरणं। **अनुसञ्चरण**न्ति अनुपरिब्रम्भनं, तञ्च खणन्तरस्स तथाकारेण उपादनमेव, न हि परमत्थतो एकस्स सञ्चरणमत्थि, एवमञ्चत्थापि ईदिसेसु। **अनुमज्जन**न्ति परिमज्जनं। तत्थाति आरम्भणे। **सहजातानुयोजनं** सकिच्चानुवर्तितत्ताकरणेन। **कथञ्ची**ति दुतियज्ज्ञानविरहितेसु सविचारचित्तेसु सब्बत्थाति अत्थो। विचारेण सह उपपज्जमानोपि वितक्को आरम्भणे अभिनिरोपनाकारेण पवति सन्थाय “पठमाभिनिपातो”ति वुत्तो। **विष्फारखाति** अवूपसन्तसभावताय वेगवा, तेनेवेस दुतियज्ज्ञाने पानहङ्ग जातं। **पठमदुतियज्ज्ञाने**सूति पञ्चकनयं सन्थाय वुत्तं। अङ्गविनिमुत्तस्स ज्ञानस्स अभावं दस्सेन्तो **रुक्खो विया**तिआदिमाह।

विवेक-सहस्स भावसाधनपक्खे “तस्मा विवेका”ति वुत्तं, इतरपक्खे “तस्मिं विवेके”ति। **पिनयती**ति तप्पेति, वड्ढेति वा। **फरणरसा**ति पणीतरूपेहि काये व्यापनरसा। **सातलक्खण**न्ति इडुसभावं, मधुरन्ति अत्थो। सम्पयुत्तानं पीळनज्झुपेक्खनं अकत्वा अनु अनु गण्हनं उपकारिता वा **अनुगहो**। वनमेव **वनन्तं**। उदकमेव **उदकन्तं**। **तस्मिं तस्मिं समये पाकटभावतो**ति इमिना इडुारम्मणादिपटिलाभसमयेपि सुखं विज्जमानम्पि अपाकटं, पीतियेव तत्थ पाकटा, पटिलड्डरसानुभवनसमये च विज्जमानपीतितोपि सुखमेव पाकटतरन्ति दस्सेति। एत्थ च चेतसिकसुखवसेनेव पटिलड्डरसानुभवनं वेदितब्बं, न कायिकसुखवसेन तस्स पीतिसम्पयोगस्सेव अभावेन इधानधिपेतत्ता। **अयञ्च पीती**तिआदि अञ्जपदत्थसमासदस्सनं, अस्सत्थिपक्खे तद्धितपच्यदस्सनं वा। दुतियविकप्पेण अञ्जपदत्थसमासवसेनेव “विवेकं पीतिसुखं”न्ति इदं एकं पदन्ति दस्सेति, विभत्तिया च अलोपं।

**गणनानुपुब्ब**ताति देसनावकमं सन्थाय वुत्तं। **पठमं समापज्जती**ति इदं आदिकम्मिकवसेन वुत्तं, चिण्वसीनं पन योगीनं उपटिपाटियापि ज्ञानं उपपज्जतेव। **ज्ञापेती**ति दहति। अनिच्चादिलक्खणविसयाय विपस्सनाय उपनिज्ज्ञायनं कथं निब्बानालम्बनस्स मग्गस्स होतीति आह **विपस्सनाया**तिआदि। तत्थ **मग्गेन सिज्जती**ति निच्चादिविपल्लासपहायकेन सह मग्गेनेव तं लक्खणूपनिज्ज्ञानं असम्मोहतो अत्तनो सिज्जाति। अथ वा मग्गेनाति मग्गकिच्चेन, विपल्लासपहानेनाति अत्थो।

अज्जोति सत्तो। **अवुत्तता**ति “सचित्तेकगत्”न्ति **ज्ञानपाळियं** (विभ० ५०८ आदयो) अवुत्तता। **वुत्तता**ति तस्सा ज्ञानपाळिया **विभङ्गे** वुत्तता।

### दुतियज्ज्ञानकथावण्णना

अज्जतन्ति ज्ञानविसेसनता वुत्तं “इध नियकज्जत्तमधिपेतं”न्ति। ज्ञानज्झि अज्जत्तज्जत्तं न होति छळिन्द्रियानमेव तब्बावतो। खुद्दका ऊमियो **वीचियो**। महत्थियो **तरङ्गा**। **सन्ता होन्ति समिता**तिआदीनि अञ्जमञ्जवेवचनानि, ज्ञानबलेन समितक्कन्ताति अधिप्पायो। **अप्पिता**ति गमिता विनासं पापिता। **परियायो**ति ज्ञानपरिक्खारे ज्ञानवोहारत्ता अपरमत्थतो।

### ततियज्ज्ञानकथावण्णना

**तदधिगमाया**ति ततियमग्गाधिगमाय। **उपपत्ति**तो **इक्खती**ति पञ्चाय सहचरणपरिचयेन यथा समवाहिभावो होति, एवं युत्तितो पस्सति। **विपुलाया**ति महग्गतभावप्पत्ताय। **थामगताया**ति वितक्कविचारपीतविगमेन थिरभावप्पत्तिया, तेनेव वक्खति “वितक्कविचारपीतीहि अनभिभूतत्ता”तिआदि। (पारा० अट्ट० १.११ ततियज्ज्ञानकथा)। उपेक्खाभेदं दस्सेत्वा इधाधिपेतं उपेक्खं पकासेतुं **उपेक्खा पना**तिआदि वुत्तं। तत्थ तत्रमज्जत्तताव खीणासवानं इट्टानिडुछळारम्मणापाथे परिसुद्धपकतिभावाविजहनाकारेण अज्झुपेक्खनतो “छळङ्गुपेक्खा”ति च, सत्तेसु मज्जत्ताकारप्पवत्तता “ब्रह्मविहारुपेक्खा”ति च, सहजातधम्मानं मज्जत्ताकारभूता “बोज्झङ्गुपेक्खा”ति च, केवला “तत्रमज्जत्तुपेक्खा”ति च, ततियज्ज्ञानसहगता अगगसुखेपि तस्मिं अपक्खपातभूता “ज्ञानुपेक्खा”ति च, चतुत्थज्ज्ञानसहगता सब्बपच्चनीकपरिसुद्धिताय “परिसुद्धुपेक्खा”ति च तेन तेन अवत्थाभेदेन छथा वुत्ता।

वीरियमेव पन अनच्चारद्धअर्नातिसिथिलेसु सहजातेसु सङ्गारेसु उपेक्खनाकारेण पवत्तं “वीरियुपेक्खा”ति वुत्तं। अट्टन्तं रूपारूपज्ज्ञानानं पटिलाभतो पुब्बभागे एव नीवरणवितक्कविचारादीनं पहानाभिमुखीभूतत्ता तेसं पहानेपि अब्बापारभावूपगमनेन मज्जत्ताकारप्पवत्ता समाधिवसेन उपप्पन्ता अट्ट पञ्जा चेव उपादानक्खन्धभूतेसु सङ्गारेसु अज्झुपेक्खनाकारप्पवत्ता विपस्सनावसेन उपप्पन्ता चतुत्तं मग्गानं पुब्बभागे तस्स तस्स अधिगमाय चतस्सो चतुत्तं फलसमापत्तीनं पुब्बभागे तस्स तस्स अधिगमाय अप्पणिहतविमोक्खवसेन पवत्ता चतस्सो सुञ्जतअनिमित्तविमोक्खवसेन द्वेति दस पञ्जा चाति इमे अट्टारस पञ्जा **सङ्गारुपेक्खा** नाम। यथावुत्तविपस्सनापञ्जाव लक्खणविचिननेपि मज्जत्तभूता **विपस्सनुपेक्खा** नाम। अदुक्खमसुखवेदना **वेदनुपेक्खा** नाम। इमासं पन दसन्मि उपेक्खानं “तत्थ तत्थ आगतनयतो विभागो **धम्मसङ्गहट्टकथायं** वुत्तनयेन वेदितब्बो”ति दस्सेन्तो आह **एवमयं दसविधापी**तिआदि। तत्थ तत्थ आगतनयतोति इदम्पि हि तासं विभागदस्सनस्स भूमिपुग्गलादिपदं विय विसुं मातिकापदवसेन वुत्तं, न पन भूमिपुग्गलादिवसेन विभागदस्सनस्स आगतट्टानपरामसनं आगतट्टानस्स अट्टसालिनिपातिआदिना वुत्तत्ता, तस्मा **सारत्थदीपनि**वं (सारत्थ० टी० १.११ ततियज्ज्ञानकथा) यं वुत्तं “इमासं पन दसन्मि उपेक्खानं भूमिपुग्गलादिवसेन विभागो तत्थ तत्थ वुत्तनयेनेव वेदितब्बोति दस्सेन्तो आह एवमयं दसविधातिआदी”ति, तं अमनसिकत्वा वुत्तन्ति गहेतब्बं। **तत्थ तत्थ आगतनयतो**ति “इध (खीणासवो) भिक्खु चक्खुना रूपं दिस्वा नेव सुमनो होति, न दुम्मनो, उपेक्खको विहरति सतो सम्पज्जानो”तिआदिना (दी० नि० ३.३४८; अ० नि० ६.१) छळङ्गुपेक्खा आगता, “उपेक्खासहगतेन चेतसा एकं दिसं फरित्वा विहरती”ति (दी० नि० ३.३०८; म० नि० १.७७; २.३०९; ३.२३०) एवं ब्रह्मविहारुपेक्खा आगताति इमिना नयेन दसन्मि उपेक्खानं तत्थ तत्थ वुत्तपदेसेसु आगतनयदस्सनतो च अयं दसविधापि उपेक्खा धम्मसङ्गहट्टकथायं वुत्तनयेनेव वेदितब्बोति सम्बन्धो।

**भूमि**तिआदीसु पन छळङ्गुपेक्खा कामावचरा, ब्रह्मविहारुपेक्खा रूपावचरातिआदिना **भूमितो** च, छळङ्गुपेक्खा असेक्खानमेव, ब्रह्मविहारुपेक्खा पुधुज्जनादीनं तिण्णम्पि पुग्गलानन्तिआदिना **पुग्गलतो** च, छळङ्गुपेक्खा सोमनस्सुपेक्खासहगतचित्तसम्पयुत्तातिआदिना **चित्ततो** च, छळङ्गुपेक्खा छळारम्मणातिआदिना **आरम्भणतो** च, “वेदनुपेक्खा वेदनाक्खन्धेन सङ्गहिता, इतरा नव सङ्गारक्खन्धेना”ति **खन्धसङ्गहवसेन** च, “छळङ्गुपेक्खा ब्रह्मविहारबोज्झङ्गज्ञान परिसुद्धितत्रमज्जत्तुपेक्खा च अत्यतो एका। तस्मा एकक्खणे च तासु एकाय सति इतरा न उपपज्जन्ति, तथा सङ्गारुपेक्खा विपस्सनुपेक्खापि वेदितब्बा। वेदनावीरियुपेक्खानमेकक्खणे सिया उपपत्ती”ति **एकक्खणवसेन** च, “छळङ्गुपेक्खा अब्बाकता ब्रह्मविहारुपेक्खा कुसलाब्बाकता, तथा सेसा। वेदनुपेक्खा पन सिया अकुसलापी”ति एवं **कुसलत्तिकवसेन** च, “सङ्केतो चत्तारो च धम्मा वीरियवेदनातत्रमज्जत्तताज्जाणवसेना”ति एवं **सङ्केपवसेन** च अयं दसविधापि उपेक्खा **धम्मसङ्गहट्टकथायं** वुत्तनयेनेव वेदितब्बोति योजना।

एत्थ चेता किज्वापि **अट्टसालिनि**वं भूमिपुग्गलादिवसेन सरूपतो उद्धरित्वा न वुत्ता, तथापि तत्थ वुत्तप्पकारेहेव तासं भूमिपुग्गलादिविभागो नयतो उद्धरित्वा सक्का जातुन्ति तत्थ सरूपतो वुत्तञ्च अवुत्तञ्च एकतो सङ्गहेत्वा तत्थ तत्थ आगतनयतोतिआदीहि नवहि पकारेहि अतिदेसो कतो, तेनेव “धम्मसङ्गहट्टकथायं वुत्तवसेना”ति अवत्वा “**वुत्तनयेनेवा**”ति वुत्तं। तथाहि खीणासवो भिक्खु चक्खुना रूपं दिस्वाति आदिन्धि वुत्ते छळङ्गुपेक्खा रूपादिआरम्भणताय भूमितो कामावचरा च पुग्गलतो असेक्खानमेव च उपपज्जति, चित्ततो सोमनस्सुपेक्खाचित्तसम्पयुत्ता, आरम्भणतो छळारम्मणा, कुसलत्तिकतो अब्बाकता चाति पण्डितेहि सक्का जातुं, तथा छळङ्गुपेक्खा च ब्रह्मविहारुपेक्खा च तत्रमज्जत्तुपेक्खा च ज्ञानुपेक्खा च परिसुद्धुपेक्खा च अत्यतो एकातिआदिन्धि वुत्ते पनस्स सङ्गारक्खन्धसङ्गहितत्ता ब्रह्मविहारुपेक्खादीहि सह एकक्खणे अनुपत्तिआदयो च सक्का जातुं, यथा च छळङ्गुपेक्खा, एवं सेसानम्पि यथारह अट्टसालिनिवं वुत्तनयतो भूमिआदिविभागुद्धारनयो जातब्बो। **अनाभोगरसा**ति पणीतसुखेपि तस्मिं अवन्तिपटिपक्खकिच्चाति अत्थो।

**पुग्गले**नाति पुग्गलाधिदानेन। किलेसेहि सम्पयुत्तानं **आरक्खा**। **तीरणं** किच्चस्स पारगमनं। **पविचयो** वोमसां। **इदन्ति** सतिसम्पज्जञ्जं। यस्मा तस्स नामकायेन सम्पयुत्तं सुखन्ति इमस्स तस्मा एतमत्थन्तिआदिना सम्बन्धो। **तस्सा**ति ज्ञानसमङ्गिनो। **तंसमुट्टाने**नाति तं यथावुत्तनामकायसम्पयुत्तं सुखं समुट्टानं कारणं यस्स रूपस्स तेन तंसमुट्टानेन रूपेन। **अस्सा**ति योगिनो। **यस्सा**ति रूपकायस्स। **फुटत्ता**ति अतिपणीतेन रूपेन फुटत्ता। **एतमत्थं दस्सेन्तो**ति कायिकसुखहेतुभूतरूपसमुट्टापकनामकायसुखं पटिसंवेदियमानो एव ज्ञानसमङ्गिताकरणे कारियोपचारतो “सुखञ्च कायेन पटिसंवेदेती”ति वुत्ततीति इममत्थं दस्सेन्तोति अत्थो। **यन्ति** हेतुअत्थे निपातोति आह “**यंज्ञानहेतू**”ति। **सुखपारमिप्पत्ते**ति सुखस्स उक्कंसपरियन्तं पत्ते। एवमेतेसं पहानं वेदितब्बन्ति सम्बन्धो। अथ कस्मा ज्ञानेस्वेव निरोधो वुत्तोति सम्बन्धो।

### चतुत्थज्ज्ञानकथावण्णना

**कथं चुप्यन्ति** एतत् **कथा**ति हेतुम् भुम्, कस्मि हेतुम् सतीति अथो। **नानावज्जने**ति अप्पनावीथि आवज्जनतो नाना भिन्नं पुरिमवीथीसु आवज्जनं यस्स उपचारस्स, तस्मिं नानावज्जने। विसमनिसज्जाय उपपन्नकिलमथो विसमासनुपतापो। **उपचारे** वाति आदि पक्खन्तरदस्सेन एकावज्जनूपचारेपि वाति अथो। **पीतिफरणे**नाति इमिना अप्पनावीथिया विय एकवीथियम्पि कामावचरपीति या फरणमतस्स अभावं दस्सेति। दोमनस्सिन्द्रियस्स अस्स सिया उपत्तीति सम्बन्धो। **एतन्ति** दोमनस्सिन्द्रियं उपपज्जतीति सम्बन्धो। **वितक्कविचारपचयेपीति पि-**सदो अट्टानप्युत्तो। सो “पहीनस्सा”ति हेट्टा वुत्तपदानन्तरं योजेतब्बो “पहीनस्सापि दोमनस्सिन्द्रियस्सा”ति। **वितक्कविचारभावेति** एतत् “उपपज्जति दोमनस्सिन्द्रिय”न्ति आनेत्वा सम्बन्धितब्बं। निमित्तत्थे चेत्तं भुम्, वितक्कविचारभावेहेतूति अथो। **वितक्कविचाराति** एतत् **इति-**सदो तस्माति एतस्मिं अत्थे दट्टब्बो, तेन यस्मा एत्तं दोमनस्सिन्द्रियं वितक्कविचारपचये...पे... नेव उपपज्जति, यत्थ पन उपपज्जति, तत्थ वितक्कविचारभावेयेव उपपज्जति। यस्मा च अप्पहीनायेव दुतियज्जानूपचारे वितक्कविचारा, तस्मा तत्थस्स सिया उपत्तीति एवमेत्थ योजना वेदितब्बा।

**तथाति** दुतियज्जानूपचारे। **अस्साति** दोमनस्सिन्द्रियस्स। **सिया उपत्तीति** इदञ्च पच्ययमतदस्सेनेन सम्भावनमततो वुत्तं। दोमनस्सुप्पत्तिसम्भावनापि हि उपचारक्खणेयेव कातुं युत्ता, वितक्कविचाररहिते पन दुतियज्जानक्खणे तदुप्पत्तिसम्भावनापि न युत्ता कातुन्ति। इतरथा कुसलचिन्तक्खणे अकुसलदोमनस्सुप्पत्तिया असम्भवतो “तत्थस्स सिया उपत्तो”ति न वत्तब्बं सिया। समीपत्थे वा एत्तं भुम्, उपचारज्जानानन्तरवीथीसुति अथो। **दुतियज्जानेति** एत्थापि अनन्तरवीथीसुपि न त्वेव उपपज्जतीति अथो, एवं उपरि सुखिन्द्रियेपि। सोमनस्सिन्द्रियस्स उपत्तीति सम्बन्धो। **पहीनाति वुत्ताति** इदं “पच्यन्तं ओरम्मागियानं संयोजनानं परिकखया”ति वुत्तता वुत्तं। **दुक्खाभावेनाति** दुक्खताभावेन। एवं **सुखाभावेनाति** एत्थापि। **एतेनाति** दुक्खसुखपटिक्खेपवचनेन। **इड्डानिडुविपरीतानुभवनलक्खणाति** अतिइड्डाति अनिड्डानं विपरीतस्स मज्झतारम्मणस्स अनुभवनलक्खणा, मज्झतारम्मणम्पि हि इड्डानिडुसु एव पविट्ठं तब्बिनिमुत्तस्स अभावा।

ज्ञानचतुक्ककथावण्णनानयो निड्डितो।

### पुब्बेनिवासकथावण्णना

**१२.** अरूपज्जानानम्पि अङ्गसमताय चतुत्थज्जाने सङ्गहोति आह **केसज्जि अभिज्जापादकानीति** आदि, तेनेव वक्खति “अट्ट समापत्तियो निब्बत्तेत्वा”ति आदि (पारा० अट्ट० १.१२)। तेसु च चतुत्थज्जानमेव अभिज्जापादकं निरोधपादकं होति, न इतरानि। दूरकारणत्तं पन सन्धाय “चत्तारि ज्ञानानी”ति नेसम्पि एकतो गहणं कतन्ति दट्टब्बं। **चित्तेकगतत्थानीति** इदं दिट्ठधम्मसुखविहारं सन्धाय वुत्तन्ति आह **खीणासवानन्ति** आदि। **सब्बकिच्चसाधकन्ति** दिब्बविहारादिसब्बबुद्धकिच्चसाधकं। **सब्बलोकियलोकुत्तरगुणदायकन्ति** इमिना यथावुत्तं विपस्सनापादकतादिसब्बं सम्पिण्ठेति। इदञ्चि ज्ञानं भगवतो सब्बबुद्धगुणदायकस्स मग्गजाणस्स पट्टदानत्ता एवं वुत्तन्ति दट्टब्बं। **यथयिदन्ति** यथा इदं। **अभिनीहारक्खमन्ति** इड्डिविधादिअत्थं तदभिमुखं नीहरणयोगं।

**ज्ञानपटिलाभपचयानन्ति** ज्ञानपटिलाभहेतुकानं ज्ञानपटिलामं निस्साय उपपज्जनकानं। **पापकानन्ति** लामकानं। **इच्छावचरानन्ति** इच्छाय वसेन ओत्तिण्णानं नीवरणभावं तदेकट्टज्ज अप्पत्तानं अतुक्कसनादिवसपवत्तानं अहो वत ममेव सत्था पटिपुच्छित्वा भिक्खुनं एवरूपं धम्मं देसेय्याति आदिनयपवत्तानं मानादीनं। पोत्थकेसु पन “ज्ञानपटिलाभपचचीकान”न्तिपि पाठं लिखन्ति, सो पमादपाठोति गहेतब्बो “ज्ञानपटिलाभपचचीकानं नीवरणानं अभावस्स नीवरणदूरीभावेन परिसुद्धो”ति एवं पुब्बे परिसुद्धपदेयेव वुत्तता। **सारत्थदीपनियं** (सारत्थ० टी० १.१२) पन “इच्छावचरानन्ति इच्छाय अवचरानं इच्छावसेन ओत्तिण्णानं पवत्तानं नानपकारानं कोपअपचयानन्ति अत्थोति अयम्पि पाठो अयुत्तो एवाति गहेतब्बं। ततो एव च **विसुद्धिभग्गे** अयं पाठो सब्बेन सब्बं न दस्सितो”ति वुत्तं। तत्थ च नानपकारानं कोपअपचयानन्ति एवं नीवरणभावपत्तदोसानं परामट्टता अयं पाठो पटिक्खितोति वेदितब्बो।

**अभिज्जादीनन्ति** एतत् अभिज्जा-सद्देन च अनीवरणसभावस्सेव लोभस्स मानादीनञ्च गहणं ज्ञानपटिलाभपचयानन्ति अनुवत्तमानत्ता। **उभयम्पीति** अनङ्गणत्तं विगतुपक्विकलेसत्तज्जाति एत्तं उभयम्पि यथाक्कमं **अनङ्गणसुत्तवत्थसुत्तानुसारे**नेव वेदितब्बं। तेसु च सुत्तेसु किञ्चापि नीवरणसभावपत्ता थूलदोसापि वुत्ता, तथापि अधिगतचतउत्थज्जानस्स वसेन वुत्तता इध सुखुष्मा एव ते गहिता। अङ्गणुपक्विकलेससामज्जेन पनेत्थ सुत्तानं अपदिसनं। तथा हि “सुत्तानुसारेन”ति वुत्तं, न पन सुत्तवसेनाति।

पुब्बेनिवासानुस्सतिं जाणं पुब्बेनिवासानुस्सतिजाणन्ति निब्बचनं दस्सेनतो आह **पुब्बेनिवासानुस्सतिम्हीति** आदि। इदानीं पुब्बेनिवासं पुब्बेनिवासानुस्सतिं तत्थ जाणञ्च विभागतो दस्सेतुं **तत्थाति** आदि वुत्तं। **पुब्ब-**सदो अतीतभवविसयो, **निवास-**सदो च कम्मसाधनोति आह “पुब्बे अतीतजातीसु निवृत्त्यक्खन्ध”ति। निवृत्त्यता चेत्थ सकसन्ताने पवत्तता, तेनाह **अनुभूताति** आदि। इदानीं सपरसन्तानसाधनवसेन निवास-सद्देन अत्थं दस्सेतुं “निवृत्त्यक्खन्धं वा निवृत्त्या”ति वत्ता तं विवरितुं **गोचरनिवासेनाति** आदि वुत्तं। गोचरभूतापि हि धम्मा जाणेन निवृत्त्या नाम होन्ति, ते पन सपरविज्जाणगोचरताय दुविधाति दस्सेतुं **अत्तनोति** आदि वुत्तं। परविज्जाणविज्जातापि वा निवृत्त्याति सम्बन्धो। इथापि परिच्छिन्नाति पदं आनेत्वा सम्बन्धितब्बं। अनमतगोपि हि संसारे अत्तना अविज्जातपुब्बानं सत्तानं खन्धा परेहेव केहिचि विज्जातता परविज्जाणविज्जाता नाम वुत्ता, तेसं अनुस्सरणं पुरिमतो दुक्करं येहि परेहि विज्जातताय ते परविज्जाणविज्जाता नाम जाता, तेसं वत्तमानसन्तानानुसारेन विज्जातब्बतो। ते च परविज्जाणविज्जाता दुविधा परिनिब्बुता अपरिनिब्बुताति। तेसु च परिनिब्बुतानुस्सरणं दुक्करं सब्बसो सुसमुत्तिन्नसन्तानत्ता। तं पन सिखापत्तपरविज्जातं पुब्बेनिवासं दस्सेतुं “छिन्नवट्टमकानुस्सरणादीसु”ति वुत्तं। तत्थ **छिन्नवट्टमका** अतीते परिनिब्बुता खीणासवा छिन्नसंसारमग्गता। **आदि-**सद्देन अपरिनिब्बुतानं परविज्जाणविज्जातानम्पि सीहोक्कन्तिकवसएन अनुस्सरणं गहितं। याय सतिथा पुब्बेनिवासं अनुस्सरति, सा पुब्बेनिवासानुस्सतीति आनेत्वा सम्बन्धितब्बं।

**विहित-**सदो विध-सहपरियायोति आह “अनेकविध”न्ति, भवयानिआदिवसेन बहुविधन्ति अथो। **विहितन्ति** वा पयुत्तं वणिणतन्ति अत्थं गहेत्वा “अनेकेहि पकारेहि विहित”न्ति वत्तब्बे मज्झेपदलोपं कत्वा निहिड्डन्ति आह “अनेकेहि...पे... संवणिणत”न्ति। **पकारेहीति** नामगोत्तादिपकारेहि। **संवणिणतन्ति** बुद्धादीहि कथितं। अनु-सदो अनन्तरत्थदीपकोति आह “अभिनिन्नामितमते एवा”ति, एतेन च परिकम्मस्स आरद्धत्तं दस्सेति। **पूरितपारमीनञ्हीति** आदिना परिकम्मं विनापि सिद्धिं दस्सेति।

**आरद्धप्पकारदस्सनत्थेति** अनुस्सरितुं आरद्धानं पुब्बे निवृत्त्यक्खन्धानं दस्सनत्थे। जायतीति जाति, भवो। सो एककम्ममूलको आदाननिकखेपरिच्छिन्नो खन्धपबन्धो इध “जाती”ति अधिप्पेतोति आह **एकम्पीति** आदि। **कप्पोति** असङ्ख्येयकप्पो, सो पन अत्थतो कालो तथापवत्तधम्ममुपादाय पज्जतो, तेसं वसेनस्स परिहानि च वड्ढि च वेदितब्बा। संवट्टो संवट्टनं विनासो अस्स अत्थोति संवट्टो, असङ्ख्येयकप्पो। संवट्टेन विनासेन सह तिड्ढति सीलेनाति **संवट्टद्वयी**। एवं **विवट्टोति** आदीसुपि। तत्थ विवट्टनं विवट्टो, उपपत्ति, वड्ढि वा। तेजेन विनासो **तेजोसंवट्टो**। **वित्थारतो पनाति** पुथुलतो पन संवट्टसीमाभेदो नत्थि, तेनाह “सदापी”ति। एकनगरिया विय अस्स जातक्खणे विकारापज्जनतो जातिक्खेत्तवोहारोति दस्सेतुं “पटिसन्धिआदीसु कम्पती”ति वुत्तं। **आनुभावो पवत्ततीति** तदन्तो गधानं सब्बेसं सत्तानं रोगादिउपहवो वूपसम्पतीति अधिप्पायो। यं **यावता वा पन आक्खेय्याति** वुत्तन्ति यं विसयक्खेतं सन्धाय एकस्मिं एव खणे सब्बत्थ सरेन अभिविज्जापनं, अत्तनो रूपकायदस्सनञ्च पटिजानन्तेन भगवता “यावता वा पन आक्खेय्या”ति वुत्तं।

**एतेसूति** निद्वारणे भुम्। **पवत्तफलभोजनोति** सयंपतितफलाहारो, इदञ्च तापसकालं सन्धाय वुत्तं। **इधूपपत्तियाति** इध चरिमभवे उपपत्तिया। **एकगोत्तोति** तुसितगोत्तेन एकगोत्तो। **इतरेति** वण्णादयो। **तित्थियाति** कम्मफलवादिनो। **अभिनीहारोति** अभिनीहारोपलक्खितो पुज्जजाणस्सम्भरणकालो वुत्तो। **चुत्तिपटिसन्धिवसेनाति** अत्तनो परस्स वा तस्मिं तस्मिं अत्तभावे चुत्तिं दिस्वा अन्तरा किञ्चि अनामसित्वा पटिसन्धिया एव गहणवसेन एवं जाननं इच्छितप्पदेसोक्कमन्ति आह **तेसञ्हीति** आदि। **उभयथापीति** खन्धपटिपाटियापि चुत्तिपटिसन्धिवसेनपि। **सीहोक्कन्तवसेनपीति** सीहनिपातवसेनपि। किलेसानं आतापनपरितापनट्टेन वीरियं आतापोति आह “वीरियातापेना”ति।

### दिब्बचक्खुजाणकथावण्णना

**१३.** दिवि भवत्ता दिब्बन्ति देवानं पसादचक्खु वुच्चतीति आह “दिब्बसदिसत्ता”ति। **दूरेपीति पि-**सद्देन सुखमस्सापि आरम्मणस्स गहणं। वीरियारम्भवसेन इज्जनतो सब्बापि भावना, पधानसङ्कारसमन्नागतो वा इड्डिपादभावनाविसेसतो वीरियभावनाति आह “वीरियभावनाबलनिब्बत्त”न्ति। **दिब्बविहारवसेनाति** कसिणादिज्ज्ञानचतउक्कवसेन। इमिना दूरकारणत्थे अस्स दिब्बभावमाह। **दिब्बविहारसन्निस्सितत्ताति** इमिना आसन्नकारणभूतपादकज्ज्ञानतो निब्बत्तन्ति दिब्बविहारसन्निस्सितत्ताति इमस्स दिब्बविहारपअयापनं अत्तना सम्पयुत्तं रूपावचरचतुत्थज्ज्ञानं निस्सयपचयभूतं निस्साय दिब्बचक्खुजाणस्स पवत्तत्तातिपि अथो। दिवुधातुस्स जुतिगतियोगं सन्धाय **आलोकपअग्गहेनाति** आदि वुत्तं। तत्थ **आलोकपरिग्गहेनाति** कसिणालोकपरिग्गहवसेन। **दस्सनट्टेनाति**

रूपदस्सनभावेन, इमिना “चकखति रूपं विभावेतो”ति निब्वचनतो चकखुत्तं दस्सेति। **चकखुकिच्चकरणेनाति** इदं चकखुमिव चकखूति उपमाय सदिसनिमित्तदस्सनं, समविसमादिदस्सनसङ्घातस्स चकखुकिच्चस्स करणतोति अत्थो।

**यथाहाति उपक्किलेससुत्तपदेसं** (म० नि० ३.२४२) निदस्सेति। तत्थ **विचिकिच्छा**तिआदीसु भगवतो बोधिमूले अनभिस्सम्बुद्धस्सेव दिब्वचकखुना नानाविधानि रूपानि पस्सन्तस्स “इदं नु खो किं, इदं नु खो किं”न्ति विचिकिच्छा उपन्ना, ततो पन विचिकिच्छानिवत्तन्तथं तानि रूपानि **अमनसिकरोतो** अमनसिकरोन्तस्स थिनमिद्धं उपन्नं, ततो निवत्तन्तथं पुन सब्बरूपानि मनसिकरोतो रक्खसादीसु छम्भितत्तं उपन्नं, “किमेत्थ भायितब्ब”न्ति भयविनोदनवसेन मनसिकरोतो अत्तनो मनसिकारकोसल्लं पटिच्च उपपिलसङ्घाता समाधिदूसिका गेहसितपीति उपन्ना, तन्निसेधाय मनसिकारवीरियं सिथिलं करोन्तस्स कायालसियसङ्घातं दुट्ठल्लं, तन्निसेधाय पुन वीरियं पग्गहत्तो अच्चारद्धवीरियं, पुन तन्निसेधाय वीरियं सिथिलयतो अतिलीनवीरियं उपन्नं, तन्निसेधत्वा दिब्वरूपानि पस्सतो अभिजप्पासङ्घाता तण्हा उपन्ना, तन्निसेधाय हीनादिनानारूपानि मनसिकरोतो नानारम्भणविकखेपसङ्घाता नानत्तसञ्जा उपन्ना। पुन तं विहाय एकमेव मनसिकरोतो अतिनिज्झायितत्तं रूपानं अतिविय चिन्तनं उपन्नं। **ओभासन्ति** परिकम्मसमुट्ठितं ओभासं। **न च रूपानि पस्सामीति** “परिकम्मोभासमनसिकारपसुतताय दिब्वचकखुना रूपानि न पस्सामी”ति एवं उपपत्तिककमसहितो अत्थो वेदितब्बो, मनुस्सानं इदन्ति मानुसकं मानुसकचकखुगोचरं थूलरूपं वुच्चति। तदेव मनुस्सानं दस्सनूपचारता मनुस्सूपचाराति आह “मनुस्सूपचारं अतिकमत्त्वा”ति। **रूपदस्सनेनाति** दूरसुखमादिरूपदस्सनेन।

यस्मा नियमेन पुरेजातडित्तरूपारम्भणं दिब्वचकखुजाणं आवज्जनपरिकम्मोहि विना न उपज्जति, न च उपज्जमानं भिज्जमानं रूपमस्स आरम्भणं होति दुब्वलत्ता, चुत्तिचित्तञ्च कम्मजरूपस्स भङ्गकखणे एव उपज्जति, पटिसन्धिचित्तञ्च उपपत्तिकखणे, तस्मा आह **चुत्तिकखणे**तिआदि। रूपदस्सनमेवेत्थ सत्तदस्सनन्ति **चवमानेति**आदिना पुग्गलाधिद्धानेन वुत्तं। **अभिरूपे विरूपेतिपीति** इदं वण्ण-सदस्स सण्ठानवाचकत्वं सन्धाय वुत्तं महन्तं हत्थिराजवण्णं अभिनिम्मिनिव्वातिआदीसु (सं० नि० १.१३८) विय। सुन्दरं गतिं गता सुगताति आह “सुगतिगते”ति। **इमिना पन पदेनाति** यथाकम्पुगोति इमिना पदेन।

नेरयिकानं अग्गिजालसत्थनिपातादीहि विभिन्नसरीरवण्णं दिस्वा तदनन्तरोहि कामावचरजवनेहेव जातं तेसं दुक्खानुभवनम्पि दस्सनफलायत्तताय “दिब्वचकखुकिच्चमेवा”ति वुत्तं। **एवं मनसिकरोतीति** तेसं कम्मस्स जातुकामतावसेन पादकज्झानं समापज्जित्वा बुद्धाय परिकम्मवसेन किन्नु खोतिआदिना मनसिकरोति। अथस्स तं कम्मं आरम्भणं कत्वा आवज्जनपरिकम्मादीनं उपरि उपन्नेन रूपावचरचतुत्थज्झानेन सम्पयुत्तं यं जाणं उपज्जति, इदं यथाकम्पुगजाणं नामाति योजना। देवानं दस्सेनेपि एसेव नयो। **विसुं परिकम्मन्ति** पुब्बेनिवासादीनं विय दिब्वचकखुजाणपरिकम्मं विना विसुं परिकम्मं नत्थि। केचि पनेत्थ “पादकज्झानसमापज्जनपरिकम्मोहि किच्चं नत्थि, किन्नु खो कम्मन्तिआदिमनसिकारानन्तरमेव कम्मं। कम्मसीसेन तंसम्पयुत्ते च धम्मे आरम्भणं कत्वा अप्पनावीथि उपज्जति। एवमानगतंसजाणेपि, तेनेव विसुं परिकम्मं नाम नत्थि...पे०... दिब्वचकखुना सहेव इज्झन्तीति वुत्तं”ति वदन्ति। तं न गहेतब्बं वसीभूतानम्पि अभिज्ज्ञानं पादकज्झानादिपरिकम्मं विना अनुपत्तिो। पादकज्झानादिमत्तेन च विसुं परिकम्मं नाम न होतीति दिब्वचकखुनाव एतानि जाणानि सिद्धानीति गहेतब्बं। **एवं अनागतंसजाणस्सापीति** दिब्वचकखुना दिट्ठस्स सत्तस्स अनागते पर्वत्तिं जातुकामताय पादकज्झानादीनमन्तरं जाणबलानुरूपं अनागतेसु उपज्जनारहे पुब्बे अत्तभावपरियापने पच्चकखन्थे तप्पटिबद्धे तदारम्भणे च सब्बे लोकियलोकुत्तरधम्मे सम्मुत्तिञ्च एककखणे आलम्बित्वा उपज्जनकस्स चतुत्थज्झानसम्पयुत्तस्स अनागतंसजाणस्सापि विसुं परिकम्मं नाम नत्थीति योजना।

केचि पनेत्थ “पुब्बेनिवासानुस्सतिं विय नामगोतादिगहणम्पि अत्थेव, तञ्च न अभिज्ज्ञाकखणे, अथ खो तदनन्तरेसु कामावचरजवनकखणेसु एव होति नामपरिकप्पकाले इतरपरिकप्पासम्भवा कम्मेनुपत्तियञ्च परियन्ताभावा। सब्बपरिकम्मनिमित्तेसु पन धम्मेसु अत्थेसुपि एककखणे अभिज्ज्ञाय दिट्ठेसु यथारुचिवसेन पच्छा एवंनामोतिआदिना कामावचरचित्तेन विकप्पो उपज्जति चकखुना दिट्ठेसु बहुसु रूपेसु थम्भकुम्मादिविकप्पो विय। यञ्च कत्थ अविकप्पितं, तम्पि विकप्पनारहन्ति सब्बं नामगोतादिदो विकप्पितमेव होति। यथा चेत्थ, एवं पुब्बेनिवासानुस्सतिंयम्पि परिकप्पारहतम्पि सन्धाय **पाळियं** एवंनामोतिआदिना अपदेससहितमेव वुत्तं”ति वदन्ति। अज्जे पन “नामगोतादिकं सब्बम्पि एककखणे पज्जायति, अभिरुचितं पन वचसा वोहरन्ती”ति वदन्ति, तेषि अत्थतो पुरिमेहि सदिसा एव, पुब्बे दिट्ठस्स पुन वोहारकालेपि परिकप्पेतब्बतो परिकप्पारहधम्मदस्सनमेव तेहिपि अत्थतो उपगतं। एके पन “सो ततो चूतो अमुत्र उदपादन्तिआदिवचनतो कमेनेव अतीतानागतधम्मजाननेन नामगोतादीहि सद्धिं गहणं सुकर”न्ति वदन्ति, तं अयुत्तमेव बुद्धानम्पि सब्बं जातुं असककुणेय्यताय सब्बज्जुताहानिप्पसङ्गतो। **पाळियं** इमे वत भोत्तोतिआदि यथाकम्पुगजाणस्स पवत्तिआकारदस्सनं। कायवाचादि चेत्थ कायवचीवज्जत्तियो।

**भारियन्ति** आनन्तरियसदिसत्ता वुत्तं। खमापने हि असति आनन्तरियमेव। **तस्साति** भारियसभावस्स उपवादस्स। **महल्लकोति** केवलं वयसाव महल्लको, न जाणेन, “नायं किञ्चि लोकवोहारमत्तम्पि जानाति, परिसदुसको एव अम्हाकं लज्जितब्बस्स करणतो”ति अधिप्पायेन हीळेत्वा वुत्तता गुणपरिधंसनेन उपवदतीति वेदितब्बं। **आवुसोति**आदिना थरो उपरिमग्गुप्पत्तिमस्स आकङ्खन्तो करुणाय अत्तानमाविकासि। **पाकतिकं अहोसीति** मग्गावरणं नाहोसीति अधिप्पायो। **अत्तना वुट्ठरतोति** सयम्पि वुट्ठो। एत्थापि “उक्कुटिकं निसीदित्वा”ति **विसुद्धिमग्गे** वुत्तं। अनागामी अरहा च आर्याति संवरत्थाय न खमेय्युं, सेसा दोसेनपीति आह “सचे सो न खमती”ति।

ये च...पे०... समादपेन्ति, तेषि मिच्छादिट्ठिकम्मसमादानाति योजेतब्बं। **सीलसम्पन्नोति**आदीसु निप्परियायतो अग्गमग्गडो अधिपेतो तस्सेव अज्जाराधना नियमतो, सेसापि वा पच्छिमभविका सीलादीसु ठिता तेसम्पि अज्जुप्पत्तिनियमतो। **अज्जन्ति** अरहत्तफलं। **एवं सम्पदन्ति** एवं निब्वत्तिकं। यथा तं अवरिज्जनकनिब्वत्तिकं, एवमिदम्पि एतस्स निरये निब्वत्तन्ति अत्थो। यं सन्धाय “एवंसम्पदमिदं”न्ति निहिट्ठं, तं दस्सेतुं **तं वाचन्ति**आदि वुत्तं। **तं वाचन्ति** अरियूपवादं। **चित्तन्ति** अरियूपवादकचित्तं। **दिट्ठिन्ति** अरियूपवादे दोसाभावदस्सनदिट्ठिं। “सब्बमेतं पजहिस्सामी”ति चित्तेन अच्चयं देसेत्वा खमापनवसेन अप्पहाय अपट्टिनिस्सज्जित्वा। **यथाभत्तं निक्खित्तो एवं निरयेति** यथा निरयपालेहि आहरित्वा निरये ठपितो, एवं निरये ठपितो एव, अरियूपवादेनेवस्स इदं नियमेन निरये निब्वत्तन्तं यथा मग्गेन फलं सम्पज्जति, एवं सम्पज्जनकन्ति अधिप्पायो।

मिच्छादिट्ठि सब्बपापमूलत्ता परमा पधाना येसं वज्जानं तानि मिच्छादिट्ठिपरमानि वज्जानि, सब्बवज्जेहि मिच्छादिट्ठियेव परमं वज्जन्ति अत्थो। अवीतरागस्स मरणतो परं नाम भवन्तरुपादानमेवाति आह “परं मरणाति तदनन्तरं अभिनिब्वत्तकखन्धगहणे”ति। येन तिड्ढति, तस्स उपच्छेदेनेव कायो भिज्जतीति आह “कायस्स भेदाति जीवितिन्द्रियस्सुपच्छेदा”ति। एति एतस्मा सुखन्ति अयो, पुज्जं। **आयस्साति** आगमनस्स, हेतुस्स वा। अयति इट्ठारम्भणादीहि पवत्ततीति आयो, अस्सादो। **असुरसदिसन्ति** पेटासुरसदिसं।

#### आसवकखयजाणकथावण्णना

**१४. सरसलकखणपटिवेधेनाति** सभावसङ्घातस्स लकखणस्स असम्भोहतो पटिवज्जनेन। **निब्वत्तिकन्ति** निष्पादनं। **यं ठानं पत्ताति** यं निब्वानं मग्गस्स आरम्भणपच्चयड्डेन ठानं कारणभूतं आगम्म। **अप्पवत्तिन्ति** अप्पवत्तिहेतुं। **किलेसवसेनाति** येसं आसवानं खेपनेन इदं जाणं आसवकखयजाणं जातं, तेसं किलेसानं वसेन, तेसं आसवानं वसेन सब्बकिलेसानं सङ्गहणतो **परियायतो** पकारान्तरतोति अत्थो। **पाळियं** अतीतकालवसेन “अब्भज्जासि”न्ति वत्थापि अभिसमयकाले तस्स तस्स जाननस्स पच्चुप्पन्नत्वं उपादाय “एवं जानतो एवं पस्सतो”ति वत्तमानकालेन निहेसो कतो। कामासवादीनं विमुच्चनेनेव तदविनाभावतो दिट्ठासवस्सापि विमुत्ति वेदितब्बा।

“खीणा जाती”ति जाननं किलेसकखयपच्चवेकखणवसेन, वुत्तं ब्रह्मचरियन्तिआदिजाननं मग्गफलनिब्वानपच्चवेकखणवसेन होतीति आह “खीणा जातीतिआदीहि तस्स भूमि”न्ति। तत्थ **भूमिन्ति** विसयं, तीसु कालेसुपि जातिकखयं पति उज्जुकेव वायामासम्भवेपि तं पति वायामकरणस्स सात्थकत्वं, तस्स अनागतकखन्धानुपत्तिफलतञ्च दस्सेतुं **या पनाति**आदि वुत्तं। **या पन मग्गस्स अभावितत्ताति**आदिना हि मग्गेनाविहतकिलेसेहेव आर्याति खन्धानं जाति हेस्सति, तेसञ्च किलेसानं मग्गेन विनासे सति खन्धा न जायिस्सन्ति, किलेसानञ्च तेकालिकताय जातिं वुत्तनयेन केनचि पच्चयेन विनासयोगेपि चित्तसन्ताने किलेसविरुद्धारियमग्गकखणुप्पादनमेव तब्बिनासो विरुद्धपच्चयोपनिपातेन आर्याति अनुपज्जनतो बीजसन्ताने अग्गिकखन्धोपनिपातेन आर्याति बीजत्तानुपत्ति विय, इति मग्गकखणुप्पत्तिस्सङ्घातकिलेसाभावेन किलेसफलानं खन्धानं आर्याति अनुपत्तियेव जातिकखयोति अयमत्थो विभावीयति, तेनाह “मग्गस्स भावितत्ता अनुप्पादधम्मत्तं आपज्जनेन खीणा”ति। एत्थ चायमत्थो किलेसाभावसङ्घातस्स मग्गस्स भावितत्ता उप्पादितत्ता पच्चयाभावेन अनुपज्जन्ती खन्धानं जाति तेन आर्याति अनुपज्जनसङ्घातेन अनुप्पादधम्मत्तं आपज्जनेन वोहारतो खीणा मे जातीति। न हि सङ्घतधम्मानं पच्चयन्तरेन विनासो सम्भवति, सम्भवे च तस्स पच्चयन्तरतादिपसङ्गतो। तब्बिरुद्धकखणुप्पादनमेव तब्बिनासुप्पादनं। **तन्ति** खीणजातिं अब्भज्जासिन्ति सम्बन्धो। **इत्थत्तायाति** इमे पकारा

इत्थं, तब्भावो इत्थत्तं, तदत्थाय। **दस्सेन्तो**ति निगमनवसेन दस्सेन्तोति।

विज्जातयकथावण्णनानयो निट्ठितो।

#### उपासकत्तपटिवेदनाकथावण्णना

**१५. अज्जाणन्ति** धि-सहयोगेन सामिअत्थे उपयोगवचनं। **पादानी**ति पादे। **यससा**ति परिवारेन। **कोतूहलच्छरे**ति कोतूहले अच्छरे च। **अयन्ति** अमिक्कन्त-सहो। नयिदं आमोडितवसेन द्विक्खत्तुं, अथ खो अत्थद्वयवसेनाति दस्सेन्तो **अथ वा**तिआदिमाह। अविसेसेन अत्थसामञ्जेन निप्फन्तो अभिक्कन्तन्ति भावनपुंसकनिहेसो, देसनापसादादिविसेसापेक्खायपि तथेव तिट्ठति पुब्बे निप्फन्नताति आह “अभिक्कन्तं...पे... पसादो”ति। **अधोमुखठपितं** केनचि। **हेट्ठामुखजातं** सयमेव। **परियायेही**ति पकारेहि, अरसरूपतादिपटिपादककरणेहि वा।

गमुधातुस्स द्विकम्मकत्ताभावा गोतमं सरणन्ति इदं पदद्वयमि न उपयोगवचनं। अपि च खो पुरिममेव, पच्छिमं पन पच्चत्तवचनन्ति दस्सेत्तुं “गोतमं सरणन्ति गच्छामी”ति वुत्तं। तेन च इति-सहो लुत्तनिहिट्ठोति दस्सेत्ति। **अघस्सा**ति अघतो पापतो। **ताता**ति हि पदं अपेक्खित्वा निस्सक्कस्सेव युत्ता। **अधिगतमग्गे सच्छिकतनिरोधे**ति पदद्वयेनापि फलट्ठा एव दस्सिता, न मग्गट्ठाति दस्सेन्तो “यथानुसिद्धं पटिपज्जमाने च”ति आह। **विथारा**ति इमिना “यावता, भिक्खवे, धम्मा सङ्गता वा असङ्गता वा, विरागो तेसं अग्गमक्खायती”ति (इतिवुं ९०; अं निं ४.३४) वुत्तपदं सङ्गह्णाति। **अनेजन्ति** नित्तणं। **अप्पटिकूलन्ति** अविरोधत्थदीपनतो अविरुद्धसुचिं पणीतं वा। वाचाय पगुणीकत्तब्बतो, पकट्टेहि सहत्थगुणेहि योगतो वा **पगुणं**। **संहतो**ति घटितो समेतो। **यत्था**ति येसु पुरिसयुगेसूति सम्बन्धो। **अट्ट च पुगलधम्मदसा** तेति ते अट्ट पुगला अरियधम्मस्स दिट्ठता धम्मदसा।

**सरणन्ति**आदीसु अयं सङ्केपत्थो — भयहिंसनादिअत्थेन रतनत्तयं **सरणं** नाम, तदेव मे रतनत्तयं ताणं लेणं परायणन्ति बुद्धसुबुद्धतादिगुणवसेन तप्परायणताकारप्पवत्तो चित्तुप्पादो **सरणगमनं** नाम। यथावुत्तेन इमिना चित्तुप्पादेन समन्नागतो **सरणं गच्छति** नाम। एतस्स च सरणगमनस्स लोकियलोकुत्तरवसेन दुविधो पभेदो। तत्थ लोकुत्तरं सरणगमनूपविकलेससमुच्छेदेन मग्गक्खण्येव सिज्झति। लोकियसरणगमनं चतुधा पवत्ति अहं अत्तां बुद्धस्स परिचजामीतिआदिना अत्तनिव्यातनेन, यथावुत्ततप्परायणताय, सिस्सभावपुग्गमनेन, पणिपातेन चाति। सब्बत्थापि चेत्थ सेट्ठदक्खिण्येवभाववसेनेव सरणगमनं होति, न जातिभयाचरियादिवसेनाति वेदितब्बं। एवं जातिआदिवसेन तित्थियं वन्दतो सरणं न भिज्जति, दक्खिण्येवभावेन अज्जं वन्दतो सरणं भिज्जति। लोकियस्स सरणगमनस्स निब्बानप्पत्तिनियमं सदिसफलं सरणगतस्स अनागते निब्बानप्पत्तिनियमतो। सब्बलोकियसम्पत्तिसमधिगमो पन अपायदुक्खादिसमतिक्रमो च आनिसंसफलं। तीसु वत्थूसु चस्स संसयमिच्छाजाणादि संकिलेसो। भेदोपिस्स सावज्जानवज्जवसेन दुविधो। तत्थ पटमो मिच्छादिट्ठिपुब्बकेहि तित्थियपणिपातादीहि होति, सो च अनिट्ठफलत्ता सावज्जो। अनवज्जो पन कालकिरियाय होति। लोकुत्तरसरणगमनस्स सब्बथा संकिलेसो वा भेदो वा नत्थीति वेदितब्बं।

**को उपासको**तिआदि उपासकत्तरूपकारणादिपुच्छा। तत्थ यो गहट्ठो मनुस्सो वा अमनुस्सो वा वुत्तनयेन तिसरणं गतो, अयं **उपासको**। यो च सरणगमनादिकिरियाय रतनत्तयं उपासनतो “उपासको”ति वुच्चति। पञ्च वेरमणियो चस्स **सीलं**। पञ्चमिच्छावाणिज्जादिपापाजीवं पहाय धम्मेन समेन जीवितकप्पनमस्स **आजीवो**। अस्सद्वियदुस्सीलतादयो उपासकत्तस्स **विपत्ति**, तदभावो **सम्पत्ती**ति वेदितब्बा।

**विहारगे**नाति ओवरकादिवसनट्ठानकोट्टासेन। **अज्जभा**वन्ति अस्मिं अहनि पवत्तं पसादादि। कार्यावज्जतिहेतुको सरीरावयवो **कायङ्गं**। वचीविज्जतिहेतुको ओट्टुजिह्वादि **वाचङ्गं**। **अचोपेत्वा**ति अचालेत्वा। एतेन च वचीपवत्तिया पुब्बभागे ठानकरणानं चलनपच्चयो वायोधातुया विकाराकारो विसुं कार्यावज्जति न होति, तेन विसुं विज्जापेतब्बस्स अधिप्पायस्स अभावा वचीविज्जतियमेव सङ्गह्णाति तदुपकारता। यथा कायेन कायकण्डुयनादीसु सहृप्पत्तिहेतुभूतो पथवीधातुया आकारविकारो विसुं अधिप्पायस्स अविज्जापनतो वचीविज्जति न होति, एवमयम्पीति दस्सेति। अधिप्पायविज्जापनतो हेता विज्जतियो नाम जाता, न केवलं वायुपथवीनं चलनसहृप्पत्तिपच्चयभूतविकाराकारमत्तताय। एवञ्च बहिद्धा रुक्खादीसु चलनसहृप्पत्तिपच्चयानं यथावुत्तप्पकारानं विकाराकारानं अविज्जतिता समत्थिता होतीति वेदितब्बा। केचि **वाचङ्गन्ति** “होतु साधू”ति एवमादिवाचाय अवयवन्तिआदि वदन्ति, तं अचोपेत्वाति इमिना न समेति। **खन्ति चारेत्वा**ति अनुमतिं पवत्तेत्वा। “खन्तिं धारेत्वा”तिपि पाठो, बहि अनिक्खमनवसेन गणित्वाति अत्थो। **पटिमुखो**ति भगवति पटिनिवत्तमुखो, तेनाह “अपक्कमित्वा”ति।

**१६.** याचधातुस्स द्विकम्मकत्ता “भगवा वस्सावासं याचितो”ति वुत्तं। **सुसस्सकालेपी**ति वुत्तमेवत्थं पाकटं कातुं “अतिसमग्घेपी”ति वुत्तं। अतिविय अपग्घेपि यदा किञ्चिदेव दत्त्वा बहुं पुब्बण्णापरणं गण्हन्ति, तादिसे कालेपीति अत्थो। **भिक्खमाना**ति याचमाना। **वुत्तस्सन्ति** वपितस्सं। **तत्था**ति वेरज्जाय, एतेन “वुत्तं सलाका एव होति एत्थाति सलाकावुत्ता”ति विसेसनस्स परनिपातेन निब्बचनं दस्सेति। अथ वा “सब्बं स्सं सलाकामत्तमेव वुत्तं निब्बत्तं सम्पन्नं एत्थाति सलाकावुत्ता”तिपि निब्बचनं दट्ठब्बं, तेनाह “सलाका एव सम्पज्जती”ति। “सलाकाय वुत्तं जीविका एतिसन्ति सलाकावुत्ता”तिपि निब्बचनं दस्सेत्तुं **सलाकाय वा**तिआदि वुत्तं। **धज्जकरणट्ठाने**ति धज्जमिननट्ठाने। **वण्णज्जक्खन्ति** कहापणपरिक्खकं।

**उज्जेन पग्गहे**नाति एत्थ **पग्गहे**नाति पत्तेन, तं गहेत्वाति अत्थो। पग्गह्णाति एतेन भिक्खाति हि पग्गहो, पत्तो। तेनाह **पग्गहेन यो उज्जे**तिआदि। अथ वा **पग्गहे**नाति गहणेन, उज्जत्थाय गहेतब्बो पत्तोति सिज्झतीति आह “पत्तं गहेत्वा”ति।

गङ्गाय उत्तरदिसापदेसो उत्तरापथो, सो निवासो एतेसं, ततो वा आगताति उत्तरापथका, तेनाह **उत्तरापथवासिका**तिआदि। “उत्तराहका”तिपि पाठो, सो एव अत्थो निरुत्तिनयेन। **मन्दिरन्ति** अस्ससालं। “मन्दर”न्तिपि लिखन्ति, तं न सुन्दरं। सा च मन्दिरा यस्मा परिमण्डलाकारेन बहुविधा च कता, तस्मा “अस्समण्डलिकायो”ति वुत्ता।

गङ्गाय दक्खिणाय दिसाय देसो दक्खिणापथो, तत्थ जाता मनुस्सा **दक्खिणापथमनुस्सा**। बुद्धं ममायन्ति ममेवायन्ति गण्हनसीला **बुद्धमामका**, एवं सेसेसुपि। **एवन्ति** पच्छा वुत्तनयेन अत्थे गह्माने। **पटिवी**सन्ति कोट्टासं। **तदुपियन्ति** तदनुरूपं तप्पहोनकं। **लट्ठा**ति लभित्वा नो होतीति सम्बन्धो। “लट्ठो”ति वा पाठो, उपट्ठाकट्ठानं नेव लभन्ति अत्थो। जाति च पसत्थतमगुणयोगतो सेट्ठो चाति **जातिसेट्ठो**। **एवरूपेसु ठानेसु अयमेव पतिरूपो**ति आमिसस्स दुल्लभकालेसु परिकथोभासादि अक्त्वा परमसल्लेखवुत्तिया आजीवसुद्धियं ठत्वा भगवतो अधिप्पायानुगुणं आमिसं विचारेन्तेन नाम जातिसिनेहयुत्तेन अरियसावकेनेव कातुं युत्तिन्ति अधिप्पायो।

**मारावट्टनाया**ति मारेन कतचित्तपरिवट्टनेन, चित्तसम्मोहनेनाति अत्थो। **तम्पी**ति उत्तरकुरुं वा तिससपुरं वा आवट्टेय्य।

“फुस्सस्साहं पावचने, सावके परिभासयिं।

यवं खादथ भुज्जथ, मा च भुज्जथ सालयो”ति॥ (अप० थेर १.३९.८८) —

**अपदाने** वुत्तस्स अकुसलस्स तदा ओकासकतता। **निबद्धदानस्सा**ति “दस्सामा”ति वाचाय नियमितदानस्स। **अप्पितवत्तस्सा**ति कायेन अतिहरित्वा दिन्नवत्थुनोपि। **विसहती**ति सक्कोति। **सङ्घेपे**नाति नीहारेन। **व्यामप्पभाया**ति समन्ततो हेट्ठा च उपरि च असीतिहत्थमते ठाने घनीभूताय छब्बण्णाय पभाय, यतो छब्बण्णरंसियो तट्ठाकतो मातिकायो विय निक्खमित्वा दससु दिसासु धावन्ति, सा यस्मा व्याममत्ता विय खायति, तस्मा “व्यामप्पभा”ति वुच्चति। यस्मा अनुब्यञ्जनानि च पच्चेकं भगवतो सररीरे पभासम्पत्तियुत्ता आकासे चन्दसूरियादयो विय विभाता विरोचन्ति, तस्मा तानि व्यामप्पभाय सह केनचि अनभिभवनीयानि वुत्तानि।

**अनत्थसङ्गि**तेति घातापेक्खं सामिअत्थे भुम्मवचनं, तेनाह “तादिसस्स वचनस्स घातो”ति। अत्थो धम्मदेसनाय हेतु उपज्जति एत्थ, धम्मदेसनादिको वा अत्थो उपज्जति एतायाति **अट्ठुप्पत्ति**, पच्चुप्पन्नवत्थु।

एकं गहेत्वाति धम्मदेसनासिक्खापदपञ्जत्तिस्सङ्घातेसु द्वीसु धम्मदेसनाकारणं गहेत्वा । रत्तिच्छेदो वाति सत्ताहकरणीयवसेन गन्त्वा बहि अरुणुड्ढापनवसेन वुत्तो, न वस्सच्छेदवसेन तस्स विसु वुच्चमानता । एतेन च वस्सच्छेदपच्चये सत्ताहकरणीयेन गमनं अनुञ्जातन्ति वेदितब्बं । न किस्मिञ्चीति किस्मिञ्चि गुणे सम्भावनावसेन न मञ्जन्ति । पच्छा सीलं अधिदुहेय्यामाति आजीवहेतु सन्तगुणपण्यकासेन आजीवविपत्ति सन्धाय वुत्तं । अतिमञ्जिस्सतीति अवमञ्जिस्सति ।

१७. “आयस्माति पियवचनमेत”न्ति उच्चनीचजनसामञ्जवसेन वत्ता पुन उच्चजनावेणिकवसेनेव दस्सेन्तो “गरुगारवसप्पतिस्साधिवचन”न्ति आह । तत्थ सह पतिस्सयेन निस्सयेनाति सप्पतिस्सो, सनिस्सयो, तस्स गरुगुणयुत्तेसु गारववचनन्ति अत्थो । इध पन वचनमेव अधिवचनं । पण्यटकोजन्ति आदिकप्पे उदकूपरि पठमं पथवीभावेन सञ्जातं नवनीतपिण्डसदिंसं उदकेपि उपिलनसभावं अवितीयनकं अतिस्सिद्धमधुरं अनेकयोजनसहस्सबहलं रसातलसङ्घातं पथवोजं । यं आदिकप्पिकेहि मनुस्सेहि रसतण्हाय गहेत्वा भुञ्जमानं तेसं कम्मबलेन उपरिभागे कक्खळभावं आपज्जित्वा हेड्डा पुरिमाकारेनेव ठितं, यस्स च बलेन अयं महापथवी सपब्बतसमुदकानना हेड्डाउदके अनिमज्जमाना अविकिरियमाना कुल्लुपरि विय निच्चला तिड्ढति, तं पथवीसारमण्डन्ति अत्थो, तेनाह पथवीमण्डोतिआदि । सम्पन्नन्ति मधुररसेन उपेतं, तेनाह “सादुरस”न्ति । उपपन्नफलोति बहुफलो । “निम्मक्खिके”न्ति वत्ता पुन “निम्मक्खिकण्ड”न्ति मक्खिकण्डानमि अभावं दस्सेति । ये पथवीनिस्सिता पाणा, ते तत्थ सङ्गामेस्सामीति एत्थ मनुस्सामनुस्सतिरच्छानगतिथीनमि हत्थसङ्गामेन किं अनामासदोसो न होतीति? न होति, कस्मा? “अनापत्ति, भिक्खवे, इद्धिमस्स इद्धिविसये”ति (पारा० १५९) वचनतो, तेनेव भगवापि अनामासदोसं अदस्सेत्वा “विपल्लासमि सत्ता पटिलभेय्यु”न्ति आह, खुदको गामो । महन्तो सापणो निगमो । पदवीतिहारेनाति पदनिक्खेपेन ।

### विनयपञ्जत्तियाचनकथावण्णना

१८. विनयपञ्जत्तिया मूलतो पभुतीति पाराजिकादिगरुकानं, तदञ्जेसञ्च सिक्खापदानं पातिमोक्खुद्देसकमेन येभ्य्येन अपञ्जत्ततं सन्धाय वुत्तं, न सब्बेन सब्बं अपञ्जत्तताय । तेनेव थेरो भगवन्तं “सावकानं सिक्खापदं पञ्चपेय्य उद्दिसेय्य पातिमोक्ख”न्ति पातिमोक्खुद्देसेन सह सिक्खापदपञ्जत्तिं याचि । खन्धके हि आनन्दत्थेरादीनं पब्बज्जतो पुरेतरमेव राहुलभद्रस्स पब्बज्जाय “न, भिक्खवे, अननुञ्जातो मातापितृहि पुत्तो पब्बाजेतब्बो, यो पब्बाजेय्य आपत्तिं दुक्कटस्सा”ति (महाव० १०५) पञ्जत्तसिक्खापदं दिस्सति । इधेव अट्टकथायमि “साममि पचनं...पे०... न वट्ठी”ति च, “रत्तिच्छेदो वस्सच्छेदो वा न कतो”ति च वुत्तता पुब्बेव सामपाकादिपटिक्खेपो अत्थीति पञ्जार्थात् । एवं कतिपर्यसिक्खापदानं पञ्जत्तिसम्भावोपे अपञ्जत्तपाराजिकादिके सन्धाय “न ताव, सारिपुत्त, सत्था सावकानं सिक्खापदं पञ्चपेती”ति वुत्तन्ति गहेतब्बं । पुत्तुत्तारम्पणतो पटिनिवत्तित्वा सम्मदेव एकारम्पणे चित्तेन लीनो पटिसल्लीनो नामाति आह “एकीभावं गतस्सा”ति, चित्तविवेकं गतस्साति अत्थो । चिरन्ति अच्चन्तसंयोगे उपयोगवचनं ।

सोळसविधाय पञ्जायाति मज्झिमनिकाये अनुपदसुत्तन्तेदसनायं “महापञ्जो, भिक्खवे, सारिपुत्तो पुत्तुपञ्जो हासपञ्जो जवनपञ्जो तिक्खपञ्जो निब्बधिकपञ्जो”ति आगता छ पञ्जा च नवानुपुब्बविहारसमापत्तिपञ्जा च अरहत्तमगपञ्जा चाति एवं सोळसविधेन आगताय पञ्जाय । येसं बुद्धानं सावका सुद्धावासेसु सन्दिस्सन्ति, तेयेव लोके पाकटाति विपस्सीआदयोव इध उड्डटा, न इतरे पुब्बबुद्धा । तेनेव आटानाटियसुत्ते (दी० नि० ३.२७५ आदयो) देवापि अत्तनो पाकटानं तेसञ्जेव गहणं अकंसु, नाञ्जेसन्ति वेदितब्बं ।

१९. किलासुनोति अपोस्सुक्का पयोजनाभावेन निरुस्साहा अहेसुं, न आलसियेन, तेनाह न आलसियकिलासुनोतिआदि । निद्रोसतायाति कायवचीवीतिकमसमुद्धापकदोसाभावा । पाणं न हने न चादिन्मादियेतिआदिना (सु० नि० ४०२) ओवादसिक्खापदानं विज्जमानता वुत्तं सत्तापत्तिक्खन्धवसेनातिआदि । छन्नं छन्नं वस्सानं ओसानदिवसं अपेक्खित्वा “सकिं सकिं”न्ति वुत्तता तदपेक्खमेत्थ सामिवचनं । सकलजम्बुदीपे सब्बोपि भिक्खुसङ्घो उपोसथं अकासीति सम्बन्धो ।

खन्ती परमन्तिआदीसु तित्तिक्खासङ्घाता खन्ति सत्तसङ्घारेहि निब्बत्तानिद्राखमनकिलेसतपनतो परमं तपो नाम । वानसङ्घाताय तण्हाय निक्खन्तत्ता निब्बानं सब्बधम्मोहि परमं उत्तमन्ति बुद्धा वदन्ति । यथावुत्तखन्तिया अभावेन पाणवधं वा छेदनताळनादिं वा करोन्तो परूपधाती परस्सहरणपरदारित्तिक्कमनादीहि मुसापेसुञ्जफरुसादीहि च परं विहेठयन्तो च बाहितपापताय अभावेन पब्बजितो वा समितपापताय अभावेन समणो वा न होतीति अत्थो । सीलसंवेरेन सब्बापस्स अनुपादनं लोकियसमाधिविपस्सनाहि कुसलस्स उपसम्पादनं निष्फादनं सब्बेहि मगफलैहि अत्तनो चित्तस्स परिस्सोधनं पभस्सरभावकरणं यं, तमेतं बुद्धानं सासनं अनुसिद्धि । अनुपवादीति वाचाय कस्सचि अनुपवदनं । अनुपधातोति कायेन कस्सचि उपधाताकरणं वुत्तावसेसे च पातिमोक्खसङ्घाते सीले अत्तानं संवरणं । भत्तस्मिं मत्तञ्जुतासङ्घात आजीवपारिसुद्धिपच्चयसन्निस्सितसीलसमायोगो तम्मूखेन इन्द्रियसंवरणो पन्तसेनासनसङ्घातं अरञ्जवासं तम्मूखेन पकासिते चतुपच्चयसन्तोसभावनारामतासङ्घातमहाअरियवंसे पतिड्डानञ्च अधिचित्तसङ्घाते लोकियलोकुत्तरसमाधिम्हि तदुपादनवसेन आयोगो अनुयोगो च यं, तमेतं बुद्धानं अनुसिद्धीति योजना ।

“याव सासनपरियन्ता”ति आणापातिमोक्खस्स अभावतो वुत्तं । परिनिब्बानतो पन उद्धं ओवादपातिमोक्खुद्देसोपि नत्थेव, बुद्धा एव हि तं उद्दिस्सन्ति, न सावका । पठमबोधियन्ति बोधितो वीसतिवस्सपरिच्छिन्ने काले, आचरियधम्मपालत्थेरेन पन “पञ्चचत्तालीसाय वस्सेसु आदितो पन्नरस वस्सानि पठमबोधी”ति वुत्तं, सिक्खापदपञ्जत्तिकआलतो पन पभुति आणापातिमोक्खमेव उद्दिस्सन्तीति इदं पातिमोक्खुद्देसक्कमेनेव परिपुण्णं कत्वा सिक्खापदपञ्जत्तिकालं सन्धाय वुत्तं । अट्टानं अनवकासोति यथाक्कमं हेतुपच्चयपटिक्खेपवसेन कारणपटिक्खेपो । यन्ति येन कारणेन । अपरिसुद्धाय परिसायाति अलज्जीपुगलैहि वोमिस्सताय असुद्धाय परिसाय, न केवलं बुद्धानञ्जेव अपरिसुद्धाय परिसाय पातिमोक्खुद्देसो अयुत्तो, अथ खो सावकानमि । चोदनासारणादिवसेन पन सोधेत्वा संवासकरणं सावकानञ्जेव भारो, बुद्धा पन सिक्खापदानि पञ्चपेत्वा उपोसायादिकरणविधानं सिक्खापेत्वा विस्सज्जेन्ति, चोदनासारणादीनं न करोन्ति, तेनेव भगवा असुद्धाय परिसाय पातिमोक्खं अनुद्दिस्सित्वा सकलरत्तिं तुण्हीभूतो निसीदि । भिक्खू च भगवतो अधिप्पायं जत्वा असुद्धपुगलं बहि नीहरिंसु । तस्मा सावकानमि असुद्धाय परिसाय जत्वा उपोसायादिसङ्गक्कमकरणं ब्रह्मचरियन्तरायकरणं विना न वट्ठीति वेदितब्बं ।

सम्मुखसावकानन्ति बुद्धानं सम्मुखे धरमानकाले पब्बजितानं सब्बन्तिमानं सावकानं । उळारातिसयजोतनत्थं “उळारुळारभोगादिकुलवसेन वा”ति पुन उळारसहगहणं कतं । आदि-सहेन उळारमज्झत्तअनुळारादीनं गहणं वेदितब्बं । ते पच्छिमा सावका अन्तरधापेसुन्ति सम्बन्धो ।

अपञ्जत्तेपि सिक्खापदे यदि सावका समानजातिआदिका सियुं, अत्तनो कुलानुगतगन्थं विय भगवतो वचनं न नासेय्युं । यस्मा पन सिक्खापदञ्च न पञ्जत्तं, इमे च भिक्खू न समानजातिआदिका, तस्मा विनासेसुन्ति इममत्थं दस्सेतुं यस्मा एकनामा...पे०... तस्मा अञ्जमञ्जं विहेट्ठन्तीतिआदि वुत्तं । चिरिद्धितिकवारे पन सावकानं नानाजच्चादिभावे समानेपि सिक्खापदपञ्जत्तिया परिपुण्णताय सासनस्स चिरप्पवत्ति वेदितब्बा । यदि एवं कस्मा सब्बोपि बुद्धा सिक्खापदानि न पञ्जपेन्तीति? यस्मा च सासनस्स चिरप्पवत्तिया न केवलं सिक्खापदपञ्जत्तियेव हेतु, अथ खो आर्याति धम्मविनयं गहेत्वा सावकेहि विनेतब्बपुगलानं सम्भवोपि, तस्मा तेसं सम्भवे सति बुद्धा सिक्खापदं पञ्चपेन्ति, नासतीति परिपुण्णापञ्जत्तियेव वेनेय्यसम्भवस्सापि सूचनतो सासनस्स चिरप्पवत्तिया हेतु वुत्ताति वेदितब्बा । पाळियं सहस्सं भिक्खुसङ्घं...पे०... ओवदतीति एत्थ सहस्ससङ्ख्यापरिच्छिन्नो सङ्घो सहस्सो सहस्सिलोकधातुतिआदीसु (दी० नि० २.१८) विय । तं सहस्सं भिक्खुसङ्घन्ति योजना । सहस्ससदस्स एकवचनन्तताय “भिक्खुसहस्सस्सा”ति वत्ता अवयवापेक्खाय “ओवादियमाना”न्ति बहुवचननिहेसो कतोति दड्ढो ।

अनुपादाय आसवेहि चित्तानि विमुच्चिसूति एत्थ आसवेहीति कत्तुअत्थे करणवचनं । चित्तानीति पच्चत्तबहुवचनं । विमुच्चिसूति कम्मसाधनं । तस्मा आसवेहि कत्तुभूतेहि अनुपादाय आरम्पणकरणवसेन अगहेत्वा चित्तानि विमोचित्तानीति एवमेत्थ अत्थो गहेतब्बोति आह तेसज्जि चित्तानीतिआदि । येहि आसवेहीति एत्थापि कत्तुअत्थे एव करणवचनं । विमुच्चिसूति कम्मसाधनं । तेति आसवा । तानीति चित्तानि, उपयोगबहुवचनञ्चेतं । विमुच्चिसूति कत्तुसाधनं, विमोचेसुन्ति अत्थो । अगहेत्वा विमुच्चिसूति आरम्पणवसेन तानि चित्तानि अगहेत्वा आसवा तेहि चित्तेहि मुत्तवन्तो अहेसुन्ति अत्थो । अथ वा आसवेहीति निस्सक्कवचनं, विमुच्चिसूति कत्तुसाधनं । तस्मा कच्चि सङ्गतधम्मं तण्हादिवसेन अनुपादियित्वा चित्तानि विमुत्तवन्तानि अहेसुन्ति अत्थो गहेतब्बो । पुरिमवचनापेक्खन्ति अज्जतरस्मिं भिसनके वनसण्डेति वुत्तवचनस्स अपेक्खनं तस्मिं पुरिमवचनेति एवं अपेक्खनन्ति अत्थो, तेनाह यं वुत्तन्तिआदि । भिसनस्स भवस्स कतं करणं किरिया भिसनकतं, तस्मिं भिसनकिरियायाति अत्थं दस्सेन्तो आह “भिसनकिरियाया”ति । भिसयतीति भिसनो, सोव भिसनको, तस्स भावो “भिसनकत”न्ति वत्तब्बे त-कारस्स लोपं कत्वा वुत्तन्ति पकारन्तरेन अत्थं दस्सेन्तो आह “अथ वा”तिआदि । बहुतरानं सत्तानं वाति येभ्य्येनाति पदस्स अत्थदस्सनं । तेन च यो कोचीति पदस्सापि यो यो पविसतीति विच्छावसेन नानत्थेन अत्थो गहेतब्बोति दस्सेति, यो यो पविसति, तेसु बहुतरानन्ति अत्थसम्भवतो ।

**निगमनन्ति** पकते अत्ये यथावुत्तस्स अत्यस्स उपसंहारो । अयञ्हेत्थ निगमनक्कमो — या हि, सारिपुत्त, विपस्सीआदीनं तिण्णं बुद्धानं अत्तनो परिनिब्बानतो उपरि परियत्तिवसेन विनेतब्बानं पुग्गलानं अभावेन तेसं अत्थाय वित्थारतो सिक्खापदपञ्जत्तियं किलासुता अप्पोस्सुक्कता, या च उपनिस्सयसम्पन्नानं वेनेय्यानं चेतसा चेतो परिच्च भिसनकवनसण्डेपि गन्त्वा ओवदन्तानं तेसं मग्गफलुप्पादनत्थाय धम्मदेसनाय एव अकिलासुता सउस्साहता, न वित्थारतो धम्मविनयदेसनाय, अयं खो, सारिपुत्त, हेतु, अयं पच्चयो, येन विपस्सीआदीनं तिण्णं बुद्धानं ब्रह्मचरियं न चिरद्धितिकं अहोसीति । **पुरिसयुगवसेनाति** पुरिसानं युगं पवत्तिकालो, तस्स वसेन, पुरिसवसेनाति अत्थो । **सब्बपच्छिमकोति** परिनिब्बानदिवसे पब्बजितो **सुभट्टसदिसो** । **सतसहस्सं सट्ठिमत्तानि च वस्ससहस्सानीति** इदं भगवतो जातितो पट्टाय वुत्तं, बोधितो पट्टाय पन गणियमानं ऊनं होतीति दट्ठब्बं । **द्वेयेवाति** धरमाने भगवति एकं, परिनिब्बुते एकन्ति द्वे एव पुरिसयुगानि ।

**२०-१. असम्भुणन्तेनाति** अपापुणन्तेन । **को अनुसन्धीति** पुरिमकथाय इमस्स को सम्बन्धोति अत्थो । **यं वुत्तन्ति** यं याचितन्ति अत्थो । **येसूति** वीतिककमधम्मेषु । **नेसन्ति** दिट्ठधम्मिकादिआसवानं । तेति वीतिककमधम्मा । जातियेव पितामहपितृपुत्रादिवसेन परिवट्ठनतो परिवट्ठोति **जातिपरिवट्ठो** । **लोकाभिसभूतन्ति** लोकपरियापन्नं हुत्वा किलेसेहि आमसितब्बतो लोकामिसभूतं । **पब्बज्जासङ्घेपेनेवाति** दससिक्खापददानादिपब्बज्जामुखेन । **एतन्ति** मेथुनादीनं अकरणं । **थामन्ति** सिक्खापदपञ्जापनसामत्थियं । **सञ्छविन्ति** सुक्कच्छविं पकतिच्छविं, सुन्दरच्छविं वा । **सेसन्ति** सेसपदयोजनदस्सनं । इदानी अत्थयोजनं दस्सेन्तो आह **अयं वा हेत्थाति** आदि । तत्थ **वा-**सदो अवधारणे । **हि-**सदो पसिद्धियं, अयमेव हेत्थाति अत्थो । अथ सत्थाति पदस्स अत्थं दस्सेति “तदा सत्था”ति । **रोपेत्वाति** फालितद्वाने निन्नं मंसं समं वट्ठेत्वा । **सके आचरियकेति** अत्तनो आचरियभावे, आचरियकम्मे वा ।

**विपुलभावेनाति** बहुभावेन । **अयोनिस्सो उम्मुज्जमानाति** अनुपायेन अभिनिविसमाना, विपरीततो जानमानाति अत्थो । **रसेन रसं संसन्दित्वाति** अनवज्जसभावेन सावज्जसभावं सम्मिस्सेत्वा । **उद्धम्मं उब्बिनयन्ति** उग्गतधम्मं उग्गतविनयञ्च, यथा धम्मो च विनयो च विनस्सिस्सति, एवं कत्वाति अत्थो । **इमस्मिं अत्थेति** इमस्मिं सङ्घाधिकारे । **पभस्सरोति** पभासनसीलो । **एवंनामो एवंगोत्तोति** सोयमायस्मा सोतापन्नोतिनामगोत्तेन समन्नागतो, अयं वुच्चति सोतापन्नोति पकतेन सम्बन्धो । **अविनिपातधम्मोति** एत्थ **धम्म-**सदो सभाववाची, सो च अत्थतो अपायेसु खिपनको दिट्ठिआदिअकुसलधम्मो एवाति आह “**ये धम्मा**”ति आदि । इदानी सभाववसेनेव अत्थं दस्सेतुं **विनिपतनं वाति** आदि वुत्तं । **नियतोति** सत्तभवव्यन्तरे नियतक्खन्धपरिनिब्बानो । तस्स कारणमाह “सम्बोधिपरायणो”ति ।

**२२. अनुधम्मताति** लोकुत्तरधम्मानुगतो सभावो । **पवारणासङ्गहं दत्वाति** “आगामिनिया पुण्णमिया पवारस्सामा”ति अनुमतिदानवसेन दत्वा, पवारणं उक्काट्ठित्वाति अत्थो, एतेन नयेन केनचि पच्चयेन पवारणुक्कट्ठनं कातुं वट्ठतीति दीपितं होति । **मागसिरस्स पठमदिवसेति** चन्दमासवसेन वुत्तं, अपरकत्तिकपुण्णमाय अनन्तरे पाटिपददिवसेति अत्थो । **फुस्समासस्स पठमदिवसेति** एत्थापि एसेव नयो । इदञ्च निदस्सनमतं वेनेय्यानं अपरिपाकं पटिच्च फुस्समासतो परञ्च एकद्वितित्तुमासमपि तत्थेव वसित्वा सेसमासेहि चारिकाय परियोसापनतो । **दससहस्सचक्कवाळेति** इदं देवब्रह्मानं वसेन वुत्तं । मनुस्सा पन इमस्मियेव चक्कवाळे बोधनेय्या होन्ति । इतरचक्कवाळेसु पन मनुस्सानं इमस्मिं चक्कवाळे उपत्तिया छन्दुप्पादनत्थं अनन्तम्पि चक्कवाळं ओलोकेत्वा तदनुगुणानुसासनी पाटिहारियं करोन्तियेव ।

**आयामाति** एत्थ **आ-**सदो आगच्छाति इमिना समानत्थोति आह “आगच्छ यामा”ति, एहि गच्छामाति अत्थो । **सुवण्णरसपिञ्जराहीति** विलीनसुवण्णजलं विय पिञ्जराहि सुवण्णवण्णाहीति अत्थो । **पाळियं** निमन्तितम्हातिआदीसु “निमन्तिता वस्संवुत्था अम्हा”ति च, “निमन्तिता वस्संवुत्था अत्था”ति च सम्बन्धो ।

यन्ति देय्यधम्मजातं, यं किञ्चीति अत्थो । **नो नत्थीति** अम्हाकं नत्थि, नोति वा एतस्स विवरणं नत्थीति । **एत्थाति** घरावासे । तन्ति तं कारणं, किच्चं वा । **कुतोति** कतरहेतुतो । यन्ति येन कारणेन, किच्चेन वा । दुत्तिये अत्थविकम्पे एत्थाति इमस्स विवरणं **इमस्मिं तेमासव्यन्तरेति** । तन्ति तं देय्यधम्मं ।

**तत्थ चाति** कुसले । तिक्खविसदभावपादानेन **समुत्तेजेत्वा** । **वस्सेत्वाति** आर्याति वासनाभागियं धम्मरतनवस्सं ओतारेत्वा । **यं दिवसन्ति** यस्मिं दिवसे ।

**२३. पत्तुणपत्तपटे चाति** पत्तुणपटे चीनपटे च । **तुम्बानीति** चम्ममयतेलभाजनानि । **अनुबन्धित्वाति** अनुपगमनं कत्वा । **अभिरन्त-**सदो इध अभिरुचिपरियायोति आह “**यथाज्जासय**”ति आदि । **सोरेय्यादीनि** महामण्डलचारिकाय मग्गभूतानि सोरेय्यनगरादीनि । **पयागपत्तिट्टानन्ति** गङ्गाय एकस्स तित्थविसेस्सापि, तंसमोपे गामस्सापि नामं । **समन्तपासादिकायाति** समन्ततो सब्बसो पसादं जनेतीति समन्तपासादिका, तस्सा ।

ये पन पकारे सन्धाय “समन्ततो”ति वुच्चति, ते पकारे वित्थारेत्वा दस्सेतुं **तत्रिदन्ति** आदि वुत्तं । तत्थ “समन्तपासादिका”ति या संवण्णना वुत्ता, तत्र तस्सं समन्तपासादिकायं समन्तपासादिकभावे इदं वक्खमानगाथावचनं होतीति योजना । बाहिरनिदानअभन्तरनिदानसिक्खापदनिदानानं वसेन **निदानप्यभेददीपनं** वेदितब्बं । “थेरवादप्पकासनं वत्थुप्पभेददीपन”न्तिपि वदन्ति । “सिक्खापदानं पच्चुप्पन्नवत्थुप्पभेददीपन”न्तिपि वत्तुं वट्ठति । सिक्खापदनिदानन्ति पन वेसालीआदि सिक्खापदपञ्जतिया कारणभूतदेसविसेसो वेदितब्बो । **एत्थाति** समन्तपासादिकाय । सम्पस्सतं विञ्जूनन्ति सम्बन्धो, तस्मा अयं समन्तपासादिकात्वेव पवत्ताति योजेतब्बा ।

इति समन्तपासादिकाय विनयट्ठकथाय विमर्तिविनोदनियं

वेरञ्जकण्डवण्णनानयो निट्ठितो ।

## १. पाराजिककण्डो

### १. पठमपाराजिकं

#### सुदिन्नभागवारवण्णना

**२४.** विक्कायिकभण्डस्स विक्कणनं इणदानञ्च **भण्डप्पयोजनं** नाम । एवं पयाजितस्स मूलस्स सह वट्ठिया गहणवायामो **उद्धारो** नाम । **असुकदिवसे दिन्नन्ति** आदिना पमुट्ठस्स सतुप्पादनादि **सारणं** नाम । **चतुब्बिधयाति** खत्तियब्राह्मणगहपतिसमणानं वसेन, भिक्खुआदीनं वा वसेन चतुब्बिधाय । **दिस्वानस्स एतदहोसीति** हेतुअत्थे अयं दिस्वान-सदो असमानकत्तुक्ता, यथा घटं पिवित्वा बलं होतीति, एवमञ्जत्थापि एवरूपेसु । **भब्बकुलपुत्तोति** उपनिस्सयमत्तसभावेन वुत्तं, न पच्छिमभविकताय । तेनेवस्स मातादिअकल्याणमित्तसमायोगेन कतवीतिककमनं निस्साय उपपन्नविप्पटिसारेन अधिगमन्तरायो जातो । पच्छिमभविकानं पुब्बबुद्धुप्पादेसु लङ्घय्याकरणानं न सक्का केनचि अन्तरायं कातुं । तेनेव **अङ्गुलिमाल**त्थेरादयो अकुसलं कत्वापि अधिगमसम्पन्ना एव अहेसुन्ति । **चरिमकचित्तन्ति** चुत्तिचित्तं । सङ्गं विय लिखितं धंसित्वा धोवितं सङ्गलिखितन्ति आह **धोत**इच्चादि । **अज्झावसताति** अधि-सहयोगेन अगारन्ति भुम्मत्थे उपयोगवचनन्ति आह “अगारमज्जे”ति । कसायरसरत्तानि कासायानीति आह “कसायरसपीतताया”ति । कसायतो निब्बतताय च हि रसोपि “कसायरसो”ति वुच्चति ।

**२६.** यदा जानाति-सदो बोधनत्थो न होति, तदा तस्स पयोगे सप्पिनो जानाति मधुनो जानातीतिआदीसु विय करणत्थे सामिवचनं सहसत्थविदू इच्छन्तीति आह “किञ्चि दुक्खेन नानुभोसी”ति । केनचि दुक्खेन नानुभोसीति अत्थो, किञ्चीति एत्थापि हि करणत्थे सामिवचनस्स लोपो कतो, तेनेव वक्खति “विकप्पद्वयेपि पुरिमपदस्स उत्तरपदेन समानविभक्तिलोपो दट्ठब्बो”ति । यदा पन जानाति-सदो सरणत्थो होति, तदा मातु सरतीतिआदीसु विय उपयोगत्थे सामिवचनं सहसत्थविदू वदन्तीति आह “अथ वा किञ्चि दुक्खं नस्सरतीति अत्थो”ति, कस्सचि दुक्खस्स अननुभूतताय नस्सरतीति अत्थो । **विकप्पद्वयेपीति** अनुभवनसरणत्थवसेन वुत्ते दूतियततियविकप्पद्वये । **पुरिमपदस्साति** किञ्चीति पदस्स । **उत्तरपदेनाति** दुक्खस्सातिपदेन । समानाय सामिवचनभूताय विभक्तिया “कस्सचि दुक्खस्सा”ति वत्तब्बे “किञ्चि दुक्खस्सा”ति लोपोति दट्ठब्बो । **मरणेनपि मयं** तेति एत्थ तेति पदस्स सहत्थे करणवसेनेपि अत्थं दस्सेतुं **तया वियोगं वा पापुणिसामाति** अत्थन्तरं वुत्तं ।

**३८. गन्धब्बा** नाम गायनका। **नटा** नाम रङ्गनटा। **नाटका** लङ्घनकादयो। सुखूपकरणेहि अत्तनो परिचरणं करोन्तो यस्मा लळन्तो कीळन्तो नाम होति, तस्मा द्रुति ये अत्यविकम्पे **लळा**तिआदि वृत्तं। **दानप्यदानादीनीति** एत्थ निच्चदानं **दानं** नाम, विसंसेदानं **पदानं** नाम, **आदि**-सहेन सीलादीनि सङ्गणहाति।

**३९. चुदस भत्तानीति** सङ्गभत्तं उदेसभत्तं निमन्तनं सलाकं पक्खिकं उपोसथिकं पाटिपदिकं आगन्तुकं गमिकं गिलानं गिलानुपट्टाकं विहार-धुर-वारभत्तन्ति इमानि चुदस भत्तानि। एत्थ च सेनासनादिपच्चयत्तयनिस्सितेसु आरञ्जकङ्गादिपधानङ्गानं गहणवसेन सेसधुतङ्गानिपि गहितानेव होन्तीति वेदितव्यं। **वज्जीनन्ति** वज्जीराजूनं। **वज्जीसूति** जनपदापेक्खं बहुवचनं, वज्जीनामके जनपदेति अत्थो। पञ्चकामगुणायेव उपभुञ्जितव्वतो परिभुञ्जितव्वतो च **उपभोगपरिभोगा**, इत्थिवत्थादीनि च तदुपकरणानीति आह **“येहि तेस”**न्तिआदि। **उक्कट्टुपिण्डपातिकत्ताति** सेसधुतङ्गपरिवारितेन उक्कट्टुपिण्डपातिकधुतङ्गेन समन्नागतता, तेनाह **“सपदानचारं चरितुकामो”**ति।

**३१. दोसाति** रति। तत्थ अभिवुत्थं परिवुत्तितं **आभिदोसिकं**, अभिदोसं वा पच्चूसकालं गतो पत्तो अतिवकन्तो आभिदोसिको, तेनाह **एकरत्तातिवकन्तस्स** वातिआदि।

**३२. उदककञ्जियन्ति** पानीयपरिभोजनीयउदकञ्च यागु च। **तथाति** समुच्चयत्थे। **अनोकप्पनं** असहदहनं, **अमरिसनं** असहनं।

**३४. तद्धितलोपन्ति** पितामहतो आगतं **“पेतामह”**न्ति वत्तव्वे तद्धितपच्चयनिमित्तस्स ए-कारस्स लोपं कत्वाति अत्थो। येसं सन्तकं धनं गहिर्तं, ते **इणायिका**। **पलिबुद्धोति** ‘मा गच्छ मा भुञ्जा’तिआदिना कतावरणो, पीळितोति अत्थो।

**३५. अत्तनाति** सयं। सपतिनो धनसामिनो इदं **सापतेय्यं**, धनं। तदेव **विभवो**।

**३६. भिज्जन्तीति** अगहितपुब्बा एव भिज्जन्ति। **दिन्नापि पटिसन्धीति** पितरा दिन्नं सुक्कं निस्साय उप्यन्तस्स सत्तस्स पटिसन्धिपि तेन दिन्ना नाम होतीति वृत्तं। सुक्कमेव वा इध पटिसन्धिनिस्सयत्ता **“पटिसन्धी”**ति वृत्तं, तेनाह **“खिणं पतिट्ठाती”**ति। न हि पितु संयोगक्खणेयव सत्तस्स उपपत्तिनियमो अत्थि सुक्कमेव तथा पतिट्ठानियमतो। सुक्के पन पतिट्ठिते याव सत्त दिवसानि, अट्टमासमत्तं वा, तं गम्भसण्ठानस्स खेतमेव होति मातु मंसस्स लोहितलेसस्स सब्बदापि विज्जमानता। पुब्बेपि पञ्चत्तसिक्खापदानं सम्भावतो **अपञ्जते सिक्खापदेति** इमस्स पठमपाराजिकसिक्खापदे अट्टपितेति अत्थो वृत्तो। **एवरूपन्ति** एवं गरुकसभावं, पाराजिकसङ्गादिसेसवत्थुभूतन्ति अत्थो, तेनाह **“अवसेसे पञ्चखुदकापत्तिक्खन्धे एव पञ्जपेसी”**ति। यं आदीनवन्ति सम्बन्धो। **कायविज्जन्तिचोपनतोति** कायविज्जन्तिया निब्वत्तचलनतो।

**तेनेवाति** अवधारणेन यानि गम्भग्गहणकारणानि निवत्तितानि, तानिपि दस्सेतुं **किं पनाति**आदि वृत्तं। तत्थ उभयेसं छन्दरागवसेन कायसंसग्गो वृत्तो। इत्थिया एव छन्दरागवसेन नाभिपरामसनं विसुं वृत्तं। **सामपण्डितस्स** हि माता पुत्तुप्पत्तिया सज्जातादरा नाभिपरामसनकाले कामरागसमाकुलचित्ता अहोसि, इतरथा पुत्तुप्पत्तिया एव असम्भवतो। **“सक्को चस्सा** कामरागसमुप्पत्तिनिमित्तानि अकासी”तिपि वदन्ति, वत्थुवसेन वा एतं नाभिपरामसनं कायसंसग्गतो विसुं वृत्तन्ति दट्ठव्वं। **मातङ्गपण्डितस्स** दिट्ठमङ्गलिकाय नाभिपरामसनेन मण्डव्यस्स निब्वत्ति अहोसि। **चण्डपज्जोतमातु** नाभियं विच्छिका फरित्वा गता, तेन चण्डपज्जोतस्स निब्वत्ति अहोसीति आह **एतेनेव नयेनाति**आदि।

अयन्ति सुदिन्तस्स पुराणदुत्तियिका। **यं सन्ध्यायाति** यं अज्झाचारं सन्ध्याय। **मातापितरो च सन्निपतिता** होन्तीति इमिना सुक्कस्स सम्भवं दीपेति, **माता च उतुनी** होतीति इमिना सोणितस्स। **गन्धब्बोति** तत्तुपगो सत्तो अधिपेतो, गन्तव्वोति वृत्तं होति, त-कारस्स चेत्थ ध-कारो कतो। अथ वा गन्धब्बा नाम रङ्गनटा, ते विय तत्र तत्र भवेसु नानावेसग्गहणतो अयम्पि **“गन्धब्बो”**ति वृत्तो, सो मातापितून् सन्निपातक्खणतो पच्छापि सत्ताहम्भन्तरे तत्र उपपन्नो **“पच्चुपट्ठितो”**ति वृत्तो। **गम्भस्साति** कललरूपसहितस्स पटिसन्धिविज्जाणस्स। तज्जि इध **“गम्भो”**ति अधिपेतं सा तेन गम्भं गण्हीतिआदीसु (पारा० ३६) विय। अस्स तं अज्झाचारन्ति सम्बन्धो। **पाळियं** निरब्बुदो वत भो भिक्खुसङ्घो निरादीनवोति इमस्स अनन्तरं तस्मिं भिक्खुसङ्घेति अज्झाहरित्वा सुदिन्नेन...पे०... आदीनवो उपादितोति योजना वेदितव्या। **इतिहाति** निपातसमुदायस्स **एवन्ति** इदं अत्यभवनं। **मुहुत्तेनाति** इदं **खणेनाति** पदस्स वेवचनं। याव ब्रह्मलोका अब्भुग्गतोपि देवानं तावमहन्तो सद्दो तेसं रूपं विय मनुस्सानं गोचरो न होति। तस्मा पच्छा सुदिन्नेन वृत्ते एव जानिसूति दट्ठव्वं।

**३७. मग्गब्रह्मचरियन्ति** मग्गपदङ्गानं सिक्खत्तयमेव उपचारतो वृत्तं तस्सेव यावजीवं चरितव्वता। **अविप्फारिकोति** उडेसादीसु अब्यावटो। **वहच्छिन्नोति** छिन्नपादो, छिन्नखन्धो वा। **चिन्तयीति** इमिना **पज्जायीति** पदस्स किरियापदत्तं दस्सेति। तेन **“किसो अहोसि...पे०... पज्जायि चा”**ति च-कारं आनेत्वा पाळियोजना कातव्वा।

**३८. गणे** जनसमागमे सन्निपातनं गणसङ्गणिका, साव पपज्जा, तेन **गणसङ्गणिकापपज्जेन**। **यस्साति** ये अस्स। **कथाफासुकाति** विस्सासिकभावेन फासुकथा, सुखसम्भासाति अत्थो। उपादारूपं भूतरूपमुखेनेव मन्दनं पीननञ्च होतीति आह **पसादइच्चादि**। **दानीति** निपातो इध पन-सदृश्ये वत्तति तत्कालवाचिनो एतरहि-पदस्स विसुं वुच्चमानताति आह **“सो पन त्व”**न्ति। नो-सद्दोपि नु-सद्दो विय पुच्छन्त्योति आह **“कच्चि नु त्व”**न्ति। **तमेवाति** गिहिभावपत्थनालक्खणमेव। अनभिरतिमेवाति एव-कारेन निवत्तितया पन तदज्जाय अनभिरतिया विज्जमानत्तं दस्सेतुं **अधिकुसलानन्ति**आदि वृत्तं, समथविपस्सना **अधिकुसला** नाम। **इदं पनाति**आदि उपरि वत्तव्वविसेसदस्सनं। **परियायवचनमत्तन्ति** सदृश्यकथनमत्तं।

**तस्मिन्ति** धम्मे, एवं विरागाय रसिते सतीति अत्थो। **नामाति** गराहायं। **लोकुत्तरनिब्बानन्ति** विरागायातिआदिना वृत्तिकलेसक्खयनिब्बानतो विसेसेति। जातिं निस्साय उपपज्जनकमानो एव मदजननङ्गेन मदोति **मानमदो**। **“अहं पुरिसो”**ति पवत्तो मानो **पुरिसमदो**। **“असङ्गमसेवनासमत्थत्तं निस्साय मानो, रागो एव वा पुरिसमदो”**ति केचि। **आदि**-सहेन बलमदादि सङ्गणहाति। **तेभूमकवट्टन्ति** तीसु भूमोसु कम्मकिलेसविपाका पवत्तनङ्गेन वट्ठं। **विरज्जतीति** विगच्छति। **योनियोति** अण्डजादयो, ता पन यवन्ति ताहि सत्ता अमिस्सितापि समानजातिताय मिस्सिता होन्तीति **“योनियो”**ति वृत्ता।

**जाततीरणपहानवसेनाति** एत्थ लक्खणादिवसेन सप्पच्चयनामरूपपरिगहो **जातपरिज्जा** नाम। कलापसम्मसनादिवसेन पवत्ता लोकियविपस्सना **तीरणपरिज्जा** नाम। अरियमग्गो **पहानपरिज्जा** नाम। इध पन जाततीरणकिच्चाणम्पि असम्मोहतो मग्गक्खणे सिज्जनतो अरियमग्गमेव सन्ध्याय तिविधापि परिज्जा वृत्ता, तेनेव **“लोकुत्तरमग्गोव कथितो”**ति वृत्तं। **कामेसु पातव्यतानन्ति** वत्थुकामेसु पातव्यतासङ्घातानं सुमादिआकारानं तदाकारगाहिकानं तण्हानन्ति अत्थो। विसयमुखेन हेत्थ विसयिनो गहिता। **तीसु ठानेसूति** **“विरागाय धम्मो देसितो...पे०... नो सउपादानाया”**ति एवं वृत्तेसु।

**३९. कलिसासनारोपनत्थायाति** दोसारोपनत्थाय। कलीति कोधस्स नामं, तस्स सासनं कलिसासनं, कोधवसेन वुच्चमाना गराहा। अज्झाचारोव वीतिक्कमो। **समणकरणानं धम्मानन्ति** समणभावकरानं हिरोटप्पादिधम्मानं। **पाळियं** कथं-सद्दयोगेन न सक्खिस्ससीति अनागतवचनं कत्तं, **“नाम-सद्दयोगेना”**तिपि वदन्ति। **अतिविय दुक्खविपाकन्ति** गहट्टानं नातिसावज्जम्पि कम्मं पब्बजितानं भगवतो आणावीतिक्कमतो चेव समादिन्तिसक्खत्तयविनासनतो च महासावज्जं होतीति वृत्तं। उदके भवं ओदकं, धोवनकिच्चन्ति आह **उदककिच्चन्ति**आदि। समापज्जिस्ससीति अनागतवचनं नाम-सद्दयोगेन कत्तन्ति आह **“नाम-सद्देन योजेतव्व”**न्ति। दुब्भरतादीनं हेतुभूतो असंवरो इध दुब्भरतादि-सद्देन वृत्तो कारणे कारियोपचारोनाति आह **“दुब्भरतादीनं वत्थुभूतस्स असंवरस्सा”**ति। **अत्ताति** अत्तभावो। **दुब्भरतन्ति** अत्तना उपट्टाकेहि च दुक्खेन भरितव्वत्तं। सत्तेहि किलेसेहि च सङ्गणनं समोधानं सङ्गणिकाति आह **गणसङ्गणिकायाति**आदि। **अट्टकुसीतवत्थुपारिपुरियाति** एत्थ कम्मं कातव्वन्ति एकं, तथा अकासिन्ति, मग्गो गन्तव्वोति अगमासिन्ति, नालत्थं भोजनस्स पारिपुरिन्ति, अलत्थन्ति, उपपन्नो मे आबाधोति, अचिरवृद्धितो गेलज्जाति एकन्ति इमानि अट्ट कुसीतवत्थूनि नाम। एत्थ च कोसज्जं कुसीत-सद्देन वृत्तं। विनापि हि भावजोतनपच्चयं भावत्थो विज्जायति यथा पटस्स सुक्कन्ति। **सब्बकिलेसापचयभूताय विवट्टायाति** रागादिसब्बकिलेसानं अपचयहेतुभूताय निब्बानाय, निब्बानत्थन्ति अत्थो। **संवर्णपहानपटिसंयुत्तन्ति** सीलसंवरादीहि पञ्चहि संवरोहि चेव तदङ्गपहानादीहि पञ्चहि पहानेहि च उपेतं। **असुत्तन्त विनिबद्धन्ति** तीसु पिटकेसु पाळिसङ्घातसुत्तन्तवसेन अरचितं, सङ्गीतिकारेहि च अनारोपितं, तेनाह **“पाळिविनिमुत्त”**न्ति। तेन च अट्टकथासु यथानुरूपं सङ्गहितन्ति दस्सेति। एवरूपा हि पकिण्णकदेसना अट्टकथाय मूतं। **ओक्कन्तिकथम्पदेसना** नाम तस्मिं तस्मिं पसङ्गे ओतारेत्वा ओतारेत्वा नानानवेहि कथियमाना धम्मदेसना, तेनाह **भगवा किराति**आदि। **पटिक्खिपनाधिप्पायाति** पञ्चत्तम्पि सिक्खापदं **“किमेतेना”**ति महनचिता।

**वुत्तयवसेनाति** पतिट्ठाअधिगमुपायवसेन। **सिक्खापदविभङ्गे** या तस्मिं समये कामेसुमिच्छाचारा आरति विरतीतिआदिना (विभ० ७०६) निहिट्टुविरतियो चेव, या तस्मिं समये चेतना सञ्चेतनातिआदिना (विभ० ७०४) निहिट्टुचेतना च, कामेसुमिच्छाचारा विरमन्तस्स फस्सो...पे०... अविकखेपोतिआदिना (विभ० ७०५) निहिट्टुफस्सादिधम्मा च सिक्खापदन्ति दस्सेतुं “अयञ्च अत्थो सिक्खापदविभङ्गे वुत्तनयेनेव वेदितब्बो”ति वुत्तं। “यो तत्थ नामकायो पदकायोति इदं महाअट्ठकथायं वुत्त”न्ति वदन्ति। **नामकायोति** नामसमूहो नामपञ्जत्तियेव, सेसानिपि तस्सेव वेवचनाति। **सिक्खाकोट्टासोति** विरतिआदयो वुत्ता तप्पकासकञ्च वचनं।

**अत्थवसेति** हितविसेसे आनिसंसविसेसे, ते च सिक्खापदपञ्जत्तिया हेतूति आह “कारणवसे”ति। सुखविहाराभावे सहजीवनस्स अभावतो **सहजीवित्ताति** सुखविहारोव वुत्तो। **दुस्सीलपुगलाति** निस्सीला दूसितसीला च। पाराजिकसिक्खापदपसङ्गे हि निस्सीला अधिपेता, सेससिक्खापदपसङ्गे तेहि तेहि वीतिकमेहि खण्डछिद्वादिभावप्पत्तिया दूसितसीला अधिपेता। उभयेनापि अलज्जिनोव इध “दुस्सीला”ति वुत्ताति वेदितब्बा। सब्बसिक्खापदानम्पि दस अत्थवसे पटिच्चेव पञ्जत्तता उपरि दुस्सीलपुगले निस्सायाति एत्थापि एसेव नयो, तेनेव “ये मङ्कुतं...पे०... निग्गहेस्सती”ति सब्बसिक्खापदसाधारणवसेन अत्थो वुत्तो। तत्थ **मङ्कुतन्ति** नितेजतं अधोमुखं। **धम्मेनाति**आदीसु **धम्पोति** भूतं वत्थु। **विनयोति** चोदना चेव सारणा च। **सत्थुसासनन्ति** जत्तिसम्पदा चेव अनुसावनसम्पदा च। **सन्दिट्टुमानाति** संसयं आपज्जमाना। **उब्बाळ्हाति** पीळिता। **दुस्सीलपुगले निस्साय हि उपोसथो न तिड्ढति, पवारणा न तिड्ढति, सङ्कम्मन्ति नप्पवत्तन्ति, सामग्गी न होतीति** इमिना अलज्जीहि सङ्गि उपोसथादिसकलसङ्कम्मं कातुं न वट्ठति धम्मपरिभोगताति दस्सेति। उपोसथपारणानं नियतकालिकताय च अवस्सं कत्तब्बता सङ्कम्मतो विसुं गहणं वेदितब्बं। **अकिंति** गराह। **अयसो** परिवारहानि।

**चुट्ठस खन्धकवत्तानि** नाम वत्तकखन्धके (चूळव० ३५६ आदयो) वुत्तानि आगन्तुकवत्तं आवासिकगमिकअनुमोदनभत्तागणिण्डचारिकआरञ्जकसेनासनजन्ताधरवच्चकुटिउपज्झायसङ्गिबिहारिकआचरियअन्तेवासिकवत्तन्ति इमानि चुट्ठस वत्तानि, एतानि च सब्बेसं भिक्खून् सब्बदा च यथारहं चरितब्बानि। **इे असीति महावत्तानि** पन तज्जनीयकम्मकतादिकालेयेव चरितब्बानि, न सब्बदा। तस्मा विसुं गणितानि। तानि पन “पारिवासिकानं भिक्खून् वत्तं पञ्जपेस्सामी”ति (चूळव० ७५) आरभित्वा “न उपसम्मादेतब्बं...पे०... न छमाय चङ्कमन्ते चङ्कमे चङ्कमितब्ब”न्ति वुत्तावसानानि छसिङ्ग, ततो परं “न, भिक्खवे, पारिवासिकेन भिक्खुना पारिवासिकेन वुट्ठतरेन भिक्खुना सङ्गि, मूलायपटिकस्सनारहेन, मानत्तचारिकेन, मानत्तारहेन, अब्भानारहेन भिक्खुना सङ्गि एकच्छन्ने आवासे वत्थब्ब”न्तिआदिना (चूळव० ८२) वुत्तवत्तानि पकतत्तेन चरितब्बेहि अनञ्जता विसुं अगणेत्वा पारिवासिकवुट्ठतारादीसु पुगलनरेसु चरितब्बता तेसं वसेन सम्पिण्डेत्वा एकेकं कत्वा गणितानि पञ्चाति एकसत्तितवत्तानि च उक्खेपनीयकम्मकतवत्तेसु च वुत्तं “न पकतत्तस्स भिक्खुनो अभिवादं पच्चुट्ठानं...पे०... नहाने पिड्डिपरिकम्मं सादितब्ब”न्ति (चूळव० ८६) इदं अभिवादानादीनं असादियनं एकं, “न पकतो भिक्खु सीलविपत्तिया अनुद्धसेतब्बो”तिआदीनि (चूळव० ५१) च दसाति एवं द्वासीति वत्तानि होन्ति, एतेस्सेव पन कानिचि तज्जनीयकम्मादिवत्तानि कानिचि पारिवासिकादिवत्तानीति अगहितगगहणेन द्वासीतियेव। अञ्जत्थ पन अट्ठकथापदेसे अप्पकं ऊनमधिकं वा गणनूपगं न होतीति असीतिखन्धकवत्तानीति आगतं। अथ वा पुरिमेहि चुट्ठसवत्तेहि असङ्गहितानि विनयागतानि सब्बानि वत्तानि यथा द्वासीति वत्तानि, असीति वत्तानि एव वा होन्ति, तथा सङ्गहेत्वा जातब्बानि।

**संवरविनयोति** सीलसंवरो सतिसंवरो जाणसंवरो खन्तिसंवरो वीरियसंवरोति पञ्चविधोपि संवरो यथासकं संवरितब्बानं विनेतब्बानञ्च कायदुच्चरितादीनं संवरणतो संवरो, विनयनतो विनयोति वुच्चति। **पहानविनयोति** तदङ्गपहानं विक्खम्भनपहानं समुच्छेदपहानं पटिप्पस्सङ्गिपहानं निस्सरणपहानन्ति पञ्चविधमि पहानं, यस्मा चागट्टेन पहानं, विनयनट्टेन विनयो, तस्मा “पहानविनयो”ति वुच्चति। **समथविनयोति** सत्त अधिकरणसमथा। **पञ्जत्तिविनयोति** सिक्खापदमेव। तस्मि हि भगवतो सिक्खापदपञ्जत्तियाव अनुगहितं होति तब्भावे एव भावतो। सङ्गलिकनयं कत्वा दसकखत्तुं योजनञ्च कत्वा यं वुत्तन्ति सम्बन्धो। तत्थ पुरिमपुरिमपदस्स अनन्तरपदेनेव योजितत्ता अयोसङ्गलिकसदिसन्ति “सङ्गलिकनय”न्ति वुत्तं। दससु पदेसु एकमेकं पदं तदवसेसेहि नवनवपदेहि योजितत्ता “एकेकपदमूलिक”न्ति वुत्तं।

**अत्थसत्तं धम्मसतन्ति** एत्थ यो हि सो **परिवारे** (परि० ३३४) यं सङ्गसुट्ठं, तं सङ्गफासुति आदिकत्वा यं सङ्गमङ्गितिया, तं विनयानुगहायाति परियोसानं खण्डचक्कवसेनेव सङ्गलिकनयो वुत्तो, तस्मिं एकमूलकनये आगतबद्धचक्कनयेन यं विनयानुगहाय, तं सङ्गसुट्ठं इदम्पि योजेत्वा बद्धचक्के कते पुरिमपुरिमानि दस धम्मपदानि, पच्छिमपच्छिमानि दस अत्थपदानि चाति वीसति पदानि होन्ति। एकमूलकनये पन एकस्मिं वारे नवेव अत्थपदानि लब्बन्ति। एवं दसहि वारेहि नवुति अत्थपदानि नवुति धम्मपदानि च होन्ति, तानि सङ्गलिकनये वुत्तेहि दसहि अत्थपदेहि दसहि धम्मपदेहि च सङ्गि योजितानि यथावुत्तं अत्थसत्तं धम्मसतञ्च होन्तीति वेदितब्बं। यं पनेत्थ **सारत्थदीपनियं** (सारत्थ टी० पाराजिककण्ड २.३९) सङ्गलिकनयेपि एकमूलकनयेपि पच्चेकं अत्थसत्तस्स धम्मसत्तस्स योजनानामुखं वुत्तं, तं तथा सिद्धेपि अत्थसत्तं धम्मसतन्ति (परि० ३३४) गाथाय न समेति द्वे अत्थसतानि द्वे धम्मसतानि चत्तारि निरुत्तिसतानि अट्ठ जाणसतानीति वत्तब्बतो। तस्मा इध वुत्तनयेनेव अत्थसत्तं धम्मसतन्ति वुत्तन्ति गहेतब्बं। **इे च निरुत्तिसतानीति** अत्थजोतिकानं निरुत्तनीं वसेन निरुत्तिसत्तं, धम्मभूतानं निरुत्तनीञ्च वसेन निरुत्तिसत्तन्ति द्वे निरुत्तिसतानि। **चत्तारि च जाणसतानीति** अत्थसत्ते जाणसत्तं, धम्मसत्ते जाणसत्तं, द्वीसु निरुत्तिसत्तेसु द्वे जाणसतानीति चत्तारि जाणसतानि। **अतिरेकानयनत्थोति** अवुत्तसमुच्चयत्थो।

पठमपञ्जत्तिकथावण्णनानयो निड्डितो।

सुदिन्भाणवारवण्णना निड्डिता।

**मक्कटीवत्थुकथावण्णना**

**४०. पचुरत्थे हि वत्तमानवचनन्ति** एकदा पटिसेवित्वा पच्छा अनोरमित्वा दिवसे दिवसे सेवनिच्छाय वत्तमानत्ता सेवनाय अभावक्खणेपि इह मल्ला युज्झन्तीतिआदीसु विय अब्बोच्छिन्नतं बाहुल्लवुत्तितञ्च उपादाय पटिसेवतीति वत्तमानवचनं कतन्ति अत्थो। **आहिण्डन्ताति** विचरन्ता।

**४१. सहोङ्गगहितीति** सभण्डगहितो, अयमेव वा पाठो। **तं सिक्खापदं तथेव होतीति** मनुस्सामनुस्सादिपुगलविसेसं किञ्चि अनुपादयित्वा सामञ्जतो “यो पन भिक्खु मेथुनं धम्मं पटिसेवेत्था”ति (पारा० ३९) वुत्तत्ता मनुस्सामनुस्सतिरच्छानगतानं इत्थिपुरिसपण्डकउभतोव्यञ्जानां तिस्रिविधेपि मग्गे मेथुनं सेवन्तस्स तं सिक्खापदं मूलच्छेज्जकरं होति एवाति अधिप्पायो। एतेन यं अनुपञ्जत्तिमूलपञ्जत्तिया एव अधिप्पायप्पकासनवसेन सुबोधत्थाय वत्थुवसेन पवत्तानं विसेसत्थजोतकवसेनाति दस्सितं होति। **आमसं** आमट्टमत्तं। ततो दळ्ढतरं **फुसं**। **घट्टुं** पन ततो दळ्ढतरं कत्वा सरीरेन सरीरस्स सङ्गट्टनं। **तं सब्बम्पीति** अनुरगेन पवत्तितं दस्सनादिसब्बम्पि।

**४२. पाणातिपातादिसचित्तकसिक्खापदानं सुरापानादि**अचित्तकसिक्खापदानञ्च (पाचि० ३२६ आदयो) एकेनेव लक्खणवचनेन लोकवज्जतं दस्सेतुं “यस्स सचित्तकपक्खे चित्तं अकुसलमेव होति, तं लोकवज्जं नामा”ति वुत्तं। तत्थ **सचित्तकपक्खेति** इदं किञ्चापि अचित्तकसिक्खापदं सन्धायेव वत्तुं युत्तं तस्सेव सचित्तकपक्खसम्भवतो, तथापि सचित्तकसिक्खापदानम्पि असञ्चिच्च चङ्कमनादीसु लोके पाणघातवोहारसम्भवेन अचित्तकपक्खं परिकप्पेत्वा उभिन्नम्पि सचित्तकाचित्तकसिक्खापदानं साधारणवसेन “सचित्तकपक्खे”ति वुत्तं। इतरथा सचित्तकसिक्खापदानं इमस्मिं वाक्ये लोकवज्जतालकखणं न वुत्तं सिया। “सचित्तकपक्खे चित्तं अकुसलमेव”ति वुत्ते पन सचित्तकसिक्खापदानं चित्तं अकुसलमेव, इतरेसं सचित्तकपक्खेयेव अकुसलनियमो, न अचित्तकपक्खे। तत्थ पन यथासम्भवं कुसलं वा सिया, अकुसलं वा, अब्बाकतं वाति अयमत्थो सामत्थियतो सिञ्झतीति वेदितब्बं। **सचित्तकपक्खेति** वत्थुवीतिकमविजानानचित्तेन सचित्तकपक्खेति गहेतब्बं, न पण्णातिविजाननचित्तेन तथा सति सब्बसिक्खापदानम्पि लोकवज्जतापसङ्गतो। “पटिक्खित्तमिदं कातुं न वट्ठती”ति जानन्तस्स हि पण्णातिवज्जेपि अनादिरियवसेन पटिघचित्तमेव उप्पज्जाति, तस्मा इदं वाक्यं निरत्थकमेव सिया सब्बसिक्खापदानिपि लोकवज्जानीति एत्तकमत्तस्सेव वत्तब्बतापसङ्गतो।

एत्थ च सचित्तकपक्खेयेव चित्तं अकुसलन्ति नियमस्स अकतत्ता सुरापानादीसु अचित्तकपक्खे चित्तं अकुसलं न होतेवाति न सक्का नियमेतुं, केवलं पन सचित्तकपक्खे चित्तं अकुसलमेव, न कुसलादीति एवमेत्थ नियमो सिञ्झति, एवञ्च सुराति अजानित्वा पिबन्तानम्पि अकुसलचित्तेनेव पानं गन्धवण्णकादिभावं अजानित्वा लिम्पन्तीनं भिक्खुनीनं विनापि अकुसलचित्तेन लिम्पनञ्च, उभयत्थापि आपत्तिसम्भवो च समत्थितो होति। यं पन **सारत्थदीपनियं** (सारत्थ टी० पाराजिककण्ड २.४२) “सचित्तकपक्खे चित्तं अकुसलमेवाति वचनतो अचित्तकस्स वत्थुअजाननवसेन

अचित्तकपक्खे चित्तं अकुसलमेवाति अयं नियमो नत्थीति विज्जायती”ति वुत्तं, तं न युत्तं। अचित्तकेसु हि तेरससु लोकवज्जेसु सुरापानस्सेव अचित्तकपक्खेपि अकुसलचित्तनियमो, न इतरेसं द्वादसन्तं अकुसलादिचित्तेनापि आपज्जितब्बतो। यं पन एवं केनचि अनिच्छमानं सद्वृत्तीपि अपतीथमानमिदं नियमं पराधिपायं कत्वा दस्सेतुं “यदि हि अचित्तकस्स अचित्तकपक्खेपि चित्तं अकुसलमेव सिया, सचित्तकपक्खेति इदं विसेसं निरत्थकं सिया”ति आदि वुत्तं, तं निरत्थकमेव एवं नियमस्स केनचि अनधिपेतता। न हि कोचि सदसत्थविदू नियमं इच्छति, येन सचित्तकपक्खेति इदं विसेसं निरत्थकं सियाति आदि वुत्तं भवेय्य, किन्तु सचित्तकपक्खे चित्तं अकुसलमेव, अचित्तकपक्खे पन चित्तं अनियतं अकुसलमेव वा सिया, कुसलादीसु वा अज्जरतरन्ति एवमेव इच्छति। तेन **सचित्तकपक्खेति** विसेसनम्पि सात्थकं सिया। अचित्तकसिक्खापदानं सचित्तकपक्खेसु अकुसलनियमेन लोकवज्जता च सिज्झति। तेसु च सुरापानस्सेव अचित्तकपक्खेपि लोकवज्जता अकुसलचित्तता च, इतरेसं पन सचित्तकपक्खे एवाति वादीपि न विरुज्झतीति न किञ्चेत्थ अनुपपन्नं नाम।

यं पनेत्थ “सुराति अजानित्वा पिवन्तस्स...पे... विनापि अकुसलचित्तेन आपत्तिसम्भवतो...पे... सुरापानादि अचित्तकसिक्खापदानं लोकवज्जता न सिया”ति आदि वुत्तं। यच्च तमत्थं साधेतुं **गण्ठपदेसु** आगतवचनं दस्सेत्वा बहु पपञ्चितं, तं न सारतो पच्चेतब्बं अट्टकथाहि विरुद्धता। तथा हि “वत्थु अजाननताय चेत्थ अचित्तकता वेदितब्बा अकुसलेनेव पातब्बताय लोकवज्जता”ति वुत्तं। यच्चेतस्स “सचित्तकपक्खे अकुसलेनेव पातब्बतो लोकवज्जता”ति वुत्तं अट्टकथावचनं, तं न सुन्दरं। “सचित्तकपक्खे चित्तं अकुसलमेवा”ति सब्बेसं लोकवज्जानं इधेव पाराजिकट्टकथाय सामञ्जतो वत्त्वा सुरापानसिक्खापदट्टकथायं “अकुसलेनेव पातब्बताया”ति एवं अचित्तकपक्खेपि अकुसलचित्तताय विसेसेत्वा वुत्तता। न हि “सामञ्जतो इध वुत्तो वत्थो पुन **सुरापानट्टकथायम्पि** वुत्तो”ति सक्का वत्तु वुत्तस्सेव पुन वचने पयोजनाभावा, तदञ्जेसुपि अचित्तकलोकवज्जेसु वत्तब्बतापसङ्गतो च, नापि एकत्थ वुत्तो नयो तदञ्जेसुपि एकलक्खणताय वुत्तो एव होतीति “सुरापानसिक्खापदेयेव (पाचिं ३२६ आदयो) वुत्तो”ति सक्का वत्तु अचित्तकलोकवज्जानं सब्बपठमे उय्युत्तसिक्खापदेयेव (पाचिं ३११ आदयो) वत्तब्बतो, सुरापानसिक्खापदेयेव वा वत्त्वा एसेव नयो सेसेसु अचित्तकलोकवज्जेसुपीति अतिदिसितब्बतो च।

अपिच वुत्तमेवत्थं वदन्तेन “सचित्तकपक्खे अकुसलेनेव पातब्बताया”ति पुब्बे वुत्तकमेनेव वत्तब्बं सन्देहादि विगमत्थता पुन वचनस्स। सिक्खापदविसये च विसेसितब्बं विसेसेत्वा वुच्चति, इतरथा आपत्तानापत्तादिभेदस्स दुविज्जेय्यता। तथा हि **भिक्षुनीविभङ्गट्टकथायं** “विनापि चित्तेन आपज्जितत्तब्बता अचित्तकानि, चित्ते पन सति अकुसलेनेव आपज्जितत्तब्बता लोकवज्जानि चेव अकुसलचित्तानि चा”ति गिरगसमज्जादीनं सचित्तकपक्खे एव लोकवज्जता अकुसलचित्तता च विसेसेत्वा वुत्ता, न एवं सुरापानस्स। तस्स पन पक्खद्वयस्सापि साधारणवसेन “अकुसलेनेव पातब्बताया”ति वुत्तं, न पन “सचित्तकपक्खे”ति विसेसेत्वा। तस्मा इदं सुरापानं सचित्तकाचित्तकपक्खद्वयेपि लोकवज्जं अकुसलचित्तज्जाति दस्सेतुमेव “अकुसलेनेव पातब्बताय लोकवज्जता”ति विसुं वुत्तन्ति सुट्ठु सिज्झति। एतेनेव यं **सारत्थदीपनियं** “सचित्तकपक्खे अकुसलेनेव पातब्बताय लोकवज्जता”ति वुत्तस्स इमस्सेव अधिप्पायस्स पटिपादकमेतन्ति सज्जाय इमिना एव हि अधिप्पायेन अञ्जेसुपि लोकवज्जेसु अचित्तकसिक्खापदेसु अकुसलचित्तता एव वुत्ता, न पन तिचित्तता। तेनेव **भिक्षुनीविभङ्गट्टकथायं** वुत्तं “गिरगसमज्जं चित्तागारसिक्खापदं सङ्घाणि इत्थालङ्कारो गन्धवण्णको वासितकपिप्पञ्जाको भिक्षुनीआदीहि उम्महनपरिमहनातीति इमानि दस सिक्खापदानि अचित्तकानि अकुसलचित्तानि, अयं पनेत्थ अधिप्पायो विनापि चित्तेन आपज्जितत्तब्बता अचित्तकानि, चित्ते पन सति अकुसलेनेव आपज्जितत्तब्बता लोकवज्जानि चेव अकुसलचित्तानि चा”ति वुत्तं, तम्पि पटिसिद्धं होति तब्बिपरीतस्सेव अत्थस्स यथावुत्तनयेन साधनतो। तस्मा सुरापानस्स अचित्तकपक्खेपि चित्तं अकुसलमेवाति इमं विसेसं दस्सेतुमेव इदं वचनं वुत्तन्ति गहेतब्बं। अयञ्हेत्थ अत्थो वत्थु अजाननताय चेत्थाति एत्थ च-कारो विसेसत्थजोतको अपिचाति इमिना समानत्थो। तस्मा यदिदं अञ्जेसु अचित्तकलोकवज्जेसु विनापि चित्तेन आपज्जितत्तब्बता अचित्तकानि, चित्ते पन सति अकुसलेनेव आपज्जितत्तब्बता लोकवज्जानि चेव अकुसलचित्तानि चाति लोकवज्जताय अकुसलचित्तताय च लक्खणं वुच्चति, तं एत्थ सुरापानसिक्खापदे नागच्छति, इध पन विसेसो अत्थीति वुत्तं होति। सो कतराति चे? वत्थु अजाननताय एव वत्थु ज्ञाननचित्तेन विनापि आपज्जितत्तब्बताय एव अचित्तकता वेदितब्बा, नत्थेत्थ अचित्तकताय विसेसो। किन्तु वत्थु अजाननसङ्गात अचित्तकपक्खेपि अकुसलचित्तेनेव सुरामेरयस्स अज्झोहरितत्तब्बतायाति इमस्स सिक्खापदस्स सचित्तकपक्खेपि अचित्तकपक्खेपि लोकवज्जता अकुसलचित्तता च वेदितब्बाति अयमेत्थ विसेसो। इध हि “चित्ते पन सती”ति अविसेसेत्वा “अकुसलेनेवा”ति सामञ्जतो वुत्तता उभयपक्खेपि लोकवज्जता अकुसलचित्तता च सिद्धाति वेदितब्बा। तेनेव **परमत्थजोतिकाय** (खु० पा० अट्ट० २. पच्छिमपञ्चसिक्खापदवण्णना) खुट्ठकट्टकथाय सिक्खापदवण्णनाय “सुरामेरयमज्जपमादड्डानं कायतो च कायचित्ततो चाति द्विसमुट्ठान”न्ति वुत्तं। सुराति जाननचित्ताभावेनेव हेत्थ चित्तङ्गविरहितो केवलपि कायो एकसमुट्ठानं वुत्तो, तस्मिञ्च एकसमुट्ठानक्खणेपि याय चेतनाय पिवाति, सा एकन्त अकुसला एव होति। तेनेव तत्थेव अट्टकथायं “पठमा चेत्थ पञ्च एकन्त अकुसलचित्तसमुट्ठानता पाणातिपातादीनं पकतिवज्जतो वेरमणियो, सेसा पण्णातिवज्जतो”ति एवं पञ्चन्मि सामञ्जतो अकुसलचित्तता लोकवज्जतासङ्घाता पकतिवज्जता च वुत्ता। अङ्गेसु च जाननङ्गं न वुत्तं। तथा हि “सुरामेरयमज्जपमादड्डानस्स पन सुरादीनं अज्जरतरं होति मदनीयं, पातुकात्मातिचत्तञ्च पच्चुपट्ठितं होति, तज्जञ्च वायामं आपज्जति, पीते च पविसतीति इमानि चत्तारि अङ्गानी”ति वुत्तं, न पन सुराति जाननङ्गेन सिद्धं पज्जाति। यदि हि सुराति जाननम्पि अङ्गं सिया, अवस्समेव तं वत्तब्बं सिया, न च वुत्तं। यथा चेत्थ, एवं अज्जासुपि **सुत्तिपिटकादिअट्टकायासु** कत्थचि जाननङ्गं न वुत्तं। तस्मा “अकुसलेनेव पातब्बताय लोकवज्जता”ति इमस्स अट्टकथापाठस्स अचित्तकपक्खेपि “अकुसलेनेव पातब्बताय लोकवज्जता”ति एवमेव अत्थीति निट्ठमेत्थ गन्तब्बं।

अपिच यं **गण्ठपदेसु** “एतं सत्तं मारेस्सामीति तस्मिंयेव पदेसे निपन्नं अज्जं मारेन्तस्स पाणसामञ्जस्स अत्थिताय यथा पाणातिपातो होति, एवं एतं मज्जं पिबिस्सामीति अज्जं मज्जं पिवन्तस्स मज्जसामञ्जस्स अत्थिताय अकुसलमेव होति, यथा पन कट्टसज्जाय सपं घातेन्तस्स पाणातिपातो न होति, एवं नाळिकेरपानसज्जाय मज्जं पिवन्तस्स अकुसलं न होती”ति पाणातिपातेन सिद्धिं सब्बथा समानत्तेन उपमेत्वा वुत्तं, तं अतिविय अयुत्तं सब्बेसं सिक्खापदानं पाणातिपातादि अकुसलानञ्च अज्जमज्जं समानताय नियमाभावा। पाणातिपातो हि परियायेनापि सिज्झति, न तथा अदिन्नादानं। तं पन आणत्तियापि सिज्झति, न च मेथुनादीसु। तस्मा पयोगङ्गादीहिपि भिन्नानमेव संसट्ठं सब्बथा समीकरणं अयुत्तमेव। “पाणातिपातो विय अदिन्नादानमेथुनादीनिपि परियायकथादीहि सिज्झन्ती”ति केनचि वुत्ते तं किन्ति न गह्वरि तथा वचनाभावाति चे? इधापि “तथा पाणातिपातसदिसं सुरापान”न्ति वचनाभावा इदम्पि न गहेतब्बमेव। किञ्चि अट्टकथावचनेनेव सिद्धमेवत्थं पटिबाहन्तेन विनयज्जुना सुत्तसुत्तानुलोमादीहि तस्स विरोधं दस्सेत्वा पटिबाहेतब्बं, न पन पयोगङ्गादीहि अच्चन्तविभिन्नेन सिक्खापदन्तरेन सह समीकरणमत्तेन। न हि “सुराति अजानित्वा पिवन्तस्सापि अकुसलमेवा”ति एत्थ सुत्तादिविरोधो अत्थि, विनयपट्टके ताव एतस्स अत्थस्स विरुद्धं सुत्तादिकं न दिस्सति, नापि सुत्तिपिटकादीसु।

यं पनेत्थ केचि वदन्ति “मनोपुब्बङ्गमा धम्माति (ध० प० १, २) वुत्तता सब्बानि अकुसलानि पुब्बे वीतिक्कमवत्थु जानन्तस्सेव होन्ती”ति। तं तेसं सुत्ताधिप्पायानभिज्जातमेव पकासेति। न हि “मनोपुब्बङ्गमा धम्मा”ति इदं वचनं पुब्बे वीतिक्कमवत्थु जानन्तस्सेव अकुसला धम्मा उपपज्जन्तीति इममत्थं दीपेति, अथ खो कुसलाकुसला धम्मा उपपज्जमाना उप्पादपच्चयट्ठेन पुब्बङ्गमभूतं सहजातचित्तं निस्सायेव उपपज्जन्ति, न विना चित्तेना इममत्थं दीपेति। न हेत्थ “सुराति अजानित्वा पिवन्तस्स अकुसलमेवा”ति वुत्ते सहजातचित्तं विनापि लोभादि अकुसलचेतसिका धम्मा उपपज्जन्तीति अयमत्थो आपज्जति। येन तं निसेधाय इदं सुत्तं आहरणीयं सिया, अभिधम्मविरोधोपेत्य नत्थि पुब्बे नामजातिआदिवसेन अजानन्तस्सेव पञ्चविज्जाणवीथियं कुसलाकुसलजवनुपत्तिवचनतो।

अपिच बालपुत्थज्जनां छसु द्वारेसु उपपज्जमानानि जवनानि येभुय्येन अकुसलानेव उपपज्जन्ति। कुसलानि पन तेसं कल्याणमितादिउपनिस्सयबलेन अप्पकानेव उपपज्जन्ति, तुण्णोभूतानम्पि निहायित्वा सुपिनं पस्सन्तानम्पि उट्ठच्चादि अकुसलजवनस्सेव येभुय्यप्पवत्तितो कुसलाकुसलविरहितस्स जवनस्स तेसं अभावा। अकुसला हि विसयानुपुणं वासनानुगुणञ्च यथापच्चयं समुपपज्जन्ति, तत्थ किं पुब्बे जाननाजाननबिद्धेन। ये पन जाननादि अङ्गसम्पन्ना पाणातिपातादयो, ये च जाननादि विनापि सिज्झमाना सुरापानमिच्छादिट्ठिआदयो, ते ते तथा तथा याथावतो जत्त्वा सम्मासम्बुद्धेन निदिट्ठा, तेसञ्च यथानिदिट्ठवसेन गहणे को नाम अभिधम्मविरोधो। एवं सुत्तादिविरोधाभावतो, अट्टकथाय च वुत्तता यथावुत्तवसेनेवेत्थ अत्थो गहेतब्बो। यदि एवं कस्मा “सामणेरो जानित्वा पिवन्तो सीलभेदं आपज्जति, न अजानित्वा”ति अट्टकथायं वुत्तन्ति? नायं दोसो सीलभेदस्स भगवतो आणायत्तता उक्खित्तानुवत्तिकादीनं सीलभेदो विय। न हि तासं अकुसलुपत्तिया एव सीलभेदो होति सङ्घायत्तसमनुभासनानन्तरेयेव विहितता। एवमिधापि जानित्वा पिवने एव विहितो, न अजानित्वा पिवने। अज्जो हि सिक्खापदविसयो, अज्जो अकुसलविसयो। तेनेव सामणेरां पुरिमेसु पञ्चसु सिक्खापदेसु एकस्मिं भिन्ने सब्बानिपि सिक्खापदानि भिज्जन्ति। अकुसलं पन यं भिन्नं, तेन एकेनेव होति, नाज्जेहि। तस्मा सामणेरस्स अजानित्वा पिवन्तस्स सीलभेदाभावेपि कम्मपथप्पत्तं अकुसलमेवाति गहेतब्बं।

यं पन **सारत्थदीपनियं** (सारत्थ० टी० पाराजिककण्ड २. ४२) “सामणेरस्स सुराति अजानित्वा पिवन्तस्स पाराजिकं नत्थि, अकुसलं पन होती”ति केहिचि वुत्तवचनं “तं तेसं मतिमत्त”न्ति पटिक्खिपित्वा “भिक्षुनो अजानित्वापि बीजतो पट्टाय मज्जं पिवन्तस्स पाचित्तिं। सामणेरो जानित्वा पिवन्तो सीलभेदं आपज्जति, न अजानित्वाति एत्तकमेव हि अट्टकथायं वुत्तं, अकुसलं पन होतीति न वुत्त”न्ति तत्थ कारणं वुत्तं, तं अकारणं। न हि अट्टकथायं सामणेरां जानित्वा पिवने एव सीलभेदो, न अजानित्वाति सीलभेदकथनड्डाने अकुसलं पन होतीति अवचनं अजाननपक्खे अकुसलाभावस्स कारणं होति, तत्थ पसङ्गाभावा, वत्तब्बड्डाने एव “अकुसलेनेव पातब्बताय लोकवज्जता”ति वुत्तता च। न च ते “अकुसलं पन होती”ति वदन्ता आचरिया इमं सामणेरां सीलभेदपकासकं

खन्धकट्टकापाठमेव गहेत्वा अवोचुं, येन “एतकमेव अट्टकथायं वुत्त”न्ति वत्तब्बं सिया, अथ खो सुरापानट्टकथागतं सुत्तपिटकट्टकथागतञ्च अनेकविधं वचनं, महाविहारवासीनं परम्परोपदेसञ्च गहेत्वा अवोचुं। भिन्नलङ्घिकानं अभयगिरिकादीनं मतञ्हेतं, यदिदं जानित्वा पिवन्तस्सेव अकुसलन्ति गहणं। तस्मा यं वुत्तं केहिच्च “सामणेरस्स सुराति अजानित्वा पिवन्तस्स पाराजिकं नत्थि, अकुसलं पन होती”ति, तं सुवुत्तन्ति गहेतब्बं।

यञ्च **सारत्थदीपनि**यं (सारत्थं ० टी० पाराजिककण्ड २.४२) “अजानित्वा पिवन्तस्सापि सोतापन्नस्स मुखं सुरा न पविसति कम्मपथप्पत्तअकुसलचिन्तेनेव पातब्बतो”ति केहिच्च वुत्तवचनं “न सुन्दर”न्ति पटिखिपित्वा “बोधिसत्ते कुच्छिगते बोधिसत्तमातु सीलं विय हि इदम्पि अरियसावकानं धम्मतासिद्धन्ति वेदितब्ब”न्ति वत्त्वा धम्मतासिद्धत्तयेव समत्थेतुं “भवन्तरेपि हि अरियसावको जीवितहेतुपि नेव पाणं हनति, न सुरं पविती। सचे पिस्स सुरञ्च खीरञ्च मिस्सेत्वा मुखे पक्खिपन्ति, खीरमेव पविसति, न सुरा। यथा किं? यथा कोञ्चसकुणानं खीरमिस्सके उदके खीरमेव पविसति, न उदकं। इदं योनिस्सिद्धन्ति चे, इदम्पि धम्मतासिद्धन्ति वेदितब्ब”न्ति इदं अट्टकथावचनं दस्सितं, तम्पि न युत्तमेव। यथा हि बोधिसत्तमातु सीलं विय अरियसावकानं धम्मतासिद्धन्ति एत्थ बोधिसत्तमातु धम्मता नाम बोधिसत्तस्स च अत्तनो च पारमितानुभावेन अकुसलानुपत्तिनियमो एव। तथा अरियसावकानम्पि भवन्तरे पाणातिपातादीनं दसन्नं कम्मपथानं अञ्जेसञ्च अपायहेतुकानं अकुसलानं अच्यन्तपहायकस्स मग्गस्स आनुभावेन तंतंसीलवीतिकमहेतुकस्स अकुसलस्स अनुपत्तिनियमो एव धम्मता। न हि सभाववादीनं धम्मता विय अहेतुकता इध धम्मता नाम। यथा वा एवंधम्मतानये कारणस्स भावे अभावे च कारियस्स भावो अभावो च धम्मता, न अहेतुअप्यच्चयाभावाभावो, एवमिधापि पाणातिपातादिकम्मपथानं हेतुभूतस्स किलेसस्स अच्यन्ताभावेन तेसं अभावो, तदवसेसानं अकुसलानं हेतुनो भावेन भावो च धम्मता, न अहेतुकता। तस्मा अपायहेतुनो रागस्स अभावेनेव अरियानं अजानित्वापि सुराय अनञ्जोहरणन्ति सुवुत्तमेवदं केहिच्च “अजानित्वा पिवन्तस्सापि सोतापन्नस्स मुखं सुरा न पविसति कम्मपथप्पत्तअकुसलचिन्तेनेव पातब्बतो”ति, तं केन हेतुना न सुन्दरं जातन्ति न जायति, धम्मतासिद्धन्ति वा कथनेन कथं तं पटिखित्तन्ति।

यम्पि **दीधनिकायट्टकथायं** (दी० नि० अट्ट० १.३५२) “सुरञ्च खीरञ्च मिस्सेत्वा...पे... इदं धम्मतासिद्ध”न्ति वचनं, तम्पि सुरापानस्स अचित्तकपक्खेपि अकुसलचिन्तेनेव साधेति। तथा हि “भवन्तरेपि हि अरियसावको जीवितहेतुपि पाणं न हनति, नादिन्नं आदियति...पे... न सुरं पविती”ति वुत्ते “पुरिमानं ताव चतुन्नं कम्मपथानं सचित्तकता विरमणं सुकरं, पच्छिमस्स पन सुरापानस्स अचित्तकता कथं विरमणं भवेत्था”ति चोदनासम्भवं मनसिकत्वा वत्थुअजाननवसेन अचित्तकत्तेपि यस्मा कम्मपथप्पत्तअकुसलेनेव सुरा अञ्जोहरितब्बा, तादिसी च अकुसलप्पवति अरियसावकस्स मग्गेनेव हता, तस्मास्स परगलं सुराय पविसनं नत्थीति अत्थतो गम्यमानत्थं परिहारवचनं वदता “सचे पिस्स सुरञ्च खीरञ्च”तिआदि वुत्तं। तत्थ खीरमेव पविसति, न सुराति इदं सुराय सब्बथापि परगलप्पवेसाभावदस्सनपरं, न पन सुरामिस्सखीरस्स सुराय वियोजनसामत्थियदस्सनपरं। अयञ्हेत्थ अधिप्पायो — यदि हि सुरामिस्से खीरे किञ्चि पविसेत्थ, खीरमेव पविसेत्थ, न सुरा। खीरे पन सुराय अवियुत्ते न किञ्चि पविसतीति। इदं योनिस्सिद्धन्ति उदकस्स मुखे अपविसनं योनिस्सिद्धं। योनीति चेत्थ जाति अधिप्पेता। तस्मा कोञ्चजातिकानं मुखतुण्डसङ्घातानं रूपधम्मानं खीरमिस्सउदकञ्जोहरणहेतुताभावेन तं अपविसनं सिद्धन्ति अत्थो। इदम्पि हि खीरमिस्साय सुराय खीरे पविसन्तेपि परगलापविसन्ति। **धम्मतासिद्धन्ति** अरियसावकस्स अरूपधम्मानं सुरापिवनहेतुभूतकिलेससहितताभावसङ्घाताय धम्मताय सिद्धं। एवमेत्थ अचित्तकपक्खेपि सुराय अकुसलचिन्तेनेव पातब्बतो अरियसावकानं अपिवनं समत्थितन्ति वेदितब्बं। अथापि सिया अजाननपक्खे अकुसलचिन्तेन विनाव पातब्बत्तेपि सुराय अपिवनं अरियानं धम्मताति समत्थनपरमेतन्ति, तं न, अट्टकथावचनन्तरेहि विरुञ्जनतो। यथा हि वचनन्तरेहि न विरुञ्जति, तथायेव अत्थो गहेतब्बो।

अपिच पाणातिपातादीनं पञ्चन्नं कम्मपथानं भवन्तरेपि अकरणं अरियानं धम्मतासीलमेव, तेसञ्च यदि सचित्तकतं समानं। सुरापानं विय इतरानिपि चत्तारि अजानन्तेनापि अरियसावकेन न कत्तब्बानि सियुं, तथा च अजानन्तानं अरियानं कुसलाब्बाकत्तचित्तेहिपि विरमणपरमारणपरसन्तकगहणादीसु कायवचोपवर्ति न सम्पञ्जेत्थ, नो चे सम्पञ्जति, चक्खुपालत्थेरस्स चङ्गमनेन पाणवियोगस्स, उपपलवणत्थेरिया बलक्कारेन मग्गेनमगफुसनस्स च पवत्तता। तस्मा सुरापानस्स अचित्तकपक्खेपि अकुसलेनेव पातब्बताय सुरा अरियानं परगलं न पविसतीति विसेसेत्वा वुत्तन्ति वेदितब्बं।

ननु वत्थुं जानन्तस्सेव सब्बे कम्मपथा वुत्ताति? न, मिच्छादिद्विया विपरीतगहणेनेव पवत्तता। कथञ्चि नाम असब्बञ्जुं सब्बञ्जुतो, अनिच्चादि निच्चादितो च गहणन्ती दिट्ठि वत्थुं विजानाति। यदि हि जानेत्थ, मिच्छादिद्वियेव न सिया। सा च कम्मपथेसु गणिताति कुतो जानन्तस्सेव कम्मपथप्पवत्तिनियमो। अथ सब्बञ्जुं सब्बञ्जुति गणन्तीपि “अयं सत्तो”ति तस्स सरूपगहणतो दिट्ठिपि वत्थुं विजानातीति चे? न, सुरापानस्सपि “अयं न सुरा”ति सरूपगहणस्स समानता। “अयं”न्ति च वत्थुपरामसनेपि “सुरा”ति विसेसविजाननाभावा न जानातीति चे? “अयं”न्ति पुगलत्तं जानन्तीपि “असब्बञ्जु”तिपि विसेसजाननाभावा दिट्ठिपि वत्थुं न जानातीति समानमेव। एवञ्चि तेसं बुद्धाति अहिताति अहितं वा पूरणकस्सपादि हितो पटिघस्स वा अनुनयस्स वा उप्पादनेपि एसेव नयो। विपल्लासपुब्बकञ्चि सब्बं अकुसलं।

अपिच सुराय पीयमानाय नियमेन अकुसलुप्पादनं सभावो पीताय विय। खीरादिसञ्जाय पीतसुरस्स पुगलस्स मातृभगिनिआदीसुपि रागदोसादिअकुसलपबन्धो वत्थुसभावनेव उपपज्जति, एवं पीयमानक्खणेपि तिखिणो रागो उपपज्जेतव, तेनेव सागतत्थेरस्स अजानित्वा पिवनकाले पञ्चाभिज्जादिज्ञानपरिहानि, पच्छा च बुद्धादीसु अगारवादिअकुसलपबन्धो याव सुराविगमा पवत्तित्थ। तेनेव भगवापि तस्स अगारवादिअकुसलपवत्तिदस्सनमुखेन सुरादोसं पकासेत्वा सिक्खपादं पञ्जपेसि। न हि पञ्चनीवरणुपत्तिं विना ज्ञानपरिहानि होति। तस्मा अजानन्तस्सापि सुरा पीयमाना पीता च अत्तनो सभावनेव अकुसलुप्पादिकाति अयमत्थो सागतत्थेरस्स ज्ञानपरिहानिया अन्वयतोपि, अरियानं किलेसाभावेन मुखेन सुराय अपवेससङ्घातव्यतिरेकेतोपि सिञ्जतीति निट्ठमेत्थ गन्तब्बं, एवं गहणमेव हि विभज्जवादीमतानुसारं।

यं पन “जानित्वा पिवन्तस्सेव अकुसलं”न्ति गहणं, तं भिन्नलङ्घिकानं अभयगिरिकादीनमेव मतं, तं पन गणितपदकारकादीहि “परवादो”ति अजानन्तेहि अत्तनो मतिया संसन्दित्वा लिखितं विभज्जवादीमण्डलम्पि पविसित्वा यावज्जतना सासनं दुसेति, पुरापि किर **इमस्मिम्पि दमिळरट्टे** कोचि भिन्नलङ्घिको नागसेनो नाम थरो कुण्डलकेसीवत्थुं परवादमथनयदस्सनत्थं दमिळकब्बरूपेन कारेन्तो “इमं सुरापानस्स जानित्वाव पिवने अकुसलनयं, अञ्जञ्च देसकालादिभेदेन अनन्तम्पि जेत्थं सब्बञ्जुतञ्जाणं सलक्खणवसेनेव जातुं न सक्कोति जाणेन परिच्छिन्नत्तेन जेत्थस्स अनन्ततहानिपसङ्गतो। अनिच्चादिसामञ्जलक्खणवसेनेव पन जातुं सक्कोती”ति च, “परमत्थधम्मेषु नामरूपन्तिआदिभेदो विय पुगलादिसम्मुत्तिपि विसुं वत्थुभेदो एवा”ति च एवमादिकं बहुं विपरीतत्थनयं कब्बाकारस्स कविनो उपदिसित्वा तस्मिं पबन्धे कारणाभासेहि सति सम्मोहेत्वा पबन्धापेसि, तञ्च कब्बं निस्साय इमं भिन्नलङ्घिकमतं इध विभज्जवादीमते सम्मिस्सं चिरं पवत्तित्थ। तं पन पच्छा आचरियबुद्धपियमहाथरेन बाहिरम्भरिकं दिट्ठिजालं विघाटेत्वा इध परिसुद्धं सासनं पतिट्ठापेन्तेन सौधितम्पि **सारत्थदीपनिया** (सारत्थं ० टी० पाराजिककण्ड २.४२) विनयटीकाय सुरापानस्स सचित्तकपक्खेयेव चित्तं अकुसलन्ति समत्थनवचनं निस्साय केहिच्च विपल्लत्तचित्तेहि पुन उक्खित्तसिरं जातं, तञ्च महाथरेहि विनिच्छिन्नित्वा गारख्खवाद् कत्त्वा महित्वा लङ्घिगाहके च भिक्खू वियोजेत्वा धम्मने विनयेन सत्थुसासनेन चिरेनेव वूपसमितं। तेनेवेत्थ मयं एवं वित्थारतो इदं पटिखिपिह “मा अञ्जेपि विभज्जवादिनो अयं लङ्घि दूसी”ति। तस्मा इध वुत्तानि अवुत्तानि च कारणानि सुट्ठु सल्लक्खेत्वा यथा आगमविरोधो न होति, तथा अत्थो गहेतब्बो।

**सेसन्ति** यस्स वत्थुविजाननचित्तेन सचित्तकपक्खेपि चित्तं अकुसलमेवाति नियमो नत्थि, तं सब्बन्ति अत्थो। **रुन्धन्तीति** “तिरच्छानगतित्थिया दोसो नत्थी”तिआदिना अनापत्तिया लेसगहणं निवारन्ती। **द्वारं पिदहन्तीति** “तञ्च खो मनुस्सित्थिया”तिआदिना (पारा० ४२) लेसगहणस्स कारणसङ्घातं द्वारं पिदहन्ती। **सोतं पच्छिन्दमानाति** तदुभयलेसगहणद्वारानं वसेन अविच्छिन्नं वीतिकमसोतं पच्छिन्दमाना। **गाळहतरं करोन्तीति** यथावुत्तेहि कारणेहि पठपञ्जतिसिद्धं आपत्तिञ्जेव दळ्ळं करोन्ती, अनापत्तिया ओकासं अददमानाति अत्थो। सा च यस्मा वीतिकमाभावे, अविसयताय अब्बोहारिके वीतिकममे च लोकवज्जेपि सिथिलं करोन्ती उपपज्जति, तस्मा तथा उपपत्तिं उपत्तिकारणञ्च दस्सेन्तो आह **अञ्जत्र अधिमानाति** आदि। अञ्जत्र अधिमानाति इमिस्सा अनुपज्जतिया “वीतिकमाभावा”ति कारणं वुत्तं। अञ्जत्र सुपिनन्ताति इमिस्सा “अब्बोहारिकत्ता”ति कारणं वुत्तं। तत्थ **वीतिकमाभावाति** पापिच्छाय अविज्जमानस्स उत्तरिमनुस्सधम्मस्स विज्जमानतो पकासनवसप्पवत्तविसंवादानाधिप्पायसङ्घातस्स वीतिकमस्स अभावतो। अधिमानिकस्स हि अनधिगते अधिगतसञ्जिताय यथावुत्तवीतिकमो नत्थि। **अब्बोहारिकत्ताति** “अत्थेसा, भिक्खवे, चेतना, सा च खो अब्बोहारिका”ति (पारा० २३५) वचनतो मोचनस्सादचेतनाय उपकमनस्स च विज्जमानत्तेपि थिनमिद्धेन अभिभूतताय अवसत्तेन अब्बोहारिकत्ता, आपत्तिकारणवोहाराभावाति अत्थो। **वा-सदो** चेत्थ समुच्चयत्थो दट्ठब्बो, “अब्बोहारिकत्ता चा”ति वा पाठो। **वुत्ताति** दुविधापि चेसा अनुपज्जति अनापत्तिकरा वुत्ताति अधिप्पायो।

**अकते वीतिककमेति** आपदासुपि भिक्खूहि सिक्खपादवीतिककमे अकते, कुक्कुच्चा न भुज्जिसुतिआदीसु विय वीतिककमं अकत्वा भिक्खूहि अत्तनो दुक्खुप्पत्तिया आरोचितायाति अत्थो। **सिथिलं करोन्तीति** पठमं सामञ्ज्यतो बद्धसिक्खपादं मोचेत्वा अत्तनो विसये अनापत्तिकरणवसेन सिथिलं करोन्ती। **द्वारं ददमानाति** अनापत्तिया द्वारं ददमाना। **अपरपरम्पि अनापत्तिं कुरुमानाति** दिन्नेन तेन

द्वारेन उपरूपरि अनापत्तिभावं दीपेन्ती। पञ्चतोंपि सिक्खापदे उदायिना “मुहुत्तिकाय वेसिया न दोसो”ति लेसेन वीतिक्कमित्वा **सञ्चरित्तापज्जनवत्थुस्मिं** (पारा० २९६ आदयो) पञ्चत्तत्ता “कते वीतिक्कमे”ति वुत्तं। **पञ्चत्तित्तिगता**ति अत्थतो मूलपञ्चत्तियेवाति अधिप्पायो।

मक्कटीवत्थुकथावण्णनानयो निड्डितो।

सन्धतभागवारी

वज्जिपुत्तकवत्थुकथावण्णना

४३-४४. वज्जिपुत्तकवत्थुकथाय **पाळियं** “वेसालिका...पे०... मेथुनं धम्मं पटिसेविंसू”ति एत्थ ते जातिकुलं गन्त्वा गिहिलङ्गं गहेत्वा “गिहभूता मय”न्ति सञ्जाय मेथुनं पटिसेविंसूति गहेतब्बं, तेनाह **जातिव्यसनेनपि फुट्टा**तिआदि। जातीनं विनासो राजदण्डादिकारणेन होतीति आह **राजदण्ड**इच्छादि। धञ्जहिरञ्जदासिदासगोमहिंसादिधानानि **भोगा** नाम, तेसम्पि राजदण्डादिनाव विनासोति आह “एस नयो दूतियपेदी”ति। न सब्बञ्जुबुद्धोतिआदिना तीसु वत्थूसु अप्पसन्नाव सासने अभव्वाति सञ्जाय अत्तनो भव्वतं पकासेन्ता **न मयन्ति**आदिमाहंसूति वेदितब्बं। “अट्टतिसारम्माणेसू”ति **पाळियं** अनागते आलोकाकासकसिणे वज्जेत्वा वुत्तं, तेहि पन सद्धिं चत्तालीस होन्ति। **विभत्ता कुसला धम्मा**ति “इमस्मिं आरम्भणे इदं होती”ति विभागसो दस्सिता सउपचारञ्जाना महग्गतकुसला धम्मा। **गिहिलिबोधन्ति** सहसोकितादिवसेन गिहीसु ब्यावटतं। **आवासपलिबोधन्ति** सेनासनेसु नवकम्मादिवसेन निच्चब्यावटतं। दुप्परिच्चागानं इमेसं द्विन्नं पलिबोधानं वसेन सब्बेपि पलिबोधा सङ्गहिता एवाति वेदितब्बं।

**येनाति** कारणेन। **असंवासो**ति इदं तस्मिं अत्तभावे केनचिपि परियायेन भिक्खु हुत्वा भिक्खूहि सद्धिं संवासं नारहतीति इममत्थं सन्धाय वुत्तन्ति आह “असंवासो”ति। **पञ्चत्तं समूहनेव्या**ति “सो आगतो न पब्बाजेतब्बो”ति अवत्वा “न उपसम्मादेतब्बो”ति एत्तकस्सेव वुत्तत्ता पाराजिकस्स सामणेरभूमि अनुज्जाताति विज्जायति, तेनाह **सामणेरभूमियं पन ठितो**तिआदि। “यो पन भिक्खू”ति वुत्तत्ता (पारा० ३९) पच्चकखातसिक्खो यस्मा भिक्खु न होति, मेथुनसेवने च पाराजिकं नापज्जति, तस्मास्स “आगतो उपसम्मादेतब्बो”ति उपसम्पदं अनुजानन्तो पाराजिकं न समूहनति नाम, तेनाह “भिक्खुभावे ठत्वा अविपन्नसीलताया”ति। **उत्तमत्थं** अरहत्तं, निब्बानमेव वा।

चतुब्बिधविनयादिकथावण्णना

४५. **नीहरित्वा**ति पाळितो उद्धरित्वा, तथा हि “पञ्चहुपालि, अङ्गेहि समन्नागतेन भिक्खुना नानुयुज्जितब्बं। कतमेहि पञ्चहि? सुत्तं न जानाति, सुत्तानुलोमं न जानाती”तिआदिपाळितो सुत्तं सुत्तानुलोमञ्च नीहरिंसु। “अनापत्ति एवं अम्हाकं आचरियानं उग्गहो परिपुच्छाति भणती”ति एवमादितो आचरियवादि। “आयस्मा उपालि एवमाह — ‘अनापत्ति, आवुसो, सुपिनन्तेना’ति” एवमादितो अत्तनो मतिं नीहरिंसु, सा च थेरस्स अत्तनोमति सुत्तेन सङ्गहितत्ता सुत्तं जातं, एवमज्जापि सुत्तादीहि सङ्गहिताव गहेतब्बा, नेतराति वेदितब्बं। अथ वा **नीहरित्वा**ति विभजित्वा साट्ठकथं सकलं विनयपिटकं सुत्तादीसु चतूसु पदेसेसु पक्खिपित्वा चतुधा विभजित्वा विनयं पकासेसु तब्बिन्निमुत्तस्स अभावाति अधिप्पायो। **वुत्तन्ति** नागसेनत्थेरेन **मिलिन्दपञ्चे** वुत्तं। कण्ठादिवण्णुप्पत्तिद्वानकरणादीहि आहरित्वा अत्तनो वचीविज्जत्तियाव भासितवचनं **आहच्चपदं**। **रसोति** सारो “पत्तरसो”तिआदीसु (ध० स० ६२८-६३०) विय, पटिक्खित्तंअनुज्जातसुत्तसारोति अत्थो, **रसोति** वा लक्खणं पटिवत्थुकं अनुद्धरित्वा लक्खणानुलोमेन वुत्तत्ता। धम्मसङ्गाहकादिआचरियवंसेन आभता अट्टकथा आचरियवंसोति आह “आचरियवंसोति आचरियवादी”ति।

**विनयपिटके पाळी**ति इध अधिकारवसेन वुत्तं। सेसपिटकेसुपि सुत्तादिचतुनया यथानुरूपं लब्धन्तेव। **महापदेसा**ति महाओकासा महाविसया, ते अत्थतो “यं, भिक्खवे”तिआदिपाळिवसेन अकप्पियानुलोमतो कप्पियानुलोमतो च पुग्गलेहि नयतो तथा तथा गह्वमाना अत्थनया एव। ते हि भगवता सरूपतो अवुत्तेसुपि पटिक्खित्तानुलोमेसु, अनुज्जातानुलोमेसु च सेसेसु किच्चेसु निवत्तिपवत्तिहेतुताय महागोचराति “महापदेसा”ति वुत्ता, न पन “यं, भिक्खवे, मया इदं न कप्पती”तिआदिना वुत्ता साधिप्पाया पाळियेव तस्सा सुत्ते पविट्टत्ता। “सुत्तानुलोमम्पि सुत्ते ओतारेतब्बं...पे०... सुत्तमेव बलवतर”न्ति (पारा० अट्ठ० १.४५) हि वुत्तं, न हेसा साधिप्पाया पाळि सुत्ते ओतारेतब्बा, न गहेतब्बा वा होति, येनायं सुत्तानुलोमं सिया। तस्मा इमं पाळिअधिप्पायं निस्साय पुग्गलेहि गहिता यथावुत्तअत्थाव सुत्तानुलोमं। तप्पकासकत्ता पन अयं पाळिपि सुत्तानुलोमन्ति गहेतब्बं, तेनाह **ये भगवता एवं वुत्ता**तिआदि। यं भिक्खवेतिआदिपाळिनयेन हि पुग्गलेहि गहेतब्बा ये अकप्पियानुलोमादयो अत्था वुत्ता, ते महापदेसाति अत्थो।

भगवतो पकिण्णकदेसनाभूता च सुत्तानुलोमभूता च अट्टकथा। यस्मा धम्मसङ्गाहकत्थेरेहि पाळिवण्णनाक्कमेन सङ्गहेत्वा वुत्ता, तस्मा “आचरियवादी”ति वुत्ता, एतेन च अट्टकथा सुत्तसुत्तानुलोमेसु अत्थतो सङ्गह्यतीति वेदितब्बा। यथा च एसा, एवं अत्तनोमतिपि पमाणभूता। न हि भगवतो वचनं वचनानुलोमञ्च अनिस्साय अग्गसावकादयोपि अत्तनो जाणबलेन सुत्ताभिधम्मविनयेसु कच्चि सम्मतिपरमत्थभेदं अत्थं वत्तुं सक्कोन्ति, तस्मा सब्बम्पि वचनं सुत्ते सुत्तानुलोमे च सङ्गह्यति। विसुं पन अट्टकथादीनं सङ्गहितत्ता तदवसेसं सुत्तसुत्तानुलोमतो गहेत्वा चतुधा विनयो निदिट्ठो। सुत्तादयो निस्सायेव पवत्तापि अत्तनोमति तेसु सरूपेन अनागतत्ता वुत्तं “सुत्तसुत्तानुलोमआचरियवादे भुञ्चित्वा”ति, तेनाह “अनुबुद्धिया नयग्गाहेना”ति। तत्थ सुत्तादीनि अनुगताय एव बुद्धिया तेहि लद्धनयग्गाहेन चाति अत्थो।

**थेरवादी**ति महासुमत्थेरादीनं गाहो। सुत्तादि निस्सायेव विपरीततोपि अत्तनोमति उपपज्जतीति आह **तं पनाति**आदि। **अत्थेना**ति अत्तना नयग्गाहितेन अत्थेन। **पाळि**न्ति अत्तनो गाहस्स निस्सयभूतं साट्ठकथं पाळि। **पाळिया**ति तप्पटिक्खेपत्थं परेनाहटाय साट्ठकथाय पाळिया, अत्तना गहितं अत्थं निस्साय पाळिञ्च संसन्दित्वाति अत्थो। **आचरियवादे**ति अत्तना परेन च समुट्ठअट्टकथाय। **ओतरति चेव समेति चाति** अत्तना उट्ठेहि संसन्दनवसेन ओतरति, परेन उट्ठेन समेति। **सब्बदुब्बला**ति असब्बञ्जुपुग्गलस्स दोसवासनाय याथावतो अत्थसम्पटिपत्तिअभावतो वुत्तं। पमादपाठवसेन आचरियवादस्स सुत्तानुलोमेन असंसन्दनापि सियाति आह “इतरो न गहेतब्बो”ति।

**समेन्तमेव गहेतब्बन्ति** ये सुत्तेन संसन्दन्ति, एवरूपाव अत्था महापदेसतो उद्धरितब्बाति दस्सेति तथा तथा उट्ठअत्थानमेव सुत्तानुलोमतत्ता, तेनाह “सुत्तानुलोमतो हि सुत्तमेव बलवतर”न्ति। **अप्पटिवत्ति**यन्ति अप्पटिबाहियं। **कारकसङ्घसदिसन्ति** पमाणत्ता सङ्गीतिकारकसङ्घसदिसं। **बुद्धानं ठितकालसदिसन्ति** धरमानकबुद्धसदिसन्ति अत्थो। **सकवादी सुत्तं गहेत्वा कथेतीति**आदीसु यो यथाभूतमत्थं गहेत्वा कथनसीलो, सो **सकवादी**। **सुत्तन्ति** सङ्गीतित्तयारुहं पाळिवचनं। **परवादी**ति महाविहारवासी वा होतु अज्जनिकायवासी वा, यो विपरीततो अत्थं गहेत्वा कथनसीलो, सोव इध “परवादी”ति वुत्तो। **सुत्तानुलोमन्ति** सङ्गीतित्तयारुहं वा अनारुहं वा यंकिञ्चि विपल्लासतो वा वज्जनाय वा “सङ्गीतित्तयागतमिदं”न्ति दस्सियमानं सुत्तानुलोमं। केचि “अज्जनिकाये सुत्तानुलोम”न्ति वदन्ति, तं न युत्तं सकवादीपरवादीनं उभिन्नम्पि सङ्गीतित्तयारुहसुत्तादीनं एव गहेतब्बतो। तथा हि वक्खति “तस्सो सङ्गीतियो आरुहं पाळिआगतं पज्जायति, गहेतब्ब”न्तिआदि। न हि सकवादी अज्जनिकायसुत्तादि पमाणतो गण्हाति, येन तेसु सुत्तादीसु दस्सितेसु तत्थ ठातब्बं भवेय्य, वक्खति च “परो तस्स अकप्पियभावसाधकं सुत्ततो बहुं कारणञ्च विनिच्छयञ्च दस्सेति...पे०... ‘साधू’ति सम्पटिच्छित्वा अकप्पियेयेव ठातब्ब”न्ति (पारा० अट्ठ० १.४५)। तस्मा परवादिनापि सङ्गीतित्तये अनारुहम्पि अनारुहमिच्चैव दस्सीयति, केवलं तस्स तस्स सुत्तादिनो सङ्गीतित्तये अनागतस्स कूटता, आगतस्स च व्यञ्जनच्छायाय अज्जथा अधिप्पाययोजना च विसेसो। तत्थ च यं कूटं, तं अपनीयति। यं अज्जथा योजितं, तस्स विपरीततासन्दस्सन्तत्थं तदज्जेन सुत्तादिना संसन्दना करीयति। यो पन परवादिना गहितो अधिप्पायो सुत्तन्तादिना संसन्दति, सो सकवादिनापि अत्तनो गाहं विस्सज्जेत्वा गहेतब्बोति उभिन्नम्पि सङ्गीतित्तयागतमेव सुत्तादिपमाणन्ति वेदितब्बं। तेनेव **कथावत्थु**पकरणे सकवादे पञ्च सुत्तसत्तानि परवादे पज्जाति (ध० स० अट्ठ० निदानकथा; कथा० अट्ठ० निदानकथा) सुत्तसहस्सम्पि अधिप्पायगहणनानत्तेन सङ्गीतित्तयागतमेव गहितं, न निकायन्तरे किञ्चीति।

**खेपन्ति** “किं इमिना”ति पटिक्खेपं छट्ठुनं। **गरहन्ति** “किमेस बालो जानाती”ति निन्दनं। **सुत्ते ओतारेतब्बन्ति** यस्स सुत्तस्स अनुलोमनतो इदं सुत्तानुलोमं अकासि, तस्मिं, तदनुरूपे वा अज्जतरस्मिं सुत्ते अत्तना गहितं सुत्तानुलोमं अत्थतो संसन्दनवसेन ओतारेतब्बं, “इमिना च इमिना च कारणेन इमस्मिं सुत्ते संसन्दती”ति संसन्दित्वा दस्सेतब्बन्ति अत्थो। **अथन्ति** सकवादी। **परोति** परवादी। **आचरियवादी सुत्ते ओतारेतब्बोति** यस्स सुत्तस्स वण्णनावसेन अयं आचरियवादी पवतो, तस्मिं, तादिसे च अज्जतरस्मिं सुत्ते पुब्बापर अत्थसंसन्दनवसेन ओतारेतब्बं। **गारह्वाचरियवादी**ति पमादलिखितो, भिन्नलद्धिकेहि वा ठपितो, एस नयो सब्बत्थ।

यं किञ्चि कूटसुतं बाहिरकसुतादिवचनं न गहेतब्बन्ति दस्सेतुं **सुत्तं सुत्तानुलोमे ओतारेतब्बन्ति** आदि वुत्तं। गुळ्हेवेस्सन्तरादीनि महासङ्घिकादिभिन्नलङ्घिकानं पकरणानि। **आदि-**सहेन गुळ्हेउम्मगादीनं गहणं। सकवादी सुत्तं गहेत्वा कथेति, परवादीपि सुत्तन्ति आदिना अज्जेपि वादालम्बना वुत्तनयेन सक्का जातुन्ति इध न वुत्ता।

एवं सुत्तसुत्तानुलोमादिमुखेन सामञ्जसो विवादो दस्सेत्वा इदानीं विसेसतो विवादवत्थुं तब्बिनिच्छयमुखेन सुत्तादीनञ्च दस्सेतुं **अथ पनायं कप्पियन्ति** आदि वुत्तं। **सुत्ते च सुत्तानुलोमे चाति** एत्थ च-कारो विकप्पत्थो, तेन आचरियवादादीनम्पि सङ्गहो, तेनाह “कारणञ्च विनिच्छयञ्च दस्सेती”ति। तत्थ **कारणन्ति** सुत्तादिनयं निस्साय अत्तनोमतिता उद्धटं हेतुं। **विनिच्छयन्ति** अट्टकथाविनिच्छयं। **कारणच्छायाति** सुत्तादीसु “कप्पिय”न्ति गाहस्स, “अकप्पिय”न्ति गाहस्स च निमित्तभूतं किञ्चेन पटिपादनीयं अविभूतकारणं कारणच्छाया, कारणपतिरूपकन्ति अत्थो। **विनयजिह पत्वाति** इमस्स विवरणं **कप्पियाकप्पियविचारणमागम्माति**। **रुन्धितब्बन्ति** कप्पियसञ्जाय वीतिकमकरणं रुन्धितब्बं, तंनिवारणचिन्तं दळ्हेतरं कातब्बं। **सोतं पच्छिन्दितब्बन्ति** तत्थ वीतिकमण्वन्ति पच्छिन्दितब्बा। **गरुकभावेति** अकप्पियभावे। **सुत्तविनिच्छयकारणेहीति** सुत्तेन अट्टकथाविनिच्छयेन च लङ्घकारणेहि। **एवन्ति** आदि यथावुत्तस्स अत्थस्स निगमनवचनं। **अतिरेककारणन्ति** सुत्तादीसु पुरिमं पुरिमं अतिरेककारणं नाम, बहुकारणं वा।

**वाचुगतन्ति** वाचाय उगतं, तत्थ निरन्तरं ठितन्ति अत्थो। “सुत्तं नाम सकलं विनयपिटक”न्ति वुत्तता पुन **सुत्ततोति** तदत्थपटिपादकं सुत्ताभिधम्मपाळिवचनं अधिपेत्तं। **अनुव्यञ्जनतोति** इमस्स विवरणं **परिपुच्छतो च अट्टकथातो चाति**। तत्थ **परिपुच्छाति** आचरियस्स सन्तिका पाळिया अत्थसवनं। **अट्टकथाति** पाळिमुत्तकविनिच्छयो। तदुभयम्पि हि पाळि अनुगन्त्वा अत्थस्स ब्यञ्जनतो “अनुव्यञ्जन”न्ति वुत्तं। **विनयेति** विनयाचारे, तेनेव वक्खति **विनयं अविजहन्तो अवोक्कमन्तोति** आदि। तत्थ पतिट्ठानं नाम सञ्चिच्च आपत्तिया अनापज्जनादि होतीति आह “लज्जीभावेन पतिट्ठितो”ति, तेन लज्जी होतीति वुत्तं होती। विनयधत्तस्स लक्खणे वत्तब्बे किं इमिना लज्जीभावेनाति आह **अलज्जी हीति** आदि। तत्थ **बहुस्सुतोपीति** इमिना पठमलक्खणसमन्नागमं दस्सेति। **लाभगरुतायाति** आदिना विनये ठितताय अभावे पठमलक्खणयोगो किञ्चकरो न होती, अथ खो अकिञ्चकरो अनत्थकरो एवाति दस्सेति। सङ्गभेदस्स पुब्बभागो कलहो **सङ्गराजि**।

**वित्थुनतीति** वित्थम्पति, नित्युनति वा सन्तिट्ठितुं न सककोति, तेनाह **यं यन्ति** आदि। **आचरियपरम्पराति** आचरियानं विनिच्छयपरम्परा, तेनेव वक्खति “अत्तनो मतिं पहाय...पे... यथा आचरियो च आचरियाचरियो च पाळिञ्च परिपुच्छञ्च वदन्ति, तथा जातुं वट्ठती”ति। न हि आचरियानं नाममत्ततो परम्पराजानेन पयोजनमत्थि। **पुब्बापरानुसन्धितोति** पुब्बवचनस्स अपरवचनेन सह अत्थसम्बन्धजाननतो। **अत्थतोति** पदत्थपिण्डत्थ अधिपेत्तत्थादितो। **कारणतोति** तदत्थुपपत्तितो। **थेरवादङ्कन्ति** थेरवादपटिपाटि, तेसं विनिच्छयपटिपाटिन्ति अत्थो।

**इमेहि च पन तीहि लक्खणेहीति** एत्थ पठमेन लक्खणेन विनयस्स सुट्ठु उग्गहितभावो वुत्तो। द्रुतियेनस्स लज्जीभावेन चेव अचलताय च पतिट्ठितता। ततियेन पाळिअट्टकथासु अनुरूपेन अनागतम्पि तदनुलोमतो आचरियेहि दिन्ननयतो विनिच्छिन्तुं समत्थता। **ओतिण्णे वत्थुस्मिन्ति** चोदनावसेन वीतिकमवत्थुस्मिं सङ्गमज्जे ओतिण्णे। **चोदकेन चुदितकेन च वुत्ते वत्तब्बेति** एवं ओतिण्णे वत्थुं निस्साय चोदकेन “दिट्ठं सुत”न्ति आदिना चुदितकेन “अत्थि नत्थी”ति आदिना च यं वत्तब्बं, तस्मिं वत्तब्बे वुत्तेति अत्थो। थुल्लच्चयदुब्बासितानं मातिकाय अनागतता “पञ्चयन्नं आपत्तीनं”न्ति वुत्तं। **तिकदुक्कटन्ति** “अनुपसम्पन्ने उपसम्पन्नसञ्जी उज्झायति वा खीयति वा आपत्ति दुक्कटस्सा”ति आदिना (पाचि० १०६ थोक्कं विसदिसं) आगतं तिकदुक्कटं। **अज्जतरं वा आपत्तिन्ति** “काले विकालसञ्जी आपत्ति दुक्कटस्स, काले वेमतिको आपत्ति दुक्कटस्सा”ति आदिकं (पाचि० २५०) दुक्कटदुक्कटं सन्थाय वुत्तं। **अन्तरापत्तिन्ति** तस्मिं तस्मिं सिक्खापदे आगतवत्थुवीतिककमं विना अज्जस्मिं वत्थुवीतिककमे निदानतो पभुति विनीतवत्थुपरियोसाना अन्तरन्तरा वुत्तं आपत्तिं। इध पन “वत्थुं ओलोकेती”ति विसुं गहितता तदवसेसा अन्तरापत्तीति गहिता। **पटिलातं उक्खिपतीति** इदं विसिब्बनसिक्खापदे (पाचि० ३५०-३५१) आगतं। तत्थ ड्हमांनं अलातं अगिकपालादितो बहि पतितं अविज्झातमेव पटिउक्खिपति, पुन यथाठाने ठपेतीति अत्थो। विज्झातं पन पक्खिपन्तस्स पाचित्तियमेव। **अनापत्तिन्ति** एत्थ अन्तरन्तरा वुत्ता अनापत्तिपि अत्थि, “अनापत्ति, भिक्खवे, इड्ढिमस्स इड्ढिविसये”ति आदि (पारा० १५९) विय सापि सङ्गहति।

**पाराजिकापतीति न ताव वत्तब्बन्ति** इदं आपन्नपुग्गलेन लज्जीधम्मे ठत्वा यथाभूतं आविकरणेपि दुब्बिनिच्छयं अदिन्नादानादि सन्थाय वुत्तं। यं पन मेथुनादीसु विजाननं, तं वत्तब्बमेव, तेनाह **मेथुनधम्मवीतिककमो हीति** आदि। यो पन अलज्जिताय पटिज्जं अदत्त्वा विक्खेपं करोति, तस्स आपत्ति न सक्का ओळारिकापि विनिच्छिन्तुं, याव सो यथाभूतं नावि करोति, सङ्गस्स च आपत्तिसन्देहो न विगच्छति, ताव नासितकोव भविस्सति। **सुखुमाति** चित्तपरिवर्तिया सुखुमताय सुखुमा। तेनाह “चित्तलुहका”ति, चित्तं तस्स लुहकन्ति अत्थो। **तेति** वीतिककमे। **तंवत्थुकन्ति** अदिन्नादानादिमूलकं। **यं आचरियो भणति, तं करोहीति** आदि सब्बं लज्जीपेसलं कुक्कुच्चकमेव सन्थाय वुत्तं। यो याथावतो पकासेत्वा सुड्ढिमेव गवेसति, **तेनापि, पाराजिकोसीति न वत्तब्बोति** अनापत्तिकोटियापि सङ्घियमानता वुत्तं, तेनेव “पाराजिकच्छाया”ति वुत्तं। **सीलानि सोधेत्वाति** यस्मिं वीतिककमे पाराजिकासङ्का वत्तति, तत्थ पाराजिकाभावपक्खं गहेत्वा देसनावुद्धानगामिनीनं आपत्तीनं सोधनवसेन सीलानि सोधेत्वा। **इत्तिसाकारन्ति** पाकटभावतो उपलक्खणवसेन वुत्तं, यं किञ्चि अभिरुचितं मनसिकातुं वट्ठतेव। **कम्मट्ठानं घटियतीति** विष्पटिसारमूलकेन विक्खेपेन अन्तरन्तरा खण्डं अदस्सेत्वा पबन्धवसेन चित्तेन सङ्घटियति। **सङ्गराति** विपस्सनाकम्मट्ठानवसेन वुत्तं। सापत्तिकस्स हि पगुणम्पि कम्मट्ठानं न सुट्ठु उपट्ठाति, पगेव पाराजिकस्स। तस्स हि विष्पटिसारनिन्ताय चित्तं एकगं न होती। एकस्स पन वितक्कविक्खेपादिबहुलस्स सुड्ढसीलस्सपि चित्तं न समाधियति, तं इध पाराजिकमूलकन्ति न गहेतब्बं। कतपापमूलकेन विष्पटिसारेनेवेत्थ चित्तस्स असमाधियनं सन्थाय “कम्मट्ठानं न घटियती”ति वुत्तं, तेनाह **विष्पटिसारिणाति** आदि। **अत्तनाति** चित्तेन करणभूतेन पुग्गलो कत्ता जानाति, पच्चत्ते वा करणवचनं, अत्ता सयं पजानातीति अत्थो।

चतुब्बिधविनयादिकथावण्णनानयो निड्ढितो।

#### पदभाजनीयवण्णना

यो विय दिस्सतीति **यादिसो**, यं-सहत्थे यथा-सहो वत्ततीति आह “येन वा तेन वा युत्तो”ति। येन तेनाति हि पदद्वयेन अनियमतो यं-सहत्थोव दस्सितो। **वासधुरयुत्तोति** विपस्सनाधुरयुत्तो। या जाति अस्साति यंजाति, पुग्गलो, सोव **यंजच्चो** सकत्थे यपच्चयं कत्त्वा। गोत्तवसेन येन वा तेन वा गोत्तेन यथागोत्तो वा तथागोत्तो वा होतूति सम्बन्धो। **सीलेसूति** पक्कीसु। **अथ खोति** इदं किन्तूति इमस्मिं अत्थे। किं वुत्तं होतीति अत्थो। **इमस्मिं अत्थेति** इमस्मिं पाराजिकविसये। **एसोति** यथावुत्तेहि पकारेहि युत्तो। **अरियायाति** “उडिस्स अरिया तिट्ठन्ति, एसा अरियानं याचना”ति एवं वुत्ताय, न, “देहि मे”ति कपणया। **लिङ्गसम्पटिच्छनेनाति** “भिक्खं चरिस्सामी”ति चित्ताभावेपि भिक्खुहारनिस्सितपब्बज्जालिङ्गस्स सम्पटिच्छनेन। **काजभत्तन्ति** काजेहि आनीतभत्तं। **अधम्मिकायाति** अधिसीलसिक्खादिभिक्खुगुणाभावतो वुत्तं, तेनाह “अभूताया”ति। “मयं भिक्खु”ति वदन्ता पटिज्जामत्तेनेव भिक्खु, न अत्थतोति अत्थो। इदञ्च “मयं भिक्खु”ति पटिजाननस्सापि सम्भवतो वुत्तं। “मयं भिक्खु”ति अप्पटिजानन्तापि हि भिक्खुवोहारनिमित्तस्स लिङ्गस्स गहणेन चेव भिक्खून् दिन्नपच्चयभागगहणादिना च भिक्खुपटिज्जा एव नाम होन्ति। तथा हि वुत्तं **पुग्गलपञ्जतिअट्टकथायं** —

“अब्रह्मचारी ब्रह्मचारिपटिज्जो”ति अज्जे ब्रह्मचारिनो सुनिवत्थे सुपारुते सुम्भकपत्तरे गामनिगमजनपदराजधानीसु पिण्डाय चरित्वा जीविकं कप्पन्ते दिस्वा सयम्पि तादिसेन आकारेन तथा पटिपज्जनतो ‘अहं ब्रह्मचारी’ति पटिज्जं देन्तो विय होति। ‘अहं भिक्खू’ति वत्त्वा उपोसथगादीनि पविस्सन्तो पन ब्रह्मचारिपटिज्जो होतियेव, तथा सङ्घिकं लाभं गहन्ते”ति (पु० प० अट्ठ० ९१)।

तस्मा एवरूपेहि पटिज्जाय भिक्खूहि गोत्रभुपरियोसानेहि सङ्घि सम्भोगपरिभोगो न वट्ठति, अलज्जीपरिभोगोव होती। सञ्चिच्च आपत्तिआपज्जनादिअलज्जीलक्खणं पन उक्कट्टानं भिक्खून् वसेन वुत्तं सामपेगदीनम्पि अलज्जीवोहारदस्सन्तो। “अलज्जीसामणेरेहि हत्थकम्मम्पि न कारेतब्ब”न्ति हि वुत्तं। यथाविहितपटिपत्तियं अतिट्ठनज्जि सब्बसाधारणं अलज्जीलक्खणं। दुस्सीला लिङ्गगहणतो पट्टाय यथाविहितपटिपत्तिया अभावतो एकन्ता लज्जिनोव महासङ्घिकादिनिकायन्तरिका विय, लिङ्गत्थेनकादयो विय, च। याव ११ च तेसं भिक्खुपटिज्जा अनुवत्तति, ताव भिक्खु एव, तेहि च परिभोगो अलज्जिपअभोगोव, तेसञ्च भिक्खुसङ्गसञ्जाय दिन्नं सङ्गे दिन्नं नाम होती। वुत्तज्जि भगवता —

“भविस्सन्ति खो पनानन्द, अनागतमट्ठानं गोत्रभुनो कासावकण्ठा दुस्सीला पापधम्मा, तेसु दुस्सीलेसु सङ्घं उडिस्स दानं दस्सन्ति, तदापाहं, आनन्द, सङ्गगतं दक्खिणं असङ्ख्येयं अप्पमेयं वदामी”ति (म० नि० ३.३८०)।

भगवतो सङ्घं उडिस्स दिन्नता दक्खिणा असङ्ख्येय्या अप्पमेय्या जाता। दुस्सीलानं दिन्नता नाति चे? न, तेसु सङ्घं उडिस्साति गोत्रभूतं पटिग्गाहकत्तेन परामट्ठता, इतरथा “येसु केसुचि गहट्टेसु वा

पर्वजितेसु वा सङ्घे उद्दिस्सा”ति वत्तव्वतापसङ्गतो, तथा च “तदापाहं, आनन्दा”ति हेड्डिमकोटिदस्सनस्स पयोजनं न सिया। तस्मा गोत्रभूनम्पि अभावे सङ्घे उद्दिस्स दानं नत्थि, हेड्डिमकोटिया तेसुपि दिन्ना सङ्गता दक्खिणा असङ्ख्येय्या, न ततो परं सिञ्जतीति तेषि पटिञ्जाय भिक्खु एवाति गहेतव्वं।

ब्रह्मघोसन्ति उत्तमघोसं, ब्रह्मनो घोससदिसं वा घोसं। एहि भिक्खूति “भिक्खू”तिसम्बोधनं। संसारे भयइक्खक तस्स भयस्स सब्बसो विनासनत्थं तिसरणं, सासनं वा एहि मनसा “ताणं लेण”न्ति पविस उपगच्छ। उपगन्त्वापि चर ब्रह्मचरियन्ति सासनब्रह्मचरियं मग्गब्रह्मचरियञ्च चरस्सु। भण्डूति मुण्डितकेसो। वासीति दन्तकट्टादिच्छेदनवासि। बन्धनन्ति कायबन्धनं। युत्तो योगो समाधिपञ्चावसेन सो युत्तयोगो, तस्स अट्टेते परिक्रारति सेसो। सरीरे पटिमुक्केहियेव उपलक्खितोति सेसो। “तीणि सतानी”ति वत्तव्वे गाथाबन्धसुखत्थं “तीणि सत”न्ति वुत्तं।

तस्माति भगवा हेड्डा वुत्तं परामसति। हेड्डा हि “अहं खो पन, कस्सप, जानञ्जेव वदामि ‘जानामी’ति, पस्सञ्जेव वदामि ‘पस्सामी’”ति (सं० नि० २.१५४) वुत्तं, तं परामसति, यस्मा अहं जानं वदामि, तस्माति अत्थो। इहाति इमस्मिं सासने। तिब्बन्ति महन्तं। पच्चुपट्ठितं भविस्सतीति थैरादिउपसङ्कमनतो पुरेतरमेव तेसु यन्नून मे हिरौत्तपं उपट्ठितं भविस्सतीति अत्थो। कुसलूपसंहितन्ति अनवज्जधम्मनिस्सितं। अट्ठि कत्वाति अत्तानं तेन धम्मेन अट्ठिकं कत्वा, तं वा धम्मं “एस मे अत्थो”ति अत्थं कत्वा। ओहितसोतोति धम्मे निहितसोतो। एवञ्च ते, कस्सप, सिक्खितव्वन्ति जाणसोतञ्च पसादसोतञ्च ओदहत्वा “धम्मं सक्कच्चमेव सुणिस्सामी”ति एवमेव तथा सिक्खितव्वं। सातसहगता च मे कायगतासतीति असुभेसु चेव आनापाने च पठमज्झानवसेन सुखसम्पयुत्तकायगतासति। यं पनेतस्स ओवादस्स सक्कच्चपटिगहणं, अयमेव थैरस्स पब्बज्जा च उपसम्पदा च अहोसि (सं० नि० अट्ठ० २.२.१५४)।

उद्धुमातकपटिभागारम्भणं ज्ञानं उद्धुमातकसज्जा। कसिणारम्भणं रूपावचरज्ज्ञानं रूपसज्जा। इमेति सज्जासीसेन निहिट्टा इमे द्वे ज्ञानधम्मा। सोपाको च भगवता पुट्ठो “रूपावचरभावेन एकत्था, व्यञ्जनमेव नान”न्ति आह। आरब्धचित्तोति आराधितचित्तो। गरुधम्मपटिगहणादिउपसम्पदा उपरि सयमेव आवि भविस्सति।

सब्वन्तिमेन परियायेनाति सब्वन्तिमेन परिच्छेदेन। जत्तिचतुत्था कम्मवाचा उपसम्पदाकम्मस्स कारणत्ता ठानं, तस्स ठानस्स अरहं अनुच्छविकन्ति वत्थुदोसादिविनिमुत्तकम्मं “ठानारह”न्ति वुत्तं वत्थादिदोसयुत्तस्स कम्मस्स सभावतो कम्मवाचारहताभावा। अथ वा ठानन्ति निब्बानपत्तिहेतुतो सिक्खित्तयसङ्गहं सासनं वुच्चाति, तस्स अनुच्छविकं कम्मं ठानारहं। यथाविहितलक्खणेन हि कम्मेन उपसम्पन्नोव सकलं सासनं समादाय परिपूरेतुमरहति। तस्मा परिसुद्धकम्मवाचापरियोसानं सब्वं सङ्गकिच्चं ठानारहं नाम, तेनाह “सत्थुसासनारहेना”ति, सीलादिसकलसासनपरिपुण्यस्स अनुच्छविकेनाति अत्थो। अयं इमस्मिं अत्थेति जत्तिचतुत्थकम्मेन उपसम्पन्नस्सेव सब्वसिक्खापदेसु वुत्तता किञ्चापि एहिभिक्खूपसम्पदादीहि उपसम्पन्नानं सुद्धसत्तानं पण्णत्तिवज्जसिक्खापदवौत्तिककमेपि अभव्वता वा दोसाभावो वा सहतो पञ्जायति, तथापि अत्थतो तेसमि पण्णत्तिवज्जेसु, लोकवज्जेसुपि वा सुरापानादिलहकेसु मग्गुप्पत्तितो पुब्बे असञ्चिच्चादिना आपत्तिआपज्जनं सिञ्जितियेव। तथा हि “द्वे पुगला अभव्वा आपत्तिं आपज्जितुं बुद्धा च पच्चेकबुद्धा च। द्वे पुगला भव्वा आपत्तिं आपज्जितुं भिक्खू च भिक्खुनियो चा”ति (परि० ३२२) वुत्तं। जत्तिचतुत्थेन कम्मेन उपसम्पन्नोति इदं पन सब्वसिक्खापदवौत्तिकमारहे सब्वकालिके च भिक्खू गहेत्वा येभ्युववसेन वुत्तं। निरुत्तिवसेनाति निब्बचनवसेन। अभिलापवसेनाति वोहारवसेन। गुणवसेनाति भिक्खुवोहारनिमित्तानं गुणानं वसेन।

#### साजीवपदभाजनीयवण्णना

विवट्ठुपनिस्सया सीलादयो लोकियेहि अभिविसिट्ठता अधिसीलादिवोहारेन वुत्ताति दस्सेतुं कतमं पनातिआदि आरब्धं। तत्थ पञ्चङ्गदसङ्गसीलन्ति अबुद्धुप्पादकाले सीलं सन्धाय वुत्तं तस्स विवट्ठुपनिस्सयत्ताभावा। यं पन बुद्धुप्पादे रतनत्तयगुणं तथतो जत्वा सासने सुनिविट्ठसङ्गाहि उपासकोपासिकाहि चेव सामणेरसिक्खमानाहि च रक्खियमानं पञ्चङ्गअट्ठङ्गदसङ्गसीलं, तस्मि अधिसीलमेव मग्गुप्पत्तिहेतुतो। विपस्सनामग्गुप्पत्तिनिमित्तताय हि पातिमोक्खसंवरसीलं लोकियानं सीलेहि अधिसीलं जातं अधिचित्तं विय। न हि विपस्सनामग्गनिमित्ततं मुञ्चित्वा लोकियचित्ततो अधिचित्तस्स अञ्जो कोचि विसोपो उपलब्धति, तदुभयञ्च अनादिमतो संसारवट्ठस्स अत्तादिसारविरहितताय तिलक्खणम्भाहतत्तं, “अहं ममा”ति आकारेन पवत्तविज्जातण्हादिदोसमूलकत्तञ्च, तंदोसमूलविट्ठं सनसमत्थाय सीलचित्तबलोपत्थद्वाय विपस्सनाय उक्केसेनेव तस्स संसारवट्ठस्स विगमञ्च, तदुपदेसकस्स सम्मासम्बुद्धस्स सब्वज्जुतादिअपरिमितगुणगणयोगेन अविपरीतसद्धम्मदेसकत्तञ्च याथावतो जत्वा पटिप्पन्नेन समादाय सिक्खितव्वताय विवट्ठुपनिस्सयं जातं, न अञ्जेन कारणेन, तञ्च विवट्ठुपनिस्सयत्तं यदि सासने पञ्चसीलादिस्सापि समानं, किमिदं अधिसीलं न सिया। पञ्चसीलादिमते ठितानञ्चि अनार्थापिण्डकादीनं गहट्ठान्मि मग्गो उपज्जति। न हि अधिसीलाधिचित्तं विना मग्गुप्पत्तिं हाति, तञ्च किञ्चापि केसञ्चि अनुपनिस्सयताय तस्मिं अत्तभावे मग्गुप्पत्तिया हेतु न हाति, तथापि भवन्तरे अवस्सं होतेवाति अधिसीलमेव कालं करोन्तानं कल्याणपुत्थुज्जनानं पातिमोक्खसंवरसीलं विय, तेनाह बुद्धुप्पादेयव च पवत्ततीतिआदि। विवट्ठुं पत्थेत्वा रक्खियमानमि पञ्चसीलादि बुद्धुप्पादेयव पवत्तति। न हि तं पञ्जित्तिआदि पन उक्कट्टवसेन सब्वं पातिमोक्खं सन्धाय वुत्तं। तदेकदेसभूतमि हि पाणातिपातादिन्नादानादिगहट्ठसीलमि। बुद्धायेव विनये पाराजिकसुत्तविभङ्गादीसु आगतवसेन सब्वसो कायवचिद्वारेसु मग्गुप्पत्तिया विबन्धकअज्जाचारसोतं विच्छिन्दित्वा मग्गुप्पत्तिया पदद्वानभावेन पञ्जपेतुं सक्कन्ति, न अञ्जे। मग्गुप्पत्तिं सन्धाय हिस्स अधिसीलता वुत्ता। तेनाह “पातिमोक्खसंवरतोपि च मग्गफलसम्पयुत्तमेव सीलं अधिसील”न्ति। तस्सेव हि अधिसीलन्ति अब्यवधानेन मग्गाधिद्वानाति। इध अनधिप्पेतन्ति इमस्मिं पठमपाराजिकविसये “सिक्खा”ति अनधिप्पेतं।

लोकियअट्ठसमापत्तिचित्तानीति सासनसभावं अजानन्तेहि लोकियजनेहि समापज्जितव्वानि अट्ठ रूपावरूपज्ज्ञानसम्पयुत्तचित्तानि सन्धाय वुत्तं। न हि महग्गतेसु लोकियलोक्तरभेदो अत्थि, येन लोकियविसेसनं लोक्तरनिवत्तनं सिया। तस्मा सासनिकेहि समापज्जितव्वमग्गतज्ज्ञाननिवत्तनमेव लोकियविसेसनं कतं। यथा चेत्थ, एवं कामावचरानि पन अट्ठ कुसलचित्तानीति एत्थापि लोकियविसेसनं कातव्वमेव। अयमेव हि अधिचित्ततो चित्तस्स भेदो, यं सासनं अजानन्तस्स पुगलस्स समुपज्जनं। एवञ्च अबुद्धुप्पादेपि सासनसभावं जानन्तानं पच्चेकबुद्धादीनमि सीलचित्तानं अधिसीलाधिचित्तता समत्थिता हाति। न विना बुद्धुप्पादाति इदं पन अञ्जेसं अभिसमयहेतुभावेन पच्चेकबुद्धबोधिसत्तादीनं देसनासामत्थियाभावतो वुत्तं। आर्याति वासनाहेतुं पन सीलचित्तं तेषि देसेन्तियेव, तञ्च मग्गहेतुताय अधिसीलाधिचित्तमि होन्तं अप्पकताय विप्फारिकताबाहुज्जत्ताभावेन अब्बोहारिकन्ति “बुद्धुप्पादेयेवा”ति अवधारणं कतन्ति वेदितव्वं। न हि तंसमापन्नोतिआदिअट्ठकथावचनेहि इध अधिचित्तनिदेसे, उपरि अधिपञ्जानिदेसे च मग्गफलसम्पयुत्तअधिचित्तअधिपञ्जानमेव पटिक्खेपतो लोकियाधिचित्ताधिपञ्जानं इध अधिप्पेतता, तं द्वयं समापन्नस्सापि मेथुनधम्मसमापज्जनसभावो च विज्जायति, पाळियं पन “थायं अधिसीलसिक्खा, अयं इमस्मिं अत्थे अधिप्पेता सिक्खा”ति वुत्तता लोकियापि अधिचित्ताधिपञ्जा अनधिप्पेताति विज्जायति। तस्मा पाळियं अट्ठकथायञ्च एवमधिप्पायो वेदितव्वो — “मेथुनं धम्मं पटिसेविस्सामी”ति चित्ते उपपन्नमते लोकियं अधिचित्तं अधिपञ्जा च परिहायति, अधिसीलं पन चित्तुप्पादमत्तेन न परिहायतीति पाळियं अधिसीलसिक्खाव वुत्ता। अट्ठकथायं पन पटिलङ्गलोक्तरमग्गस्स भिक्खुनो “मेथुनं पटिसेविस्सामी”ति चित्तमि न उपज्जति सब्वसो अकुपधम्मता, पुत्थुज्जनानं समापत्तिलाभीनमि केनचि कारणेन उपज्जति कुप्पधम्मताति इमं विसेसं दस्सेतुं “न हि तंसमापन्नो”ति लोक्तराव पटिक्खित्ताति वेदितव्वं।

अत्थि दिन्नन्ति एत्थ दिन्नन्ति दानचेतना अधिप्पेता, तस्स दिन्नस्स फलं अत्थीति अत्थो। एस नयो अत्थि यिदुन्ति एत्थापि। आदि-सद्देन हुतादीनं सङ्गहो। तत्थ यिदुन्ति महायागो सब्वसाधारणं महादानमेव। हुतन्ति पहोनकसक्कारो, अत्तनो वा होतु, परेसं वा दस अकुसलकम्मपथा, सब्बेपि वा अकुसला धम्मा अनत्थुप्पादनतो न सकं कम्मं नाम, तब्बिपरीता कुसला धम्मा सकं नाम, तदुभयमि वा कुसलाकुसलं कम्मस्सकोम्हीतिआदिवचनतो सति संसारण्ववत्तियं अधिमुत्तन्धेनन सत्तानं सकन्ति एवं कम्मस्सकताय सकभावे अत्तनो सन्तकताय उपज्जनकजाणं कम्मस्सकतज्जाणं, उपलक्खणमतञ्चेत्तं। सासननिस्सिता पन सब्बापि वट्ठुगामिनिकुसलपञ्जा कम्मस्सकतज्जाणे पविट्ठा। सासननिस्सिता हि विवट्ठुगामिनी सब्बापि पञ्जा “सच्चानुलोमिकजाण”न्ति वुच्चाति। सा एव च अधिपञ्जा तदवसेसं सब्वं कम्मस्सकतज्जाणन्ति वेदितव्वं, तेनैव भगवा “कम्मस्सकतज्जाणं सच्चानुलोमिकजाणं मग्गसमङ्गिस्स जाणं फलसमङ्गिस्स जाणं”न्ति सब्वमि जाणचतुक्केयेव सङ्गहेसि। तिलक्खणाकारपरिच्छेदकं पन विपस्सनाज्जाणन्ति इदं पन मग्गस्स आसन्नपच्चयताय उक्कट्टवसेन वुत्तं। तदितरासज्जि रतनत्तयानुस्सरणादिपञ्जानमि मग्गहेतुताय अधिपञ्जता समानावाति गहेतव्वं।

साजीवपदभाजनीयवण्णनानयो निट्ठितो।

#### पच्चक्खानविभङ्गवण्णना

दुब्बल्ये आविकतेति यन्नूनाहं बुद्धं पच्चक्खेय्यन्तिआदिना दुब्बलभावे पकासिते। मुखारुळ्हेताति लोकजनानं सत्तडातिआदीसु मुखारुळ्हेजायेनाति अधिप्पायो। दित्ततरित्तन्ति (पाचि० ५२) एत्थ

यथा अन्तरन्तरा सहसेव्यावसेन तिरत्तं अगहेत्वा निरन्तरमेव तिरत्तो रतियो अनुपसम्पन्नेन सङ्घि सहसेव्याय अरुण्डापनवसेन तिरत्तगहणत्थं “दिरत्ततिरत्त”न्ति अब्यवधानेन वुत्तन्ति दिरत्तगहणस्स पयोजनमिि सक्का गहेत्तुं, एवमिधापि दुब्बल्यं अनाविकत्वाति इमस्सापि गहणस्स पयोजनमत्थेवाति दस्सेत्तुं यस्सा वा सिक्खापच्चक्खानस्सातिआदि वुत्तं।

इदानीं दुब्बल्यं अनाविकत्वाति इमस्स पुरिमपदस्सेव विवरणभावं विनापि विसुं अत्यसम्भावं दस्सेत्तुं अपिचातिआदि वुत्तं। विसेसाविसेसन्ति एत्थ येन वाक्येन दुब्बल्याविकम्ममेव होति, न सिक्खापच्चक्खानं, तत्थ सिक्खापच्चक्खानदुब्बल्याविकम्मानं अज्जमज्जं विसेसो होति। येन पन वचनेन तदुभयमिि होति, तत्थ नेवत्थि विसेसो अविसेसोपि, तं विसेसाविसेसं। “कठ किच्छजीवने”ति धातूसु पठितत्ता वुत्तं “किच्छजीविकप्पतो”ति। उक्कण्ठनज्झि उक्कण्ठा, तं इतो गतोति उक्कण्ठितो, किच्छजीविकं पत्तोति अत्थो। उद्धं गतो कण्ठो एतस्साति उक्कण्ठा, अनभिरतिया वजे निरुद्धगोगणो विय गमनमगं गवेसन्तो पुगलो उक्कण्ठो होति, तं उक्कण्ठं। अनभिरति इतोतिपि उक्कण्ठितोति अत्थं दस्सेन्तो आह — “उद्धं कण्ठं कत्वा विहरमानो”ति। सा च उक्कण्ठता विक्खेपेनेवाति विक्खित्तोतिआदि वुत्तं।

समणभावतोति उपसम्पदतो। भावविकप्पाकारेनाति भिक्खुभावतो चवित्वा यं यं गिहिआदिभावं पत्तुकामो “अहं अस्स”न्ति अत्तनो भवं विक्कपेति, तेन तेन गिहिआदिआकारेन, अत्तनो भवनस्स विक्कपनाकारेनाति अधिप्पायो।

४६. पाळियं यदि पनाहन्ति अहं यदि बुद्धं पच्चक्खेय्यं, साधु वतस्साति अत्थो। अपाहं, हन्दाहन्ति एत्थापि वुत्तनयेनेव अत्थो गहेतब्बो। “होति मे बुद्धं पच्चक्खेय्य”न्ति मम चित्तं उपपज्जतीति वदति।

५०. न रमामीति पब्बज्जाय दुक्खवहुलताय सुखाभावं दस्सेति। नाभिररमामीति पब्बज्जाय विज्जमानेपि अनवज्जसुखे अत्तनो अभिरतिअभावं दस्सेति।

५१. तेनेव वचीभेदेनाति वचीभेदं कत्वापि अज्जेन कायप्पयोगेन विज्जापनं निवर्त्तति। अयं सासनं जहितुकामोतिआदिना भासाकोसल्लाभावेन सब्बसो पदत्थावबोधाभावेपि “अयं अत्तनो पब्बजितभावं जहितुकामो इमं वाक्यभेदं करोती”ति एत्तकं अधिप्पेतत्थमत्तं चेपि सो ताव जानाति, पच्चक्खानमेव होतीति दस्सेति। तेनाह “एत्तकमत्तमि जानाती”ति। पदपच्छाभट्टन्ति पदपरावर्त्ति, मागधभासतो अवसिद्धा सब्बापि भासा “मिलक्खभासा”ति वेदितब्बा। खेतमेव ओतिण्णन्ति सिक्खापच्चक्खानस्स रुहनट्टानभूतं खेतमेव ओतिण्णं।

दूतन्ति मुखसासनं। सासनन्ति पण्णसासनं, भित्तिथम्भादीसु अक्खरं वा छिन्दित्वा दस्सेति। पच्चक्खातुकामताचित्ते धरन्तेयेव वचीभेदसमुपत्तिं सन्धाय “चित्तसम्पयुत्त”न्ति वुत्तं, चित्तसमुट्टानन्ति अत्थो। नियमितानियमितवसेन विज्ञानभेदं दस्सेत्तुमाह यदि अयमेव जानातूतिआदि। अयञ्च विभागो वदति विज्जापेतीति एत्थ यस्स वदति, तस्सेव विज्ञानं अधिप्पेतन्ति इमिना वुत्तनयेन लद्धोति दट्ठब्बं, न हेत्थ एकस्स वदति अज्जस्स विज्जापेतीति अयमत्थो सम्भवति। “तेसु एकस्मिं जानन्तेपी”ति वुत्तत्ता “द्वेयेव जानन्तु एको मा जानातू”ति एवं द्विन्मिि जाननं नियमेत्वा आरोचितेपि तेसु एकस्मिि जानन्ते पच्चक्खानं होतियेवाति गहेतब्बं। परिसङ्गमानोति “वारेस्सन्ती”ति आसङ्गमानो। समयज्जूति सासनसङ्केतज्जू, इध पन अधिप्पायमतजाननेनापि समयज्जू नाम होति, तेनाह उक्कण्ठितोतिआदि। तस्मा बुद्धं पच्चक्खामीतिआदिखेत्तपदानं सब्बसो अत्थं जत्वापि सचे “भिक्खुभावतो चवित्तुकामताय एस वदती”ति अधिप्पायं न जानाति, अप्पच्चक्खाताव होति सिक्खा। अत्थं पन अजानित्वापि “उक्कण्ठितो वदती”ति तं जानाति, पच्चक्खाताव होति सिक्खा। सोतविज्जानवीथिया सहमतगहणमेव, अत्थगहणं पन मनोविज्जानवीथिपरम्परायाति आह तद्धणज्जेवातिआदि।

५३. वण्णपट्टानन्ति सत्थुगुणवण्णप्पाकासकं पकरणं। उपातिगाथासूति उपातिसुत्ते उपातिगहपतिना धीरस्स विगतमोहस्सातिआदिना वुत्तगाथासु। यथारुतन्ति पाळियं वुत्तमेवाति अत्थो। अनन्तबुद्धीतिआदीनि वण्णपट्टाने आगतनामानि। धीरन्तिआदीनि (म० नि० २.७६) पन उपातिगाथासु। तत्थ बोधिं वुच्चाति सब्बजुत्तज्जाणं, सा जाननहेत्तुत्ता पज्जाणं एतस्साति बोधिपज्जाणो। स्वाक्खातं धम्मन्तिआदीसु धम्म-सहो स्वाक्खातादिपदानं धम्मवेवचनभावं दस्सेत्तुं वुत्तो। तस्मा स्वाक्खातं पच्चक्खामीतिआदिना वुत्तेयेव वेवचनेन पच्चक्खानं नाम होति। धम्म-सहेन सह योजेत्वा वुत्ते पन यथारुतवसेन पच्चक्खानन्ति वेदितब्बं। सुप्पटिपन्नं सङ्गन्तिआदीसुपि एसेव नयो। कुसलं धम्मन्तिआदीनिपि कुसला धम्मा अकुसला धम्मातिआदिधम्ममेव (ध० स० तिकमातिका १) सन्धाय वुत्तनामानि, इतरथा अकुसलधम्मपच्चक्खाने दोसाभावप्पसङ्गतोति, तेनाह चतुरासीतिधम्मक्खन्थसहस्सेसूतिआदि। पठमपाराजिकन्तिआदिना सिक्खापदानयेव गहणं वेदितब्बं, न आपत्तीनं।

यस्स मूलेनाति यस्स सन्तिके। आचरियवेवचनेसु यो उपज्झं अदत्त्वा आचरियोव हुत्वा पब्बाजेसि, तं सन्धाय “यो मं पब्बाजेसी”ति वुत्तं। तस्स मूलेनाति तस्स सन्तिके। ओक्कल्लकोति खुप्पिपासादिदुक्खातुरानं किसलूखसरीरवेसानं गहट्टमनुस्सानं अधिवचनं। मोळिबद्धोति बड्ढकेसकलापो गहट्टो। कुमारकोति कुमारवत्थो अतिविय दहरो सामणेरो। चेल्लकोति ततो किञ्चि महन्तो। चेटकोति मज्झिमो। मोळिगल्लोति महासामणेरो। सप्पण्हेसोति अविसेसतो सामणेराधिवचनं। असुचिसङ्गस्सरसमाचारोति असुचि हुत्वा “मया कतं परे जानन्ति नु खो, न नु खो”ति अत्तना, “असुकेन नु खो इदं कतं”न्ति परेहि च सङ्गाय सरितब्बेन अनुस्सरितब्बेन समाचारेन युत्तो। सज्जातरागादिकचवरता कसम्बुजातो। कोण्ठोति दुस्सीलाधिवचनमेतं।

५४. तिहेत्तुकपटिसन्धिकेति अतिखिण्णं जाननसमत्थे सन्धाय वुत्तं, न दुहेत्तुकानं तत्थ असम्भवतो। सभागस्साति पुरिसस्स। विसभागस्साति मातुगामस्स। पोत्थकरूपसदिसस्साति मत्तिकादीहि कतरूपसदिसस्स। गरुमधस्साति आरम्माणसु लहुप्पवत्तिया अभावतो दन्धगतिकताय गरुपज्जस्स, मन्दपज्जस्साति वुत्तं होति।

इदनेत्थ सिक्खापच्चक्खानवारस्स पाळियं अट्टकथायञ्च वुत्तनयानं सम्पिण्डनत्थवसेन एवं विनिच्छयो वेदितब्बो — तत्थ हि सामज्जा चवित्तुकामोतिआदीहि पदेहि चित्तनियमं दस्सेति। बुद्धन्तिआदीहि पदेहि खेतनियमं, पच्चक्खामि धारेतीति एतेन कालनियमं, वदतीति इमिना पयोगनियमं, अलं मे बुद्धेन, किं नु मे, न ममत्थो, समुत्ताहन्तिआदीहि अनामट्टकालवसेनेपि पच्चक्खानं होतीति दस्सेति, विज्जापेतीति इमिना विज्ञाननियमं, उम्मतको सिक्खं पच्चक्खाति उम्मतकस्स सन्तिकेतिआदीहि पुगलनियमं, सो च नप्पटिविज्ञानातीतिआदीहि विज्ञाननियमाभावेन पच्चक्खानाभावं दस्सेति, दवायातिआदीहि चित्तनियमाभावेन, सावेत्तुकामो न सावेतीति इमिना पयोगनियमाभावेन, अविज्जुस्स सावेति विज्जुस्स न सावेतीति एतेहि यं पुगलं उद्दिस्स सावेति, तस्सेव सबने सीसं एति, नाज्जस्साति। सब्बसो वा पन न सावेति अप्पच्चक्खाता होति सिक्खाति इदं पन चित्तादिनियमेनेव सिक्खापच्चक्खानं होति, न अज्जथाति दस्सनत्थं वुत्तं। तस्मा चित्तखेत्तकालपयोगपुगलविज्ञानवसेन सिक्खाय पच्चक्खानं जत्वा तदभावेन अप्पच्चक्खानं वेदितब्बं।

कथं? उपसम्पन्नभावतो चवित्तुकामताचित्तेनेव हि सिक्खापच्चक्खानं होति, न दवा वा रवा वा भणन्तस्स। एवं चित्तवसेन सिक्खापच्चक्खानं होति, न तदभावेन। तथा बुद्धं पच्चक्खामीतिआदिना वुत्तानं बुद्धादीनं सब्रह्मचारिपरियोसानानं चतुहसन्नञ्चेव गिहीति मं धारेहीतिआदिना वुत्तानं गिहिआदीनं असक्यपुत्तियपरियोसानानं अट्टन्नज्जाति इमेसं द्वावीसत्तिया खेतपदानं यस्स कस्सचि सवेवचनस्स वसेन तेसु यं किञ्चि वत्तुकामस्स यं किञ्चि वदतोपि सिक्खापच्चक्खानं होति। एवं खेतवसेन सिक्खापच्चक्खानं होति, न तदभावेन। तत्थ यदेतं “पच्चक्खामीति च मं धारेहीति चा”ति वुत्तं वत्तमानकालवचनं, यानि च “अलं मे बुद्धेन, किं नु मे बुद्धेन, न ममत्थो बुद्धेन, समुत्ताहं बुद्धेना”तिआदिना नयेन आख्यातवसेन कालं अनामसित्वा पुरिमेहि चुहसहि पदेहि सङ्घि योजेत्वा वुत्तानि अलं मेतिआदीनि चत्तारि पदानि, तेसंयेव च सवेवचनानं वसेन पच्चक्खानं होति, न पन “पच्चक्खामि”न्ति वा, “पच्चक्खिस्स”न्ति वा, “मं धारेसी”ति वा, “मं धारेस्ससी”ति वा, “यंनून पच्चक्खेय्य”न्ति वातिआदीनि अतीतानागतपरिकप्पवचनानि भणन्तस्स। एवं वत्तमानकालवसेन च वत्तमानकालवसेन च पच्चक्खानं होति, न तदभावेन। पयोगो पन दुविधो कायिको वाचसिको, तत्थ बुद्धं पच्चक्खामीतिआदिना नयेन याय कायचि भासाय वचीभेदं कत्वा वाचसिकपयोगेनेव पच्चक्खानं होति, न अक्खरलिखनं वा हत्थमुद्दादिदस्सनं वा कायपयोगं करोन्तस्स। एवं वाचसिकपयोगेनेव पच्चक्खानं होति, न तदभावेन।

पुगलो पन दुविधो यो च पच्चक्खाति, यस्स च पच्चक्खाति, तत्थ यो पच्चक्खाति, सो सचे उम्मतकखित्तचित्तवेदनट्टानं अज्जतरो न होति, यस्स पन पच्चक्खाति, सो सचे मनुस्सजातिको होति, न च उम्मतकादीनं अज्जतरो सम्मुखीभूतो च, सिक्खापच्चक्खानं होति। न हि असम्मुखीभूतस्स दूतेन वा पण्णेन वा आरोचनं रहति। एवं यथावुत्तपुगलवसेन पच्चक्खानं होति, न तदभावेन। विज्ञाननमिि नियमितानियमितवसेन दुविधं। तत्थ यस्स येसं वा नियमेत्वा इमस्स इमेसं वा आरोचेमीति वदति, सचे ते यथा पकतिया लोके मनुस्सा वचनं सुत्वा आवज्जनसमये जानन्ति, एवं तस्स वचनानन्तरमेव “अयं उक्कण्ठितो”ति वा, “गिहिभावं पत्थयती”ति वा येन केनचि आकारेन मनुस्सजातिको वचनत्थं जानाति, पच्चक्खाताव होति सिक्खा। अथ अपरभागे “किं इमिना वुत्त”न्ति चित्तेत्वा जानन्ति,

अञ्जे वा जानन्ति, अप्यच्चकखाताव ह्येति । अनियमेत्वा आरोचेन्तस्स पन सचे वुत्तनयेन यो कोचि मनुस्सजातिको वचनत्थं जानाति, पच्चकखाता ह्येति सिक्खा, एवं जाननवसेन पच्चकखानं ह्येति, न तदभावेन । इति इमेसं वुत्तपकारानं चित्तादीनं वसेनेव सिक्खापच्चकखानं ह्येति, न अञ्जथाति दट्ठब्बं ।

सिक्खापच्चकखानवण्णनानयो निट्ठितो ।

#### मूलपञ्चत्तिवण्णना

५५. इतो पट्ठायाति दुट्ठल्लपदतो पट्ठाया । मेथुनधम्मो यथा सरूपेनेव दुट्ठल्लं, एवं दस्सनादिदुट्ठल्लधम्मपरिवारतापि दुट्ठल्लान्ति दस्सेतुं यस्माति आदि वुत्तं । अवस्सुतानन्ति मेथुनरागेन तित्तानं । परियुट्ठितानन्ति मेथुनरागेन अभिभूतचित्तानं । मेथुन-सहस्स सदिससहपअयायत्ता वुत्तं “सदिसान”न्ति, रत्तादीहि सदिसानन्ति अत्थो । इदञ्च येभुत्थतो वुत्तं उभोसु अञ्जतरस्स रागाभावोपे इतरस्स मेथुनसेवनसंसिद्धितो । मेथुन-सहो वा उभयसहपअयायो, मेथुनं युगळं यमकं उभयन्ति हि अत्थतो एकं, तेनाह “उभिनं रत्तान”न्ति । “द्वयं द्वयसमापत्ती”ति हि पाळियम्पि वुत्तं । निमित्तेनाति भूमत्थे करणवचनं, इत्थिनिमित्तं अत्तनो निमित्तं पवेसेतीति अत्थो । निमित्तं अङ्गजातन्ति अत्थतो एकं । तिलफलन्ति सासपमतं तिलबीजं अधिपेतं, न कोससहितं फलन्ति आह “तिलबीजमत्तम्पी”ति । अल्लोकासेति सभावेन पिहितस्स निमित्तस्स पकतिवातेन असम्फुट्टे तित्तपदेसे । तादिसो पदेसो सचेपि केनचि वातादिविकारेन सुक्खति, तथापि अनल्लोकासाति उपक्कमतो पाराजिकमेव ।

वेमज्झन्ति यथा चत्तारि परस्सानि अफुसन्तो पवेसेति, एवं कतविवरस्स इत्थिनिमित्तस्स अब्भन्तरतलं वुच्चति । पुरिसनिमित्तं पन मज्झन्ति अगगकोटिं सन्धाय वदति । उपरीति मज्झिमपब्बेन समिज्जित्वा पवेसियमानस्स अङ्गजातस्स समिज्जितङ्गुलिया मज्झिमपब्बपिट्ठिसदिस अगगकोटियेव । हेट्ठा पवेसेन्तोति इत्थिनिमित्तस्स हेट्ठाभागेन छुपियमानं पवेसेन्तो, यथा इत्थिनिमित्तस्स अल्लोकासं हेट्ठिमत्तलं तिलबीजमत्तम्पि अत्तनो निमित्तं छुपति, एवं पवेसेन्तोति अत्थो । छुपमेव हेत्थ पवेसनं, एवं सेसेसुपि । मज्झेन पवेसेन्तोति अब्भन्तरतलेन छुपियमानं पवेसेन्तो, यथा अब्भन्तरतलं छुपति, एवं पवेसेन्तोति अत्थो । कत्थचि अच्चुपन्तं पवेसेत्वा आकासगतमेव नीहरन्तस्स नत्थि पाराजिकं, दुक्कटं पन ह्येति छिन्नीसीसवत्थुस्मिं (पारा० ७३) विय । मज्जेनेव छुपन्तं पवेसेन्तोति अगगकोटिया छुपन्तं पवेसेन्तो । मज्झिमपब्बपिट्ठिया सङ्कोचेत्वाति निमित्तं अत्तनो मज्झिमपब्बपिट्ठिया समिज्जित्वा उपरिभागेन छुपन्तं पवेसेन्तोपि । किं विय? समिज्जितङ्गुलि वियाति योजना । अथ वा मज्झिमपब्बपिट्ठिया समिज्जितङ्गुलि वियाति सम्बन्धो, समिज्जितङ्गुलि वा मज्झिमपब्बपिट्ठिया पवेसेन्तो वियातिपि योजेतब्बं । उपरिभागेनाति सङ्कोचितस्स निमित्तस्स उपरिकोटिया ।

इदानीं पुरिसनिमित्तस्स हेट्ठा वुत्तेसु छसु “उपरी”ति वुत्तस्स छट्ठस्स ठानस्स वसेन विसुं चत्तारि परस्सानि गहेत्वा पुरिसनिमित्तं दसड्डानभेदं दस्सेन्तो तत्थाति आदिमाह । हेट्ठा पन अगहितगहणवसेन छ ठानानि वुत्तानि । तुलादण्डसदिसं पवेसेन्तस्सापीति असमिज्जित्वा उजुक्कं पवेसेन्तस्स । चम्मखीलान्ति एलकादीनं गीवाय विय निमित्तं जातं चम्मङ्कुरं, “उण्णिगण्डो”तिपि वदन्ति । “उपहतकायप्पसाद”न्ति अवत्ता नट्टकायप्पसादन्ति वचनेन उपादिन्नभावे सति केनचि पच्चयेन उपहतेपि कायप्पसादे उपहतिन्द्रियवत्थुस्मिं (पारा० ७३) विय पाराजिकमेवाति दस्सेति । इत्थिनिमित्तस्स पन नट्टेपि उपादिन्नभावे सति मतसरारे विय पाराजिककखेत्तता न विजहतीति वेदितब्बा । मेथुनस्सादेनाति इदं कायसंसगगारागे सति सङ्गादिसेसो होतीति वुत्तं । बीजानीति अण्डानि ।

मुखं अपिधायाति पमादेन समुप्पन्तम्पि हासं बीजनिया पटिच्छादनम्पि अकत्वा निसीदनं अगारवन्ति वुत्तं । अथ वा अपिधायाति पिदहत्वा, बीजनिया मुखं पटिच्छादेत्वा हसमानेन न निसीदितब्बन्ति अत्थो । दन्तविदंसकन्ति दन्ते दस्सेत्वा । गम्भितेनाति “अयुत्तकथा”ति सङ्कोचं अनापज्जन्तेन, निरवसेसाधिप्पायकथने सज्जातुस्साहेनाति अत्थो ।

#### अनुपञ्चत्तिवण्णना

पाराजिकवत्थुभूताति येसं तीसु मग्गेसु तिलबीजमत्तम्पि निमित्तस्स पवेसोकासो ह्येति, ते इत्थिपुरिसादिभेदा सब्बे सङ्गहन्ति, न इतरे । इध पन तिरच्छानगतायाति-पाळिपदानुरूपतो न सब्बाति आदिना इत्थिलिङ्गवसेन वुत्तं । गोनसाति सप्पविसेसा, येसं पिट्ठीसु महन्तमहन्तानि मण्डलानि होन्ति । कच्छपमण्डूकानं चतुप्पदत्तेपि ओदकतासामञ्जेन अपदेहि सह गहणं । मुखसण्ठानन्ति ओट्टुचम्मसण्ठानं । वणसङ्केपन्ति वणसङ्गहं । वणे थुल्लच्चयञ्च “अमग्गेन अमग्गं पवेसेति, आपत्ति थुल्लच्चयस्सा”ति (पारा० ६६) इमस्स सुत्तस्स वसेन वेदितब्बं । मड्डुसाति नकुला । एतमेव हि अत्थन्ति यो नं अज्झापज्जति, तं पाराजेतीति इममत्थं वुत्तानयेव पाराजिकादिसद्धानं निब्बचनप्पसङ्गे इमिस्सा परिवारागाथाय पवत्तता । भट्ठोति सासनतो परिहीनो । निरङ्कतोति निराकतो । एतन्ति आपत्तिरूपं पाराजिकं । छिन्नीति अन्तराखण्डितो ।

पकतत्तेहि भिक्खूहीति एत्थ पकतत्ता नाम पाराजिकं अनापन्ना अनुक्खिता च । केचि पन “पकतत्तेहि भिक्खूहि एकतो कत्तब्बत्ताति अट्टकथायं वुत्तता पकतत्तभूतेहि अलज्जीहिपि सदिं उपोसथादिसङ्गकम्मकरणे दोसो नत्थी”ति वदन्ति, तं न युत्तं, इमिना वचनेन तस्स अत्थस्स असिज्जनतो । यदि हि सङ्गकम्मं करीयाति, पकतत्तेहं करीयाति, न अपकतत्तेहीति एवं अपकतत्तेहि सहसंवासपटिक्खेपपरं इदं वचनं, न पन पकतत्तेहि सब्बेहि अलज्जीआदीहि एकतो सङ्गकम्मं कत्तब्बमेवाति । एवं संवासविधानपरं पकतत्तेसुपि सभागापत्तिं आपन्नेहि अञ्जमज्जञ्च अलज्जीहि च सदिं एकतो कम्मकरणस्स पटिक्खित्ता । वुत्तज्जि “सचे सब्बो सङ्गो सभागापत्तिया सति वुत्तविधिं अकत्वा उपोसथं करोति, वुत्तनयेनेव सब्बो सङ्गो आपत्तिं आपज्जती”ति आदि (कङ्गा० अट्ठ० निदानवण्णना) । “यत्थ आमिसपरिभोगो वट्ठती, धम्मपरिभोगोपि तत्थ वट्ठती”ति अलज्जीहि सह परिभोगो च अट्टकथायं पटिक्खित्तो एकतो कम्मकरणस्सापि धम्मपरिभोगता । तस्मा यथा हि पाळियं पाराजिकापत्तिं आपज्जनकपुग्गलनियमत्थं व्यायं जत्तिचतुत्थेन कम्मे...पे०... उपसम्पन्तो, अयं इमस्मिं अत्थे अधिपेतो भिक्खूति इमस्मिं वचने सब्बेपि जत्तिचतुत्थकम्मेन उपसम्पन्ना पाराजिकापज्जनकपुग्गलायेवाति नियमो न सिज्जति पाराजिकानापज्जनकानम्पि सेक्खादीनं सम्भवा, अथ खो जत्तिचतुत्थकम्मेन उपसम्पन्नेसुयेव पाराजिकापत्तिं आपज्जनका अलज्जी बालपुयुज्जना लब्भन्ति, न पन एहिभिक्खुआदीसूति एवं नियमो सिज्जति, एवमिधापि पकतत्तेसुयेव एकतो कम्मकरणाराहा अनापत्तिका लज्जी कुक्कुच्चका सिक्खाकामा उपलब्भन्ति, न अपकतत्तेसूति एवमेव नियमो सिज्जति अपकतत्तानं गणपूणत्ताभावेन असंवासिकतनियमतो । अलज्जिनो पन गणपूरका हुत्वा कम्मस्स साधनतो असंवासिकेसु न गहिता कत्तब्बविधिं अकत्वा तेहि सह महित्वा कम्मं करोन्तानं आपत्तिं अलज्जिता च न विगच्छतीति वेदितब्बं । “एको अलज्जी अलज्जीसतम्पि करोती”ति (पारा० अट्ठ० २.५८५) हि वुत्तं, तेनेव वक्खति “सब्बेपि लज्जिनो एतेसु कम्मादीसु सह वसन्ती”ति आदि । अयञ्चत्थो उपरि वित्थारतो आवि भविससति ।

तथाति सीमापरिच्छिन्नेहीति आदि परामसति । एकतो वन्दनभुज्जनगामप्यवेसनवत्तापटिवत्तकरणउगहपरिपुच्छासज्जायकरणादिसामगिकिरियावसेन भगवता पञ्चत्तसिक्खापदसिक्खनं समसिक्खता नाम, तच्च लज्जीहेव समं सिक्खितब्बं, न अलज्जीहीति दस्सेतुं “पञ्चत्तं पन...पे०... समसिक्खता नामा”ति वुत्तं । तत्थ अनतिकमनवसेन उगहपरिपुच्छादिवसेन च लज्जीपुग्गलेहि समं एकतो सिक्खितब्बा समसिक्खाति सिक्खापदानि वुत्तानि, तासं समसिक्खनं यथावुत्तनयेन लज्जीहि सिक्खितत्त्वभावो समसिक्खता नामाति अधिप्पायो । यथावुत्तेसु एककम्मादीसु अलज्जिनं लज्जधम्मो अनावकन्ते लज्जीहि सह संवासो नत्थि, ततो बहिदेव ते सन्दिस्सन्तीति आह सब्बेपि लज्जिनोति आदि ।

५६. यं तं वुत्तन्ति सम्बन्धो । वत्थुमेव न होतीति सुवण्णादीहि कतइत्थिरूपानं अङ्गजातेसुपि निमित्तवोहारदस्सनतो तत्थ पाराजिकासङ्गानिवत्तनत्थं वुत्तं । तेनेव विनीतवत्थूसु लेपचित्तादिवत्थूसु सज्जातकुक्कुच्चस्स पाराजिकेन अनापत्ति वुत्ता ।

#### पठमचतुक्कवण्णना

५७. अस्साति आख्यातपदन्ति तस्स अत्थं दस्सेन्तो “होती”ति आह, भवेय्याति अत्थो, होतीति वुत्तं होति । दितिये अत्थविकप्पे “होती”ति इदं वचनसेसो ।

५८. सादियन्तस्सेवाति एत्थ सादियनं नाम सेवेतुकामताचित्तस्स उप्पादनमेवाति आह “पटिसेवनचित्तसमङ्गिस्सा”ति । पटिपक्खन्ति अनिट्ठं अहितं । “भिक्खून् पच्चत्थिका भिक्खुपच्चत्थिका”ति वुत्ते उपरि वुच्चमाना राजपच्चत्थिकादयोपि इधेव पविसन्तीति तं निवत्तनत्थं भिक्खू एव पच्चत्थिकाति राजपच्चत्थिकानुरूपेन अत्थो दस्सितो । तस्मिं खण्णेति पवेसनखण्णे । अगगतो हि याव मूला पवेसनकिरियाय वत्तमानकालो पवेसनखण्णो नाम । पविट्टुकालेति अङ्गजातस्स यत्तकं ठानं पवेसनारहं, तत्तकं अनवसेसतो पविट्टुकाले, पवेसनकिरियाय निट्ठितखण्णेति अत्थो । एवं

पविट्टस्स उद्धरणारम्भतो अन्तरा ठितकाले ठितं अङ्गजातं, तस्स ठिति वा ठितं नाम, **अटुकथायं** पन मातुगामस्स सुक्कविस्सट्ठिं पत्वा सब्बथा वायामतो ओरमित्वा ठितकालं सन्धाय “सुक्कविस्सट्ठिसमये”ति वुत्तं, तदुभयमि ठितमेवाति गहेतब्बं। **उद्धरणं** नाम याव अग्गा नीहरणकिरियाय वत्तमानकालोति आह “नीहरणकाले पटिसेवनचित्तं उपट्टापेती”ति।

एत्थ च यस्मा परेहि उपक्कमियमानस्स अङ्गजातादिकायचलनस्स विज्जमानता सेवनचित्ते उपट्ठितमते तस्मिं खणे चित्तजरूपेन सज्जायमानं अङ्गजातादिचलनं इमिना सेवनचित्तेन उपादितमेव होति। अपिच सेवनचित्ते उपपन्ने परेहि अनुपक्कमियमानस्सापि अङ्गजाते चलनं होतेव, तज्ज तेन कतं नाम होति, तस्मा कार्यचित्ततो समुट्ठितं पाराजिकार्पत्तिं सो आपज्जतिवेव **उब्भजाणुमण्डलिका** (पाचि० ६५७-६५८) विय। तथापि हि “अधक्खकं उब्भजाणुमण्डलं आमसनं वा...पे... पटिपीळनं वा सादियेय्या”ति (पाचि० ६५७) सादियनमत्तेयेव आपत्ति वुत्ता, भिक्खुनो कायसंसग्गे पन “कायसंसग्गं समापज्जेय्या”ति (पारा० २७०) अत्तनो उपक्कमस्स आपत्तिनिमित्तभावेन वुत्तता इत्थिया फुसियमानस्स कायसंसगारागे च इत्थिया सज्जनितकायचलने च विज्जमानोपि अत्तनो पयोगाभावेन अनापत्तिवेव वुत्ताति गहेतब्बं। केचि पन “पठमसङ्गादिसेविसयेपि परेहि बलक्कारेन हत्थादीहि उपक्कमियमानस्स मोचनस्सादो च उपपज्जति, तेन च असुचिन्दि मुत्ते सङ्गादिसेसो, अमुत्ते थुल्लच्चयं एवा”ति वदन्ति। **अङ्गारकासुन्ति** अङ्गाररासिं, अङ्गारपुण्णावाटं वा। इत्थिया उपक्कमियमाने असादियनं नाम न सब्बसं विसयोति आह **इमज्जी**तिआदि। **एकादसहि** **अग्गीही**ति रागदोसमोहजातिजरा मरणसोक्कपरिदेवदुक्खदोमनस्सुपायासङ्गातेहि एकादसग्गीहि। **अस्साति** असादियन्तस्स। **चतुक्कं नीहरित्वा ठपेसीति** एत्थ एकपुगलविसयताय एकोपि अनापत्तिवारो पवेसनपविट्ठितउद्धरणसङ्गातातानं चतुत्तं पदानं वसेन “चतुक्क”न्ति वुत्तो। **पठमचतुक्ककथाति** एत्थ पन अनापत्तिवारेन सङ्घि पञ्चन्नं वारानं वुत्तनयेन “पञ्च चतुक्का”ति वत्तब्बेपि एकमगगविसयताय तेसं एकत्तं आरोपेत्वा पठमचतुक्कता वुत्ता। तेनेव वक्खति **तिण्णं मगगानं वसेन तीणि सुद्धिकचतुक्कानी**तिआदि।

### एकूनसत्ततिद्विसत्तचतुक्ककथावण्णना

**५९-६०. मत्तन्ति** सुरादीहि मत्तं। अक्खायितनिमित्ता इध उत्तरपदलोपेन अक्खायितसद्देन वुत्ताति आह “अक्खायितनिमित्त”न्ति। **जागरन्ति**तिआदि विसेसनरहितता “सुद्धिकचतुक्कानी”ति वुत्तं। **समानाचरियकाथेराति** एकाचरियस्स उद्देसन्तेवासिका। गङ्गाय अपरभागे **अपरगङ्गा**। **वतरेति** गरहत्थे निपातो। **एवं विनयगरुकानन्ति** इमिना उपरि उपतिस्सत्थरेन वुच्चमानविनिच्छयस्स गरुकरणीयताय कारणं वुत्तं। **सब्बं परियादियित्वाति** सब्बं पाराजिकखेत्तं अनवसेसतो गहेत्वा। यदि हि सावसेसं कत्वा पञ्चपेय्य, अलज्जीनं तत्थ लेसेन अज्जाचारसोतो पवत्ततीति आह “सोतं छिन्दित्वा”ति। सहसेय्यादिपण्णत्तिवज्जसिक्खापदेसुवेय (पाचि० ४९-५१) सावसेसं कत्वापि पञ्चापनं सम्भवति, न लोकवज्जेसूति आह **इदज्जी**तिआदि। **सहसेय्यसिक्खापदे** हि (पाचि० ४९ आदयो) किञ्चापि येभ्युच्छन्ने येभ्युपरिच्छन्ने हेट्ठिमपरिच्छेदतो पाचित्तिं दस्सितं, उपट्टच्छन्ने उपट्टपरिच्छन्ने दुक्कटं, तथापि सावसेसता पञ्जतिया येभ्युच्छन्नुपट्टपरिच्छन्नादीसुपि **अटुकथायं** पाचित्तियमेव दस्सितं। इध पन निरवसेसता पञ्जतिया भगवता दस्सितं येभ्युत्थेन अक्खायितनिमित्ततो हेट्ठा पाराजिकखेत्तं नत्थि, थुल्लच्चयादिमेव तत्थ लम्भति।

उपतिस्सत्थरेन वुत्तस्सेव विनिच्छयस्स अज्जमि उपत्थम्भकारणं दस्सेन्तो **अपिचाति**तिआदिमाह। निमित्ते अपमत्तिकापि मंसराजि सचे अवसिद्धा होति, तं येभ्युक्खायितमेव होति, ततो परं पन सब्बसो खायिते निमित्ते दुक्कटमेवाति दस्सेन्तो आह “ततो परं थुल्लच्चयं नत्थी”ति। केचि पनेत्थ वच्चमग्गादि चत्तारो कोट्टासे कत्वा “तेसु द्वे कोट्टासे अतिक्कम्म याव ततियकोट्टासस्स परियोसना खायितं येभ्युक्खायितं नाम, ततो परं थुल्लच्चयं नत्थि, याव चतुत्थकोट्टासस्स परियोसना खायितं, तमि दुक्कटवत्थुयेव”ति च वदन्ति, तं न युत्तं। **मतसरीरसिंयेव वेदितब्बन्ति** मत्तं येभ्युत्थेन अक्खायितनिमित्तआदिवचनतो वुत्तं। **यदिपि निमित्तन्ति**तिआदि जीवमानकसरीरमेव सन्धाय वुत्तं तस्सेव अधिकतता। तेनेव **मातिकाटुकथायं** (कङ्का० अट्ट० पठमपाराजिकवण्णना) “जीवमानकसरीरस्स वुत्तप्पकारे मग्गे सचेपि तचादीनि अनवसेसेत्वा सब्बसो छिन्ने”तिआदि वुत्तं। **सब्बसो खायितन्ति** निमित्तमसं सब्बं छिन्नन्ति अत्थो। **निमित्तसण्ठानन्ति** छिन्नमंसस्स अन्तो याव मुत्तवत्थिकोसा छिद्दाकारो अब्भन्तरछविचम्ममतो इत्थिनिमित्ताकारो, तेनाह “पवेसनं जायती”ति। **निमित्तसण्ठानं पन अनवसेसेत्वाति** पवेसनरहछिद्दाकारेन ठितअब्भन्तरमंसादि अनवसेसेत्वा। एतेन याव पवेसो लम्भति, ताव मग्गोयेवाति दस्सेति। **निमित्ततो पतिताय मंसपेसियाति** इदं निमित्तसण्ठानविरहितं अब्भन्तरमंसखण्डं सन्धाय वुत्तं। निमित्तसण्ठानं अकोपेत्वा समन्तो छिन्दित्वा उद्धटमंसपेसिया पन मतसरीरे येभ्युत्थेन अक्खायितनिमित्ते विय उपक्कमन्तस्स पाराजिकमेव।

एवं जीवमानकमनुस्ससरीरे लब्भमानविसेसं दस्सेत्वा इदानीं मतसरीरे दस्सेत्तुं **मतसरीरे पनाति**तिआदिमाह। **वत्थिकोसेसूति** पुरिसानं अङ्गजातकोसचम्मेषु। “नवद्वारो महावणो”तिआदि (मि० प० २.६.१) वचनतो मनुस्सानं अक्खिनासादीनि वणसङ्घेपेन थुल्लच्चयक्खेत्तानीति तेसुपि थुल्लच्चयं वुत्तं, एवं मनुस्सानं मतसरीरेपि, तेनाह **मते अल्लसरीरे**तिआदि। तत्थ **अल्लसरीरे**ति अकुत्थितं सन्धाय वुत्तं। **पाराजिकक्खेत्तेति** येभ्युत्थेन अक्खायितमि सन्धाय वुत्तं। **थुल्लच्चयक्खेत्तेति** उपट्टक्खायितादिमि सन्धाय वुत्तं। एत्थ च अक्खिनासादिथुल्लच्चयक्खेत्तेसु येभ्युत्थेन अक्खायितेसुपि थुल्लच्चयं, उपट्टक्खायितादीसु दुक्कटन्ति वेदितब्बं। **सब्बेसम्पीति** यथावुत्तहत्थिआदीहि अज्जेसं तिरच्छाननं सङ्गहनत्थं वुत्तं। तिरच्छानगतानं अक्खिक्कणवणेषु दुक्कटं पन अटुकथापमाणेन गहेतब्बं, “अमग्गेन अमग्गं पवेसेति, आपत्ति थुल्लच्चयस्सा”ति (पारा० ६६) हि सामज्जतो वुत्तं, न पन मनुस्सानन्ति विसेसेत्वा। यदि हि मनुस्सानज्जेव वणेषु थुल्लच्चयं सिया, हत्थिअस्सादीनं नासवत्थिकोसेसुपि पटङ्गमुखमण्डूकस्स मुखसण्ठानेपि च वणसङ्घेपतो थुल्लच्चयं न वत्तब्बं सिया, वुत्तज्ज। तस्मा अटुकथाचरिया एवेत्थ पमाणं। मतानं तिरच्छानगतानन्ति मत्तेकेन सम्बन्धो।

मेथुनरागेन वत्थिकोसं पवेसेन्तस्स थुल्लच्चयं वुत्तन्ति आह “वत्थिकोसं अपवेसेन्तो”ति। **मेथुनरागो** च नाम कायसंसगारागं मोचनस्सादज्ज मुञ्चित्वा विसुं द्वयंद्रयसमापत्तिया रागो, सो च पुरिसादीसुपि उपपज्जति, तेन च अपाराजिकक्खेते इत्थिसरीरेपि उपक्कमन्तस्स असुचिम्हि मुत्तेपि सङ्गादिसेसो न होति, खेत्तानुरुपं थुल्लच्चयदुक्कटमेव होतीति वेदितब्बं। **अपवेसेन्तोति** इमिना तीसु मग्गेषु पवेसनाधिप्पाये असतीपि मेथुनरागेन बहि घट्टनं सम्भवतीति दस्सेति, तेनेव थुल्लच्चयं वुत्तं, इतरथा पवेसनाधिप्पायेने बहि छुपन्तस्स मेथुनस्स पुब्बपयोगता दुक्कटमेव वत्तब्बं सिया। **निमित्तेन निमित्तं छुपति थुल्लच्चयन्ति** इदञ्च “न च, भिक्खवे, रत्तचित्तेन अङ्गजातं छुपितब्बं, यो छुपेय्य, आपत्ति थुल्लच्चयस्सा”ति (महाव० २५२) इमस्स चम्मक्खन्धके आगतस्स सुत्तस्स वसेन वुत्तं। तत्थ च केसज्जि अज्जथापि अत्थविकपरस्स बीजं दस्सेन्तो **महाअटुकथायं पनाति**तिआदिमाह। **मुखेनेव छुपनं सन्धायति** ओट्टुजिक्कादिमुखावयवेन छुपनं सन्धाय। **ओट्टारिकत्ताति** अज्जाचारस्स थुल्लता। **तं सन्धायभासितन्ति** तं यथावुत्तसुत्तं। सुत्तज्जि अज्जाचारं सन्धाय पटिच्च वुत्तता “सन्धायभासितं”न्ति वुत्तति। **सुट्टुसल्लक्खेत्वाति** पिट्ठि अभिरुहन्तानं अङ्गजातमुखेनेव निमित्तछुपनस्स सम्भवं मेथुनरागीनज्ज अङ्गजातेन छुपनस्सेव अनुरुपतज्ज सुत्ते च “मुखेना”ति अवुत्ततज्ज अज्जज्ज नयं यथाबलं सुट्टु सल्लक्खेत्वाति अत्थो। **सङ्गादिसेसोति** मनुस्सित्थिं सन्धाय वुत्तं। **पस्सावमगन्ति** इदं **चम्मक्खन्धके** निदानवसेन वुत्तं। इतरमग्गद्वयं पन निमित्तमुखेन छुपन्तस्स वणसङ्घेपेन थुल्लच्चयमेव। **वुत्तनयेनेवाति** मेथुनरागेनेव। निमित्तमुखेन पन विना मेथुनरागेन मनुस्सित्थिया वा तिरच्छानगातित्थिया वा पस्सावमग्गं पकतिमुखेन छुपन्तस्स दुक्कटमेव पकतिमुखेन पकतिमुखेन विय, इतरथा तत्थापि थुल्लच्चयेन भवितब्बं, तज्ज न युत्तं खन्धकसुत्तेपि तथा अवुत्तता। **कायसंसगारागेन दुक्कटन्ति** निमित्तमुखेन वा पकतिमुखादि इतरकायेन वा कायसंसगारागेन छुपन्तस्स दुक्कटमेव।

एत्थ च कायसंसगारागेन बहिनिमित्ते उपक्कमतो अजानन्तस्सेव अङ्गजातं यदि पाराजिकक्खेत्तं छुपति, तत्थ किं होतीति? केचि ताव “मेथुनरागस्स अभावा मनुस्सित्थिया सङ्गादिसेसो, सेसेसु वत्थुवसेन थुल्लच्चयदुक्कटानी”ति वदन्ति। अज्जे पन “पवेसनक्खणे फस्सस्स सादियनसम्भवतो बलक्कारेन उपक्कमनक्खणे विय पाराजिकमेव”ति वदन्ति, इदमेव युत्ततरं। मग्गत्तयोति हि अज्जस्मिं पदेसेयेव कायसंसगारादिरागभेदतो आपत्तिभेदो लम्भति, न मग्गत्तये। तत्थ पन येन केनचि आकारेन फस्सस्स सादियनक्खणे पाराजिकमेव, तेनेव परोपक्कमेन पवेसनादीसु रागभेदं अनुद्धरित्वा सादियनमत्तेन पाराजिकं वुत्तं।

### सन्थतचतुक्कभेदकथावण्णना

**६१-२. पटिपन्नकस्साति** आरद्धविपस्सकस्स। **उपादिन्नकन्ति** कायिन्द्रियं सन्धाय वुत्तं। **उपादिन्नकेन फुसतीति** उपादिन्नकसरीरेन फुसीयतीति कम्मसाधनेन अत्थो दट्टब्बो। अथ वा एवं करोन्तो भिक्खु किञ्चि उपादिन्नकं उपादिन्नकेन न फुसतीति अत्थो। **लेसं ओट्टुस्सन्तीति** लेसं ठपेस्सन्ति, परिकप्पेस्सन्तीति अत्थो। **सन्थतादिभेदेहि भिन्दित्वाति** सन्थतादिविसेसनेहि विसेसेत्वा। **सन्थतायाति** समुदाये एकदेसवोहारो दट्टस्स पटस्स छिहन्तिआदीसु विय। यथा हि पटस्स एकदेसोव वत्थतो दट्टोति वुत्तति, तं एकदेसवोहारं समुदाये पटे उपचारतो आरोपेत्वा पुन तं समुदायं दट्टुपदेससङ्गातछिहसम्बन्धीभावेन “दट्टस्स पटस्स छिह”न्ति वोहरन्ति, एवमिथापि इत्थिया मग्गपदेसवोहारं समुदायभूताय इत्थिया आरोपेत्वा पुन तं इत्थिं सन्थतमग्गसम्बन्धिं कत्वा **सन्थताय इत्थिया वच्चमग्गेनाति**तिआदि वुत्तं। सारत्थदीपनिंयं (सारत्थ० टी० पाराजिककण्ड २.६१-६२) पनेत्थ “एकदेसे समुदायवोहारो”ति वुत्तं, तं न युत्तं अवयववोहारेन समुदायस्सेव पतीयमानता। इतरथा हि सन्थताय वच्चमग्गेनाति इत्थिलिङ्गता मग्गसम्बन्धिता च न सिया, एकदेसे समुदायोपचारस्स पन एकदेसोव अत्थो साखाय छिज्जमानाय रुक्खो छिज्जतीतिआदीसु विय।

वत्थादीनि मग्गस्स अन्तो अप्पवेसेत्वा बहियेव वेठनं सन्धाय ‘‘पलिवेठेत्वा’’ति वुत्तं । समुदाये अवयवूपचारेनेव भिक्खुपि सन्थतो नामातिआदि वुत्तं । यत्तके पविट्ठेति तिलबीजमते पविट्ठे । अक्खिनासादीनं सन्थतत्तेपि यथावत्थुकमेवाति आह थुल्लच्चयक्खेत्ते थुल्लच्चयन्तिआदि । खाणुं घट्टेन्तस्स दुक्कटन्ति इत्थिनिमित्तस्स अन्तो खाणुं पवेसेत्वा समतलं, अतिरिक्तं वा ठितं खाणुं सचे घट्टेति, घट्टेन्तस्स दुक्कटं पवेसाभावतो । सचे पन ईसकं अन्तो अल्लोकासे पवेसेत्वा ठितं अनुपादिनममे खाणुसीसं अङ्गजातेन छुपति, पाराजिकमेव । तस्स तलन्ति वेळुनळादिकस्स अन्तोतलं । बहिद्धा खाणुकेति अन्तो पवेसितवेळुपब्बादिकस्स बहि निक्खन्तसीसं सन्धाय वुत्तं । यथा च इत्थिनिमित्तेतिआदीसु यथा इत्थिया पस्सावमग्गे खाणुं कत्वा घट्टनादिकं वुत्तं, एवं सब्बत्थ वच्चमग्गादीसुपि लक्खणं वेदितब्बन्ति अत्थो ।

### राजपच्चत्थिकादिचतुक्कभेदकथावण्णना

६५. केराटिकाति वञ्चका । पठमं इत्थिधुत्तमेव दस्सेत्वा इदानी इतरधुत्तेपि सङ्गहेत्वा दस्सेतुं ‘‘इत्थिधुत्तसुराधुत्तादयो वा’’ति वुत्तं ।

### आपत्तानापत्तिवारवण्णना

६६. पटिञ्जातकरणं नत्थि सेवेतुकामता मग्गेन मग्गाप्पटिपत्तीति द्विन्नं अङ्गानं सिद्धत्ता । द्वासितस्स पन मग्गेन मग्गाप्पटिपत्ति एवमेकं अङ्गं सिद्धं, सेवेतुकामतासङ्गात् सादियनं असिद्धं । तस्मा सो पुच्छित्वा ‘‘सादिय’’ति वुत्तपटिञ्जाय नासेतब्बो । तत्थेवाति वेसालियं महावने एव । सब्बङ्गगतन्ति सब्बकायगतं । ‘‘लोहितं विया’’ति वुत्तत्ता केसादीनं विनिमुत्तङ्गाने सब्बत्थाति गहेतब्बं । निच्चमेव उम्भत्तको होतीति यस्स पित्तकोसतो पित्तं चलित्वा सब्बदा बहि निक्खन्तं होति, तं सन्धाय वुत्तं । यस्स पन पित्तं चलित्वा पित्तकोसेयेव ठितं होति, कदाचि वा निक्खन्तं पुन निक्खमति, सोपि अन्तरन्तरा सञ्जं पटिलभति भेसज्जेन च पकतिआरोग्यं पटिलभतीति वेदितब्बं ।

पदभाजनीयवण्णनानयो निड्डितो ।

### पकिण्णककथावण्णना

पकिण्णकन्ति वोमिस्सकनयं । समुद्धानन्ति उप्पत्तिकारणं । किरियातिआदि निदस्सनमत्तं अकिरियादीनम्पि सङ्गहतो । वेदनाय सह कुसलञ्च वेदितब्बन्ति योजेतब्बं । सब्बसङ्गाहकवसेनाति सब्बसं सिक्खापदानं सङ्गाहकवसेनं ‘‘कायो वाचा कायवाचा कायचित्तं वाचाचित्तं कायवाचाचित्तं’’ति एवं वुत्तानि छ आपत्तिसमुद्धानानि । समुद्धानादयो हि आपत्तिया एव होन्ति, न सिक्खापदस्स । तंतंसिक्खापदस्स नियतआपत्तिया एव गहणत्थं पन सिक्खापदसीसेन समुद्धानादीनं कथनं । एवञ्च आपत्तिविसेसो पञ्चार्यति आपत्ति-सदस्स सब्बापत्तिसाधारणत्ता, इमेसु पन छसु समुद्धानेसु पुरिमानि तीणि अचित्तकानि, पच्छिमानि सचित्तकानि । समासतो तं इमं पकिण्णकं विदित्वा वेदितब्बन्ति सम्बन्धो । छ समुद्धानानि एतस्साति छसमुद्धानं । एवं सेसेसुपि ।

अत्थि कथिनसमुद्धानन्तिआदि समुद्धानसीसवसेन द्विसमुद्धानएकसमुद्धानानं दस्सनं । तेरस हि समुद्धानसीसानि पठमपाराजिकसमुद्धानं अदिन्नादानसमुद्धानं सञ्चरित्तसमुद्धानं समनुभासनसमुद्धानं कथिनसमुद्धानं एळकलोमसमुद्धानं पदसोधम्मसमुद्धानं अद्धानसमुद्धानं थ्येयसत्थसमुद्धानं धम्मदेसनासमुद्धानं भूतारोचनसमुद्धानं चोरीवुट्टापनसमुद्धानं अननुञ्जातसमुद्धानन्ति । तत्थ अत्थि छसमुद्धानन्ति इमिना सञ्चरित्तसमुद्धानं वुत्तं, पञ्चसमुद्धानस्स अभावतो ‘‘अत्थि पञ्चसमुद्धानं’’ति अवत्वा ‘‘अत्थि चतुसमुद्धानं’’ति वुत्तं, इमिना च अद्धानसमुद्धानं अननुञ्जातसमुद्धानञ्च सङ्गहितं । यञ्चि पठमर्तियचतुत्थेछट्टेहि समुद्धानेहि समुद्धानि, इदं अद्धानसमुद्धानं । यं पन दुतियर्तियपञ्चमछट्टेहि समुद्धानि, इदं अननुञ्जातसमुद्धानं । अत्थि तिसमुद्धानन्ति इमिना अदिन्नादानसमुद्धानं भूतारोचनसमुद्धानञ्च सङ्गहितं । यञ्चि सचित्तकेहि तीहि समुद्धानि, इदं अदिन्नादानसमुद्धानं । यं पन अचित्तकेहि तीहि समुद्धानि, इदं भूतारोचनसमुद्धानं । अत्थि कथिनसमुद्धानन्ति आदिना पन अवसेससमुद्धानसीसवसेन द्विसमुद्धानं एकसमुद्धानञ्च सङ्गहत्ता । तत्थ हि यं ततियछट्टेहि समुद्धानि, इदं कथिनसमुद्धानं नाम । यं पन पठमचतुत्थेहि समुद्धानि, इदं एळकलोमसमुद्धानं । यं छट्टेनेव समुद्धानि, इदं धुरनिकखेपसमुद्धानं, ‘‘समनुभासनसमुद्धानं’’तिपि तस्सेव नाम । इति सरूपेन अट्ट आपत्तिसीसानि दस्सितानि । आदिसहेन पनेत्थ अवसेसानि पठमपाराजिकसमुद्धानपदसोधम्मथ्येयसत्थधम्मदेसनाचोरीवुट्टापनसमुद्धानानि पञ्चपि समुद्धानसीसानि सङ्गहितानि । तत्थ यं कार्यचित्ततो समुद्धानि, इदं पठमपाराजिकसमुद्धानं । यं दुतियपञ्चमेहि समुद्धानि, इदं पदसोधम्मसमुद्धानं । यं चतुत्थेछट्टेहि समुद्धानि, इदं थ्येयसत्थसमुद्धानं । यं पञ्चमेनेव समुद्धानि, इदं धम्मदेसनासमुद्धानं । यं पञ्चमछट्टेहि समुद्धानि, इदं चोरीवुट्टापनसमुद्धानं । एत्थ च पच्छिमेसु तीसु सचित्तकसमुद्धानेसु एकेकसमुद्धानवसेन एकसमुद्धानानि तिविधानि । द्विसमुद्धानानि पन पठमचतुत्थेहि वा दुतियपञ्चमेहि वा ततियछट्टेहि वा चतुत्थेछट्टेहि वा पञ्चमछट्टेहि वा समुद्धानवसेन पञ्चविधानीति वेदितब्बानि ।

एवं समुद्धानवसेन सब्बसिक्खापदानि तेरसथा दस्सेत्वा इदानी किरियावसेन पञ्चधा दस्सेतुं तत्राप्रीतिआदि वुत्तं । किञ्चीति सिक्खापदं । किरियतोति पथवीखणनादि (पाचि० ८४-८५) विय कायवचीवञ्जित्तिजनितकम्मतो । अकिरियतोति पठमकथिनादि (पारा० ४५९ आदयो) विय कत्तब्बस्स अकरणेनेव । किरियाकिरियतोति अञ्जातिकाय भिक्खुनिया हत्थतो चीवरपटिगहणादि (पारा० ५०८ आदयो) विय । सिया किरियतो, सिया अकिरियतो रूपियपटिगहणादि (पारा० ५८२ आदयो) विय, सिया किरियतो, सिया किरियाकिरियतो कुटिकारादि (पारा० ३४२) विय । वीतिक्कमसञ्जाय अभावेन विमोक्खो अस्साति सञ्जाविमोक्खन्ति मज्झेपदलोपोसमासो दट्टब्बो । चित्तङ्गं लभति सचित्तकसमुद्धानेहेव समुद्दहनतो । इतरन्ति यस्स चित्तङ्गनियमो नत्थि, तं, अनापत्तिमुखेन चेत्तं सञ्जादुक् वुत्तं, आपत्तिमुखेन सचित्तकदुक्कन्ति एत्तकमेव विसेसो, अत्थतो समानाव ।

कायवचीद्वारेहि आपज्जितब्बम्पि कायकम्मे वा वचीकम्मे वा सङ्गहत्ति । तत्थ बाहुल्लवुत्तितो अदिन्नादानमुसावादादयो वियाति अत्थि सिक्खापदं कायकम्पन्तिआदिना कायकम्पं वचीकम्पञ्चाति दुक्कमेव वुत्तं, विभागतो पन कायवचीकम्पेन सङ्गि तिकमेव होति । तेनेव मातिकादुक्कथायं (कङ्का० अट्ट० पठमपाराजिकवण्णना) वुत्तं ‘‘सब्बा च कायकम्पवचीकम्पतदुभयवसेन ति विधा होन्ती’’ति । ततोयेव इधापि अदिन्नादानादीसु (पारा० ८९) कायकम्पवचीकम्पन्ति तदुभयवसेन दस्सितं । अत्थि पन सिक्खापदं कुसलन्तिआदि आपत्तिसमुद्वापकचित्तवसेन कारिये कारणोपचारेन वुत्तं, न पन आपत्तिया कुसलादिपरमत्थधम्मतावसेन आपत्तिया सम्मुत्तिसभावत्ता । कुसलाकुसलादिपरमत्थधम्मे उपादाय हि भगवता आपत्तिसम्मुत्ति पञ्जत्ता । वक्खति हि ‘‘यं कुसलचित्तेन आपज्जति, तं कुसलं’’तिआदि (पारा० अट्ट० १.६६ पकण्णककथा) । न हि भगवतो आणायात्ता आपत्ति कुसलादिपरमत्थसभावा होति अनुपसम्पन्नानं आदिकम्पिकानञ्च आपत्तिप्पसङ्गतो, तस्सा देसनादीहि विसुद्धिअभावप्पसङ्गतो च । न हि कारणबलेन उप्पज्जमाना कुसलादिसभावा आपत्ति अनुपसम्पन्नादीसु निवत्तति, उप्पन्नाय च तस्सा केनचि विनासो न सम्भवति । सरसविनासतो देसनादिना च आपत्ति विगच्छतीति वचनमत्थि, न पन तेन अकुसलादि विगच्छति । पितुघातादिकम्पेन हि पाराजिकं आपन्नस्स भिक्खुनो गिहिलिङ्गं गहेत्वा भिक्खुभावपरिच्चागेन पाराजिकापत्ति विगच्छति, न पाणातिपातादिकुसलं आनन्तरियादिभावतो । तस्मा दुम्भङ्कनं निग्गहादिदसअत्थवसे (पारा० ३९; परि० २) पटिच्च भगवता यथापच्चयं समुप्पज्जमाने कुसलाकुसलादिनामरूपधम्मे उपादाय पञ्जत्ता सम्मुत्तियेव आपत्ति, सा च यथाविधिपटिकम्पकरणेन विगता नाम होतीति वेदितब्बं, तेनाह द्वित्तसेव हि आपत्तिसमुद्वापकचित्तानीतिआदि । आपत्तिसमुद्वापकचित्तेनेव हेत्थ कुसलादीनं आपत्तितो भेदो सिद्धो । न हि तंसमुद्दितस्स ततो अभेदो युत्तो समुद्धानसमुद्दितभेदव्यवहारुपच्छेदप्पसङ्गतो । सारत्थदीपनियं (सारत्थ० टी० पाराजिककण्ड २.६६ पकिण्णककथा) पन आपत्तिया परमत्थतो कुसलत्तमेव न सम्भवति ‘‘आपत्ताधिकरणं सिया अकुसलं, सिया अब्याकत्तं, नत्थि आपत्ताधिकरणं कुसलं’’ति वचनतो, ‘‘अकुसलत्तं पन अब्याकत्तञ्च आपत्तिया सम्भवती’’ति सञ्जाय कुसलचित्तसमुद्धानक्खणोपि रूपाव्याकत्तत्तं आपत्तिया समत्थेतुं यं कुसलचित्तेन आपज्जति, तं कुसलं, इतरेहि इतरन्ति (पारा० अट्ट० १.६६ पकिण्णककथा) इमं अट्टकथावचनं निस्साय वुत्तं ‘‘यं कुसलचित्तेन आपज्जतीति यं सिक्खापदसीसे गहितं आपत्ति कुसलचित्तसमङ्गी आपज्जति, इमिना पन वचनेन तं कुसलन्ति आपत्तिया वुच्चमानो कुसलभावो परियायतो, न परमत्थतोति दस्सेति । कुसलचित्तेन हि आपत्ति आपज्जन्तो सविञ्जत्तिकं अविञ्जत्तिकं वा सिक्खापदवीतिक्कमाकारप्पवत्तं रूपक्खन्धसङ्गात्तं अब्याकतापत्ति आपज्जतीति । तत्थ यं कुसलचित्तेन आपज्जतीति इमं वचनं उद्धिस्स ‘‘इमिना पन वचनेन तं कुसलन्ति आपत्तिया वुच्चमानो कुसलभावो परियायतो, न परमत्थतोति दस्सेतीति वुत्तं, एवं इतरेहि इतरन्ति वचनेन ‘‘यं अकुसलचित्तेन आपज्जति, तं अकुसलं, यं अब्याकत्तचित्तेन आपज्जति, तं अब्याकत्तं’’ति इमस्स अत्थस्स वुत्तत्ता इतरेहीति वचनं उद्धिस्स ‘‘इमिनापि वचनेन इतरन्ति आपत्तिया वुच्चमानो अकुसलभावो अब्याकतभावो च परियायतो दस्सेतीति वत्तब्बं । एवं अवत्वा कुसलपक्खे एव कथनस्स कारणं न पस्साम । यं पन आपत्ताधिकरणं सिया अकुसलन्तिआदिवचनं कारणत्तेन वुत्तं, तम्पि अकारणं यं अकुसलचित्तेन आपज्जति, तं अकुसलन्तिआदिना हेट्टा वुत्तनयेन अकुसलादिभावस्स परियायदेसितत्ता, आपत्तिया कुसलवोहारस्स अयुत्तताय नत्थि आपत्ताधिकरणं कुसलन्ति वुत्तत्ता च । आपत्तिया हि कुसलचित्तसमुद्दितत्तेपि भगवता

पटिकिखत्तभावेन सावज्जधम्मत्ता कारणूपचारेणापि अनवज्जकुसलवोहारो न युत्तो सावज्जानवज्जानं अज्जमज्जविरुद्धता । यथा आकासादिसम्पुत्तिसत्त्वानं उप्पन्नतादिवोहारो विय जातिजराभङ्गानं उप्पन्नतादिवोहारो अनवट्टानादिदेसतो अयुत्तो, एवमिधापि कुसलवोहारो अयुत्तो विरुद्धता । अकुसलादिवोहारो पन युत्तो, कारणूपचारेन पन अकुसलादिसभावता यथावुत्तदोसानतिवत्तनतो । सुत्तस्सापि हि यथा सुत्तसुत्तानुलोमादीहि विरोधो न होति, तथैव अत्थो गहेतब्बो ।

यं पन वुत्तं “कुसलचित्तेन हि आपत्तिं आपज्जन्तो...पे०... रूपकखन्धसङ्घातं अब्याकतापत्तिं आपज्जती”ति, तं अयुत्तमेव रूपकखन्धस्स खणिकताय आपत्तियापि देसनादिपटिकम्पं विनाव पटिप्पस्सद्विप्पसङ्गतो । रूपपरम्परा आपत्तीति चे? तन्न, पटिकम्मेनापि अविगमप्यसङ्गतो । न हि रूपसन्ततिदेसनादीहि विगच्छति सकारणायत्तता, इति सब्बथा आपत्तिया परमत्थता अयुत्ता, एतेनेव यं वुत्तं “निपज्जित्वा निरोधसमापन्नस्स सहसंय्यवसेन तथाकारणवत्तरूपधम्मस्सेव आपत्तिभावतो”तिआदि, तम्पि पटिसिद्धन्ति वेदितब्बं । इध पन निरोधसमापन्नानं रूपधम्ममेव पटिच्च उप्पन्नता आपत्ति अचिता अवेदना, अज्जत्थ पन सचित्ता सवेदनाव, सब्बत्थापि पज्जत्तिसभावति वेदितब्बा । तेनेव **दुट्टदोससिक्खापददुक्कथायं** आपत्तिया अकुसलादिसभावं परपरिकम्पितं निसेधेतुं “आदिकम्पिकस्स अनापत्तिवचनतो...पे०... पण्णात्तिमत्तमेव आपत्ताधिकरणन्ति वेदितब्ब”न्ति सयमेव वक्खति, तस्मा “तंतंकुसलादिधम्मसमुपत्तिया भगवता पज्जता आपत्तिसम्पुत्ति समुट्ठिता”ति च, “याव पटिप्पस्सद्विक्कारणा तिट्ठती”ति च, “पटिप्पस्सद्विक्कारणेहि विनस्सती”ति च वोहरीयति । आपत्तिया च सम्पुत्तिसभावतोपि हि सञ्चिच्च तं आपज्जन्तस्स, पटिकिरियं अकरोन्तस्स च अनादरे अकुसलराप्ति चेव सगमगगन्तरायो च होतीति लज्जिनो यथाविधि नातिक्कमन्ति, अनतिक्कमनप्यच्चया च तेसं अनन्तपभेदा सीलादयो धम्मा परिवट्ठन्तीति गहेतब्बं । इत्तिंसेवाति नियमो आपत्तिनिमित्तानं कायवचीवज्जतीनं एतेहेव समुपज्जनतो कतो, न पन सब्बापत्तीनम्पि एतेहेव समुपज्जनतो । निपज्जित्वा निदायन्तानिज्झाननिरोधसमापन्नानज्च अविज्जितजनकेहि विपाकअप्यनाचितेहि चेव रूपधम्मोहि च सहसेव्यादिआपत्ति सम्भवति ।

**दसाति** किरियाहेतुकमनोविज्जाणधातुद्वयेन सह अट्ट महाकिरियचित्तानि । पज्जत्ति अजानित्वा इद्धिविकुब्बनादीसु अभिज्जानं आपत्तिसमुद्भापकत्वं वेदितब्बं । एत्थ च किञ्चि सिक्खापदं अकुसलचित्तमेव, किञ्चि कुसलाब्बाकतवसेन द्विचित्तं, किञ्चि तिचित्तन्ति अयमेव भेदो लब्धति, नाज्जोति वेदितब्बं । **किरियासमुद्धानन्ति** परूपक्कमेन जायमानं अङ्गजातादिचलनं सादियनचित्तसङ्घाते सेवनचित्ते उप्पन्ने तेन चित्तेन समुप्पादितमेव होतीति वुत्तं इतरथा “सिया किरियसमुद्धानं, सिया अकिरियसमुद्धानं”न्ति वत्तब्बो ।

यं पन **सारत्थदीपनियं** (सारत्थ० टी० पाराजिककण्ड २.६६ पकिण्णककथावण्णना) वुत्तं “किरियसमुद्धानन्ति इदं येभ्यवसेन वुत्तं परूपक्कमे सति सादियन्तस्स अकिरियसमुद्धानभावतो”तिआदि, तं न गहेतब्बं पठमपाराजिकस्स अकिरियसमुद्धानताय पाळिअट्टकथासु अवुत्तता । “मनोद्वारे आपत्तिं नाम नत्थी”ति (कङ्का० अट्ट० पठमपाराजिकवण्णना; पारा० अट्ट० २.५८३-४) हि वुत्तं । कथञ्चि नाम परूपक्कमेन मेथुनं सादियन्तो अत्तनो अङ्गजातादिकायचलनं न सादियेय्य, सादियनचित्तानुगुणमेव पन सकलसरीरे चित्तजरूपसमुपत्तिया विज्जत्तिपि सुखुमा समुपपन्ना एव होतीति दट्टब्बं, तेनाह **कायद्वारेनेव समुद्धानतो कायकम्मन्ति** आदि । **चित्तं पनेत्थ अङ्गमत्तं** होतीति कायविज्जत्ति एव कायकम्मभावे कारणं, न चित्तं । तं पनेत्थ कायसङ्घाताय विज्जत्तियायेव अङ्गमत्तं, न कायकम्मभावस्स, इतरथा मेथुनस्स “मनोक्कम”न्ति वत्तब्बतो, तेनाह “न तस्स वसेन कम्मभावो लब्धती”ति । **कम्मभावोति** कायकम्मभावो । **सब्बज्जेतन्ति** एतं समुद्धानादिकं । **सिक्खापदसीसेनाति** तंतंसिक्खापदनियतआपत्तिया एव गहणत्थं सिक्खापदमुखेन ।

पकिण्णककथावण्णनानयो निट्ठितो ।

### विनीतवत्थुवण्णना

**इदं कन्ति** कथेतुकामतापुच्छा । **इमाति** आदि विस्सज्जनं । विनीतानि आपत्तिं त्वं भिक्खु आपन्नोतिआदिना (पारा० ६७) भगवता विनिच्छिन्नितानि वत्थूनि **विनीतवत्थूनि** । तं तं वत्थुं उद्धरित्वा दानतो दस्सनतो उद्दानभूता गाथा **उद्दानगाथा**, सङ्गहागाथा, उद्देसगाथाति वुत्तं होति । **वत्थु गाथाति** तेन खो पन समयेन अज्जतरो भिक्खूतिआदिका विनीतवत्थुपाळियेव तेसं तेसं विनीतवत्थूनां गन्थनतो “वत्थुगाथा”ति वुत्ता, न छन्दोविचितिलक्खणेन । उद्दानगाथानं वत्थु वत्थुगाथाति एवं वा एत्थ अत्थो दट्टब्बो । **एत्थाति** विनीतवत्थूसु । **दुतियादीनन्ति** दुतियपाराजिकादीनं । यं पस्सित्वा चित्तकारादयो सिप्पिका चित्तकम्मादीनि सिक्खन्ति, तं **पटिच्छन्नकरूपं**, पटिमारूपन्ति अत्थो ।

**६७. पुरिमानि** द्वेति मक्कटीवज्जिपुत्तकवत्थूनि द्वे । तानिपि भगवता विनीतभावेन पुन विनीतवत्थूसु पक्खित्तानि । तत्थ तस्स कुक्कुच्चं अहोसीतिआदि पन किञ्चापि तेसं पठमं कुक्कुच्चं न उप्पन्नं, भिक्खूहि पन भगवता च गरहित्वा वुत्तवचनं सन्धाय पच्छा उप्पन्नत्तं सन्धाय वुत्तं । भगवतो एतमत्थं आरोचेसुन्तिआदि च भिक्खूहि आनन्दत्थेरेन च पठमं भगवतो आरोचते, भगवता च तेसं पाराजिकत्ते पकासिते भीता ते सयम्पि गन्त्वा अत्तनो कुक्कुच्चं पच्छा आरोचेन्ति एव । “सच्चं किर त्व”न्तिआदिना भगवता पुट्टा पन “सच्चं भगवा”ति पटिजाननवसेनापि आरोचेन्ति । भगवापि आपत्तिं त्वन्तिआदिना तेसं पाराजिकत्तं विनिच्छिनोति एव । अनुपज्जत्तिकथायं पन तं सब्बं अवत्था अनुपज्जत्तिया अनुगुणमेव किञ्चिमत्तं वुत्तं, इधापि तेसं वत्थूनां भगवता विनीतभावदस्सनत्थं एवं वुत्तन्ति वेदितब्बं । केचि इमं अधिपायं अमनसिकत्वा “अज्जानेवेतानि वत्थूनी”ति वदन्ति । **कुसेति** कुसतिणानि । **केसेहीति** मनुस्सकेसेहि ।

**६८. वण्णपोक्खरतायाति** एत्थ पोक्खलं नाम समिद्धं सुन्दरञ्च, तस्स भावो “पोक्खरता”ति र-कारं कत्वा वुत्तो, समिद्धता सुन्दरताति अत्थो । **पधंसेसीति** अभिभवति । **न लिम्पतीति** न अल्लीयति ।

**६९.** एवरूपा परिवत्तलिङ्गा भिक्खुनियो अत्थतो एकतो उपसम्पन्नापि उभतोसङ्गे उपसम्पन्नासुयेव सङ्गहन्ति भिक्खूपसम्पदाय भिक्खुनीउपसम्पदतोपि उक्कट्टता । **पाळियं** “ताहि आपत्तीहि अनापत्ति”न्ति उपयोगवचनं कत्वा अनुजानामीति पदेन सम्बन्धितब्बं । इत्थिलिङ्गन्ति थनादिकं इत्थिसण्ठानं वुत्तन्ति आह — “पुरिस...पे०... इत्थिसण्ठानं उप्पन्न”न्ति । तं नानन्तरिकतो पन “पुरिसिन्द्रियमि अन्तरहितं, इत्थिन्द्रियञ्च उप्पन्न”न्ति वुत्तमेव होति, एवं उपरिपि लिङ्गगहणेनेव इत्थिन्द्रियादिगहणं वेदितब्बं । **ताति** आपत्तियो, तस्स वुट्ठातुन्ति इमिना सम्बन्धो, ताहि आपत्तीहि वुट्ठापेतुन्ति अत्थो । कथन्ति आह **ता सब्बापि भिक्खुनीहि कातब्बन्ति** आदि । तेन पटिच्छन्नार्यापि अप्पटिच्छन्नार्यापि गरुकापत्तिया पक्खमानत्तचरणादिकं विधिं दस्सेति ।

**ओक्कन्तिकविनिच्छयोति** पसङ्गानुगुणं ओतरणकविनिच्छयो । **बलवअकुसलेनाति** परदारिककम्मादिना । **दुब्बलकुसलेनाति** यथावुत्तबलवाकुसलोपहतसत्तिना ततो एव दुब्बलभूतेन कुसलेन । **दुब्बलअकुसलेनाति** पुरिसभावुपादकब्रह्मचरियादिबलवकुसलोपहतसत्तिना ततो एव दुब्बलभूतेन परदारिकादिकुसलेन । सुगतियं भावद्वयस्स कुसलकम्मज्जा अकुसलेनेव विनासो कुसलेनेव उप्पत्तीति आह **उभयम्पीति** आदि । दुग्गतियं पन अकुसलेनेव उभिनम्पि उप्पत्ति च विनासो च, तत्थ दुब्बलबलवभावो विसेसो ।

“एहि मयं गमिस्सामा”ति भिक्खुनिया सङ्घि संविधाय एकज्झानगमने पाचित्तियापत्तिपरिहारत्थं वुत्तं “संविदहनं परिमोचेत्वा”ति । तेन एकगामक्खेत्तेपि बहिगामतो अन्तरघरं संविधाय गमनम्पि आपत्तिकरमेवाति दस्सेति । परिमोचनविधिं दस्सेन्तो आह **मयन्ति** आदि । **बहिगामेति** गामन्तरे । दुतियिका भिक्खुनी पक्कन्ता वा होतीतिआदिना (पाचि० ६९३) वुत्तअनापत्तिलक्खणं अनुलोमेतीति वुत्तं “गामन्तर...पे०... अनापत्ती”ति । **कोपेत्वाति** परिचजित्वा । **लज्जिनियो...पे०... लब्धतीति** लिङ्गपरिवत्तनदुक्खपीळितस्स सङ्गहेपि असति हीनायावत्तनम्पि भवेय्याति “आपदासु”ति वुत्तअनापत्तिअनुलोमेन वुत्तं । ताय दुतियिकं गहेत्वाव गन्तब्बं । **अलज्जिनियो...पे०... लब्धतीति** अलज्जिनीहि सङ्घि एककम्मादिसंवासे आपत्तिसम्भवतो ता असन्तपक्खं भजन्तीति वुत्तं, इमिनापेतं वेदितब्बं “अलज्जिनीहि सङ्घि परिभोगो न वट्ठती”ति । यदि हि वट्ठेय्य, ततोपि दुतियिकं विना गामन्तरगमनादीसु आपत्ति एव सिया सङ्गाहिकता तासं सङ्गाहिलकज्जिनिगणतो विय । **जातिका न होन्ति... पे०... वट्ठतीति वदन्तीति** इमिना अट्टकथासु अनागतभावं दीपेति । तत्थापि विस्सासिकजातिकभिक्खुनियो विना भिक्खुनिभावे अरमन्तस्स मानपकतिकस्स आपदाङ्गानसम्भवेन तं वचनं अप्पटिक्खित्तम्पि तदज्जेसं न वट्ठित्येवाति गहेतब्बं । **भिक्खुभावेपीति** भिक्खुकालेपि । तं **निस्सायाति** तं निस्सयाचरियं कत्वा । **उपज्झा गहेतब्बाति** उपसम्पदागहणत्थं उपज्झा गहेतब्बा ।

**विनयकम्मन्ति** विकप्पनं सन्धाय वुत्तं । **पुन कातब्बन्ति** पुन विकप्पेतब्बं । **पुन पटिगहेत्वा सत्ताहं वट्ठतीति** “अनुजानामि, भिक्खवे, भिक्खुनीनां सन्निधिं भिक्खूहि, भिक्खुनां सन्निधिं भिक्खुनीहि च पटिगगाहापेत्वा परिभुज्जितु”न्ति (चूळव० ४२९) वचनतो पुन पटिगहेत्वा परिभुज्जितु वट्ठतीति दस्सनत्थं वुत्तं । **सत्तमे दिवसेति** इदञ्च निस्सगियं अनापज्जित्वा पुनपि सत्ताहं परिभुज्जितु वट्ठतीति दस्सनत्थं वुत्तं । **पकतत्तोति** अपरिवत्तलिङ्गो । **रक्खतीति** तं पटिगहणविजहनतो रक्खति, अविभत्तताय पटिगहणं न विजहतीति अधिपायो ।

**सामं गहेत्वान निक्खिपेय्याति** सहत्थेन पटिगहेत्वान निक्खिपेय्य । **परिभुञ्जन्तस्स आपत्तीति** लिङ्गपरिवत्ते जाते पुन अप्पटिगहेत्वा परिभुञ्जन्तस्स आपत्ति ।

**हीनायावत्तेनाति** एत्थ केचि “पकतत्तस्स भिक्खुनो सिकखं अप्पच्चकखाय ‘गिही भविस्सामी’ति गिहिलिङ्गगहणं हीनायावत्तन”न्ति वदन्ति, तं न युतं तत्तेन भिक्खुभावस्स अविजहनतो । अञ्जे पन “पाराजिकं आपन्नस्स भिक्खुपटिञ्जं पहाय गिहिलिङ्गभावूपगमनम्पि हीनायावत्तन”न्ति वदन्ति, तं युत्तमेव । पाराजिकं आपन्नो हि तं पटिच्छादेत्वा याव भिक्खुपटिञ्जो होति, ताव भिक्खु एव होति भिक्खूनमेव पाराजिकस्स पञ्जत्तता । “यो पन भिक्खु”ति हि वुत्तं । तथा हि सो संवासे सादियन्तोपि थेय्यसंवासको न होति, सहसेय्यादिआपत्तिञ्च न जनेति, अत्तानं ओमसन्तस्स पाचित्तियञ्च जनेति । वुत्तञ्चि —

“असुद्धो होति पुग्गलो अञ्जतरं पाराजिकं धम्मं अञ्जापन्नो, तञ्चे सुद्धदिट्ठि समानो ओकासे कारापेत्वा अक्कोसाधिप्पायो वदेति, आपत्ति ओमसवादस्सा”ति (पारा० ३८९) ।

एके पन “पाराजिकं आपन्नानं दोसे पटिजानित्वा गिहिलिङ्गगहणं नाम सिकखापच्चकखाने समोधानं गच्छति तेनापि पटिञ्जाय भिक्खुभावस्स विजहनतो । तेनेव विनयविनिच्छयादीसु हीनायावत्तनं सिकखापच्चकखाने समोधानेत्वा विसुं तं न वुत्तं । तस्मा भिक्खुनीनं विष्ममितुकामताय गिहिलिङ्गगहणं इध हीनायावत्तनं तासं सिकखापच्चकखानस्स अभावतो । तासं पटिगहणविजहनस्सापि सब्बसो वत्तब्बता”ति वदन्ति, तम्पि अप्पटिबाहियमेव । तस्मा पाराजिकानं भिक्खुनीनञ्च “उप्पब्बजिस्सामी”ति गिहिलिङ्गगहणं हीनायावत्तनन्ति गहेतब्बं । विष्ममोतिपि एतस्सेव नामं, तेनेव तं **खुदिसिक्खायं** “अच्छेदविस्सज्जनगाहविष्ममा”ति अधिष्ठानविजहने विष्ममनामेन वुत्तं ।

**अनपेक्खविस्सज्जनेनाति** अञ्जस्स अदत्त्वाव अनत्थिकस्सेव पटिगहितवत्थूनं बहि छड्डनेन । केचि “पटिगहितवत्थुसु सापेक्खस्स पुरे पटिगहितभावतो परिमोचनत्थं तत्थ पटिगहमतस्स विस्सज्जनम्पि अनपेक्खविस्सज्जनमेव चीवरादिअधिष्ठानपच्चुद्धारो विया”ति वदन्ति, तं न सुन्दरं तथावचनाभावा । यथेव हि चीवरादीसु अनपेक्खविस्सज्जनेन अधिष्ठानविजहने वत्तापि विसुं पच्चुद्धारो च वुत्तो, एवमिधापि वत्तब्बं, यथा च चीवरादीसु कायपटिबद्धेसुपि पच्चुद्धारेन अधिष्ठानं विगच्छति, न एवमिध । इध पन पटिगहितवत्थुस्मिं अनपेक्खस्सापि कायतो मुत्तेयेव तस्मिं पटिगहणं विजहति । तथा हि वुत्तं “सतकखत्तुम्पि परिचज्जयु, याव अत्तनो हत्थगतं पटिगहितमेवा”ति । अनपेक्खविस्सज्जनेनाति एत्थ च “अनपेक्खाया”ति एतकमेव वत्तब्बं अनपेक्खतं मुञ्चित्वा इध विसुं विस्सज्जनस्स अभावा । न हेत्थ पच्चुद्धारो विय विस्सज्जनविधानमत्थि । अपिच पटिगहणमतविस्सज्जने सति पुरे पटिगहितोपि आहारो भुञ्जितुकम्यताय उपपन्नाय पटिगहणमतं विस्सज्जेत्वा पुन पटिगहेत्वा यथासुखं भुञ्जितव्वो सियाति, तथा च **सन्निधिकारकसिक्खापदे** वुत्ता सब्बापि विनिच्छयभेदा निरत्थका एव सियुं । वुत्तञ्चि तत्थ —

“गण्टकपत्तस्स वा गण्टकन्तरे खेहो पविट्ठो होति...पे... तादिसे पत्तेपि पुनदिवसे भुञ्जन्तस्स पाचित्तिय”न्ति आदि (पाचि० अट्ठ० २५३) ।

तत्थ पन “पटिगहणं अनपेक्खचित्तेन विस्सज्जेत्वा भुञ्जितव्वं”न्ति एतकमेव वत्तब्बं, न च वुत्तं । कत्थंचि ईदिसेसु च गण्टकपत्तादीसु पटिगहणे अपेक्खा कस्सचिपि नत्थेव तप्पहानाय वायामतो, तथापि तत्थगतआमिसे पटिगहणं न विगच्छति । कस्मा? भिक्खुस्स पत्ते पुन भुञ्जितुकामतापेक्खाय विज्जमानता पत्तगतिके आहारेपि तस्सा वत्तनतो । न हि पत्तं अविस्सज्जेत्वा तर्गतिके आहारे विस्सज्जेतुं सकका, नापि आहारं अविस्सज्जेत्वा तर्गतिकं पटिगहणं विस्सज्जेतुं । तस्मा वत्थुनो विस्सज्जनमेव अनपेक्खविस्सज्जनं, न पटिगहणस्साति निट्ठमेत्थ गन्तब्बं । तेनेव सन्निधिसिक्खापदस्स **अनापत्तिवारे** —

“अन्तोसत्ताहं अधिट्ठेति, विस्सज्जेति, नस्सति, विनस्सति, ड्हति, अच्छिन्दित्वा गणहन्ति, विस्सासं गणहन्ति, अनुपसम्पन्नस्स चत्तेन वन्तेन मुत्तेन अनपेक्खो दत्त्वा पटिलभित्वा परिभुञ्जती”ति —

एवं सब्बत्थ वत्थुविस्सज्जनमेव वुत्तं । एत्थ च “अन्तोसत्ताहं अधिट्ठेती”ति बाहिरपरिभोगाय अधिष्ठानवचनतो वत्थुं अविस्सज्जेत्वापि केवलं अनज्झोहरितुकामताय सुद्धचित्तेन बाहिरपरिभोगात्थाय नियमनम्पि विसुं एकं पटिगहणविजहनकारणमेव, इदञ्च सन्धाय पटिगहणमतविस्सज्जनं वुत्तं सिया, सुवुत्तमेव सिया, तथा च “पुन पटिगहेत्वा परिभुञ्जिस्सामी”ति पटिगहणविस्सज्जनं न वत्तब्बं सिया बाहिरपरिभोगाधिष्ठानस्स इधाधिपेतता ।

**सारत्थदीपनियञ्चि** (सारत्थ० दी० पाराजिककण्ड २.६९) “अनपेक्खविस्सज्जनेनाति एत्थ अञ्जस्स अदत्त्वाव अनत्थिकताय ‘नत्थि इमिना कम्मं न दानि नं परिभुञ्जिस्सामी’ति वत्थुसु वा, ‘पुन पटिगहेत्वा पटिभुञ्जिस्सामी’ति पटिगहणे वा अनपेक्खविस्सज्जनेना”ति एवं परिभुञ्जितुकामत्तसेव पटिगहणमतविस्सज्जनम्पि पटिगहणविजहनकारणं वुत्तं, तं न गहेतब्बं । पुरिममेव पन बाहिरपरिभोगाधिष्ठानं गहेतब्बं । इदं पन **अट्ठकथासु** “अनपेक्खविस्सज्जनसङ्गाते विस्सज्जेती”ति वुत्तपाळिपदत्थे सङ्गहेत्वा विसुं न वुत्तं । नस्सति, विनस्सति, ड्हति, विस्सासं वा गणहन्तीति इमानि पन पदानि अच्छिन्दित्वा गणहन्तीति इमस्मिं पदे सङ्गहितानीति वेदितव्वं ।

**अच्छिन्दित्वा गहणेनाति** अनुपसम्पन्नानं बलक्कारादिना अच्छिन्दित्वा गहणेन । उपसम्पन्नानञ्चि अच्छिन्दनविस्सासग्गाहेसु पटिगहणं न विजहति । **एत्थाति** भिक्खुविहारे । **उपरपेकाति** तेन रोपिता रुक्खगच्छा । **तेरससु सम्मुतीसुति** भत्तुदेसकसेनासनपञ्चापकभण्डागारिकचीवरपटिग्गाहकचीवरभाजकयागुभाजकफलभाजकखज्जभाजकअप्पमतकविस्सज्जकसादियगाहापकपत्तगाहापकआरामिकपेसकसामणेरपेसकसम्मुतिसङ्घातासु तेरससु सम्मुतीसु ।

पच्छिमिकाय सेनासनग्गाहे पटिप्पस्सद्धेपि अप्पटिप्पस्सद्धेपि कथिनत्थारस्स, तम्मूलकानं पञ्चानिसंसानञ्च अभावस्स समानता तत्थ विज्जमानम्पि सेनासनग्गाहपटिप्पस्सद्धिं अदस्सेत्वा तत्थ भिक्खुहि कत्तब्बं सङ्गहमेव दस्सेतुं **सचे पच्छिमिकायाति** आदि वुत्तं । **सचे अकुसलविपाके ...पे... छारत्तं मानत्तमेव दातव्वन्ति** इदं पटिच्छन्नाय साधारणापत्तिया परिवसन्तस्स असमादिन्नपरिवासस्स वा लिङ्गे परिवत्ते पक्खमाननं चरन्तस्स वसेन वुत्तं । सचे पनस्स पक्खमानते असमादिन्ने एव पुन लिङ्गे परिवत्तति, परिवासं दत्त्वा परिवुत्थपरिवासस्सेव छारत्तं मानत्तं दातव्वं । **परिवासदानं नत्थि** भिक्खुकाले अप्पटिच्छन्नभावतो । सचे पन भिक्खुकालेपि सञ्चिच्च नारोचेति, आपत्ति पटिच्छन्नाव होति, आपत्तिपटिच्छन्नभावतो परिवासो च दातव्वोति वदन्ति । पाराजिकं आपन्नानं इत्थिपुरिसानं लिङ्गे परिवत्तेपि पाराजिकत्तस्स एकस्मिं अत्तभावे अविजहनतो पुन उपसम्पदा न दातव्वति गहेतव्वं । तेनेव तेसं सीसच्छिन्नपुरिसादयो निदस्सिता ।

**७१. तथेवाति** मुच्यतु वा मा वाति इममत्थं अतिदिसति । **अञ्जेसन्ति** पुयुज्जने सन्धाय वुत्तं । तेसञ्चि ईदिसे ठाने असादियनं दुक्करं सोतापन्नादिरियानं तत्थ दुक्करताभावा । न हि अरिया पाराजिकादिलोकवज्जापत्ति आपज्जन्ति ।

**७३. सुफुसिताति** उपरिमाय दन्तपत्तिया हेड्डिमा दन्तपत्ति आहच्च ठिता, अविवट्ठाति अत्थो । तेनाह “अन्तोमुखे ओकासो नत्थी”ति । **उप्पाटिते पन ओट्टुमंसे दन्ते सुयेव उपक्कमन्तस्स थुल्लच्चयन्ति** निमित्तेन बहिनिमित्ते छुपन्ता वुत्तं । बहिनिक्खन्तदन्तजिह्वासुपि एसेव नयो । **निज्जामतण्हिका** नाम लोमकूपेहि समुद्धितअग्गिजालाहि दट्ठसरीराय अतिविय तसितरूपा । **आदि-सदेन खुप्पिपासासुरा अट्ठिचम्मावसिद्धा** भयानकसरीरा पेतियो सङ्गहिता । **विसञ्जं कत्वाति** यथा सो कतम्पि उपक्कमं न जानाति, एवं कत्वा । तेन च विसञ्जी अहुत्वा सादियन्तस्स पाराजिकमेवाति दस्सेति । **उपहतकायप्पसादोति** वातपित्तादिदोसेहि कायविज्जाणानुप्पादकभावेन दसितकायप्पसादो, न पन विनट्टकायप्पसादो । **सीसे पत्तेति** मग्गेन मग्गप्पटिपादने जाते । अप्पवेसेतुकामताय एव निमित्तेन निमित्तछुपने थुल्लच्चयं वुत्तं, सेवेतुकामस्स पन तत्थापि दुक्कटमेवाति आह “दुक्कटमेव सामन्ति”न्ति ।

**७४. जाति-सदेन सुमनपुक्कपरियायेन तन्निस्सयो गुम्बो अधिपेतोति** आह “जातिपुक्कगुम्बान”न्ति । तेन च जातिया उपलक्खितं वनं जातियावन्नन्ति अलुत्तसमासोति दस्सेति । **एकरसन्ति** वीथिचित्तेहि असम्मिस्सं ।

७७. **उप्यन्ने वत्थुमीति** इत्थीहि कतअञ्जाचारवत्थुस्मिं। **रुक्खसूचिकण्टकद्वारं**ति रुक्खसूचिद्वारं कण्टकद्वारं, एवमेव वा पाठो। तत्थ यं उभोसु पस्सेसु रुक्खथम्मे निखनित्वा तत्थ मज्जे विज्झित्वा द्वे तस्सो रुक्खसूचियो पवेसेत्वा करोन्ति, तं **रुक्खसूचिद्वारं** नाम। पवेसननिक्खमनकाले पन अपनेत्वा थकनकयोगेन कण्टकसाखापटलेन युत्तं द्वारं **कण्टकद्वारं** नाम। गामद्वारस्स पिधानत्थं पदरेन कण्टकसाखादीहि वा कतस्स कवाटस्स उदुक्खलपासरहितताय एकेन संवरितुं विवरितुञ्च असक्कुणेत्यस्स हेट्ठा एकं चक्कं योजेत्ति, येन परिवत्तमानेन तं कवाटं सुखथकनं होति, तं सन्धाय वुत्तं “चक्कलकयुत्तद्वारं”न्ति। चक्कमेव हि लातब्बडेन संवरणविवरणत्थाय गहेतब्बडेन चक्कलकं, तेन युत्तम्पि कवाटं चक्कलकं नाम, तेन युत्तं द्वारं चक्कलकयुत्तद्वारं। महाद्वारेसु पन द्वे तीणिपि चक्कलकानि योजेत्तीति आह **फलकेसूति**आदि। **किटिकासूति** वेळुपेसिकाहि कण्टकसाखादीहि च कतथकनकेसु। **संसरणकिटिकद्वारं**ति चक्कलकयन्तेन संसरणकिटिकायुत्तमहाद्वारं। **गोपेत्वा**ति आवुणित्वा, रज्जुहि गन्थेत्वा वा। **एकं दुस्ससाणिद्वारमेवाति** एत्थ किलज्जसाणिद्वारम्पि सङ्गहं गच्छति तगगतिकता। **अथ भिक्खू...पे०... निसिन्ना होन्तीति** इदं भिक्खुं सन्निहितभावदस्सनत्थं वुत्तं। निपन्नेपि आभोगं कातुं वट्ठति, निपज्जित्वा निद्वायन्ते पन आभोगं कातुं न वट्ठति असन्तपक्खे ठितता। रहो निसज्जाय विय द्वारसंवरणं नाम मातुगामानं पवेसननिवारणत्थं अनुज्जातिन्ति आह **भिक्खुं वाति**आदि। **निस्सेणि आरोपेत्वाति** इदं हेट्ठिमलस्स सद्धारबन्धताय वुत्तं। चतुसु दिसासु परिक्खितस्स कुट्टस्स एकाबद्धताय “एककुट्टके”ति वुत्तं। **पच्छिमानं भारोति** पाळिया आगच्छन्ते सन्धाय वुत्तं। **येन केनचि परिक्खितेति** एत्थ परिक्खेपस्स उब्बेधतो पमाणं सहसेय्यप्पहोनेकं वुत्तसदिसमेव।

**महापरिवेणन्ति** महन्तं अङ्गणं, तेन च बहुजनसज्चारं दस्सेति, तेनाह **महाबोधीति**आदि। **अरुणे उगगते वुट्ठति, अनापत्ति** अनापत्तिखेत्तभूताय रत्तिया सुद्धचित्तेन निपन्नता। **पबुज्झित्वा पुन सुपति आपत्तीति** अरुणे उगगते पबुज्झित्वा अरुणुगमनं जत्वा वा अजत्वा वा अनुडुहित्वा सयितसन्तानेन सुपति उडुहित्वा कत्तब्बस्स द्वारसंवरणादिनो अकतत्ता अकिरियसमुद्धाना आपत्ति होति अनापत्तिखेते कतनिपज्जनकिरियाय अनङ्गता। अयञ्चि आपत्ति ईदिसे ठाने अकिरिया, दिवा असंवरित्वा निपज्जनकखणे किरिया च अचित्तका चाति वेदितब्बा। पुरारुणा पबुज्झित्वापि याव अरुणुगमना सयन्तस्सापि पुरिमनयेन आपत्तियेव। **अरुणे उगगते वुट्ठहिस्सामीति...पे०... आपत्तियेवाति** एत्थ कदा तस्स आपत्तीति? वुच्चते — न ताव रत्तियं “दिवा आपज्जति नो रत्ति”न्ति (परि० ३२३) वुत्तता। “अनादरियदुक्कटा न मुच्चती”ति वुत्तदुक्कटं पन दिवासयनदुक्कटमेव न होति अनादरियदुक्कटा। एवं अरुणुगमने पन अचित्तकं अकिरियसमुद्धानं आपत्ति आपज्जतीति वेदितब्बं। सो सचे द्वारं संवरित्वा “अरुणे उगगते वुट्ठहिस्सामी”ति निपज्जति, द्वारे च अज्जेहि अरुणुगमनकाले विवटेपि तस्स अनापत्तियेव द्वारपिदहनस्स रत्तिदिवाभागेषु विसेसाभावा। आपत्ति आपज्जनस्सेव कालविसेसो इच्छितब्बो, न तप्परिहारस्साति गहेतब्बं, “द्वारं असंवरित्वा रत्ति निपज्जती”ति (पारा० अट्ठ० १.७७) हि वुत्तं। दिवा संवरित्वा निपन्नस्स केनचि विवटेपि द्वारे अनापत्तियेव। अत्तनापि अनुडुहित्वाव सति पच्चये विवटेपि अनापत्तीति वदन्ति। **यथापरिच्छेदमेव च न वुट्ठातीति** अरुणे उगगतेयेव उडुति। **आपत्तियेवाति** मूलापत्तियेव सन्धाय वुत्तं, अनादरिय आपत्ति पन पुरारुणा उड्डितस्सापि तस्स होतेव “दुक्कटा न मुच्चती”ति वुत्तता, दुक्कटा न मुच्चतीति च पुरारुणा उडुहित्वा मूलापत्तिया मुत्तीपि अनादरियदुक्कटा न मुच्चतीति अधिप्पायो।

**निद्वावसेन निपज्जतीति** वोहारवसेन वुत्तं, पादानं पन भूमितो अमोचितता अयं निपन्नो नाम न होति, तेनेव अनापत्ति वुत्ता। **अपस्साय सुपन्तस्साति** कटिठितो उड्डं पिट्टिकण्टके अप्पमत्तकम्पि पदेसं भूमि अफुसापेत्वा थम्मादिं अपस्साय सुपन्तस्स। कटिठि पन भूमि फुसापेन्तस्स सयनं नाम होति। पिट्टिपसारणलक्खणा हि सेय्या। दीधवन्दनादीसुपि तिरियं पिट्टिकण्टकानं पसारितत्ता निपज्जनमेवाति आपत्ति परिहरितब्बाव “वन्दामीति पादमूले निपज्जी”ति आदीसु निपज्जनस्सेव वुत्तता। **तस्सापि अनापत्ति** पतनकखणे अविसयत्ता, विसये जाते सहसा वुट्ठितत्ता च। यस्स पन विसज्जिताय पच्छापि अविसयो, एतस्स अनापत्तियेव पतितकखणे विय। **तत्थेव सयति न वुट्ठातीति** इमिना विसयेपि अकरणं दस्सेति, तेनेव “तस्स आपत्ती”ति वुत्तं।

**एकभङ्गेनाति** उभो पादे भूमितो अमोचेत्वाव एकपस्सेन सरिं भञ्जित्वा निपन्नो। महाअडुकथायं पन महापदुमत्थेरेन वुत्तन्ति सम्बन्धो, तेन “महाअडुकथाय लिखितमहापदुमत्थेरेवावो अय”न्ति दस्सेति। तत्थ सुपन्तस्सापि अविसयत्तमत्थीति महापदुमत्थेरेन “अविसयत्ता पन आपत्ति न दिस्सती”ति वुत्तं। आचरिया पन सुपन्तस्स विसज्जताभावेन विसयत्ता अनापत्ति न कथयन्ति। विसज्जते सति अनापत्तियेव। **द्वे पन जनाति**आदिपि महाअडुकथायमेव वचनं, तदेव पच्छा वुत्तता पमाणं। यक्खगहितगहणेनेव चेत्थ विसज्जीभूतीपि सङ्गहितो। एकभङ्गेन निपन्नो पन अनिपन्नता आपत्तितो मुच्चतियेवाति गहेतब्बं।

७८. **अपदेति** आकासे। **पदन्ति** पदवळ्ळं, तेनाह “आकासे पद”न्ति। **एतदग्गन्ति** एसो अग्गो। **यदिदन्ति** यो अयं। सेसं उत्तानमेव।

इति समन्तपासादिकाय विनयडुकथाय विमतिविनोदनियं

पठमपाराजिकवण्णनानयो निड्डितो।

## २. दुतियपाराजिकं

**अदुतियेनाति** असदिसेन जिनेन यं दुतियं पाराजिकं पकासितं, तस्स इदानी यस्मा संवण्णनाकमो पत्तो, तस्मा अस्स दुतियस्स अयं संवण्णना होतीति योजना।

## धनियवत्थुवण्णना

८४. राजूहि गहितन्ति राजगहन्ति आह “मन्थातु”ति। राजपुरोहितेन परिग्गहितम्पि राजपरिग्गहितमेवाति **महागोविन्दगहणं**, नगरसद्दापेक्खाय चेत्थ “राजगह”न्ति नपुंसकनिहेसो। **अज्जेपेत्थ पकारेति** सुसंविहितारक्खत्ता राजून् गहं गहे भूतन्ति राजगहन्ति आदिके पकारे। **वसन्तवनन्ति** कीळावनं, वसन्तकाले कीळाय येभुत्थत्ता पन वसन्तवनन्ति वुत्तं।

**सद्धारबन्धाति** वस्सूपगमनयोगतादस्सनं। **नालकपटिपदन्ति सुत्तनिपाते** (सु० नि० ६८४ आदयो) नालकत्थेरस्स देसितं मोनेय्यपटिपदं। **पच्चन्नं छदनानन्ति** तिणपण्णइडुकसिलासुधासङ्घातानं पच्चन्नं। **नो चे लभति...पे०... सामम्पि कातब्बन्ति** इमिना नावासत्थवजे ठपेत्वा अज्जत्थ “असेनासनिको अह”न्ति आलयकरणमत्तेन उपगमनं न वट्ठति। सेनासनं परियेसित्वा वचीभेदं कत्वा वस्सं उपगन्तब्बमेवाति दस्सेति। “न, भिक्खवे, असेनासनिकेना”ति आदिना (महाव० २०४) हि **पाळियं** “नालकपटिपदं पटिपन्नेनापी”ति अडुकथायञ्च अविसेसेन दळ्ळं कत्वा वुत्तं, नावासत्थवजेसुयेव च “अनुजानामि, भिक्खवे, नावाय वस्सं उपगन्तु”न्ति आदिना (महाव० २०३) असतिपि सेनासने आलयकरणवसेन वस्सूपगमनं अनुज्जातं, नाज्जत्थाति गहेतब्बं। **अयमनुधम्मताति** सामीचिवत्तं। **कतिकवत्तानीति** भस्सारामतादि विहाय सब्बदा अप्पमतोहि भवितब्बन्ति आदिकतिकवत्तानि। **खन्धकवत्तानीति** “आगन्तुकादिखन्धकवत्तं पूरेतब्ब”न्ति एवं खन्धकवत्तानि च अधिडुहित्वा।

वस्संवुत्थाति पदस्स अडुकथायं “पुरिमिकाय उपगता महापवारणाय पवारिता पाटिपददिवसतो पट्टाय ‘वुत्थवस्सा’ति वुच्चन्ती”ति वुत्तता महापवारणादिवसे पवारेत्वा वा अपवारेत्वा वा अज्जत्थ गच्छन्तेहि सत्ताहकरणीयनिमित्तं सति एव गन्तब्बं, नासति, इतरथा वस्सच्छेदो दुक्कटञ्च होतीति वेदितब्बं। “इमं तेमासं वस्सं उपेमी”ति हि “न, भिक्खवे, वस्सं उपगन्त्वा पुरिमं वा तेमासं पच्छिमं वा तेमासं अवसित्वा चारिका पक्कमितब्बा”ति (महाव० १८५) च वुत्तं। इधेव च वस्संवुत्था तेमासच्चयेन...पे०... पक्कमित्तीति वुत्तं। पवारणादिवसोपि तेमासपरियापन्नोव। केचि पन “अनुजानामि, भिक्खवे, वस्संवुत्थानं भिक्खुं तीहि ठानेहि पवारेतुन्ति (महाव० २०९) पवारणाकम्मस्स पुब्बयेव वस्संवुत्थानन्ति वुत्थवस्सताय वुत्तता महापवारणादिवसे सत्ताहकरणीयनिमित्तं विनापि यथासुखं गन्तुं वट्ठती”ति वदन्ति, तं तेसं मतिमत्तं, वुत्थवस्सानञ्चि पवारणानुजाननं अनुपगतछिन्नवस्सादीनं निवत्तन्तत्थं कत्तं, न पन पवारणादिवसे अवसित्वा पक्कमितब्बन्ति दस्सनत्थं तदत्थस्स इध पसङ्गाभावा, पवारणं कातुं अनुच्छविकानं पवारणा इध विधीयति, ये च वस्सं उपगन्त्वा वस्सच्छेदञ्च अकत्ता याव पवारणादिवसा वसिंसु, ते तत्तकेन पवारणाकम्मं पति परियायतो वुत्थवस्साति वुच्चन्ति, अप्पकं ऊनमधिकं वा गणनूपगं न होतीति जायतो, न कथिनकम्मं पति तेमासस्स अपरिपुण्णता, इतरथा तस्मिं महापवारणादिवसेपि कथिनत्थारप्पसङ्गतो। “अनुजानामि, भिक्खवे, वस्संवुत्थानं भिक्खुं कथिनं अत्थरितु”न्ति (महाव० ३०६) इदं पन “न, भिक्खवे, वस्सं उपगन्त्वा पुरिमं वा तेमासं पच्छिमं वा तेमासं अवसित्वा चारिका पक्कमितब्बा”ति आदि (महाव० १८५) च निप्परियायतो महापवारणाय अनन्तरपाटिपददिवसतो पट्टाय कथिनत्थारं पक्कमनञ्च सन्धाय वुत्तं, **परिवारे** च “कथिनस्स अत्थारमासो जानितब्बो”ति (परि० ४१२) वत्ता “वस्सानस्स पच्छिमो मासो जानितब्बो”ति (परि० ४१२) वुत्तं। यो हि कथिनत्थारस्स कालो, ततो पट्टायेव चारिकापक्कमनस्सापि कालो, न ततो पुरे वस्संवुत्थानंयेव कथिनत्थारारहत्ता। यदग्गेन हि पवारणादिवसे कथिनत्थारो न वट्ठति, तदग्गेन भिक्खूपि वुत्थवस्सा न होन्ति पवारणादिवसस्स अवुत्थत्ता।

यं पन सारथ्यदीपनियं (सारथ्य० टी० पाराजिककण्ड २.८४) “एकदेसेन अवुत्थमि तं दिवसं वुत्थभागापेक्खाय वुत्थमेव होती”तिआदि वुत्तं, तं न युत्तं, तदिवसपरियोसाने अरुणुगमनकाले वसन्तोव हि तं दिवसं वुत्थो नाम हाति परिवासअरञ्जवासादीसु विय, अयञ्च विचारणा उपरि वस्सुपनायिककखन्धके आवि भविस्सतीति तत्थेव तं पाकटं करिस्साम्।

**महापवारणाय पवारिताति** पुरिमिकाय वस्सं उपगन्त्वा अच्छिन्नवस्सतादस्सनपरं एतं केनचि अन्तरायेन अपवारितानमि वुत्थवस्सत्ता। न ओवस्सियतीति **अनोवस्सकन्ति** कम्मसाधनं दडुब्बं, यथा न तेमियति, तथा कत्वाति अत्थो। **अनवयोति** एत्थ अनुसद्दो विच्छायं वत्ततीति आह **अनु अनु अवयोति**आदि। आचरियस्स कम्म आचरियकन्ति आह “आचरियकम्मे”ति। कट्टकम्मं **थम्भादि**। **तेलतम्बमत्तिकायाति** तेलमिस्साय तम्बमत्तिकाय।

**८५. कुटिकाय करणभावन्ति** कुटिका कताभावं। किं-सहपयोगे अनागतपच्चयविधानं सन्धाय **तस्स लक्खणन्ति**आदि वुत्तं। किञ्चापि थेरस्स पाणघाताधिप्पायो नत्थि, अनुपपरिक्खित्वा करणेन पन बहून् पाणानं मरणत्ता **पाणे व्याबाधेन्तस्साति**आदि वुत्तं। **पातव्यभावन्ति** विनासेतब्बतं। **पाणातिपातं करोन्तानन्ति** थेरेन अकतेपि पाणातिपाते पाणकानं मरणमत्तेन पच्छिमानं लेसेन गहणाकारं दस्सेति, तेन च “मम तादिसं अकुसलं नत्थी”ति पच्छिमानं विपल्लासलेसगहणनिमित्तकिञ्च न कत्तब्बन्ति दीपितं हाति। **दिट्ठानुगतिन्ति** दिट्ठस्स कम्मस्स अनुपगमनं अनुकरियं, दिट्ठिया वा लद्धिया अनुगमनं गाहं। **धंसितब्बेति** महितब्बे, विनासितब्बेति अत्थो। **कतं लभित्वा तत्थ वसन्तानमि दुक्कटमेवाति** इदं भगवता कुटिया भेदापनवचनेन सिद्धं, सापि तिणदब्बसम्भारेहि तुलाथम्भादीहि अमिस्सा सुद्धमत्तिकामयापि इड्डकाहि कता वट्टति। केचि हि इड्डकाहियेव थम्भे चिन्तित्वा तदुपरि इड्डकाहियेव वितानादिसण्ठानेन तुलादिदारुसम्भारविरहितं छदनमि बन्धित्वा इड्डकामयमेव आवसथं करोन्ति, तादिसं वट्टति। **गिञ्जकावसथसङ्केपेन कताति** एत्थ गिञ्जका वुच्चन्ति इड्डका, ताहियेव कतो आवसथो गिञ्जकावसथो। **वयकम्मप्पीति** मत्तिकुडारणइड्डकदारुच्छेदनादिकारकानं दिन्नभक्तवत्तनादिवत्थुब्बयेन निष्फन्नुकम्ममि अत्थि, एतेन कुटिभेदकानं गोवादिभावं परिसङ्कति। **तित्थियधजोति** तित्थियानमेव सञ्जाणभूतत्ता वुत्तं। ते हि ईदिसेसु चाटिआदीसु वसन्ति। **अञ्जानिपीति** पि-सद्देन अत्तना वुत्तकारणद्वयमि **महाअड्डकायामेव** वुत्तन्ति दस्सेति। यस्मा सम्बमत्तिकायया कुटि सीतकाले अतिसीता उण्हकाले च उण्हा सुकरा च हाति चोरेहि भिन्दितुं, तस्मा तत्थ ठपितपत्तचीवरदिकं सीतुण्हचोरादीहि विनस्सतीति वुत्तं “पत्तचीवरगुत्तत्थाया”ति। छिन्दापेय्य वा भिन्दापेय्य वा अनुपवज्जोति इदं अयं कुटि विय सब्बथा अनुपयोगाहं सन्धाय वुत्तं। यं पन पञ्चवण्णसुत्तेहि विनद्धछत्तादिकं, तत्थ अकपियभागोव छिन्दितब्बो, न तदवसेसो तस्स कपियत्ता, तं छिन्दन्तो उपवज्जोव हाति। तेनेव वक्खति “घटकमि वाळरूपमि भिन्दित्वा धारेतब्ब”न्तिआदि।

### पाळिमुत्तकविनिच्छयवण्णना

**छत्तदण्डगाहकं सलाकपञ्जरन्ति** एत्थ यो पञ्जरसलाकानं मज्झडो बुन्दे पुथुलो अहिच्छत्तकसदिसो अग्रे सछिडो यत्थ दण्डन्तरं पवेसेत्वा छत्तं गणहन्ति, यो वा समयमेव दीघताय गहणदण्डो हाति, अयं छत्तदण्डो नाम, तस्स अपरिगळनत्थाय छत्तसलाकानं मूलपदेसदण्डस्स समन्ततो दळ्हपञ्जरं कत्वा सुत्तेहि विनन्थन्ति, सो पदेसो छत्तदण्डगाहकसलाकपञ्जरं नाम, तं विनन्थितुं वट्टति। **न वण्णमट्ठत्थायाति** इमिना थिरकरणत्थमेव एकवण्णसुत्तेन विनन्थियमानं यदि वण्णमट्ठं हाति, न तत्थ दोसाति दस्सेति। **आरग्गेनाति** निखादनमुखेन। **दण्डबुन्देति** दण्डमूले कोटियं। **छत्तमण्डलिकन्ति** छत्तपञ्जरे मण्डलाकारेन बद्धदण्डवलयं। **उक्किरित्वाति** निन्नं, उन्नतं वा कत्वा।

**नानासुत्तकेहीति** नानावण्णेहि सुत्तेहि। इदञ्च तथा करोन्तानं वसेन वुत्तं, एकवण्णसुत्तकेनापि न वट्टतियेव, “पकतिस्सूचिकम्ममेव वट्टती”ति हि वुत्तं। **पट्टमुखेति** दिन्नं पट्टानं सङ्घटितपट्टानं सन्धायेतं वुत्तं। **परियन्तेति** चीवरपरियन्ते, अनुवातं सन्धायेतं वुत्तं। **वेणिन्ति** वरकसीसाकारेन सिब्बनं। **सङ्घलिकन्ति** दिगुणसङ्घलिकाकारेन सिब्बनं, वेणिं वा सङ्घलिकं वा करोन्तीति पकतेन सम्बन्धो। **अग्घियं** नाम चेतियसण्ठानं, यं अग्घियत्थम्भाति वदन्ति। **उक्किरन्तीति** उड्डपन्ति। **चतुकोणमेव वट्टतीति** गण्ठकपासकपट्टानि सन्धाय वुत्तं। **कोणसुत्तपिळकाति** गण्ठकपासकपट्टानं कोणेहि बहि निगगतसुत्तानं पिळकाकारेन ठपितकोटियोति केचि वदन्ति, ते पिळके छिन्दित्वा दुविज्जेय्या कातब्बाति तेसं अधिप्पायो। केचि पन “कोणसुत्ता च पिळकाति द्वेयेवा”ति वदन्ति, तेसं मतेन गण्ठकपासकपट्टानं कोणतो कोणेहि नीहतसुत्ता कोणसुत्ता नाम। समन्ततो पन परियन्तेन कता चतुरस्ससुत्ता पिळका नाम। तं दुविधमि केचि चीवरतो विसुं पञ्जायनत्थाय विकारवुत्तं करोन्ति, तं निसेधाय “दुविज्जेय्यरूपा वट्टन्ती”ति वुत्तं, न पन सब्बथा अचक्खुगोचरभावेन सिब्बनत्थाय तथासिब्बनस्स असक्कुण्येत्ता। यथा पकतिचीवरतो विकारो न पञ्जायति, एवं सिब्बितब्बन्ति अधिप्पायो। रजनकम्मतो पुब्बे पञ्जायमानोपि विसेसो चीवरे रत्ते एकवण्णताय न पञ्जायतीति आह “चीवरे रत्ते”ति। **मणिनाति** नीलमणिआदिमट्टपासाणेन, अंसवद्धककायबन्धनादिकं पन अचीवरत्ता सङ्गादीहि धंसितुं वट्टतीति वदन्ति। **कण्णसुत्तकन्ति** चीवरस्स दीघतो तिरियञ्च सिब्बितानं चतुसु कण्णेसु कोणेषु च निक्खन्तानं सुत्तसीसानमेतं नामं, तं छिन्दित्वाव पारुपितब्बं, तेनाह “रजितकाले छिन्दितब्ब”न्ति। भगवता अनुज्जातं एकं कण्णसुत्तमि अत्थि, तं पन नामेन सदिसमि इतो अञ्जमेवाति दस्सेतुं यं **पनाति**आदि वुत्तं। **लग्ननत्थायाति** चीवररज्जुयं चीवरबन्धनत्थाय। **गण्ठिकेति** दन्तादिये। **पीळकाति** बिन्दुं बिन्दुं कत्वा उड्डापेतब्बपीळका।

**थालके वाति** तम्बादिये पुग्गलिके तिविधेपि कपियथालके। **न वट्टतीति** मणिवण्णकरणप्पयोगो न वट्टति, तेलवण्णकरणत्थं पन वट्टति। **पत्तमण्डलेति** तित्पुसीसादिये। “न, भिक्खवे, चित्तानि पत्तमण्डलानि धारेतब्बानि रूपकाकिण्णानि भित्तिकम्मकतानी”ति (चूळव० २५३) वुत्तता “भित्तिकम्मं न वट्टती”ति वुत्तं। “अनुजानामि, भिक्खवे, मकरदन्तकं छिन्दितुं”न्ति (चूळव० २५३) वुत्तता “मकरदन्तकं पन वट्टती”ति वुत्तं, इदं पन पाळिया लद्धमि इध पाळिया मुत्तत्ता पाळिमुत्तकनये वुत्तं। एवमञ्जमि ईदिसं।

**लेखा न वट्टतीति** आरग्गेन दिन्नलेखाव न वट्टति, जातिहङ्गुलिकादिवण्णेहि कतलेखा वट्टति। **छत्तमुखवट्टियन्ति** धमकरणस्स हत्थेन गहणछत्ताकारस्स मुखवट्टियं, “परिस्सावनचोळबन्धनट्टाने”ति केचि।

**देडुभसीसन्ति** उदकसप्पसीसं। **अच्छीनीति** कुञ्जरच्छिसण्ठानानि। **एकमेव वट्टतीति** एत्थ एकरज्जुकं दिगुणं तिगुणं कत्वापि बन्धितुं न वट्टति, एकमेव पन सतवारमि सरीरं परिकिखपित्वा बन्धितुं वट्टति, बहुरज्जुकं एकतो कत्वा एकेन निरन्तरं वेटेत्वा कतं “बहुरज्जुक”न्ति न वत्तब्बं “वट्टती”ति वुत्तत्ता, तं मुरजसङ्घं न गच्छतीति वेदितब्बं। मुरजज्झि नानावण्णेहि सुत्तेहि मुरजवट्टिसण्ठानं वेटेत्वा कतं, इदं पन मुरजं महवीणसङ्घातं पामङ्गसण्ठानञ्च दसासु वट्टति “कायबन्धनस्स दसा जीरन्ति; अनुजानामि, भिक्खवे, मुरजं महवीण”न्ति (चूळव० २७८) वुत्तत्ता।

**विधेति** दसापरियोसाने थिरभावाय दन्तविषाणसुत्तादीहि कत्तब्बे विधे। **अट्ट मङ्गलानि** नाम सङ्घो चक्कं पुण्णकुम्भो गया सिरीवच्छो अङ्कुसो धजं सोवत्तिकन्ति वदन्ति। मच्छयुगळछत्तनन्दियावट्टादिवसेनपि वदन्ति। **परिच्छेदलेखामत्तन्ति** दन्तादीहि कतविधस्स उभोसु कोटीसु कतपरिच्छेदराजिमत्तं।

“उजुकमेवा”ति वुत्तत्ता चतुरस्सादिसण्ठानापि अञ्जनी वङ्कगित्ता न वट्टति। **सिपाटिकायाति** वासिआदिभण्डनिक्खिपनपसिब्बके। **आरकण्टकं** नाम पोत्थकादिअसङ्कारणत्थं कतदीधमुखसत्थकन्ति वदन्ति। “भमकारानं दारुआदिलिखनसत्थक”न्ति केचि। **वट्टमणिकन्ति** वट्टं कत्वा उड्डपेतब्बं पुफुळकं। **अञ्जन्ति** इमिना पिळकादि सङ्गृह्णाति। **पिप्फलिकेति** यं किञ्चि छेदनके खुद्दकसत्थे। **वलितकन्ति** नखच्छेदनकाले दळ्हगहणत्थं वलीहि युत्तमेव करोन्ति। **तस्मा तं वट्टतीति** इमिना यं अञ्जमि विकारं दळ्हीकम्मादिअत्थाय करोन्ति, न वण्णमट्टत्थाय, तं वट्टतीति दीपितं, तेन च कत्तरदण्डकोटियं अञ्जमञ्जमि घट्टनेन सद्दिनच्छरणत्थाय कतं अयोवलयदिकं संयुत्तमि कपियतो उपपन्नं हाति। **मण्डलन्ति** उत्तरारणिया पवेसनत्थं आवाटमण्डलं हाति। उजुकमेव बन्धितुन्ति सम्बन्धो, उभोसु वा पस्सेसु एकपस्से वाति वचनसेसो। वासिदण्डस्स उभोसु पस्सेसु दण्डकोटीनं अचलनत्थं बन्धितुन्ति अत्थो।

**आमण्डसारकेति** आमलकफलानि पिसित्वा तेन कक्केन कततेलभाजने। तत्थ किर पक्खितं तेलं सीतलं हाति। **भूमत्थरणेति** कटसारादिये परिकम्मकताय भूमिया अत्थरितब्बअत्थरणे। **पानीयघट्टेति** सब्बं भाजनविकर्तं सङ्गृह्णाति। **सब्बं...पे०...** **वट्टतीति** यथावुत्तेसु मज्जादीसु इत्थिपुरिसरूपमि वट्टति तेलभाजनेसुयेव इत्थिपुरिसरूपानं पटिक्खित्तत्ता, तेलभाजनेन सह अगणेत्वा विसुं मज्जादीनं गहितत्ता चाति वदन्ति, किञ्चापि वदन्ति, एतेसं पन मज्जादीनं हत्थेन आमसितब्बभण्डत्ता इत्थिरूपमेवेत्थ न वट्टतीति गहेतब्बं। **अञ्जेसन्ति** सीमसामिकानं। **राजवत्तलभेहीति** लज्जीपेसलादीनं उपोसथादिअन्तयिकरा अलज्जिनो भिन्नालद्धिका च भिक्खू अधिप्पेता तेहि सह उपोसथादिकरणायोगा, तेनेव “सीमाया”ति वुत्तं। **तेसं लज्जीपरिसाति** तेसं सीमासामिकानं अनुबलं दातुं समत्था लज्जीपरिसा। **भिक्खूहि कतन्ति** यं अलज्जीनं सेनासनभेदनादिकं लज्जीभिक्खूहि कतं, सब्बज्येतं सुकतमेव अलज्जीनिगहत्थाय पवत्तितब्बतो।

**८८. अवज्ञायन्तीति** नीचतो चिन्तेति। **उज्झायनत्योति** भिक्षुनो धेय्यकम्मनिन्दनत्यो “कथञ्चि नाम अदिन्नं आदियस्सती”ति, न पन दारु-सद्विसेसनत्यो तस्स बहुवचनता। **वचनभेदेति** एकवचनबहुवचनानं भेदे। **सब्बावन्तन्ति** भिक्षुभिक्षुनीआदिसब्बावयववन्तं। **बिम्बिसारोति तस्स नामन्ति** एत्थ **बिम्बीति** सुवण्णं। तस्मा सारसुवण्णसदिसवण्णताय “बिम्बिसारो”ति वुच्चतीति वेदितव्वं। पोराणसत्थानुरूपं उपादितो वीसतिमासप्पमाणउत्तमसुवण्णगघनको लकखणसम्पन्नो **नीलकहापणोति** वेदितव्वो। रुद्रदामेन नाम केनचि उपादितो **रुद्रदामको**। सो किर नीलकहापणस्स तिभागं अग्घति। यस्मिं पन देसे नीलकहापणा न सन्ति, तत्थापि काळकविरहितस्स निज्जन्तसुवण्णस्स पञ्चमासगघनकेन भण्डेन पादपरिच्छेदो कातव्वो। **तेनाति** नीलकहापणस्स चतुत्थभागभूतेन। **पाराजिकवत्थुहि** वातिआदि पाराजिकानं सब्बबुद्धेहि पञ्चतभावेन वुत्तं, सङ्गादिसेसादीसु पन इतरापत्तीसुपि तब्वत्थूसु च नानतं नत्थेव, केवलं केचि सब्बाकारेन पञ्चपेत्ति, केचि एकदेसेनाति एत्तकमेव विसेसो। न हि कदाचिपि सम्मासम्बुद्धा यथापराधं अतिककम्म ऊनमधिकं वा सिक्खापदं पञ्चपेत्ति।

#### पदभाजनीयवण्णना

**९२. पुनपि** “आगन्तुकामा”ति वुत्तता च सब्बथा मनुस्सेहि अनिवुत्थपुब्बे अभिनवमापिते, “पुन न पविसिस्सामा”ति निरालयेहि परिच्यते च गामे गामवोहाराभावा गामप्पवेसनापुच्छनादिकच्चं नत्थीति वेदितव्वं। **अरञ्जपरिच्छेददस्सनत्थति** गामगामूपचारेसु दस्सितेसु तदञ्जं अरञ्जन्ति अरञ्जपरिच्छेदो सकका जातुन्ति वुत्तं। **मातिकायं** पन गामगहणेनेव गामूपचारेपि गहितोति दद्वब्बो। **इन्दखीलेति** उम्मारो। **अरञ्जसङ्केपं गच्छति** तथा **अभियम्मे** वुत्तता। असातिपि इन्दखीले इन्दखीलद्वानियता “वेमञ्जमेव इन्दखीलोति वुच्चती”ति वुत्तं। यत्थ पन द्वारबाहिपि नत्थि, तत्थ पाकारवेमञ्जमेव इन्दखीलोति गहेतव्वं। **लुट्ठित्वाति** पवट्ठित्वा।

**मज्झिमस्स पुरिसस्स सुप्पपातो** वातिआदि मातुगामस्स काकुड्ढापनवसेन गहेतव्वं, न बलदस्सनवसेन “मातुगामो भाजनधोवनउदकं छट्ठेती”ति (पारा० अट्ट० १.९२) उपरि वुच्चमानता, तेनेव “लेडुपातो”ति अवत्वा **सुप्पपातोति**आदि वुत्तं। **कुरुन्दुकथायं महापच्चरियञ्च** घरूपचारोव गामोति अधिपपायेन “घरूपचारे ठितस्स लेडुपातो गामूपचारे”ति वुत्तं। **कतपरिक्खेपोति** इमिना परिक्खेपतो बहि उपचारो न गहेतव्वोति दस्सति। सुप्पमुसलपातोपि अपरिक्खित्तगहेस्सेव, सो च यतो पहाति, तत्थेव गहेतव्वो, अप्पहोनद्वाने पन विज्जमानद्वानमेव गहेतव्वं। यस्स पन घरस्स समन्ततो पाकारादीहि परिक्खेपो कतो होति, तत्थ सोव परिक्खेपो घरूपचारेति गहेतव्वं।

**पुब्बे वुत्तनयेनाति** परिक्खित्तगामे वुत्तनयेन। **सङ्करीयतीति** मिस्सीयति। विकाले गामप्पवेसने “परिक्खित्तस्स गामस्स परिक्खेपं अतिकमन्तस्स आपत्ति पाचित्तियस्स। अपरिक्खित्तस्स गामस्स उपचारं ओक्कमन्तस्स आपत्ति पाचित्तियस्स”ति (पाचि० ५.१३) वुत्तता गामगामूपचारानं असङ्करता इच्छितव्वोति आह **असङ्करतो चाति**आदि। केचि पनेत्थ **पाळियं** “अपरिक्खित्तस्स गामस्स उपचारं ओक्कमन्तस्स आपत्ति इदं परिक्खेपारहद्वानं सन्धाय वुत्तं, न ततो परं एकलेडुपातपरिच्छिन्नं उपचारं। तस्मा परिक्खेपारहद्वानसङ्गातं गामं ओक्कमन्तस्सेव आपत्ति, न उपचार”न्ति वदन्ति, तं न गहेतव्वं “घरूपचारे ठितस्स मज्झिमस्स पुरिसस्स लेडुपातवन्तं गामो नाम। ततो अञ्जस्स लेडुपातस्स अब्भन्तरं गामूपचारो नामा”ति (पारा० अट्ट० १.९२) इथेव **अट्टकथायं** वुत्तता। विकाले गामप्पवेसनसिक्खापदद्वकथायञ्चि अपरिक्खित्तस्स गामस्स उपचारो अदिन्नादाने वुत्तनयेनेव वेदितव्वोति (पाचि० अट्ट० ५.१२) अयमेव नयो अतिदिसितो। तेनेव **मातिकाडुकथायमि** “य्यायं अपरिक्खित्तस्स गामस्स उपचारो दस्सितो, तस्स वसेन विकाले गामप्पवेसनादीसु आपत्ति परिच्छिन्तव्वो”ति (कट्ठा० अट्ट० दुतियपाराजिकवण्णना) वुत्तं, तस्मा परिक्खित्तस्स गामस्स परिक्खेपं अतिकमन्तस्स, अपरिक्खित्तस्स गामस्स घरूपचारतो पट्टाय दृतियलेडुपातसङ्गातं गामूपचारं ओक्कमन्तस्स विकाले गामप्पवेसनापत्ति होति, **मातिकायञ्च** विकाले गामं पविसेय्याति गामगहणेनेव गामूपचारेपि गहितोति वेदितव्वं। **विकाले गामप्पवेसनादीसूति आदि-**सहेन घरघरूपचारादीसु ठितानं उप्पन्नाभाभाजनादि सङ्गणहति।

**निकखमित्वा बहि इन्दखीलाति** इन्दखीलतो बहि निकखमित्वा ठितं यं ठानं सब्बमेतं अरञ्जन्ति योजना। **आचरियधनु** नाम पकतिहत्येन नवविदत्थिपमाणं, जियाय पन आरोपिताय सत्तद्विदत्थिमत्तन्ति वदन्ति।

**कप्पियन्ति** अनुरूपवसेन वुत्तं अकप्पियस्सापि अपटिगहितस्स परिभोगे पाचित्तियता। परिच्चागादिहि अकते “इदं मय्दं सन्तक”न्ति वत्थुसामिना अविदितमि परिगहितमेव बालुम्पत्तादीनं सन्तकं विय, तादिसं अवहरन्तोपि जातकादीहि पच्चा जत्वा वत्थुसामिना च अनुबन्धितव्वतो पाराजिकोव होति। यस्स वसेन पुरिसो थेनो होति, तं थेय्यन्ति आह “अवहरणचित्तस्सेतं अधिवचन”न्ति। **पपञ्चसङ्गाति** तण्हामानदिद्विसङ्गाता पपञ्चकोट्टासा। **एको चित्तकोट्टासोति** ठानाचावनपयोगसमुद्रापको एको चित्तकोट्टासोति अत्थो।

**अभियोगवसेनाति** अट्टकरणवसेन। **सविज्जाणकेनेवाति** इदं सविज्जाणकानञ्जेव आवेणिकविनिच्छयं सन्धाय वुत्तं। पाणो अपदन्तिआदीसु हि “पदसा नेस्सामी”ति पठमं पादं सङ्गामेति, आपत्ति थुल्लच्चयस्सातिआदिना **पाळियं** (पारा० १.११), भिक्षु दासं दिस्वा सुखदुक्खं पुच्छित्वा वा अपुच्छित्वा वा “गच्छ, पलायित्वा सुखं जीवा”ति वदति, सो चे पलायति, दृतियपदवारे पाराजिकन्तिआदिना (पारा० अट्ट० १.११४) **अट्टकथायञ्च** यो सविज्जाणकानञ्जेव आवेणिको विनिच्छयो वुत्तो, सो आरामादिअविज्जाणकेसु न लब्धतीति तादिसं सन्धाय “सविज्जाणकेनेवा”ति वुत्तं। यो पन विनिच्छयो आरामादिअविज्जाणकेसु लब्धति, सो यस्मा सविज्जाणकेसु अलब्धनको नाम नत्थि, तस्मा वुत्तं “नानाभण्डवसेन सविज्जाणकाविज्जाणकमिस्सकेना”ति। सविज्जाणकेन च अविज्जाणकेन चाति अत्थो। यस्मा चेत्थ अविज्जाणकेनेव आदियनादीनि छपि पदानि न सकका योजेतुं इरियापथावकोपनस्स सविज्जाणकवसेनेव योजेतव्वतो, तस्मा “अविज्जाणकेनेवा”ति ततियं प्रकारं न वुत्तन्ति दद्वब्बं।

**आरामन्ति** इदं उपलक्खणमत्तं दासादिसविज्जाणकस्सापि इध सङ्गहेतव्वतो, नानाभण्डवसेन हेत्थ योजना दस्सियति। **परिकप्पितद्वानन्ति** परिकप्पितोकासं। **सुङ्कघातन्ति** एत्थ मग्गं गच्छन्तेहि सत्थिकेहि अत्तना नीयमानभण्डतो रञ्जो दातव्वभागो सुङ्को नाम, सो एत्थ हञ्जति अदत्त्वा गच्छन्तेहि अवहरीयति, तं वा हन्ति एत्थ राजपुरिसा अददन्तानं सन्तकं बलक्कारेनाति सुङ्कघातो, “एत्थ पविट्ठेहि सुङ्को दातव्वो”ति रुक्खपम्बतादिसञ्जाणेन नियमितपदेसस्सेतं अधिवचनं।

#### पञ्चवीसतिअवहारकथावण्णना

**कत्थचीति** एकस्सा अट्टकथायं। **एकं पञ्चकं दस्सितन्ति** “परपरिगहितञ्च होति, परपरिगहितसञ्जी च, गरुको च होति परिक्खारो पञ्चमासको वा अतिरेकपञ्चमासको वा, थेय्यचित्तञ्च पच्चुपट्ठितं होति, ठाना चावेती”ति (पारा० १.२२) वुत्तपञ्चअवहारङ्गाणि एकं पञ्चकन्ति दस्सितं। **द्वे पञ्चकानि दस्सितानीति** “छहि आकारेहि अदिन्नं आदियन्तस्स आपत्ति पाराजिकस्स। न च सकसञ्जी, न च विस्सासगाही, न च तावकालिकं, गरुको च होति परिक्खारो पञ्चमासको वा अतिरेकपञ्चमासको वा, थेय्यचित्तञ्च पच्चुपट्ठितं होति, ठाना चावेति, आपत्ति पाराजिकस्सा”ति (पारा० १.२५) एवं वुत्तेसु छसु पदेसु एकं अपनेत्वा सेसानि पञ्च पदानि एकं पञ्चकं कत्त्वा हेट्ठा वुत्तपञ्चकञ्च गहेत्वा द्वे पञ्चकानि दस्सितानि। **एत्थ पनाति** पञ्चहाकारेहीतिआदीसु। **सब्बेहिपि पदेहीति** परपरिगहितञ्च होतीतिआदीहि सब्बेहि पञ्चहि पदेहि।

पञ्चनं अवहारानं समूहो **पञ्चकं**। सको हत्थो सहत्थो, तेन निब्वत्तो, तस्स वा सम्बन्धीति साहत्थिको, अवहारो। साहत्थिकादि पञ्चकं **साहत्थिकपञ्चकन्ति**आदिपदवसेन नामलाभो दद्वब्बो। एवं सेसेसुपि। **ततियपञ्चमेसु पञ्चकेसुति** साहत्थिकपञ्चकथेय्यावहारपञ्चकेसु। **लब्धमानपदवसेनाति** साहत्थिकपञ्चके लब्धमानस्स निस्सगियावहारपदस्स वसेन, थेय्यावहारपञ्चके लब्धमानस्स परिकप्पावहारपदस्स च वसेन योजेतव्वन्ति अत्थो।

**निस्सगियायो नाम...ये०...** **पाराजिकस्साति** इमिना बहि सुङ्कघातपातनं निस्सगियपयोगोति दस्सेति। “हत्थे भारं थेय्यचित्तो भूमियं निक्खिपति, आपत्ति पाराजिकस्सा”ति (पारा० १.०१) वुत्तता पन सुङ्घचित्तेन गहितपरभण्डस्स थेय्यचित्तेन गुम्बादिपटिच्छन्नद्वाने खिपनमि इमस्मिं निस्सगियपयोगे सङ्कहेतीति दद्वब्बं। किरियासिद्धितो पुरेतरमेव पाराजिकापत्तिसङ्गातं अत्थं साधेतीति **अत्थसाधको**। अथ वा अत्तनो वत्तमानक्खणे अविज्जमानमि किरियासिद्धिसङ्गातं अत्थं अवस्सं आपत्ति साधेतीति **अत्थसाधको**। **असुकं नाम भण्डं यदा सककोसीति** इदं निदस्सनमतं परस्स तेलकुम्भिया उपाहनादीनं निक्खेपयोगस्सापि अत्थसाधकता। तथा हि वुत्तं **मातिकाडुकथायं** —

“अत्थसाधको नाम ‘असुकस्स भण्डं यदा सककोति, तदा तं अवहरा’ति अञ्जं आणपेति। तत्थ सचे परो अनन्तरायिको हुत्वा तं अवहरति, आणापकस्स आणात्तिकखणेयेव पाराजिकं।

परस्स वा पन तेलकुम्भिया पादग्घनकतेलं अवस्सं पिवनकानि उपाहनादीनि पक्खिपति, हत्थतो मुत्तमत्तेयेव पाराजिकं'न्ति (कङ्का० अट्ट० दुतियपाराजिकवण्णना) ।

इमस्स अत्थसाधकस्स आणत्तिया च को विसेसोति? तङ्गणञ्जेव गहणे नियुञ्जनं **आणत्तिकपयोगो**, कालन्तरेण गहणत्थं नियोगो **अत्थसाधको**ति अयं नेसं विसेसो । तेनेवाह “असुकं नाम भण्डं यदा सक्कोसी”तिआदि । **धुरनिकखेपो पन उपनिक्खित्तभण्डवसेन वेदितब्बो**ति इदं निदस्सनमत्तं, आरामाभियुञ्जनादीसुपि तावकालिकभण्डदेव्यान् अदानेपि एसेव नयो । भण्डगहणपयोगतो आणत्तिया पुब्बत्ता आह “आणत्तिवसेन पुब्बपयोगो वेदितब्बो”ति । पयोगेन सह वत्तमानो अवहारो सहपयोगोति आह “ठानाचावनवसेना”ति, इदञ्च निदस्सनमत्तं खीलसङ्कमनादीसुपि असति ठानाचावने सहपयोगता । वुत्तञ्चि **मातिकाडुकथायं** “ठानाचावनवसेन खीलादीनि सङ्कामेत्वा खेत्तादिगहणवसेन च **सहपयोगो** वेदितब्बो”ति (कङ्का० अट्ट० दुतियपाराजिकवण्णना) ।

**तुलयित्वा**ति उपपरिक्खित्वा । **सामीची**ति वत्तं । सकसञ्जाय अदेन्तस्स आपत्ति नत्थीति वदन्ति । **सम्महो**ति निविद्धतासङ्कोभो । **भट्टे जनकाये**ति अपगते जनसमूहे । **अत्तनो सन्तकं कत्वा एतस्सेव भिक्खुनो देही**ति इदं उभिनन्मि कुक्कुच्चविनोदनत्थं वुत्तं । अवहारकस्स हि “मया सहत्थेन न दिन्नं, भण्डदेयं एतं”न्ति कुक्कुच्चं उपपज्जेय्य, इतरस्स च “मया पठमं धुरनिकखेपं कत्वा पच्छा अदिन्नं गहितं”न्ति कुक्कुच्चं उपपज्जेय्याति ।

**समग्घनि** अपग्घं । **दारुअत्थं फरती**ति दारुहि कत्तब्बकिच्चं साधेति । एकदिवसं दन्तकट्टुच्छेदनादिना या अयं अग्घहानि वुत्ता, सा सब्बा भण्डसामिना किणित्वा गहितमेव सन्धाय वुत्ता । सब्बं पनेतं अडुकथाचरियप्पमाणेन वेदितब्बं । पासाणञ्च सक्खरञ्च **पासाणसक्खरं** ।

**अक्खदस्सा**ति एत्थ अक्ख-सहेन किर विनिच्छयसाला वुच्चति, तत्थ निसीदित्वा वज्जावज्जं निरूपयन्तीति “अक्खदस्सा”ति वुच्चन्ति धम्मविनिच्छनका । हननं नाम हत्थपादादीहि पोथनञ्चेव हत्थनासादिच्छेदनञ्च होतीति आह “हनेय्युन्ति पोथेय्युञ्चेव छिन्देय्युञ्चा”ति ।

पदभाजनीयञ्च “हत्थेन वा पादेन वा कसाय वा वेत्तेन वा अड्ढदण्डकेन वा छज्जाय वा हनेय्यु”न्ति (पारा० ९२) वुत्तं । तत्थ **अड्ढदण्डकेना**ति द्विहत्यप्पमाणेन रस्समुग्गेन, वेळुपेसिकाय वा । **छेज्जाय वा**ति हत्थादीनं छेदनेन । छिन्दन्ति एताय हत्थपादादीनीति छेज्जा, सत्थं, तेन सत्थेनातिपि अत्थो । **नीहरेय्यु**न्ति रडुतो नीहरेय्यु । “चोरोसि...पे... थेनोसी”ति एत्थ परिभासेय्युन्ति पदं अज्झाहरित्वा अत्थो वेदितब्बोति आह “चोरोसि...पे... परिभासेय्यु”न्ति । यं तं भण्डं दस्सितन्ति सम्बन्धो ।

१३. **यत्थ यत्थ ठितन्ति** भूमियादीसु यत्थ यत्थ ठितं । **यथा यथा आदानं गच्छती**ति येन येन आकारेण गहणं उपगच्छति ।

#### भूमिदुक्कथावण्णना

१४. **वाचाय वाचाया**ति एकेकत्थदीपिकाय वाचाय वाचाय । **उपलब्धो**ति जातो । **पाळियं** सेसअडुकथासु च कुदालं वा पिटकं वाति इदमेव द्वयं वत्त्वा वासिफरसून् अवुत्तता तेसम्पि सङ्केपडुकथादीसु आगतभावं दस्सेतुं **सङ्केपडुकथायन्ति**आदि वुत्तं । थेय्यचित्तेन कत्ता “दुक्कटेहि सङ्घि पाचित्तियानी”ति वुत्तं ।

**अड्ढविधं** हेतन्ति आदीसु एतं दुक्कटं नाम थरेहि धम्मसङ्गाहकेहि इमस्मिं ठाने समोधानेत्वा अड्ढविधन्ति दस्सितन्ति योजना । सब्बेसम्पि दुक्कटानं इमेसुयेव अड्ढसु सङ्गहेतव्वभावतो पन इतरेहि सत्तहि दुक्कटेहि विनिमुत्तं विनयदुक्कटेयेव सङ्गहेतव्वं । **दसविधं रतन्ति** “मुत्ता मणि वेळुरियो सङ्को सिला पवाळं रजतं जातरूपं लोहितको मसारगल्लं”न्ति एवमागतं दसविधं रतन्ति ।

“मुत्ता मणि वेळुरियो च सङ्को,  
सिला पवाळं रजतञ्च हेमं,  
लोहितकञ्च मसारगल्लं,  
दसेते धोरो रतनानि जञ्जा”ति ॥ —

हि वुत्तं । **सत्तविधं धञ्जन्ति** सालि वीहि यवो कङ्कु कुदूसं वरको गोधुमोति इमं सत्तविधं धञ्जं । **आवुधभण्डादिन्ति आदि-**सहेन तुरियभण्डइत्थिरूपादिं सङ्गहन्ति । अनामसितब्बे वत्थुम्हि दुक्कटं **अनामासदुक्कटं** । **दुरुपचिण्णदुक्कटं**ति “अकत्तव्वं”न्ति वारितस्स कत्ता दडु उपचिण्णं चरितन्ति दुरुपचिण्णं, तस्मिं दुक्कटं दुरुपचिण्णदुक्कटं । विनये पञ्चत्तं अवसेसं दुक्कटं **विनयदुक्कटं** । **एकादस समनुभासना** नाम भिक्खुपातिमोक्खे चत्तारो यावततियका सङ्गादिसेसा अरिडुसिक्खापदन्ति पञ्च, भिक्खुनीपातिमोक्खे एकं यावततियकपाराजिकं चत्तारो सङ्गादिसेसा चण्डकाळीसिक्खापदन्ति छ ।

सहपयोगतो पट्ठाय चेत्य पुरिमपुरिमा आपत्तियो पटिप्पस्सम्भन्तीति आह **अथ धुरनिकखेपं अकत्वा**तिआदि । “धुरनिकखेपं अकत्वा”ति वुत्तता धुरनिकखेपं कत्वा पुन खणन्तस्स पुरिमापत्तियो न पटिप्पस्सम्भन्तीति वदन्ति । “छेदनपच्चया दुक्कटं देसेत्वा मुच्चती”ति वत्त्वा पुब्बपयोगे आपत्तीन् देसेतव्वत्ताय अवुत्तता सहपयोगे पत्ते पुब्बपयोगे आपत्तियो पटिप्पस्सम्भन्तीति वेदितव्वं ।

**अपरद्धं विरद्धं खलितन्ति** सब्बमेतं **यञ्च दुक्कटं**ति एत्थ वुत्तस्स दुक्कटस्स परियायवचनं, यं **मनुस्सो** करोतिआदि पनेत्थ ओपम्मनिदस्सनं । **संयोगभावो**ति द्वितं सन्धाय वुत्तं, तेन रस्सत्तस्सापि निमित्तं दस्सितन्ति वेदितव्वं । **एकस्स भूते**ति एकस्स सन्तिके । सब्बत्थापि आमसने दुक्कटं, फन्दापने थुल्लच्चयञ्च विसुं विसुं आमसनफन्दापनपयोगं करोन्तस्सेव होति, एकपयोगेन गणहन्तस्स पन उद्दारे पाराजिकमेव, न दुक्कटथुल्लच्चयानीति वदन्ति, एकपयोगेन गणहन्तस्सापि आमसनफन्दापनानम्पि लब्धमानता तं न गहेतव्वं । न हि सक्का अनामसित्वा अफन्दापेत्वा च किञ्चि गहेतुं । “एकमेव देसेत्वा मुच्चती”ति पंसुखणनादिसमानपयोगेपि पुरिमा आपत्ति उत्तरमुत्तरं आपत्ति पत्त्वा पटिप्पस्सम्भन्तीति सञ्जाय **कुरुन्दुक्कथायं** वुत्तं, **इतरदुक्कथासु** पन खणनपयोगभेदेहि पयोगे पयोगे आपन्ना आपत्तियो उत्तरमुत्तरं पत्त्वा न पटिप्पस्सम्भन्ति अञ्जमञ्जं सदिसत्ता वियूहन् पत्त्वा ता सब्बापि पटिप्पस्सम्भन्ति विसदिसपयोगताति इमिना अधिप्पायेन पटिप्पस्सद्विविधानं वुत्तन्ति वेदितव्वं । इमिना हि अवहारकस्स आसन्नं ओरिमन्तं परामसति ।

**तत्थेवा**ति मुखवट्टियमेव । **बुन्देना**ति कुम्भिया हेडिमतलेन । एकड्डाने ठिताय कुम्भिया ठाना चावनं छहि आकारेहि वेदितव्वन्ति सम्बन्धो । **एकड्डाने**ति च सङ्कलिकबद्धभावेन एकस्मिं पतिट्टितोकासड्डानेति अत्थो । **खाणुकं केसगमत्तमि** ठाना **चावेती**ति खाणुकं अत्तनो पतिट्टितड्डानतो पञ्चहि आकारेहि ठाना चावेति । **छिन्नमत्ते पाराजिकं**ति अवस्सं चे पतति, छिन्नमत्ते पाराजिकं । **परिच्छेदो**ति पञ्चमासकादिगरुभावपरिच्छेदो । **अपब्बूहन्तो**ति ठितड्डानतो अपनयनवसेन वियूहन्तो रासिं करोन्तो । **एवं कत्वा**ति भाजनमुखवट्टिया कुम्भिगतेन भाजनगतस्स एकाबद्धभावं वियोजेत्वाति अत्थो । **उपडुक्कुम्भीयन्ति** उपडुपुण्णाय कुम्भिया । **विनयधम्मता**ति अधिककारणालाभे विनयविनिच्छयधम्मताति अधिप्पायो । न केवलञ्चेत्थ गरुक्ताव, सुत्तानुगमनम्पि अत्थीति दस्सेन्तो **अपिचा**तिआदिमाह । **कण्ठेन पन परिच्छिन्नकाले**ति मुखगतं अज्झोहटकालेति अत्थो । अज्झोहरणमेव हेत्थ परिच्छिन्दन्, न कण्ठपिदहनं । **चिक्कन्ति** थर्द्ध, बहलं घनन्ति अत्थो ।

**योपि थेय्यचित्तेन परस्स कुम्भिया पादग्घनकं सपिं वा तेलं वा अवस्सं पिवनकं यं किञ्चि दुकूलसाटकं वा चम्पखण्डादीनं वा अञ्जतरं पक्खिपति, हत्थतो मुत्तमत्ते पाराजिकं**ति एत्थ अवहारो वीमसितव्वो । यदि च दुकूलादीसु सपित्तेलानं पविसनं सन्धाय पाराजिकं भवेय्य, तत्थ पविट्टतेलादिनो कुम्भिगतेन एकाबद्धताय न ताव अवहारो भाजनन्तरं पवेसेत्वा गहणकाले विय । तथा हि वुत्तं — “भाजनं पन निमुज्जापेत्वा गणहन्तस्स याव एकाबद्धं होति, ताव रक्खती”तिआदि । अथ तेलादिविनासेन पाराजिकं भवेय्य, तदापि तिणज्झापनादीसु विय अवहारो नत्थि, दुक्कटेन सङ्घि भण्डदेय्यमेव होति, तथा च पादग्घनकं तेलादि पीतं दुकूलादि उद्भरन्तस्सापि पाराजिकं न सिया तत्थ पविट्टस्स तेलादिनो विनड्डेन गहणक्खणे अविज्जमानत्ता, विज्जमानत्तेन च उद्दारेयेव पाराजिकं वत्तव्वं, न हत्थतो मुत्तमत्तेति । **सब्बअडुकथासु** च दुकूलादीनं पक्खिपन्ते हत्थतो मुत्तमत्ते पाराजिकस्स वुत्तता न तं पटिक्खिपितुं सक्का । अडुकथापमाणेन पनेतं गहेतव्वं, युत्ति पनेत्थ पण्डितेहि पुब्बापरं संसन्दित्वा उद्दारेतव्वो ।

**पलिबुज्झिस्सतीति** निवारस्सति । **वुत्तनयेन पाराजिकन्ति** हत्थतो मुत्तमत्तेयेव पाराजिकं । **नेव अवहारे, न गीवाति** अत्तनो भाजनत्ता वुत्तं, अनापत्तिमत्तमेव वुत्तं, न पन एवं विचारितन्ति अधिप्पायो । **बहिगतं नाम होतीति** ततो पट्ठाय तेलस्स अट्टानतो अधोमुखभावतो च बहिगतं नाम होति । अन्तो पट्ठाय छिद्दे करियमाने तेलस्स निक्खमित्वा गतगतट्टानं भाजनसङ्ख्यमेव गच्छतीति आह “बाहिरन्ततो पादघनके गळिते पाराजिक”न्ति । **यथा तथा वा कतस्साति** बाहिरन्ततो वा अब्भन्तरन्ततो वा पट्ठाय कतस्स । **मज्झे ठपेत्वा कतछिद्देति** मज्झे थोकं कपालं ठपेत्वा पच्छा तं छिन्दन्तेन कतछिद्दे ।

पत्थीनस्स खादनं इतरस्स पानञ्च सप्पिआदीनं परिभोगोति आह “अखादितब्बं वा अपातब्बं वा करोती”ति । कस्मा पनेत्थ दुक्कटं वुत्तन्ति आह “ठानाचावनस्स नत्थिताय दुक्कट”न्ति । **पुरिमद्वयन्ति** भेदनं छड्डुनञ्च । **कुम्भिजज्जरकरणेनाति** पुण्णकुम्भिया जज्जरकरणेन । **मातिकाउज्जुकरणेनाति** उदकपुण्णाय मातिकाय उज्जुकरणेन । **एकलक्खणन्ति** भेदनं कुम्भिया जज्जरकरणेन, छड्डुनं मातिकाय उज्जुकरणेन च सङ्गि एकसभावं । **पच्छिमं पन द्वयन्ति** ज्ञापनं अपरिभोगकरणञ्च । **एत्थ एवं विनिच्छयं वदन्तीति** एतस्मिं महाअडुकथायं वुत्ते अत्थे एके आचरिया एवं विनिच्छयं वदन्ति । **पच्छिमद्वयं सन्धाय वुत्तन्ति** एत्थ पुरिमपदद्वये विनिच्छयो हेट्ठा वुत्तानुसारेन सक्का विज्जातुन्ति तत्थ किञ्चि अवत्था पच्छिमपदद्वयं सन्धाय “ठानाचावनस्स नत्थिताय दुक्कट”न्ति इदं वुत्तन्ति अधिप्पायो । **थेय्यचित्तेनाति** अत्तनो वा परस्स वा कातुकामतावसेन उपपन्नयेय्यचित्तेन । **विनासेतुकामतायाति** हत्थपादादीनि छिन्दन्तो विय केवलं विनासेतुकामताय । **वुत्तनयेन भिन्दन्तस्स वा छट्टेन्तस्स** वाति मुग्गरेन पोथेत्वा भिन्दन्तस्स वा उदकं वा वालिकं वा आकिरित्वा उत्तरापेन्तस्स वाति अत्थो । **अयुत्तन्ति चेति** पाळियं पुरिमद्वयेपि दुक्कटस्सेव वुत्तत्ता “पुरिमद्वये पाराजिक”न्ति इदं अयुत्तन्ति यदि तुम्हाकं सियाति अत्थो । **नाति** अयुत्तभावं निसेधेत्वा तत्थ कारणमाह “अञ्जथा गहेतब्बत्थतो”ति ।

**एवमेके वदन्तीति** हेट्ठा वुत्तस्स अत्थनयस्स अत्तना अनभिमतभावं दस्सेत्वा सयं अञ्जथापि पाळिं अडुकथञ्च संसन्दित्वा अत्थं दस्सेतुकामो अयं पनेत्थ सारोतिआदिमाह । **अचावेतुकामोवाति** थेय्यचित्तेन ठाना अचावेतुकामोव । **अट्टेत्तुकामोयेवाति** एत्थापि थेय्यचित्तेनाति सम्बन्धितब्बं । इदञ्चि थेय्यचित्तपक्खं सन्धाय वुत्तं नासेतुकामतापक्खस्स वक्खमानत्ता । तेनेवाह **नासेतुकामतापक्खे पनाति** आदि । **इतरथापि युज्जतीति** थेय्यचित्ताभावा ठाना चावेतुकामस्सापि दुक्कटं युज्जतीति वुत्तं होति ।

भूमडुकथावण्णनानयो निट्ठितो ।

#### आकासडुकथावण्णना

१६. आकासडुकथायं **अन्तोवत्थुम्हीति** परिकिखत्तस्स वत्थुस्स अन्तो । **अन्तोगामेति** परिकिखत्तस्स गामस्स अन्तो । अपरिकिखत्ते पन वत्थुम्हि गामे वा ठितट्टानमेव ठानं । **अटविमुखं करोति...पे०...** **रक्खतीति** तेन पयोगेन तस्स इच्छितट्टानं आगतत्ता रक्खति । **गामतो निक्खन्तस्साति** परिकिखत्तगामतो निक्खन्तस्स । **कपिज्जरो** नाम अञ्जमञ्जं युज्झापनत्थाय बालजनेहि पोसावनियपक्खिजाति ।

#### वेहासडुकथावण्णना

१७. वेहासडुकथायं **छिन्नमत्ते मुत्तमत्तेति** यथा छिन्नं मुत्तञ्च पकतिट्टाने न तिड्ढति, तथा छेदनं मोचनञ्च सन्धाय वुत्तं ।

#### उदकडुकथावण्णना

१८. उदकडुकथायं सन्दमानउदके निक्खित्तं न तिड्ढतीति आह “असन्दनके उदके”ति । **अनापत्तीति** हत्थवारपदवारेसु दुक्कटापत्तिया अभावं सन्धाय वुत्तं । **कट्टतीति** हेट्ठतो ओसारेति । **सकलमुदकन्ति** दण्डेन फुडोकासातं सकलमुदकं । **न उदकं ठानन्ति** अत्तना कतट्टानस्स अट्टानत्ता । **पदुमिनियन्ति** पदुमगच्छे । **कलापबन्धन्ति** हत्थकवसेन खुदकं कत्वा बद्धं कलापबद्धं । **भारबद्धं** नाम सीसभारादिवसेन बद्धं । **मुळालन्ति** कन्दं । **पत्तं वा पुण्फं वाति** इदं कदमस्स अन्तो पविसित्वा ठितं सन्धाय वुत्तं । **निद्धमनतुम्बन्ति** वापिया उदकस्स निक्खमननाळं । **उदकवाहकन्ति** महामातिकं । **अवहारेन सो न कारेतब्बोति** इमिना पाणं जीविता वोरपने आपत्तिया सब्बत्थ न मुच्चतीति दीपेति । **मातिकं आरोपेत्वाति** खुदकमातिकं आरोपेत्वा । **मरित्वा...पे०...** **तिड्ढन्तीति** एत्थ मतमच्छानयेव तेसं सन्तकत्ता अमते गणन्तस्स नत्थि अवहारे ।

#### नावडुकथावण्णना

१९. नावडुकथायं **थुल्लच्चयम्पि पाराजिकम्पि** होतीति एत्थ पठमं ठाना अचावेत्वा मुत्ते थुल्लच्चयं, पठमं पन ठाना चावेत्वा मुत्ते पाराजिकन्ति वेदितब्बं । पासे बद्धसूकरो वियातिआदिना वुत्तं सन्धायहा “तत्थ युत्ति पुब्बे वुत्ताएवा”ति । **विपन्नुनावाति** विसमवातेहि देसन्तरं पलाता, भिज्जित्वा वा विनासं पत्वा उदके निमुज्जित्वा हेट्ठा भूमितलं अपत्त्वा सामिकेहि च अपरिच्चत्तालया वुच्चति । **बलवा च वातो आगम्माति** इमिना असति वाते अयं पयोगो कर्तोति दस्सेति । **पुगलस्स नत्थि अवहारेति** सुक्खमातिकायं उज्जुकरणयेन वुत्तं । तं अत्तनो पादेन अनक्कमित्वा हत्थेन च अनुक्खिपित्वा अञ्जस्मिं दण्डादीसु बन्धित्वा ठपिते युज्जति, अत्तनो पादेन अक्कमित्वा हत्थेन च उक्खिपित्वा ठितस्स पन बलववातेन छत्तचीवरादीसु पहेटेसु पकर्ति विजहित्वा दळ्ढतरं अक्कमनगहणादिपयोगो अभिनवो कातब्बो सिया । इतरथा छत्तचीवरादीनि वा विगच्छन्ति, अवहारको वा सयं पतिसस्सति, नावा च तदा न गमिसस्सति । तस्मा ईदिसे अभिनवपयोगे सति अवहारेन भवितब्बं । **सुक्खमातिकायं** उज्जुक्ताय उदकागमनकाले कातब्बकिच्चं नत्थीति तं इध निदस्सनं न होति । दासं पन पकर्तिया पलायन्तं “सोधे याही”ति वत्था पकतिगमनतो तुरितगमनुप्पादनदिना इध निदस्सनेन भवितब्बन्ति अम्हाकं खन्ति, वीर्मासित्वा गहेतब्बं । वाते आगतेपि यत्थ अतिलहुकत्ता नावाय कञ्चि पयोगं अक्कत्ता पकर्तिया अवहारको तिड्ढति, तत्थिदं अडुकथायं वुत्तन्ति गहेतब्बं ।

#### यानडुकथावण्णना

१००. यानडुकथायं **उभोसु पस्सेसूति** चतुन्नं थम्भानं उपरि चतुरस्सं दारुसङ्घाटं आरोपेत्वा तस्स वामदक्खिणपस्सेसु उभोसु वातातपादिपरिस्सयविनोदनत्थं गरुळपक्खिनो उभो पक्खा विय कत्ता **सन्दमानिका** । **दुकयुत्तस्साति** द्वीहि गोणेहि युत्तस्स । **अयुत्तकन्ति** गोणेहि अयुत्तं । **कप्पकत्ताति** द्विन्नं सिखानं सन्धिट्टाने गोसिङ्गानि विय द्वे कोटियो ठपेत्वा उपत्थम्भनी कप्पकत्ता नाम, सा द्वीहिपि कोटीहि भूमियं पतिट्ठाति, तेनाह “छ ठानानी”ति । **तीणि वा चत्तारि वा ठानानीति** अक्कपकत्ताय उपत्थम्भनिया च द्विन्नं चक्कानञ्च वसेन तीणि ठानानि, कप्पकत्ताय वसेन चत्तारि ठानानि, तथा पथावियं ठपितस्स तीणि ठानानीति सम्बन्धो । **अक्खसीसेहीति** अक्खदारुनो द्वीहि कोटीहि । **अक्खुद्धीहीति** अक्खदारुना सम्पटिच्छका हेट्ठिमभागे कप्पकत्ता द्वे दारुखण्डा अक्खुद्धियो नाम, तासं कप्पकत्तानं द्विन्नं कप्पसीसानि चत्तारि इध “अक्खुद्धियो”ति वुच्चन्ति, तेनाह “चतूहि च अक्खुद्धीही”ति । ताहि पतिट्ठातिहि पतिट्ठितट्टानानि चत्तारि धुरेन पतिट्ठितट्टानं एकन्ति **पञ्च ठानानि** होन्ति । उट्ठियोव “उट्ठिखाणुका”ति वुत्ता, उट्ठिखाणुकानं अभावे अक्खसीसानं पतिट्टानोकासं दस्सेन्तो आह **सममेव बाहं कत्वाति** आदि । तत्थ **सममेवाति** उट्ठियो हेट्ठा अनोलम्बेत्वा बाहुनो हेट्ठिमभागं समं कत्वा द्विन्नं बाहुदारुनं मज्झे अक्खसीसपम्माणेन छिद्धं कत्वा तत्थ अक्खसीसानि पवेसितानि होन्ति, तेन बाहानं हेट्ठाभागं सब्बं भूमिं फुसित्वा तिड्ढति, तेनाह “सब्बं पथावियं फुसित्वा तिड्ढती”ति । सेसं नावायं **वुत्तसदिसन्ति** इमिना यदि पन तं एवं गच्छन्तं पकतिगमनं पच्छिन्दित्वा अञ्जं दिसाभागं नेति, पाराजिकं । सयमेव यं किञ्चि ठानं सम्पत्तं ठाना अचालेन्तोव विकिणिप्त्वा गच्छति, नेवत्थि अवहारो, भण्डदेय्यं पन होतीति इमं नयं अतिदिसति ।

#### भारडुकथावण्णना

१०१. भारडुकथायं भारडुन्ति मातिकापदस्स भारो नामाति इदं अत्थदस्सनन्ति आह “भारोयेव भारडु”न्ति । **पुरिमगलेति** गलस्स पुरिमभागे । **गलवाटकोति** गीवाय उपरिमगलवाटको । **उपरिच्छेदमज्जेति** उरपरियन्तस्स मज्जे । **सामिकेहि अनाणत्तोति** इदं यदि सामिकेहि “इमं भारं नेत्वा असुकट्टाने देही”ति आणत्तो भवेय्य, तदा तेन गहितभण्डं उपनिक्खित्तं सिया, तञ्च थेय्यचित्तेन सीसादितो ओरोपेन्तस्सापि अवहारो न सिया, सामिकानं पन धुरनिकखेपे एव सियाति ततो उपनिक्खित्तभण्डभावतो वियजेतुं वुत्तं, तेनेव वक्खति “तेहि पन अनाणत्तता पाराजिक”न्ति । **घंसन्तोति** सीसतो अनुक्खिपन्तो, यदि उक्खिपेय्य, उक्खित्तमत्ते पाराजिकं, तेनाह **सीसतो केसगमत्तम्पीति** आदि । **यो चायन्ति** यो अयं विनिच्छयो ।

### आरामदुक्थावणणा

१०२. आरामदुक्थायं **आरामं अभियुञ्जतीति** इदं अभियोगकरणं परेसं भूमदुभण्णदीसुपि कातुं वट्टतियेव। आरामादिथावरेसु पन येभुय्येन अभियोगवसेनेव गहणसम्भवतो एत्थेव **पाळियं** अभियोगो वुत्तो, इति इमिना नयेन सब्बत्थापि सक्का जातुन्ति गहेतब्बं। **अदिन्नादानस्स पयोगत्ताति** सहपयोगमाह। वत्थुम्हियेव कतपयोगत्ता सहपयोगवसेन हेतं दुक्कटं। **सयम्पीति** अभियुञ्जकोपि। “किं करोमि किं करोमी”ति एवं किङ्कारमेव पटिस्सुणन्तो विय चरतीति किङ्कारपटिस्सावी, तस्स भावो **किङ्कारपटिस्साविभावो**, तस्मिं, अत्तनो वसवत्तिभावेति वुत्तं होति। **उक्कोचन्ति** लज्जं। **सब्बेसं पाराजिकन्ति** कूटविनिच्छयिकादीनं। अयं वत्थुसामीति आदिकस्स उभिनं धुरनिकखेपकरणहेतुनो पयोगस्स करणखणोव पाराजिकं होतीति वेदितब्बं। सचे पन सामिकस्स विमति च धुरनिकखेपो च कमेन उपपज्जन्ति, पयोगसमुद्वापकाचित्तखणे पाराजिकमेव होति, न थुल्लच्चयं। यदि विमतियेव उपपज्जन्ति, तदा थुल्लच्चयमेवाति वेदितब्बं, अयं नयो सब्बत्थ यथानुरूपं गहेतब्बो। **धुरनिकखेपवसेनेव पराजयोति** सामिको “अहं न मुच्चामी”ति धुरं अनिक्खिपन्तो अट्टो पराजितो नाम न होतीति दस्सेति।

### विहारदुक्थावणणा

१०३. विहारदुक्थायं **विहारन्ति** उपचारसीमासङ्गातं सकलं विहारं। **परिवेणन्ति** तस्स विहारस्स अब्भन्तरे विसुं विसुं पाकारादिपरिच्छिन्नडानं। **आवासन्ति** एकं आवासथमं। गणसन्तके परिच्छिन्नसामिकत्ता सक्का धुरं निक्खिपापेतुन्ति आह “दीघभाणकादिभेदस्स पन गणस्सा”ति। इथापि सचे एकोपि धुरं न निक्खिपति, रक्खतियेव। एस नयो बहून् सन्तके सब्बत्थ।

### खेतदुक्थावणणा

१०४. खेतदुक्थायं **निरुम्भित्वा** वातिआदीसु गण्हन्तस्साति पच्चेकं योजेतब्बं, तत्थ निरुम्भित्वा गहणं नाम वीहिसीसं अच्छिन्दित्वा यथाठितमेव हत्थेन गहेत्वा आकङ्कित्वा बीजमत्तस्सेव गहणं। **एकमेकन्ति** एकं वीहिसीसं। **यस्मिं बीजे वाति** आदि निरुम्भित्वा गहणादीसु यथाक्कमं योजेतब्बं। “तस्मिं बन्धना मोचितमते”ति वचनतो तस्मिं बीजादिमिह बन्धना मुत्ते सति ततो अनपनीतेपि ठानन्तरस्स अभावा पाराजिकमेव। यस्स पन सीसादिकस्स सन्तरादिना सह संसिब्बनं वा एकाबद्धता वा होति, तस्स बन्धना मोचितं थुल्लच्चयं, इतरडानतो मोचितं पाराजिकन्ति गहेतब्बं, तेनाह **वीहिनाळन्ति** आदि। **सभुसन्ति** पलालसहितं। **खीलेनाति** खणुकेन। एत्थ च खीलसङ्कमनादीसु सहपयोगो धुरनिकखेपो चाति उभयं सम्भवति। **खीलसङ्कमनादि** एत्थ सहपयोगो। तस्मिञ्च कते यदि सामिका धुरं न निक्खिपन्ति पुन गण्हितुकामाव होन्ति, न ताव अवहारो, “खीलं सङ्कामेत्वा खेत्तादि असुको राजवल्लभो भिक्खु गण्हितुकामो”ति अत्वा तस्स बलं कक्खळादिभावज्ज निस्साय खीलसङ्कमनादिकिरियानिडानतो पठममेव सामिका धुरं निक्खिपन्ति, न अवहारो एतस्स पयोगनिडानतो पुरेतमेव धुरस्स निक्खित्तता। यदा पन खीलसङ्कमनादिपयोगेनेव धुरनिकखेपो होति, तदायेव अवहारो, तेनेवेत्थ “तज्ज खो सामिकानं धुरनिकखेपेना”ति वुत्तं। खीलादीनं सङ्कमितभावं अजानित्वा सामिकानं सम्पटिच्छन्त्येत्थ धुरनिकखेपोति वेदितब्बो। **एवं सब्बत्थाति** यथावुत्तमत्थं रज्जुसङ्कमनादीसुपि अतिदिसति। **यट्ठिन्ति** मानदण्डं। **एकस्मिं अनागते थुल्लच्चयं, तस्मिं आगते पाराजिकन्ति** सचे दारुनि निखणिता तत्तकेनेव गण्हितुकामो होति, अवसाने दारुमिह पाराजिकं। सचे तत्थ कण्टकसाखादीहि पादानं अन्तरं पटिच्छादेत्वा कस्सचि अप्पवेसारहं कत्वा गहेतुकामो होति, अवसानसाखाय पाराजिकं, तेनाह “साखापरिवारेनेव अत्तनो कातुं सक्कोती”ति, दारुनि च निखणिता साखापरिवारज्ज कत्वा एव अत्तनो सन्तकं कातुं सक्कोतीति अत्थो। खेतमरियादन्ति वुत्तमेवत्थं विभावेतुं “केदारपाळि”न्ति वुत्तं। इदञ्च खीलसङ्कमनादिना गहणं आरामादीसुपि लम्भतेव।

### वत्थुदुक्थावणणा

१०५. वत्थुदुक्थायं **तिण्णं पाकारानन्ति** इदुकसिलादारुनं वसेन तिण्णं पाकारानं।

१०६. गामदुक्थायं “गामो नामा”ति **पाळियं** न वुत्तं सब्बसो गामलक्खणस्स पुब्बे वुत्तता।

### अरञ्जदुक्थावणणा

१०७. अरञ्जदुक्थायं **विनिविज्झित्वाति** उजुकमेव विनिविज्झित्वा। **लक्खणच्छिन्नस्साति** अरञ्जसामिकानं हत्थतो किणित्वा गण्हन्तेहि कतअक्खरादिसञ्जाणस्स। **छल्लिया परियोनद्धन्ति** इमिना सामिकानं निरापेक्खताय चिरछङ्कितभावं दीपेति, तेनाह “गहेतुं वट्टती”ति। यदि सामिकानं सापेक्खता अत्थि, न वट्टति। **तानि कतानि अज्झावुत्थानि च होन्तीति** तानि गेहादीनं कतानि परिनिडितानि मनुस्सेहि च अज्झावुत्थानि च होन्ति। **दारुनीति** गेहादीनं कतता अवसिडुदारुनि। **गहेतुं वट्टतीति** सामिकानं अनालयत्ता वुत्तं, ते च यदि गहणकाले दिस्वा सालया हुत्वा वारेन्ति, गहेतुं न वट्टतियेव। “देही”ति वुत्ते **दातब्बमेवाति** “देही”ति वुत्ते “दस्सामी”ति आभोगं कत्वा गच्छन्तस्स “देही”ति अवुत्ते अदत्ता गमने आपति नत्थि। पच्छापि तेहि चोदिते दातब्बमेव।

**अदिस्वा गच्छति, भण्डदेय्यन्ति** सुद्धचित्तेन गतस्स भण्डदेय्यं। आरक्खडानमि सुद्धचित्तेन अतिक्कमित्वा थेय्यचित्ते उपन्नेपि अवहारो नत्थि आरक्खडानस्स अतिक्कन्तता। केचि पन “यत्थ कत्थचि नीतानमि दारुनं अरञ्जसामिकानञ्जेव सन्तकत्ता पुन थेय्यचित्तं उपादेत्वा गच्छति, पाराजिकमेवा”ति वदन्ति, तं न युत्तं “आरक्खडानं पत्वा...पे... अस्सतिथा अतिक्कमती”ति, सहसा तं ठानं अतिक्कमतीतिआदिना (पारा० अट्ट० १.१०७) च आरक्खडानातिक्कमेयेव आपत्तिया वुच्चमानत्ता, आरक्खडानातिक्कममेव सन्धाय “इदं पन थेय्यचित्तेन परिहरन्तस्स आकासेन गच्छतोपि पाराजिकमेवा”ति वुत्तं। यञ्च “यत्थ कत्थचि नीतानमि दारुनं अरञ्जसामिकानञ्जेव सन्तकत्ता”ति कारणं वुत्तं, तस्मिं आरक्खडानतो बहि पाराजिकापज्जनस्स कारणं न होति भण्डदेय्यभावस्सेव कारणत्ता। तेसं सन्तकत्तेनेव हि बहि कतस्सापि भण्डदेय्यं जातं, इतरथा च भण्डदेय्यमि न सिया सुद्धघातातिक्कमे विय। अद्धिकेहि दिन्नमेव सुद्धिकानं सन्तकं होति, नादिन्नं, तेन तं ठानं यतो कुतोचि पच्चयतो सुद्धचित्तेन अतिक्कन्तस्स भण्डदेय्यमि न होति। इध पन अरञ्जसामिकानं सन्तकत्ता सब्बत्थापि भण्डदेय्यमेव होति, तेनेवेतं अरञ्जे आरक्खडानं सुद्धघाततोपि गरुरतं जातं। यदि हि आरक्खडानतो बहिपि थेय्यचित्ते सति अवहारो भवेय्य, आरक्खडानं पत्वातिआदिना ठाननियमो निरत्थको सिया यत्थ कत्थचि थेय्यचित्ते उपन्ने पाराजिकन्ति वत्तब्बतो। तस्मा आरक्खडानतो बहि थेय्यचित्तेन गच्छन्तस्स अवहारो न भवति एवाति निद्रुमेत्थ गन्तब्बं। **इदं पन थेय्यचित्तेन परिहरन्तस्साति** यस्मिं पदेसं अतिक्कन्ते तेसं अरञ्जं आरक्खडानञ्च अतिक्कन्तो नाम होति, तं पदेसं आकासेनापि अतिक्कमनवसेन गच्छन्तस्सापीति अत्थो।

### उदकदुक्थावणणा

१०८. उदकदुक्थायं महाकुच्छिका उदकचाटि **उदकमणिको**, “समेखला चाटि उदकमणिको”तिपि वदन्ति। **तत्थाति** तेसु भाजनेसु। **भूतगामेन सद्धिम्पीति पि-**सहेन अकपियपथाविमि सङ्गहति। **तळाकरक्खणत्थायाति** “महोदकं आगन्त्वा तळाकरमरियादं मा छिन्दी”ति तळाकरक्खणत्थं। **निब्बहनउदकन्ति** एत्थ तळाकस्स एकेन उन्ततेन पस्सेन अधिकजलं निब्बहति निगच्छति एतेनाति “निब्बहन”न्ति अधिकजलनिकखमनमातिका वुच्चति। तत्थ गच्छमानं उदकं निब्बहनउदकं नाम। **निद्धमनतुम्बन्ति** सस्सादीनं अत्थाय इडुकादीहि कतं उदकनिकखमनपनाळि। **मरियादं दुब्बलं कत्वाति** एत्थ दुब्बलं अक्कत्वापि यथावुत्तपयोगे कते मरियादं छिन्दित्वा निक्खन्तउदकघानुरूपेन अवहारेन कत्तम्बमेव। **यत्तकं तप्पच्चया सस्सं उपपज्जतीति** बीजकसिक्कम्पादिब्बयं ठपेत्वा यं अधिकलाभं उपपज्जति, तं सन्धाय वुत्तं। न हि तेहि कातब्बं वयकरणमि एतस्स दातब्बं। इदञ्च तरुणसस्से जाते उदकं विनासेन्तस्स युज्जति, सस्से पन सब्बथा अकतेयेव उदकं विनासेन्तेन च उदकग्घमेव दातब्बं, न तप्पच्चया सकलं सस्सं तेन विनासितभण्डस्सेव भण्डदेय्यत्ता, इतरथा वाणिज्जादिअत्थाय परेहि ठपितभण्डं अवहरन्तस्स तदुभयमि गहेत्वा भण्डग्घं कातब्बं सिया, तज्ज न युत्तन्ति अम्हाकं खन्ति। **सामिकानं धुरनिकखेपेनाति** एत्थ एकस्स सन्तके तळाके खेत्ते च जाते तस्सेव धुरनिकखेपेन पाराजिकं, यदि पन तं तळाकं सब्बसाधारणं, खेतानि पाटिपुगलिकानि, तस्स तस्स पुगलस्सेव धुरनिकखेपो अवहारो, अथ खेतानिपि सब्बसाधारणानि, सब्बेसं धुरनिकखेपेयेव पाराजिकं, नासतीति दट्टब्बं।

**अनिग्गन्तेति** अनिक्खन्ते, तळाकेयेव ठितेति अत्थो। **परेसं मातिकामुखन्ति** खुद्दकमातिकायुत्तं। **असम्पत्तेवाति** तळाकतो निक्खमित्वा महामातिकायं एव ठिते। **अनिक्खन्ते बद्धा सुबद्धाति** तळाकतो अनिक्खन्ते भण्डदेय्यमि न होति सब्बसाधारणत्ता उदकस्साति अधिपपायो। निक्खन्ते पन पाटिपुगलिकं होतीति आह “निक्खन्ते बद्धा भण्डदेय्य”न्ति। इध पन खुद्दकमातिकायं अप्पविडुत्ता

अवहारो न जातो, “तळाकतो अनिगते परेसं मातिकामुखं असम्पत्तेवा”ति हेड्डा वुत्तस्स विकपद्दयस्स “अनिक्खन्ते बद्धा सुबद्धा, निक्खन्ते बद्धा भण्डदेय्य”न्ति इदं द्वयं यथाक्कमेन योजनत्थं वुत्तं।  
**नत्थि अवहारोति** एत्थ “अवहारो नत्थि, भण्डदेय्यं पन होती”ति केचि वदन्ति, तं न युत्तं। **वत्थुं...पे०...** न **समेतीति** एत्थ तळाकगतउदकस्स सब्बसाधारणता परसन्तकवत्थु न होतीति अधिप्पायो।

#### दन्तपोनकथावण्णना

**१०९.** दन्तकट्टकथायं ततो पट्टाय अवहारो नत्थीति “यथासुखं भिक्खुसङ्घो परिभुञ्जतू”ति अभाजेत्वाव यावदिच्छकं गहणत्थमेव ठपितत्ता अरक्खितत्ता सब्बसाधारणता च अञ्जं सङ्घिकं विय न होतीति थेय्यचित्तेन गणहन्तस्सापि नत्थि अवहारो। **खादन्तु, पुन सामणेरा आहरिस्सन्तीति केचि** थेरा वदेय्युन्ति योजेतब्बं।

#### वनपतिकथावण्णना

**११०.** वनपतिकथायं सन्धारितत्ताति छिन्नस्स रुक्खस्स पतितुं आरुद्धस्स सन्धारणमत्तेन वुत्तं, न पन मरिचवल्लिआदीहि पुब्बे वेठेत्वा ठितभावेन। तादिसे हि छिन्नेपि अवहारो नत्थि अरञ्जकथायं वेठितवल्लियं विय। **उज्जुकमेव तिदुतीति** इमिना सब्बसो छिन्दनमेव वल्लिआदीहि असम्भद्धस्स रुक्खस्स ठानाचावनं पुब्बे विय आकासादीसु फुट्टसकलपदेसतो मोचनन्ति आवेणिकमिध ठानाचावनं दस्सेति। केचि पन “रुक्खभारेन किञ्चिदेव भस्सित्वा ठितत्ता होतियेव ठानाचावन”न्ति वदन्ति, तन्न, रुक्खेन फुट्टस्स सकलस्स आकासपदेसस्स पञ्चहि छहि वा आकारहि अनतिकममितत्ता। **वातमुखं सोधेतीति** यथा वातो आगन्त्वा रुक्खं पातेति, एवं वातस्स आगमनमगं रुन्धित्वा ठितानि साख्खगुम्भादीनि छिन्दित्वा अपनेनतो सोधेति। **मण्डूककण्टकं वाति** मण्डूकानं नङ्गुडे अगकोटियं ठितकण्टकन्ति वदन्ति, एके “विसमच्छकण्टक”न्तिपि वदन्ति।

#### हरणकथावण्णना

**१११.** हरणकथायं **हरणकन्ति** वत्थुसामिना हरियमानं। **सो च पादं अगधति, पाराजिकमेवाति** “अन्तं न गण्हिस्सामी”ति असल्लिखितत्ता सामञ्जतो “गण्हिस्सामी एत”न्ति सल्लिखितत्तसेव पटस्स एकदेसताय तम्पि गण्हितुकामोवाति पाराजिकं वुत्तं। **सभण्डहारकन्ति** सहभण्डहारकं, सकारादेस्स विकपत्ता सह सहोव ठितो, भण्डहारकेन सह तं भण्डन्ति अत्थो। **सासङ्कोति** “यदि उपसङ्कमित्वा भण्डं गण्हिस्सामी, आवुधेन मं पहरेय्या”ति भयेन सञ्जातासङ्को। **एकमन्तं पटिकम्मति** भयेनेव अनुपगन्त्वा मगगतो सयं पटिकम्म। **सन्तज्जेत्वाति** फरुसवाचाय चैव आवुधपरिवत्तनादिकायविकारेन च सन्तज्जेत्वा। **अनज्झावुत्थकन्ति** अपरिगहितकं। आलयेन अनधिमुत्तम्पि भण्डं अनज्झावुत्थकं नाम होतीति आह “आहारापेन्ते दातब्ब”न्ति, इमिना पठमं परिच्चत्तालयानि यदि पच्छापि सकसञ्जा उपपज्जति, तेसञ्जेव तं भण्डं होति, बलक्कारेनापि सकसञ्जाय तस्स गहणे दोसो नत्थि, अददन्तस्सेव अवहारोति दस्सेति। यदि पन सामिनो “परिच्चत्तं मया पठमं, इदानी मम सन्तकं वा एतं, नो”ति आसङ्का होति, बलक्कारेन गहेतुं न वट्टति सकसञ्जाबलेनेव पुन गहेतब्बभावस्स आपन्नत्ता। “अदेन्तस्स पाराजिक”न्ति वचनतो चोरस्स सकसञ्जाय विज्जमानायपि सामिकेसु सालयेसु अदातुं न वट्टतीति दीपितं होति। **अञ्जेसूति** महापच्चरियादीसु। **विचारणायेव नत्थीति** इमिना तत्थापि पटिकखेपाभावतो अयमेव अत्थोति दस्सेति।

#### उपनिधिकथावण्णना

**११२.** उपनिधिकथायं सङ्कोपनत्थाय अत्तनो हत्थे निक्खितस्स भण्डस्स गुत्तद्वाने पटिसामनप्ययोगं विना नाहं गण्हामीतिआदिना अञ्जस्मिं पयोगे अकते रज्जसङ्कोभादिकाले “न दानि तस्स दस्सामि, न मध्वं दानि दस्सती”ति उर्भाहिपि सकसकट्टाने निसीदित्वा धुरनिक्खेपे कतेपि अवहारो नत्थि। केचि पनेत्थ “पाराजिकमेव पटिसामनप्ययोगस्स कतत्ता”ति वदन्ति, तं तेसं मतिमत्तं, न सारतो पच्चेतब्बं। पटिसामनकाले हिस्स थेय्यचित्तं नत्थि, “न दानि तस्स दस्सामी”ति थेय्यचित्तुत्पत्तिक्खणे पन सामिनो धुरनिक्खेपचित्तुत्पत्तिया हेतुभूतो कायवचोपयोगो नत्थि, येन सो आपत्तिं आपज्जेय्य। न हि अकिरियसमुद्धानायं आपत्तीति। **दाने सउस्साहो, रक्खति तावाति** अवहारं सन्धाय अवुत्तत्ता नाहं गण्हामीतिआदिना मुसावादकरणे पाचित्तियमेव होति, न दुक्कटं थेय्यचित्ताभावेन सहपयोगस्सापि अभावतोति गहेतब्बं। **यदिपि मुखेन दस्सामीति वदति...पे०...** **पाराजिकन्ति** एत्थ कतरपयोगेन आपत्ति, न ताव पठमेन भण्डपटिसामनप्ययोगेन तदा थेय्यचित्ताभावा, नापि “दस्सामी”ति कथनप्ययोगेन तदा थेय्यचित्ते विज्जमानेपि पयोगस्स कप्पियत्ताति? वुच्चते — सामिना “देही”ति बहुसो याचियमानोपि अदत्त्वा येन पयोगेन अत्तनो अदातुकामतं सामिकस्स जापेति, येन च सो “अदातुकामो अयं विक्खिपती”ति अत्त्वा धुरं निक्खिपति, तेनेव पयोगेनस्स आपत्ति। न हेत्थ उपनिक्खितभण्डे परियायेन मुत्ति अत्थि। अदातुकामताय हि कदा ते दिन्नं, कत्थ ते दिन्नन्तिआदिपरियायवचनेनापि सामिकस्स धुरे निक्खिपापिते आपत्तियेव। तेनेव **अट्टकथायं वुत्तं** — “किं तुम्हे भणथ...पे०... एवं उभिमं धुरनिक्खेपेन भिक्खुनो पाराजिक”न्ति (पारा० अट्ट० १.१११)। परसन्तकस्स परेहि गण्हापने एव परियायतो मुत्ति, न सब्बत्थाति गहेतब्बं। **अत्तनो हत्थे निक्खितत्ताति** एत्थ अत्तनो हत्थे सामिना दिन्नताय भण्डागारिकद्वाने ठितत्ता च ठानाचावनेपि नत्थि अवहारो, थेय्यचित्तेन पन गहणे दुक्कटतो न मुच्चतीति वेदितब्बं।

**एसेव नयोति** उद्दारेयेव चोरस्स पाराजिकं, कस्मा? अञ्जेहि साधारणस्स अभिज्जाणस्स वुत्तत्ता। **अञ्जं तादिसमेव गण्हन्ते युज्जतीति** सञ्जाणतो ओकासतो च तेन सदिसमेव अञ्जं गण्हन्ते युज्जति, चोरेन सल्लिखितपदेसतो तं अपनेत्वा केहिचि तत्थ तादिसे अञ्जस्मिं पत्ते ठपिते तं गण्हन्तेयेव युज्जतीति अधिप्पायो, तेन चोरेन दिवा सल्लिखितपत्तं अञ्जत्थ अपनेत्वा तदञ्जे तादिसे पत्ते तत्थ ठपितेपि चोरस्स पच्छा रत्तिभागे उपपज्जमानं थेय्यचित्तं दिवा सल्लिखितपदेसे ठपितं अञ्जं तादिसे पत्तमेव आलम्बित्वा उपपज्जतीति दस्सितं होति। **पदवारेनाति** थेरेन नीहरित्वा दिन्नं पत्तं गहेत्वा गच्छतो चोरस्स पदवारेन। **अतादिसमेव गण्हन्ते युज्जतीति** अतादिसस्स थेरेन गहणक्खणे अवहाराभावतो पच्छा हत्थपत्तं “त”न्ति वा “अञ्ज”न्ति वा सञ्जाय “इदं गहेत्वा गच्छामी”ति गमने पदवारेनेव अवहारो युज्जतीति अधिप्पायो।

**पाराजिकं नत्थीति** पदवारेपि पाराजिकं नत्थि उपनिधिभण्डे वियाति गहेतब्बं। **गामद्वारन्ति** बहिगामे विहारस्स पतिट्टितत्ता गामपवेसस्स आरम्भपदेसदस्सनवसेन वुत्तं, अन्तोगामन्ति अत्थो। **द्विन्मपि उद्दारेयेव पाराजिकन्ति** थेरस्स अभण्डागारिकत्ता वुत्तं। यदि हि सो भण्डागारिको भवेय्य, सब्बम्पि उपनिक्खितत्तमेव सिया, उपनिक्खितभण्डे च थेय्यचित्तेन गण्हतोपि न ताव थेरस्स अवहारो होति, चोरस्सेव अवहारो। **उभिन्मपि दुक्कटन्ति** थेरस्स अत्तनो सन्तकताय चोरस्स सामिकेन दिन्नता अवहारो न जातो, उभिन्मपि असुद्धचित्तेन गहितत्ता दुक्कटन्ति अत्थो।

**आणत्तिया गहितत्ताति** “पत्तचीवरं गण्हा”ति एवं थेरेन कतआणत्तिया गहितत्ता। **अट्ठि पविसति, पदवारेन कारेतब्बोति** “पत्तचीवरं गण्ह, असुकं नाम गामं गन्त्वा पिण्डाय चरिस्सामा”ति थेरेन विहारतो पट्टाय गाममगेपि सकलेपि गामे विचरणस्स नियमितत्ता मगगतो ओक्कम्म गच्छन्तस्सेव पदवारेन आपत्ति वुत्ता। विहारस्स हि परभागे उपचारतो पट्टाय याव तस्स गामस्स परतो उपचारो, ताव सब्बं दहरस्स थेराणत्तिया सञ्चरणपूचारोव होति, न पन ततो परं। तेनेव “उपचारातिककमे पाराजिकं। गामूपचारातिककमे पाराजिक”न्ति च वुत्तं। पटिनिवत्तने चीवरधोवनादिअत्थाय पेसनेपि एसेव नयो। **अट्टुत्वा अनिसीदित्वाति** एत्थ विहारं पविसित्वा सोसादीसु भारं भूमियं अनिक्खिपित्वा तिदुत्तो वा निसीदन्तो वा विस्समित्वा थेय्यचित्ते वूपसन्ते पुन थेय्यचित्तं उपादेत्वा गच्छति चे, पादुदारेन कारेतब्बो। सचे भूमियं निक्खिपित्वा पुन तं गहेत्वा गच्छति, उद्दारेन कारेतब्बो। कस्मा? आणापकस्स आणत्तिया यं कत्तब्बं, तस्स तावता परिनिट्टितत्ता। “असुकं नाम गाम”न्ति अनियमेत्वा “अन्तोगामं गमिस्सामा”ति अविसेसेन वुत्ते विहारसामन्ता पुब्बे पिण्डाय पविट्टुपुब्बा सब्बे गोचरगामापि खेतमेवाति वदन्ति। **सेसन्ति** मग्गुकमनविहाराभिमुखगमनादि सब्बं। **पुरिमसदिसमेवाति** अनाणत्तिया गहितेपि सामिकस्स कथेत्वा गहितत्ता हेड्डा वुत्तविहारूपचारादि सब्बं खेतमेवाति कत्त्वा वुत्तं। **एसेव नयोति** अन्तरामगे थेय्यचित्तं उपादेत्वातिआदिना (पारा० अट्ट० १.११२) वुत्तं नयं अतिदिसति।

**निमित्ते वा कतेति** चीवरं मे किलिडुं, को नु खो रजित्वा दस्सतीतिआदिना निमित्ते कते। **वुत्तनयेनेवाति** अनाणत्तस्स थेरेन सद्धि पत्तचीवरं गहेत्वा गमनवारे वुत्तनयेनेव। **एकपस्सेति** विहारस्स महन्तताय अत्तानं अदस्सेत्वा एकस्मिं पस्से। **थेय्यचित्तेन परिभुञ्जन्तो जीरापेतीति** थेय्यचित्ते उपपन्ने ठानाचावनं अकत्वा निवत्थपारुतनीहारेनेव परिभुञ्जन्तो जीरापेति, ठाना चावेन्तस्स पन थेय्यचित्ते सति पाराजिकमेव सीसे भारं खन्धे करणादीसु विय (पारा० १०९)। **यथा वा तथा वा नस्सतीति** अग्गिआदिना नस्सति, **अञ्जो वा कोचीति** इमिना येन ठपितं, सीपि सङ्गहितीति वेदितब्बं।

**इतरस्साति** चोरस्स। **इतरं गण्हतो उद्दारे पाराजिकन्ति** एत्थ “पविसित्वा तव साटकं गण्हाही”ति इमिनाव उपनिधिभावतो मोचितत्ता, सामिकस्स इतरं गण्हतो अत्तनो साटके आलयस्स सम्भावतो च “उद्दारे पाराजिक”न्ति वुत्तं। सामिको चे “मम सन्तकं इदं वा होतु, अञ्जं वा, किं तेन, अलं मध्वं इमिना”ति एवं सुट्टु निरालयो होति, चोरस्स पाराजिकं नत्थीति गहेतब्बं। **न जानन्तीति** तेन वुत्तवचनं

असुणन्ता न जानन्ति। **एसेव नयोति** एत्थ सचे जानित्वापि चित्तेन न सम्पटिच्छन्ति, एसेव नयोति दट्ठब्बं। **पटिक्खिपन्तीति** एत्थ चित्तेन पटिक्खेपोपि सङ्गहितोवाति वेदितब्बं। **उपचारे विज्जमानेति** भण्डागारस्स समीपे उच्चारपस्सावट्ठाने विज्जमाने। **मयि च मते सङ्गस्स च सेनासने विनट्ठेति** एत्थ “तं मारेस्सामा”ति एतके वुत्तेपि विवरितुं वट्ठति गिलानपक्खे ठितत्ता अविसयोति वुत्तत्ता। मरणतो हि परं गेलज्जं अविसयत्तञ्च नत्थि। “द्वारं छिन्दित्वा परिकखारं हरिस्सामा”ति एतके वुत्तेपि विवरितुं वट्ठति येव। **सहायेहि भवितव्वन्ति** तेहिपि भिक्खाचारादीहि परियेसित्वा अत्तनो सन्तकेपि किञ्चि किञ्चि दातव्वन्ति वुत्तं होति। **अयं सामीचीति** भण्डागारे वसन्तानं इदं वत्तं।

**लोलमहाथेरोति** मन्दो मोमहो आकिण्णविहारी। **इतरेहीति** तस्मिंयेव गम्भे वसन्तेहि इतरभिक्खुहि। विहाररक्खणवारं नियुत्तो **विहारवारिको**, वुट्ठपटिपाटिया अत्तनो वारे विहाररक्खणको। **निवापन्ति** भतवेतनं। **चोरानं पटिपथं गतेसूति** चोरानं आगमनं जत्वा “पठमतरज्जेव गन्त्वा सद्दं करिस्सामा”ति चोरानं अभिमुखं गतेसु, “चोरेहि हटभण्डं आहरिस्सामा”ति तदनुपथं गतेसुपि एसेव नयो। **निबद्धं कत्वाति** “असुककुले यागुभत्तं विहारवारिकानज्जेवा”ति एवं नियमनं कत्वा। **हे तिसो यागुसलाका चत्तारि पञ्च सलाकभत्तानि च लभमानोवाति** इदं निदस्सनमत्तं, ततो ऊनं वा होतु अधिकं वा अत्तनो वेय्यावच्चकरस्स च यापनमत्तं लभनमेव पमाणन्ति गहेतव्वं। **निस्सितके जग्गेन्तीति** तेहि विहारं जग्गापेन्तीति अत्थो। **असहायकस्साति** सहायरहितस्स। **अत्तदुतियस्साति** अप्पिच्छस्स अत्ता सरीरमेव दुतियो अस्स नाज्जोति अत्तदुतियो। तदुभयस्सापि अत्थस्स विभावनं **यस्साति** आदि, एतेन सब्बेन एकेकस्स वारो न पापेतव्वोति दस्सितन्ति वेदितव्वं। **पाकवत्तत्थायाति** निच्चं पचितव्वयागुभत्तसङ्गातवत्तत्थाय। **ठपेन्तीति** दायका ठपेन्ति। **तं गहेत्वाति** तं आरामिकादीहि दिव्यमानं भागं गहेत्वा। **न गाहापेतव्वोति** एत्थ अब्भोकासिकस्सापि अत्तनो अधिकपरिकखारो वा ठपितो अत्थि, चीवारदिसङ्किमार्गेपि आलयो वा अत्थि, सोपि गाहापेतव्वोव। **दिगुणन्ति** अज्जेहि लब्धमानतो दिगुणं। **पक्खवारेनाति** अट्ठमासवारेन।

#### सुङ्गघातकथावण्णना

**११३.** सुङ्गघातकथायं सुङ्गं यत्थ राजपुरिसा हनन्ति अददन्तानं सन्तकं अच्छिन्दित्वापि गणहन्ति, तं ठानं **सुङ्गघातन्ति** एवम्पि अत्थो दट्ठब्बो। वुत्तमेवत्थं पाकटं कातुं **तज्जीति** आदि वुत्तं। **दुतियं पादं अतिक्कामेतीति** एत्थ पठमपादं परिच्छेदतो बहि ठपेत्वा दुतियपादं उद्धटमत्ते **पाराजिकं**। उद्धरित्वा बहि अट्ठपितेपि बहि ठितो एव नाम होतीति कत्वा एवं सब्बत्थ पदवारेसुपीति दट्ठब्बं। **परिवत्तित्वा अब्भन्तरिमं बहि ठपेति, पाराजिकन्ति** इदं सयं बहि ठत्वा पठमं अब्भन्तरिमं उक्खिपित्वा वा समकं उक्खिपित्वा वा परिवत्तनं सन्थाय वुत्तं। बहि ठत्वा उक्खित्तमेव हि सब्बं बहिगतमेव होतीति। सचे पन सो बहि ठत्वापि बाहिरपुटकं पठमं अन्तो ठपेत्वा पच्छा अब्भन्तरिमं उक्खिपित्वा बहि ठपेति, तदापि एकाबद्धताय अविजहितत्ता अवहारो न दिस्सति। केचि पन “भूमियं पतित्वा वत्तन्तं पुन अन्तो पविसति, पाराजिकमेवाति (पारा० अट्ठ० १.११३) वुत्तत्ता बाहिरपुटके अन्तोपविट्ठेपि बहिगतभावतो न मुच्चति, अन्तोगतं पन पुटकं पठमं, पच्छा एव वा बहि ठपितमत्ते वा पाराजिकमेवा”ति वदन्ति, तं न युत्तं। बहि भूमियं पातितस्स केनचि सङ्गि एकाबद्धताय अभावेन अन्तोपविट्ठेपि पाराजिकमेवाति वत्तुं युत्तं, इदं पन एकाबद्धता तेन सङ्गि न समेति। तस्मा यथा अन्तोभूमिगतने एकाबद्धता न होति, एवं उभयस्सापि बहिगतभावे साधितेयेव अवहारोति विज्जायति, वीमंसित्वा गहेतव्वं। ये पन परिवत्तित्वाति इमस्स निवत्तित्वाति अत्थं वदन्ति, तेहि पन अब्भन्तरिमं बहि ठपेतीति अयमत्थो गहितो होतीति तत्थ सङ्गायेव नत्थि। **एकाबद्धन्ति** काजकोटियं रज्जुया बन्धनं सन्थाय वुत्तं। **अबन्धित्वा काजकोटियं ठपितमत्तमेव होति, पाराजिकन्ति** बहि गहितकाजकोटियं ठपितं यदि पादं अगधति, पाराजिकमेव, अन्तोठपितेन एकाबद्धताय अभावाति अधिप्पायो। **गच्छन्ते याने वा...पे...** ठपेतीति सुङ्गघातं पविसित्वा अप्पविसित्वा वा ठपेति। **सुङ्गट्टानस्स बहि ठितन्ति** यानादीहि नीहटत्ता बहि ठितं। केचि पन “बहि ठपितं”न्ति पाठं विकपेत्वा सुङ्गट्टानतो पुब्बेव बहि ठपितन्ति अत्थं वदन्ति, तं न सुन्दरं; सुङ्गट्टाने पविसित्वा याने ठपितेपि पवित्त्वा गते विय दोसाभावतो। यो पन सुङ्गट्टानस्स अन्तोव पविसित्वा “सुङ्गट्टानं”न्ति जत्वा थेय्यचित्तेन आगतमग्गेन पटिनिवत्तित्वा गच्छति, तस्सापि यदि तेन दिसाभागेन गच्छन्तान्मि हत्थतो सुङ्गं गणहन्ति, पाराजिकमेव। **इमस्मिं ठानेति** यानादीहि नीहरणे। **तत्राति** तस्मिं एल्लकलोमसिक्खापदे (पारा० ५७१ आदयो)।

#### पाणकथावण्णना

**११४.** पाणकथायं **आठपितोति** मातापितृहि इणं गणहन्तेहि “याव इणदाना अयं तुम्हाकं सन्तिके होतु”ति इणदायकानं निव्यातितो। **अवहारो नत्थीति** मातापितृहि पुत्तस्स अपरिचत्तत्ता मातापितृनञ्च असन्तकत्ता अवहारो नत्थि। **धनं पन गतट्टाने वट्ठतीति** इमिना आठपेत्वा गहितधनं वट्ठिया सह आठपितपुत्तहारकस्स गोवाति दस्सितन्ति वदन्ति। **दासस्स जातोति** उक्कडलक्खणं दस्सेतुं वुत्तं। दासिकुच्छियं पन अदासस्स जातोपि एत्थेव सङ्गहितो। **परदेसतो पहरित्वाति** परदेसविलुम्पकेहि राजचोरादीहि पहरित्वा। **सुखं जीवाति वदतीति** थेय्यचित्तेन सामिकानं सन्तिकतो पलापेतुकामताय वदति, तथा पन अचिन्तेत्वा कारुज्जेन “सुखं गन्त्वा जीवा”ति वदन्तस्स नत्थि अवहारो, गोवा पन होति। **दुतियपदवारेति** यदि दुतियपदं अवस्सं उद्धरिस्सति, भिक्खुस्स “पलायित्वा सुखं जीवा”ति वचनक्खणेयेव पाराजिकं। **अनापत्ति पाराजिकस्साति** तस्स वचनेन वेगवट्ठने अकतेपि दुक्कटा न मुच्चतीति दस्सेति। “अदिन्नं थेय्यसङ्गातं आदियेय्या”ति (पारा० ८९, ९१) आदानस्सेव वुत्तत्ता वुत्तपरियायेन मुच्चतीति।

#### चतुप्पदकथावण्णना

**११७.** चतुप्पदकथायं **पाळियं आगतावसेसाति** पाळियं आगतेहि हत्थि आदीहि अज्जे पसु-सदस्स सब्बसाधारणत्ता। **भिङ्गच्छापन्ति** “भिङ्गा भिङ्गा”ति सहायनतो एवं लङ्गनामं हत्थिपोतकं। **अन्तोवत्थुम्हीति** परिकिञ्चेत्ते। **बहिनगरे ठितस्साति** परिकिञ्चनगरं सन्थाय वुत्तं, अपरिकिञ्चनगरे पन अन्तोनगरे ठितस्सापि ठितट्टानमेव ठानं। **खण्डद्वारन्ति** अत्तना खण्डितद्वारं। **एको निपन्तोति** एत्थापि बन्धोति आनेत्वा सम्बन्धितव्वं, तेनाह “निपन्नस्स द्वे”ति। **घातेतीति** एत्थ थेय्यचित्तेन विनासेत्तस्स सहपयोगत्ता दुक्कटमेवाति वदन्ति।

#### ओचरककथावण्णना

**११८.** ओचरककथायं **परियायेन हि अदिन्नादानतो मुच्चतीति** इदं आणत्तिकपयोगं सन्थाय वुत्तं, सयमेव पन अभियुज्जनादीसु परियायेनपि मोक्खो नत्थि।

#### ओणिरक्खकथावण्णना

ओणिरक्खकथायं **ओणित्ति** ओणीतं, आनीतन्ति अत्थो। ओणिरक्खस्स सन्तिके ठपितभण्डं **उपनिधि** (पारा० ११२) विय गुत्तट्टाने ठपेत्वा सङ्गोपनत्थाय अनिकिञ्चपित्वा यथाठपितट्टाने एव मुहुत्तमत्तं ओलोकनत्थाय ठपितत्ता तस्स भण्डस्स ठानाचावनमत्तेन ओणिरक्खकस्स पाराजिकं होति।

#### संविदावहारकथावण्णना

संविदावहारकथायं **संविदायाति** संविदहित्वा। **तेन नेसं दुक्कटापत्तियोति** आणत्तित्वसेन पाराजिकापत्तिया असम्भवे सतीति वुत्तं। यदि हि तेन आणत्ता यथाणत्तित्वसेन हरन्ति, आणत्तिकखणे एव पाराजिकापत्तिं आपज्जन्ति। **पाळियं** “सम्भट्ठला संविदहित्वा एको भण्डं अवहरति, आपत्ति सब्बेसं पाराजिकस्सा”ति (पारा० ११८) एत्थापि आणापकानं आणत्तिकखणेयेव आपत्ति, अवहारकस्स उद्धारंति गहेतव्वो। **सम्भट्ठला भिक्खु एको आणापेत्ति** “गच्छेत्तं आहारा”ति, तस्सुद्धारे सब्बेसं पाराजिकन्ति आदीसुपि एवमेव अत्थो गहेतव्वो। **साहत्थिकं वा आणत्तिकस्स आणत्तिकं वा साहत्थिकस्स अङ्गं न होतीति** भिन्नकालिकत्ता अज्जमज्जस्स अङ्गं न होति। तथा हि सहत्था अवहरन्तस्स ठानाचावनक्खणे आपत्ति, आणत्तिया पन आणत्तिकखणेयेवाति भिन्नकालिकत्ता आपत्तियोति।

#### सङ्केतकम्पकथावण्णना

**११९.** सङ्केतकम्पकथायं **ओचरके वुत्तनयेनेवाति** एत्थ अवस्सं हारिये भण्डेति आदिना (पारा० अट्ठ० १.११८) वुत्तनयेनेव। **पाळियं** “तं सङ्केतं पुरे वा पच्छा वा”ति तस्स सङ्केतस्स पुरे वा पच्छा वाति अत्थो। “तं निमित्तं पुरे वा पच्छा वा”ति एत्थापि एसेव नयो।

### निमित्तकम्पकथावण्णना

१२०. निमित्तकम्पकथायं अक्खिनिखणानादिनिमित्तकम्पं पन लहुकं इत्तरकालं, तस्मा तङ्कणयेव तं भण्डं अवहरितुं न सक्वा। निमित्तकम्पानन्तरमेव गण्हितुं आरद्धता तेनेव निमित्तेन अवहरतीति वुच्चति। यदि एवं पुरेभत्तपयोगोव एसीति वादो पमाणभावं आपज्जतीति? नापज्जति। न हि **सङ्केतकम्पं** (पारा० ११९) विय निमित्तकम्पं कालपरिच्छेदयुत्तं। कालवसेन हि सङ्केतकम्पं वुत्तं, किरियावसेन निमित्तकम्पन्ति अयमेव तेसं विसेसो। “तं निमित्तं पुरे वा पच्छा वा तं भण्डं अवहरति, मूलद्रुस्स अनापत्ती”ति इदं पन निमित्तकरणतो पुरे गण्हन्तस्स चैव निमित्तकम्पे च कतेपि गण्हितुं अनारभित्वा पच्छा सयमेव गण्हन्तस्स च वसेन वुत्तं।

### आणत्तिकथावण्णना

१२१. आणत्तिकथायं **असम्मोहत्यन्ति** यस्मा सङ्केतकम्पनिमित्तकम्पानि करोन्तो न केवलं पुरेभत्तादिकालसङ्केतकम्पं अक्खिनिखणानादिनिमित्तकम्पमेव वा करोति, अथ खो एवंवण्णसण्ठानभण्डं गण्हाति, भण्डनियमम्पि करोति, त्वं इत्थन्नामस्स पावद, सो अज्जस्स पावदतुतिआदिना पुगलपटिपाटिया च आणापेति, तस्मा पुब्बण्हादिकालवसेन अक्खिनिखणानादिकिरियावसेन भण्डपुगलपटिपाटिवसेन च आणत्ते एतेसु सङ्केतकम्पनिमित्तकम्पेसु विसङ्केता विसङ्केतभावे सम्मोहो जायति, तदपगमेन असम्मोहत्यं। **यं आणापकेन निमित्तसज्जं कत्वा वुत्तन्ति** पुब्बण्हादीसु अक्खिनिखणानादीसु वा गहणत्थं आणापेन्तेन ईदिसवण्णसण्ठानादियुत्तं गण्हाति एवं गहणस्स निमित्तभूतसज्जाणं कत्वा यं भण्डं वुत्तं। **अयं युत्ति सज्जत्थाति** हेडा वुत्तेसु उपरि वक्खमानेसु च सज्जत्थ आणात्तिप्पसङ्केसु आणत्तिकखणेयव पाराजिकादीनं भावसङ्काता विनययुत्ति, सा च आणत्तस्स किरियानिद्रापनक्खणे आणापकस्स पयोगे थेय्यचित्तानं अभावा आणत्तिकखणे एका एव आपत्ति होतीति एवं उपपत्तिया पवत्तता युत्तीति वुत्ता। “मूलद्रुस्स थुल्लच्चय”न्ति वुत्तता सङ्खरक्खितेन पटिगगहितेपि बुद्धरक्खितधम्मरक्खितानं दुक्कटमेव, कस्मा पनेत्थ आचरियस्स थुल्लच्चयन्ति आह “**महाजानो ही**”तिआदि। महाजानोति च बुद्धरक्खितधम्मरक्खितसङ्खरक्खिते सन्थाय वुत्तं। **मूलद्रुस्सेव दुक्कटन्ति** बुद्धरक्खिततस्स दुक्कटं। इदञ्च मूलद्रुस्स थुल्लच्चयाभावदस्सनत्थं पठमं आणत्तिकखणे दुक्कटं सन्थाय वुत्तं, न पन सङ्खरक्खिततस्स पटिगगहणपच्चया पुन दुक्कटसम्भवं सन्थाय। न हि सो एकपयोगेन दुक्कटद्वयं आपज्जति। केचि पन “विसङ्केतता **पाळियं** ‘मूलद्रुस्सा’ति अवत्वा ‘पटिगगण्हाति, आपत्ति दुक्कटस्सा’ति सामज्जेन वुत्तता इदं सङ्खरक्खिततस्स दुक्कटं सन्थाय वुत्त”न्ति वदन्ति, तं किञ्चापि अट्टकथाय न समेति, पाळितो पन युत्तं विय दिस्सति। न हि तस्स पटिगगहणपयोगे अनापत्ति होतीति। इमिनाव हेडा आगतवारेसुपि पटिगगण्हन्तानं दुक्कटं वेदितव्वं। “पण्णे वा सिलादीसु वा ‘चोरियं कातव्व’न्ति लिखित्वा ठपिते पाराजिकमेवा”ति केचि वदन्ति, तं पन “असुकस्स गेहे भण्ड”न्ति एवं नियमेत्वा लिखिते युज्जति, न अनियमेत्वा लिखिते वीमंसितव्वं। **मगगानन्तरफलसदिसाति** इमिना यथा अरियपुगलानं मगगानन्तरे फले उपपन्ने किलेसपटिप्पस्सद्धिपरियोसानं भावनाकिच्चं निष्फण्णं नाम होति, एवमेतस्सा अत्थसाधकचेतनाय उपपन्नाय आणत्तिकिच्चं निष्फण्णमेवाति दस्सति, तेनाह “तस्मा अयं आणत्तिकखणेयव पाराजिको”ति, आणत्तिवचोपयोगसमुद्गापकचेतनाक्खणेयव पाराजिको होतीति अत्थो।

आणत्तिकथावण्णनानयो निद्रितो।

### आपत्तिभेदवण्णना

१२२. **तत्थ तत्थाति** भूमद्रुथलद्रादीसु। **पाळियं** मनुस्सपरिगगहितं सन्थाय “परपरिगगहित”न्ति वुत्तं। आमसति फन्दपेति ठाना चावेतीति इमेहि तीहि पदेहि पुब्बपयोगसहितं पञ्चमं अवहारङ्गं वुत्तं, ठाना चावेतीति च इदं उपलक्खणमतं। आणत्तिकादयो सब्बेपि पयोगा धुरनिकखेपो च इध सङ्गहेतव्वावाति दट्टव्वं।

१२५. **ठानाचावनन्ति** इदं पाळिअनुसारतो वुत्तं धुरनिकखेपस्सापि सङ्गहेतव्वतो। एस नयो उपरिपि सब्बत्थ। तत्थ हि न च सकसज्जीति इमिना परपरिगगहितता वुत्ता, न च विस्सासग्गाही न च तावकालिकन्ति इमेहि परपरिगगहितसज्जिता, तीहि वा एतेहि परपरिगगहितता परपरिगगहितसज्जिता च वुत्ताति वेदितव्वं। **अनज्झावुत्थकन्ति** “ममेद”न्ति परिगगहवसेन अनज्झावुत्थकं अरञ्जे दारुतिणपण्णादि। **छट्ठितन्ति** पठमं परिगगहेत्वा पच्छा अनत्थिकताय छट्ठितं यं किञ्चि। **छिन्नमूलकन्ति** नट्टं परियेसित्वा आलयसङ्कातस्स मूलस्स छिन्नाता छिन्नमूलकं। **अस्सामिकन्ति** अनज्झावुत्थकादीहि तीहि आकारेहि दस्सितं अस्सामिकवत्थु। **उभयम्पीति** अस्सामिकं अत्तनो सन्तकञ्च।

### अनापत्तिभेदवण्णना

१३१. **तस्मियेव अत्तभावे निव्वत्ताति** तस्मियेव मतसरीरे पेतत्तभावेन निव्वत्ता। **रुक्खादीसु लगितसाटके वत्तव्वमेव नत्थीति** मनुस्सेहि अगोपितं सन्थाय वुत्तं, सचे पनेतं देवालयचेतियरुक्खादीसु नियुत्तेहि पुरिसेहि रक्खितगोपितं होति, गहेतुं न वट्टति। **थोके खायिते...पे...** गहेतुं वट्टतीति इदं अदिन्नादानाभावं सन्थाय वुत्तं। जिघच्छितपाणिना खादियमानमंसस्स अच्छिन्दित्वा खादनं नाम कारुज्जहानितो लोलभावतो च असारुपमेव। तेनेव हि अरियवसिका अत्तनो पते भत्तं खादन्तम्पि सुनखादिं तज्जेत्वा न वारेन्ति, तिरच्छानानं आमिसदाने कुसलं विय तेसं आमिसस्स अच्छिन्दनेपि अकुसलमेवाति गहेतव्वं, तेनेव वक्खति “परानुदयताय च न गहेतव्व”न्ति (पारा० अट्ट० १.१४०)।

### पकिण्णकथावण्णना

बहु एकतो दारुआदिभारियस्स एकस्स भण्डस्स उक्खिपनकाले “गण्हथ उक्खिपथा”ति वचोपयोगेन सद्धिं कायपयोगसम्भावड्डानं सन्थाय “साहत्थिकाणत्तिक”न्ति वुत्तं। “त्वं एतं वत्थुं गण्ह, अहं अज्ज”न्ति एवं पवत्ते पन अवहारे अत्तना गहितं साहत्थिकमेव, परेन गाहापितं आणत्तिकमेव, तेनेव तदुभयग्वेन पञ्चमासेपि पाराजिकं न होति, एकेकभण्डग्ववसेन थुल्लच्चयादिमेव होति। वुत्तञ्चि “साहत्थिकं वा आणत्तिकस्स अङ्गं न होती”तिआदि। उपनिक्खितभण्डं भण्डदेय्यञ्च अदातुकामताय “देमि दम्मी”ति विक्खिपन्तो तुण्हीभावेन विहेट्तेन्तोपि तेन तेन कायविकारादिकिरियाय परस्स धुरं निक्खिपापेसीति “किरियासमुद्धानज्जा”ति वुत्तं।

पदभाजनीयवण्णनानयो निद्रितो।

### विनीतवत्थुवण्णना

१३५. विनीतवत्थूसु निरुत्तियेव तंतंअत्थगगहणस्स उपायताय पथोति निरुत्तिपथो, तेनेवाह “वोहारवचनमत्ते”ति। **यथाकम्पं गतोति** ततो पेतत्तभावतो मतभावं दस्सेति। **अब्भुण्हेति** आसन्नमरणताय सरीरस्स उण्हसमङ्गितं दस्सेति, तेनेवाह “अल्लसरीरे”ति। कुणपभावं उपगतम्पि भिन्नमेव अल्लभावतो भिन्नता। **विसभागसरीरेति** इत्थिसरीरे। **सीसे वाति**आदि अधक्खके उब्भजाणुमण्डले पदेसे चित्तविकारपत्ति सन्थाय वुत्तं, यत्थ कत्थंचि अनामसन्तेन कतं सुकतमेव। मतसरीरम्पि हि येन केनचि आकारेन सञ्चिच्च फुसन्तस्स अनामासदुक्कटमेवाति वदन्ति, तं युत्तमेव। न हि अपाराजिकवत्थुकेपि चित्तादिइत्थिरूपे भवन्तं दुक्कटं पाराजिकवत्थुभूते मतिव्थिसरीरे निवत्ताति।

### कुससङ्कासनवत्थुकथावण्णना

१३८. **बलसाति बलेन। साटको भविस्सति, गण्हस्सामीति** अनागतवचनं पसिब्वकगहणतो पुरेतरं समुप्पन्नपरिकप्पदस्सनवसेन वुत्तं। गहणक्खणे पन “साटको चे, गण्हामी”ति पसिब्वकं गण्हातीति एवमेत्थ अधिपायो गहेतव्वो, न पन बहि नीहरित्वा साटकभावं जत्वा गहेस्सामीति, तेनाह “उद्धारेयेव पाराजिक”न्ति। इतरथा “इदानि न गण्हामि, पच्छा अन्धकारे जाते विजाननकाले वा गण्हस्सामि, इदानि ओलोकेन्तो विय हत्थगतं करोमी”ति गण्हन्तस्सापि गहणक्खणे अवहारो भवेय्य, न च तं युत्तं तदा गहणे सन्निद्रानाभावा। सन्निद्रापकचेतनाय एव हि पाणातिपातादिकुसलं विय। न हि “पच्छा वधिसामी”ति पाणं गण्हन्तस्स तदेव तस्मिं मतेपि पाणातिपातो होति वधकचेतनाय पयोगस्स अकतत्ता, एवमिधापि अत्थङ्गते सूरिये अवहरिस्सामीतिआदिना कालपरिकपनवसेन ठाना

चावितेपि तदापि अवहारो न होति **ओकासपरिकप्पे** (पारा० अट्ट० १.१३८) विय, तस्मिं पन यथापरिकप्पितद्वाने काले आगते भण्डं भूमियं अनिक्खिपित्वापि थेय्यचित्तेन गच्छतो पदवारेन अवहारोति खायति। तस्मा भण्डपरिकप्पो ओकासपरिकप्पो कालपरिकप्पोति विविधोपि परिकप्पो गहेतब्बो। **अट्टकथायं** पन ओकासपरिकप्पे समोधानेत्वा कालपरिकप्पो विसुं न वुत्तोति अम्हाकं खन्ति, वीमसित्वा गहेतब्बं। **पदवारेन कारेतब्बोति** भूमियं अनिक्खिपित्वा वीमसितत्ता वुत्तं। **परियुद्धितोति** अनुबद्धो।

**परिकप्पो दिस्सतीति** गहणक्खणे परिकप्पो दिस्सति, न तदा तेसं मतेन अवहारोति दस्सेति। **दिस्वा हटत्ता परिकप्पावहारो न दिस्सतीति** पच्छा पन बहि वीमसित्वा साटकभावं जत्वा ततो पच्छा थेय्यचित्तेन हटत्ता पुब्बे कतस्स परिकप्पस्स अवहारानङ्गत्ता “सुत्त”न्ति जत्वा हरणे विय थेय्यावहारो एव सिया। तस्मा परिकप्पावहारो न दिस्सति। साटको चे भविस्सतीति आदिकस्स परिकप्पस्स तदा अविज्जमानत्ता केवलं अवहारो एव, न परिकप्पावहारोति अधिपायो, तेन भण्डपरिकप्पावहारस्स “साटको चे भविस्सति, गहेस्सामी”ति एवं भण्डस्सनिड्डानाभावक्खणेयेव पवति दस्सेति, तेनाह “यं परिकप्पितं, तं अदिदुं परिकप्पितभावे ठितयेव उद्धरन्तस्स अवहारो”ति। यदि एवं कस्मा ओकासपअप्पावहारो भण्डं दिस्वा अवहरन्तस्स परिकप्पावहारो सियाति? नायं दोसो अभण्डविसयत्ता तस्स परिकप्पस्स, पुब्बेव दिस्वा जातभण्डस्सेव हि ओकासपरिकप्पो वुत्तो। **तं मञ्जमानो तं अवहरीति** इदं सुत्तं किञ्चापि “तज्जेवेत”न्ति नियमेत्वा गण्हन्तस्स वसेन वुत्तं, तथापि “तज्जे गण्हस्सामी”ति एवं पवते इमस्मिं परिकप्पोपि “गण्हस्सामी”ति गहणे नियमसम्भावा अवहारत्थसाधकं होतीति उद्धटं, तेनेव “समेती”ति वुत्तं।

**केचीति** महाअट्टकथायमेव एकच्चे आचरिया। **महापच्चरियं पनाति** आदिनापि केचिवादो गारखो, महाअट्टकथावादोव युत्तराति दस्सेति।

**अलङ्कारभण्डन्ति** अङ्गुलिमुद्रिकादि। **कुसं पातेत्वाति** विलीवमयं वा तालपण्णादिमयं वा कतसज्जाणं पातेत्वा। परकोट्टासतो कुसे उद्धटोपि न ताव कुसस्स परिवत्तनं जातन्ति वुत्तं “उद्धारे रक्खती”ति। **हत्थतो मुत्तमते पाराजिकन्ति** इमिना ठानाचावनं धुरनिक्खेपञ्च विना कुससङ्कामनं नाम विसुं एकोयं अवहारोति दस्सेति। सब्बेपि हि अवहारा साहत्थिकाणत्तिकथिप्पाययोगेहि निष्पादियमाना अत्थतो ठानाचावनधुरनिक्खेपकुससङ्कामनेसु तीसु समोसरन्तीति दट्टब्बं। **इतरो तस्स भागं उद्धरति, उद्धारे पाराजिकन्ति** पुरिमस्स अत्तनो कोट्टासे आलयस्स अविगतत्ता वुत्तं, आलये पन सब्बथा असति अवहारो न होति, तेनाह “विचिनितावसेसं गण्हन्तस्सापि अवहारो नत्थेवा”ति।

**नायं ममाति जानन्तोपीति** एत्थ पि-सदेन तत्थ वेमतिकोपि हुत्वा थेय्यचित्तेन गण्हन्तोपि सङ्गहति। **सिवेय्यकन्ति** सिविरुद्धे जातं।

**१४०-१. कप्पियं कारापेत्वाति** पचापेत्वा। **तस्मिं पाचिन्नियन्ति** अदिन्नादानभावेन सहपयोगस्सापि अभावा दुक्कटं न वुत्तन्ति वेदितब्बं। **आणत्तेहीति** सम्मतेन आणत्तेहि। **आणत्तेनाति** सामिकेहि आणत्तेन। **भण्डदेय्यन्ति** सम्मतादीहि दिन्नत्ता न पराजिकं जातं, असत्तं पुगलं वत्ता गहितत्ता पन भण्डदेय्यं वुत्तं। **अज्जेन दिव्यमानन्ति** सम्मतादीहि चतुहि अज्जेन दिव्यमानं। **गण्हन्तोति** “अपरस्स भागं देही”ति वत्ता गण्हन्तो। **अपरस्साति** असत्तं पुगलं अदस्सेत्वा पन “अपरं भागं देही”ति वा कूटवस्सानि गणेत्या वा गण्हतो गिहिसन्तके सामिना च “इमस्स देही”ति एवं आणत्तेन च दिन्ने भण्डदेय्यमि न होति, सङ्गसन्तके पन होतीति इमं विसेसं दस्सेतुं **असम्मतेन वा अनाणत्तेन वा**ति आदि पुन वुत्तं। **इतरेहि दिव्यमानन्ति** सम्मतेन आणत्तेन वा दिव्यमानं। **एवं गण्हतीति** “अपरमि भागं देही”ति वत्ता कूटवस्सानि गणेत्या वा गण्हतो। **सामिकेन पनाति** एत्थ पन-सदो विसेसत्थजोतको, तेन “अपरमि भागं देही”ति वा कूटवस्सानि गणेत्या वा गण्हन्तो सामिकेन सयं देन्ते वा दापेन्ते वा विसेसो अत्थीति वुत्तं होति। **सुदिन्नन्ति** भण्डदेय्यं न होतीति अधिपायो। हेड्डा पन सामिकेन तेन आणत्तेन वा दिव्यमानं गिहिसन्तकं “अपरस्स भागं देही”ति वत्ता गण्हतो अपरस्स अभावतो सामिसन्तकमेव होतीति भण्डदेय्यं जातं, इध पन तेहियेव दिव्यमानं “अपरमि भागं देही”ति वत्ता वा कूटवस्सानि गणेत्या वा गण्हतो “देही”ति वुत्तत्ता अज्जातकविज्जन्तिमत्तं ठपेत्वा भण्डदेय्यं न होतीति सुदिन्नमेवाति वुत्तं। अस्सामिकेन पन आणत्तेन दिन्नं भण्डं गण्हतो भण्डदेय्यमेवाति वदन्ति, पत्तचतुक्के विय अवहारतावेत्थ युत्ता, सङ्गसन्तके पन “देही”ति वुत्तेपि सामिकस्स कस्सचि अभावा सम्मतेन दिन्नेपि भण्डदेय्यं वुत्तन्ति गहेतब्बं।

**१४६-१. आहरापेत्तेसु भण्डदेय्यन्ति** “गहिते अत्तमनो होती”ति वचनतो अनत्तमनस्स सन्तकं गहितमि पुन दातब्बमेवाति वुत्तं। “सम्मुखीभूतेहि भाजेतब्ब”न्ति वचनतो भाजनीयभण्डं उपचारसीमड्डानमेव पापुणातीति आह “अन्तोउपचारसीमायं ठितस्सेव गहेतुं वट्टती”ति। **भण्डदेय्यन्ति** उभिन्नं सालयभावेपि चोरस्स अदत्ता सामिकस्सेव दातब्बं चोरेनापि सामिकस्सेव दातब्बतो। **एसेव नयोति** पंसुकूलसज्जाय गहिते भण्डदेय्यं, थेय्यचित्तेन पाराजिकन्ति अत्थो।

**वुट्टहन्तेसुति** गामं छट्टेत्वा पलायन्तेसु। **अविसेसेनाति** सउत्साहतादिविसेसं अपरामसित्वा सामज्जतो। सउत्साहमत्तमेव आपत्तिभावस्स पमाणं सामिकानं परिच्छिन्नभावतो। **ततोति** गणसन्तकादितो। **कुलसङ्गहणत्थाय देतीति** पंसुकूलविस्सासिकादिसज्जाय गहेत्वा देति, तदा कुलसङ्गहणत्थाय च दुक्कटं भण्डदेय्यञ्च, थेय्यचित्ते पन सति कुलसङ्गहणत्थाय गण्हतोपि पाराजिकमेव। ऊनपञ्चमासकादीसु कुलदूसकदुक्कटेन सङ्घि थुल्लच्चयदुक्कटानि। **सेनासनत्थाय नियमितन्ति** इदं इस्सरवताय ददतो थुल्लच्चयदस्सनत्थं वुत्तं। इतरपच्चयत्थाय दिन्नमि अथेय्यचित्तेन इस्सरवताय कुलसङ्गहणत्थाय वा जातकादीनं वा ददतो दुक्कटं भण्डदेय्यञ्च होतेव। **इस्सरवतायाति** “मयि देन्ते को निवारोस्सति, अहमेवेत्थ पमाण”न्ति एवं अत्तनो इस्सरियभावेन। **थुल्लच्चयन्ति** कुलसङ्गहणत्थाय वा अज्जथा वा कारणेन ददतो सेनासनत्थाय नियमितस्स गरुभण्डताय थुल्लच्चयं भण्डदेय्यञ्च। **गोवाति** एत्थ सेनासनत्थाय नियमिते थुल्लच्चयेन सङ्घि गोवा, इतरस्मिं दुक्कटेन सङ्घिन्ति वेदितब्बं। **सुखादितमेवाति** अन्तोउपचारसीमायं उत्ता भाजेत्वा अत्तनो सन्तकं कत्वा खादितत्ता वुत्तं। सङ्घिकज्जि विहारपटिबद्धं वेभङ्गियं बहिउपचारसीमड्डं भण्डं अन्तोउपचारट्टेहि भिक्खुहि एव भाजेतब्बं, न बहि ठितेहि उपचारसीमाय भाजेतब्बन्ति।

**१५०.** “वुत्तो वज्जेमी”ति वुत्तभिक्खुस्मिं “वुत्तो वज्जेही”ति वुत्तस्स पच्छा उप्पज्जनकपाराजिकादिदोसारोपनतो, गहड्डानं वा “भदन्ता अपरिच्छेदं कत्वा वदन्ती”ति एवं दोसारोपनतो।

**१५३-५. छातज्जन्तति** तेन छातेन जिघच्छाय उदरगिना झत्तं, दट्ठं पीळितन्ति अत्थो। **धनुकन्ति** खुद्दकधनुसण्ठानं लगगनकदण्डं। **महन्तो गच्छति, भण्डदेय्यन्ति** एत्थ एकसुकरधनकभण्डं दातब्बं एकस्मिं बन्धे अज्जेसं तत्थ अबज्जनतो। **अदूहलन्ति** यन्तपासाणो, येन अज्जोत्थटत्ता मिगा पलायितुं न सक्कोति। **पच्छा गच्छतीति** तेन कतपयोगेन अगन्त्वा पच्छा सयमेव गच्छति, हेड्डा वुत्तेसुपि ईदिसेसु ठानेसु एसेव नयो। **रक्खं याचित्वाति** राजपुरिसानं सन्तिकं गन्त्वा अनुदिस्स रक्खं याचित्वा। **कुमीनमुखन्ति** कुमीनस्स अन्तो मच्छानं पविसनमुखं।

**१५६. थेरानन्ति** आगन्तुकत्थेरानं। **तेसम्पीति** आवासिकभिक्खुन्मि। **परिभोगत्थायाति** सङ्घिके कत्तब्बविधिं कत्वा परिभुज्जनत्थाय। गहणेति पाठसेसो दट्टब्बो। **यत्थाति** यस्मिं आवासे। **अज्जेसन्ति** अज्जेसं आगन्तुकानं। **तेसुपि आगन्तुका अनिस्सराति** सेनासने निरन्तरं वसन्तानं चीवरत्थाय दायकेहि भिक्खुहि वा नियमेत्वा दिन्नत्ता भाजेत्वा खादितुं अनिस्सरा, आगन्तुकेहिपि इच्छन्तेहि तस्मिं विहारे वस्सनादीसु पविसित्वा चीवरत्थाय गहेतब्बं। **तेसं कतिकाय ठातब्बन्ति** सब्बानि फलाफलानि अभाजेत्वा “एत्तकेसु रुक्खेसु फलानि भाजेत्वा परिभुज्जिस्साम, अज्जेसु फलाफलेहि सेनासनानि पटिजगिस्सामा”ति वा, “पिण्डपातादिपच्चयं सम्पादेस्सामा”ति वा, “किञ्चिपि अभाजेत्वा चतुपच्चयत्थायेव उपनेमा”ति वा एवं सम्मा उपनेन्तानं आवासिकानं कतिकाय आगन्तुकेहि ठातब्बं। **महाअट्टकथायं** “अनिस्सरा”ति वचनेन दीपितो एव अत्थो, **महापच्चरियं** चतुत्तं पच्चयानन्ति आदिना वित्थारेत्वा दिस्सतो। **परिभोगवसेनेवाति** एत्थ एव-सदो अड्डानप्युत्तो, परिभोगवसेन तमेव भाजेत्वाति योजेतब्बं। **एत्थाति** एतस्मिं विहारे, रट्टे वा।

**सेनासनपच्चयन्ति** सेनासनञ्च तदत्थाय नियमेत्वा ठपितञ्च। **एकं वा द्वे वा वरसेनासनानि ठपेत्वाति** वुत्तमेवत्थ पुन ब्यतिरेकमुखेन दस्सेतुं “मूलवत्थुच्छेदं पन कत्वा न उपनेतब्ब”न्ति वुत्तं, सेनासनसङ्घातवत्थुनो मूलच्छेदं कत्वा सब्बानि सेनासनानि न विस्सज्जेतब्बानीति अत्थो। केचि पनेत्थ “एकं वा द्वे वा वरसेनासनानि ठपेत्वा लामकतो पट्टाय विस्सज्जेन्तेहिपि सेनासनभूमियो न विस्सज्जेतब्बाति अयमत्थो वुत्तो”ति वदन्ति, तस्मिं युत्तमेव इमस्सापि अत्थस्स अवस्सं वत्तब्बतो, इतरथा केचि सह वत्थुनापि विस्सज्जेतब्बं मज्जेय्युं।

**पण्णं आरोपेत्वाति** “एत्तके रुक्खे रक्खित्वा ततो एत्तकं गहेतब्ब”न्ति पण्णं आरोपेत्वा। **निमित्तसज्जं कत्वाति** सङ्कतं कत्वा। **दारकाति** तेसं पुत्तनत्तादयो ये केचि गोपेन्ति, ते सब्बेपि इध “दारका”ति वुत्ता। **ततोति** यथावुत्तदारुसम्भारतो। **आपुच्छित्वाति** कारकसङ्घं आपुच्छित्वा। **तं सब्बमि आहरित्वाति** अनापुच्छित्वापि तावकालिकं आहरित्वा। **अयमेव भिक्खु इस्सरोति** आदितो पट्टाय अत्तनो सन्तकेहि दारुसम्भारादीहि च कारापितत्ता पटिजगितत्ता च सङ्घिकसेनासने भागिताय च अयमेव इस्सरो, न च सो ततो वुड्डापेतब्बोति वुत्तं होति। **उदकपूजन्ति** चेतियङ्गणे सिञ्चनदिपूजं।

वत्तसीसेनाति केवलं सद्भाय, न वेतनादिअत्थाय। **सवत्थुकन्ति** सह भूमिया। **कुट्टन्ति** गेहर्भति। **पाकारन्ति** परिकखेपपाकारं। **ततोति** छड्ढितविहारतो। **ततो आहरित्वा सेनासनं कतं** होतीति सामन्तागमवासीहि भिक्खूहि छड्ढितविहारतो दारुसम्भारादि आहरित्वा सेनासनं कतं होति।

१५७. “पुगलिकपरिभोगेन परिभुञ्जती”ति वुत्तमत्थंयेव पाकटं कातुं “आगतगतानं वुट्ठतरानं न देती”ति वुत्तं। **चतुभागउदकसम्भिन्नेति** चतुत्थभागेन सम्भिन्ने। **पाळियं** “अनापत्ति, भिक्खवे, पाराजिकस्स”ति (पारा० १५७) सामिकेहि थुल्लनन्दं उद्दिस्स एतस्सा हत्थे दिन्न्ता, अथेय्यचित्तेन परिभुञ्जितता च वुत्तं। थेय्यचित्तेन परिभुत्तेपि चस्सा भण्डदेय्यमेव उपनिक्खित्तभण्डडुनियत्ता। **ओदनभाजनीयवत्थुस्मिन्ति** “अपरस्स भागं देही”ति आगतवत्थुस्मिं (पारा० १४१)।

१५९. **तस्स कुलस्स अनुकम्पाय पसादानुरक्खणत्थायाति** आदिना कुलसङ्गहत्थं नाकासीति दस्सेति। “याव दारका पासादं आरोहन्ति, ताव पासादो तेसं सन्तिके होतु”ति पुब्बे कालपरिच्छेदं कत्वा अधिद्वितत्ता एव यथाकालपरिच्छेदमेव तत्थ तिड्ढति, ततो परं पासादो सयमेव यथाठानं गच्छति, तथागमनञ्च इद्धिविस्सज्जनेन सज्जातं विय होतीति वुत्तं “थेरो इद्धि पटिसंहरी”ति। यस्मा एवं इद्धिविधजाणेन करोन्तस्स कायवचोपयोगा न सन्ति थेय्यचित्तञ्च नत्थि पासादस्सेव विचारितत्ता, तस्मा “एत्थ अवहारो नत्थी”ति थेरो एवमकासीति ददुब्बं। अथ वा दारकेसु अनुकम्पाय आनयनत्थमेव पासादे उपनीते पासे बद्धसूकरादीनं आमिसं दस्सेत्वा ठानाचावनं विय करमरानीतेसु दारकेसु पासादं आरुळ्हेसुपि पुन पटिसंहरणे च इध अवहारो नत्थि कारुज्जाधिप्पायत्ता, भण्डदेय्यमि न होति कायवचोपयोगाभावा। कायवचोपयोगे सतियेव हि आपत्ति भण्डदेय्यं वा होति, तेनेव भगवा “अनापत्ति, भिक्खवे, अथेय्यचित्तस्स”ति आदि अवत्वा “अनापत्ति, भिक्खवे, इद्धिमस्स इद्धिविसये”ति (पारा० १५९) एकमेव अवेच। **इद्धिविसयेति** चेत्थ परभण्डादायककायवचोपयोगासमुदापकस्स केवलं मनोद्धारिकस्स अथेय्यचित्तभूतस्स इद्धिचित्तस्स विसये आपत्ति नाम नत्थीति अधिप्पायो गहेतब्बो। किं पुन पटिकिखत्तं इद्धिपाटिहारियं कातुं वुट्ठतीति चोदनं सन्थायाह “ईदिसाय अधिद्वानिद्धिया अनापत्ती”ति। “अनापत्ति, भिक्खवे, इद्धिमस्स इद्धिविसये”ति हि इमिनायेव सुत्तेन अधिद्वानिद्धिया अप्पटिकिखत्तभावो सिज्झति। अत्तनो पकतिवण्णं अविजहत्वा बहिद्वा हत्थिआदिदस्सनं, “एकोपि हुत्वा बहुधा होतु”ति (दी० नि० १.२३८, २३९; म० नि० १.१४७; पटि० म० १.१०२) आगतञ्च अधिद्वानवसेन निष्फन्नता **अधिद्वानिद्धि** नाम, “सो पकतिवण्णं विजहत्वा कुमारकवण्णं वा दस्सेति, नागवण्णं...पे... विविधमि सेनाब्यूहं दस्सेती”ति (पटि० म० ३.१३) एवं आगता इद्धि पकतिवण्णविजहनविकारवसेन पवत्तता **विकुब्बनिद्धि** नाम। अत्तनो पुन पकतिरूपं यथासभावेन ठपेत्वाव बहि हत्थिआदिदस्सनं विकुब्बनिद्धि नाम न होति, अत्तनो रूपमेव हत्थिआदिरूपेन निम्मानं विकुब्बनिद्धीति वेदितब्बं।

**पराजितकिलेसेनाति** विजितकिलेसेन, निक्किलेसेनाति अत्थो। **इधाति** इमस्मिं सासने, तेन दुतियपाराजिकासक्खापदेन समं अज्जं अनेकनयवोकिण्णं गम्भीरत्थविनिच्छयं किञ्चि सक्खापदं न विज्जतीति योजना। तत्थ अत्थो नाम पाळिअत्थो, विनिच्छयो पाळिमुत्तकविनिच्छयो, ते गम्भीरा यस्मिं, तं **गम्भीरत्थविनिच्छयं**। **वत्थुमि ओतिण्णेति** चोदनावसेन वा अत्तनाव अत्तनो वीतिक्कमारोचनवसेन वा सङ्गमज्जे अदिन्नादानवत्थुस्मिं ओतिण्णे। **एत्थाति** ओतिण्णवत्थुमि। **विनिच्छयोति** आपत्तानापत्तिनियमनं। **कपियेपि च वत्थुस्मिन्ति** अत्तना गहेतुं युते मातापितादीनं सन्तकेपि।

इति समन्तपासादिकाय विनयडुकथाय विमतिविनोदनियं

दुतियपाराजिकवण्णनानयो निड्ढितो।

### ३. ततियपाराजिकं

तीहीति कायवचीमनोद्वारेहि।

#### पठमपज्जतिनिदानवण्णना

१६२. या अयं हेडा तं पनेतं बुद्धकाले च चक्कवत्तिकाले च नगरं होतीति आदिना (पारा० अडु० १.८४) राजगहस्स बुद्धुप्पादेयेव वेपुल्लप्पत्ति वुत्ता, सा एत्थापि समानाति दस्सेतुं “इदमि च नगर”न्ति वुत्तं, तेन च न केवलं राजगहादयो एवाति दस्सेति। **महावनं नामाति** आदि मज्झिमभाणकसंयुत्तभाणकानं मतेन वुत्तं, दीघभाणका पुन “हिमवन्तेन सद्धि एकाबद्धं हुत्वा ठितं महावनं”न्ति वदन्ति। **हंसवट्टकच्छदनेनाति** हंसवट्टकपटिच्छन्नेन, हंसमण्डलाकारेनाति अत्थो। **कायविच्छन्दनियकथन्ति** करजकाये विरागुप्पादनकथं। **छन्दोति** दुब्बलरागो। **रागोति** बलवरागो। “केसलोमादि”न्ति सङ्केपतो वुत्तमत्थं विभागेन दस्सेतुं **येपि** हीतिआदि वुत्तं। **पञ्चपञ्चपभेदेनाति** एत्थ पञ्च पञ्च पभेदा एतस्स परिचायस्साति पञ्चपञ्चपभेदो, तेन पञ्चपञ्चपभेदेनाति एवं बाहिरत्थसमासवसेन परिचायविसेसता ददुब्बा।

**असुभायाति** असुभमातिकाय। वण्णेतब्बमातिकज्झि अपेक्खित्वा इत्थिलिङ्गे सामिवचनं, तेनाह **मातिकं निक्खिपित्वाति** आदि। तं **विभजन्तोति** मातिकं विभजन्तो। **फातिकम्पन्ति** निष्फत्तिकरणं। **पञ्चङ्गविष्णहीनन्ति** कामच्छन्दादिपञ्चनीवरणङ्गविगमेन पञ्चङ्गविष्णहीनता, अप्पनाप्पत्तवितक्कादिज्झानङ्गानं उप्पत्तिवसेन पञ्चङ्गसमन्नागतता च वेदितब्बा। **तिविधकल्याणं दसलक्खणसम्पन्नन्ति** एत्थ पुन ज्ञानस्स आदिमज्झपरियोसानानं वसेन तिविधकल्याणता, तेसंयेव आदिमज्झपरियोसानानं लक्खणवसेन दसलक्खणसम्पन्नता च वेदितब्बा। **अट्टकथायं** पुन “दसलक्खणविभावेनेव तन्निस्सयभूता तिविधकल्याणतापि ज्ञानस्स पाकटा होतीति **तत्रिमानीति** आदि वुत्तं।

**तत्रायं पाळीति** तस्मिं दसलक्खणविभावनविसये अयं पाळि। **पटिपदाविसुद्धीति** गोत्रभुपरियोसानाय पुब्बभागपटिपदाय ज्ञानस्स नीवरणादिपरिवन्धतो विसुद्धि, सायं यस्मा उपेक्खानुबूहनादीनमि पच्चयत्तेन पधाना पुरिमकारणसिद्धा च, तस्मा वुत्तं “पटिपदाविसुद्धि आदी”ति। **उपेक्खानुबूहनाति** विसोधेतब्बतादीनं अभावतो तत्रमज्झत्तुपेक्खाय किच्चनिष्फत्तिया अनुबूहना, सा पुन परिवन्धविसुद्धिसमकालविभाविनीपि तब्बिसुद्धियाव निष्फन्नाति दीपनत्थमाह “उपेक्खानुबूहना मज्जे”ति। **सम्पहंसनाति** वत्थुधम्मादीनं अनतिवत्तनादिसाधकस्स जाणस्स किच्चनिष्फत्तिवसेन परियोदपना, सा पुन यस्मा कत्तब्बस्स सब्बकिच्चस्स निष्फत्तियाव सिद्धा नाम होति, तस्मा वुत्तं “सम्पहंसना परियोसान”न्ति। तीणिपि चेतानि कल्याणानि एकक्खणे लब्धमानानिपि पच्चयपच्चयुप्पन्तादिवसेन पवत्तन्तीति दस्सनत्थं आदिमज्झपरियोसानभावेन वुत्तानि, न पुन ज्ञानस्स उप्पादादिक्खणत्तये यथाक्कमं लब्धमानत्ताति ददुब्बं। **मज्झिमं समाधिनिमित्तं पटिपज्जतीति** आदीसु मज्झिमं समाधिनिमित्तं नाम समपवत्तो अप्पनासमाधियेव। सो हि लीनुद्धच्चसङ्घातानं उभिनं अन्तानं अनुपगमनेन मज्झिमो, सविसेसं चित्तस्स एकत्तरम्मणे ठपनतो समाधियेव उपरिविसेसानं कारणभावतो “समाधिनिमित्तं”न्ति वुच्चति, तं पटिपज्जति पटिलब्भतीति अत्थो। एवं पटिपन्नता मज्झिमेन समाधिनिमित्तेन तत्थ एकत्तरम्मणे अप्पनागोचरे पक्खन्दि उपातिड्ढति, एवं विसुद्धस्स पुन तस्स चित्तस्स पुन विसोधेतब्बाभावतो विसोधेन ब्यापारं अकरोन्तो पुगलो विसुद्धं चित्तं अज्झुपेक्खति नाम। समथभावपुगमनेन समथपटिपन्नस्स पुन समाधाने ब्यापारं अकरोन्तो समथपटिपन्नं अज्झुपेक्खति, समथपटिपन्नभावतो एवमस्स किलेससंसर्गं पहाय एकत्तेन उपड्ढितस्स पुन एकत्तुपट्ठानं ब्यापारं अकरोन्तो एकत्तुपट्ठानं अज्झुपेक्खति नाम।

**तत्थ जातानन्ति** आदीसु ये पुन ते एवं उपेक्खानुबूहि ते तस्मिं ज्ञानचित्ते जाता समाधिपज्जासङ्घाता युगान्दधम्मा, तेसं अज्जमज्जं अनतिवत्तनसभावेन सम्पहंसना विसोधना परियोदपना च, सद्वादीनं इन्द्रियां किलेसेहि विमुत्तता विमुत्तिरसेन एकरसताय सम्पहंसना च, यज्जेतं तदुपगं तेसं अनतिवत्तनएकरसभावानं अनुच्छविकं वीरियं, तस्स तदुपगवीरियस्स वाहनट्टेन पवत्तन्ट्टेन सम्पहंसना च, तस्मिं खणे यथावुत्तधम्मानं आसेवन्ट्टेन सम्पहंसना च, परियोदपना च परियोदपनकस्स जाणस्स किच्चनिष्फत्तिवसेनेव इज्झतीति वेदितब्बं। एवं **तिविधत्तगतं चित्तन्ति** आदीनि तस्सेव चित्तस्स थोमनवचनानि। **वितक्कसम्पन्नन्ति** वितक्कङ्गेन सुन्दरभावमुपगतं। **चित्तस्स अधिद्वानसम्पन्नन्ति** तस्मिज्जेव आरम्भणे चित्तस्स निरन्तरपवत्तिसङ्घातेन समाधिना सम्पन्नं, इदं ज्ञानङ्गवसेन वुत्तं। **समाधिसम्पन्नन्ति** इदं पुन इन्द्रियवसेनाति वेदितब्बं।

**पटिकुटतीति** सङ्कुचित। **पटिवट्टतीति** पटिनिवट्टति। **न्हारुदहुलन्ति** न्हारुखण्डं। **पयुत्तवाचन्ति** पच्चयपरियेसने नियुत्तवाचं। **दण्डवागुराहीति** दण्डपटिबद्धाहि दीघजालसङ्घाताहि वागुराहि।

**समणकुत्तको**ति कासायनिवासनादिसमणकिच्चको। **वग्गुमुदा**ति एत्थ “वग्गुमता”ति वत्तब्बे लोकिका “मुदा”ति वोहरिसूति दस्सेन्तो आह “वग्गुमता”ति। “वग्गू”ति मता, सुद्धसम्मताति अत्थो, तेनाह “पुञ्ञसम्मता”ति। सत्तां पापुननेन सोधनेन सा पुञ्ञसम्मता।

**१६३.** मारस्स धेय्यं ठानं, वत्थु वा निवासो मारधेय्यं, सो अत्थतो तेभूमकधम्मा एव, इध पन पञ्च कामगुणा अधिप्पेता, तं **मारधेय्यं**। “अयं समणकुत्तको यथासमुपपन्नसंवंगमूलकेन समणभावूपगमनेन अतिक्कमितुं सक्खिस्सती”ति चिन्तेत्वा अवोच, न पन “अरहत्तपत्तिया तीसु भवेसु अप्पटिसन्धिकताय तं अतिक्कमितुं सक्खिस्सती”ति मरणेनेव सत्तां संसारमोचनलद्धिकता देवताय। न हि मतां कथंचि पटिसन्धि गच्छति। **इमिना अत्थेन एवमेव भवितव्व**न्ति इमिना परेसं जीविता वोरोपनत्थेन एवमेव संसारमोचनसभावेनेव भवितव्वं। “अत्तनापि अत्तां जीविता वोरोपेन्ति, अञ्जमञ्जम्पि जीविता वोरोपेन्ती”ति (पारा० १६२) वुत्तता **सब्बानिपि तानि पञ्चभिक्षुसतानि जीविता वोरोपेसी**ति इदं येभुय्यवसेन वुत्तन्ति गहेतव्वं। तस्मा ये अत्तनापि अत्तां अञ्जमञ्जञ्च जीविता वोरोपेसुं, ते पुथुज्जनभिक्षू ठपेत्वा तदवसेसे च पुथुज्जनभिक्षू, सब्बे च अरिये अयं जीविता वोरोपेसीति वेदितव्वं।

**१६४. एकीभावतो**ति पविवेकतो। **उदेसं परिपुच्छं गणहन्ती**ति अत्तनो अत्तनो आचरियानं सन्तिके गणहन्ति, गहेत्वा च आचरियेहि सद्धिं भगवन्तं उपडुहन्ति। तदा पन उदेसादिदायका तनुभूतेहि भिक्षूहि भगवन्तं उपगता, तं सन्धाय भगवा पुच्छति।

#### आनापानस्सतिसमाधिकथावण्णना

**१६५.** दसानुस्सतीसु अन्तोगधापि आनापानस्सति तदा भिक्षुं बहून् सप्पायतं दस्सेतुं पुन गहिता। तथा हि तं भगवा तेसं देसेसि। आहारे पटिकूलसञ्जा असुभकम्मडानसदिसा, चत्तारो पन आरुप्पा आदिकम्मिकानं अननुरूपाति तेसं इध अगगहणं दडुब्बं। **अञ्जं परियायन्ति** अरहत्ताधिगमत्थाय अञ्जं कारणं। **अत्थयोजनाक्कमन्ति** अत्थञ्च योजनाक्कमञ्च। **अस्सासवसेना**ति अस्सासं आरम्भणं कत्वाति वुत्तं होति। **उपट्टानं सती**ति अप्पमुस्सनाय तमेव अस्सासं पस्सासञ्च उपगन्त्वा ठानं, तथा तिड्डनकधम्मो सति नामाति अत्थो। इदानी सतिवसेनेव पुगलं निद्विसितुकामेन **यो अस्ससती**ति आदि वुत्तं। तत्थ यो अस्ससति, तस्स सति अस्सासं उपगन्त्वा तिड्डतीति आदिना अत्थो गहेतव्वो। **अकोसल्लसम्भूते**ति अविज्जासम्भूते। **खणेनेवा**ति अत्तनो पवत्तिक्खणेनेव। अरियमग्गस्स पादकभूतो अयं समाधि अनुक्कमेन वड्डित्वा अरियमग्गभावं उपगतो विय होतीति आह “अरियमग्गवुड्डिप्पत्तो”ति। **ओपम्मनिदस्सन्ति** एत्थ उपमाव ओपम्मं, तस्स निदस्सन्।

बाहिरका आनापानस्सतिं जानन्ता आदितो चतुप्पकारमेव जानन्ति, न सब्बं सोळसप्पकारन्ति आह **सब्बप्पकार**इच्चादि। **एवमस्सेतं सेनासनन्ति** एत्थ एवन्ति भावनासतिया यथावृत्तनयेन आरम्भणे चित्तस्स निबन्धने सतियेव, नासतीति अत्थो, तेन मुट्टस्सतिस्स अरञ्जवासो निरत्थको अननुरूपाति दस्सेति। **अवसेससत्तविधसेनासनन्ति** “पब्बतं कन्दरं गिरिगृहं सुसानं वनपत्थं अब्भोकासं पलालपुञ्ज”न्ति (विभ० ५०८) एवं वुत्तं। **उत्तयानुकूलं धातुचरियानुकूलन्ति** गिम्हानादिउत्तयस्स सेम्हादिधातुत्तयस्स मोहादिचरियत्तयस्स च अनुकूलं। निसज्जाय दळ्ळभावं पल्लङ्काभुजनेन, अस्सासपस्सासानं पवत्तनसुखत्तं उपरिमकायस्स उजुकं ठपनेन, आरम्भणपरिगहूयायं परिमुखं सतिया ठपनेन **उपदिसन्तो**। **न पणमन्ती**ति न ओणमन्ति। **परिगहितनिय्यां सतिन्ति** सब्बथा गहितं सम्पोसपटिपक्खतो निग्गमनसङ्घातं सतिं कत्वा, परमं सतिनेपक्कं उपडुपेत्वाति अत्थो।

**सतोवा**ति सतिया समन्नागतो एव। **बात्तिसाय आकारेही**ति चतूसु चतुक्केसु आगतानि दीघरस्सादीनि सोळस पदानि अस्सासपस्सासवसेन द्विधा विभजित्वा वुत्तेहि द्वित्तिसाकारेहि। **दीधंअस्सासवसेना**ति दीध अस्सासवसेन, विभत्तिअलोपं कत्वा निहेसो, दीधन्ति वा भगवता वुत्तअस्सासवसेन। **चित्तस्स एकगत्तं अविक्खेपन्ति** विक्खेपपटिपक्खभावतो “अविक्खेपे”ति लड्डनामं चित्तस्स एकगत्तं **पजानतो**। **पटिनिस्सगानुपस्सी अस्सासवसेना**ति पटिनिस्सगानुपस्सी हुत्वा अस्सासवसेन, “पटिनिस्सगानुपस्सिअस्सासनवसेना”ति वा पाठो, तस्स पटिनिस्सगानुपस्सिनो अस्सासवसेनाति अत्थो। आ पठमं बहिमुखं ससनं अस्सासो, ततो अन्तोमुखं पटिससनं पस्सासोति आह **अस्सासोति बहिनिक्खमनवातो**ति आदि, **सुत्तन्तडुक्कथा**सु पन आकड्डनवसेन अन्तो ससनं अस्सासो, बहि पटिससनं पस्सासोति कत्वा उपटिपाटिया वुत्तं।

**तत्था**ति बहिनिक्खमनअन्तोपविसनवातेसु, तस्स च पठमं अब्भन्तरवातो निक्खमतीति इमिना सम्बन्धो। “**सब्बेसम्पि गम्भसेय्यकानन्ति** आदिना दारकानं पवत्तिक्कमेन अस्सासो बहिनिक्खमनवातोति गहेतव्वन्ति दीपेती”ति केचि वदन्ति। सुत्तनयो एव चेत्थ “अस्सासादिमज्झपरियोसानं सतिया अनुगच्छतो अज्झत्तं विक्खेपगतेन चित्तेन कारोपि चित्तिम्पि सारद्धा च होन्ति इज्जिता च फन्दिता च पस्सासादिमज्झपरियोसानं सतिया अनुगच्छतो बहिद्धा विक्खेपगतेन चित्तेन कारोपि चित्तिम्पि सारद्धा च होन्ति इज्जिता च फन्दिता चा”ति इमाय पाळिया समेतीति गहेतव्वं। **अद्धानवसेना**ति कालद्धानवसेन। अयज्झि अद्धान-सदो कालस्स देसस्स च वाचको। तत्थ **यथा ही**ति आदिना देसद्धानं उपमावसेन दस्सितं। इदानी तब्बिसिद्धकालद्धानवसेन अस्सासपस्सासानं दीघरस्सतं उपमेय्यवसेन विभावेतुं **एवन्ति** आदि वुत्तं। **चुण्णविचुण्णा** अनेककलापभावेन। एत्थ च हत्थिआदिसरीरे सुनखादिसरीरे च अस्सासपस्सासानं देसद्धानविसिद्धकालद्धानवसेनेव दीघरस्सता वुत्ताति वेदितव्वो अत्तभावसङ्घातं दीधं अद्धानं सणिकं पूरेत्वाति आदिवचनतो। **तेसन्ति** सत्तां। **तेति** अस्सासपस्सासा। **इत्तरमद्धानन्ति** अपक्कं कालं। **नवहाकारेही**ति भावनमनुयुज्जन्तस्स पुब्बेनापरं अलड्डविसेसस्स केवलं अद्धानवसेन आदितो वुत्ता तयो आकारा, ते च कस्सचि अस्सासोव, कस्सचि पस्सासोव, कस्सचि तदुभयम्पि उपट्टातीति तिण्णं पुगलानं वसेन वुत्ता, तथा छन्दवसेन तयो, तथा पामोज्जवसेनाति इमेहि नवहि आकारेहि। **एकेनाकारेना**ति दीधं अस्सासादीसु एकेनाकारेन।

**अद्धानसङ्घाते**ति दीधे ओकासद्धानसङ्घाते अत्तभावे कालद्धानेपि वा, एवं उपरि **इत्तरसङ्घाते**ति एत्थापि। **छन्दो उप्यज्जती**ति भावनाय पुब्बेनापरं विसेसं आवहन्तिया लड्डस्सादता तत्थ सातिसयो कत्तुकामतालक्खणो कुसलच्छन्दो उप्यज्जति। **छन्दवसेना**ति तथापवत्तछन्दस्स वसेन। **पामोज्जं उप्यज्जती**ति अस्सासपस्सासानं सुखुमतरभावे आरम्भणस्स सन्तरताय, कम्मडानस्स च वीथिपटिप्पन्ताय भावनाचित्तसहगतो पमोदो खुहकादिभेदा तरुणा पोति उप्यज्जति। **चित्तं विवत्तती**ति पटिभागनिमित्ते उपपन्ने पकतिअस्सासपस्सासतो चित्तं निवत्तति। **उपेक्खा सण्ठाती**ति तस्मिं पटिभागनिमित्ते उपचारपन्नाभेदे समाधिहि उपपन्ने पुन झाननिब्वत्तन्तयं व्यापाराभावतो अज्झुपेक्खनं होति, सा पनाय उपेक्खा तत्रमज्झत्तुपेक्खाति वेदितव्वो। **अनुपस्सनाजाणन्ति** समथवसेन निमित्तस्स अनुपस्सना, विपस्सनावसेन अस्सासपस्सासमुखेन तन्निस्सयनारूपस्स अनुपस्सना च जाणं। **कायो उपट्टानन्ति** अस्सासपस्साससङ्घातो कायो उपगन्त्वा तिड्डति एत्थ सतीति उपट्टानं, नो सति, सति पन सरसतो उपतिड्डनट्टेन सरणट्टेन च उपट्टानञ्चेव सति च। **तेन वुच्चती**ति आदीसु या अयं यथावुत्तअस्सासपस्सासकाये, तन्निस्सयभूते करजकाये च कायस्सेव अनुपस्सना निच्चादिभावं वा इत्थिपुरिससत्तजीवादिभावं वा अननुपस्सित्वा अस्सासपस्सासकायमत्तस्सेव अनिच्चादिभावस्स च अनुपस्सना, ताय कायानुपस्सनाय सतिसङ्घातस्स पट्टानस्स भावना वड्डना **काये कायानुपस्सना सतिपट्टानभावना**ति अयं सङ्केपत्थो।

**इत्तरवसेना**ति परित्तकालवसेन। **तादिसो**ति दीधो रस्सो च। **वण्णा**ति दीधादिआकारा। **नासिकगेव भिक्षुनो**ति नासिकगे वा, **वा-सहेन** उत्तरोट्टे वाति अत्थो। **तस्मा**ति यस्मा “आदिमज्झपरियोसानवसेन सब्बं अस्सासपस्सासकायं विदितं पाकटं करिस्सामी”ति पुब्बे पवत्तआभोगवसेन पच्छा तथा समुपपन्नेन जाणसम्पयुत्तचित्तेन तं अस्सासपस्सासकायं एवं विदितं पाकटं करोन्तो अस्ससति चेव पस्ससति च, तस्मा एवंभूतो सब्बकायपटिसंवेदी अस्ससिस्सामि पस्ससिस्सामीति सिक्खति नाम, न पन “अनागते एवं करिस्सामी”ति चिन्तनमत्तेन सो एवं वुच्चतीति अधिप्पायो। **तथाभूतस्सा**ति आदिमज्झपरियोसानं विदितं करोन्तस्स। **संवरो**ति सति वीरियम्पि वा। **न अञ्जं किञ्ची**ति सब्बकायं विदितं करिस्सामीति आदिकं पुब्बाभोगं सन्धाय वदति। **जाणुप्पादनादीसूति आदि-**सहेन कायसङ्गारपस्सम्भनपीतिपटिसंवेदनादिं सङ्गृह्णाति। **कायसङ्गारन्ति** अस्सासपस्सासं। सो हि चित्तसमुट्ठानोपि समानो करजकायपटिबड्डवुत्तिताय तेन सङ्गरीयतीति कायसङ्गारोति वुच्चति। **अपरिगहितकाले**ति कम्मडानस्स अनारद्धकाले, तदारम्भत्थाय कायचित्तानम्पि अपरिगहितकालेति अत्थो। निसीदति पल्लङ्कं आभुजित्वा उजुं कायं पणिधायति हि इमिना कायपरिगहो, परिमुखं सति उपट्टेपेत्वाति इमिना चित्तपरिगहो वुत्तो। **अधिमतन्ति** बलवं ओळारिकं, लिङ्गविपल्लासेन वुत्तं। कायसङ्गारो हि अधिप्पेत्तो। अधिमत्तं हुत्वा पवत्ततीति किरियाविसेसनं वा एतं। **सब्बसेयेवा**ति उभयेसम्पि।

**महाभूतपरिगहे सुखु**मोति चतुधातुमुखेन विपस्सनाभिनिवेसं सन्धाय वुत्तं। **लक्खणारम्पणिकविपस्सनाया**ति कलापसम्मसनमाह। निब्बिदानुपस्सनतो पट्टाय बलवविपस्सना, ततो ओरं दुब्बलविपस्सना। **पुब्बे वुत्तनयेना**ति अपरिगहितकालेति आदिना समथनये वुत्तनयेन।

**चोदनासोधनाही**ति अनुयोगपरिहारोहि। **कथन्ति** आदि पटिसम्भिदापाळ, तत्थ कथं सिक्खतीति सम्बन्धो। **इति किरा**ति आदि चोदकवचनं। **इति किरा**ति एवञ्चीति अत्थो। अस्सासपस्सासो सब्बथा

अभाव उपनेति चेति चोदकस्स अधिप्पायो। **वातूपलद्धियाति** अस्सासपस्सासावातस्स अभावेन तब्बिसयाय उपलद्धिया भावनाचित्तस्स उपादो वड्ढि च न होतीति अत्थो। **न च नन्ति** एत्थ नन्ति निपातमत्तं। **पुन इति किराति** आदि यथावुत्ताय चोदनाय विस्सज्जना, तत्थ **इति किर सिक्खतीति** मया वुत्ताकारेन यदि सिक्खतीति अत्थो। **पभावना होतीति** यदिपि ओळारिका कायसङ्कारा पटिप्पस्सम्भन्ति, सुखुमा पन अत्थेवाति भावनायपि वड्ढि होतेवाति अधिप्पायो। **कंसेति** कंसभाजने। **निमित्तन्ति** निमित्तस्स, तेसं सद्धानं पवत्ति आकारस्साति अत्थो। **सुखुमका सद्दाति** अनुर्वे आह। **सुखुमसहनिमित्तारम्भणतापीति** सुखुमो सद्दोव निमित्तं तदारम्भणतायपि।

**आभिसमाचारिकसीलन्ति** एत्थ अभिसमाचारोति उत्तमसमाचारो, तदेव आभिसमाचारिकं सीलं, खन्धकवत्तपरियापानस्स सीलस्सेतं अधिवचनं। **अहं सीलं रक्खामीति** उभतोविभङ्गपरियापनं सीलं सन्धाय वुत्तं। **आवासोति** आवासपलिबोधो। **कुलन्ति** आदीसुपि एसेव नयो। **कम्मन्ति** नवकम्मं। **इद्धीति** पोथुज्जनिका इद्धि, सा विपस्सनाय पलिबोधो। **सो उपच्छिन्तित्वोति** विसुद्धिमग्गे (विसुद्धिं १.४१) वुत्तेन तस्स तस्स पलिबोधस्स उपच्छेदपकारेन उपच्छिन्दित्वो। **योगानुयोगोति** योगस्स भावनाय अनुयुज्जनं। **अट्टित्तिसारम्भणेसूति** आलोकाकासकसिणइयं वज्जेत्वा **पाळियं** आगतानं अट्टन्तं कसिणानं वसेन वुत्तं, चत्तारीसज्जेव पन कम्मट्टानानि। **यथावुत्तेनेव नयेनाति** योगानुयोगकम्मस्स पदट्टानत्ताति इममत्थं अतिदिसति। **इमिनाव कम्मट्टानेनाति** इमिना आनापानस्सतिकम्मट्टानेन। **महाहत्थिपथं नीहरन्तो वियाति** कम्मट्टानवीथिं महाहत्थिमगं कत्वा दस्सेन्तो विय।

**वुत्तपकारमाचरियन्ति** “इमिनाव कम्मट्टानेन चतुत्थज्ज्ञानं निब्बत्तेत्वा विपस्सनं वड्ढेत्वा अरहत्तं पत्तस्स”ति आदिना हेट्ठा वुत्तपकारं आचरियं। “पियो गरु भावनीयो”ति आदिना (अं निं ७.३७; नेतिं ११३; मिं पं ६.१.१०) **विसुद्धिमग्गे** (विसुद्धिं १.४२) वुत्तपकारमाचरियन्तिपि वदन्ति। **पञ्चसन्धिकन्ति** पञ्चपब्बं, पञ्चभागन्ति अत्थो। **कम्मट्टानस्स उग्गहन्ति** कम्मट्टानागत्थस्स उग्गहन्तं। तदत्थपरिपुच्छा **कम्मट्टानस्स परिपुच्छा**, तत्थ संसयपरिपुच्छा वा। **कम्मट्टानस्स उपट्टानन्ति** एवं भावनमनुयुज्जन्तस्स एवमिध निमित्तं उपतिट्ठतीति उपधारणं। तथा **कम्मट्टानप्पना** एवं ज्ञानमपेतीति। **कम्मट्टानस्स लक्खणन्ति** गणनानुबन्धनाफुसनानं वसेन भावं उस्सुक्कापेत्वा ठपनावसेन मत्थकप्पति इध भावनाति कम्मट्टानसभावस्स सल्लक्खणं, तेनाह “कम्मट्टानसभावूपधारणन्ति वुत्तं होती”ति।

**अट्टारससेनासनदोसविवज्जितन्ति** महत्तं नवत्तं जिणत्तं पन्थनिस्सितत्तं सोणिडपण्णपुप्फफलयुत्तता पत्थनीयता नगरदारुखेतस्सनिस्सितता विसभागानं पुगलानं अत्थिता पट्टनसन्निस्सितता पच्चन्तसन्निस्सितता रज्जसीमसन्निस्सितता असप्पायता कल्याणमित्तानं अलाभोति इमेहि अट्टारसहि सेनासनदोसहि विवज्जितं। **पञ्चसेनासनङ्गसम्मनागतन्ति** —

“इध, भिक्खवे, सेनासनं नातिदूरं होति नाच्चासन्नं गमनागमनसम्पन्नं दिवा अप्पाकिण्णं रत्ति अप्पसदं अप्पनिग्घोसं अप्पडंसमकसवातातपसरीसपसम्फस्सं, तस्मिं खो पन सेनासने विहरन्तस्स अप्पकसिरेन उपज्जन्ति चीवरपिण्डपातसेनासनगिलानपच्चयभेसज्जपरिक्खारा, तस्मिं खो पन सेनासने थेरा भिक्खू विहरन्ति ...पे... एवं खो, भिक्खवे, सेनासनं पञ्चङ्गसम्मनागतं होती”ति (अं निं १०.११) —

एवं भगवता वुत्तेहि पञ्चहि सेनासनङ्गेहि सम्मनागतं, एत्थ च नातिदूरतादि एकं, दिवा अप्पाकिण्णतादि एकं, अप्पडंसादिता एकं, चीवरादिलाभो एकं, थेरानं भिक्खूनां निवासो एकन्ति एवं पञ्चङ्गानि वेदितव्वानि।

**उपच्छिन्नखुहकपलिबोधेनाति** दीधानं केसादीनं हरणेन पत्तचीवरादीनं पचनतुन्नकरणरजनादिकरणेहि च उपच्छिन्ना खुहका पलिबोधा येन, तेन। **भत्तसम्मदन्ति** भोजननिमित्तं परिससमं। आचरियतो उग्गहो **आचरियुग्गहो**, सब्बापि कम्मट्टानविधि, न पुब्बे वुत्तउग्गहमत्तं, ततो। **एकपदम्पीति** एककोट्टासम्पि।

**अनुवहनाति** अस्सासपस्सासानं अनुगमनवसेन सतिथा निरन्तरं अनुपवत्तना। यस्मा पन गणनादिवसेन विय फुसनावसेन विसुं मनसिकारो नत्थि, फुड्डफुड्डाने एव गणनादि कातव्वन्ति दस्सेतुं इध फुसनागहणन्ति दीपेन्तो “फुसनाति फुड्डान”न्ति आह। ठपनाति समाधानं, समाधिपधाना पन अप्पनाति आह “ठपनाति अप्पना”ति। अनिच्चतादीनं लक्खणतो **सल्लक्खणा विपस्सना**। पवत्ततो निमित्ततो च विनिवट्टन्तो **विनिवट्टना मग्गे**। किलेसपटिप्पस्सिद्भिभावतो **पारिसुद्धि फलं**। **तेसन्ति** विनिवट्टनापारिसुद्धीनं। **खण्डन्ति** “एकं तीणि पञ्चा”ति एकन्तरिकादिभावेन गणनाय खण्डनं। अथ वा खण्डन्ति अन्तरन्तरा कतिपयकालं अगणत्वा पुन गणनवसेन अन्तरा ओधिपरिच्छेदो न दस्सेतव्वो। तथा खण्डं दस्सेन्तस्स हि “कम्मट्टाननिन्नं पवत्तति नु खो मे चित्तं, नो”ति वीमंसुप्पत्तिया विक्खेपो होति, तेनाह **सिखाप्पत्तं नु खो मेति** आदि, इदञ्च एवं खण्डं दस्सेत्वा चिरत्तरं गणनाय मनसिकरोन्तस्स वसेन वुत्तं। सो हि तथा लद्धं अविक्खेपमत्तं निस्साय एवं मज्जेय्य। **यो उपट्टाति, तं गहेत्वाति** इदं अस्सासपस्सासेसु यस्स एकोव पठमं उपट्टाति, तं सन्धाय वुत्तं, यस्स पन उभोपि उपट्टहन्ति, तेन उभयमपि गहेत्वा गणितव्वं। यो उपट्टातीति इमिनाव द्वीसु नासापुटवातेसु यो पाकटो होति, सो गहेतव्वोति अयमपि अत्थो दीपितोति गहेतव्वं। पठमं एकेकस्मिं उपट्टितेपि उपलक्खेत्वा गणन्तस्सेव कमेन उभोपि पाकटा होन्तीति आह “अस्सासपस्सासा पाकटा होन्ती”ति। एवं सीधं सीधं गणेतव्वमेवाति सम्बन्धो। एवं सीधगणनारम्भस्स ओकासं दस्सेतुं **इमस्सापि पुरिमनयेन गणयतोति** आदि वुत्तं। तत्थ **पुरिमनयेनाति** दन्धगणनाय, **पाकटा हुत्वाति** इमिना दन्धगणनाय आरद्धकाले चित्तस्स अविस्सदताय सुखुमस्सासादीनं अपाकटत्तं, पच्छा विसदकाले पाकटतज्ज तेसु च पाकटेसु दन्धगणनं पहाय सीधगणना कातव्वोति दस्सेति। सीधगणनाय निप्परियायतो निरन्तरपवत्ति अप्पनावीथियमेव, न कामावचरे भवङ्गन्तरिकताति आह “निरन्तरपवत्तं विया”ति। **पुरिमनयेनेवाति** सीधगणनाय। अन्तो पविसन्तं वात्तं मनसिकरोन्तो अन्तो चित्तं पवेसेति नाम।

**एतन्ति** एतं अस्सासपस्सासाजातं। **अनुगमनन्ति** फुड्डाने मनसिकरणमेव, न अस्सासपस्सासानं अनुवत्तनं, तेनाह — “तज्ज खो न आदिमज्झपरियोसानानुगमनवसेना”ति। **फुसनाठपनावसेन विसुं मनसिकारो नत्थीति** इमिना यथा गणनाय फुसनाय च मनसिकरोति, एवं अनुबन्धनं विना केवलं ठपनाय च फुसनाय च मनसिकारोपि नत्थीति दस्सेन्तेन गणनं पटिसंहरित्वा याव अप्पना उपज्जति, ताव अनुबन्धनाय च फुसनाय च मनसिकरोति, अप्पनाय पन उपप्पनाय अनुबन्धनाय ठपनाय च मनसिकरोति नामाति दीपितं होति, **अट्टकथायं** पन अनुबन्धनाय विना ठपनाय मनसिकारो नत्थीति दस्सन्तं “अनुबन्धनाय च फुसनाय च ठपनाय च मनसिकरोतीति वुच्चती”ति एतकमेव वुत्तन्ति गहेतव्वं। या अच्यन्ताय न मिनाति न विनिच्छन्ति, सा मानस्स समीपेति उपमानं सिद्धसादिसेन साध्यसाधनं यथा गो विय गवयोति। **पट्ठोति** पीठसप्पणी। **दोलाति** पेङ्गोलो। **कोळन्ति** कोळन्तानं। **उपनिबन्धनत्थम्भमूलेति** नासिकगं मुखनिमित्तञ्च सन्धाय वुत्तं। **आदितो पभुतीति** उपमेयत्थदस्सनतो पट्टाय। **निमित्तन्ति** उपनिबन्धननिमित्तं नासिकगं, मुखनिमित्तं वा। **अनारम्भणमेकचित्तस्साति** अस्सासपस्सासानं एकक्खणे अप्पवत्तन्तो एकस्स चित्तस्स तथोपि आरम्भणं न होन्ति, निमित्तेन सह अस्सासो पस्सासो वाति द्वेयेव एकक्खणे आरम्भणं होन्तीति अत्थो। **अजानतो च तयो धम्मेति** निमित्तं अस्सासो पस्सासोति इमे तयो धम्मे आरम्भणकरणवसेन अविन्दन्तस्स, च-सद्दो ब्यतिरेको, तेन एवञ्च सति अयं अनिट्ठपसङ्गाति ब्यतिरेकं दस्सेति। **भावनाति** आनापानस्सतिभावना।

**कथं इमे...पे... विसेसमधिगच्छतीति** इदं परिहारगाथाय वुत्तमेवत्थं **ककचोपमाय** (मं निं १.२२२ आदयो) विवरितुं पुच्छाठपनं। तत्थ कथं-सद्दो पच्चकं योजेतव्वो “कथमिमे अविदिता...पे... कथं विसेसमधिगच्छती”ति। **पधानन्ति** भावनानिष्पादकं वीरियं। **पयोगन्ति** नीवरणविक्खम्भकं भावनानुयोगं। **विसेसन्ति** अरहत्तपरियोसानविसेसं। **पधानन्ति** रुक्खस्स छेदनवीरियं। **पयोगन्ति** तस्सेव छेदनककिरियं। किञ्चापेत्थ “विसेसमधिगच्छती”ति उपमायं न वुत्तं, तथापि अत्थतो योजेतव्वमेव। **यथा रुक्खोति** आदि उपमासंस्सन्दनं। **नासिकग्गे वा मुखनिमित्ते वाति** दीधानासिको नासिकग्गे, इतरो मुखं निमित्तयि छादियति एतेनाति मुखनिमित्तन्ति लद्धनामे उत्तरोट्टे।

**इदं पधानन्ति** येन वीरियारम्भेन कायोपि चित्तमपि भावनाकम्मस्स अरहं इध पधानन्ति फलेन हेतुं दस्सेति। **उपविकलेसाति** नीवरणा। **वितक्काति** कामवितक्कादिमिच्छावितक्का, नीवरणपण्णहनेन वा पठमज्झानाधिगमं दस्सेत्वा वितक्कूपसमापदेसेन दूतियज्झानादीनमधिगममाह। **अयं पयोगोति** अयं ज्ञानाधिगमस्स हेतुभूतो कम्मट्टानानुयोगसङ्घातो पयोगो। **संयोजना पहीयन्तीति** दसपि संयोजनानि मग्गपअपाटिया समुच्छेदवसेन पहीयन्ति। **ब्यन्ती होन्तीति** तथा सत्तपि अनुसया भङ्गमतस्सपि अनवसेसतो विगतन्ता होन्ति। **अयं विसेसोति** इमं समाधि निस्साय अनुक्कमेन लब्धमानो अयं संयोजनपण्णहनादिको इमस्स समाधिस्स विसेसोति अत्थो। **एवं इमे तयो धम्माति** आदि निगमनवचनं। **परिपुण्णाति** सोळसन्नं वत्थूनां पारिपूरिया सब्बो पुण्णा। **अनुपुब्बन्ति** अनुक्कमेन। **परिचित्ताति** परिचिण्णा। **इमं लोकन्ति** खन्धादिलोकं पञ्जापभासेन पभासेति।

**इधाति** इमस्मिं ठाने। **अस्साति** उपमाभूतस्स ककचस्स। आनयने पयोजनन्ति योजेतव्वं। **निमित्तन्ति** पटिभागनिमित्तं। **अवसेसज्ञानङ्गपटिमण्डिताति** वितक्कादिअवसेसज्ञानङ्गपटिमण्डिताति वदन्ति। विचारादीहीति पन वत्तव्वं निप्परियायेन वितक्कस्स अप्पनाभावतो। सो हि “अप्पना ब्यप्पना”ति निहिट्टो। एवञ्च सति अवसेस-सद्दो उपपन्नो होति, वितक्कसम्पयोगतो वा ज्ञानङ्गेषु पधानभूतो

समाधि अप्पनाति कत्वा “अवसेसज्ञानङ्गपटिमण्डिता अप्पनासङ्घाता उपना च सम्पज्जती”ति वुत्तं। **कस्सचि पन गणनावसेनेव मनसिकारकालतो पभुतीति** एत्थ “अनुक्कमतो...पे... पत्तं विय होती”ति उपरि वक्खमानो गन्थो पुराणपोत्थकेसु दिस्सति, तस्मा अयं पाठो एत्थापि लिखितब्बो, लेखकानं पन दोसेन गळितोति वेदितब्बो।

**ओळारिके अस्सासपस्सासे निरुद्धेति**आदि हेद्वा वुत्तनयमि विचेतब्बाकारप्पत्तस्स कायसङ्कारस्स विचयनविधिं दस्सेतुं आनीतं। **देसतोति** पुब्बे फुसनवसेन गहितट्टानतो। **निमित्तं पट्टपेतब्बन्ति** पुब्बे गहिताकारनिमित्तगाहिका सज्जा फुसनट्टाने पट्टपेतब्बा। **इममेव हि अत्थवसन्ति** इमं अनुपट्टहन्तस्स आरम्भणस्स उपट्टानविधिसङ्घातं कारणं पटिच्च। **इतोति** आनापानकम्मट्टानतो। गरुक्ता च भावनादुक्करतायाति आह “गरुक्भावन्”न्ति। **चरित्वाति** गोचरं गहेत्वा। **निमित्तन्ति** उगहनिमित्तं, पटिभागनिमित्तं वा। उभयमि हि इध एकज्झं वुत्तं। तथा हि तूलपिचुआदिउपमत्तयं उगहे युज्जति, सेसं उभयत्थ।

**तारकरूपं वियाति** तारकाय सरूपं विय। **सज्जानानतायाति** निमित्तपट्टानतो पुब्बे पवत्तसज्जानं नानताय। **सज्जजन्ति** भावनासज्जाय परिकप्पितं, न उप्पादितं अविज्जमानत्ता, तेनाह “नानतो उपट्टाती”ति। **एवं होतीति** भावनमनुयुत्तस्स एवं उपट्टाति। **एवन्ति** एवं सति, यथावुत्तनयेन निमित्ते एव चित्तस्स उपने सतीति अत्थो। **इतो पभुतीति** इतो पटिभागनिमित्तपुत्तितो पट्टाय। **निमित्तेति** पटिभागनिमित्ते। **उपयन्ति** उपनावसेन चित्तं उपन्तो। **नानाकारन्ति** “चत्तारो वण्णा”ति एवं वुत्तं नानाकारं। **विभावयन्ति** विभावेन्तो अन्तरधापेन्तो। निमित्तपुत्तितो पट्टाय हि ते आकारा अमनसिकरोतो अन्तरहिता विय होन्ति। **अस्सासपस्सासेति** अस्सासे पस्सासे च यो नानाकारो, तं विभावयं अस्सासपस्साससम्भूते वा निमित्ते चित्तं उपयं सकं चित्तं निबन्धति नामाति योजना। केचि पन विभावयन्ति एतस्स विभावेन्तो विदितं पाकटं करोन्तोति अयं वदन्ति, तं पुब्बभागवसेन युज्जेय्य। अयज्हेत्थ अत्थो — अस्सासपस्सासे नानाकारं विभावेन्तो पजानन्तो तत्थ यं लद्धं निमित्तं, तस्मिं चित्तं उपेन्तो अनुक्कमेन सकं चित्तं निबन्धति अपेतीति।

**किलेसाति** अवसेसकिलेसा। **सन्निस्सिनायेवाति** अलद्धनीवरणसहाया ओलीनायेव। **उपचारभूमियन्ति** उपचारावत्थायं। **लक्खणतोति** विक्खम्भनादिसभावतो वा अनिच्चादिसभावतो वा। **गोचरोति** भिक्खाचारगामो। यत्थ दुल्लभा सप्पायभिक्खा, सो असप्पायो, इतरो सप्पायो। **भस्सन्ति** दसकथावत्थुनिस्सितं भस्सं, तं सप्पायं, इतरमसप्पायं। सेसेसु आवासादीसु यत्थ यत्थ असमाहितं चित्तं समाधिर्यति, तं तं सप्पायं, इतरमसप्पायन्ति गहेतब्बं। यस्स पन एवं सत्तविधं असप्पायं वज्जेत्त्वा सप्पायमेव सेवन्तस्सपि अप्पना न होति, तेन सम्पादेतब्बं दसविधं अप्पनाकोसल्लं दस्सेन्तो **वत्थुविसदकिरियाति** आदिमाह। तत्थ **वत्थुविसदकिरिया** नाम केसनखच्छेदनादीहि अज्झत्तिकस्स सरीरवत्थुस्स, चीवरसेनासनाधिधोवनपरिकम्मादीहि बाहिरवत्थुस्स च विसदभावकरणं। एवज्झि जाणमि विसदकिच्चनिष्फत्तिकरं होति। **इन्द्रियसमत्तपटिपादना** नाम सट्टादीनं इन्द्रियाणं समभावकरणं। **निमित्तकुसलता** नाम भावनाय लद्धनिमित्तस्स रक्खणकोसल्लं। **यस्मिं समये चित्तं निग्गहेतब्बन्ति** आदीसु यस्मिं समये चित्तं अच्चारद्धतादीहि कारणेहि उद्धतताय निग्गहेतब्बं, तदा धम्मविचयसम्बोद्धाङ्गादयो तयो अभावेत्त्वा पस्सट्टादीनं तिण्णं भावनेन चित्तस्स निग्गहना होति। यदास्स चित्तं अतिसिथिलवीरियतादीहि लीनताय पग्गहेतब्बं, तदा पस्सट्टिसम्बोद्धाङ्गादयो तयो अभावेत्त्वा धम्मविचयादीनं तिण्णं भावनेन चित्तस्स पग्गहन्तं होति। यदास्स पज्जापयोगमन्दतादीहि निरस्सादं चित्तं होति, तदा तस्स चित्तस्स अट्टसंवेगवत्थूपच्चवेक्खणादिना (अ० नि० अट्ट० १.१.४१८) सम्पहंसनसङ्घाता संवेजना होति। यदा पनस्स एवं पटिपज्जनतो अलीनं अनुद्धतं अनिरस्सादं आरम्भणे समप्पवत्तं समथवीथिपटिपन्नञ्च चित्तं होति, तदा तस्स पग्गहनिग्गहसम्पहंसनेसु अब्यापारतासमापज्जनेन अज्झुपेक्खना होति।

**तदधिमुत्तता** नाम समाधिअधिमुत्तता, समाधिनन्निपोणपब्भारताति अत्थो। **एत्थाति** एतस्सं कायानुपस्सनायं।

**पारिसुद्धिं पत्तुकामोति** फलं अधिगन्तुकामो समापज्जितुकामो च। तत्थ सल्लक्खणाविवट्टनावसेन पठमं मगानन्तरफलं अधिगन्तुकामो। ततो परं सल्लक्खणवसेन फलसमापत्तिं समापज्जितुकामोपीति एवमत्थो गहेतब्बो। **आवज्जनसमापज्जन...पे...** **वसिप्पत्तन्ति** एत्थ पटिलद्धज्ञानतो वुड्डाय वितक्कादीसु ज्ञानङ्गेषु एकेकं आवज्जयतो भवङ्गं उपच्छिन्दित्वा उप्पन्नावज्जनानन्तरं वितक्कादीसु यथावज्जितज्ञानङ्गारम्भणानि कामावचरजवनानि भवङ्गन्तरितानि यदा निरन्तरं पवत्तन्ति, अत्थस्स **आवज्जनवसी** सिद्धा होति। तं पन ज्ञानं समापज्जितुकामतानन्तरं सीधं समापज्जनसमत्थता **समापज्जनवसी** नाम। अच्छरामत्तं वा दसच्छरामत्तं वा खणं ज्ञानं उपेतुं समत्थता **अधिद्वानवसी** नाम। तथेव लहुं खणं ज्ञानसमङ्गी हुत्वा ज्ञानतो भवङ्गुप्पत्तिवसेन वुड्डातुं समत्थता **वुड्डानवसी** नाम। “एत्तकमेव खणं समापज्जिस्सामी”ति, “एत्तकमेव खणं ज्ञानसमङ्गी हुत्वा ज्ञानतो वुड्डहिस्सामी”ति च पवत्तपुब्बपरिकम्मभेदेनेत्थ अधिद्वानवुड्डानवसियो भिन्ना, न सरूपभेदेन, या “समापत्तिकुसलता, वुड्डानकुसलता”ति वुच्चन्ति। **पच्चवेक्खणवसी** पन आवज्जनवसिया एव वुत्ता। पच्चवेक्खणवीथियज्झि सीधं आवज्जनपुत्तिया आवज्जनवसी तदनन्तरानं जवनानं समुप्पत्तिया पच्चवेक्खणवसीति आवज्जनवसीसिद्धियाव पच्चवेक्खणवसी सिद्धा एव होतीति वेदितब्बा। **ज्ञानङ्गानि परिग्गहेत्वाति** ज्ञानचित्तसम्पयुत्तानि ज्ञानङ्गानि लक्खणादिवसेन परिग्गहेत्वा। **तेसज्ज निस्सयन्ति** तेसं वत्थुनिस्सयानं भूतानं निस्सयं। इदञ्च करजकायस्स वत्थुदसकस्स भूतनिस्सयता सुत्तननयेन वुत्तं, न पट्टाननयेन। न हि कलापन्तरगतानि भूतानि कलापन्तरगतानं भूतानं निस्सयपच्चया होन्ति, सुत्तननयेन पन उपनिस्सयपच्चयोति वेदितब्बानि। पट्टाने हि असङ्गहिता सब्बे पच्चया सुत्तनिकनयेन उपनिस्सयपच्चये सङ्गहन्तीति वेदितब्बं। **तंनिस्सितरूपाणीति** उपादारूपानि। **यथापरिग्गहितरूपवत्थुद्वारारम्भणं वाति** एत्थ यथापरिग्गहितकेसादिरूपारम्भणं ततो पुब्बे वुत्तनयवत्थारम्भणञ्च तन्निस्सयकरजकायपअग्गहमुखेन उपट्टितचक्खादिद्वारञ्च ससम्पयुत्तधम्मविज्जाणं वाति योजेतब्बं। **कम्मारगगरीति** कम्मरानं अग्गिधमनभस्ता। **तज्जन्ति** तदनुरूपं। **तस्साति** नामरूपस्स। **तं दिस्वाति** अविज्जातणहादिपच्चयं दिस्वा। **कद्धं वितरतीति** अहोसिं नु खो अहं अतीतमट्टानन्तिआदिनयपवत्तं (म० नि० १.१८; सं० नि० २.२०) सोळसवत्थुकं विचिकिच्छं अतिकमति। **कलापसम्मसनवसेनाति** यं किञ्चि रूपं अतीतानागतपच्चुप्पन्नन्तिआदिना (म० नि० १.३६१; ३.८६, ८९; अ० नि० ४.१८९) पच्चसु खन्धेषु अतीतादिकोड्डासं एकेककलापो गहेत्वा अनिच्चादिवसेन सम्मसनं कलापसम्मसनं, तस्स वसेन। **पुब्बभागेति** पटिपदाजाणदस्सनिवसिद्विपरियापन्नाय उदयब्बयानुपस्सनाय पुब्बभागो। **ओभासादयोति** ओभासो जाणं पीति पस्सट्टि सुखं अधिमोक्खो पग्गहो उपेक्खा उपट्टानं निकन्ति च। तत्थ **अधिमोक्खोति** सट्टा। **उपट्टानन्ति** दस्सति। **उपेक्खाति** तत्रमज्जत्तता। एत्थ च ओभासादयो नव निकन्तिस्सङ्गततणहुपक्किलेसवत्थुताय उपक्किलेसा वुत्ता, निकन्ति पन उपक्किलेसताय तब्बत्थुताय च। **निब्बिन्दन्तो** आदीनवानुपस्सनापुब्बङ्गमाय निब्बिन्दानुपस्सनाय निब्बिन्दन्तो। मुच्चित्तुकम्यतापटिसङ्घानुपस्सनासङ्घारुपेक्खानुलोमजाणानं चिण्णपरियन्ते उपपन्नगोत्रभुजाणानन्तरं उपपन्नेन मग्गजाणेन सब्बसङ्गारेसु **विरज्जनतो विमुच्चन्तो**। फलक्खणे हि विमुत्तो नाम वुच्चति, मग्गक्खणे विमुच्चन्तोति। **एकूनवीसतिभेदस्साति** चतुन्नं मग्गवीथीनं अनन्तरं पच्चवेकं उपज्जनत्तस्स मग्गफलनिब्बानपहीनावसिद्धिकिलेसानं पच्चन्नं पच्चवेक्खितब्बानं वसेन एकूनवीसतिभेदस्स। अरहतो हि अवसिद्धिकिलेसाभावेन एकूनवीसतिता। **अस्साति** आनापानकम्मट्टानिकस्स।

**सप्पीतिके द्वे** ज्ञानेति पीतिसहगतानि चतुक्कनये द्वे पठमदुतियज्ज्ञानानि। **तस्साति** तेन योगिना। **समापत्तिकखणेति** समापन्नक्खणे। **आरम्भणतोति** पटिभागारम्भणगहणमुखेन **पीति पटिसंविदिता होति, आरम्भणस्स पटिसंविदिता**। आरम्भणे हि विदिते तब्बिसया चित्तचेतसिका धम्मा सयं अत्ततो पटिसंविदिता नाम होति सलक्खणतो सामञ्जलक्खणतो च पच्छा गहणे सन्देहाभावतो। **विपस्सनाक्खणेति** विपस्सनापज्जाय विसयतो दस्सनक्खणे। एवं पीतिं अनिच्चादिवसेन गहणमेव **असम्मोहतो** पीतिपटिसंवेदनं नाम।

**दीधं अस्सासवसेनाति** दीधस्स अस्सासस्स आरम्भणभूतस्स वसेन, पजानतो सा पीति पटिसंविदिता होतीति सम्बन्धो। **चित्तस्स एकग्गतं अविक्खेपं पजानतोति** ज्ञानपरियापन्नं अविक्खेपापन्नं नाम चित्तस्सेकग्गतं तंसम्पयुत्ताय पज्जाय पजानतो। यथेव हि आरम्भणमुखेन पीति पटिसंविदिता होति, एवं तंसम्पयुत्तधम्मापि पटिसंविदिता एव होन्तीति। **सति उपट्टिता होतीति** दीधं अस्सासवसेन ज्ञानसम्पयुत्ता सति तस्स आरम्भणे उपट्टिता तदारम्भणज्ञानेपि उपट्टिता नाम होतीति। **दीधं पस्सासवसेनाति** आदीसुपि इमिनाव नयेन अत्थो वेदितब्बो। एवं दस्सितं पीतिपटिसंवेदनं आरम्भणतो असम्मोहतो च विभागतो दस्सेतुं **आवज्जतोति**आदि वुत्तं। तत्थ **आवज्जतोति** ज्ञानं आवज्जनत्तस्स। **सा पीतीति** सा ज्ञानपरियापन्ना पीति। **जानतोति** समापन्नक्खणे आरम्भणमुखेन जानतो, तस्स सा पीति पटिसंविदिता होतीति सम्बन्धो। **पस्सतोति** दस्सनभूतेन जाणेन ज्ञानतो वुड्डाय पस्सन्तस्स। **पच्चवेक्खतोति** ज्ञानं पच्चवेक्खन्तस्स। **चित्तं अधिदुहतोति** “एत्तकं वेलं ज्ञानसमङ्गी भविस्सामी”ति ज्ञानचित्तं अधिदुहन्तस्स। एवं पच्चन्नं वसिभावानं वसेन ज्ञानस्स पजाननमुखेन आरम्भणतो पीतिया पटिसंवेदना दस्सिता। **अधिमुच्चतोति** सदहन्तस्स, समथविपस्सनावसेनाति अधिप्पायो। **वीरियं पग्गहन्तोति** आदीसुपि एसेव नयो। **अभिज्जेय्यन्ति** विसिद्धाय पज्जाय जानितब्बं चतुसच्चं विपस्सनापज्जापुब्बङ्गमाय मग्गपज्जाय अभिजानतोतिआदि योजना। एवं **परिज्जेय्यन्ति**आदीसुपि परिजानतोतिआदिना योजना वेदितब्बा। तत्थ **परिज्जेय्यन्ति** दुक्खसच्चं। **अवसेसपदानीति** सुखपटिसंवेदी चित्तसङ्कारपटिसंवेदीति पदानि।

**वेदनादयोति आदि-**सहेन सज्जा गहिता, तेनाह “द्वे खन्धा”ति। **विपस्सनाभूमिदस्सनत्थन्ति** काथिकसुखादिसीसेन पक्कणकसङ्कारदस्सनतो वुत्तं समथे काथिकसुखाभावतो। **सोति** पस्सम्भनपरियायेन वुत्तो निरोधो। **वुत्तनयेनाति** इमस्स हि भिक्खुनो पुब्बे अपरिग्गहितकालेतिआदिना (पारा० अट्ट० २.१६५) कायसङ्कारे वुत्तनयेन। **पीतिसीसेन वेदना वुत्ताति** पीतिअपदेसेन वेदना वुत्ता,

सुखगृहणतो वेदनानुपस्सनापसङ्गातोति अधिप्पायो। **द्वीसु चित्तसङ्कारपदेसूति** “चित्तसङ्कारपटिसंवेदी पस्सम्भयं चित्तसङ्कार”न्ति इमेसु द्वीसु कोट्टासेसु। **सञ्जासम्पयुता वेदनाति** वेदनानुपस्सनाभावतो वुत्तं। **चित्तपटिसंवेदिता वेदितव्वानि** आरम्भणतो असम्मोहतोतिआदिना वुत्तनयं सन्धाय वुत्तं। **चित्तन्ति** ज्ञानसम्पयुत्तं विपस्सनासम्पयुत्तञ्च चित्तं। **आमोदेतीति** सम्पयुत्ताय पीतिता ज्ञानविषयाय मोदेति। **विपस्सनासम्पयुत्तं** आदिना वुत्तमङ्गानुपस्सनक्खणे।

आनापानस्सतिसमाधिकथावण्णनानयो निड्डितो।

**१६७.** यदिपि अरिया नेव अत्तनाव अत्तानं अञ्जमञ्जं वा जीविता वोरपेन्ति, नापि परेहि समादपेन्ति, तथापि यथावुत्तेहि तीहि पकारेहि मतानं पुथुज्जनानं अन्तरे मिगलण्डिकेन मारितानं अरियपुग्गलानमि अत्थिताय “अरियपुग्गलमिस्सकता”ति वुत्तं। अथ वा पुथुज्जनकाले अत्तनाव अत्तानं घातेत्वा मरणसमये विपस्सनं वट्टेत्वा अरियमग्गं पटिलभित्वा मतानमि सम्भावतो एवं वुत्तन्ति गहेतव्वं।

### पदभाजनीयवण्णना

**१७२. व्यञ्जने आदरं अकत्वाति** जानित्वा सञ्जानित्वातिआदिना व्यञ्जानानुरूपं अवुत्तता वुत्तं। **पाणोति जानन्तोति** इदं मनुस्सोति अजानित्वापि केवलं सत्तसञ्जाय एव पाराजिकभावदस्सनत्थं वुत्तं। **वधकचेतनावसेन चेतोत्वाति** “इमं मारेमी”ति वधकचेतनाय चित्तेत्वा। **पक्पेत्वाति** “वधामि न”न्ति एवं चित्तेन परिच्छिन्दित्वा। **अभिवितरित्वाति** सन्निधानं कत्वा, तेनाह “निरासङ्कचित्तं पेसेत्वा”ति। **सिखाप्यत्तो अत्थोति** सज्जिच्चाति पुब्बकालकिरियावसेन वुत्तस्सपि वीतिक्कमभूतस्स अपरकालकिरियायुत्तदस्सनेन कोटिप्पत्तो अत्थो। **जातिउण्णा** नाम तदहुजातएळकस्स लोमं। **एवं वण्णपटिभागन्ति** एवं वण्णसण्ठानं। **ततो वा उद्धन्ति** द्रुतियसत्ताहादीसु अब्बुदादिभावपत्तं सन्धाय वुत्तं। **परिहीनवेगस्स सन्तानस्स पच्चयो होतीति** सहकारीपच्चयो होति, न जनको। कम्ममेव हि खणे खणे उप्पज्जमानानं कम्मजरूपानं जनकपच्चयो, तञ्च पवत्तियं पुब्बे उप्पज्जित्वा ठितं अनुपहतं चतुसन्ततिरूपं सहकारीपच्चयं लभित्वाव कातुं सक्कोति, न अञ्जथा, येन केनचि विरोधिपच्चयेन निरुद्धचक्खादिप्पसादानं पुग्गलानं विज्जमानमि कम्मं चक्खादिकं जनेतुं न सक्कोतीति सिद्धमेव होति।

**अतिपातेन्तोति** अतिपातेन्तो विनासेन्तो। **वुत्तपकारमेवाति** जीवितिन्द्रियातिपातनविधानं वुत्तपकारमेव। सरसेनेव पतनसभावस्स सणिकं पतितुं अदत्त्वा अतीव पातनं सीघपातनं अतिपातो, पाणस्स अतिपातो पाणातिपातो। **आथब्बणिकाति** अथब्बणवेदिनो। **अथब्बणान्ति** अथब्बणवेदविहितं। **मन्तं पयोजेन्तीति** अलोणभोजनदब्बसयनसुसानगमनादीहि पयोगेहि मन्तं परिवत्तेन्ति, तेन यथिच्छितपाणवधादिफलं उपपज्जति, तस्मा तं कायवचीकम्मेसु पविट्ठं। **ईतिन्ति** पीळं। **उपहवन्ति** ततो अधिकतरं पीळं। **पज्जरकन्ति** विसमज्जरं। **सुचिकन्ति** सूचीहि विय विज्जमानं सुलं। **विसुचिकन्ति** ससूलं आमातिसारं। **पक्खन्दिन्ति** रत्तातिसारं। **विज्जं परिवत्तेत्वाति** गन्धारविज्जादिकं अत्तनो विज्जं कतूपचारं मन्तपठनक्कमेन परिजप्पित्वा। **तेहीति** तेहि वत्थुहि। **पयोजनन्ति** पवत्तनं। **अहो वतायन्ति** अयं तं कुच्छिगतं। **गम्भन्ति** इदं कुच्छिगतं गम्भं। **कुलुप्बस्साति** गम्भस्स, कुलस्सेव वा, कुटुप्बस्साति वुत्तं होति। **भावनामयिद्धियाति अधिद्वानिद्धि सन्धाय वुत्तं। **तं तेसं इच्छामत्तन्ति** सुत्तत्थतो न समेतीति अधिप्पायो। अथब्बणिद्धिवसेनेव हि सुत्ते “इद्धिमा चेतोवसिप्पत्तो”ति वुत्तं, न भावनामयिद्धिवसेनाति दट्टव्वं।**

**इतरथाति** परियेसेय्याति पदस्स गवेसनमत्तमेव यथारुतवसेन अत्थो सिया, तदा परिग्रियुत्तनेन परियेसित्वा सत्थादीनं लद्धमत्तेनाति अत्थो। ससन्ति हिंसन्ति एतेनाति सत्थन्ति वधोपकरणस्स पासाणरज्जुआदिनो सब्बस्सापि नामन्ति आह **लगुळाति** आदि। **लगुळन्ति** मुग्गरस्सेतं अधिवचनं। **सत्थसङ्गहोति** मातिकायं **सत्थहारकन्ति** एत्थ वुत्तसत्थसङ्गहो। **परतो वुत्तनयत्ताति** परतो निगमनवसेन वुत्तस्स द्रुतियपदस्स पदभाजने वुत्तनयता। **चित्तसदस्स अत्थदीपनत्थं वुत्तोति** चित्त-सदस्स विचितादिअनेकत्थविसयता इतरेहि निवत्तेत्वा विज्जाणत्थं नियमेतुं वुत्तो।

**१७४. कम्मुना बज्जतीति** पाणातिपातकम्मुना बज्जति, तं कम्ममस्स सिद्धन्ति अत्थो। **उभयथापीति** उद्दिसकानुद्दिसकवसेन। **पच्छा वा तेन रोगेनाति** एतेन अनागतमि जीवितिन्द्रियं आरब्भ पाणातिपातस्स पवत्तिं दस्सेति। एवञ्च “यदा सक्कोति, तदा तं जीविता वोरपेही”ति आणत्तिया चिरेन समिद्धियमि आणत्तिकखणेयेव पाणातिपातो। ओपातखणनादिथावरपयोगेसु पयोगकरणतो पच्छा गहितपटिसन्धिकस्सापि सत्तस्स मरणे पाणातिपातो च अनागतारम्भणो उपपन्नो होति। यं पन **सिक्खापदविभङ्गे** “पञ्च सिक्खापदानि पच्चुप्पन्नारम्भणायेवा”ति वुत्तं, तं पाणातिपातादितो विरतिं सन्धाय वुत्तं, न पाणातिपातादिन्ति गहेतव्वं। **अञ्जचित्तेनाति** अमारेतुकामताचित्तेन। **द्रुतियप्यहारेन मरतीति** पठमप्यहारं विना द्रुतियेनेव मरतीति अत्थो। **पठमप्यहारेनेवाति** पठमप्यहारसमुद्भापकचेतनाक्खणेयेवाति अत्थो। किञ्चापि पठमप्यहारो सयमेव न सक्कोति मारेतुं, द्रुतियं पन लभित्वा सक्कोन्तो जीवितविनासहेतु होति, तस्मा पठमप्यहारं विना मरणस्स असिद्धता “पयोगो तेन च मरण”न्ति इमिना संसन्दनतो पठमप्यहारेनेव कम्मबद्धो युत्तो, न द्रुतियेन तस्स अञ्जचित्तेन दिन्तता। यथा चेत्थ, एवं अञ्जेन पुग्गलेन द्रुतियप्यहारदानादीसु विय। यदि पन द्रुतियप्यहारदायकस्सापि पुग्गलस्स वधकचेतना अत्थि, तस्सापि अत्तनो पयोगेनापि मत्ता पयोगक्खणे पाणातिपातोति वेदितव्वं।

**कम्पापत्तिव्यतिभावत्थन्ति** आनन्तरियादिकम्मविभागस्स पाराजिकादिआपत्तिविभागस्स च पाकटभावत्थं। “एळकं मारेमी”ति विपरीतग्गहणेपि “इम”न्ति यथानिपन्नस्सेव परमत्थतो गहितत्ता यथावत्थुक् कम्मबद्धो होतियेवाति आह **इमं वत्थुन्ति** आदि। **घातको च होतीति** पाणातिपातकम्मेन बद्धोति अत्थो। मातादिगुणमहन्ते आरब्भ पवत्तवधकचेतनाय महासावज्जताय वुत्तं “इध पन चेतना दारुणा होती”ति।

**लोहितकन्ति** लोहितमक्खितं। **कम्मं करोन्तेति** युद्धकम्मं करोन्ते। **यथाधिप्पायं गतेति** योधं विज्जित्वा पितरि विद्धे, योधं पन अविज्जित्वा केवलं पितरि विद्धेपि विसङ्केतो नत्थियेव पितरिपि वधकचित्तस्स अत्थिताय, केवलं योधे विद्धेपि एसेव नयो। **आनन्तरियं पन नत्थीति** पितुविसयं पाणातिपातकम्मं नत्थीति अत्थो।

**एवं विज्जाति** एवं पादेहि भूमियं ठत्वा एवं धनुं गहेत्वा आकाङ्गित्वातिआदिना विज्जनन्यकारिसक्खापनमुखेन आणापेतीति अत्थो। **एवं पहराति** दळ्हं असिं गहेत्वा एवं पहर। **एवं घातेहीति** एवं कम्मकरणं कत्वा मारेहि। **तत्तका उभिन्नं पाणातिपाताति** अनुद्दिसित्वा येसं केसञ्चि मारणत्थाय उभोहि पयोगस्स कत्ता वुत्तं। सचे हि आणापको “एवं विद्धे असुको एवं मरती”ति सञ्जाय “एवं विज्जा”ति आणापेति, नियमितस्सेव मरणे आणापकस्स कम्मबद्धोति वदन्ति। सचे आणत्तो “असुक”न्ति नियमेत्वा उद्दिस सरं खिपति, आणापको अनियमेत्वा आणापेति, आणापकस्स येसं केसञ्चि मरणेपि कम्मबद्धो, आणत्तस्स पन नियमितमरणेयेवाति वेदितव्वं। **मज्जेति** हत्थिनो पिड्डिनो मज्जे। **एतेनाति** अधिद्विहत्वा आणापेतीतिआदिपाळिवचनेन। **तत्थाति** आणत्तिकपयोगे।

किञ्चापि किरियाविसेसो अडुकथासु अनागतो, **पाळियं** पन “एवं विज्जा, एवं पहर, एवं घातेही”ति (पारा० १७४) किरियाविसेसस्स परामट्टता आचारियपरम्परा आगतं किरियाविसेसमि पाळिसंसन्दनतो गहेत्वा दस्सेन्तो **अपरो नयोति** आदिमाह। **विज्जनन्ति** उसुसत्तिआदीहि विज्जनं। **छेदनन्ति** असिआदीहि हत्थपादादिच्छेदनं। **भेदनन्ति** मुग्गरादीहि सीसादिभेदनं द्विधाकरणं। **सङ्गमुण्डकन्ति** सीसकटाहे चम्मं सह केसेहि उपाट्टेत्वा थूलसक्खराहि सीसकटाहं घंसित्वा सङ्गवण्णकरणवसेन सङ्गमुण्डकम्मकरणं। **एवमादीति आदि-**सदेन बिळङ्गथालिकादि सङ्गह्नाति। उरे पहरित्वा पिड्डियं पहरित्वा गीवायं पहरित्वातिआदिना सरीरावयवपदेसेसु पहरणविज्जनादिनियमोपि किरियाविसेसयेव सङ्गह्नाति अडुकथासु सङ्गमुण्डकादिसरीरपदेसविसयायपि घातनाय तत्थ पवसितता, यं पन **सारत्थदीपनियं** (सारत्थ० टी० पाराजिककण्ड २.१७४ पयोगकथावण्णना) पुरतो पहरित्वा मारेहीतिआदिकस्स अडुकथापाठस्स “पुरिमपस्सादीनमि वत्थुसभागतो वत्थुग्गहणेनेव गहणन्ति आह पुरतो पहरित्वातिआदी”ति एवमधिप्पायकथनं, तं सङ्गमुण्डकादिकस्स सरीरपदेसे कम्मकारणाकरणस्स अडुकथाय किरियाविसेसविसये वुत्तता न युज्जति। यथाणत्तं मुञ्चित्वा पुग्गलन्तरमारणमेव हि वत्थुविसंवादो, न पहरितुं आणत्तं सरीरपदेसविसंवादनं, तेनाह “वत्थुं विसं वादेत्वा...पे... ततो अञ्जं मारेति। पुरतो पहरित्वा मारेहीति वा...पे... नत्थि कम्मबद्धो”ति, इदं पन यथाणत्तवत्थुस्मिमि किरियाविसेसविसङ्केतेन कम्मबद्धाभावं दस्सेतुं वुत्तन्ति पज्जायति। तेन “वत्थुं अविसंवादेत्वा मारेन्ती”ति एतकमेव अवत्ता “यथाणत्तिया”ति किरियाविसेसनियमोपि दस्सितो, इतरथा यथाणत्तियाति वचनस्स निरत्थकतापत्तिता। **वत्थुनिहसे** च “वत्थूति मारेतव्वो सत्तो”ति (पारा० अट्ठ० २.१७४) एतकमेव वुत्तं, न पन “यथाणत्तस्स पहरितव्वसरीरपदेसोपी”ति वुत्तं। तस्मा पुरतो पहरणादिपि किरियाविसेसे एव सङ्गह्नातीति अम्हाकं खन्ति, वीर्मसित्वा गहेतव्वं। **वत्थुविसेसेनाति** मातुआदिमतसत्तविसेसेन। **कम्मविसेसोति** आनन्तरियादिकम्मविसेसो। **आपत्तिविसेसोति** पाराजिकादिआपत्तिविसेसो।

**यदा कदाचि पुब्बण्हेति** आणत्तदिवसतो अञ्जस्सपि यस्स कस्सचि दिवसस्स पुब्बण्हे । **एतं गामे ठितन्ति** गामो पुगलनियमनत्थं वुत्तो, न ओकासनियमनत्थं, तस्मा “यत्थ कत्थचि मारेति, नत्थि विसङ्केतो”ति वुत्तं, एतेन कालोकासआवुधइअयापथकिरियाविसेसानं नियमिच्छाय असति येन केनचि पकारेन मरणमेव इच्छन्तस्स आणापकस्स मुखावच्छेदवसेन वुत्तस्स देसकालादिनियमस्स विसङ्केतेपि कम्मबद्ध्येवाति आपितं होति । यो पन चित्तेन यत्थ कत्थचि यदा कदाचि येन केनचि पकारेन मरणमेव इच्छन्तोपि कालादिविसङ्केतेन अकुसलतो चोदनतो वा मुच्चितुकामो लेसेन कालादिनियमं करोति, तस्स मनुस्सविग्गहपाराजिकतो परियायेन अमुच्चनतो कालादिविसङ्केतेपि कम्मबद्ध्येवाति गहेत्वा विचारणतो गहेतब्बं, केचि पनेतं न इच्छन्ति, वीमसितब्बं । **तुण्डेनाति** अगगकोटिया । **थरुनाति** खग्गमुट्ठिना । **एतं गच्छन्ति** गमनेन पुगलोव नियमितो, न इरियापथो, तेनाह “नत्थि विसङ्केत”न्ति ।

“दीधं मारेही”ति वुत्तेपि दीधसण्णानां बहुभावतो “इत्थन्नामं एवरूपञ्च दीध”न्ति अञ्जेसं असाधारणलक्खणेन अनिहिटुत्ता “अनियमेत्वा आणापेती”ति वुत्तं, तेनेवाह “यं किञ्चि तादिसं मारेमी”ति । एत्थ च चित्तेन बहूसु दीधसण्णानेसु एकं नियमेत्वा वुत्तेपि वाचाय अनियमितत्ता अञ्जस्मिं तादिसं मारिते नत्थि विसङ्केतोति वदन्ति । अत्तानं मुच्चित्वा परापाणिमि पाणसञ्जितालक्खणस्स अङ्गस्स अभावतो नेवत्थि पाणातिपातोति आह “आणापको मुच्चती”ति । अत्तानं उडिस्स “असुकट्टाने निसिन्”न्ति ओकासनियमे तस्मिं पदेसे निसिन्सस्स यस्स कस्सचि जीवित्तिन्द्रियं आरब्ध वधकचित्तं उपपज्जतीति वुत्तं “नेव वधको मुच्चति न आणापको”ति । ओकासञ्चि नियमेत्वा निहिसन्तो तस्मिं ओकासे निसिन्सं मारेतुकामो होति, सयं पन तदा तत्थ नत्थि, तस्मा ओकासेन सह तत्थ निसिन्सस्सेव जीवित्तिन्द्रियं आरम्भणं होति, न अत्तनोति गहेतब्बं । सचे पन सयं तत्थेव निसीदित्वा अत्तनो निसिन्सद्धानमेव नियमेत्वा “मारेही”ति वुत्तेपि अञ्जो तत्थ निसिन्सो मारियति, तस्सापि अत्तनोपि जीवितं आरब्ध वधकचेतना पवत्तति, परस्मिं तत्थ मारिते आणापकस्स कम्मबद्ध्येवाति गहेतब्बं । एवरूपे ठाने चित्तपवत्तितनियो बुद्धविसयो, न अञ्जेसं विसयोति आह “तस्मा एत्थ न अनादरियं कातब्ब”न्ति ।

**एवं आणापेत्तस्स आचरियस्स ताव दुक्कटन्ति** सचे आणात्तिको यथाधिप्पायं न गच्छति, आचरियस्स आणात्तिकखणे दुक्कटं । सचे पन सो यथाधिप्पायं गच्छति, यं परतो थुल्लच्चयं वुत्तं, आणात्तिकखणे तदेव होति । अथ सो अवस्सं घातेति, यं परतो “आपत्ति सब्बेसं पाराजिकस्सा”ति (पारा० १७४) वुत्तं, ततो इमस्स आणात्तिकखणेयव पाराजिकं होति, न दुक्कटथुल्लच्चयानीति गहेतब्बं । **तेसमि दुक्कटन्ति** बुद्धरक्खितादीनमि आरोचनपच्चया दुक्कटं, इदञ्च यथाणत्तित्वसेन सङ्खरक्खितस्स जीविता वोरोपने असति युज्जति, वोरोपने सति तेसमि आरोचनक्खणेयव पाराजिकं । **पटिगहितमत्तेति** इदं अवस्सं पटिगहणसभावदीपनत्थं वुत्तं, न पटिगहितक्खणेयव थुल्लच्चयन्ति दस्सनत्थं । सचे हि सो अवस्सं पटिगहेस्सति, कम्मं पन न निष्पादेस्सति, तदा आचरियस्स आणात्तिकखणेयव थुल्लच्चयं होतीति ददुब्बं ।

**मूलदुस्सेव दुक्कटन्ति** इदं महाअट्टकथायं आगतनयदस्सनमत्तं, न पनेतं अत्तना अधिपेत्तं, तेनाह **एवं सन्तेति** आदि, एवं महाअट्टकथायं वुत्तनयेन अत्थे सतीति अत्थो । **पटिगहणे आपत्तिवेव न सियाति** वधकस्स “साधु सुद्ध”ति मरणपटिगहणे दुक्कटापत्ति नेव सिया, एवं अनेळारिकविसयेपि ताव दुक्कटं, किमङ्गं पन मरणपटिगहणेति दस्सनत्थं सञ्चरितपटिगहणादि निदस्सितं । “अहो वत इत्थन्नामो हतो अस्सा”ति एवं मरणाभिनन्दनदस्सनत्थं सञ्चरितपटिगहणादिभिनन्दने दुक्कटे सति पगेव “अहं तं मारेस्सामी”ति मरणपटिगहणेति अधिप्पायो । **पटिगहन्तस्सेवेतं दुक्कटन्ति** अवधारणेन सङ्खरक्खितस्स पटिगहणपच्चया मूलदुस्स नत्थेव आपत्तीति दस्सेति, विसङ्केतत्ता पठमं आणत्तदुक्कटमेवस्स होति । केचि पन “मूलदुस्सापि दुक्कटमेवा”ति वदन्ति, तं न युत्तं एकेन पयोगेन द्विन् दुक्कटानं असम्भवा । **पुरिमनयेति** समनन्तरातीते अविसक्कियदूतनिहेसे । **एतन्ति** दुक्कटं । **ओकासाभावेनाति** मूलदुस्स थुल्लच्चयस्स वुच्चमानत्ता पटिगहन्तस्स दुक्कटं न वुत्तं ओकासाभावेन, न पन आपत्तिअभावतोति अधिप्पायो ।

**१७५.** सयं सङ्खत्थेरात्ता “उपडानकाले”ति वुत्तं । **वाचाय वाचाय दुक्कटन्ति** “यो कोचि मम वचनं सुत्वा इमं मारेतु”ति इमिना अधिप्पायेन अवत्वा केवलं मरणाभिनन्दनवसेनेव वुत्तत्ता **चोरापि नाम तं न हनन्तीति** आदिवाचायपि दुक्कटमेव वुत्तं । **द्विन् उडिस्साति** द्वे उडिस्स, द्विन् वा मरणं उडिस्स । उभो उडिस्स मरणं संवण्णेत्तस्स पयोगसमुद्गापिकाय चेतनाय एकत्तेपि “द्वे पाणातिपाता”ति वत्तब्बतासङ्गातं बलवभावं आपज्जित्वा पटिसन्धिपवत्तीसु महाविपाकत्ता “अकुसलरासी”ति वुत्तं, बहु उडिस्स मरणसंवण्णेनेपि एसेव नयो । **तत्तका पाणातिपाताति** यत्तका संवण्णनं सुत्वा मरिस्सन्ति, तत्तकानमि वत्तमानं अनागतञ्च जीवित्तिन्द्रियं सब्बं आलम्बित्वाव चेतनाय पवत्तनतो तत्तका पाणातिपाता होन्ति, तत्तकाहि चेतनाहि दातब्बं पवत्तिविपाकं एकाव सा चेतना दातुं सक्कोतीति अत्थो, पटिसन्धिविपाकं पन सयञ्च पुब्बापरचेतना च एकेकमेव दातुं सक्कोतीति गहेतब्बं ।

**१७६. येसं हत्थेतीति** येसं जातकपवारितादीनं हत्थतो, इदञ्च भिक्खुनो रूपियमूलस्स अभावं सन्धाय वुत्तं, अत्तनोव धनञ्चे, सयमेव मूलं गहेत्वा मुच्चति, मूलं पन अगगहेत्वापि पोत्थकस्स पोत्थकसामिनो सन्तकत्तापादनमेवेत्थ पमाणन्ति गहेतब्बं । **लेखादस्सनकोतुहलकाति** सुन्दरक्खरं दिस्वा वा “कीदिसं नु खो पोत्थक”न्ति वा ओलोकेतुकामा ।

**पाणातिपातस्स पयोगत्ताति** सरीरतो पाणवियोजनस्स निट्ठापकपयोगत्ता । ओपातखणनत्थं पन कुदालादिअत्थाय अयोबीजसमुद्गापनत्थं अकप्पियपथवि वा कुदालदण्डादीनं अत्थाय भूतगामं विकोपेत्तस्स पाचित्तियमेव । पाणातिपातपयोगत्ताभावा अदिन्नादानपुब्बपयओगे विय दूतियपरियेसनादीसुपि एत्थ दुक्कटट्टाने दुक्कटं, मुसावादादिपाचित्तियद्वाने पाचित्तियमेवाति गहेतब्बं । **पमाणेति** अत्तना सल्लिखिते पमाणे । **तच्छेत्वाति** उन्नतपदेसं तच्छेत्वा । **पंसुपच्छिन्ति** सब्बन्तिमं पंसुपच्छिं । **एत्तकं अलन्ति** निट्ठापेतुकामताय सब्बन्तिमपयओगसाधिका चेतना सन्निट्ठापकचेतना, **महाअट्टकथायं** “एकस्मिं दिवसे अवूपसन्तेनेव पयोगेन खणित्वा निट्ठापेत्तं सन्धाय सब्बन्तिमा सन्निट्ठापकचेतना वुत्ता, इतरासु पन **अट्टकथासु** “इमस्मिं पतित्वा मरन्तु”ति अधिप्पायेन एकस्मिं दिवसे किञ्चि खणित्वा अपरस्मिम्पि दिवसे ततो किञ्चि किञ्चि खणित्वा निट्ठापेत्तं सन्धाय वुत्तन्ति एवं अट्टकथायं अञ्जमञ्जविरोधो जातब्बो । **अत्तनो धम्मतायाति** अजानित्वा, पक्खलित्वा वा । **अरहन्तापि सङ्गं गच्छन्तीति** अञ्जेहि पातियमानानं अमरितुकामानमि अरहन्तानं मरणं सम्भवतीति वुत्तं । **पुरिमनयेति** “मरितुकामा इध मरिस्सन्ती”ति वुत्तनये । **विसङ्केतोति** मरितुकामानं मारेतुकामानञ्च उडिस्स खतत्ता अमरितुकामानं मरणे कम्मबद्ध्येवाति अत्थो ।

**तत्थ पतितं बहि नीहरित्वाति** इदं तत्थ पतनपच्चया मरणस्स पवत्तत्ता वुत्तं । आवाटे पतित्वा थोकं चिरायित्वा गच्छन्तं गहेत्वा मारिते तत्थ पतितरोगेन पीळितस्स गच्छतो पक्खलित्वा पासाणादीसु पतनेनापि मरणेपि ओपातखणको न मुच्चतीति वेदितब्बं । अमरितुकामा वाति अधिप्पायस्स सम्भवतो ओपपातिके उत्तरितुं असक्कणित्वा मतेपि पाराजिकं वुत्तं । “निब्बलित्वा”ति वुत्तत्ता पतनं न दिस्सतीति चे? तत्थस्स निब्बलित्वेव पतनन्ति नत्थि विरोधो । यस्मा मातुया पतित्वा परिवत्तितलिङ्गाय मताय सो मातुघातको होति, न केवलं मनुस्सपुरिसघातको, तस्मा पतितस्सेव वसेन आपत्तीति अधिप्पायेन “पतनरूपं पमाण”न्ति वुत्तं, इदं पन अकारणं “लिङ्गे परिवत्तेपि एकसन्तानत्तस्स अविगतत्ता । मनुस्सभूतं मातरं वा पितरं वा अपि परिवत्तलिङ्गं जीविता वोरोपेत्तस्स कम्मं आनन्तरिय”न्ति हि **अट्टकथायं** वुत्तं । येन पन सभावेन सत्ता जायन्ति, तेनेव मरन्ति, सोव तेसं रूपन्तरगहणेपि सभावोति “मरणरूपमेव पमाणं, तस्मा पाचित्तिय”न्ति वुत्तो । पच्छिमो वादो पमाणं, एवं सन्ते **पाळियं** “यक्खो वा पेतो वा तिरच्छानगतमनुस्सविग्गहो वा तस्मिं पतति, आपत्ति दुक्कटस्स । पतिते दुक्खा वेदना उपपज्जति, आपत्ति दुक्कटस्स । मरति, आपत्ति थुल्लच्चयस्सा”ति कस्मा वुत्तन्ति चे? नायं दोसो । “यक्खो वा पेतो वा”ति हि पठमं सकरूपं दस्सेत्वा रूपन्तरं गहेत्वापि ठितेयव यक्खपेते दस्सेतुं “तिरच्छानगतमनुस्सविग्गहो वा”ति वुत्तं । तस्मा तिरच्छानगतविग्गहो मनुस्सविग्गहो वा यक्खो वा पेतो वाति एवमेत्थ योजना कातब्बा । केचि पन “मनुस्सविग्गहेन ठिततिरच्छानगतानं ओवेणिकं कत्ता थुल्लच्चयं वुत्तं विय दिस्सती”ति वदन्ति, तं न युत्तं तिरच्छानो वा मनुस्सविग्गहोति वत्तब्बतो, अट्टकथासु च इमस्स विसेसस्स अवुत्तत्ता । **यक्खपेतुरूपेन मतेपि एसेव नयोति** इमिना मरणरूपस्सेव पमाणत्ता थुल्लच्चयं अतिदिसति ।

**मुधाति** अमूलेन । **सो निद्रोसोति** तेन तत्थ कतपयोगस्स अभावतो, यदि पन सोपि तत्थ किञ्चि करोति, न मुच्चति एवाति दस्सेन्तो **एवं पतितत्ताति** आदिमाह । तत्थ **एवन्ति** एवं मया कर्तेति अत्थो । **न नस्सिस्सन्तीति** अदस्सनं न गमिस्सन्ति, न पलायिस्सन्तीति अधिप्पायो । **सुउद्धरा वा भविस्सन्तीति** इदं गम्भीरस्स ओपातस्स पूरणे पयोजनदस्सनं । उत्ताने कते ओपाते सीधं अम्हेहि गहेत्वा मारेतुं सुउद्धरा भविस्सन्तीति अधिप्पायो । **विष्पटिसारे उपपन्नेति** मूलदुं सन्धाय वुत्तं । यदि पन पच्छिमोपि लभित्वा तत्थ वुत्तपकारं किञ्चि कत्वा पुन विष्पटिसारे उपपन्ने एवं करोति, तस्सापि एसेव नयो । **जातपथवी जाताति** इदिसे पुन अञ्जेन ओपाते खते तदा मुच्चतीति दस्सनत्थं वुत्तं, जातपथवीसदिसं कत्वा पुन सुद्ध कोट्टेत्वा दळ्हरं पूरितेपि मुच्चतियेवाति गहेतब्बं ।

**थद्धतरन्ति** थिरकरणत्थं अपरापराय पासयट्टिया सद्धि बन्धित्वा वा तमेव वा सिथिलभूतपासं थद्धतरं बन्धित्वा ठपेति । **खाणुकन्ति** पासयट्टिवन्धनखाणुकं । **तत्थजातकयट्ठि छिन्दित्वा मुच्चतीति** इदं अरञ्जे यथाठितमेव दण्डं मूले अच्छिन्दित्वा पासवन्धनयोगं कत्वा उपितत्ता तत्थ अञ्जोपि कोचि पासं बन्धेत्थ, मूलद्वो न मुच्चति, तं पन मूलेपि छिन्दित्वा खण्डाखण्डं कत्वा मुच्चतीति दस्सनत्थं वुत्तं । **रज्जुकेति** वाकेहि एकवारं वट्ठितरज्जुके । **सयं वट्ठितन्ति** तनुकवट्ठितं दिगुणतिगुणात्तापादनेन अत्तना वट्ठितं । **उब्बट्टेत्वाति** पाकतिकं कत्वा । **गोपेत्तोपीति** हीरं हीरं कत्वा गोपेत्तोपि ।

१७७. आलम्बनरुक्खो वाति तत्थजातकं सन्धाय वुत्तं। तदत्थमेव कत्वाति मारणत्थमेव अयोबीजसमुद्धानादिना वासिआदिं सत्थं कारेत्वा। पाकतिकन्ति अज्जेहि कतं पकतिसत्थमेव लभित्वा मूलद्वेने ठपितं होतीति अत्थो। मुच्चतीति मूलद्वो मुच्चति। विसमण्डलन्ति मच्चपीठादीसु आलितं विसमण्डलं।

वत्वा असि उपनिक्खिपतीति एत्थ मुखेन अवत्ता मनसाव चिन्तेत्वा उपनिक्खिपनेपि एसेव नयो। पुरिमनयेनाति येसं हत्थतो मूलं गहितन्तिआदिना। विसभागरोगो नाम कुट्टादिविरूपभावतो, गण्डपीळकादि वा जीवितपवत्तिया पच्चनीकत्ता।

१७८. मनापियेपि एसेव नयोति एतेन मनापियं रूपं उपसंहरतीति एत्थ यं वा मनापरूपं, तस्स समीपे ठपेति, अत्तना वा मनापियेन रूपेन समन्नागतो तिडुतीतिआदि योजेतब्बन्ति दस्सेति। अलङ्कारित्वा उपसंहरतीति “अलाभकेन सुस्सित्वा मरतू”ति इमिना अधिप्पायेन उपसंहरति, तेनेव “सचे उत्तसित्वा मरति, विसङ्केतो”ति वुत्तं। अलाभकेन सुस्सित्वा मरतीति एत्थ पाराजिकोति पाठसेसो दट्टब्बो। महाकच्छु नाम वल्लिफलविसेसो, यस्स मज्जारपादस्सेव सण्ठानं दुक्खसम्फस्सनि सुखमलोमानि च होन्ति। हंसपुप्फन्ति हंसादीनं पक्खलोमं सन्धाय वदन्ति। अत्तनो धम्मताय मरति, अनापतीति पाराजिकं सन्धाय वुत्तं दुक्कटा न मुच्चनतो।

१७९. असज्जिच्चाति इदं मरणसंवत्तिकउपक्कमस्स असल्लक्खणं सन्धाय वुत्तन्ति आह इमिना उपक्कमेनातिआदि। अजानन्तस्साति इदं पन मरणसंवत्तिकविसादिउपक्कमकरणस्स अजाननं सन्धाय वुत्तन्ति आह इमिना अयं मरिस्सतीतिआदि। न मरणाधिप्पायस्साति इदं दुक्खुपादकं उपक्कमन्ति जानन्तस्सापि मरणाधिप्पायस्स अभावं सन्धाय वुत्तन्ति आह मरणं अनिच्छन्तस्सातिआदि। अनुपपब्बाभावाति दोमनस्सवीथीनं निरन्तरपवत्तिअभावा।

पदभाजनीयवण्णनानयो निड्डितो।

### विनीतवत्थुवण्णना

१८०. वोहारवसेनाति पुब्बभागवोहारवसेन, मरणाधिप्पायस्स सन्निट्ठापकचेतनाक्खणे करुणाय अभावतो कारुज्जेन पासे बद्धसूकरमोचनं (पारा० १५३) विय न होतीति अधिप्पायो। “यथायुना”ति वुत्तमेवत्थ “यथानुसन्धिना”ति परियायन्तरेन वुत्तं। हेट्ठा किस्मिज्जि विज्जमाने साटके वलि गण्हातीति आह “यस्मिं वलि न पज्जायती”ति। पटिवेक्खणज्जेतं गिहीनं सन्तके एवाति दट्टब्बं। पाळियं मुसले उस्सितेति अज्जमज्जं उपत्थम्भेत्वा द्वीसु मुसलेसु भित्ति अपस्साय ठपितेसूति अत्थो। उदुक्खलभण्डिकन्ति उदुक्खलत्थाय आनीतं दारुभण्डं। परिवन्थन्ति भोजनपरिवन्थं, भोजनन्तरायन्ति वुत्तं होति।

१८१. अगगकारिकन्ति एत्थ कारिक-सदस्स भाववचनत्ता “अगगकिरियं”न्ति अत्थं वत्तापि यस्मा किरियं दातुं न सक्का, तस्मा दानसङ्गाताय अगगकिरियाय युत्तिपिण्डपातमेव इध उपचारयुत्तिया अगगकिरियाति गहेतब्बन्ति आह पठमं लद्धपिण्डपातन्तिआदि।

१८२-३. दण्डमुग्गरनिखादनवेमादीनं वसेनाति एत्थ दण्डो नाम दीघदण्डो। मुग्गरो नाम रस्सो। वेमं नाम तन्तवायानं वत्थवायनउपकरणं, येन वीतं तन्तं धट्टेति। विभत्तिव्यत्तेनाति विभत्तिविपरिणामेन। विसेसाधिगमोति समाधि विपस्सना च। विसेसाधिगमन्ति लोकुत्तरधम्मपटिलाभं। ब्याकरित्वाति आरोचेत्वा, इदञ्च विसेसस्स अधिगतभावदस्सनत्थं वुत्तं। अधिगतविसेसा हि दिट्ठानुगतिआपज्जनत्थं लज्जीभिकखुनं अवस्सं अधिगमं ब्याकरोन्ति, अधिगतविसेसेन पन अब्याकरित्वापि आहारं उपच्छिन्दितुं न वट्टति, अधिगमन्तरायविनोदनत्थमेव आहारूपच्छेदस्स अनुज्जातत्ता तदधिगमे सो न कातब्बोव। किं पनाधिगमं आरोचेतुं वट्टतीति आह सभागानन्तिआदि। भण्डकं वा धोवन्ताति चीवरं वा धोवन्ता। धोवनदण्डकन्ति चीवरधोवनदण्डं।

१८५. मद्दापेत्वा पातेति, विसङ्केतोति यथाणत्तिया अकतत्ता वुत्तं, यदि पन आणापको मदनम्पि मद्दानम्पि सन्धाय वोहारवसेन “मद्दित्वा पातेही”ति वदति, विसङ्केतो नत्थीति वेदितब्बं। “मरणवण्णं वा संवण्णेय्या”ति (पारा० १७१) वुत्तत्ता आह “परियायो नाम नत्थी”ति, परियायेन आपत्तिमोक्खो न होतीति अधिप्पायो। अविजायनत्थाय गम्भगहणतो पुरेतरमेव भेसज्जं देन्तस्स कुच्छियं उपज्जित्वा गम्भो विनस्सतीति इमिना अधिप्पायेन दिन्ने तथामरन्तानं वसेन कम्मबद्धो, कुच्छियं न उपज्जिस्सतीति इमिना अधिप्पायेन दिन्ने उपज्जित्वा मरतु वा मा वा, नेवत्थि कम्मबद्धो।

सहधम्मिकानन्ति एकस्स सत्थु सासने सहसिक्खमानधम्मामं, सहधम्मे वा सिक्खपादे सिक्खनभावेन नियुत्तानं। समसीलसद्धानन्तिआदिना दुस्सीलानं भिन्नलद्धिकानञ्च अकातुम्पि लब्धतीति दस्सेति। जातकपवारितट्ठानतोति अत्तनो तेसं वा जातकपवारितट्ठानतो। अरियेहि अकता अयुत्तवसेन अकतपुब्बा विज्जन्ति अकतविज्जन्ति।

पटियादियतीति सम्पादियति। अकातुं न वट्टतीति एत्थ दुक्कटं वदन्ति, अयुत्ततावसेनेव पनेत्थ अकरणपटिक्खेपो युत्तो, न आपत्तिवसेनाति गहेतब्बं। याव जातका पस्सन्तीति याव तस्स जातका पस्सन्ति।

पितुभगिनी पितुच्छा। मातुभाता मातुलो। नप्पहोन्तीति कातुं न सक्कोन्ति। न याचन्तीति लज्जाय न याचन्ति। “आभोगं कत्वा”ति वुत्तत्ता अज्जथा देन्तस्स आपत्तियेव। केचि पन “आभोगं अकत्वापि दातुं वट्टती”ति वदन्ति, तं न युत्तं भेसज्जकरणस्स पाळियं “अनापत्ति भिक्खु पाराजिकस्स, आपत्ति दुक्कटस्सा”ति (पारा० १८७) एवं अन्तरापत्तिदस्सनवसेन सामञ्जतो पटिक्खितत्ता, अट्टकथायं अवुत्तपकारेन करोन्तस्स सुत्तेनेव आपत्ति सिद्धाति दट्टब्बा, तेनेव अट्टकथायमि “तेसज्जेव सन्तक”न्तिआदि वुत्तं। अज्जेसन्ति असालोहितानं, तेनाह एतेसं पुत्तपरम्परायातिआदि। कुलपरिवट्टोति कुलस्मिं जातिपरम्परा। भेसज्जं करोन्तस्साति यथावुत्तविधिना करोन्तस्स, “तावकालिकं दस्सामी”ति आभोगं अकत्वा देन्तस्सापि पन अन्तरापत्ति दुक्कटं विना मिच्छाजीवं वा कुलदूसनं वा न होतियेव, तेनाह — “वेज्जकम्मं वा कुलदूसकापत्ति वा न होती”ति। जातकानज्जि सन्तकं याचित्वापि गहेतुं वट्टति, तस्मा तत्थ कुलदूसनादि न सिया। सब्बपदेसूति “चूळमातुया”तिआदीसु सब्बपदेसु।

उपज्झायस्स आहरामाति इदं उपज्झायेन “मम जातकानं भेसज्जं आहरथा”ति आणत्तेहि कत्तब्बविधिदस्सनत्थं वुत्तं, इमिना च सामणेरादीनं अपच्चासायपि परजनस्स भेसज्जकरणं न वट्टतीति दस्सेति। वुत्तनयेन परियेसित्वाति इमिना “भिक्खाचारवत्तेन वा”ति इमिना, “जातिसामणेरेही”ति इमिना च वुत्तमत्थं अतिदिसति। अपच्चासीसन्तेनाति आगन्तुकचोरादीनं करोन्तेनापि “मनुस्सा नाम उपकारका होन्ती”ति अत्तनो तेहि लाभं अपत्थयन्तेन। पच्चासाय करोन्तस्स पन वेज्जकम्मकुलदूसनादिदोसो होतीति अधिप्पायो। “एवं उपकारे कते सासनगुणं जत्वा पसीदन्ति, सङ्गस्स वा उपकारका होन्ती”ति करणे पन दोसो नत्थि। केचि पन “अपच्चासीसन्तेन आगन्तुकादीनं पटिक्खितपुग्गालादीनमि दातुं वट्टती”ति वदन्ति, तं न युत्तं कत्तब्बाकत्तब्बट्ठानविभागस्सनिरत्थकत्तपसङ्गतो “अपच्चासीसन्तेन सब्बेसं दातुं कातुञ्च वट्टती”ति एत्तकमत्तस्सेव वत्तब्बतो। अपच्चासीसन्तञ्च मिच्छाजीवकुलदूसनादिदोसनिसेधनत्थमेव वुत्तं भेसज्जकरणसङ्गाताय इमिस्सा अन्तरापत्तिया मुच्चनत्थं आगन्तुकचोरादीनं अनुज्जातानं दानेनेव ताय आपत्तिया मुच्चनतोति गहेतब्बं। तेनेव अपच्चासीसन्तेनापि अकातब्बट्ठानं दस्सेतुं सद्धं कुलन्तिआदि वुत्तं। पुच्छन्तीति इमिना दिट्ठिदिट्ठोगीनं परियायेनापि वत्ता विचरणं अयुत्तन्ति दस्सेति। पुच्छितस्सापि पन पच्चासीसन्तस्स परियायकथापि न वट्टतीति वदन्ति।

समुल्लपेसीति अपच्चासीसन्तो एवं अज्जमज्जं कथं समुद्धानेसि। आचरियभागोति विनयाचारं अकोपेत्वा भेसज्जाचिक्खणेन वेज्जाचरियभागोति अत्थो। पुप्फपूजनत्थाय सम्पाटिच्छियमानं रूपियं अत्तनो सन्तकत्तभजनेन निस्सगियमेवाति आह “कप्पियवसेन गाहापेत्वा”ति, “अम्हाकं रूपियं न वट्टति, पुप्फपूजनत्थं पुप्फं वट्टती”तिआदिना पटिक्खिपित्वा कप्पियेन कम्मेन गाहापेत्वाति अत्थो।

यदि “परितं करोथा”ति वुत्ते करोन्ति, भेसज्जकरणं विय गिहिकम्मं विय होतीति “न कातब्ब”न्ति वुत्तं। “परितं भणथा”ति वुत्ते पन धम्मज्जेसनत्ता अनज्झिद्वेनपि भणितब्बो धम्मो, पगेव अज्झिद्वेनापीति “कातब्ब”न्ति वुत्तं। चालेत्वा सुत्तं परिमज्जित्वाति इदं “परित्ताणं एत्थ पवेसेमी”ति चित्तेन एवं कते परित्ताणा तत्थ पवेसिता नाम होतीति वुत्तं। विहारतो...पे... दुक्कटन्ति इदं अज्जातकगहट्टे सन्धाय वुत्तन्ति वदन्ति। पादेसु उदकं आकिरित्वाति इदं तस्मिं देसे चारित्तवसेन वुत्तं। वुत्तहि “तत्थ पाळिया निस्सन्नानं भिक्खूनं पादेसु रोगवूपसमनादिअत्थाय उदकं सिञ्चित्वा परितं कातुं सुत्तञ्च ठपेत्वा “परितं भणथा”ति वत्ता गच्छन्ति। एवज्जि करियमाने यदि पादे अपनेन्ति, मनुस्सा तं अवमङ्गलन्ति मज्जन्ति, रोगो वा न वूपसमिस्सती”ति। तेनाह “न पादा अपनेतब्बा”ति।

मतसरीरदस्सने विय केवलं सुसानदस्सनेपि “इदं जातानं सत्तानं खयगमनद्वान”न्ति मरणसञ्जा उपपज्जतीति आह “सीवथिकदस्सने...पे०... ‘मरणस्सति पटिलभिस्सामा’ति कम्मद्वानसीसेन गन्तुं वट्ठी”ति। लोसकपं अकत्वा समुप्पन्नसुद्धचित्तेन “परिवारत्थाय आगच्छन्तू”ति वुत्तोपि गन्तुं वट्ठीति।

**अनामदुपिण्डपातोति** अग्राहितअगो, अपरिभुत्तोति अत्यो। **कहापणघनको** होतीति इमिना दायकेहि बहुब्यञ्जनेन सम्पादेत्वा सक्कच्चं दिन्नभावं दीपेति। **थालकेति** सङ्घिके कंसादिमये थालके, पत्तोपि एत्थ सङ्गृह्णीति। **न वट्ठीतीति** इमिना दुक्कटन्ति दस्सेति। **दामरिकचोरस्साति** रज्जं पत्थेनत्तस्स पाकटचोरस्स। अदीयमानेपि “न देन्ती”ति कुञ्जन्तीति सम्बन्धो। आमिसस्स धम्मस्स च अलाभेन अत्तनो परस्स च अन्तरे सम्भवन्तस्स छिदस्स च विवरस्स पटिसन्थरणं पिदहनं **पटिसन्थारो**, सो पन धम्मामिसवसेन दुविधो। तत्थ आमिसपटिसन्थारं सन्धाय “कस्स कातब्बो, कस्स न कातब्बो”ति वुत्तं। “आगन्तुकस्स वा...पे०... कत्तब्बो येवा”ति सङ्केपतो वुत्तमत्थं पाकटं कातुं **आगन्तुकं तावाति**आदिमाह। **खीणपरिब्बयन्ति** इमिना अगतिभावं कारुञ्जभाजनतञ्च दस्सेति, तेन च तब्बिधुरानं समिद्धानं दायकादीनं आगन्तुकत्तेपि दातुं न वट्ठीतीति सिद्धं होति। तण्डुलादिहि दातब्बे सति “अवेलायं...पे०... न वत्तब्बो”ति वुत्तं। “अपच्चासीसन्तेना”ति वत्वा पच्चासीसनप्पकारं दस्सेतुं **मनुस्सा नामाति**आदि वुत्तं। अननुज्जातानं पन अपच्चासीसन्तेनापि दातुं न वट्ठीति सद्भादेव्यविनिपातता, पच्चासीसाय पन सति कुलदूसनम्पि होति।

**उब्बासेत्वाति** समन्ततो तियोजनं विलुम्पन्ते मनुस्से पलापेत्वा। **वरपोत्थकचित्तत्थरणन्ति** अनेकपकारइत्थिपुरिसादिउत्तमरूपविचित्तं अत्थरणं।

**१८७.** सत्तरसवगियेसु पुब्बे एकस्स अङ्गुलिपतोदकेन मारितत्ता सेसेसु सोळसजनेसु उदरं आरुहत्वा निसिन्नमेकं उपेत्वा “सेसापि पन्नरस जना”ति वुत्तं। **अदूहलपासाणा वियाति** अदूहले आरोपितपासाणा विय। **कम्माधिप्पायाति** तज्जनीयादिकम्मकरणाधिप्पाया।

**आवाहेत्वाति** आविषापेत्वा। **रूपं कत्वा हत्थपादादीनि छिन्दन्तीति** तस्मिं पिट्ठादिमये रूपे अमनुस्सं आवाहेत्वा तस्स हत्थपादादीनि छिन्दन्ति। **सक्कं देवराजानं मारेय्याति** इदं सम्भावनावसेन वुत्तं। न हि तादिसा महानुभावा यक्खा सत्थघातारहा होन्ति देवासुरयुद्धेपि तेसं सत्थप्पहारेन मरणाभावा।

**१८८.** पहारो न दातब्बोति सम्बन्धो। अमनुस्सं कोथचित्तेन पहरन्तस्स दुक्कटमेव। चिकिच्छाधिप्पायेन पहरन्तस्स अनाचारीति गहेतब्बो। **तालपण्णं...पे०... बन्धितब्बन्ति** अमनुस्सा तालपण्णबन्धनेन पलायन्तीति कत्वा वुत्तं, इदञ्च गिहीनं वेज्जकम्मवसेन कातुं न वट्ठीति।

**१८९. यो रुक्खेन ओत्थतोपि न मरतीति**आदीसु यं वत्तब्बं, तं भूतगामिसखापददुक्कथायं सयमेव वक्खति, तं तत्थेव गहेतब्बं।

**१९०. दब्बुपकरणानीति** केहिचि छिन्दित्वा ठपितानि सपरिगहितानि सन्धाय वुत्तं। तत्थ हि ठानाचावनाभावेन विनासाधिप्पायस्स दुक्कटं वुत्तं। **खिट्ठाधिप्पायेनापि दुक्कटन्ति** सुक्खतिणादीसु अग्निकरणं सन्धाय वुत्तं, अत्तेसु पन कौळाधिप्पायेनपि करोन्तस्स पाचित्तियमेव। पटिपक्खभूतो, पटिमुखं गच्छन्तो वा अग्नि **पटिगि**, तस्स अल्लतिणादीसुपि दानं अनुज्जातं, तं देन्तेन दूरतो आगच्छन्तं दावगिं दिस्वा विहारस्स समन्ततो एकक्खणे अदत्ता एकदेसतो पट्टाय विहारस्स समन्ततो सणिकं ज्ञापेत्वा यथा महन्तोपि अग्नि विहारं पापुणितुं न सक्कोति, एवं विहारस्स समन्ता अब्भोकासं कत्वा पटिगि दातब्बो, सो दावगिणो पटिपथं गत्वा एकतो हुत्वा तेन सह निब्बाति। **परितकरणन्ति** समन्ता रुक्खतिणादिच्छेदनपरिखाखणनादिआरक्खकरणं, तेनाह **तिणकुटिकानं समन्ता भूमितच्छन्ति**आदि।

**१९१. खेतमेव ओतिण्णत्ता पाराजिकन्ति** द्वीसु एकस्सापि अन्तो गधत्ता “द्वीही”ति वुत्तखेत्ते एकस्सापि ओतिण्णत्ता पाराजिकं, “द्वीहि एव मारेहि न एकेना”ति नियमिते पन एकेनेव मारिते नत्थि पाराजिकन्ति वदन्ति, एवं द्वे एव पुरिसातिआदीसुपि। पुब्बे कतसीसच्छेदपयोगतो अज्जो पयोगो जीवितिन्द्रियसच्छेदको न उपलब्धमिति, पठमेन पयोगेनस्स जीवितिन्द्रियं उपच्छिज्जतीति “सीसच्छेदकस्सा”ति वुत्तं, यं पन **सारत्थदीपनियं** “जीवितिन्द्रियस्स अविज्जमानत्ता”ति कारणं वुत्तं, तं अकारणं जीवितिन्द्रियसन्निस्सितचित्तसन्ततिं विना उक्खिपनसन्निरुज्जनादिवसप्पवत्तस्स गमनस्स असम्भवतो। न हि वायुवेगेन पण्णपटादयो विय कायो गच्छति, न च उक्खिपने पवत्ताव चित्तजविज्जतिआदयोव निक्खिपनादिनोपि हेतुभूताति सक्का वत्तुं विच्छिन्दित्वा पवत्तनतो। पुब्बे अनाहितवेगापि हि काचि सरीसपजाति द्विधा छिन्ना छेदनमत्ता द्वीहि विभागेहि कतिपयक्खणं द्वीसु दिसासु गच्छति, तत्थ च यस्मिं भागे हृदयवत्थु तिड्ढति, तत्रद्वं पञ्चद्वारावज्जनचित्तं द्वीसुपि भागेसु कायप्पसादे घट्टितं फोड्डुब्बं आलम्बित्वा उपपज्जति, ततो तदारम्भमेव यथारहमेकस्मिं भागे एकदा अज्जस्मिं अज्जदाति एवं परियायेन कार्याविज्जाणं उपपज्जति, ततो हृदयवत्थुस्मियेव सम्पटिच्छनादिवीथिचित्तानि भवङ्गन्तरितानि मनोद्वारवीथिविज्जाणानि च विज्जतिजनकानि उपपज्जन्ति, ये हि उभयभागा गच्छन्ति वा चलन्ति वा फन्दन्ति वा। चित्तस्स पन लहुपरिवर्तितया एकक्खणे उभयभागापि चलन्ता विय उपट्ठहन्ति, सेय्थ्यापि नाम कुक्कुळादिनरकेसु निमुगसकलसरीरस्स सत्तस्स एकस्मिं खणे सकलसरीरेपि कार्याविज्जाणदुक्खं उपपज्जमानं विय उपट्ठाति, एवंसम्पदमिदं ददुब्बं, ततो पन यस्मिं भागे जीवितिन्द्रियं ससेसकम्मजरूपं निरुज्जति, तत्थ कार्याविज्जाणं नप्पवत्तति, हृदयवत्थुसहितभागेयेव याव जीवितिन्द्रियनिरोधा पवत्तति।

ननु नरकादीसु एकाब्दे सरीरे सब्बत्थ परियायेन कार्याविज्जाणसमुपत्ति युत्ता होतु, द्विधा हुत्वा विच्छिन्ने पन भागद्वये कथन्ति? नायं दोसो। सरीरे हि एकाब्दत्ता नाम परमत्थधम्मव्यतिरिक्ता काचि नत्थि परवादीनं अवयवीआदि विय, कम्मादिएककारणपुज्जायत्तताय बहून् सहुप्पत्तियेव एकाब्दत्ता। तत्थ च सत्थप्पहारादिविरुद्धपच्चयोपनिपातेन विभिन्नानम्पि कम्मादिएककारणानं पुज्जायत्तता न विगच्छति, याव सा न विगच्छति, ताव अविच्छिन्नाव तत्थ विज्जाणप्पवत्ति। विभिन्नानं पन कम्मजरूपानं अज्जेसञ्च सेसतिसन्ततिरूपानञ्च उपत्थम्भनभावेन चिरं पवत्तितुं न सक्कोन्ति, याव च धरन्ति, ताव विज्जाणपच्चया होन्ति, विज्जाणेन च तेसं चलनगमनादिदेसन्तरुप्पत्ति। तस्मा कबन्धस्सपि धावक्खणे सविज्जाणजीवितिन्द्रियं अत्थेव, तञ्च सीसच्छेदकपयोगेनेव सीधं पतति, ततो अज्जप्पयोगस्स सरीरे विसेसप्पादनतो पुरेतरमेव पठमेनेव किच्चनिफत्तितो सीसच्छेदकस्सेव कम्मबद्धानि गहेतब्बो। **एवरूपानीति** कबन्धवत्थुसदिसानि। **इमस्स वत्थुस्साति** आघातनवत्थुस्स। **अत्थदीपनेति** एकेन पुरिसेन पयोगेन वा मारिततासङ्घातस्स अत्थस्स दीपने।

**१९२.** पानपरिभोगेन वट्ठीतीति सम्बन्धो। एवं पन वुत्तत्ता “लोणसोवीरकं यामकालिक”न्ति केचि वदन्ति, केचि पन “गिलानानं पाकतिकमेव, अगिलानानं पन उदकसम्भिन्”न्ति वुत्तत्ता “गुळं विय सत्ताहकालिक”न्ति।

इति समन्तपासादिकाय विनयदुक्कथाय विमतिविनोदनिगं

ततियपाराजिकवण्णनानयो निड्डितो।

#### ४. चतुत्थपाराजिकं

वग्गमुदातीरियभिक्षुवत्थुवण्णना

**१९३. अधिदुमाति** संविदहाम। **इरियापथं सण्ठपेत्वाति** पधानानुरूपं कत्वा। **अनागतसम्बन्धे पन असतीति** भासितो भविस्सतीति पाठसेसं कत्वा अनागतसम्बन्धे असति। भासितोति अतीतवचनं कथं अनागतवचनेन सम्बन्धमुपगच्छतीति आह **लक्खणं पनाति**आदि। ईदिसे हि ठाने धातुसम्बन्धे पच्चयाति इमिना लक्खणेन धात्वत्थसम्बन्धे सति अयथाकालविहितापि पच्चया साधवो भवन्तीति सहसत्थविदू वदन्ति।

**१९४. वण्णवाति** इमिना अभिनवुप्पन्नवण्णता वुत्ता। **पसन्नमुखवण्णाति** इमिना मुखवण्णस्स अतिपणीतता वुत्ता। **विप्पसन्नच्छविण्णाति** इमिना पकतिसरीरवण्णस्सेव यथावुत्तनयेन विप्पसन्नता वुत्ता। यस्मा इन्द्रियां उपदारुपत्ता निस्सयवसेनेव पीणनन्ति आह “अभिनिविट्ठोकास्स परिपुण्णत्ता”ति। पच्चप्पसादानं विय हृदयरूपस्सापि परिपुण्णता वुत्तायेवाति आह “मनच्छट्ठानं इन्द्रियां”न्ति। उद्देसं परिपुच्छं अनुयुज्जन्ता इमं सरीरसोभं नेव पापुणिंसूति सम्बन्धो। **यथा तन्ति एत्थ तन्ति** निपातमत्तं। **चतुचक्कन्ति** एत्थ पवत्तनद्वेन इरियापथोव चक्कन्ति वुत्तो।

१९५. उपलब्धन्तीति दिस्सन्ति, जायन्तीति अत्थो। पचन्तीति पीळन्तो, गेहादीनि वा सयं डहनन्तो, अञ्जेहि वा पाचन्तो। उद्धतेति उद्धच्यपकतिके। उन्नळेति उगतनळसिदिसेन उगततुच्छमानेन सहिते। चपलेति पत्तचीवरमण्डनादिना चापल्लेन युत्ते। मुखरेति खरवचने। पाकतिन्द्रियेति असंवृतता गिहिकाले विय पकतिथं ठितिन्द्रिये। इरियापथसण्ठपनादीनीति आदि-सहेन पच्चयपटिसेवनसामन्तजप्पानं गहणं वेदितब्बं। परमसल्लेखवुत्तीहि महाअरियवंसेहि भिक्खूहि निवुत्थसेनासनानि लोकसम्मतसेनासनानि नाम। परिपाचेतुन्ति विम्हापनवसेन परिणामेत्तुं। भिक्खाचारे असम्पज्जमानेति इदं जनपदचारिकं चरन्तीति इमिना सम्बन्धितब्बं, न पन पाळिं वाचन्तीति आदीहि, तानि पन पदानि अत्तनो निरन्तरवासड्डानेपि जनपदेसुपि कत्तब्बकिच्चदस्सनवसेन वुत्तानि, तानि च ते वत्तसीसेन करोन्ति, न लाभनिमित्तं, तेनाह तन्तीति आदि। किच्छेनाति इमस्सेव वेवचनं कसिरेनाति। तदुभयमपि पारमीपूरणवायामं सन्धाय वुत्तं। साधारणपरिक्खारभावेनाति सङ्घिकपरिक्खारभावेन। तथाभावतो धेनेत्वाति अविस्सज्जियअवेभङ्गियभावतो धेनेत्वा, न ठानाचावनवसेनाति अधिप्पायो, तेनाह “कुलदुसकदुक्कटं आपज्जती”ति। असन्ति इमस्स अभूतन्ति इदं कारणवचनं, अनुपपन्नता अविज्जमानन्ति अत्थो। कितवस्सेवाति कितवस्स सकुणगहणमिव। केराटिकस्साति सठस्स। समणेति गोत्तमत्तं अनुभोन्ति धारेन्तीति गोत्रभूतो, नाममत्तसमणाति अत्थो। दुज्जानपरिच्छेदन्ति अनन्तदुक्खता “एत्तकं दुक्खं”न्ति सङ्ख्यावसेन परिच्छिन्दित्वा जातुं सब्बञ्जुतज्जाणेनापि दुक्करं, न पन सरूपवसेन जातुं बुद्धजाणस्स अविशयभावा।

#### अधिमानवस्थुवणणा

१९६. अरहत्तेति अगगफले। जाणचक्खुनाति पच्चवेक्खणजाणसङ्घातेन चक्खुना, अथ वा फलचित्तसम्पयुत्तेनेव जाणचक्खुना। अत्तना सम्पयुत्तेनापि हि जाणेन असम्मोहतो सयं दिट्ठं नाम होति, तथा तस्मिं अदिट्ठेति अत्थो। सब्बेसं किलेसानं पहायकवसेन आजानाति, समन्तोतं सब्बेन वा पकारेन जानातीति “अज्जा”ति अगगमगो वुच्चति, तदुपचारेन पन तपफलमपीति आह “अज्जं ब्याकरिंसूति अरहत्तं ब्याकरिंसू”ति। अन्तरा ठपेतीति सेखभूमियं अधिमानो ठपेति। किलेससमुदाचारं अपस्सन्तोति पुरिममगगतयवज्ज्ञानंयेव किलेसानं वसेन वुत्तं, न भवरागादीनं।

#### सविभङ्गसिक्खापदवणणा

१९७. पकतिमनुस्सेहि उत्तरितरानं बुद्धादिउत्तमपुरिसानं अधिगमधम्मो उत्तरिमनुस्सधम्मोति आह उत्तरिमनुस्सानन्ति आदि। पाळियं (पारा० १९८) “अत्थि च मे एते धम्मा मयी”ति एत्थ मेति इदं पदपूरणमत्तं। अधिगन्तब्बतो अधिगमसङ्घातस्स ज्ञानादीनो पुच्छा अधिगमपुच्छा, सा च ज्ञानादीसु सामञ्ज्यतो पवत्ताति इदानीं तत्थ पठमज्ज्ञानं वा दुतियादीसु अज्जतरं वा तत्थापि कसिणादिआरम्भणेसु कतरमारम्भणं ज्ञानं वा लोकुत्तरेसु च सोतापत्तिमग्गं वा सकदागामिमग्गादीसु अज्जतरं वा तत्थापि सुज्जतविमोक्खं वा अप्पणिहितविमोक्खादीसु अज्जतरं वाति एवं पच्चेकं भेदनिद्धारणवसेन पुच्छनाकारं दस्सेत्तुं पाळियं (पारा० १९८) “पुन कतमेसं त्वं धम्मानं लाभो”ति अयं पुच्छा दस्सिताति दडुब्बा, तेनाह पठममग्गादीसूति आदि। याय अनुक्कमपटिपत्तिया लोकुत्तरो अधिगमो आगच्छति, सा पुब्बभागपटिपत्ति आगमनपटिपदा। न सुज्जतीति पुच्छियमानो पटिपत्तिककमं उल्लङ्घित्वा कथेति। अपनेतब्बोति तया वुत्तक्कमेनायं न सक्का अधिगन्तुन्ति अधिगतमानतो अपनेतब्बो। सन्निहितेसु कप्पियेसुपि चतूसु पच्चयेसु अलगत्ता “आकासे पाणिसमेन चेतसा”ति वुत्तं। वुत्तसिदिसं ब्याकरणं होतीति योजना। खीणासवपटिपत्तिसिदिसा पटिपदा होति सुविक्खम्भितकिलेसता। इदञ्च अरहत्तं पटिजानन्तस्स वसेन वुत्तं, तेनाह खीणासवस्स नामाति आदि। एवं सुविक्खम्भितकिलेसस्स वत्तनसेक्खधम्मपटिजाननं इमिना भयुप्पादनेन, अम्बिलादिदस्सेन खेळुप्पादादिना च न सक्का वीमंसितुं, तस्मा तस्स वचनेनेव तं सङ्घातब्बं। अयं भिक्खु सम्पन्नब्याकरणोति इदं न केवलं अभायनकमेव सन्धाय वुत्तं एकच्चस्स सूरजातिकस्स पृथुज्जनस्सापि अभायनतो, रज्जनीयारम्भणानं बदरसाळवादिअम्बिलमहनादीनं उपनयनेपि खेळुप्पादादितण्हापवत्तरहितं सब्बथा सुसोधितमेव सन्धाय वुत्तन्ति गहेतब्बं।

असन्तगुणसम्भावनलक्खणा पापिच्छाति आह या सा इधेक्कचोति आदि। आदि-सहेन अस्सड्डोति आदिपाठं सङ्गहति। सामज्जं दुप्परामट्टन्ति समणधम्मसङ्घातं सामज्जं खण्डसीलादिताय दुप्परामट्टं दुट्ठु गहितं निरयाय निरयदुक्खाय तं पुगलं तत्थ निरये उपकट्टति निब्बतापेतीति अत्थो। सिथिलोति ओलीयित्वा करणेन सिथिलगाहेन कतो, सथेन वा साठेयेन आदिण्णो सिथिलो। परिक्खजोति समणभावो। भिय्योति पुब्बे विज्जमानानं रागरादीनं उपरि अपरमपि रजं आकिरतीति अत्थो। भिक्खुभावोति अधम्मिकपटिज्जामत्तसिद्धो भिक्खुभावो। अजानमेवाति एत्थ एव-सद्वो अवधारणे अजानन्तो एवाति, “अजानमेव”न्तिपि पाठो, तत्थ पन एवं जानामि एवं पस्सामीति योजेतब्बं।

#### पदभाजनीयवणणा

१९९. एवन्ति च पठमज्ज्ञानादिपरामसनं पठमज्ज्ञानं जानामि दुतियादिज्ञानन्ति। असुभज्ज्ञानादीनीति आदि-सहेन कायगतासतिज्ज्ञानं कसिणज्ज्ञानं कसिणमूलकानि आरुप्पज्ज्ञानानि च सङ्गहति। विमोक्खोति चतुर्बिधो मग्गो, तस्स सगुणतो सुज्जतादिनामं दस्सेन्तो आह सो पनार्यान्ति आदि। मग्गो हि नाम पञ्चहि कारणेहि नामं लभति सरसेन वा पच्चनीकेन वा सगुणेन वा आरम्भणेन वा आगमनेन वा। सचे हि सङ्घारुपेक्खा अनिच्चतो सङ्घारे सम्मसित्वा वुट्ठाति, मग्गो अनिमित्तविमोक्खेन विमुच्चति। सचे दुक्खतो सम्मसित्वा वुट्ठाति, अप्पणिहितविमोक्खेन विमुच्चति। सचे अनत्ततो सम्मसित्वा वुट्ठाति, सुज्जतविमोक्खेन विमुच्चति, इदं सरसतो नामं नाम। यस्मा पनेस सङ्घारेसु अनिच्चानुपस्सनाय निच्चनिमित्तं पजहन्तो आगतो, तस्मा अनिमित्तो। दुक्खानुपस्सनाय सुखसज्जं पणिधिं पत्थनं पहाय आगतता अप्पणिहितो। अनत्तानुपस्सनाय अत्तसज्जं पहाय अत्तसुज्जतादस्सनवसेन सुज्जता होति, इदं पच्चनीकतो नामं नाम। रागादीहि पनेस सुज्जतता सुज्जतो, रूपनिमित्तादीनं, रागनिमित्तादीनं एव वा अभावेन अनिमित्तो, रागपणिधिआदीनं अभावतो अप्पणिहितोति वुच्चति, इदं अस्स सगुणतो नामं। रागादिसुज्जं अनिमित्तं अप्पणिहितञ्च निब्बानं आरम्भणं करोतीति सुज्जतो अनिमित्तो अप्पणिहितोति वुच्चति, इदमस्स आरम्भणतो नामं। आगमनं पन दुविधं विपस्सनागमनं मग्गागमनञ्च। तत्थ मग्गे विपस्सनागमनमेव, फले पन मग्गानन्तरे मग्गागमनं, फलसमापत्तिं विपस्सनागमनमपि। अनत्तानुपस्सनावसेन मग्गो सुज्जतो अनिच्चदुक्खानुपस्सनाहि अनिमित्तो अप्पणिहितोति एवं विपस्सना अत्तनो नामं मग्गस्स देति, मग्गो फलस्साति इदं आगमनतो नामं।

सुज्जताति विवित्तता। रागादयोव पटिगट्ठेन पणिधीति आह “रागदोसमोहपणिधीन”न्ति। इमिस्सा विज्जायाति दिब्बचक्खुविज्जायाति आदिना एकेकविज्जं सन्धाय वदन्ति। एवं एकस्सापि नामं अगगहेत्वापि ता एव सन्धाय “विज्जानं लाभिमी”ति भणन्तोपि पाराजिको होतीति सङ्खेपडुकथायं अधिप्पायो। वत्थुविज्जादीनि पन सन्धाय वदन्तो न होति। एकेककोट्टासवसेनाति महाअडुकथायं वुत्तयेन लोकुत्तरविसेसं अक्त्वा केवलं “सतिपड्डानानं लाभो”ति एकेककोट्टासवसेनाति अधिप्पायो। तत्थाति तेसु कोट्टासेसु। किलेसानं पहानं नाम अभावमत्तमपि लोकुत्तरकिच्चता लोकुत्तरन्ति समत्थेतुं तं पनाति आदि वुत्तं। रागा चित्तं विनीवरणताति रागतो चित्तस्स विनीवरणता, ततो रागतो विमुत्तता एव वीतरागनीवरणताति अत्थो, या च पञ्च विज्जाति योजेतब्बं। न आगताति इध पदभाजने “जाणन्ति तिस्रो विज्जा”ति (पारा० १९९) वुत्तता सेसा पञ्च विज्जा न आगताति अत्थो। निब्बत्तिलोकुत्तरताति लोकियधम्मसाधारणसङ्घतस्सापि अभावा लोकियेहि सब्बथा असम्मिस्सलोकुत्तरता। अज्जन्ति सङ्खेपडुकथादि वदन्ति, तमपि तत्थेव पटिक्खितन्ति सम्बन्धो।

२००. पुन आनेत्वा पठमज्ज्ञानादीहि न योजितन्ति एत्थ “पठमज्ज्ञानेनाति पाठो”ति केचि वदन्ति, तं युत्तमेव आदि-सहेन गहेतब्बस्स ज्ञानस्स अभावा। पठमज्ज्ञानमूलकज्हि एकमेव खण्डचक्कं। कतुसाधनोपि भणित-सद्वो होतीति आह अथ वाति आदि। येन चित्तेन मुसा भणति, तेनेव चित्तेन न सक्का “मुसा भणामी”ति जानितुं, अन्तरन्तरा पन अज्जाहि मनोद्धारवीथीहि “मुसा भणामी”ति जानातीति वुत्तं “भणन्तस्स होति मुसा भणामी”ति। अयमेत्थ अत्थो दस्सितोति तीहि अङ्गेहि समन्तागतो मुसावादोति अयमत्थो दस्सितो। दवाति सहसा। रवाति अज्जं वतुकामस्स खलित्वा अज्जभणनं। तं जानातीति तंजाणं, तस्स भावो तंजाणता, जाणस्स विसयविषयीभावेन अत्तसंवेदनन्ति अत्थो। जाणसमोधानन्ति बहून् जाणानं एकस्मिं खणे समोधानं, सहपत्तीति अत्थो। येन चित्तेन “मुसा भणिस्स”न्ति जानातीति इदं पुब्बभागचेतनञ्च सन्निधानचेतनञ्च एकतो कत्वा वुत्तं। येन चित्तेन पुब्बभागचेतनाभूतेन सन्निधानचेतनाभूतेन च विसंवादिदस्सतसङ्घारे जानाति, येन चित्तेन मुसा भणिस्सन्ति अत्थो। तेनेव...पे... परिच्छजितब्बाति तेनेव चित्तेन “एवं अहं मुसा भणामी”ति वा “भणित”न्ति वा तदेव मुसावादचित्तमारम्भणं कत्वा भिक्खु जानातीति एवं पुब्बपरसन्निधानचेतनाक्खणेसु तीसु एकेनेव चित्तेन जाणविषयञ्च जाणज्वाति उभयमपि एकक्खणे पुग्गलो जानातीति अयं तंजाणता परिच्छजितब्बा विसयस्सेव तदा पकासनतोति अधिप्पायो, तेनाह न हीति आदि। यदि जाणस्स अत्तनो सरूपं न जायति, कथं पच्छिमं चित्तं जानातीति आह पुरिमं पुरिमन्ति आदि। तत्थ भणिस्सामीति आदिना तीसु कालेसु उपपन्नं पुरिमपुरिमचित्तं अत्तानं विसयं कत्वा उपपज्जमानस्स पच्छिमस्स पच्छिमस्स चित्तस्स तथा उपपत्तिया पच्चयो होतीति अत्थो। तेनाति येन कारणेन तीसु खणेसु चित्तानि तदज्जेहेव चित्तेहि जानितब्बानि, तानि च पुरिमपुरिमचित्तेनेव अवस्सं उपपज्जन्ति, तेन कारणेनाति अत्थो। तस्मिं सतीति भणिस्सामीति पुब्बभागे सति। सेसद्वयन्ति भणामि, भणितन्ति इदं द्वयं न हेस्सतीति एतं नत्थीति योजना होतियेवाति अत्थो। एकं विय पकासतीति भिन्नक्खणानमपि निरन्तरुपपत्तिया “तदेवेद”न्ति गहेतब्बतं सन्धाय वदति।

बलवधम्मविनिधानवसेनाति बलवगाहस्स विनिधानवसेन । दुब्बलदुब्बलानन्ति दुब्बलदुब्बलानं गाहानं । सकभावपरिचजनवसेनाति अत्तनो सन्तकभावस्स परिचजनवसेन ।

२०७. उत्तासितत्ताति भयं जनेत्वा विय पलापितत्ता । एवं पलापितो न पुन तं ठानं आगच्छतीति आह “पुन अनल्लीयनभावदस्सनवसेना”ति । खेट-सदं सद्वत्थविद् उत्तासत्ये पठन्तीति आह स्वायमत्थोतिआदि । अणु एव अणुसहगतं, अणुत्तेन वा युत्तन्ति अत्थो ।

#### वत्तुकामवारकथावण्णना

२१५. केवलज्झियन्ति केवलज्झि अयं वारोति अज्झाहरितब्बं । तद्धणञ्जेव जानातीति पकतिया वचनानन्तरं विजाननं सन्धाय वुत्तं । एवं पन वचीभेदं अकत्वा “यो इमम्हा आवासा पठमं पक्कमिस्सति, नं मयं ‘अरहा’ति जानिस्सामा”ति एवं कतसङ्केता विहारा पठमं पक्कमनेन तस्मिं खणे अवीतिवत्तेपि निक्खन्तमत्तेपि पाराजिकं अज्जतरो भिक्खु “मं ‘अरहा’ति जानन्तु”ति तम्हा आवासा पठमं पक्कामीति आगतवत्थुम्हि (पारा० २२७) विय । विज्जत्तिपथेति कायवचीविज्जत्तीनं गहणयोगे पदेसे, तेन विज्जत्तिपथं अतिक्कमित्वा ठितो कोचि दिब्बेन चक्खुना कायविकारं दिस्वा दिब्बाय सोतधातुया वचीभेदञ्च सुत्वा जानाति, न पाराजिकन्ति दीपेति । पाळियं “पटिविजानन्तस्स आपत्ति पाराजिकस्सा”ति (पारा० २१५) इमस्मिं पटिविजाननवारे यस्मिं अक्खरे वा उच्चारिते कायपयोगे वा कतेयेव अयं पठमज्झानं समापन्नोतिआदिअत्थं परो विजानाति, ततो पुरिमेसु अक्खरुच्चारणादिपयोगेसु थुल्लच्चयं आपज्जित्वा पच्छिमेव पटिविजाननपयोगक्खणे पाराजिकं आपज्जतीति वेदितब्बं थुल्लच्चयस्सेवेत्थ सामन्तत्ता, तेनेव बुद्धदत्ताचरियेन —

“दुक्कटं पठमस्सेव, सामन्तमिति वण्णितं ।  
सेसानं पन तिण्णम्पि, थुल्लच्चयमुदीरितं”न्ति —

वुत्तं, अयञ्चत्थो “न पटिविजानन्तस्स आपत्ति थुल्लच्चयस्सा”ति इमिना सुत्तेन सङ्गहितोति दडुब्बो । उग्गहपरिपुच्छादिवसेनातिआदिना ज्ञानसमाधिआदिसद्धानमत्थेसु पुब्बे अकतपरिचयत्ता सुत्वा “अत्थं ईदिस”न्ति अजानित्वा केवलं “विसिद्धो कोचि समणगुणो अनेन लद्धो”ति परेन जातेपि पाराजिकमेवाति दस्सेति ।

#### अनापत्तिभेदकथावण्णना

२२०. अनुल्लपनाधिप्पायस्साति “एवं वुत्ते उत्तरिमनुस्सधम्मो मया पकासितो होती”ति अमनसिकत्वा “नाहं, आवुसो, मच्चुनो भायामी”तिआदिकं कथेन्तस्स । एवं कथेन्तो च वोहारतो अज्जं ब्याकरोन्तो नाम होतीति वुत्तं “अज्जं ब्याकरोन्तस्सा”ति । भायन्तोति “जत्वा गरहन्ति नु खो”ति भायन्तो ।

पदभाजनीयवण्णनानयो निड्ढितो ।

#### विनीतवत्थुवण्णना

२२३. सेक्खभूमियन्ति इमिना ज्ञानभूमिम्पि सङ्गह्माति । तिण्णं विवेकानन्ति कायचित्तउपधिपिवेकानं । पिण्डाय चरणस्स भोजनपरियोसानताय वुत्तं “याव भोजनपअयोसानं”न्ति । अन्तरघरे भुत्वा आगच्छन्तस्सापि वुत्तनयेनेव सम्भावनिच्छाय चीवरसण्ठापनादीनि करोन्तस्स दुक्कटमेव, पाळियं पन दुक्करादिवत्थुसु “अनापत्ति अनुल्लपनाधिप्पायस्सा”ति इदं थुल्लच्चयेनापि अनापत्तिदस्सनत्थं वुत्तं । उल्लपनाधिप्पायस्सापि हि “नावुसो, दुक्करं अज्जं ब्याकातु”न्ति वुत्ते थुल्लच्चयमेव अत्तुपनायिकत्ताभावतोति दडुब्बं ।

२२७. न दानाहं तत्थ गमिस्सामीति पुन तत्थ वसितट्टाने न गमिस्सामि, एवं सति पठमं गतो अयं पुन च नागतो, तस्मा अरहाति मज्जिस्सन्तीति अधिप्पायो । तं ठानन्ति आवासं वातिआदिना पुब्बे परिच्छिन्नट्टानं । पदसा गमनं सन्धाय कतिकाय कतत्ता यानेनातिआदि वुत्तं । विज्जामयिद्धि सन्धाय “इद्धिया”ति वुत्तं उल्लपनाधिप्पायस्स अभिज्जिद्धिया असम्भवतो । अज्जमज्जं रक्खन्तीति उल्लपनाधिप्पाये सतिपि एकस्सापि पठमगमनाभावा रक्खन्ति । सचे पन कतिकं कत्वा निसिन्नेसु एकं द्वे ठपेत्वा अवसेसा उल्लपनाधिप्पायेन एकतो गच्छन्ति, गतानं सब्बेसं पाराजिकमेव । तेसु यस्स उल्लपनाधिप्पायो नत्थि, तस्स अनापत्ति । एतन्ति हेट्ठा वुत्तं सब्बं कतिकवत्तं । नानावेरज्जकाति नानाजनपदवासिनो । सङ्गलाभोति यथावुड्डं पापुणनककोट्टासो । अयञ्च पटिक्खेपो अविसेसेत्वा करणं सन्धाय कतो, विसेसेत्वा पन “एत्तो अमुकस्सा”ति परिच्छिन्दित्वा अपलोकेत्वा दातुं वट्टति ।

२२८. धम्मधातूति सब्बज्जुतज्जाणं, धम्मानं सभावो वा । उपपत्तीति अत्तभावं सन्धाय वदति । दुस्सद्धापया होन्तीति पुथुज्जने सन्धाय वुत्तं, न लक्खणत्थेरादिके अरियपुगगले । वितुडेन्तीति विनिविज्जित्वा डेन्ति गच्छन्ति, फासुळन्तरिकायो छिदावच्छिदं कत्वा ताहि गच्छन्तीति निस्सक्कवसेन अत्थो । वितुडेन्तीति पाठे फासुळन्तरिकाहीति आधारत्थे निस्सक्कवचनं । लोहतुण्डेहीति काळलोहमयेहि तुण्डेहि । अच्छरियं वताति गरहितब्बताय अच्छरं परहितुं युत्तरूपं । चक्खुभूताति लोकस्स चक्खु विय भूता सज्जाता, चक्खुसदिसातिपि अत्थो । तस्सेव कम्मस्साति येन गोधातककम्मेनेव निरये निब्बत्तो, तस्सेवाति अत्थे गह्ममाने एकाय चेतनाय बहुपटिसन्धियो होन्तीति आपज्जति, न चेत्तं युत्तं एकस्स अम्बादिबीजस्स अनेकङ्कुरुप्पत्ति वियाति तं परिहरन्तो आह तस्स नानाचेतनाहि आयुहितस्सातिआदि, तेन गोधातककम्मक्खणे पुब्बचेतना अपरचेतना सन्निट्ठापकचेतनाति एकस्मिम्पि पाणातिपाते बहू चेतना होन्ति, नानापाणातिपातेसु वत्तब्बमेव नत्थि । तत्थ एकाय चेतनाय नरके पचित्वा तदज्जचेतनासु एकाय अपरपरियचेतनाय इमस्मिं पेतत्तभावे निब्बत्तोति दस्सेति, तेनाह “अवसेसकम्मं वा कम्मनिमित्तं वा”ति । एत्थ च कम्मसरिक्खविपाकुप्पत्ति सन्धाय कम्मकम्मनिमित्तानमेव गहणं कतं, न गतिनिमित्तस्स, तेनाह “अट्टिरासियेव निमित्तं अहोसी”ति । पाळियं वितच्छेन्तीति तुण्डेहि तच्छेन्तो विय लुञ्चन्ति । विराजेन्तीति विलिखन्ति ।

२२९. वल्लूरविककयेनाति सुक्खापितमंसविककयेन । निप्पक्खचम्मेति विगतपक्खलोमचम्मे । एकं मिगन्ति दीपकमिगं । कारणाहीति धातनाहि । जत्वाति कम्मट्टानं जत्वा ।

२३०. मङ्गनवसेन उलतीति मङ्गलि, विरूपबीभच्छभावेन पवत्ततीति अत्थो । चित्तकेळिन्ति चित्तरुचयं अनाचारकोळं ।

२३१. निस्सेवालपणकहमेति तिलबीजकादिसेवालेन नीलमण्डुकपिड्डिवण्णेन उदकपिट्टे उदकं नीलवण्णं कुरुमानेन पणकेन कदमेन च विरहितो । उण्णभावेन तपनतो तपं उदकं अस्साति तपोदकाति वत्तब्बे च-कारलोपं कत्वा “तपोदा”ति वुच्चति । पेतलोकोति पकट्टेन अकुसलकम्मेन सुगतितो दुग्गति इतानं गतानं लोको समूहो, निवासट्टानं वा । कतहत्थाति धनुसिप्पे सुद्धु सिक्खितहत्था, अविग्गन्नलक्खवेधाति अत्थो । सिप्पदस्सनवसेन राजकुलादीसु राजसमूहं उपेच्च कतं असनं सरक्खेपो एतेसन्ति कत्तुपासना, सब्बत्थ दस्सितसिप्पाति अत्थो । पभग्गीति पभज्जितो, पराजितोति अत्थो ।

२३२. आनेज्जसमाधित्ति अरूपसमापत्तियं निरुद्धे सतिपि सदकण्टकेन उट्टानारहो रूपावचरसमाधियेव इध वत्तब्बोति आह अनेज्जं अचलन्तिआदि । समाधिपरिपत्थकेति वितक्कादिके सन्धाय वरति, इदं पन पठमबोधियं उपन्मम्पि वत्तुं अनाचारमत्तवसेन भिक्खूहि चोदितेपि भगवता “अनापत्ति, भिक्खवे, मोग्गल्लानस्सा”ति (पारा० २२८) एवं आर्याति अत्तना पज्जपियमानपाराजिकानुगुणं तदा एव विनीतन्ति धम्मसङ्गाहकत्थेरेहि पच्छा पज्जतस्स इमस्स सिक्खापदस्स विनीतवत्थुभावेन सङ्गहारोपितन्ति दडुब्बं । सावकानं उप्पटिपाटिया अनुस्सरणाभावं दस्सेतुं “न उप्पटिपाटिया”ति वुत्तं । दुक्करं कतन्ति अनन्तरे पञ्चकप्पसतिके काले विज्जाणसन्तीति अदिस्वापि असम्मुहित्वा परतो ततियत्तभावे दिट्ठुचित्तिचित्तेन सङ्घि वत्तमानभवपटिसन्धिया अनुमानेनापि कारियकारणाभावगहणं नाम सावकानं दुक्करता वुत्तं । पटिविद्धाति पटिविद्धसदिसा । यथा नाम सत्तथा फालितस्स चामरवाललोमस्स एकाय अगगकोटिया अपरस्स वाललोमंसुनो कोटि दूरे ठत्वा विज्जेय्य आवुन्तो विय पटिपादेय, एवमेव इमिनापि दुक्करं कतन्ति वुत्तं होति । एतदग्गन्ति एसो अग्गो । यदिदन्ति यो अयं ।

#### निगमनवण्णना

**२३३. इधार्ति भिक्खुविभङ्गे । उड्ढिपाराजिकपरिदीपनन्ति** सिक्खापदेसु पातिमोक्खुदेसवसेन उड्ढिपाराजिकपरिदीपनं, न पन सब्बस्मिं पाराजिकविभङ्गे आगतआपत्तिपरिदीपनं तत्थ थुल्लच्चयादीनम्पि आगतत्ता तेनेव उड्ढि-सहेन वुत्तविभङ्गस्स निहेसत्ता । **भिक्खुनीनं असाधारणानि चत्तारीति** उब्भजाणुमण्डलिका (पाचिं ६५८) वज्जपटिच्छादिका (पाचिं ६६५) उक्खित्तानुवत्तिका (पाचिं ६६९) अडुवत्थुकाति (पाचिं ६७५) इमानि भिक्खूहि असाधारणानि भिक्खुनीनं एव पज्जत्तानि पाराजिकानीति अत्थो । **वत्थुविपन्नाति** पब्बज्जुपसम्पदानं वत्थुभावो वत्थु नाम, तेन वत्थुमत्तेन विपन्ना, विपन्नवत्थुकाति अत्थो । **अहेतुकपटिसन्धिकाति** मग्गानुपत्तिकारणमाह । किञ्चापि दुहेतुकानम्पि मग्गो नुपपज्जति, ते पन पब्बज्जुपसम्पदासु ठत्वा आर्याति मग्गहेतुं सम्पादेतुं सक्कोन्ति, अहेतुका पन परिसुद्धे चतुपरिसुद्धिसीले ठत्वा सम्पादेतुं न सक्कोन्ति, तस्मा ते तम्पि पटिच्च वत्थुविपन्नावाति वेदितब्बा । **पाराजिकाति** कम्मविपत्तिया पटिसन्धिकखणयेव पराजयं आपन्ना । थ्येय्यसंवासकादीनं गिहिभावे ठत्वा विपस्सनाय वायमन्तानम्पि तस्मिं अत्तभावे मग्गपत्तिअभावतो “मग्गो पन वारितो”ति वुत्तं । दीघताय लम्बमानं अङ्गजातं लम्बं नाम, तं यस्स अत्थि सो **लम्बी** । सो एतावता न पाराजिको, तं पन दीघं अङ्गजातं अत्तनो मुखे वा वच्चमग्गे वा सेवनाधिप्पायेन पवेसेन्तोव पाराजिको, इध पन वच्चमग्गे पवेसेन्तोव अधिपेतो मुदुपिड्डिकेनेव मुखे पवेसनस्स वुत्तता । सोपि हि कतपरिकम्मताय मुदुभूताय पिड्डिया ओनमित्वा अत्तनो अङ्गजातं मुखेन गण्हन्तोव पाराजिको होति, न केवलो । यो पन मुखेन अत्तनो वच्चमग्गं वा परेसं वच्चमग्गमुखं वा इत्थीनं पस्सावमग्गं वा गण्हाति, तस्स च पुरिसनिमित्तेन पुरिसनिमित्तं छुपन्तस्स च मग्गेन मग्गपटिपादनेपि पाराजिकं न होति पुरिसनिमित्तेन तदितरमग्गसम्पटिपादनेनेव मेथुनधम्मवोहारतो । **परस्स अङ्गजाते अभिनिसीदतीति** परस्स उत्तानं सयन्तस्स कम्मनिये अङ्गजाते अत्तनो वच्चमग्गं पवेसेन्तो तस्सुपरि निसीदति, इदञ्च उपलक्खणमत्तं परेसं अङ्गजातं वच्चमग्गे पवेसेन्तो सादियन्तोपि पाराजिकोव, बलक्कारेन पन वच्चमग्गे वा मुखे वा परेन पवेसियमानो यदि न सादियति, अनापत्तिकोव । एत्थ असादियनं नाम दुक्करं विरज्जितब्बतो । एत्थ च अनुपसम्पन्नभावे ठत्वा मातुपितुअरहन्तेसु अज्जरं घातेन्तो भिक्खुनिं दूसेन्तो च सामणेरपब्बज्जम्पि न लभतीति दस्सनत्थं विसुं गहितत्ता मातुघातकादीनं चतुन्नं ततियपठमपाराजिकेसु अन्तोगधत्ता वेदितब्बा । यथा एत्थ, एवं गिहिभावे ठत्वा लोहितुप्पादं करोन्तो लोहितुप्पादकोवाति गहेतब्बं । **एतेन परियायेनाति** उभिन्नं रागपरियुट्ठानसङ्घातेन परियायेन । दुतियविकर्णे कच्चि अत्थाति पदच्छेदो वेदितब्बो ।

इति समन्तपासादिकाय विनयडुकथाय विमत्तिविनोदनियं

चतुत्थपाराजिकवण्णनानयो निड्ढितो ।

निड्ढितो च पाराजिककण्डवण्णनानयो ।

## २. सङ्घादिसेसकण्डो

### १. सुक्कविस्सड्डिसिक्खापदवण्णना

**२३४. तेरसकस्साति** तेरस सिक्खापदानि परिमाणानि अस्साति तेरसको, कण्डो, तस्स । समथे विपस्सनाय वा अभिरतिरहितो इध **अनभिरतो**, न पब्बज्जायाति आह “विकिखत्तचित्तो”ति । विकिखत्तताय कारणमाह **कामरागाइच्चादि** ।

**२३५. अब्बोहारिकाति** सीलविपत्तिवोहारं नारहतीति कत्वा वुत्तं । अकुसलभावे पनस्सा अब्बोहारता नत्थि ।

**२३६-७.** चेतना-सदतो विसुं सं-सदस्स अत्थाभावं इक-पच्चयस्स च अत्थवन्तत्तं दस्सेतुं **सज्जेतना वाति** आदि दुतियविकर्णो वुत्तो । **सिखाप्पत्तो अत्थोति** अधिपेतत्थं सन्धाय वुत्तं । **आसयभेदतोति** पित्तसेहपुब्बलोहितानं चतुन्नं आसयानं भेदेन । **धातुनानततोति** रसरुहिरादीनं सत्तन्नं, पथवादीनं वा चतुन्नं धातूनं नानत्तेन । **वत्थिसीसन्ति** मुत्तवत्थितो मत्थकपस्सं । हत्थिमदचलनं नामञ्च सम्भवोति आह “सम्भवो निक्खमती”ति । **सम्भववेगन्ति** सम्भवस्स ठानतो चवित्त्वा दकसोताभिमुखं ओतरणेन सज्जातसरीरक्खोभवेगं । **बाहसीसन्ति** खन्धपदेसं । **दस्सेसीति** एत्थ **इति**-सदो हेतुत्थो, तेन यस्मा कण्णचूळिकाहि सम्भवो निक्खमती...पे... सम्भवञ्च दस्सेसि, तस्मा ततियस्स भासितं सुभासितन्ति एवं योजना वेदितब्बा । **दकसोतन्ति** मुत्तस्स वत्थितो निक्खमनमग्गं, अङ्गजातप्पदेसन्ति वुत्तं होति । सुक्कञ्च नामेतं रसरुहिरादिसत्तदेहधातुसु मज्झिमधातुचतुजं अड्डिमज्जादि विय पथवीधातुसङ्गहितं आहारूपजीवीनं सकलकायगतं अतिदहरदारकानाम्पि अत्थेव, तं पन पन्नरससोळसवस्सुद्धेसतो पट्टाय सत्तानं समुपपज्जनककामरागेहेव ठानतो चलति, चलितञ्च आपोधातुभावेन चित्तजमेव हत्वा दकसोतं ओतरति, दकसोततो पन पट्टाय चित्तपच्चयउत्तुजं होति मत्थलुङ्कतो चलितसिङ्गाणिका विय । येसं पन समुच्छेदनविकखम्भनादीहि रागपरियुट्ठानं नत्थि, तेसं सुक्कविस्सड्डिं न सिया । इति यथाठानतो सुक्कस्स विस्सड्डियेव रागचित्तसमुट्ठाना, न पकतिरूपं, तेनेव **कथावत्थुअटुकथायं** (कथां ३०७) “सुक्कविस्सड्डिं नाम रागसमुट्ठाना होती”ति सुक्कस्स विस्सड्डि एव रागसमुट्ठाना वुत्ता, न पकतिरूपं । छन्नं पन कामावचरदेवानं विज्जमानाणि सुक्कधातु द्वयंद्वयसमापत्तिवसेन परियुट्ठितरागेनापि ठानतो न गळति, यथाठानं एव ठत्वा किञ्च विकारं आपज्जमाना तङ्काणिकपरिळाहवूपसमावहा मेथुनकिच्चनिड्डापिता होतीति वेदितब्बं । केचि पन “कायसम्पस्ससुखमेव तेसं कामकिच्च”न्ति वदन्ति । खीणासवानं पन अनागामीनञ्च सब्बसो कामरागाभावेन सुक्कधातुविकारम्पि नापज्जतीति वेदितब्बं । रूपीब्रह्मानं पन विक्खम्भितकामरागेन जनितात्ता अनाहारूपजीवितत्ता च सब्बथा सुक्कधातुपि नत्थेव । **तथेवाति** मोचनस्सादेन निमित्तं उपक्कमतोतिआदि अतिदिसति । “विस्सड्डोति ठानाचावना वुच्चती”ति पदभाजने (पारां २३७) वुत्तता “दकसोतं ओतिणम्पते”ति कस्मा वुत्तन्ति आह **दकसोतारोहणञ्चेत्थाति** आदि । **एत्थीति** तीसुपि वादेसु । **अधिवासेत्त्वाति** निमित्तं उपक्कमित्त्वा पुन विपट्टिसारे उपन्ने मोचनस्सादं विनोदेत्वा । **अन्तरा निवारेतुन्ति** अत्तनो निमित्तं कतूपक्कमेन ठाना चतुं दकसोतं ओतरितुं अदत्त्वा अन्तरा निवारेतुं । मोचनस्सादेन हत्थपरिकम्मादिं करोन्तस्स मुत्तेपि दुक्कटमेव, निमित्तं उपक्कमाभावतो पन सङ्घादिसेसो न होतीति आह “हत्थ...पे... अनापत्ती”ति । दकसोतारोहणञ्चेत्थातिआदिना वुत्तविनिच्छयं सन्धाय “अयं सब्बाचरियसाधारणविनिच्छयो”ति वुत्तं ।

**खोभकरणपच्चयो** नाम विसभागभेसज्जसेनासनाहारादिपच्चयो । **नानाविधं सुपिनन्ति** खुभितवातादिधातूनं अनुगुणं । **अनुभूतपुब्बन्ति** पुब्बं भूतपुब्बं मनसा परिकप्पितपुब्बञ्च । सग्नरकदेसन्तरादीनम्पि हि सङ्गहेत्वा वुत्तं । **अत्थकामताय वा अनत्थकामताय वाति** इदं देवतानं हिताहिताधिप्पायत्तं दस्सेतुं वुत्तं । **अत्थाय वा अनत्थाय वाति** सभावतो भवितब्बं हिताहितं सन्धाय वुत्तं । ननु देवताहि उपसंहरियमानानि आरम्भणानि परमत्थतो नत्थि, कथं तानि पुरिसो पस्सति, देवता वा तानि अविज्जमानानि उपसंहरन्तीति चोदनं मनसि कत्वा आह **सो तासन्ति** आदि । तेन “एवमेसो परिकप्पतू”ति देवताहि चिन्तितमत्तेन सुपन्तस्स चित्तं भवङ्गसन्ततितो निपत्तिवा देवताहि चिन्तितनियामेनेव परिकप्पमानं पवत्तति, एवं तेन परिकप्पमानानि आरम्भणानि देवताहि उपसंहरति नाम होन्ति, तानि च सो देवतानुभावेन पस्सति नामाति दस्सेति । **बोधिसत्तमाता विय पुत्तपटिलाभनिमित्तन्ति** आदीसु बोधिसत्तस्स गम्भोक्कन्तिदिवसे महामायादेविया अत्तनो दक्खिणपस्सेन एकस्स सेतवरवारणस्स अन्तोक्कुच्छिपविडुभावदस्सनं पुत्तपटिलाभनिमित्तं सुपिनं नाम । अम्हाकं पन बोधिसत्तस्स “स्वे बुड्डो भविस्सती”ति चातुद्विसयं पक्खस्स रत्तिविभायनकाले हिमवन्तं बिम्बोहनं कत्वा पुरत्थिमपच्छिमसमुद्धेसु वामदक्खिणहत्थे दक्खिणसमुद्धे पादे च ओदहित्वा महापथविधाय सयनं एको, दब्बतिणसङ्घाताय तिरिया नाम तिणजातिया नङ्गलमत्तरत्तदण्डाय नाभितो उगताय खणेन अनेकयोजनसहस्सं नभं आहच्च ठानं एको, सेतानं कण्हसीसानं किमीनं पादेहि उस्सक्कित्वा याव जाणुमण्डलं आहच्च ठानं एको, नानावण्णानं चतुन्नं सकुणानं चतुहि दिसाहि आगन्त्वा पादमूले सेतवण्णतापज्जनं एको, बोधिसत्तस्स महतो मीळपब्बतस्स उपरि अलिम्पमानस्स चङ्कमानं एकोति इमे पञ्च महासुपिना नाम, इमे च यथाक्कमं सम्बोधिध्या, देवमनुस्सेसु अरियमग्गप्पकासनस्स, गिहीनञ्च सरणूपगमनस्स, खत्तियादिचतुवण्णानं पब्बजित्वा अरहत्तपटिलाभस्स, चतुन्नं पच्चयानं लाभे अलितभावस्स च पुब्बनिमित्तानीति वेदितब्बं । सोळस सुपिना पाकटा एव । **एकन्तसच्चमेवाति** फलनियमुपत्तितो वुत्तं । दस्सनं पन सब्बत्थ विपल्लत्थमेव । धातुक्खोभादीसु चतुसु मूलकारणेषु द्वीहि तीहिपि कारणेहि कदाचि सुपिनं पस्सन्तीति आह “संसगभेदतो”ति । **सुपिनभेदोति** सच्चासच्चत्थताभेदो ।

**रूपनिमित्तादिआरम्भन्ति** एत्थ कम्मनिमित्तगतनिमित्ततो अज्जरूपमेव विज्जाणस्स निमित्तन्ति रूपनिमित्तं, तं आदि येसं सत्तनिमित्तादीनं तानि रूपनिमित्तादीनि आरम्भणानि यस्स भवङ्गचित्तस्स तं रूपनिमित्तादिआरम्भणं । **इदिसानीति** रूपनिमित्तादिआरम्भणानि रागादिसम्पयुत्तानि च । **सब्बोहारिकचित्तेनाति** पटिबुद्धस्स पकतिवीथिचित्तेन । **को नाम पस्सतीति** सुत्तपटिबुद्धभाववियुत्ताय चित्तप्पवत्तिया अभावतो सुपिनं पस्सन्तो नाम न सियाति अधिप्पायो, तेनाह “सुपिनस्स अभावोव आपज्जती”ति । **कपिमिद्धपरेतोति इमिना निद्रावसेन पवत्तमानभवङ्गसन्ततिव्यवहिताय कुसलाकुसलाय मनोद्धारवीथिया च पस्सतीति दस्सेति, तेनाह **या निद्राति** आदि । **द्वीहि अन्तेहि मुत्तोति** कुसलाकुसलसङ्घातेहि द्वीहि अन्तेहि मुत्तो । **आवज्जनतदारम्भणक्खणेति** सुपिने पञ्चद्वारवीथिया अभावतो मनोद्दारे उपज्जनारहं गहेत्वा वुत्तं ।**

एथ च सुपिनन्तेपि तदारम्भणवचनतो अनुभूतेसु सुतपुब्बेसु वा रूपादीसु पुरापत्तिभावेन परिकपेत्वा विपल्लासतो पवत्तमानापि कामावचरविपाकधम्मा परित्तधम्मे निस्साय परिकपेत्वा पवत्ता परित्तरम्भणा वुत्ता, न पन सरूपतो परित्तधम्मे गहेत्वा पवत्तता एवाति गहेतब्बं। एवञ्च इत्थिपुरिसादिआकारं आरोपेत्वा पवत्तमानानं रागादिसविपाकधम्मानम्पि तेसं आरम्भणं गहेत्वा उप्पन्नानं पटिसन्धादिविपाकानम्पि परित्तराम्भणता कम्मनिमित्तराम्भणता च उपपन्ना एव हाति। वत्थुधम्मविनिमुत्तं पन सम्मुत्तिभूतं कसिणादिपटिभागारम्भणं गहेत्वा उप्पन्ना उपचारणनादिवसपवत्ता चित्तचेतसिकधम्मा एव परित्तिके (ध० स० तिकमातिका १२) न वत्तब्बारम्भणाति गहेतब्बा।

**स्वायन्ति** सुपिनो। विपल्लासेन परिकपितपरित्तराम्भणता “दुब्बलवत्थुकता”ति वुत्तं, अविज्जमानारम्भणे अवसवत्तितोति अधिप्पायो, तेनाह **अविसये उप्पन्नताति** आदि।

**आपत्तिनिकायस्साति** इदं सङ्गादिसोति पुल्लिङ्ग-सदस्स अनुरूपवसेन वुत्तं। **अस्साति** अस्स आपत्तिनिकायस्स, वुट्ठापेतुं इच्छितस्साति अत्थो, तेनाह **किं वुत्तन्ति** आदि। **रुद्धिहसदेनाति** एथ समुदाये निष्फन्नस्सापि सदस्स तदेकदेसेपि पसिद्धि इध रुद्धी नाम, ताय रुद्धिया युत्तो सदो रुद्धीसदो, तेन। रुद्धिया कारणमाह **अवयवे** इच्चादिना।

**कालञ्चाति** “रागूपत्थम्भे”ति आदिना दस्सितकालञ्च, “रागूपत्थम्भे”ति वुत्ते रागूपत्थम्भे जाते तस्मिं काले मोचेतीति अत्थतो कालो गम्माति। **नवमस्स अधिप्पायस्साति** वीमंसाधिप्पायस्स। **वत्थूति** विसयं।

**२३८. लोमा** एतेसं सन्तीति **लोमसा**, बहुलोमपाणका।

**२३९. मोचनेनाति** मोचनपयोगेन। **मोचनस्सादसम्पयुत्तायाति** एथ मोचनिच्छाव मोचनस्सादो, तेन सम्पयुत्ता चेतना मोचनस्सादचेतनाति अत्थो, न पन मोचने अस्सादं सुखं पत्थेन्तिया चेतनायाति एवं अत्थो गहेतब्बो, इतरथा सुखत्थाय मोचेन्तस्सेव आपत्ति, न आरोग्यादिअत्थायाति आपज्जति। तस्मा आरोग्यादीसु येन केनचि अधिप्पायेन मोचनिच्छाय चेतनायाति अत्थोव गहेतब्बो।

**२४०. वायमतोति** अङ्गजाते कायेन उपक्कमतो। **द्वे आपत्तिसहस्सानीति** खण्डचक्कादीनि अनामसित्वाव वुत्तं, इच्छन्तेन पन खण्डचक्कादिभेदेनापि गणना कातब्बा। **एकेन पदेनाति** गेहसितपेमपदेन। **तथेवाति** मोचनस्सादचेतनाय एव गाळ्हे पीळनादिपयोगं अविजहित्वा सुपनेन सङ्गादिसोति वुत्तं। **सुद्धचित्तोति** मोचनस्सादस्स निमित्ते ऊरुआदीहि कतउपक्कमस्स विजहन् सन्धाय वुत्तं। तेन असुभमनसिकाराभावेपि पयोगाभावेनेव मोचनेपि अनापत्ति दीपिताति वेदितब्बा।

**तेन उपक्कमेन मुत्तेति** मुच्चमानं विना अज्जस्मिम्पि सुक्के ठानतो मुत्ते। यदि पन उपक्कमे कतेपि मुच्चमानमेव दकसोतं ओतरति, थुल्लच्चयमेव पयोगेन मुत्तस्स अभावा। **जग्गन्त्यायाति** चीवरादीसु लिम्पनपरिहाराय हत्थेन अङ्गजातगहणं वट्टति, तप्पयोगो न होतीति अधिप्पायो। **अनोकासन्ति** अङ्गजातप्पदेसं।

**२६२. सुपिनन्तेन कारणेनाति** सुपिनन्ते पवत्तउपक्कमहेतुना। आपत्तिद्वानेयेव हि अयं अनापत्ति अविसयता वुत्ता। तेनाह “**सचस्स विसयो होति निच्चलेन भवितब्ब**”न्ति आदि।

**२६३. विनीतवत्थुपाळियं अण्डकण्डुवनवत्थुस्मिं** मोचनाधिप्पायेन अण्डचलनेन अङ्गजातस्सापि चलनतो निमित्ते उपक्कमो होतीति सङ्गादिसोतो वुत्तो। यथा पन अङ्गजातं न चलति, एवं अण्डमेव कण्डुवनेन फुसन्तस्स मुत्तेपि अनापत्ति अण्डस्स अनङ्गजातता।

**२६४. वत्थिन्ति** अङ्गजातसीसच्छादककम्मं। **उदरं तापेन्तस्स...पे०...** **अनापत्तियेवाति** उदरतापनेन अङ्गजातेपि तत्ते तावत्तकेन निमित्ते उपक्कमो कतो नाम न होतीति वुत्तं।

**२६५. एहि मे त्वं, आवुसो, सामणेराति वत्थुस्मिं** अज्जं आणापेतु, तेन करियमानस्स अङ्गजातचलनस्स मोचनस्सादेन सादियनतो तं चलनं भिक्खुस्स सादियनचित्तसमुट्ठितम्पि होतीति सुक्कविस्सट्ठिपच्चयस्स अङ्गजातचलनस्स हेतुभूता अस्सादचेतनाव आपत्तिया अङ्गं होति, न आणापनवाचा तस्सा पवत्तिकखणे सङ्गादिसोसस्स असिज्जनतो। एवं आणापेत्वापि योनिमोमनसिकारेन मोचनस्सादं पटिविनोदेन्तस्स आपत्तिअसम्भवतो इदं सिक्खापदं अनापत्तिकं, कायकम्मं, किरियसमुट्ठानञ्च जातन्ति गहेतब्बं, आणापनवाचाय पन दुक्कटं आपज्जति। यो पन परेन अनापत्तेन बलक्कारेनापि करियमानपयोगं मोचनस्सादेन सादियति, तस्सापि मुत्ते **पठमपाराजिके** विय सङ्गादिसोव, अमुत्ते थुल्लच्चयं। मोचनस्सादे चेतनाय पन असति कायसंसगारागेन सादियन्तस्सापि मुत्तेपि सङ्गादिसोसेन अनापत्तीति आचरिया वदन्ति, तञ्च युत्तमेव।

**२६६. कायत्थम्भनवत्थुस्मिं** चलनवसेन यथा अङ्गजाते उपक्कमो सम्भवति, तथा विजम्भितता आपत्ति वुत्ता।

**उपनिज्झायनवत्थुस्मिं** अङ्गजातन्ति जीवमानइत्थीनं पस्सावमग्गोव अधिप्पेतो, नेतरो।

**२६७. पुष्पावलीति** कीळाविसो। तं किर कीळन्ता नदीआदीसु छिन्नतटं उदकेन चिक्खल्लं कत्वा तत्थ उभो पादे पसारेत्वा निसिन्ना पतन्ति, “पुष्पावलीय”न्तिपि पाठो। **पवेसेन्तस्साति** पयोजकत्तेन द्विकम्मिकता “वालिकं अङ्गजात”न्ति उभयत्थापि उपयोगवचनं कतं। चेतना, उपक्कमो, मुच्चनन्ति इमानेत्य तीणि अङ्गानि वेदितब्बानि।

सुक्कविस्सट्ठिसिक्खापदवण्णना निट्ठिता।

## २. कायसंसगसिक्खापदवण्णना

**२६९. दुतिये केसुचि वातपानेसु विवटेसु** बहिपि अन्धकारता आलोको न पविसति, विवटकवाटेन अज्जतो आगच्छन्तस्स आलोकस्स निवारणतो कवाटस्स पिट्ठिपस्से घनन्धकारोव होति, तादिसानि सन्धाय “**येसु विवटेसु अन्धकारो होती**”ति आदि वुत्तं।

ब्राह्मणी अत्तनो अङ्गमङ्गानं परामसनकखणे अनाचारानुकूला हुत्वा न किञ्चि वत्था भिक्खुनो वण्णभणनकखणे वुत्तता आह “**पब्बजितुकामो मज्जेति सल्लकखेत्वा**”ति, पब्बजितुकामो वियाति सल्लकखेत्वाति अत्थो। कुलित्थीनं एवं परेहि अभिभवनं नाम अच्यन्तावमानोति आह “**अत्तनो विप्पकार**”न्ति।

**२७०. ओतिण्णसदस्स कम्मसाधनपक्खं सन्धाय “यक्खादीही”**ति आदि वुत्तं, कत्तुसाधनपक्खं सन्धाय “**कूपादीनी**”ति आदि वुत्तं। **तस्मिं वत्थुस्मिन्ति** इत्थिसरीरसङ्गाते वत्थुस्मिं।

**२७१. अस्साति** हत्थगगाहादिकस्स सब्बस्स।

**२७३. एतेसं पदानन्ति** आमसनादिपदानं। **इत्थिसज्जीति** मनुस्सित्थिसज्जी। न-सदस्स कायविसेसनभावेन एतं कायन्ति अत्थं दस्सेतुं “**अथ वा**”ति आदि वुत्तं। **ओमसन्तो...पे०... एकाव आपत्तीति** अनिवत्थं सन्धाय वुत्तं, न निवत्थं। सनिवत्थाय पन मत्थकतो पड्डाय हत्थं ओतारन्तस्स निवत्थसाटकोपरि हत्थे आरुळ्हे थुल्लच्चयं। साटकतो हत्थं ओतारापेत्वा जङ्घतो पड्डाय ओमसन्तस्स पुन सङ्गादिसो।

**यथानिद्विनिदेसेति** यथावुत्तकायसंसगनिदेसे। **तेनाति** येन कारणेन वत्थुसज्जादयो होन्ति, तेन कारणेन। यथावुत्तसिक्खापदनिदेसे वुत्तं गरुक् भिक्खुनो करेय्य पकासेय्याति योजना।

**सञ्जाय विरागितम्हीति** सञ्जाय विरुद्धाय। **इदं नाम वत्थुन्ति** इमस्मिं सिकखापदे आगतं, अनागतञ्च यं किञ्चि सविञ्जाणकाविञ्जाणकं फुसन्तस्स अनापत्तिअभावं सन्धाय वुत्तं।

**सारत्तन्ति** कायसंसगारागेनेव सारत्तं। **विरत्तन्ति** कायसंसगारागरहितं मातुआदि सन्धाय वदन्ति। **दुक्कटन्ति** मातुपेमादिवसेन गणहन्तस्स वसेन वुत्तं, विरत्तम्पि इत्थं कायसंसगारागेन गणहन्तस्स पन सङ्घादिसेसो एव। इमाय पाळिया समेतीति सम्बन्धो। कथं समेतीति चे? यदि हि “इत्थिया कायप्पटिबद्धं गणहस्सामी”ति चित्ते उपपन्ने इत्थिसञ्जा विरागिता भवेय्य। कायप्पटिबद्धगहणेपि थुल्लच्चयेनापि न भवितव्यं इत्थिसञ्जाय एव **पाळियं** (पारा० २७६) थुल्लच्चयस्स वुत्तता, तस्मा “इत्थिया कायप्पटिबद्धं गणहस्सामीति कायं गणहन्तस्स इत्थिसञ्जा विरागिता नाम न होतीति कायप्पटिबद्धं गणहस्सामीति कायं गणहतो इत्थिसञ्जाय चेव कायसंसगारागस्स च कायगहणस्स च सम्भवा यथावत्थुकं सङ्घादिसेसमेव आपज्जती”ति **महासुमत्थरेन** वुत्तवादोव इमाय पाळिया समेति। अडुकथायञ्चि “सम्बहुला इत्थियो बाहाहि परिकिखपित्वा गणहामी”ति सञ्जाय परिकिखपतो मज्झगतानं वसेन थुल्लच्चयं वुत्तं। न हि तस्स “मज्झगता इत्थियो कायप्पटिबद्धेन गणहामी”ति सञ्जा अत्थि, तस्मा अडुकथायपि समेतीति गहेतव्यं। नीलेन दुविज्जेय्यभावतो **काळित्थी** वुत्ता।

**२७९. सेवनाधिप्पायोति** फस्ससुखसेवनाधिप्पायो। कायप्पटिबद्धमसनवारे कायप्पटिबद्धवसेन फस्सपटिविजाननं वेदितव्यं। **चित्तुप्पादमत्ते आपत्तियाभावतो अनापत्तीति** इदं कायसंसगारागमत्तेन कायचलनस्स अनुपत्तितो इत्थिया करियमानकायचलनं सादियतोपि पयोगाभावं सन्धाय वुत्तं। पठमपाराजिके पन परेहि उपक्कमियमानस्स अभावतो सेवनाधिप्पाये उपपन्ने तेन अधिप्पायेन अङ्गजातक्खोभो सयमेव अवस्सं सञ्जायति, सो च तेन कतो नाम होतीति पाराजिकं वुत्तं, तेनेव नयेन पठमसङ्घादिसेसं पारेन करियमानपयोगसादियमानेपि अङ्गजातक्खोभसम्भवेन आपत्ति होतीति वेदितव्यं। **चतुर्थेति** “न च कायेन वायमति, न च फस्सं पटिविजानातो”ति इमस्मिं वारे। **फस्सपटिविजाननम्पीति अपि**-सहेन ततियवारे विय वायामोपि नत्थीति दस्सेति। **निस्सगियेन निस्सगियामसने वियाति** इदं पन फस्सपटिविजाननाभावमत्तस्सेव निदस्सनं, न पयोगाभावस्साति दडुब्बं। **मोक्खाधिप्पायोति** एत्थ चित्तस्स लहुपरिवत्तिताय अन्तरन्तरा कायसंसगारागे समुप्पन्नेपि मोक्खाधिप्पायस्स अविच्छिन्नताय अनापत्तियेव, विच्छिन्ने पन तस्मिं आपत्ति एव।

पदभाजनीयवण्णनानयो।

**२८१. एत्थ गणहाहीति न वत्तब्बाति** गेहसितपेमेन कायप्पटिबद्धेन फुसने दुक्कटं सन्धाय वुत्तं, कारुञ्जेन पन वत्थादि गहेतुं असक्कोत्ति “गणहा”ति वदन्तस्सापि अवससभावपत्तं उदके निमुज्जन्तिं कारुञ्जेन सहसा अनामासन्ति अचिन्तेत्वा केसादीसु गहेत्वा मोक्खाधिप्पायेन आकङ्कतोपि अनापत्तियेव। न हि मीयमानं मातरं उक्खिपितुं न वट्ठति। अञ्जातिकाय इत्थियापि एसेव नयो। उक्कट्टाय मातुयापि आमासो न वट्ठतीति दस्सनत्थं “**मातरं**”न्ति वुत्तं। तस्सा कातव्यं पन अञ्जासम्पि इत्थीनं करोन्तस्सापि अनापत्तियेव अनामासत्ते विसेसाभावा।

**तिण्डुपकन्ति** हिरिवेरादिमूलेहि केसालङ्कारत्थाय कतचुम्बटकं। **परिवत्तेत्वाति** अत्तनो निवासनादिभावतो अपनेत्वा। पूजादिअत्थं पन तावकालिकम्पि आमसितुं वट्ठति। **सीसपसाधनकदन्तसुचिआदीति** इदं सीसालङ्कारत्थाय पटपिलोतिकादीहि कतं सीसपसाधनकञ्चेव दन्तसुचिआदि चाति द्विधा योजेत्वा सीसपसाधनं सिपाटिकोपकरणत्थाय चेव दन्तसुचिउपकरणत्थाय च गहेतव्यन्ति यथाक्कमं अत्थं दस्सेति। केसकलापं बन्धित्वा तत्थ तिरियं पवेसनत्थाय कता दन्तसुचि एव सीसपसाधनकदन्तसुचीति एकमेव कत्वा सिपाटिकाय पक्खिपित्वा परिहरितव्यसुचियेव तस्स तस्स किच्चस्स उपकरणन्ति सिपाटिकासुचिउपकरणन्ति एवं वा योजना कातव्या। **पोत्थकरूपन्ति** सुधादीहि कतं, पाराजिकवत्थुभूतानं तिरच्छानगतित्थीनं सण्ठानेन कतम्पि अनामासमेव। इत्थिरूपादीनि दस्सेत्वा कतं, वत्थभित्तिआदिञ्च इत्थिरूपं अनामसित्वा वळ्ळजेतुं वट्ठति। एवरूपेहि अनामासे कायसंसगारागे असति कायप्पटिबद्धेन आमसतो दोसो नत्थि। **भिन्दित्वाति** एत्थ अनामासम्पि दण्डपासाणादीहि भेदनस्स अडुकथायं वुत्तता, पाळियम्पि आपदासु मोक्खाधिप्पायस्स आमसनेपि अनापत्तिया वुत्तता च। सप्पिनीआदीहि वाळमिगीहि च गहितपाणकानं मोचनत्थाय तं सप्पिनीआदिं वत्थदण्डादीहि परिकिखपित्वा गहेतुं, मातुआदि उदके मीयमानं वत्थादीहि गहेतुं, असक्कोत्ति केसादीसु गहेत्वा कारुञ्जेन उक्खिपितुं वट्ठतीति अयमत्थो गहेतव्योव। अडुकथाय “न त्वेव आमसितव्या”ति इदं पन वचनं अमीयमानवत्थुं सन्धाय वुत्तन्ति अयं अम्हाकं खन्ति।

**मग्गं अधिदुयाति** “मग्गो अय”न्ति मग्गसञ्जं उप्पादेत्वाति अत्थो। **पञ्जपेत्वा देन्तीति** इदं सामीचिवसेन वुत्तं, तैहि पन आसनं अपञ्जपेत्वाव निसीदथाति वुत्ते सयमेव पञ्जपेत्वा निसीदितुम्पि वट्ठति। **तत्थजातकानीति** अक्खिन्दित्वा भूतगामभावनेन वितानि। **कीळन्तेनाति** वुत्तता सति पच्चये आमसन्तस्स अनापत्ति। भिक्खुसन्तकं पन परिभोगारहं सब्बथा आमसितुं न वट्ठति दुरुपचिण्णता। **अनुपसम्पन्नानं दस्सामीति** इदं अप्पटिगहेत्वा गहणं सन्धाय वुत्तं। अत्तनोपि अत्थाय पटिगहेत्वा गहणे दोसो नत्थि अनामासत्ताभावा।

**मणीति** वेळुरियादितो अञ्जो जोतरिसादिभेदो सब्बोपि मणि। **वेळुरियोति** अल्लवेळुवण्णोमणि, “मज्जारक्खि मण्डलवण्णो”तिपि वदन्ति। **सिलाति** मुग्गमासवण्णा अतिसिन्धुआ काळसिला, मणिवोहारं आगता रत्तसेतादिवण्णा सुमट्ठापि सिला अनामासा एवाति वदन्ति। **रजन्ति** क्हापणमासादिभेदं जतुमासादि उपादाय सब्बं वुत्तावसेसं रूपियं गहितं। **लोहितङ्कोति** रत्तमणि। **मसारगल्लन्ति** कबरवण्णो मणि, “मरकत”न्तिपि वदन्ति। भेसज्जत्थाय पिसित्वा योजितानं मुत्तानं रतनभावविरहतो गहणक्खणोपि रतनाकारेन अपेक्खिताभावा “**भेसज्जत्थाय पन वट्ठती**”ति वुत्तं। याव पन ता मुत्ता रतनरूपेन तिड्ठन्ति, ताव आमसितुं न वट्ठति एव। एवं अञ्जम्पि रतनपासाणं पिसित्वा भेसज्जे योजनत्थाय गहेतुं वट्ठति एव, जातरूपरजतं पन पिसित्वा योजनभेसज्जत्थायपि सम्पटिच्छित्तुं न वट्ठति, गहट्टेहि योजेत्वा दिन्मम्पि यदि भेसज्जे सुवण्णादिरूपेन तिड्ठति, वियोजेतुञ्च सक्का, तादिसं भेसज्जम्पि न वट्ठति। तं अब्बोहारिकत्तं गतं चे, वट्ठति। “**जातिफलिकं उपादाया**”ति वुत्तता, सूरियकन्तचन्दकन्तादिकं जातिपासाणं मणिहि एव सङ्गहितन्ति दडुब्बं। धमनसङ्को च धोतविद्धो च रतनमिस्सो चाति योजेतव्यं। **विद्धोति** मणिआदिभावेन कतछिदो।

**रतनमिस्सोति** कञ्चनलतादिर्विचित्तो, मुत्तादिरतनखचित्तो च, एतेन धमनसङ्कोतो अञ्जो रतनमिस्सोव अनामासोति दस्सेति। सिलायम्पि एसेव नयो। **पानीयसङ्कोति** इमिनाव थालकादिआकारेन कतसङ्कमयभाजनानि भिक्खून् सम्पटिच्छित्तुं वट्ठतीति सिद्धं। **सेसाति** रतनसंयुत्तं उपेत्वा अवसेसा।

**बीजतो पट्टायाति** धातुपासाणतो पट्टाय। **पटिक्खिपीति** सुवण्णमयधातुकरण्डकस्स, बुद्धरूपादिस्स च अत्तनो सन्तककरणे निस्सगियत्ता वुत्तं। “**रूपियछडुकट्टाने**”ति वुत्तता रूपियछडुकस्स जातरूपरजतं आमसित्वा छडुत्तुं वट्ठतीति सिद्धं। **केळापयितुन्ति** आमसित्वा इतो चित्तो च सञ्चारेतुं। वुत्तन्ति महाअडुकथायं वुत्तं। **कचवरमेव हरितुं वट्ठतीति** गोपका वा होन्तु अञ्जे वा, हत्थेन पुञ्छित्वा कचवरं अपनेतुं वट्ठति, मलम्पि पमज्जितुं वट्ठति एवाति वदन्ति, तं अडुकथाय न समेति केळायनसदिसत्ता। **आरकूटलोहन्ति** सुवण्णवण्णो कित्तिमलोहविसेसो। तिविधञ्चि कित्तिमलोहं कंसलोहं वट्टलोहं हारकूटलोहन्ति। तत्थ तिपुत्तम्बे मिस्सेत्वा कतं **कंसलोहं** नाम। सीसतम्बे मिस्सेत्वा कतं **वट्टलोहं**। रसतम्बे मिस्सेत्वा कतं **हारकूटलोहं** नाम। तं पन “**जातरूपगतिकं**”न्ति वुत्तता उगणहत्तो निस्सगियम्पि होतीति केचि वदन्ति। रूपियेसु पन अगणितता निस्सगियं न होति, आमसने, सम्पटिच्छने च दुक्कटमेवाति वेदितव्यं। **सब्बकप्पियोति** यथावुत्तसुवण्णादिमयानं सेनासनपरिक्खारानं आमसनगोपनादिवसेन परिभोगो सब्बथा कप्पियोति अधिप्पायो। तेनाह “**तस्मा**”तिआदि। “**भिक्खून् धम्मविनयवण्णनदुाने**”ति वुत्तता सङ्घिकमेव सुवण्णादिमयं सेनासनं, सेनासनपरिक्खारा च वट्ठन्ति, न पुग्गलिकानीति गहेतव्यं।

**भिन्दित्वाति** पठममेव अनामसित्वा पासाणादिना किञ्चिमत्तं भेदं कत्वा पच्छा कप्पियभण्डत्थाय अधिदुहित्वा हत्थेन गहेतुं वट्ठति। तेनाह “**कप्पियभण्डं करिस्सामीति सब्बम्पि सम्पटिच्छित्तुं वट्ठती**”ति। एत्थापि किञ्चि भिन्दित्वा, वियोजेत्वा वा आमसितव्यं।

**फलकजालिकादीनीति** एत्थ सरपरित्ताणाय हत्थेन गहेतव्यं किटिकाफलकं अक्खिरक्खणत्थाय अयलोहादीहि जालाकारेन कत्वा सीसादीसु पटिमुञ्चितव्यं जालिकं नाम। **आदि**-सहेन कवचादिं सङ्गृह्णाति। **अनामासानीति** मच्छजालादिरूपरोधकं सन्धाय वुत्तं, न सरपरित्ताणं तस्स आवुधभण्डताभावा। तेनेव वक्खति “परुपरोधनिवारणं ही”तिआदि। **आसनस्साति** चेतियस्स समन्ता कतपरिभण्डस्स। **बन्धिस्सामीति** काकादीहि अदूसनत्थाय बन्धिस्सामि।

“**भेरिसङ्घाटोति** सङ्घटितचम्मभेरी। **वीणासङ्घाटोति** सङ्घटितचम्मवीणा”ति **सारत्थदीपनियं** (सारत्थ० टी० २.२८१) वुत्तं। “चम्मविनड्डानि वीणाभेरिआदीनी”ति महाअडुकथायं वुत्तवचनतो विसेसाभावा, “**कुरुन्दियं पना**”तिआदिना ततो विसेसस्स वत्तुमारुद्धता च भेरिआदीनं विनड्डनोपकरणसमूहो भेरिवीणासङ्घाटोति वेदितव्यं सङ्घटितव्वोति सङ्घाटोति कत्वा। **तुच्छपोक्खरन्ति**

अविनद्धचम्मभेरिवीणानं पोखरं। **आरोपितचम्मन्ति** पुब्बे आरोपितं हुत्वा पच्छा ततो अपनेत्वा विसुं ठपितमुखचम्ममत्तं, न सेसोपकरणसहितं। सहितं पन सङ्घाटोति अयं विसेसो। **ओनहितुन्ति** भेरिपोखरादीनि चम्मं आरोपेत्वा चम्मवट्टिआदीहि सब्बेहि उपकरणेहि विनन्थितुं।

पाळियं **पण्डकस्सा**ति पण्डकेन। **पाराजिकप्पहोनककाले**ति अकुथितकाले। कायसंसंगरागादिभावे सब्बावत्थार्यप इत्थिया सण्ठाने पञ्चायमाने अनामासदुक्कटं न विगच्छतीति दट्ठब्बं। सङ्कमादीनं ठानाचावनवसेन अचालेतब्बताय न कायपटिबद्धवोहारोति दुक्कटं वुत्तं।

**२८२. एकपदिकसङ्कमो**ति तनुकसेतु। “**आविञ्छन्तो**”ति वुत्तत्ता चालेतुं युत्ताय एव रज्जूया थुल्लच्चयं, न इतराय भित्तिथम्भादिगतिकत्ताति आह “**या महारज्जु होती**”तिआदि। तेन चालेतुं युत्ते तनुकरज्जुदण्डके अचालेत्वा फुसन्तस्सापि थुल्लच्चयमेवाति दीपितन्ति वेदितब्बं। **पटिच्छादेतब्बा**ति छादनादिवसेन गूहितब्बा। मनुस्सिन्थी, मनुस्सित्थिसज्जिता, कायसंसंगरागो, वायामो, तेन हत्थादीसु फुसनन्ति इमानेत्य पञ्च अङ्गानि।

कायसंसंगसिक्खापदवण्णना निड्डिता।

### ३. दुट्ठुल्लवाचासिक्खापदवण्णना

**२८५.** ततिये **असद्धम्मपटिसञ्जुत्तन्ति** मेथुनधम्मपटिसंयुत्तं। **बाला**ति सुभासितदुब्भासितं अजानन्ती, सुरामदमत्तताय उम्मत्तकादिभावेन च अजानन्तीपि एत्थेव सङ्गहति। **न ताव सीसं एतीति** सङ्घादिसंपच्चयत्तसङ्घातं मत्थकं पारिपूरि न होति, मग्गमेथुनेहि अघटितत्ता दुक्कटं पन होति एव।

**अपसादेतीति** अपसादकरवचनं करोति। **दोसं देतीति** दोसं पतिट्ठापेति। **तीहीति** अनिमित्तासीतिआदीनं पदानं अदुट्ठुल्लभावेनापि अत्थयोजनारहत्ता पस्सावमग्गादिपटिसञ्जुत्ततानियमो नत्थीति वुत्तं, तेहि पन अट्ठहि पदेहि **परिब्बाजिकावत्थुस्मि** (पारा० २८९) विय थुल्लच्चयन्ति वेदितब्बं।

**कुञ्चिकपनाळिमत्तन्ति** कुञ्चिकाछिद्रमत्तं। **सुक्खसोता**ति दकसोतस्स सुक्खताय लोहितवण्णविगमो होतीति वुत्तं।

**सुद्धानीति** मेथुनादिपदेहि अयोजितानिपि। **मेथुनधम्मेन घटितानेवा**ति इदं उपलक्खणमत्तं, वच्चमग्गपस्सावमग्गेहिपि अनिमित्ते “तव वच्चमग्गो, पस्सावमग्गो वा ईदिसो”तिआदिना घटितेपि आपत्तिकरानेव।

**२८६. गरुकापत्ति**ति भिक्खुनिया उब्भजाणुमण्डलिकाय पाराजिकापत्तिं सन्धाय वदति।

**२८७. हसन्तो हसन्तो**ति उपलक्खणमत्तं, अहसन्तोपि येन केनचि आकारेन अत्तनो विपरिणतचित्तं इत्थिया पकासेन्तो वदति, आपत्तियेव।

**कायचित्ततो**ति हत्थमुद्दाय ओभासेन्तस्स कायचित्ततो समुद्भाति।

**२८८. तस्मा दुक्कटन्ति** अपट्टिविजाननतो दुक्कटं, पट्टिविजानने पन सति थुल्लच्चयमेव **परिब्बाजिकावत्थुस्मि** (पारा० २८९) विय अखेत्तपदत्ता। खेत्तपदे हि पट्टिविजानन्तिया सङ्घादिसेसोव सिया **मेथुनधम्मयाचनवत्थुद्वये** (पारा० २८९) विय, तं पन वत्थुद्वयं मेथुनयाचनतो चतुत्थसङ्घादिसेसे वत्तब्बम्पि दुट्ठुल्लवाचस्सादमत्तेन पवत्तत्ता इध वुत्तन्ति वेदितब्बं। एवं खेत्तपदेन वदन्तस्स इत्थिया अपट्टिविजानन्तिया किं होतीति? किञ्चापि अयं नाम आपत्तीति पाळिअडुकथासु न वुत्तं, अथ खो थुल्लच्चयनेवेत्थ भवितब्बं। तथा हि अखेत्तपदे अपट्टिविजानन्तिया दुक्कटं, पट्टिविजानन्तिया थुल्लच्चयं वुत्तं। खेत्तपदे पन पट्टिविजानने सङ्घादिसेसोव वुत्तो, अपट्टिविजानने थुल्लच्चयमेव भवितुं युत्तं, न दुक्कटं, अखेत्तपदतो विसेसाभावप्पसङ्घोति गहेतब्बं। यथा चेत्थ, एवं चतुत्थसिक्खापदेपि अखेत्तपदे पट्टिविजानन्तिया थुल्लच्चयं, अपट्टिविजानन्तिया दुक्कटं, खेत्तपदे पन अपट्टिविजानन्तिया थुल्लच्चयन्ति वेदितब्बं। पाळियं **नवावुत्तन्ति** नववीतं।

**२८८. असद्धम्मं सन्धाय**ति मेथुनं सन्धाय वुत्तं। तज्झि पुत्तसमुप्पत्तिया बीजनिकखेपतो वप्पपरियायं लभतीति।

**संसीदेतीति** वहति, संसरीयतीति वा अत्थो। मनुस्सिन्थी, तथासज्जिता, दुट्ठुल्लवाचस्सादरागो, तेन ओभासनं, तङ्गणविजाननन्ति इमानेत्य पञ्च अङ्गानि।

दुट्ठुल्लवाचासिक्खापदवण्णना निड्डिता।

### ४. अत्तकामपारिचरियसिक्खापदवण्णना

**२९०.** चतुत्थे पेहेहि पत्ते पातियमानानं भिक्खापिण्डानं पातो सन्निपातोति पिण्डपातोति भिक्खाहारो वुच्चति, तंसदिसताय अज्जोपि यो कोचि भिक्खाचरियं विना भिक्खुहि लद्धो पिण्डपातोत्वेव वुच्चति। पति एति एतस्माति पच्चयोति आह “**पतिकरणट्टेन पच्चयो**”ति। रोगदुक्खानं वा पटिपक्खभावेन अयति पवत्ततीति पच्चयो। **सप्पायस्सा**ति हितस्स। **नगरपरिक्खारेही**ति नगरं परिवारेत्वा रक्खणकेहि। राजूनं गेहपरिक्खेपो परिखा उद्दापो पाकारो एसिका पलियो अट्टोति इमे सत्त नगरपरिक्खाराति वदन्ति। **सेतपरिक्खारो**ति विसुद्धिसीलालङ्कारो। अरियमग्गो हि इध “रथो”ति अधिप्पेत्तो, तस्स च सम्मावाचादयो अलङ्कारट्टेन “परिक्खारा”ति वुत्ता। **चक्कवीरियो**ति वीरियचक्को। **जीवितपरिक्खारा**ति जीवितस्स पवत्तिकारणानि। **समुदानेतब्बा**ति सम्मा उद्धं आनेतब्बा परियेसितब्बा।

**२९१. उपचारेति** यत्थ ठितो विज्जापेतुं सककोति, तादिसे ठाने। **कामो चेव हेतु च पारिचरिया च अत्थो**ति पाळियं “अत्तनो कामं, अत्तनो हेतुं, अत्तनो अधिप्पायं, अत्तनो पारिचरियं”न्ति (पारा० २९२) वुत्तेसु इमेसु चतूसु पदेसु कामो, हेतु, पारिचरिया च **अडुकथायं** वुत्ते पठमे अत्थविकप्पे विगहवाक्याधिप्पायसूचनतो अत्थो। **सेसन्ति** अधिप्पायपदमेकं। **व्यञ्जनन्ति** व्यञ्जनमत्तं, पठमविकप्पानुपयोगिताय वचनमत्तन्ति अत्थो। दूतिये अत्थविकप्पेपि एसेव नयो।

यथावुत्तमेव अत्थं पदभाजनेन संसन्दित्वा दस्सेतुं “**अत्तनो कामं अत्तनो हेतुं अत्तनो पारिचरियन्ति हि वुत्ते जानिस्सन्ति पण्डिता**”तिआदि आरद्धं। इदं वुत्तं होति — “अत्तनो हेतुं”न्ति वुत्ते अत्तनो अत्थायाति अयमत्थो विज्जायति, “अत्तनो कामं अत्तनो पारिचरियं”न्ति वुत्ते कामेन पारिचरियाति अयमत्थो विज्जायति। तस्मा इमेहि तीहि पदेहि अत्तनो अत्थाय कामेन पारिचरिया अत्तकामपारिचरियाति इमं अत्थविकप्पं विज्जू जानिस्सन्ति। “अत्तनो अधिप्पायं”न्ति वुत्ते पन अधिप्पाय-सदस्स कामित-सहेन समानत्थभावतो अत्तना अधिप्पेतकामितट्टेन अत्तकामपारिचरियाति इममत्थं विकप्पं विज्जू जानिस्सन्ति।

**एतदग्गन्ति** एसा अग्गा। **दुट्ठुल्लवाचासिक्खापदेपि** (पारा० २८५) कामं “याचितिपि आयाचितिपी”ति एवं मेथुनयाचनं आगतं, तं पन दुट्ठुल्लवाचस्सादरागवसेन वुत्तं, इध पन अत्तनो मेथुनस्सादरागवसेनाति अयं विसेसो।

विनीतवत्थूसु “**अग्गदानं देही**”ति इदं अत्तनो अत्थाय वुत्तं, दुट्ठुल्लवाचासिक्खापदे पन परत्थायपि वुत्ते सीसं एतीति वेदितब्बं। **सुभगा**ति इस्सरियादीहि सुन्दरेहि भगेहि समन्नागता। मनुस्सिन्थी, तथासज्जिता, अत्तकामपारिचरियाय रागो, तेन कामपारिचरियायचनं, तङ्गणविजाननन्ति इमानेत्य पञ्च अङ्गानि।

अत्तकामपारिचरियसिक्खापदवण्णना निड्डिता ।

#### ५. सञ्चरित्तसिक्खापदवण्णना

२९६. पञ्चमे पण्डिच्चेनाति सभावजाणेन । गतिमन्ताति सभावजाणगतियुत्ता । वेय्यत्तियेनाति इत्थिकत्तब्बेसु सिक्खितजाणेन । मेधायाति असिक्खितेसुपि तंइत्थिकत्तब्बेसु ठानुप्पत्तिया पज्जाय । छेकाति कायेन पचनादिकुसला ।

आवहनं आवाहो, दारिकाय गहणं । विधिना परकुले वहनं पेसनं विवाहो, दारिकाय दानं ।

२९७. रन्धापनं भत्तपचापनं । व्यञ्जनादिसम्पादनं पचापनं । न उपाहटन्ति न दिन्नं । कयो नाम गहणं । विक्कयो नाम दानं । तदुभयं सङ्गहेत्वा “वोहारो”ति वुत्तं ।

३००. “अब्भुतं कातुं न वट्टती”ति इमिना दुक्कटं होतीति दीपेति । “पराजितेन दातब्ब”न्ति वुत्तता अदेत्तो धुरनिकखेपेन कारेतब्बो । अचिरकाले अधिकारो एतस्स अत्थीति अचिरकालाधिकारिकं, सञ्चरित्तं । “अचिरकालाचारिक”न्ति वा पाठो । अचिरकाले आचारो अज्जाचारो एतस्साति योजना ।

३०१. किञ्चापि एहिभिक्षुआदिकापि सञ्चरित्तादिपण्णत्तिवज्जं आपत्तिं आपज्जन्ति, तेसं पन असब्बकालिकता, अप्पकत्ता च इधापि जत्तिचतुत्थेनेव कम्मेन उपसम्पन्नं सन्धाय “व्याय”न्ति आदिपदभाजनमाह । सञ्चरणं सञ्चरो, सो एतस्स अत्थीति सञ्चरी, तस्स भावो सञ्चरित्तं । तेनाह “सञ्चरणभाव”न्ति । सञ्चरतीति सञ्चरणो, पुगलो, तस्स भावो सञ्चरणभावो, तं इत्थिपुरिसानं अन्तरे सञ्चरणभावन्ति अत्थो ।

जायाभावेति भरियभावाय । जारभावेति सामिभावाय, तंनिमित्तन्ति अत्थो । निमित्तत्थे हि एतं भुम्मवचनं । किञ्चापि “जारत्तने”ति पदस्स पदभाजनं “जारी भविस्ससी”ति (पारा० ३०२) इत्थिलिङ्गवसेन पदभाजनं वुत्तं, “सञ्चरित्तं समापज्जेय्य”ति पदस्स पन निदेसे “इत्थिया वा पहितो पुरिसस्स सन्तिके गच्छति, पुरिसेन वा पहितो इत्थिया सन्तिके गच्छती”ति वुत्तता पुरिसस्सापि सन्तिके वत्तब्बाकारं दस्सेतुं “जारत्तने”ति निदेस्स इत्थिपुरिससाधारणता “इत्थिया मतिं पुरिसस्स आरोचेत्तो जारत्तने आरोचेती”ति वुत्तं । पाळियं पन पुरिसस्स मतिं इत्थिया आरोचनवसेनेव पदद्वयेपि योजना कता, तदनुसारेण इत्थिया मतिं पुरिसस्स आरोचनाकारोपि सक्का विज्जातुन्ति ।

इदानीं पाळियं वुत्तनयेनापि अत्थं दस्सेत्तो “अपिचा”ति आदिमाह । “पति भविस्ससी”ति इदं जायासदस्स इत्थिलिङ्गनियमतो पुरिसपरियायेन वुत्तं, निबद्धसामिको भविस्ससीति अत्थो । जारो भविस्ससीति मिच्छाचारभावेन उपगच्छनको भविस्ससीति अधिप्पायो ।

३०३. सेरिविहारन्ति सच्छन्दचारं । अत्तनो वसन्ति अत्तनो आणं । गोत्तवन्तेसु गोत्त-सद्वो, धम्मचारीसु च धम्म-सद्वो वत्ततीति आह “सगोत्तेही”ति आदि । तत्थ सगोत्तेहीति समानगोत्तेहि । सहधम्मिकेहीति एकस्स सत्थु सासने सहचरित्तबध्ममेहि, समानकुलधम्ममेहि वा । तेनेवाह “एकं सत्थार”न्ति आदि । एकगणपरियापनेहीति मालाकारादिकगणपरियापनेहि ।

सस्सामिका सारक्खा । यस्सा गमने रज्जा दण्डो ठपितो, सा सपरिदण्डा । पच्छिमानं द्विन्नन्ति सारक्खसपरिदण्डानं । मिच्छाचारो होतीति तासु गतपुरिसानं विय तासम्पि मिच्छाचारो होती सस्सामिकभावतो । न इतरासन्ति मातुरक्खितादीनं अट्टन्नं मिच्छाचारो नत्थि अस्सामिकता, तासु गतानं पुरिसानमेव मिच्छाचारो होती मातादीहि रक्खितता । पुरिसा हि परेहि येहि केहिचि गोपितं इत्थिं गन्तुं न लभन्ति, इत्थियो पन केनचि पुरिसेन भरियाभावेन गहिताव पुरिसन्तरं गन्तुं न लभन्ति, न इतरा अत्तनो फस्सस्स सयं सामिकता । न हि मातादयो सयं तासं फस्सानुभवन्तं ता रक्खन्ति, केवलं पुरिसगमनमेव तासं वारेन्ति । तस्मा केनचि अपरिगहितफस्सता, अत्तनो फस्सता च इत्थीनं न मिच्छाचारो, पुरिसानं पन परेहि वारिते अत्तनो असन्तकट्टाने पविट्टता मिच्छाचारोति वेदितब्बो ।

भोगेनाति भोगहेतु । उदपत्तं आमसित्वा गहिता ओदपत्तकिनी । धज-सदेन सेना एव उपलक्खिताति आह “उस्सितद्धजाया”ति आदि ।

३०५. बहिद्धा विमट्टन्ति अज्जत्थ आरोचितं । तं किरियं सम्पादेस्सतीति तस्सा आरोचेत्वा तं किच्चं सम्पादेतु वा मा वा, तं किरियं सम्पादने सामत्थियं सन्धाय वुत्तं । दारकं, दारिकञ्च अजानापेत्वा मातापितुआदीहि मातापितुआदीनञ्चेव सन्तिकं सासने पेसितेपि पटिगणहनवीमंसनपच्चाहरणसङ्घाताय तिवङ्गसम्पत्तिया सङ्घादिसेसो होती एवाति दट्टब्बं ।

यं उद्दिस्स सासनं पेसितं, तं एव सन्धाय तस्सा मातुआदीनं आरोचितेपि खेतमेव ओतिण्णभावं दस्सेतुं “बुद्धं पच्चक्खामी”ति आदि उदाहटं, इदञ्च वचनव्यत्तयहेतुव्यत्तयानं भेदेपि व्यत्तयसामञ्जतो उदाहटन्ति दट्टब्बं । तम्पि उदाहरणदोसं परिहरित्वा सुत्तानुलोमतं दस्सेतुं “तं पना”ति आदि वुत्तं । इमिना समेतीति एत्थायमधिप्पायो — यथा सयं अनारोचेत्वा अज्जेसं अन्तेवासिकादीनं वत्ता वीमंसापेत्वा पच्चाहरन्तस्स नत्थि विसङ्केतो, एवं तस्सा सयं अनारोचेत्वा आरोचनत्थं मातुआदीनं वदन्तस्सापि मातुआदयो तं किरियं सम्पादेन्तु वा मा वा । यदि हि तेसं मातुआदीनं तुण्हीभूतभावम्पि पच्चाहरति, विसङ्केतो नत्थीति ।

धरकिच्चं नेतीति धरणी । अज्जतरं वदन्तस्स विसङ्केतं अदिन्नादानादीसु आणत्तियं वत्थुसङ्केतो वियाति अधिप्पायो । मूलट्टानञ्च वसेनाति एत्थ पुरिसस्स मातुआदयो सासनपेसने मूलभूतता “मूलट्टा”ति वुत्ता ।

३२२. पाळियं मातुरक्खिताय माता भिक्षुं पहिणतीति एत्थ अत्तनो वा धीतु सन्तिकं “इत्थन्नामस्स भरिया होतु”ति भिक्षुं पहिणति, पुरिसस्स वा तस्स जातकानं वा सन्तिकं “मम धीता इत्थन्नामस्स भरिया होतु”ति पहिणतीति गहेतब्बं । एसेव नयो सेसेसुपि । पुब्बे वुत्तनयत्ताति पठमसङ्घादिसेसो वुत्तनयता ।

३३८. अन्ते एकेनाति एकेन पदेन । एत्तोव पक्कमतीति अपच्चाहरित्वा ततोव पक्कमति । “अनभिनन्दित्वा”ति इदं तथा पटिपज्जमानं सन्धाय वुत्तं । संतिपि अभिनन्दने सासनं अनारोचेत्तो पन न वीमंसति नाम । तत्तिवपदे वुत्तनयेनाति “सो तस्सा वचनं अनभिनन्दित्वा”ति आदिना वुत्तनयेन । पाळियं अन्तेवासि वीमंसापेत्वाति “अयं तेसं वत्तुं समत्थो”ति अन्तेवासिना वीमंसापेत्वा । सचे पन सो अन्तेवासिको तं वचनं आदियित्वा तुण्ही होती, तस्सापि तं पवत्तिं पच्चाहरन्तस्स आचरियस्स सङ्घादिसेसोव मातुआदीसु तुण्हीभूतेसु तेसं तुण्हीभावं पच्चाहरन्तस्स वियाति दट्टब्बं ।

पाळियं चतुत्थवारे असतिपि गच्छन्तो सम्पादेति, आगच्छन्तो विसंवादेति अनापत्तीति अत्थतो आपन्नमेवातिकत्वा वुत्तं “चतुत्थे अनापत्ती”ति ।

३४०. कारुकान्ति वट्ठकीआदीनं तच्छकअयोकारतन्तवायरजकन्हापितका पञ्च कारवो “कारुका”ति वुच्चन्ति । एवरूपेन...पे... अनापत्तीति तादिसं गिहिवेय्यावच्चम्पि न होतीति कत्वा वुत्तं ।

कायतो समुदातीति पण्णत्तिं वा अलंवचनीयभावं वा तदुभयं वा अजानन्तस्स कायतो समुदाति । एस नयो इतरद्वयेपि । अलंवचनीया होन्तीति इत्थी वा पुरिसो वा उभोपि वा जायाभावे, सामिकभावे च निक्खितछन्दताय अच्यन्तवियुत्तता पुन अज्जमज्जं समागमत्थं “मा एवं अकरित्वा”ति आदिना वचनीयताय वत्तब्बताय अलं अरहाति अलंवचनीया, अलं वा कत्तुं अरहं सन्धानवचनमेतेसु इत्थिपुरिससूति अलंवचनीया, सन्धानकारस्स वचनं विना असङ्गच्छनका परिच्यत्तायेवाति अधिप्पायो ।

पण्णत्तिं पन जानित्वाति एत्थ अलंवचनीयभावं वाति वत्तब्बं । तेनेव मातिकाटुकथायञ्च “तदुभयं पन जानित्वा”ति आदि वुत्तं । भिक्षुं अजानापेत्वा अत्तनो अधिप्पायं पण्णे लिखित्वा “इमं पण्णं असुक्कस्स देही”ति दिन्नं हरन्तस्स सञ्चरित्तं न होती । पण्णत्तिअलंवचनीयभावअजाननवसेनेव हि इमं सिक्खापदं अचित्तकं, न सब्बेन सब्बं सञ्चरणभावम्पि अजाननवसेन, पाळियञ्च अट्टकाथायञ्च

आरोचनमेव दस्सितं। तस्मा सन्दस्सनत्थं जत्वा पण्णसन्दस्सनवसेनापि कायेन वा वाचाय वा आरोचेन्तस्सेव आपत्तिं होतीति गहेतब्बं।

**३४१. यथा यथा येसु येसु जनपदेसु**ति परिच्यतभावप्पकासनत्थं कत्तब्बं पण्णदानजातिजनस्सरादिजानापनादितंतदेसनियतं पकारं दस्सेति, इदञ्च निबद्धभरियाभावेन गहितं सन्धाय वुत्तं। अत्तनो रुचिया सङ्गतानं पन इत्थीनं, मुहत्तिकाय च पुरिसे चित्तस्स विरञ्जनमेव अलंवचनीयभावे कारणन्ति ददुब्बं। **दुदुल्लादीसुपीति आदि-**सद्देन अत्तकामसञ्चरितानि सङ्गण्हाति, एत्थ पन पाळियं किञ्चापि “इत्थी नाम मनुस्सिस्थी न यक्खी”ति आदिना मनुस्सिस्थीपुरिसा न दस्सिता, तथापि “दस इत्थियो मातुरक्खिता”ति आदिना मनुस्सिस्थीनञ्जेव दस्सितत्ता पुरिसानम्पि तदनुगुणानमेव गहेतब्बतो मनुस्सजातिकाव इत्थिपुरिसा इधाधिपेता। तस्मा येसु सञ्चरितं समापज्जति, तेसं मनुस्सजातिकता, न नालंवचनीयता, पटिग्गणहन, वीमंसन, पच्चाहरणानीति इमानेत्य पञ्च अङ्गानि।

सञ्चरितसिक्खापदवण्णना निड्डिता।

#### ६. कुटिकारसिक्खापदवण्णना

**३४२. छट्ठे एत्तकेनाति** एत्तकेन दारुआदिना। **अपरिच्छिन्नप्पमाणायाति** अपरिच्छिन्नदारुआदिपमाणाया। **मूलच्छेज्जायाति** परसन्तकभावतो मोचेत्वा अत्तनो एव सन्तककरणवसेनाति अत्थो। एवं याचतो अज्जातकविज्जतिदुक्कटञ्चेव दासपटिग्गहणदुक्कटञ्च होति “दासिदासपटिग्गहणा पटिविरोतो होती”ति (दी० नि० १.१०, १.१४) वचनं निस्साय अट्टकथासु पटिक्खितत्ता। **सककम्मन्ति** पाणवधकम्मं। इदञ्च पाणातिपातदोसपरिहाराय दुक्कटं वुत्तं, न विज्जतिपरिहाराय। **अनियमेत्वापि न याचितब्बाति** सामीचिदस्सनत्थं वुत्तं, सुद्धचित्तेन पन हत्थकम्मं याचन्तस्स आपत्तिं नाम नत्थि। **यदिच्छकं कारापेतुं वट्टतीति** “हत्थकम्मं याचामि, देथा”ति आदिना अयाचित्वापि वट्टति। सकिच्चपसुत्तम्पि एवं कारापेत्तस्स विज्जति नत्थि एव, सामीचिदस्सनत्थं पन विभजित्वा वुत्तं।

**सब्बकप्पियभावदीपनत्थं**ि सब्बसो कप्पियभावदीपनत्थं। **मूलं देथाति वत्तुं वट्टतीति** “मूलं दस्सामा”ति पठमं वुत्तत्ता विज्जति वा मूलन्ति वचनस्स कप्पियाकप्पियवत्थुसामञ्जवचनत्तेपि निड्डितभक्तिक्क्यानं दापनतो अकप्पियवत्थुसादियनं वा न होतीति कत्वा वुत्तं। **अनज्झावुत्थकन्ति** अपरिग्गहितं।

**मञ्च...पे०... चीवरादीनि कारापेतुकामेनापीति** आदीसु चीवरं कारापेतुकामस्स अज्जातकअप्पवारिततन्तवार्येहि हत्थकम्मयाचनवसेन वायापने विज्जतिपच्यया दुक्कटाभावेपि **चीवरवायापनसिक्खापदेन** यथारहं पाचितियदुक्कटानि होन्तीति वेदितब्बं। **अकप्पियकहापणादि न दातब्बन्ति** कप्पियमुखेन लद्धम्पि हत्थकम्मकरणत्थाय इमस्स कहापणं देहीति कत्वा दानं न वट्टतीति वुत्तं। पुब्बे कतकम्मस्स दापने किञ्चापि दोसो न दस्सति, तथापि असारुप्पमेवाति वदन्ति। कतकम्मत्थायपि कातब्बकम्मत्थायपि कप्पियवोहारेन परियायतो भतिं दापेन्तस्स नत्थि दोसो। **वत्तन्ति** चारित्तं, आपत्तिं न होतीति अधिप्पायो।

**कप्पियं कारापेत्वा पटिग्गहेतब्बानीति** साखाय मक्खिकबीजनेन पण्णादिच्छेदे बीजगामकोपनस्स चेव तत्थ लगगरजादिअप्पटिग्गहितस्स च परिहारत्थाय वुत्तं। तदुभयासङ्काय असति तथा अकरणे दोसो नत्थि। नदीयादीसु उदकस्स अपरिग्गहितताय “**आहराति वत्तुं वट्टतीति**”ति वुत्तं। “**न आहटं परिभुज्जितुं**”ति वचनतो विज्जतिआ आपन्नं दुक्कटं देसेत्वापि तं वत्थुं परिभुज्जन्तस्स पुन परिभोगे दुक्कटमेव, पञ्चन्मप्पि सहधम्मिकानं न वट्टति। “**अलज्जीहि पन भिक्खूहि वा सामणोरेहि वा हत्थकम्मं न कारेतब्बं**”ति सामञ्जतो वुत्तत्ता अत्तनो अत्थाय यंकिञ्चि हत्थकम्मं कारेतुं न वट्टति। यं पन अलज्जी निवारियमानोपि बीजनादिं करोति, तत्थ दोसो नत्थि। चेतियकम्मादीनि पन तेहि कारापेतुं वट्टति। एत्थ च “अलज्जीहि सामणोरेही”ति वुत्तत्ता “सञ्चिच्च आपत्तिं आपज्जती”ति आदि (परि० ३५९) अलज्जीलक्खणं उक्कट्टवसेन उपसम्पन्ने पटिच्च उपलक्खणतो वुत्तन्ति तलक्खणविरोहितानं सामणोरादीनं लिङ्गत्येनकगोत्रभुपरियोसानानं भिक्खुपटिज्जानं दुस्सीलानम्पि साधारणवसेन अलज्जितालक्खणं यथाविहितपटिपत्तिं सञ्चिच्च अतिट्टनमेवाति गहेतब्बं।

**आहरापेत्तस्स दुक्कटन्ति** विज्जतिक्खणे विज्जतिपच्यया, पटिलाभक्खणे गोणानं सादियनपच्यया च दुक्कटं। गोणञ्चि अत्तनो अत्थाय अविज्जतिआ लद्धम्पि सादितुं न वट्टति “हत्थिगवस्सवळवपटिग्गहणा पटिविरोतो होती”ति (दी० नि० १.१०, १.१४) वुत्तत्ता। तेनेवाह “**जातिपवारितडानतोपि मूलच्छेज्जाय याचितुं न वट्टतीति**”ति। एत्थ च विज्जतिदुक्कटाभावेपि अकप्पियवत्थुयाचनेपि पटिग्गहणेपि दुक्कटमेव। **रक्खित्वाति** चोरादिउपद्रवतो रक्खित्वा। **जग्गित्वाति** तिणदानादीहि पोसेत्वा।

**जातिपवारितट्टाने पन वट्टतीति** सकटस्स सम्पटिच्छितब्बत्ता मूलच्छेज्जवसेन याचितुं वट्टति। **तावकालिकं वट्टतीति** उभयत्थापि वट्टतीति अत्थो। वासिआदीनि पुगलिकानिपि वट्टन्तीति आह “**एस नयो वासी**”ति आदि। वल्लिआदीसु च परपरिग्गहितेसु च एसेव नयोति योजेतब्बं। “**गरुभण्डप्पहोनेकेसुयेवा**”ति इदं विज्जति सन्धाय वुत्तं। अदिन्नादाने पन तिणसलाकं उपादाय परपरिग्गहितं थैयाचित्तेन गणहतो अवहारो एव, भण्डाधेन कारेतब्बो। **वल्लिआदीसूति** एत्थ **आदि-**सद्देन पाळिआगतानं (पारा० ३४९) वेळुआदीनं सङ्गहो। तत्थ यस्मिं पदेसे हरितालजातिहिङ्गुलादि अप्पकम्पि महग्घं होती, तत्थ तं तालपक्कपमाणतो ऊनम्पि गरुभण्डमेव, विज्जापेतुञ्च न वट्टति।

**साति** विज्जति। परिकथादीसु “सेनासनं सम्बाध”ति आदिना (विसुद्धि० १.१९) परियायेन कथनं **परिकथा** नाम। उज्जुकमेव अकथेत्वा “भिक्खून् किं पासादो न वट्टतीति”ति आदिना (विसुद्धि० १.१९) अधिप्पायो यथाविभूतो होति, एवं भासनं **ओभासो** नाम। सेनासनादिअत्थं भूमिपरिकम्मादिकरणवसेन पच्ययुप्पादाय निमित्तकरणं **निमित्तकम्मं** नाम। **उक्कमन्तीति** अपगच्छन्ति।

**३४४. मणि कण्ठे अस्साति मणिकण्ठो। देववण्णन्ति** देवत्तभावं।

**३४५. पाळियं पत्तेन मे अत्थोति** (पारा० ३४५) अनत्थिकम्पि पत्तेन भिक्खु एवं वदापेन्तो भगवा सोत्थिया मन्तपदवसेन वदापेसि। सोपि भिक्खु भगवता आणत्तवचनं वदेमीति अवोच, तेनस्स मुसा न होति। अथ वा “**पत्तेन मे अत्थो**”ति इदं “**पत्तं ददन्तू**”ति इमिना समानत्थन्ति ददुब्बं। एस नयो **मणिना मे अत्थोति** एत्थापि। तस्मा अज्जेसम्पि एवरूपं कथेन्तस्स, कथापेन्तस्स च वचनदोसो नत्थीति गहेतब्बं।

**३४९. उद्धंमुखं** लिता उल्लित्ता, छदनस्स अन्तो लिम्पन्ता हि येभुय्येन उद्धंमुखा लिम्पन्ति। तेनाह “**अन्तोलित्ता**”ति। अधोमुखं लिता अवलित्ता। बहि लिम्पन्ता हि येभुय्येन अधोमुखा लिम्पन्ति। तेनाह “**बहिलित्ता**”ति।

**ब्यञ्जनं विलोमितं भवेय्याति** यस्मा “कारयमानेना”ति इमस्स हेतुकतुवचनस्स “करोन्तेना”ति इदं सुद्धकतुवचनं परियायवचनं न होति, तस्मा “करोन्तेन वा कारापेन्तेन वा”ति कारयमानेनाति बहुउद्देशपदानुगुणं करणवचनेनेव पदत्थं कत्वा निद्देशे कते ब्यञ्जनं विरुद्धं भवेय्य, तथा पन पदत्थवसेन अदस्सेत्वा सामत्थियतो सिद्धमेवत्थं दस्सेतुं पच्यत्तवसेन “करोन्तो वा कारापेन्तो वा”ति पदभाजनं वुत्तन्ति अधिप्पायो। तेनाह “**अत्थमत्तमेवा**”ति आदि। पदत्थतो, सामत्थियतो च लब्धमानं अत्थमत्तमेवाति अत्थो। यच्चि कारयमानेन पटिपज्जितब्बं, तं करोन्तेनापि पटिपज्जितब्बमेवाति इदमेत्थ सामत्थियं ददुब्बं।

**उद्देशोति** सामिभावेन उद्दिसितब्बो। **सेतकम्मन्ति** सेतवण्णकरणत्थं सेतवण्णमत्तिकाय वा सुधाय वा कततनुकलेपो, तेन पन सह भिनियमाने पमाणातिक्कन्तं होतीति सङ्कानिवारणत्थं आह “**अब्बोहारिक**”ति। तेन पमाणातिक्कन्तवोहारं न गच्छति कुटिया अनङ्गत्ताति अधिप्पायो।

यथावुत्तस्स अत्थस्स वुत्तनयं दस्सेन्तेन “**वुत्तञ्जेत**”ति आदि वुत्तं। तत्थ “आयामतो च वित्थारतो चा”ति अवत्वा “आयामतो वा वित्थारतो वा”ति विकप्पत्थस्स वा-सदस्स वुत्तत्ता एकतोभागे वट्टितेपि आपत्तीति पकासितन्ति अधिप्पायो। **तिहत्थाति** पकतिहत्थेन तिहत्था, “वट्टिकीहत्थेना”तिपि (सारत्थ० टी० २.३४८-३४९) वदन्ति, तं “यत्थ...पे०... अयं कुटीति सङ्ख्यं न गच्छती”ति इमिना विरुज्जति वट्टिकीहत्थेन तिहत्थायपि कुटिया पमाणयुत्तस्स मञ्चस्स सुखेन परिवत्तनतो। “**ऊनकचतुहत्था वा**”ति इदञ्च पच्छिमप्पमाणयुत्तस्स मञ्चस्स अपरिवत्तनारहं सन्धाय वुत्तं। यदि हि पकतिहत्थेन

चतुहत्थार्यपि कुटिया पमाणयुतो मज्जो न परिवर्तति, सा अकुटीयेव, तस्मा मज्जपरिवत्तनमत्तेनेव पमाणन्ति गहेतब्बं। **पमाणयुतो मज्जो**ति सब्बपच्छिमपमाणयुतो मज्जो। सो हि पकर्तविदत्थिया नर्वाविदत्थिको, अट्टविदत्थिको वा होति, ततो खुट्टको मज्जो सीसूपधानं ठपेत्वा पादं पसारेत्वा निपज्जितुं न पहाति। **पमाणतो ऊनतरम्पी**ति उक्कटुप्पमाणतो ऊनतरम्पि, इदञ्च हेट्टिमपमाणयुत्तायपि वत्थुदेसना कातब्बा, न वाति सन्देहनित्तनत्थं वुत्तं।

**कलललेपो**ति केनचि सिलेसेन कतलेपो, सेतरत्तादिवण्णकरणत्थं कततम्बमत्तिकादिकलललेपो वा। तेनाह “**अलेपो एवा**”ति। तेन तळाकादीसु घुनेन कललेन कतबहललेपो मत्तिकालेपेन एव पविसति लेपवोहारगमनतोति दस्सेति। **पिट्टुसङ्घाटो** नाम द्वारबाहसङ्घातो चतुरस्सदारुसङ्घाटो, यत्थ सउत्तरपासं कवाटं अपस्साय द्वारं पिदहन्ति।

**ओलोकेत्वापी**ति अपलोकेत्वापि, अपलोकेनकम्मवसेनापीति अत्थो, अपसदस्सापि ओआदेसो कतोति दट्टब्बो।

**३५३. निबद्धगोचरद्वानम्पी**ति एत्थ गोचराय पक्कमन्तानं हत्थीनं निबद्धगमनमग्गोपि सङ्गहति। **एते**सन्ति सीहादीनं। **गोचरभूमी**ति आमिसग्गहणद्वानं। **न गहिता**ति पट्टिक्खिपितम्बभावेन न गहिता, न वारिताति अत्थो। सीहादीनञ्च गोचरगहणद्वानं हत्थीनं विय निबद्धं न होति, यत्थ पन गोमहिंसादिपाणका सन्ति, दूरम्पि तं ठानं सीधं गन्त्वा गोचरं गण्हन्ति। तस्मा तेसं तं न वारितं, निबद्धगमनमग्गोव वारितो आसयतो गमनमग्गस्स निबद्धता। **अज्जेसम्पि वाळान**ति अरज्जमहिंसादीनं। **आरोग्यत्थाया**ति निरुपहवाय। **सेसानी**ति पुब्बण्णनिस्सितादीनि सोळस। तानि च जनसम्मदमहासम्मदकुटिविलोपसरीरपीळादिउपहवेहि **सउपहवानी**ति वेदितब्बानि। अभिहनन्ति एत्थाति **अब्भाघातं**। “वेरिघर”न्ति वुत्तमेवत्थं विभावेतुं “**चोरानं मारणत्थाय कतं**”न्ति वुत्तं।

**धम्मगन्धिक**ति धम्मने दण्डनीति या हत्थपादादिच्छिन्दनगन्धिका। गन्धिकति च यस्स उपरि हत्थादिं ठपेत्वा छिन्दन्ति, तादिसं दारुखण्डफलकाति वुच्चति, तेन च उपलक्खितं ठानं। पाळियं **रच्छानिस्सितन्ति** रथिकानिस्सितं। **चच्चरनिस्सितन्ति** चतुन्नं रथिकानं सन्धिनिसितं। **सकटेना**ति इडुकसुधादिभण्डाहरणसकटेन।

**पाचिनन्ति** सेनासनस्स भूमितो पट्टाय याव तलावसानं चिन्तितव्ववत्थुकं अधिद्वानं, यस्स उपरि भित्तिथम्भादीनि च पतिट्टुपेत्ति। तेनाह “**ततो पट्टाया**”तिआदि। किञ्चापि इध पुब्बपयोगसहपयोगानं अदिन्नादाने विय विसेसो नत्थि, तथापि तेसं विभागेन दस्सनं भिन्दित्वा वा पुन कातब्बाति एत्थ कुटिया भेदेन परिच्छेददस्सनत्थं कतं। **तदत्थाया**ति तच्छनत्थाय। **एवं कतन्ति** अदेसितवत्थुकं पमाणातिक्कन्तं वा कतं। **पण्णसालन्ति** पण्णकुटिया तिणपण्णचुण्णस्स अपरिपतनत्थाय अन्तो च बहि च लिम्पन्ति, तं सन्धायेतं वुत्तं। तेनेव वक्खति “पण्णसालं लिम्पती”ति।

अन्तोलेपेनेव निट्टापेतुकामं सन्धाय “**अन्तोलेपे वा**”तिआदि वुत्तं। **बहिलेपे वा**ति एत्थापि एसेव नयो। **तस्मिन्ति** द्वारबन्धे वा वातपाने वा ठपितेति योजेतब्बं। **तस्सोका**सन्ति तस्स द्वारबन्धादस्स ओकासभूतं छिदं। **पुन वट्टेत्वा**ति पुब्बे ठपितोकासं खुट्टकं चे, तं द्वारवातपानच्छिदभेदनेन पुन वट्टेत्वा। **ठपितेति** द्वारबन्धे वा गवक्खसङ्घाटे वा आनेत्वा तस्मिं वट्टिते वा अवट्टिते वा छिदं पतिट्टापिते। **लेपो न घटीयतीति** समन्ततो दिन्नो लेपो तथा ठपितेन द्वारबन्धेन वा वातपानेन वा सङ्गि न घटीयति, एकाबद्धं न होतीति वुत्तं होति। तन्ति द्वारबन्धं वा वातपानं वा। **पठममेव सङ्घादिसेसो**ति तेसं समन्ततो पुब्बेव लेपस्स घटेत्वा निट्टापितत्ता द्वारबन्धवातपानानं ठपनतो पुब्बे एव सङ्घादिसेसो।

**लेपघटनेनेवा**ति इडुकाहि कतवातपानादीनि विना समन्ता लेपघटनेनेव आपत्ति वातपानादीनं अलेपोकासत्ता, इडुकाहि कतत्ता वा, वातपानादीसुपि लेपस्स भित्तिलेपेन सङ्गि घटनेनेवातिपि अत्थं वदन्ति। तत्थाति पण्णसालायं। **आलोकत्थाय अट्टङ्गुलमत्तं ठपेत्वा लिम्पतीति** दारुकुट्टस्स दारूनमन्तरा अट्टङ्गुलमत्तं विवरं याव लिम्पति, ताव आलोकत्थाय ठपेत्वा अवसेसं सकुट्टच्छदनं लिम्पति, पच्छा एतं विवरं लिम्पिस्सामीति एवं ठपेन अनापत्तीति अधिप्पायो। सचे पन एवं अकत्वा सब्बदापि आलोकत्थाय वातपानवसेन ठपेति, वातपानद्वारसङ्घाटे घटिते लेपो च घटीयति, पठममेव सङ्घादिसेसोति दस्सेन्तो आह “**सचे**”तिआदि। मत्तिकाकुट्टमेव मत्तिकाकेलेपसङ्ख्यं गच्छतीति आह “**सचे मत्तिकाय कुट्टं करोति, छदनलेपेन सङ्गि घटने आपत्ती**”ति। उभिन्नं **अनापत्तीति** पुरिमस्स लेपस्स अघटितत्ता द्रुतियस्स अनुद्देसिकताय असम्भवतो।

**३५४. आपत्तिभेददस्सनत्थन्ति** तत्थ “सारम्भे च अपरिक्कमने च दुक्कटं अदेसितवत्थुक्ताय, पमाणातिक्कन्तताय च सङ्घादिसेसो”ति एवं आपत्तियेव विभागदस्सनत्थं।

**३६१. अनिट्टिते कुटिकम्मे**ति लेपपरियोसाने कुटिकम्मे एकपिण्डमत्तेनपि अनिट्टिते। “**अज्जस्स पुग्गलस्स वा**”ति इदं मूलद्वस्स अनापत्तिदस्सनत्थं वुत्तं। येन पन लद्धं, तस्सापि तं निट्टापेन्तस्स “परेहि विष्पकतं अत्तना परियोसार्पेति, आपत्ति सङ्घादिसेसस्सा”तिआदिवचनतो (पारा० ३६३) आपत्तियेव। पुब्बे कतकम्ममि लद्धकालतो पट्टाय अत्तनो अत्थायेव कतं नाम होति, तस्मा तेनापि सङ्गस्स वा सामणेरादीनं वा दत्त्वा निट्टापेतब्बं। “**अज्जस्स वा**”ति इदं अनुपसम्पन्नेयेव सन्धाय वुत्तन्ति गहेतब्बं, केचि पन “परतो लद्धाय कुटिया निट्टापने अनापत्तिआदितो पट्टाय अत्तनो अत्थाय अकतत्ता”ति वदन्ति। **अपचिन्तितब्बा**ति याव पाचिना विद्धंसेतब्बा। **भूमिसमं कत्वा**ति पाचिनतलावसानं कत्वा।

**३६४. लेणन्ति** पब्बतलेणं। **न हेत्थ लेपो घटीयतीति** छदनलेपस्स अभावतो वुत्तं, विसुं एव वा अनुज्जातत्ता। सचे लेणस्स अन्तो उपरिभागे चित्तकम्मादिकरणत्थं लेपं देन्ति, उल्लित्तकुटिसङ्ख्यं न गच्छति, वट्टति एव। इडुकादीहि कतं चतुरस्सकूटागारसण्ठानं एककण्णिकाबद्धं नातिउच्चं पटिस्सयवसेसं “**गुहा**”ति वदन्ति, तादिसं महन्तम्पि उल्लित्तावलिक्तं करोन्तस्स अनापत्ति। **भूमिगुहन्ति** उमङ्गगुहं।

**अट्टकथासूति** कुक्कुटच्छिक्कगेहन्तिआदीसु अट्टकथासु तिणकुटिका कुक्कुटच्छिक्कगेहन्ति वत्त्वा पुन तं विवरन्तेहि अट्टकथाचरियेहि छदनं दण्डकेहि...पे०... वुत्ताति योजना दट्टब्बा। तत्थ **दण्डकेहि जालबद्धं कत्वा**ति दीघतो, तिरियतो च ठपेत्वा वल्लियादीहि बद्धदण्डकेहि जालं विय कत्वा। **सो चाति** उल्लित्तादिभावो। **छदनमेव सन्धाय वुत्तो**ति छदनस्स अन्तो च बहि च लिम्पनमेव सन्धाय वुत्तो। मत्तिकाकुट्टे भित्तिलेपं विनापि भित्तिया सङ्गि छदनलेपस्स घटनमत्तेनापि आपत्तिसम्भवतो छदनलेपोव पधानन्ति वेदितब्बं। किञ्चापि एवं, अथ खो “उपचिकामोचनत्थमेव हेट्टा पासाणकुट्टं कत्वा तं अलिम्पित्वा उपरि लिम्पति, लेपो न घटीयति नाम, अनापत्तियेवा”तिआदिवचनतो पन छदनलेपघटनत्थं सकलायपि भित्तिया लेपो अवस्सं इच्छितब्बोव तस्सा एकदेसस्स अलेपेपि छदनलेपस्स अघटनतो। तेनाह “**लेपो न घटीयती**”ति। **एत्थाति** तिणकुटिकायं। न केवलञ्च तिणकुटिकायं एव, लेणगुहादीसुपि सारम्भापरिक्कमनपच्चयापि अनापत्ति एव, इमिना पन नयेन अज्जस्सत्थाय कुटि करोन्तस्सापि सारम्भादिपच्चयापि अनापत्तिभावो अत्थतो दस्सितो एव होतीति।

तत्थ पाळिविरोधं परिहरितुं “**यं पना**”तिआदि वुत्तं। अयञ्हेत्थ अधिप्पायो — अज्जस्स उपज्झायादिनो अत्थाय करोन्तस्स सारम्भादिपच्चयापि अनापत्ति एव, यं पन पाळियं “आपत्तिकारुकानं तिण्णं दुक्कटानं”न्तिआदिवचनं, तं अज्जस्सत्थाय करोन्तस्स, न सारम्भादिपच्चया आपत्तिदस्सनत्थं वुत्तं, किञ्चरहि यथासमादिट्टाय कुटिया अकरणपच्चया आपत्तिदस्सनत्थन्ति। तत्थ **यथासमादिट्टाया**ति “भिक्षुसु समादिसित्वा पक्कमति, ‘कुटि मे करोथा’ति समादिसति च, देसितवत्थुका च होतु अनारम्भा च सपरिक्कमना चा”ति एवं कारापकेन आणत्तिककर्म मुञ्चित्वा करणपच्चयाति अधिप्पायो। कत्थचि पन पोत्थके “कुटिलक्खणप्पत्तम्पि कुटि अज्जस्स...पे०... करोन्तस्स अनापत्ती”ति इमस्स पाठस्स अनन्तरं “यं पन आपत्ति कारुकानं”न्तिआदिपाठो दिस्सति, सोव युत्ततो। एवञ्चि सति तत्थ अधिप्पायो पाकटो होति।

**अनापत्तीति वत्त्वा**ति वासागारत्थाय एव अनियमितत्ता अनापत्तीति वत्त्वा। **अदेसापेत्वा करोतो**ति पमाणयुत्तम्पि करोतो। **अचित्तकन्ति** पण्णत्तिअजाननचित्तेन अचित्तकं। उल्लित्तादीनं अज्जतरता, हेट्टिमपमाणसम्भवो, अदेसितवत्थुक्ता, पमाणातिक्कन्तता, अनुद्देसिकता, वासागारता, लेपघटनाति सत्त वा पमाणयुत्तङ्गादीसु छ वा अङ्गानि।

कुटिकारसिक्खापदवण्णना निट्टिता।

### ७. विहारकारसिक्खापदवण्णना

३६५. सत्तमे पूजावचनपण्योगे कत्तरि सामिवचनस्सपि इच्छित्ता “**गामस्स वा पूजितं**”न्ति वुत्तं। रूपिन्द्रियेसु विज्जमानं सन्धाय एकिन्द्रियता वुच्चतीति आह “**काविन्द्रियं सन्धाया**”ति। ते हि मनिन्द्रियमि भूतगामानं इच्छन्ति।

३६६. **किरियतो समुद्धानाभावो**ति वत्थुनो अदेसनासङ्गातं अकिरियं विना न केवलं किरियाय समुद्धानाभावो। किरियाकिरियतो हि इदं समुद्धानि। इमस्मिं सिकखापदे **भिक्षू वा अनभिनेय्या**ति एत्थ वा-सदो समुच्चयत्थो, तेन “महल्लकञ्च विहारं करेय, भिक्षू च अनभिनेय्या”ति किरियञ्च अकिरियञ्च समुच्चिनोति।

विहारकारिसिक्खापदवण्णना निद्रुति।

#### ८. पठमदुद्दुदोससिक्खापदवण्णना

३८०. अट्ठमे पाकारेन च परिक्खित्तन्ति सम्बन्धो। **गोपुरट्टालकयुत्तन्ति** एत्थ पाकारेसु युद्धत्थाय कतो वङ्कसण्ठानो सरक्खेपछिदसहितो पतिस्सयविसेसो **अट्टालको** नाम।

**सोळसविधस्सा**ति चतूहि मग्गेहि पच्चेकं चतुसु सच्चेसु कत्तब्बस्स परिज्जापहानसच्छिकिरियाभावनासङ्गातस्स सोळसविधस्स। ते **गारवेना**ति ते किलन्तरूपा भिक्षू भत्तुदेसकट्टाने सन्निपतितानं भिक्षून् पुरतो अत्तनो किलन्तसरीरं दस्सेत्वा उद्दिशापने गारवेन, लज्जायाति अत्थो। **तेरसपीति** भत्तुदेसकसेनासनागाहापक भण्डागारिकचौवरपटिग्गाहकचौवरभाजकयागुभाजकफलभाजकखज्जभाजक अप्पमत्तकविस्सज्जकसाटियगाहापकपत्तगाहापक आरामिकपेसकसामणेरपेसकसम्मुतीन् वसेन तेरसपि।

पाळियं “**अपिसु**”ति इदं “अपिचा”ति इमिना समानत्थो निपातो। **एवं सब्बपदेसु**ति पीठादीसु सेनासनसाधारणेसु, कतिकसण्ठानपवेसनिकखमनकालादीसु पन विसुं विसुं अधिद्विहत्वा कथापेतीति वेदितव्वं। **अयज्झि निम्मितानं धम्मताति** अनियमेत्वा निम्मितानं वसेन वुत्तं, नियमेत्वा पन “एत्तका इदञ्चिदञ्च कथेन्तु, एत्तका तुण्ही भवन्तु, नानापकारं इरियापथं, किरियञ्च कप्पेन्तु, नानावण्णसण्ठानवयोनियमा च होन्तु”ति परिकम्मं कत्वा समापज्जित्वा वुड्ढाय अधिद्विते इच्छित्तिच्छित्तपकारा अज्जमज्जमि विसदिसाव होन्ति। **अवत्थुकवचनन्ति** निरत्थकवचनं।

३८३. **एकचारिकभत्तन्ति** अतिमनापत्ता सब्बेसमि पटिलाभत्थाय विसुं ठितिकाय पापेतब्बभन्तं। **तद्धितवोहारेना**ति चत्तारि पमाणमस्स चतुक्कन्ति एवं तद्धितवोहारेन। **भवोति** भवितव्वो। **अतीतं दिवसभागान्ति** तस्मिञ्जेव दिवसे सलाकदानकखणं सन्धाय वुत्तं। **हिय्योति** इमस्स अज्ज इच्चेव अत्थो। तेनेवाहंसु “स्वे अम्हे”तिआदि। **पधूपायन्ताति** पुनपुनं उपज्जनकोधवसेन पधूपायन्ता। पाळियं **किस्स मन्ति** केन कारणेन मयाति अत्थो।

३८४. “सरसि त्व”न्ति इदं एकं वाक्यं कत्वा, “कत्ता”ति इदञ्च कत्तरि रितुपचयन्तं कत्वा, “असी”ति अज्जाहारपदेन सह एकवाक्यं कत्वा, “एवरूप”न्ति इदं, “यथायं भिक्षुनी आहा”ति इदञ्च द्वीसु वाक्येसु पच्चेकं योजेतव्वन्ति दस्सेतुं “**अथ वा**”तिआदिमाह। **उज्जुकमेवाति** त्वा-पच्चयन्तवसेन पठमं अत्थगगहणं उज्जुकन्ति अधिप्पायो।

दुतियो दब्ब-सदो पण्डितादिवचनाति आह “**न खो दब्ब दब्बा पण्डिता**”ति। **निब्बेठेनीति** दोसतो मोचेन्ति। **विनयलक्खणे तन्तिन्ति** विनयविनिच्छयलक्खणविसये आगमं ठपेन्तो। पाळियं **यतो अहन्ति**आदीसु यस्मिं काले अहं जातो, ततो पभुति सुपिनन्तेनापि मेथुनं धम्मं नाभिजानामि, न च तस्स मेथुनधम्मस्स पटिसेविता अहोसन्ति अत्थो दडुब्बो। तेनाह “**सुपिनन्तेनपी**”तिआदि। इदानी एकवाक्यवसेने योजनं दस्सेतुं “**अथ वा**”तिआदि वुत्तं। **न घटतीति** यस्मा खीणासवस्स वचनेन एतस्सा वचनं न समेति, तज्च न घटनं यस्मा पुब्बे भिक्षूसु पसिद्ध्यय एव अच्चन्तदुस्सीलताय एव अहोसि, तस्मा मेत्तियं भिक्षुनि नासेथाति अधिप्पायो।

**चर पिरेति** चर गच्छ पिरे पर अमाक त्वं। **विनस्साति** अदस्सनं गच्छ। **अकारिकाति** अमूलकेन चोदनाय न कारिका। **कारको होतीति** “अय्येनहि दूसिता”ति इमाय पटिज्जाय यदि नासिता, तदा थेरो भिक्षुनीदूसकत्तसिद्धितो तस्स दोसस्स कारको होति। **अकारको होतीति** ताय कत्तपटिज्जं अनपेक्खित्वा सामज्जतो “मेत्तियं भिक्षुनि नासेथा”ति भगवता वुत्तता अकारको होति। यदि हि थेरो कारको भवेय्य, अवस्सं तमेव दोसं अपरिसित्वा इमिना नाम कारणेन “मेत्तियं भिक्षुनि नासेथा”ति वत्तव्वं सिया, तथा अवुत्तता, “दब्बञ्च अनुयुज्जथा”ति अवत्वा “इमे च भिक्षू अनुयुज्जथा”ति वुत्तता च सामत्थियतो मेत्तियाय भिक्षुनिया अज्जेन दोसेन नासनारहता, वत्थुस्स च अमूलकभावो, थेरस्स अकारकभावो च सिद्धो होतीति अधिप्पायो।

**अत्तनो सुत्तन्ति** “सकाय पटिज्जाया”ति इमिना पक्खेपवचनेन सहितं कूटसुत्तं। **थेरो कारको होतीति** एत्थ अयमधिप्पायो — “सकाय पटिज्जाया”ति अवत्वा सामज्जतो “मेत्तियं भिक्षुनि नासेथा”ति ओतिण्णवत्थुस्मियेव तस्सा नासना विहिताति तुम्हाकं वादे थेरो कारको होति, “सकाय पटिज्जाया”ति पन वुत्ते पुब्बेयेव सिद्धस्स पाराजिकस्स सुचिकाय अस्सा सकाय पटिज्जाय नासेथाति सिज्जनतो अम्हाकं वादे थेरो अकारको होतीति। महाविहारवासीनमि पन “सकाय पटिज्जाया”ति वुत्ते ओतिण्णवत्थुस्मियेव तस्सा नासना विहिता होति, न सामज्जतोति अधिप्पायो। **एत्थाति** इमेसु द्वीसु वादेसु, सुत्तेसु वा। **यं पच्छा वुत्तन्ति** महाविहारवासीहि यं वुत्तं, तं युत्तन्ति अत्थो। **विचारितं हेतन्ति** एतं पच्छिमस्स वुत्तत्तं विचारितं, “तत्र सङ्गादिसेसो वुड्ढानगामिनी...पे... असुद्धतायेव नासेसी”ति वक्खमाननयेन विनिच्छित्तन्ति अत्थो। “**भिक्षुनि अनुद्धंसेति दुक्कट**”न्ति इमिना महाअट्टकथावादो दस्सितो।

**तत्राति** तेसु दुक्कटपाचित्तियेसु। **दुक्कटन्ति** वुत्तमहाअट्टकथावादस्स अधिप्पायं दस्सेत्वा “पाचित्तियं”न्ति पवत्तस्स कुरुन्दिवादस्स अधिप्पायं दस्सेतुं “**पच्छिमतयेपी**”तिआदि वुत्तं। **वचनपण्णमाणाति** विसंवादानाधिप्पाये समानेपि अनुद्धंसनादिवसेसे सङ्गादिसेसादिनो विधायकवचनबलेनाति अत्थो। **भिक्षुस्स पन भिक्षुनिना दुक्कटन्ति** भिक्षुनि अनुद्धंसेनस्स भिक्षुस्स दुक्कटं।

एवं द्वीसुपि अट्टकथावचनेसु अधिप्पायं विभावेत्वा इदानी पच्छिमे पाचित्तियवादे दोसं दस्सेत्वा पुरिमदुक्कटवादमेव पटिद्वापेतुं “**तत्र पना**”तिआदि वुत्तं। तत्थ **विसुन्ति सम्पजानमुसावादे पाचित्तियतो** (पाचि० १) विसुं पाचित्तियं वुत्तं, तत्थ अनन्तोगधभावाति अधिप्पायो। **तस्माति** यस्मा अमूलकानुद्धंसने विसुञ्जेव पाचित्तियं पज्जत्तं, तस्मा पुरिमनयोति दुक्कटवादो। एवं अन्तरा पविट्ठं दुक्कटपाचित्तियवादे दस्सेत्वा इदानी पाकटमेव अत्थं विभावेतुं “**तथा भिक्षुनी**”तिआदि आरुद्धं। तत्थ **तथाति** यथा भिक्षुस्स भिक्षुं, भिक्षुनिञ्च अनुद्धंसेनस्स सङ्गादिसेसदुक्कटानि वुत्तानि, तथाति अत्थो। **एतेहि नासना नत्थीति** सामज्जतो वुत्तं, दुक्कटेन इमिस्सा पन नासना नत्थीति अधिप्पायो। **दुस्सीलाति** पाराजिका।

३८६. **आकारनानत्तेनाति** दूसिताकारस्स, दूसकाकारस्स च नानत्तेन। **अनभिरद्धोति** अतुड्डो। तेनाह “**न सुखितो**”ति। **न पसादितोति** अनुपादितप्पसादो। खील-सदो थड्ढभाववचनो, कचवरपरियायो च होतीति आह “**चित्त...पे... खील**”न्ति। **नप्पतीतोति** पीतिसुखादीहि न अभिगतो न उपगतो। तेनाह “**न अभिसटो**”ति।

**येन दुट्ठोति च कुपितोति च वुत्तोति** एत्थ येन दुट्ठोति च वुत्तो येन कुपितोति च वुत्तो, तं **मातिकायञ्च पदभाजने** (पारा० ३८६) च वुत्तं उभयम्पेतन्ति योजेतव्वं। **द्वीहीति** “तेन च कोपेन, तेन च दोसेना”ति वुत्तकोपदोसपदेहि द्वीहि, अत्थतो पन द्वीहिपि दोसोव दस्सितोति आह “**सङ्गारक्खन्धमेव दस्सेती**”ति। **यायाति** अनत्तमनताय।

**न चुदितकवसेनाति** यदि चुदितकवसेनापि अमूलकं अधिपेतं सिया, अमूलकं नाम अनज्जापन्नन्ति पदभाजनं वदेय्याति अधिप्पायो। **यं पाराजिकन्ति** भिक्षुनो अनुरूपेसु एकूनवीसतिया पाराजिकेसु अज्जतरं। **पदभाजने** (पारा० ३८६) पन **भिक्षुविभङ्गे** आगतानेव गहेत्वा “चत्तुनं अज्जतरेना”ति वुत्तं। **एतं इध अप्पमाणन्ति** एतं आपन्नानापन्नत्तं इधानुद्धंसने आपत्तिया अनङ्गं, आपत्तिं पन आपन्ने वा अनापन्ने वा पुगले “अनापन्नो एसो सुद्धो”ति सुद्धसञ्जाय वा विमतिया वा चावनाधिप्पायोव इध अङ्गन्ति अधिप्पायो।

**तथेवाति** पसादसोतेन, दिब्बसोतेन वाति इममत्थं अतिदिसति। दिड्डानुसारेनेव समुप्पन्ना परिसङ्काव **दिट्ठपरिसङ्कितं** नाम। एवं सेसेसुपि। “**अदिस्वा वा**”ति इदं उक्कटवसेन वुत्तं, दिस्वा पक्कन्तेसुपि

दोसो नत्थियेव। **इमेसन्ति** इमेहि। **करिस्सन्तीति** तस्मिं खणे उप्पज्जनाकारदस्सनं, पच्छा पन एतकेन कालेन कतं वाति सङ्काय चोदेति। न हि करिस्सन्तीति चोदना अत्थि। “**अरिटुं पीत**”न्ति इदं मुखे सुरागन्धवायननिमित्तदस्सनं। अरिटुञ्जि सुरासदिसवण्णगन्धं कप्पियभेसज्जं।

**दिट्ठं अत्थि समूलकन्ति**आदीसु अज्झाचारस्स सम्भवासम्भवानं मूलामूलभावदस्सनं। **अत्थि सज्जासमूलकन्ति**आदि पन दिट्ठसज्जाय सम्भवासम्भवानं मूलामूलभावदस्सनं। **दिस्वाव दिट्ठसज्जी हुत्वा चोदेतीति** एत्थ यं चोदेति, ततो अज्जं पुगलं वीतिककमन्तं, पटिच्छन्नोकासतो निक्खमन्तं वा दिस्वा “अयं सो”ति सज्जाय चोदेन्तोपि सङ्गहति। एस नयो सुतादीसुपि। **समूलकेन वा सज्जासमूलकेन वाति** एत्थ पाराजिकमापन्नं दिट्ठादिमूलकेन च “अयं आपन्नो”ति असुद्धसज्जाय चोदेन्तो समूलकेन चोदेति नाम। सज्जासमूलकत्ते एव अनापत्तिसम्भवतो आपन्ने वा अनापन्ने वा पुगले आपन्नसज्जी दिट्ठादीसु, अदिट्ठादीसु वा मूलेसु दिट्ठसुतादिसज्जी तेन दिट्ठादिमूलकेन तं पुगलं चोदेन्तो सज्जासमूलकेन चोदेति नाम। इमेसं अनापत्ति, वृत्तिविपरियायेन आपत्तिवारे अत्थो वेदितव्वो।

**समीपे ठत्वाति** हत्थविकारवचीधोसानं चोदनावसेन पवत्तियमानानं दस्सनसवनूपचारे ठत्वाति अत्थो। केचि पन “द्वादसहत्थब्भन्तरे ठत्वा”ति (सारत्थं टी० २.३८५-३८६) वदन्ति, तं न युत्तं। परतो ब्यतिरेकतो अनापत्तिं दस्सेन्तेन “दूतं वा पण्णं वा सासनं वा पेसेत्वा”ति एतकमेव वुत्तं, न पन “द्वादसहत्थं मुञ्चित्वा चोदेन्तस्स सीसं न एती”ति वुत्तं। **वाचाय वाचायाति** सकिं आणत्तस्स सकलमिपि दिवसं वदतो वाचाय वाचाय चोदापकस्सेव आपत्तिं। **सोपीति** आणत्तोपि। तस्स च “मयापि दिट्ठ”न्तिआदि अवत्थापि “अमूलक”न्ति सज्जाय चावनाधिप्पायेन “त्वं पाराजिकं धम्मं अज्झापन्नोसी”ति इदमेव वाचं परस्स वचनं विय अक्त्वा सामज्जतो वदन्तस्सापि सङ्गादिसेसो एव। सतिपि पन अनुद्धसनाधिप्पाये “असुकेन एवं वुत्त”न्ति परेन वुत्तमेव वदन्तस्स नत्थि सङ्गादिसेसो। सचे पन परेन अवुत्तमिपि वुत्तन्ति वदति, आपत्ति एव।

**सम्बहला सम्बहले सम्बहलेहि वत्थहीति** एत्थ **सम्बहलेति** चुदितकबहुतनिहेसेन पुरिमेसु तीसु वारेसु चुदितकबहुत्तेनापि वारभेदसम्भावं आरोपेति। एकस्मिञ्चि चुदितकवत्थुचोदकभेदेन इदं चतुक्कं वुत्तं, चुदितकबहुत्तेनापि चतुक्कन्तरं लब्धतीति अट्ठकं होति एव।

अमूलकचोदनापसङ्गेन समूलकचोदनालक्खणादि दस्सेतुं “**चोदेतुं पन को लभती**”तिआदि आरद्धं। **भिक्खुस्स सुत्वा चोदेतीति**आदि सुत्तं यस्मा ये चोदकस्स अज्जेसं विपत्तिं पकासेन्ति, तेषि तस्मिं खणे चोदकभावे ठत्वाव पकासेन्ति, तेसज्ज वचनं गहेत्वा इतरापि यस्मा चोदेतुञ्च असम्पटिच्छन्तं तेहि तित्थियसावकपरियोसानेहि पठमचोदकेहि सम्पटिच्छापेतुञ्च लभति, तस्मा इध सावकभावेन उद्धटन्ति वेदितव्वं।

**दूतं वाति**आदीसु “त्वं एवं गन्त्वा चोदेही”ति दूतं वा पेसेत्वा यो चोदेतुं सक्कोति, तस्स पण्णं, मूलसासनं वा पेसेत्वा। **समयेनाति** पकतिया जाननक्खणे।

**गरुक्कानं द्विन्नन्ति** पाराजिकसङ्गादिसेसानं। **मिच्छादिट्ठि** नाम “नत्थि दिन्न”न्तिआदिनयप्पवत्ता (म० नि० १.४४५; २.९४, ९५, २२५; ३.९१, ११६, १३६; सं० नि० ३.२१०) दसवत्थुका दिट्ठि, सस्सतुच्छेदसङ्गातं अन्तं गण्हापकदिट्ठि **अन्तग्राहिका** नाम। **आजीवहेतुपि पञ्चतानं छन्ति** आजीवहेतुपि आपज्जितब्बानं उत्तरिमनुस्सधम्मपाराजिकं (पारा० १९५), सज्जरित्ते (पारा० ३०१, ३०२) सङ्गादिसेसो, “यो ते विहारे वसति, सो अरहा”ति (पारा० २२०) परियायेन थूललच्चयं, भिक्खुस्स पणीतभोजनविज्जतिया पाचितियं (पाचि० २५७), भिक्खुनिययापणीतभोजनविज्जतिया पाटिदेसनीयं (पाचि० १२३६), सूपोदनविज्जतिया (पाचि० ६१२-६१३) दुक्कटन्ति इमेसं **परिवारे** (परि० २८७) वुत्तानं छन्तं। न हेता आपत्तियो आजीवहेतु एव पञ्चता सज्जरितादीनं अज्जयापि आपज्जितव्वतो। आजीवहेतुपि एतासं आपज्जनं सन्धाय एवं वुत्तं, आजीवहेतुपि पञ्चतानन्ति अत्थो। न केवलज्ज एता एव, अज्जापि अदिन्नादानकुलदूसनपाणवधवेज्जकम्मादिवसेन आजीवहेतु आपज्जितव्वापि सन्ति, ता पन आपत्तिसभआगताय पाराजिकादीसु छसु एव सङ्गहन्तीति विसुं न वुत्ताति वेदितव्व्वा।

**एत्तावता पन सीसं न एतीति** सङ्गादिसेसं सन्धाय वुत्तं, चोदना पन कता एव होति। **तिसानीति** तिसं एतेसमत्थीति तिसानि, तिसाधिकानीति वुत्तं होति। **नवुतानीति** एत्थापि एसेव नयो।

**अत्तादानं आदातुकामेनाति** एत्थ अत्तना आदातव्वतो दिट्ठादिमूलकेहि गहेतव्वतो परस्स विप्फन्दितुं अदत्ता पग्गहनतो अत्तादानन्ति चोदना वुच्चति, तं आदातुकामेन, चोदनं कत्तुकामेनाति अत्थो।

**उब्बाहिकायाति** उब्बहन्ति वियोजेन्ति एताय अलज्जीनं तज्जिनं वा कलहं वाति उब्बाहिका, सङ्गसम्मृति, ताय। विनिच्छिननं नाम ताय सम्मतभिक्खुहि विनिच्छिननमेव। अलज्जुस्सन्नाय हि परिसाय **समथक्खन्धके** (चूळव० २२७) आगतेहि दसङ्गेहि समन्नागता द्वे तयो भिक्खु तत्थेव वुत्ताय जत्तिदुतियकम्मवाचाय सम्मन्तिव्व्वा, तेहि च सम्मतेहि विसुं वा निसीदित्वा, तस्सा एव वा परिसाय “अज्जेहि न किञ्चि कथेतव्व”न्ति सावेत्ता तं अधिकरणं विनिच्छितव्वं।

**किम्हीति** किस्मिं वत्थुस्मिं, कतरविपत्तियन्ति अत्थो। “**किम्हि न नामा**”ति इदं “कतराय विपत्तिया एतं चोदेसी”ति याय कायचि विज्जायमानाय भासाय वुत्तेपि चोदकस्स विनये अपकतज्जुताय “सीलाचारदिट्ठिआजीवविपत्तीसु कतरायाति मं पुच्छती”ति जातुं असक्कोन्तस्स पुच्छा, न पन किम्हीतिआदिपदत्थमत्तं अजानन्तस्स। न हि अनुविज्जको चोदकं बालं अपरिचितभासाय “किम्हि न”न्ति पुच्छति। “**किम्हि नमिपि न जानासी**”ति इदमिपि वचनमत्तं सन्धाय वुत्तं न होति, “कतरविपत्तिया”ति वुत्ते “असुकाय विपत्तिया”ति वत्तुमिपि न जानासीति वचनस्स अधिप्पायमेव सन्धाय वुत्तन्ति गहेतव्वं। तेनेव वक्खति “बालस्स लज्जिस्स नयो दातव्वो”ति वत्ता च “किम्हि न चोदेसीति सीलविपत्तिया”तिआदि अधिप्पायप्पकासनमेव नयदानं वुत्तं, न पन किम्हि-न-पदानं परियायमत्तदस्सनं। न हि बालो “कतरविपत्तियं न चोदेसी”ति इमस्स वचनस्स अत्थे जातेपि विपत्तिप्पभेदनं, अत्तना चोदियमानं विपत्तिसरूपञ्च जानितुं सक्कोति, तस्मा तेनेव अजाननेन अलज्जी अपसादेतव्वो। “किम्हि न”न्ति इदमिपि उपलक्खणमत्तं, अज्जेन वा येन केनचि आकारेन अविज्जुत्तं पकासेत्ता विस्सज्जेतव्वोव।

“दुम्मङ्कनं पुगलानं निग्गहाया”तिआदिवचनतो (पारा० ३९; परि० २) “**अलज्जीनिग्गहत्थाय...पे०... पञ्जत्त**”न्ति वुत्तं। **एहितीति** हि-कारो एत्थ आगमो दड्ढव्वो, आगमिस्सतीति अत्थो। **दिट्ठसन्तानेनाति** दिट्ठिनियामेन। **अलज्जिस्स पटिज्जाय एव कातव्वन्ति** वचनपटिवचनकमेनेव दोसे आविभूतेपि अलज्जिस्स “असुद्धोह”न्ति दोससम्पटिच्छनपअज्जाय एव आपत्तिया कातव्वन्ति अत्थो। केचि पन “अलज्जिस्स एतं नत्थीति सुद्धपटिज्जाय एव अनापत्तिया कातव्वन्ति अयमेत्थ अत्थो सङ्गहितो”ति वदन्ति, तं न युत्तं अनुविज्जकस्सेव निरत्थकत्तापत्तितो चोदकेनेव अलज्जिपटिज्जाय ठातव्वतो। दोसापगमपटिज्जा एव हि इध पटिज्जाति अधिप्पेता। तेनेव वक्खति “एतमिपि नत्थीति पटिज्जं न देती”तिआदि (पारा० अट्ठ० २.३८५-३८६)।

**तदत्थदीपनत्थन्ति** अलज्जिस्स दोसे आविभूतेपि तस्स दोसापगमपटिज्जाय एव कातव्वतादीपनत्थं। विवादवत्थुसङ्गाते अत्थे पच्चत्थिका **अत्थपच्चत्थिका**। **सज्जं दत्ताति** नेसं कथापच्छेदत्थं, अभिमुखकरणत्थञ्च सद्धं कत्वा। **विनिच्छित्तुं अननुच्छविकोति** “असुद्धो”ति सज्जाय चोदकपक्खे पविट्ठता अनुविज्जकभावतो बहिभूतता अनुविज्जितुं असक्कुण्ठयत्तं सन्धाय वुत्तं। सन्दहे एव हि सति अनुविज्जितुं सक्का, असुद्धदिट्ठिया पन सति चुदितकेन वुत्तं सब्बं असच्चतोपि पटिभाति, कथं तत्थ अनुविज्जना सियाति।

“**तथा नासितकोव भविस्सती**”ति इमिना विनिच्छयं अदत्ता सङ्गतो वियोजनं नाम लिङ्गनासना विय अयमिपि एको नासनप्पकारोति दस्सेति। **विरद्धं होतीति** सज्जिच्च आपत्तिं सहसा आपन्नो होति। “**आदितो पट्ठाय अलज्जी नाम नत्थी**”ति इदं “पक्खानुरक्खणत्थाय पटिज्जं न देती”ति इमस्स अलज्जिलक्खणसम्भवस्स कारणवचनं। पटिच्छादितकालतो पट्ठाय अलज्जी नाम एव, पुरिमो लज्जिभावो न रक्खतीति अत्थो। **पटिज्जं न देतीति** सचे मया कतदोसं वक्खामि, मद्धं अनुवत्तका भिज्जिस्सन्तीति पटिज्जं न देति। **ठाने न तिड्ढतीति** लज्जिड्ढाने न तिड्ढति, कायवाचासु वीतिकको होति एवाति अधिप्पायो। तेनाह “**विनिच्छयो न दातव्वो**”ति, पुब्बे पक्खिकानं पटिज्जाय वूपसमितस्सापि अधिकरणस्स दुवूपसन्तताय अयमिपि तथा नासितकोव भविस्सतीति अधिप्पायो।

**चुदितकचोदकेसु पटिपत्तिं अत्ताति** “तुम्हे अम्हाकं विनिच्छयेन तुट्ठा भविस्सथा”तिआदिना वुत्तं चुदितकचोदकेसु अनुविज्जकेन पटिपज्जितव्वकम्मं अत्ता। **विनिच्छयो मज्जेति** आपत्तीति वा अनापत्तीति वा विनिच्छयपरियोसाननुविज्जनानं मज्जं नामाति अत्थो।

अमूलकमिपि समूलकं कत्वा वदन्तीति आह “**द्वे मूलानी**”ति। **कालेन वक्खामीति**आदीसु ओकासं कारापेत्वा वदन्तो **कालेन वदति** नाम। सलाकग्यागुअग्गभिक्खाचारडानादीसु चोदेन्तो

**अकालेन वदति** नाम । दोसतो वुडुपेतुकामताय वदन्तो **अथसंहितेन वदति** नाम । **दोसन्तरोति** दोसचित्तो । **पन्नरससु धम्मसूति** “परिसुद्धकायसमआचाराता, तथा वचीसमाचाराता, सब्रह्मचारीसु मेत्तचित्ताता, बहुस्सुत्ताता, उभिनं पातिमोक्खानं स्वागतादिता, कालेन वक्खामी”ति आदिना (परि० ३६२) वुत्तपञ्चधम्मा च कारुञ्जता, हितेसिता, अनुकम्पता, आपत्तिवुड्डानता, विनयपुरेक्खारताति (चूळव० ४०१) इमेसु पन्नरससु । तत्थ “**कारुञ्जता**”ति इमिना करुणा दस्सिता । **हितेसिता**ति हितगवेसनाता । **अनुकम्पता**ति तेन हितेन संयोजनता, इमेहि द्वीहिपि मेत्ता दस्सिता । **आपत्तिवुड्डानता**ति सुद्धन्ते पतिवुड्डपनता । वत्थुं चोदेत्वा सारेत्वा पटिञ्जं आरोपेत्वा यथापटिञ्जाय कम्मकरणं **विनयपुरेक्खारता** नाम ।

**अधिकरणट्टेनाति** अधिकताब्बट्टेन, समथेहि वूपसमेतब्बट्टेनाति अत्थो । **तं नानत्तं दस्सेतु**ति इध अनधिपेतम्पि अत्थुद्धारवसेन तं नानत्तं दस्सेतुति अधिप्पायो । तेनेव वक्खति “सेसाणि अत्थुद्धारवसेन वुत्तानी”ति (पारा० अट्ट० २.३८५-३८६) । **यं अधिकिच्चाति** आदिना अधिकरणसदस्स कम्मसाधनता वुत्ता ।

**गाहन्ति** “असुकं चोदेस्सामी”ति मनसा चोदनाकारस्स गहणं । **चेतनन्ति** “चोदेस्सामी”ति उप्पन्नचित्तव्यापारसङ्घातं चित्तकम्मं । **अक्खन्ति**ति चुदितकस्स विपत्तिं दिस्वा उप्पन्नं कोधं असहन्, तथा पवत्तं वा यं किञ्चि चित्तचेतसिकरासिं । **वोहारन्ति** चोदनावसपवत्तवचनं । **पण्णत्तिन्ति** चोदनावसपवत्तं मनसा परिकप्पितं नामपण्णत्तिं । **अत्तादानं गहेत्वा**ति चोदने मनसा गहेत्वा । **तं अधिकरणन्ति** तं गाहलक्खणं अधिकरणं । **निरुज्झति** चेतनाय खणिकत्ता, सा च समथपत्ता होतीति एवमेत्थ अनिदुप्पसङ्गो वेदितब्बो । एवं उपरिपि “**तुण्ही होती**”ति इमिना वोहारवचनस्स निरोधं दस्सेति । तेनाह “**तं अधिकरणं समथपत्तं भविस्सती**”ति । “तस्मा पण्णत्ति अधिकरण”न्ति अडुकथासु कतसन्निधानं दस्सेत्वा इदानीं तस्सापि एकच्चेहि पटिक्खित्तभावं दस्सेत्वा पुन तम्पि पटिसेधेत्वा अडुकथासु वुत्तपण्णत्तिया एव अधिकरणतं समथेत्तुं “**तं पनेत**”न्ति आदिमाह । तत्थ **तं पनेत**न्ति पण्णत्ति अधिकरणत्ति एतं गहणं विरुज्झतीति सम्बन्धो । पाराजिकादि आपत्ति एकन्त अकुसलसभावा वा अब्याकतसभावा वा होतीति सञ्जाय “**मेथुनधम्मपाराजिकापत्ती**”ति आदिकं सुत्तं पण्णत्ति अधिकरणवादेन विरुज्झतीति दस्सेत्तुं उद्धटं । तेनाह “**न हि ते...पे... अच्चन्तअकुसलता**”ति आदि । तेति अडुकथाचरिया ।

**अमूलकञ्चेव तं अधिकरणन्ति** एत्थ अमूलकपाराजिकमेव अधिकरण-सद्देन अधिपेतन्ति दस्सेत्तुं “**यञ्चेत**”न्ति आदि वुत्तं । **यस्मा पनाति** आदि पन इधाधिपेताय अमूलकपाराजिकापत्तिया एव पण्णत्तिभावां युज्जतीति दस्सेत्तुं आरुद्धं । तत्थ **यय पण्णत्तियाति** सभावतो परिसुद्धेपि पुगले “पाराजिको”ति आदिना चोदकेन पवत्तितं नामपण्णत्तिं सन्थाय वदति । **पञ्जत्तोति** कथितो । **अधिकरणे पवत्तताति** अविज्जमानेपि मनसा आरोपितमते आपत्ताधिकरणे वाचकभावेन पवत्तता ।

एवं नामपण्णत्तिवसेन इमस्मिं सिक्खापदे आपत्ताधिकरणस्स पञ्जत्तिभावं दस्सेत्वा इदानीं अत्थपण्णत्तिवसेनापि दस्सेत्तुं “**यस्मा वाय**”न्ति आदि वुत्तं । **पञ्जत्तिमत्तमेवाति** अविज्जमानस्स विज्जमानाकारेन मनसा आरोपितअत्थपण्णत्तिमत्तमेवाति अत्थो । **तज्ज खो इधेवाति** तज्ज यथावुत्तपरियायेन पण्णत्तिया अधिकरणत्तं इधेव इमस्मिं एव सिक्खापदे । **एकेति** केचि । **तं न युत्तन्ति** यं एकच्चेहि अडुकथासु वुत्तं, अधिकरणस्स पण्णत्तिभावं निसेधेत्वा कुसलादिपरमत्थभावं साधेत्तुं “तं पनेतं मेथुनधम्मपाराजिकापत्ती”ति आदिना पपञ्चतो दस्सेत्तुं, तं न युत्तन्ति अत्थो । तत्थ कारणमाह “**आदिकम्मिकस्सा**”ति आदिना, तेन च तस्मिं वादे यदि अपत्ति नाम अकुसला वा अब्याकता वा भवेय्य, कथं आदिकम्मिकस्स अनापत्ति भवेय्य? तस्सापि अकुसलादीनं उप्पन्नता भगवतो सिक्खापदपञ्जत्तितो पट्टाय याव आपत्तीतिपि न सकका वत्तुं, मेथुनादीसु अकुसलादीनं सिक्खापदपञ्जत्तितो पुब्बेपि समुप्पत्तितो । ततो एव अनुपसम्पन्नानम्पि आपत्तिप्पसङ्गो, गिलानादीनं उप्पन्नता भगवतो अनुपञ्जत्तियापि अनापत्तिअभावप्पसङ्गो च सिया । अथ मतं “न केवलं अकुसलादि एव, अथ खो भगवता पटिक्खित्तभावं जानन्तस्स समुप्पज्जमाना एव अकुसलादयो आपत्ती”ति, तम्पि असारं, सिक्खापदपञ्जत्ति अजानित्वा वीतिक्कमन्तस्स मेथुनादीसु अनापत्तिप्पसङ्गतो, अकुसलादिसभावाय च आपत्तिया एकपयोगादीसु एकत्तादिपि न सिया । न हि सकलम्पि दिवसं इत्थिं कायतो अमोचेत्वा फुसन्तस्स एकमेवाकुसलं उप्पज्जति, बहू वा इत्थियो फुसित्वा अपगच्छन्तस्स बहूनि, येनापत्तिया एकत्तं, बहुत्तं वा सियाति एवमादिकं अयुत्तिं सङ्गहेत्वा दस्सितन्ति वेदितब्बं ।

तत्थ **वत्थुञ्चाति** वीतिक्कमो । तज्जि आपत्तिस्सम्पुत्तपञ्चापनस्स ओकासट्टेन “वत्थु”ति वुच्चति । **गोत्तन्ति** अदिन्नादानादितो बुद्धिसद्भवित्तनट्टेन परिकप्पितसामञ्जाकारो गोत्तं । **नामन्ति** अविज्जमानानामपञ्जत्ति । **तस्स पन पाराजिकन्ति** नामस्स अत्थभूता आपत्ति अत्थपञ्जत्ति एवाति ददुब्बं । यं पन “विवादाधिकरणं सिया कुसल”न्ति आदि (चूळव० २२०; परि० ३०३), “आपत्ताधिकरणं सिया अकुसल”न्ति आदि (चूळव० २२२) च सुत्तं तेहि समुद्धटं, तम्पि न विवादादीनं कुसलादिभावस्स परियायदेसितत्ताति यं एत्थ वत्तब्बं, तं हेट्ठा पठमपाराजिकसमुद्धानादिवण्णयाय **सारत्थदीपनि**यं विरुद्धानसोधनत्थं वित्थारतो वुत्तन्ति तत्थेव तं गहेतब्बं, सारत्थदीपनीकारकस्स अकुसलादिरूपाव आपत्तीति लद्धि, तेनेव सो इधापि “तस्मा पण्णत्ति अधिकरणन्ति अडुकथासु कतसन्निधानं दस्सेत्वा इदानीं तम्पि न युत्तन्ति दस्सेत्तुं “तं पनेत”न्ति आदिमाह”ति (सारत्थ० टी० २.३८५-३८६) एवं अत्तो लद्धि अडुकथाचरियस्सपि लद्धि कत्वा गन्थविरोधम्पि अनोलोकेत्वा दस्सेसि । न हेत्थ बुद्धघोसाचरियो अडुकथावादं अयुत्तन्ति दस्सेत्तुं “तं पनेत”न्ति आदिमारम्भ “पण्णत्तिमत्तमेव आपत्ताधिकरणन्ति वेदितब्ब”न्ति सयमेव उपरि कथनतो, अथ खो दुल्लद्धिकानं एकच्चांनं तत्थ विप्पटिपत्तिं दस्सेत्वा पुन तं पटिसेधेतुकामो आरम्भ, तेनेव अन्ते “एके”ति वुत्तन्ति वेदितब्बं । विवादादीनं कुसलादिकते तंसमथानम्पि तब्बावो आपज्जति परमत्थेसु पण्णत्तिया समथायोगाति आह “**कुसलादिसमथेही**”ति । पञ्जत्तिसभावानमेव चत्तुनं अधिकरणानं समथेहि अधिकरणीयता, न पन कुसलादिपरमत्थरूपानं तेसं तेसं खणिकताय सयमेव समथपत्तितोति हेट्ठा समत्थितमत्थं निगमनवसेन दस्सेन्तेन “**इति इमिना अधिकरणट्टेना**”ति वुत्तं, तस्स यथावुत्तनयेन समथेहि अधिकरणीयतायाति अत्थो । “**इधेक्कच्चो**”ति इमिना इधाधिपेतं विवादं निवत्तेति ।

**अनुवादोति** विपत्तीहि उपवदना चेव चोदना च । तत्थ उपवदना नाम गरहा, अक्कोसो च । **पञ्चपीति** मातिकापरियापन्नापत्तियो सन्थाय वुत्तं । **किच्चयताति** कत्तब्बता । **सपदानुक्कमनिहेसस्साति** एत्थ **पदानुक्कमनिहेसोति** पदभाजनं वुच्चति, तेन सहितस्स सिक्खापदस्साति अत्थो ।

**३८७. अस्साति** कत्तुअत्थे सामिवचनन्ति आह “**एतेन चोदकेना**”ति आदि । **दिट्ठमूलके पनाति** “दिट्ठस्स होति पाराजिकं धम्मं अज्झापज्जन्तो”ति आदि (पारा० ३८७) पाळिवारं सन्थाय वुत्तं । तत्थ इत्थिया सद्धि रहोनिस्सज्जादिदस्सनमत्तवसेन पाराजिकं धम्मं अज्झापज्जन्तो पुगलो तेन दिट्ठो, न पन मग्गेन मग्गप्पटिपादनादिदस्सनवसेन । यदि हि तेन सो तथा दिट्ठो भवेय्य, असुद्धसज्जो एवायं तस्मिं पुगले सिया, असुद्धसज्ज्याय च सुद्धं वा असुद्धं वा चोदेन्तस्स सङ्गादिसेसो न सिया “अनापत्ति सुद्धे असुद्धदिट्ठिस्स, असुद्धे असुद्धदिट्ठिस्सो”ति आदिवचनतो (पारा० ३९०) । तस्मा इत्थिया सद्धि रहोनिस्सज्जादिमत्तमेव दिस्वापि “सद्धो कुलपुत्तो, नायं पाराजिकं आपज्जती”ति तस्मिं सुद्धसज्जिस्स वा वेमतिकस्स वा “सुतो मया पाराजिकं धम्मं अज्झापज्जन्तो”ति आदिना नियमेत्वा चोदेन्तस्सेव सङ्गादिसेसो, न असुद्धसज्जिस्स, तस्स पन दिट्ठं सुत्तन्ति मुसावादादिपच्चया लहुकापत्ति एवाति वेदितब्बं । यदि पन सो तस्मिं सुद्धदिट्ठिचावनाधिप्पायोपि दिट्ठं रहोनिस्सज्जादिमत्तमेव वदति, अदिट्ठं पन मग्गेनमग्गप्पटिपादनादिपाराजिकवत्थुं वा “अस्समणीसो”ति आदिकं वा न वदति, तस्स अनापत्ति । अधिकं वदन्तस्स पन आपत्तियेव “अदिट्ठं दिट्ठ”न्ति (पारा० ३८६-३८७) वुत्तता । यो पन दिट्ठेन रहोनिस्सज्जादिना पठमपाराजिकेन असुद्धसज्जो हुत्वा चावनाधिप्पायो अदिन्नादानं अज्झापज्जन्तो “दिट्ठो”ति वा “सुतो”ति वा आदि वदति, तस्सापि न सङ्गादिसेसो असुद्धे असुद्धदिट्ठितायाति केचि वदन्ति । अज्जे पन “येन पाराजिकेन चोदति, तेन सुद्धसज्जाभावा आपत्तियेवा”ति वदन्ति, इदं युत्तं । तथा हि वुत्तं **मातिकाडुकथायं** (कङ्का० अट्ट० दुट्ठोससिक्खापदवण्णना) “येन पाराजिकेन चोदति, तं ‘अयं अनज्झापन्नो’ति जत्वा चावनाधिप्पायेन...पे०... सङ्गादिसेसो”ति । इमिना नयेन सुतादिमूलकेसुपि विनिच्छयो वेदितब्बो । अज्जत्र **आगतेसूति** ओमसवादादीसु आगतेसु । **अवस्सुतोति** तोहिपि द्वारेहि पाराजिकवत्थुभूतदुच्चरितानुवस्सनेन तित्तो । **कस्सम्बुजातोति** कचवरभूतो, निस्साराति अत्थो ।

**कोण्ठोति** चोरो, दुस्सीलोति अत्थो । **जेट्ठब्बतिकोति** काळकण्णिदेवीवते नियुत्तो तित्थियोति वदति, सा किर काळकण्णिसिरिदेविया जेट्ठाति वुत्ता । **यदग्गेनाति** येन कारणेन, यत्तकेनाति अत्थो । **तदग्गेनाति** एत्थापि एसेव नयो । **नो कप्पेतीति** आदि वेमतिकभावदीपनत्थमेव वुत्तन्ति महापदुमत्थेरस्स अधिप्पायो ।

**३८९. एत्थाति** चोदनायं । तज्जनीयादिकम्मं करिस्सामीति आपत्तिया चोदेन्तस्स अधिप्पायो **कम्माधिप्पायो** नाम । परिवसदानादिकमेन आपत्तितो वुड्डापेतुं आपत्तिया चोदेन्तस्स अधिप्पायो **वुड्डानाधिप्पायो** । उपोसथं, पवारणं वा सङ्गे कातुं अदानत्थाय आपत्तिया चोदयतो अधिप्पायो **उपोसथपवारणदुपनाधिप्पायो** । **असम्मुखा...पे०... दुक्कटन्ति** अनुद्धसेन्तस्सपि अक्कोसन्तस्सपि दुक्कटं ।

**सब्बत्थेवाति** सब्बासु अडुकथासु । उपोसथपवारणानं अत्तिकम्मभावतो जत्तिया वत्तमानाय एव उपोसथपवारणदुपनं होति, न निड्डिताय, सा च य्य-कारे पत्ते निड्डिता नाम होतीति आह “**य्य-कारे पत्ते न लब्धती**”ति ।

अनुपासकोति उपासकोपि सो भिक्खु न होति सरणगमनस्सापि पटिप्पस्सद्धताति वदन्ति । “अनोदिसस धम्मं कथेत्तस्सा”ति इमिना ओदिसस कथेत्तन् ओकासं कारेतब्बन्ति दस्सेति । आपत्तिं देसेत्वाति ओकासाकारापनापत्तिं देसेत्वा । यं चोदेति, तस्स उपसम्पन्नाति सङ्ख्युपगमनं, तस्मिं सुद्धसञ्जिता वेमतिकता वा, येन पाराजिकेन चोदेति, तस्स दिट्ठादिवसेन अमूलकता, चावनाधिप्पायेन “त्वं पाराजिको”ति आदिना नियमेत्वा सम्मुखा चोदना चोदापना, तस्स तद्धणविजाननन्ति इमानेत्य पञ्च अङ्गानि ।

पठमदुट्ठदोससिक्खापदवण्णना निड्ढिता ।

## १. दुतियदुट्ठदोससिक्खापदवण्णना

३९१. नवमे मेत्तियं भिक्खुनिन्ति लिङ्गनासनाय नासितार्यापि तस्सा भूतपुब्बवोहारं गहेत्वा वुत्तं । अञ्जभागस्साति थेरस्स मनुस्सजातिभिक्खुभावतो अञ्जस्स तिरच्छानजातिछगलकभावसङ्घातस्स कोट्टासस्स । इदन्ति सामञ्जतो नपुंसकलिङ्गेन वुत्तं, अयं छगलकोति अत्थो । अञ्जभागोति यथावुत्ततिरच्छानजातिछगलकभावसङ्घातो अञ्जो कोट्टासो, अञ्जभागस्स इदन्ति अञ्जभागियन्ति पठमविग्गहस्स अत्थो, अञ्जभागमत्थीति दुतियविग्गहस्स, द्वीहिपि छगलकोव वुत्तो । इदानीं द्वीहिपि विग्गहेहि वुत्तमेवत्थं वित्थारतो दस्सेन्तो “यो हि सो”ति आदिमाह । तत्थ यो हि सो छगलको वुत्तो, सो अञ्जस्स भागस्स होतीति च अञ्जभागियसङ्ख्यं लभतीति च योजना । दुतियविग्गहस्स अत्थं दस्सेत्तुं “सो वा”ति आदि वुत्तं । अधिकरणन्ति वेदितब्बोति एत्थापि यो हि सो “दब्बो मल्लपुत्तो नामा”ति छगलको वुत्तो, सोति आनेत्वा सम्बन्धितब्बं । तज्झि सन्धायाति “दब्बो”ति नामकरणस्स अधिष्ठानभूतं छगलकं सन्धाय । ते भिक्खूति ते अनुयुज्जन्ता भिक्खू । आपत्तियापि पुग्गलाधिष्ठानत्ता “पुग्गलानंयेव लेसा”ति वुत्तं ।

३९३. या च सा अवसाने...पे... चोदना वुत्ताति “भिक्खु सङ्घादिसेसं अञ्जापज्जन्तो दिट्ठो होति सङ्घादिसेसे सङ्घादिसेसदिट्ठि होति, तज्जे पाराजिकेन चोदेती”ति आदिं (पारा० ४०७) चोदनाभेदं सन्धाय वदति । सत्तन्मि आपत्तीं पच्चेकं पाराजिकत्तादिसामञ्जेपि मेथुनादिनादानादिवत्थुतो, रागदोसत्तादिसभावतो च विसभागतापि अत्थीति आह “यस्मा पन...पे... न होती”ति ।

वुत्तनयेनेवाति “सभागविसभागवत्थुतो”ति आदिना (पारा० अट्ठ० २.३९३) वुत्तनयेन । कम्मलकखणं, तंमनासिकारो च अविपन्नकम्मस्स निमित्ततो फलूपचारेन कम्मन्ति वुच्चतीति आह “तं निस्साय उपपज्जनतो”ति । परिवासादिं निस्साय मानत्तादीनं उपपज्जनतो “पुरिमं पुरिम”न्ति आदि वुत्तं ।

३९५. सवत्थुकं कत्वाति पुग्गलाधिष्ठानं कत्वा । दीघादिनाति दीघरस्सादिलिङ्गस्स । दिट्ठादिनाति दिट्ठपुब्बादिनो ।

४०८. एवं तथासञ्जीति अञ्जस्स मेथुनादिकिरियं दिस्वा “अयं सो”ति एवं तथासञ्जी । अङ्गानि पठमदुट्ठदोसे वुत्तसदिसानि, इध पन किञ्चिदेसं लेसमत्तं उपादियना अधिका ।

दुतियदुट्ठदोससिक्खापदवण्णना निड्ढिता ।

## १०. पठमसङ्घभेदसिक्खापदवण्णना

४१०. दसमे बहून्ति दुब्बलताय अरञ्जादिसेवाय चित्तं समाहितं कातुं असक्कोन्तानं । दुक्खस्सन्तकिरियाय तस्मिं अत्तभावे बुद्धवचनगहणधारणादिसङ्घातं व्यञ्जनपदमेव परमं अस्स, न मग्गलाभोति पदपरमो । अभिसम्भुणित्वाति निष्फादेत्वा । धम्मतो अपेतं उद्धम्मं । पटिक्खित्तमेवाति “न, भिक्खवे, असेनासनिक्केन वस्सं उपगन्तब्ब”न्ति (महाव० २०४) वचनतो वुत्तं, इदमेव वचनं सन्धाय पाळियमि “अट्ठ मासे”ति आदि (पारा० ४०९) वुत्तं ।

तीहि कोटीहीति असुद्धमूलेहि । एत्थ च भिक्खून् चतुसु कुलेसु पक्कपिण्डयालोपभोजननिस्सितताय, मच्छमंसभोजनविरहितस्स च कुलस्स दुल्लभताय तत्थ लद्धेसु भत्तव्यञ्जेसु मच्छमंससंगसङ्काय, दुन्निवारणताय च भिक्खून् सरीरयापनमि न सियाति भगवता मच्छमंसं सब्बाथा अपटिक्खित्वा तीहि कोटीहि अपरिसुद्धमेव पटिक्खितं । यदि हि तं भगवा सब्बाथा पटिक्खिपेय्य, भिक्खू मरमानापि मच्छादिसंसगसङ्कितं भत्तं न भुञ्जेय्युं, ततो तण्डुलधञ्जादि पटिग्गहेत्वा निदहित्वा सयं पचित्वा भुज्जितुं तदुपकरणभूतं दासिदासं, उदुक्खलमुसलादिकञ्च भिक्खून् पत्तादि विय अवस्सं गहेत्तुं अनुजानितब्बं सियाति तित्थियायनं विय गहड्ढावासो एव सिया, न भिक्खुआवासोति वेदितब्बं । जालं मच्छबन्धनं । वागुरा मिगबन्धनी । कप्पतीति यदि तेसं वचनेन सङ्का न वत्तति, वट्ठति, न तं वचनं लेसकपं कातुं वट्ठति । तेनेव वक्खति “यत्थ च निब्बेमतिको होति, तं सब्बं कप्पती”ति ।

पवत्तमंसन्ति आपणादीसु पवत्तं विक्कायिकं मतमंसं । भिक्खून्येव अत्थाय अकतन्ति एत्थ अट्ठानप्युत्तो एव-सदो, भिक्खून् अत्थाय अकतमेवाति सम्बन्धितब्बं, तस्मा भिक्खून्ञ्च मङ्गलादीनञ्चाति मिस्सेत्वा कतमि न वट्ठतीति वेदितब्बं । केचि पन यथाठितवसेन अवधारणं गहेत्वा “वट्ठती”ति वदन्ति, तं न सुन्दरं । “वत्त”न्ति इमिना आपत्ति नत्थीति दस्सेति ।

कप्पन्ति असङ्खेय्यकपं, “आयुकप”न्तिापि (सारत्थ० टी० २.४१०) केचि । महाकप्पस्स हि चतुत्थभागो असङ्खेय्यकपो, ततो वीसतिमो भागो सङ्घभेदकस्स आयुकप्पन्ति वदन्ति, तं अट्ठकथासु कप्पडकथाय न समेति “कप्पविनासे एव मुच्चती”ति आदि (विभ० अट्ठ० ८०९) वचनतो । ब्रह्मं पुज्जन्ति सेट्ठं पुज्जं । कपं सगग्गहीति एत्थ पटिसन्धिपरम्पराय कप्पडुत्ता वेदितब्बा ।

४११. लङ्घनानासंवासकेनाति उक्खित्तानुवत्तकभावेन भावप्पधानत्ता निहेसस्स । कम्मनानासंवासकेनाति उक्खित्तभावेन । “भेदाय परकमेय्या”ति विसुं वुत्तता भेदनसंवत्तनिकस्स अधिकरणस्स समादाय पग्गणहनतो पुब्बेपि पक्खपरियेसनादिवसेन सङ्घभेदाय परकमन्तस्स समनुभासनकम्मं कातुं वट्ठतीति वेदितब्बं । योपि चायं सङ्घभेदो होतीति सम्बन्धो ।

कप्पेनाति अपलोकादिना । उट्ठेसेनाति पातिमोक्खुट्ठेसेन । वोहारेनाति ताहि ताहि उपपत्तीहि “अधम्मं धम्मो”ति आदिना (अ० नि० ३.१०-३९, ४२; चूळव० ३५२) वोहारेन, परेसं पञ्चापनेनाति अत्थो । अनुसावनायाति अत्तनो लङ्घिया गहणत्थमेव अनु पुनप्पुनं कण्णमूले मन्तसावनाय, कथनेनाति अत्थो । सलाकग्गाहेनाति एवं अनुसावनाय तेसं चित्तं उपत्थम्भेत्वा अत्तनो पक्खे पविट्ठभावस्स सञ्जाणत्थं “गण्ठय इमं सलाक”न्ति सलाकग्गाहेन । एत्थ च कम्ममेव, उट्ठेसो वा सङ्घभेदं पधानं कारणं, वोहारादयो पन सङ्घभेदस्स पुब्बभागाति वेदितब्बा । अब्भुस्सितन्ति अब्भुग्गतं । अच्छेय्याति विहरेय्य ।

“लज्जी रक्खिस्सती”ति (विसुद्धि० १.४२; पारा० अट्ठ० १.४५) वचनतो आपत्तिभयेन आरोचनं लज्जीनं एव भारोति आह “लज्जीहि भिक्खूही”ति, अलज्जिस्सपि अनारोचेन्तस्स आपत्तियेव । अपटिनिस्सज्जतो दुक्कटन्ति विसुं विसुं वदन्तानं गणनाय दुक्कटं । पहीन्तेनाति गन्तुं समत्थेन, इच्छन्तेनाति अत्थो । आपत्ति पन अट्ठयोजनभन्तरेनेव अगिलानस्स वसेन वेदितब्बा ।

४१६. जत्तियादीहि दुक्कटादिसम्भावं सन्धाय “सङ्घादिसेसेन अनापत्ती”ति वुत्तं । अस्साति देवदत्तस्स । अपज्जते सिक्खापदे समनुभासनकम्मस्सेव अभावतो “न हि पज्जत्तं सिक्खापदं वीतिकमन्तस्सा”ति वुत्तं । सिक्खापदं पज्जपेत्तेनेव हि समनुभासनकम्मं अनुज्जातं । उट्ठिस्स अनुज्जाततोति “अनुजानामि, भिक्खवे, रोमन्थकस्स रोमन्थन”न्ति आदि (चूळव० २७३) उट्ठिस्सानुज्जातं सन्धाय वदति । अनापत्तिवन्ति अनापत्तिवारे । आपत्तिं रोपेतब्बोति समनुभासनाय पाप्पत्तिय आपत्तिं रोपेतब्बो । आपत्तियेव न जाताति सङ्घादिसेसापत्तिं न जाता एव ।

“न पटिनिस्सज्जामी”ति सञ्जाय अभावेन मुच्चनतो सञ्जाविमोक्खं । सचित्तकन्ति “न पटिनिस्सज्जामी”ति जाननचित्तेन सचित्तकं । यो विसञ्जी वा भीतो वा विक्खितो वा “पटिनिस्सज्जितब्ब”न्तिपि, “कम्मं करिस्सती”ति वा न जानाति, तस्स अनापत्ति । भेदाय परकमनं, धम्मकम्मेन समनुभासनं, कम्मवाचापरियोसानं, न पटिनिस्सज्जामीति चित्तेन अपटिनिस्सज्जनन्ति इमानेत्य चत्तारि अङ्गानि ।

पठमसङ्गभेदसिक्खापदवण्णना निड्ढिता ।

### ११. दुतियसङ्गभेदसिक्खापदवण्णना

४१८. एकादसमे यस्मा उब्बाहिक्कादिसम्मुतिकम्पं बहून्मि कातुं वट्ठति, तस्मा “न हि सङ्गो सङ्गस्स कम्पं करोती”ति इदं निग्गहवसेन कत्तब्बकम्पं सन्धाय वुत्तन्ति वेदितब्बं । अङ्गानि पनेत्थ भेदाय परक्कमनं पहाय अनुवत्तनं पक्खिपित्वा हेट्ठा वुत्तसदिसानेव गहेतब्बानि ।

दुतियसङ्गभेदसिक्खापदवण्णना निड्ढिता ।

### १२. दुब्बचसिक्खापदवण्णना

४२४. द्वादसमे वम्भनवचनन्ति गरहवचनं । सट-सट्ठो पतितसट्ठेन समानत्थो, तस्स च विसेसनस्स परनिपातोति आह “तत्थ तत्थ पतितं तिणकट्टपण्ण”न्ति । केनापीति वातादिसदिसेन उपज्झायादिना ।

४२६. चित्तपरियोनाहो दळ्हकोधोव उपनाहो । ततोपि बलवतरो दुम्मोचनीयो कोधाभिसङ्गो । चोदकं पटिप्फरणाति चोदकस्स पटिविरुद्धो हुत्वा अवट्ठानं । चोदकं अपसादनाति वाचाय घट्टना । पच्चारोपनाति “त्वम्पि सापत्तिको”ति चोदकस्स आपत्तिआरोपना । पटिचरणताति पटिच्छादनता । अपदानेनाति अत्तनो चरियाय । न सम्मायनताति “यं त्वं चोदको वदेसि मया एस आपत्ति आपन्नो दिट्ठो”ति, त्वं तस्मिं समये किं करोसि, अयं किं करोति, कत्थ च त्वं अहोसि, कत्थ अयं”न्तिआदिना नयेन चरियं पुट्टेन सम्पादेत्वा अकथनं ।

“यस्स सिया आपत्ती”ति (महाव० १३४) इमिना निदानवचनेन सब्बापि आपत्तियो सङ्गहिताति आह “यस्स सिया”तिआदि । अङ्गानि चेत्थ पठमसङ्गभेदसदिसानि, अयं पन विसेसो यथा तत्थ भेदाय परक्कमनं, इध अवचनीयकरणाता दट्ठब्बा ।

दुब्बचसिक्खापदवण्णना निड्ढिता ।

### १३. कुलदूसकसिक्खापदवण्णना

४३१. तेरसमे कीटागिरीति तस्स निगमस्स नामं । तज्झि सन्धाय परतो “न अस्सजिपुनब्बसुकेहि भिक्खुहि कीटागिरिस्मिं वत्थब्ब”न्ति वुत्तं, गामनिगमतो च पब्बाजनं, न जनपदतो । तेन पन योगतो जनपदोपि “कीटागिरि”इच्चेव सङ्ख्यं गतोति आह “एवंनामके जनपदे”ति ।

तत्राति सावत्थियं । धुरट्ठानेति अभिमुखट्ठाने, जेतवनद्वारसमोपेति अत्थो । द्वीहि मेघेहीति वस्सिकेन, हेमन्तिकेन चाति द्वीहि मेघेहि । गणाचरियेहि छहि अधिकताय “समधिक”न्ति वुत्तं ।

उदकस्साति अकप्पियउदकस्स “कप्पियउदकसिञ्चन”न्ति विसुं वक्खमानत्ता, तज्ज “आरामादिअत्थाय रुक्खरोपने अकप्पियवोहारेसुपि कप्पियउदकसिञ्चनादि वट्ठती”ति वक्खमानत्ता इधापि विभागं कत्वा कप्पियउदकसिञ्चनादि विसुं दस्सितं । यथा कोट्टनखणनादिकायिककिरियापि अकप्पियवोहारे सङ्गहिता, एवं मातिकाउजुकरणादिकप्पियवोहारेपीति आह “सुक्खमातिकाय उजुकरण”न्ति । एत्थ पुराणपण्णादिहरणम्पि सङ्गहति । महापच्चरियवादोव पमाणता पच्चा वुत्तो । अकप्पियवोहारेपि एकच्चं वट्ठतीति दस्सेतुं “न केवलज्ज सेस”न्तिआदिमाह । यंकिञ्चि मातिकाय सुक्खं वा असुक्खं वा । तत्थाति आरामादिअत्थाय रुक्खरोपने । तत्थाति कप्पियवोहारपरियायादीहि गन्थापनं सन्धाय वुत्तं । इमिना च कुलसङ्गहत्थाय गन्थापनादिपि न वट्ठतीति दस्सेति ।

वत्थुपूजनत्थाय सयं गन्थनं कस्मा न वट्ठतीति चोदेन्तो “ननु चा”तिआदिमाह । यथा आरामादिअत्थं कप्पियपर्यायं सयं रोपेतुम्पि वट्ठति, तथा वत्थुपूजनत्थाय सयं गन्थनम्पि कस्मा न वट्ठतीति चोदकस्स अधिप्पायो । वुत्तन्तिआदि परिहारो । अथ “न पन महाअट्ठकथाय”न्ति कस्मा वदति? महापच्चरिआदीसु वुत्तम्पि हि पमाणमेवाति नायं विरोधो, महाअट्ठकथायं अवुत्तस्स सयं रोपनस्स तत्थेव वुत्तेन उदकसिञ्चनेन सह संसन्दनयदस्सनमुखेन पमाणमेवाति पटिट्ठापेतुं वुत्तत्ता । “मज्जेय्यासी”ति पदं “तं कथं”न्ति इमिना सम्बन्धितब्बं । तत्थायं अधिप्पायो — किञ्चापि महाअट्ठकथायं सयं रोपनं न वुत्तं, कप्पियउदकस्स सयं आसिञ्चनं वुत्तमेव, तस्मा यथा आरामादिअत्थाय कप्पियउदकं सयं सिञ्चितुम्पि वट्ठति, तथा वत्थुपूजनत्थाय गन्थनम्पि कस्मा न वट्ठतीति । तम्पि न विरुज्झतीति यदेतं वत्थुपूजनत्थायपि गन्थनादि पटिक्खिपित्वा आरामादिअत्थाय सयं रोपनसिञ्चनं वुत्तं, तम्पि पाळिया संसन्दनतो पुब्बापरं न विरुज्झति ।

तं कथं न विरुज्झतीति आह “तत्र ही”तिआदि । तत्राति रोपनसिञ्चनविषये । पुप्फादीहि कुलसङ्गहत्थसङ्गे “मालावच्छ”न्ति विसेसितत्ता कुलसङ्गहत्थमेव रोपनं अधिप्पेतन्ति विज्झायतीति आह “मालावच्छन्ति वदन्तो”तिआदि । एतं वुत्तन्ति “मालावच्छं रोपेन्तिपि रोपापेन्तिपि, सिञ्चन्तिपि सिञ्चापेन्तिपि”ति एतं वुत्तं । अज्जत्र पनाति आरामादिअत्थाय मालावच्छादीनं रोपने पन । परियायोति सयंकरणकारापनसङ्गातो परियायो वोहारो अर्थविसेसोति अत्थो अत्थि उपलब्धति, कुलसङ्गहत्थत्ताभावाति अधिप्पायो । एवमेत्थ परियायसदस्स करणकारापनवसेन अत्थे गट्ठमाने “गन्थेन्तिपि गन्थापेन्तिपि”ति पाळियं पटिक्खित्तगन्थनगन्थापनं ठपेत्वा यं परतो “एवं जान, एवं कते सोभेय्या”तिआदिकप्पियवचनेहि गन्थापनं वुत्तं, तत्थ दोसाभावो समत्थितो हांति, “गन्थेही”ति आणत्तिया कारापनस्सेव गन्थापनन्ति अधिप्पेतत्ता । तत्थ परियायं इध च परियायाभावं जत्वाति तत्थ “मालावच्छं रोपेन्ती”तिआदीसु “मालावच्छ”न्ति कुलसङ्गहत्थत्तासूचनकस्स विसेसनस्स सम्भावतो करणकारापनसङ्गातपरियायसम्भावं । इध “गन्थेन्ती”तिआदीसु तथाविधविसेसवचनाभावतो तस्स परियायस्स अभावज्ज जत्वा । तं सुवुत्तमेवाति वेदितब्बन्ति योजना ।

सब्बं वुत्तनयेनेव वेदितब्बन्ति अट्ठकथासु आगतनयेनेव रोपनादि, गन्थापनादि च सब्बं वेदितब्बं । न हेत्थ सन्देहो कातब्बोति निगमेति ।

हरणादीसूति वत्थुपूजनत्थाय हरणादीसु । कुलित्थिआदीनं अत्थाय हरणतोति कुलित्थिआदीनं हरणस्सेव विसेसेत्वा पटिक्खित्तताति अधिप्पायो । तेनाह “हरणाधिकारे ही”तिआदि । मज्जरीति पुप्फगोच्छं । वटंसकोति कण्णस्स उपरि पिळ्ळन्थत्थं कतपुप्फविकति, सो च “वटंसो”ति वुच्चति । कण्णिक्काति बहून् पुप्फानं वा मालानं वा एकतो बन्धितस्स नामं, “कण्णाभरण”न्तिपि वदन्ति । हारसदिसन्ति मुत्ताहारसदिसं ।

कप्पियेनाति कप्पियउदकेन । तेसंयेव द्विन्नन्ति कुलदूसनपरिभोगानं द्विन्नं । दुक्कटन्ति कुलसङ्गहत्थाय सयं सिञ्चने, कप्पियवोहारेन वा अकप्पियवोहारेन वा सिञ्चापने च दुक्कटं, परिभोगत्थाय पन सयं सिञ्चने, अकप्पियवोहारेन सिञ्चापने च दुक्कटं । पयोगबहुलतायाति सयं करणे, कायपयोगस्स कारापने च वचीपयोगस्स च बहुत्तेन ।

गन्थेन निब्बत्तं दामं गन्थिमं । एसेव नयो सेसेसुपि । न वट्ठतीति वत्थुपूजनत्थायपि न वट्ठति, दुक्कटन्ति अत्थो । वट्ठतीति वत्थुपूजनत्थाय वट्ठति, कुलसङ्गहत्थाय पन कप्पियवोहारेन कारापेत्तस्सापि दुक्कटमेव ।

नीपपुप्फं नाम कदम्बपुप्फं । पुरिमनयेनेवाति “भिक्खुस्स वा”तिआदिना वुत्तनयेन ।

कदलिकखन्धम्हीतिआदिना वुत्तं सब्बमेव सन्धाय “तं अतिओळारिकमेवा”ति वुत्तं, सब्बत्थ करणे, अकप्पियवचनेन कारापने च दुक्कटमेवाति अत्थो । “पुप्फविज्जनन्थं कण्टकं बन्धितुम्पि न वट्ठती”ति इमस्स उपलक्खणत्ता पुप्फदामोलम्बनादिअत्थाय रज्जुबन्धनादिपि न वट्ठतीति केचि वदन्ति, अज्जे पन “पुप्फविज्जनन्थं कण्टकन्ति विसेसितत्ता तदत्थं कण्टकमेव बन्धितुं न वट्ठति, तज्ज अट्ठकथापमाणेना”ति वदन्ति, वीर्मासत्त्वा गहेतब्बं । पुप्फपटिच्छकं नाम दण्डादीहि कतं पुप्फाधानं, एतम्पि नागदन्तकम्पि सच्छिदकमेव गहेतब्बं । असोकपिण्डियाति असोकसाखानं, पुप्फानं वा समूहे ।

धम्मरज्जु नाम चेतियादीनि परिक्रिपित्वा तेसञ्च रज्जुया च अन्तरा पुप्फप्पवेसनत्थाय बन्धरज्जु । “सिथिलवट्ठिता वा रज्जुवट्ठिअन्तरे पुप्फप्पवेसनत्थाय एवं बन्धा”तिपि वदन्ति ।

मत्थकदामन्ति धम्मासनादिमत्थकलम्बकदामं । तेसंयेवाति उप्पलादीनं एव । वाकेन वा दण्डकेन वाति पुप्फनाळं फालेत्वा पुप्फेन एकाबद्धं ठितवाकेन, दण्डकेन च एकबन्धनेनेव, एतेन पुप्फं बीजगामे सङ्गहं न गच्छति पञ्चसु बीजेसु अप्पविट्ठता पण्णं विय, तस्मा कप्पियं अकारापेत्वापि कोपने दोसो नत्थि । यञ्च छिन्नस्सापि मकुळस्स विकसनं, तम्पि अतितरुणस्स अभावा वुट्ठिलक्खणं न होति, परिणतस्स पन मकुळस्स पत्तानं सिनेहे परियादानं गते विसुंभावो एव विकासो, तेनेव छिन्नमकुळविकासो अच्छिन्नमकुळविकासतो परिहीनो, मिलातयुत्तो वा दिस्सति । यञ्च मिलातस्स उदकसञ्जोगे अमिलानतापञ्जनं, तम्पि तम्बुलपण्णादीसु समानन्ति वुट्ठिलक्खणं न होति, पाळिअट्टकथादीसु च न कत्थाचि पुप्फानं कप्पियकरणं आगतं, तस्मा पुप्फं सब्बथा अबीजमेवाति विज्जायति, वीमसित्त्वा गहेतब्बं । “पसिब्बके विया”ति वुत्तता पुप्फपसिब्बके वा पसिब्बकसदिसबन्धे वा यत्थ कत्थाचि चीवरे वा पक्खिपितुं वट्ठतीति सिद्धं । बन्धितुं न वट्ठतीति रज्जुआदीहि बन्धनं सन्धाय वुत्तं, पुप्फस्सेव पन अच्छिन्नदण्डवाकेहि बन्धितुं वट्ठति एव ।

पुप्फपटे च दट्ठब्बन्ति पुप्फपटं करोन्तस्स दीघतो पुप्फदामस्स हरणपच्चाहरणवसेन पूरणं सन्धाय वुत्तं, तिरियतो हरणं पन वायिमं नाम होति, न पूरिमं । “पुरिमइयं अतिक्कामेती”ति सामञ्जतो वुत्तता पुरिमं पुप्फकोटिं फुसापेत्वा वा अफुसापेत्वा वा परिक्रिपनवसेन पन अतिक्कमन्तस्स आपत्तियेव । बन्धितुं वट्ठतीति पुप्फरहिताय सुत्तवाककोटिया बन्धितुं वट्ठति । “एकवारं हरित्वा वा परिक्रिपित्वा वा”ति इदं पुब्बे वुत्तचेतियादिपरिक्रिपे, पुप्फपटकरणञ्च सन्धाय वुत्तं ।

परेहि पुरितन्ति दीघतो पसारितं । वायितुन्ति तिरियतो हरितुं, तं पन एकवारम्पि न लब्धति । पुप्फानि ठपेन्तेनाति अगन्थितपुप्फानि अञ्जमञ्जं फुसापेत्वापि ठपेन्तेन । घटिकदामओलम्बकोति हेड्ढाभागे घटिकाकारयुत्तो, दारुघटिकाकारो वा ओलम्बको । सुत्तमयं गेण्डुकं नाम । सब्बत्थाति गन्थिमादीसु सब्बत्थ ।

रेचकन्ति अभिनयं, “एवं नच्चाही”ति नटनाकारदस्सनन्ति अत्थो, “चक्कं विय अत्तानं भमापन”न्तिपि केचि । आकासेयेव कीळन्तीति “अयं सारी असुकपदं मया नीता”ति एवं मुखेनेव उभोपि वदन्ता कीळन्ति । जूतफलकेति जूतमण्डले । पासककीळायाति द्विन्नं तिवङ्कुलपमाणानं दारुदन्तादिमयानं पासकानं चतूसु पस्सेसु एककादिवसेन बिन्दूनि कत्वा फलके खिपित्वा उपरिभागे दिडुबिन्दूनं वसेन सारियो अपनेत्वा कीळनकजूतकीळाय ।

मज्जङ्गि नाम मज्जङ्गुलखसारकसावं । सलाकहत्थन्ति नाळिकेरहीरादीनं कलापस्सेतं नामं । पाळियं थरस्मिन्ति खगे । उस्सेळेन्तीति मुखेन उस्सेळनसहं पमुञ्चन्ति, महन्तं अब्यत्तसहं पवत्तेन्तीति अत्थो । अप्फोटेन्तीति द्विगुणितवामहत्थे दक्खिणहत्थेन ताळेत्वा सहं करोन्ति । मुखडिण्डिमन्ति मुखभेरी ।

४३२. तेसन्ति समासे गुणीभूतानि पब्बानिपि परामसति । बोन्दोति लोलो, मन्दधातुकोति अत्थो । भकुटिं कत्वाति भमुकभेदं कत्वा । नेलाति निहोसा ।

४३३. पाळियं “सारिपुत्ता”ति इदं एकसेसनयेन सारिपुत्तमोगल्लानानं उभिन्नं आलपनं, तेनेव बहुवचननिहेसो कतो ।

४३५. अट्टारस वत्तानीति “न उपसम्मादेतब्ब”न्तिआदीनि “न भिक्खूहि सम्पयोजेतब्ब”न्ति परियोसानानि कम्मक्खन्थके (चूळव० ७) आगतानि अट्टारस वत्तानि । न पन्नलोमाति न पतितमानलोमा, अननुकूलवत्तिनोति अत्थो ।

४३७. परसन्तकं देति दुक्कटमेवाति विस्सासगाहेन दानं सन्धाय वुत्तं । थुल्लच्चयन्ति एत्थ भण्डदेय्यम्पि होति एव ।

तञ्च खो वत्थुपूजनत्थायाति मातापितृनम्पि पुप्फं देन्तेन वत्थुपूजनत्थायेव दातव्वन्ति दस्सेति । मण्डनत्थाय पन सिवल्लिङ्गादिपूजनत्थायाति एतकमेव वुत्तता “इमं विक्किणित्वा जीविस्सन्ती”ति मातापितृनं दातुं वट्ठति, सेसजातीनं पन तावकालिकमेव दातुं वट्ठति । जातिसामणरेहेवाति तेसं गिहिकम्मपरिमोचनत्थं वुत्तं । इतरेति अज्जातका, तेहिपि सामणरेहि आचरियुपज्झायानं वत्तसीसेन हरितब्बं । चूळकन्ति उपड्डुभागतोपि उपड्डु ।

सामणेरा...पे... ठपेन्तीति अरक्खितागोपितं सन्धाय वुत्तं । तत्थ तत्थाति मग्गे वा चेतियङ्गणे वा । “सामणरेहि दापेतुं न लभन्ती”ति इदं सामणरेहि गिहीनं कम्मं कारितं विय होतीति वुत्तं, न पन पुप्फदानं होतीति सामणेरानम्पि न वट्ठन्तो । वुत्तञ्च “सयमेवा”तिआदि । “अविसेसेन वुत्त”न्ति इमिना सब्बेसम्पि न वट्ठतीति दस्सेति ।

खीणपरिब्बयानन्ति आगन्तुके सन्धाय वुत्तं । परिच्छिन्नेसुपि रुक्खेसु “इध फलानि सुन्दरानी”तिआदि वदन्तेन कुलसङ्गहो कतो नाम होतीति आह “एवं पन न वत्तब्ब”न्ति ।

रुक्खच्छलीति रुक्खत्तचो । अभाजनीयत्ता गरुभण्डं वुत्तं । वुत्तनयेनाति पण्णदानम्पि पुप्फफलादीसु वुत्तनयेन कुलसङ्गहो होतीति दस्सेति ।

पुब्बे वुत्तप्पकारन्ति मम वचनेन भगवतो पादे वन्दथातिआदिना वुत्तप्पकारसिक्खापदे पठमं वुत्तं । “पक्कमतायस्मा”ति इदं पब्बाजनीयकम्मवसेन वुत्तं । पुन “पक्कमतायस्मा”ति इदम्पि पब्बाजनीयकम्मकतस्स वत्तवसेन वुत्तं । एत्थ च अस्सजिपुनब्बसुकेहि आचरियेसु अनेकाविधेसु अनाचारेसु पञ्जपेतब्बा आपत्तियो सिक्खापदन्तरेसु पञ्जत्ता एवाति ता इध अपञ्जपेत्वा कुलदूसकानं पब्बाजनीयकम्मवसेन निग्गहं कातुं तत्थेव सम्मा अवत्तित्वा कारकसङ्घं छन्दगाभितादीहि पापेत्तानं समनुभासनाय सङ्घादिसेसं आरोपितञ्च इदं सिक्खापदं पञ्जत्तन्ति वेदितब्बं । पठमसङ्घभेदसदिसानेवाति एत्थ अङ्गेसुपि यथा तत्थ परक्कमनं, एवमिध छन्दादीहि पापनं दट्ठब्बं । सेसं तादिसमेवाति ।

कुलदूसकसिक्खापदवण्णना निड्डिता ।

### निगमनवण्णना

४४२. इतरे पन यावततियकाति वेदितब्बाति सम्बन्धो । यो हि जरो एकस्मिं दिवसे आगन्त्वापि गतो अनन्तरेसु द्वीसु दिवसेसु अनुप्पज्जित्वा ततिये दिवसे उपपज्जति, सो ततियको । यो पन ततियेपि अनुप्पज्जित्वा चतुत्थे एव दिवसे उपपज्जति, सो चतुत्थको चाति वुच्चति । तं सन्धायहा “यथा ततिये”तिआदि । “अक्कामेन अवसेना”ति इमिना अप्पटिकम्मकरणं नाम यस्मा अलज्जिलक्खणं, सगमोक्खावरणञ्च, तस्मा आपन्नो पुग्गलो “पच्चा परिवसिस्सामी”ति विक्खिपितुं न लभति, सङ्गेन च अनिच्छन्तस्सेव परिवासो दातव्वोति दस्सेति । पाळियं चिण्णमानतो भिक्खु...पे... अभ्भेतब्बोति एत्थ यो भिक्खु चिण्णमानतो, सो भिक्खु अभ्भेतब्बोति एवं भिक्खुसद्वयस्स योजना वेदितब्बा । ते च भिक्खू गारह्हाति ऊनभावं जत्वा अभ्भेन्ति, दुक्कटापज्जनेन गरहितब्बा । सामीचीति वत्तं ।

इति समन्तपासादिकाय विनयट्ठकथाय विमतिविनोदनियं

तेरसकवण्णनानयो निड्डितो ।

## ३. अनियतकण्डो

## १. पठमअनियतसिक्खापदवण्णना

४४३. पुत्तसहेन सामञ्जनिहेसतो, एकसेसनयेन वा पुत्तीपि गहिताति आह “बहू धीतरो चा”ति। तदनन्तरन्ति भिक्खून् भोजनानन्तरं।

४४४-५. तं कम्मन्ति तं मेथुनादिअञ्जाचारकम्मं। पाळियं “सोतस्स रहो”ति इदं अत्थुद्धारवसेन वुत्तं, उपरि सिक्खापदे “न हेव खो पन पटिच्छन्”न्तिआदिना (पारा० ४५४) एतस्स सिक्खापदस्स विसयं पटिक्खिपित्वा “अलञ्च खो होति मातुगामं दुडुल्लाहि वाचाहि ओभासितु”न्ति विसयन्तरभूतसोतरहस्स विसुं वक्खमानत्ता, इध पन चक्खुरहोव अधिपेतो “पटिच्छन्ने आसने”तिआदिवचनतो, “सक्का होति मेथुनं धम्मं पटिसेवितु”न्ति वुत्तता च। तेनाह “किञ्चापी”तिआदि। परिच्छेदोति रहो निसज्जापत्तिया ववत्थानं।

इदानीं चक्खुरहेनेव आपत्तिं परिच्छिन्दित्वा दस्सेन्तो “सचेपि ही”तिआदिमाह। “पिहितकवाटस्सा”ति इमिना पटिच्छन्नभावतो चक्खुस्स रहोव अधिपेतो, न सोतस्स रहोति दस्सेति। तेनाह “अपिहितकवाटस्स...पे०... अनापत्ति”न्ति। न हि कवाटपिदहनेन सोतस्स रहो विगच्छति, चक्खुस्स रहो एव पन विगच्छति। “अन्तोद्वादसहत्थेपी”ति इदं दुतियसिक्खापदे आगतसोतस्स रहेन आपज्जितव्वदुडुल्लवाचापत्तिया सब्बथा अनापत्तिभावं दस्सेतुं वुत्तं। द्वादसहत्थतो बहि निसिन्धो हि तत्थ सोतस्स रहसम्भावतो दुडुल्लवाचापत्तिया अनापत्तिं न करोति, तथा च “अनापत्तिं न करोती”ति सामञ्जतो न वत्तब्बं सिया, “मेथुनकायसंसग्गापत्तीहि अनापत्तिं करोती”ति विसेसेत्वा वत्तब्बं भवेय्यं। तस्मा तथा तं अवत्ता सब्बथा अनापत्तिं दस्सेतुमेव “द्वादसहत्थे”ति वुत्तन्ति गहेतब्बं। यदि हि चक्खुस्सेव रहभावं सन्धाय वदेय्य, “अन्तोद्वादसहत्थे”ति न वदेय्य अपटिच्छन्ने ततो दूरे निसिन्धोपि चक्खुस्स रहासम्भवतो। यस्मा निसीदित्वा निदायन्तो कपिमिद्धपरेतो किञ्चि कालं चक्खुनि उम्मीलेति, किञ्चि कालं निम्मीलेति। तस्मा “निदायन्तोपि अनापत्तिं करोती”ति वुत्तं।

पटिलद्धसोतापत्तिफलाति अन्तिमपरिच्छेदतो वुत्तं। निसज्जं पटिजानमानोति मेथुनकायसंसग्गादिवसेन रहो निसज्जं पटिजानमानोति अत्थो। तेनाह “पाराजिकेन वा”तिआदि। न अपटिजानमानोति अलज्जीपि अपटिजानमानो आपत्तिया न कारेतब्बोव। सो हि याव दोसं न पटिजानाति, ताव “नेव सुद्धो, नासुद्धो”ति वा वत्तब्बो, वत्तानुसन्धिता पन कारेतब्बो। वुत्तज्हेतं —

“पटिञ्जा लज्जीसु कत्ता, अलज्जीसु एवं न विज्जाति।

बहुमि अलज्जी भासेय्य, वत्तानुसन्धितेन कारये”ति॥ (परि० ३५९)।

निसज्जादीसु...पे०... पटिजानमानोव तेन सो भिक्खु कारेतब्बोति एत्थ पटिजानमानोति पाळियं अनागतमि अधिकारतो आगतमेवाति कत्वा वुत्तं।

वदापेथाति तस्स इद्धिया विगतासङ्कोपि तं ओवदन्तो आह, अनुपपरिक्खित्वा अदेसे निसिन्ना “मातुगामेन सद्धि एकासने थेरो रहो निसिन्धो”ति एवं मादिसेहिपि तुम्हे तुम्हाकं अवण्णं वदापेथ कथापयित्थ, मा पुन एवं कर्त्तयाति अधिप्यायो। एवमकासिन्ति निगूहितव्वमि इमं विसेसाधिगमं पकासेन्तो तं सद्धापेतुमेव एवमकासिन्ति अत्थो। रक्खेय्यासिमन्ति इमं उत्तरमनुस्सधम्मं अज्जेसं मा पकासयि।

४५१. निसज्जाय पाचित्तियन्ति रहो निसज्जस्सादे वत्तमाने पाचित्तियं। सचे पन सो रहो निसज्जस्सादं पटिविनोदेत्वा कम्मडानमनसिकारादिना अज्जविहितो, निद्वृपगतो वा अनापत्ति एव। तेनाह “अस्सादे उप्पन्ने”ति। “निसिन्नाय इत्थिया”ति इमिना निसीदनक्खणे अस्सादाभावं दस्सेति। यदि हि निसीदनक्खणे अस्सादो उप्पज्जेय्य, तेन उद्धातब्बं। इतरथा आपत्ति एव इत्थिया उद्धायुद्धाय पुनपुनं निसीदने विय, तत्थापि भिक्खुस्स उद्धतो अनापत्ति, तेन रहो निसज्जापत्ति अकिरियसमुद्धानापि होतीति वदन्ति। इदं पन अनियतसिक्खापदं, अनन्तरज्जाति द्वेपि विसुं आपत्तिपञ्जापनवसेन पञ्जत्तानि न होन्ति रहो निसज्जादीसु आपत्तिया सिक्खापदन्तरेसु पञ्जत्तता। पाराजिकादिआपत्तीहि पन केनचि चोदितस्स अनुविज्जकेहि विनिच्छयकारणनयदस्सनत्थं एवं वत्थुवसेन द्विधा विभजित्वा पञ्जत्तानि, इमानेव च यस्मा भिक्खुनीनमि विनिच्छयनयगहणाय अलं, तस्मा तासं विसुं न वुत्तानीति वेदितब्बं। यं पन आपत्ति पटिजानाति, तस्स वसेनेत्थ अङ्गभेदो वेदितब्बो। तेनेव “अयं धम्मो अनियतो”ति वुत्तं।

इध अनियतवसेन वुत्तानं पाराजिकसङ्घादिसेसपाचित्तियानं तिण्णमि अज्जमज्जं सदिससमुद्धानादिताय वुत्तं “समुद्धानादीनि पठमपाराजिकसदिसानेवा”ति।

पठमअनियतसिक्खापदवण्णना निड्डिता।

## २. दुतियअनियतसिक्खापदवण्णना

४५२. “न लभति मातुगामेन सद्धि एको एकाय...पे०... निसज्जं कपेतु”न्ति अवत्ता “पटिक्खितं मातुगामेना”तिआदिना वुत्तता “एको”ति पच्चत्तपदं पटिक्खितपदेन न समेति, “एकस्सा”ति वत्तब्बोति साधेन्तो आह “इतरथा ही”तिआदि।

४५३. परिवेणङ्गादीति परिवेणस्स माळकं। आदि-सहेन पाकारादिपरिक्खितं चेतियमाळकादिं सङ्गणहाति। अन्तोगधन्ति अपटिच्छन्नद्वाने एव परियापन्नं। इध इत्थीपि अनापत्तिं करोतीति सम्बन्धो। कस्मा पन इत्थी इधेव अनापत्तिं करोति, न पुरिमसिक्खापदेति? इमस्स सिक्खापदस्स मेथुनं विना दुडुल्लवाचाय वसेन आगतता। मेथुनमेव हि इत्थियो अज्जमज्जं पटिच्छादेन्ति महावने द्वारं विवरित्वा निद्वृपगतहि भिक्खुमि विय। दुडुल्लं पन न पटिच्छादेन्ति, तेनेव दुडुल्लवाचासिक्खापदे “या ता इत्थियो हिरमना, ता निक्खमित्वा भिक्खू उज्जापेसु”न्ति (पारा० २८३) वुत्तं, तस्मा “इत्थीपि अनापत्तिं करोती”ति वुत्तं, “अपटिच्छन्नद्वानत्ता”तिपि कारणं वदन्ति।

कायेनापि दुडुल्लोभाससम्भवतो इमस्मिं सिक्खापदे चक्खुस्स रहो, सोतस्स रहो च अधिपेतोति आह “अनन्धो अबधियो”तिआदि। केचि पन विभङ्गे “नालं कम्मनियन्ति न सक्का होति मेथुनं धम्मं पटिसेवितु”न्ति (पारा० ४५४) एतकमेव वत्ता “न सक्का होति कायसंसगं समापज्जितु”न्ति अवुत्तता अपटिच्छन्नेपि ठाने रहो अज्जेसं अभावं दिस्वा एकाय इत्थिया कायसंसग्गापि सक्का आपज्जितुन्ति अन्तोद्वादसहत्थे सवनपूचारे ठितो अबधिरापी अन्धो कायसंसग्गस्सापि सम्भावाभावं न जानातीति कायेन दुडुल्लोभासनसम्भावं अमनसिकत्वापि कायसंसग्गापत्तियापि परिहाराय अनन्धो अबधिरापीति वुत्तं”न्ति वदन्ति। यं पन सारत्थदीपनियं “कायसंसगवसेन अनन्धो वुत्तो”ति (सारत्थ० टी० २.४५३) वुत्तं, तं पन कायेन दुडुल्लोभासनसम्भवं अमनसिकत्वा वुत्तं, कायसंसगवसेनापीति गहेतब्बं। तेनेव “इमस्मिं सिक्खापदे सोतस्स रहो एव अधिपेतो...पे०... केनचि पन ‘द्वेपि रहा इध अधिपेता’ति वुत्तं, तं न गहेतब्बं”न्ति वुत्तं। यं पन चक्खुस्स रहाभावसाधनत्थं “न हि अपटिच्छन्ने ओकासे चक्खुस्स रहो सम्भवती”तिआदि वुत्तं, तं न युत्तं अतिदूरतरे ठितस्स कायेन ओभासनमि हत्थग्गाहादीनिपि सल्लक्खेतुं असक्कुण्यत्ता। तेनेव पाळियं “चक्खुस्स रहो”ति वुत्तं, अडुकथायं अपटिक्खितं। न केवलञ्च अपटिक्खितं, अथ खो “अनन्धो बधिरापी च अन्धो वा अबधिरापी न करोती”ति च वुत्तं, तस्मा द्वेपि रहा इध गहेतब्बा। “अन्तोद्वादसहत्थे”तिइमिना सोतस्स रहो द्वादसहत्थेन परिच्छिन्नाति इदं दस्सेति। चक्खुस्स रहो पन यत्थ ठितस्स कार्यावकारादयो न पञ्जायन्ति, तेन परिच्छिन्दितव्व्याति दडुब्बं। बधियो पन चक्खुमापीति दुडुल्लवाचासङ्घादिसेसं सन्धाय वुत्तं। दुडुल्लापत्ति वुत्ताति पुरिमसिक्खापदे वुत्तेहि अधिकवसेन दुडुल्लापत्ति च वुत्ताति एवमत्थो गहेतब्बो, न पन दुडुल्लापत्ति एवाति कायसंसग्गस्सापि इध गहेतब्बतो। तेनेव “पाराजिकापत्तिञ्च परिहापेत्वा”ति एतकमेव वुत्तं, इतरथा “कायसंसग्गज्जा”ति वत्तब्बं भवेय्य।

तिसमुद्धानन्तिआदि पन पुरिमसिक्खापदे आगतहि अधिकस्स दुडुल्लवाचासङ्घादिसेसस्स वसेन वुत्तं कायसंसग्गादीनमि पुरिमसिक्खापदे एव वुत्तता, इध पन न वुत्तन्तिपि वदन्ति, वीमसित्वा गहेतब्बं।

दुतियअनियतसिक्खापदवण्णना निड्डिता।

निड्डितो अनियतवण्णनानयो।

## ४. निस्सगियकण्डो

### १. चीवरवग्गो

#### १. पठमकथिनसिक्खापदवण्णना

४५९. समिताविनाति समितपापेन। गोतमकचेतियं नाम गोतमयकखस्स चेतियद्वाने कतविहारो वुच्चति।

४६१. नवमं वा दसमं वाति भुम्मत्थे उपयोगवचनं। सचे भवेय्याति सचे कस्सचि कङ्खा भवेय्य। वुत्तसदिसन्ति दसमं वाति वुत्तसदिसं परिच्छेदसदिसं, “वुत्तसदिसमेवा”तिपि लिखन्ति। धारेतुन्ति एत्थ आहाति पाठसेसो दट्ठब्बो।

४६३. सूचिया पटिसामनन्ति सूचिधरे संगोपनं, इदञ्च सूचिकम्मस्स सब्बस्स परिनिद्धितभावदस्सनत्थं वुत्तं। एतन्ति नट्टचीवरं। एतेसम्पीति नट्टचीवरादीनि परामसति, तेन चीवरपलिबोधाभावं दस्सेति। दुतियस्स पलिबोधस्साति आवासपलिबोधस्स। एत्थ च निद्धितचीवरस्मिं, उब्भतस्मिं कथिनेति द्वीहि पदेहि द्विन्नं पलिबोधानं अभावदस्सनेन अत्थतकथिनस्स पञ्चमासम्भन्तेरे याव चीवरपलिबोधआवासपलिबोधेसु अञ्जतरं न उपच्छिज्जति, ताव अतिरेकचीवरं धारेतुं वट्टतीति दीपेति। पक्कमनं अन्तो अस्साति पक्कमनन्तिका, एवं सेसापि वेदितव्वा। विथारो पेनेत्थ आगतद्वाने आवि भविससति।

दसाहपरमं कालन्ति अच्चन्तसंयोगवचनं। इदञ्चि वुत्तं होति...पे... दसाहपरमभावोति इदं दसाहपरमतापदस्स अत्थमत्तदस्सनं, दसाहपरमभावोति इदञ्चि वुत्तं होतीति एवमेत्थ योजना वेदितव्वा। अयमत्थोतिआदि दसाहपरमपदस्सेव अधिपेतत्थदस्सनवसेन वुत्तं। तत्थ एत्तको कालोति “दसाहपरमता”ति वुत्तो यो कालो, सो एत्तको कालोति अत्थो।

खोमन्ति खोमसुत्तेहि वायितं खोमपटचीवरं, तं वाकमयन्ति वदन्ति। कप्पाससुत्तेहि वायितं कप्पासिकं, एवं सेसानिपि। कम्बलन्ति एलकादीनं लोममयसुत्तेन वायितपटं। भङ्गन्ति खोमसुत्तादीनि सब्बानि, एकच्चाणि वा मिस्सेत्वा वायितं चीवरं। भङ्गम्पि वाकमयमेवाति केचि। दुकूलं पत्तुणं सोमारपटं चीनपटं इद्धिजं देवदिन्नन्ति इमानि पन छ चीवरानि एतेसञ्जेव अनुलोमानीति विसुं न वुत्तानि। दुकूलञ्चि साणस्स अनुलोमं वाकमयत्ता। “पत्तुणं कोसेय्यविसेसो”ति अभिधानकोसे वुत्तं। सोमारदेसे, चीनदेसे च जातवत्थानि सोमारचीनपटानि। पत्तुणादीनि तीणि कोसेय्यस्स अनुलोमानि पाणकेहि कतसुत्तमयत्ता। इद्धिजन्ति एहिभिकखूनं पुञ्जिद्धिया निब्बत्तचीवरं। कप्परुक्खे निब्बत्तं, देवदिन्नञ्च खोमादीनं अञ्जतरं होतीति तेसं सब्बेसं अनुलोमानि। मनुस्सानं पकतिविदत्थिं सन्धाय “द्वे विदत्थियो”तिआदि वुत्तं। इमिना दीघतो वट्टकीहत्थप्पमाणं विथारतो ततो उपट्टप्पमाणं विकप्पनुगन्ति दस्सेति। तथा हि “सुगतविदत्थि नाम इदानी मज्झिमस्स पुरिसस्स तिससो विदत्थियो, वट्टकीहत्थेन दियट्ठो हत्थो होती”ति (पारा० अट्ठ० २.३४८-३४९) कुटिकारसिक्खापदट्टकथायं वुत्तं, तस्मा सुगतङ्गुलेन द्वादसङ्गुला सुगतविदत्थि वट्टकीहत्थेन दियट्ठो हत्थोति सिद्धं। एवञ्च कत्वा “सुगतङ्गुलेन अट्टङ्गुलं वट्टकीहत्थप्पमाणं”ति आगतद्वानेहि च समेति।

तं अतिक्कामयतोति एत्थ तन्ति चीवरं, कालं वा परामसति। तस्स यो अरुणोति चीवरुप्पाददिवसस्स यो अतिक्कन्तो अरुणो। चीवरुप्पाददिवसेन सद्धन्ति चीवरुप्पाददिवसस्स आदिभूतेन अतिक्कन्तअरुणेन सद्धन्ति अत्थो, इदञ्च भगवता “दसाहपरमं”ति वत्त्वा पुन “एकादसे अरुणुगमने”ति वुत्तता पुब्बापरसंसन्दनत्थं सहतो गम्मानम्पि “चीवरुप्पाददिवसेन सद्धि”ति एवं वुत्तं। “दसमे अरुणे”ति वुत्ते एव हि दसाहपरमेन सद्धिं समेति। दिवसपरियोसानस्स अवधिभूतअनागत्तारुणवसेन हि दिवसं अतिक्कन्तं नाम होति, न पन दिवसस्स आदिभूतारुणवसेन परिवासादीसु तथा अगाहणतो, इध पन भगवता दिवसस्स आदिअन्तपरिच्छेददस्सनवसेन “एकादसे अरुणुगमने”ति वुत्तं, तस्मा अट्टकथायं दिवसस्स आदिभूतं तंदिवसनिस्सितम्पि अरुणं गहेत्वा “एकादसे अरुणुगमने निस्सगियं होती”ति वुत्तं। अरुणोति चेत्थ सूरियुगमनस्स पुरेचरो वट्टनघनरत्तो पभाविसेसोति दट्ठब्बो।

वचनीयोति सङ्गापेक्खो। वचनभेदोति “जत्तियं द्वे आपत्तियो सरती”तिआदिना वत्तब्बन्ति अधिप्पायो।

४६८. “न इध सज्जा रक्खती”ति इदं वेमतिकञ्च अनतिक्कन्तसञ्जञ्च सन्धाय वुत्तं। योपि एवंसज्जी तस्सपीति यो अनतिक्कन्तसज्जी, वेमतिको वा, तस्सपीति अत्थो। अनट्टतो अविलुत्तस्स विसेसमाह “पसद्दावहारवसेना”ति। थेय्यावहारवसेन गहितम्पि इध नट्टु।

अनापत्ति अञ्जेन कतं पटिलभित्वातिआदि निसीदनसन्थत्तं सन्धाय वुत्तं। येन हि पुराणसन्थतस्स सामन्ता सुगतविदत्थिं अनादियित्वा नवं निसीदनसन्थत्तं कतं, तस्स तं निस्सगियम्पि ततो अञ्जस्स पटिलभित्वा परिभुञ्जन्तस्स अनापत्तिकरन्ति सिञ्जनतो अयमत्थो सब्बनिस्सगियेसुपि सिञ्जति।

४६९. तिचीवरं अधिद्वातुन्ति सङ्गाटिआदिनामेन अधिद्वातुं। “न विकप्पेतु”ति इमिना नामेन न विकप्पेतुं, एतेन विकप्पिततिचीवरो तेचीवरिको न होति। तस्स तस्मिं अधिद्धिततिचीवरे विय अविप्पवासादिना कत्तब्बविधि न कातब्बोति दस्सेति, न पन विकप्पने दोसोति। ततो परन्ति चतुमासतो परं विकप्पेत्वा परिभुञ्जितुं अनुञ्जातन्ति केचि वदन्ति, अञ्जे पन “विकप्पेत्वा याव आगामिवस्सानं, ताव ठपेतुमेव वट्टती”ति वदन्ति, अपरे पन “विकप्पने न दोसो, तथा विकप्पितं परिकखारादिनामेन अधिद्धित्वा परिभुञ्जितव्व”ति वदन्ति।

मुट्ठिपञ्चकन्ति मुट्ठिया उपलक्षितं पञ्चकं, चतुहत्थे मिनित्वा पञ्चमं हत्थं मुट्ठि कत्वा मिनितव्वन्ति अधिप्पायो। केचि पन “मुट्ठिहत्थानं पञ्चकं मुट्ठिपञ्चकं, तस्मा पञ्चपि हत्थे मुट्ठि कत्वाव मिनितव्व”ति वदन्ति। मुट्ठिक्कन्ति एत्थापि एसेव नयो। द्विहत्थेन अन्तरवासकेन तिमण्डलं पटिच्छादेतुं सककाति आह “पारुपेनेना”तिआदि। अतिरेकन्ति सुगतचीवरप्पमाणतो अधिकं। ऊनकन्ति मुट्ठिपञ्चकादितो ऊनकं, तेन च तेसु तिचीवराधिद्धानं न रुहतीति दस्सेति।

इमं सङ्गाटि पच्चुद्धरामीति इमं सङ्गाटिअधिद्धानं उक्खिपामि परिच्चजामीति अत्थो। कायविकारं करोन्तेनाति हत्थेन चीवरं परामसन्तेन, चालेन्तेन वा। वाचाय अधिद्वातव्वाति एत्थ कायेनपि चालेत्वा वाचम्पि भिन्दित्वा कायवाचाहि अधिद्धानम्पि सङ्गाहितन्ति वेदितव्वं “कायेन अफुसित्वा”ति वुत्तता। दुविधन्ति अहत्थपासहत्थपासवसेन दुविधं। तत्थ हत्थपासो नाम अट्टतेय्यहत्थो वुच्चति। द्वादसहत्थन्ति केचि वदन्ति, तं इध न समेति। “सामन्तविहारे”ति इदं ठपितद्वानसल्लक्खणयोगे ठितं सन्धाय वुत्तं। ततो दूरे ठितम्पि ठपितद्वानं सल्लक्खेन्तेन अधिद्वातव्वमेव। तत्थापि चीवरस्स ठपितभावसल्लक्खणमेव पमाणं। न हि सकका सब्बथा ठानं सल्लक्खेतुं। एकस्मिं विहारे ठपेत्वा ततो अञ्जस्मिं ठपितन्ति अधिद्वातुं न वट्टति। केचि पन “तथापि अधिद्धिते न दोसो”ति वदन्ति, तं अट्टकथाय न समेति, वीमसितव्वं। अधिद्धित्वा ठपितवत्थेहीति परिकखारचोळनामेन अधिद्धित्वा ठपितवत्थेहि, तेनेव “इमं पच्चुद्धरामी”ति परिकखारचोळस्स पच्चुद्धारं दस्सेति। एतेन च तेचीवरधुत्तङ्गं परिहरन्तेन पंसुकुलादिवसेन लट्ठं वत्थं दसाहम्भन्तेरे कत्वा रजित्वा पारुपितुं असक्कोन्तेन परिकखारचोळवसेन अधिद्धित्वाव दसाहं अतिक्कमेतव्वं, इतरथा निस्सगियं होतीति दस्सेति। तेनेव “रजितकालतो पन पट्टाय निक्खिपितुं न वट्टति, धुत्तङ्गचोरो नाम होती”ति (विसुद्धि० १.२५) विसुद्धिमग्गे वुत्तं। “पुन अधिद्वातव्वानी”ति इदञ्च सङ्गाटिआदितिचीवरनामेन अधिद्धित्वा परिभुञ्जितुकामस्स वसेन वुत्तं, इतरस्स पन पुरिमाधिद्धानमेव अलन्ति वेदितव्वं। “पुन अधिद्वातव्व”ति इमिना कप्पबिन्दुपि दातव्वन्ति दस्सेति।

बट्टसीमायं अविप्पवाससीमासम्मुतिसम्भवतो न तत्थ दुप्परिहारताति आह “अबट्टसीमायं दुप्परिहार”ति।

अतिरिक्तप्पमाणाय छेदनकं पाचित्तियन्ति आह “अनतिरिक्तप्पमाणा”ति। ततो परं पच्चुद्धरित्वा विकप्पेतव्वाति वस्सिकमासतो परं अधिद्धानं पच्चुद्धरित्वा विकप्पेतव्वा, इमिना चतुन्नं वस्सिकमासानं उपरि अधिद्धानं तिद्धतीति विज्जायति ततो पच्चुद्धरायोगा। यञ्च मातिकाट्टकथायं “वस्सिकसाटिका वस्सानमासातिक्कमेनापि, कण्डुपटिच्छादि आबाधवूपसमेनापि अधिद्धानं विजहती”ति (कङ्खा० अट्ठ० कथिनसिक्खापदवण्णना) वुत्तं, तं समन्तपासादिकायं नत्थि। परिवारट्टकथायञ्च “अत्थापत्ति हेमन्ते आपज्जति, नो गिम्हे”ति एत्थ इदं वुत्तं “कत्तिकपुण्णमासिया पच्छिमे पाटिपददिवसे

विकपेत्वा ठपितं वस्सिकसाटिकं निवासतो हेमन्ते आपज्जति, कुरुन्दियं पन ‘कत्तिकपुण्णमदिवसे अपच्चुद्धरित्वा हेमन्ते आपज्जती’ति वुत्तं, तम्मि सुवुत्तं, ‘चतुमासं अधिद्वातुं ततो परं विकपेत्तु’ति हि वुत्तं’ति (परि० अडु० ३२३)। तत्थ **महाअडुकथायं** निवासनपच्चया दुक्कटं वुत्तं, **कुरुन्दडुकथायं** पन अपच्चुद्धारपच्चया, तस्मा कुरुन्दियं वुत्तनयेनापि वस्सिकसाटिका वस्सानमासातिकमपि अधिद्वातुं न विजहतीति पज्जायति। अधिद्वातुविजहनेसु च वस्सानमासआबाधानं विगमेन विजहने **मातिकाडुकथायमि** न उद्धटं, तस्मा **समन्तपासादिकायं** आगतनयेन याव पच्चुद्धारा अधिद्वातुं तिद्वातीति गहेतब्बं। नहानत्थाय अनुज्जातत्ता **“वण्णभेदमत्तरत्तापि चेसा वट्टती”**ति वुत्तं। **“द्वे पन न वट्टन्ती”**ति इमिना सङ्घाटिआदीसु विय दितये अधिद्वातुं न रुहति, अतिरेकचीवरं होतीति दस्सेति। **महापच्चरियं** चीवरवसेन परिभोगकिच्चस्स अभावं सन्थाय अनापत्ति वुत्ता सेनासनपरिक्खारत्थाय दिन्नपच्चत्थरणे विय। यं पन **“पच्चत्थरणमि अधिद्वातब्ब”**ति वुत्तं, तं सेनासनत्थायेवाति नियमितं न होती नवसु चीवरेसु गहितत्ता, तस्मा अत्तनो नामेन अधिद्वाहत्वा निदहत्वा परिक्खारचोळं विय यथा तथा विनियुज्जितब्बमेवाति गहेतब्बं। **पावारो कोजवोति** इमेसमि पच्चत्थरणादीनं लोकेपि वोहरणतो सेनासनपरिक्खारत्थाय दिन्नपच्चत्थरणतो विसुं गहणं कर्तं।

**“हीनायावत्तनेना”**ति इदं अन्तिमवत्थुं अज्झापज्जित्वा भिक्खुपटिज्जाय ठितस्स चेव तित्थियपक्कन्तस्स च भिक्खुनिंया च भिक्खुनिभावे निरपेक्खताय गिहिलङ्घितित्थियलिङ्गगहणं सन्थाय वुत्तं। सिक्खं अपच्चक्खाय गिहिव्भावपगमनं सन्थाय वुत्तन्ति केचि वदन्ति, तं न युत्तं तदापिस्स उपसम्पन्त्ता, चीवरस्स च तस्स सन्तकत्ताविजहनतो। **पमाणचीवरस्साति** पच्छिमपमाणं सन्थाय वुत्तं। **द्वे चीवरानि पारुपन्तस्साति** गामप्पवेसे दिगुणं कत्वा सङ्घाटियो पारुपनं सन्थाय वुत्तं। **“एस नयो”**ति इमिना पमाणयुत्तेसु यत्थ कत्थचि छिद्दं अधिद्वातुं विजहतीतिआदिअत्थं सङ्गहन्ति।

**अज्जं पच्छिमपमाणं नाम नत्थीति** सुत्ते आगतं नत्थीति अधिप्पायो। इदानीं तमेव विभावेतुं **“यञ्ही”**तिआदि वुत्तं, तं न समेति, सङ्घाटिआदीनं मुट्ठिपच्चकादिहेट्ठिमपमाणस्स सुत्ते अनागतत्ताति अधिप्पायो।

**महन्तं वा खुद्दकं करोतीति** एत्थ अतिमहन्तं चीवरं मुट्ठिपच्चकादिपच्छिमपमाणयुत्तं कत्वा समन्ततो छिन्दनेनापि विच्छिन्दनकाले छिज्जमानद्वातुं छिद्दसङ्ख्यं न गच्छति अधिद्वातुं न विजहति एवाति सिज्जति, **“घटेत्वा छिन्दति, न भिज्जती”**ति वचनेन च समेति। परिक्खारचोळं पन विकप्पनुपगपच्छिमपमाणतो ऊनं कत्वा छिन्नं अधिद्वातुं विजहति अधिद्वातस्स अनिस्सयत्ता। तानि पुन बद्धानि घटितानि अधिद्वातब्बमेवाति वेदितब्बं। केचि पन **“वस्सिकसाटिकचीवरे द्विधा छिन्ने यदिपि एकेकं खण्डं पच्छिमपच्छिमपमाणं पहाति, एकस्मियेव खण्डे अधिद्वातुं तिद्वाति, न इतरे, “द्वे पन न वट्टन्ती”**ति वुत्तत्ता। निसीदनकण्डुपटिच्छादीसुपि एसेव नयाति वदन्ति।

सम्मुखे पवत्ता **सम्मुखाति** पच्चत्तवचनं, तच्च विकप्पनविसेसनं, तस्मा **“सम्मुखे”**ति भुमत्थे निस्सक्कवचनं कत्वापि अत्थं वदन्ति, अभिमुखेति अत्थो। अथ वा सम्मुखेन अत्तनो वाचाय एव विकप्पना **सम्मुखाविकप्पना**। परम्मुखेन विकप्पना **परम्मुखाविकप्पनाति** करणत्थेनापि अत्थो दट्ठब्बो, अयमेव पाळिया समेति। **सन्निहितासन्निहितभावन्ति** आसन्नदूरभावं। **एतावता निधेतुं वट्टन्तीति** एतकेनेव विकप्पनाकिच्चस्स निद्दितात्ता, अतिरेकचीवरं न होतीति दसाहातिककमे न निस्सगियं जनेतीति अधिप्पायो। **परिभुज्जितुं...पे०... न वट्टन्तीति** सयं अपच्चुद्धरणं परिभुज्जने पाचित्तियं, अधिद्वाते परेसं विस्सज्जने दुक्कटज्ज सन्थाय वुत्तं।

**परिभोगादयोपि वट्टन्तीति** परिभोगविस्सज्जनअधिद्वातानिपि। **अपि** सदेन निधेतुमि वट्टतीति अत्थो, एतेन च पच्चुद्धारेपि कते चीवरमि विकप्पितचीवरमेव होती, न अतिरेकचीवरं। तं पन तिचीवरादिनामेन अधिद्वातुकामेन अधिद्वाहितब्बं, इतरेन विकप्पितचीवरमेव कत्वा परिभुज्जितब्बन्ति दस्सेति। केचि पन **“यं विकप्पितचीवरं, तं याव अपरिभोगकाला अपच्चुद्धारापेत्वाव निदहितब्बं, परिभोगकाले पन सम्पत्ते पच्चुद्धारापेत्वा अधिद्वाहत्वा परिभुज्जितब्बं। यदि हि ततो पुरेपि पच्चुद्धारापेत्थ, पच्चुद्धारेनेव विकप्पनाय विगतत्ता अतिरेकचीवरं नाम होती, दसाहातिककमे च निस्सगियं पाचित्तियं। तस्मा यं अपरिभुज्जित्वाव उपेतब्बं, तदेव विकप्पेतब्बं, पच्चुद्धारे च कते अन्तोदसाहेयेव अधिद्वातब्बं। यच्च अडुकथायं ‘ततो पभुति परिभोगादयोपि वट्टन्ती’तिआदि वुत्तं, तं पाळिया विरुज्जती’**ति वदन्ति, तं तेसं मतिमत्तमेव। पाळियज्जि **“अन्तोदसाहं अधिद्वाति, विकप्पेती”**ति (पारा० ४६९) च **“सामं चीवरं विकप्पेत्वा अपच्चुद्धारणं परिभुज्जेय पाचित्तियं”**ति (पाचि० ३७३) च **“अनापत्ति सो वा देति, तस्स वा विस्सासन्तो परिभुज्जती”**ति (पाचि० ३७४) च सामज्जतो वुत्तत्ता, अडुकथायज्ज **“इमं चीवरं वा विकप्पनं वा पच्चुद्धारामी”**तिआदिना पच्चुद्धारं अदस्सेत्वा **“महं सन्तकं परिभुज्ज वा विस्सज्जेहि वा”**ति एवं अत्तनो सन्तकत्तं अमोचेत्वाव परिभोगादिवसेनेव पच्चुद्धारस्स वुत्तत्ता, **“ततो पभुति परिभोगादयोपि वट्टन्ती”**ति अधिद्वातुं विनापि विसुं परिभोगस्स, निदहनस्स च वुत्तत्ता विकप्पनानन्तरमेव पच्चुद्धारापेत्वा अनधिद्वाहत्वा एव तिचीवरविरहितं विकप्पनारहं चीवरं परिभुज्जितुं, निदहितुज्ज इदं पाटेक्कं विनयकम्मन्ति खायति। अपिच बहून् पत्तानं विकप्पेतुं, पच्चुद्धारेतुज्ज वुत्तत्ता पच्चुद्धारेने तेसं अतिरेकपत्तता दस्सिताति सिज्जति तेसु एकस्सेव अधिद्वातब्बतो। तस्मा अडुकथायं आगतनयेनेव गहेतब्बं।

**पज्जत्तिकोविदो न होतीति** एवं विकप्पिते **“अनन्तरमेव एवं पच्चुद्धरितब्ब”**ति विनयकम्मं न जानाति। तेनाह **“न जानाति पच्चुद्धरितु”**ति, इमिनापि चेत्तं वेदितब्बं **“विकप्पनानन्तरमेव पच्चुद्धारो कातब्बो”**ति।

**अविसेसेन वुत्तवचनन्ति** तिचीवरादीनं साधारणवचनेन वुत्तवचनं। यं पनेत्थ **“विरुद्धं विय दिस्सती”**ति वत्ता तं विरोधासङ्गं निवत्तेतुं **“तिचीवरसङ्केपेन...पे०... विकप्पनाय ओकासो दिन्नो होती”**ति वुत्तं, तं **“अधिद्वाति विकप्पेती”**ति सामज्जतो वुत्तेपि तिचीवरमि विकप्पेतीति अयमत्थो न सिज्जति, **“तिचीवरं अधिद्वातुं न विकप्पेतु”**ति (महाव० ३५८) विसेसेत्वा वुत्तत्ता। यं पन अधिद्वातब्बं, तं अधिद्वाति। यं तिचीवरविरहितं, तं विकप्पेतब्बं, तं विकप्पेतीति एवमत्थो सिज्जतीति। तस्मा एत्थ पुब्बापरविरोधो न दिस्सति सामज्जवचनस्स वुत्तावसेसेयेव अवतिद्घनतो। यं पनेत्थ तिचीवरस्सापि विकप्पनविधिं दस्सेतुं **“तिचीवरं तिचीवरसङ्केपेना”**तिआदि वुत्तं। तत्थ तिचीवरसङ्केपेन परिहरियमानेसु एकमि पच्चुद्धरित्वा विकप्पेतुं न वट्टति, तिचीवरतो पन एकं वा सकलमेव वा अपनेत्वा अपरं तिचीवरं तिचीवरसङ्केपेन परिहरितुकामस्स वा तिचीवराधिद्वातुं मुज्जित्वा परिक्खारचोळवसेनेव सब्बचीवरं परिभुज्जितुकामस्स वा पुरिमं अधिद्वातचीवरं पच्चुद्धरित्वा विकप्पेतुं वट्टतीति एवमधिप्पायेन **“तिचीवरे एकेन चीवरेन विप्पवसितुकामो होती”**तिआदि वुत्तं सिया, इच्चेत्तं पाळिया सङ्गि समेति। अथ पुनपि तदेव तिचीवराधिद्वातनेन अधिद्वातुकामो हुत्वा विप्पवाससुखत्थं पच्चुद्धरित्वा विकप्पेतीति इमिना अधिप्पायेन वुत्तं सिया, तं **“तिचीवरं अधिद्वातुं न विकप्पेतु”**ति (महाव० ३५८) इमिना वचनेन न समेति। यदि हि सेसचीवरानि विय तिचीवरमि पच्चुद्धरित्वा विकप्पेतब्बं सिया, **“तिचीवरं अधिद्वातुं न विकप्पेतु”**ति इदं वचनमेव निरत्थकं सिया सेसचीवरेहि तिचीवरस्स विसेसाभावा। तस्मा **“विकप्पेती”**ति इदं तिचीवरविरहितमेव सन्थाय वुत्तं। तिचीवरं पन विकप्पेतुं न वट्टतीति विज्जायति, तेनेव दितियकथिनसिक्खापदस्स अनापत्तिवारे **“विकप्पेती”**ति इदं न वुत्तं, वीमसित्वा यथा पाळिया सङ्गि न विरुज्जति, तथा एत्थ अधिप्पायो गहेतब्बो।

**तुहं देमीति** आदीसु परिच्चत्तता मनसा असम्पटिच्छन्तेपि सम्पदानभूतस्सेव सन्तकं होती, सो इच्छितक्खणे गहेतुं लभति। **इत्थन्नामस्साति** परम्मुखे ठितं सन्थाय वदति। **यस्स पन रुच्चतीति** आदि उभापि परिच्चत्तताय अस्सामिकत्तं सन्थाय वुत्तं।

**“तं न युज्जती”**ति इदं अन्तोदसाहे एव विस्सासगहणं सन्थाय अनापत्तिवारस्स आगतत्ता, इह निस्सगियचीवरस्स कप्पियभावकरणत्थं लेसेन गहितत्ता च वुत्तं, केचि पन **“परेहि सभागेन अच्छिन्ने, विस्सासगहिते च पुन लद्धे दोसो न दिस्सती”**ति वदन्ति। **अनधिद्वातेनाति** कायवाचाहि कत्तब्बस्स अकरणेनाति अधिप्पायो। चीवरस्स अत्तनो सन्तकता, जातिपमाणयुत्तता, छिन्नपलिबोधभावो, अतिरेकचीवरता, दसाहातिककमोति इमानेत्य पच्च अङ्गानि।

पठमकथिनसिक्खापदवण्णना निद्दिता।

## २. उदोसितसिक्खापदवण्णना

४७३. दितिये **अविप्पवासेति** अविप्पवासे निप्फादेतब्बे, विप्पवासदोसाभावे साधेतब्बे कत्तब्बा सम्मुतीति अत्थो।

४७५. **पटिसिद्धपरियापन्नेनाति** विप्पवसितुं पटिसिद्धेसु तीसु चीवरेसु अन्तोगधेन, एकेन च अवयवे समुदायोपचारं दस्सेति।

४७८-९. एतावताति “परिखित्तो”ति इमिना । “सभायेति लिङ्गव्यत्तयेन सभा वुत्ता”ति वत्त्वा पुन सयम्पि “सभाये”ति इमिना वोहरन्तो सभा-सदस्स परियायो सभाय-सदो नपुंसकलिङ्गयुत्तो अत्थीति दस्सेति । “सभायन्ति लिङ्गव्यत्तयेन सभा वुत्ता”ति वा पाठो । लिङ्गव्यत्तयेन सभाति च लिङ्गन्तरयुत्तो सभासहपरियायो सभायसद्दोति अत्थो ।

सभायं गच्छतीति सभं गच्छति । वसितब्बं नत्थीति चीवरहत्थपासेयव वसितब्बं नत्थीति अत्थो । तस्साति वीथिया । सभायस्स च द्वारस्स च हत्थपासा न विजहितब्बन्ति एत्थ सभायद्वारानमन्तरे वीथि गेहापि गहिता एव होन्ति आदिपरियोसानानं गहितत्ता । एत्थ च द्वारवीथिघरेसु वसन्तेन गामपवसेनसहसेय्यादिदोसं परिहरित्वा सुपटिच्छन्तादियुत्तेनेव भवितब्बं, सभा पन यदि सब्बेसं वसनत्थाय सालासदिसा कत्ता, अन्तरारामे विय यथासुखं वसितुं वट्टतीति वेदितब्बं । परिखित्तताय च एकूपचारतं, अपरिखित्तताय नानूपचारतज्य निवेसनादीसुपि अतिदिसन्तो आह “एतेनेवूपायेना”ति आदि । निवेसनादीनि बहिंगामतो सन्निविट्टानि गहितानि अन्तोगामे ठितानं गामगहणेनेव गहितत्ता । सब्बत्थाति गामनिगमनिवेसनादीसु पन्नरससु । परिकखेपादीति आदि-सद्देन अपरिखेपस्सेव गहणं, न एककुलादीनम्पि तेसं एकूपचारतानानूपचारतानिमित्तताभावा । एत्थ च सत्थस्स कतिपाहं कत्थंचि निविट्टस्सेव परिकखेपो होति, न गच्छन्तस्स ।

४८२-७. गामतो बहि इस्सरानं समुदतीरादीसु कतभण्डसाला उदोसितोति आह “यानादीन”न्ति आदि । मुण्डच्छदनपासादोति नातिउच्चो चन्दिकङ्कणयुत्तो सिखरकूटमालादिविरहितो पासादो ।

४८९. परियादिवित्वाति अज्झोत्तरित्वा । नदीपरिहारोति विसुंगामादीनं विय नदीपरिहारस्स अवुत्तता चीवरहत्थपासो एवाति वदन्ति, अज्जे पन “इमिना अडुकथावचनेन नदीपरिहारोपि विसुं सिद्धो, नदिया हत्थपासो न विजहितब्बं”ति वदन्ति । विहारसीमन्ति अविष्पवाससीमं सन्धायाह । एत्थ च विहारस्स नानाकुलसन्तकभावेपि अविष्पवाससीमापरिच्छेदबन्तरे सब्बत्थ चीवरअविष्पवाससम्भवतो तस्सा पधानत्ता तत्थ सत्थपरिहारो न लम्बतीति “विहारं गन्त्वा वसितब्ब”न्ति वुत्तं । “सत्थसमीपे”ति इदं यथावुत्तं अब्भन्तरपरिच्छेदवसेन वुत्तं । पाळियं नानाकुलस्स सत्थो होति, सत्थे चीवरं निखिपित्वा हत्थपासा न विजहितब्बन्ति एत्थ सत्थहत्थपासो गहितो ।

४९०. एककुलस्स खेत्तेति अपरिखित्तं सन्धाय वदति ।

४९१-४. विहारो नाम उपचारसीमा । तत्थ यस्मिं विहारेति तस्स अन्तोपरिवेणादि सन्धाय वुत्तं, एककुलादिसन्तकता चेत्थ कारापकानं वसेन । छायाय फुट्टोकासस्साति उज्जुं अवकिञ्चत्तलेट्टुपातबन्तरं सन्धाय वदति ।

अगमनपथेति तदहेव गन्त्वा निवत्तेतुं न सक्कुण्येयके समुद्धमज्जे ये दीपका, तेसूति योजना । इतरस्मिन्ति पुरत्थिमदिसाय चीवरे । “उपोसथकाले...पे०... वट्टती”ति इमिना चीवरविष्पवाससत्तबन्तरतो समानसंवासाय सत्तबन्तरसीमाय अच्चन्तविसदिसतं दस्सेति । तथा हि बहूसु भिक्खूसु एकतो निसीदित्वा समन्ता सत्तबन्तरपरिच्छेदेसु यथासकं चीवरं ठपेत्वा परिहरन्तेसु एकेकस्स भिक्खुनो निसिन्नोकासतो पट्टाय पच्चेकं सत्तबन्तरस्स परिच्छेदो अज्जमज्जविसदिसो अनेकविधो होति, न एको परिसपरियन्ततो पट्टाय अनिमित्तबत्ता । तेनेव तत्थ परिसवसेन वट्टि, हानि वा न होति, न एवं सत्तबन्तरसीमाय । सा हि योजनिकायापि परिसपरियन्ततोव पट्टाय समन्ता सत्तबन्तरपअच्छिन्ना एकाव होति । तेनेव सा परिसवसेन वट्टति, हार्याति च, तस्मा अज्जाव सत्तबन्तरसीमा अज्जो सत्तबन्तरतो परिच्छिन्नो चीवरविष्पवासपरिहारो अब्भोकासोति वेदितब्बं । यज्जेत्थ वत्तब्बं, तं खन्थे सीमाकथायमेव (महाव० १४३) वक्खाम ।

४९५. नदि ओतरतीति हत्थपासं मुञ्चित्वा ओतरति । बहिंगामे ठपेत्वाति अपारुपितबत्ताय वुत्तं । विनयकम्मं कातब्बन्ति उत्तरासङ्गे च बहिंगामे ठपितसङ्गाटियज्ज पठमं विनयकम्मं कत्वा पच्छा उत्तरासङ्गं निवासेत्वा अन्तरवासके कातब्बं । एत्थ च बहिंगामे ठपितस्सापि विनयकम्मवचनतो परम्मुखापि ठितं विस्सज्जितुं, निस्सट्ठं दातुज्ज वट्टतीति वेदितब्बं । दहरानं गमने सउस्साहता “निस्सयो पन न पटिप्पस्सम्भती”ति वुत्तं । मुहुत्तं...पे०... पटिप्पस्सम्भतीति सउस्साहते गमनस्स उपच्छिन्ता वुत्तं । तेसं पन पुरारुणाव उट्टुहित्वा सउस्साहेन गच्छन्तानं अरुणे अन्तरा उट्टितेपि न पटिप्पस्सम्भति “याव अरुणुगमना सयन्ती”ति वुत्तता । तेनेव “गामं पविसित्वा...पे०... न पटिप्पस्सम्भती”ति वुत्तं । अज्जमज्जस्स वचनं अगहेत्वाति आदिमिह सउस्साहता गमनक्खणे पटिप्पस्सट्ठि न वुत्ता । धेनुभयेनाति तरुणवच्छगावीनं अभिधावित्वा सिङ्गेन पररणभयेन । निस्सयो च पटिप्पस्सम्भतीति एत्थ धेनुभयादीहि ठितानं याव भयवृपसमा ठातबत्तो “अन्तोअरुणेयव गमिस्सामी”ति नियमेतुं असक्कुण्येयत्ता वुत्तं । यत्थ पन एवं नियमेतुं सक्का, तत्थ अन्तरारुणे उगततेपि निस्सयो न पटिप्पस्सम्भति भेसज्जत्थाय गामपविट्टुदहरानं विय । अन्तोसीमायं गामन्ति अविष्पवाससीमासम्पुत्तितो पच्छा पतिट्टापितगामं सन्धाय वदति गामज्ज गामूपचारज्ज ठपेत्वा सम्मन्तितबत्तो । पविट्टानन्ति आचरियन्तेवासिकानं विसुं विसुं गतानं अविष्पवाससीमता नेव चीवरानि निस्सगियानि होन्ति, सउस्साहताय निस्सयो न पटिप्पस्सम्भति । अन्तरामगोति धम्मं सुत्वा आगच्छन्तानं अन्तरामगे ।

“इध अपच्चुद्धरण”न्ति इमिना अधिष्ठानविकप्पनानि विय पच्चुद्धरणम्पि कायेन वा वाचाय वा कत्तबन्ति दस्सेति । कायवाचाहि कत्तबस्स अकरणतोति इदं कायवाचासमुद्धानं वुत्तं । अधिष्ठिततिचीवरता, अनत्यतकथिन्ता, अल्लुसस्समुत्तिता, रत्तिविष्पवासोति इमानेत्थ चत्तारि अङ्गानि ।

उदोसितसिक्खापदवण्णना निट्ठिता ।

### ३. ततियकथिनसिक्खापदवण्णना

४९७. ततिये पाळियं चीवरपच्चासा निखिपितुन्ति चीवरपच्चासाय सतिया निखिपितुन्ति अत्थो । निट्ठितचीवरस्मिं भिक्खुनाति एत्थ दुतियकथिने विय सामिवसेनेव करणवचनस्स अत्थो वेदितब्बो ।

४९९-५००. तुद्धं दम्मीति दिन्न्ति “तुद्धं, भन्ते, अकालचीवरं दम्मी”ति एवं दिन्न्, एतम्पि काले आदिस्स दिन्न् नाम होतीति अधिप्पायो । इदं पन अडुकथावचनं, पाळियं “कालेपि आदिस्स दिन्न्”ति इदज्ज “अकालचीवर”न्ति वचनसामज्जतो लब्भमानं सब्बम्पि दस्सेतुं अत्थुद्धारवसेन वुत्तं पठमअनियते सोतस्स रहो विय । सङ्गस्स हि कालेपि आदिस्स दिन्न् अकाले उपपन्नचीवरं विय सम्मुखीभूतेहि वुत्थवस्सेहि, अवुत्थवस्सेहि च सब्बेहिपि भाजेतब्बतासामज्जेन अकालचीवरं नाम होतीति दस्सनत्थं अत्थुद्धारवसेन पाळियं “कालेपि आदिस्स दिन्न्”न्ति वुत्तं, न पन “ततो भाजेत्वा लद्धचीवरम्पि अकाले लद्धचीवरम्पि वुत्थवस्सानं एकमासपरिहारं, पञ्चमासपरिहारं वा न लभति, पच्चासाचीवरे असति दसाहपरिहारमेव लभती”ति दस्सनत्थं वुत्तं, अडुकथायम्पि “आदिस्स दिन्न्”न्ति वचनसामज्जतो लब्भमानं सब्बं अत्थुद्धारवसेन दस्सेतुं “एकपुगलस्स वा इदं तुद्धं दम्मीति दिन्न्”न्ति वुत्तं, न पन तथालद्धं वा अकाले लद्धं वा अनत्यतकथिनानं दसाहबन्तरे अधिष्ठातबन्ति दस्सेतुन्ति वेदितब्बं इतरथा पाळिअडुकथाहि विरुज्जनतो । तथा हि अच्चेकचीवरसिक्खापदे अकाले उपपन्नम्पि अच्चेकचीवरं “यावचीवरकालसमयं निखिपितब्ब”न्ति (पारा० ६४८) वुत्तं, तस्स अडुकथायज्ज “पवारणमासस्स जुण्णपक्खपञ्चमियं उपपन्नस्स अच्चेकचीवरस्स अनत्यते कथिने एकादसदिवसाधिको मासो, अत्यते कथिने एकादसदिवसाधिका पञ्च मासा च परिहारो वुत्तो, तमेव परिहारं सन्धाय ‘छट्ठितो पट्टाय पन उपपन्नं अनच्चेकचीवरम्पि पच्चुद्धरित्वा ठपितचीवरम्पि एतं परिहारं लभतियेवा’ति (पारा० अट्ठ० २.६४६-६४९) वुत्तं । तस्मा कालेपि अकालेपि च यथातथा लद्धं अतिरेकचीवरं वुत्थवस्सानं एकमासं, पञ्चमासं वा यथारहं परिहारं लभति एवाति गहेतब्बं ।

एवं पन अवत्ता पदभाजनं वुत्तन्ति सम्बन्धो । तत्थ एवन्ति यं अडुकथायं “ततो चे उत्तरी”ति इमस्स मासपरमतो उत्तरीति अत्थो वुत्तो, तं परामसति । पदभाजनियं एवमत्थं अवत्ता अज्जथा अत्थो वुत्तोति अधिप्पायो । ताव उपपन्नं पच्चासाचीवरन्ति पच्चत्तवचनं । “मूलचीवर”न्ति इदं उपयोगवचनं । अत्तनो गतिकं करोतीति अनन्तरा दुतियदिवसादीसु उपपन्नं पच्चासाचीवरं मासपरमं मूलचीवरं ठपेतुं अदत्ता अत्तनो दसाहपरमताय एव पतिट्टापेतीति अत्तनो गतिकं करोतीति । ततो उद्धं मूलचीवरन्ति एत्थ पन मूलचीवरन्ति पच्चत्तवचनं । तज्जि वीसतिमदिवसतो उद्धं द्वावीसतिमदिवसादीसु उपपन्नं पच्चासाचीवरं अत्तना सट्ठि एकतो सिब्बत्वा घटितं दसाहपरमं गन्तुं अदत्ता नवाहपरमतादिवसेन अत्तनो गतिकं करोति, एकतो असिब्बत्वा विसुं ठपितं पन पच्चासाचीवरं दसाहपरममेव ।

पाळियं दसाह्माति दसाहेन । एकादसे उपपन्नेतिआदीसु एकादसाहे उपपन्नेतिआदिना अत्थो, अयमेव वा पाठो गहेतब्बो । एकवीसे उपपन्ने...पे०... नवाहा कारेतब्बन्तिआदि पच्चासाचीवरस्स उपपन्नदिवसं ठपेत्वा वुत्तं । तेनेव “तिसे...पे०... तदहेव अधिष्ठातब्ब”न्ति वुत्तं । “अज्जं पच्चासाचीवरं...पे०... कारेतब्ब”न्ति इदं सतिया एव पच्चासाय वुत्तं । सचे पन “इतो पट्टाय चीवरं न

लभिससामी”ति इच्छित्तुनतो पच्चासाय उपच्छिन्नाय अज्जत्थापि येन केनचि उपायेन पच्चासं उपादेति, मूलचीवरं न अधिद्वुतब्बं, सब्बथा पच्चासाय उपच्छिन्नाय दसाहातिक्कन्तं मूलचीवरं तदहेव अधिद्वुतब्बं। **पच्चासाचीवरम्पि परिक्रारचोळं अधिद्वुतब्बन्ति** पठमतरं उप्पन्नं विसभागं सन्धाय वदति। **अज्जमज्जन्ति** अज्जं अज्जं, अयमेव वा पाठो। अङ्गं पनेत्थ पठमकथिने वुत्तसदिसमेव। केवलज्झि तत्थ दसाहातिक्कमो, इध मासातिक्कमोति अयं विसेसो।

ततियकथिनसिक्खापदवण्णना निड्डिता।

#### ४. पुराणचीवरसिक्खापदवण्णना

५०३-५. चतुत्थे पाळियं **भत्तविस्सगन्ति** भत्तस्स उदरे विस्सज्जनं, पवेसं अज्झोहरणं भत्तकिच्चन्ति अत्थो, भोजनपरियोसानेन भत्तस्स विस्सज्जनन्तिपि वदन्ति। **तत्थ नाम त्वन्ति** सो नाम त्वं, ताय नाम त्वन्ति वा अत्थो। पिता च माता च पितरो, पितुं पिता च माता च **पितामहा**, ते एव युगळ्हेन **युगो**, तस्मा याव सत्तमा पितामहयुगा पितामहावट्ठाति एवमेत्थ अत्थो दट्ठब्बो। एवज्झि पितामहगहणेन मातामहो च पितामही मातामही च गहिताव होन्ति। सत्तमयुगतो परं “अज्जातका”ति वेदितब्बं। **याति भिक्खुनी**। पितु माता **पितामही**, मातु पिता **मातामहो**।

**पयोगे पयोगे भिक्खुस्स दुक्कटन्ति** “धोवा”ति आणापनवाचाय एकाय एव तदनुगुणस्स सब्बस्सापि पयोगस्स आणत्तता वुत्तं।

५०६. तदविनाभावतो धोवनस्स “**कायविकारं कत्वा**”ति च “**अन्तोद्वादसहत्थे**”ति च वुत्तता कायेन धोवापेतुकामतं अप्पकासेत्वा दानखिपनपेसनादिं करोन्तस्स च द्वादसहत्थं उपचारं मुञ्चित्वा बहि ठत्वा कायवाचाहि आणापेत्वा खिपनपेसनादिं करोन्तस्स च अनापत्ति एव।

**एकेन वत्थुनाति** पठमकतेन। पञ्चसतानि पमाणं एतासन्ति **पञ्चसता**। भिक्खुभावतो परिवत्तलिङ्गापि भिक्खुनी भिक्खुनं सन्तिके एकतोउपसम्मन्ना एव।

५०७. **तावकालिकं गहेत्वाति** अतना कतिपाहं पारुपनादिअत्थाय तवकालिकं याचित्वा। पुराणचीवरता, उपचारे ठत्वा अज्जातिकाय भिक्खुनिया आणापनं, तस्सा धोवापनादीनि चाति इमानेत्य तीणि अङ्गानि।

पुराणचीवरसिक्खापदवण्णना निड्डिता।

#### ५. चीवरपटिगहणसिक्खापदवण्णना

५०८. पञ्चमे अपज्जते **सिक्खापदेति गणम्हा ओहीयनसिक्खापदे** (पाचिं ६९१-६९२) अपज्जते। **कोट्टाससम्पत्तीति** केसादिपञ्चकोट्टासानं कल्याणता। **हत्थतलेयेव दस्सेत्वाति** हत्थतलतो सेसकायस्स अदस्सं दीपेति।

५१०. **विहत्थतायाति** विहतताय, अमिस्सितताय अपटिसरणतायाति अत्थो। तेनाह “**समभितुन्नता**”ति, ब्यधितत्ताति अत्थो। परिवत्तेतब्बं परिवत्तं, तदेव **पारिवत्तकं**, परिवत्तेत्वा दिव्यमानन्ति अत्थो।

**पुरिमसिक्खापदे** विय इध द्वादसहत्थो उपचारनियमो नत्थीति आह “**उपचारं मुञ्चित्वा**”ति। **अज्जत्र पारिवत्तकाति** यं अन्तमसो हरीटकखण्डमिप्पि दत्त्वा वा “दस्सामी”ति आभोगं कत्वा वा परिवत्तकं गण्हाति, तं ठपेत्वा। “**तं अचित्तकभावेन न समेती**”ति इमिना जातिभावाजाननादीसु विय भिक्खुनीभावाजाननादिवसेनापि अचित्तकतं पकासेति।

५१३-४. तिकज्ज तं पाचित्तियज्जाति **तिकपाचित्तियं**, पाचित्तियतिकन्ति अत्थो। **पत्तत्थविकादीति** अनधिद्वानुपगं सन्धाय वदति। **को पन वादो पत्तत्थविकादीसूति** महत्तियापि ताव भिसिच्छविया अनधिद्वानुपगता अनापत्ति, विकप्पनुपगपच्छिमप्पमाणविरहितताय अनधिद्वुतब्बेसु किमेव वत्तब्बन्ति दस्सेति। पत्तत्थविकादीनि पन विकप्पनुपगपच्छिमानि गण्हितुं न वट्ठति एव। पटिगहणं **किरिया**, अपरिवत्तनं **अकिरिया**। विकप्पनुपगचीवरता, पारिवत्तकाभावो, अज्जातिकाय हत्थतो गहणन्ति इमानेत्य तीणि अङ्गानि।

चीवरपटिगहणसिक्खापदवण्णना निड्डिता।

#### ६. अज्जातकविज्जतिसिक्खापदवण्णना

५१५. छट्ठे पटु एव **पट्टो**। पाळियं **धम्मनिमन्तनाति** समणेसु वत्तब्बाचारधम्ममत्तवसेन निमन्तना, दातुकामताय कतनिमन्तना न होतीति अत्थो। तेनेव “**विज्जापेस्सती**”ति वुत्तं। अज्जातकअप्पवारिततो हि विज्जति नाम होति।

५१७. “तिणेन वा पण्णेन वा पटिच्छादेत्वा आगन्तब्बं”न्ति इमिना भूतगामविकोपनं अनुज्जातन्ति आह “**नेव भूतगामपातव्यताया**”तिआदि। पठमं सुद्धचित्तेन लिङ्गं गहेत्वा पच्छा लद्धिं गण्हन्तोपि तित्थियपक्कन्तको एवाति आह “**निवासेत्वापि लद्धिं न गहेत्वा**”ति।

**यं आवासं पठमं उपगच्छतीति** एत्थापि विहारचीवरादिअत्थाय पविसन्तेनपि तिणादीहि पटिच्छादेत्वाव गन्तब्बं, न त्वेव नग्गेन आगन्तब्बन्ति सामज्जतो दुक्कटस्स वुत्तता। **चिमिलिकाहीति** पटपिलोतिकाहि। **परिभोगेनेवाति** अज्जं चीवरं अलभित्वा परिभुज्जनेन। **परिभोगजिण्णन्ति** यथा तं चीवरं परिभुज्जयमानं ओभग्गविभग्गताय असारुपं होति, एवं जिण्णं।

५२१. **अज्जस्सत्थायाति** एत्थापि “जातकानं पवारितानं”न्ति इदं अनुवत्तति एवाति आह “**अत्तनो जातकपवारिते**”तिआदि। इध पन अज्जस्स अच्छिन्ननडुचीवरस्स अत्थाय अज्जातकअप्पवारिते विज्जापेत्तस्स निस्सग्गियेन अनापत्तीति अत्थो गहेतब्बो, इतरथा “जातकानं पवारितानं”न्ति इमिना विसेसो न भवेय्य। तेनेव अनन्तरसिक्खापदे वक्खति “अट्ठकथासु पन जातकपरिव्रातद्धाने...पे... पमाणमेव वट्ठतीति वुत्तं, तं पाळिया न समेती”ति (पारा० अट्ठ० २.५२६) च “यस्मा पनिदं सिक्खापदं अज्जस्सत्थाय विज्जापनवत्थुस्मिंयेव पज्जत्तं, तस्मा इध ‘अज्जस्सत्थाया’ति न वुत्तं”न्ति (पारा० अट्ठ० २.५२६) च। विकप्पनुपगचीवरता, समयभावो, अज्जातकविज्जति, ताय पटिलाभाति इमानेत्य चत्तारि अङ्गानि।

अज्जातकविज्जतिसिक्खापदवण्णना निड्डिता।

#### ७. ततुत्तरसिक्खापदवण्णना

५२२-५२४. सत्तमे पाळियं **पग्गाहिकसालन्ति** दुस्सापणं। तज्झि वाणिजकेहि दुस्सानि पग्गहेत्वा दस्सनड्डानताय “पग्गाहिकसाला”ति वुच्चति। **अस्स चीवरस्साति** सादितब्बचीवरस्स। “**तिचीवरिकेना**”ति इमिना अच्छिन्नतिचीवरतो अज्जस्स विहारादीसु निहितस्स चीवरस्स अभावं दस्सेति। यदि भवेय्य, विज्जापेतुं न वट्ठेय्य। तावकालिकं निवासेत्वा अत्तनो चीवरं गाहेतब्बं, तावकालिकमपि अलभन्तस्स भूतगामविकोपनं कत्वा तिणपण्णेहि छदनं विय विज्जापनमपि वट्ठति एव। **अज्जेनाति** अच्छिन्नअसब्बचीवरेन। **दे नट्टानीति** अधिकारतो वुत्तं “**दे सादितब्बानी**”ति।

५२६. **पाळिया न समेतीति** “अनापत्ति जातकानं पवारितानं”न्ति इमाय पाळिया न समेति ततुत्तरविज्जापनआपत्तिप्पसङ्गे एव वुत्तता। “**अज्जस्सत्थायाति न वुत्तं**”न्ति इदं अज्जस्सत्थाय ततुत्तरि

विज्ञापने निस्सगियं पाचित्तियं होतीति इममत्थं दोषेति, तच्च पाचित्तियं येसं अत्थाय विज्ञापेति, तेसं वा सिया, विज्ञापकस्सेव वा, न ताव तेसं तेहि अविज्ञापितता, नापि विज्ञापकस्स अत्तानं उद्दिस्स अविज्ञापितता। तस्मा अज्जस्सत्थाय विज्ञापेन्तस्सापि निस्सगियं पाचित्तियं न दिस्सति। पाळियं पन इमस्स सिक्खापदस्स अत्तनो सादियनपटिबद्धतावसेन पवत्तता “अज्जस्सत्थाया”ति अनापत्तिवारे न वुत्तन्ति वदन्ति, तच्च युत्तं विय दिस्सति, वीमसित्वा गहेतब्बं। तत्तुत्तरिचीवरता, अच्छिन्नादिकारणता, अज्ञातकविज्जति, ताय च पटिलाभाति इमानेत्य चत्तारि अङ्गानि।

तत्तुत्तरिसिक्खापदवण्णना निट्ठिता।

## ८. पठमउपकखटसिक्खापदवण्णना

५२८-५३१. अट्टमे यो कत्ताति दायकं सन्धाय वुत्तं। पटो एव पटको। “अप्यग्घं चेतापेती”ति इदं निस्सगियपाचित्तिया अनापत्तिं सन्धाय वुत्तं, विज्जतिपच्चया पन दुक्कटमेव। “पुब्बे अप्पवारितो”ति हि सुत्ते विज्जत्तिकारणं वुत्तं। **मातिकाडुकथायमि** “चीवरे भिय्योकम्यता, अज्ञातकविज्जति, ताय च पटिलाभाति इमानेत्य तीणि अङ्गानी”ति (कङ्का० अट्ठ० उपकखटसिक्खापद) अज्ञातकविज्जत्तिता पकासिता, केचि पन “दायकेन दातुकामोम्हीति अत्तनो सन्तिके अवुत्तेपि यदग्घनकं सो दातुकामो, तदग्घनकं आहरापेतुं वट्ठति एवा”ति वदन्ति, तं **राजसिक्खापददुक्कथायमि** न समेति, दूतेन वा दायकेन वा “आयस्मन्तं उद्दिस्स चीवरचेतापन्नं आभत”ति आरोचितेपि मुखवेवटियकपियकारकादीनं सन्तिका आहरापनस्स तत्थ पटिक्खित्ता। वुत्तज्जि तत्थ “इमे द्वे अनिद्धिदुक्कपियकारका नाम, एतेसु अज्ञातकअप्पवारितेसु विय पटिपज्जितब्बं...पे... न किञ्चि वत्तब्बा। देसनामत्तमेव चेत्तं दूतेन चीवरचेतापन्नं पहिणेय्या”ति सयं आहरित्वापि पिण्डपातादीनं अत्थाय ददन्तेसुपि एसेव नयो”ति। मुखवेवटियकपियकारकादयो हि दायकेन परिक्खत्तेपि वत्थुम्हि “असुकस्स सन्तिके चीवरपिण्डपातादिं गण्ठथा”ति अनिद्धिदुत्ता एव “न किञ्चि वत्तब्बा”ति वुत्तं, न पन तस्स वत्थुनो मुखवेवटियादीनं सन्तकत्ता, तस्मा इधापि दायकेन वा दूतेन वा “यं इच्छथ, तं वदथा”ति अप्पवारितस्स वदतो दुक्कटमेव। **अग्घवट्ठनकन्ति** चीवरे अग्घवट्ठनकं निस्साय पवत्तं इदं सिक्खापदं, न पिण्डपातादीसु तेसु अग्घवट्ठनस्स दुक्कटमत्तता, पणीतपिण्डपाते सुद्धिकपाचित्तियत्ता चाति गहेतब्बं। तेनेव “चीवरे भिय्योकम्यता”ति अङ्ग वुत्तं।

पठमउपकखटसिक्खापदवण्णना निट्ठिता।

## ९. दुतियउपकखटसिक्खापदवण्णना

५३३. नवमे पाळियं **पच्चेकचीवरचेतापन्ना**ति पच्चेकं नियमेत्वा चीवरचेतापन्ना, एकेकेन विसुं विसुं नियमिता चीवरचेतापन्नाति अत्थो। **उभोव सन्ता एकेनाति** उभो एकतोव सन्ता, उभो एकतो हुत्वाति अत्थो।

दुतियउपकखटसिक्खापदवण्णना निट्ठिता।

## १०. राजसिक्खापदवण्णना

५३७. दसमे “अज्जण्हो”ति “अज्ज नो”ति वत्तब्बे ह-कारागमं, न-कारस्स च ण-कारं कत्वा वुत्तोति आह “अज्ज एकदिवसं अम्हाक”ति।

५३८-९. यं वुत्तं **मातिकाडुकथायं** (कङ्का० अट्ठ० राजसिक्खापदवण्णना) “ईमिना चीवरचेतापन्नेन चीवरं चेतापेत्वा इत्थन्नामं भिक्खुं चीवरेन अच्चादेहीति इदं आगमनसुद्धिं दस्सेतुं वुत्तं, सचे हि ‘इदं इत्थन्नामस्स भिक्खुनो देही’ति पेसेय्य, आगमनस्स असुद्धता अकपियवत्थुं आरब्भ भिक्खुना कपियकारकोपि निहिसितब्बो न भवेय्या”ति, तं निस्सगियवत्थुदुक्कटवत्थुभूतं अकपियचीवरचेतापन्नं “असुकस्स भिक्खुनो देही”ति एवं आगमनसुद्धिया असति, सिक्खापदे आगतनयेन दूतवचने च असुद्धे सब्बथा पटिक्खेपो एव कातुं वट्ठति, न पन “चीवरञ्च खो मयं पटिगण्ठामा”ति वत्तु, तदनुसारेन न वेय्यावच्चकरञ्च निहिसितुं आगमनदूतवचनानं उभिनं असुद्धता। पाळियं आगतनयेन पन आगमनसुद्धिया सति दूतवचने असुद्धेपि सिक्खापदे आगतनयेन सब्बं कातुं वट्ठतीति दस्सनत्थं वुत्तं। तेन च यथा दूतवचनासुद्धियमि आगमने सुद्धे वेय्यावच्चकरमि निहिसितुं वट्ठति, एवं आगमनासुद्धियमि दूतवचने सुद्धे वट्ठति एवाति अयमत्थो अत्थतो सिद्धोव होति, उभयसुद्धियं वत्तब्बमेव नत्थीति उभयासुद्धिपक्खमेव सन्धाय **मातिकाडुकथायं** (कङ्का० अट्ठ० राजसिक्खापदवण्णना) “कपियकारकोपि निहिसितब्बो न भवेय्या”ति वुत्तन्ति वेदितब्बं।

यं पनेत्थ **सारत्थदीपनियं** (सारत्थ० टी० २, ५३७-५३९) “आगमनस्स सुद्धिया वा असुद्धिया वा विसेसप्ययोजनं न दिस्सती”तिआदि वुत्तं, तं मातिकाडुकथावचनस्स अधिप्पायं असल्लक्खेत्वा वुत्तं यथावुत्तनयेन आगमनसुद्धिआदिना सप्ययोजनत्ता। यो पनेत्थ “मूलसामिकेन कपियवोहारवसेन, पेसितस्स दूतस्स अकपियवोहारवसेन च वदतोपि कपियकारको निहिसितब्बो भवेय्या”ति अनिद्धप्सङ्गो वुत्तो, सो अनिद्धप्सङ्गो एव न होति अभिमत्तता। तथा हि **सिक्खापदे** एव “पटिगण्ठानु आयस्मा चीवरचेतापन्नं”ति अकपियवोहारेन वदतो दूतस्स कपियेन कम्मेन वेय्यावच्चकरो निहिसितब्बो वुत्तो आगमनस्स सुद्धता, आगमनस्सापि असुद्धियं पन कपियेनापि कम्मेन वेय्यावच्चकरो न निहिसितब्बोति अत्थेव आगमनस्स सुद्धिअसुद्धीसु पयोजनं। कथं पन दूतवचनेन आगमनसुद्धि विज्जायतीति? नायं भारो। दूतेन हि अकपियवोहारेनेव वुत्ते एव आगमनसुद्धि गवेसितब्बा, न इतरथा, तत्थ च तस्स वचनकमेन पुच्छित्वा च युत्तिआदीहि च सकका विज्जातुं। इधापि हि **सिक्खापदे** “चीवरचेतापन्नं आभत”ति दूतवचनेनेव चीवरं किणत्वा दातुं पेसितभावो विज्जायति। यदि हि सब्बथा आगमनसुद्धि न विज्जायति, पटिक्खेपो एव कत्तब्बोति।

**पाळियञ्च** “चीवरञ्च खो मयं पटिगण्ठामा”तिआदि दूतवचनस्स अकपियत्तेपि आगमनसुद्धिया सति पटिपज्जनविधिदस्सनत्थं वुत्तं। “एसो खो...पे... न वत्तब्बो ‘तस्स देही’”तिआदि अकपियवत्थुसादियनपरिमोचनत्थं वुत्तं। “सज्जती”तिआदि “एवं दूतेन पुन वुत्ते एव चोदेतुं वट्ठति, न इतरथा”ति दस्सनत्थं वुत्तं। “न वत्तब्बो ‘देहि मे चीवरं...पे... चेतापेहि मे चीवरं’”ति इदं दूतेनाभतरूपियं पटिगहेतुं अत्तना निहिट्टुकपियकारकत्ताव “देहि मे चीवरं...पे... चेतापेहि मे चीवरं”ति वदन्तो रूपियस्स पकत्तता तेन रूपियेन परिवत्तेत्वा “देहि चेतापेही”ति रूपियसंवोहारं समापज्जन्तो नाम होतीति तं दोसं दूरतो परिवज्जेतुं वुत्तं रूपियपटिगण्ठेन सङ्गमज्जे निस्सट्ठरूपिये विय। वुत्तज्जि तत्थ “न वत्तब्बो इमं वा इमं वा आहरा”ति। तस्मा न इदं विज्जत्तिदोसं परिवज्जेतुं वुत्तन्ति वेदितब्बं, “अत्थो मे, आवुसो, चीवरेना”तिपि अवत्तब्बतापसङ्गतो, तेनेव दूतनिहिट्टेसु रूपियसंवोहारसङ्काभावतो अज्जं कपियकारकं ठपेत्वापि आहरापेतब्बन्ति वुत्तं। तथापि “दूतेन ठपितरूपियेन चेतापेत्वा चीवरं आहरापेही”ति अवत्ता केवलं “चीवरं आहरापेही”ति एवं आहरापेतब्बन्ति अधिप्पायो गहेतब्बो। **ठानं भज्जती**ति एत्थ **ठानन्ति** ठितिया च कारणस्स च नामं, तस्मा आसने निसीदनेन ठानमि कुप्पति, आगतकारणमि तेसं न विज्जायति। ठितं पन अकोपेत्वा आमिसपटिगण्ठणादीसु आगतकारणमेव भज्जति, न ठानं। तेनाह “**आगतकारणं भज्जती**”ति। केचि पन “आमिसपटिगण्ठणादिना ठानमि भज्जती”ति वदन्ति, तं अट्टकथाय न समेति।

**यतस्स चीवरचेतापन्न**तिआदि येन अत्तना वेय्यावच्चकरो निहिट्टो, चीवरञ्च अनिप्फादितं, तस्स कत्तब्बविधिदस्सनं। एवं भिक्खुना वत्थुसामिकानं वुत्ते ते चोदेत्वा देन्ति, वट्ठति “सामिका चोदेत्वा देन्ती”ति अनापत्तियं वुत्तता। तेन च यो सयं अचोदेत्वा उपासकादीहि परियायेन वत्ता चोदोपेति, तेसु सत्तक्खत्तुमि चोदेत्वा चीवरं दापन्तेसु तस्स अनापत्ति सिद्धा होति सिक्खापदस्स अनापत्तिकत्ता।

केनच अनिहिट्टो अत्तनो मुखेनेव ब्यावट्ठभावं वेय्यावच्चकरत्तं पतो **मुखवेवटिको**। “**अविचारेतुकामताया**”ति इमिना विज्जमानमि दातुं अनिच्छन्ता अरियापि वज्जनाधिप्पायं विना वोहारतो नत्थीति वदन्तीति दस्सेति। **भेसज्जक्खन्धके** मेण्डकसेड्डिवत्थुम्हि (महाव० २९९) वुत्तं “सन्ति, भिक्खवे”तिआदिवचनमेव (महाव० २९९) **मेण्डकसिक्खापदे** नाम। **कपियकारकानं** हत्थेति दूतेन निहिट्टुकपियकारके सन्धाय वुत्तं, न पन भिक्खुना निहिट्टे, अनिहिट्टे वाति। तेनाह “**एत्थ च चोदेनाय पमाणं नत्थी**”तिआदि।

सयं आहरित्वा ददन्तेसुति सम्बन्धो। “**पिण्डपातादीनं अत्थाया**”ति इमिना चीवरत्थायेव न होतीति दस्सेति। “**एसेव नयो**”ति इमिना वत्थुसामिना निहिट्टुकपियकारकभेदेसुपि पिण्डपातादीनमि अत्थाय दिन्ने च ठानचोदनादि सब्बं हेट्ठा वुत्तनयेनेव कातब्बन्ति दस्सेति।

“**सङ्गं वा...पे... अनामसित्वा**”ति वुत्तता “सङ्गस्स विहारत्थाय देमा”तिआदिना आमसित्वा वदन्तेसु पटिक्खिपितब्बमेव। “**सङ्गो सम्पटिच्छती**”ति इदं उक्कट्टवसेन वुत्तं, गणादीसुपि

सङ्घस्सत्थाय सम्पटिच्छन्तेसुपि पटिग्गहणेपि परिभोगेपि दुक्कटमेव। **सारत्थदीपनिचं** “पटिग्गहणे पाचित्तिय”न्ति (सारत्थ० टी० २.५३७-५३९) वुत्तं, तं न युत्तं सङ्घचेतियादीनं अत्थाय दुक्कटस्स वुत्तत्ता। **चोदेतीति** तस्स दोसाभावं जत्वापि कोधेन वा लोभेन वा भण्डदेव्यन्ति चोदेति। सो एव हि मुसावादादिपच्चया पाचित्तियदुक्कटादिआपत्तीहि सापत्तिको होति, गोवातिसञ्जाय पन वत्वा निहोसभावं जत्वा विरमन्तस्स नत्थि आपत्ति।

तळाकं खेत्ते पविट्ठत्ता “न सम्पटिच्छित्तब्ब”न्ति वुत्तं। **चत्तारो पच्चये सङ्घो परिभुञ्जतूति देति, वट्टतीति** एत्थ “भिक्षुसङ्घस्स चतुपच्चयपरिभोगत्थाय तळाकं दम्मी”ति वा “भिक्षुसङ्घो चत्तारो पच्चये परिभुञ्जितुं तळाकं दम्मी”ति वा “इतो तळाकतो उपपन्ने चत्तारो पच्चये दम्मी”ति वा वत्तुमि वट्टति, इदञ्च सङ्घस्स परिभोगत्थाय दिव्यमानञ्जेव सन्धाय वुत्तं, पुग्गलस्स पन एवमि दिन्नं तळाकखेत्तादि न वट्टति। सुद्धचित्तस्स पन उदकपरिभोगत्थं कूपपोक्खरणीआदयो वट्टन्ति। “सङ्घस्स तळाकं अत्थि, तं कथं”न्ति हि आदिना सब्बत्थ सङ्घवसेनेव वुत्तं। **हत्थेति** वसे।

“**ठपेथाति वुत्ते**”ति इदं सामीचिवसेन वुत्तं, अवुत्तेपि ठपेन्तस्स दोसो नत्थि। तेनाह “**उदकं वारेतुं लब्धती**”ति। सस्सकालेपि तासेत्वा मुञ्चितुं वट्टति, अमुञ्चतो पन भण्डदेव्यं। **पुन देतीति** अच्छिन्दित्वा पुन देति, एवमि वट्टतीति सम्बन्धो। इमिना “येन केनचि इस्सरेन ‘परिच्यत्तमिदं भिक्षुहं, अस्सामिक’न्तिसञ्जाय अत्तना गहेत्वा दिन्नं वट्टती”ति दस्सेति। कप्पियवोहारेपि विनिच्छयं वक्खामाति पाठसेसो।

**उदकवसेनाति** उदकपरिभोगत्थं। “**सुद्धचित्तानं**”न्ति इदं सहत्थेन च अकप्पियवोहारेन च करोन्ते सन्धाय वुत्तं। सस्ससम्पादनत्थन्ति एवं असुद्धचित्तानमि पन सयं अक्त्वा कप्पियवोहारेन आणापेतुं वट्टति एव। “**कप्पियकारकं ठपेतुं न वट्टती**”ति इदं सहत्थादिना कततळाकत्ता “असारुप्प”न्ति वुत्तं, ठपेन्तस्स, पन तं पच्चयं परिभुञ्जन्तस्सपि वा सङ्घस्स आपत्ति न विञ्जायति, अट्टकथापमाणेन वा एत्थ आपत्ति गहेत्वा। **लज्जिभिक्षुनाति** लज्जिनापि, पगेव अलज्जिना मत्तिकुद्धरणादीसु कारापितेसूति अधिप्पायो। **नवसस्सेति** अकतपुब्बे केदारे। “**कहापणे**”ति इमिना धञ्जुट्टापने तस्सेव अकप्पियन्ति दस्सेति, धञ्जुट्टापने चस्स पयोगेपि दुक्कटमेव, न कहापणुट्टापने विय।

“**कसथ वपथा**”ति वचने सब्बेसम्पि अकप्पियं सियाति आह “**अवत्ता**”ति। **एत्तको नाम भागोति** एत्थ एत्तको कहापणोति इदमि सन्धाय वदति। तथा वुत्तेपि हि तदा कहापणानं अविज्जमानत्ता आर्याति उपपन्नं अञ्जेसं वट्टति एव। तेनाह “**तस्सेव तं अकप्पियं**”न्ति। तस्स पन सब्बपयोगेसु, परिभोगेसुपि दुक्कटं। केचि पन “धञ्जपरिभोगे एव आपत्ति, न पुब्बपयोगे”ति वदन्ति, तं न युत्तं, येन मिननरक्खणादिपयोगेन पच्छा धञ्जपरिभोगे आपत्ति होति, तस्स पयोगस्स करणे अनापत्तिया अयुत्तत्ता। परियायकथाय पन सब्बत्थ अनापत्ति। तेनेव “**एत्तकेहि वीहीहि इदञ्चिदञ्च आहरथा**”ति नियमवचने अकप्पियं वुत्तं, कहापणविचारणेपि एसेव नयो। वत्थु च एवरूपं नाम सविज्जति, कप्पियकारको नत्थीति वत्तन्तिआदिवचनञ्चेत्थ साधकं।

**वनं दम्मि...पे...** वट्टतीति एत्थ निवासट्टानत्ता पुग्गलस्सपि सुद्धचित्तेन गहेतुं वट्टति। **सीमं देमाति** विहारसीमादिसाधारणवचनेन वुत्तत्ता “**वट्टती**”ति वुत्तं।

“**वेय्यावच्चकर**”न्तिआदिना वुत्तेपि पुग्गलस्सपि दासं गहेतुं वट्टति “अनुजानामि, भिक्षवे, आरामिक”न्ति (पारा० ६१९; महाव० २७०) विसेसेत्वा अनुञ्जातत्ता, तञ्च खो पिलिन्दवच्छेन गहितपरिभुत्तक्कमेन, न गहट्टानं दासपरिभोगक्कमेन। खेत्तादयो पन सब्बे सङ्घस्सेव वट्टन्ति **पाळियं** पुग्गलिकवसेन गहेतुं अननुञ्जातत्ताति दट्टब्बं। **विहारस्स देमाति** सङ्घिकविहारं सन्धाय वुत्तं, “खेत्तवत्थुपटिग्गहणा पटिविततो होती”तिआदिना (दी० नि० १.१०, १९४) सुत्तन्तेसु आगतपटिक्खेपो भगवता आपत्तियापि हेतुभावेन कतोति भगवतो अधिप्पायं जानन्तेहि सङ्गीतिमहारेहि खेत्तपटिग्गहणादिनिस्सितो अयं सब्बोपि पाळिमुत्तविनिच्छयो वुत्तोति गहेत्वा। कप्पियकारकस्स निहिट्टभावो, दूतेन अप्पितत्ता, तत्तुत्तर वायामो, तेन पटिलाभोति इमानेत्थ चत्तारि अङ्गानि।

राजसिक्खापदवण्णना निट्ठिता।

निट्ठितो चोवरवग्गो पठमो।

## २. कोसियवग्गो

### १. कोसियसिक्खापदवण्णना

५४२. दुतियस्स पठमे पाळियं **कोसियकारकेति** कोसकारकपाणानं कोसतो निब्बत्तत्ता कोसियेन सुत्तेन वत्थादिं करोन्ते। **सङ्घातन्ति** विनासं।

५४४. “**अवायिम**”न्ति वुत्तत्ता वायित्वा करणे अनापत्ति। **मिस्सेत्वाति** एळकलोमेहि मिस्सेत्वा। **पटिलाभेनाति** परिनिट्टानेन “परियोसापेति, निस्सगिय”न्ति (पारा० ५४५) वुत्तत्ता, कोसियमिस्सकता, अत्तनो अत्थाय सन्थतस्स करणकारापनं, पटिलाभो चाति इमानेत्थ तीणि अङ्गानि।

कोसियसिक्खापदवण्णना निट्ठिता।

५४७-५५२. दुतियञ्च ततियञ्च उत्तानमेव। तत्थ पन ओदातादिमिस्सकसञ्जाय सुद्धकाळकानञ्जेव सन्थतस्स करणवसेन चेत्य द्वेभागतो अधिकेसु सुद्धकाळकेसु अनधिकसञ्जाय सन्थतस्स करणवसेन च अचित्तकता वेदितब्बा।

### ४. छब्बस्ससिक्खापदवण्णना

५५७. चतुत्थे हद करीसुस्सग्गे, **मिह** सेचनेति धातुअत्थं सन्धायह “**वच्चमि पस्सावमि करोन्ती**”ति। ऊनकछब्बस्सेसु अतिरेकछब्बस्ससङ्कितादिवसेनेत्थ अचित्तकता वेदितब्बा।

छब्बस्ससिक्खापदवण्णना निट्ठिता।

### ५. निसीदनसन्थतसिक्खापदवण्णना

५६५. पञ्चमे **तत्थ सन्दिस्सिस्सतीति** सकाय कतिकाय अयुत्तकारितावसेन विञ्जूह सन्दिस्सिस्सतीति अत्थो। अरञ्जकङ्गादीनि तीणि पाळियं सेनासनादिपच्चयत्तयस्स आदिअङ्गवसेन वुत्तानि, सेसानिपि ते समादिथिसु एवाति वेदितब्बं।

५६६. **पिहयन्ताति** पत्थयन्ता। सन्थतस्स अवायिमत्ता, सेनासनपरिक्खारत्ता च चीवरत्ता, अधिट्टातब्बत्ता च नत्थीति आह “**चतुत्थचीवरसञ्जिताया**”ति, विपल्लाससञ्जायाति अत्थो। केचि पन “इदं निसीदनसन्थतं नाम नवसु चीवरेसु निसीदनचीवरमेव, नाञ्जं। **निसीदनसिक्खापदेपि** (पाचि० ५३१ आदयो) इमस्मिं सिक्खापदे विय ‘निसीदनं नाम सदसं वुच्चती’ति च अट्टकथायञ्चस्स ‘सन्थतसदिसं सन्थरित्वा एकस्मिं अन्ते सुगतविदत्थिया विदत्थिमत्ते पदेसे द्वीसु ठानेसु फालेत्वा तिस्रो दसा करीयन्ति, ताहि दसाहि सदसं नाम वुच्चती’ति (पाचि० अट्ट० ५३१) च वुत्तत्ता”ति वदन्ति, तं न युत्तं इह पमाणनियमस्स अवुत्तत्ता, सन्थतस्स च अवायिमचीवरत्ता, अधिट्टानुपगत्ताभावा अट्टकथायं अवुत्तत्ता च। निसीदनचीवरं पन छन्नं चीवरानं खण्डपिलोत्तिकानि पमाणयुत्तमेव सन्थरित्वा सन्थतं विय करोन्ति। तेनेव “सन्थतसदिस”न्ति सदिसगहणं कतं, तस्मा तदेव चीवरं अधिट्टानुपगञ्च, न इदन्ति गहेत्वा।

५६७. सुगतविदत्थिकं अनादाय आदियन्तिसञ्जाय, सुगतविदत्थिऊने अनून्तिसञ्जाय च वसेनेत्थ अचित्तकता वेदितब्बा। वितानादीनञ्जेव अत्थाय करणे अनापत्तिवचनतो निपज्जनत्थाय

करोतोपि आपत्ति एव। **परिभुञ्जितुं न वट्टतीति** कोसियेसु सुद्धकाळकानञ्च वत्थूनं अकप्पियत्ता वुत्तं। तेनेव **पाळियं** “अञ्जेन कत्तं पटिलभित्वा परिभुञ्जति, आपत्ति दुक्कटस्सा”ति (पारा० ५४५, ५५०) तत्थ तत्थ वुत्तं, इतरेसु पन द्वीसु “अनापत्ती”ति वुत्तं। तत्थ चतुत्थे अञ्जस्सत्थाय करणेपि अनापत्ति, पञ्चमे तत्थ दुक्कटन्ति दट्टब्बं। निस्सट्टदानवचनतो पन गहणे दोसो नत्थि, परिभुञ्जेन च विजटेत्वा कप्पियवसेन कते न दोसो।

निसीदनसन्थतसिक्खापदवण्णना निट्ठिता।

#### ६. एळकलोमसिक्खापदवण्णना

५७२. छट्ठे पाळियं “**अद्धानमग्गप्पटिपन्नस्सा**”ति इदं वत्थुवसेन वुत्तं। निवासड्डाने लद्धानिपि तियोजनतो परं हरितुं न वट्टति एव। **असन्ते हारकेति** अनुरूपतो वुत्तं। सन्तेपि हारके हरतो नत्थि दोसो। **आपत्तियेवाति** अनाणत्तेन हटत्ता। पक्खद्वयस्सपि कारणमाह “**सउस्साहत्ता**”ति, अनुपरतगमनिच्छताति अत्थो। सुद्धचित्तपक्खस्सेव कारणमाह “**अचित्तकत्ता**”ति। **न समेतीति** “अनापत्ति, अञ्जं हरापेती”ति एतकस्सेव परिहरणे वुत्तता। **अगच्छन्तेति** ठिते। हेड्डाति भूमिया।

५७५. तं **हरन्तस्साति** पठमं पटिलाभट्टानतो पड्डाय तियोजनतो उद्धं हरन्तस्साति अत्थो। तथा हरन्तस्स हि चोरेहि अच्छिन्दित्वा पुन दिन्मड्डानतो तियोजनं हरितुं वट्टति। केचि पन “**मातिकाडुकथायं** अङ्गेषु ‘पठमपटिलाभो’ति वुत्तता दुतियपटिलाभट्टानतो तियोजनातिक्कमेपि अनापत्ती”ति वदन्ति, तं न युत्तं, दुतियपटिलाभस्सापि पटिलाभट्टाने पविसनतो वासत्थाय गमनड्डानतो पुन गमने विय। **कायबन्धनादीनन्ति** द्विपटलकायबन्धनादीनं अन्तरे पक्खितं पसिब्बके पक्खितसदिसं, न कतभण्डन्ति वुत्तं, तथा **निधानमुखन्ति**। अकतभण्डता, पठमपटिलाभो, तियोजनातिक्कमं, आहरणपच्चाहरणं, अवासाधिप्पायताति इमानेत्य पञ्च अङ्गानि।

एळकलोमसिक्खापदवण्णना निट्ठिता।

#### ७. एळकलोमधोवापनसिक्खापदवण्णना

५८१. सत्तमे पाळियं अनापत्तिवारे **अपरिभुत्तं कतभण्डं धोवापेतीति** एत्थ परिभुत्तस्स कम्बलादिकतभण्डस्स धोवापनं पुराणचीवरधोवापनसिक्खापदेन आपत्तिकरन्ति तन्निवत्तन्तं “**अपरिभुत्तं कतभण्डं**”ति वुत्तं। सेसमेत्थ उत्तानत्थमेव।

एळकलोमधोवापनसिक्खापदवण्णना निट्ठिता।

#### ८. रूपियसिक्खापदवण्णना

५८३-४. अट्टमे सुवण्णमयकहापणेन कहापणोपि रजते एव सङ्गहतीति आह “**सोवण्णमयो वा**”ति। **रूपियमयो वाति** रजतेन रूपं समुट्टपेत्वा कतकहापणो। **पाकतिको** नाम एतरहि पकतिकहापणो।

**इच्चेते सब्बमीति** सिक्खापदेन, विभङ्गेन च वुत्तं सब्बमि निदस्सेति। तस्स चतुब्बिधं निस्सगियवत्थुति इमिनाव सम्बन्धो, न पन अनन्तरेन “रजतं”ति पदेन। इदानीं तं चतुब्बिधं निस्सगियवत्थुं सरूपतो दस्सेन्तो “**रजतं**”ति आदिमाह। तत्थ किञ्चापि हेड्डा रजतमासकोव वुत्तो, न केवलं रजतं, तथापि सिक्खापदे “जातरूपरजतं”ति पदेनेव वुत्तन्ति तमि दस्सेत्तुं “रजतं”ति इदं विसुं वुत्तं। पदभाजने पन मातिकापदेनेव सिद्धता तं अवत्वा तेन सह सङ्गहमानमेव दस्सेत्तुं “रजतं नाम कहापणो”ति आदि वुत्तन्ति वेदितव्वं। **जातरूपमासकोति** सुवण्णमयकहापणो। **वुत्तप्यभेदोति** “रूपियमयो वा पाकतिको वा”ति आदिना वुत्तप्यभेदो। पटोव **पटको**, वत्थं। **दुक्कटमेवाति** पटिगाहकस्सेव पटिगाहणपच्चाया दुक्कटं, परिभोगे पन पञ्चसहधम्मिकेहि पटिगाहितां धञ्जविर्हितमुत्तादीनं कारणा उपपन्नपच्चयं परिभुञ्जन्तानं सब्बेसमि दुक्कटमेव। केचि पन “धञ्जमि पञ्चसहधम्मिकेहि पटिगाहितं मुत्तादिखेत्तादि विय सब्बेसमि परिभुञ्जितुं न वट्टति, केवलं सङ्घिकभूमियं कप्पियवोहारेन च उपपन्नस्स धञ्जस्स विचारणमेव सन्धाय ‘तस्सेवेतं अकप्पिय’ति वुत्तं”ति वदन्ति।

**एको सतं वा सहस्सं वाति** आदि रूपिये हेड्डिमकोटिया पवत्तनाकारं दस्सेत्तुं वुत्तं, न पन “एवं पटिपज्जितव्वमेवा”ति दस्सेत्तुं। “इध निक्खिपाही”ति वुत्ते उग्गहापनं होतीति आह “**इध निक्खिपाहीति न वत्तव्वं**”ति। **कप्पियञ्च...पे...** होतीति यस्मा असादितता ततो उपपन्नपच्चया वट्टन्ति, तस्मा कप्पियं निस्साय ठितं। यस्मा पन दुब्बिचारणाय सति ततो उपपन्नमि न कप्पति, तस्मा अकप्पियं निस्साय ठितन्ति वेदितव्वं।

“**न तेन किञ्चि कप्पियभण्डं चेतापितं**”ति इमिना चेतापितं चे, नत्थि परिभोग्पायो उग्गहेत्वा अनिस्सट्टरूपियेन चेतापितता। ईदिसज्जि सङ्गमज्जे निस्सज्जनं कत्वाव छट्ठेत्वा पाचित्तियं देसेतव्वन्ति दस्सेति। केचि पन “यस्मा निस्सगियवत्थुं पटिगाहेत्वापि चेतापितं कप्पियभण्डं सङ्गे निस्सट्टं कप्पियकारकेहि निस्सट्टरूपियं परिवत्तेत्वा आनीतकप्पियभण्डसदिसं होति, तस्मा विनाव उपायं भाजेत्वा परिभुञ्जितुं वट्टतीति”ति वदन्ति, तं **पत्तचतुक्कादिकथाय** (पारा० अट्ट० २.५८९) न समेति। तत्थ रूपियेन परिवत्तितपत्तस्स अपरिभोगोव दस्सितो, न निस्सज्जनविधानन्ति। **उपनिक्खेपं ठपेत्वाति** कप्पियकारकेहि वड्डिया पयोजनं सन्धाय वुत्तं। **अकप्पियन्ति** तेन वत्थुना गहितता वुत्तं।

५८५. “**पतितोकासं असमन्नाहरन्तेना**”ति इदं निरपेक्खभावदस्सनपरन्ति वेदितव्वं। **असन्तसम्भावनायाति** परियायादिना अभूतारोचनं सन्धाय वुत्तं। **थ्येयपरिभोगोति** पच्चयसामिना भगवता अननुज्जातता वुत्तं। **इणपरिभोगोति** भगवता अनुज्जातमि कत्तव्वं अकत्वा परिभुञ्जनतो वुत्तं, तेन च पच्चयसन्निस्सितसीलं विपज्जतीति दस्सेति। **परिभोगे परिभोगेति** कायतो मोचेत्वा मोचेत्वा परिभोगे। पच्छिमयामेसु पच्चवेक्खितवन्ति योजना। **इणपरिभोगट्टाने तिडुतीति** एत्थ “हिय्यो यं मया चीवरं परिभुत्तं”ति आदिनापि अतीतपच्चवेक्खणा वट्टतीति वदन्ति। **परिभोगे परिभोगेति** उदकपतनड्डानतो अन्तोपवेसनेसु, निसीदनसयनेसु च। **सतिपच्चयता वट्टतीति** पच्चवेक्खणसतिया पच्चयत्तं लद्धं वट्टति। पटिगाहणे च परिभोगे च पच्चवेक्खणासति अवस्सं लद्धव्वाति दस्सेति। तेनाह “**सति कत्वा**”ति आदि। केचि पन “सतिपच्चयता पच्चये सति भेसज्जपरिभोगस्स कारणे सती”ति एवमि अत्थं वदन्ति, तेसमि पच्चये सतीति पच्चयसम्भावसल्लक्खणे सतीति एवमत्थो गहेतव्वो पच्चयसम्भावमत्तेन सीलस्स असुज्जनतो। “**परिभोगे अकरोन्तस्सेव आपत्ती**”ति इमिना पातिमोक्खसंवरसीलस्स भेदो दस्सितो, न पच्चयसन्निस्सितसीलस्स, तस्स अतीतपच्चवेक्खणाय विसुज्जनतो। एतस्मिं, पन सेसपच्चयेसु च इणपरिभोगादिवचनेन पच्चयसन्निस्सितसीलस्सेव भेदोति एवमिमेसं नानाकरणं वेदितव्वं।

एवं पच्चयसन्निस्सितसीलस्स विसुद्धि दस्सेत्वा तेनेव पसङ्गेन सब्बापि विसुद्धियो दस्सेत्तुं “**चतुब्बिधा हि सुद्धी**”ति आदिमाह। तत्थ सुज्जति देसनादीहि, सोधीयतीति वा सुद्धि, चतुब्बिधसीलं। तेनाह “**देसनाय सुज्जनतो**”ति आदि। एत्थ देसनागहणेन वुड्डानमि छिन्नमूलानं अभिक्खुतापटिञ्चापि सङ्गहिता। छिन्नमूलानमि हि पाराजिकापत्तिवुड्डानेन हेड्डा परिक्खितं भिक्खुसीलं विसुद्धं नाम होति, तेन तेसं मग्गपटिलाभोपि सम्पज्जति।

दातव्वेन दायं, तं आदियन्तीति **दायादा**। **सत्तन्नं सेक्खानन्ति** एत्थ कल्याणपुत्तज्जनापि सङ्गहिता तेसं आणण्यपरिभोगस्स दायज्जपरिभोगे सङ्गहितताति वेदितव्वं। **धम्मदायादसुत्तन्ति** “धम्मदायादा मे, भिक्खवे, भवथ, मा आमिसदायादा”ति आदिना (म० नि० १.२९) पवत्तं सुत्तं। तत्थ मा मे आमिसदायादाति एवं मे-सहं आनेत्वा अत्थो गहेतव्वो। एवज्जि तथा वुत्तत्थसाधकं होति।

**लज्जिना सद्धिं परिभोगेति** धम्मामिसवसेन मिस्सभावो। **अलज्जिना सद्धिन्ति** एत्थापि एसेव नयो। “**आदितो पट्टाय हि अलज्जी नाम नत्थी**”ति इमिना दिट्ठदिट्ठेसु आसङ्का नाम न कातव्वा, दिट्ठसुतादिकारणे सति एव कातव्वाति दस्सेति। **अत्तनो भारभूता** सद्धिविहारिकादयो। **सचे न ओरमतीति** अगातिगमनेन धम्मामिसपरिभोगतो न ओरमति। “**आपत्ति नाम नत्थी**”ति इदं अलज्जीनं

धम्मं उपपन्नपच्चयं, धम्मकम्मज्ज सन्धाय वुत्तं। तेसमि हि कुलदूसनादिसमुपपन्नपच्चयं परिभुञ्जन्तानं, वगकम्मादिं करोन्तानञ्च आपत्ति एव।

“**धम्मियाधम्मियपरिभोगो पच्चयवसेन वेदितब्बो**”ति वुत्तता हेट्ठा लज्जिपरिभोगो पच्चयवसेन च एककम्मादिवसेन च वुत्तो एवाति वेदितब्बं। तेनेव दुट्ठदोससिक्खापददुक्कथायं

चोदकचुदितकभावे ठिता द्वे अलज्जिनो धम्मपरिभोगमि सन्धाय “एकसम्मभोगपरिभोगा हुत्वा जीवथा”ति (पारा० अट्ठ० २.३८५-३८६) वुत्ता तेसं अञ्जमञ्जं धम्मामिसपरिभोगे विरोधाभावा। लज्जीनमेव हि अलज्जिना सह तदुभयपरिभोगा न वट्ठन्तीति।

**धम्मपरिभोगो**ति “एककम्मं एकद्वेसो”ति आदिना (पारा० ५५, ९२, १७२) वुत्तसंवासो चेव निस्सयगहणदानादिको सब्बो निरामिसपरिभोगो च वेदितब्बो। “**न सो आपत्तिया कारेतब्बो**”ति वुत्तता लज्जिनो अलज्जिपगगहे आपत्तीति वेदितब्बं। **इतरोपी**ति लज्जीपि। तस्सापि अत्तानं पगणहन्तस्स अलज्जिनो, इमिना च लज्जिनो वण्णभणनादिलामं पटिच्च आमिसगरुक्ताय वा गेहसितपेमेन वा तं अलज्जिं पगणहन्तो लज्जी सासनं अन्तरधापेति नामाति दस्सेति। एवं गहट्ठादीसु उपत्यम्भितो अलज्जी बलं लभित्वा पेसले अभिभवित्वा नचिरस्सेव सासनं उड्डम्भं उब्बिनयं करोतीति।

“**धम्मपरिभोगोपि तत्थ वट्ठती**”ति इमिना आमिसपरिभोगतो धम्मपरिभोगोव गरुको, तस्मा अतिविय अलज्जिविवेकेन कातब्बोति दस्सेति। “**धम्मनुग्गहेन उग्गणिहन्तु वट्ठती**”ति वुत्तता अलज्जस्सन्ताय सासने ओसक्कन्ते, लज्जीसु च अप्पहोन्तेसु अलज्जिमि पकतत्तं गणपूरकं गहेत्वा उपसम्पादिकरणेन चेव केचि अलज्जिनो धम्मामिसपरिभोगेन सङ्गहेत्वा सेसालज्जिगणस्स निग्गहेन च सासनं पगणहन्तु वट्ठति एव।

केचि पन “कोटियं ठितो गन्थोति वुत्तता गन्थपरियापुणनमेव धम्मपरिभोगो, न एककम्मादि। तस्मा अलज्जीहिपि सङ्खि उपोसथादिकं कम्मं कातुं वट्ठति, आपत्ति नत्थी”ति वदन्ति, तं न युत्तं, एककम्मादीसु बहुसु धम्मपरिभोगेसु अलज्जिनापि सङ्खि कत्तब्बावत्थायुत्तं धम्मपरिभोगं दस्सेत्तु इध निदस्सनवसेन गन्थस्सेव समुद्धटता। न हि एककम्मादिको विधि धम्मपरिभोगो न होतीति सक्का वत्तुं अनामिसत्ता धम्मामिसेसु अपरियापन्नस्स कस्सचि अभावा। तेनेव **अट्ठसालिनियं** धम्मपटिसन्धारकथायं (ध० स० अट्ठ० १३५१) “कम्मट्ठानं कथेतब्बं, धम्मो वाचेतब्बो...पे०... अब्भानवुट्ठानमानत्तपरिवासा दातब्बा, पब्बज्जारहो पब्बाजेतब्बो, उपसम्पादरहो उपसम्पादेतब्बो...पे०... अयं धम्मपटिसन्धारो नामा”ति एवं सङ्गकम्मादिपि धम्मकोट्टासे दस्सितं। तेसु पन धम्मकोट्टासेसु यं गणपूरणादिवसेन अलज्जिनो अपेक्खित्वा उपोसथादि वा तेसं सन्तिका धम्मगहणनिस्सयगहणादि वा करीयति, तं धम्मो चेव परिभोगो चाति धम्मपरिभोगोति वुच्चति, एतं तथारूपपच्चयं विना कातुं न वट्ठति, करोन्तस्स अलज्जिपरिभोगो च होति दुक्कटञ्च। यं पन अलज्जिसत्तं अनपेक्खित्वा तज्जनीयादिनिग्गहकम्मं वा परिवसादिउपकारकम्मं वा उग्गहपरिपुच्छादानादि वा करीयति, तं धम्मो एव, नो परिभोगो। एतं अनुरूपानं कातुं वट्ठति, आमिसदानं विय आपत्ति नत्थि। निस्सयदानमि तेरससम्मुतिदानादि च वत्तपटिवत्तसादिनानादिपरिभोगस्सापि हेतुत्ता न वट्ठति।

यो पन महाअलज्जी उड्डम्भं उब्बिनयं सत्थु सासनं करोति, तस्स सङ्खिविहारिकादीनं उपसम्पादिकउपकारकम्ममि उग्गहपरिपुच्छादानादि च कातुं न वट्ठति, आपत्ति एव होति, निग्गहकम्ममेव कातब्बं। तेनेव अलज्जिपगगहोपि पटिक्खितो। धम्मामिसपरिभोगविवज्जनेनापि हि दुम्मङ्कनं पुगलानं निग्गहो अधिपेतो, सो च पेसलानं फासुविहारसङ्गममिड्डितिविनयानुग्गहादि अत्थाय एतदत्थत्ता सिक्खापदपञ्जितिया। तस्मा यं यं दुम्मङ्कनं उपत्यम्भाय पेसलानं अफासुविहाराय सङ्गमपरिहानादि अत्थाय होति, तं सब्बमि परिभोगो वा होतु अपरिभोगो वा कातुं न वट्ठति, एवं करोन्ता सासनं अन्तरधारपेति, आपत्तिञ्च आपज्जन्ति। धम्मामिसपरिभोगेसु चेत्थ अलज्जीहि एककम्मादिधम्मपरिभोगो एव पेसलानं अफासुविहारसङ्गमपरिहानादि अत्थाय होति, न तथा आमिसपरिभोगो। न हि अलज्जिनं पच्चयपरिभोगमत्तेन पेसलानं अफासुविहारादि होति, यथावुत्तधम्मपरिभोगेन पन होति, तप्परिवज्जनेन च फासुविहारादयो। तथा हि कत्तसिक्खापदवीतिकममा अलज्जिपुगला उपोसथादीसु पविट्ठा “तुम्हे कायद्वारे, वचीद्वारे च वीतिककमं करोथा”ति आदिना भिक्खुहि वत्तब्बा होन्ति, यथा विनयञ्च अतिट्ठन्ता सङ्गतो बहिकरणादिवसेन सुट्ठ निग्गहेतब्बा, तथा अक्कत्ता तेहि सह संवसन्तापि अलज्जिनोव होन्ति “एकोपि अलज्जी अलज्जिसत्तमि करोती”ति आदिवचनतो (पारा० अट्ठ० २.५८५)। यदि हि ते एवं न निग्गहिता सियुं, सङ्गे कलहादि वट्ठेत्वा उपोसथादिसामग्गीकम्मपटिबाहनादिना पेसलानं अफासु कत्त्वा कमेन ते देवदत्तवज्जिपुत्तकादयो विय परिसं वट्ठेत्वा अत्तनो विप्पटिपत्ति धम्मतो विनयतो दोपेन्ता सङ्गभेदादिमि कत्त्वा नचिरस्सेव सासनं अन्तरधापेय्युं, तेसु पन सङ्गतो बहिकरणादिवसेन निग्गहितेसु सब्बोपायं उपहवो न होति। वुत्तञ्च —

“दुस्सीलपुगले निस्साय उपोसथो न तिट्ठति, पवारणा न तिट्ठति, सङ्गकम्मानि नप्पवत्तन्ति, सामग्गी न होति...पे०... दुस्सीलेसु पन निग्गहितेसु सब्बोपि अयं उपहवो न होति, ततो पेसला भिक्खू फासु विहरन्ती”ति (पारा० अट्ठ० १.३९)।

तस्मा एककम्मादिधम्मपरिभोगोव आमिसपरिभोगतोपि अतिविय अलज्जिविवेकेन कातब्बो, आपत्तिकरो च सङ्गमपरिहानिहेतुत्ताति वेदितब्बं।

अपिच उपोसथो न तिट्ठति, पवारणा न तिट्ठति, सङ्गकम्मानि नप्पवत्तन्तीति एवं अलज्जीहि सङ्खि सङ्गकम्माकरणस्स अट्ठकथायं पकासितत्तापि चेत्तं सिज्झति, तथा परिवत्तलिङ्गस्स भिक्खुनो भिक्खुनुपस्सयं गच्छन्तस्स **पटिपत्तिकथायं** “आराधिका च होन्ति सङ्गाहिका लज्जिनियो, ता कोपेत्वा अञ्जत्थ न गन्तब्बं। गच्छति चे, गामन्तरनदीपाररत्तिवप्पासगणओहीयनापत्तीहि न मुच्चति...पे०... अलज्जिनियो होन्ति, सङ्गं पन करोन्ति, तापि परिच्चजित्वा अञ्जत्थ गन्तु लब्धती”ति एवं अलज्जिनीसु दुतियिकागहणादीसु संवासापत्तिपरिहाराय नदीपारगमनादिगरुकापत्तिट्ठानानं अनुज्जातत्ता ततोपि अलज्जिसंवासापत्ति एव सङ्गमपरिहानिहेतुतो गरुकतराति विज्जायति। न हि लहुकापत्तिट्ठानं, अनापत्तिट्ठानं वा परिहरितुं गरुकापत्तिट्ठानवीतिककमं आचरिया अनुजानन्ति, तथा **असंवासपदस्स अट्ठकथायं** “सब्बोहिपि लज्जिपुगलेहि समं सिक्खितब्बभावतो समसिक्खाता नाम। एत्थ यस्मा सब्बोपि लज्जिनो एतेसु कम्मादीसु सह वसन्ति, न एकोपि ततो बहिट्ठा सन्दिस्सति, तस्मा तानि सब्बानिपि गहेत्वा एसो संवासो नामा”ति एवं लज्जीहेव एककम्मादिसंवासो वट्ठतीति पकासितो।

यदि एवं, कस्मा असंवासिकेसु अलज्जी न गणितीति? नायं विरोधो, ये गणपूरके कत्त्वा कत्तं कम्मं कुप्पति, तेसं पाराजिकादिअपकतत्तानञ्जेव असंवासिकत्ते गहितत्ता। अलज्जिनो पन पकतत्तभूतापि सन्ति, ते चे गणपूरणा हुत्वा कम्मं सार्धेति, केवलं कत्त्वा अगतिगमनेन करोन्तानं आपत्तिकरा होन्ति सभागापत्तिआपन्ना विय अञ्जमञ्जं। यस्मा अलज्जितञ्च लज्जितञ्च पुथुज्जानं चित्तक्खणपटिबद्धं, न सब्बकालिकं। सञ्चिच्च हि वीतिककमचित्ते उपपन्ने अलज्जिनो “न पुन ईदिसं करिस्सामी”ति चित्तेन लज्जिनो च होन्ति, तेसु च ये पेसलेहि ओवदियमानापि न ओरमन्ति, पुनप्पुनं वीतिककमन्ति, ते एव असंवसितब्बा, न इतरे लज्जिधम्मे ओक्कन्तत्ता। तस्मापि अलज्जिनो असंवासिकेसु अगणेत्वा तप्परिवज्जनत्थं सोधेत्वाव उपोसथादिकरणं अनुज्जातं। तथा हि “पारिसुङ्खि आयस्मन्तो आरोचेथ, पातिमोक्खं उट्ठिसिस्सामी”ति आदिना (महाव० १३४) अपरिसुङ्खाय परिसाय उपोसथकरणस्स अयुत्तता पकासिता, “यस्स सिया आपत्ति सो आविकरेय्य...पे०... फासु होती”ति (महाव० १३४) एवं अलज्जिमि लज्जिधम्मे पटिट्ठापेत्वा उपोसथकरणपकारो च वुत्तो, “कच्चित्थ परिसुङ्खा...पे०... परिसुङ्खेत्थायस्मन्तो”ति (पारा० ४४२, ४५८, ६६२; पाचि० ५५१, ५७५, ६५५) च पारिसुङ्खिउपोसथे “परिसुङ्खो अहं भन्ते, परिसुङ्खोति मं धारेथा”ति (महाव० १६८) च एवं उपोसथं करोन्तानं परिसुङ्गता च पकासिता, वचनमत्तेन अनोरमन्तानञ्च उपोसथपवआरणडुपनविधि च वुत्ता, सब्बथा लज्जिधम्मं अनाक्कमन्तेहि संवासस्स अयुत्तताय निस्सयदानगहणपटिक्खेपो, तज्जनीयादिनिग्गहकम्मकरणञ्च उक्खेपनीयकम्मकरणेन सानुवत्तकपरिसस्स अलज्जिस्स असंवासिकत्तपानपविधि च वुत्ता। तस्मा यथावुत्तेहि सुत्तनयेहि, अट्ठकथावचनेहि च पकततेहिपि अपकततेहिपि सब्बोहि अलज्जीहि एककम्मादिसंवासो न वट्ठति, करोन्तानं आपत्ति एव दुम्मङ्कनं पुगलानं निग्गहत्थायेव सब्बसिक्खापदानं पञ्जत्तत्ताति निट्ठमेत्थ गन्तब्बं। तेनेव दुतियसङ्गीतियं पकतत्तापि अलज्जिनो वज्जिपुत्तका यस्सत्थेरादीहि महन्तेन वायामेन सङ्गतो वियाजित्ता। न हि तेसु पाराजिकादिअसंवासिका अत्थि तेहि दीपितानं **दसन्नं वत्थूनं** (चूळव० ४५२) लहुकापत्तिविसयत्ता।

**तस्स पन सन्तिके**ति महारक्खितत्थेरस्स सन्तिके। **खरपत्तन्ति** खरसङ्गतात्तं सुवण्णपत्तिरूपकं वत्थु। दायकेहि असत्तिया दिन्नं रूपियं तेहि पुन सकसञ्जाय गणहन्ते अदातुं, निस्सगियवत्थुं गणहोतीति दातुञ्च न वट्ठतीति आह “**तव चोळकं पस्साही**”ति। एवं वत्थापि पन नट्ठवत्थुस्मिं विय निस्सज्जितब्बाभावेपि आपत्ति देसेतब्बाव। असत्तियापि हि तं वत्थुं वत्थादिना सहत्थेन गहेत्वा “इदं देमी”ति दिन्नं, तदा परिच्चागसम्भावतो दानमेव होति “अप्पघं दस्सामी”ति महग्घस्स दाने विय। पटिगणहन्तस्स च असत्तिया दिव्यमानत्ते जातेपि अदिन्नादानं न होति दायकेहि दिन्नत्ता, तस्मा रूपियं निस्सगियमेव होति। केचि पन “ईदिसं नाम न होति, तेनेव चेत्थ ‘तव चोळकं पस्सा’ति वुत्त”न्ति वदन्ति, तं नो नक्खमति, वीमसितब्बं।

**५८६. एकपरिच्छेदानीति** सिया किरियत्तं, सिया अकिरियत्तञ्च सन्धाय वुत्तं। जातरूपरजतभावो, अत्तुद्देसिकता, गहणादीसु अज्जरभावोति इमानेत्थ तीणि अङ्गानि।

रूपियसिखापदवण्णना निड्डिता ।

#### ९. रूपियसंवोहारसिखापदवण्णना

५८७. नवमे जातरूपादिचतुब्बिधनिस्सगियवत्थु इध रूपियग्गहणेनेव गहितन्ति आह “जातरूपरजतपरिवत्तन”न्ति । पटिग्गहितपरिवत्तनेति कप्पियवोहारेन, अकप्पियवोहारेन वा पटिग्गहितस्स रूपियस्स परिवत्तने ।

५८९. पाळियं घनकतन्ति इड्डकादि । रूपियं नाम सत्थुवण्णोति आदीसु किञ्चापि केवलं रजतं न गहितं, तथापि रूपियपदेनेव तं गहितन्ति दडुब्बं । सुद्धो रूपियसंवोहारो एव वुत्तोति अज्झाहरितब्बं । रूपिये रूपियसज्जीति आदिमि विनिच्छयं वक्खामाति पाठसेसो ।

५९१. पाळियं रूपिये रूपियसज्जीति अत्तना दिव्यमानं सकसन्तकं सन्धाय वुत्तं । रूपियं चेतापेतीति परसन्तकं । एस नयो सेसेसुपि । तत्थ अरूपिय-सहेन दुक्कटवत्थुमि सङ्गण्हाति । पच्छिमे पन तिके “अरूपिये रूपियसज्जी अरूपियं चेतापेति, आपति दुक्कटस्सा”ति इमिना नयेन सब्बत्थ योना वंदितब्बा । इमस्मिञ्च तिके अरूपिय-सहेन कप्पियवत्थुयेव गहितं, न मुत्तादिदुक्कटवत्थु अन्ते “पञ्चन्नं सह अनापत्ती”ति वुत्तता । किञ्चापि दुक्कटवत्थु न गहितं, तथापि दुक्कटवत्थुना दुक्कटवत्थु, कप्पियवत्थुना दुक्कटवत्थुञ्च परिवत्तयतो दुक्कटं, नयतो सिद्धमेव हाति । तच्च दुक्कटवत्थुमि तथसज्जाय वा अतथसज्जाय वा विमतिवा वा परिवत्तन्तस्सपि होतियेव अचित्तकत्ता इमस्स सिखापदस्स । पञ्चन्नं सहाति पञ्चहि सहधम्मिकेहि सह ।

इदानी “निस्सगियवत्थुना दुक्कटवत्थुं वा”ति आदिना वुत्तस्स अत्थस्स पाळियं सरूपेन अनागतत्तेपि नयतो लब्भमानतं दस्सेतुं “यो हि अय”न्ति आदि वुत्तं । एत्थ च यस्मा रूपियेन परिवत्तितं अरूपियं निस्सट्ठमि सब्बेसमि अकप्पियत्ता निस्सगियमेव न हाति निस्सज्जित्वा परिभुज्जितब्बस्सेव निस्सज्जितत्वातो, केवलं पन इदं छुट्टत्वा पाचित्तियमेव परिवत्तकेन देसेतब्बं, तस्मा “रूपिये रूपियसज्जी अरूपियं चेतापेति, निस्सगियं पाचित्तिय”न्ति आदि तिको भगवता न वुत्तो, तीसुपि पदेसु परिवत्तियमानस्स अरूपियत्तेन निस्सगियवचनायोगा रूपियस्सेव निस्सज्जितत्वातो । रूपियस्सेव हि निस्सट्ठस्स आरामिकादीहि पटिपज्जनविधि पाळियं दस्सितो, न अरूपियस्स । तस्मा पाचित्तियमतसम्भवदस्सनत्थमेव पनेत्थ अट्ठकथायं “अवुत्तोपि अयं...पे... तिको वेदितब्बो”ति वुत्तं, न पन तस्स वत्थुनो निस्सगियतादस्सनत्थं । तेनेव पत्तचतुक्के “न सक्का केनचि उपायेन कप्पियं कातु”न्ति आदि वुत्तं । अयं अम्हाकं खन्ति । अत्तनो वा हीति आदि दूतियतिकानुलोमेनेव ततियतिकस्स सिज्जनप्पकारं समत्थेतुं वुत्तं । तत्रायं अधिप्पायो — यस्मा हि यथा अत्तनो अरूपियेन परस्स रूपियं चेतापेन्तस्स एकस्मिं अन्ते रूपियसम्भवतो “रूपियसंवोहारो कतो एव होतो”ति दूतियतिको वुत्तो, एवं अत्तनो रूपियेन परस्स अरूपियं चेतापेन्तस्सापि होतीति ततियो तिको वत्तब्बो भवेय्य, सो पन दूतियतिकेनेव एकतो रूपियपक्खसामञ्जेन सिज्जतीति पाळियं न वुत्तोति । तत्थ एकन्तेन रूपियपक्खेति एकेन अन्तेन रूपियपक्खे, “एकतो रूपियपक्खे”ति वा पाठो ।

इदानी दूतियतिके अरूपियपदस्स अत्थमूतेसु दुक्कटवत्थुकप्पियवत्थूसु दुक्कटवत्थुना रूपियादिपरिवत्तने आपत्तिभेदं दस्सेतुं “दुक्कटवत्थुना”ति आदि आरुद्धं । दुक्कटवत्थुना दुक्कटवत्थुन्ति आदि पन दुक्कटवत्थुना परिवत्तनप्पसङ्गे पाळियं अवुत्तस्सापि अत्थस्स नयतो लब्भमानतं दस्सेतुं वुत्तं । तत्थ इमिनाति रूपियसंवोहारसिखापदेन, तेन च दुक्कटस्स अचित्तकतमि दस्सेति । अज्जत्र सहधम्मिकेहीति “पञ्चन्नं सह अनापत्ती”ति वचनतो वुत्तं, तेनापि कयविककयसिखापदस्स कप्पियवत्थुनिस्सिततं एव साधेति । इमं...पे... रूपियचेतापनञ्च सन्धाय वुत्तन्ति पकतेन सम्बन्धो । इधाति इमस्मिं सिखापदे । तत्थाति कयविककयसिखापदे (पारा० ५९३) ।

एवं दुक्कटवत्थुना रूपियादिपरिवत्तने आपत्तिभेदं दस्सेत्वा इदानी कप्पियवत्थुनापि दस्सेतुं “कप्पियवत्थुना पना”ति आदि आरुद्धं । तत्थ तेनेवाति कप्पियवत्थुना एव । “रूपियं उग्गण्हित्वा”ति इदं उक्कटवसेन वुत्तं । मुत्तादिदुक्कटवत्थुमि उग्गहेत्वा कारितमि पञ्चन्नमि न वट्ठीति एव । समुद्वापेतीति सयं गत्वा, “इमं कहापणादिं कम्मकारानं दत्त्वा बीजं समुद्वापेही”ति एवं अज्जं आणापेत्वा वा समुद्वापेति । महाअकप्पियोति अत्तनावो बीजतो पट्टाय दूसितत्ता अज्जस्स मूलसामिकस्स अभावतो वुत्तं । सो हि चोरेहि अच्छिन्नोपि पुन लद्धो जानन्तस्स कस्सचिपि न वट्ठीति । यदि हि वट्ठेय्य, तळाकादीसु विय अच्छिन्नो वट्ठीतीति आचरिया वदेय्यं । न सक्का केनचि उपायेनाति सङ्गे निस्सज्जनेन, चोरादिअच्छिन्दनादिना च कप्पियं कातुं न सक्का, इदञ्च तेन रूपेण ठितं, तम्मूलिकेन वत्थुमुत्तादिरूपेण ठितञ्च सन्धाय वुत्तं । दुक्कटवत्थुमि हि तम्मूलिककप्पियवत्थुञ्च न सक्का केनचि उपायेन तेन रूपेण कप्पियं कातुं । यदि पन सो भिक्खु तेन कप्पियवत्थुदुक्कटवत्थुना पुन रूपियं चेतापेय्य, तं रूपियं निस्सज्जापेत्वा अज्जेसं कप्पियं कातुमि सक्का भवेय्याति दडुब्बं ।

पत्तं किणातीति एत्थ “इमिना कहापणादिना कम्मरकुलतो पत्तं किणित्वा एही”ति आरामिकादीहि किणापनमि सङ्गहितन्ति वेदितब्बं । तेनेव राजसिखापददुक्कथायं “एत्थकेहि कहापणेहि साटके आहर, एत्थकेहि यागुआदीनि सम्मादेहीति वदति, यं ते आहरन्ति, सब्बेसं अकप्पियं । कस्मा? कहापणानं विचारितत्ता”ति (पारा० अट्ठ० २.५३८-५३९) वुत्तं । इमिना पन वचनेन यं मातिकादुक्कथायं रूपियसंवोहारसिखापदं “अनाणत्तिक”न्ति वुत्तं, तं न समेति । न केवलञ्च इमिना, पाळियापि तं न समेति । पाळियञ्चि निस्सट्ठरूपियेन आरामिकादीहि सप्पियादि परिवत्तापेतुं “सो वत्तब्बो आवुसो, इमं जानाही”ति । सचे सो भणति “इमिना किं आहरीयतु”ति, न वत्तब्बो “इमं वा इमं वा आहरा”ति । कप्पियं आचिक्खितब्बं “सप्पि वा”ति आदिना रूपियसंवोहारं परिमोचेत्वाव वुत्तं । “इमिना रूपियेन किं आहरीयतु”ति पुच्छन्तो “इमं आहरा”ति वुत्तेपि अधिकारतो “इमिना रूपियेन इमं आहरा”ति भिक्खुहि आणतो एव होतीति तं रूपियसंवोहारं परिवज्जेतुं “न वत्तब्बो ‘इमं वा इमं वा आहरा’”ति पटिक्खेपो कतो, अनापत्तिवारेपि “कप्पियकारकस्स आचिक्खतो”ति न वुत्तं । कयविककयसिखापदे (पारा० ५९५) पन तथा वुत्तं, तस्मा इदं साणत्तिकं कयविककयमेव अनाणत्तिकन्ति गहेतब्बं ।

मूलस्स अनिस्सट्ठताति येन उग्गहितमूलेन पत्तो कीतो, तस्स मूलस्स सङ्गमज्जे अनिस्सट्ठता, एतेन रूपियमेव निस्सज्जितत्वा, न तम्मूलिकं अरूपियन्ति दस्सेति । यदि हि तेन रूपियेन अज्जं रूपियं चेतापेय्य, तं रूपियसंवोहारसिखापदे आगतनयेनेव निस्सज्जापेत्वा सेसेहि परिभुज्जितत्वा भवेय्याति । “मूलस्स असम्पटिच्छितत्ता”ति इमिना मूलस्स गिहिसन्तकत्तं, तेनेव पत्तस्स रूपियसंवोहारानुप्पन्नतञ्च दस्सेति । पञ्चसहधम्मिकसन्तकेनेव हि रूपियसंवोहारदोसो । तत्थ च अत्तनो सन्तके पाचित्तियं, इतरत्थ दुक्कटं ।

निस्सज्जीति दानवसेन वुत्तं, न विनयकम्मवसेन । तेनेव “सप्पिस्स पूरेत्वा”ति वुत्तं । यं अत्तनो धनेन परिवत्तेति, तस्स वा धनस्स रूपियभावो, परिवत्तनपरिवत्तापनेसु अज्जतरभावो चाति इमानेत्य द्वे अङ्गानि ।

रूपियसंवोहारसिखापदवण्णना निड्डिता ।

#### १०. कयविककयसिखापदवण्णना

५९३-५. दसमे पाळियं जानाहीति इदनेव उपधारेहि, इदं पच्छा छट्टेतुं न सक्काति अधिप्पायो । इमिनाति भिक्खुना दिव्यमानं वुत्तं । इमन्ति परेन पटिदिव्यमानं । सेसजातकेसु सद्वादेयविनिपातसम्भवतो तदभावद्वानमि दस्सेतुं “मातरं पन पितरं वा”ति वुत्तं । न सक्का तं पटिक्खिपितुन्ति एत्थ यथा रूपियं भतकानं दत्त्वा अस्सामिकभूमियं अयोबीजसमुद्वापने भतिया खणन्तानं सन्तिका गहितभण्डकभावेपि पाचित्तियं हाति, एवमिधापीति केचि वदन्ति, तं न युत्तं । यच्चि अस्सामिकभूमिं खणित्वा समुद्वापितं अयोबीजं, तं भतकानं सन्तकं नाम हाति, तदत्थञ्च तेसं रूपियं देन्तस्स रूपियसंवोहारोव हाति अकप्पियवोहारेन रजनच्छल्लिआदीनं आहारपने कयविककयो विय, तादिसमि परभण्डं इध वत्थधोवनादीसु नत्थि, तस्मा अट्ठकथापमाणेनेवेत्थ पाचित्तियं गहेतब्बं ।

५९७. पुज्जं भविस्सतीति देतीति एत्थ सचे भिक्खु अत्तनो भण्डस्स अपगघत्तं जत्वापि अकथेत्वा “इदनेव उपपरिक्खित्वा गण्ह, मा पच्छा विण्णटिसारी होही”ति वदति, इतरो च अत्तनो दिव्यमानस्स महगघत्तं अजानन्तो “ऊनं वा अधिकं वा तुम्हाकमेवा”ति दत्त्वा गच्छति, भिक्खुस्स अनापत्ति उपनन्दस्स विय परिब्बाजकवत्थुगहणे । विण्णटिसारिस्स पुन सकसज्जाय आगतस्स यं अधिकं गहितं, तं दातब्बं । येन यं परिवत्तेति, तेसं उभेन कप्पियवत्थुता, असहधम्मिकता, कयविककयापज्जनञ्चाति इमानेत्य तीणि अङ्गानि ।

कयविकयसिक्खापदवण्णना निड्डिता ।

निड्डितो कोसियवग्गो दूतियो ।

### ३. पत्तवग्गो

#### १. पत्तसिक्खापदवण्णना

६०२. ततियवग्गस्स पठमे अट्टतेरसपलाति मागधिकाय मानतुलाय अट्टतेरसपलपरिमितं उदकं गणहन्ति सन्धाय वुत्तं, तथा परिमितं यवमासादिं गणहन्ति सन्धायति केचि । आचरियधम्मपालत्थेरेन पन “पकतिचतुमुट्टिकं कुडुवं, चतुकुडुवं नाळि, ताय नाळिया सोळस नाळियो दोणं, तं पन मगधनाळिया द्वादस नाळियो होन्तीति वदन्ती”ति वुत्तं । दमिळनाळीति पुराणनाळि सन्धाय वुत्तं । सा च चतुमुट्टिकेहि कुडुवेहि अट्ट कुडुवा, ताय नाळिया द्वे नाळियो मगधनाळि गणहाति । पुराणा पन “सीहळनाळि तिस्रो नाळियो गणहाती”ति वदन्ति, तेसं मतेन मगधनाळि इदानी पवत्तमानाय चतुकुडुवाय दमिळनाळिया चतुनाळिका हाति, ततो मगधनाळितो उपट्टञ्च पुराणदमिळनाळिसङ्घातं पत्थं नाम हाति, एतेन च “ओमको नाम पत्तो पत्थोदंनं गणहाती”ति पाळिवचनञ्च समेति, लोकिर्येहिपि —

“लोकियं मगधञ्चेति, पत्थद्वयमुदाहटं ।

लोकियं सोळसपलं, मागधं दिगुणं मतं”ति ॥ —

एवं लोके नाळिया मगधनाळि दिगुणाति दस्सिता, एवञ्च गहमाने ओमकपत्तस्स च यापनमत्तोदनागहिका च सिद्धा हाति । न हि सक्का अट्टकुडुवतो ऊनोदनागहिना पत्तेन अथूपीकतं पिण्डपातं परियेसित्वा यापेतुं । तेनेव वेरञ्जकण्डडुकथायं “पत्थो नाम नाळिमत्तं हाति एकस्स पुरिसस्स अलं यापनाय । वुत्तमि हेतं ‘पत्थोदनो नालमयं दुविन्’”ति (जा० २.२१.१९२) वुत्तं, “एकेकस्स द्विन्नं तिण्णं पहाती”ति च आगहं, तस्मा इध वुत्तनयानुसारेनेव गहेतब्बं ।

आलोपस्स अनुरूपन्ति एत्थ “व्यञ्जनस्स मत्ता नाम ओदनतो चतुत्थभागो”ति (म० नि० अट्ट० २.३८७) ब्रह्मायुसुत्तडुकथायं वुत्तता आलोपस्स चतुत्थभागमेव व्यञ्जनं अनुरूपन्ति दट्टब्बं । ओदनगतिकानेवाति ओदनस्स अन्तो एव पविसनसीलानि सिंयुं, अत्तनो ओकासं न गवेसन्तीति अत्थो । नाममत्तेति “मज्झिमो पत्तो मज्झिमोमको”ति आदिनाममत्ते ।

६०७-८. एवं पयोगे पयोगेति परियोसानालोपञ्जोहरणपयोगे पयोगे, आलोपे आलोपेति अत्थो । कत्वाति पाकपरियोसानं कत्वा । पचित्वा ठपेस्सामीति काळवण्णपाकं सन्धाय वुत्तं । छिन्ति मुखवट्ठितो दङ्गुलस्स हेट्ठाछिदं वुत्तं । सेसं पठमकथिने वुत्तनयमेव ।

पत्तसिक्खापदवण्णना निड्डिता ।

#### २. ऊनपञ्चबन्धनसिक्खापदवण्णना

६०९-६१३. दूतिये पाळियं अहं पत्तेन ते भिक्खु सन्तपेस्सामीति सेसो । “अपत्तो”ति इमिना अधिष्ठानविजहनमि दस्सेति । पञ्चबन्धनेपि पत्ते अपरिपुण्णपाके पत्ते विय अधिष्ठानं न रुहति । “तिपुपट्टकेन वा”ति वुत्तता तम्बलोहादीहि कप्पियलोहेहि अयोपत्तस्स छिदं छादेतुं वट्टति । तेनेव “लोहमण्डलकेना”ति वुत्तं । इमस्मिं सिक्खापदे अकाळवण्णमि कप्पियपत्तं विज्जापेत्तस्स आपति एवाति दट्टब्बं । अधिष्ठानुपगपत्तस्स ऊनपञ्चबन्धनता, अत्तुदेसिकता, अकतविज्जति, ताय च पटिलाभोति इमानेत्य चत्तारि अङ्गानि ।

ऊनपञ्चबन्धनसिक्खापदवण्णना निड्डिता ।

#### ३. भेसज्जसिक्खापदवण्णना

६१८-६२१. ततिये पाळियं पिलिन्दवच्छत्थेरेन “न खो, महाराज, भगवता आरामिको अनुज्जातो”ति पठमं पटिक्खिपित्वा “अनुजानामि, भिक्खवे, आरामिक”न्ति पुग्गलानमि आरामिकनामेन दासगहणे अनुज्जाते एव आरामिकानं गहितत्ता खेतवत्थादीनि कप्पियवोहारेनेपि पुग्गलानं गहेतुं न वट्टति, तथा अननुज्जातत्ताति विज्जायति । “खेतवत्थुपटिग्गहणा पटिवरतो हाती”ति आदिना (दो० नि० १.१०, १.१४) हि पटिक्खित्तो एकस्सेव पुग्गलिकवसेन गहणे अनुज्जाते इतरीतरानं तथा न गहेतब्बता सिद्धाव हाति । यञ्च पिलिन्दवच्छत्थेरेन दायककुलस्स दारिकाय सुवण्णमालावसेन तिण्डुपकरस्स निम्मानं, तं “अनापत्ति, भिक्खवे, इद्धिमस्स इद्धिविसये”ति (पारा० १.५९) वचनतो कुलसङ्गहादि न हातीति कतन्ति दट्टब्बं, केचि पन “खीणासवानं लाभिच्छाय अभावतो कुलसङ्गहेपि आजीवकोपो नत्थी”ति वदन्ति, तं न युत्तं खीणासवानमि आजीवविपत्तिहेतुनं पिण्डपातादीनं परिवज्जेतब्बतो । वुत्तज्झि धम्मसेनापतिना “नेव भिन्देय्यमाजीवं, चजमानोपि जीवित”न्ति (मि० प० ६.१.५) । भगवता च “गाथाभिगीतं मे अभोजनीय”न्ति आदि वुत्तं (सु० नि० ८१, ४८४; मि० प० ४.५.९; सं० नि० १.१९७) ।

६२२. उग्गहितकन्ति परिभोगत्थाय सयं गहितं । सयं करोतीति पचित्वा करोति । पुरेभत्तन्ति तदहुरेभत्तमेव वट्टति सवत्थुकपटिग्गहितत्ता । सयंकतन्ति खोरनवनीतं पचित्वा कतं । निरामिसमेवाति तदहुरेभत्तं सन्धाय वुत्तं । अज्ज सयंकतं निरामिसमेव भुज्जनत्तस्स कस्मा सामपाको न हातीति आह “नवनीतं तापेत्तस्सा”ति आदि । पटिग्गहितेहीति खीरदधीनि सन्धाय वुत्तं । उग्गहितकेहि कतं अब्भञ्जनादीसु उपनेतब्बन्ति योजना । एसेव नयोति निस्सगियापत्तिं सन्धाय वुत्तं । अकप्पियमंससप्पिम्हीति हत्थिआदीनं सप्पिम्हि ।

एत्थ पनाति नवनीते विसेसो अर्थाति अत्थो । धोतं वट्टतीति धोतमेव पटिग्गहितुमि न वट्टति, इतरथा सवत्थुकपटिग्गहितं हातीति थेरानं अधिप्पायो ।

महासिवत्थेरस्स पन वत्थुनो वियोजितत्ता दधिगुळिकादीहि युत्ततामत्तेन सवत्थुकपटिग्गहितं नाम न हाति, तस्मा तक्कतो उद्धटमत्तमेव पटिग्गहेत्वा धोवित्वा, पचित्वा वा निरामिसमेव कत्वा परिभुज्जिस्सति अधिप्पायो, न पन दधिगुळिकादीहि सह विकाले भुज्जिंसु । तेनाह “तस्मा नवनीतं परिभुज्जन्तेन...पे०... सवत्थुकपटिग्गहितं नाम न हाती”ति । तत्थ अधोतं पटिग्गहेत्वापि तं नवनीतं परिभुज्जन्तेन दधिआदीनि अपनेत्वा परिभुज्जितब्बन्ति अत्थो । खयं गमिस्सतीति निरामिसं हाति, तस्मा विकालेपि वट्टतीति अत्थो । एतावताति नवनीते लगामत्तेन विसुं दधिआदिवोहारं अलद्धेन अप्पमत्तेन दधिआदिनाति अत्थो, एतेन विसुं पटिग्गहितदधिआदीहि सह पक्कं सवत्थुकपटिग्गहितसङ्ख्यमेव गच्छतीति दस्सेति । तस्मिम्पीति निरामिसभूतेपि । कुक्कुच्चकानं पन अयं अधिप्पायो — पटिग्गहणे ताव दधिआदीहि असम्भिन्नरसता भत्तेन सहितेन गुळपिण्डादि विय सवत्थुकपटिग्गहितं नाम न हाति, तं पन पचन्तेन धोवित्वाव पचितब्बं, इतरथा पचनकखणे पचमानदधिगुळिकादीहि सम्भिन्नरसताय सामंपक्कं जातं, तेसु खीणेषु सामंपक्कमेव हाति, तस्मा निरामिसमेव पचितब्बन्ति । तेनेव “आमिसेन सह पक्कत्ता”ति कारणं वुत्तं ।

एत्थ चायं विचारणा — सवत्थुकपटिग्गहितत्ताभावे आमिसेन सह भिक्खुना पक्कस्स सयंपाकदोसो वा परिसङ्कीर्यति यावकालिकता वा, तत्थ न ताव सयंपाकदोसो एत्थ सम्भवति सत्ताहकालिकता । यज्झि तत्थ दधिआदि आमिसगतं, तं परिकखीणन्ति । अथ पटिग्गहितदधिगुळिकादिना सह अत्तना पक्कत्ता सवत्थुकपक्कं विय भवेय्याति परिसङ्कीर्यति, तदा आमिसेन सह पटिग्गहितत्ताति कारणं वत्तब्बं, न पन पक्कत्ताति । तथा च उपट्टथेरेन मतमेव अङ्गी कतं सिया । तत्थ च सामणेरदीहि पक्कमि यावकालिकमेव सिया पटिग्गहितखीरदि पचित्वा अनुपसम्पन्नेहि कतसप्पिआदि विय च, न च तं युत्तं, भिक्खाचारेन लद्धनवनीतादीनं तक्कादि आमिससंसग्गसम्भवेन अपरिभुज्जितत्तापसङ्गतो । न हि गहट्ठा धोवित्वा, सोधेत्वा वा पत्ते आकिरन्तीति नियमो अत्थि, अट्टकथायञ्च “यथा तत्थ पतिततण्डुलकणादयो न पच्चन्ति, एवं...पे०... पुन पचित्वा देति, पुरिमनयेनेव सत्ताहं वट्टती”ति इमिना वचनेनपेतं विरुज्झति, तस्मा इध कुक्कुच्चकानं कुक्कुच्चुप्पत्तिया निमित्तमेव न दिस्सति । यथा चेत्थ, एवं “लज्जी सामणरो यथा तत्थ पतिततण्डुलकणादयो न पच्चन्ति, एवं सामिसपाकं मोचेन्तो अग्गिम्हि विलीयापेत्ता...पे०... वट्टती”ति वचनस्सापि निमित्तं न दिस्सति । यदि हि एतं

यावकालिकसंसर्गपरिहाराय वृत्तं सिया, अत्तनापि तथा कातब्बं भवेत्थि। गहट्टेहि दिन्नसप्पिआदीसु च आमिससंसर्गसङ्का न विगच्छेय्य। न हि गहट्टा एवं विलीयापेत्वा पन तण्डुलादिं अपनेत्वा पुन पचन्ति, अपिच भेसज्जेहि सट्ठि खीरादिं पक्खिपित्वा यथा खीरादिं खयं गच्छति, एवं परेहि पक्कभेसज्जतेलादिपि यावकालिकमेव सिया, न च तम्पि युत्तं दधिआदिखयकरणत्थं “पुन पचित्वा देती”ति वुत्तता। तस्मा महासिवत्थेरवादे कुक्कुच्चं अकत्वा अधोतम्पि नवनीतं तदहुपि पुनदिवसादीसुपि पचितुं, तण्डुलादिमिस्सं सप्पिआदिं अत्तनापि अग्गिम्हि विलीयापेत्वा परिस्सावेत्वा पुन तक्कादिखयत्थं पचितुञ्च वट्टति।

तत्थ विज्जमानस्सपि पच्चमानकखणे सम्भिन्नरस्सस यावकालिकस्स अब्बोहारिकत्तेन सवत्थुकपटिगहितपुरेपटिगहितानम्पि अब्बोहारिकतोति निट्टमेत्थ गन्तब्बन्ति। तेनेव “**एत्तावता सवत्थुकपटिगहितं नाम न होती**”ति वुत्तं। विसुं पटिगहितेन पन खीरादिआमिसेन नवनीतादिं मिस्सेत्वा भिक्खुना वा अज्जेहि वा पक्कतेलादिभेसज्जं सवत्थुकपटिगहितसङ्ख्यमेव गच्छति, तत्थ पविट्टयावकालिकस्स अब्बोहारिकत्ताभावा। यं पन पुरेपरिगहितभेसज्जेहि अप्पटिगहितं खीरादिं पक्खिपित्वा पक्कतेलादिकं अनुपसम्पन्नेहेव पक्कम्पि सवत्थुकपटिगहितम्पि सन्निधिपि न होति, तत्थ पक्खित्तखीरादिकस्सपि तस्मिं खणे सम्भिन्नरसताय पुरेपटिगहिततापत्तितो। सचे पन अप्पटिगहितेहेव, अज्जेहि वा पक्कतेलादीसुपि सचे आमिसरसो पञ्जार्थति, तं यावकालिकमेव होतीति वेदितब्बं। **उग्गहेत्वाति** सयमेव गहेत्वा।

**परिस्सावेत्वा गहितन्ति** तण्डुलादिविगमत्थं परिस्सावेत्वा, तक्कादिविगमत्थं पुन पचित्वा गहितन्ति अत्थो। **पटिगहेत्वा ठपितभेसज्जेहीति** अतिरेकसत्ताहपटिगहितेहि, एतेन तेहि युत्तम्पि सप्पिआदि अतिरेकसत्ताहपटिगहितं न होतीति दस्सेति। **वदलिसमयेति** वस्सकालसमये, अनातपकालेति अत्थो।

**निब्बट्टितत्ताति** यावकालिकवत्थुतो विवेचितत्ता, एतेन तेले सभावतो यावकालिकत्ताभावं, भिक्खुनो सवत्थुकपटिगहणेन यावकालिकतुपगमनञ्च दस्सेति। **उभयम्पीति** अत्तना, अज्जेहि च कतं।

**६२३. अच्छवसन्ति** दुक्कटवत्थूनज्जेव उपलक्खणन्ति आह “**ठपेत्वा मनुस्सवस**”न्ति। **संसट्ठन्ति** परिस्सावितं। **तिण्णं दुक्कटानन्ति** अज्झोहारे अज्झोहारे तीणि दुक्कटानि सन्धाय वुत्तं। किञ्चापि परिभोगत्थाय विकाले पटिगहणपचनपरिस्सावनादीसु पुब्बपयोगेसु पाळियं, अट्टकथायञ्च आपत्ति न वुत्ता, तथापि एत्थ आपत्तिया एव भवितब्बं पटिक्खित्तस्स करणतो आहारत्थाय विकाले यामकालिकादीनं पटिगहणे विय। यस्मा खीरादिं पक्खिपित्वा पक्कभेसज्जतेले कसटं आमिसगतिं, तेन सह तेलं पटिगहेतुं, पचितुं वा भिक्खुनो न वट्टति। तस्मा वुत्तं “**पक्कतेलकसटे विय कुक्कुच्चायती**”ति। सचे वसाय सह पक्कता न वट्टति, इदं कस्मा न वट्टतीति पुच्छन्ता “**भन्ते ...पे... वट्टती**”ति आहंसु। थैरो अतिकुक्कुच्चताय च “**एतम्पि, आवुसो, न वट्टती**”ति आह। रोगनिगहत्थाय एव वसाय अनुज्जातत्तं सल्लक्खेत्वा पच्छा “**साधू**”ति सम्पटिच्छि।

“**मधुकरीहि नाम मधुमक्खिकाही**”ति इदं खुट्टकभमरानं द्विन्नं एव विसेसनन्ति केचि वदन्ति, अज्जे पन “दण्डकेसु मधुकारिका मधुकरीमक्खिका नाम, ताहि सह तिस्रो मधुमक्खिकाजातियो”ति वदन्ति। **भमरमक्खिकाति** महापटलकारिका। **सिलेससदिसन्ति** सुक्खताय वा पक्कताय वा घनीभूतं। **इतरन्ति** तनुकमधु।

**उच्छुरसं उपादायाति** निक्कसटरसस्सपि सत्ताहकालिकत्तं दस्सेति “उच्छुम्हा निब्बव”न्ति पाळियं सामञ्जतो वुत्तता। यं पन **सुत्तन्तदुक्कथायं** “उच्छु चे, यावकालिको। उच्छुरसो चे, यामकालिको। फाणितं चे, सत्ताहकालिकं। तचो चे, यावजीवको”ति वुत्तं, तं अम्बफलरसादिमिस्सताय यामकालिकत्तं सन्धाय वुत्तन्ति गहेतब्बं, अविनयवचनत्ता तं अप्पमाणन्ति। तेनेव “**पुरेभत्तं पटिगहितेन अपरिस्सावितउच्छुरसेना**”तिआदि वुत्तं। **निरामिसमेव वट्टति** तत्थ पविट्टयावकालिकस्स अब्बोहारिकत्ताति इदं गुळे कते तत्थ विज्जमानम्पि कसटं पाकेन सुक्खताय यावजीविकत्तं भजतीति वुत्तं। तस्स यावकालिकत्ते हि सामपाकेन पुरेभत्तेपि अनज्झोहरणीयं सियाति। “**सवत्थुकपटिगहितत्ता**”ति इदं उच्छुरसे चुण्णविचुण्णं हुत्वा ठितकसटं सन्धाय वुत्तं, तेन च अपरिस्सावितेन अप्पटिगहितेन अनुपसम्पन्नेहि कतं सत्ताह वट्टतीति दस्सेति। **झामउच्छुफाणितन्ति** अग्गिम्हि उच्छुं तापेत्वा कतं। **कोट्टितउच्छुफाणितन्ति** खुट्टानुखुट्टकं छिन्दित्वा कोट्टेत्वा निष्पीळेत्वा पक्कं।

तं तत्थ विज्जमानम्पि कसटं पक्ककाले यावकालिकत्तं विजहतीति आह “**तं युत्त**”न्ति। **सीतोदकेन कतन्ति** मधुकपुप्फानि सीतोदकेन महित्वा परिस्सावेत्वा पचित्वा कतं, अमहित्वा कतन्ति केचि, तत्थ कारणं न दिस्सति। **खीरजल्लिकन्ति** खीरफेणं। **मधुकपुप्फं पनाति**आदि यावकालिकरूपेन ठितस्सपि अवट्टनकमेरयबीजवत्थुं दस्सेतुं आरुद्धं।

**सब्बानिपीति** सप्पिआदीनि पञ्चपि। आहारकिच्चं करोन्तानि एतानि कस्मा एवं परिभुञ्जितब्बानीति चोदनापरिहाराय भेसज्जोदिस्सं दस्सेन्तेन तप्पसङ्गेन सब्बानिपि ओदिस्सकानि एकतो दस्सेतुं “**सत्तविधं ही**”तिआदि वुत्तं। अपकतिभेसज्जत्ता विकटानि विरूपानि विसहरणतो महाविसयता महन्तानि चाति **महाविकटानि**। **उपसम्पदादीनीति आदि**-सदेन गणङ्गणूपाहनार्दि सङ्गहाति।

**अधिठेतीति** बाहिरपरिभोगत्थमेतन्ति चित्तं उप्पादेति, एवं परिभोगे अनपेक्खताय पटिगहणं विजहतीति अधिप्पायो। एवं अज्जेसुपि कालिकेसु अनज्झोहरितुकामताय सुट्टचित्तेन बाहिरपरिभोगत्थाय नियमेपि पटिगहणं विजहतीति इदम्पि विसुं एकं पटिगहणविजहनकारणन्ति दट्टुब्बं।

**६२५. सचे द्विन्नं...पे... न वट्टतीति** एत्थ पाठो गळितो, एवं पनेत्थ पाठो वेदितब्बो “सचे द्विन्नं सन्तकं एकेन पटिगहितं अविभत्तं होति, सत्ताहातिक्कमे द्विन्नम्पि अनापत्ति, परिभुञ्जितुं पन न वट्टती”ति। अज्जथा हि सहप्पयोगोपि न सङ्गहं गच्छति। “**गण्ठिपदेपि** च अयमेव पाठो दस्सितो”ति (सारत्थ० टी० २.६२५) **सारत्थदीपनियं** वुत्तं। **द्विन्नम्पि अनापत्तीति** अविभत्तता वुत्तं। “**परिभुञ्जितुं पन न वट्टती**”ति इदं “सत्ताहपरमं सन्निधिकारकं परिभुञ्जितब्ब”न्ति वचनतो वुत्तं। “**येन पटिगहितं, तेन विस्सज्जितत्ता**”ति इमिना उपसम्पन्नस्स दानम्पि सन्धाय “विस्सज्जेती”ति इदं वुत्तन्ति दस्सेति। उपसम्पन्नस्स निरपेक्खदिन्नवत्थुम्हि पटिगहणस्स अविगतत्तेपि सकसन्तकता विगताव होति, तेन निस्सगियं न होति। अत्तनाव पटिगहितत्तं, सकसन्तकत्तञ्चाति इमेहि द्वोहि कारणेहि निस्सगियं होति, न एकेन। अनुपसम्पन्नस्स निरपेक्खदाने पन तदुभयम्पि विजहति, परिभोगोपेत्य वट्टति, न सापेक्खदाने दानलक्खणाभावतो। “विस्सज्जेती”ति एतस्मिञ्च पाळिपदे कस्सचि अदत्ता अनपेक्खताय छट्ठुन्मि सङ्गहितन्ति वेदितब्बं। “**अनपेक्खो दत्ता**”ति इदञ्च पटिगहणविजहनविधिरस्सनत्थमेव वुत्तं। पटिगहणे हि विजहिते पुन पटिगहेत्वा परिभोगो सयमेव वट्टिस्सति, तब्बिजहनञ्च वत्थुनो सकसन्तकतापरिच्चागेन होतीति, एतेन च वत्थुम्हि अज्झोहरणापेक्खाय सति पटिगहणविस्सज्जनं नाम विसुं न लब्धतीति सिज्जाति। इतरथा हि “पटिगहणे अनपेक्खोव पटिगहणं विस्सज्जेत्वा पुन पटिगहेत्वा भुञ्जती”ति वत्तब्बं सिया। “**अप्पटिगहितत्ता**”ति इमिना एकस्स सन्तकं अज्जेन पटिगहितम्पि निस्सगियं होतीति दस्सेति।

**एवन्ति** “पुन गहेस्सामी”ति अपेक्खं अकत्वा सुट्टचित्तेन परिच्यत्तत्तं परामसति। **परिभुञ्जन्तस्स अनापत्तिदस्सनत्थन्ति** निस्सगियमूलिकाहि पाचित्तियादिआपत्तीहि अनापत्तिदस्सनत्थन्ति अधिप्पायो। **परिभोगे अनापत्तिदस्सनत्थन्ति** एत्थ पन निस्सट्टपटिलद्धस्स कायिकपरिभोगादीसु या दुक्कटापत्ति वुत्ता, ताय अनापत्तिदस्सनत्थन्ति अधिप्पायो। सप्पिआदीनं पटिगहितभावो, अत्तनो सन्तकता, सत्ताहातिक्कमोति इमानेत्थ तीणि अङ्गानि।

भेसज्जसिक्खापदवण्णना निड्डिता।

#### ४. वस्सिकसाटिकसिक्खापदवण्णना

**६२६. चतुत्थे जेट्टमूलपुण्णमासिया...पे... करणक्खेतञ्चाति** पठमद्दमासम्पि करणक्खेतं वुत्तं। तं “कत्वा निवासेतब्ब”न्ति इमस्स पुरिमद्दमासे वा पच्छिमद्दमासे वा कत्वा पच्छिममासेव निवासेतब्बन्ति एवमत्थं गहेत्वा वुत्तं निवासनेयेव आपत्तिया वुत्तत्ताति। यं पन **मातिकाटुकथायं** “गिम्हानं पच्छिमो मासो परियेसनक्खेतं, पच्छिमो अद्दमासो करणनिवासनक्खेतम्पी”ति (कट्ठा० अट्ठ० वस्सिकसाटिकसिक्खापदवण्णना) वुत्तं, तं तस्मिंयेव अद्दमासे कत्वा निवासेतब्बन्ति एवमत्थं गहेत्वा वुत्तं। इध वुत्तनयेनेव अत्थे गहिते विरोधो नत्थि।

“**वत्तभेदे दुक्कट**”न्ति इदं वस्सिकसाटिकअदिन्नपुब्बे सन्धाय वुत्तं। तेनाह “**ये मनुस्सा**”तिआदि। **पकतिया वस्सिकसाटिकदायका** नाम सङ्गं वा अत्तानं वा अप्पवारेत्वा अनुसंवच्छरं दायका।

६३०. “छ मासे परिहारं लभती”ति एतेन अन्तोवस्सेपि याव वस्सानस्स पच्छिमदिवसा अकता परिहारं लभतीति दीपितं होति। एकमासन्ति हेमन्तस्स पच्छिमुपोसथेन सह गणेत्वा वुत्तं। तस्मिं उपोसथदिवसे एव हि तं मूलचीवरं कातब्बं, इतरथा हि निस्सगियतो। एकाहद्वीहादिवसेन... पे०... लद्धा चेव निड्डिता चाति एत्थ एकाहानागताय वस्सूपनायिकाय लद्धा चेव निड्डिता च द्वीहानागताय... पे०... दसाहानागताय वस्सूपनायिकाय लद्धा चेव निड्डिता च, अन्तोवस्से वा लद्धा चेव निड्डिता चाति एवमत्थो दडुब्बो। तत्थ आसळ्हीमासस्स जुण्हपक्खपुण्णमियं लद्धा, तदहेव रजनकप्पपरियोसानेहि निड्डिता च वस्सिकसाटिका “एकाहानागताय वस्सूपनायिकाय लद्धा चेव निड्डिता चा”ति वुच्चति। एतेनेव नयेन जुण्हपक्खस्स छट्ठियं लद्धा, निड्डिता च “दसाहानागताय वस्सूपनायिकाय लद्धा चेव निड्डिता चा”ति वुच्चति। याव पठमकर्त्तिकतेमासिपुण्णमा, ताव लद्धा, निड्डिता च “अन्तोवस्से लद्धा चेव निड्डिता चा”ति वुच्चति। पठमकर्त्तिकतेमासिपुण्णमितो परं लद्धा चेव निड्डिता च याव चीवरकालो नातिक्कमति, ताव अनधिदुहित्वापि ठपेतुं वट्टतीति अधिप्पायो।

एत्थ च “तस्मिंयेव अन्तोदसाहे अधिदुताब्बा”ति अविसेसेन वुत्तेपि वस्सानतो पुब्बे एकाहद्वीहादिवसेन अनागताय वस्सूपनायिकाय लद्धा तेहि दिवसेहि दसाहं अनतिक्कमन्तेन वस्सूपनायिकदिवसतो पड्डाय अधिदुतानक्खेतं सम्पत्ता एव अधिदुताब्बा, ततो पन पुब्बे दसाहातिक्कमेन निड्डितापि न अधिदुताब्बा अधिदुतानस्स अखेतत्ता। तादिसा पन वस्सूपनायिकदिवसे एव अधिदुताब्बा, अनधिदुहतो अरुणुग्गमनेन निस्सगियं होति। यदि एवं “दसाहानागताया”ति इमिना किं पयोजनन्ति चे? वस्सानतो पुब्बे एव दसाहे अतिक्कन्ते निड्डिता वस्सूपनायिकदिवसे एव अधिदुताब्बाति दस्सन्त्यं वुत्तं। तेनेवाह “दसाहातिक्कमे निड्डिता तदहेव अधिदुताब्बा”ति।

दसाहे अप्पहोन्ते चीवरकालं नातिक्कमेतब्बाति तेमासम्भन्तरे दसाहे अप्पहोन्ते नवाहानागताय कत्तिकतेमासिपुण्णमाय सत्तमितो पड्डाय लद्धा, निड्डिता च चीवरकालं नातिक्कमेतब्बाति अत्थो। तथा हि “मासो सेसो गिम्हानन्ति भिक्खुना वस्सिकसाटिकचीवरं परियेसितब्बं”न्ति परियेसनक्खेतं वत्था “वस्सिकसाटिक वस्सानं चातुमासं अधिदुतु”न्ति (महाव० ३५८) वुत्तता कतायपि अकतायपि मासमत्तं अनधिदुतब्बता सिद्धा। यस्मा च अकता वस्सिकसाटिकसङ्ख्यं न गच्छति, अकरणञ्च केनचि वेकल्लेन, न अनादरेन, तस्मा चातुमासं अकतता एव परिहारं लभति, कता पन अधिदुतानक्खेतं, अकता च चीवरकाले दसाहपरमसिक्खापदेनेव परिहारं लभतीति अयमत्थो लब्धमि। कस्माति अत्तनो मतिया कारणपुच्छा। तस्माति वस्सानेयेव वस्सिकसाटिकाय अधिदुताब्बतावचनतो। “तिचीवरं अधिदुतु”न्ति सुत्तं पनेत्थ सेसचीवरानं एवं कालनियमाभावं साधेतुं उट्ठं। न हि तेनेत्थ अञ्जं पयोजनं अत्थि।

कदा अधिदुताब्बाति आदिकुरुन्दिवचनेनापि “यदा वा तदा वा अधिदुतुं वट्टती”ति इदं पटिक्खपित्वा दसाहम्भन्तरे एव कताय अधिदुताब्बतं दस्सेति।

पाळियं अच्छिन्नचीवरस्साति आदीसु अच्छिन्नसेसचीवरस्स नट्टसेसचीवरस्स। एतेसज्जि असमये परियेसननिवासनापत्तिया एव अनापत्ति वुत्ता। तेनेव मातिकाटुकथायं “अच्छिन्नचीवरस्स वा नट्टचीवरस्स वा अनिवत्थं चोरा हरन्तीति एवं आपदासु वा निवासयतो उम्मतकादीनञ्च अनापत्ती”ति (कङ्का० अट्ट० वस्सिकसाटिकसिक्खापदवण्णना) वुत्तं, इध पन समन्तपासादिकायं अयं निस्सगिया अनापत्ति पाळितो सयमेव सिज्झतीति इमं अदस्सेत्वा असिज्झमानं नग्गस्स न्हायतो दुक्कटापत्तिया एव अनापत्ति दस्सेतुं “अच्छिन्नचीवरस्सा”ति आदि वुत्तन्ति गहेतब्बं। न हि एसा अनापत्ति अवुत्ते सिज्झतीति। वस्सिकसाटिकाय अत्तुहेसिकता, असमये परियेसनता, ताव च पटिलाभाति इमानि ताव परियेसनापत्तिया तीणि अङ्गानि। निवासनापत्तिया पन सचीवरता, आपदाभावो, वस्सिकसाटिकाय सकभावो, असमये निवासनन्ति चत्तारि अङ्गानि।

वस्सिकसाटिकसिक्खापदवण्णना निड्डिता।

#### ५. चीवरअच्छिन्दनसिक्खापदवण्णना

६३१. पञ्चमे यम्पि... पे०... अच्छिन्दीति एत्थ यं ते अहं चीवरं अदासिं, तं “मया सट्ठि पक्कमिस्सती”ति सज्जाय अदासिं, न अज्जथाति कुपितो अच्छिन्दीति एवं अज्झाहरित्वा योजेतब्बं।

६३३. एकं दुक्कटन्ति यदि आणत्तो अवस्सं अच्छिन्दति, आणत्तिकखणे पाचित्तियमेव। यदि न अच्छिन्दति, तदा एव दुक्कटन्ति दडुब्बं। एकवाचाय सम्बहुला आपत्तियाति यदि आणत्तो अनन्तरायेन अच्छिन्दति, आणत्तिकखणेयेव वत्थुगणनाय पाचित्तियआपत्तियो पयोगकरणखणेयेव आपत्तिया आपज्जितत्बतो, चीवरं पन अच्छिन्नेयेव निस्सगियं होति। यदि सो न अच्छिन्दति, आणत्तिकखणे एकमेव दुक्कटन्ति दडुब्बं। एवं अज्जत्थापि ईदिसेसु नयो जातब्बो।

६३५. उपज्झं गण्हस्सतीति सामणेरस्स दानं दीपेति, तेन च सामणेरकाले दत्त्वा उपसम्पन्नकाले अच्छिन्दतोपि पाचित्तियं दीपेति। “भिक्खुस्स सामं चीवरं दत्त्वा”ति इदं उक्कट्टवसेन वुत्तं। आहारापेतुं पन वट्टतीति कम्मे अकते भतिसदिसत्ता वुत्तं। विकप्पनुपगपच्छिमचीवरता, सामं दिन्त्ता, सकसज्जिता, उपसम्पन्ता, कोधवसेन अच्छिन्दनं वा अच्छिन्दापनं वाति इमानेत्य पञ्च अङ्गानि।

चीवरअच्छिन्दनसिक्खापदवण्णना निड्डिता।

#### ६. सुत्तविज्जतिसिक्खापदवण्णना

६३६. छट्ठे वीतवीतड्डानं यस्मिं चतुरस्सदारुहि पलिवेठेन्ति, तस्स तुरीति नामं। वायन्ता तिरियं सुत्तं पवेसेत्वा येन आकोटेन्ता वत्थे घनभावं आपादेन्ति, तं “वेम”न्ति वुच्चति।

“इतरस्मिं तथेव दुक्कट”न्ति इमिना वायितुं आरद्धकालतो पड्डाय यथावुत्तपरिच्छेदनिड्डितेयेव दुक्कटम्पि होति, न ततो पुब्बे वायनपयोगेसूति दस्सेति।

तन्ते ठितंयेव अधिदुताब्बन्ति एत्थ एकवारं अधिदुत्ते पच्छा वीतं अधिदुत्तगतिकमेव होति, पुन अधिदुतानिकच्चं नत्थि। सचे पन अन्तरन्तरा दसा ठपेत्वा विसुं विसुं सपरिच्छेदं वीतं होति, पच्चेकं अधिदुताब्बमेवाति दडुब्बं। एत्थ च कप्पियसुत्तं गहेत्वा अज्जातकअप्पवारितेनापि अकप्पियतन्तवायेन “सुत्तमत्थि, वायन्तो नत्थी”ति आदिपरियायमुखेन वायापेन्तस्स अनापत्ति। तेनेव मातिकाटुकथायं (कङ्का० अट्ट० सुत्तविज्जतिसिक्खापदवण्णना) “वायापेय्या”ति पदस्स “चीवरं मे, आवुसो, वायथाति अकप्पियविज्जत्तिया वायापेय्या”ति अत्थो वुत्तो, एवं वदन्तो अकप्पियतन्तवायेन वायापेति नाम, नाज्जथा।

६४०. अनापत्ति चीवरं सिब्बेतुन्ति आदीसु इमिना सिक्खापदेनेव अनापत्ति, अकत्तविज्जत्तिपच्चया पन दुक्कटमेवाति वदन्ति। अकप्पियसुत्तता, अत्तुहेसिकता, अकप्पियतन्तवायेन अकप्पियविज्जत्तिया वायापनन्ति इमानेत्य तीणि अङ्गानि।

सुत्तविज्जतिसिक्खापदवण्णना निड्डिता।

#### ७. महापेसकारसिक्खापदवण्णना

६४२. सत्तमे “किज्जिमत्तं अनुपदज्जेय्या”ति इदं पयोगभेददस्सनं, दानं पनेत्थ अङ्गं न होति। तेनेव तस्स विभङ्गे “अन्तमसो धम्ममि भणती”ति वुत्तं। सेसमेत्थ उत्तानमेव। अज्जातकअप्पवारितानं तन्तवाये उपसङ्कमित्वा विकप्पमापज्जनता, चीवरस्स अत्तुहेसिकता, तस्स वचनेन सुत्तवट्टनं, चीवरपटिलाभाति इमानेत्य चत्तारि अङ्गानि।

महापेसकारसिक्खापदवण्णना निड्डिता।

#### ८. अच्छेकचीवरसिक्खापदवण्णना

६४६. अट्टमे छट्ठियं उपपन्नचीवरस्स एकादसमारुणो चीवरकाले उट्ठातीति आह “छट्ठितो पट्टाय”तिआदि, तेन च “दसाहानागत”न्ति वुत्तत्ता पञ्चमितो पट्टाय पुण्णमितो पुब्बे दससु अरुणेषु उट्ठितेषुपि चीवरं निस्सगियं न होति। पुण्णमिया सह एकादस दिवसा लब्धन्तीति एतकमेव इमिना सिक्खापदेन लद्धं, छट्ठितो पट्टाय उपपन्नं सब्बचीवरं पठमकथिनसिक्खापदवसेनेव याव चीवरकालं निस्सगियं न होतीति दस्सेति।

६५०. इदानी पठमकथिनादिसिक्खापदेहि तस्स तस्स चीवरस्स लब्धमानं परिहारं इधेव एकतो सम्पिण्डेत्वा दस्सेन्तो “अतिरेकचीवरस्सा”तिआदिमाह। “अनत्यते कथिने एकादसदिवसाधिको मासो, अत्यते कथिने एकादसदिवसाधिका पञ्च मासा”ति अयमेव पाठो पाळिया समेति। केचि पन “दसदिवसाधिको मासो, दसदिवसाधिका पञ्च मासाति पाठेन भवितव्व”न्ति वदन्ति, तं न युत्तं, अज्जथा “नवाहानागत”न्ति वत्तव्वतो। यं पनेत्य मातिकाडुकथायञ्च “कामज्जेस ‘दसाहपरमं अतिरेकचीवरं धारेतव्व’न्ति इमिनाव सिद्धो, अट्टुप्पत्तिवसेन पन अपुब्बं विय अत्थं दस्सेत्वा सिक्खापदं ठपित”न्ति (कङ्का० अट्ट० अच्चेकचीवरसिक्खापदवण्णना) लिखन्ति, तं पमादलिखितं “पवारणमासस्स जुण्हपक्खपञ्चमितो पट्टाय उपपन्नस्स चीवरस्स निधानकालो दस्सितो होती”ति (कङ्का० अट्ट० अच्चेकचीवरसिक्खापदवण्णना) वुत्तत्ता। इममेव च पमादलिखितं गहेत्वा भदन्तबुद्धदत्ताचरियेन च “परिहारेकमासोव, दसाहपरमो मतो”तिआदि वुत्तन्ति गहेतव्वं।

अच्चेकचीवरसदिसे अज्जस्मिन्ति पुब्बे अधिद्धिते उपपन्नकालाकारादि सादिसेन अच्चेकचीवरसदिसे अज्जस्मिं चीवरे अच्चेकचीवरसज्जाय चीवरकालं अतिक्कमेतीति अत्थो। तेनेवेत्थ दुक्कटं, अनापत्ति च वुत्ता, इतरथा तीसुपि पदेसु पाचित्तियस्सेव वत्तव्वतो। अनच्चेकचीवरस्मि हि चीवरकालं अतिक्कमयतो पाचित्तियमेव अच्चेकचीवरत्तिके वियाति दट्टव्वं। विकप्यनुपगपच्छिमप्पमाणस्स अच्चेकचीवरस्स अत्तनो सन्तकता, दसाहानागताय कत्तिकतेमासिपुण्णमाय उपपन्नभावो, अनधिद्धितअविकप्पितता, चीवरकालातिक्कमोति इमानेत्य चत्तारि अङ्गानि।

अच्चेकचीवरसिक्खापदवण्णना निड्डिता।

#### ९. सासङ्कसिक्खापदवण्णना

६५२-३. नवमे अन्तरन्तरा घरमेत्थाति अन्तरघरन्ति गामो वुत्तोति आह “अन्तोगामे”ति। “पठमं ज्ञानं उपसम्पज्ज विहरती”ति (विभ० ६२४) इमस्स विभङ्गे “उपसम्पज्ज”न्ति सानुसारं उट्ठटं। तं सन्धायाह “उपसम्पज्जन्तिआदीसु विया”ति। तस्सापीति “वुत्थवस्सान”न्ति विभङ्गपदस्सपि। वुत्थवस्सानन्ति च निद्धारणे सामिवचनं, एतेन च पुरिमसिक्खापदे अनत्यतकथिनानं कथिनमासेपि असमादानचारो न लब्धतीति सिद्धं होति, इतरथा सिक्खापदस्सेव निरत्यकत्ताति दट्टव्वं।

परिक्खेपारहट्टानतोति एत्थ गामपरियन्ते ठितघरूपचारतो पट्टाय एको लेड्डुपातो परिक्खेपारहट्टानं नाम। विसुद्धिम्मगेपि “अपरिक्खित्तस्स पठमलेड्डुपाततो पट्टाय”ति (विसुद्धि० १.३१) वुत्तं। तन्ति तं पठमसेनानादिं। मज्झिमनिकायडुकथायं पन विहारस्सपि गामस्सेव उपचारं नीहरित्वा उभिनं लेड्डुपातानं अन्तरा मिनितव्वन्ति वुत्तं।

“कोसम्बियं अज्जतरो भिक्खु गिलानो होती”ति आगतत्ता “कोसम्बकसम्मुति अनुज्जातो”ति वुत्तं। “अयञ्च पच्छिमदिसं गतो होती”ति इमिना अन्तरघरे चीवरं निक्खिपित्वा तस्मिं विहारे वसन्तस्स सकलम्पि चीवरमासं विण्णवसितुं वट्ठति, ततो अज्जत्थ गमनकिच्चे सति विहारतो बहिं छारत्तं विण्णवासे अनुज्जातोति दीपेति। तेनाह “सेनासनं आगन्त्वा सत्तमं अरुणं उट्ठापेतु”न्तिआदि। वसित्वाति अरुणं उट्ठापेत्वा। तत्थेवाति तस्मिज्जेव गतट्टाने। अङ्गानि पनेत्य अट्टकथायमेव वुत्तानि।

सासङ्कसिक्खापदवण्णना निड्डिता।

#### १०. परिणतसिक्खापदवण्णना

६६०. दसमे रोपितमालवच्छतोति केनच नियमेत्वा रोपितं सन्धाय वुत्तं। अनोचितं मिलायमानं ओचिनित्वा यत्थ कत्थचि पूजेतुं वट्ठति। ठितं दिस्वाति सेसकं गहेत्वा ठितं दिस्वा। यत्थ इच्छथ, तत्थ देथाति एत्थ नियमेत्वा “असुकस्स देही”ति वुत्तेपि दोसो नत्थि “तुम्हाकं रुचिया”ति वुत्तत्ता। सङ्गे परिणतभावो, तं जत्वा अत्तनो परिणामनं, पटिलाभोति इमानेत्य तीणि अङ्गानि।

परिणतसिक्खापदवण्णना निड्डिता।

निड्डितो पत्तवग्गो ततियो।

इति समन्तपासादिकाय विनयडुकथाय विमतिविनोदनियं

तिसकवण्णनानयो निड्डितो।

पठमो भागो निड्डितो।

॥ नमो तस्स भगवतो अरहतो सम्मासम्बुद्धस्स ॥

## विनयपिटके

### विमतिविनोदनी-टीका (दुतियो भागो)

#### ५. पाचित्तियकण्डं

##### १. मुसावादवग्गो

##### १. मुसावादसिक्खापदवण्णना

१. मुसावादवग्गस्स पठमसिक्खापदे खुद्दकानन्ति एत्थ “खुद्दक-सदो बहु-सहपरियायो”ति वदन्ति। तत्थाति तेसु वग्गेषु, खुद्दकेसु वा। “जानितव्वतो”ति हेतुनो विपक्खेपि निब्बाने वत्तनतो अनेकन्तिकत्ते परेहि वुत्ते “न मया अयं हेतु वुत्तो”ति तं कारणं पटिच्छदेतुं पुन “जातिधम्मतोति मया वुत्त”न्तिआदीनि वदति। “सम्पज्जान”न्ति वत्तव्वे अनुनासिकलोपेन निहैसाति आह “जानन्तो”ति।

२. सम्पज्जानमुसावादेति अत्तना वुच्चमानस्स अत्थस्स वितथभावं पुब्बेपि जानित्वा, वचनकखणे च जानन्तस्स मुसावादभणने। तेनाह “जानित्वा”तिआदि। मुसावादेति च निमित्तत्थे भुम्मं, तस्मा मुसाभणननिमित्तं पाचित्तियन्ति एवमेत्थ, इतो परेषुपि ईदिसेषु अत्थो वेदितव्वो।

३. वदन्ति एतायाति वाचाति आह “मिच्छा”तिआदि । “धनुना विज्झती”तिआदीसु विय “चक्खुना दिट्ठ”न्ति पाकटवसेन वुत्तन्ति आह “ओळारिकेना”ति ।

११. गतो भविस्सतीति एत्थापि सन्निधानतो वुत्तता मुसावादो जातो । आपत्तिन्ति पाचित्तियापत्ति, न दुब्भासितं । जातिआदीहि दसहि अक्कोसवत्थूहि परं दवा वदन्तस्स हि तं होति । चारेसुन्ति उपनेसुं । वत्थुविपरीतता, विसंवादनपुरेक्खारता, यमत्थं वत्थुकामो, तस्स पुगलस्स विज्जापनपयोगो चाति इमानेत्य तीणि अङ्गानि । वत्थुविपरीतताय हि असति विसंवादनपुरेक्खारताय विज्जापितेपि मुसावादो न होति, दुक्कटमत्तमेव होति । तस्मा सापि अङ्गमेवाति गहेतब्बं । उत्तरिमनुस्सधम्मारोचनत्थं मुसा भणन्तस्स पाराजिकं, परियायेन थुल्लच्चयं, अमूलकेन पाराजिकेन अनुद्धंसनत्थं सङ्गादिसेसो, सङ्गादिसेसेनानुद्धंसनओमसवादादीसु पाचित्तियं, अनुपसम्पन्नेसु दुक्कटं, उक्कट्टुहीनजातिआदीहि दवा अक्कोसन्तस्स दुब्भासितं, केवलं मुसा भणन्तस्स इध पाचित्तियं वुत्तं ।

मुसावादसिक्खापदवण्णना निड्ढिता ।

## २. ओमसवादसिक्खापदवण्णना

१३. दुतिये पुब्बे पतिट्ठितारण्णदेसं पुन अरे पत्तेति पठमं भूमियं पतिट्ठितनेमिण्णदेसे परिवत्तेत्वा पुन भूमियं पतिट्ठितेति अत्थो ।

१५. पुब्बेति अट्ठुपत्तियं । पुफ्फुड्डुका नाम गब्भमलादिहारका । तच्छककम्पन्ति पासाणकोट्टुनादिवट्टुकीकम्पं । हत्थमुद्वागणनाति अङ्गुलिसङ्कोचनेनेव गणना । अच्छिदकगणना नाम एकट्टानदसट्टानादीसु सारियो ठपेत्वा अनुक्कमेन गणना । आदि-सहेन सङ्कलनपटउत्पादनवोक्लनभागहारादिवसेन पवत्ता पिण्डगणना गहिता । यस्स सा पगुणा, सो रुक्खमि दिस्वा “एतकानि एत्थ पण्णानी”ति जानाति । यभ-मेथुनेति वचनतो आह “य-कार-भ-कारे”तिआदि ।

१६. न पुरिमेनाति मुसावादसिक्खापदेन । सोपि आपत्तियाति उपसग्गादिविसिट्ठेहिपि वदन्तो पाचित्तियापत्तियाव कारेतब्बो ।

२६. दुब्भासितन्ति सामञ्जतो वुत्तता पाळियं अनागतेहिपि परम्मुखा वदन्तस्सपि दुब्भासितमेवाति आचरिया वदन्ति ततो लामकापत्तिया अभावा, अनापत्तियापेत्य भवितुं अयुत्तता । सब्बसत्ताति एत्थ वचनत्थविदूहि तिरच्छानादयोपि गहिता ।

३५. अनुसासनीपुरेक्खारताय वा पापगरहिताय वा वदन्तानं चित्तस्स लहुपरिवर्तिभावतो अन्तरन्तरा कोपे उपपन्नेपि अनापत्ति । कार्यविकारमत्तेनपि ओमसनसम्भवतो “तिसमुद्धानं, कायकम्प”न्ति च वुत्तं । परिवारे पन “चतुत्थेन आपत्तिसमुद्धानेन...पे... दुब्भासितं आपज्जेय्याति । न हीति वत्तब्ब”न्ति आदिना (परि० २७६) इतरानि समुद्धानानि पटिक्खिपित्वा पञ्चमस्सेव वुत्तता आह “दुब्भासितापत्ति पनेत्थ वाचाचित्ततो समुद्घाती”ति । दवकम्यताय हि कायवाचाचित्तेहि ओमसन्तस्सपि वाचाचित्तमेव आपत्तिया अङ्गं होति, न पन कायो विज्जमानोपि धम्मदेसनापत्ति विय केवलं कायविकारेनेव । ओमसन्तस्स पन किञ्चापि इध दुब्भासितापत्तिया अनापत्ति, अथ खो कायकीळापटिक्खेपसिक्खापदेन दुक्कटमेवाति दट्ठब्बं । उपसम्पन्नं जातिआदीहि अनज्जापदेसेन अक्कोसनं, तस्स जाननं, अत्थपुरेक्खारतादीनं अभावोति इमानेत्य तीणि अङ्गानि ।

ओमसवादसिक्खापदवण्णना निड्ढिता ।

## ३. पेसुज्जसिक्खापदवण्णना

३६. ततिये भण्डनं जातं एतेसन्ति भण्डनजाता । पिसतीति पिसुणा, वाचा, समग्गे भिन्ने करोतीति अत्थो । ताय वाचाय समन्नागतो पिसुणो, तस्स कम्मं पेसुज्जन्ति एवमेत्थ अत्थो वेदितब्बो ।

इधापि जातिआदीहि दसहि वत्थूहि पेसुज्जं उपसंहरन्तस्सेव पाचित्तियं, इतरेहि अक्कोसवत्थूहि दुक्कटं । अनक्कोसवत्थूहि पन उपसंहरन्तस्स दुक्कटमेवाति वदन्ति । जातिआदीहि अनज्जापदेसेन अक्कोसन्तस्स भिक्खुनो सुत्वा भिक्खुस्स उपसंहरणं, पियकम्यताभेदाधिप्पायेसु अज्जतरता, तस्स विजाननाति इमानेत्य तीणि अङ्गानि ।

पेसुज्जसिक्खापदवण्णना निड्ढिता ।

## ४. पदसोधम्मसिक्खापदवण्णना

४५. चतुत्थे पुरिमब्बज्जनेन सदिसन्ति “रूपं अनिच्च”न्ति एत्थ अनिच्च-सहेन सदिसं “वेदना अनिच्चा”ति एत्थ अनिच्च-सहं वदति । अक्खरसमूहोति अविभक्तिको वुत्तो । पदन्ति विभक्तिको अन्तं वुत्तं ।

एकं पदन्ति गाथापदमेव सन्धाय वदति । पदगणनायाति गाथापदगणनाय । अपापुणित्वाति सङ्घि अकथेत्वा । एतेन गाथाय पच्छिमपादे वुच्चमाने सामणेशो पठमपादादि वदति, आपत्तियेव, तस्मिं निस्सहे एव इतरेन वत्तब्बन्ति दस्सेति ।

अट्ठकथानिस्सितोति सङ्गीतित्थारुळ्हं पोरणण्डुकथं सन्धाय वदति । इदानीपि “यथापि दीपिको नाम, निलीयित्वा गण्ठते मिगे”ति (मि० प० ६.१.५; विसुद्धि० १.२१७; दी० नि० अट्ठ० २.३७४; म० नि० अट्ठ० १.१०७; पारा० अट्ठ० २.१६५; पटि० म० अट्ठ० २.१.१६३) एवमादिकं अट्ठकथावचनं अत्थेव, बुद्धघोसाचरियादीहि पोरणण्डुकथानयेन वुत्तम्पि इध सङ्गहेतब्बन्ति वदन्ति । पाळिनिस्सितोति उदानवग्गसङ्गहादिको । विवट्ठूपनिस्सितन्ति निब्बाननिस्सितं । थेरस्साति नागसेनत्थेरस्स । मग्गकथादीनि पकरणानि ।

४६. पाळियं अक्खरायातिआदि लिङ्गविपल्लासेन वुत्तं, अक्खरेनातिआदिना अत्थो गहेतब्बो ।

४८. उपचारं मुञ्चित्वाति परिसाय द्वादसहत्थं मुञ्चित्वा एकतो ठितस्स वा निस्सिन्तस्स वा अनुपसम्पन्नस्स अकथेत्वा अज्जे उद्दिस्स भणन्तस्सापि अनापत्ति । सचे पन दूरे निस्सिन्तम्पि उद्दिस्स भणति, आपत्ति एव । ओपातेतीति सङ्घि कथेति । अनुपसम्पन्ता, वुत्तलक्खणधम्मं पदसो वाचनता, एकतो भणन्तजाति इमानेत्य तीणि अङ्गानि ।

पदसोधम्मसिक्खापदवण्णना निड्ढिता ।

## ५. सहसेय्यसिक्खापदवण्णना

५०-५१. पञ्चमे तत्रिदं निदस्सन्ति सेसो । दिरत्ततिरत्तन्ति एत्थ दिरत्तगहणं वचनालङ्कारत्थं, निरन्तरं तिस्सोव रत्तियो वसित्वा चतुत्थदिवसादीसु सयन्तस्सेव आपत्ति, न एकन्तरिकादिवसेन सयन्तस्साति दस्सनत्थम्पीति दट्ठब्बं । दिरत्तविसिट्ठि तिरत्तं वुच्चमानं, तेन अनन्तरिकमेव तिरत्तं दीपेतीति । पञ्चहि छदनेहीति इट्ठकसिलासुधातिणपण्णेहि । वाचुग्गतवसेनाति पगुणवसेन । दियड्ढहत्थुब्बेधो वट्टुकीहत्थेन गहेतब्बो । एकूपचारो एकेन मग्गेन पविसित्वा अब्भोकासं अनुक्कमित्वा सब्बत्थ अनुपरिगमनयोगो, एतं बहुद्वारम्पि एकूपचारोव । तत्थ पन कुट्टादीहि रुन्धित्वा विसुं द्वारं योजेत्ति, नानूपचारो होति । सचे पन रुन्धति एव, विसुं द्वारं न योजेत्ति, “एतम्पि एकूपचारमेव मत्तिकादीहि पिहितद्वारो विय गम्भो”ति गहेतब्बं । अज्जथा गम्भे पविसित्वा पमुखादीसु निपन्नानुपसम्पन्नेहि सहसेय्यापरिमुत्तिया गम्भद्वारं मत्तिकादीहि पिदहापेत्वा उट्ठिते अरुणे विवरापेन्तस्सपि अनापत्ति भवेय्याति ।

तेसं पयोगे पयोगे भिक्खुस्स आपत्तीति एत्थ केचि “अनुदुहनेन अकिरियसमुद्धाना आपत्तिं वृत्ता तस्मिं खणे सयन्तस्स किरियाभावा । इदञ्चि सिक्खापदं सिया किरियाय समुद्धानि, सिया अकिरियाय समुद्धानि । किरियासमुद्धाना चस्स तब्बहुलवसेन वृत्ताति वदति । यथा चेत्तं, एवं दिवासयनम्पि । अनुदुहनेन, हि द्वारासंवरणेन चेत्तं अकिरियसमुद्धानम्पि होती”ति वदन्ति । इदञ्च युत्तं विय दिस्सति, वीर्मासत्त्वा गहेतब्बं ।

“उपरिमतलेन सद्धि असम्बद्धभित्तकस्सा”ति इदं सम्बद्धभित्तिके वत्तब्बमेव नत्थीति दस्सनत्थं वुत्तं । उपरिमतले सयितस्स सङ्का एव नत्थीति “हेट्ठापासादे”तिआदि वुत्तं । नानूपचारेति बहि निस्सेणिया आरोहणीये ।

सभासङ्घेपेनाति सभाकारेन । “अड्ढकुट्टके”ति इमिना सण्ठानं दस्सेति । यत्थ तीसु द्वीसु वा पस्सेसु भित्तियो बद्धा, छदनं वा असम्पत्ता अड्ढभित्ति, इदं अड्ढकुट्टकं नाम । वाळसङ्काटो नाम परिकखेपस्स अन्तो थम्भादीनं उपरि वाळरूपेहि कतसङ्काटो । परिकखेपस्स बहिगतेति एत्थ यस्मिं पस्से परिकखेपो नत्थि, तत्थ सचे भूमितो वत्थु उच्चं होति, उभतो उच्चवत्थुतो हेट्ठा भूमियं निब्बकोसम्भन्तरेपि अनापत्ति एव तत्थ सेनासनवोहाराभावतो । अथ वत्थु नीचं भूमिसममेव सेनासनस्स हेट्ठिमतले तिड्ढति, तत्थ परिकखेपरहितदिसाय निब्बकोसम्भन्तरे सब्बत्थ आपत्ति होति, परिच्छेदाभावतो परिकखेपस्स बहि एव अनापत्तीति दट्ठब्बं । परिमण्डलं वातिआदि मज्जे उदकपतनत्थाय आकासङ्गणवन्तं सेनासनं सन्धाय वुत्तं । तत्थ अपरिच्छिन्नगम्भूपचारेति एकेकगम्भस्स द्वीसु पस्सेसु पमुखेन गमनं परिच्छिन्दित्वा दियड्ढहत्थुब्बेधतो अनूनं कुट्टं कत्वा आकासङ्गणेन पवेसं करोन्ति, एवं अकतोति अत्थो । गम्भपरिकखेपोति चतुरस्सपासादादीसु समन्ता ठितगम्भभित्तियो सन्धाय वुत्तं ।

पाटेकसन्निवेसाति एकेकदिसाय गम्भपाळियो इतरदिसासु गम्भपाळीनं अभावेन, भावोपि वा अज्जमज्जभित्तिच्छदनेहि असम्बन्धताय पाटेकसन्निवेसा नाम वुच्चति । तं...पे... सन्धाय वुत्तन्ति तत्थ पाचित्तियेन अनापत्तीति वुत्तं, न दुक्कटेन । तादिसाय हि गम्भपाळिया पमुखं तीसु दिसासु भित्तीनं अभावेन एकदिसाय गम्भभित्तिमत्तेन सब्बच्छन्नं चूळपरिच्छन्नं नाम होति । तस्मा दुक्कटमेव । यदि पन तस्स पमुखस्स इतरदिसासुपि एकस्स, सब्बासु वा भित्तिं करोन्ति, तदा सब्बच्छन्नउपड्डपरिच्छन्नादिभावतो पाचित्तियमेव होतीति दट्ठब्बं । भूमियं विना जगतिा पमुखं सन्धायति एत्थ उच्चवत्थुं अकत्वा भूमियं कतगेहस्स पमुखं सन्धाय अपरिक्खित्ते पाचित्तियेन अनापत्तीति इदं कथितं । उच्चवत्थुकं चे पमुखं होति, तेन वत्थुना परिक्खित्तसङ्ख्यमेव पमुखं गच्छतीति अधिप्पायो । तत्थाति अन्धकडुकथायं । जगतिा पमाणं वत्ताति पकतिभूमिया निपन्नो यथा जगतिा उपरि सयितं न पस्सति, एवं उच्चातिउच्चवत्थुस्स उब्बेधपमाणं वत्ता । एकदिसाय उजुकमेव दीधं कत्वा सन्निवेसितो पासादो एकसालसन्निवेसो । द्वीसु, तीसु वा चतूसुपि वा दिसासु सिङ्काटकसण्ठानादिवसेन कता द्विसालादिसन्निवेसा वेदितब्बा । सालप्पभेददीपनमेव चेत्थ पुरिमतो विसेसोति । परिकखेपो विद्धस्तीति पमुखस्स परिकखेपं सन्धाय वदति ।

५३. उपड्डच्छन्नउपड्डपरिच्छन्नं सेनासनं दुक्कटस्स आदिं वत्वा पाळियं दस्सितत्ता ततो अधिकं सब्बच्छन्नउपड्डपरिच्छन्नादिकम्पि सब्बं पाळियं अवुत्तम्पि पाचित्तियस्सेव वत्थुभावेन दस्सितं सिक्खापदस्स पण्णत्तिवज्जता, गरुके ठातब्बतो चाति वेदितब्बं । सत्त पाचित्तियानीति पाळियं वुत्तपाचित्तियद्वयं सामज्जनतो एकत्तेन गहेत्वा वुत्तं ।

५४. पाळियं “तत्तियाय रत्तिया पुरारुणा निक्खमित्वा पुन वसती”ति इदं उक्कटवसेन वुत्तं, अनिकखमित्वा पन पुरारुणा उड्डहित्वा अन्तोछदने निस्सिन्ससापि पुनदिवसे सहसेय्येन अनापत्ति एव । सेनम्भमण्डपवण्णं होतीति सीहळदीपे किर उच्चवत्थुको सब्बच्छन्नो सब्बअपरिच्छन्नो एवंनामको सन्निपातमण्डपो अत्थि, तं सन्धायेतं वुत्तं । एत्थ चतुत्थभागो चूळके, द्वे भागा उपड्डं, तीसु भागेषु द्वे भागा येभुय्यन्ति इमिना नयेन चूळकच्छन्नपरिच्छन्नादीनि वेदितब्बानि । पाचित्तियवत्थुकसेनासनं, तत्थ अनुपसम्पन्नेन सह निपज्जनं, चतुत्थदिवसे सूरियत्थङ्गमनन्ति इमानेत्य तीणि अङ्गानि ।

सहसेय्यसिक्खापदवण्णना निड्ढिता ।

#### ६. दुतियसहसेय्यसिक्खापदवण्णना

५५. छट्ठे मातुगामेन सद्धि चतुत्थदिवसे सयन्तस्सापि इमिना सिक्खापदेन एकाव आपत्ति । केचि पन पुरिमसिक्खापदेनापीति द्वे आपत्तियो वदन्ति, तं न युत्तं “अनुपसम्पन्नेना”ति अनित्थिलिङ्गेन वुत्तता नपुसकेन पन चतुत्थदिवसे सयन्तस्स सदुक्कटपाचित्तियं वत्तुं युत्तं । किञ्चापेत्य पाळियं पण्डकवसेनेव दुक्कटं वुत्तं, तदनुलोमिका पन पुरिसउभतोव्यज्जनकेन सह सयन्तस्स इमिना दुक्कटं, पुरिमेन चतुत्थदिवसे सदुक्कटपाचित्तियं । इत्थिउभतोव्यज्जनको इत्थिगतिकोवाति अयं अह्माकं खन्ति । मतित्थिया अनापत्तीति वदन्ति । पाचित्तियवत्थुकसेनासनं, तत्थ मातुगामेन सद्धि निपज्जनं, सूरियत्थङ्गमनन्ति इमानेत्य तीणि अङ्गानि ।

दुतियसहसेय्यसिक्खापदवण्णना निड्ढिता ।

#### ७. धम्मदेसनासिक्खापदवण्णना

६०. सत्तमे न यक्खेनातिआदीनं “अज्जत्र विज्जुना”ति इमिना सम्बन्धो । अज्जत्र विज्जुना पुरिसविगहेन, न यक्खादिनापीति एवमत्थो गहेतब्बोति अधिप्पायो । तादिसेनपि हि सह ठिताय देसेतुं न वट्ठति । तंतंदेसभासाय अत्थं यथारुचि वट्ठति एव ।

इरियापथापरिवत्तनं, पुरिसं वा द्वादसहत्थूपचारे अपक्कोसापनं एत्थ अकिरिया । वुत्तलक्खणस्स धम्मस्स छन्नं वाचानं उपरि देसना, वुत्तलक्खणो मातुगामो, इरियापथपअवत्तनाभावो, विज्जुपुरिसाभावो, अपज्जविस्सज्जनाति इमानेत्य पञ्च अङ्गानि ।

धम्मदेसनासिक्खापदवण्णना निड्ढिता ।

#### ८. भूतारोचनसिक्खापदवण्णना

७७. अड्डमे अन्तराति परिनिब्बानकालतो पुब्बेपि । अतिकट्टियमानेनाति “वदथ, भन्ते, किं तुम्हेहि अधिगत”न्ति एवं निष्पीळियमानेन अतिबद्धियमानेन । तथारूपे पच्चये सति वत्तब्बमेव । सुत्तपरियत्तिसीलगुणन्ति एत्थ अत्थकुसलता सुत्तगुणो, पाळिपाठकुसलता परियत्तिगुणोति दट्ठब्बं । “चित्तक्खेपस्स वा अभावा”ति इमिना खित्तचित्तवेदनाट्टतापि अरियाय नत्थीति दस्सेति ।

पुब्बे अवुत्तेहीति चतुत्थपाराजिके अवुत्तेहि । इदञ्च सिक्खापदं पण्णत्तिअज्जआननवसेन एकन्ततो अचित्तकसमुद्धानमेव होति अरियाय पण्णत्तिवीतिक्रमाभावा । ज्ञानलाभीनञ्च सत्थु आणावीतिक्रमपटिघचित्तस्स ज्ञानपरिहानतो भूतारोचनं न सम्भवति । उत्तरिमनुस्सधम्मस्स भूतता, अनुपसम्पन्नस्स आरोचनं, तङ्गणविजानना, अनज्जापदेसोति इमानेत्य चत्तारि अङ्गानि ।

भूतारोचनसिक्खापदवण्णना निड्ढिता ।

#### ९. दुडुल्लारोचनसिक्खापदवण्णना

७८. नवमे तत्थ भवेय्याति तत्थ कस्सचि मति एवं भवेय्य । अड्डकथावचनमेव उपपत्तितो दळ्हं कत्वा पतिट्टपेन्तो “इमिनापि चेत्त”न्तिआदिमाह ।

८२. आदितो पञ्च सिक्खापदानीति पाणातिपातादीनि पञ्च । सेसानीति विकालभोजनादीनि । सुक्कविस्सट्ठिआदि अज्जाचारोव । अन्तिमवत्थुं अनज्जापन्नस्स भिक्खुनो सवत्थुको सङ्गादिसेसो, अनुपसम्पन्नस्स आरोचनं, भिक्खुसम्मुत्तिया अभावोति इमानेत्य तीणि अङ्गानि ।

दुडुल्लारोचनसिक्खापदवण्णना निड्डिता ।

#### १०. पथवीखणनसिक्खापदवण्णना

८६. दसमे अप्पंपसुमत्तिकाय पथविया अनापत्तित्थुभावेन वुत्तता उपट्ठपंसुमत्तिकायपि पाचित्तियमेवाति गहेतब्बं । न हेतं दुक्कटवत्थूति सक्का वत्तुं जाताजातविनिमुत्ताय ततियपथविया अभावतो ।

वट्ठतीति इमस्मिं ठाने पोक्खरणिं खणाति ओकासस्स अनियमितता वट्ठति । इमं वल्लिं खणाति पथवीखणनं सन्धाय वुत्तता इमिनाव सिक्खापदेन आपत्ति, न भूतगामसिक्खापदेन । उभयमपि सन्धाय वुत्ते पन द्वेपि पाचित्तिया होन्ति । उदकपण्णट्कोति उदके अन्तोभूमियं पविट्ठे तस्स उपरिभागं छादेत्वा तनुकंपसु वा मत्तिका वा पटलं हुत्वा पतमाना तिड्ढति, तस्मिं उदके सुक्खेपि तं पटलं वातेन चलमाना तिड्ढति, तं उदकपण्णट्को नाम ।

अकतपभारोति अवळञ्जनड्डानदस्सनत्थं वुत्तं । तादिसे एव हि वम्मिकस्स सम्भवोति । मूसिकुक्करं नाम मूसिकाहिं खनित्वा बहिं कतपंसुरासि । अच्छदनन्ति आदिवुत्तता उजुकं आकासतो पतितवस्सोदकेन ओवट्ठमेव जातपथवी होति, न छेदनादीसु पतित्वा ततो पवत्तउदकेन तिन्तन्ति वेदितब्बं । मण्डपत्थम्भन्ति साखामण्डपत्थम्भं । उच्चात्तेत्वाति उक्खिपित्वा । ततोति पुराणसेनासनतो ।

८८. महामत्तिकन्ति भित्तिलेपनं । जातपथविता, तथासञ्जिता, खणनखणापनानं अञ्जतरन्ति इमानेत्य तीणि अङ्गानि ।

पथवीखणनसिक्खापदवण्णना निड्डिता ।

निड्डितो मुसावादवग्गो पठमो ।

#### २. भूतगामवग्गो

##### १. भूतगामसिक्खापदवण्णना

८९. दुतियवग्गस्स पठमे निग्गहेतुं असक्कोन्तोति साखडुकविमाने साखाय छिज्जमानाय छिज्जन्ते तत्थ अछेदनत्थाय देवताय उपनीतं पुत्तं दिस्वापि कुठारिनिक्खेपवेगं निवत्तेतुं असक्कोन्तोति अत्थो । रुक्खधम्मोति रुक्खस्स पवत्तियं । रुक्खानं विय छेदनादीसु अकुप्पनज्झि रुक्खधम्मो नाम ।

उप्पत्तितन्ति उप्पन्नं । भन्तन्ति धावन्तं । वारयेति निग्गहेत्थ्य । इतरोति उप्पन्नं कोधं अनिग्गहन्तो राजउपराजादीनं रस्मिमतग्गाहकजनो विय न उत्तमसारथीति अत्थो । विसटं सप्पविसन्ति सरीरे दाठावणानुसारेन वित्थिण्णं ब्यापेत्वा ठितं कण्हसप्पविसं विय । जहाति ओरपारन्ति पञ्चोरम्भागियसञ्जोजनानि ततियमग्गेन जहाति । “ओरपार”न्ति हि ओरिमतीरं वुच्चति । अथ वा सोति ततियमग्गेन कोधं विनेत्वा ठितो भिक्खु अरहत्तमग्गेन ओरपारं जहातीति अत्थो । तत्थ ओरं नाम सकत्तभावो, अञ्जत्तिकानि वा आयतनानि । पारं नाम परअत्तभावो, बाहिरानि वा आयतनानि । तदुभये पन छन्दरागं जहन्तो “जहाति ओरिमपार”न्ति वुच्चति ।

९०. भवन्तीति वट्ठन्ति । अहुवन्तीति बभूवु । तेनाह “जाता वट्ठिता”ति । भूतानं गामोति महाभूतानं हरिततिणादिभावेन समग्गानं समूहो । तब्बिनिमुत्तस्स गामस्स अभावं दस्सेतुं “भूता एव वा गामो”ति वुत्तं । पातव्य-सदस्स पा पानेति धात्वत्थं सन्धायह “परिभुज्जितब्बता”ति । सा च पातव्यता छेदनादि एव होतीति आह “तस्सा...पे... भूतगामस्स जाता छेदनादिपच्चया”ति ।

९१. जात-सद्वो एत्थ विजातपरियायोति “पुत्तं विजाता इत्थी”ति आदीसु विय पसूतवचनोति आह “पसूतानी”ति, निब्बत्तपण्णमूलानीति अत्थो ।

तानि दस्सेन्तोति तानि बीजानि दस्सेन्तो । कारियदस्सनमुखेनेव कारणञ्च गहितन्ति आह “बीजतो निब्बत्तेन बीजं दस्सित”न्ति ।

९२. “बीजतो सम्भूतो भूतगामो बीज”न्ति इमिना उत्तरपदलोपेन “पदुमगच्छतो निब्बत्तं पुप्फं पदुम”न्ति आदीसु वियायं बोहारोति दस्सेति । यं बीजं भूतगामो नाम होतीति निब्बत्तपण्णमूलं सन्धाय वदति । यथारुत्तन्ति यथापाठं ।

“सञ्चिच्चा”ति वुत्तता सरीरे लग्गभावं जत्वापि उट्ठहति, “तं उट्ठरिस्सामी”ति सञ्जाय अभावतो वट्ठति । अनन्तक-ग्गहणेन सासपमत्तिका गहिता, नामज्जेतं तस्सा सेवालजातिया । मूलपण्णानं अभावेन “असम्पुण्णभूतगामो नामा”ति वुत्तं । सो बीजगामेन सङ्गहितोति । अवट्ठमानेपि भूतगाममूलकता वुत्तं “अमूलकभूतगामे सङ्गहं गच्छती”ति । नाळिकेरस्स आवेणिकं कत्वा वदति ।

सेलेय्यकं नाम सिलाय सम्भूता एका गन्धजाति । पुफ्फितकालतो पट्टायाति विकसितकालतो पभुति । छत्तकं गण्हन्तोति विकसितं गण्हन्तो । मकुळं पन रुक्खत्तचं अकोपेन्तेपि गहेतुं न वट्ठति, फुल्लं वट्ठति । हत्थकुक्कुच्चेनाति हत्थचापल्लेन ।

“पानीयं न वासेतब्ब”न्ति इदं अत्तनो पिवनपानीयं सन्धाय वुत्तं, अञ्जेसं पन वट्ठति अनुग्गहितता । तेनाह “अत्तना खादितुकामेना”ति । येसं रुक्खानं साखा रुहतीति मूलं अनोतारेत्वा पणमत्तनिग्गमनमत्तेनपि वट्ठति । तत्थ कप्पियमि अकरोन्तो छिन्ननाळिकेरवेळुदण्डादयो कोपेतुं वट्ठति ।

“चङ्कमितट्टानं दस्सेस्सामी”ति वुत्तता केवलं चङ्कमनाधिप्पायेन वा मग्गगमनाधिप्पायेन वा अक्कमन्तस्स, तिणानं उपरि निसीदनाधिप्पायेन निसीदन्तस्स च दोसो नत्थि ।

समणकप्पेहीति समणानं कप्पियबोहारेहि, अबीजनिब्बट्टबीजानिपि कप्पियभावतो “समणकप्पानी”ति वुत्तानि । अबीजं नाम तरुणअम्बफलादीनि । निब्बट्टेतब्बं वियोजेतब्बं बीजं यस्मिं, तं पनसादि निब्बट्टबीजं नाम । कप्पियन्ति वत्त्वावाति पुब्बकालकिरियावसेन वुत्तेपि वचनक्खणेव अग्गिसत्थादिना बीजगामे वणं कातब्बन्ति वचनतो पन पुब्बे कातुं न वट्ठति, तज्ज द्विधा अकत्वा छेदनभेदनमेव दस्सेतब्बं । करोन्तेन च भिक्खुना “कप्पियं करोही”ति याय कार्याच भासाय वुत्तेयेव कातब्बं । बीजगामपरिमोचनत्थं पुन कप्पियं कारेतब्बन्ति कारापनस्स पठममेव अधिकतता । “कटाहेपि कातुं वट्ठती”ति वुत्तता कटाहतो नीहताय मिज्जाय वा बीजे वा यत्थ कत्थचि विज्जितुं वट्ठति एव । भूतगामो, भूतगामसञ्जिता, विकोपनं वा विकोपापनं वाति इमानेत्य तीणि अङ्गानि ।

भूतगामसिक्खापदवण्णना निड्डिता ।

#### २. अञ्जवादकसिक्खापदवण्णना

९४. दुतिये अञ्जं वचनन्ति यं दोसविभावनत्थं परेहि वुत्तवचनं तं तस्स अननुच्छविकेन अञ्जेन वचनेन पटिचरति ।

९८. यदेतं अञ्जेनञ्जं पटिचरणवसेन पवत्तवचनं, तदेव पुच्छितमत्थं उपेत्वा अञ्जं वदति पकासेतीति अञ्जवादकन्ति आह “अञ्जेनञ्जं पटिचरणस्सेतं नाम”न्ति । तुण्हीभूतस्सेतं नामन्ति तुण्हीभावस्सेतं नामं, अयमेव वा पाठो । अञ्जवादकं आरोपेतुन्ति अञ्जवादे आरोपेतुं । विहेसकन्ति विहेसकत्तं ।

१९. पाळियं न उग्घाटेतुकामोति पटिच्छादेतुकामो।

१००. अनारोपिते अज्जवादकेति वुत्तद्वकटं पाळियं आगतअज्जेनज्जपटिचरणवसेन युज्जति, अट्टकथायं आगतनयेन पन मुसावादेन अज्जेनज्जं पटिचरन्तस्स पाचित्तियेन सद्धिं दुक्कटं, आरोपिते इमिनाव पाचित्तियं। केचि पन “मुसावादपाचित्तियेन सद्धिं पाचित्तियद्वय”न्ति वदन्ति, वीमंसितब्बं। आदिकम्मिकस्सपि मुसावादे इमिनाव अनापत्तीति दट्ठब्बं। धम्मकम्मेन आरोपितता, आपत्तिया वा वत्थुना वा अनुयुज्जियमानता, छादेतुकामताय अज्जेनज्जं पटिचरणं, तुण्हीभावो चाति इमानेत्य तीणि अङ्गानि।

अज्जवादकसिक्खापदवण्णना निड्डिता।

### ३. उज्झापनकसिक्खापदवण्णना

१०३. ततिये चिन्तायनत्थस्स झे-धातुस्स अनेकत्थताय ओलोकनत्थसम्भवतो वुत्तं “ओलोकापेन्ती”ति। छन्दायाति लिङ्गविपल्लासाति आह “छन्देना”ति।

१०५. भिक्खुं लामकतो चिन्तापनत्थं अज्जेसं तं अवण्णकथनं उज्झापनं नाम। अज्जेसं पन अवत्वा अज्जमज्जं समुल्लपनवसेन भिक्खुनो दोसपकासनं खिय्यनं नामाति अयमेतेसं भेदो।

१०६. अज्जं अनुपसम्पन्नं उज्झापेतीति अज्जेन अनुपसम्पन्नेन उज्झापेति। तस्स वा तं सन्तिकेति तस्स अनुपसम्पन्नस्स सन्तिके तं सङ्गेन सम्मतं उपसम्पन्नं खिय्यति। इधापि मुसावादेन उज्झापनादीनं सम्भवतो दुक्कटट्टानानि च आदिकम्मिकस्स अनापत्तिं च इमिना एव सिक्खापदेन वुत्ताति वेदितब्बं सब्बत्थ मुसावादपाचित्तियस्स अनिवत्तितो। धम्मकम्मेन सम्मतता, उपसम्पन्नता, अगतिगमनाभावो, तस्स अवण्णकामता, यस्स सन्तिके वदति। तस्स उपसम्पन्नता, उज्झापनं वा खिय्यनं वाति इमानेत्य छ अङ्गानि।

उज्झापनकसिक्खापदवण्णना निड्डिता।

### ४. पठमसेनासनसिक्खापदवण्णना

११०. चतुत्थे अपज्जातेति अप्पसिद्धे। इमं पन अट्ट मासे मण्डपादीसु ठपनसङ्घातं अत्थविसेसं गहेत्वा भगवता पठममेव सिक्खापदं पज्जत्तन्ति अधिप्पायं “अनुजानामि, भिक्खवे, अट्टमासे”ति आदिवचनेन अनुपज्जत्तिसदिसेन पकासेत्वा विसुं अनुपज्जत्तिं न वुत्ता। परिवारे पनेतं अनुजाननवचनं अनुपज्जत्तिट्टानन्ति “एका अनुपज्जती”ति (परि० ६५-६७) वुत्तं।

नववायिमोति अधुना सुत्तेन वीतकच्छेन पलिवेठितमज्जो। ओनद्धोति कप्पियचम्मेन ओनद्धो। ते हि वस्सेन सीधं न नस्सन्ति। “उक्कट्टुअब्भोकासिको”ति इदं तस्स सुखपटिपत्तिदस्सनमनं, उक्कट्टुस्सापि पन चीवरकुटि वट्टतेव। कायानुगतिकत्ताति भिक्खुनो तत्थेव निसीदनभावं दीपेति, तेन च वस्सभयेन सयं अज्जत्थ गच्छन्तस्स आपत्तीति दस्सेति। अब्भोकासिकानं तेमन्त्याय नियमेत्वा दायकेहि दिन्नामि अत्तानं रक्खन्तेन रक्खितब्बमेव।

“बलाहकानं अनुद्धितभावं सल्लकखेत्वा”ति इमिना गिम्हानेपि मेघे उड्डिते अब्भोकासे निक्खिपितुं न वट्टतीति दीपेति। तत्र तत्राति चेतियङ्गणादिके तस्मिं तस्मिं अब्भोकासे नियमेत्वा निक्खित्ता। मज्झतो पट्टाय पादट्टानाभिमुखीति यत्थ समन्ततो सम्मज्जित्वा अङ्गणमज्जे सब्बदा कचवरस्स सङ्कट्टनेन मज्जे वालिका सञ्चिता होती। तत्थ कत्तब्बविधदस्सनत्थं वुत्तं। उच्चवत्थुपादट्टानाभिमुखं वा वालिका हरितब्बा। यत्थ वा पन कोणेषु वालिका सञ्चिता, तत्थ ततो पट्टाय अपरादिसाभिमुखा हरितब्बाति केचि अत्थं वदन्ति। केचि पन “सम्मट्टट्टानस्स पदवळज्जेन अविकोपनत्थाय सयं असम्मट्टट्टाने ठत्वा अत्तनो पादाभिमुखं वालिका हरितब्बाति वुत्त”न्ति वदन्ति, तत्थ “मज्झतो पट्टाय”ति वचनस्स पयोजनं न दिस्सति।

१११. वट्ठपादतामनेन कुळीरपादकस्स सेसेहि विसेसो, न अट्टनीसु पादण्वसेनविसेसेनाति दस्सेतुं “यो वा पन कोची”ति आदि वुत्तं। तस्साति उपसम्पन्नस्सेव।

निसीदित्वा... पे०... पाचित्तियन्ति एत्थ मेघट्टानाभावं जत्वा “पच्छा आगन्त्वा उद्धरिस्सामी”ति आभागेन गच्छन्तस्स अनापत्तिं, तेन पुनागन्तब्बमेव। कप्पं लभित्वाति “गच्छ, मा इध तिड्ढा”ति वुत्तवचनं लभित्वा।

आवासिकानयेव पलिबोधोति आगन्तुकेसु किञ्चि अवत्वा निसीदित्वा “आवासिका एव उद्धरिस्सन्ती”ति गतेसुपि आवासिकानमेव पलिबोधो। महापच्चरिवादे पन “इदं अम्हाक”न्ति अवत्वापि निसिन्धानमेवाति अधिप्पायो। “सन्थरित्वा वा सन्थरापेत्वा वा”ति वुत्तत्ता अनाणत्तिया पज्जापितत्तापि दुक्कटे कारणं वुत्तं। उस्सारकोति सरभाणको। सो हि उद्धं उद्धं पाळिपाठं सारेति पवत्तेतीति उस्सारकोति वुच्चति।

११२. वण्णानुरक्खणत्थं कताति पटखण्डादीहि सिब्बित्वा कता। भूमियं अत्थरितब्बाति चिमिलिकाय सति तस्सा उपरि, असति सुद्धभूमियं अत्थरितब्बा। “सीहचम्मादीनं परिहरणयेव पटिक्खेपो”ति इमिना मज्जपीठादीसु अत्थरित्वा पुन संहरित्वा ठपनादिवसेन अत्तनो अत्थाय परिहरणमेव न वट्टति, भूमत्थरणादिवसेन परिभोगो पन अत्तनो परिहरणं न होतीति दस्सेति। खन्थके हि “अन्तोपि मज्जे पज्जत्तानि होन्ति, बहिपि मज्जे पज्जत्तानि होन्ती”ति एवं अत्तनो अत्तनो अत्थाय मज्जादीसु पज्जपेत्वा परिहरणवत्थुस्मिं —

“न, भिक्खवे, महाचम्मानि धारेतब्बानि सीहचम्मं व्यग्घचम्मं दीपिचम्मं। यो धारेय्य, आपत्ति दुक्कटस्सा”ति (महाव० २५५) —

पटिक्खेपो कतो। तस्सा वुत्तनयेनेवेत्थ अधिप्पायो दट्ठब्बो। दारुमयपीठन्ति फलकमयपीठमेव। पादकथलिकन्ति अधोतपादं यस्मिं घंसन्ता धोवन्ति, तं दारुफलकादि।

११३. “आगन्त्वा उद्धरिस्सामीति गच्छती”ति वुत्तत्ता अज्जेनपि कारणेन अनोतापेन्तस्सपि आगमने सापेक्खस्स अनापत्तिं। तेनेव मातिकाट्टकथायं “मज्जादीनं सङ्घिकता, वुत्तलक्खणे देसे सन्थरणं वा सन्थरापनं वा, अपलिबुद्धता, आपदाय अभावो, निरपेक्खता, लेट्टुपातातिक्रमो”ति (कङ्का० अट्ट० पठमसेनासनसिक्खापदवण्णना) एवमेत्थ निरपेक्खताय सद्धिं छ अङ्गानि वुत्तानि।

पठमसेनासनसिक्खापदवण्णना निड्डिता।

### ५. दुतियसेनासनसिक्खापदवण्णना

११६. पच्चमे पावारो कोजवोति पच्चत्थरणत्थायेव ठपिता उगतलोमा अत्थरणविसेसा। एत्तकमेव वुत्तन्ति अट्टकथासु वुत्तं। सेनासनतोति सब्बपच्छिमसेनासनतो।

११७. कुरुन्दट्टकथायं वुत्तमेवत्थं सविसेसं कत्वा दस्सेतुं “किञ्चापि वुत्तो”ति आदि आरद्धं। वत्तब्बं नत्थीति रुक्खमूलस्स पाकटत्ता वुत्तं। पलुज्जतीति विनस्सति।

११८. येन मज्जं वा पीठं वा वीनन्ति, तं मज्जपीठकवानं। सिलुच्चयलेणन्ति पब्बतगृहा। “आपुच्छनं पन वत्त”न्ति इमिना आपत्ति नत्थीति दस्सेति। वुत्तलक्खणसेय्या, तस्सा सङ्घिकता, वुत्तलक्खणे विहारे सन्थरणं वा सन्थरापनं वा, अपलिबुद्धता, आपदाय अभावो, अनपेक्खस्स दिसापक्कमनं, उपचारसीमातिक्रमोति इमानेत्य सत्त अङ्गानि।

दुतियसेनासनसिक्खापदवण्णना निड्डिता।

## ६. अनुपखज्जसिक्खापदवण्णना

११९. छडे अनुपविसित्वाति समीपं पविसित्वा ।

१२२. उपचारं ठपेत्वाति दियङ्गहत्थूपचारं ठपेत्वा । सङ्घिकविहारता, अनुद्धापनीयभावजाननं, सम्बाधेतुकामता, उपचारे निसीदनं वा निपज्जनं वाति इमानेत्य चत्तारि अङ्गानि ।

अनुपखज्जसिक्खापदवण्णना निड्ढिता ।

## ७. निक्कङ्कनसिक्खापदवण्णना

१२६. सत्तमे कोटुकानीति द्वारकोटुकानि ।

१२८. “सकलसङ्गारामतो निक्कङ्कितुं न वट्ठती”ति इदं अनुरूपतो वुत्तं । पापगरहिताय हि अकुपितचित्तेन निक्कङ्कपेत्तस्स इमिना सिक्खापदेन आपत्तिं नत्थि “कुपितो अनत्तमनो”ति वुत्तत्ता । अज्जापेक्खा आपत्तिं न दिस्सति । पाळियं “अलज्जि निक्कङ्कती”ति आदीसु चित्तस्स लहुपरिवत्तिताय अन्तरन्तरा कोपे उप्पन्नेपि अनापत्तिं अलज्जितादिपच्चयेनेव निक्कङ्कनस्स आरद्धत्ता । सङ्घिकविहारो, उपसम्पन्नस्स भण्डनकारकभावादिविनिमुत्तता, कोपेन निक्कङ्कनं वा निक्कङ्कापनं वाति इमानेत्य तीणि अङ्गानि ।

निक्कङ्कनसिक्खापदवण्णना निड्ढिता ।

## ८. वेहासकुटिसिक्खापदवण्णना

१२९. अट्टमं उत्तानमेव । सङ्घिको विहारो, असीसघट्टवेहासकुटि, हेट्टापरिभोगता, अपटाणिदिन्ने आहच्यपादके निसीदनं वा निपज्जनं वाति इमानेत्य चत्तारि अङ्गानि ।

वेहासकुटिसिक्खापदवण्णना निड्ढिता ।

## ९. महल्लकविहारसिक्खापदवण्णना

१३५. नवमे “महल्लको नाम विहारो सस्सामिको”ति वुत्तत्ता सञ्जाचिकाय कुटिया अनापत्तीति वदन्ति । यस्साति विहारस्स । सा अपरिपूरूपचारापि होतीति विवरियमानं कवाटं यं भित्तिं आहर्नति, सा सामन्ता कवाटवित्थारप्पमाणा उपचाररहितापि होतीति अत्थो । आलोके वातपानं सन्धेति घटयतीति आलोकसन्धीति कवाटं वुच्चति । द्वारवातपानूपचारतो अज्जत्थ पुनप्पुनं लिम्पनादिं करोन्तस्स पिण्डगणनाय पाचित्तियं ।

केचि पन “पाळियं पाचित्तियस्स अवुत्तत्ता दुक्कट”ति वदन्ति । अधिट्टातब्बन्ति संविधातब्बं । हरिते ठितो अधिट्टाति । आपत्तिं दुक्कटस्साति हरितयुत्ते खेत्ते ठत्वा छादेन्तस्स दुक्कटन्ति अत्थो । केचि पन “तादिसे खेत्ते विहारं करोन्तस्स दुक्कट”ति वदन्ति, तं पाळिया न समेति ।

१३६. उज्जुक्कमेव छादनन्ति छादनमुखवट्ठितो पट्टाय याव पिड्डिवंसकूटागारकणिण्णादि, ताव इट्टकादीहि उज्जुक्कं छादनं । इमिना पन येन सब्बस्मिं विहारे एकवारं छादिते तं छादनं एकमगन्ति गहेत्वा पाळियं “द्वे मग्गे”ति आदि वुत्तं । परियायेन छादनम्पि इमिनाव नयेन योजेतब्बन्ति वदन्ति, तं “पुनप्पुनं छादापेसी”ति इमाय पाळिया च “सब्बम्पि चेत्तं छदनं छदनूपरि वेदितब्ब”ति इमिना अट्टकथावचनेन च समेति ।

पाळियं “मग्गेन छादेन्तस्स परियायेन छादेन्तस्सा”ति इदञ्च इट्टकादीहि, तिणपण्णेहि च छादनप्पकारभेददस्सनत्थं वुत्तं । केचि पन “पन्तिया छादितस्स छदनस्स उपरि छदनमुखवट्ठितो पट्टाय उड्डं उज्जुक्कमेव एकवारं छादनं एकमगन्ति गहेत्वा ‘द्वे मग्गे’ति आदि वुत्तं, न पन सकलविहारछादनं । एस नयो परियायेन छादनेपी”ति वदन्ति, तं पाळिअट्टकथाहि न समेति ।

ततियाय मग्गन्ति एत्थ ततियायाति उपयोगत्थे सम्पदानवचनं, ततियं मग्गन्ति अत्थो । अयमेव वा पाठो । तिणपण्णेहि लब्धतीति तिणपण्णेहि छादेत्वा उपरि उल्लित्तावलित्तरणं सन्धाय वुत्तं । केवलं तिणकुटिया हि अनापत्तिं वुत्ता । तिणं मग्गानन्ति मग्गवसेन छादितानं तिणं छदनानं । तिणं परियायानन्ति एत्थापि एसेव नयो । महल्लकविहारता, उत्तनो वासागारता, उत्तरि अधिड्डानन्ति इमानेत्य तीणि अङ्गानि ।

महल्लकविहारसिक्खापदवण्णना निड्ढिता ।

## १०. सप्पाणकसिक्खापदवण्णना

१४०. दसमे मातिकायं सप्पाणकउदकं तिणेन वा मत्तिकाय वा सिञ्चेय्य, छडेय्याति अत्थो । अथ वा उदकं गहेत्वा बहि सिञ्चेय्य, तस्मिञ्च उदके तिणं वा मत्तिकं वा आहरित्वा पक्खिपेय्याति अज्झाहरित्वा अत्थो वेदितब्बो । तेनाह “सकटभारमत्तञ्चेपी”ति आदि । इदन्ति तिणमत्तिकपक्खिपनविधानं । वुत्तन्ति मातिकायं “तिणं वा मत्तिकं वा”ति एवं वुत्तं, अट्टकथासु वा वुत्तं ।

इदञ्च सिक्खापदं बाहिरपरिभोगं सन्धाय वत्थुवसेन वुत्तं अब्भन्तरपरिभोगस्स विसुं वक्खमानत्ता । तदुभयम्पि “सप्पाणक”ति कत्वा वधकचित्तं विनाव सिञ्चने पज्जत्तत्ता “पण्णत्तिवज्ज”ति वुत्तं । वधकचित्ते पन सति सिक्खापदन्तरेनेव पाचित्तियं, न इमिनाति दट्टुब्बं । उदकस्स सप्पाणकता, “सिञ्चनेन पाणका मरिस्सन्ती”ति जाननं, तादिसमेव च उदकं विना वधकचेतनाय केनचिदेव करणीयेन तिणादीनं सिञ्चनन्ति इमानेत्य चत्तारि अङ्गानि ।

सप्पाणकसिक्खापदवण्णना निड्ढिता ।

निड्ढितो सेनासनवग्गो दुतियो ।

“भूतगामवग्गो”तिपि एतस्सेव नामं ।

## ३. ओवादवग्गो

### १. ओवादसिक्खापदवण्णना

१४४. ततियवग्गस्स पठमे तिरच्छानभूतन्ति तिरोकरणभूतं, बाहिरभूतन्ति अत्थो । समिद्धोति परिपुण्णो । सहित्त्यो अत्थयुत्तो । अत्थगम्भीरतादिना गम्भीरो ।

१४५-१४७. परतोति उत्तरि। करोन्तोवाति परिबाहिरे करोन्तो। विभङ्गेति ज्ञानविभङ्गे। चरणन्ति निब्बानगमनाय पादं।

यदस्साति यं अस्स। धारेतीति अविनस्समानं धारेति। परिकथनन्ति पकिण्णककथावसेन परिच्छिन्नधम्मकथनत्वं। तिस्सो अनुमोदनाति सङ्गभत्तादीसु दानानिसंस्पटिसंयुता निधिकुण्डसुत्तादि (खु० पा० ८.१ आदयो) -अनुमोदना, गेहपवसेमङ्गलादीसु मङ्गलसुत्तादि (खु० पा० ५.१ आदयो; सु० नि० मङ्गलसुत्त) -अनुमोदना, मतकभत्तादिअमङ्गलेसु तिरोकुट्टादि (खु० पा० ७.१ आदयो; पे० व० १४ आदयो) -अनुमोदनाति इमा तिस्सो अनुमोदना। कम्मकम्मविनिच्छयोति परिवारावसाने कम्मवगगे (परि० ४८२ आदयो) वृत्तविनिच्छयो। समाधिवसेनाति समथपुब्बकवसेन। विपस्सनावसेन वाति दिट्ठिविसुद्धिआदिकाय सुखविपस्सनाय वसेन। अत्तनो सीलरक्खणत्थं अपरानपेक्खताय येन कामं गन्तुं चतस्सो दिसा अरहति, अस्स वा सन्ति, तासु वा साधूति चातुहिसो।

अभिविनयेति पातिमोक्खसंवरसङ्घाते संवरविनये, तप्पकासके वा विनयपिटके। विनेतुन्ति सिक्खापेतुं पकासेतुं। पगुणा वाचुगताति पाठतो च अत्यतो च पगुणा मुखे सन्निधापनवसेन वाचुगता कातब्बा। अत्यमत्तवसेनपेत्थ योजनं करोन्ति। अभिधम्मोति लक्खणरसादिवसेन परिच्छिन्ने नामरूपधम्मे। पुब्बे किर महाथेरा परियत्तिअनन्तरधानाय एकेकस्स गणस्स दीघनिकायादिएकेकधम्मकोट्टासं निव्यातेन्ता “तुम्हे एतं पाळितो च अट्टकथातो च परिहरथ, सक्कोन्ता उत्तरिपि उग्गहथा”ति एवं सकलधम्मं गन्थवसेन निव्यातेन्ति, तत्थ ते च भिक्खू गन्थनामेन दीघभागका मज्झिमभागकाति वोहरीयन्ति, ते च अत्तनो भारभूतं कोट्टासं परिचर्चिता अब्बं उग्गहेतुं न लभन्ति। तं सन्धायाह “सचे मज्झिमभागको होती”तिआदि।

तत्थ हेट्टिमा वा तयो वग्गाति महावग्गतो हेट्टिमा सगाथकवग्गो (सं० नि० १.१ आदयो), निदानवग्गो (सं० नि० २.१ आदयो), खन्धवग्गोति (सं० नि० ३.१ आदयो) इमे तयो वग्गा। तिकनिपाततो पट्टाय हेट्टाति एककनिपातदुकनिपाते सन्धाय वुत्तं। धम्मपदमि सह वत्थुना जातकभाणकेन अत्तनो जातकेन सङ्घि उग्गहेतब्बं। ततो ओरं न वट्टतीति महापच्चरिवादस्स अधिप्पायो। ततो ततोति दीघनिकायादितो। उच्चिनित्वा उग्गाहितं सद्धम्मस्स ठितिया, भिक्खुनोपि पुब्बापरानुसन्धिआदिकुसलताय च न होतीति “तं न वट्टती”ति पटिकिखत्तं। अभिधम्मे किञ्चि उग्गहेतब्बन्ति न वुत्तन्ति एत्थ यस्मा विनये कुसलत्तिकादिविभागो, सुत्तन्तेसु समथविपस्सनामग्गो च अभिधम्मपाठं विना न विज्जायति, अन्धकारे पविट्टकालो विय होती, तस्मा सुत्तविनयानं गहणवसेन अभिधम्मगहणं वुत्तमेवाति विसुं न वुत्तन्ति वेदितब्बं। यथा “भोजनं भुज्जितब्ब”न्ति वुत्ते “व्यञ्जनं खादितब्ब”न्ति अवुत्तमि वुत्तमेव होति तदविनाभावतो, एवंसम्पदमिदं दट्टब्बं।

परिमण्डलपदव्यञ्जनायाति परिमण्डलानि परिपुण्णानि पदेसु सिथिलधनितादिव्यञ्जनानि यस्सं, ताय। पुरस्स एसाति पोरी, नगरवासीनं कथाति अत्थो। अनेलगळायाति एत्थ एलाति खेळं तग्गळनविरहाया। कल्याणवाक्करणोति एत्थ वाचा एव वाक्करणं, उदाहरणघोसो। कल्याणं मधुरं वाक्करणमस्साति कल्याणवाक्करणो। उपसम्पन्नाय मेथुनेनेव अभब्बो होति, न सिक्खमानासामणेरोसुति आह “भिक्खुनिया कायसंसंगं वा”तिआदि।

१४८. गरुकेहीति गरुकभण्डेहि। एकतोउपसम्पन्नायाति उपयोगत्थे भुम्मवचनं। भिक्खून् सन्तिके उपसम्पन्ना नाम परिवत्तलिङ्गा वा पञ्चसतसाकियानियो वा। एता पन एकतोउपसम्पन्ना ओवदन्तस्स पाचित्तियमेव।

१४९. न निमन्तिता हुत्वा गन्तुकामाति निमन्तिता हुत्वा भोजनपरियोसाने गन्तुकामा न होन्ति, तत्थेव वसितुकामा होन्तीति अत्थो। यतोति भिक्खुनुपस्सयतो। याचित्वाति “तुम्हेहि आनीतओवादेनेव मयमि वसिस्सामा”ति याचित्वा। तत्थाति तस्मिं भिक्खुनुपस्सये। अभिक्खुकावासे वस्सं वसन्तिया पाचित्तियं, अपगच्छन्तिया दुक्कटं।

इमासु कतरापत्ति परिहरितब्बाति चोदनं परिहरन्तो आह “सा रक्खितब्बा”ति। सा वस्सानुगमनमूलिका आपत्ति रक्खितब्बा, इतराय अनापत्तिकारणं अत्थीति अधिप्पायो। तेनाह “आपदासु ही”तिआदि।

ओवादत्थायाति ओवादे याचनत्थाय। द्वे तिस्सोति द्वीहि तीहि, करणत्थे चेतं पच्चत्तवचनं। पासादिकेनाति पसादजनकेन कायकम्मादिना। सम्पादेतूति तिविधं सिक्खं सम्पादेतुं। असम्मतता, भिक्खुनिया परिपुण्णूपसम्पन्ता, ओवादवसेन अट्टगरुधम्मदानन्ति इमानेत्य तीणि अङ्गानि।

ओवादसिक्खापदवण्णना निट्ठिता।

## २. अत्थङ्गतसिक्खापदवण्णना

१५३. दुतिये कोकनदन्ति पदुमवसेसं, तं किर बहुपत्तं वण्णसम्पन्नं। अयञ्हेत्थ अत्थो — यथा कोकनदसङ्घातं पदुमं, एवं फुल्लमुखपदुमं अवीतगुणगन्धं निम्मले अन्तलिकखे आदिच्चं विय च अत्तनो तेजसा तपन्तं ततो एव विरोचमानं अङ्गेहि निच्छरणकजुतिया अङ्गीरसं सम्मासम्बुद्धं पस्साति। रजोहरणन्ति सरीरे रजं पुञ्जतीति रजोहरणन्ति पुञ्जनचोळस्स नामं। ओभासविस्सज्जनपुब्बका भासितगाथा ओभासगाथा नाम। विसुद्धिमग्गादीसु (विसुद्धि० २.३८६) पन “रागो रजो न च पन रेणु वुच्चती”तिआदि ओभासगाथा वुत्ता, न पनेसा “अधिचेतसो”ति गाथा। अयञ्च चूळपन्थकत्थेरस्स उदानगाथाति उदानपाळियं नत्थि, एकुदानियत्थेरस्स (थेरगा० १.६७ एकुदानियत्थेरगाथावण्णना) नायं उदानगाथाति तत्थ वुत्तं। इध पन पाळिया एव वुत्तता थेरस्सापि उदानगाथाति गहेतब्बं। इध च अगुरुधम्मेनापि ओवदतो पाचित्तियमेव। अत्थङ्गतसूरियता, परिपुण्णूपसम्पन्ता, ओवदनन्ति इमानेत्य तीणि अङ्गानि।

अत्थङ्गतसिक्खापदवण्णना निट्ठिता।

## ३. भिक्खुनुपस्सयसिक्खापदवण्णना

१६२. ततियं उत्तानमेव। उपस्सयूपगमनं, परिपुण्णूपसम्पन्ता, समयाभावो, गरुधम्मेहि ओवदनन्ति इमानेत्य चत्तारि अङ्गानि।

भिक्खुनुपस्सयसिक्खापदवण्णना निट्ठिता।

## ४. आमिससिक्खापदवण्णना

१६४. चतुत्थे आमिसनिरपेक्खमि आमिसहेतु ओवदतीतिसज्जाय भणन्तस्सपि अनापत्ति सचित्तकत्ता सिक्खापदस्स। सेसमेत्थ उत्तानमेव। उपसम्पन्ता, धम्मेन लद्धसम्मुत्तिता, अनामिसन्तरता, अवण्णकामताय एवं भणनन्ति इमानेत्य चत्तारि अङ्गानि।

आमिससिक्खापदवण्णना निट्ठिता।

१६९. पञ्चमं चीवरदानसिक्खापदं उत्तानमेव।

## ६. चीवरसिब्बनसिक्खापदवण्णना

१७६. छट्ठे कथिनवत्तन्ति कथिनमासे चीवरं करोन्तानं सब्रह्मचारीनं सहायभावूपगमनं सन्धाय वुत्तं। वञ्चेत्वाति “तव जातिकाया”ति अवत्वा “एकिस्सा भिक्खुनिया”ति एत्तकमेव वत्वा “एकिस्सा भिक्खुनिया”ति सुत्वा ते अज्जातिकसज्जिनो अहेसुन्ति आह “अकपिये नियोजितत्ता”ति। अज्जातिकाय भिक्खुनिया सन्तकता, निवासनपारुपनूपगता, वुत्तनयेन सिब्बनं वा सिब्बापनं वाति इमानेत्य

तीणि अङ्गानि।

चीवरसिब्बनसिक्खापदवण्णना निड्डिता।

### ७. संविधानसिक्खापदवण्णना

१८३. सत्तमे पाळियं गच्छाम भगिनि गच्छामाव्याति भिक्खुपुब्बकं संविधानं, इतरं भिक्खुनिपुब्बकं। एकद्वानमगन्ति एकतो अद्वानसङ्घातं मगं। हिय्योति सुवे। परेत ततिये दिवसे।

द्विधा वुत्तप्पकारोति पादगमने पक्खगमनेति द्विधा वुत्तप्पकारो। उपचारो न लब्धतीति यो परिक्खित्तादिगामस्स एकलेड्डुपातादिउपचारो वुत्तो, सो इध न लब्धति आसन्नता। एतेन च अन्तरघरेयेवेत्थ गामोति अधिपेतो, न सकलं गामखेतं। तत्थापि यत्थ उपचारो लब्धति, तत्थ उपचारोक्कमने एव आपत्तीति दस्सेति। तेनाह “रतनमत्तन्तरो”ति आदि। उपचारोक्कमनञ्चेत्थ उपचारम्भन्तरे पविसनमेव होति। तत्थ अप्पविसित्वापि उपचारतो बहि अद्ध्योजनम्भन्तरगतेन मग्गेन गच्छन्तोपि मग्गस्स द्वीसु पस्सेसु अद्ध्योजनम्भन्तरगतं गामूपचारं सब्बं ओक्कमित्वा गच्छतिच्चेव वुच्चति। अद्ध्योजनतो बहि गतेन मग्गेन गच्छन्तो न गामूपचारगणनाय कारेतब्बो, अद्ध्योजनगणनायेव कारेतब्बो। एवञ्च सति अनन्तरसिक्खापदे नावायेव गामतीरपस्सेन गच्छन्तस्स गामूपचारगणनाय आपत्ति समत्थिता होति। न हि सक्का नावाय गामूपचारम्भन्तरे पविसितुं। तिण्णं मग्गानं सम्बन्धट्ठानं सिङ्घट्ठकं। एत्थन्तरे संविदहितेति एत्थ न केवलं यथावुत्तरथिकादीसु एव संविदहने दुक्कटं, अन्तरामग्गेपीति अधिप्पायो।

अद्ध्योजनं अतिक्कमन्तस्साति असति गामे अद्ध्योजनं अतिक्कमन्तस्स। यस्मिञ्चि गामखेतभूतेपि अरञ्जे अद्ध्योजनम्भन्तरे गामो न होति, तम्पि इध अगामकं अरञ्जन्ति अधिपेतं, न विज्झाटवादायो।

१८५. रट्टभेदेति रट्टविलोपे। चक्कसमारुह्हाति इरियापथचक्कं, सकटचक्कं वा समारुह्हा। द्विन्मिपि संविदहित्वा मग्गण्टिपत्ति, अविसङ्केतं, समयाभावो, अनापदा, गामन्तरोक्कमनं वा अद्ध्योजनातिक्कमो वाति इमानेत्य पञ्च अङ्गानि। एकतोउपसम्पन्नादीहि सङ्घि संविधाय गच्छन्तस्स पन मातुगामसिक्खापदेन आपत्ति।

संविधानसिक्खापदवण्णना निड्डिता।

### ८. नावाभिरुहनसिक्खापदवण्णना

१८९. अट्टमे एकं तीरं...पे०... निरन्तरन्ति नदितो अद्ध्योजनम्भन्तरे पदेसे निविट्टगामेहि निरन्तरता वुत्ता। एकं अगामकं अरञ्जन्ति तथा निविट्टगामाभावेन वुत्तं। अगामकतीरपस्सेनातिआदि पन अतिरेकअद्ध्योजनवित्थतं नदिं सन्धाय वुत्तं। ततो ऊनवित्थाराय हि नदिया मज्झेनापि गमने तीरद्वयस्सापि अद्ध्योजनम्भन्तरे गतता गामन्तरगणनाय, अद्ध्योजनगणनाय च आपत्तियो परिच्छिन्दितब्बा। तेनेव “योजनवित्थता...पे०... अद्ध्योजनगणनाय पाचित्तियानी”ति वुत्तं। तेनेव हि योजनतो ऊनाय नदिया अद्ध्योजनम्भन्तरगततीरवसेनेव आपत्तिगणनं वुत्तमेव होति। “सब्बअट्टकथासू”ति आदिना वुत्तमेवत्थं समत्थेति। तत्थ किञ्चापि समुह्ठट्ठाकादीसु पाचित्तियं न वुत्तं, तथापि कीळापुरेक्खारस्स तत्थ दुक्कटमेवाति गहेतब्बं, पठमं कीळापुरेक्खारस्सापि पच्छा नावाय निहुपगतस्स, योनिसो वा मनसि करोन्तस्स गामन्तरोक्कमनादीसुपि आपत्तिसम्भवतो पण्णत्तिवज्जता, तिचित्तता चस्स सिक्खापदस्स वुत्ताति वेदितब्बं। सेसं सुविज्जेय्यमेव।

नावाभिरुहनसिक्खापदवण्णना निड्डिता।

### ९. परिपाचितसिक्खापदवण्णना

१९७. नवमे पाळियं “सिक्खमाना...पे०... पञ्च भोजनानि ठपेत्वा सब्बत्थ अनापत्ती”ति इदं इमिना सिक्खापदेन अनापत्तिं सन्धाय वुत्तं। पञ्चहि सहधम्मिकेहि कतविज्जत्तिपरिकथादीहि उपपन्नं परिभुजन्तस्स दुक्कटमेव। भिक्खुनिया परिपाचितता, तथा जाननं, गिहिसमारम्भाभावो, भोजनता, तस्स अज्झोहरणन्ति इमानेत्य पञ्च अङ्गानि।

परिपाचितसिक्खापदवण्णना निड्डिता।

### १०. रहोनिस्सज्जसिक्खापदवण्णना

१९८. दसमे उपनन्दस्स चतुत्थसिक्खापदेनाति मातुगामेन रहोनिस्सज्जसिक्खापदं सन्धाय वुत्तं, तं पन अचेलकवग्गे पञ्चमम्पि उपनन्दं आरम्भ पञ्चत्तेसु चतुत्थता एवं वुत्तन्ति दट्टब्बं।

रहोनिस्सज्जसिक्खापदवण्णना निड्डिता।

निड्डितो ओवादवग्गो ततियो।

### ४. भोजनवग्गो

#### १. आवसथपिण्डसिक्खापदवण्णना

२०६. चतुत्थवग्गस्स पठमे इमेसंयेवाति इमेसं पासण्डानयेव। एत्तकानन्ति इमस्मिं पासण्डे एत्तकानं।

२०८. “गच्छन्तो वा आगच्छन्तो वा”ति इदं अद्ध्योजनवसेन गहेतब्बं। अञ्जे उहिस्स पञ्चत्तञ्च भिक्खूसु अप्पसन्नेहि तिथियेहि सामञ्जसोपि पञ्चत्तम्पि भिक्खून् न वट्ठति एव। आवसथपिण्डता, अगिलानता, अनुवसित्वा भोजनन्ति इमानेत्य तीणि अङ्गानि।

आवसथपिण्डसिक्खापदवण्णना निड्डिता।

#### २. गणभोजनसिक्खापदवण्णना

२०९. दुतिये अभिमारोति अभिभवित्वा भगवन्तं मारणत्थाय पयोजिते धनुधरे। ननु “राजानम्पि मारापेसी”ति वचनतो इदं सिक्खापदं अजातसत्तुनो काले पञ्चत्तन्ति सिद्धं, एवञ्च सति पाळियं “तेन खो पन समयेन रञ्जो मागधस्स...पे०... जातिसालोहितो आजीवकेसु पब्बजितो होति...पे०... बिम्बिसारं एतदवोचा”ति आदि विरुज्झतीति? न विरुज्झति। सो किर आजीवको बिम्बिसारकालतो पभूति अन्तरन्तरा भिक्खू निमन्तेत्वा दानं देन्तो अजातसत्तुकालेपि सिक्खापदे पञ्चत्तेपि भिक्खून् सन्तिके दूतं पाहेसि, भिक्खू च कुक्कुच्चायन्ता निवारेसुं। तस्मा आदितो पट्ठाय तं वत्थु दस्सितन्ति वेदितब्बं।

२१५. अञ्चमञ्जं विसदिसं रज्जं विरज्जं, विरज्जतो आगता वेरज्जका। ते च यस्मा जातिगोतादितो नानाविधा, तस्मा नानावेरज्जकेतिपि अत्थो।

२१७-८. इमस्स सिक्खापदस्स वत्थुवसेनेव विज्जत्तितो गणभोजनत्थता सिद्धाति तं अवत्वा पदभाजने असिद्धमेव निमन्तनतो गणभोजनं दस्सितन्ति वेदितब्बं। तेनाह “द्वीहाकारेही”ति आदि। “येन

**केनचि वेवचनेना**”ति वुत्तता “भोजनं गणहथा”ति आदिसामञ्जसमेनापि गणभोजनं होति । यं पन पाळियं अद्धानगमनादिवत्थूसु “इधेव भुञ्जथा”ति वुत्तवचनस्स कुक्कुच्यायनं, तस्मि ओदनादिनामं गहेत्वा वुत्तता एव कतन्ति वेदितव्वं । **एकतो गणहन्ती**ति अञ्जमञ्जस्स द्वादसहत्थं अमुञ्चित्वा एकतो ठत्वा गणहन्ति ।

**“अम्हाकं चतुन्नमि भत्तं देही”**ति वुत्तता पाळि (वण्णना) यं “त्वं एकस्स भिक्खुनो भत्तं देही”ति आदिनो वुत्तता च भोजननामेन विञ्जत्तमेव गणभोजनं होति, तञ्च अञ्जेन विञ्जत्तमि एकतो गणहन्तानं सब्बेसमि होतीति दडुब्बं । विसुं गहितं पन विञ्जत्तं भुञ्जतो पणीतभोजनादिसिक्खापदेहि आपत्ति एव ।

**आगन्तुकपट्टं**ति अच्छिन्दित्वा अन्वाधि आरोपेत्वा करणचीवरं सन्धाय वुत्तं । **ठपेती**ति एकं अन्तं चीवरे बन्धनवसेन ठपेति । **पच्चागतं सिब्बती**ति तस्सेव दुतियअन्तं परिवत्तित्वा आहतं सिब्बति । **आगन्तुकपट्टं बन्धती**ति चीवरेन लग्गं करोन्तो पुनप्पुनं तत्थ तत्थ सुत्तेन बन्धति । **घट्टेती**ति पमाणेन गहेत्वा दण्डादीहि घट्टेति । **सुत्तं करोती**ति गुणादिभावेन वट्टेति । **वलेती**ति अनेकगुणसुत्तं हत्थेन वा चक्कदण्डेन वा वट्टेति एकत्तं करोति । **परिवत्तनं करोती**ति परिवत्तनदण्डयन्तकं करोति, यस्मिं सुत्तगुळं पवेसेत्वा वेळुनाळिकादीसु ठपेत्वा परिब्भमापेत्वा सुत्तकोटितो पट्टाय आकङ्कति ।

**२२०. अनिमन्तिचतुत्थं**ति अनिमन्तिनो चतुत्थो यस्स भिक्खुचतुक्कस्स, तं अनिमन्तिचतुत्थं । एवं सेसेसुपि । तेनाह **“पञ्चन्नं चतुक्कानं”**ति । **सम्पवेसेत्वा**ति तेहि योजेत्वा । **गणो भिज्जती**ति निमन्तितसङ्को न होतीति अत्थो ।

**अधिवासेत्वा गतेसूति** एत्थ अकप्पियनिमन्तनाधिवासनक्खणे पुब्बपयोगे दुक्कटमि नत्थि, विञ्जत्तितो पसवने पन विञ्जत्तिक्खणे इतरसिक्खापदेहि दुक्कटं होतीति गहेतव्वं । **निमन्तनं सादियथा**ति निमन्तनभत्तं पटिगणहथ । **तानि चाति** कुम्मासादीनि च तेहि भिक्खूहि एकेन पच्चा गहितत्ता एकतो न गहितानि ।

**“भत्तुद्देसकेन पण्डितेन भवितव्वं... पे०... मोचेतव्वा”**ति एतेन भत्तुद्देसकेन अकप्पियनिमन्तने सादिते सब्बेसमि सादितं होति । एकतो गणहन्तानं गणभोजनापत्ति च होतीति दरस्सेति । दूतस्स द्वारे आगन्त्वा पुन “भत्तं गणहथा”ति वचनभयेन **“गामद्वारे अट्टत्वा”**ति वुत्तं । गणभोजनता, समयाभावो, अज्झोहरणन्ति इमानेत्य तीणि अङ्गानि ।

गणभोजनसिक्खापदवण्णना निड्डिता ।

### ३. परम्परभोजनसिक्खापदवण्णना

**२२१.** ततिये पाळियं **भत्तपटिपाटि अट्टिता**ति कुलपटिपाटिया दातव्वा भत्तपटिपाटि अट्टिता न ठिता, अब्बोच्छिन्ना निरन्तरप्पवत्ताति अत्थो । बदरफलानि पक्खिपित्वा पक्कयागुआदिकं **“बदरसाळव”**ति वुच्चति ।

पाळियं **परम्परभोजने**ति येन पठमं निमन्तितो, तस्स भोजनतो परस्स भोजनस्स भुञ्जने । विकप्पनाव इध अनुपञ्जत्तिवसेन मातिकायं अनारोपितापि **परिवारे** “चतस्सो अनुपञ्जत्तियो”ति (परि० ८६) अनुपञ्जत्तियं गणिता । तत्थ किञ्चापि अट्टकथायं महापच्चरिवादस्स पच्चा कथनेन परम्मुखाविकप्पना पतिट्टपिता, तथापि सम्मुखाविकप्पनापि गहेतव्वाव । तेनेव **मातिकाडुकथायमि** “यो भिक्खु पञ्चसु सहधम्मिकेसु अञ्जरस्स ‘महं भत्तपच्चायं तुहं दम्मी’ति वा ‘विकप्पमे’ति वा एवं सम्मुखा”ति आदि (कङ्क० अट्ट० परम्परभोजनसिक्खापदवण्णना) वुत्तं ।

**२२१. खीरे वा रसं वा**ति पञ्चभोजनामिसं भत्ततो उपरि ठितं सन्धाय वुत्तं । तज्झि अभोजनता उप्पटिपाटिया पिवतोपि अनापत्ति । तेनाह **“भुञ्जन्तेना”**ति आदि ।

विकप्पनाय अकरणतो अकिरियावसेन इदं वाचायपि समुट्ठितन्ति आह **“वचीकम्म”**ति । परम्परभोजनता, समयाभावो, अज्झोहरणन्ति इमानेत्य तीणि अङ्गानि ।

परम्परभोजनसिक्खापदवण्णना निड्डिता ।

### ४. काणमातासिक्खापदवण्णना

**२३१.** चतुत्थे पाळियं **पटियालोकन्ति** पच्छिमदिंसं, पच्चादिसन्ति अत्थो । अपथेय्यादि अत्थाय पटियादितन्ति सञ्जाय गणहन्तस्सापि आपत्ति एव अचित्तकता सिक्खापदस्स । अत्तनो अत्थाय **“इमस्स हत्थे देही”**ति वचनेनापि आपज्जनतो **“वचीकम्म”**ति वुत्तं । वुत्तलक्खणपूवमन्थता, असेसकता, अप्पटिप्पस्सङ्गमनता, अञ्जातकादिता, अतिरेकपटिगणहन्ति इमानेत्य पञ्च अङ्गानि ।

काणमातासिक्खापदवण्णना निड्डिता ।

### ५. पठमपवारणासिक्खापदवण्णना

**२३७.** पञ्चमे **“ति-कारं अवत्वा”**ति इमिना कातव्वसदसामत्थिया लङ्गं इति-पदं कतकाले न वत्तव्वन्ति दरस्सेति । इध पन अजानन्तेहि **इति-**सदे पयुत्तेपि अतिरित्तं कतमेव होतीति दडुब्बं ।

**२३८-९.** “पवारितो”ति इदञ्च कतुअत्थे निप्पन्नन्ति दरस्सेतुं **“कतपवारणो”**ति आदि वुत्तं । भुत्तावी-पदस्स निरत्यक्कभावमेव साधेतुं **“वुत्तमि चेत”**ति आदि वुत्तं । **ताहीति** पुथुकाहि । **सत्तुमोदको**ति सत्तुं तेमेत्वा कतो अपक्को । सत्तुं पन पिसित्वा पिट्टं कत्वा तेमेत्वा पूवं कत्वा पचन्ति, तं न पवारेति । **“पटिक्खिपितव्वट्टाने ठितमेव पटिक्खिपति नामा”**ति वुत्तता यं अलज्जिसन्तकं वा अत्तनो अपाप्पुणकसङ्घिकादि वा पटिक्खेपतो पवारणा न होतीति दडुब्बं ।

**आसनन्तरं** अङ्गन्ति हत्थपासतो बहि ठत्वा ओनमित्वा देन्तस्स सीसं आसनन्तरं होति, तस्स ओरिमन्तेन परिच्छिन्दितव्वं ।

**अपनामेत्वा**ति अभिमुखं हरित्वा । **“इमं भत्तं गण्हा”**ति वदतीति किञ्चि अनामेत्वा वदति । केवलं वाचाभिहारस्स अनधिप्पेतत्ता गणहथाति गहेतुं आरुद्धं कटच्छुना अनुक्खित्तमि पुब्बेपि एवं अभिहट्ठा पवारणा होतीति **“अभिहटाव होती”**ति वुत्तं । **उद्धटमत्ते**ति भाजनतो वियोजितमत्ते । **द्विन्नं समभरेपी**ति परिवेसकस्स च अञ्जस्स च भत्तपच्छिभाजनवहने समकेपीति अत्थो ।

**रसं गणहथा**ति एत्थ केवलं मंसरस्स अपवारणाजनकस्स नामेन वुत्तता पटिक्खिपतो पवारणा न होति । **मच्छरसन्ति** आदीसु मच्छो च रसञ्चाति अत्थस्स सम्भवतो वत्थुनोपि तादिसत्ता पवारणा होति, **“इदं गणहथा”**तिपि अवत्वा तुण्हाभावेन अभिहटं पटिक्खिपतोपि होति एव । **करम्बको**ति मिस्सकाधिवचनमेतं । यज्झि बहूहि मिस्सेत्वा करोन्ति, सो **“करम्बको”**ति वुच्चति ।

**“उडिस्स कत”**न्ति मज्जमानोति एत्थ वत्थुनो कप्पियत्ता **“पवारितोव होती”**ति वुत्तं । तञ्चे उडिस्स कतमेव होति, पटिक्खेपो नत्थि । **अयमेत्थ अधिप्पायो**ति “येनापुच्छितो”ति आदिना वुत्तमेवत्थं सन्धाय वदति । **कारणं पनेत्थ दुइसन्ति** भत्तस्स बहुतरभावेन पवारणासम्भवकारणं दुइसं, अञ्जथा करम्बकेपि मच्छादिबहुभावे पवारणा भवेय्याति अधिप्पायो । यथा चेत्य कारणं दुइसं, एवं परतो **“मिस्सकं गणहथा”**ति एत्थापि कारणं दुइसमेवाति दडुब्बं । यञ्च **“इदं पन भत्तमिस्सकमेवा”**ति आदि कारणं वुत्तं, तस्मि **“अप्पतरं न पवारेती”**ति वचनेन न समेति । **विसुं कत्वा देती**ति **“रसं गणहथा”**ति आदिना वाचाय विसुं कत्वा देतीति अत्थो गहेतव्वो । न पन कायेन रसादिं वियोजेत्वाति । तथा अवियोजितेपि पटिक्खिपतो पवारणाय असम्भवतो अप्पवारणापहोणकस्स नामेन वुत्तता भत्तमिस्सकयागु आहरित्वा **“यागुं गणहथा”**ति वुत्तद्वानादीसु विय, अञ्जथा वा एत्थ यथा पुब्बापरं न विरुज्झति, तथा अधिप्पायो गहेतव्वो ।

नावा वा सेतु वातिआदिमिह नावादिअभिरुहनादिकखणे किञ्चि ठत्वापि अभिरुहनादिकातब्बत्तेपि गमनतप्परताय ठानं नाम न होति, जनसम्मद्वेन पन अनोकासादिभावेन कातुं न वट्टति ।  
अचालेत्वाति वुत्तट्टानतो अञ्जस्मिप्पि पदेसे वा उद्धं वा अपेसेत्वा तस्मिं एव पन ठाने परिवत्तेतुं लभति । तेनाह “येन पस्सेना”तिआदि ।

अकप्पियभोजनं वाति कुलदूसनादिना उपपन्नं, तं “अकप्पिय”न्ति इमिना तेन मिससं ओदनादि अतिरित्तं होति एवाति दस्सेति । तस्मा यं तत्थ अकप्पकतं कन्दफलादि, तं अपनेत्वा सेसं भुज्जितव्वमेव ।

सो पुन कातुं न लभतीति तस्मिञ्जेव भाजने करियमानं पठमकतेन सद्धिं कतं होतीति पुन सो एव कातुं न लभति, अञ्जो लभति । अञ्जेन हि कततो अञ्जो पुन कातुं लभति । अञ्जस्मिं पन भाजने तेन वा अञ्जेन वा कातुं वट्टति । तेनाह “येन अकतं, तेन कातब्बं, यञ्च अकतं, तं कातब्बं”न्ति । एवं कतन्ति अञ्जस्मिं भाजने कतं । सचे पन आमिससंसङ्गानि एत्थ मुखादीसु लग्गमि आमिसं सोधेत्वाव अतिरित्तं भुज्जितव्वन्ति वेदितब्बं ।

२४१. वाचाय आणापेत्वा अतिरित्तं अकारापनतो अकरियसमुद्धानन्ति दट्टब्बं । पवारितभावो, आमिसस्स अनतिरित्तता, काले अञ्जोहरणन्ति इमानेत्य तीणि अङ्गानि ।

पठमपवारणासिक्खापदवण्णना निड्ढिता ।

#### ६. दुतियपवारणासिक्खापदवण्णना

२४३. छट्ठे “भुत्तस्मि”न्ति मातिकायं वुत्तत्ता भोजनपरियोसाने पाचित्तियं । पवारितता, तथासञ्जिता, आसादनापेक्खता, अनतिरित्तेन अभिहटपवारणा, भोजनपअयोसानन्ति इमानेत्य पञ्च अङ्गानि ।

दुतियपवारणासिक्खापदवण्णना निड्ढिता ।

#### ७. विकालभोजनसिक्खापदवण्णना

२४७. सत्तमे नटानं नाटकाति नटनाटका, सीताहरणादीनि ।

२४८-९. खादनीये खादनीयत्थन्ति पूवादिखादनीये विज्जमानखादनीयकिच्चं खादनीयेहि कातब्बं जिघच्छाहरणसङ्घातं अत्थं पयोजनं नेव फरन्ति न निष्पादेन्ति । एकस्मिं देसे आहारकिच्चं साधेत्तं वा अञ्जस्मिं देसे उड्डितभूमिरसादिभेदेन आहारकिच्चं असाधेत्तमि वा सम्भवेय्याति आह “तेसु तेसु जनपदेसु”तिआदि । केचि पन “एकस्मिं जनपदे आहारकिच्चं साधेत्तं सेसजनपदेसुपि विकाले न कप्पति एवाति दस्सनत्थं इदं वुत्तं”न्तिपि (सारत्थं टी० पाचित्तियकण्ड ३.२४८-२४९) वदन्ति । पकतिआहारवसेनाति अञ्जेहि यावकालिकेहि अर्योजितं अत्तनो पकतियाव आहारकिच्चकरणवसेन । सम्मोहोयेव होतीति अनेकत्थानं नामानं, अप्पसिद्धानञ्च सम्भवतो सम्मोहो एव सिया । तेनेवेत्थ मयमि मूलकमूलादीनं परियायन्तरदस्सेनेन अदस्सेनं करिम्ह उपदेसतोव गहेतब्बतो ।

यन्ति वट्टकन्दं । मुळालन्ति थूलतरुणमूलमेव, रुक्खवल्लिआदीनं मत्थकोति हेट्टा वुत्तमेव सम्पिण्डेत्वा वुत्तं । अच्छिवादीनं अपरिपक्कानेव फलानि यावजीविकानीति दस्सेतुं “अपरिपक्कानी”ति वुत्तं । हरीतकादीनं अट्टीनीति एत्थ मिज्जं यावकालिकन्ति केचि वदन्ति, तं न युत्तं अट्टकथायं अवुत्तत्ता ।

हिङ्गुरुक्खतो पग्घरितनित्यासो हिङ्गु नाम । हिङ्गुजतु आदयो च हिङ्गुविकतियाव । तत्थ हिङ्गुजतु नाम हिङ्गुरुक्खस्स दण्डपत्तानि पचित्वा कतनित्यासो । हिङ्गुसिपाटिका नाम हिङ्गुपत्तानि पचित्वा कतनित्यासो । अञ्जेन मिससेत्वा कतोतिपि वदन्ति । तक्कन्ति अग्निकोटीया निक्खन्तसिलेसो । तक्कपत्तिन्ति पत्ततो निक्खन्तसिलेसो । तक्कपणिन्ति पलासे भञ्जित्वा कतसिलेसो । दण्डतो निक्खन्तसिलेसोतिपि वदन्ति । विकालता, यावकालिकता, अञ्जोहरणन्ति इमानेत्य तीणि अङ्गानि ।

विकालभोजनसिक्खापदवण्णना निड्ढिता ।

#### ८. सन्निधिकारकसिक्खापदवण्णना

२५२-३. अट्टमे तादिसन्ति असुपब्बयज्जनं । यावकालिकं वा यामकालिकं वा...पे०... पाचित्तियन्ति एत्थ किञ्चापि पाळियं खादनीयभोजनीयपदेहि यावकालिकमेव सङ्गहितं, न यामकालिकं । तथापि “अनापत्ति यामकालिकं यामे निदहत्त्वा भुज्जती”ति इध चेव —

“यामकालिकेन, भिक्खवे, सत्ताहकालिकं...पे०... यावजीविकं तदहुपटिगहत्तं यामे कप्पति, यामातिक्कन्ते न कप्पती”ति (महाव० ३०५) —

अञ्जत्थ च वुत्तत्ता, “यामकालिक”न्ति वचनसामत्थियतो च भगवतो अधिप्पायञ्जूहि अट्टकथाचरियोहि यामकालिकं सन्निधिकारककतं पाचित्तियवत्थुमेव वुत्तन्ति दट्टब्बं । यन्ति पत्तं, घंसनकिरियापेक्खाय चेत्तं उपयोगवचनं । अट्टुलिलेखा पञ्जायतीति सिनेहाभावेपि पत्तस्स सुच्छविताय पञ्जार्याति । यन्ति यावकालिकं, यामकालिकञ्च । अपरिच्छत्तमेवाति निरपेक्खताय अनुपसम्पन्नस्स अदिन्नं, अपरिच्छत्तञ्च यावकालिकादिवत्थुमेव सन्धाय वदति, न पन तग्गतपटिगहणं । न हि वत्थुं अपरिच्छजित्वा तत्थगतपटिगहणं परिच्छजितुं सक्का, न च तादिसं वचनमत्थि । यदि भवेय्य, “सचे पत्तो दुट्ठोतो होति...पे०... भुज्जन्तस्स पाचित्तिय”न्ति वचनं विरुज्जेय्य । न हि धोवनेन आमिसं अपनेतुं वायमन्तस्स पटिगहणे अपेक्खा वत्तति । येन पुनदिवसे भुज्जतो पाचित्तियं जनेय्य, पत्ते पन वत्तमाना अपेक्खा तग्गतिके आमिसेपि वत्तति एवनामाति आमिसे अनपेक्खता एत्थ न लब्धति, ततो आमिसे अविजहितपटिगहणं पुनदिवसे पाचित्तियं जनेतीति इदं वुत्तं । अथ मतं “यदग्गेनेत्थ आमिसानपेक्खता न लब्धति । तदग्गेन पटिगहणानपेक्खापि न लब्धती”ति । तथा सति यत्थ आमिसापेक्खा अत्थि, तत्थ पटिगहणापेक्खापि न विगच्छतीति आपन्नं, एवञ्च पटिगहणे अनपेक्खविस्सज्जनं विसुं न वत्तब्बं सिया । अट्टकथायञ्चेतमि पटिगहणविजहनकारणत्तेन अभिमत्तं सिया, इदं सुट्ठतरं कत्वा विसुं वत्तब्बं चीवरापेक्खाय वत्तमानायपि पच्चुज्जारेन अधिद्वानविजहनं विय । एतस्मिञ्च उपाये सति गण्टिकाहतपत्तेसु अवट्टनता नाम न सियाति वुत्तोवायमत्थो । तस्मा यं वुत्तं सारत्थदीपनियं “यं परस्स परिच्छजित्वा अदिन्नमि सचे पटिगहणे निरपेक्खविस्सज्जेनेन विजहितपटिगहणं होति, तमि दुतियदिवसे वट्टती”तिआदि (सारत्थं टी० पाचित्तियकण्ड ३.२५२-२५३), तं न सारतो पच्चेतब्बं ।

पकतिआमिसेति ओदनादिकप्पिययावकालिके । द्वेति पुरेभत्तं पटिगहत्तं यामकालिकं पुरेभत्तं सामिसेन मुखेन भुज्जतो सन्निधिपच्चया एकं, यामकालिकसंसट्टयाय यावकालिकत्तभज्जेने अनतिरित्तपच्चया एकन्ति द्वे पाचित्तियानि । विकप्पद्वयेति सामिसनिरामिसपक्खद्वये । थुल्लच्चयञ्च दुक्कटञ्चाति मनुस्समंसे थुल्लच्चयं, सेसेसु दुक्कटं । यावकालिकयामकालिकता, सन्निधिभावो, तस्स अञ्जोहरणन्ति इमानेत्य तीणि अङ्गानि ।

सन्निधिकारकसिक्खापदवण्णना निड्ढिता ।

#### ९. पणीतभोजनसिक्खापदवण्णना

२५९. नवमे पणीतसंसट्टानि भोजनानि पणीतभोजनानीति पाळियं पन भोजनानि पुब्बं वुत्तत्ता पाकटानीति अदस्सितानि, तादिसेहि पणीतेहि मिससता पणीतभोजनानि नाम होन्ति । तेसं

पभेददस्सनत्थं “सेय्यथिदं सप्पि नवनीत”न्तिआदि वुत्तं। सप्पिभत्तन्ति एत्थ किञ्चापि सप्पिना संसट्ठं भत्तं, सप्पि च भत्तञ्चातिपि अत्थो विञ्जायति, अट्ठकथायं पन “सालिभत्तं विय सप्पिभत्तं नाम नत्थी”तिआदिना वुत्तत्ता न सक्का अञ्जं वत्थुं। अट्ठकथाचरिया एव हि ईदिसेसु ठानेसु पमाणं।

मूलन्ति कप्पियभण्डं वुत्तं। तस्मा अनापत्तीति एत्थ विसङ्केतेन पाचित्तयाभावेपि सूपोदनदुककटा न मुच्चतीति वदन्ति। “कप्पियसप्पिना, अकप्पियसप्पिना”ति च इदं कप्पियाकप्पियमंससत्तानं वसेन वुत्तं।

२६१. महानामसिक्खापदं नाम उपरि चातुमासपच्चयपवारणासिक्खापदं (पाचि० ३०३ आदयो)। अगिलानो हि अप्पवारितट्ठाने विञ्जापेन्तोपि कालपरिच्छेदं, भेसज्जपरिच्छेदं वा कत्वा सङ्गवसेन पवारितट्ठानतो तदुत्तरि विञ्जापेन्तेन, परिच्छेदभन्तरेपि न भेसज्जकरणीयेन रोगेन भेसज्जं विञ्जापेन्तेन च समो होतीति “महानामसिक्खापदेन कारेतब्बो”ति वुत्तं। पणीतभोजनता, अगिलानता, अकतविञ्जत्तिया पटिलाभो, अञ्जोहरणन्ति इमानेत्य चत्तारि अङ्गानि।

पणीतभोजनसिक्खापदवण्णना निड्ढिता।

## १०. दन्तपोनसिक्खापदवण्णना

२६३. दसमे घनबद्धोति घनमंसेन सम्बद्धो, कथिनसंहतसरीरोति अत्थो।

२६४. मुखद्वारन्ति मुखतो हेड्डा द्वारं मुखद्वारं, गलनाळिकन्ति अत्थो। एवञ्च नासिकाय पविट्ठुम्पि मुखद्वारं पविट्ठुमेव होति, मुखे पक्खित्तमत्तञ्च अप्पविट्ठुं। आहारन्ति अञ्जोहरितब्बं कालिकं अधिपेतं, न उदकं। तज्झि भेसज्जसङ्गहितम्पि अकालिकमेव पटिगगहितस्सेव कालिकत्ता। उदके हि पटिगगहणं न रुहति। तेनेव भिक्खुना तापितेन उदकेन चिरपटिगगहितेन च अकप्पियकुटियं वुत्थेन च सह आमिसं भुञ्जन्तस्सापि सामपाकादिदोसो न होति। वक्खति हि “भिक्खु यागुअत्थाय...पे०... उदकं तापेति, वट्ठती”तिआदि (पाचि० अट्ठ० २६५)। भिक्खू पन एतं अधिप्पायं तदा न जानिंसु। तेनाह “सम्मा अत्थं असल्लवखेत्वा”तिआदि।

२६५. रथरेणुम्पीति रथे गच्छन्ते उट्टहनरेणुसदिसरेणुं। तेन ततो सुखुमं आकासे परिब्रमनकं दिस्समानम्पि अब्बोहारिकन्ति दस्सेति। अकल्लकोति गिलानो।

“गहेतुं वा...पे०... तस्स ओरिमन्तेना”ति इमिना आकासे उज्जुं टत्वा परेन उक्खित्तं गण्हन्तस्सापि आसन्नङ्गभूतपादतलतो पट्टाय हत्थपासो परिच्छिन्दितब्बो, न पन सीसन्ततो पट्टायाति दस्सेति। तत्थ “ओरिमन्तेना”ति इमस्स हेड्डिमन्तेनाति अत्थो गहेतब्बो।

एत्थ च पवारणासिक्खापददुकथायं “सचे भिक्खु निसिन्तो होति, आसन्नस्स पच्छिमन्ततो पट्टाया”तिआदिना (पाचि० अट्ठ० २३८-२३९) पटिग्गाहकानं आसन्नङ्गस्स पारिमन्ततो पट्टाय परिच्छेदस्स दस्सितत्ता इथापि आकासे ठितस्स पटिग्गाहकस्स आसन्नङ्गभूतपादङ्गुलस्स पारिमन्तभूततो पण्हपरियन्तस्स हेड्डिमतलतो पट्टाय, दायकस्स पन ओरिमन्तभूततो पादङ्गुलस्स हेड्डिमतलतो पट्टाय हत्थपासो परिच्छिन्दितब्बोति दट्ठब्बं। इमिनाव नयेन भूमियं निपज्जित्वा उस्सीसे निसिन्तस्स हत्थतो पटिग्गण्हन्तस्सापि आसन्नसीसङ्गस्स पारिमन्तभूततो गीवन्ततो पट्टायेव हत्थपासो मिनितब्बो, न पादतलतो पट्टाय। एवं निपज्जित्वा दानेपि यथानुरूपं वेदितब्बं। “यं आसन्नतरं अङ्ग”न्ति हि वुत्तं।

पटिग्गहणसञ्जायाति “मञ्चादिना पटिग्गहेस्सामी”ति उप्पादितसञ्जाय। इमिना “पटिग्गहामी”ति वाचाय वत्तब्बकिच्चं नत्थीति दस्सेति। कत्थचि अट्ठकथासु, पदेसेसु वा। असंहारिमे फलकेति थाममज्झिमेन पुरिसेन असंहारिये। पुञ्चित्वा पटिग्गहेत्वाति पुञ्चित्तेपि रजनचुण्णसङ्काय सति पटिग्गहणत्थाय वुत्तं, नासति। तं पनाति पतितरजं अप्पटिग्गहेत्वा उपरि गहितपिण्डपातं। अनापत्तीति दुरुपचिण्णादिदोसो नत्थि। “अनुपसम्पन्नस्स दस्सामी”तिआदिपि विनयदुककटपरिहाराय वुत्तं। तथा अकत्वा गहितेपि पटिग्गहेत्वा परिभुञ्जतो अनापत्ति एव। “अनुपसम्पन्नस्स दत्त्वा”ति इदम्पि पुरिमाभोगानुगुणताय वुत्तं।

चरुकेनाति खुदकभाजनेन। अभिहटत्ताति दिव्यमानकखणं सन्धाय वुत्तं। दत्त्वा अपनयनकाले पन छारिका वा बिन्दूनि वा पतन्ति, पुन पटिग्गहेतब्बं अभिहारस्स विगतत्ताति वदन्ति। तं यथा न पतति, तथा अपनेस्सामीति परिहरन्ते युज्जति। पकतिसञ्जाय अपनेन्ते अभिहारो न छिज्जति, तं पटिग्गहितमेव होति। मुखवट्टियापि गहेतुं वट्ठतीति अभिहारियमानस्स पत्तस्स मुखवट्टिया उपरिभागे हत्थं पसारत्वा फुसितुं वट्ठति।

पादेन पेल्लेत्वाति “पादेन पटिग्गहेस्सामी”तिसञ्जाय अक्कमित्वा। केचीति अभयगिरिवासिनो। वचनमत्तमेवाति पटिबद्धप्पटिबद्धन्ति सहमतमेव नानं, कायपटिबद्धमेव होति। तस्मा तेसं वचनं न गहेतब्बन्ति अधिप्पायो।

तेन आहरापेतुन्ति यस्स भिक्खुनो सन्तिकं गतं, तं इध आनेहीति आणापेत्वा तेन आहरापेतुं इतरस्स वट्ठतीति अत्थो। न ततो परन्ति तदहेव सामं अप्पटिग्गहितं सन्धाय वुत्तं। तदहेव पटिग्गहितं पन पुनदिवसादीसु अप्पटिग्गहेत्वापि परिभुञ्जितुं वट्ठतीति वदन्ति।

खिद्यन्तीति खयं गच्छन्ति, तेसं चुण्णेहि थुल्लच्चयअप्पटिग्गहणापत्तियो न होन्तीति अधिप्पायो। “नवसमुद्दित”न्ति एतेनेव उच्छुआदीसु अभिनवलगत्ता अब्बोहारिकं न होतीति दस्सेति। एसेव नयोति सन्निधिदोसादिं सन्धाय वदति। तेनाह “न ही”तिआदि। तेन च पटिग्गहणङ्केसु पञ्चसुपि समिद्धेसु अञ्जोहरितुकामताय गहितमेव पटिग्गहितं नाम होति अञ्जोहरितब्बेसु एव पटिग्गहणस्स अनुज्जातत्ताति दस्सेति। तथा बाहिरपरिभोगत्थाय गहेत्वा ठपिततेलादिं अञ्जोहरितुकामताय सति पटिग्गहेत्वा परिभुञ्जितुं वट्ठति।

केसञ्चीतिआदीसु अनुपसम्पन्नानं अत्थाय कत्थचि ठपियमानम्पि हत्थतो मुत्तमत्ते एव पटिग्गहणं न विजहति, अथ खो भाजने पतितमेव पटिग्गहणं विजहति। भाजनञ्च भिक्खुना पुनदिवसत्थाय अपेक्खित्तमेवाति तगत्तम्पि आमिसं दुद्धोत्तपत्तगतं विय पटिग्गहणं न विजहतीति आसङ्काय “सामणेरस्स हत्थे पक्खिपितब्ब”न्ति वुत्तन्ति वेदितब्बं। ईदिसेसु हि युत्ति न गर्वेशितब्बा, वुत्तनयेनेव पटिपज्जितब्बं। “पत्तगता यागू”ति इमिना पत्तमुखवट्टिया फुट्टेपि कूटे यागु पटिग्गहिता, उग्गहिता वा न होति भिक्खुनो अनिच्छाय फुट्टत्ताति दस्सेति। आरोपेतीति हत्थं फुसापेति। पटिग्गहणपूपां भारं नाम मज्झिमस्स पुरिस्स उक्खेपारहं। न पिदहितब्बन्ति हत्थतो मुत्तं सन्धाय वुत्तं, हत्थगतं पन इतरेन हत्थेन पिदहतो, हत्थतो मुत्तम्पि वा अफुसित्वा उपरिपिधानं पातेन्तस्स न दोसो।

पटिग्गहणीति छायेत्थाय उपरि धारयमाना महासाखा येन केनचि छिज्जेय्य, तत्थ लगगरजं मुखे पातेय्य चाति कप्पियं कारापेत्वा पटिग्गहणीति। कुण्डकेति महाघटो। तस्मिमीति चाटिघट्टेपि। गाहापेत्वाति अप्पटिग्गहितं कालिकं गाहापेत्वा।

दुतियत्थेरस्साति “थेरस्स पत्तं मय्हं देथा”ति तेन अत्तनो परिचच्चापेत्वा दुतियत्थेरस्स देति। एत्थ पनाति पत्तपरिवत्तने। कारणन्ति एत्थ यथा “सामणेरा इतो अम्हाकम्पि देन्ती”ति वितक्को उपयज्जति, न तथाति कारणं वदन्ति, तञ्च युत्तं। यस्स पन तादिसो वितक्को नत्थि, तेन अपरिवत्तेत्वापि भुञ्जितुं वट्ठति।

निच्चालेतुन्ति चालेत्वा पासाणसक्खरादिअपनयं कातुं। उद्धनं आरोपेतब्बन्ति अनगिकं उद्धनं सन्धाय वुत्तं। उद्धने पच्चमानस्स आलुल्लेने उपरि अपक्कतण्डुला हेड्डा पविसित्वा पच्चतीति आह “सामंपाकञ्चेव होती”ति।

आधारके पत्तो ठपितोति अप्पटिग्गहितामिसो पत्तो पुन पटिग्गहणत्थाय ठपितो। एकग्गहणेनेवाति सामणेरांनं गहितस्स पुन अच्छडुनवसेन गहणेन। भुज्जितुं वट्टतीति धूमवट्टिया तदहुपटिग्गहितत्ता वुत्तं। भत्तुग्गारांतिआदि अब्बोहारिकप्पसङ्गेन विकालभोजनविनिच्छयदस्संनं। समुद्दोदकेनाति अप्पटिग्गहितेन। हिमकरका नाम कदाचि वस्सोदकेन सह पतनका पासाणलेखा विय घनीभूतउदकविसेसा, तेसु पटिग्गहणकिच्चं नत्थि। तेनाह “उदकगतिका एवा”ति। पुरेभत्तमेव वट्टतीति अप्पटिग्गहितापत्तीहि अब्बोहारिकम्पि विकालभोजनापत्तीहि सब्बोहारिकन्ति दस्सेति।

लग्गतीति मुखे च हत्थे च मत्तिकावण्णं दस्सेति। बहलन्ति हत्थमुखेसु अलग्गनकम्पि पटिग्गहेतब्बं। वासमत्तन्ति रेणुखीराभावं दस्सेति। आकिरति पटिग्गहेतब्बन्ति पुष्परस्स पञ्जायनतो वुत्तं।

महाभूतेसूति पाणसरीरसन्निस्सितेसु पथवीआदिमहाभूतेसु। सब्बं वट्टतीति अत्तनो, परेसञ्च सरीरनिस्सितं सब्बं वट्टति। अकप्पियमंसानुलोमताय थुल्लच्चयादिं न जनेतीति अधिप्पायो। पततीति अत्तनो सरीरतो विच्छिन्दित्वा पतति। “रुक्खतो छिन्दित्वा”ति वुत्तत्ता मत्तिकत्थाय पथविं खणितुं, अज्जम्पि यंकिज्जि मूलपण्णादिविसभेसज्जं छिन्दित्वा छारिकं अक्त्वापि अप्पटिग्गहितम्पि परिभुज्जितुं वट्टतीति दट्टब्बं। अप्पटिग्गहितता, अननुज्जातता, धूमादिअब्बोहारिकताभावो, अज्झोहरणन्ति इमानेत्य चत्तारि अङ्गानि।

दन्तपोनसिक्खापदवण्णना निड्डिता।

निड्डितो भोजनवग्गो चतुत्थो।

#### ५. अचेलकवग्गो

##### १. अचेलकसिक्खापदवण्णना

२७३. पञ्चमवग्गस्स पठमे मद्दं नामाति भिक्खुना भूमियं ठपेत्वा दिन्मम्पि सन्धाय वदति। अज्जतिथियता, अननुज्जातता, अज्झोहरणीयता, अज्झोहरणत्थाय सहत्था अनिक्खित्तभाजने दानन्ति इमानेत्य चत्तारि अङ्गानि।

अचेलकसिक्खापदवण्णना निड्डिता।

##### २. उय्योजनसिक्खापदवण्णना

२७४. दुतिये अनाचारं आचरितुकामता, तदत्थमेव उपसम्पन्नस्स उय्योजना, तस्स उपचारातिक्कमोति इमानेत्य तीणि अङ्गानि।

उय्योजनसिक्खापदवण्णना निड्डिता।

##### ३. सभोजनसिक्खापदवण्णना

२८१. ततिये पाळियं खुद्दके धरेति एत्थ खुद्दकं धरे नाम पञ्चहत्थतो ऊनकवित्थारं अधिप्पेतं। तत्थ च पिड्डसङ्काटतो हत्थपासे अविजहितेपि पिड्डिवंसातिक्कमो होतीति आह “पिड्डिवंसं अतिक्कमित्वा”ति। यथा तथा वा कतस्साति पिड्डिवंसं आरोपेत्वा वा अनारोपेत्वा वा कतस्स।

२८३. पाळियं वीतरागाति अपरियुड्डितरागानं, अनागामीनञ्च सङ्गहो। सचित्तकन्ति अनुपविसित्वा निसीदनचित्तेन सचित्तकं। परियुड्डितरागजायम्पतिकानं सन्निहितता, सयनिधरता, दुतियस्स भिक्खुनो अभावो, अनुपखज्ज निसीदनन्ति इमानेत्य चत्तारि अङ्गानि।

सभोजनसिक्खापदवण्णना निड्डिता।

२८४-२८९. चतुत्थपञ्चमानि वुत्तत्थानि।

#### ६. चारित्तसिक्खापदवण्णना

२९८. छट्ठे “परियेसित्वा आरोचनकिच्चं नाम नत्थी”ति वुत्तत्ता यो अपरियेसितब्बो उपसङ्कमितुं युत्तद्धाने दिस्सति, सो सचेपि पकतिवचनस्स सवनूपचारं अतिक्कम्म ठितो उपगन्त्वा आपुच्छितब्बो। तेनाह “अपि च...पे... यं पस्सति, सो आपुच्छितब्बो”तिआदि।

३०२. अनापत्तिवारे चेत्थ अन्तरारामादीनञ्जेव वुत्तत्ता विहारतो गामवीथिं अनुज्जातकारणं विना अतिक्कमन्तस्सापि आपत्तिं होति, न पन घरूपचारं अतिक्कमन्तस्सेव।

यं पन पाळियं “अज्जस्स घरूपचारं ओक्कमन्तस्स...पे... पठमं पादं उम्मारं अतिक्कामेती”तिआदि वुत्तं। तं गामे पविट्ठं सन्धाय वुत्तं, तथापि अज्जस्स घरूपचारं अनोक्कमित्वा वीथिमज्जेनेव गन्त्वा इच्छितच्छित्तघराभिमुखे ठत्वा मनुस्से ओलोकेत्वा गच्छन्तस्सापि पाचित्तियमेव। तत्थ केचि “वीथियं अतिक्कमन्तस्स घरूपचारगणनाय आपत्तियो”ति वदन्ति। अज्जे पन “यानि कुलानि उद्दिस्स गतो, तेसं गणनाया”ति। पञ्चन्नं भोजनानं अज्जतरेन निमन्तनसादियनं, सन्तं भिक्खुं अनापुच्छना, भत्तियधरतो अज्जघरूपसङ्कमनं, मज्झन्धिकानतिक्कमो, समयापदानं अभावोति इमानेत्य पञ्च अङ्गानि।

चारित्तसिक्खापदवण्णना निड्डिता।

#### ७. महानामसिक्खापदवण्णना

३०३. सत्तमे महानामोति सुक्कोदनस्स पुत्तो अनुरुद्धत्येरोस्स, सत्थु च जेट्ठभाता। आनन्दत्येरो अमितोदनस्स पुत्तो, नन्दत्येरो पन सुद्धोदनस्सेव।

३०५. पाळियं कालं आहरिस्सथाति अज्जतनं कालं वीतिनामेस्सथ, स्वे भेसज्जं हरिस्सथाति वा अत्थो। “अत्थि पवारणा भेसज्जपरियन्ता च रत्तिपरियन्ता चा”ति ततियकोट्टासे नियमितमेव भेसज्जं नियमितकालन्तरेयेव गहेतब्बं, न ततो बहि। इतरथा विसुं पयोजनं नत्थीति दट्टब्बं। सपरियन्ता सङ्गपवारणा, तदुत्तरि भेसज्जविज्जन्ति, अगिलानताति इमानेत्य तीणि अङ्गानि।

महानामसिक्खापदवण्णना निड्डिता।

#### ८. उय्युत्तसेनासिक्खापदवण्णना

३१५. अट्ठमे एकमेकन्ति एत्थ दुवङ्गिनीपि तिवङ्गिनीपि सेना सङ्गय्हति। उय्युत्तचतुरङ्गसेनादस्सनाय तथारूपपच्चयादिं विना गमनं, अननुज्जातोकासे दस्सन्ति इमानेत्य द्वे अङ्गानि।

उय्युत्तसेनासिक्खापदवण्णना निड्ढिता ।

#### ९. सेनावाससिक्खापदवण्णना

३१९. नवमे सेनाय चतुत्थो सूरियत्थङ्गमो, अगिलानताति इमानेत्य द्वे अङ्गानि ।

सेनावाससिक्खापदवण्णना निड्ढिता ।

#### १०. उय्योधिकसिक्खापदवण्णना

३२२. दसमे पाळियं कति ते लक्खानि लब्धानीति कित्ता तथा लब्धाति अत्थो । उय्योधिकादिदस्सनाय तथारूपपच्चयं विना गमनं, अननुज्जातोकासे दस्सनन्ति इमानेत्य द्वे अङ्गानि ।

उय्योधिकसिक्खापदवण्णना निड्ढिता ।

निड्ढितो अचेलकवग्गो पञ्चमो ।

#### ६. सुरापानवग्गो

##### १. सुरापानसिक्खापदवण्णना

३२८. छट्ठवग्गस्स पठमे पाळियं किण्णपक्खित्ताति पिड्डुपूर्वादि अपक्खिपित्वा किण्णसङ्घातं धञ्जङ्कुरादिसुराबीजं पक्खिपित्वा कता । सम्भारसंयुत्ताति सासपादि अनेकसम्भारेहि सञ्जुत्ता ।

मधुकतालनाळिकेरादिपुष्पादिरसो चिरपरिवासितो पुष्पासवो नाम । तथा पनसादि फलासवो । मुहिकरसो मध्वासवो । उच्छुरसो गुळासवो । तिफलतिकट्टुकादिनानासम्भारानं रसो चिरपरिवासितो सम्भारसंयुत्तो । बीजतो पट्टायाति यथावुत्तानं पिड्डादीनं मज्जत्थाय भाजने पक्खित्तकालतो पट्टाय ।

३२९. लोणसोवीरकं सुत्तञ्च अनेकेहि दब्बसम्भारेहि अभिसङ्घतो भेसज्जविसेसो । उय्युत्तसिक्खापदानं अचित्तकलोकवज्जेसु लोकवज्जता पुब्बे वुत्तनयावाति तत्थ किञ्चिपि अवत्वा इध तेहि असाधारणवत्थुविसेससिद्धाय अचित्तकपक्खेपि अकुसलचित्तताय तं लोकवज्जतादिविसेसं दस्सेतुमेव “वत्थुअजाननताय चेत्था”ति आदिना वुत्तन्ति वेदितब्बं । यं पनेत्थ वत्तब्बं, तं पठमपाराजिकवण्णनायं वित्थारतो सारत्थदीपनियं विरुद्धानविसोधनवसेन वुत्तन्ति तत्थेव गहतब्बं । मज्जभावो, तस्स पानज्चाति इमानेत्य द्वे अङ्गानि ।

सुरापानसिक्खापदवण्णना निड्ढिता ।

##### २. अङ्गुलिपतोदकसिक्खापदवण्णना

३३०. दुतिये हसाधिप्पायता, उपसम्पन्नस्स कायेन कायामसनन्ति इमानेत्य द्वे अङ्गानि ।

अङ्गुलिपतोदकसिक्खापदवण्णना निड्ढिता ।

##### ३. हसधम्मसिक्खापदवण्णना

३३८. ततिये पाळियं हसधम्मे हसधम्मसञ्जीति आदीसु उपल्लादिमत्तं किं हसधम्मो होतीति गहणवसेन सति करणीये करियमानं हसधम्मं हसधम्मोति गहणवसेन अत्थो वेदितब्बो । उस्सारेन्तोति उदके तितं नावं तीरे आरोपेत्तो ।

पतनुप्पतनवारेसूति उदकस्स उपरितले मण्डूकगतिया पतनुप्पतनवसेन गमनत्थं खित्ताय एकस्सा कथलाय वसेन वुत्तं । उदकस्स उपरिगोष्फकता, हसाधिप्पायेन कीळनन्ति द्वे अङ्गानि ।

हसधम्मसिक्खापदवण्णना निड्ढिता ।

##### ४. अनादरियसिक्खापदवण्णना

३४४. चतुत्थे सुत्तानुलोमन्ति महापदेसा । अट्टकथातिपि वदन्ति । उपसम्पन्नस्स पञ्चत्तेन वचनं, अनादरियकरणन्ति द्वे अङ्गानि ।

अनादरियसिक्खापदवण्णना निड्ढिता ।

##### ५. भिसापनसिक्खापदवण्णना

३४५. पञ्चमे उपसम्पन्ता, तस्स दस्सनसवनविसये भिसापेतुकामताय वायमनन्ति द्वे अङ्गानि ।

भिसापनसिक्खापदवण्णना निड्ढिता ।

##### ६. जोतिसिक्खापदवण्णना

३५४. छट्ठे अलातं पतितन्ति अगिकपालतो बहि पतितं । विज्झातन्ति विज्झातं अलातं कपालगिम्हि पक्खिपित्वा जालेन्तस्स पाचित्तियं, तथा केवलं इन्धनं पातेन्तस्सपि विज्झातं कपालगिं मुखवातादिना उज्जालेन्तस्सपि । गिलानतादिकारणाभावो, विसिब्बेतुकामता, समादहनन्ति तीणि अङ्गानि ।

जोतिसिक्खापदवण्णना निड्ढिता ।

##### ७. नहानसिक्खापदवण्णना

३५७. सत्तमे पाळियं नगरे थकितोति एत्थ रज्जा चिरं नहायितुकामेन “अहं बहि उय्याने कतारक्खो वसिस्सामि, नगरं थकेत्वा गोपेथा”ति अनुज्जाता, ते थकिसूति दट्ठब्बं । असम्भिन्नेनाति अनट्ठेन,

तं दिवसं पुन अग्गाहितालङ्कारेन पबुद्धमत्तेनाति अधिप्पायो। मज्झिमदेसे ऊनकद्धमासनहानं, समयादीनं अभावोति द्वे अङ्गानि।

नहानसिक्खापदवण्णना निट्ठिता।

#### ८. दुब्बण्णकरणसिक्खापदवण्णना

३६८. अट्टमे पटिलद्धनवचीवरेनाति एत्थ पुब्बे अकतकणं कतिपाहं निवासनत्थाय तावकालिकवसेन लद्धम्पि सङ्गहतीति वदन्ति।

३६९. “नवं नाम अकतकणं”न्ति सामञ्जसो वुत्तता अञ्जेन भिक्खुना कण्णबिन्दुं दत्त्वा परिभुत्तं चीवरं, तेन वा, ततो लभित्वा अञ्जेन वा केनचि दिन्मि कतकणमेव नवं नाम न होतीति दट्ठब्बं। “निवासेतुं वा पारुपितुं वा”ति वुत्तता अंसबद्धकासावम्पि पारुपितब्बतो कणं कातब्बन्ति वदन्ति। चम्मकारनीलं नाम चम्मं नीलवण्णं कातुं योजयमानं नीलं। पकतिनीलमेवाति केचि। यथावुत्तचीवरस्स अकतकणता, अनट्ठचीवरादिता, निवासनादिताति तीणि अङ्गानि।

दुब्बण्णकरणसिक्खापदवण्णना निट्ठिता।

#### ९. विकप्पनसिक्खापदवण्णना

३७४. नवमे येनाति येन सद्धिं, यस्स सन्तिकेति अत्थो। सामं विकप्पितस्स अपच्चुद्धारो, विकप्पनुपगचीवरता, अविस्सासेन परिभोगोति तीणि अङ्गानि।

विकप्पनसिक्खापदवण्णना निट्ठिता।

#### १०. चीवरअपनिधानसिक्खापदवण्णना

३७८. दसमे पाळियं अन्तमसो हसापेक्खोपीति अपि-सद्देन अथेय्यचित्तं कोधेन दुक्खापेतुकामं, अवण्णं पकासेतुकामञ्च सङ्गहति। तेनेव “तिवेदन”न्ति वुत्तं। उपसम्पन्नस्स पत्तादीनं अपनिधानं, विहेसेतुकामतादीति द्वे अङ्गानि।

चीवरअपनिधानसिक्खापदवण्णना निट्ठिता।

निट्ठितो सुरापानवग्गो छट्ठो।

#### ७. सप्पाणकवग्गो

#### १. सञ्चिच्चपाणसिक्खापदवण्णना

३८२. सत्तमस्स पठमे उसुं सरं असति खिपतीति इस्सासो। न हेत्थ किञ्चि जीवितं नाम विसुं तिट्ठतीति सम्बन्धो। तत्थ पाणेति सत्ते। अप्पमत्तेन वत्तं कातब्बन्ति यथा पाणकानं विहेसापि न होति, एवं सल्लक्खेत्वा ओतापनसम्मज्जनादिवत्तं कातब्बं। सेसं वुत्तनयमेव।

सञ्चिच्चपाणसिक्खापदवण्णना निट्ठिता।

#### २. सप्पाणकसिक्खापदवण्णना

३८७. दुतिये उदकसण्ठानकप्पदेसेति कदमपासाणादिभूमियं। तत्थाति आसित्ते कप्पियउदके। सेसं वुत्तनयमेव।

सप्पाणकसिक्खापदवण्णना निट्ठिता।

#### ३. उक्कोटनसिक्खापदवण्णना

३९२. ततिये “तस्स भिक्खुनो सन्तिकं गन्त्वा”ति वुत्तता यस्स अधिकरणं सङ्गकम्मेन निहतं, तस्स सम्मुखे एव उक्कोटेन्तस्स पाचित्तियं। परम्मुखे पन दुक्कटमेव।

३९५. “धम्मकम्मे अधम्मकम्मसञ्जी उक्कोटेति, अनापत्ती”ति वुत्तता अनादरियतादि विय उक्कोटनं सयं अकुसलं न होति, धम्मकम्मसञ्जाय, पन विमतिया च उक्कोटेनेनेव अकुसलं होति। यथाधम्मं निहतता, जानना, उक्कोटनाति तीणि अङ्गानि।

उक्कोटनसिक्खापदवण्णना निट्ठिता।

#### ४. दुट्ठुल्लसिक्खापदवण्णना

३९९. चतुत्थे आपत्तिं आपज्जतियेवाति धुरनिकखेपपक्खे वुत्तं। वत्थुपुग्गलोति आपन्नपुग्गलो। छादेतुकामताय हि सति एव अवस्सं अञ्जस्स आरोचनं वुत्तं, वत्थुपुग्गलस्स च आरोचना नाम न होतीति पटिच्छादनमेवाति अधिप्पायो। कोटि छिन्ना होतीति छादेस्सामीति धुरनिकखेपे सतिपि पुग्गलपरम्पराय गच्छन्ती आपत्तिकोटि छिज्जति।

४००. “अनुपसम्पन्नस्स सुक्कविस्सट्ठि च कायसंसग्गो चाति अयं दुट्ठुल्लअज्झाचारो नामा”ति इदं दुट्ठुल्लारोचनसिक्खापदद्वयथायं “अनुपसम्पन्नस्स...पे... आदितो पञ्च सिक्खापदानि दुट्ठुल्लो नाम अज्झाचारो, सेसानि अदुट्ठुल्लो। सुक्कविस्सट्ठिकायसंसग्गदुट्ठुल्लअत्तकामा पनस्स अज्झाचारो नामा”ति (पाचि० अट्ठ० ८२) इमिना वचनेन विरुज्झतीति वीमंसितब्बं। पुग्गलपेमेन छादयतो चेत्थ “अञ्जे गरहस्सन्ती”ति भयवसेन छादनक्खणे पटिघोव उपपज्जतीति “दुक्खवेदन”न्ति वुत्तन्ति दट्ठब्बं। उपसम्पन्नस्स दुट्ठुल्लापत्तिजाननं, पटिच्छादेतुकामताय धुरनिकखेपोति द्वे अङ्गानि।

दुट्ठुल्लसिक्खापदवण्णना निट्ठिता।

#### ५. ऊनवीसतिवस्ससिक्खापदवण्णना

४०२. पञ्चमे रूपसिप्पन्ति हेरज्जिकसिप्पं। गम्भे सयितकालेन सद्धिं वीसतिमं वस्सं परिपुण्णमस्साति गम्भवीसो।

४०४. निक्खमनीयपुण्णमासीति सावणमासस्स पुण्णमिया आसाळहीपुण्णमिया अनन्तरपुण्णमी। पाटिपददिवसेति पच्छिमिकाय वस्सूपनायिकाय। द्वादस मासे मातु कुच्छिस्मिं वसित्वा महापवारणाय जातं उपसम्मादेन्तीति अत्थो। “तिस रत्तिन्दिवा मासो, द्वादसमासिको संवच्छरो”ति (अ० नि० ३.७१; ८.४३; विभ० १०२३) वचनतो “चत्तारो मासा परिहायन्ती”ति वुत्तं। वस्सं उक्कट्टन्तीति वस्सं उद्धं कट्टन्ति, “एकमासं अधिकमासो”ति छट्ठत्वा वस्सं उपगच्छन्तीति अत्थो। तस्मा ततियो ततियो संवच्छरो तेरसमासिको होति। ते द्वे मासे गहेत्वाति निक्खमनीयपुण्णमासतो याव जातदिवसभूता महापवारणा। ताव ये द्वे मासा अनागता, तेसं अत्थाय अधिकमासतो लद्धे द्वे मासे गहेत्वा। तेनाह “यो पवारेत्वा वीसतिवस्सो भविस्सती”तिआदि। “निक्कट्ठा हुत्वा”ति इदं अट्टारसन्नं वस्सानं एकअधिकमासे गहेत्वा ततो वीसतिया वस्सेसुपि चातुहसीअत्थाय चतुन्नं मासानं परिहापनेन सब्बादा परिपुण्णवीसतिवस्सतं सन्थाय वुत्तं। पवारेत्वा वीसतिवस्सो भविस्सतीति महापवारणादिवसे अतिक्कन्ते गम्भवस्सेन सह वीसतिवस्सो भविस्सतीति अत्थो। तस्माति यस्मा गम्भमासापि गणनूपगा होन्ति, तस्मा। एकवीसतिवस्सोति जातिया वीसतिवस्सं सन्थाय वुत्तं।

४०६. अज्जं उपसम्मादेतीति उपज्झायो, आचरियो वा हुत्वा उपसम्मादेति। सोपीति उपसम्मादेन्तोपि अनुपसम्पन्तो। ऊनवीसतिवस्सता, तं जत्वा उपज्झायेन हुत्वा उपसम्मादनन्ति द्वे अङ्गानि।

ऊनवीसतिवस्ससिक्खापदवण्णना निड्डिता।

#### ६. थेय्यसत्थसिक्खापदवण्णना

४०९. छट्ठे थेय्यसत्थभावो, जत्वा संविधानं, अविसङ्कतेन गमनन्ति तीणि अङ्गानि।

थेय्यसत्थसिक्खापदवण्णना निड्डिता।

४१२. सत्तमं वुत्तनयमेव।

#### ८. अरिट्टसिक्खापदवण्णना

४१७. अट्ठमे अन्तरायन्ति अन्तरा वेमज्जे एति आगच्छतीति अन्तरायो, दिट्ठधम्मिकादिअनत्थो। आनन्तरियधम्माति अनन्तरे भवे फलनिब्वत्तने नियुत्ता चेतनादिधम्माति अत्थो। “न सगग्गसा”ति इदं भिक्खुनिदूसनकम्मस्स आनन्तरियत्ताभावतो वुत्तं। अरियसाविकासु, पन कल्याणपुथुज्जनभूताय च बलक्कारेन दूसेन्तस्स आनन्तरियसअसमेव। मोक्खन्तरायिकता पन लोलायपि पकतत्तभिक्खुनिया दूसकस्स तस्मिं अत्तभावे मग्गुपत्तिया अभावतो वुत्ता।

तस्मिं अत्तभावे अनिवत्तनका अहेतुकअकिरियनत्थिकदिट्ठियोव नियतभिच्छादिट्ठिधम्मा। पण्डकादीनं गहणं निदस्सनमत्तं। सब्बापि दुहेतुकाहेतुकपटिसन्धियो विपाकन्तरायिकाव दुहेतुकानम्मि मग्गानुपत्तितो।

अयन्ति अरिट्ठो। रसेन रसन्ति अनवज्जेन पच्चयपरिभुज्जनरसेन पञ्चकामगुणपअभोगरसं समानेत्वा। उपनेन्तो वियाति घटेन्तो विय, सो एव वा पाठो।

अट्ठिकङ्कलूपमाति एत्थ अट्ठि एव निम्मंसताय कङ्कलन्ति च वुच्चति। पल्लिभज्जनट्टेनाति अवस्सं पतनट्टेन। अधिकुट्टनट्टेनाति अति विय कुट्टनट्टेन। पाळियं “तथाहं भगवता...पे०... नालं अन्तरायाया”ति इदं वत्थुअनुरूपतो वुत्तं। एवं पन अगगहेत्वा अज्जेनपि आकारेन यं किञ्चि भगवता वुत्तं विपरीततो गहेत्वा परेहि वुत्तेपि अमुञ्चित्वा वोहरन्तस्सापि वुत्तनयानुसारेन तदनुगुणं समनुभासनकम्मवाचं योजेत्वा आपत्तिया आरोपेतुं, आपत्तिया अदस्सनादीसु तीसु यं किञ्चि अभिरुचत्तं निमित्तं कत्वा उक्खेपनीयकम्मं कातुञ्च लब्भति। समनुभासनं अकत्वापि “मायस्सा एवं अवचा”ति भिक्खूहि वुत्तमत्ते लद्धिया अप्पटिनिस्सज्जनपच्चयाय दुक्कटापत्तियापि उक्खेपनीयकम्मं कातुम्मि वट्टतेवाति दट्ठब्बं। धम्मकम्मता, समनुभासनाय अप्पटिनिस्सज्जनन्ति द्वे अङ्गानि।

अरिट्टसिक्खापदवण्णना निड्डिता।

#### ९. उक्खित्तसम्भोगसिक्खापदवण्णना

४२४. नवमे “उक्खित्तो अनोसारितो”ति वुत्तता अरिट्टस्स उक्खेपनीयकम्मं कतन्ति दट्ठब्बं।

४२५. पाळियं “एकच्छन्ने”ति सामज्जतो वुत्तता नानूपचारेपि एकच्छन्ने निपज्जेने पण्णत्तिं अजानन्तस्स अरहतोपि उक्खित्तानुवत्तकानम्मि पाचित्तियमेव। अकतानुधम्मता, जत्वा सम्भोगादिकरणन्ति द्वे अङ्गानि।

उक्खित्तसम्भोगसिक्खापदवण्णना निड्डिता।

#### १०. कण्टकसिक्खापदवण्णना

४२८. दसमे पिरेंति सम्बोधनत्थे निपातपदं। सेसं अनन्तरसिक्खापदद्वये वुत्तनयमेव।

कण्टकसिक्खापदवण्णना निड्डिता।

निड्डितो सप्पाणकवग्गो सत्तमो।

#### ८. सहधम्मिकवग्गो

#### १. सहधम्मिकसिक्खापदवण्णना

४३४. अट्ठमवग्गस्स पठमे उपसम्पन्नस्स पज्जत्तेन वचनं, असिक्खितुकामस्स लेसेन एवं वचनन्ति द्वे अङ्गानि।

सहधम्मिकसिक्खापदवण्णना निड्डिता।

#### २. विलेखनसिक्खापदवण्णना

४३८. दुतिये अलज्जिताति अलज्जिताय। एवं सेसेसुपि। सञ्चिच्च आपत्तिं आपज्जतीतिआदि भिक्खुभिक्खुनीनज्जेव वुत्तं अलज्जिलक्खणं, सामणोरादीनं, पन गहट्टानञ्च साधारणवसेन यथासकं सिक्खापदवीतिकमनपटिगूहनादितो वेदितब्बं। लज्जिलक्खणेपि एसेव नयो। किञ्चापि कुक्कुच्चे उपपन्नेपि महित्वा करोन्तो, कप्पिये अकप्पियसज्जिताय करोन्तोपि तङ्गणिकाय अलज्जिताय एवं करोन्ति। तथापि कुक्कुच्चादिभेदे विसुं गहिताति दट्ठब्बं।

**वज्जिपुत्तका** दसवत्थुदीपका । **परूपहारअञ्जाणकङ्कापरवितारणादिवादाति** एत्थ अरहत्तं पटिजानन्तानं कुहकानं सुक्कविस्सट्ठि दिस्वा “मारकायिका देवता असुचिं उपसंहरन्ती” तिगाहिना **परूपहारवादा** नाम । अरहतो सब्बेसं इत्थिपुरिसादीनं नामादिअजानने **अञ्जाणं**, तत्थ सन्निट्ठानभावेन **कङ्का**, परतो सुत्वा नामादिजाननेन **परवितारणो** अत्थीतिवादिनो अञ्जाणवादा, कङ्कावादा, परवितारणवादा च तेसं, महासङ्घिकादीनञ्च विभागो **कथावत्थुप्पकरणे** वुत्तो ।

**चत्तारो मग्गा च फलानि चाति** एत्थ च-कारेन अभिञ्जापटिसम्भेदापि सङ्गहिताति दट्ठब्बं । **केचीति** परियत्तिधरा धम्मकथिका । पुन **केचीति** पटिपत्तिधरा पंसुकूलिकत्थेरा । **इतरे पनाति** आदीसु अयं अधिप्पायो — धम्मकथिकत्थेरा पन पंसुकूलिकत्थेरेहि आभतं सुत्तं सुत्वा —

“याव तिट्ठन्ति सुत्तन्ता, विनयो याव दिप्पति ।  
ताव दक्खन्ति आलोके, सूरिये अब्भुट्ठिते यथा ॥

“सुत्तन्तेसु असन्तेसु, पमुट्ठे विनयमहि च ।  
तमो भविस्सति लोके, सूरिये अत्थङ्गते यथा ॥

“सुत्तन्ते रक्खिते सन्ते, पटिपत्तिं हाति रक्खिता ।  
पटिपत्तियं ठितो धीरो, योगक्खेमा न धंसती” ति ॥ (अ० नि० अट्ठ० १.१.१३०) —

इदं सुत्तं आहरित्वा अत्तनोव वादं पतिट्ठपेन्ता पाराजिकानापज्जनवसेन ठिता पटिपत्तिसङ्गहिता परियत्तियेव मूलन्ति आहंसूति । तेनाह “सचे पञ्च भिक्खू चत्तारि पाराजिकानि रक्खणका...पे०... सासनं वुट्ठिं विरुद्धि गमयिस्सन्ती” ति । एतेन च परिकखीणे काले लज्जिगणं अलभन्तेन विनयधरेन अलज्जिनापि पकतत्ते सङ्गहेत्वा तेहि सह धम्मामिससम्भोगं संवासं करोन्तेन बहू कुलपुत्ते उपसम्मादेत्वा सासनं पग्गहेतुं वट्ठतीति इदं सिञ्चतीति दट्ठब्बं । गरहितुकामता, उपसम्पन्नस्स सन्तिके सिक्खापदविवण्णनन्ति द्वे अङ्गानि ।

विलेखनसिक्खापदवण्णना निट्ठिता ।

### ३. मोहनसिक्खापदवण्णना

४४४. ततिये पाळियं को पन वादो भिय्योति तेहि अञ्जेहि भिक्खूहि दिट्ठद्वित्तवारतो भिय्यो पन वित्त्यारेन उद्दिसियमाने पातिमोक्खे निसिन्नपुब्बता अत्थि चे, तत्थ किमेव वत्तब्बं, आपत्तिमोक्खो नत्थि एवाति अधिप्पायो । **तञ्च यथाधम्मो करोतब्बोति** तन्ति कारणत्थे उपयोगवचनं, तायाति अत्थो । यथा धम्मो च विनयो च ठितो, तथा ताया आपत्तिया करोतब्बोति वुत्तं होति । मोहारोपनं, तिक्खत्तुं सुतभावो, मोहेतुकामस्स मोहनन्ति तीणि अङ्गानि ।

मोहनसिक्खापदवण्णना निट्ठिता ।

### ४. पहारसिक्खापदवण्णना

४५१. चतुत्थे पाळियं **कायपटिबद्धेन वाति** एत्थ पासाणादिनिस्सगियपहारोपि सङ्गहितो ।

४५२. **रत्तचित्तोति** कायसंसग्गरागेन वुत्तं । मेथुनरागेन पन पहारतो पुरिसादीसु दुक्कटमेव । मोक्खाधिप्पायेन दण्डकोटिया सप्पादिं घट्टेत्वा मण्डूकादिं मोचेन्तस्सपि अनापत्ति एव । कुपितता, उपसम्पन्नस्स न मोक्खाधिप्पायेन पहारोति द्वे अङ्गानि ।

पहारसिक्खापदवण्णना निट्ठिता ।

### ५. तलसत्तिकसिक्खापदवण्णना

४५७. पञ्चमे न **पहरितुकामताय दिन्नता दुक्कटन्ति** एत्थ किमिदं दुक्कटं, पहारपच्चया, उदाहु उगिरणपच्चयाति? उगिरणपच्चयाव, न पहारपच्चया । न हि पहरितुकामताय असति तप्पच्चया काचि आपत्ति युत्ता, उगिरणस्स पन अत्तनो सभावेन असण्ठितता तप्पच्चया पाचित्तियं न जातं, असुद्धचित्तेन कतपयोगता च एत्थ अनापत्ति न युत्ताति दुक्कटं वुत्तन्ति गहेतब्बं ।

४५८. पुब्बोति अनन्तरसिक्खापदे । सेसं अनन्तरसदिसमेव ।

तलसत्तिकसिक्खापदवण्णना निट्ठिता ।

### ६. अमूलकसिक्खापदवण्णना

४५९. छट्ठे “**अत्तपरित्ताणं करोन्ता**” ति इदं न च वेरमूलिका अनुद्धंसनाति दस्सनत्थं वुत्तं । अनुद्धंसनक्खणे पन कोपचित्तमेव उपपज्जति । तेनेव “**दुक्खवेदन**” न्ति वुत्तं । सेसं वुत्तनयमेव ।

अमूलकसिक्खापदवण्णना निट्ठिता ।

### ७. कुक्कुच्चुप्पादनसिक्खापदवण्णना

४६४. सत्तमे उपसम्पन्नस्स अफासुकामता, कुक्कुच्चुप्पादनन्ति द्वे अङ्गानि ।

कुक्कुच्चुप्पादनसिक्खापदवण्णना निट्ठिता ।

### ८. उपस्सुतिसिक्खापदवण्णना

४७१. अट्ठमे सुय्यतीति **सुति**, वचनं । तस्सा समीपं **उपस्सुति** । सुय्यति एत्थाति सुतीति एवञ्चि अत्थे गद्यमाने सवनट्ठानसमीपे अञ्जस्मिं अस्सवनट्ठाने तिट्ठतीति आपज्जति । अट्ठकथायञ्च उपस्सुति-सदस्सेव अत्थं दस्सेतुं “**यत्थ ठत्त्वा**” ति आदि वुत्तं, न सुति-सदमत्तस्स ।

४७३. **एकपरिच्छेदानीति** कदाचि अकिरियतो, कदाचि किरियतो समुद्धानसामञ्जेन वुत्तं । उपसम्पन्नेन चोदनाधिप्पायो, सवनन्ति द्वे अङ्गानि ।

उपस्सुतिसिक्खापदवण्णना निट्ठिता ।

#### ९. खिच्चनसिक्खापदवण्णना

४७४. नवमे धम्मकम्मता, जाननं, छन्दं दत्त्वा खिच्चनन्ति तीणि अङ्गानि ।

खिच्चनसिक्खापदवण्णना निट्ठिता ।

#### १०. पक्कमनसिक्खापदवण्णना

४८१. दसमे विनिच्छयकथाय धम्मिकता, तं जत्वा कम्मतो पट्ठाय एकसीमट्टस्स समानसंवासिकस्स हत्थपासविजहनन्ति द्वे अङ्गानि ।

पक्कमनसिक्खापदवण्णना निट्ठिता ।

#### ११. दुब्बलसिक्खापदवण्णना

४८४. एकादसमे उपसम्पन्नस्स धम्मेन लद्धसम्मुतिता, सङ्गेन सङ्घि चीवरं दत्त्वा खिच्चित्तुकामताय खिच्चनन्ति द्वे अङ्गानि ।

दुब्बलसिक्खापदवण्णना निट्ठिता ।

४८९. द्वादसमं वुत्तनयमेव ।

निट्ठितो सहधम्मिकवग्गो अट्ठमो ।

#### ९. राजवग्गो

#### १. अन्तेपुरसिक्खापदवण्णना

४९९. नवमवग्गस्स पठमे पाळियं संसुद्धगहणिकोति एत्थ गहणीति गम्भासयसज्जितो मातु कुच्छिण्णदेसो, पुरिसन्तरसुक्कासम्फुट्ठताय संसुद्धगहणिको । अभिसित्तखत्तियता, उभिन्नम्पि सयनिघरतो अनिक्खन्तता, अप्पटिसंविदितस्स इन्द्रखीलातिक्कमोति तीणि अङ्गानि ।

अन्तेपुरसिक्खापदवण्णना निट्ठिता ।

#### २. रतनसिक्खापदवण्णना

५०६. दुतिये आवसथस्साति एत्थ अन्तोआरामे वा होतु अज्जत्थ वा, यत्थ कत्थिचि अत्तनो वसनट्ठानं आवसथो नाम । छन्देनपि भयेनपीति वड्ढिकिआदीसु छन्देन, राजवल्लभेसु भयेन । आकिण्णमनुस्सेपि जाते...पे०... आसङ्कन्तीति तस्मिं निम्मनुस्सट्ठाने पच्छा आकिण्णमनुस्से जातेपि विसरित्ता गमनकाले अज्जस्स अदिट्ठता तमेव भिक्खुं आसङ्कन्ति । पतिरूपं नाम कप्पियभण्डे सयं पंसुकूलं गहेत्वा अकप्पियभण्डे पतिरूपानं उपासकादीनं दस्सेत्वा चेत्तियादिपुञ्जे नियोजनं वा दापेत्वा निरपेक्खगमनं वा । समादपेत्वाति याचित्वा । परसन्तकता, विस्सासग्गाहपंसुकूलसज्जानं अभावो, अननुज्जातकारणा उग्गहणादि चाति तीणि अङ्गानि ।

रतनसिक्खापदवण्णना निट्ठिता ।

#### ३. विकालगामप्पविसनसिक्खापदवण्णना

५०८. ततिये पाळियं भयकथन्ति राजचोरादिभयं वा रोगामनुस्सदुब्बिक्खकन्तारादिभयं वा आरब्ध पवत्तं । विसिक्खाकथन्ति सुनिविट्ठादिवीथिकथं । कुम्भट्टानकथन्ति उदकतित्थकथं, कुम्भदासीकथं वा । पुब्बपेतकथन्ति अतीतजातिकथं । नानत्तकथन्ति वुत्ताहि, वक्खमानाहि च विमुत्तं नानासभावं निरत्थककथं । लोकक्खायिकन्ति “अयं लोको केन निम्मितो” ति आदिना लोकसभावक्खानवसेन पवत्तनकथा । एवं समुद्दक्खायिका वेदितब्बा । इति भवो इति अभवोति यं वा तं वा निरत्थकारणं वत्त्वा पवत्तित्थकथा इति भवाभवकथा । एत्थ च भवो सस्सत्तं, वुट्ठि, कामसुखञ्चाति तिविधो, अभवो तत्त्वपरीतवसेन । इति इमाय छब्बिधाय इति भवाभवकथाय सङ्घि इत्तिसतिरच्छानकथा नाम होन्ति । अथ वा पाळियं सरूपतो अनागतापि अरज्जपब्बतनदीदीपकथा इति-सहेन सङ्गहेत्वा इत्तिसतिरच्छानकथाति वुच्चन्ति । इति वाति एत्थ इति-सहो पकारत्थे । वा-सहो विकप्पत्थे । तस्मा एवं पकारं इतो अज्जं वा तादिसं निरत्थककथं कथेतीति अत्थो गहेतब्बो ।

५१२. उस्साहं पटिप्पस्सम्भेत्वा विहारं गच्छन्ताति एत्थ गामूपचारतो बहि निक्खन्ते अन्तरारामादीनमुपचारं पविट्ठे सन्धाय वुत्तं । गामूपचारम्भन्तरे पन पटिप्पस्सद्धुस्साहानम्पि पुन तमेव वा अज्जं वा गामं पविसित्तुकामताय सति आपुच्छनकिच्चं नत्थि । “कुलधरे वा...पे०... गन्तब्ब” न्ति इदं पन पुरेभत्तं पविट्ठानं विकाले सज्जाते विकाले गामप्पवेसस्स आपुच्छित्तब्बताय वुत्तं । अदिन्नादाने वुत्तनयेनाति दुतियलेट्ठपातं सन्धाय वुत्तं ।

५१५. अन्तरारामन्तिआदीसूति एत्थ उस्सवदिवसादीसु मनुस्सेहि गामे पदक्खिणं कारेन्तं जिनबिम्बादिं पूजेतुकामेहि वा रोगवूपसमादियत्थं मनुस्सेहि याचितेहि वा भिक्खूहि सुप्पटिच्छन्नादिविधिं अक्त्वापि वीथिमज्जेनेव गामं पदक्खिणं कातुं वट्ठतीति वदन्ति, तं न गहेतब्बं अनापत्तिवारे अवुत्तता, “मग्गा अनोक्कमित्त्वा...पे०... पाचित्तिय” न्ति (कङ्का० अट्ठ० विकालगामप्पवेसनसिक्खापदवण्णना) पटिक्खित्तता च । वेसालिं अनुपरियायित्वा परित्तं करोन्तेनापि आनन्दत्थेरेन सुप्पटिच्छन्तादिं अकोपेन्तेनेव, अपज्जत्ते वा सिक्खापदे कतन्ति दडुब्बं । केचि पन “अन्तरारामादिगामन्तरे ठितेहि गरुडानीयानं पच्चुग्गमनानुगमनादिवसेन गामवीथिं ओतरितुं वट्ठती” ति वदन्ति, तम्पि अन्तरधरं पविसन्तं पति कातुं न वट्ठति एव । अन्तरारामादिकप्पियभूमिं पन उहिस्स गच्छन्तं पति कातुं वट्ठतीति खायति, वीमसितत्तं । सन्तं भिक्खुं अनापुच्छना, अननुज्जातकारणा विकाले गामप्पवेसोति द्वे अङ्गानि ।

विकालगामप्पविसनसिक्खापदवण्णना निट्ठिता ।

#### ४. सूचिघरसिक्खापदवण्णना

५२०. चतुत्थे पाळियं वासिजेटेति वासिदण्डके । अट्ठिमयादिसूचिघरता, करणकारपनादिवसेन अत्तनो पटिलाभोति द्वे अङ्गानि ।

सूचिघरसिक्खापदवण्णना निट्ठिता ।

#### ५. मञ्चपीठसिक्खापदवण्णना

५२१. पञ्चमे पाळियं आसयतो, भिक्खवे, मोघपुरिसो वेदितब्बोति हीनज्जासयवसेन अयं तुच्छपुरिसोति जातब्बो, हीनाय पच्चये लोलताय पुग्गलस्स तुच्छता जातब्बाति अधिप्पायो। इमस्मिं सिक्खापदे, इतो परेसु च पञ्चसु अत्तना कारापितस्स पटिलाभे एव पाचित्तियं। परिभोगे पनस्स, अज्जेसञ्च दुक्कटमेव। पमाणातिक्कन्तमञ्चपीठता, अत्तनो करणकारापनवसेन पटिलाभोति द्वे अङ्गानि।

मञ्चपीठसिक्खापदवण्णना निड्डिता।

#### ६. तूलोनद्धसिक्खापदवण्णना

५२६. छट्ठे पोटकितूलन्ति तिणगच्छजातिकानं तूलं। सेसं वुत्तनयमेव।

तूलोनद्धसिक्खापदवण्णना निड्डिता।

#### ७. निसीदनसिक्खापदवण्णना

५३१-५३६. सत्तमे निसीदनस्स पमाणातिक्कन्तता, अत्तनो करणादिना पटिलाभोति द्वे अङ्गानि।

निसीदनसिक्खापदवण्णना निड्डिता।

५३७-५४७. इमिना नयेन अट्टमनवमदसमेसुपि अङ्गानि वेदितब्बानि। सेसं सब्बत्थ सुविज्जेय्यमेवाति।

निड्डितो राजवग्गो नवमो।

खुद्दकवण्णनानयो निड्डितो।

### ६. पाटिदेसनीयकण्डं

#### १. पठमपाटिदेसनीयसिक्खापदवण्णना

५५३. पाटिदेसनीयेसु पठमे पटिदेसेतब्बाकारदस्सनन्ति एवं आपत्तिं नवकस्स सन्तिके देसेतब्बाकारदस्सनं। इमिना लक्खणेन सम्बहुलानं आपत्तीनम्पि वुड्डस्स सन्तिके च देसेतब्बाकारो सक्का विज्जातुन्ति। तत्रायं नयो — “गारखं, आवुसो, धम्मे आपज्जिं असप्पाये पाटिदेसनीये”ति एवं सम्बहुलासु। वुड्डस्स पन सन्तिके “गारखं, भन्ते, धम्मं...पे... गारखं, भन्ते, धम्मे”ति योजना वेदितब्बा। तत्थ असप्पायन्ति सगमोक्खन्तरायकरन्ति अत्थो। अज्जातिकाय भिक्खुनिया अन्तरघरे ठिताय हत्थतो सहत्था यावकालिकग्गहणं, अज्झोहरणन्ति द्वे अङ्गानि।

पठमपाटिदेसनीयसिक्खापदवण्णना निड्डिता।

५५८. दुतिये परिपुण्णपसम्पन्नाय अननुज्जाताकारेन वोसासना, अनिवारेत्वा भोजनज्झोहारोति द्वे अङ्गानि।

५६३. ततिये सेक्खसम्मत्तता, घरूपघारे अनिमन्तिता, गिलानस्स अनिच्चभत्तादिं गहेत्वा भुज्जनन्ति तीणि अङ्गानि।

५७०. चतुत्थे सासङ्कारज्जसेनासनता, अननुज्जातं यावकालिकं अप्पटिसंविदितं अज्झारामे पटिग्गहेत्वा अगिलानस्स अज्झोहरणन्ति द्वे अङ्गानि। सेसं उत्तानमेव।

पाटिदेसनीयवण्णनानयो निड्डितो।

### ७. सेखियकण्डं

#### १. परिमण्डलवग्गवण्णना

५७६. सेखियेसु यस्मा वत्तक्खन्थके (चूळव० ३५६ आदयो) वुत्तवत्तानिपि सिक्खितव्वता सेखियानेव, तस्मा पाराजिकादीसु वियेत्य पाळियं परिच्छेदो न कतो। चारित्तनयदस्सनत्थञ्च “यो पन भिक्खु ओलम्बन्तो निवासैय्य, दुक्कट”न्ति अवत्वा “सिक्खा करणीया”ति सब्बत्थ पाळि आरोपिता। पदभाजने पन “आपत्तिं दुक्कटस्सा”ति वुत्तता सब्बत्थ अनादरियकरणे दुक्कटं वेदितव्वं।

अट्टङ्गुलमत्तन्ति मत्त-सद्वेन ततो किञ्चि अधिकं, ऊनम्पि सङ्गण्हाति। तेनेव निसिन्नस्स चतुरङ्गुलमत्तम्पि वुत्तं। न हि निसिन्नस्स चतुरङ्गुलपमाणं, ठितस्स अट्टङ्गुलमेवाति सक्का नियमेतुं ऊनाधिकत्तसम्भवतो। तस्मा यथा सारुप्यं होति एवं अट्टङ्गुलानुसारेण निवासनज्जेव अधिप्पेतन्ति गहेतव्वं। तेनेव वक्खति “यो पन भिक्खु सुक्खजङ्गो वा”तिआदि। कुरुन्दियं “अजानन्तस्स अनापत्ती”ति आदरं कत्वा उग्गण्हन्तस्सापि अजाननं सन्धाय वुत्तं। तेनापि निरन्तरं निवासनपारुपनवत्तं सिक्खितव्वं, असिक्खितो अनादरियमेव। परिमण्डलग्गहणेन उक्खिपित्वा निवासनम्पि पटिक्खित्तन्ति आह “उक्खिपित्वा वा ओतारेत्वा वा”ति।

सचिचत्तकन्ति वत्थुविजाननचित्तेन सचिचत्तकं। सारत्थदीपनियं पन उपतिस्सत्थेरवादनयेन लोकवज्जतं गहेत्वा “वत्थुविजाननचित्तेन, पण्णत्तिविजाननचित्तेन च सचिचत्तक”न्ति (सारत्थ० टी० सेखियकण्ड ३.५७६) वुत्तं। तत्थ च वत्थुविजाननं विसुं न वत्तव्वं। पण्णत्तिविजाननेन तस्सापि अन्तो गधभावतो इदं वत्थु एवं वीतिककमन्तस्स आपत्तीति विजानन्तो हि पण्णत्तिं विजानातीति वुच्चति। उपतिस्सत्थेरवादे चेत्थ पण्णत्तिं अजानित्वा अपरिमण्डलनिवासनादिवत्थुमेव जानन्तस्स पण्णत्तिवीतिकमानादरियाभावा सब्बसेखियेसु अनापत्ति एव अभिमता, तच्च न युत्तं कोसम्बक्खन्थके (महाव० ४५१ आदयो) वच्चकुटियं उदकावसेसं ठपेन्तस्स पण्णत्तिविजाननाभावेपि आपत्तिया वुत्तता। वुत्तज्झि तत्थ “तेन खो पन समयेन अज्जतरो भिक्खु आपत्तिं आपन्नो होति ...पे... सो अपरेन समयेन तस्सा आपत्तिया अनापत्तिदिड्ढि होती”तिआदि (महाव० ४५१)। अट्टकथायज्जस्स “त्वं एत्थ आपत्तिभावं न जानासीति, आम न जानामीति। होतु आवुसो, एत्थ आपत्तीति, सचे होति, देसेस्सामीति। सचे पन ते, आवुसो, असज्जिच्च असतिया कत्तं, नत्थि आपत्तीति। सो तस्सा आपत्तिया अनापत्तिदिड्ढि अहोसी”ति (महाव० अट्ट० ४५१) वुत्तं, तथा “अधम्मवादीति उक्खित्तानुवत्तकेसु अज्जतरो”ति (महाव० अट्ट० ४५७-४५८) च वुत्तं। खन्धकवत्तानज्झि सेखियता तत्थ वुत्तो नयो इमेसं, इध वुत्तो च तेसं साधारणोव होतीति। तेनेव “असज्जिच्च असतिया कत्तं, नत्थि आपत्ती”ति एवं इध वुत्तो आपत्तिनयो तत्थापि दस्सितो। तस्मा फुस्सदेवत्थेरवादे एव उत्त्वा वत्थुविजाननचित्तेनेव सब्बसेखियानि सचिचत्तकानि, न पण्णत्तिविजाननचित्तेन। भिय्योकम्यतायसूपब्बज्जनपटिच्छादनउज्झानसज्जीति द्वे सिक्खापदानि लोकवज्जानि अकुसलचित्तानि, सेसानि पण्णत्तिवज्जानि, तिचित्तानि, तिवेदनानि चाति गहणमेव युत्ततरं दिस्सति। तेनेवेत्थ “असज्जिच्चाति पुरतो वा पच्छतो वा ओलम्बत्वा निवासस्सामीति एवं असज्जिच्चा”तिआदिना वत्थुअजाननवसेनेव अनापत्तिवण्णना कता, न पण्णत्तिविजाननचित्तवसेन।

अपिच “यस्स सचित्तकपक्खे चित्तं अकुसलमेव होति, तं लोकवज्ज”न्ति (कङ्का० अट्ट० पठमपाराजिकवण्णना) इमिना लक्खणवचनेनापि चेत्तं सिञ्जति । वत्थुविजाननचित्तवसेनेव हेत्थ “सचित्तकपक्खे”ति वुत्तं । इतरथा पण्णातिविजाननचित्तवसेन सब्बसिक्खापदानमि सचित्तकपक्खे चित्तस्स अकुसलत्तनियमेन लोकवज्जत्तप्पसङ्गतो पण्णातिवज्जमेव न सिया, इदञ्च वचनं निरत्थकं सिया इमिना वचनेन निवत्तेतब्बस्स सिक्खापदस्स अभावा । न च सेखियेसु वत्थुविजाननचित्तने सचित्तकपक्खे चित्तं पाणातिपातादीसु विय अकुसलमेवाति नियमो अत्थि, येनेत्थ लोकवज्जता पसज्जेय, “अनादरियं पटिच्चा”ति चेत्तं पाळिवचनं वत्थु जानित्वा तीहि चित्तेहि वीतिक्कममेव अनादरियं कत्वा वुत्तं, न पण्णातिं जानित्वा अकुसलचित्तनेव वीतिक्कमन्ति गहेतब्बं । अञ्जथा **खन्धकपाळिया, अट्टकथायञ्च** पुब्बापरञ्च विरुञ्जनतोति अम्हाकं खन्ति । यथा वा न विरुञ्जति, तथा एत्थ अधिप्पायो गवेसितब्बो । अनादरियं, अनापत्तिकारणाभावो, अपरिमण्डलनिवासनन्ति इमानेत्य तीणि अङ्गानि । यथा चेत्थ, एवं सब्बत्थ । केवलं तत्थ तत्थ वुत्तपटिपक्खकरणवसेन ततियङ्गयोजनमेव विसेसो ।

५७७. दुतियादीसु **गिहिपारुतन्ति** सेतपटपारुतादि । **विहारेपीति** सङ्गसन्निपातबुद्धुपट्टानादिकालं सन्धाय वुत्तं ।

५७८. **गण्ठकं पटिमुञ्चित्वा**तिआदि पटिच्छादनविधिदस्सनं । **गीवं पटिच्छादेत्वा**तिआदिना वुत्तत्ता सञ्चिच्च गीवं, मणिबन्धनञ्च अप्पटिच्छादेत्तस्स आपत्ति । एत्थापि परिमण्डलसिक्खापदस्स साधारणत्ता जाणुमण्डलतो हेट्ठा चतुरङ्गुलमत्तं ओतारेत्वा अनोलम्बेत्वा परिमण्डलमेव पारुपितब्बं ।

५७९. **विवरित्वा निसीदतोति** विहारे विय एकंसपापुपनं सन्धाय वुत्तं । “वासत्थाय उपगतस्सा”ति वुत्तत्ता वासाधिप्पायं विना धम्मदेसनपरित्तभणनादिअत्थाय सुचिरमि निसीदन्तेन सब्बं अन्तरघरवत्तं पूरेन्तेनेव निसीदितब्बं । निसीदनपटिसंयुत्तेसु एव च सिक्खापदेसु “वासूपगतस्सा”ति अनापत्तिया वुत्तत्ता वासत्थाय अन्तरघरं उपगच्छन्तेनापि सुप्पटिच्छन्तादिसब्बं अकोपेन्तेनेव गन्तब्बं । “वासूपगतस्सा”ति हि वुत्तं, न पन उपगच्छमानस्साति । केचि पन “एकेकस्मिं पठमं गन्त्वा वासपरिगहे कते ततो अञ्जेहि यथासुखं गन्तुं वट्टती”ति वदन्ति । अपरे पन “गेहस्सामिकेहि ‘याव तुम्हे निवसिस्सथ, ताव तुम्हाकं इमं गेहं देमी’ति दिन्ने अञ्जेहि अवासाधिप्पायेहि अन्तरारामे विय यथासुखं गन्तुं, निसीदितुञ्च वट्टती”ति वदन्ति, तं सब्बं न गहेतब्बं तथावचनाभावा, दानलक्खणाभावा, तावत्तकेन विहारसङ्ख्यानुपगमनतो च । “याव निसीदिस्सथ, ताव तुम्हाकं इमं गेहं देमी”ति देन्तोपि हि तावकालिकमेव देति वत्थुपरिच्चागलक्खणत्ता दानस्स ।

५८२. **चतुहत्थप्पमाणन्ति** वट्टकीहत्थं सन्धाय वुत्तन्ति वदन्ति ।

५८४. **उक्खित्तचीवरो हुत्वाति** कटितो उट्ठं कायबन्धनादिदस्सनवसेनेवुक्खिपनं सन्धाय वुत्तं पिण्डाय चरतो पत्तगहणादिमत्तस्स अनुज्जातत्ता । तेनेव “**निसिन्नकाले पन धमकरण**”न्तिआदि वुत्तं । निसिन्नकाले हि खन्धे लग्गपत्तत्थाविकादितो धमकरणं नीहरन्तस्स कटितो उट्ठमि दिस्सति, तथा अदस्सेत्वा नीहरितब्बन्ति अधिप्पायो । आसने निसीदन्तस्सापि च पारुपितचीवरं किञ्चि उक्खिपित्वा सङ्गाहिं जङ्गपिण्डेहि अनुक्खिपित्वाव निसीदितब्बं । इमस्मिञ्चेव पन सिक्खापदे “वासूपगतस्सा”ति वुत्तत्ता निसीदनपटिसंयुत्तेसु छट्ठअट्टमेसु अवुत्तत्ता वासूपगतेनापि सुसंवुत्तेन ओक्खित्तक्खुनाव निसीदितब्बं । तेनेव **मातिकट्टकथायमि** तेसं विसेसं अवत्वा इधेव “वासूपगतस्स पन अनापत्ती”ति (कङ्का० अट्ट० उक्खित्तकसिक्खापदवण्णना) वुत्ता ।

परिमण्डलवग्गवण्णना निट्ठिता ।

## २. उज्जग्घिकवग्गवण्णना

५८६. दुतियवग्गादिउज्जग्घिकअप्पसट्ठेसु निसीदनपटिसंयुत्तेसुपि वासूपगतस्स अनापत्ति न वुत्ता, कायप्पचालकादीसु एव पन वुत्ता । पाळिपोत्थकेसु पनेत्तं केसुचि पेय्यालेन ब्यामोहितत्ता न सुट्ठ विज्जायति । यत्थ च अन्तरघरे धम्मं वा देसेन्तस्स, पातिमोक्खं वा उट्ठिसन्तस्स महासट्ठेन यावपरिसावनेपि अनापत्ति एवाति दट्ठब्बं तथा आनन्दत्थेरमहिन्दत्थेरादीहि आचरितत्ता ।

उज्जग्घिकवग्गवण्णना निट्ठिता ।

## ३. खम्भकतवग्गवण्णना

६०३. पत्ते गहणसज्जा अस्स अर्थीति पत्तसज्जीति इममत्थं दस्सेतुं “**पत्ते सज्जं कत्वा**”ति वुत्तं ।

६०४. **ओलोणीति** एका ब्यञ्जनविकति । कज्जिकतक्कादिरसोति केचि । मंसरसादीनीति **आदि**-सट्ठेन अवसेसा सब्बापि ब्यञ्जनविकति सङ्गहिता ।

६०५. **समभरितन्ति** रचितं । **हेट्ठा ओरोहतीति** समन्ता ओकाससम्भवतो हत्थेन समं करियमानं हेट्ठा भस्सति । पत्तमत्थके ठपितानि पूवानि एव वटंसकाकारेन ठपितत्ता “**पूववटंसक**”न्ति वुत्तानि । केचि पन “पत्तं गहेत्वा थूपीकत्तं पिण्डपातं रचित्वा दिव्यमानमेव गण्हतो आपत्ति, हत्थगते एव पन पत्ते दिव्यमाने थूपीकतमि गहेतुं वट्टती”ति वदन्ति, तं न गहेतब्बमेव “समतित्तिक”न्ति भावनपुंसकवसेन सामञ्जतो वुत्तत्ता ।

खम्भकतवग्गवण्णना निट्ठिता ।

## ४. सक्कच्चवग्गवण्णना

६०८. चतुत्थवग्गादीसु **सपदानन्ति** एत्थ दानं वुच्चति अवखण्डनं, अपेतं दानतो अपदानं, सह अपदानेन सपदानं, अवखण्डनविरहितं अनुपटिपाटियाति वुत्तं होति । तेनाह “**तत्थ तत्थ ओधिं अक्त्वा**”तिआदि ।

६११. **विज्जत्तियन्ति** सुपोदनविज्जत्तिसिक्खापदं सन्धाय वदति । “**वत्तब्बं नत्थी**”ति इमिना पाळियाव सब्बं विज्जायतीति दस्सेति । तत्थ पाळियं **असज्जिच्चाति**आदीसु वत्थुमत्तं जत्वा भुज्जनेन आपत्तिं आपज्जन्तस्सेव पुन पण्णातिं जत्वा मुखगतं छट्ठेतुकामस्स यं अरुचिया पविट्ठं, तं असज्जिच्च पविट्ठं नाम, तत्थ अनापत्ति । तदेव पुन अञ्जविहितताय वा अविज्जत्तमिदन्तिसज्जाय वा भुज्जने “**असतिया**”ति वुच्चति ।

६१३. “**अज्जस्सत्थाया**”ति इदमस्स सिक्खापदस्स अत्तनो अत्थाय विज्जापेत्वा सयं भुज्जने एव पज्जत्तत्ता इमिना सिक्खापदेन अनापत्तिं सन्धाय वुत्तं । पञ्चसहधम्मिकानं पन अत्थाय अज्जातकअप्पवारितट्ठाने विज्जापेत्तो विज्जत्तक्खणे अट्टकथासु सुत्तानुलोमतो वुत्तअकतविज्जत्तदुक्कटतो न मुच्चति । सज्जिच्च भुज्जनक्खणे सयञ्च अञ्जे च मिच्छाजीवतो न मुच्चन्तीति गहेतब्बं ।

६१५. “**कुक्कुटण्डं अतिखुट्ठक**”न्ति इदं असारुप्पवसेन वुत्तं, अतिमहन्ते एव आपत्तीति दट्ठब्बं । भुज्जन्तेन पन चोरादिभयं पटिच्च महन्तमि अपरिमण्डलमि कत्वा सीधं भुज्जनवसेनेत्थ **आपदा** । एवमज्जेसुपि यथानुरूपं दट्ठब्बं ।

सक्कच्चवग्गवण्णना निट्ठिता ।

## ५. कबलवग्गवण्णना

६१७. अनाहटे कबळे मुखद्वारविवरणे पन पयोजनाभावा “आपदासू”ति न वुत्तं। एवमञ्जेसुपि ईदिसेसु।

६१८. सब्बं हत्थन्ति हत्थेकदेसा अङ्गुलियो वुत्ता “हत्थमुद्वा”तिआदीसु विय, तस्मा एकङ्गुलिमि मुखे पक्खिपितुं न वट्ठति।

कबळवग्गवण्णना निड्ढिता।

#### ६. सुरुसुरुवग्गवण्णना

६२७. पाळियं सीतीकतोति सीतपीळितो। सिलकबुद्धोति परिहासवचनमेतं। सिलकज्झि किञ्चि दिस्वा “बुद्धो अय”न्ति वोहरन्ति।

६२८. “अङ्गुलियो मुखे पवेसेत्वा भुज्जितुं वट्ठती”ति इमिना सब्बं हत्थं अन्तोमुखे पक्खिपनसिक्खापदस्सपि पविट्ठङ्गुलिनिल्लेहेनेन इमस्सपि सिक्खापदस्स अनापत्तिं दस्सेति। एसेव नयोति घनयागुआदीसु पत्तं हत्थेन, ओडुञ्च जिक्खाय निल्लेहितुं वट्ठतीति अतिदिसति। तस्माति यस्मा घनयागुआदिविरहितं निल्लेहितुं न वट्ठति।

६३४. विलीवच्छन्ति वेणुपेसिकाहि कतं। मण्डलबद्धानीति दीघसलाकासु तिरियं वलयाकारेन सलाकं ठपेत्वा सुत्तेहि बद्धानि दीघञ्च तिरियञ्च उजुकमेव सलाकायो ठपेत्वा दळ्ळबद्धानि चेव तिरियं ठपेत्वा दीघदण्डकेहेव सङ्कोचारहं कत्वा सुत्तेहेव तिरियं बद्धानि। तत्थजातकदण्डकेन कतन्ति सह दण्डकेन छिन्नतालपण्णादीहि कतं। छत्तपादुकायाति यस्मिं छत्तदण्डकोटिं पवेसेत्वा छत्तं उजुकं ठपेत्वा हेड्डा छायाय निसीदन्ति, तिड्ढन्ति वा, तादिसे छत्ताधारे।

६३७. चापोति मज्झे वङ्ककाजदण्डसदिसा धनुविकाति। कोदण्डोति विद्धदण्डा धनुविकाति।

सुरुसुरुवग्गवण्णना निड्ढिता।

#### ७. पादुकवग्गवण्णना

६४७. सत्तमवग्गे रुक्खतो पतितोति एकं ओलम्बनसाखं गहेत्वा पतितो। पाळियाति अत्तो आचारप्पकासकगन्थस्स। धीरत्थूति धी अत्थु, निन्दा होतूति अत्थो। विनिपातनहेतुनाति विनिपातनस्स हेतुभावेन। त्वन्ति उपयोगत्थे पच्चत्तवचनं, तं इच्चेव वा पाठो। अस्माति पासाणो।

६४९. न कथेतब्बन्ति थेरेन अत्तनो कङ्गाडानस्स पुच्छितत्ता वुत्तं। दहरस्स अत्थकोसल्लं जातुं पुच्छितेन उच्चासने निसिन्तस्स आचरियस्स अनुयोगदाननयेन वत्तुं वट्ठति।

६५२. खेळेन चेत्य सिङ्गाणिकापि सङ्गहिताति एत्थ उदकगण्डुसकं कत्वा उच्छुकचवरादिञ्च मुखेनेव हरितुं उदकेसु छड्डेतुं वट्ठतीति दट्ठब्बं। सेसं सब्बत्थ उत्तानमेव।

पादुकवग्गवण्णना निड्ढिता।

सेखियवण्णनानयो निड्ढितो।

६५५. अधिकरणसमथेसु च इध वत्तब्बं नत्थि।

इति समन्तपासादिकाय विनयट्ठकथाय विमतिविनोदनियं

भिक्षुविभङ्गवण्णनानयो निड्ढितो।

॥ नमो तस्स भगवतो अरहतो सम्मासम्बुद्धस्स ॥

## भिक्षुनीविभङ्गवण्णना

### १. पाराजिककण्डं

#### १. उब्भजाणुमण्डलिकसिक्खापदवण्णना

६५६. भिक्षुनीविभङ्गे मिगारमातुयाति मिगारमातु, विसाखायाति अत्थो। पाळियं “एहि भिक्षुनीति भिक्षुनी, तीहि सरणगमनेहि उपसम्पन्नाति भिक्षुनी”ति इदं भिक्षुविभङ्गपाळिया समदस्सनत्थं अट्टगारुधम्मपटिगहणेन लङ्कूपसम्पदं महापजापतिगोतमिञ्चेव तां सह निक्खन्ता भगवतो आणाय भिक्षुनञ्जेव सन्तिके एकतोउपसम्पन्ना पञ्चसतसाकियानियो च सन्धाय वुत्तं। ता हि भगवता आनन्दत्थेरस्स याचनाय पब्बज्जं अनुजानन्तेन “एथ भिक्षुनियो, मम सासने तुम्हेपि पविसत्था”ति वुत्ता विय जाता। साकियानियो एव सरणसीलानि दत्वा कम्मवाचाय उपसम्मादितत्ता “तीहि सरणगमनेहि उपसम्पन्ना”ति वुत्ता। न हि एताहि अज्जा एहिभिक्षुनिभावादिना उपसम्पन्ना नाम सन्ति। यं पन थेरीगाथासु भद्दाय कुण्डलकेसिया —

“निहच्च जाणुं वन्दित्वा, सम्मुखा अज्जलि अकं।

‘एहि भदे’ति मं अवोच, सा मे आसूपसम्पदा”ति॥ (थेरीगा० १०९) —

वुत्तं। यञ्च अपदानेपि —

“आयाचितो तदा आह, ‘एहि भदे’ति नायको।

तदाहं उपसम्पन्ना, परित्तं तोयमहस”न्ति॥ (अप० थेरी २.३.४४) —

वुत्तं। तम्पि “एहि त्वं भिक्षुनीनं सन्तिके पब्बज्जं, उपसम्पदञ्च गण्हाही”ति भगवतो आणा उपसम्पदाय कारणत्ता उपसम्पदा अहोसीति इममत्थं सन्धाय वुत्तं। तथा हि वुत्तं थेरीगाथाट्ठकथायं “एहि भदे, भिक्षुनुपस्सयं गत्वा भिक्षुनीनं सन्तिके पब्बज्ज उपसम्पज्जस्सूति मं अवच आणापेसि, सा सत्थु आणा मक्खं उपसम्पदाय कारणत्ता उपसम्पदा आसि अहोसी”ति (थेरीगा० अट्ठ० १११)।

६५७. साधारणपाराजिकेहीति मेथुनादीहि चतूहि। तानि, पन अज्जानि च साधारणसिक्खापदानि यस्मा भिक्षुविभङ्गे वुत्तनिदानवत्थादीसु एव साधारणवसेन पञ्चजानि, पच्छा पन तानि भिक्षुनीनं पातिमोक्खुहेसं अनुजानन्तेन भगवता तासं सिक्खापच्चक्खानाभावेन “या पन भिक्षुनी छन्दसो मेथुनं धम्मं पटिसेवेय्या”ति आदिना तदनुरूपवसेन परिवत्तेत्वा असाधारणसिक्खापदेहि सङ्घि संसन्देत्वा

भिक्षुनिपातिमोक्खुद्देसवसेन एकतो सङ्गहितानि । यस्मा च नेसं भिक्षुविभङ्गे (पारा० ४४ आदयो) वृत्तनयेनेव सब्बोपि विनिच्छयो सक्का जातुं, तस्मा तानि वज्जेत्वा असाधारणानं एव इथ विभङ्गो वृत्तोति वेदितव्वं ।

६५९. भिक्षुनं “कायसंसगं सादियेय्या”ति अवत्वा “समापज्जेय्या”ति वृत्तता “भिक्षु आपत्तिया न कारेतब्बो”ति वृत्तं । तब्बहुलनयेनाति किरियासमुद्धानस्सेव बहुलभावतो, एतेन अकिरियासमुद्धानापि अयं आपत्तिं होतीति दस्सेति । किञ्चापि दस्सेति, मयं पनेत्थ एवं तक्कयाम “कायसंसगकखणे सादियन्तिया किरियाय अभावेपि ततो पुब्बे पवत्तितानं पटिच्छन्नद्धानगमनइङ्गिताकारदस्सनादिकिरियानं वसेनेव किरियासमुद्धानमेव, परेहि मग्गे करियमानुपक्कमेन निच्चलस्स सादियतो सुक्कविस्सट्ठि विय पुब्बपयोगाभावेपि वा तस्मिञ्जेव खणे परूपक्कमेन जनीयमानाय अत्तनो कायचलनादिसङ्गताय किरियाय, सा हि सादियमानेन तस्सा चित्तेनापि समुद्दिता किरिया नाम होति अवायमित्वा परूपक्कमेन मेथुनसादियने विय, भिक्षुनं पन परूपक्कमजनितं किरियं अब्बोहारिकं कत्वा अत्तना करियमानपयोगवसेनेव “कायसंसगं समापज्जेय्या”ति एवं विसेसेत्वाव सिक्खापदस्स पज्जत्तता सादियमानेपि न दोसो । इतरथा हि तब्बहुलनयेनेत्थ किरियते गह्ममाने अज्जेसम्पि किरियाकिरियसिक्खापदानं किरियत्तगहणप्पसङ्गो सिया”ति । तस्मा वीमंसित्वा गहेतव्वं । साति किरियासमुद्धानता । तथेवाति कायसंसगारागी एव ।

उब्भजाणुमण्डलिकसिक्खापदवण्णना निड्डिता ।

## २. वज्जपटिच्छादिकसिक्खापदवण्णना

६६६. दुतिये पुरिमेनातिआदि सुन्दरीनन्दाय वज्जपटिच्छादने पज्जत्ततं सन्थाय वृत्तं । “अट्टन्ने”न्ति वृत्तता वज्जपटिच्छादनस्सापि पटिच्छादने पाराजिकमेवाति दट्ठव्वं । “धुरं निक्खित्तमत्ते”ति वृत्तता पण्णत्तिं अजानन्तियापि “इदं वज्जं न पकासेस्सामी”ति छन्देन धुरं निक्खेपक्खणे पाराजिकन्ति दट्ठव्वं । तं पन पटिच्छादनं यस्मा “पेसला जत्वा गरहिस्सन्ती”ति भयेनेव होति, भयञ्च कोधचित्तसम्पयुत्तं, तस्मा इदं “दुक्खवेदनं”न्ति वृत्तं । यं पन सारत्थदीपनियं (सारत्थ० टी० पाराजिककण्ड ३.६६६) “किञ्चापि वज्जपटिच्छादनं पेमवसेन होति, तथापि सिक्खापदवीतिकमचित्तं दोमनस्सितमेव होती”ति एवं पण्णत्तिवीतिकमचित्तेनेव छादनं दोमनस्सत्ते कारणं वृत्तं, तं अकारणं पण्णत्तिविजाननं विनापि आपज्जितव्वतोव ।

वज्जपटिच्छादिकसिक्खापदवण्णना निड्डिता ।

६६९. ततियं उत्तानमेव ।

## ४. अट्टवत्थुकसिक्खापदवण्णना

६७५. चतुत्थे लोकस्सादसङ्गत्तं मित्तेहि अज्जमज्जं कातव्वं सन्थव्वं । वृत्तमेवत्थं परियायन्तरेन दस्सेतुं “कायसंसगारागेना”ति वृत्तं ।

तिस्सिस्थियो मेथुनं तं न सेवेति या तिस्सो इत्थियो, तासु वृत्तं तं मेथुनं न सेवेय्य । अनरियपण्डकेति तयो अनरिये, तयो पण्डके च उपसङ्कमित्वा मेथुनं न सेवेति अत्थो । अनरियाति चेत्य उभतोव्यञ्जनका अधिपेता । व्यञ्जनस्मिन्ति अत्तनो वच्चमुखमग्गेपि । छेदो एव छेज्जं, पाराजिकं ।

वण्णावण्णोति द्वीहि सुक्कविस्सट्ठि वृत्ता । गमनुप्पादनन्ति सज्जरितं । “मेथुनधम्मस्स पुब्बभागता पच्चयो होती”ति इमिना कारियोपचारेन कायसंसगो मेथुनधम्माति वृत्तोति दस्सेति । सब्बपदेसूति सङ्घाटिकण्णगहणादिपदेसु । कायसंसगारागो, सउस्साहता, अट्टमवत्थुस्स पूरणन्ति तीणेत्थ अङ्गानि ।

अट्टवत्थुकसिक्खापदवण्णना निड्डिता ।

पाराजिकवण्णनानयो निड्डितो ।

## २. सङ्गदिसेसकण्डं

### १. पठमसङ्गदिसेससिक्खापदवण्णना

६७९. सङ्गदिसेसकण्डे “दुतियस्स आरोचेती”ति एत्थापि द्वीसुपि अट्टकारकेसु यस्स कस्सचि दुतियस्स कथं यो कोचि आरोचेतीति एवमत्थो गहेतव्वोति आह “एसेव नयो”ति ।

गतिगतन्ति चिरकालप्पवत्तं । आपत्तीति आपज्जनं । “निस्सारणीय”न्ति इदं कत्तुअत्थे सिद्धन्ति आह “निस्सारेती”ति । आपन्नं भिक्षुनिं सङ्गतो वियोजेति, वियोजनहेतु होतीति अत्थो ।

गीवायेवाति आणत्तिया अभावतो । तेसं अनत्थकामतायाति “चोरो”ति वृत्तं मम वचनं सुत्वा केचि दण्डिस्सन्ति जीविता वोरोपेस्सन्तीति एवं सज्जाय । एतेन केवलं भयेन वा परिक्रारगहणत्थं वा सहसा “चोरो”ति वृत्ते दण्डितेपि न दोसोति दस्सेति । राजपुरिसानज्जि “चोरो अयं”न्ति उद्दिस्स कथने एव गीवा, भिक्षुनं, पन आरामिकादीनं वा सम्मुखा “असुको चोरो एवमकासी”ति केनचि वृत्तवचनं निस्साय आरामिकादीसु राजपुरिसानं वत्वा दण्डापेत्तेसुपि भिक्षुस्स न गीवा राजपुरिसानं अवृत्तता । येसञ्च वृत्तं, तेहि सयं चोरस्स अदण्डितत्ताति गहेतव्वं । “त्वं एतस्स सन्तकं अच्छिन्दा”ति आणत्तोपि हि सचे अज्जेन अच्छिन्दापेति, आणापकस्स अनापत्ति विसङ्केतत्ता । “अत्तनो वचनकरं”न्ति इदं सामीचिवसेन वृत्तं । वचनं अकरोन्तानं राजपुरिसानम्पि “इमिना गहितपरिक्खारं आहरापेहि, मा चस्स दण्डं करोही”ति उद्दिस्स वदन्तस्सापि दण्डे गहितेपि न गीवा एव दण्डगहणस्स पटिक्खित्तता, “असुकभण्डं अवहरा”ति आणापेत्वा विप्पटिसारे उप्पन्ने पुन पटिक्खपने (पारा० १२१) विय ।

दासादीनं सम्पटिच्छने विय तदत्थाय अट्टकरणे भिक्षुनम्पि दुक्कटन्ति आह “अकप्पियअट्टो नाम न वट्टती”ति । केनचि पन भिक्षुना खेत्तादिअत्थाय वोहारिकानं सन्तिकं गन्त्वा अट्टे कतेपि तं खेत्तादिसम्पटिच्छने विय सब्बेसं अकप्पियं न होति पुब्बे एव सङ्गस्स सन्तकत्ता, भिक्षुस्सेव पन पयोगवसेन आपत्तियो होन्ति । दासादीनम्पि पन अत्थाय रक्खं याचितुं वोहारिकेन पुट्टेन सङ्गस्स उप्पन्नं कप्पियक्कमं वत्तुं, आरामिकादीहि च अट्टे कारापेतुञ्च वट्टति एव । विहारवत्थादिकप्पियअट्टं पन भिक्षुनो सयम्पि कातुं वट्टति ।

भिक्षुनीनं वृत्तोति रक्खं याचन्तीनं भिक्षुनीनं वृत्तो उद्दिस्स अनुद्दिस्सवसेन रक्खायाचनविनिच्छयो, न सब्बो सिक्खापदविनिच्छयो असाधारणता सिक्खापदस्स । तेनाह “भिक्षुनोपी”तिआदि । अनाकट्टिताय अट्टकरणं, अट्टपरियोसानन्ति द्वे अङ्गानि ।

पठमसङ्गदिसेससिक्खापदवण्णना निड्डिता ।

### २. दुतियसङ्गदिसेससिक्खापदवण्णना

६८३. पाळियं दुतिये मल्लगणभट्टिपुत्तगणादिकन्तिआदीसु मल्लराजूनं गणो मल्लगणो । भट्टिपुत्ता नाम केचि गणराजानो, तेसं गणो । केचि पन “नारायनभत्तिको पुञ्जकारगणो मल्लगणो । तथा कुमारभत्तिको च गणो भट्टिपुत्तगणो”तिपि (सारत्थ० टी० संघादिसेसकण्ड ३.६८३) वदन्ति । धम्मगणोति सासने, लोके वा अनेकप्पकारपुञ्जकारको गणो । गन्धविकतिकारको गणो गन्धिकसेणी । पेसकारादिगणो दुस्सिकसेणी । कप्पगतिकन्ति कप्पियभावगतं, पब्बजितपुब्बन्ति अत्थो ।

६८५. पाळियं बुद्धापेतीति उपसम्पादेति । अकप्पगतम्पि पब्बाजेन्तिया दुक्कटन्ति वदन्ति । खीणासवायपि आपज्जितब्बतो “तिचित्त”न्ति वुत्तं । चोरिता, तं जत्वा अननुज्जातकारणा बुद्धापनन्ति द्वे अङ्गानि ।

दुतियसङ्गादिसेससिक्खापदवण्णना निड्डिता ।

### ३. ततियसङ्गादिसेससिक्खापदवण्णना

६९२. ततिये परिकखेपं अतिक्रामेन्तियाति गामन्तरस्स परिकखेपं अतिक्रामेन्तिया । “गामन्तरं गच्छेय्या”ति हि वुत्तं । विकालगामप्पवेसनसिक्खापदे विय “अपरिक्खितस्स उपचारं ओक्कमन्तिया”ति अवत्वा “अतिक्रामेन्तिया”ति पाळियं वुत्तत्ता गामं पविसन्तिया घरूपचारे ठितस्स दुतियलेड्डुपातसङ्घातस्स उपचारस्स अतिक्रमो नाम पठमलेड्डुपातड्डानसङ्घातस्स परिकखेपारहड्डानस्स अतिक्रमो एवाति आह “परिकखेपारहड्डानं एकेन पादेन अतिक्रमती”ति ।

मज्जेति गाममज्जे । पच्छाति अपरकाले । “चतुगामसाधारणत्ता”ति इमिना विहारतो चतूसु गामेसु यत्थ कत्थचि पविसितुं वट्टतीति एत्थ कारणमाह ।

परतीरमेव अक्कमन्तियाति नदिं अनोतरित्वा ओरिमतीरतो लङ्घित्वा वा आकासादिना वा परतीरमेव अतिक्रामेन्तिया । ओरिमतीरमेव आगच्छति, आपत्तीति पारगमनाय ओतिण्णत्ता वुत्तं ।

तादिसे अरज्जेति इन्द्रखीलतो बहिभावलक्खणे अरज्जे । “तेनेवा”तिआदिना दस्सनुपचारे विरहिते सवन्नुपचारस्स विज्जमानत्तेपि आपत्ति होतीति दस्सेति । अज्जं मग्गं गण्हातीति मग्गमूळत्ता गण्हाति, न दुतियिकं ओहियितुं । तस्मा अनापत्ति । अनन्तरायेन एकभावो, अनापदाय गामन्तरगमनादीसु एकन्ति द्वे अङ्गानि ।

ततियसङ्गादिसेससिक्खापदवण्णना निड्डिता ।

### ४. चतुत्थसङ्गादिसेससिक्खापदवण्णना

६९४. चतुत्थे कारकगणस्साति इमस्स कम्मं कातब्बन्ति येहि सन्निट्ठानं कत्तं, ते सन्धाय वुत्तं । कम्मवाचक्खणे सहठितेति केचि । नेत्थारवत्तेति नित्थरणहेतुम्हि वत्ते ।

६९८. पाळियं असन्ने कारकसङ्केति एत्थ विज्जमानं सुदूरम्पि गत्त्वा आपुच्छितब्बं । अन्तराये पन सति सम्मा वत्तन्तं ओसारेतुं वट्टतीति । धम्मकम्मेन उक्खितत्ता, अननुज्जातकारणा ओसारणन्ति द्वे अङ्गानि ।

चतुत्थसङ्गादिसेससिक्खापदवण्णना निड्डिता ।

### ५. पञ्चमसङ्गादिसेससिक्खापदवण्णना

७०१. पञ्चमे तन्ति महाअट्टकथायं अवचनं “अनवस्सुतोति जानन्ती पटिगण्हाती”तिआदि पाळिया समेति । उभतो अवस्सुतभावो, उदकदन्तपोनतो अज्जं सहत्था गहेत्वा अज्जोहरणन्ति द्वे अङ्गानि ।

पञ्चमसङ्गादिसेससिक्खापदवण्णना निड्डिता ।

### ६. छट्ठसङ्गादिसेससिक्खापदवण्णना

७०५. छट्ठे पटिग्गहो तेन न विज्जतीति तेनेव “न देती”ति वुत्तकारणेन उय्योजिताय हत्थतो इतराय पटिग्गहोपि नत्थि । परिभोगपच्चयाति उय्योजिताय भोजनपरियोसानपच्चयाति अत्थो । मनुस्सपुरिसस्स अवस्सुतता, तं जत्वा अननुज्जातकारणा उय्योजना, तेन इतरिस्सा गहेत्वा भोजनपरियोसानन्ति तीणि अङ्गानि ।

छट्ठसङ्गादिसेससिक्खापदवण्णना निड्डिता ।

७०९-७२७. सत्तमतो यावदसमपरियोसानानि उत्तानानेव ।

सङ्गादिसेसवण्णनानयो निड्डितो ।

## ३. निस्सगियकण्डं

### २. दुतियनिस्सगियादिपाचित्तियसिक्खापदवण्णना

७३३. निस्सगियेसुपि पठमं उत्तानमेव ।

७४०. दुतिये अय्याय दम्मीति एवं पटिलद्धन्ति निस्सट्ठपटिलद्धं, निस्सट्ठं पटिलभित्त्वापि यं उद्दिस्स दायकेहि दिन्तं, तत्थेव दातब्बं । तेनाह “यथादानेयेव उपनेतब्ब”न्ति । अकालचीवरता, तं जत्वा कालचीवरन्ति लेसेन भाजापनं, पटिलाभोति तीणि अङ्गानि ।

७४३. ततिये मेतन्ति ममेवेतं चीवरं । उपसम्पन्ता, परिवत्तितविकप्पनुपगचीवरस्स सकसज्जाय अच्छिन्दनादीति द्वे अङ्गानि ।

७४८-७५२. चतुत्थे आहटसप्पिं दत्त्वाति अत्तनो दत्त्वा । यमकं पचित्तब्बन्ति सप्पिज्ज तेलज्ज एकतो पचित्तब्बं । लेसेन गहेतुकामता, अज्जस्स विज्जत्ति, पटिलाभोति तीणि अङ्गानि ।

७५३. पञ्चमे साति थुल्लनन्दा । अयन्ति सिक्खमाना । चेतापेत्वाति जानापेत्वाति इध वुत्तं, मातिकाडुकथायं पन “अत्तनो कप्पियभण्डेन ‘इदं नाम आहरा’ति अज्जं परिवत्तापेत्वा”ति (कङ्कां अड्डं अज्जचेतापनसिक्खापदवण्णना) वुत्तं ।

७५८. छट्ठे पावारिकस्साति दुस्सवाणिजकस्स ।

७६४. सत्तमे सज्जाचितकेनाति सयं याचितकेनपीति अत्थो ।

७६९-७८९. अट्टमतो यावद्वादसमा उत्तानमेव ।

निस्सगियवण्णनानयो निडित्तो ।

## ४. पाचित्तियकण्डं

### १. लसुणवग्गो

#### १. पठमलसुणादिसिक्खापदवण्णना

७९७. पाचित्तियेसु लसुणवग्गस्स पठमे **बदरसाळवं** नाम बदरफलानि सुक्खापेत्वा तेहि कत्तब्बव्यञ्जनविकत्ति । आमकमागधलसुणञ्चेव, अज्झोहरणञ्चाति द्वे अङ्गानि ।

७९९-८१२. दुतियादीनि उत्तानत्थानि ।

८१५. छट्ठे पाळियं **आसुम्भित्वा**ति पातेत्वा ।

८१७. **दधिमत्थू**ति दधिमि पसन्नोदकं । **रसखीरादी**नन्ति मंसरसखीरादीनं । भुञ्जन्तस्स भिक्खुनो हत्थपासे ठानं, पानीयस्स वा विधूपनस्स वा गहणन्ति द्वे अङ्गानि ।

८२२. सत्तमे **अविञ्जत्तिया** लद्धन्ति अत्तनो विञ्जत्तिं विना लद्धं । **पुब्बापरविरुद्ध**न्ति सयं करणे पाचित्तियन्ति इदं कारापने दुक्कटवचनेन विरुञ्जनं सन्धाय वुत्तं । तेनाह “**न ही**”तिआदि, “अविञ्जत्तिया लद्ध”न्तिआदिवचनेन वा विरुञ्जनं सन्धाय वुत्तं । अज्जाय विञ्जत्तिपि हि इमिस्सा अविञ्जत्तिया लद्धमेवाति । आमकधज्जविञ्जापनादि, तं भज्जनादिना अज्झोहरणन्ति द्वे अङ्गानि ।

८२४. अट्टमे **निब्बिडु**ति लद्धो । **केणी**ति रज्जो दातब्बो आयो, आयुप्पत्तिट्ठानन्ति अत्थो । तेनाह “**एकं ठानन्तर**”न्तिआदि । **ठानन्तर**न्ति च गामजनपदाणायत्तं । वळज्जियमानतिरोकुट्टादिता, अनपलोकेत्वा उच्चारादीनं छट्ठनादीति द्वे अङ्गानि ।

८३०. नवमे “**मत्थकच्छिन्ननाळिकेरम्पी**”ति वुत्तत्ता हरितूपरि छट्ठनमेव पटिक्खत्तं । तेनाह “**अनिक्खित्तबीजेसू**”तिआदि । यत्थ च छट्ठेतुं वट्ठति, तत्थ हरिते वच्चादिं कातुम्पि वट्ठति एव । **सब्बे**सन्ति भिक्खुभिक्खुनीनं ।

८३६-७. दसमे **तेसंयेवा**ति येसं निच्चं पस्सति । **आरामे ठत्वा**ति ठितनिसन्नद्वाने एव ठत्वा समन्ततो गीवं परिवत्तेत्वापि पस्सति, अनापत्ति । ठितद्वानतो गन्त्वा पस्सितुं न वट्ठति । केचि पन “वट्ठती”ति वदन्ति । तं पन “दस्सनाय गच्छेय्य, पाचित्तिय”न्ति सामज्जतो गमनस्स पटिक्खित्तत्ता, अनापत्तियम्पि गमनाय अवुत्तत्ता च न गहेतब्बं । नच्चादिता, अननुज्जातकारणा गमनं, दस्सनादि चाति तीणि अङ्गानि ।

निडित्तो लसुणवग्गो पठमो ।

### २. अन्धकारवग्गो

#### १. पठमादिसिक्खापदवण्णना

८४१. दुतियवग्गस्स पठमे **दाने वा**ति दाननिमित्तं । रत्तन्धकारे पुरिसस्स हत्थपासे ठानादि, रहोपेक्खा, सहायाभावोति तीणि अङ्गानि ।

८४२-८५०. दुतियादीनि उत्तानानि ।

८५४. पञ्चमे **पल्लङ्कस्स अनोकासे**ति ऊरुबद्धासनस्स अप्पहोने । पुरेभत्तं अन्तरधरे पल्लङ्कप्पहोनेकासेने निसज्जा, अननुज्जातकारणा अनापुच्छा वुत्तपरिच्छेदातिक्कमोति द्वे अङ्गानि ।

८६०-८७९. छट्ठादीनि उत्तानानि ।

निडित्तो अन्धकारवग्गो दुतियो ।

### ३. नग्गवग्गो

#### १. पठमादिसिक्खापदवण्णना

८८३-८८७. ततियवग्गस्स पठमदुतियानि उत्तानानि ।

८९३. ततिये **विसिब्बेत्वा**ति विजटेत्वा । **धुरं निक्खित्तमत्ते**ति विसिब्बनदिवसतो पञ्च दिवसे अतिक्कामेत्वा धुरं निक्खित्तमत्ते । अन्तोपज्जाहे पन धुरनिक्खेपेपि अनापत्ति एव “अज्जत्र चतुहपञ्चाहा”ति वुत्तत्ता । उपसम्पन्नाय चीवरं सिब्बनत्थाय विसिब्बेत्वा पञ्चाहातिक्कमो, अननुज्जातकारणा धुरनिक्खेपोति द्वे अङ्गानि ।

९००. चतुत्थे पञ्चन्नं चीवरानं अपरिवत्तनं, अननुज्जातकारणा पञ्चाहातिक्कमोति द्वे अङ्गानि ।

९०३. पञ्चमं उत्तानमेव ।

९०९. छट्ठे विकप्पनुपगास्स सङ्गे परिणतता, विना आनिसंसदस्सनेन अन्तरायकरणन्ति द्वे अङ्गानि ।

९११. सत्तमं उत्तानमेव ।

९१६. अट्टमे **कुम्भथूण** नाम कुम्भसद्दो, तेन कीळन्तीति **कुम्भथूणिका** । तेनाह “**घटकेन कीळनका**”ति । **दीधनिकायट्ठकथायं** पन “चतुरस्स अम्बणकताळ”न्ति वुत्तं । तज्जि रुक्खसारादिमयं अन्तोछिदं चतूसु पस्सेसु चम्भोनेद्धं वादितभण्डं, यं “**बिम्बिसक**”न्तिपि वुच्चति, तं वादेन्तापि कुम्भथूणिका । तेनाह “**बिम्बिसकवादितकातिपि वदन्ती**”ति ।

११८. पाळियं कप्पकतन्ति कप्पकतं निवासनपारुपनूपगं । समणचीवरता, अननुज्जातानं दानन्ति द्वे अङ्गानि ।

१२१-१३१. नवमदसमानि उत्तानानेव ।

निद्रितो नग्गवग्गो ततियो ।

४. तुवट्टवग्गो

१०. दसमसिक्खापदवण्णना

१७६. तुवट्टवग्गस्स दसमे चारिकाय अपक्कमनं पण्णत्तिवज्जमेव । पण्णत्तिविजाननचित्तेन सचित्तकतं सन्धाय पनेत्थ “लोकवज्ज”न्ति दट्टब्बं । सेसं सब्बत्थ उत्तानमेव ।

निद्रितो तुवट्टवग्गो चतुत्थो ।

५. चित्तागारवग्गो

१. पठमादिसिक्खापदवण्णना

१७८. चित्तागारवग्गस्स पठमे पाटेक्का आपत्तिवोति गीवाय परिवत्तनप्पयोगगणनाय ।

१०१५. नवमे हत्थिआदीसु सिप्प-सहो पच्चेकं योजेतब्बो, तथा आथब्बणादीसु मन्त-सहो । तत्थ आथब्बणमन्तो नाम आथब्बणवेदविहितो परुपघातकरो मन्तो । खीलनमन्तो नाम वेरिमरणत्थाय सारदारुमयं खीलं मन्तेत्वा पथवियं आकोटनमन्तो । अगदप्पयोगो विसप्पयोजनं । नागमण्डलन्ति सप्पानं पवेसनिवारणत्थं मण्डलबन्धमन्तो । सेसं सब्बत्थ उत्तानमेव ।

निद्रितो चित्तागारवग्गो पञ्चमो ।

१०२५-१११६. आरामवग्गो, गम्भिनिवग्गो च सब्बं उत्तानमेव ।

८. कुमारिभूतवग्गो

१. पठमादिसिक्खापदवण्णना

१११९. अट्टमवग्गस्स पठमे सब्बपठमा द्वे महासिक्खमानाति गम्भिनिवग्गो (पाचिं १०६७ आदयो) सब्बपठमं वुत्ता द्वे । सिक्खमाना इच्चेव वत्तब्बाति सम्मुतिकम्मादीसु अज्जथा वुत्ते कम्मं कुप्पतीति अधिप्पायो ।

११६७. एकादसमे पारिवासियेन छन्ददानेनाति परिवुत्थेन नविकप्पवुत्थेन विगतेन छन्ददानेनाति अत्थो, छन्दविस्सज्जनमत्तेन वा ।

११६८. “वुट्ठिताया”ति एतेन “इदानि कम्मं न करिस्सामा”ति धुरं निक्खिपित्वा कायेन अवुट्ठिहत्वा निसिन्नायपि परिसाय कम्मं कातुं न वट्ठतीति दस्सेति । तेनाह “छन्दं अविस्सज्जेत्वा अवुट्ठिताया”ति । पाळियं पन “अनापत्ति अवुट्ठिताय परिसाया”ति सामज्जतो वुत्तत्ता, उपोसथक्खन्धके च “न, भिक्खवे, पारिवासिकपारिसुद्धिदानेन उपोसथो कातब्बो अज्जत्र अवुट्ठिताय परिसाया”ति (महाव० १८३) वुत्तत्ता, तदट्ठकथायमि “पारिवासियपारिसुद्धिदानं नाम परिसाय वुट्ठितकालतो पट्ठाया न वट्ठति, अवुट्ठिताय पन वट्ठती”ति (महाव० अट्ठ० १८३) वुत्तत्ता च “कम्मं न करिस्सामी”ति धुरं निक्खिपित्वा निसिन्नायपि कम्मं कातुं वट्ठतीति गहेतब्बं । सेसं उत्तानमेव ।

निद्रितो कुमारिभूतवग्गो अट्ठमो ।

११८१. छत्तवग्गो उत्तानो एव ।

खुट्ठकवण्णनानयो निद्रितो ।

५. पाटिदेसनीयकण्डं

पाटिदेसनीयसिक्खापदवण्णना

१२२८. पाटिदेसनीयादीसु पाळिविनिमुत्तकेसूति पाळियं अनागतेसु सप्पिआदीसु ।

सत्ताधिकरणव्हाति सत्ताधिकरणसमथनामका । तं अत्थविनिच्छयं तादिसंयेव यस्मा विदू वदन्तीति अत्थो । यथा निद्रिताति सम्बन्धो । सब्बासवपहन्ति सब्बासवविघातकं अरहत्तमगं । पस्सन्तु निब्बुतिन्ति मग्गाणेन निब्बानं सच्छिकरोन्तु, पप्पोन्तूति वा पाठो । तत्थ निब्बुतिन्ति खन्धपरिनिब्बानं गहेतब्बं ।

इति समन्तपासादिकाय विनयट्ठकथाय विमर्तिविनोदनियं

भिक्खुनीविभङ्गवण्णनानयो निद्रितो ।

उभतोविभङ्गट्ठकथावण्णना निद्रिता ।

॥ नमो तस्स भगवतो अरहतो सम्मासम्बुद्धस्स ॥

महावग्गवण्णना

## १. महाखन्धको

### बोधिकथावर्णना

महावगगे उभिन्नं पातिमोक्खानन्ति उभिन्नं पातिमोक्खविभङ्गानं । यं खन्धकं सङ्घायिसूति सम्बन्धो । खन्धानं समूहो, खन्धानं वा पकासनतो **खन्धको** । **खन्धा**ति चेत्थ पब्बज्जादिचारित्तवारित्तसिक्खापदपञ्जत्तिसमूहो अधिप्येत्तो । पदभाजनीये येसं पदानं अत्था येहि अट्टकथानयेहि पकासिताति योजना । अथ वा ये अत्थाति योजेतब्बं । हि-सद्दो चेत्थ पदपूर्णे दट्ठब्बो ।

१. **विसेसकारण**न्ति “येन समयेन आयस्मतो सारिपुत्तयेरस्स सिक्खापदपञ्जत्तियाचनहेतुभूतो परिवितक्को उदपादि, तेन समयेना”तिआदिना वृत्तकारणं विय विसेसकारणं भुम्मवचननिवत्तनककारणन्ति अत्थो । **एतस्सा**ति अभिसम्बोधिं पट्टाय सत्थु चरियाविभावनस्स विनयपञ्जत्तियं किं पयोजनं? यदि विसेसकारणं नत्थीति अधिप्पायो । निदानदस्सनं पयोजनन्ति योजना । **निदान**न्तिचेत्थ सिक्खापदपञ्जत्तिहेतुभूतं वत्थुपुग्गलादिकारणं अधिप्येत्तं, न पञ्जत्तिट्ठानमेव । तेनाह “**या ही**”तिआदि ।

**उरुवेलाय**न्ति एत्थ **उरु**-सद्दो महन्तवाची । **वेला**-सद्दो तीरपरियायो । उन्नतत्तादिना वेला विय वेला । उरु महन्ती वेला उरुवेला, तस्सं । तेनाह “**महावेलाय**”न्तिआदि । **मरियादा**ति सीलादिगुणसीमा । **पत्तपुटेना**ति तालादीनं पण्णपुटेन ।

“पठमाभिसम्बुद्धो”ति अनुनासिकलोपेनायं निद्देशोति आह “**पठमं अभिसम्बुद्धो**”ति । **पठम**न्ति च भावनपुंसकनिद्देशो । तस्मा अभिसम्बुद्धो हुत्वा सब्बपठमं बोधिरुक्खमूले विहरतीति योजना दट्ठब्बा ।

पाळियं **अथ खो**ति एत्थ **अथा**ति एतस्मिं समयेति अत्थो अनेकत्थत्ता निपातानं । **सत्ताह**न्ति अच्चन्तसंयोगे एतं उपयोगवचनं । **अथ खो**ति अधिकारन्तरदस्सनं निपातो । तेन विमुत्तिसुखपटिसंवेदनं पहाय पटिच्चसमुप्पादमनसिकारे अधिकतभावं दस्सेति । **पटिच्चा**ति पटिमुखं गन्त्वा, अञ्जमञ्जं अपेक्खित्वाति अत्थो । एतेन कारणबहुता दस्सिता । **सहिते**ति कारियबहुता । **अनुलोम**न्ति भावनपुंसकनिद्देशो । **स्वेवा**ति सो एव पच्चयाकारो । **पुरिमनयेन वा वुत्तो**ति “अविज्जापच्चया सङ्घारा”तिआदिना नयेन वुत्तो पच्चयाकारो । **पवत्तिया**ति संसारपवत्तिया ।

पाळियं “**अविज्जापच्चया**”तिआदीसु दुक्खादीसु अज्जाणं **अविज्जा** । लोकियकुसलाकुसलचेतना **सङ्घारा** । लोकियविपाकमेव **विज्जाणं** । लोकियवेदनादिकखन्धत्तयं **नामं**, भूतुपादायभेदं **रूपं** । पसादविज्जाणभेदं **सञ्जायतनं** । विपाकभूतो सब्बो **फस्सो**, वेदना च । रागो **तण्हा** । बलवरागो, ति विधा च दिट्ठि **उपादानं** । **भवो** पन दुविधो कम्मभवो, उपपत्तिभवो च । तत्थ **कम्मभवो** सासवकुसलाकुसलचेतनाव, **उपपत्तिभवो** उपादिन्नककखन्धा । तेसं उपपत्ति **जाति** । पाको **जरा** । भेदो **मरणं** । ते एव निस्साय सोचनं **सोको** । कन्दनं **परिदेवो** । **दुक्खं** कायिकं । **दोमनस्सं** चेतसिकं । अतिविय सोको **उपायासो** ।

पच्चेकञ्च **सम्भवति**-सद्दो योजेतब्बो । तेनाह “**इमिना नयेना**”तिआदि । “**दुक्खरासिस्सा**”ति इमिना न सत्तस्स । नापि सुभसुखादीनन्ति दस्सेति ।

**हवेति** ब्यत्तन्ति इमस्मिं अत्थे निपातो । “**अनुलोमपच्चयाकारपटिवेधसाधका बोधिपक्खियधम्मा**”ति इदं पठमवारे किञ्चापि “अविज्जायत्वेव असेसविरागनिरोधा”तिआदिना पटिलोमपच्चयाकारोपि आगतो, तथापि “यतो पजानाति सहेतुधम्म”न्ति अनुलोमपच्चयाकारपटिवेधस्सेव कारणत्तेन वृत्तन्ति । यथा चेत्थ, एवं दुतियवारेपि “यतो खयं पच्चयानं अवेदी”ति गाथाय वृत्तत्ता “पच्चयानं खयसङ्घात”न्तिआदि वृत्तन्ति वेदितब्बं । **नो कल्लो पण्हो**ति अयुत्तो न ब्याकातब्बो, अविज्जमानं अत्तानं सिद्धं कत्वा “को फुसती”ति तस्स किरियाय पुट्ठा “को वज्झापुत्तो फुसती”तिआदि वियाति अधिप्पायो । **सोळस कङ्का**ति “अहोसि नु खो अहमतीतमद्धानं, ननु खो अहोसि, किं नु खो अहोसि, कथं नु खो अहोसि, किं हुत्वा किं अहोसि नु खो अहमतीतमद्धानं, भविस्सामि नु खो अहं अनागतमद्धानं, ननु खो भविस्सामि, किं नु खो भविस्सामि, कथं नु खो भविस्सामि, किं हुत्वा किं भविस्सामि नु खो अहं अनागतमद्धानं, अहं नु खोस्मि, नो नु खोस्मि, किं नु खोस्मि, कथं नु खोस्मि, अयं नु खो सत्तो कुतो आगतो, सो कुहिं गामी भविस्सती”ति (म० नि० १.१८; सं० नि० २.२०) एवं आगता अतीते पञ्च, अनागते पञ्च, पच्चुप्पन्ने छाति सोळसविधा कङ्का ।

तत्थ किं **नु खो**ति मनुस्सदेवादीसु, खत्तियादीसु वा अज्जतरं निस्साय कङ्काति । **कथं नु खो**ति पन सण्ठानाकारादीसु इस्सरादिजनकं, कारणं वा निस्साय । **किं हुत्वा किं अहोसिन्ति** च मनुस्सादीसु पठमं किं हुत्वा पच्छा किं अहोसिन्ति कङ्काति । **अहं नु खोस्मी**तिआदि इदानि अत्तनो विज्जमानाविज्जमानतं, सरूपपकारादिकञ्च कङ्काति । **वपयन्ती**ति विअपयन्ति ब्यपगच्छन्ति । तेनाह “**अपगच्छन्ति निरुज्झन्ती**”ति ।

३. **तस्स वसेना**ति तस्स पच्चयाकारपजाननस्स, पच्चयकखयाधिगमस्स च वसेन । **एकेकमेव कोट्टासिन्ति** अनुलोमपटिलोमतो एकेकमेव कोट्टासं । **पाटिपदरत्तिया एवं मनसाकासी**ति रत्तिया तीसुपि यामेसु एवं इध खन्धकपाळिया आगतनयेन अनुलोमपटिलोमयेव मनसाकासि ।

### अजपालकथावर्णना

४. तस्स **सत्ताहस्स अच्चयेना**ति पल्लङ्कसत्ताहस्स अपगमनेन । **तम्हा समाधिम्हा**ति अरहतफलसमापत्तिसमाधिम्हा । अन्तरन्तरा एव हि पच्चयाकारमनसिकारो । अवसेसकालं पन सब्बं भगवा फलसमापत्तियापि वीतिनामेसि । तं सन्धाय “**तम्हा समाधिम्हा**”ति वुत्तं । **रतनचङ्कमे**ति भगवतो चिरं ठितस्स चङ्कमनाधिप्पायं जत्वा देवताहि मापिते रतनचङ्कमे । **रतनघरन्ति** भगवतो निसीदनाधिप्पायं जत्वा देवताहि मापितं रतनमयं गेहं ।

**तत्रापि**ति न केवलं रतनघरेयेव । तत्रापि अजपालनिग्रोधमूलेपि अभिधम्मं विचिन्ततो एव अन्तरन्तरा विमुत्तिसुखं पटिसंवेदेन्तीति अत्थो । तथापि हि अनन्तनयसमन्तपट्टानं सम्मसतो सम्मासम्बुद्धस्स पीतिसमुट्ठिता छब्बण्णा बुद्धरस्मियो रतनघरे विय निच्छरिंसु एव । “**हुंहुं**”न्ति करोन्तीति “सब्बे हीनजातिका मं मा उपगच्छन्तू”ति मानवसेन, समीपं उपगतेसु कोधवसेन च “अपेथा”ति अधिप्पायनिच्छारितं हुंहुंकारं करोन्तीति ।

**ब्रह्मज्जन्ति** ब्राह्मणत्तं । **अन्तन्ति** निब्बानं । **देवानं वा अन्तन्ति** मग्गजाणानं वा अन्तभूतं अरहतफलं ।

### मुचलिनदकथावर्णना

५. **मुचलिन**दमूलेति एत्थ च **मुचलिन**दो वुच्चति नीपरुक्खो, यो “निचुलो”तिपि वुच्चति । **उप्पन्नमेधो**ति सकलचक्कवाळगम्भं पूरेत्वा उप्पन्नो महामेधो । **वदलिका**ति वुड्डिया एव इत्थिलिङ्गवसेन नामं । या च सत्ताहं पवत्तत्ता सत्ताहवदलिकाति वृत्ताति आह “**सत्ताहं अविच्छिन्नवुड्डिका अहोसी**”ति । सीतवातेन दूस्सितं दिनमेतिस्सा वदलिकायाति सीतवातदुद्दिनीति आह “**उदकफुसितसम्मिस्सेना**”तिआदि । उब्बिद्धता नाम दूरभावेन उपट्टानन्ति आह “**मेघविगमेन दूरीभूत**”न्ति । इन्दनीलमणि विय दिब्बति जोतेतीति **देवो**, आकासो ।

**एतमत्थं विदित्वा**ति विवेकस्स सुखभावं विदित्वा । सब्बसो असन्तुट्ठिसमुच्छेदकत्ता मग्गजाणानं “**चतुमग्गजाणसन्तोसेना**”ति वुत्तं । **अकुप्पनभावो**ति अकुप्पनसभावो ।

### राजायतनकथावर्णना

६. पञ्चग्वेति अभिनवे। अयमेव अत्थो पसत्थो, न पुरिमो। न हि बुद्धा महग्वं पत्तं परिभुञ्जन्ति।

#### ब्रह्मयाचनकथावण्णना

७. आलीयन्ति सेवीयन्तीति आलया। पञ्च कामगुणाति आह “सत्ता... पे... वुच्चन्ती”ति। सुद्धु मुदिताति अतिविय पमुदिता। ठानं सन्धायाति ठान-सहं अपेक्खित्वा। इमेसन्ति सङ्घारादीनं फलानं। पाळियं सब्बसङ्खारसमथोतिआदीनि निब्बानवेवचनानि। अपिस्सूति सम्पिण्डनत्थे निपातो। न केवलं एतदहोसि, इमापि गाथा पटिभंसूति अत्थो।

किञ्चेन मे अधिगतन्ति पारमिपूरणं सन्धाय वुत्तं, न दुक्खापटिपदं। बुद्धानज्झि चत्तारो मग्गा सुखापटिपदाव होन्ति। ह-इति ब्यत्तं, एकंसन्ति द्वीसु अत्थेसु निपातो, ब्यत्तं, एकंसेन वा अलन्ति वियोजेन्ति। हलन्ति वा एको निपातो।

८. पाळियं सहम्पतिस्साति सो किर कस्सपस्स भगवतो सासने सहको नाम थेरो पठमज्झानभूमियं ब्रह्मपति हुत्वा निब्बत्तो, तेन नं “सहम्पती”ति सज्जानिंसु। अस्सवनताति अस्सवनताय, अस्सवनेनाति अत्थो। सवनमेव हि सवनता यथा देवताति।

धम्मो असुद्धोति मिच्छादिद्विधम्मो। समलेहीति पूरणकस्सपादीहि छहि सत्थारोहि। अपापुराति देसनाहत्थेन विवर। द्वारन्ति अरियमग्गं सन्धाय वदति।

सेलेति घनसिलामये। तथूपमन्ति एत्थ तथा-सहो तं-सदत्थे दट्टब्बो। तेन सो सेलपब्बतो उपमा यस्स। तं तथूपमन्ति अत्थो। तेन वा पब्बतादिना पकारेन उपमा अस्सातिपि अत्थो। धम्ममयन्ति लोक्कुत्तरधम्मभूतं। उट्टाहीति धम्मदेसनत्थाय चारिकचरणत्थं इमम्हा आसना कायेन, अप्पोस्सुक्कभावतो वा चित्तेन उट्टेहि, अयमेव वा पाठो। तेनेव “विचर, देसस्सू”ति दुविधेपि कायचित्तपयोगे नियोजेसि। वीरातिआदि चत्तारि थुतिवसेन सम्बोधनानि।

९. बुद्धचक्खुनाति इन्द्रियपरोपरियत्तजाणेन, आसयानुसयजाणेन च। इमेसज्झि द्विन् “बुद्धचक्खू”ति नामं। स्वाकाराति सङ्घिन्द्रियादयोव आकारा सुन्दरा येसं, ते स्वाकारा, सुविज्जापया, परलोकज्ज वज्जज्ज भयतो दस्सनसीला चाति दट्टब्बं। उपलानि एत्थ सन्तीति उप्पलिनीति गच्छलतापि पोक्खरणीपि वुच्चति। इध पन पोक्खरणी। एवमितरेसुपि। उदकानुग्गतानीति उदकतो अनुग्गतानि। अन्तो निमुग्गानेव हुत्वा पुसन्ति वड्ढन्ति, तानि अन्तोनिमुग्गपोसीनि। अच्युग्गम्माति उदकं अतिककमनवसेन उग्गन्त्वा।

अपारुताति विवटा। तेसन्ति सउपनिस्सयानं सत्तानं। द्वाराति अरियमग्गद्वारानि। इदज्ज अत्तनो सयम्भुजाणेन सउपनिस्सयानं तेसं मग्गुप्पत्तिदिट्ठतं सन्धाय वदति। विहिंससज्जीतिआदीसु एवमत्थो दट्टब्बो — “अहज्झि अत्तनो पणुणं सुप्पवत्तितम्पि इमं पणीतं धम्मं अजानन्तेसु मनुजेसु देसनाय विहिंसा कायवाचाकिलमथो होती”ति एवं विहिंससज्जी हुत्वा न भासिं भासितुं न इच्छिं। इदानी पन हेतुसम्पन्ना अत्तनो सद्भाभाजनं विवरन्तु, पूरेस्सामि नेसं सङ्कप्पन्ति।

#### पञ्चवगियकथावण्णना

१०. आळारोति नामं। कालामोति गोतं। भगवतोपि खो जाणं उदपादीति किं इदानेव उदपादि, ननु बोधिमूले तैकालिका, कालविनिमुत्ता च सब्बे धम्मा सब्बाकारतो दिट्ठाति? सच्चं दिट्ठा, तथापि नामादिवसेन अविकम्पिता एकाचित्तक्खणिक्ता सब्बज्जुतज्जाणस्स। न हि एकेन चित्तेन सब्बधम्मानं नामजातिआदिकं पच्चकं अनन्तं विभागं विकप्पेतुं सक्का विकप्पानं विरुद्धानं सहानुप्पत्तितो, सब्बविकप्पारहधम्मदस्सनमेव पनानेन सक्का कातुं। यथा दिट्ठेसु पन यथिच्छिताकारं आरब्ध विकप्पो उप्पज्जति चक्खुविज्जाणेन दिट्ठे चित्तपटे विय। इधापि आळारं निस्साय आवज्जनानन्तरमेव सब्बाकारजाणं उदपादि। न केवलज्ज तं, अथ खो पञ्चवगिया एव पठमं धम्मं जानिस्सन्ति, तप्पमुखा च देवता, आळारो कालं कत्वा आकिज्जज्जायतने, उदको च नेवसज्जानासज्जायतने निब्बत्तोति एवमादिकं सब्बमि निस्साय जाणं उप्पज्जति एव। तं पन खणसम्पत्तिया दुल्लभभावं दस्सेतुं कमेन ओलोकेत्वा देवताय वुत्ते जाणं विय कत्वा वुत्तं। सहगतिया हि बन्धता एकेन जाणेन जातम्पि वुच्चमानं कमेन जातं विय पटिभाति, देवतापि च भगवता जातमेवत्थं आरोचेसि। तेनेव “भगवतोपि खो जाणं उदपादी”ति वुत्तन्ति दट्टब्बं। एवमज्जत्थापि ईदिसेसु “त्तोक्कं वोलोकेन्तो असुकं अहस, तत्थ मयि गते किं भविस्सती”ति एवमादिना सत्थु हितेसितासन्दस्सनवसप्पवत्तेसु। सब्बत्थ वचनगतिं कमवुत्तिते पज्जायमानेपि एकेनेव जाणेन सकलावबोधो वेदितब्बो। बहुकारा खो मे पञ्चवगियाति उपकारस्सापि विज्जमानतं सन्धाय वुत्तं, न पन धम्मदेसनाय कारणत्तेन अनुपकारानम्पि देसनतो।

११. अन्तरा च गयं अन्तरा च बोधिन्ति गयय, बोधिस्स च अन्तरे तिगावुते ठाने।

सब्बाभिभूति सब्बं तेभूमकधम्मं अभिभवित्वा ठितो। अनूपलित्तोति किलेसलेपेन अलितो। ततो एव सब्बज्जहो। तण्हक्खये विमुत्तोति तण्हक्खये निब्बाने आरम्भणकरणवसएन विमुत्तो। एवं सयं सब्बधम्मे अत्तनाव जानित्वा। कमुहिसेय्यन्ति कं अज्जं “अयं मे आचरियो”ति उद्दिसेय्यं।

कासिनं पुरन्ति बारारणिं। आहज्झन्ति आहनिस्सामि। अमताधिगमाय उग्घोसनतो अमतदुन्दुभिन्ति सत्थु धम्मदेसना वुत्ता, “अमतभेरिं पहरिस्सामी”ति गच्छामीति अत्थो।

अरहसि अनन्तजिनोति अनन्तजिनोपि भवितुं युत्तोति अत्थो। अनन्तजाणताय अनन्तो जिनो च, अनन्तेन वा जाणेन, अनन्तं वा दोसं जितवा, उप्पादवयन्तरहितताय वा अनन्तं निब्बानं अजिनि किलेसारयो महित्वा गण्हीतिपि अनन्तजिनो।

हुपेय्यापीति एवम्पि भवेय्य, एवविधे रूपकायरतने ईदिसेन जाणेन भवितव्वन्ति अधिप्पायो। एवं नाम कथनज्झिस्स उपनिस्सयसम्पन्नस्स अपरकाले दुक्खप्पत्तस्स भगवन्तं उपगम्म पब्बजित्वा मग्गफलपटिवेधाय पच्चयो जातो। तथाहेस भगवा तेन समागमत्थं पदसाव मग्गं पटिपज्जि।

१२. बाहुल्लिकोति पच्चयबाहुल्लिको। पधानविब्भन्तोति पधानतो दुक्करचरणतो परिहीनो। नत्थि एत्थ अगारियं, अगारस्स हितं कसिगोरक्खादिकम्पन्ति अगारिया, पब्बज्जा, तं अनगारियं। पब्बजन्तीति उपगच्छन्ति। तदनुत्तरन्ति तं अनुत्तरं। ब्रह्मचरियपरियोसानन्ति मग्गब्रह्मचरियस्स परियोसानं, अरहत्तफलन्ति अत्थो। तस्स हि अत्थाय कुलपुत्ता पब्बजन्ति। दिट्ठेव धम्मेति इमस्मिं पच्चक्खे अत्तभावे। सयन्ति अपरपच्चया। अभिज्जा सच्छिक्त्वाति अत्तनोव जाणेन पच्चक्खं कत्वा। उपसम्पज्जाति पापुणित्वा।

इरियायाति दुक्करइरियाय। उत्तरिमनुस्सधम्मातिआदीसु मनुस्सधम्मतो लोकियजाणतो उपरि अरियं कातुं अलं समत्थो अलमरियो। जाणदस्सनविसेसोति सब्बज्जुतज्जाणस्स पुब्बभागं अधिप्पेतं। नोति नु। भासितमेतन्ति एवरूपमेतं वाक्यभेदन्ति अत्थो। ते च “यदि एस पधानकाले ‘अहं अरहा’ति वदेय्य, मयज्ज सहहाम, न चानेन तदा वुत्तं। इदानी पन विज्जमानमेव गुणं वदती”ति एकपदेन सति लभित्वा “बुद्धो जातो”ति उप्पन्नागरवा आवुसोवादं पहाय “नो हेतं, भन्ते”ति आहंसु। अज्जा चित्तन्ति अज्जाय अरहत्तप्पत्तिया चित्तं।

१३. अन्ताति कोट्टासा द्वे भागा। कामेसु कामसुखल्लिकानुयोगोति वत्थुकामेसु किलेसकामसुखस्स अनुभवो। किलेसकामा एव वा आमिससुखेन अल्लीयनतो कामसुखल्लिकाति वुत्ताति दट्टब्बा। गम्पोति गामवासीनं सन्तको। अत्तकिलमथानुयोगोति अत्तनो किलमथस्स कण्टकसेय्यादिदुक्खस्स अनुयोगो। उभो अन्तेति यथावुत्ते लोभो वा सस्सतो वा एको अन्तो, दोसो वा उच्छेदो वा एकोति वेदितब्बो।

चक्खुकरणीतिआदीसु अत्तना सम्पयुत्तजाणचक्खुं करोतीति चक्खुकरणी। दूतियं तस्सेव वेवचनं। उपसमोति किलेसुपसमो। अभिज्जा, सम्बोधो च चतुसच्चपटिवेधोव। निब्बानं असङ्गतधातु।

एतेस्मि अत्थाय संवत्ततीति पटिपदं थोमेति । **सम्मादिट्ठी**ति जाणं । **सम्मासङ्कप्पो**ति वितक्को । सेसं धम्मतो सुविज्जेय्यमेव ।

१४. एवं चत्तारोपि मग्गे एकतो दस्सेत्वा इदानीं तेहि मग्गेहि पटिविज्जितब्बानि चत्तारि अरियसच्चाणि दस्सेत्तुं “**इदं खो पन, भिक्खवे**”ति आदिमाह । **जातिपि दुक्खा**ति आदीसु तत्थ तत्थ भवे निब्बत्तमानानं सत्तानं सब्बपठमं रूपारूपधम्मपवर्तित इध **जाति** नाम, सा च तत्थ तत्थ भवेसु उपलब्धमानानं दुक्खादीनं वत्थुभावतो **दुक्खा**, एवं जरादीसु दुक्खवत्थुकताय दुक्खता वेदितब्बा । पञ्चुपादानकञ्छा पन दुक्खदुक्खविपरिणामदुक्खसङ्कारदुक्खवसेन दुक्खा एव । **पोनोभविका**ति पुनर्भवकरणं पुनर्भवो उत्तरपदलोपेन, पुनर्भवो सीलमेतस्साति पोनोभविका । **नन्दिरागसहगता**ति एत्थ रूपादीसु नन्दति पियायतीति नन्दी, सा एव रागोति नन्दिरागोति भावप्पधानोयं निद्वेसो, नन्दिरागत्तन्ति अत्थो । तेन सहगतानि नन्दिरागसहगता । **तत्र तत्राति** तस्मिं तस्मिं भवे । रूपादीसु छसु आरम्भणसु कामस्सादनवसेन पवत्ता **कामतण्हा** नाम । सस्सतदिट्ठिया सह पवत्ता **भवतण्हा** । उच्छेददिट्ठिया सह पवत्ता **विभवतण्हा** । **असेसविरागनिरोधो**ति आदिना निब्बानमेव वुच्चति । तत्थ विरज्जनं विगमनं **विरागो** । निरुज्जनं **निरोधो** । उभयेनापि सुट्ठु विगमोव वुच्चति । असेसार्यपि तण्हाय विरागो, निरोधो च येन होति, सो **असेसविरागनिरोधो**, निब्बानमेव । यस्मा च तं आगम्भ तण्हं, वट्टञ्च चजन्ति पटिनिस्सज्जन्ति विमुच्चन्ति न अल्लीयन्ति, तस्मा **चागो पटिनिस्सग्गो मुत्ति अनालया**ति वुच्चति ।

१५. **चक्खु**न्ति आदीनि जाणवेवचनानेव ।

१६. **यावकीवज्जाति** यत्तकं कालं । **तिपरिवट्ठु**न्ति सच्चजाण, किच्चजाण, कतजाणसङ्घातानं तिण्णं परिवट्ठानं वसेन तिपरिवट्ठं जाणदस्सनं । एत्थ च “इदं दुक्खं अरियसच्चं, इदं दुक्खसमुदय”न्ति एवं चतुसु सच्चेषु यथाभूतजाणं **सच्चजाणं** नाम । तेसु एव “परिज्जेय्यं पहातब्बं सच्छिकातब्बं भावेतब्ब”न्ति एवं कतब्बकिच्चजाननजाणं **किच्चजाणं** नाम । “परिज्जातं पहीनं सच्छिकतं भावित”न्ति तस्स किच्चस्स कतभावजाननजाणं **कतजाणं** नाम । **द्वादसाकारन्ति** तेसमेव एकेकस्मिं सच्चे तिण्णं तिण्णं आकारानं वसेन द्वादसाकारं ।

**अभिसम्बुद्धोति पच्चज्जासिन्ति** अभिसम्बुद्धो अरहत्तं पत्तोति एवं न पटिजानि । **यतो च खोति** यतो बोधिमूले निस्सन्नकालतो पट्ठाय । **अथाहन्ति** ततो परं अहं । **जाणञ्च पन मेति** पच्चवेक्खणजाणं सन्धाय वदति । **अकुप्पा मेति** आदि तस्स पवत्तिआकारदस्सनं । तत्थ **अकुप्पा मे विमुत्तीति** अरहत्तफलं तस्स मग्गसङ्घातकारणतो च आरम्भणतो च अकुप्पता वेदितब्बा ।

**इमस्मिं पन वेय्याकरणस्मिन्ति** निग्गाथसुते । **भञ्जमानेति** भणियमाने । **धम्मचक्खु**न्ति इध चतुसच्चधम्मसु चक्खुकिच्चकरणतो सोतापत्तिमग्गो अधिपेतो । **यं किञ्चीति** आदि निब्बानारम्भणत्तेपि किच्चवसेन असम्मोहतो पवत्तिदस्सनत्थं वुत्तं ।

१७. **धम्मचक्कन्ति** पटिवेधजाणधम्मञ्चेव देसनाजाणधम्मञ्च पवत्तनट्टेन चक्कन्ति धम्मचक्कं । **ओभासोति** सब्बजुतज्जाणानुभावेन पवत्तो चित्तपच्चयउत्तुसमुद्धानो दससहस्सिलोकाधातुं फरित्वा टितो ओभासो ।

१८. दिट्ठो अरियसच्चधम्मो एतेनाति **दिट्ठधम्मो** । एस नयो सेसेसुपि । अत्तनो पच्चक्खतो अधिगतता न परं पच्चेति, परस्स सङ्गाय एत्थ न पवत्ततीति अपरपच्चयो । **एहि भिक्खु**ति एतके वुत्तमत्ते पब्बज्जा, उपसम्पदा च सिज्जाति, तेनेव तत्थ **इति-सद्वेन** परिच्छेदो दस्सितोति वदन्ति । केचि पन “सम्मा दुक्खस्स अन्तकिरियायाति वचनपरियोसाने एव उपसम्पदा सिज्जाति, अट्ठकथायं पन ‘एहि भिक्खुति भगवतो वचनेना’ति इदं एहिभिक्खुसद्दोपलक्खितवचनं एहिभिक्खुवचनन्ति आदिपदवसेन वुत्तं मुसावादवग्गोति आदीसु विया”ति वदन्ति, तदेतं **पठमपाराजिकट्ठकथायं** “भगवा हि...पे... एहि भिक्खु, चर ब्रह्मचरियं सम्मा दुक्खस्स अन्तकिरियाया”ति (पारा० अट्ठ० १.४५ भिक्खूपदभाजनीयवण्णना) इमिना वचनेन समेति । यत्तकज्हि भगवता नियमेन वुच्चति, तत्तकं सब्बम्पि अङ्गमेव । सेक्खपुत्थुज्जनानज्हि एतं परिपुण्णं वुच्चति, असेक्खानं पन “चर ब्रह्मचरियं”न्ति परियोसानन्ति दट्ठब्बं सिक्खतयसमिद्धितो । लोकियसम्पदाहि उपरिभूता सेट्ठभूता सम्पदाति **उपसम्पदा** ।

१९-२१. **नीहारभत्तोति** भिक्खुहि गामतो नीहरित्वा दिनभत्तो । **कल्लं नूति** युत्तं नु । **एतं ममाति** आदि यथाक्कमं तण्हामानदिट्ठिगाहानं दस्सनं ।

२२-२३. **तस्मा तिहाति** एत्थ तिहाति निपातमत्तं, तस्माति अत्थो । **निब्बिन्दतीति** वुट्ठानगामिनिविपस्सनावसेन उक्कण्ठति । **विरज्जतीति** चतुन्नं मग्गानं वसेन न रज्जति । **विमुच्चतीति** फलवसेन विमुच्चति । **विमुत्तस्मिन्ति** आदि पच्चवेक्खणजाणदस्सनं । **ब्रह्मचरियन्ति** मग्गब्रह्मचरियं । **करणीयं** चतुसु सच्चेषु चतूहि मग्गेहि पच्चकं कतब्बं परिज्जादिवसेन सोळसविधं किच्चं । **नापरं इत्थत्तायाति** इत्थभावाय सोळसकिच्चभावाय, किलेसक्खयाय वा अपरं पुन मग्गभावनाकिच्चं मे नत्थीति पजानाति । अथ वा **इत्थत्तायाति** इत्थभावतो वत्तमानक्खन्धसन्तानतो अपरं खन्धसन्तानं मय्हं न भविस्सतीति अत्थो ।

#### पब्बज्जाकथावण्णना

१५. **आळम्बरन्ति** पणवं । **विकेसिकन्ति** विष्णकिण्णकेसं । **विक्खेळिकन्ति** विस्सन्दमानलालं । **सुसानं मज्जेति** सुसानं विय अहस सकं परिजनन्ति सम्बन्धो । **उदानं उदानेसीति** संवेगवसप्पवत्तं वचनं निच्छरेसि । **उपस्सट्ठुन्ति** दुक्खेन सम्मिस्सं, दुक्खोतिण्णं सब्बसत्ताकायजातन्ति अत्थो ।

२६. **इदं खो यसाति** भगवा निब्बानं सन्धयाह । **अनुपुब्बि कथन्ति** अनुपटिपाटिकथं । **आदीनवन्ति** दोसं । **ओकारन्ति** निहीनता निहीनजनसेवितत्ता । **संकिलेसन्ति** तेहि सत्तानं संकिलेसनं, संकिलेसविसयन्ति वा अत्थो । **कल्लचित्तन्ति** अरोगचित्तं । सामं अत्तनाव उक्कंसो उक्खिपनं एतस्सन्ति **सामुक्कंसिका**, सच्चदेसना । तस्सा सरूपदस्सनं “**दुक्ख**”न्ति आदि ।

२७. **अस्सदूतेति** अस्स आरुळे दूते । **इद्धाभिस्सङ्कारन्ति** इद्धिकरियं । **अभिस्सङ्गरेसि** अकासि ।

२८. **यथादिट्ठुन्ति** पठममग्गेन दिट्ठं चतुस्सच्चभूमिं सेसमग्गतयेन पच्चवेक्खन्तस्स, पस्सन्तस्साति अत्थो । **मातु नो जीवितन्ति** एत्थ नोति निपातमत्तं, मातु जीवितन्ति अत्थो । यसस्स खीणासवत्ता “एहि भिक्खु, स्वाक्खातो धम्मो, चर ब्रह्मचरियं”न्ति एतकेनेव भगवा उपसम्पदं अदासि । खीणासवानज्हि एतकेनेव उपसम्पदा अनुज्जाता पुब्बेव दुक्खस्स परिक्खीणता । **चर ब्रह्मचरियन्ति** सासनब्रह्मचरियसङ्घातं सिक्खापदपूर्णं सन्धाय वुत्तं, न मग्गब्रह्मचरियं ।

३०. **सेट्ठानुसेट्ठीनन्ति** सेट्ठिनो च अनुसेट्ठिनो च पवेणीवसेन आगता येसं कुलानं सन्ति, तेसं सेट्ठानुसेट्ठीनं कुलानं । **ओरकोति** लामको ।

३२-३३. **मा एकेन द्वेति** एकेन मग्गेन द्वे भिक्खू मा अगमित्थ । **विसुद्धे सत्ते**, गुणे वा मारेतीति **मारो** । पापे नियुत्तो **पापिमा** ।

**सब्बपासेहीति** सब्बकिलेसपासेहि । **ये दिब्बा ये च मानुसाति** ये दिब्बकामगुणानिस्सिता, मानुसककामगुणानिस्सिता च किलेसपासा नाम अत्थि, सब्बेहि तेहि । “त्वं बुद्धो”ति देवमनुस्सेहि करियमानसक्कारसम्पटिच्छनं सन्धाय वदति ।

अन्तलिक्खे चरन्ते पञ्चाभिज्जेपि बन्धतीति **अन्तलिक्खचरो**, रागपासो । मारो पन पासम्पि अन्तलिक्खचरं मज्जति । **मानसोति** मनोसम्पयुत्तो ।

**जानाति मन्ति** सो किर “महानुभावो अज्जो देवपुत्तो निवारेतीति भीतो निवत्तिस्सति नु खो”तिसज्जाय वत्वा “निहतो त्वमसि अन्तका”ति वुत्ते “जानाति म”न्ति दुम्मनो पलायि ।

३४. **परिवितक्को उदपादीति** यस्मा एहिभिक्खुभावाय उपनिस्सरहितानम्पि पब्बजितुकामता उपज्जिस्सति, बुद्धा च ते न पब्बाजेन्ति, तस्मा तेसम्पि पब्बज्जाविधिं दस्सेन्तो एवं परिवितक्केसीति

दडुब्बं । उपनिस्सयसम्पन्ना पन भगवन्तं उपसङ्कमित्वा एहिभिक्षुभावेनेव पब्बजन्ति । ये पटिक्खित्तपुग्गलाति सम्बन्धो । **सयं पब्बाजेतब्बो**ति एत्थ “केसमस्सु ओहारेत्वा”ति आदिवचनतो केसच्छेदनकासायच्छादनसरणदानानि पब्बज्जा नाम, तेसु पच्छिमद्वयं भिक्षुहं एव कातब्बं, करेतब्बं वा । “**पब्बाजेही**”ति इदं तिविधम्पि सन्धाय वुत्तं । **खण्डसीमं नेत्वा**ति भण्डुकम्माराचनपरिहरणत्थं । भिक्षुनञ्जि अनारोचेत्वा एकसीमाय “एतस्स केसे छिन्दा”ति अज्जं आणापेतुम्पि न वडुति । **पब्बाजेत्वा**ति केसादिच्छेदनमेव सन्धाय वुत्तं “कासायानि अच्छादेत्वा”ति विसुं वुत्तता । **पब्बाजेतुं न लभती**ति सरणदानं सन्धाय वुत्तं, अनुपसम्पन्नेन भिक्षुआणत्तिया दिन्नम्पि सरणं न रहति ।

**यसस्सी**ति परिवारसम्पन्नो । **निज्जीवनिससत्तभावन्ति** “केसा नाम इमस्मिं सरीरे पाटियेक्को कोट्टासो अचेतनो अब्याकतो सुज्जो निस्सत्तो थद्धो पथवीधातू”ति आदिनयं सङ्गहति, सब्बं **विसुद्धिमग्गे** (विसुद्धि० १.३११) आगतनयेन गहेतब्बं । **पुब्बे**ति पुब्बबुद्धुप्पादेसु । **मदितसङ्कारो**ति विपस्सनावसेन वुत्तं । **भावितभावनो**ति समथवसेनापि ।

**कासायानि तिकखत्तुं वा...पे०... पटिग्गाहापेतब्बो**ति एत्थ “सब्बदुक्खनिस्सरणत्थाय इमं कासावं गहेत्वा”ति वा “तं कासावं दत्वा”ति वा वत्त्वा “पब्बाजेथ मं, भन्ते, अनुकम्मं उपादाया”ति एवं याचनपुब्बकं चीवरं पटिच्छापेति । **अथापी**ति आदि तिकखत्तुं पटिग्गाहापनतो परं कत्तब्बविधिदस्सनं । **अथापी**ति ततो परम्पीति अत्थो । केचि पन “चीवरं अप्पटिग्गाहापेत्वा पब्बजनप्पकारभेददस्सनत्थं “अथापी”ति वुत्तं, **अथापी**ति च अथ वाति अत्थो”ति वदन्ति । “**अदिन्नं न वडुती**”ति इमिना पब्बज्जा न रुहतीति दस्सेति ।

**पादे वन्दापेत्वा**ति पादाभिमुखं नमापेत्वा । दूरे वन्दन्तोपि हि पादे वन्दतीति वुच्चति । **उपज्झायेन वाति** एत्थ यस्स सन्तिके उपज्झं गण्हाति, अयं उपज्झायो । आभिसमाचारिकेसु विनयनत्थं यं आचरियं कत्वा निन्यातेति, अयं आचरियो । सचे पन उपज्झायो सयमेव सब्बं सिक्खापेति, अज्जस्मिं न निन्यातेति, उपज्झायोवस्स आचरियोपि होति, यथा उपसम्पदाकाले सयमेव कम्मवाचं वाचेन्तो उपज्झायोव कम्मवाचाचरियोपि होति ।

अनुनासिकन्तं कत्वा दानकाले अन्तरा विच्छेदो न कातब्बोति आह “**एकसम्बन्धानी**”ति ।

“**आभिसमाचारिकेसु विनेतब्बो**”ति इमिना संखियवत्तखन्धकवत्तेसु, अज्जेसु

च सुक्कविस्सट्ठिआदिलोकवज्जसिक्खापदेसु सामण्येरेहि वत्तितब्बं, तत्थ अवत्तमानो अलज्जी, दण्डकम्मारो च होतीति दस्सेति ।

पब्बज्जाकथावण्णना निट्ठिता ।

**दुतियमारकथावण्णना**

**३५. पाळियं अनुत्तरं विमुत्तिं अनुपापुणाथा**ति “खोणासवा मयं, किं अम्हाकं पधानेना”ति वासनादोसेन वोसानं अनापज्जित्वा पन्तेसु सेनासनेसु फलसमापत्तियाव वीतिनामनत्थं, तं दिस्वा अज्जेसम्पि दिट्ठानुगतिसमापज्जनत्थञ्च ओवदतीति वेदितब्बं ।

दुतियमारकथावण्णना निट्ठिता ।

**भद्वगियकथावण्णना**

**३६. इदं नेसं पुब्बकम्पन्ति** तेसं तिसजनानं एकतो अभिसमयस्स पुब्बकम्मं । अज्जम्पि तेसं पच्चेकं पुब्बबुद्धुप्पादेसु सद्धम्मस्सवनसरणगमनदानसीलसमाधिविपस्सनासमायोगवसेन बहुं विवट्ठपनिस्सयं कुसलं अत्येवाति गहेतब्बं । इतरथा हि तदहेव पटिवेधो, एहिभिक्षुभावादिविसेसो च न सम्पज्जेय्य ।

भद्वगियकथावण्णना निट्ठिता ।

**उरुवेलपाटिहारियकथावण्णना**

**३७-३८.** पाळियं अगुरूति भारियं न सियाति अत्थो । **उभिन्नं सजोतिभूतानन्ति** उभोसु सजोतिभूतेसु । **पत्ते पक्खिपी**ति तं नागं निहततेजं धम्मदेसनाय सन्तप्पेत्वा सरणसीलानि दत्वा सकलरतिं भगवन्तं पयिरुपासित्वा ठितं जटिलानं दस्सनत्थं पत्ते पक्खिपि, न अहितुण्डिको विय बलक्कारेनाति वेदितब्बं । **यत्र हि नामाति** यो नाम ।

**३९. अज्जणहोति** अज्ज एकदिवसं । **अगिसालम्ही**ति अग्यागारे । सुमनानं बुद्धानं मनसा सदिसो मनो अस्साति **सुमनमनसो** । **अधिचित्तो**ति महाकरुणादीहि अधिचित्तो । **उदिच्छरेति** उल्लोकेसु, परिवारेसुन्ति अत्थो । **अनेकवण्णा अच्चियोति** छब्बण्णरंसियो वुत्ता । अहं ते धुवभत्तेन पटिमाननं करिस्सामीति सेसो ।

**४०. अभिक्कन्ताय रत्तियाति** परिकखीणाय रत्तिया, मज्जरत्तिसमयेति अत्थो । **अभिक्कन्तवण्णाति** अभिरूपच्छविण्णना । **केवलकप्पन्ति** एत्थ **केवल-**सदस्स अनवसेसत्थो, **कप्प-**सदस्स समन्तभावो, तस्मा अनवसेसं समन्ततो वनसण्डन्ति अत्थो । **चतुहिसाति** चतूसु दिसासु । **यत्र हि नामाति** यं नाम ।

**४३. अङ्गमगधाति** अङ्गमगधरदुवासिनो । **इद्धिपाटिहारियन्ति** अभिज्जिद्धियेव पटिपक्खानं तित्थियानं, वेनेय्यसत्तगतदोसानञ्च हरणतो अपनयनतो पाटिहारियं, तं तं वा सत्तहितं पटिच्च हरितब्बं पवत्तेतब्बन्ति पटिहारियं, तदेव पाटिहारियं । इद्धि एव पाटिहारियं इद्धिपाटिहारियं ।

**४४. पंसुकूलं उप्पन्नं होतीति** पुण्णाय दासिया सरीरं परिकखित्वा छड्ढितं साणमयं किमिकुलाकुलं परियेसनवसेन उप्पन्नं होति, यं भगवा भूमिं कम्पेन्तो पारुपित्वा पच्छा **महाकस्सपत्थेरस्स** अदासि, तं सन्धायेतं वुत्तन्ति वदन्ति । **कत्थ नु खो**ति आदिपरिवितक्को जटिलानं विविधपाटिहारियदस्सनत्थं कतो । पाणिना खणन्तो विय इद्धिया मत्तिकं अपनेत्वा दिन्नत्ता वुत्तं “**पाणिना पोक्खरणिं खणित्वा**”ति ।

**४६. फालियन्तु, कस्सप, कट्टानीति** उरुवेलकस्सपेन निवेदिते एवमवोचाति दडुब्बं । एवं सेसेसुपि ।

**४९. अन्तरडुकासु हिमपातसमयेति** एत्थ माघमासस्स अवसाने चतस्सो, फगुणमासस्स आदिमिह चतस्सोति एवं उभिन्नं मासानं अन्तरे अडुरत्तियो अन्तरडुका नाम । तासु अन्तरडुकासु रत्तीसु हिमपातकाले । **उम्मुज्जननिमुज्जनम्पि** सहसा तदुभयकरणवसेन वुत्तं ।

**५०. उदकवाहकोति** उदकोधो । **रेणुहतायाति** रजोकिण्णाय, अतिन्तायाति अत्थो । **नावायाति** कुल्लेन । **इदं नु त्वं महासमणाति** इध नु त्वं । **ध-**कारस्स द-कारं, अनुसारञ्च कत्वा “इदं नू”ति वुत्तं “एकमिदाह”न्ति आदीसु (दी० नि० १.१६५, २६५) विय । “इमस्मिं पदेसे त्वं नु खो ठितोसी”ति पुच्छि । **अयमहमस्मीति** अयमहं इध ठितोस्मीति अत्थो ।

**५१. चिरपटिकाति** चिरकालतो पट्टाय । केसमिस्सं सब्बं परिकखारं उदके पवाहेत्वातिपि योजेतब्बं । अरणिकमण्डलुआदिका तापसपरिक्खारा **खारी** नाम, तंहरणककाजं **खारिकाजं** नाम ।

अग्निहृतमिस्सन्ति अग्निपूजोपकरणसहितं ।

५२-३. उपसर्गोति उपह्वो । “अङ्गुष्ठानि पाटिहारियसहस्सानी”ति इदं नागदमनादीनि पन्नरस पाटिहारियानि वज्जेत्वा वुत्तं अप्पकमधिकं गणनूपगं न होतीति ।

५४. गयायन्ति गयानामिकाय नंदिया अदूरभवत्ता गामो इत्थिलिङ्गवसेन गया नाम जातो, तस्सं । गयासीसेति एवंनामके पिट्टिपासाणे ।

“यमिदं चक्खुसम्पस्सपच्चया...पे०... सुखं वा”ति आदिना चक्खुविज्जाणवीथिचित्तेसु सोमनस्सदोमनस्सउपेक्खावेदनामुखेन सेसारूपक्खन्धानम्पि आदित्तं दस्सेति । एस नयो सेसेसुपि । मनोति भवङ्गचित्तं मनोद्वारस्स अधिपेतत्ता । मनोविज्जाणन्ति मनोद्वारवीथिपअयापनमेव गहितं ।

उरुवेलपाटिहारियकथावण्णना निड्डिता ।

#### बिम्बिसारसमागमकथावण्णना

५५. यज्जा अभिवदन्तीति यागहेतु इज्जन्तीति वदन्ति । उपधीसूति एत्थ दुक्खसुखादीनं अधिद्वानड्डेन चत्तारो उपधी कामखन्धिकलेस अभिसङ्गारूपधीनं वसेन । तेसु खन्धूपधि इधाधिपेतोति आह “खन्धूपधीसु मलन्ति जत्वा”ति । यज्जाति यज्जहेतु । विट्ठेति महायागे । हुतेति दिवसे दिवसे कत्तब्बे अग्निपरिचरणे । किं वक्खामीति कथं वक्खामि ।

५७-८. आसीसनाति मनोरथा । सिङ्गीसुवण्णनिकखेनाति सिङ्गीसुवण्णस्स रासिना । सुवण्णेसु हि युत्तिकतं हीनं । ततो रसविद्धं सेट्ठं, ततो आकरुप्पन्नं सेट्ठं, ततो यंकिज्जि दिब्बसुवण्णं सेट्ठं, तत्रापि चामीकरं, ततो सातकुम्भं, ततो जम्बुनदं, ततोपि सिङ्गीसुवण्णं सेट्ठं । तस्स निक्खं नाम पञ्चसुवण्णपरिमाणं । अट्टसुवण्णादिभेदं अनेकविधम्पि वदन्ति । दससु अरियवासेसूति —

“इध, भिक्खवे, भिक्खु पञ्चङ्गविपहीनो होति छळङ्गसमन्नागतो एकारक्खो चतुरापस्सेनो पणुन्नपच्चेकसच्चो समवयसट्ठेसो अनाविलसङ्कप्पो पस्सद्धकायसङ्गारो सुविमुत्तचित्तो सुविमुत्तपज्जो”ति (दी० नि० ३.३४८, ३६०; अ० नि० १०.१९) —

एवमागतेसु दससु अरियवासेसु । तत्थ पञ्चङ्गविपहीनोति पञ्चनीवरणेहि विप्ययुत्तता वुत्ता । छळङ्गसमन्नागतोति इट्ठादीसु छसु आरम्भेसु सोमनस्सितादिपटिपक्खा छळङ्गपेक्खा वुत्ता । एकारक्खोति उपट्टितसतिता । सङ्गायसेवना अधिवासना परिवज्जना विनोदनासङ्गातानि चत्तारि अपस्सेना निस्सया एतस्साति चतुरापस्सेनो, एतेन च ते निस्सया दस्सिता । पणुन्नानि अपनीतानि दिट्ठिगतिकेहि पच्चेकं गहितानि दिट्ठिसच्यानि यस्स, सो पणुन्नपच्चेकसच्चो, तेन लोकियजाणेन दिट्ठिपहानं वुत्तं । कामेसना भवेसनाब्रह्मचरियेसनासङ्गाता एसना सम्मदेव अवया अनूना सट्ठा निसट्ठा अनेनाति समवयसट्ठेसो । एतेन तिण्णं एसनानं अभावो वुत्तो । “अनाविलसङ्कप्पो”ति इमिना कामवितक्कादीहि अनाविलचित्तता । “पस्सद्धकायसङ्गारो”ति इमिना चतुत्थज्ज्ञानसमायोगेन विगतदरथता वुत्ता । “सुविमुत्तचित्तो”ति इमिना मग्गो । “सुविमुत्तपज्जो”ति इमिना पच्चवेक्खणजाणमुखेन फलजाणं वुत्तं । एते हि अरिया वसन्ति एत्थाति अरियवासाति वुच्चन्ति । ते पन वासा वुत्था वसिता सम्पादिता येन, सो वुत्थवासो, भगवा । दसबलोति दसहि कायबलेहि, जाणबलेहि च उपेतो । यानि हेतानि —

“काळावकञ्च गङ्गेय्यं, पण्डरं तम्बपिङ्गलं ।

गन्धमङ्गलहेमञ्च, उपोसथछद्दन्तिमे दसा”ति ॥ (म० नि० अट्ठ० १.१४८; सं० नि० अट्ठ० २.२.२२; अ० नि० अट्ठ० ३.१०.२१; विभ० अट्ठ० ७६०; उदा० अट्ठ० ७५; बु० व० अट्ठ० १.३९;

चूळनि० अट्ठ० ८१; पटि० म० अट्ठ० २.२.४४) —

एवं वुत्तानि दसहत्थिकुलानि पुरिमपुरिमतो दसबलगाणोपेतानि, तेसु सब्बजेड्डानं दस्सन् छद्दन्तानं बलानि भगवतो कायस्स दसबलानि नाम । तज्ज काळावकसङ्गातानं पकतिहत्थीनं कोटिसहस्सस्स, मज्झिमपुरिसानं पन दस्सन् कोटिसहस्सानञ्च बलं होति, तं “नारायनसङ्गातबल”न्तिपि वुच्चति ।

यानि पनेतानि पाळियं “इध, सारिपुत्त, तथागतो ठानञ्च ठानतो अट्टानञ्च अट्टानतो यथाभूतं पजानाती”ति आदिना (म० नि० १.१४८; अ० नि० १०.२१; विभ० ७६०; पटि० म० २.४४) वुत्तानि ठानाठानाणबलं, कम्मविपाकाणबलं, सब्बत्थगामिनिपटिपदाजाणबलं, अनेकधातुनानाधातुलोकजाणबलं, सत्तानं नानाधिमृत्तिकताजाणबलं, इन्द्रियपरोपरियत्तजाणबलं, ज्ञानविमोक्खसमाधिसमापत्तीनं संकिलेसवोदानुवृत्तानाणबलं, पुब्बेनिवासजाणबलं, दिब्बचक्खुजाणबलं, आसवक्खयजाणबलन्ति दसबलजाणानि, इमानि भगवतो दसबलानि नाम । दसहि असेक्खेहि अङ्गेहीति अरहत्तफलसम्पयुतेहि पाळियं “असेक्खा सम्मादिट्ठि...पे०... असेक्खो सम्मासमाधि, असेक्खं सम्माजाणं, असेक्खा सम्माविमुत्ती”ति (दी० नि० ३.३४८, ३६०) एवं वुत्तेहि दसहि असेक्खधम्मोहि समन्नागतो । एत्थ च दस्सनड्डेन वुत्ता सम्मादिट्ठि एव जाननड्डेन सम्माजाणन्तिपि वुत्ता, वुत्तावसेसा पन फलचित्तसम्पयुता सब्बे फस्सादिधम्मा सम्माविमुत्तीति वुत्ताति दट्ठब्बं ।

बिम्बिसारसमागमकथावण्णना निड्डिता ।

#### सारिपुत्तमोगल्लानपब्बज्जाकथावण्णना

६०. सारीब्राह्मणिया पुत्तो सारिपुत्तो । मोगलीब्राह्मणिया पुत्तो मोगल्लानो । छन्नपरिब्बाजकस्साति सेतवत्थेन हिरिकोपीनं छादेत्वा विचरणकपरिब्बाजकस्स, तेन “नायं नग्गपरिब्बाजको”ति दस्सेति । “उपज्जात”न्ति इमस्स विवरणं जातो चेवाति । “मग्ग”न्ति इमस्स विवरणं उपगतो च मग्गोति । तेन च उपज्जातन्ति एत्थ जात-सट्ठो जाणपरियायो । मग्गन्ति लिङ्गविपल्लासेन मग्गोव वुत्तो । उपसट्ठो च उपगमनत्थो मग्गसद्देनपि सम्बन्धितब्बोति दस्सेति । इदं वुत्तं होति — यस्मा पिड्डितो पिड्डितो अनुबन्धनं नाम अत्थिकेहि उपज्जातं उपगतजाणञ्चेव होति, तेहि उपगतो पटिपन्नो मग्गो च, तस्मा यन्नूनाहं अनुबन्धेय्यन्ति । उपज्जातं निब्बानन्ति उपपत्तिया अनुमानेन जातं निब्बानं । “मग्ग”न्ति इमस्स विवरणं मग्गन्तोति, अनुमानेन जातं पच्चक्खतो दस्सनत्थाय गवेसन्तोति अत्थो ।

निरोधो च निरोधूपायो च एकसेसेन निरोधोति वुत्तोति दस्सेन्तो “अथ वा”ति आदिमाह । पटिपादेन्तोति निगमेन्तो ।

इतो उत्तरीति इतो मया लङ्गसोतापत्तितो उत्तरी इतरमग्गतयं यदिपि नत्थि, तथापि एसो एव मया गवेसितो निब्बानधम्मोति अत्थो ।

६२-३. तदारम्भणायाति निब्बानारम्भणाय सोतापत्तिफलविमुत्तिया । तेसं आयस्सन्तानन्ति सपरिसानं तेसं द्विन्नं परिसानं तस्मिंयेव खणे भगवतो धम्मं सुत्वा अरहत्तं पापुणि, अग्गसावका पन अत्तनो जाणकिच्चस्स महन्तताय कतिपाहच्चयेन । तेनाह “एव”न्ति आदि । उसूयनकिरियाय कम्मभावं सन्धाय “उपयोग्येवा”ति वुत्तं ।

सारिपुत्तमोगल्लानपब्बज्जाकथावण्णना निड्डिता ।

#### उपज्जायवत्तकथावण्णना

६४. वज्जायवज्जन्ति खुद्दकं, महन्तञ्च वज्जं । उत्तिट्ठपत्तन्ति एत्थ उत्तिट्ठं नाम पिण्डाय चरणं वुच्चति “उत्तिट्ठे नप्पमज्जेय्या”ति आदीसु (ध० प० १६८) विय । उत्तिट्ठत्थाय गहितं पत्तं उत्तिट्ठपत्तं, तेनाह “पिण्डाय चरणकपत्त”न्ति । तस्स उपनामे को दोसोति आह “तस्मिं ही”ति आदि । तस्माति यस्मा मनुस्सा एतस्मिंयेव एते भुज्जन्तीति उत्तिट्ठपत्ते उच्छिड्डसज्जिनो, तस्मा उत्तिट्ठपत्तन्ति वुत्तं उत्तिट्ठ-सद्देनेव मनुस्सानं सज्जाय उच्छिड्डतापि गम्मतीति । केचि पन “उच्छिड्डसद्देन समानत्थो उत्तिट्ठसट्ठो”ति वदन्ति । “उत्तिट्ठ”ति त्वापच्चयन्तोपि होतीति आह “उड्डित्वा”ति । उपज्जायं गहेतुन्ति उपज्जायत्तं मनसा

गहेतुं, याचनवचनेन तस्स अनुमतिं गहेतुन्ति वा अत्थो।

६५. पतिसस्येन पतिससो, गरं निस्साय वत्तनभावो, यंकिञ्चि गारवन्ति अत्थो। सह पतिससेन सप्पतिससो, परं जेडुं कत्वा तस्सोवादे वत्तनताति अत्थो। तेनाह “जेडुकभावञ्च उपट्टपेत्वा”ति। साहूति साधु सुन्दरं। लहूति अगरु, सुभरताति अत्थो। ओपाधिकन्ति उपायपटिसंयुतं, एवं पटिपज्जनं नित्थरणपूपायोति अत्थो। पतिरूपन्ति सामीचिकम्ममिदन्ति अत्थो। पासादिकेनाति पसादावहेन कायवचीपयोगेन सम्पादेहीति अत्थो। कायेनाति एतदत्थविज्जापकं हत्थमुद्वादिं दस्सेन्तो कायेन विज्जापेति। साधूति सम्पटिच्छन्नं सन्धायाति उपज्झायेन “साहू”ति आदीसु वुत्तेसु सद्धिविहारिकस्स “साधू”ति सम्पटिच्छन्नं वचनं सन्धाय “कायेन विज्जापेती”ति आदि वुत्तन्ति अधिष्ठाया। आयाचनदानमत्तेनाति सद्धिविहारिकस्स पठमं आयाचनमत्तेन, ततो उपज्झायस्स च “साहू”ति आदिना वचनमत्तेनाति अत्थो।

६६. अस्साति सद्धिविहारिकस्स। द्वे चीवरानीति उत्तरासङ्गं, सङ्घाटिञ्च सन्धाय वदति। इतो पट्टायाति “न उपज्झायस्स भणमानस्सा”ति एत्थ न-कारतो पट्टाय, तेन “नातिदूरे”ति आदीसु न-कारपटिसिद्धेसु आपत्ति नत्थीति दस्सेति। सञ्जत्थ दुक्कटापत्तीति आपदाउम्भत्तखित्तचित्तवेदनट्टादीहि विना पण्णाति अजानित्वापि वदन्तस्स गिलानस्सपि दुक्कटमेव। आपदासु हि अन्तरन्तरा कथा वत्तुं वट्टति। एवमञ्जेसुपि न-कारपटिसिद्धेसु ईदिसेसु, इतरेसु पन गिलानोपि न मुच्चति। पाळियं “हेट्टापीठं वा परामसित्वा”ति इदं पुब्बे तत्थ ठपितपत्तादिना असङ्गट्टनत्थाय वुत्तं, चक्खुना ओलोकेत्वापि अञ्जेसं अभावं जत्वापि ठपेत्तुं वट्टति एव। आपत्तिया आसन्नन्ति आपत्तिकरणमेव।

गामेति अन्तोगामे तादिसे मण्डपादिहि। अन्तरघरेति अन्तोगेहे। पटिक्कमनेति आसनसालायां। धोतवालिक्कायाति उदकेन गतट्टाने निरजाय परिसुद्धवालिक्काय। निद्धमेति जन्ताघरे जलियमानअग्निधूमरहिते। जन्ताघरज्झि नाम हिमपातबहुलेसु देसेसु तप्पच्चयारोगपीळादिनिवारणत्थं सरीरसेदापनट्टानं। तत्थ किर अन्धकारपटिच्छन्नताय बहूपि एकतो पविसित्वा चीवरं निक्खिपित्वा अग्नितापपरिहाराय मत्तिकाय मुखं लिम्पित्वा सरीरं यावदत्थं सेदेत्वा चुण्णादीहि उब्बट्टेत्वा नहायन्ति। तेनेव पाळियं “चुण्णं सन्नेतब्ब”ति आदि वुत्तं। उल्लोकन्ति उद्धं ओलोकनट्टानं। उपरिभागन्ति अत्थो।

अञ्जत्थ नेतब्बोति यत्थ विहरतो सासने अनभिरति उप्पन्ना, ततो अञ्जत्थ कल्याणमितादिसम्पत्तियुत्तट्टाने नेतब्बो। विसभागपुग्गलानन्ति लज्जिनो वा अलज्जिनो वा उपज्झायस्स अवट्टिकामे सन्धाय वुत्तं। सचे पन उपज्झायो अलज्जी ओवादिमि न गण्हाति, लज्जिनो च एतस्स विसभागा होन्ति, तत्थ उपज्झायं विहाय लज्जीहेव सद्धि आमिसादिपरिभोगो कातब्बो। उपज्झायादिभावो हेत्थ न पमाणन्ति दट्टब्बं। परिवेणं गन्त्वाति उपज्झायस्स परिवेणं गन्त्वा। “न सुसान”ति इदं उपलक्खणं, उपचारसीमतो बहि गन्तुकामेन अनापुच्छा गन्तुं न वट्टति।

उपज्झायवत्तकथावण्णना निद्धिता।

#### सद्धिविहारिकवत्तकथावण्णना

६७. सद्धिविहारिकवत्तकथायां सद्धिहेतब्बो अनुगहेतब्बोति आदीसु अनादरियं पटिच्च धम्माभिसेहि असङ्गहन्तानं आचरियुपज्झायानं दुक्कटं वत्तभेदता। तेनेव परिवारेपि “नदेन्तो आपज्जती”ति (परि० ३२२) वुत्तं। सेसं सुविज्जेय्यमेव।

सद्धिविहारिकवत्तकथावण्णना निद्धिता।

#### नसम्मावत्तनादिकथावण्णना

६८. नसम्मावत्तनादिकथायां वत्तं न पूरेय्याति “वत्तकरणकालो”ति वत्थुविज्ञाननवसेन जत्वा मानकोसज्जादिवसेन वा उपज्झायादीसु अनादरेन वा “अकातुं न वट्टती”ति अजाननताय वा न करेय्य, दुक्कटमेव। असज्जिच्च असतियाति आदीहि च अकरोन्तस्स पन अनापत्ति। सब्बानि हि वत्तानि सेखियानेव, तस्मा सेखियेसु वुत्तनयेनेवेत्थ सब्बोपि विनिच्छयो वेदितब्बो। गेहस्सितपेमन्ति मेत्तपेमं।

सादियनं वा असादियनं वा न जानातीति “मयि सादियन्ते अकरोन्तानं आपत्तिं होति, पटिक्खिपित्वा असादियन्ते आपत्तिं न होती”ति एवं न जानातीति अत्थो। “तेसु एको वत्तसम्पन्नो भिक्खु... पे०... तेनं असापत्ती”ति वचनतो सचे कोचि “तुम्हाकं सद्धिविहारिके, अन्तेवासिके वा गिलाने उपट्टहिस्सामि, ओवादानुसासनि आदिकं सब्बं कत्तब्बं करिस्सामी”ति वदति, ते वा सद्धिविहारिकादयो “अपोस्सुक्का होथा”ति वदन्ति, वत्तं वा न सादियन्ति, आचरियुपज्झायानम्पि अनापत्ति।

नसम्मावत्तनादिकथावण्णना निद्धिता।

#### राधब्राह्मणवत्थुकथावण्णना

६९. राधब्राह्मणवत्थुस्मिं पाळियं उप्पण्डुप्पण्डुकजातोति सकलसरीरे सज्जातपण्डुवण्णो। पण्डुवण्णस्स सकलसरीरे ब्यापितभावदस्सनत्थज्झि विच्छावचनं कतं। अधिकारन्ति उपकारं। कतवेदिनोति अत्तनो कतं उपकारं पटिकिरियाय जापका। उपसम्पदाकम्मवाचाय यं वत्तब्बं, तं परियोसाने वक्खाम। परिमण्डलेहीति परिपुणेहि।

७१-७३. पण्णात्तिवीतिकम्पन्ति सिक्खापदवीतिकम्पं। पाळियं पिण्डयालोपभोजनन्ति जङ्घापिण्डमंसबलेन चरित्वा आलोपालोपवसेन परिण्डुभोजनं। अतिरेकलाभोति भिक्खाहारतो अधिकलाभो। सङ्गभत्तादीनं विभागो सेनासनक्खन्थके आवि भविस्सति। विहारोति तिणकुटिकादिसहितो पाकारपरिच्छिन्नो सकलो सङ्गारामो। अट्टयोगोति एकसालो दीघपासादो। हत्थिपिट्टिगरुळसण्णानो दीघपासादोतिपि वदन्ति। पासादोति चतुरस्सो उच्चो अनेकभूमकपासादो। हम्मियन्ति मुण्डच्छदो चन्दिकङ्कणयुत्तो नातिउच्चो पासादो। गुहाति पब्बतगुहा। पूतिमुत्तन्ति गोमुत्तं।

राधब्राह्मणवत्थुकथावण्णना निद्धिता।

#### आचरियवत्तकथावण्णना

७६. सहधम्मिकं वुच्चमानोति “एवं निवासेतब्ब”ति आदिना सिक्खापदेन ओवदियमानो। वादं आरोपेत्वाति “ओलम्बित्वा निवासनादीसु को दोसो? यदि दोसो भवेय्य, परिमण्डलनिवासनादीसुपि दोसो सिया”ति आदिना निग्गहं आरोपेत्वा। तंयेव तित्थायतनन्ति दिट्ठिसङ्गत्तितत्थमेव आयतनं दुक्खुप्पत्तिट्टानन्ति तित्थायतनं। आयस्मतो निस्साय वच्चामीति आयस्मन्तं निस्साय वसिस्सामीति अत्थो।

आचरियवत्तकथावण्णना निद्धिता।

#### पणामनाखमापनाकथावण्णना

८०. यं पुब्बे लक्खणं वुत्तं, तेनेव लक्खणेन निस्सयन्तेवासिकस्स आपत्तिं न वेदितब्बाति सम्बन्धयोजना दट्टब्बा। पोत्थकेसु पन “न तेनेव लक्खणेना”ति एत्थ न-कारं छट्टेत्वा “तेनेव लक्खणेन निस्सयन्तेवासिकस्स आपत्तिं वेदितब्बा”ति लिखन्ति, तं पमादलिखितं। तथा हि तेनेव लक्खणेन आपत्तिभावे गट्ठमाने निस्सयमुत्तकस्सापि अमुत्तकस्सापि आपत्ति एवाति वुत्तलक्खणेन आपत्तिं

आपज्जेय्य । तथा च “निस्सयन्तेवासिकेन हि याव आचरियं निस्साय वसति, ताव सब्बं आचरियवत्तं कातब्बं”न्ति इमिना अनन्तरवचनेन विरोधो सिया । **विसुद्धिमग्गे**पि च —

“निस्सयाचरिय, उद्देसाचरिय, निस्सयन्तेवासिक, उद्देसन्तेवासिक, समानाचरियका पन याव निस्सयउद्देसा अनुपच्छिन्ना । ताव पटिजगितब्बा”ति (विसुद्धि० १.४१) —

वुत्तं । तस्मा वुत्तनयेन इध परिगळितं न-कारं आनेत्वा तेनेव सद्धिविहारिकस्स वुत्तेनेव लक्खणेन निस्सयन्तेवासिकस्स आपत्तिं न वेदितव्वीति एवमत्थो गहेतव्वो ।

पणामनाखमापनाकथावण्णना निड्ढिता ।

#### निस्सयपटिप्पस्सद्धिकथावण्णना

८३. निस्सयपटिप्पस्सद्धिकथायं “**थो वा एकसम्भोगपरिभोगो, तस्स सन्तिके निस्सयो गहेतव्वो**”ति इमिना लज्जीसु एव निस्सयग्गहणं नियोजेति अलज्जीसु पटिक्खित्तता । एत्थ च परिभोगसद्देन एककम्मादिको संवासो गहितो पच्चयपरिभोगस्स सम्भोग-सद्देन गहितत्ता, एतेन च सम्भोगसंवासानं अलज्जीहि सद्धिं न कत्तव्वत्तं दस्सेति । **परिहारो नत्थी**ति आपत्तिपरिहारो नत्थि । **तादिसो**ति यत्थ निस्सयो गहितपुब्बो, यो च एकसम्भोगपरिभोगो, तादिसो । **तथा वुत्तन्ति** “लहुं आगमिस्सामी”ति वुत्तच्चेति अत्थो । “**चत्तारि पञ्च दिवसानी**”ति इदं उपलक्खणमत्तं । यदि एकाहद्वीहेन सभागता पञ्चायति, जातदिवसेन गहेतव्वोव । अथापि चतुपञ्चाहेनापि न पञ्चायति, यत्तकेहि दिवसेहि पञ्चायति, तत्तकानि अतिक्कमेतव्वानि । सभागत्तं ओलोकेमीति पन लेसो न कातव्वो ।

**दहरा सुणन्ती**ति एत्थ असुत्वापि आगमिस्सति, केनचि अन्तरायेन चिरायतीति सज्जाय सति लब्धतेव परिहारो । तेनाह “**इधेवाहं वसिस्सामीति पहिणति, परिहारो नत्थी**”ति ।

**एकदिवसमि परिहारो नत्थी**ति गमने निरुस्साहं सन्थाय वुत्तं । सउस्साहस्स पन सेनासनपटिसामनादिवसेन कतिपाहे गतेपि न दोसो ।

**तत्रेव वसितव्वन्ति** तत्र सभागद्वाने एव निस्सयं गहेत्वा वसितव्वं । “**तंयेव विहारं... पे०... वसितुं वट्टती**”ति इमिना उपज्जाये सङ्गहन्तेयेव तंसमोधाने निस्सयपटिप्पस्सद्धि वुत्ता, तस्मिं पन कोधेन वा गणनिरपेक्खताय वा असङ्गहन्ते अज्जेसु गहितो निस्सयो न पटिप्पस्सम्भतीति दस्सेति ।

आचरियम्हा निस्सयपटिप्पस्सद्धियं वुत्तो “**कोचि आचरियो**”ति आदिको नयो उपज्जायपक्कमनादीसुपि नेत्वा तत्थ च वुत्तो इधापि नेत्वा यथारहं योजेतव्वो ।

**द्वे लेड्डुपाते अतिक्कम्म अज्जस्मिं विहारे वसन्ती**ति उपचारसीमतो बहि अज्जस्मिं विहारे अन्तेवासिकानं वसनद्वानतो द्वे लेड्डुपाते अतिक्कम्म वसन्ति । तेन बहिउपचारेपि अन्तेवासिकादीनं वसनद्वानतो द्विन्नं लेड्डुपातानं अन्तरे आसनपदेसे वसति, निस्सयो न पटिप्पस्सम्भतीति दस्सेति । अन्तोउपचारसीमायं पन द्वे लेड्डुपाते अतिक्कमित्वा वसतो निस्सयो न पटिप्पस्सम्भतेव ।

निस्सयपटिप्पस्सद्धिकथावण्णना निड्ढिता ।

#### उपसम्पादेतव्वपञ्चकथावण्णना

८४. उपज्जाचरियलक्खणकथायं न **सामणेरो उपड्डापेतव्वो**ति उपज्जायेन हुत्वा न पब्बाजेतव्वो । असेक्खस्स अयन्ति **असेक्खो**, लोकियलोकुत्तरो सीलक्खन्धो ।

**अन्तग्राहिहाकाया**ति सस्सतुच्छेदकोड्डासग्राहिहाकाय । **पच्छिमानि** द्वेति अप्पस्सुतो होति, दुप्पज्जो होतीति इमानि द्वे अङ्गानि । **पच्छिमानि तीणी**ति न पटिबलो उपपन्नं कुक्कुच्चं धम्मतो विनोदेतुं, आपत्तिं न जानाति, आपत्तिया वुट्ठानं न जानातीति इमानि तीणि । कुक्कुच्चस्स हि पाळिअड्डकथानयसङ्घातधम्मतो विनोदेतुं अपटिबलता नाम अब्यत्तता एव होतीति सापि आपत्तिअङ्गमेव वुत्ता ।

अभिर्विसिद्धो उत्तमो समाचारो अभिसमाचारो, वत्तपटिवत्तसीलं । तं आरब्ध पञ्चता खन्धकसिक्खापदसङ्घाता सिक्खा **आभिसमाचारिका** । सिक्खापदमि हि तं तत्थ पटिपूरणत्थिकेहि उग्गहणादिवसेन सिक्खितव्वतो “सिक्खा”ति वुच्चति । मग्गब्रह्मचरियस्स आदिभूता कारणभूताति **आदिब्रह्मचरियका** सिक्खा, उभतोविभङ्गपरियापन्नासिक्खापदं । तेनेव **विसुद्धिमग्गे**पि “उभतोविभङ्गपरियापन्नासिक्खापदं आदिब्रह्मचरियकं, खन्धकवत्तपअयापन्नं आभिसमाचारिक”न्ति (विसुद्धि० १.११) वुत्तं । तस्मा **सेक्खपणत्तिय**”न्ति एत्थ सिक्खितव्वतो सेक्खा, भगवता पञ्चत्तता पण्णति । सब्बापि उभतोविभङ्गपरियापन्ना सिक्खापदपण्णति “सेक्खपण्णती”ति वुत्ताति गहेतव्वो । **नामरूपपरिच्छेदे**ति एत्थ कुसलत्तिकादीहि वुत्तं जातिभूमिपुगलसम्पयोगवत्थारम्मणकम्मद्वारलक्खणरसादिभेदेहि वेदनाक्खन्धादिचतुब्बिधं सनिब्बानं नामं, भूतपादायभेदं रूपञ्च परिच्छिन्दित्वा जाननपञ्चा, तप्पकासको च गन्थो नामरूपपरिच्छेदो नाम । इमिना अभिधम्मत्थकुसलेन भवितव्वन्ति दस्सेति । **सिक्खापेतुन्ति** उग्गहणात्तुं ।

उपसम्पादेतव्वपञ्चकथावण्णना निड्ढिता ।

#### अज्जतिथियपुब्बवत्थुकथावण्णना

८६. तिथियपरिवासकथायं **आजीवकस्स** वातिआदीसु अकिरियवादी आजीवको नाम, किरियवादिनो पन निगण्ठापि अज्जेपि नगगतिथिका अचेलकपदे सङ्गहिता । सब्बथा नग्गस्सेव तिथियपरिवासो विहितो । सो च तेनेव नगवेसेन भिक्खून् सन्तिकं आगतस्स, न पटिच्छादेत्वा आगतस्साति दस्सेतुं “**सचे सोपी**”तिआदि वुत्तं । तत्थ **सोपी**ति आजीवको ।

**आमिसकिञ्चिक्खसम्पदानं** नाम अप्पमतकस्स देय्यधम्मस्स अनुपदानं । **रूपपजीविका**ति अत्तनो रूपमेव निस्साय जीवन्तियो । वेसिया गोचरो बहुलं पवत्तिद्वानं अस्साति **वेसियागोचरो** । एस नयो सब्बत्थ । **योब्बन्नातीता**ति अनिविद्धा एव महल्लिकभावं पत्ता थुल्लकुमारी एवाति वुत्तं । **आदायस्सा**ति आदानस्स गहणस्स ।

अज्जतिथियपुब्बवत्थुकथावण्णना निड्ढिता ।

#### पञ्चाबाधवत्थुकथावण्णना

८८-९. पञ्चाबाधादिवत्थुसु पाळियं **सोहि अरोगो, विब्भमिस्सामी**ति सो अहं अरोगो, विब्भमिस्सामीति अत्थो । **नखपिट्ठिप्पमाणन्ति** कनिड्डङ्गुलिनखपिट्ठि अधिपेत्ता । “पटिच्छन्ने ठाने नखपिट्ठिप्पमाणं अवड्डनकपक्खे ठितं होति, वट्टती”ति वुत्तता अप्पटिच्छन्नद्वाने तादिसमिपि न वट्टति, पटिच्छन्नद्वानेपि च वड्डनकपक्खे ठितोपि न वट्टतीति सिद्धमेव होति । पाकटद्वानेपि पन नखपिट्ठिप्पमाणतो ऊनतरं अवड्डनकं वट्टतीति ये गणहेय्युं, तेसं तं गहणं पटिसेधेतुं “**मुखे पना**”तिआदि वुत्तं ।

**कोलड्डिमत्तकोपी**ति बदरड्डिप्पमाणोपि । **अवड्डनकपक्खे ठितोपि न वट्टती**ति एत्थ पि-सद्देन कोलड्डिमत्ततो खूदकरोपि गण्डो न वट्टतीति दस्सेति । तेनाह “**सच्छविं कारेत्वा**”ति, विज्जमानच्छविं कत्वाति अत्थो । “सच्छवि”न्ति वा पाठो, सज्जातच्छविन्ति अत्थो । गण्डादीसु वूपसन्तेसुपि गण्डानं विवण्णमिपि होति, तं वट्टति ।

**पदुमपुण्डरीकपत्तवण्णन्ति** रत्तपदुमसेतपदुमपुण्डदलवण्णं । **कुट्टे वुत्तनयेनेवाति** पटिच्छन्नद्वाने अवड्डनकं वट्टति, अज्जत्थ न किञ्चिपि वट्टतीति वुत्तनयं दस्सेति । **सोसव्याधी**ति खयरोगो । **यक्खुम्मारो**ति कदाचि कदाचि आगन्त्वा भूमियं पातेत्वा हत्थमुखादिकं अवयवं भूमियं घंसनको यक्खोव रोगो ।

पञ्चाबाधवत्थुकथावण्णना निट्ठिता ।

#### राजभटवत्थुकथावण्णना

१०. न दानाहं देवस्स भटोति आपुच्छतीति रज्जा एव दिन्नुद्वानन्तरं सन्धाय वृत्तं । यो पन राजकम्मिकेहि अमच्चादीहि ठपितो, अमच्चादीनं एव वा भटो होति, तेन तं तं अमच्चादिमि आपुच्छितुं वट्ठति ।

राजभटवत्थुकथावण्णना निट्ठिता ।

#### चोरवत्थुकथावण्णना

११. तस्माति भगवा सयं यस्मा धम्मस्सामी, तस्मा अङ्गुलिमालं एहिभिक्षुभावेन पब्बाजेसि, भिक्षुं पन सिकखापदं पञ्जपेन्तो एवमाहाति अधिप्पायो । एवं जानन्तीति सीलवा जातोति जानन्ति ।

१२. उपरमन्ति विरमन्ति । भिन्दित्वाति अन्दुबन्धनं भिन्दित्वा । छिन्दित्वाति सङ्गलिकं छिन्दित्वा । मुञ्चित्वाति रज्जुबन्धनं मुञ्चित्वा । विवरित्वाति गामबन्धनादीसु गामद्वारादीनं विवरित्वा । अपस्समानानन्ति पुरिसगुत्तियं गोपकानं अपस्सन्तानं ।

१५. पुरिमनयेनेवाति “कसाहतो कतदण्डकम्मो”ति एत्थ वृत्तनयेनेव ।

चोरवत्थुकथावण्णना निट्ठिता ।

#### इणायिकवत्थुकथावण्णना

१६. पलातोपीति इणसामिकानं आगमनं जत्वा भयेन पलातो । गीवा होतीति इणायिकभावं जत्वा अनादरेन इणमुत्तके भिक्षुभावे पवेसितत्ता । उपट्ठुपट्ठन्ति थोकथोकं । दातब्बमेवाति इणायिकेन धनं सम्पटिच्छतु वा मा वा, दाने सउस्साहेनेव भवितब्बं । अज्जेहि च भिक्षुहि “मा धुरं निक्खिपाही”ति वत्ता सहायकेहि भवितब्बन्ति दस्सेति । धुरनिकखेपेन हिस्स भण्डघनेन कारेतब्बता सियाति ।

इणायिकवत्थुकथावण्णना निट्ठिता ।

#### दासवत्थुकथावण्णना

१७. “दासचारित्तं आरोपेत्वा कीतो”ति इमिना दासभावपरिमोचनत्थाय कीतकं निवत्तेति । तादिसो हि धनक्कीतोपि अदासो एव । तत्थ तत्थ चारित्तवसेनाति तस्मिं तस्मिं जनपदे दासपण्णज्झापनादिना अदासकरणनियामेन । अभिसेकादीसु सब्बबन्धनानि मोचापेन्ति, तं सन्धाय “सब्बसाधारणेना”ति वृत्तं ।

सयमेव पण्णं आरोपेन्ति, न वट्ठतीति ता भुजिस्सित्थियो “मयमि वण्णदासियो होमा”ति अत्तनो रक्खणत्थाय सयमेव राजूनं दासपण्णे अत्तनो नामं लिखापेन्ति, तासं पुत्तापि राजदासाव होन्ति, तस्मा ते पब्बाजेतुं न वट्ठति । तेहि अदिन्ना न पब्बाजेतब्बाति यत्तका तेसं सामिनो, तेसु एकेन अदिन्नेपि न पब्बाजेतब्बा ।

भुजिस्से पन कत्वा पब्बाजेतुं वट्ठतीति यस्स विहारस्स ते आरामिका दिन्ना, तस्मिं विहारे सङ्गं जापेत्वा फातिकम्मेन धनानि दत्वा भुजिस्से कत्वा पब्बाजेतुं वट्ठति । तक्कं सीसे आसित्तकसदिसाव होन्तीति केसुचि जनपदेसु अदासे करोन्ता तक्कं सीसे आसिञ्चन्ति, तेन किर ते अदासा होन्ति, एवमिदमि आरामिकवचनेन दानम्पीति अधिप्पायो । तथा दिन्नेपि सङ्गस्स आरामिकदासो एवाति “नेव पब्बाजेतब्बो”ति वृत्तं । “तावकालिको नामा”ति वृत्तता कालपरिच्छेदं कत्वा वा पच्छापि गहेतुकामताय वा दिन्नं सब्बं तावकालिकमेवाति गहेतब्बं । निस्सामिकदासो नाम यस्स सामिकुलं अज्जातिकं मरणेन परिकखीणं, न कोचि तस्स दायादो, सो पन समानजातिकेहि वा निवासगामवासीहि वा इस्सरेहि वा भुजिस्सो कतोव पब्बाजेतब्बो । देवदासापि दासा एव । ते हि कत्थचि देसे राजदासा होन्ति, कत्थचि विहारदासा, तस्मा पब्बाजेतुं न वट्ठति । दासमि पब्बाजेत्वा सामिके दिस्वा पटिच्छादनत्थं अपनेन्तो पदवारेन अदिन्नादानापत्तिया कारेतब्बो, दासस्स पन पलायतो अनापत्ति ।

दासवत्थुकथावण्णना निट्ठिता ।

#### कम्मरभण्डवत्थादिकथावण्णना

१८. भण्डुकम्मापुच्छनादिकथायं कम्मरभण्डूति दहरताय अमोळिबन्धो मुण्डिकसीसो कम्मरदारको एव वृत्तो । तुलाधारमुण्डकोति एत्थ तुलाधाराति तम्बसुवण्णादीनं तुलं हत्थेन धारेतीति कम्मारा “तुलाधारा”ति वृत्ता, तेसु एको मुण्डिकसीसो दहरोति अत्थो । तेनाह “पञ्चसिखो तरुणदारको”ति । एकाव सिखा पञ्च वेणियो कत्वा बन्धनेन पञ्चसिखाति वुच्चति, सा एतस्स अत्थीति पञ्चसिखो, तस्स सिखं छिन्दन्ता कच्चि भिक्षुं अजानापेत्वाव पब्बाजेसुं । तेन भण्डुकम्मापलोकेन अनुज्जातं । सीमापरियापन्नेति बद्धसीमाय सति तदन्तो गधे, असति उपचारसीमन्तो गधेति अत्थो । एत्थ च किञ्चापि “अनुजानामि, भिक्षवे, सङ्गं अपलोकेतुं भण्डुकम्माया”ति एतकमेव वृत्तं, न पन अनपलोकेन्तस्स आपत्ति वृत्ता, तथापि अट्टकथायं “सब्बे आपुच्छिता अम्हेहीतिसज्जिनो...पे०... पब्बाजेन्तस्सपि अनापत्तो”ति वृत्तता सज्जिच्च अनापुच्छा केसे ओहारेन्तस्स दुक्कटमेवाति दट्ठब्बं । केसोरोपनमि समणपब्बजनवोहारं लभतीति आह “इमस्स समणकरण”न्ति आदि । एकसिखामत्तधरोति एत्थ एकेन केसेन सिखा एकसिखाति वदन्ति, अप्पकेसाव सिखा एवं वृत्ताति गहेतब्बा । एककेसमि पन अनापुच्छा छिन्दितुं न वट्ठतियेव ।

१००. वामहत्थेनाति दक्खिणहत्थेन भुज्जनतो वृत्तं ।

१०३-४. निस्सयमुच्चनकस्स वत्तेसु पञ्चकल्लकेसु पन “उभयानि खो पनस्स पातिमोक्खानि...पे०... अनुब्यञ्जनसो”ति एत्थ सब्बोपि चायं पभेदो मातिकाट्टकथायं जातायं जातो होति । “आपत्तिं जानाति, अनापत्तिं जानाती”ति इदञ्च अत्तना जातट्ठानेसु आपत्तादि सन्धाय वृत्तन्ति न गहेतब्बं ।

कम्मरभण्डवत्थादिकथावण्णना निट्ठिता ।

#### राहुलवत्थुकथावण्णना

१०५. पोक्खरवस्सन्ति पोक्खरे पदुमगच्छे विय अतेमितुकामानं सरीरतो पवट्टनकवस्सं । तस्मिं किर वस्सन्ते तेमितुकामाव तेमेन्ति, न इतरे । “भिक्षुं गणहथा”ति वत्ता गतो नाम नत्थीति अत्तनो सन्तके रज्जे सब्बमि सापतेत्थं सयमेव परिभुजिस्सतीति गारवेन सुद्धोदनमहाराजापि न निमन्तेसि, गत्वा पन गेहे सकलरत्ति महादानञ्चेव बुद्धप्पमुखस्स सङ्गस्स आसनपञ्चतिट्ठानालङ्कारञ्च संविदहन्तोव वीतिनामेसि ।

न कोचि...पे०... पत्तं वा अग्गहेसीति भगवा अत्तनो पितु निवेसनमेव गमिस्सतीतिसज्जाय नग्गहेसि । कुलनगरेति जातिकुलन्तके नगरे । पिण्डचारियवत्तन्ति अत्तनो जातिगामेसुपि

सपदानचारिकवत्तं । भिक्खाय चारो चरणं एतस्साति **भिक्खाचारो**, खत्तियो ।

उत्तिट्ठेति उत्तिट्ठित्वा परेसं घरद्वारे उद्दिस्स ठत्वा गहेतब्बपिण्डे । **नप्पमज्जेय्याति** निमन्तनादिवसेन लब्धमानपणीतभोजनं पटिक्खित्वा पिण्डाय चरणवसेन तत्थ नप्पमज्जेय्य । **धम्मन्ति** अनेसन् पहाय सपदानं चरन्तो तमेव भिक्खाचरियधम्मं सुचरितं चरेय्य । **सुखं सेतीति** चतूहि इरियापर्येहि सुखं विहरतीति अत्थो ।

दुतियगाथायं **न नं दुच्चरितन्ति** वेसियादिभेदे अगोचरे चरणवसेन तं यथावुत्तं धम्मं दुच्चरितं न च चरे । सेसं वुत्तनयमेव । **इमं पन गाथं सुत्वाति** निवेसने निस्सिन्नेन भगवता जातिसमागमे अत्तनो पिण्डाय चरणं निस्साय पवत्ताय गाथाय वुत्तं इमं दुतियगाथं सुत्वा ।

**धम्मपालजातकन्ति** आदीसु पन ततो परकालेसुपि रज्जो पवत्ति परिनिब्बानं पापेत्वा यथापसङ्गवसेन दस्सेतुं वुत्ता । तेनाह “**सोतापत्तिफलं सच्छिक्त्वा**”तिआदि । **सिरिगम्भं गन्त्वाति** एत्थ यदि हि भगवा तदहेव गन्त्वा न पस्सेय्य, सा हदयेन फलितेन मरेय्याति अगमासीति दट्ठब्बं ।

**तं दिवसमेवाति** तस्मिं राहुलमातुदस्सनदिवसेयेव । **धम्मपदट्टकथायं** पन “सत्था कपिलपुरं गन्त्वा ततियदिवसे नन्दं पब्बाजेसी”ति (ध० प० अट्ठ० १.१२ नन्दत्थेरवत्थु) वुत्तं । **केसविस्सज्जनन्ति** राजमाळिबन्धनत्थं कुमारकाले बन्धितसिखावेणिमोचनं, तं किर करोन्ता मङ्गलं करोन्ति । **सारत्थदीपनियं** पन “केसविस्सज्जनन्ति कुलमरियादवसेन केसोरोपनं”न्ति (सारत्थ० टी० महावग्ग ३.१०५) वुत्तं । **पट्टबन्धोति** “असुकराजा”ति नळाटे सुवण्णपट्टबन्धनं । अभिनवपासादपवेसमङ्गलं **धरमङ्गलं** । छतुस्सापने मङ्गलं **छत्तमङ्गलं** । **जनपदकल्याणीति** जनपदमिह कल्याणी परेहि असाधारणेहि पञ्चकल्याणादीहि सहितत्ता सा एवं वुत्ता । **तुवटन्ति** सीधं । **अनिच्छमानन्ति** मनसा अरोचेन्तं, वाचाय पन भगवता “पब्बजिस्ससि नन्दा”ति वुत्ते गारवेन पटिक्खिपितुं अविशहन्तो “आमा”ति अवोच । भगवा च एतेन लेसेन पब्बाजेसि ।

**ब्रह्मरूपवण्णन्ति** ब्रह्मरूपसमानरूपं । **त्यस्साति** ते अस्स । **निवत्तेतुं न विसहीति** “मा नं निवत्तयित्था”ति भगवता वुत्तत्ता नासक्खि । **सत्तविधं अरियधनन्ति** —

“सद्धानं सोलधनं, हिरिओत्तपियं धनं ।

सुतधनञ्च चागो च, पज्जा वे सत्तमं धनं”न्ति ॥ (अ० नि० ७.५, ६) —

एवं वुत्तं सत्तविधं अरियधनं । **अधिमतं राहुलेति** राहुले पब्बजिते नन्दपब्बज्जाय उप्पन्नदुक्खतोपि अधिकतरं दुक्खं अहोसीति अत्थो । **इतो पच्छाति** इतो वुत्तसोकृप्पत्तितो अपरदिवसेसु अनागामीनं जातिसिनेहपटिघचित्तुप्पादाभावा । पाळियं **पुत्तपेमन्ति**आदि रज्जा पुत्तसिनेहस्स तिब्बभावं दस्सेतुं वुत्तं । पुत्तसिनेहो हि अत्तना सहजातपीतिवेगसमुद्भितानं रूपधम्मानं सकलसरीरं खोमेत्वा पवत्तनवसेन “छविं...पे०... अट्ठिमज्जं आहच्च तिट्ठती”ति वुत्तो । **अत्तनो पियतराति** भगवन्तं सन्धाय वदति । **पुत्तेति** राहुलं । **सदहन्तेनाति** तस्स वचनेन अवेमतिकेनाति अत्थो । विमतिया सति आपत्ति एव ।

राहुलवत्थुकथावण्णना निट्ठिता ।

#### सिक्खापददण्डकम्मवत्थुकथावण्णना

१०६. सामणेरसिक्खापदादीसु पाळियं **सिक्खापदानीति** सिक्खाकोट्टासा । अधिसीलसिक्खानं वा अधिगमूपाया । **पाणोति** परमत्थतो जीवितिन्द्रियं । तस्स अतिपातनं पबन्धवसेन पवत्तितुं अदत्ता सत्थादीहि अतिक्कम्म अभिभवित्वा पातनं पाणातिपातो । पाणवधोति अत्थो । सो पन अत्थतो पाणे पाणसज्जिनो जीवितिन्द्रियुपच्छेदकउपक्कमसमुद्भापिका वधकचेतनाव । तस्मा पाणातिपाता वेरमणि, वेरहेतुताय वेरसङ्घातं पाणातिपातादिपापधम्मं मणति नीहरतीति विरति “**वेरमणी**”ति वुच्चति, विरमति एतायाति वा “विरमणी”ति वत्तब्बे निरुत्तिनयेन “वेरमणी”ति समादानविरति वुत्ता । एस नयो सेसेसुपि ।

अदिन्नस्स आदानं **अदिन्नादानं**, थेय्यचेतनाव । **अब्रह्मचरियन्ति** असेट्टचरियं, मग्गेन मग्गपटिपत्तिसमुद्भापिका मेथुनचेतना । **मुसाति** अभूतवत्थु, तस्स वादो अभूततं जत्वाव भूततो विज्जापनचेतना **मुसावादो** । पिट्ठपूवादिनिब्बत्तसुरा चेव पुप्फासवादिभेदं मेरयञ्च **सुरामेरयं** । तदेव मदनीयट्टेन मज्जञ्चेव पमादकारणट्टेन पमादट्टानञ्च, तं याय चेतनाय पिवति, तस्स एतं अधिवचनं ।

अरुणुगमनतो पट्टाय याव मज्झन्हिका अयं अरियानं भोजनस्स कालो नाम, तदज्जो **विकालो** । भुज्जितवट्टेन **भोजनन्ति** इध सब्बं यावकालिकं वुच्चति, तस्स अज्जोहरणं इध उत्तरपदलोपेन “भोजन”न्ति अधिपेतं । विकाले भोजनं अज्जोहरणं **विकालभोजनं**, विकाले वा यावकालिकस्स भोजनं अज्जोहरणं विकालभोजनन्तिपि अत्थो गहेतब्बो, अत्थतो विकाले यावकालिकअज्जोहरणचेतनाव ।

सासनस्स अननुलोमत्ता विसूकं पटाणीभूतं दस्सनं **विसूकदस्सनं**, नच्चगीतादिदस्सनसवनानञ्चेव वट्ठकयुद्धजुतकीळादिसब्बकीळानञ्च नाम । **दस्सनन्ति** चेत्थ पञ्चन्नमि विज्जाणानं यथास्कं विसयस्स आलोचनसभावताय **दस्सन**-सहेन सङ्गहेतब्बत्ता सवनमि सङ्गहितं । **नच्चगीतवादित**-सहेहि चेत्थ अत्तनो नच्चनगायनादीनिपि सङ्गहितानीति दट्ठब्बं ।

**मालाति** बद्धमबद्धं वा अन्तमसो सुत्तादिमयमि अलङ्कारत्थाय पिळन्थियमानं “माला”त्वेव वुच्चति । **गन्धन्ति** वासचुण्णादिविलेपनतो अज्जं यं किञ्चि गन्धजातं । **विलेपनन्ति** पिसित्वा गहितं छविरागकरणञ्चेव गन्धजातञ्च । **धारणं** नाम पिळन्धनं । **मण्डनं** नाम ऊनट्टानपूरणं । गन्धवसेन, छविरागवसेन च सादियनं **विभूसनं** नाम । मालादीसु वा धारणादीनि यथाक्कमं योजेतब्बानि । तेसं धारणादीनं ठानं कारणं वीतिककमचेतना ।

**उच्चाति** उच्च-सहेन समानत्थो निपातो, **उच्चासयनं** वुच्चति पमाणातिक्कन्तं आसन्दादि । **महासयनं** अकप्पियत्थरणेहि अत्थत्तं, सलोहितवितानञ्च । एतेसु हि आसनं, सयनञ्च उच्चासयनमहासयन-सहेहि गहितानि उत्तरपदलोपेन । **जातरूपरजतपटिग्गहणाति** एत्थ **रजत**-सहेन दारुमासकादि सब्बं रूपियं सङ्गहितं, मुत्तामणिआदयोपेत्थ धञ्जखेत्तवत्थादयो च सङ्गहितानि दट्ठब्बा । **पटिग्गहण**-सहेन पटिग्गहापनसादियनानि सङ्गहितानि । **नासनवत्थूति** पाराजिकट्टानताय लिङ्गनासनाय कारणं ।

१०७. पाळियं **सब्बं सङ्कारामं आवरणं करोन्तीति** सब्बसङ्कारामे पवेसनिवारणं करोन्ति । **सङ्कारामो आवरणं कातब्बोति** सङ्कारामो आवरणो कातब्बो, सङ्कारामे वा आवरणं कातब्बन्ति अत्थो । तेनेव “तत्थ आवरणं कातु”न्ति भुम्मवसेन वुत्तं । **आहारं आवरणन्ति** आदीसुपि एसेव नयो । “यत्थ वा वसती”ति इमिना सामणेरस्स वस्सगणेन लद्धं वा सकसन्तकमेव वा निबद्धवसनकसेनासनं वुत्तं । **यत्थ वा पटिक्कमतीति** आचरियुपज्झायानं वसनट्टानं वुत्तं । तेनाह “अत्तनो”तिआदि । **अत्तनोति** हि सयं, आचरियस्स, उपज्झायस्स वाति अत्थो । दण्डेन्ति विनेन्ति एतेनाति दण्डो, सो एव कत्तब्बत्ता कम्मन्ति **दण्डकम्मं**, आवरणादि । **उदकं वा पवेसेतुन्ति** पोक्खरणीआदिउदके पवेसेतुं ।

सिक्खापददण्डकम्मवत्थुकथावण्णना निट्ठिता ।

#### अनापुच्छावरणवत्थुआदिकथावण्णना

१०८. **सद्धिविहारिकअन्तेवासिकानम्पीति** उपसम्पन्ने सन्धाय वुत्तं । तेसुपि हि आचरियुपज्झायेसु यथा ओरमन्ति, तथा तेसं निग्गहं अकरोन्तेसु अज्जेहि आवरणादिनिग्गहकम्मं कातब्बमेव । **सङ्गहन्तीति** “परपरिसतो भिन्दित्वा गण्हिस्सामी”ति दानादिचतूहि **सङ्गहवत्थूहि** (दी० नि० ३.२१०; अ० नि० ४.३२, २५६) उपलाळनवसेन सङ्गहन्ति । सो भिज्जतु वा मा वा, सङ्गहन्तस्स पयोगे

आपत्ति एव। **भिन्दित्वा गणितुं न वट्टतीति** भिन्दितुम्पि न वट्टति, गणितुम्पि न वट्टतीति अत्थो। **आदीनवं पन वत्तुं वट्टतीति** सासनगारवेन वा परानुद्दयताय वा वत्तुं वट्टति, न परिसलोलताय।

“**सेनासनगगाहो च पटिप्पस्सम्भती**”ति इमिना वस्सच्छेदं दस्सेति। उपसम्पन्नानाम्पि पाराजिकसमापतिया सरणगमनादिसामणेराभावस्सापि विनस्सन्तो सेनासनगगाहो च पटिप्पस्सम्भति, सङ्गलाभम्पि ते न लभन्तीति वेदितव्वं। **पुरिमिकाय पुन सरणानि गहितानीति** सरणगगणेन सह तदहेवस्स वस्सूपगमनम्पि दस्सेति। **पच्छिमिकाय वस्सावासिकन्ति** वस्सावासिकलाभगगणदस्सनमतमेवेतं, ततो पुरेपि, पच्छापि वा वस्सावासिकञ्च चौवरमासेसु सङ्के उपपन्नं कालचौवरञ्च पुरिमिकाय उपगन्त्वा अविपन्नसीलो सामणरो लभति एव। **सचे पच्छिमिकाय गहितानीति** पच्छिमिकाय वस्सूपगमनञ्च छिन्नवस्सतञ्च दस्सेति। तस्स हि कालचौवरे भागो न पापुणाति। तस्मा “**अपलोकेत्वा लाभो दातव्वो**”ति वुत्तं।

वस्सावासिकलाभो पन यदि सेनासनसामिका दायका सेनासनगुत्तथाय पच्छिमिकाय उपगन्त्वा वत्तं कत्वा अत्तनो सेनासने वसन्तस्सपि वस्सावासिकं दातव्वन्ति वदन्ति, अनपलोकेत्वापि दातव्वोव। यं पन **सारत्थदीपनियं** “पच्छिमिकाय वस्सावासिकं लच्छतीति पच्छिमिकाय पुन वस्सं उपगतत्ता लच्छती”ति (सारत्थ० टी० महावग्ग ३.१०८) वुत्तं, तम्पि वस्सावासिके दायकानं इमं अधिप्पायं निस्साय वुत्तञ्चे, सुन्दरं। सङ्घिकं, कालचौवरम्पि सन्धाय वुत्तञ्चे, न युज्जतीति वेदितव्वं।

**न अजानित्वाति** “सुरा”ति अजानित्वा पिवतो पाणातिपातवेरमणिआदिसब्बसीलभेदं, सरणभेदञ्च न आपज्जति, अकुसलं पन सुरापानवेरमणिसीलभेदो च होति मालादिधारणादीसु वियाति दट्ठव्वं। **इतरानीति** विकालभोजनवेरमणिआदीनि। तानिपि हि सञ्चिच्च वीतिककमन्तस्स तं तं भिज्जति एव, इतरीतरेसं पन अभिज्जमानेन नासनङ्गानि न होन्ति। तेनेव “**तेसु भिन्नेसू**”ति भेदवचनं वुत्तं।

**अच्चयं देसापेतव्वोति** “अच्चयो मं, भन्ते, अच्चगमा”तिआदिना सङ्गमज्जे देसापेत्वा सरणसीलं दातव्वन्ति अधिप्पायो पाराजिकत्ता तेसं। तेनाह “**लिङ्गनासनाय नासेतव्वो**”ति। **अयमेव हि नासना इध अधिप्येताति** लिङ्गनासनाकारणेहि पाणातिपातादीहि अवण्णभासनादीनं सह पतितत्ता वुत्तं।

ननु च कण्टकसामणरोपि मिच्छादिट्टिको एव, तस्स च हेट्ठा दण्डकम्पनासनाव वुत्ता। इध पन मिच्छादिट्टिकस्स लिङ्गनासना वुच्चति, को इमेसं भेदोति चोदनं मनसि निधायाह “**सस्सतुच्छेदानज्झि अज्जतरदिट्टिको**”ति। एत्थ चायमधिप्पायो — यो हि “अत्ता इस्सरो वा निच्चो धुवो”तिआदिना वा “अत्ता उच्छिज्जस्सति विनस्सिस्सती”तिआदिना वा तित्थियपरिकप्पितं यं किञ्चि सस्सतुच्छेददिट्टि दट्ठं गहेत्वा वोहरति, तस्स सा पाराजिकट्टानं होति। सो च लिङ्गनासनाय नासेतव्वो। यो पन ईदिसं दिट्ठि अगहेत्वा सासनिकोव हुत्वा केवलं बुद्धवचनाधिप्पायं विपरीततो गहेत्वा भिक्खूहि ओवदियमानोपि अप्पटिनिस्सज्जित्वा वोहरति, तस्स सा दिट्ठि पाराजिकं न होति, सो पन कण्टकनासनाय एव नासेतव्वोति।

अनापुच्छावरणवत्थुआदिकथावण्णना निट्ठिता।

#### पण्डकवत्थुकथावण्णना

**१०९.** पण्डकवत्थुस्मिं आसित्तउसुयपक्खपण्डका तयोपि पुरिसभावलिङ्गादिद्युत्ता अहेतुकपटिसन्धिका, ते च किलेसपरियुट्ठानस्स बलवताय नपुंसकपण्डकसदिसत्ता “पण्डका”ति वुत्ता। तेसु आसित्तउसुयपण्डकानं द्विन्नं किलेसपरियुट्ठानं योनिसोमनसिकारादीहि वीतिककमतो निवारेतुम्पि सक्का, तेन ते पब्बाजेतव्वो वुत्ता। पक्खपण्डकस्स पन काळपक्खेसु उम्मादो विय किलेसपरिळाहो अवत्थरन्तो आगच्छति, वीतिककमं पत्वा एव च निवत्तति। तस्मा सो तस्मिं पक्खे न पब्बाजेतव्वोति वुत्तो। तदेतं विभागं दस्सेतुं “**यस्स परेस**”न्तिआदि वुत्तं। तत्थ **आसित्तस्साति** मुखे आसित्तस्स अत्तनोपि असुचिमुच्चनेन परिळाहो वूपसम्पति। **उसूयाय उप्पन्नायाति** उसूयाय वसेन अत्तनो सेवेतुकामतारागे उप्पन्ने असुचिमुत्तिया परिळाहो वूपसम्पति।

“**बीजानि अपनीतानी**”ति वुत्तत्ता बीजेसु ठितेसु निमित्तमते अपनीते पण्डको न होति। भिक्खुनोपि अनाबाधपच्चया तदपनयने थुल्लच्चयमेव, न पन पण्डकत्तं, बीजेसु पन अपनीतेसु अङ्गाजातम्पि रागेन कम्मनियं न होति, पुमभावो विगच्छति, मस्सुआदिपुरिसलिङ्गम्पि उपसम्पदापि विगच्छति, किलेसपरिळाहोपि दुन्निवारवीतिककमो होति नपुंसकपण्डकस्स विय। तस्मा ईदिसो उपसम्पन्नोपि नासेतव्वोति वदन्ति। यदि एवं कस्मा बीजूद्धरणे पाराजिकं न पज्जन्तति? एत्थ ताव केचि वदन्ति “पज्जन्तमेवेतं भगवता ‘पण्डको, भिक्खवे, अनुपसम्पन्नो न उपसम्पादेतव्वो, उपसम्पन्नो नासेतव्वो’ति वुत्तत्ता”ति। केचि पन “यस्मा बीजूद्धरणे पण्डको न होति, तस्मा तस्मिं खणे पाराजिकं न पज्जन्तं। यस्मा पन सो उद्धटबीजो भिक्खु अपरेन समयेन वुत्तनयेन पण्डकत्तं आपज्जति, अभावको होति, उपसम्पदाय अवत्थु, ततो एव चस्स उपसम्पदा विगच्छति, तस्मा एस पण्डकत्तुपगमनकालतो पट्टाय जातिया नपुंसकपण्डकेन सद्धिं योजेत्वा ‘उपसम्पन्नो नासेतव्वो’ति अभव्वोति वुत्तो, न ततो पुब्बे। अयञ्च किञ्चापि सहेतुको, भावकखयेन पनस्स अहेतुकसदिसताय मग्गोपि न उप्पज्जती”ति वदन्ति। अपरे पन “पब्बज्जतो पुब्बे उपक्कमेन पण्डकभावमापन्नं सन्धाय ‘उपसम्पन्नो नासेतव्वो’ति वुत्तं, उपसम्पन्नस्स पन पच्छा उपक्कमेन उपसम्पदापि न विगच्छती”ति, तं न युत्तं। यदग्गेन हि पब्बज्जतो पुब्बे उपक्कमेन अभव्वो होति, तदग्गेन पच्छापि होतीति वीमसित्त्वा गहेतव्वं।

इत्थत्तादि भावो नत्थि एतस्साति **अभावको**। **पब्बज्जा न वारिताति** एत्थ पब्बज्जागहणेनेव उपसम्पदापि गहिता। तेनाह “**यस्स चेत्थ पब्बज्जा वारिता**”तिआदि। **तस्मिंवेवस्स पक्खे पब्बज्जा वारिताति** एत्थ पन अपण्डकपक्खेपि पब्बज्जामत्तमेव लभति, उपसम्पदा पन तदापि न वट्टति, पण्डकपक्खे पन आगते लिङ्गनासनाय नासेतव्वोति वेदितव्वं।

पण्डकवत्थुकथावण्णना निट्ठिता।

#### थेय्यसंवासकवत्थुकथावण्णना

**११०.** थेय्यसंवासकवत्थुहि कोलज्जाति कुले जाता, तत्थ वा विदिता जाता पसिद्धा, तं वा जानन्ति कोलज्जाति जातकानं नामं। थेय्याय लिङ्गगगणमत्तम्पि इध संवासो एवाति आह “**तयो थेय्यसंवासको**”ति। न **यथावुट्ठं वन्दन्ति** भिक्खून्, सामणेरानं वा वन्दनं न सादियति।

**यथावुट्ठं वन्दन्ति** अत्तना मुसावादेन दस्सितवस्सक्कमेन भिक्खून् वन्दनं सादियति, दहरसामणेरों पन वुट्ठसामणेरानं, दहरभिक्खु च वुट्ठानं वन्दनं सादियन्तोपि थेय्यसंवासको न होति। **इमस्मिं अत्थेति** संवासत्थेनकत्थे।

“**भिक्खुवस्सानी**”ति इदं संवासत्थेनके वुत्तपाठवसेन वुत्तं, सयमेव पन पब्बजित्वा सामणेवरवस्सानि गणन्तोपि उभयत्थेनको एव। न केवलञ्च पुरिसोव, इत्थीपि भिक्खुनीसु एवं पटिपज्जति, थेय्यसंवासिकाव। आदिकम्मिकापि चेत्थ न मुच्चन्ति, उपसम्पन्नेसु एव पज्जन्तापत्तिं पटिच्च आदिकम्मिका वुत्ता, तेनेवेत्थ आदिकम्मिकापि न मुत्तो।

**राज...पे०...** **भयेनाति** एत्थ **भय**-सदो पच्चेकं योजेतव्वो। **याव सो सुद्धमनसोति** “इमिना लिङ्गेन भिक्खू वज्जेत्वा तेहि संवासिस्सामी”ति असुद्धचित्ताभावेन सुद्धचित्तो। तेन हि असुद्धचित्तेन लिङ्गे गहितमते पच्छा भिक्खूहि सह संवसतु वा मा वा, लिङ्गत्येनको होति। पच्छा संवसन्तोपि अभव्वो हुत्वा संवसति। तस्मा उभयत्थेनकोपि लिङ्गत्येनके एव पविसतीति वेदितव्वं। यो पन राजादिभयेन सुद्धचित्तोव लिङ्गं गहेत्वा विचरन्तो पच्छा “भिक्खुवस्सानि गणेत्वा जीविस्सामी”ति असुद्धचित्तं उप्पादेति, सो चित्तुप्पादमत्तेन थेय्यसंवासकोपि न होति सुद्धचित्तेन गहितलिङ्गत्ता। सचे पन सो भिक्खून् सन्तिकं गन्त्वा सामणेवरवस्सगणनादि करोति, तदा संवासत्थेनको, उभयत्थेनको वा होतीति दट्ठव्वं। यं पन परतो सह धुरनिकखेपेन “अयम्पि थेय्यसंवासको, वा”ति वुत्तं, तं भिक्खूहि सङ्गम्प संवासाधिवसनवसेन धुरनिकखेपं सन्धाय वुत्तं। तेन वुत्तं “**संवासं नाधिवासेति यावा**”ति। तस्स ताव थेय्यसंवासको नाम न वुच्चतीति सम्बन्धो दट्ठव्वो। एत्थ च चोरादिभयं विनापि कीळाधिप्पायेन लिङ्गं गहेत्वा भिक्खून् सन्तिके पब्बजितालयं दस्सेत्वा वन्दनादिं असादियन्तोपि “सोभति नु खो मे पब्बजितलिङ्ग”न्तिआदिना सुद्धचित्तेन गणन्तोपि थेय्यसंवासको न होतीति दट्ठव्वं।

**सब्बपासण्डियभत्तानीति** सब्बसामयिकानं साधारणं कत्वा पज्जन्तभत्तानि, इदञ्च भिक्खून्ज्जेव नियमितभत्तगहणे संवासोपि सम्भवेय्याति सब्बसाधारणभत्तं वुत्तं। संवासं पन असादियित्वा अभिक्खुकविहारादीसु विहारभत्तादीनि भुज्जन्तोपि थेय्यसंवासको न होति एव। **कम्मन्तानुद्धानेनाति** कसिआदिकम्मकरणेन। **पत्तचीवरं आदायाति** भिक्खुलिङ्गवेसेन सरिरेन धारेत्वा।

“यो एवं पब्बजति, सो थेय्यसंवासको नाम होती”ति इदं निदस्सनमत्तं, “थेय्यसंवासको”ति पन नामं अजानन्तोपि “एवं कातुं न वडुती”ति वा “एवं करोन्तो समणो नाम न होती”ति वा “यदि आरोचेस्सामि, छडुस्सन्ति म”न्ति वा “येन केनचि पब्बज्जा मे न रहती”ति जानाति, थेय्यसंवासको होति। यो पन पठमं “पब्बज्जा एवं मे गहिता”तिसज्जी केवलं अन्तरा अत्तनो सेतवत्थनिवासनादिविष्णकारं पकासेतुं लज्जन्तो न कथेति, सो थेय्यसंवासको न होति। **अनुपसम्पन्नकालेयेवाति** एत्थ अवधारणेन उपसम्पन्नकाले थेय्यसंवासकलक्खणं जत्वा वज्जनायपि नारोचेति, थेय्यसंवासको न होतीति दीपेति। सो परिसुड्ढचित्तेन गहितलिङ्गत्ता लिङ्गत्येनको न होति, लङ्घूपसम्पदत्ता तदनुगुणस्सेव संवासस्स सादितत्ता संवासत्थेनकोपि न होति। अनुपसम्पन्नो पन लिङ्गत्येनको होति, संवासारहस्स लिङ्गस्स गहितत्ता संवाससादियनमत्तेन संवासत्थेनको होति।

**सलिङ्गे ठितोति** सलिङ्गभावे ठितो। **थेय्यसंवासको न होतीति** भिक्खूहि दिन्ललिङ्गस्स अपरिच्यत्तत्ता लिङ्गत्येनको न होति, भिक्खुपटिज्जाय अपरिच्यत्तत्ता संवासत्थेनको न होतीति। यं पन **मातिकाडुकथायं** “लिङ्गानुरूपस्स संवासस्स सादितत्ता न संवासत्थेनको”ति (कङ्का० अट्ठ० पठमपाराजिकवण्णना) कारणं वुत्तं, तस्मि इदमेव कारणं सन्धाय वुत्तं। इतरथा सामणेरस्सपि भिक्खुवस्सगणनादीसु लिङ्गानुरूपसंवासो एव सादितोति संवासत्थेनकता न सिया भिक्खूहि दिन्ललिङ्गस्स उभिन्निम्मि साधारणत्ता। यथा चेत्थ भिक्खु, एवं सामणरोपि पाराजिकं समापन्नो सामणेरपटिज्जाय अपरिच्यत्तत्ता संवासत्थेनको न होतीति वेदितब्बो। **सोभतीति सम्पटिच्छित्वाति** कासावधारणे धुरं निक्खिपित्वा गिहिभावं सम्पटिच्छित्वा।

**यो कोचि वुड्ढपब्बजितोति** सामणेरं सन्धाय वुत्तं। **महापेळादीसूति** विलीवादिमयेसु घरद्वारेसु ठपितभत्तभाजनविसेसेसु, एतेन विहारे भिक्खूहि सिद्धिं वस्सगणनादीनं अकरणं दस्सेति।

थेय्यसंवासकवत्थुकथावण्णना निड्डिता।

#### तित्थियपक्कन्तकथावण्णना

तित्थियपक्कन्तकादिकथासु **तेसं लिङ्गे आदिन्नमत्तेति** वीमंसादि अधिप्पायं विना “तित्थियो भविस्सामी”ति सन्निट्ठानवसेन लिङ्गे कायेन धारितमत्तं। **सयमेवाति** तित्थियानं सन्तिकं अगन्त्वा सयमेव सङ्गारामेपि कुसचीरादीनि निवासति। **आजीवको भविस्सामि...पे०... गच्छतीति** आजीवकानं सन्तिके तेसं पब्बज्जनविधिना “आजीवको भविस्सामी”ति गच्छति। तस्स हि तित्थियभावूपगमनं पति सन्निट्ठाने विज्जमानेपि “गन्त्वा भविस्सामी”ति परिकप्पितत्ता पदवारे दुक्कटमेव वुत्तं। **दुक्कटन्ति** पाळिया अवुत्तेपि मेथुनादीसु वुत्तपुब्बपयोगदुक्कटानुलोमतो वुत्तं। एतेन च सन्निट्ठानवसेन लिङ्गे सम्पटिच्छित्ते पाराजिकं, ततो पुरिमपयोगे थुल्लच्चयज्ज वत्तब्बमेव, थुल्लच्चयक्खणे निवत्तन्तोपि आपत्तिं देसापेत्वा मुच्चति एवाति दट्ठब्बं। यथा चेत्थ, एवं सङ्गभेदेपि लोहितुप्पादेपि भिक्खुनं पुब्बपयोगादीसु दुक्कटथुल्लच्चयपाराजिकाहि मुच्चनसीमा च वेदितब्बा। सासनविरुद्धतायेत्थ आदिकम्मिकानम्मि अनापत्ति न वुत्ता। पब्बज्जायपि अभब्बतादस्सनत्थं पनेते, अज्जे च पाराजिककण्डे विसुं सिक्खापदेन पाराजिकादिं अदस्सेत्वा इध अभब्बेसु एव वुत्ताति वेदितब्बं।

**तं लद्धिन्ति** तित्थियवेसे सेट्टुभावगहणमेव सन्धाय वुत्तं। तेसज्हि तित्थियानं सस्सतादिग्गाहं गण्हेतोपि लिङ्गे असम्पटिच्छित्ते तित्थियपक्कन्तको न होति, तं लद्धिं अगगहेत्वापि “एतेसं वतचरिया सुन्दरा”ति लिङ्गं सम्पटिच्छन्तो तित्थियपक्कन्तको होति एव। **लद्धिया अभावेनाति** भिक्खुभावे सालयताय तित्थियभावूपगमनलद्धिया अभावेन, एतेन च आपदासु कुसचीरादिं पारुपन्तस्सापि नग्गस्स विय अनापत्तिं दस्सेति।

**उपसम्पन्नभिक्खुना कथितोति** एत्थ सङ्गभेदकोपि उपसम्पन्नभिक्खुनाव कथितो, मातुघातकादयो पन अनुपसम्पन्नेनापीति दट्ठब्बं।

तित्थियपक्कन्तकथावण्णना निड्डिता।

#### तिरच्छानवत्थुकथावण्णना

१११. उदकसज्चारिकं मण्डूकभक्खं नागसरीरन्ति सम्बन्धितब्बं। **विस्सरभयेनाति** नागस्स सरीरं दिस्वा भिक्खुनो विरवनभयेन। कपिमिद्धादीसु नागसरीरं नुपज्जतीति तदुपपत्तिसीमं दस्सेन्तो आह “विस्सट्ठो”तिआदि।

तिरच्छानवत्थुकथावण्णना निड्डिता।

#### मातुघातकादिकथावण्णना

११२. **अपवाहनन्ति** सोधनं। तिरच्छानादिअमनुस्सजातितो मनुस्सजातिकानज्जेव पुत्तेसु मेत्तादयोपि तिक्खविसदा होन्ति लोकुत्तरगुणा वियाति आह “**मनुस्सिथिभूता जनिका माता**”ति। यथा मनुस्सानज्जेव कुसलपवति तिक्खविसदा, एवं अकुसलपवत्तिपीति आह “**सयमि मनुस्सजातिकेनेवा**”तिआदि। **आनन्तरियेनाति** एत्थ चुतिअनन्तरं निरये पटिसन्धिफलं अनन्तरं नाम, तस्मिं अनन्तरे जनकत्तेन नियुत्तं आनन्तरियं, तेन। **वेसिया पुत्तोति** उपलक्खणमत्तं, कुलित्थिया अतिचारिनिया पुत्तोपि अत्तनो पितरं अजानित्वा घातेन्तो पितुघातकोव होति।

११४. **अवसेसन्ति** अनागामिआदिकं। यं पनेत्थ वत्तब्बं, तं मनुस्सविग्गहपाराजिके वुत्तमेव।

११५. **अयं सङ्गभेदकोति** पकतत्तं भिक्खुं सन्धाय वुत्तं। पुब्बे एव पाराजिकं समापन्नो वा वत्थादिदोसेन विपन्नोपसम्पदो वा सङ्गं भिन्दन्तोपि अनन्तरियं न फुसति, सङ्गो पन भिन्नोव होति, पब्बज्जा चस्स न वारिताति दट्ठब्बं।

“दुड्ढचित्तेना”ति वुत्तमेवत्थं विभावेति “**वधकचित्तेना**”ति। **लोहितं उप्पादेतीति** तथागतस्स वेरोहि अभेज्जकायताय केनचि बलक्कारेन चम्मादिछेदं कत्वा बहि लोहितं पग्घरापेतुं न सक्का, आवुधादिपहारेन पन लोहितं ठानतो चलित्वा कुप्पमानं एकत्थ सज्चितं होति, एत्तेन पन पहारदायको लोहितुप्पादको नाम होति देवदत्तो विय। चेतियं पन बोधिं वा पटिमादिं वा भिन्दतो आनन्तरियं न होति, आनन्तरियसदिसं महासावज्जं होति। बोधिरुक्खस्स पन ओजोहरणसाखा चेव सधातुकं चेतियं बाधयमाना च छिन्दितब्बा, पुज्जेमेवेत्थ होति।

मातुघातकादिकथावण्णना निड्डिता।

#### उभतोव्यज्जनकवत्थुकथावण्णना

११६. **इत्थिउभतोव्यज्जनकोति** इत्थिन्द्रिययुत्तो, इतरो पन पुरिसिन्द्रिययुत्तो। एकस्स हि भावद्वयं सह नुपज्जति **यमके** (यम० ३.इन्द्रिययमक.१८८) पटिक्खितत्ता। दुतियव्यज्जनं पन कम्मसहायेन अकुसलचित्तेनेव भावविरहितं उपज्जति। पकतित्थिपुरिसानम्मि कम्ममेव व्यज्जनलिङ्गानं कारणं, न भावो तस्स केनचि पच्चयेन पच्चयत्तस्स पट्टाने अवुत्तत्ता। केवलं भावसहितानयेव व्यज्जनलिङ्गानं पवत्तिदस्सनत्थं **अट्ठकथासु** “इत्थिन्द्रियं पटिच्च इत्थिलिङ्गादीनी”तिआदिना (ध० स० अट्ठ० ६३२) इन्द्रियं व्यज्जनकआरणत्तेन वुत्तं, इध पन अकुसलबलेन इन्द्रियं विनापि व्यज्जनं उपज्जतीति वुत्तं। उभिन्निम्मि चेसं उभतोव्यज्जनकानं यदा इत्थिया रागो उपज्जति, तदा पुरिसव्यज्जनं पाकटं होति, इतरं पटिच्छन्नं। यदा पुरिसे रागो उपज्जति, तदा इत्थिव्यज्जनं पाकटं होति, इतरं पटिच्छन्नं। **तत्थ विचारणक्कमोति** पटिसन्धिक्खणो एव इत्थिपुरिसलिङ्गानम्मि पातुभावप्पकासके **कुरुन्दि**वचने अयुत्ततापासनात्थं अत्यविचारणक्कमो। **अट्ठसालिनियज्हि** “इत्थिलिङ्गादीनि पन इत्थिन्द्रियं पटिच्च पवत्ते समुड्डितानी”तिआदि (ध० स० अट्ठ० ६३२) वुत्तं। नेवस्स पब्बज्जा अत्थीति योजना। यो च पटिक्खिते अभब्बे, भब्बे च पुग्गले जत्वा पब्बाजेति, उपसम्पादेति वा, दुक्कटं। अजानन्तस्स सब्बत्थ अनापत्तीति वेदितब्बं।

उभतोव्यञ्जनकवत्थुकथावण्णना निड्ढिता ।

#### अनुपज्झायकादिवत्थुकथावण्णना

११७. अनुपज्झायादिवत्थूसु **सिक्खापदं अपज्जत्तन्ति** “न, भिक्खवे, अनुपज्झायको उपसम्पादेतब्बो”ति इधेव पज्जापियमानसिक्खापदं सन्धाय वुत्तं । “**कम्मं पन न कुप्पती**”ति इदं उपज्झायाभावोपि “इत्थन्नामस्स उपसम्पदापेक्खो, इत्थन्नामेन उपज्झायेना”ति मतस्स वा विव्वमन्तस्स वा पुराणउपज्झायस्स, अज्जस्स वा यस्स कस्सचि अविज्जमानस्सापि नामेन सब्बत्थ उपज्झायकित्तनस्स कतत्ता वुत्तं । यदि हि उपज्झायकित्तनं न करेय्य, “पुगलं न परामसती”ति वुत्तकम्मविपत्ति एव सिया । तेनेव पाळियं “अनुपज्झायक”न्ति वुत्तं । **अट्टकथायम्पिस्स** “उपज्झायं अकित्तेत्वा”ति अवत्ता “उपज्झायं अगाहापेत्वा सब्बेन सब्बं उपज्झायविरहितं”इच्चेव अत्थोति वुत्तं । पाळियं **सङ्गेन उपज्झायेनाति** “अयं इत्थन्नामो सङ्गस्स उपसम्पदापेक्खो, इत्थन्नामो सङ्गं उपसम्पदं याचति सङ्गेन उपज्झायेना”ति एवं कम्मवाचाय सङ्गमेव उपज्झायं कित्तेत्वाति अत्थो । एवं **गणेन उपज्झायेनाति** एत्थापि “अयं इत्थन्नामो गणस्स उपसम्पदापेक्खो”ति आदिना योजना वेदितब्बा, एवं वुत्तोपि कम्मं न कुप्पति एव दुक्कटस्सेव वुत्तत्ता । अज्जथा “सो च पुगलो अनुपसम्पन्नो”ति वदेय्य । तेनाह “**सङ्गेना**”ति आदि । तत्थ पण्डकादीहि उपज्झायेहि करियमानेसु कम्मेसु पण्डकादिके विनाव यदि पञ्चवग्गादिगणो पूरति, कम्मं न कुप्पति, इतरथा कुप्पतीति वेदितब्बं ।

अनुपज्झायकादिवत्थुकथावण्णना निड्ढिता ।

#### अपत्तकादिवत्थुकथावण्णना

११८. अपत्तचीवरवत्थूसुपि पत्तचीवरानं अभावोपि “परिपुण्णस्स पत्तचीवरं”न्ति कम्मवाचाय सावितत्ता कम्मकोपं अवत्ता दुक्कटमेव वुत्तं । इतरथा सावनाय हापनतो कम्मकोपो एव सिया । केचि पन “पठमं अनुज्जातकम्मवाचाय उपसम्पन्ना विय इदानीपि ‘परिपुण्णस्स पत्तचीवरं’न्ति अवत्ता कम्मवाचाय उपसम्पन्नापि सूपसम्पन्नाएवा”ति वदन्ति, तं न युत्तं । अनुज्जातकालतो पट्ठाय हि अपरामसनं सावनाय हापनविपत्ति एव होति “इत्थन्नामो सङ्गं उपसम्पदं याचती”ति पदस्स हापने विय । तम्पि हि पच्छा अनुज्जातं, “सङ्गं, भन्ते, उपसम्पदं याचामी”ति आदिवाक्येन अयाचेत्वा तम्पि उपसम्पादेत्तो “अयं इत्थन्नामो सङ्गं उपसम्पदं याचती”ति वत्त्वाव यदि कम्मवाचं करोति, कम्मं सुकतमेव होति, नो चे विपन्नं । सब्बपच्छा हि अनुज्जातकम्मवाचतो किञ्चिपि परिहापेतुं न वट्ठति, सावनाय हापनमेव होति । अज्जे वा भिक्खू दातुकामा होन्तीति सम्बन्धो ।

**अनामट्ठपिण्डपातन्ति** भिक्खूहि लद्धभिक्खतो अगगहितगं पिण्डपातं । **सामणेरभागसमकोति** एत्थ किञ्चापि सामणेरानम्पि आमिसभागस्स समकमेव दिव्यमानत्ता विसुं सामणेरभागो नाम नत्थि, पत्तचीवरपरिकम्ममत्तपटिवद्धपब्बज्जताय पन सामणेरसदिसा एते पण्डुपलासाति दस्सनत्थं एवं वुत्तन्ति दट्ठब्बं । नियतासन्नपब्बज्जस्सेव चायं भागो दीयति । तेनेव “याव पत्तो पच्चती”ति आदि वुत्तं । **आमिसभागोति** विहारे दिन्नं सङ्गभत्तं, तत्तुप्पादज्ज सन्धाय वुत्तं, न दायकानं गेहेसु तेहि दिव्यमानं । तेनेव सलाकभत्तादि पटिकिञ्चत्तं, दायका विप्पटिसारिनो होन्तीति । **भेसज्जन्ति** आदिना पन गिहीनं भेसज्जकरणादिदोसो एत्थ न होतीति दस्सेति ।

अपत्तकादिवत्थुकथावण्णना निड्ढिता ।

#### हत्थच्छिन्नादिवत्थुकथावण्णना

११९. हत्थच्छिन्नादिवत्थूसु **कण्णमूलेति** सकलस्स कण्णस्स छेदं सन्धाय वुत्तं । **कण्णसक्खलिकायाति** कण्णचूळिकाय । **यस्स पन कण्णाविद्धेति** हेट्ठा कुण्डलादिठपनच्छिदं सन्धाय वुत्तं । तज्जि सङ्गटनक्खमं । **अजपदकेति** अजपदनासिकट्टिकोटियं । ततो हि उद्धं न विच्छिन्दति । **सक्का होति सन्धेतुन्ति** अविरूपसण्ठानं सन्धाय वुत्तं, विरूपं पन परिसदसकतं आपादेति ।

**खुज्जसरीरोति** वङ्कसरीरो । ब्रह्मनो विय उज्जुं गत्तं सरीरं यस्स, सो **ब्रह्मज्जुगतो**, भगवा ।

**परिवट्टुमोति** समन्ततो वट्टुकायो, एतेन एवरूपा एव वामनका न वट्टुन्तीति दस्सेति ।

**कूटकूटसीसोति** अनेकेसु ठानेसु पिण्डकमंसतं दस्सेतुं आमेटितं कत्तं । तेनाह “**तालफलपिण्डसदिसेना**”ति, तालफलानं मज्जरी **पिण्ड** नाम । **अनुपुब्बतनुकेन सीसेनाति** चेतियथूपिका विय कमेन किसेन सीसेन, थूलवेळुपब्बं विय आदितो पट्ठाय यावपरियोसानं समथूलेन उच्चैन सीसेन समन्नागतो **नाळिसीसो** नाम । **कप्पसीसोति** गजमत्थकं विय द्विधा भिन्नसीसो । “**कण्णिक्ककेसो वा**”ति इमस्स विवरणं “**पाणकेही**”ति आदि । मक्कटस्सेव नळाटेपि केसानं उद्धितभावं सन्धायह “**सीसलोमेही**”ति आदि ।

**मक्कटभमुकोति** नळाटलोमेहि अविभत्तलोमभमुको । **अक्खिचक्कलेहीति** कण्हमण्डलेहि । **केकरोति** तिरियं पस्सनको । **उदकतारकाति** ओलोकेत्तानं उदके पटिबिम्बिकच्छाया, उदकपुब्बुळन्ति केचि । **अक्खितारकाति** अभिमुखे ठितानं छाया, अक्खिगण्डकातिपि वदन्ति । **अतिपिङ्गलक्खीति** मज्जारक्खि । **मधुपिङ्गलन्ति** मधुवण्णपिङ्गलं । **निप्पखुमक्खीति** एत्थ **पखुम**-सदो अक्खिदललोमेसु निरूळ्हो, तदभावा निप्पखुमक्खि । **अक्खिपाकेनाति** अक्खिदल परियन्तेसु पूतिभावापज्जनरोगेन ।

**चिपिटनासिकोति** अनुन्नतनासिको । **पटङ्गमण्डूको** नाम महामुखमण्डूको । **भिन्नमुखोति** उपक्कमुखपरियोसानो, सब्बदा विवटमुखो वा । **वट्टुमुखोति** एकपस्से अपक्कम्म ठितहेट्ठिमहनुकट्टिको । **ओट्टुच्छिन्नकोति** उभोसु ओट्टेसु यत्थ कत्थचि जातिया वा पच्छा वा सत्थादिना अपनीतमंसेन ओट्टेन समन्नागतो । **एळमुखोति** निच्चपण्णरितलालामुखो ।

**भिन्नगलोति** अवनतगतो । **भिन्नउरोति** अतिनिन्नउरमज्झो । एवं **भिन्नपिट्ठिपि** । **सब्बज्जेतन्ति** “कच्छुगतो”ति आदिं सन्धाय वुत्तं । एत्थ च विनिच्छयो कुट्टादीसु वुत्तो एवाति आह “**विनिच्छयो**”ति आदि ।

**वातण्डिकोति** अण्डवातरोगेन उद्धतबीजण्डकोसेन समन्नागतो, यस्स निवासनेन पटिच्छन्मपि उन्नतं पकासति, सोव न पब्बाजेतब्बो । **विकटोति** तिरियंगमनपादो, यस्स चङ्कमतो जाणुका बहि निगच्छन्ति । **पण्होति** पच्छतो परिवत्तनकपादो, यस्स चङ्कमतो जाणुका अन्तो पविसन्ति । **महाजङ्घोति** थूलजङ्घो । **महापादोति** महन्तेन पादतलेन युत्तो । **पादवेमज्जेति** पिड्ढिपादवेमज्जे, एतेन अगगपादो च पण्हि च सदिसोति दस्सेति ।

**मज्जे सङ्कुटितपादत्ताति** कुण्डपादताय कारणविभावनं । **अग्गे सङ्कुटितपादत्ताति** कुण्डपादताय सकुणपादस्सेव गमनविभावनं । **पिट्ठिपादग्गेन चङ्कमन्तोति** “पादस्स बाहिरन्तेनाति च अभन्तरन्तेना”ति च इदं पादतलस्स उभोहि परियन्तेहि चङ्कमनं सन्धाय वुत्तं ।

**मम्मनन्ति** ठानकरणविसुद्धिया अभावेन अयुत्तक्खरवचनं । वचनानुकरणेन हि सो मम्मनो वुत्तो । यो च करणसम्पन्नोपि एकमेवक्खरं हिक्कारबहुसो वदति, सोपि इधेव सङ्गहति । यो वा पन हिक्कं निगहेत्वापि अनामेडितक्खरमेव सिलिट्ठवचनं वत्तुं समत्थो, सो पब्बाजेतब्बो ।

**आपत्तितो न मुच्चतीति** जत्वा करोन्तोव न मुच्चति । जीवितन्तरायादिआपदासु अरुचिया कायसामग्गिं देन्तस्स अनापत्ति । **अप्पत्तो ओसारणन्ति** ओसारणाय अनरहोति अत्थो ।

हत्थच्छिन्नादिवत्थुकथावण्णना निड्ढिता ।

### अलज्जिनिस्सयवत्थुकथावण्णना

१२०. निस्सयपटिसंयुतवत्थुसु भिक्खूहि समानो भागो दिट्ठिसीलादिगुणकोट्टासो अस्साति भिक्खुसभागो, तस्स भावो **भिक्खुसभागता**।

अलज्जिनिस्सयवत्थुकथावण्णना निट्ठिता।

### गमिकादिनिस्सयवत्थुकथावण्णना

१२१. निस्सयकरणीयोति एत्थ निस्सयगहणं निस्सयो, सो करणीयो यस्साति विसेसस्स परनिपातो दट्ठुब्बो। **विस्समेन्तो वा...पे०... अनापत्तीति** गमनसउस्साहताय तथा वसन्तोपि अट्ठिको एव, तत्थ निस्सयदायके असति अनापत्तीति अधिप्पायो। एतेन च परिस्समादिअभावे सेनासनादिसम्पदं पटिच्च वसतो आपत्तीति दस्सेति। तच्च अगमनपच्चया दिवसे दिवसे आपज्जतीति वदन्ति। चीवररजनादिकच्चत्थाय गरूहि पेसितस्सापि किच्चपरियोसानमेव वसितब्बं, न ततो परं। गरूहिपि तावकालिककिच्चत्थमेव पेसलदहरा पेसितब्बा, न निच्चकालिकच्चत्थन्ति दट्ठुब्बं। **“नावाय गच्छन्तस्स...पे०... अनापत्ती”**ति वुत्तता एवरूपं अवधेय्यतं विना निस्सयदायकरहितट्ठाने वस्सं उपगन्तुं न वट्ठीतीति दट्ठुब्बं।

तस्स निस्सायाति तं निस्साय। **आसाळ्हीमासे...पे०... तत्थ गन्तव्वन्ति** एत्थ पन सचेपि “असुको थेरो एत्थ आगमिस्सति आगमिस्सती”ति आगमेन्तस्सेव वस्सूपनायिकदिवसो होति। होतु, वसितट्ठाने वस्सं अनुपगमं यत्थ निस्सयो लब्धति, दूरेपि तत्थ गन्त्वा पच्छिमिकाय उपगन्तव्वं।

१२२. **गोत्तेनपीति** “आयस्मतो पिण्णलस्स उपसम्पदापेक्खो”ति एवं नामं अवत्वा गोत्तनामेनपीति अत्थो, तेन “कोनामो ते उपज्झायो”ति पुट्ठेन गोत्तनामेन “आयस्मा कस्सपो”ति वत्तव्वन्ति सिद्धं होति। तस्मा अज्जम्पि किञ्चि तस्स नामं पसिद्धं, तस्मिं वा खणे सुखगहणत्थं नामं पज्जापितं, तं सब्बं गहेत्वापि अनुस्सावना कातब्बा। यथा उपज्झायस्स, एवं उपसम्पदापेक्खस्सपि गोत्तादिनामेन, तद्धणिक्कनामेन च अनुस्सावनं कातुं वट्ठीति। तस्मिम्पि खणे “अयं तिस्सो”ति वा “नागो”ति वा नामं करोन्तेहि अनुसासकसम्मुतितो पठममेव कातव्वं, एवं कत्वापि अन्तरायिकधम्मनानुसासनपुच्छनकालेसु “किन्नामोसि, अहं भन्ते नागो नाम, कोनामो ते उपज्झायो, उपज्झायो मे भन्ते तिस्सो नामा”तिआदिना विज्जापेन्तेन उभिन्मि चित्ते “ममेदं नाम”न्ति यथा सज्जा उपज्जति, एवं विज्जापेतव्वं। सचे पन तस्मिं खणे पकतिनामेन वत्त्वा पच्छा तिस्स-नामादिअपुब्बनामेन अनुस्सावेति, न वट्ठीति।

तत्थ च किञ्चापि उपज्झायस्सेव नामं अगहेत्वा येन केनचि नामेन “तिस्सस्स उपसम्पदापेक्खो”तिआदिनापि पुगले परामट्ठे कम्मं सुकतमेव होति अनुपज्झायकादीनं उपसम्पदाकम्मं विय उपज्झायस्स अभावेपि अभव्वत्तेपि कम्मवाचाय पुगले परामट्ठे कम्मस्स सिज्जनतो। उपसम्पदापेक्खस्स पन यथासकं नामं विना अज्जेन नामेन अनुस्साविते कम्मं कुप्पति, सो अनुपसम्पन्नोव होति। तत्थ ठितो अज्जो अनुपसम्पन्नो विय गहितनामस्स वत्थुपुगलस्स तत्थ अभावा, एतस्स च नामस्स अनुस्सावनाय अवुत्तता। तस्मा उपसम्पदापेक्खस्स पकतिनामं परिवत्तेत्वा अनुपुब्बेन नागादिनामेन अनुस्सावेतुकामेन पटिकच्चेव “त्वं नागो”तिआदिना विज्जापेत्वा अनुसासनान्तरायिकधम्मपुच्छनकखणेसुपि तस्स च सट्ठस्स च यथा पाकटं होति, तथा पकासेत्वा नागादिनामेन अनुस्सावेतव्वं। एकस्स बहूनि नामानि होन्ति, तेसु एकं गहेतुं वट्ठीति।

यं पन उपसम्पदापेक्खउपज्झायानं एकत्थ गहितं नामं, तदेव जत्तिया, सब्बत्थ अनुस्सावनासु च गहेतव्वं। गहिततो हि अज्जस्मिं गहिते व्यज्जनं भिन्नं नाम होति, कम्मं विपज्जति। अत्थतो, हि व्यज्जनतो च अभिन्ना एव जत्ति, अनुस्सावना च वट्ठीति, उपज्झायनामस्स पन पुरतो “आयस्मतो तिस्सस्सा”तिआदिना **आयस्मन्त-**पदं सब्बत्थ योजेत्वापि अनुस्सावेति, तथा अयोजितेपि दोसो नत्थि।

पाळियं पन किञ्चापि “इत्थन्नामस्स आयस्मतो”ति पच्छतो “आयस्मतो”ति पदं वुत्तं, तथापि “आयस्मा सारिपुत्तो अत्थकुसलो”तिआदिना नामस्स पुरतो आयस्मन्त-पदयोगस्स दस्सनतो पुरतोव पयोगो युत्तरो। तच्च एकत्थ योजेत्वा अज्जत्थ अयोजितेपि एकत्थ पुरतो योजेत्वा अज्जत्थ पच्छतो योजनेपि सावनाय हापनं नाम न होति नामस्स अहापितता। तेनेव पाळियम्पि “इत्थन्नामस्स आयस्मतो”ति एकत्थ योजेत्वा “इत्थन्नामेन उपज्झायेना”तिआदीसु “आयस्मतो”ति न योजितन्ति वदन्ति। तच्च किञ्चापि एवं, तथापि सब्बट्ठानेपि एकेनेव पकारेन योजेत्वा एव वा अयोजेत्वा वा अनुस्सावनं पसत्थतरन्ति गहेतव्वं।

गमिकादिनिस्सयवत्थुकथावण्णना निट्ठिता।

### द्वेउपसम्पदापेक्खादिवत्थुकथावण्णना

१२३. एकतो सहेव एकस्मिं खणे अनुस्सावनं एतेसन्ति **एकानुस्सावना**, उपसम्पदापेक्खा, एते एकानुस्सावने कातुं। तेनाह **“एकानुस्सावने कातुं”**न्ति, इदञ्च एकं पदं विभत्तिअलोपेन दट्ठुब्बं। **एकेन वाति** द्विन्मि एकस्मिं खणे एकाय एव कम्मवाचाय अनुस्सावने एकेनाचरियेनाति अत्थो। “अयं बुद्धरक्खितो च अयं धम्मरक्खितो च आयस्मतो सट्ठरक्खितस्स उपसम्पदापेक्खो”तिआदिना नयेन एकेन आचरियेन द्विन्मि एकस्मिं खणे अनुस्सावननयो दट्ठुब्बो। इमिनाव नयेन तिण्णम्पि एकेन आचरियेन एककखणे अनुस्सावनं दट्ठुब्बं।

**पुरिमनयेनेव एकतो अनुस्सावने कातुन्ति** “एकेन एकस्स, अज्जेन इतरस्सा”तिआदिना पुब्बे वुत्तनयेन द्विन्मि द्वीहि वा, तिण्णं तीहि वा आचरियेहि, एककेन वा आचरियेन तयोपि एकतो अनुस्सावने कातुन्ति अत्थो, तच्च खो एकेन उपज्झायेन। **“न त्वेव नानुपज्झायेना”**ति इदं एकेन आचरियेन द्वीहि वा तीहि वा उपज्झायेहि द्वे वा तयो वा उपसम्पदापेक्खे एककखणे एकाय अनुस्सावनाय एकानुस्सावने कातुं न वट्ठीतीति पटिक्खेपपदं। न पन नानाचरियेहि नानुपज्झायेहि तयो एकानुस्सावने कातुं न वट्ठीतीति आह **“सचे पन नानाचरिया नानुपज्झाया...पे०... वट्ठीती”**ति। यज्चेत्थ “तिस्सत्थेरो सुमनत्थेरस्स सट्ठिविहारिकं, सुमनत्थेरो तिस्सत्थेरस्स सट्ठिविहारिकं”न्ति एवं उपज्झायेहि अज्जमज्जं सट्ठिविहारिकानं अनुस्सावनकरणं वुत्तं, तं उपलक्खणमत्तं। तस्मा सचे तिस्सत्थेरो सुमनत्थेरस्स सट्ठिविहारिकं, सुमनत्थेरो नन्दत्थेरस्स सट्ठिविहारिकं अनुस्सावेति, अज्जमज्जञ्च गणपूरका होन्ति, वट्ठीति एव। सचे पन उपज्झायो सयमेव अत्तनो सट्ठिविहारिकं अनुस्सावेतीति एत्थ वत्तव्वमेव नत्थि, कम्मं सुकतमेव होति। अनुपज्झायकस्सपि येन केनचि अनुस्साविते उपसम्पदा होति, किमङ्गं पन सउपज्झायकस्स उपज्झायेनेव अनुस्सावनेति दट्ठुब्बं। तेनेव नवट्ठनपक्खं दस्सेतुं **“सचे पना”**तिआदिमाह।

द्वेउपसम्पदापेक्खादिवत्थुकथावण्णना निट्ठिता।

### उपसम्पदाविधिकथावण्णना

१२६. **उपज्झाति** उपज्झाय-सहसमानत्थो आकारन्तो उपज्झासहोति दस्सेति। उपज्झाय-सहो एव वा उपज्झा उपयोगपच्चत्तवचनेसु य-कारलोपं कत्वा एवं वुत्तो करणवचनादीसु उपज्झा-सहस्स पयोगाभावाति दट्ठुब्बं। पाळियं **अत्तनाव अत्तानं सम्मन्तिव्वन्ति** अत्तनाव कत्तुभूतेन करणभूतेन अत्तानमेव कम्मभूतं पति सम्मन्नकिच्चं कातव्वं। **अत्तानन्ति** वा पच्चते उपयोगवचनं, अत्तनाव अत्ता सम्मन्तिव्वोति अत्थो। न केवलञ्च एत्थेव, अज्जत्रापि तेरससम्मुतिआदीसु इमिनाव लक्खणेन अत्तनाव अत्ता सम्मन्तिव्वोव। अपिच सयं कम्मारहता अत्तानं मुञ्चित्वा चतुग्गादिको गणो सब्बत्थ इच्छितव्वो।

**सच्चकालोति** “निगूहिस्सामी”ति वज्जनं पहाय सच्चस्सेव ते इच्छितव्वकालो। **भूतकालोति** वज्जनाय अभावेपि मनुस्सतादिवत्थुनो भूतताय अवस्सं इच्छितव्वकालो, इतरथा कम्मकोपादिअन्तरायो होतीति अधिप्पायो। **मङ्कूति** अधोमुखो। **उद्धरतूति** अनुपसम्पन्नभावतो उपसम्पत्तिं पतिट्ठेतीति अत्थो।

सब्वकम्मवाचासु अत्थकोसल्लत्थं पनेत्थ उपसम्पदाकम्मवाचाय एवमत्थो दटुब्बो — सुणातूति सवनाणत्तिं पठमपुरिसेकवचनं । तच्च किञ्चापि यो सङ्गो सवनकरियाय नियोजीयति, तस्स सम्मुखत्ता “सुणाही”ति मज्झिमपुरिसेकवचनेन वत्तब्बं, तथापि यस्मा सङ्ग-सदसन्निधाने पठमपुरिसपयोगोव सहविधूहि समाचिण्णो भगवन्त आयस्मन्तादिसदसन्निधानेसु विय “अधिवासेतु मे भवं गोतमो (पारां २२) । एतस्स सुगत कालो, यं भगवा सावकानं सिक्खापदं पञ्जपेय्य (पारां २१) । पक्कमतायस्मा (पारां ४३६) । सुणन्तु मे आयस्मन्तो”ति आदीसु विय । तस्मा इध पठमपुरिसपयोगो कतो । अथ वा गारवसेनेवेतं वुत्तं । गरुडानीयेसु हि गारवसेने मज्झिमपुरिसपयोगुप्पत्तिंयमि पठमपुरिसपयोगं पयुज्जन्ति “देसेतु सुगतो धम्म”न्ति आदीसु (दीं निं २.६६; मं निं २.३३८; सं निं १.१७२; महाव ८) वियाति दटुब्बं । केचि पन “भन्ते, आवुसोति सदे अपेक्खित्वा इध पठमपुरिसपयोगो”ति वदन्ति, तं न युत्तं “आचरियो मे भन्ते होहि, (महाव ७७) इङ्गावुसो उपालि, इमं पब्बजितं अनुयुज्जाही”ति आदीसु (पारां ५१७) तप्पयोगेपि मज्झिमपुरिसपयोगस्सेव दस्सनतो ।

मेति यो सार्वेति, तस्स अत्तिनेदसे सामिवचनं । भन्तेति आलपनत्थे वुड्डेसु सगारववचनं । “आवुसो”ति पदं पन नवकेसु । तदुभयमि पिपातो “तुम्हे भन्ते, तुम्हे आवुसो”ति बहूसुपि समानरूपत्ता । सङ्गोति अविसेसतो चतुवग्गादिके पकतत्तपुग्गलसमूहे वत्तति । इध पन पच्चन्तिमेसु जनपदेसु पञ्चवग्गतो पड्डाय, मज्झिमेसु जनपदेसु दसवग्गतो पड्डाय सङ्गोति गहेतब्बो । तत्रायं पिण्डत्थो — भन्ते, सङ्गो मम वचनं सुणातूति । इदञ्च नवकतरेन वत्तब्बवचनं । सचे पन अनुस्सावको सब्बेहि भिक्खूहि वुड्डतरो होति, “सुणातु मे, आवुसो, सङ्गो”ति वत्तब्बं । सोपि चे “भन्ते”ति वदेय्य, नवकतरो वा “आवुसो”ति, कम्मकोपो नत्थि । केचि पन “एकत्थ ‘आवुसो’ति वत्ता अज्जत्थ ‘भन्ते’ति वुत्तेपि नत्थि दोसो उभयेनापि आलपनस्स सिञ्जनतो”ति वदन्ति ।

इदानि यमत्थं जापेतुकामो “सुणातू”ति सङ्गं सवने नियोजेति, तं जापेन्तो “अयं इत्थन्नामो”ति आदिमाह । तत्थ अयन्ति उपसम्पदापेक्खस्स हत्थपासे सन्निहितभावदस्सनं । तेन च हत्थपासे ठितस्सेव उपसम्पदा रुहतीति सिञ्जाति हत्थपासतो बहि ठितस्स “अयं”न्ति न वत्तब्बतो । तेनेव अनुसासकसम्मृतिर्यं सो हत्थपासतो बहि ठितत्ता “अयं”न्ति न वुत्तो । तस्मा उपसम्पदापेक्खो अनुपसम्पन्तो हत्थपासे उपेतब्बो । अयं इत्थन्नामोति अयं-सदो च अवस्सं पयुज्जितब्बो । सो च इमस्मिं पठमनामपयोगे एवाति गहेतब्बं । “इत्थन्नामो”ति इदं अनियमतो तस्स नामदस्सनं । उभयेनपि अयं बुद्धरिक्खितोति आदिमानं दस्सेति । “उपसम्पदापेक्खो”ति भिन्नाधिकरणविसये बहुब्बीहिसमआसो, उपसम्पदं मे सङ्गो अपेक्खमानोति अत्थो । तस्स च उपज्जायतं समङ्गिभावेन दस्सेतुं “इत्थन्मस्स आयस्मतो”ति वुत्तं । एतेन “अयं बुद्धरिक्खितो आयस्मतो धम्मरिक्खितस्स सिद्धिविहारिकभूतो उपसम्पदापेक्खो”ति एवमादिना नयेन नामयोजनाय सह अत्थो दस्सितोति । एत्थ च “आयस्मतो”ति पदं अवत्वापि “अयं बुद्धरिक्खितो धम्मरिक्खितस्स उपसम्पदापेक्खो”ति वत्तुं वट्टति । तेनेव पाळियं “इत्थन्नामेन उपज्जायेना”ति एत्थ “आयस्मतो”ति पदं न वुत्तं । यज्जेत्थ वत्तब्बं, तं हेड्डा वुत्तमेव ।

ननु चेत्थ उपज्जायोपि उपसम्पदापेक्खो विय हत्थपासे ठितो एव इच्छितब्बो, अथ कस्मा “अयं इत्थन्नामो इमस्स इत्थन्नामस्स उपसम्पदापेक्खो”ति एवं उपज्जायपरामसर्णेपि इम-सदस्स पयोगो न कतोति? नायं विरोधो उपज्जायस्स अभावोपि कम्मकोपाभावतो । केवलज्जि कम्मनिष्पत्तिया सन्तपदवसेन अविज्जमानस्सपि उपज्जायस्स नामकिन्तनं अनुपज्जायस्स उपसम्पदादीसुपि करीयति । तस्मा उपज्जायस्स असन्निहिततायपि तप्पारामसनमतेनेव कम्मसिद्धितो “इमस्सा”ति निहिसितुं न वट्टति ।

परिसुद्धो अन्तरायिकेहि धम्मेहीति अभवत्तादिकेहि उपसम्पदाय अवत्थुकरेहि चेव पञ्चाबाधहत्थच्छिन्नादीहि च आपत्तिमत्तकरेहि अन्तरायिकेहि सभावहे परिमुत्तो । एवं वुत्तो एव च आपत्तिमत्तकरेहि पञ्चाबाधादीहि परिमुत्तस्सपि उपसम्पदा रुहति, नाज्जत्ता । परिपुण्णस्स पत्तचीवरन्ति परिपुण्णमस्स उपसम्पदापेक्खस्स पत्तचीवरं । एवं वुत्ते एव अपत्तचीवरस्सापि उपसम्पदा रुहति, नाज्जत्ता । उपसम्पदं याचतीति “सङ्गं, भन्ते, उपसम्पदं याचामी”ति आदिना (महाव ७१, १२६) याचितभावं सन्धाय वुत्तं । एवं तेन सङ्गे अयाचितेपि “इत्थन्नामो सङ्गं उपसम्पदं याचती”ति वुत्ते एव कम्मं अविपन्नं होति, नाज्जत्ता । उपज्जायेनाति उपज्जायेन करणभूतेन इत्थन्नामं उपज्जायं कत्वा कम्मभूतं उपसम्पदं दातुं निष्पादेतुं कत्तुभूतं सङ्गं याचतीति अत्थो । याचधातुनो पन द्विकम्मकत्ता “सङ्गं, उपसम्पदं”न्ति द्वे कम्मपदानि वुत्तानि ।

यदि सङ्गस्स पत्तकल्लन्ति एत्थ पतो कालो इमस्साति पत्तकालं, अपलोकनादिचतुब्बिधसङ्गकम्मं, तदेव सकत्थे य-पच्चयेन “पत्तकल्लं”न्ति वुच्चति । इध पन जत्तित्तुत्थउपसम्पदाकम्मं अधिपेत्तं, तं कातुं सङ्गस्स पत्तकल्लं जातं । यदीति अनुमतिगहणवसेन कम्मस्स पत्तकल्लतं जापेति । यो हि कोचि तत्थ अपत्तकल्लतं मज्जिस्सति, सो वक्खति । इममेव हि अत्थं सन्धाय अनुस्सावनासु “यस्सायस्मतो खमति...पे... सो भासेय्या”ति (महाव १२७) वुत्तं । तं पनेतं पत्तकल्लं वत्थुसम्पदा, अन्तरायिकेहि धम्मेहि चस्स परिसुद्धता, सीमासम्पदा, परिससम्पदा, पुब्बकिच्चनिट्टापनन्ति इमेहि पज्जहि अङ्गेहि सङ्गहितं ।

तत्थ वत्थुसम्पदा नाम यथावुत्तेहि एकादसहि अभव्वपुगलेहि चेव अन्तिमवत्थुअज्जापन्नेहि च अज्जो परिपुण्णवीसतिवस्सो अनुपसम्पन्नभूतो मनुस्सपुरिसो, एतस्मिं पुगले सति एव इदं सङ्गस्स उपसम्पदाकम्मं पत्तकल्लं नाम होति, नासति । कतञ्च कुप्पमेव होति ।

अन्तरायिकेहि धम्मेहि चस्स परिसुद्धता नाम यथावुत्तस्सेव उपसम्पदावत्थुभूतस्स पुगलस्स ये इमे भगवता पटिक्खित्ता पञ्चाबाधफुट्टतादयो मातापितृहि अननुज्जाततापरियोसाना चेव हत्थच्छिन्नातादयो च दोसधम्मा कारकसङ्गस्स आपत्तादिअन्तरायहेतुताय “अन्तरायिका”ति वुच्चन्ति तेहि अन्तरायिकेहि दोसधम्मेहि परिमुत्तता, इमिस्सा च सति एव इदं कम्मं पत्तकल्लं नाम होति, नासति । कतं पन कम्मं सुकतमेव होति ठपेत्वा ऊनवीसतिवस्सपुगलं ।

सीमासम्पदा पन उपोसथक्खन्धके (महाव १४७-१४८) वक्खमाननयेन सब्बदोसविरहिताय बद्धाबद्धवसेन दुविधाय सीमाय वसेनेव वेदितब्बा । तादिसाय हि सीमाय सति एव इदं कम्मं पत्तकल्लं नाम होति, नासति । कतञ्च कम्मं विपज्जति ।

परिससम्पदा पन ये इमे उपसम्पदाकम्मस्स सब्बन्तिमेन परिच्छेदेन कम्मप्पत्ता दसहि वा पज्जहि वा अनूना पाराजिकं अनापन्ना, अनुक्खित्ता च समानसंवासका भिक्खु, तेसं एकसीमायं हत्थपासं अविजहित्वा ठानं, छन्दारहानञ्च छन्दस्स आनयनं, सम्मुखीभूतानञ्च अप्पटिकोसनं, उपसम्पदापेक्खरहितानं उपोसथक्खन्धके पटिक्खित्तानं गहट्टादिअनउपसम्पन्नानञ्चेव पाराजिकुक्खित्तकनानासंवासकभिक्खुनीनञ्च वज्जनीयपुगलानं सङ्गस्स हत्थपासे अभावो चाति इमेहि चतूहि अङ्गेहि सङ्गहिता । एवरूपाय च परिससम्पदाय सति एव इदं पत्तकल्लं नाम होति, नासति । तत्थ पुरिमानं तिण्णं अङ्गानं अज्जतरस्सपि अभावे कतं कम्मं विपज्जति, न पच्छिमस्स ।

पुब्बकिच्चनिट्टापनं नाम यानिमानि “पठमं उपज्जं गाहापेतब्बो”ति आदिना पाळियं वुत्तानि “उपज्जं गाहापनं, पत्तचीवराचिक्खनं, ततो तं हत्थपासतो बहि ठपेत्वा अनुसासकसम्मृत्तिकम्मकरणं, सम्मतेन च गत्त्वा अनुसासनं, तेन च पठमतरं आगत्त्वा सङ्गस्स जापेत्वा उपसम्पदापेक्खं ‘आगच्छाही’ति हत्थपासे एव अब्भानं, तेन च भिक्खुनं पादे वन्दापेत्वा उपसम्पदायाचापनं, ततो अन्तरायिकधम्मपुच्छकसम्मृत्तिकरणं, सम्मतेन च पुच्छनं”न्ति इमानि अट्ट पुब्बकिच्चानि, तेसं सब्बेसं याथावतो करणेन निट्टापनं । एतस्मिञ्च पुब्बकम्मनिट्टापने सति एव इदं सङ्गस्स उपसम्पदाकम्मं पत्तकल्लं नाम होति, नासति । एतेसु पन पुब्बकम्पेसु अकतेसुपि कतं कम्मं यथावुत्तवत्थुसम्पत्तिआदीसु विज्जमानेसु अकुप्पमेव होति । तदेवमेत्थ पत्तकल्लं इमेहि पज्जहि अङ्गेहि सङ्गहितन्ति वेदितब्बं । इमिनाव नयेन हेड्डा वुत्तेसु, वक्खमानेसु च सब्बेसु कम्पेसु पत्तकल्लता यथारहं योजेत्वा जातब्बा ।

इत्थन्नामं उपसम्पादेय्याति उपसम्पदादिनिष्पादनेन तंसमङ्गं करेय्य करोतूति पत्थनायं, विधिम्हि वा इदं दटुब्बं । यथा हि “देवदत्तं सुखापेय्या”ति वुत्ते सुखमस्स निष्पादेत्वा तं सुखसमङ्गिनं करेय्याति अत्थो होति, एवमिधापि उपसम्पदमस्स निष्पादेत्वा तं उपसम्पदासमङ्गिनं करेय्याति अत्थो । पयोजकव्यापारे चेत्तं यथा सुखयन्तं कञ्चि सुद्धकतारं कोचि हेतुकत्ता सुखहेतुनिष्पादनेन सुखापेय्याति वुच्चति, एवमिधापि उपसम्पज्जन्तं सुद्धकतारं पुगलं हेतुकत्तुभूतो सङ्गो उपसम्पदाहेतुनिष्पादनेन उपसम्पादेय्याति वुत्तो । एतेन च सुखं विय सुखदायकेन सङ्गेन पुगलस्स दिव्यमाना तथापवत्तपरमत्थधम्मे उपादाय अरियजनपज्जत्ता उपसम्पदा नाम सम्मृत्तिसच्चता अत्थीति समत्थितं होति । एत्थ च “इत्थन्नामो सङ्गं उपसम्पदं याचती”ति वुत्तत्ता परिवासादीसु विय याचनानुगुणं “इत्थन्नामस्स उपसम्पदं ददेय्या”ति अवत्वा “इत्थन्नामं उपसम्पादेय्या”ति वुत्तत्ता इदं उपसम्पदाकम्मं दाने असङ्गहेत्वा कम्मलक्खणे एव सङ्गहितन्ति दटुब्बं । इमिना नयेन “इत्थन्नामं उपसम्पादेति, उपसम्पन्नो सङ्गेना”ति एत्थापि अत्थो वेदितब्बो । केवलज्जि तत्थ वत्तमानकालातीतकालवसेनाति एत्तकमेव विसेसो ।

**एसा अतीति** “सङ्को आपेतब्बो”ति वुत्तापाना एसा। इदञ्च अनुस्सावनामि सम्भावसूचनत्थं वुच्चति। अवस्सञ्चेत वत्तब्बमेव, जत्तिकम्मे एव तं न वत्तब्बं। तत्थ पन य-कारे वुत्तमत्ते एव जत्तिकम्मे निडितं होतीति दट्ठब्बं। **खमतीति** रुच्चति। **उपसम्पदाति** सङ्गेन दिव्यमाना उपसम्पदा यस्स खमति। सो तुण्हस्साति योजना। **तुण्हीति** च अकथनत्थे निपातो, अकथनको अस्स भवेय्याति अत्थो। **खमति** सङ्गस्स इत्थन्नामस्स उपसम्पदाति पकतेन सम्बन्धो। तत्थ कारणमाह “**तस्मा तुण्ही**”ति। तत्थ “आसी”ति सेसो। यस्मा “यस्स नक्खमति, सो भासेय्या”ति तिक्खत्तुं वुच्चमानोपि सङ्को तुण्ही निरवो अहोसि, तस्मा खमति सङ्गस्साति अत्थो। **एवन्ति** इमिना पकारेन। तुण्हीभावेनेवेत्तं सङ्गस्स रुचनभावं **धारयामि** बुज्झामि पजानामीति अत्थो। **इति**-सदो परिसमापनत्थे कतो, सो च कम्मवाचाय अनङ्गं। तस्मा अनुस्सावकेन “धारयामी”ति एत्थ मि-कारपरियोसानमेव वत्त्वा निडुपेतब्बं, इति-सदो न पयुज्जितब्बोति दट्ठब्बं। इमिना नयेन सब्बत्थ कम्मवाचानमत्थो वेदितब्बो।

उपसम्पदाविधिकथावण्णना निडुत्ता।

#### चत्तारोनिस्सयादिकथावण्णना

**१२८. एकपोरिसा** वातिआदि सत्तानं सरीरच्छायं पादेहि मिनित्वा जाननप्पकारदस्सनं। छसत्तपदपरमता हि छाया “पोरिसा”ति वुच्चति। इदञ्च उतुप्पमाणाचिक्खनादि च आगन्तुकेहि सङ्घि वीमसित्वा वुट्ठनवभावं जत्त्वा वन्दनवन्दापनादिकरणत्थं वुत्तं। एति आगच्छति, गच्छति चाति उतु, सोव पमियते अनेन संवच्छरन्ति पमाणन्ति आह “**उतुयेव उतुप्पमाण**”ति। **अपरिपुण्णाति** उपसम्पदादिवसेन अपरिपुण्णा। यदि उतुवेमज्जे उपसम्पदादितो, तदा तस्मिं उतुम्हि अवसिड्ढिवसाचिक्खनं “दिवसभागाचिक्खन”ति दस्सेति। तेनाह “**यत्तकेहि दिवसेहि यस्स यो उतु अपरिपुण्णो, ते दिवसे**”ति। तत्थ यस्स तं खणं लङ्घुपसम्पदस्स पुगलस्स सम्बन्धी यो उतु यत्तकेहि दिवसेहि अपरिपुण्णो, ते दिवसेति योजना।

छायादिकमेव सब्बं सङ्गहेत्वा गायितब्बतो कथेतब्बतो सङ्गीतीति आह “**इदमेवा**”तिआदि। तत्थ एकतो कत्त्वा आचिक्खितब्बं। **त्वं किं लभसीति** त्वं उपसम्पादनकाले कतरवस्सं, कतरउतुञ्च लभसि, कतरस्मिं ते उपसम्पदा लङ्घाति अत्थो। **वस्सन्ति** वस्सानउतु। इदञ्च संवच्छराचिक्खनं विना वुत्तम्पि न जायतीति इमिना उतुआचिक्खनेनेव सासनवस्सेसु वा कलियुगवस्सादीसु वा सहस्सिमे वा सतिमे वा असुकं उतुं लभामीति दस्सितन्ति दट्ठब्बं। “**छाया**”ति इदं पाळियं आगतपटिपाटिं सन्धाय वुत्तं। वत्तब्बकमतो पन कलियुगवस्सादीसु सब्बदेसपसिद्धेसु असुकवस्से असुकउतुम्हि असुकमासे असुके कण्हे वा सुक्के वा पक्खे असुकतिथिवारविसेसयुत्ते नक्खत्ते पुब्बण्हादिदिवसभागे एत्तके छायापमाणे, नाडिकापमाणे वा मया उपसम्पदा लङ्घाति वदेय्यासीति एवं आचिक्खितब्बं। “इदं सुडु उगहेत्वा आगन्तुकेहि वुट्ठपटिपाटिं जत्त्वा पटिपज्जाही”ति वत्तब्बं। पाळियं **किस्स त्वन्ति** किं त्वं एतकं कालं अकासीति अत्थो।

**१३०. उपसम्पदं याचीति** पब्बज्जञ्च उपसम्पदञ्च याचीति अत्थो। **पस्सिस्सामीति** एत्थ वदतीति सेसो, एवं उपरिपि। “**ओसारेतब्बो**”ति इमिना पुरिमो उक्खित्तभावो विब्वमित्वा पुन लङ्घुपसम्पदम्पि न मुञ्चति। तेन च सम्मुञ्जनादीसुपि भिक्खुनं पाचिचित्तियमेवाति दस्सेति। **अनापत्ति सम्भोगे संवासेति** एत्थ सहसेय्यापि सङ्गहिताति दट्ठब्बं। एत्थ चायमधिप्पायो — यस्मा अयं ओसारितत्ता पकततो, तस्मा उक्खित्तसम्भोगादिपच्चयेन पाचिचित्तियेनेत्थ अनापत्तीति। यो पन आपत्तिद्वाने अनापत्तिदिडुत्ताय आपत्तिं न पस्सति, तेनेव पटिकम्मम्पि न करोति, सो यस्मा एत्तावता अलज्जी नाम न होति। पण्णाति जत्त्वा वीतिककमं करोन्तो एव हि अलज्जी नाम होति। “सञ्चिच्च आपत्तिं आपज्जती”तिआदि (परि० ३५९) हि वुत्तं। तस्मा एत्थ अलज्जिसम्भोगादिपच्चया दुक्कटापत्तिनियमो नत्थि। तेन सापेत्थ आपत्तिं न वुत्ताति दट्ठब्बं। यो पनेत्थ इमं अधिप्पायं असल्लक्खन्तेन केनचि “अनापत्ति सम्भोगे संवासे”ति इमिना पाचिचित्तियेन अनापत्ति वुत्ता, अलज्जिसम्भोगपच्चया दुक्कटं पन आपज्जति एवाति आपत्तिनियमो वुत्तो, सो अलज्जित्ते सति एव वुत्तो, नासतीति दट्ठब्बं।

**१३१. विनयम्हीति** आदिगाथासु **निगगहानन्ति** निगगहकरणेसु। **पापिच्छेति** पापपुगलानं निगगहकरणेसु, लज्जीनं पगहेसु च पेसलानं सुखावहे महन्ते विनयम्हि यथा अत्थकारी अत्थानुगुणं करोन्तोव यस्मा योनिस्सो पटिपज्जति नाम होति, तस्मा उद्धानं पवक्खामीति सम्बन्धयोजना दट्ठब्बा। सेसं सब्बत्थ सुविज्जेय्यमेव।

चत्तारोनिस्सयादिकथावण्णना निडुत्ता।

इति समन्तपासादिकाय विनयडुकथाय विमर्तविनोदनियं

महाखन्धकवण्णनानयो निडुत्तो।

## २. उपोसथक्खन्धको

#### सन्निपातानुजाननादिकथावण्णना

**१३२. उपोसथक्खन्धके** तरन्ति ओतरन्ति एत्थाति **तित्थं**, लङ्घि। **इतोति** सासनलङ्घितो।

**१३५. आपज्जित्वा वा वुड्ढितोति** एत्थ देसनारोचनानमि सङ्गहो। तेनेव **मातिकाडुकथायं** “वुड्ढिता वा देसिता वा आरोचिता वा आपत्ति...पे०... असन्ती नाम होती”ति (कङ्का० अडु० निदानवण्णना) वुत्तं।

**मनुजेनाति** आसन्नेन सह। **परेति** दूरद्वेपि परपुगले सन्धाय गिरं नो च भणेय्याति योजना।

“आविकता हिस्स फासु होती”ति (महाव० १३४) वुत्तता गरुकापत्तिपि आविकरणमत्तेन वुड्ढातीति केचि वदन्ति, तं तेसं मतमत्तं परिवासादिविधानसुत्तेहि विरुज्जनतो। अयं पनेत्थ अधिप्पायो — यथाभूतज्झि अत्तानमाविकरोन्तं पेसला भिक्खु “अकामा परिवत्थब्ब”न्तिआदिवचनं निस्साय अनिच्छमानमि नं उपायेन परिवासादीनि दत्त्वा अवस्सं सुड्ढन्ते पटिड्ढाप्सेस्सन्ति, ततो तस्स अविप्पटिसारादीनं वसेन फासु होति। **पठमं पातिमोक्खुद्देसन्ति** निदानुद्देसं दस्सेति। पुब्बे अविज्जमानं पज्जापेसीति। न केवलञ्च एतं, पुब्बे पज्जत्तम्पि पन पाराजिकादिसिक्खापदं सब्बं भगवा “तत्रिमे चत्तारो पाराजिका धम्मा उद्देसं आगच्छन्ती”तिआदिना पाराजिकुद्देसादिवसेन विनयमातिकं कत्त्वा निदानुद्देसेन सह सयमेव सङ्गहेत्वा “पातिमोक्ख”न्ति पज्जापेसीति दट्ठब्बं। तदेतं सब्बम्पि सन्धाय “अनुजानामि, भिक्खवे, पातिमोक्खं उद्दिस्सितु”न्ति (महाव० १३३) वुत्तं।

**१३६. एतं ३४ वेदितब्बन्ति** यस्मिं तस्मिं चातुद्देसे वा पन्नरसे वाति एवं अत्थजातं।

सन्निपातानुजाननादिकथावण्णना निडुत्ता।

#### सीमानुजाननकथावण्णना

**१३८. “पुरत्थिमाय दिसाया”**ति इदं निदस्सनमत्तं। तस्सं पन दिसायं निमित्ते असति यत्थ अत्थि, ततो पडाय पठमं “पुरत्थिमाय अनुदिसाय, दक्खिणाय दिसाया”तिआदिना समन्ता विज्जमानद्वानेसु निमित्तानि कित्तेत्वा पुन “पुरत्थिमाय अनुदिसाया”ति पठमकित्तितं कित्तेतुं वट्ठति, तीहि निमित्तेहि सिङ्घाटकसण्ठानायपि सीमाय सम्मन्तितब्बतो। **तिक्खत्तुं सीमामण्डलं सम्बन्धन्तेनाति** विनयधरेन सयं एकस्मियेव ठाने ठत्वा केवलं निमित्तकित्तनवचनेनेव सीमामण्डलं समन्ता निमित्तेन निमित्तं बन्धन्तेनाति अत्थो। तं तं निमित्तद्वानं अगन्त्वापि हि कित्तेतुं वट्ठति। तियोजनपरमाय सीमाय समन्ततो तिक्खत्तुं अनुपरिगमनस्स एकदिवसेन दुक्करत्ता विनयधरेन सयं अदिडुम्पि पुब्बे भिक्खुहि यथाववत्थितं निमित्तं “पासाणो भन्ते”तिआदिना केनचि वुत्तानुसारेन सल्लक्खत्वा “एसो पासाणो निमित्त”न्तिआदिना

किन्तेतुमि वट्टति एव ।

**सुद्धपंसुपब्वतो**ति न केनचि कतो संयंजातोव वुत्तो । तथा सेसापि । **इतरोपीति** सुद्धपंसुपब्वतादिकोपि पब्वतो । **हत्थिप्पमाणतो**ति एत्थ भूमितो उग्गतप्पदेसेन हत्थिप्पमाणं गहेतब्बं । **चत्तुहि वा तीहि** वाति सीमाभूमियं चत्तुसु, तीसु वा दिसासु ठितेहि । एकस्सा एव पन दिसाय ठितेहि ततो बहुहिपि सम्मन्तितुं न वट्टति । द्वीहि पन द्वीसु दिसासु ठितेहिपि न वट्टति । **तस्माति** यस्मा एकेन न वट्टति, तस्मा । **तं बहिद्धा कत्वाति** कित्तितनिमित्तस्स असोमत्ता अन्तोसीमाय करणं अयुत्तन्ति वुत्तं । तेनाह **“सचे”**तिआदि ।

द्वित्तिसपल्लगुळपिण्डप्पमाणता सण्ठानतो गहेतब्बा, न तुल्लगणनावसेन, भारतो पल्लपरिमाणञ्च मगधतुलाय गहेतब्बं । सा च लोकियतुलाय द्विगुणाति वदन्ति । **अतिमहन्तोपीति** भूमितो हत्थिप्पमाणं अनुगन्त्वा हेट्ठाभूमियं ओतिण्णघनतो अनेकयोजनप्पमाणोपि । सचे हि ततो हत्थिप्पमाणं कूटं उगच्छति, पब्वतसङ्ख्यमेव गच्छति ।

**अन्तोसारानन्ति** तस्मिं खणे तरुणताय सारे अविज्जमानेपि परिणामेन भविस्समानसारेपि सन्धाय वुत्तं । तादिसानज्झि सूचिदण्डकप्पमाणपरिणहानं चतुपञ्चमत्तमि वनं वट्टति ।

**अन्तोसारमिस्सकानन्ति** अन्तोसारेहि रुक्खेहि सम्मिस्सानं । एतेन च साररुक्खमिस्समि वनं वट्टतीति दस्सेति । **चतुपञ्चरुक्खमत्तम्पीति** साररुक्खे सन्धाय वुत्तं । **वनमज्जे विहारं करोन्तीति** रुक्खघटाय अन्तरे रुक्खे अच्छिन्दित्वा वतिआदीहि विहारपरिच्छेदं कत्वाव अन्तोरुक्खन्तरेसु एव परिवेणपण्णसालादीनं करणवसेन यथा अन्तोविहारमि वनमेव होति, एवं विहारं करोन्तीति अत्थो । यदि हि सब्बं रुक्खं छिन्दित्वा विहारं करेयुं, विहारस्स अवनत्ता तं परिकिखपित्वा ठितं वनं एकत्थ किन्तेतब्बं सिया । इध पन अन्तोपि वनत्ता **“वनं न किन्तेतब्बं”**न्ति वुत्तं । सचे हि तं किन्तेन्ति, **“निमित्तस्स उपरि विहारो होती”**तिआदिना अनन्तरे वुत्तदोसं आपज्जति । **एकदेसन्ति** वनेकदेसं, रुक्खविरहितट्टाने कतविहारस्स एकपस्से ठितवनस्स एकदेसन्ति अत्थो ।

**सूचिदण्डकप्पमाणोति** वंसदण्डप्पमाणो । लेखनिदण्डप्पमाणोति केचि । **मातिकाडुकथायं** पन अवेभङ्गियविनिच्छये **“यो कोचि अट्ठङ्गलसूचिदण्डकमत्तोपि वेळु...पे... गरुभण्ड”**न्ति (कङ्का<sup>१०</sup> अट्ठ<sup>०</sup> दुब्बत्तिसिक्खापदवण्णना) वुत्तत्ता तनुतरो वेळुदण्डोति च सूचिदण्डोति च गहेतब्बं । **वंसन्लकसरावादीसुति** वेळुपब्बे वा नळपब्बे वा कपल्लकादिमत्तिकभाजनेसु वाति अत्थो । **तङ्गणम्पीति** तरुणपोतके अमिलायित्वा विरुहनजातिके सन्धाय वुत्तं । ये पन परिणता समूलं उद्धरित्वा रोपितापि छिन्नासाखा विय मिलायित्वा चिरेन नवमूलङ्कुरूपत्तिया जीवन्ति, मीयन्तियेव वा, तादिसे किन्तेतुं न वट्टति । **एतन्ति** नवमूलसाखानिगमनं ।

**मज्जेति** सीमाय महादिसानं अन्तो । **कोणन्ति** सीमाय चत्तुसु कोणेषु द्विन्नं द्विन्नं मगगानं सम्बन्धट्टानं । **परभागे किन्तेतुं वट्टतीति** तेसं चतुन्नं कोणानं बहि निक्खमित्वा ठितेसु मग्गेसु एकस्सा दिसाय एकं, अज्जिस्सा दिसाय चापरन्ति एवं चत्तारोपि मग्गा चत्तुसु दिसासु किन्तेतुं वट्टतीति अधिप्पायो । एवं पन कित्तितमत्तेन कथं एकाबद्धता विगच्छतीति विज्जायतीति । परतो गतट्टानेपि एते एव ते चत्तारो मग्गा । **“चत्तुसु दिसासु गच्छन्ती”**ति हि वुत्तं । तस्मा एत्थ कारणं विचिन्तित्वं ।

**“उत्तरन्तिया भिक्खुनिया”**ति इदञ्च **पाळियं** (पाचि<sup>०</sup> ६९२) भिक्खुनीनं नदीपारगमने नदिलक्खणस्स आगतत्ता वुत्तं । भिक्खूनं अन्तरवासकतेमनमत्तमि वट्टति एव । **“नदिचतुक्केपि एसेव नयो”**ति इमिना एकत्थ किन्तेत्वा अज्जत्थ परतो गतट्टानेपि किन्तेतुं न वट्टतीति दस्सेति । तेनेव च **“अस्सम्मिस्सनदियो चतस्सोपि किन्तेतुं वट्टती”**ति असम्मिस्स-गहणं कतं । **मूलेति** आदिकाले । **नदिं भिन्दित्वाति** यथा उदकं अनिच्छन्तेहि कस्सकेहि महाघे निवत्तेतुं न सक्का, एवं नदिकूलं भिन्दित्वा ।

**उक्खेपिमन्ति** दीघरज्जुना कुटेन उस्सिज्वनीयं ।

**असम्मिस्सेहीति** सब्बदिसासु ठितपब्वतेहि एव, पासाणादीसु अज्जतरेहि वा निमित्तन्तराव्यवहितेहि । **सम्मिस्सेहीति** एकत्थ पब्वतो, अज्जत्थ पासाणोति एवं ठितेहि अट्टहिपि । **“निमित्तानं सतेनापी”**ति इमिना एकस्साय एव दिसाय बहुनिमित्तानि **“पुरत्थिमाय दिसाय किं निमित्तं? पब्वतो भन्ते । पुन पुरत्थिमाय दिसाय किं निमित्तं? पासाणो भन्ते”**तिआदिना किन्तेतुं वट्टतीति दस्सेति । **सिङ्गाटकसण्ठानाति** तिकोणा । **चतुरस्साति** समचतुरस्सा, मुदिङ्गसण्ठाना पन आयतचतुरस्सा । एककोटियं सङ्कोचिता, तदज्जाय वित्थिण्णा वा होतीति । **सीमाय उपचारं ठपेत्वाति** आर्याति बन्धितब्बाय सीमाय नेसं विहारानं परिच्छेदतो बहि सीमन्तरिकप्पहोनकं उपचारं ठपेत्वा । बद्धा सीमा येसु विहारेसु, ते **बद्धसीमा** । **पाटेक्कन्ति** पच्चेकं । **बद्धसीमासदिसानीति** यथा बद्धसीमासु ठिता अज्जमज्जं छन्दादि अनपक्खित्वा पच्चेकं कम्मं कातुं लभन्ति, एवं गामसीमासु ठितापीति दस्सेति । **आगन्तब्बन्ति** सामीचिमत्तवसेन वुत्तं । तेनाह **“आगमनम्पी”**तिआदि ।

**पब्बज्जूपसम्पादादीनन्ति** एत्थ भण्डुकम्मापुच्छनं सन्धाय पब्बज्जागहणं । **एकवीसति भिक्खूति** निसिन्ने सन्धाय वुत्तं । इदञ्च कम्मारेहेन सह अब्भानकारकानमि प्होनकत्थं वुत्तं । **“निमित्तुपगा पासाणा ठपेतब्बा”**ति इदं यथारुचितट्टाने रुक्खनिमित्तादीनं दुल्लभताय वट्ठित्वा उभिन्नं बद्धसीमानं सङ्करकरणतो च पासाणनिमित्तस्स च तदभावतो यत्थ कत्थचि आनेत्वा ठपेतुं सुकरताय च वुत्तं । तथा **सीमन्तरिकपासाणा ठपेतब्बाति** एत्थापि । **चतुरङ्गलप्पमाणोपीति** यथा खन्धसीमापरिच्छेदतो बहि निमित्तपासाणानं चतुरङ्गलमत्तट्टानं समन्ता निगच्छति, अवसेसं ठानं अन्तोखन्धसीमाय होतियेव, एवं तेसुपि ठपितेसु चतुरङ्गलमत्ता सीमन्तरिका होतीति दट्ठब्बं ।

**सीमन्तरिकपासाणाति** सीमन्तरिकाय ठपितनिमित्तपासाणा । ते पन किन्तेन्तेन पदक्खिणतो अनुपरियायन्तेनेव किन्तेतब्बा । कथं? खण्डसीमतो हि पच्छिमाय दिसाय पुरत्थाभिमुखेन ठत्वा **“पुरत्थिमाय दिसाय किं निमित्तं”**न्ति तत्थ सब्बानि निमित्तानि अनुक्कमेन किन्तेत्वा तथा उत्तराय दिसाय दक्खिणाभिमुखेन ठत्वा **“दक्खिणाय दिसाय किं निमित्तं”**न्ति अनुक्कमेन किन्तेत्वा तथा पुरत्थिमाय दिसाय पच्छिमाभिमुखेन ठत्वा **“पच्छिमाय दिसाय किं निमित्तं”**न्ति अनुक्कमेन किन्तेत्वा तथा दक्खिणाय दिसाय उत्तराभिमुखेन ठत्वा **“उत्तराय दिसाय किं निमित्तं”**न्ति तत्थ सब्बानि निमित्तानि अनुक्कमेन किन्तेत्वा पुन पच्छिमाय दिसाय पुरत्थाभिमुखेन ठत्वा पुरिमकित्तितं वुत्तनयेन पुन किन्तेतब्बं । एवं बहून्मि खण्डसीमानं सीमन्तरिकपासाणा पच्चेकं किन्तेतब्बा । ततोति पच्छा । **अवसेसनिमित्तानीति** महासीमाय बाहिरन्तरेसु अवसेसनिमित्तानि । **उभिन्नमि न कोपेन्तीति** उभिन्नमि कम्मं न कोपेन्ति ।

**कुटिगेहेति** भूमियं कततिणकुटियं । **उदुक्खलन्ति** उदुक्खलावाटसदिसखुद्दकावाटं । **निमित्तं न कातब्बन्ति** तं राजि वा उदुक्खलं वा निमित्तं न कातब्बं । इदञ्च यथावृत्तेसु निमित्तेसु अनागतत्तेन न वट्टतीति सिद्धमि अविनस्सकसज्जाय कोचि मोहेन निमित्तं करेय्याति दूरतोपि विपत्तिपरिहारत्थं वुत्तं । एवं उपरि **“भिन्तिं अकिन्तेत्वा”**तिआदीसुपि सिद्धमेवत्थं पुनपुनं कथने कारणं वेदितब्बं । सीमाविपत्ति हि उपसम्पादादिसब्बकम्मविपत्तिमूलन्ति तस्सा सब्बं द्वारं सब्बथा पिदहनवसेन वत्तब्बं । सब्बं वत्त्वाव इध आचरिया विनिच्छयं ठपेसुन्ति दट्ठब्बं ।

**भिन्तिन्ति** इडुकदारुमत्तिकामयं । सिलामयाय पन भित्तिया निमित्तुपगं एकं पासाणं तंतदिसाय किन्तेतुं वट्टति । अनेकसिलाहि चिन्तिं सकलभिन्तिं किन्तेतुं न वट्टति **“एसो पासाणो निमित्तं”**न्ति एकवचनेन वत्तब्बतो । **अन्तोकुट्टमेवाति** एत्थ अन्तोकुट्टेपि निमित्तानं ठितोकासतो अन्तो एव सीमाति गहेतब्बं । **पमुखे निमित्तपासाणे ठपेत्वाति** गम्भाभिमुखेपि बहिपमुखे गम्भावित्यारप्पमाणे ठाने पासाणे ठपेत्वा सम्मन्तिट्वा । एवज्झि गम्भपमुखानं अन्तरे ठितकुट्टमि उपादाय अन्तो च बहि च चतुरस्ससण्ठानाव सीमा होति । **बहीति** सकलस्स कुटिगेहस्स समन्ततो बहि ।

**अन्तो च बहि च सीमा होतीति** मज्जे ठितभिन्निया सह चतुरस्ससीमा होति ।

**“उपरिपासादेयेव होती”**ति इमिना गम्भस्स च पमुखस्स च अन्तरा ठितभिन्निया एकत्ता तत्थ च एकवीसतिया भिक्खूनं ओकासाभावेन हेट्ठा न ओतरति, उपरिभिन्ति पन सीमट्ठाव होतीति दस्सेति । **हेट्टिमतले कुट्टोति** हेट्टिमतले चत्तुसु दिसासु ठितकुट्टो । सचे हि द्वीसु, तीसु वा दिसासु एव कुट्टो तिट्ठेय, हेट्ठा न ओतरति । **हेट्ठापि ओतरतीति** चतुन्नमि भित्तीनं अन्तो भित्तीहि सह एकवीसतिया भिक्खूनं प्होनकत्ता वुत्तं । ओतरमाना च उपरिसीमप्पमाणेन ओतरति, चतुन्नं पन भित्तीनं बाहिरन्तरपरिच्छेदे हेट्ठाभूमिभागे उदकपरियन्तं कत्वा ओतरति । न पन भित्तीनं बहि केसग्गमत्तमि ठानं । **पासादभिन्तितोति** उपरितले भित्तितो । **ओतरणानोतरणं वुत्तनयेनेव वेदितब्बन्ति** उपरिसीमप्पमाणस्स अन्तोगधानं हेट्टिमतले चत्तुसु दिसासु कुट्टानं तुलारुक्खेहि एकसम्बन्धतं तदन्तो पच्छिमसीमप्पमाणतादिञ्च सन्धाय वुत्तं । किञ्चापेत्य निर्यूहकादयो निमित्तानं ठितोकासताय बज्जमानक्खणे सीमा न होन्ति, बद्धाय पन सीमाय सीमट्ठाव होतीति दट्ठब्बा । **परियन्तथम्भानन्ति** निमित्तगतपासाणत्थम्भे सन्धाय वुत्तं । **“उपरिमतलेन सम्बद्धो होती”**ति इदं कुट्टानं अन्तरा सीमट्टानं थम्भानं अभावतो वुत्तं । यदि हि भवेयुं, कुट्टे उपरिमतलेन असम्बन्धेपि सीमट्टत्थम्भानं उपरि ठितो पासादो सीमट्टोव होति ।

सचे पन बहून् थम्भपन्तीन् उपरि कतपासादस्स हेड्डा पथवियं सब्बबाहिराय थम्भपन्तिया अन्तो निमित्तपासाणे ठपेत्वा सीमा बद्धा होति, एत्थ कथन्ति? एत्थापि यं ताव सीमद्वयम्मेव धारियमानानं तुलानं उपरिमतलं, सब्बं तं सीमद्वमेव, एत्थ विवादो नत्थि। यं पन सीमद्वयम्भपन्तिया, असीमद्वयं बाहिरत्थम्भपन्तिया च समधुरं धारियमानानं तुलानं उपरिमतलं, तत्थ उपडुं सीमाति केचि वदन्ति। सकलम्पि गामसीमाति अपरे। बद्धसीमा एवाति अज्जे। तस्मा कम्मं करोतीहि गरुके निरासङ्कटाने ठत्वा सब्बं तं आसङ्कटानं सोधेत्वाव कम्मं कातब्बं, सन्निट्ठानकारणं वा गर्वासत्त्वा तदनुगुणं कातब्बं।

**तालमूलकपब्बतेति** तालखन्धमूलसदिसे हेड्डा थूलो हुत्वा कमेन किसो हुत्वा उग्गतो हि तालसदिसो नाम होति। **वितानसण्ठानोति** अहिच्छत्तकसण्ठानो। **पणवसण्ठानोति** मज्झे तनुको हेड्डा च उपरि च वित्थिण्णो। **हेड्डा वा मज्झे वाति** मुदिङ्गसण्ठानस्स हेड्डा, पणवसण्ठानस्स मज्झे।

**सप्पफणसदिसो पब्बतोति** सप्पफणो विय खुज्जो, मूलट्टानतो अज्जत्थ अवनतसीसोति अत्थो। **आकासपब्भारन्ति** भित्तिया अपरिक्खित्तपब्भारं। **सीमप्पमाणोति** अन्तोआकासेन सङ्घि पच्छिमसीमप्पमाणो। “**सो च पासाणो सीमद्वो**”ति इमिना ईदिसेहि सुसिरपासाणलेणकुट्टादीहि परिच्छिन्ने भूमिभागे एव सीमा पतिट्ठाति, न अपरिच्छिन्ने। ते पन सीमद्वत्ता सीमा होन्ति, न सरूपेन सीमद्वमज्जादि वियाति दस्सेति। सचे पन सो सुसिरपासाणो भूमिं अनाहच्च आकासगतोव ओलम्बति, सीमा न ओतरति। सुसिरपासाणा पन सयं सीमापटिबद्धता सीमा होन्ति। कथं पन पच्छिमप्पमाणरहितेहि एतेहि सुसिरपासाणादीहि सीमा न ओतरतीति इदं सद्भातव्वन्ति? अदुक्थापमाणतो।

अपिचेत्थ सुसिरपासाणभित्तिअनुसारेन मूसिकादीनं विय सीमाय हेड्डिमतेल ओतरणकिच्चं नत्थि। हेड्डा पन पच्छिमसीमप्पमाणो आकासे द्रङ्गुलमतबहलेहि पासाणभित्तिआदीहिपि उपरिमतलं आहच्च ठितेहि सब्बसो, येभ्य्येन वा परिच्छिन्ने सति उपरि बज्झमाना सीमा तेहि पासाणादीहि अन्तरिताय तप्परिच्छिन्नाय हेड्डाभूमियापि उपरिमतलेन सङ्घि एकक्खणे पतिट्ठाति नदिपारसीमा विय नदिअन्तरितेसु उभोसु तीरेसु, लेणादीसु अपनीतेसुपि हेड्डा ओतिण्णा सीमा याव सासनन्तरधाना न विगच्छति। पठमं पन उपरि सीमाय बद्धाय पच्छा लेणादीसु कतेसुपि हेड्डाभूमियं सीमा ओतरति एव। केचि तं न इच्छन्ति। एवं उभयत्थ पतिट्ठिता च सा सीमा एकाव होति गोत्तादिजाति विय ब्यत्तिभेदेसूति गहेतब्बं। सब्बा एव हि बद्धसीमा, अबद्धसीमा च अत्तनो अत्तनो पकतिनिस्सयभूते गामारज्जनदिआदिके खेत्ते यथापरिच्छेदं सब्बत्थ साकल्येन एकस्मिं खणे ब्यापिनी परमत्थतो अविज्जमानापि ते ते निस्सयभूते परमत्थधम्मे, तं तं किरियाविसेसम्पि वा उपादाय लोकियेहि, सासनिकेहि च यथारहं एकत्तेन पज्जत्तताय निस्सयेकरूपा एव। तथा हि एको गामो अरज्जं नदी जातस्सरो समुद्दोति एवं लोके,

“सम्मता सा सीमा सङ्गेन (महाव० १४३)। अगामके चे, भिक्खवे, अरज्जे समन्ता सत्तब्भन्तरा, अयं तत्थ समानसंवासा एकूपोसथा। समन्ता उदकुक्खेपा, अयं तत्थ समानसंवासा एकूपोसथा”ति (महाव० १४७) —

आदिना सासने च एकवोहारो दिस्सति। न हि परमत्थतो एकस्स अनेकधम्मेसु ब्यापनमत्थि। कसिणेकदेसादिविकप्पासमानताय एकत्तहानितोति अयं नो मति।

**अस्स हेड्डाति** सप्पफणपब्बतस्स हेड्डा आकासपब्भारे। **लेणस्साति** लेणज्जे कत्तं, तस्स लेणस्साति अत्थो। तमेव पुन लेणं पज्जहि पकारेहि विकप्पेत्वा ओतरणानोतरणविनिच्छयं दस्सेतुं आह “**सचे पन हेड्डा**”तिआदि। तत्थ “हेड्डा”ति इमस्स “लेणं होती”ति इमिना सम्बन्धो। हेड्डा लेणज्ज एकस्मिं पदेसेति आह “**अन्तो**”ति, पब्बतस्स अन्तो, पब्बतमूलेति अत्थो। तमेव अन्तो-सह सीमापरिच्छेदेन विसेसेतुं “**उपरिमस्स सीमापरिच्छेदस्स पारतो**”ति वुत्तं। पब्बतपादं पन अपेक्खित्वा “**ओरतो**”ति वत्तब्बेपि सीमानिस्सयं पब्बतगं सन्धाय “**पारतो**”ति वुत्तन्ति दट्ठब्बं। तेनेव “**बहिलेण**”न्ति एत्थ बहि-सह विसेसेत्तो “**उपरिमस्स सीमापरिच्छेदस्स ओरतो**”ति आह। **बहि सीमा न ओतरतीति** एत्थ **बहीति** पब्बतपादे लेणं सन्धाय वुत्तं, लेणस्स बहिभूते उपरिसीमापरिच्छेदस्स हेड्डाभागे सीमा न ओतरतीति अत्थो। **अन्तो सीमाति** लेणस्स च पब्बतपादस्स च अन्तो अत्तनो ओतरणारहट्टाने न ओतरतीति अत्थो। “**बहि सीमा न ओतरति, अन्तो सीमा न ओतरती**”ति चेत्थ अत्तनो ओतरणारहट्टाने लेणाभावेन सीमाय सब्बथा अनोतरणमेव दस्सितन्ति गहेतब्बं। तत्थापि अनोतरन्ती उपरि एव होतीति। “**बहि पतितं असीमा**”तिआदिना उपरिपासादादीसु अथिरनिस्सयेसु ठिता सीमापि तेसं विनासेन विनस्सतीति दस्सितन्ति दट्ठब्बं।

**पोक्खरणिं खणन्ति, सीमायेवाति** एत्थ सचे हेड्डा उमङ्गनदिसीमप्पमाणतो अनूना पठममेव च पवत्ता होति। सीमा च पच्छा बद्धा नदितो उपरि एव होति, नदिं आहच्च पोक्खरणिंया च खताय सीमा विनस्सतीति दट्ठब्बं। **हेड्डापथवितलेति** अन्तरा भूमिविवरे।

**सीमाभाळकेति** खण्डसीमङ्गणे। “**बटरुक्खो**”ति इदं पारोहोपत्थम्भेन अतिदूरम्पि गन्तुं समत्थसाखासमङ्गिताय वुत्तं। सब्बरुक्खलतादीनम्पि सम्बन्धो न वट्टति एव। तेनेव नावारज्जुसेतुसम्बन्धोपि पटिक्खित्तो। **ततोति** साखतो। **महासीमाय पथवितलन्ति** एत्थ आसन्नतरम्पि गामसीमं अगहेत्वा बद्धसीमाय एव गहितत्ता गामसीमाबद्धसीमानं अज्जमज्जं रुक्खादिसम्बन्धेपि सम्भेददोसो नत्थि, अज्जमज्जं निस्सयनिस्सितभावेन पवत्तितोति गहेतब्बं। यदि हि तासम्पि सम्बन्धदोसो भवेत्थ, कथं गामसीमाय बद्धसीमा सम्मन्निट्ठत्वा सिया? यस्सा हि सीमाय सङ्घि सम्बन्धे दोसो भवेत्थ, सा तत्थ बन्धितुमेव न वट्टति, बद्धसीमाउदकुक्खेपसीमासु बद्धसीमा विय, अत्तनो निस्सयभूतगामसीमादीसु उदकुक्खेपसीमा विय च। तेनेव “**सचे पन रुक्खस्स साखा वा ततो निक्खन्तपारोहो वा बहिनदितोरे विहारसीमाय वा गामसीमाय वा पतिट्ठितो**”तिआदिना (महाव० अट्ठ० १४७) उदकुक्खेपसीमाय अत्तनो अनिस्सयभूतगामसीमादीहि एव सम्बन्धदोसो दस्सितो, न नदिसीमायं। एवमिधापीति दट्ठब्बं। अयज्जत्थो उपरि पाकटो भविस्सति। **आहच्चाति** फुसित्वा।

**महासीमं वा सोधेत्वाति** महासीमागतानं सब्बसं भिक्खून् हत्थपासानयनबहिकरणादिवसेन सकलं महासीमं सोधेत्वा। एतेन सब्बविपत्तियो मोचेत्वा पुब्बे सुट्ठु बड्डानम्पि द्विन्न् बद्धसीमानं पच्छा रुक्खादिसम्बन्धेन उपपज्जनको ईदिसो पाळिमुत्तको सम्भेददोसो अत्थीति दस्सेति। सो च “न, भिक्खवे, सीमाय सीमा सम्भिन्दितब्बा”तिआदिना बद्धसीमानं अज्जमज्जं सम्भेदज्ज्ञोत्थरणं पटिक्खिपित्वा “**अनुजानामि, भिक्खवे, सीमं सम्मन्तन्तेन सीमन्तरिकं ठपेत्वा सीमं सम्मन्ति**”न्ति उभिन्ने (महाव० १४८) बद्धसीमानन्तरा सीमन्तरिकं ठपेत्वाव बन्धितुं अनुजानन्तेन सम्भेदज्ज्ञोत्थरणं विय तासं अज्जमज्जं फुसित्वा तिड्डनवसेन बन्धनम्पि न वट्टतीति सिद्धत्ता बड्डानम्पि तासं पच्छा अज्जमज्जं एकरुक्खादीहि फुसित्वा ठानम्पि न वट्टतीति भगवतो अधिष्ठायाज्जुहि सङ्गीतिकारकेहि निट्ठारितो। बन्धनकाले पटिक्खित्तस्स सम्बन्धदोसस्स अनुलोमेन अकप्पियानुलोमत्ता।

अयं पन सम्बन्धदोसो — पुब्बे सुट्ठु बड्डानं पच्छा सज्जातत्ता बज्झमानक्खणे विय असीमतं कातुं न सक्कोति। तस्मा रुक्खादिसम्बन्धे अपनीतमत्ते ता सीमा पाकतिका होन्ति। यथा चायं पच्छा न वट्टति, एवं बज्झमानक्खणेपि तासं रुक्खादिसम्बन्धे सति ता बन्धितुं न वट्टतीति दट्ठब्बं।

केचि पन “महासीमं वा सोधेत्वाति एत्थ महासीमागतता भिक्खू यथा तं साखं वा पारोहं वा कायपटिबद्धेहि न फुसन्ति, एवं सोधनमेव इधाधिपेत्तं, न सकलसीमासोधनं”न्ति वदन्ति, तं न युत्तं अदुक्थाय विरुज्जन्तो। तथा हि “महासीमाय पथवितलं वा तत्थजातरुक्खादीनि वा आहच्च तिट्ठती”ति एवं साखापारोहानं महासीमं फुसित्वा ठानमेव सम्बन्धदोसे कारणत्तेन वुत्तं, न पन तत्थ ठितभिक्खूहि साखादीनं फुसनं। यदि हि भिक्खून् साखादि फुसित्वा ठानमेव कारणं सिया, तस्स साखं वा ततो निग्गतपारोहं वा महासीमाय पविट्ठं तत्रडो कोचि भिक्खु फुसित्वा तिड्डतीति भिक्खुफुसनमेव वत्तब्बं सिया। यज्जि तत्थ महासीमासोधने कारणं, तदेव तस्मिं वाक्ये पथानतो दस्सेतब्बं। न हि आहच्च ठितमेव साखादि फुसित्वा ठितो भिक्खु सोधेतब्बो आकासद्वसाखादि फुसित्वा ठितस्सापि सोधेतब्बतो, किं निरत्थकेन आहच्चट्टानवचनेन। आकासद्वसाखासु च भिक्खुनो फुसनमेव कारणत्तेन वुत्तं, सोधनज्ज तस्सेव भिक्खुस्स हत्थपासानयनादिवसेन सोधनं वुत्तं। इध पन “महासीमं सोधेत्वा”ति सकलसीमासाधारणवचनेन सोधनं वुत्तं।

अपिच साखादि फुसित्वा ठितभिक्खुमुत्तसोधने अभिमते “महासीमाय पथवितलं”न्ति विसेससीमोपादानं निरत्थकं सिया यत्थ कत्थाचि अन्तमसो आकासेपि ठत्वा साखादि फुसित्वा ठितस्स विसोधेतब्बतो। **छिन्त्वा बहिट्ठुका कातब्बाति** तत्थ पतिट्ठितभाववियोजनवचनतो च विसभागसीमानं फुसनेनेव सकलसीमासोधनहेतुको अदुक्थासिद्धोयं एको सम्बन्धदोसो अत्थेवाति गहेतब्बो। तेनेव **उदकुक्खेपसीमाकथायम्पि** (महाव० अट्ठ० १४७) “विहारसीमाय वा गामसीमाय वा पतिट्ठितो”ति च “नदितोरे पन खाणुकं कोट्टेत्वा तत्थ बद्धनावाय न वट्टती”ति च “सचे पन सेतु वा सेतुपादा वा बहितीरे पतिट्ठिता, कम्मं कातुं न वट्टती”ति च एवं विसभागासु गामसीमासु साखादीनं फुसनमेव सङ्करदोसकारणत्तेन वुत्तं, न भिक्खुफुसनं। तथा हि “अन्तोनादिं जातरुक्खे बन्धित्वा कम्मं कातब्ब”न्ति

नदियं नावाबन्धनं अनुज्जातं उदकुखेपनिस्सयत्तेन नदिसीमाय सभागता। यदि हि भिक्खून् फुसनमेव पटिच्च सब्बत्थ सम्बन्धदोसो वुत्तो सिया, नदियमि बन्धनं पटिक्खिपितब्बं भवेय्य। तत्थापि हि भिक्खुफुसनं कम्मकोपकारणं होति, तस्मा सभागसीमासु पविसित्वा भूमिआदिं फुसित्वा वा अफुसित्वा वा साखादिहि ठिते तं साखादिं फुसन्तोव भिक्खु सोधेतब्बो। विसभागसीमासु पन साखादिहि फुसित्वा ठिते तं साखादिं अफुसन्तापि सब्बे भिक्खू सोधेतब्बा। अफुसित्वा ठिते पन तं साखादिं फुसन्तोव भिक्खु सोधेतब्बोति निडुमेत्थ गन्तब्बं।

यं पनेत्थ केचि “बद्धसीमानं द्विन्नं अज्जमज्जं विय बद्धसीमागामसीमानमि तदज्जासमि सब्बासं समानसंवासकसीमानं अज्जमज्जं रुक्खादिसम्बन्धे सति तदुभयमि एकसीमं विय सोधेत्वा एकत्थेव कम्मं कातब्बं, अज्जत्थ कत्तं कम्मं विपज्जति, नत्थेत्थ सभागविसभागभेदो”ति वदन्ति, तं तेसं मतिमत्तं, सभागसीमानं अज्जमज्जं सम्भेददोसाभावस्स विसभागसीमानमेव तब्भावरस्स सुत्तसुत्तानुलोमादिनिनयनेहि सिद्धता। तथा हि “अनुजानामि, भिक्खवे, सीमं सम्मन्ति”ति गामसीमायमेव बद्धसीमं सम्मन्ति”तु अनुज्जातं। तासं निस्सयनिस्सितभावेन सभागता, सम्भेदज्झोत्थरणादिदोसाभावो च सुत्ततोव सिद्धो। बन्धनकाले पन अनुज्जातस्स सम्बन्धस्स अनुलोमतो पच्छा सज्जातरुक्खादिसम्बन्धोपि तासं वट्ठति एव। “यं, भिक्खवे...पे... कप्पियं अनुलोमेति अकप्पियं पटिबाहति। तं वो कप्पती”ति (महाव० ३०५) वुत्तता। एवं ताव बद्धसीमागामसीमानं अज्जमज्जं सभागता, सम्भेदादिदोसाभावो च सुत्तसुत्तानुलोमतो सिद्धो। इमिना एव नयेन अरज्जसीमासत्तम्भन्तरसीमानं, नदिआदिउदकुखेपसीमानज्च सुत्तसुत्तानुलोमतो अज्जमज्जं सभागता, सम्भेदादिदोसाभावो च सिद्धोति वेदितब्बो।

बद्धसीमाय पन अज्जाय बद्धसीमाय, नदिआदिसीमासु च बन्धितुं पटिक्खेपसिद्धितो चेव उदकुखेपसत्तम्भन्तरसीमानं नदिआदीसु एव कातुं नियमनसुत्तसामित्थियेन बद्धसीमागामसीमादीसु करणपटिक्खेपसिद्धितो च तासं अज्जमज्जं विसभागता, उपपत्तिकखणे, पच्छा च रुक्खादीहि सम्भेदादिदोससम्भवो च वुत्तयेन सुत्तसुत्तानुलोमतो च सिज्जति। तेनेव अट्टकथायं (महाव० अडु० १४८) विसभागसीमानमेव वटरुक्खादिवचनेहि सम्बन्धदोसं दस्सेत्वा सभागानं बद्धसीमागामसीमादीनं सम्बन्धदोसो न दस्सितो, न केवलज्च न दस्सितो, अथ खो तासं सभागसीमानं रुक्खादिसम्बन्धेपि दोसाभावो पाळिअट्टकथासु जापितो एव। तथा हि पाळियं “पब्बतनिमित्तं पासाणनिमित्तं वननिमित्तं रुक्खनिमित्तं”ति आदिना वट्टनकनिमित्तानि अनुज्जातानि। तेन नेसं रुक्खादीनं निमित्तानं वट्टनेपि बद्धसीमागामसीमानं सङ्करदोसाभावो जापितोव होति। द्विन्नं पन बद्धसीमानं ईदिसो सम्बन्धो न वट्ठति। वुत्तज्जि “एकरुक्खोपि च द्विन्नं सीमानं निमित्तं होति, सो पन वट्टन्तो सीमासङ्करं करोति, तस्मा न कातब्बो”ति “अनुजानामि, भिक्खवे, तियोजनपरमं सीमं सम्मन्ति”ति वचनतोपि चायं जापितो। तियोजनपरमाय हि सीमाय समन्ता परियन्तेसु रुक्खलतागुम्वादीहि बद्धसीमागामसीमानं नियमेन अज्जमज्जं सम्बन्धस्स सम्भवतो “ईदिसं सम्बन्धनं विनासेत्वाव सीमा सम्मन्ति”ति अट्टकथायमि न वुत्तं।

यदि चेत्थ रुक्खादिसम्बन्धेन कम्मविपत्तिं भवेय्य, अवस्समेव वत्तब्बं सिया। विपत्तिपरिहारत्थज्जि आचरिया निरासङ्कटानेसुपि “भित्तिं अकित्तेत्वा”ति आदिना सिद्धमेवत्थं पुनप्पुनं अवोचुं। इध पन “वनमज्जे विहारं करोन्ति, वनं न कित्तेतब्बं”ति आदिदुरुक्खलतादीहि निरन्तरे वनमज्जेपि सीमाबन्धनमेव अवोचुं। तथा थम्भानं उपरि कतपासादादीसु हेट्ठा थम्भादीहि एकाबद्धेसु उपरिमतलादीसु सीमाबन्धनं बहुधा वुत्तं। तस्मा बद्धसीमागामसीमानं रुक्खादिसम्बन्धो तेहि मुखतोव विहितो। अपिच गामसीमानमि पाटेवकं बद्धसीमासदिसताय एकस्सा गामसीमाय कम्मं करोन्तेहि दब्बतिणमत्तेनापि सम्बन्धा गामन्तरपरम्परा अरज्जनदिसमुद्दा च सोधेतब्बोति सकलदीपं सोधेत्वाव कातब्बं सिया। एवं पन असोधेत्वा पठममहासङ्गीतिकालतो पभूति कतानं उपसम्पदादिकम्मानं, सीमासम्पत्तीनज्च विपज्जनतो सब्बेसमि भिक्खून् अनुपसम्पन्नसङ्कापसङ्को च दुन्निवारो होति। न चेत्तं वुत्तं। तस्मा वुत्तनयेनेव विसभागसीमानमेव रुक्खादीहि सम्बन्धदोसो, न बद्धसीमागामसीमादीनं सभागसीमानन्ति गहेतब्बं।

महासीमासोधनस्स दुक्करताय खण्डसीमायमेव येभ्य्येन सङ्गकम्मकरणन्ति आह “सीमामाळके”ति आदि। महासङ्गसन्निपाते पन खण्डसीमाय अप्पहोनेकताय महासीमाय कम्मे करियमानेपि अयं नयो गहेतब्बोव।

“उक्खिपापेत्वा”ति इमिना कायपटिबद्धेनपि सीमं फुसन्तो सीमट्टोव होतीति दस्सेति। पुरिमनयेपीति खण्डसीमतो महासीमं पविट्टसाखानयेपि। सीमट्टुरुक्खसाखाय निसिन्नो सीमट्टोव होतीति आह “हत्थपासमेव आनेतब्बो”ति। एत्थ च रुक्खसाखादीहि अज्जमज्जं सम्बन्धासु एतासु खन्धसीमायं तयो भिक्खू, महासीमायं द्वेति एवं द्वीसु सीमासु सीमन्तरिकं अफुसित्वा, हत्थपासज्च अविजहित्वा ठितेहि पज्जहि भिक्खूहि उपसम्पदादिकम्मं कातुं वट्ठतीति केचि वदन्ति। तं न युत्तं “नानासीमाय ठितचतुत्थो कम्मं करेय्य, अकम्मं, न च करणीय”ति आदि (महाव० ३८९) वचनतो। तेनेवेत्थापि महासीमं सोधेत्वा माळकसीमायमेव कम्मकरणं विहितं। अज्जथा भिन्नसीमट्टुताय तत्रट्टस्स गणपूरकताभावा कम्मकोपोव होतीति।

यदि एवं कथं छन्दपारिसुद्धिआहरणवसेन महासीमासोधनन्ति? तमि विनयज्जू न इच्छन्ति, हत्थपासानयनबहिर्सीमाकरणवसेनेव पनेत्थ सोधनं इच्छन्ति, दिन्नस्सापि छन्दस्स अनागमनेन महासीमट्टो कम्मं कोपेतीति। यदि चस्स छन्दादि नागच्छति, कथं सो कम्मं कोपेस्सतीति? द्विन्नं विसभागसीमानं सम्बन्धदोसतो। सो च सम्बन्धदोसो अट्टकथावचनप्पमाणतो। न हि विनये सब्बत्थ युत्ति सक्का जातुं बुद्धगोचरताति वेदितब्बं। केचि पन “सचे द्वेपि सीमायो पूरेत्वा निरन्तरं ठितेसु भिक्खुसु कम्मं करोन्तेसु एकस्सा एव सीमाय गणो च उपसम्पदापेक्खो च अनुस्सावको च एकतो तिड्ढीति, कम्मं सुकतमेव होति। सचे पन कम्मारहो वा अनुस्सावको वा सीमन्तरट्टो होति, कम्मं विपज्जती”ति वदन्ति, तज्च बद्धसीमागामसीमादिसभागसीमासु एव युज्जति, यासु अज्जमज्जं रुक्खादिसम्बन्धेसुपि दोसो नत्थि। यासु पन अत्थि, न तासु विसभागसीमासु रुक्खादिसम्बन्धे सति एकत्थ ठितो इतरट्टानं कम्मं कोपेति एव अट्टकथायं सामज्जतो सोधनस्स वुत्तताति अम्हाकं खन्ति। वीमसित्वा गहेतब्बं।

न ओतरतीति पणवसण्ठानपब्बतादीसु हेट्ठा पमाणरहितट्टानं न ओतरति। किञ्चापि पनेत्थ बज्झमानक्खणे उट्टमि पमाणरहितं पब्बतादीनि नारोहति, तथापि तं पच्छा सीमट्टुताय सीमा होति। हेट्ठा पणवसण्ठानादि पन उपरि बड्ढायपि सीमाय सीमासङ्ख्यं न गच्छति, तस्स वसेन न ओतरतीति वुत्तं, इतरथा ओरोहणारोहणानं साधारणवसेन “न ओतरती”ति आदिना वत्तब्बतो। यं किञ्चीति निड्डितसीमाय उपरि जातं विज्जमानं पुब्बे ठितं, पच्छा सज्जातं, पविट्टज्च यंकिञ्चि सविज्जाणकाविज्जाणकं सब्बम्पीति अत्थो। अन्तोसीमाय हि हत्थिक्खन्धादिसविज्जाणकेसु निसिन्नोपि भिक्खु सीमट्टोव होति। “बद्धसीमाया”ति इदञ्च पकरणवसेन उपलक्खणतो वुत्तं। अबद्धसीमासुपि सब्बासु ठितं तं सीमासङ्ख्यमेव गच्छति।

एकसम्बद्धेन गतन्ति रुक्खलतादितात्रजातमेव सन्थाय वुत्तं। तादिसमि “इतो गतं”ति वत्तब्बत्तं अरहति। यं पन “इतो गतं”ति वा “ततो आगतं”ति वा वत्तुं असक्कुणेय्यं उभोसु बद्धसीमागामसीमासु, उदकुखेपनदिआदीसु च तिरियं पतितरज्जुदण्डादि, तत्थ किं कातब्बन्ति? एत्थ पन बद्धसीमाय पतिट्टितभागो बद्धसीमा, अबद्धगामसीमाय पतिट्टितभागो गामसीमा तदुभयसीमट्टुपब्बतादि विय। बद्धसीमतो उट्टितवटरुक्खस्स पारोहे, गामसीमाय गामसीमतो उट्टितवटरुक्खस्स पारोहे च बद्धसीमाय पतिट्टितेपि एसेव नयो। मूलपतिट्टितकालतो हि पट्टाय “इतो गतं, ततो आगतं”ति वत्तुं असक्कुणेय्यतो सो भागो यथापविट्टसीमासङ्ख्यमेव गच्छति, तेसं रुक्खपारोहानं अन्तरा पन आकासट्टुसाखा भूमियं सीमापरिच्छेदप्पमाणेन तदुभयसीमा होतीति केचि वदन्ति। यस्मा पनस्स साखाय पारोहो पविट्टसीमाय पथवियं मूलेहि पतिट्टित्वापि याव साखं विना ठातुं न सक्कोति, ताव मूलसीमट्टुतं न विजहति। यदा पन विना ठातुं सक्कोति, तदापि पारोहमत्तमेव पविट्टसीमट्टुतं समुपेति। तस्मा सब्बोपि आकासट्टुसाखाभागो पुरिमसीमट्टुतं न विजहति, ततो आगतभागस्स अविजहितताति अम्हाकं खन्ति। उदकुखेपनदिआदीसुपि एसेव नयो। तत्थ च विसभागसीमाय एवं पविट्टे सकलसीमासोधनं, सभागाय पविट्टे फुसित्वा ठितमत्तभिक्खुसोधनज्च सब्बं पुब्बे वुत्तनयमेव।

१४०. पारयतीति अज्झोत्थरति, नदिया उभोसु तीरेसु पतिट्टमाना सीमा नदिअज्झोत्थरा नाम होतीति आह “नदिअज्झोत्थरमान”ति। अन्तोनादियज्जि सीमा न ओतरति। नदिलक्खणे पन असति ओतरति, सा च तदा नदिपारसीमा न होतीति आह “नदिया लक्खणं नदिनिमित्तं वुत्तनयमेवा”ति। अस्साति भवेय्य। अवस्सं लब्धनेय्या पन धुवनावाव होतीति सम्बन्धो। “न नावाया”ति इमिना नावं विनापि सीमा बड्ढा सुबड्ढा एव होति, आपत्तिपरिहारत्था नावाति दस्सेति।

रुक्खसङ्काटमयोति अनेकरुक्खे एकतो घटेत्वा कतसेतु। रुक्खं छिन्दित्वा कर्ताति पाटसेतो। “सब्बनिमित्तानं अन्तो ठिते भिक्खू हत्थपासगते कत्वा”ति इदं उभिन्नं तीरानं एकगामखेतभावं सन्थाय वुत्तं। पब्बतसण्ठानाति एकतो उगगतदीपसिखरता वुत्तं।

सीमानुजाननकथावण्णना निड्डिता।

### उपोसथागारादिकथावण्णना

१४१. समूहनित्वाति विनासेत्वा, उद्धरित्वाति अत्थो। इदञ्च आपत्तिपरिहारार्थं वुत्तं।

१४२. यानि कानिचीति इध निमित्तानं सीमाय पाळियं सरूपतो अवुत्तता वुत्तं।

उपोसथागारादिकथावण्णना निड्डिता।

### अविष्पवाससीमानुजाननकथावण्णना

१४३. अट्टारसाति अन्धकविन्दविहारमि उपादाय वुच्चति। नेसं सीमाति तेसु महाविहारेसु। “मन”न्ति इमस्स विवरणं ईसकन्ति, ईसकं वुळ्होति अत्थो। इममेवत्थं दस्सेतुं “अप्पत्तवुळ्हभावो अहोसी”ति वुत्तं। अमनसिकरोन्तोति इड्डिया अनतिकमस्स कारणं वुत्तं।

१४४. सोति भिक्खुनिसङ्को। द्वेपीति द्वे समानसंवासअविष्पवासायो। अविष्पवाससीमाति महासीमं सन्धाय वदति। तत्थेव येभुय्येन अविष्पवासाति।

“अविष्पवासं अजानन्तापी”ति इदं महासीमाय विज्जमानाविज्जमानत्तं, तस्सा बाहिरपरिच्छेदञ्च अजानन्तानं वसेन वुत्तं। एवं अजानन्तोहिपि अन्तोसीमाय ठत्वा कम्मवाचाय कताय सा सीमा समूहताव होतीति आह “समूहनितुञ्चेव बन्धितुञ्च सक्खिस्सन्ती”ति। निरासङ्कट्टानेति खण्डसीमारहितट्टाने। इदञ्च महासीमाय विज्जमानायपि कम्मकरणसुखत्थं खण्डसीमा इच्छिताति तं चेतियङ्गणादिबहुसन्निपातट्टाने न बन्धतीति वुत्तं। तत्थापि सा बद्धा सुबद्धा एव महासीमा विय। “पटिबन्धितुं पन न सक्खिस्सन्तेवा”ति इदं खण्डसीमाय असमूहता, तस्सा अविज्जमानत्तस्स अजानन्तो च महासीमाबन्धनं सन्धाय वुत्तं। खण्डसीमं पन निरासङ्कट्टाने बन्धितुं सक्खिस्सन्तेव। सीमासम्भेदं कत्वाति खण्डसीमाय विज्जमानपक्खे सीमाय सीमं अज्झोत्थरणसम्भेदं कत्वा अविज्जमानपक्खेपि सम्भेदसङ्काय अनिवत्तनेन सम्भेदसङ्कं कत्वा। अविहारं करेय्युन्ति सङ्गकम्मानारहं करेय्युं। पुब्बे हि चेतियङ्गणादिनिरासङ्कट्टाने कम्मं कातुं सक्का, इदानीं तम्पि विनासितन्ति अधिप्पायो। न समूहनितव्वाति खण्डसीमं अजानन्तेहि न समूहनितव्वा। उभोपि न जानन्तीति उभिन्नं पदेसनियमं वा तासं द्विन्मिपि वा अञ्जतराय वा विज्जमानत्तं वा अविज्जमानत्तं वा न जानन्ति, सब्बत्थ सङ्का एव होति। “नेव समूहनितुं, न बन्धितुं सक्खिस्सन्ती”ति इदं निरासङ्कट्टाने ठत्वा समूहनितुं सक्कोन्तोपि महासीमं पटिबन्धितुं न सक्कोन्तीति इममर्थं सन्धाय वुत्तं। “न च सक्का...पे०... कम्मवाचं कातुं”न्ति इदं सीमाबन्धनकम्मवाचं सन्धाय वुत्तं। तस्माति यस्मा बन्धितुं न सक्का, तस्मा न समूहनितव्वाति अत्थो।

केचि पन “ईदिसेसु विहारेसु छपञ्चमते भिक्खू गहेत्वा विहारकोटितो पट्टाय विहारपरिक्खेपस्स अन्तो च बहि च समन्ता लेड्डुपाते सब्बत्थ मञ्चप्पमाणे ओकासे निरन्तरं ठत्वा पठमं अविष्पवाससीमं, ततो समानसंवासकसीमञ्च समूहननवसेन सीमाय समुग्धाते कते तस्मिं विहारे खण्डसीमाय, महासीमायपि वा विज्जमानत्ते सति अवस्सं एकस्मिं मञ्चट्टाने तासं मञ्जगाता ते भिक्खू ता समूहनेय्युं, ततो गामसीमा एव अवसिस्सेय्य। न हेत्थ सीमाय, तप्परिच्छेदस्स वा जाननं अङ्गं। सीमाय पन अन्तोठानं, “समूहनितस्सामा”ति कम्मवाचाय करणञ्चेत्थ अङ्गं। अट्टकथायं खण्डसीमं पन जानन्ता अविष्पवासं अजानन्तापि समूहनितुञ्चेव बन्धितुञ्च सक्खिस्सन्ती”ति एवं महासीमाय परिच्छेदस्स अजाननेपि समूहनस्स वुत्तता। गामसीमाय एव च अवसिड्डाय तत्थ यथारुचि दुविधमि सीमं बन्धितुञ्चेव उपसम्पदादिकम्मं कातुञ्च वट्टती”ति वदन्ति, तं युत्तं विय दिस्सति। वीमसित्वा गहेतब्बं।

अविष्पवाससीमानुजाननकथावण्णना निड्डिता।

### गामसीमादिकथावण्णना

१४७. पाळियं “असम्मताय, भिक्खवे, सीमाया”ति आदिना गामसीमा एव बद्धसीमाय खेतं, अरञ्जनिदि आदयो विय सत्तम्भन्तरउदकुक्खेपादीनं। सा च गामसीमा बद्धसीमाविरहितट्टाने सयमेव समानसंवासा होतीति दस्सेति। या तस्स वा गामस्स गामसीमाति एत्थ गामसीमापरिच्छेदस्स अन्तो च बहि च खेतवत्थुअरञ्जपब्बतादिकं सब्बं गामखेतं सन्धाय “गामस्सा”ति वुत्तं, न अन्तरघरमेव। तस्मा तस्स सकलस्स गामखेतस्स सम्बन्धनीया गामसीमाति एवमत्थो वेदितव्वो। यो हि सो अन्तरघरखेत्तादीसु अनेकेसु भूमिभागेषु “गामो”ति एकत्तेन लोकजनेहि पञ्जत्तो गामवोहारो, सोव इध “गामसीमा”तिपि वुच्चतीति अधिप्पायो, गामो एव हि गामसीमा। इमिनाव नयेन उपरि अरञ्जं नदी समुद्रो जातस्सरोति एवं तेसु भूमिपदेसेसु एकत्तेन लोकजनपञ्जत्तानमेव अरञ्जादीनं अरञ्जसीमादिभावो वेदितव्वो। लोके पन गामसीमादिवोहारो गामादीनं मरियादायमेव वत्तुं वट्टति, न गामखेत्तादीसु सब्बत्थ। सासेन पन ते गामादयो इतरनिवतिअत्थेन सयमेव अत्तनो मरियादाति कत्वा गामो एव गामसीमा, अरञ्जमेव अरञ्जसीमा...पे०... समुद्रो एव समुद्रसीमाति सीमावोहारेन वुत्ताति वेदितव्वो।

“निगमस्स वा”ति इदं गामसीमपम्भेदं सब्बं उपलक्खणवसेन दस्सेतुं वुत्तं। तेनाह “नगरमि गहितमेवा”ति। “बलिं लभन्ती”ति इदं येभुय्यवसेन वुत्तं, “अयं गामो एतको करीसभागो”ति आदिना पन राजपण्णेषु आरोपितेषु भूमिभागेषु यस्मिं यस्मिं तळाकमातिकासुसानपब्बतादिकं पदेसे बलिं न गण्हन्ति, सोपि गामसीमा एव। राजादीहि परिच्छिन्नभूमिभागो हि सब्बोव ठपेत्वा नदिलोणिजातस्सरे गामसीमाति वेदितव्वो। तेनाह “परिच्छिन्दित्वा राजा कस्सचि देती”ति। सचे पन तत्थ राजा कञ्चि पदेसं गामन्तरेन योजेति, सो पविट्टगामसीमतं एव भजति, नदिजातस्सरेसु विनासेत्वा तळाकादिभावं वा पूरेत्वा खेत्तादिभावं वा पापितेसुपि एसेव नयो।

ये पन गामा राजचोरादिभयपीळितेहि मनुस्सेहि छड्डिता चिरमि निम्मनुस्सा तिड्डन्ति, समन्ता पन गामा सन्ति, तेषि पाटवकं गामसीमाव। तेसु हि राजानो समन्तगामवासीहि कसापेत्वा वा येहि केहिचि कसितट्टानं लिखित्वा वा बलिं गण्हन्ति, अञ्जेन वा गामेन एकीभावं वा उपनेन्ति। ये पन गामा राजूहिपि परिच्छता गामखेत्तानन्तरिका महारञ्जेन एकीभूता, ते अगामकारञ्जसीमतं पापुणन्ति, पुरिमा गामसीमा विनस्सति। राजानो पन एकस्मिं अरञ्जादिपदेसे महन्तं गामं कत्वा अनेकसहस्सानि कुलानि वासापेत्वा तत्थ वासीनं भोगगामाति समन्ता भूतगामे परिच्छिन्दित्वा देन्ति। पुराणनामं, पन परिच्छेदञ्च न विनासेन्ति, तेषि पच्चेकं गामसीमा एव। एतावता पुरिमगामसीमतं न विजहन्ति। सा च इतरा चातिआदि “समानसंवासा एकूपोसथा”ति पाळिपदस्स अधिप्पायविवरणं। तत्थ हि सा च राजिच्छावसेन परिवत्तित्वा समुप्पन्ना अभिन्वा, इतरा च अपरिवत्ता पकतिगामसीमा, यथा बद्धसीमाय सब्बं सङ्गकम्मं कातुं वट्टति, एवमेतापि सब्बकम्मपरिहतासदिसेन बद्धसीमासदिसा, सा समानसंवासा एकूपोसथाति अधिप्पायो। सामञ्जत्तो “बद्धसीमासदिसा”ति वुत्ते तिचीवराविष्पवाससीमं बद्धसीमं एव मञ्जन्तीति तंसदिसतानिवत्तनमुखेन उपरि सत्तम्भन्तरसीमाय तंसदिसतापि अत्थीति दस्सनयस्स इधेव पसङ्गं दस्सेतुं “केवल”न्तिआदि वुत्तं।

विज्झाटविसदिसे अरञ्जेति यत्थ “असुकगामस्स इदं खेतं”न्ति गामवोहारो नत्थि, यत्थ च न कसन्ति न वपन्ति, तादिसे अरञ्जे। मच्छबन्धानं अगमनपथा निम्मनुस्सावासा समुद्भन्तरदीपकापि एत्थेव सङ्गहन्ति। यं यज्जि अगामखेतभूतं नदिसमुद्भजातस्सरविरहितं पदेसं, तं सब्बं अरञ्जसीमाति वेदितव्वं। सा च सत्तम्भन्तरसीमं विनाव सयमेव समानसंवासा बद्धसीमासदिसा। नदिआदिसीमासु विय सब्बमेत्थ सङ्गकम्मं कातुं वट्टति। नदिसमुद्भजातस्सरानं ताव अट्टकथायं “अत्तनो सभावेनेव बद्धसीमासदिसा”ति आदिना वुत्तता सीमता सिद्धा। अरञ्जस्स पन सीमता कथन्ति? सत्तम्भन्तरसीमानुजाननसुत्तादिसामत्थियतो। यथा हि गामसीमाय वगगकम्मपरिहारत्थं बहू बद्धसीमायो अनुज्जाता, तासञ्च द्विन्मन्तरा अञ्जमञ्जं असम्भेदत्थं सीमन्तरिका अनुज्जाता, एवमिधारञ्जेपि सत्तम्भन्तरसीमा। तासञ्च द्विन्मन्तरा सीमन्तरिकाय पाळिअट्टकथासुपि विधानसामत्थियतो अरञ्जस्सपि सभावेनेव नदिआदीनं विय सीमाभावो तत्थ वगगकम्मपरिहारत्थमेव सत्तम्भन्तरसीमाय अनुज्जातत्ताव सिद्धोति वेदितव्वो। तत्थ सीमायमेव हि ठिता सीमट्टानं वगगकम्मं करोन्ति, न असीमाय आकासे ठिता विय आकासट्टानं। एवमेव हि सामत्थियं गहेत्वा “सब्बा, भिक्खवे, नदी असीमा”ति आदिना पटिक्खित्तबद्धसीमानमि नदिसमुद्भजातस्सरानं अत्तनो सभावेनेव सीमाभावो अट्टकथायं वुत्तोति गहेतव्वो।

अथस्स ठितोकासतोति अस्स भिक्खुस्स ठितोकासतो। सचेपि हि भिक्खुसहस्सं तिड्डति, तस्स ठितोकासस्स बाहिरन्ततो पट्टाय भिक्खून् वगगकम्मपरिहारत्थं सीमापेक्खाय उप्पन्नाय ताय सह

सयमेव सज्जाता सत्तब्भन्तरसीमा समानसंवासाति अधिप्पायो। यत्थ पन खुदके अरज्जे महन्तोहि भिक्खूहि परिपुण्णताय वगगम्मसङ्काभावेन सत्तब्भन्तरसीमापेक्खा नत्थि, तत्थ सत्तब्भन्तरसीमा न उपपज्जति, केवलारज्जसीमायमेव, तत्थ सङ्गेन कम्मं कातब्बं। नदिआदीसुपि एसेव नयो। वक्खति हि “सचे नदी नातिदीघा होति, पभवतो पडाय याव मुखद्वारा सब्बत्थ सङ्गो निसीदति, उदकुक्खेपसीमाकम्मं नत्थी”तिआदि (महाव० अट्ठ० १४७)। इमिना एव च वचनेन वगगम्मपरिहारत्थं सीमापेक्खाय सति एव उदकुक्खेपसत्तब्भन्तरसीमा उपपज्जति, नासतीति दट्ठब्बं।

केचि पन “समन्ता अब्भन्तरं मिनित्वा परिच्छेदकरणेनेव सीमा सज्जायति, न सयमेवा”ति वदन्ति, तं न गहेतब्बं। यदि हि अब्भन्तरपरिच्छेदकरणणकारेण सीमा उपपज्जेय, अब्भन्तरसीमा च न सिया भिक्खून् किरियापाकरसिद्धितो। अपिच वट्ठकीहत्थानं, पकतिहत्थानज्ज लोके अनेकविधता, विनये ईदिसं हत्थप्पमाणन्ति अवुत्तता च येन केनचि मिनितं च भगवता अनुज्जातेन न खो हत्थेन मिनितं, न नु खीति सीमाय विपतिसङ्का भवेय्य। मिनन्तेहि च अणुमत्तमि ऊनमधिकं अकत्वा मिनितुं असक्कुण्येय्यताय विपति एव सिया। परिसवसेन चायं वड्डमाना तेसं मिननेन वड्डति वा हायति वा। सङ्गे च कम्मं कत्वा गते अयं भिक्खून् पयोगेन समुप्पन्नसीमा तेसं पयोगेन विगच्छति न विगच्छति च। कथं बड्डसीमा विय याव सासनन्तरधाना न तिड्डेय्य, ठितिया च पुराणविहारेसु विय सकलपि अरज्जे कथं सीमासम्भेदसङ्का न भवेय्य। तस्मा सीमापेक्खाय एव समुप्पज्जति, तब्बिगमेन विगच्छतीति गहेतब्बं। यथा चेत्थ, एवं उदकुक्खेपसीमायमि नदिआदीसुपि।

तत्थापि हि मज्झिमपुरिसो न जायति। तथा सब्बथामेन खिपनं उभयत्थापि च यस्सं दिसायं सत्तब्भन्तरस्स, उदकुक्खेपस्स वा ओकासो न पहाँति, तत्थ कथं मिननं, खिपनं वा भवेय्य? गामखेत्तादीसु पविसन्तो अखेत्ते सीमा पविट्ठा नामाति सीमा विपज्जेय्य। अपेक्खाय सीमुप्पत्तिं पन यतो पहाँति, तत्थ सत्तब्भन्तरउदकुक्खेपसीमा सयमेव परिपुण्णा जायन्ति। यतो पन न पहाँति, तत्थ अत्तनो खेतप्पमाणेनेव जायन्ति, न बहि। यं पनेत्थ अब्भन्तरमिननपमाणस्स, वालुकादिखिपनकम्मस्स च दस्सन्, तं सज्जातसीमानं ठितट्ठानस्स परिच्छेदन्त्थं कतं गामूपचारघरूपचारजानन्त्थं लेड्डुसुप्पादिखिपनविधानदस्सन् विय। तेनेव **मातिकाडुकथायं** “सोमं वा सम्मन्ति उदकुक्खेपं वा परिच्छिन्दती”ति वुत्तं (कट्ठा० अट्ठ० ऊनवीसीतिवस्ससिक्खापदवण्णना)। एवं कतेपि तस्स परिच्छेदस्स याथावतो जातुं असक्कुण्येय्यत्तेन पुथुलतो जत्वा अन्तो तिड्डन्तेहि निरासङ्कट्टाने ठातब्बं, अज्जं बहि करोन्तेहि अतिदूरे निरासङ्कट्टाने पेसेतब्बं।

अपरे पन “सीमापेक्खाय किच्चं नत्थि, मगगमननहानादिअत्थेहि एकभिक्खुस्मिम्पि अरज्जे वा नदिआदीसु वा पविट्ठे तं परिक्खिपित्वा सत्तब्भन्तरउदकुक्खेपसीमा सयमेव पभा विय पदीपस्स समुप्पज्जति, गामखेत्तादीसु तस्मिं ओतिण्णमते विगच्छति। तेनेव चेत्थ द्विन् सङ्गानं विसुं कम्मं करोन्तानं सीमाद्वयस्स अन्तरा सीमन्तरिका अज्जं सत्तब्भन्तरं, उदकुक्खेपज्ज उपेतुं अनुज्जातं, सीमापरियन्ते हि केनचि कम्मं पेसितस्स भिक्खुनो समन्ता सज्जातसीमा इतरेसं सीमाय फुसित्वा सीमासम्भेदं करेय्य, सो मा होतूति, इतरथा हत्थचतुरङ्गलमत्तायपेत्थ सीमन्तरिकाय अनुजानितब्बतो। अपिच सीमन्तरिकाय ठितस्सापि उभयत्थ कम्मकोपवचनतोपि चेत्तं सिज्जति। तमि परिक्खिपित्वा सयमेव सज्जाताय सीमाय उभिन्मि सीमानं, एकाय एव वा सङ्करोत। इतरथा तस्स कम्मकोपवचनं न युज्जेय्य। वुत्तञ्च **मातिकाडुकथायं** ‘परिच्छेदब्भन्ते हत्थपासं विजहित्वा ठितोपि परिच्छेदतो बहि अज्जं तत्तकयेव परिच्छेदं अनतिकमिक्त्वा ठितोपि कम्मं कोपेती’ति (कट्ठा० अट्ठ० निदानवण्णना)। किज्ज अगामकारज्जे ठितस्स कम्मकरणिच्छाविरहितस्सापि भिक्खुनो सत्तब्भन्तरपरिच्छिन्ने अज्झोकासे चीवरविपवासा भगवता अनुज्जातो, सो च परिच्छेदो सीमा। एवं अपेक्खं विना समुप्पन्ना। तेनेवेत्थ ‘अयं सीमा तिचीवरविपवासपरिहारमि लभती’ति (महाव० अट्ठ० १४७) वुत्तं। तस्मा कम्मकरणिच्छं विनापि वुत्तनयेन समुप्पत्ति गहेतब्बा”ति वदन्ति, तं न युत्तं पदीपस्स पभा विय सब्बपुगलानमि पच्चेकं सीमासम्भवेन सङ्गे, गणे वा कम्मं करोन्ते तत्रट्ठानं भिक्खुनं समन्ता पच्चेकं समुप्पन्नानं अनेकसीमानं अज्जमज्जं सङ्करोदोसप्पसङ्गतो। परिसवसेन चस्सा वड्डि, हानि च सम्भवति। पच्छा आगतानं अभिनवसीमन्तरुपति एव, गतानं समन्ता ठितसीमापि विनासो च भवेय्य।

पाळियं पन “समन्ता सत्तब्भन्तरा, अयं तत्थ समानसंवासा”तिआदिना (महाव० १४७) एका एव सत्तब्भन्तरा, उदकुक्खेपा च अनुज्जाता, न चेसा सीमा सभावेन, कारणसामत्थियेन वा पभा विय पदीपस्स उपपज्जति। किन्तु भगवतो अनुजाननेनेव, भगवा च इमायो अनुजानन्तो भिक्खून् वगगम्मपरिहारेन कम्मकरणसुखत्थमेव अनुज्जासीति कथं नहानादिकिच्चेन पविट्ठानमि समन्ता तासं सीमानं समुप्पत्ति पयोजनाभावा? पयोजने च एकं एव पयोजनन्ति कथं पच्चेकं भिक्खुगणनाय अनेकसीमासमुपत्ति? “एकसीमायं हत्थपासं अविजहित्वा ठिता”ति (कट्ठा० अट्ठ० निदानवण्णना) वुत्तं। यं पन द्विन् सीमानं अन्तरा तत्तकपरिच्छेदेनेव सीमन्तरिकडुपनवचनं, तत्थ ठितानं कम्मकोपवचनज्ज, तमि इमासं सीमानं परिच्छेदस्स दुब्बोधताय सीमाय सम्भेदसङ्कं, कम्मकोपसङ्कज्ज दूरतो परिहरितुं वुत्तं।

यो च चीवराविपवासत्थं भगवता अब्भोकासे दस्सितो सत्तब्भन्तरपरिच्छेदो, सो सीमा एव न होति, खेततळाकादिपरिच्छेदो विय अयमेत्थ एको परिच्छेदोव। तत्थ च बहूसु भिक्खूसु एकतो ठितेसु तेसं विसुं विसुं अत्तनो ठितट्ठानतो पडाय समन्ता सत्तब्भन्तरपरिच्छेदब्भन्तरे एव चीवरं उपेतब्बं। न परिसपरियन्ततो पडाय। परिसपरियन्ततो पडाय हि अब्भन्तरे गह्ममाने अब्भन्तरपरियोसाने ठिपतचीवरं मज्जे ठितस्स अब्भन्तरतो बहि होतीति तं अरुणुगमने निस्सगियं सिया। सीमा पन परिसपरियन्ततोव गहेतब्बा। चीवरविपवासपरिहारोपेत्थ अब्भोकासपरिच्छेदस्स विज्जमानत्ता वुत्तो, न पन याव सीमापरिच्छेदं लब्धमानत्ता महासीमाय अविपवाससीमावोहारो विय। महासीमायमि हि गामगामूपचारेसु चीवरं निस्सगियं होति। इधापि मज्जे ठितस्स सीमापरियन्ते निस्सगियं होति। तस्मा यथावुत्तसीमापेक्खवसेनेवेतासं सत्तब्भन्तरउदकुक्खेपसीमानं उपत्ति, तब्बिगमेन विनासो च गहेतब्बाति अम्हाकं खन्ति। वीमसित्वा गहेतब्बं। अज्जो वा पकारो इतो युत्ततरो गवेसितब्बो।

इध पन “अरज्जे समन्ता सत्तब्भन्तरा”ति एवं पाळियं विज्झाटविसदिसे अरज्जे समन्ता सत्तब्भन्तराति अट्ठकथायज्ज रुक्खादिनिरन्तरेपि अरज्जे सत्तब्भन्तरसीमाय विहितता अत्तनो निस्सयभूताय अरज्जसीमाय सह एतस्सा रुक्खादिसम्बन्धे दोसाभावो पगेव अगामके रुक्खेति निस्सितेपि पदेसे चीवरविपवासस्स रुक्खपरिहारं विनाव अब्भोकासपरिहारोव अनुमतोति सिद्धोति वेदितब्बो।

**उपचारत्थायाति** सीमन्तरिकत्थाय सत्तब्भन्तरतो अधिकं वट्टति। ऊनकं पन न वट्टति एव सत्तब्भन्तरपरिच्छेदस्स दुब्बिजानत्ता। तस्मा सङ्गं विना एकेनापि भिक्खुना बहि तिड्डन्तेन अज्जं सत्तब्भन्तरं अतिकमिक्त्वा अतिदूरे एव ठातब्बं, इतरथा कम्मकोपसङ्कतो। उदकुक्खेपेपि एसेव नयो। तेनेव वक्खति “ऊनकं पन न वट्टती”ति (महाव० अट्ठ० १४७)। इदञ्चेत्थ सीमन्तरिकविधानं द्विन् बड्डसीमानं सीमन्तरिकानुजाननुसुत्तानुलोमतो सिद्धन्ति दट्ठब्बं। किज्जापि हि भगवता निदानवसेन एकगामसीमानिस्सितानं, एकसभागानज्ज द्विन् बड्डसीमानमेव अज्जमज्जं सम्भेदज्जोत्थरणदोसपरिहाराय सीमन्तरिका अनुज्जाता, तथापि तदनुलोमतो एकअरज्जसीमानदिआदिसीमज्ज निस्सितानं एकसभागानं द्विन् सत्तब्भन्तरसीमानमि उदकुक्खेपसीमानमि अज्जमज्जं सम्भेदज्जोत्थरणं, सीमन्तरिकं विना अब्बवधानेन ठानज्ज भगवता अनभिमतमेवाति जत्वा **अट्ठकथाचरिया** इधापि सीमन्तरिकविधानमकंसु। विसभागसीमानमि हि एकसीमानिस्सितत्तं, एकसभागत्तज्जाति द्विहङ्गेहि समन्नागते सति एकं सीमन्तरिकं विना ठानं सम्भेदाय होति, नासतीति दट्ठब्बं। सीमन्तरिकविधानसामत्थियेनेव चेतासं रुक्खादिसम्बन्धोपि बड्डसीमानं विय अज्जमज्जं न वट्टतीति अयमि नयतो दस्सितो एवाति गहेतब्बं।

**“सभावेनेवा”**ति इमिना गामसीमा विय अब्भन्तरसीमाति दस्सेति। **सब्बमेत्थ सङ्गकम्मं कातुं वट्टतीति** समानसंवासा एकूपोसथाति दस्सेति। **येन केनचीति** अन्तमसो सूकरादिना सत्तेन। महोधेन पन उन्नतट्ठानतो निन्टाने पतन्तेन खतो खुदको वा महन्तो वा लक्खणयुत्तो जातस्सरोव। एत्थापि खुदके उदकुक्खेपकिच्चं नत्थि, समुहे पन सब्बथा उदकुक्खेपसीमायमेव कम्मं कातब्बं सोधेतुं दुक्करत्ता।

**पुन तत्थाति** लोकवोहारसिद्धासु एतासु नदिआदीसु तीसु अब्भन्तरसीमासु पुन वगगम्मपरिहारत्थं सासनवोहारसिद्धाय अब्भन्तरसीमाय परिच्छेदं दस्सेन्तोति अधिप्पायो। पाळियं यं **मज्झिमस्स पुरिसस्साति** आदीसु उदकं उक्खिपित्वा खिपीयति एत्थाति उदकुक्खेपो, उदकस्स पतनोकासो, तस्मा **उदकुक्खेपा**। अयञ्चेत्थ पदसम्बन्धवसेन अत्थो — परिसपरियन्ततो पडाय समन्ता याव मज्झिमस्स पुरिसस्स उदकुक्खेपो उदकपतनट्ठानं, ताव यं तं परिच्छिन्टानं, अयं तत्थ नदिआदीसु अपरा समानसंवासा उदकुक्खेपसीमाति।

**तस्स अन्तोति** तस्स उदकुक्खेपपरिच्छिन्तस्स ठानस्स अन्तो। न केवलज्ज तस्सेव अन्तो, ततो बहिपि, एकस्स उदकुक्खेपस्स अन्तो ठातुं न वट्टतीति वचनं उदकुक्खेपपरिच्छेदस्स दुब्बिजानतो कम्मकोपसङ्का होतीति। तेनेव **मातिकाडुकथायं** “परिच्छेदब्भन्तरे हत्थपासं विजहित्वा ठितोपि परिच्छेदतो बहि अज्जं तत्तकयेव परिच्छेदं अनतिकमिक्त्वा ठितोपि कम्मं कोपेति इदं सब्बअट्ठकथासु सन्निट्ठानं”ति (कट्ठा० अट्ठ० निदानवण्णना) वुत्तं। यं पनेत्थ **सारत्थदीपनियं** “तस्स अन्तो हत्थपासं विजहित्वा ठितो कम्मं कोपेतीति इमिना बहिपरिच्छेदतो यत्थ कत्थचि ठितो कम्मं कोपेती”ति (सारत्थ० टी० महावग ३.१४७) वत्वा मातिकाडुकथावचनमि पटिक्खिपित्वा “नेव पाळियं न अट्ठकथायं उपलब्धती”तिआदि बहु पज्जिवत्तं, तं न सुन्दरं इध अट्ठकथावचनेन मातिकाडुकथावचनस्स नयतो संसन्दनतो सङ्गतन्तो। तथा हि द्विन् उदकुक्खेपपरिच्छेदानमन्तरा विदत्थिचतुरङ्गलमत्तमि सीमन्तरिकं अट्ठपेत्वा “अज्जो उदकुक्खेपो सीमन्तरिकाय उपेतब्बो, ततो अधिकं वट्टति एव, ऊनकं पन न वट्टती”ति एवं इधेव वुत्तेन इमिना अट्ठकथावचनेन सीमन्तरिकोपचारेन उदकुक्खेपतो ऊनके ठिपते सीमाय सीमासम्भेदतो कम्मकोपोपि वुत्तो एव। यदगगेन च एवं वुत्तो, तदगगेन तत्थ एकभिक्खुनो पवेसेपि सति तस्स सीमड्डभावतो कम्मकोपो वुत्तो एव होति। अट्ठकथायं “ऊनकं पन न वट्टती”ति कथनज्जेत्तं उदकुक्खेपपरिच्छेदस्स दुब्बिजानन्तेनपि सीमासम्भेदसङ्कापरिहारत्थं वुत्तं। सत्तब्भन्तरसीमानमन्तरा तत्तकपरिच्छेदेनेव सीमन्तरिकविधानवचनतोपि एतासं दुब्बिजानपरिच्छेदता, तत्थ च ठितानं कम्मकोपसङ्का सिज्जति। कम्मकोपसङ्कट्टानमि आचरिया दूरतो परिहारत्थं

कम्मकोपट्टानन्ति वत्ताव उपेसुन्ति गहेतब्बं ।

तन्ति सीमं । “**सीधमेव अतिक्रामेती**”ति इमिना तं अनतिक्रामित्वा अन्तो एव परिवत्तमानाय कातुं वट्टतीति दस्सेति । एतदथमेव हि वालुकादीहि सीमापरिच्छिन्दनं, इतरथा बहि परिवत्ता नु खो, नो वाति कम्मकोपसङ्का भवेय्याति । **अञ्जिस्सा अनुस्सावनाति** केवलाय नदिसीमाय अनुस्सावना । **अन्तो नदियं जातरुक्खे वाति** उदकुक्खेपरिच्छेदस्स बहि ठिते रुक्खेपि वा । बहिनदितोरमेव हि विसभागसीमता अबन्धितब्बट्टानं, न अन्तो नदी निस्सयत्तेन सभागत्ता । तेनेव “बहिनदितोरे विहारसीमाय वा”ति आदिना तीरमेव अबन्धितब्बट्टानत्तेन दस्सितं, न पन नदी । “**रुक्खेपि ठितेही**”ति इदं अन्तो उदकुक्खेपट्टं सन्धाय वुत्तं । न हि बहि उदकुक्खेपे भिक्खुं ठातुं वट्टति ।

**रुक्खस्साति** तस्सेव अन्तो उदकुक्खेपट्टस्स रुक्खस्स । **सीमं वा सोधेत्वाति** यथावुत्तं विहारे बद्धसीमं, गामसीमञ्च तत्थ ठितभिक्खुं हत्थपासानयनबहि सीमाकरणवसेनेव सोधेत्वा । यथा च उदकुक्खेपसीमायं कम्मं करोन्तेहि, एवं बद्धसीमायं, गामसीमायं वा कम्मं करोन्तेहिपि उदकुक्खेपसीमट्टे सोधेत्वाव कातब्बं । एतेनेव सत्तम्भन्तर अरञ्जसीमाहिपि उदकुक्खेपसीमाय, इमाय च सद्धि तासं रुक्खादिसम्बन्धदोसोपि नयतो दस्सितोव होति । इमिनाव नयेन सत्तम्भन्तरसीमाय बद्धसीमागामसीमाहिपि सद्धि, एतासञ्च सत्तम्भन्तरसीमाय सद्धि सम्बन्धदोसो जातब्बो । अट्टकथायं पनेतं सब्बं वुत्तनयतो सक्का जातुन्ति अञ्जमञ्जसमासन्नाममेवेत्थ दस्सितं ।

तत्रिदं सुत्तानुलोमतो नयगहणमुखं — यथा हि बद्धसीमायं सम्मता विपत्तिसीमा होतीति तासं अञ्जमञ्जं रुक्खादिसम्बन्धो न वट्टति, एवं नदिआदीसु सम्मतापि बद्धसीमा विपत्तिसीमाव होतीति ताहिपि सद्धि तस्सा रुक्खादिसम्बन्धो न वट्टतीति सिञ्जति । इमिना नयेन सत्तम्भन्तरसीमाय गामनदिआदीहि सद्धि, उदकुक्खेपसीमाय च अरञ्जादीहि सद्धि रुक्खादिसम्बन्धस्स न वट्टनकभावो जातब्बो, एवमेता भगवता अनुज्जाता बद्धसीमा सत्तम्भन्तर उदकुक्खेपसीमा अञ्जमञ्जचेव अत्तनो निस्सयविरहिताहि इतरीतरासं निस्सयसीमाहि च रुक्खादिसम्बन्धे सति सम्भेदोसमापज्जतीति सुत्तानुलोमनयो जातब्बोव ।

अत्तनो अत्तनो पन निस्सयभूतगामादीहि सद्धि बद्धसीमादीनं तिस्सन्तं उप्पत्तिकाले भगवता अनुज्जातस्स सम्भेदञ्जोत्थरणस्स अनुलोमतो रुक्खादिसम्बन्धोपि अनुज्जातोव होतीति दट्टब्बं । यदि एवं उदकुक्खेपबद्धसीमादीनं अन्तरा कस्मा सीमन्तरिका न विहिताति? निस्सयभेदसभावभेदेहि सयमेव भिन्ना । एकनिस्सय एकसभावानमेव हि सीमन्तरिकाय विनासं करोतीति वुत्तोवायमत्थो । एतेनेव नदिनिमित्तं कत्वा बद्धाय सीमाय सङ्गे कम्मं करोन्ते नदियमि याव गामखेतं आहच्च ठिताय उदकुक्खेपसीमाय अञ्जेसं कम्मं कातुं वट्टतीति सिद्धं होति । या पनेता लोकवोहारसिद्धा गामारञ्जनदिसमुद्गजातस्सरसीमा पञ्च, ता अञ्जमञ्जरुक्खादिसम्बन्धेपि सम्भेददोसं नापज्जति, तथा लोकवोहाराभावतो । न हि गामादयो गामन्तरादीहि, नदिआदीहि च रुक्खादिसम्बन्धमत्तेन सम्भिन्नाति लोके वोहरन्ति । लोकवोहारसिद्धानञ्च लोकवोहारतोव सम्भेदो वा असम्भेदो वा गहेतब्बो, नाञ्जतो । तेनेव अट्टकथायं तासं अञ्जमञ्जं कत्थचिपि सम्भेदनयो न दस्सितो, सासनवोहारसिद्ध्येव दस्सितोति ।

एत्थ पन बद्धसीमाय ताव “हेट्टा पथवीसन्धारकं उदकपरियन्तं कत्वा सीमागता होती”ति आदिना (महाव० अट्ट० १३८) अधोभागपरिच्छेदो अट्टकथायं सब्बथा दस्सितो । गामसीमादीनं पन न दस्सितो । कथमयं जानितब्बोति? केचि तावेत्थ “गामसीमादयोपि बद्धसीमा विय पथवीसन्धारकं उदकं आहच्च तिडुती”ति वदन्ति ।

केचि पन तं पटिक्खिपित्वा “नदिसमुद्गजातस्सरसीमा, ताव तन्निस्सित उदकुक्खेपसीमा च पथविया उपरितले, हेट्टा च उदकञ्जोत्थरणपदेसे एव तिडुन्ति, न ततो हेट्टा उदकस्स अञ्जोत्थरणाभावा । सचे पन उदकोधादिना योजनपमाणमि निन्नुट्ठानं होति, नदिसीमादयोव होन्ति, न ततो हेट्टा । तस्मा नदिआदीनं हेट्टा बहितीरमुखेन उमङ्गेन, इद्धिया वा पविट्टो भिक्खु नदियं ठितानं कम्मं न कोपेति । सो पन आसन्नगामे भिक्खुं कम्मं कोपेति । सचे पन सो उभिन्नं तीरगामानं मज्जे निस्सिन्तो होति, उभयगामट्टानं कम्मं कोपेति । सचे पन तीरं गामखेतं न होति, अगामकारञ्चमेव । तत्थ पन तीरद्वयेपि सत्तम्भन्तरसीमं विना केवलाय खुद्दकारञ्जसीमाय कम्मं करोन्तानं कम्मं कोपेति । सचे सत्तम्भन्तरसीमायं करोन्ति, तदा यदि तेसं सत्तम्भन्तरसीमाय परिच्छेदो एतस्स निस्सिन्तोकासस्स परतो एकं सत्तम्भन्तरं अतिक्रामित्वा ठितो न कम्मकोपो । नो चे, कम्मकोपो । गामसीमायं पन अन्तो उमङ्गे वा बिले वा यत्थ पविसितुं सक्का, यत्थ वा सुवण्णमणिआदिं खणित्वा गणन्ति, गहेतुं सक्काति वा सम्भावना होति, तत्तकं हेट्टापि गामसीमा, तत्थ इद्धिया अन्तो निस्सिन्तोपि कम्मं कोपेति । यत्थ पन पकतिमनुस्सानं पवेससम्भावनापि नत्थि, तं सब्बं याव पथविसन्धारक उदका अरञ्जसीमाव, न गामसीमा । अरञ्जसीमायमि एसेव नयो । तत्थपि हि यत्तके पदेसे पवेससम्भावना, तत्तकमेव उपरितले अरञ्जसीमा पवत्तीति । ततो पन हेट्टा न अरञ्जसीमा, तत्थ उपरितलेन सह एकारञ्जवोहाराभावतो । न हि तत्थ पविट्टो अरञ्जं पविट्टो ति वोहरन्ति । तस्मा तत्रट्टो उपरि अरञ्जट्टानं कम्मं न कोपेति उमङ्गनदियं ठितो विय उपरिनदियं ठितानं । एकस्मिज्झि चक्कवाळे गामनदिसमुद्गजातस्सरे मुञ्चित्वा तदवसेसं अमनुस्सावासं देवब्रह्मलोकं उपादाय सब्बं अरञ्चमेव । ‘गामा वा अरञ्जा वा’ति वुत्तता हि नदिसमुद्गजातस्सरादिपि अरञ्चमेव । इध पन नदिआदीनं विसुं सीमाभावेन गहितत्ता तदवसेसमेव अरञ्जं गहेतब्बं । तत्थ च यत्तके पदेसे एकं ‘अरञ्ज’न्ति वोहरन्ति, अयमेकारञ्जसीमा । इन्दपुरज्झि सब्बं एकारञ्जसीमा । तथा असुरयक्खपुरादि । आकासट्टदेवब्रह्मविमानानि पन समन्ता आकासपरिच्छिन्नानि पच्चेकं अरञ्जसीमा समुद्गमज्जे पब्बतदीपका विय । तत्थ सब्बत्थ सत्तम्भन्तरसीमाय, अरञ्जसीमायमेव वाति कम्मं कातब्बं । तस्मा इधापि उपरिअरञ्जतलेन सद्धि हेट्टापथविया अरञ्जवोहाराभावा विसुं अरञ्जसीमाति गहेतब्बं । तेनेवेत्थ गामनदिआदिसीमाकथाय **अट्टकथायं** ‘इद्धिमा भिक्खु हेट्टापथवितले ठितो कम्मं कोपेती’ति (महाव० अट्ट० १३८) बद्धसीमायं दस्सितनयो न दस्सितो”ति वदन्ति ।

इदञ्चेतासं गामसीमादीनं हेट्टापमाणदस्सनं सुत्तादिविरोधाभावा युत्तं विय दस्सति । वीर्मसित्वा गहेतब्बं । एवं गहणे च गामसीमायं सम्मता बद्धसीमा उपरि गामसीमं, हेट्टा उदकपरियन्तं अरञ्जसीमञ्च अवत्थरतीति तस्सा अरञ्जसीमापि खेतन्ति सिञ्जति । भगवता च “सब्बा, भिक्खवे, नदी असीमा”ति आदिना (महाव० अट्ट० १४७) नदिसमुद्गजातस्सरा बद्धसीमाय अखेतभावेन वुत्ता, न पन अरञ्जं । तस्मा अरञ्जमि बद्धसीमाय खेतमेवाति गहेतब्बं । यदि एवं कस्मा तत्थ सा न बज्जतीति? पयोजनाभावा । सीमापेक्खानन्तरमेव सत्तम्भन्तरसीमाय सम्भवतो । तस्सा च उपरि सम्मताय बद्धसीमाय सम्भेदञ्जोत्थरणानुलोमतो विपत्तिसीमा एव सिया । गामखेते पन उत्त्वा अगामकारञ्जेकदेसमि अन्तोकरित्वा सम्मता किञ्चापि सुसम्मता, अगामकारञ्जे भगवता विहिताय सत्तम्भन्तरसीमायपि अनिवत्तितो । तत्थ पन कम्मं कातुं पविट्टानमि ततो बहि केवलारञ्जे करोन्तानमि अन्तरा तीणि सत्तम्भन्तरानि ठपेतब्बानि, अञ्जथा विपत्ति एव सियाति सब्बथा निरत्थकमेव अगामकारञ्जे बद्धसीमाकरणन्ति वेदितब्बं ।

**अन्तो नदियं पविट्टुसाखायाति** नदिया पथवितलं आहच्च ठिताय साखायपि, पगेव अनाहच्च ठिताय । पारोहेपि एसेव नयो । एतेन सभागं नदिसीमं फुसित्वा ठितेनपि विसभागसीमासम्बन्धसाखादिना उदकुक्खेपसीमाय सम्बन्धो न वट्टतीति दस्सेति । एतेनेव महासीमं, गामसीमञ्च फुसित्वा ठितेन साखादिना माळकसीमाय सम्बन्धो न वट्टतीति जापितोति दट्टब्बो ।

**अन्तो नदियं येवाति** सेतुपादानं तीरट्टतं निवत्तीति । तेन उदकुक्खेपपरिच्छेदतो बहि नदियं पतिट्टिततेपि सम्भेदाभावं दस्सेति । तेनाह “बहितीरे पतिट्टिता”ति आदि । यदि हि उदकुक्खेपतो बहि अन्तो नदियमि पतिट्टितते सम्भेदो भवेय्य, तमि पटिक्खिपितब्बं भवेय्य कम्मकोपस्स समानत्ता, न च पटिक्खितं । तस्मा सब्बत्थ अत्तनो निस्सयसीमाय सम्भेददोसो नत्थेवाति गहेतब्बं ।

**आवरणेन वाति** दारुआदिं निखणित्वा उदकनिवारणेन । **कोट्टकबन्धनेन वाति** मत्तिकादीहि पूरेत्वा कतसेतुबन्धेन । उभयेनापि आवरणमेव दस्सेति । “नदिं विनासेत्वा”ति वुत्तमेवत्थ विभावेति “**हेट्टा पाळि बद्धा**”ति, हेट्टा नदिं आवरित्वा पाळि बद्धाति अत्थो । **छट्टितमोदकन्ति** अतिरिक्तोदकं । “**नदिं ओत्थरित्वा सन्दनट्टानतो**”ति इमिना तळाकनदीनं अन्तरा पवत्तनट्टाने न वट्टतीति दस्सेति । **उप्पत्तिवत्ताति** तीरादिभिन्दनवसेन विपुला हुत्वा । **विहारसीमन्ति** बद्धसीमं ।

**अगमनपथेति** तदहेव गन्त्वा निवत्तितुं असक्कुणेय्ये । **अरञ्जसीमासङ्ख्यमेव गच्छतीति** लोकवोहारसिद्धं अगामकारञ्जसीमं सन्धाय वदति । **तत्थाति** पकतिया मच्छबन्धानं गमनपथेसु दीपकेसु ।

**तं ठानन्ति** आवाटादीनं कतट्टानमेव, न अकतन्ति अत्थो । **लोणीति** समुद्गोदकस्स उप्पत्तिवेगानिन्तो मातिकाकारेन पवत्तनको ।

**१४८. सम्भिन्दन्तीति** यत्थ चतूहि भिक्खूहि निसीदितुं न सक्का, तत्तकतो पट्टाय याव केसगमत्तमि अन्तोसीमाय करोन्तो सम्भिन्दति । चतुन्नं भिक्खून् पहोनकतो पट्टाय याव सकलमि अन्तो करोन्तो अञ्जोत्थरन्तीति वेदितब्बं । **संसट्टुविट्पाति** अञ्जमञ्जं सिब्बित्वा ठितमहासाखमूला, एतेन अञ्जमञ्जस्स अच्चासन्नतं दीपेति । साखाय साखं फुसन्ता हि दूरट्टापि सिंय्हु, ततो एकंसतो

सम्भेदलक्षणं दस्सितं न सियाति तं दस्सेतुं विटपगहणं कतं । एवञ्चि भिक्खून् निसीदितुं अप्पहोनकट्ठानं अत्तनो सीमाय अन्तोसीमडुं करित्वा पुराणविहारं करोन्तो सीमाय सीमं सम्भन्दति नाम, न ततो परन्ति दस्सितमेव होति । **बद्धा होतीति** पोरणकविहारसीमं सन्धाय वुत्तं । **अब्बन्ति** अपरेन समयेन पुराणविहारपरिक्खेपादीनं विनडुत्ता अजानन्तानं तं पुराणसीमाय निमित्तभूतं अम्बं । अत्तनो सीमाय अन्तोसीमडुं करित्वा पुराणविहारसीमडुं जम्बुं कित्तेत्वा अम्बजम्बून् अन्तरे यं ठानं, तं अत्तनो सीमाय पवेसेत्वा बन्धन्तीति अत्थो । एत्थ च पुराणसीमाय निमित्तभूतस्स गामडुस्स अम्बरुक्खस्स अन्तोसीमड्वाय जम्बुया सह संसडुविटपत्तेपि सीमाय बन्धनकाले विपत्ति वा पच्छा गामसीमाय सह सम्भेदो वा कम्मविपत्ति वा न होतीति मुखतोव वुत्तन्ति वेदितब्बं ।

**पदेसन्ति** सङ्खस्स निसीदनप्पहोनकपदेसं । “**सीमन्तरिकं ठपेत्वा**”तिआदिना सम्भेदज्जोत्थरणं अकत्वा बद्धसीमाहि अज्जमज्जं फुसापेत्वा अब्बवधानेन बद्धापि सीमा असीमा एवाति दस्सेति । तस्मा एकद्वङ्गुलमतापि सीमन्तरिका वट्ठति एव । सा पन दुब्बोधाति अडुकथासु चतुरङ्गुलादिका वुत्ताति दडुब्बं । **द्विन्नं सीमानन्ति** द्विन्नं बद्धसीमानं । **निमित्तं होतीति** निमित्तस्स सीमतो बाहिरत्ता बन्धनकाले ताव सम्भेददोसो नत्थीति अधिप्पायो । न केवलञ्च निमित्तकत्ता एव सङ्करं करोति, अथ खो सीमन्तरिकाय ठितो अज्जोपि रुक्खो करोति एव । तस्मा अप्पमत्तिकाय सीमन्तरिकाय वट्ठनका रुक्खादयो न वट्ठन्ति एव । एत्थ च उपरि दिस्समानखन्धसाखादिपवेसे एव सङ्करदोसस्स सब्बत्थ दस्सितत्ता अदिस्समानानं मूलानं पवेसेपि भूमिगतिकत्ता दोसो नत्थीति सिञ्जति । सचे पन मूलानिपि दिस्समानानेव पविसन्ति, सङ्करोव । पब्बतपासाणा पन दिस्समानापि भूमिगतिका एव । यदि पन बन्धनकाले एव एको थूलरुक्खो उभयम्पि सीमं आहच्च तिड्ढति, पच्छा बद्धा असीमा होतीति दडुब्बं ।

**सीमासङ्करन्ति** सीमासम्भेदं । यं पन **सारत्थदीपनियं** वुत्तं “सीमासङ्करं करोतीति वट्ठित्वा सीमपदेसं पविट्ठे द्विन्नं सीमानं गतट्टानस्स दुविज्जेय्यत्ता वुत्त”न्ति (सारत्थ० टी० महावग्ग ३.१४८), तं न युत्तं गामसीमार्यापि सह सङ्करं करोतीति वत्तब्बतो । तत्थापि हि निमित्ते वट्ठिते गामसीमाबद्धसीमानं गतट्टानं दुब्बिज्जेय्यमेव होति, तत्थ पन अवत्ता द्विन्नं बद्धसीमानमेव सङ्करस्स वुत्तत्ता यथावुत्तसम्बद्धदोसोव सङ्कर-सद्देन वुत्ताति गहेतब्बं । पाळियं पन निदानवसेन “येसं, भिक्खवे, सीमा पच्छा सम्मत्ता, तेसं तं कम्मं अधम्मिक”न्तिआदिना (महाव० १४८) पच्छा सम्मत्ताय असीमत्ते वुत्तेपि द्वीसु गामसीमासु ठत्वा द्वीहि सङ्गेहि सम्भेदं वा अज्जोत्थरणं वा कत्वा सीमन्तरिकं अडुपेत्वा वा रुक्खपारोहादिसम्बन्धं अवियोजेत्वा वा एकस्मिं खणे कम्मवाचानिडुपनवसेन एकतो सम्मतानं द्विन्नं सीमानम्पि असीमता पकासिताति वेदितब्बं ।

गामसीमादिकथावण्णना निड्डिता ।

#### उपोसथभेदादिकथावण्णना

**१४९. अधम्मेन वग्गन्ति** एत्थ एकसीमाय चतुसु भिक्खूसु विज्जमानेसु पातिमोक्खुद्देसोव अनुज्जातो, तीसु च पारिसुद्धिउपोसथोव । इध पन तथा अकतत्ता “अधम्मेना”ति वुत्तं । यस्मा पन छन्दपारिसुद्धि सङ्गे एव आगच्छति, न गणे, न पुग्गले, तस्मा “वग्ग”न्ति वुत्तन्ति ।

सचे पन द्वे सङ्गा एकसीमाय अज्जमज्जं छन्दं आहरित्वा एकस्मिं खणे विसुं सङ्गकम्मं करोन्ति, एत्थ कथन्ति? केचि पनेतं वट्ठतीति वदन्ति, तं न गहेतब्बं वग्गकम्मत्ता । कम्मं करोन्तानञ्चि छन्दपारिसुद्धि अज्जत्थ न गच्छति तथा वचनाभावा, विसुं विसुं कम्मकरणत्थमेव सीमाय अनुज्जातत्ता चाति गहेतब्बं । विहारसीमायं पन सङ्गे विज्जमानेपि केनचि पच्चयेन खन्धसीमायं तीसु, द्वीसु वा पारिसुद्धिउपोसथं करोन्तेसु कम्मं धम्मेन समग्गमेव भिन्नसीमडुत्ताति दडुब्बं ।

उपोसथभेदादिकथावण्णना निड्डिता ।

#### पातिमोक्खुद्देसकथावण्णना

**१५०. एवमेतं धारयामीति । सुता खो पनायस्मन्तेहीति** एत्थ “एवमेतं धारयामी”ति वत्ता “उद्दिट्ठं खो आयस्मन्तो निदानं, सुता खो पनायस्मन्तेहि चत्तारो पाराजिका धम्मा”तिआदिना वत्तब्बं । **पातिमादुकथायम्पि** (कट्ठा० अट्ठ० निदानवण्णना) एवमेव वुत्तं । **सुतेनाति** सुतपदेन ।

**सवरभयन्ति** वनचरकभयं । तेनाह “**अटविमनुस्सभय**”न्ति । निदानुद्देसे अनिड्डिते पातिमोक्खं निड्डितुं नाम न होतीति आह “**दुत्तियादीसु उद्देसेसु**”तिआदि । **तीहिपि विधीहीति** ओसारणकथनसरभज्जेहि । एत्थ च अत्थं भणितुकामताय वा भणापेतुकामताय वा सुत्तस्स ओसारणं **ओसारणं** नाम । तस्सेव अत्थप्पकासना **कथनं** नाम । केवलं पाठस्सेव सरेन भणनं **सरभज्जं** नाम । **सज्झायं अधिदुहित्वाति** “सज्झायं करोमी”ति चित्तं उप्पादेत्वा । **ओसारेत्वा पन कथेन्तेनाति** सयमेव पाठं वत्ता पच्छा अत्थं कथेन्तेन ।

पातिमोक्खुद्देसकथावण्णना निड्डिता ।

#### अधम्मकम्मपटिक्कोसनादिकथावण्णना

**१५५. नवविधन्ति** सङ्गणपुग्गलेसु तयो, सुत्तुद्देसपारिसुद्धिअधिडानवसेन तयो, चात्तुद्देसपान्नसीसामग्गीवसेन तयोति नवविधं । **चतुब्बिधन्ति** अधम्मेनवग्गादि चतुब्बिधं । **दुविधन्ति** भिक्खुभिक्खुनिपातिमोक्खवसेन दुविधं पातिमोक्खं । **नवविधन्ति** भिक्खून् पज्ज, भिक्खुनीन् चत्तारोति नवविधं पातिमोक्खुद्देसं ।

अधम्मकम्मपटिक्कोसनादिकथावण्णना निड्डिता ।

#### पक्खगणनादिउग्गहणानुजाननकथादिवण्णना

**१५६. कतिमीति** तिथि-सद्दापेक्खं इत्थिलिङ्गं दडुब्बं ।

**१६३. उतुवस्सेयेवाति** हेमन्तगिम्हेसुयेव ।

**१६४. विज्जापेतीति** एत्थ मनसा चिन्तेत्वा कार्याविकारकरणमेव विज्जापनन्ति दडुब्बं । पाळियं **अज्जस्स दातब्बा पारिसुद्धीति** पारिसुद्धिदायकेन पुन अज्जस्स भिक्खुनो सन्तिके दातब्बा । “**भूतयेव वा सामणेरभाव आरोचेती**”ति वुत्तत्ता ऊनवीसतिवस्सकाले उपसम्पन्नस्स, अन्तिमवत्थुअज्जापन्नसिक्खापच्चक्खातादीनं वा याव भिक्खुपटिज्जा वत्तति, ताव तेहि आहटापि छन्दपारिसुद्धि आगच्छति । यदा पन ते अत्तनो सामणेरभावं पटिजानन्ति, ततो पट्टायेव नागच्छतीति दस्सितन्ति दडुब्बं । पाळियम्पि हि “दिन्नाय पारिसुद्धिया सङ्गप्पत्तो विब्भमति...पे... पण्डको पटिजानाति । तिरच्छानगतो पटिजानाति । उभतोव्यञ्जनको पटिजानाति, आहटा होति पारिसुद्धी”ति वुत्तत्ता पण्डकादीनम्पि भिक्खुपटिज्जाय वत्तमानकालेसु छन्दपारिसुद्धिया आगमनं सिद्धमेव । तेनाह “**एस नयो सब्बत्था**”ति । उम्मतकखित्तचित्तवेदनाट्टानं पन पकतत्ता अन्तरामग्गे उम्मतकादिभावे पटिज्जातेपि तेसं सङ्गप्पत्तमेत्तेनव छन्दादि आगच्छतीति दडुब्बं ।

“**भिक्खून् हत्थपास**”न्ति इमिना गणपुग्गलेसु छन्दपारिसुद्धिया अनागमनं दस्सेति । “सङ्गप्पत्तो”ति हि पाळियं वुत्तं । **बिळालसङ्गलिकपारिसुद्धीति** बिळालगीवाय बन्धनसङ्गलिकसदिसा पारिसुद्धि नाम, यथा सङ्गलिका बिळाले आगच्छन्ते एव आगच्छति, न अनागच्छन्ते तप्पटिबद्धत्ता, एवमयं पारिसुद्धिपीति अत्थो । अथ वा यथा सङ्गलिकाय पठमवलंयं दुत्तियवलंयं पापुणाति, न ततियवलंयं, एवमयम्पीति अधिप्पायो । उपलक्खणमत्तज्जेत्थ बिळाल-ग्गहणं दडुब्बं ।

पक्खगणनादिउग्गहणानुजाननकथादिवण्णना निड्डिता ।

### छन्ददानकथादिवण्णना

१६५. पाळियं “सन्ति सङ्घस्स करणीयानी”ति वत्तब्बे वचनविपल्लासेन “करणीय”न्ति वुत्तं।

१६७. “तस्स सम्मुतिदानकिच्चं नत्थी”ति इदं पाळियं एकदा सरन्तस्सेव सम्मुतिदानस्स वुत्तत्ता एकदा असरन्तस्स सम्मुतिअभावेपि तस्स अनागमनं वग्गकम्माय न होतीति वुत्तं। केचि पन “सोपि हत्थपासेव आनेतब्बो”ति वदन्ति, तं न गहेतब्बं।

१६८. सङ्घसन्निपाततो पठमं कातब्बं पुब्बकरणं। सङ्घसन्निपाते कातब्बं पुब्बकिच्चन्ति दट्ठब्बं। पाळियं नो चे अधिदुहेय्य, आपत्ति दुक्कटस्साति एत्थ असञ्चिच्च असतिया अनापत्ति। यथा चेत्थ, एवं उपरिपि। यत्थ पन अचित्तकापत्ति अत्थि, तत्थ वक्खाम।

१६९. “पञ्जत्तं होती”ति इमिना “न सापत्तिकेन उपोसथो कातब्बो”ति विसुं पटिकखेपाभावेपि यथावुत्तसुत्तसामत्थियतो पञ्जत्तमेवाति दस्सेति। इमिना एव नयेन —

“अड्डानमेत्तं, भिक्खवे, अनवकासो यं तथागतो अपरिसुद्धाय परिसाय उपोसथं करेय्य, पात्तिमोक्खं उद्दिसेय्या”ति (चूळव० ३८६; अ० नि० ८.२०; उदा० ४५) —

आदिसुत्तनयतो च अलज्जीहिपि सद्धि उपोसथकरणम्मि पटिकिखत्तमेव अलज्जिनिग्गहत्थत्ता सव्वसिक्खापदानन्ति दट्ठब्बं। “पारिसुद्धिदानपञ्जापनेना”ति इमिना सापत्तिकेन पारिसुद्धिपि न दातब्बाति दीपितं होति। उभोपि दुक्कटन्ति एत्थ सभागापत्तिभावं अजानित्वा केवलं आपत्तिनामेनेव देसेन्तस्स पटिगण्हन्तस्स अचित्तकमेव दुक्कटं होतीति वदन्ति। यथा सङ्घो सभागापत्ति आपन्नो जत्ति ठपेत्वा उपोसथं कातुं लभति, एवं तयोपि “सुणन्तु मे, आयस्मन्ता, इमे भिक्खु सभागं आपत्तिं आपन्ना”तिआदिना वुत्तनयानुसारेनेव गणजत्ति ठपेत्वा द्वीहि अज्जमज्जं आरोचेत्वा उपोसथं कातुं वट्ठति। एकेन पन सापत्तिकेन दूरं गन्त्वापि पटिकातुमेव वट्ठति, असम्पापुणन्तेन “भिक्खुं लभित्वा पटिकरिस्सामी”ति उपोसथो कातब्बो, पटिकरित्वा च पुन उपोसथो कत्तब्बो।

छन्ददानकथादिवण्णना निड्डिता।

### अनापत्तिपन्नरसकादिकथावण्णना

१७२. केनचि ६३ करणीयेन गन्त्वाति सीमापरिच्छेदतो बहिभूतं गामं वा अरज्जं वा गन्त्वाति अत्थो। एतेनेव उपोसथजत्तिया ठपनकाले समग्गा एव ते जत्ति ठपेसुन्ति सिद्धं। तेनेव पाळियं “उद्दिट्ठं सुउद्दिट्ठ”न्ति सब्बपन्नरसकेसुपि वुत्तं। वग्गा समग्गसज्जिनोतिआदि पन जत्तिया निड्डिताय “किं सङ्घस्स पुब्बकिच्च”न्तिआदीनं (महाव० १३४) वचनक्खणे बहिगतानं भिक्खूनं सीमाय पविट्ठत्ता भिक्खु तस्मिं खणे वग्गा होतीति वुत्तं। तेनाह “तेसं सीमं ओक्कन्तत्ता वग्गा”तिआदि, एतेन पाराजिकुद्देसादिकखणोपि वग्गसज्जीनं उद्दिसन्तानं आपत्ति एव, जत्तिया पन पुब्बे निड्डितत्ता कम्मकोपो नत्थीति दस्सितमेव होति। एवं उपरिपि सब्बवारेसु अधिप्पायो वेदितब्बो।

एत्थ च पाळियं “सब्बाय वुड्डिताय...पे०... तेसं सन्तिके पारिसुद्धि आरोचेतब्बा”ति (महाव० १७४) वुत्तत्ता बहिसीमागताय परिसाय तेसु यस्स कस्सचि सन्तिके अनधिड्डितेहि पारिसुद्धि आरोचेतुं वट्ठतीति वदन्ति।

अनापत्तिपन्नरसकादिकथावण्णना निड्डिता।

### लिङ्गादिदस्सनकथादिवण्णना

१७९. अज्जातकं नाम अदिट्ठपुब्बन्ति आह “अज्जेसं सन्तिक”न्ति। अज्जेसन्ति अत्तना अदिट्ठपुब्बानं। नानासंवासकभावन्ति लिङ्गिनानासंवासकभावं।

१८०. पाळियं अभिवितरन्ति समानसंवासकाभावं निच्छिनन्ति।

१८१. उपोसथकारकाति सङ्घोसथकारका। तेनेव “अज्जत्र सङ्घेना”ति वुत्तं। सङ्घोसथड्डानतो हि गच्छन्तेन अत्तचतुत्थेनेव गन्तब्बं, तिण्णं भिक्खूनं निसिन्नड्डानतो पन गच्छन्तेन एकेन भिक्खुनापि सह गन्तुम्मि वट्ठति। पाळियं “अभिक्खुको आवासो”ति इदं निदस्सनमत्तं, सङ्घोसथड्डानतो गणपुग्गलेहि सभिक्खुकोपि आवासो न गन्तब्बो “अज्जत्र सङ्घेना”ति वुत्तत्ताति वदन्ति। उपोसथं करोन्तीति सङ्घोसथं वा गणुपोसथं वा। “तस्स सन्तिक”न्ति इदं गणुपोसथड्डानतो गच्छन्तं सन्धाय वुत्तं, अज्जथा “सब्बन्तिमेन परिच्छेदेन अत्तचतुत्थेन वा”ति वचनेन विरुज्जनतो। आरज्जेकनाति एकचारिना। उपोसथन्तरायोति अत्तनो उपोसथन्तरायो।

१८३. पाळियं भिक्खुनिया निसिन्नपरिसायातिआदीसु भिक्खुनियातिआदि करणत्थे सामिवचनं।

लिङ्गादिदस्सनकथादिवण्णना निड्डिता।

उपोसथक्खन्धकवण्णनानयो निड्डितो।

## ३. वस्सूपनायिकक्खन्धको

### वस्सूपनायिकअनुजाननकथादिवण्णना

१८४. वस्सूपनायिकक्खन्धके अपरस्मिं दिवसेति दुतिये पाटिपदादिवसे।

१८५. अज्जत्थ अरुणं उट्ठापनेन वाति सापेक्खस्स अकरणीयेन गन्त्वा अज्जत्थ अरुणं उट्ठापनेन वा। परिहानीति गुणपरिहानि।

१८७. पाळियं सत्ताहं सन्निवतो कातब्बोति सकलं सत्ताहं बहि एव अवीतिनामेत्वा सत्ताहपरियोसानभूतं अरुणुड्डानकालं पुन विहारेव सम्बन्धवसेन सत्ताहं विहारे सन्निवत्तं कातब्बं। सत्ताहपरियोसानकालो हि इध सत्ताह-सदेन वुत्तो, तदपेक्खाय च “सन्निवत्तो”ति पुल्लिङ्गेन वुत्तं। तीणि परिहीनानीति भिक्खुनीनं वच्चकुटिआदीनं पटिकिखत्तत्ता परिहीनानि।

१८९. न पलुज्जतीति अज्जेसं अप्पगुणत्ता, मम च मरणेन न विनस्सति।

वस्सूपनायिकअनुजाननकथादिवण्णना निड्डिता।

### पहितेयेवअनुजाननकथावण्णना

१९९. भिक्खूहि सद्धिं वसनकपुरिसोति अनञ्जगतिकोति दस्सेति। गन्तब्बन्ति सङ्गकरणीयेन अप्पहितेपि गन्तब्बं। एत्थ च अनुपासकेहिपि सासनभावं जातुकामेहि पहिते तेसं पसादवद्धिं सम्पस्सन्तेहिपि सत्ताहकरणीयेन गन्तुं वट्टतीति गहेतब्बं।

रत्तिच्छेदविनिच्छयोति सत्ताहकरणीयेन गन्त्वा बहिद्वा अरुणुड्डापनसङ्गतस्स रत्तिच्छेदस्स विनिच्छयो। गन्तुं वट्टतीति अन्तोउपचारसीमायं ठितेनेव सत्ताहकरणीयनिमित्तं सल्लक्खत्वा इमिना निमित्तेन गन्त्वा “अन्तोसत्ताहे आगच्छिस्सामी”ति आभोगं कत्वा गन्तुं वट्टति। पुरिमक्खणे आभोगं कत्वा गमनक्खणे विस्सरित्वा गतेपि दोसो नत्थि “सकरणीयो पक्कमती”ति (महाव० २०७) वुत्तता। सन्ध्या पन आभोगं अकत्वा गतस्स वस्सच्छेदोति वदन्ति। यो पन सत्ताहकरणीयनिमित्ताभावेपि “सत्ताहब्भन्तरे आगमिस्सामी”ति आभोगं कत्वा गन्त्वा सत्ताहब्भन्तरे आगच्छति, तस्स आपत्तियेव, वस्सच्छेदो नत्थि सत्ताहस्स सन्निवत्तताति वदन्ति। वीमसित्वा गहेतब्बं। भण्डकन्ति चीवरभण्डं। सम्पापुणित्तुं न सक्कोति, वट्टतीति तदहेव आगमने सउस्साहता वस्सच्छेदो वा आपत्ति वा न होतीति अधिप्पायो। आचरियन्ति अगिलानम्पि निस्सयाचरियञ्च धम्माचरियञ्च, पगेव उपसम्पदाचरियउपञ्जायेसु। वदति, वट्टतीति सत्ताहातिक्रमे आपत्तिअभावं सन्धाय वुत्तं, वस्सच्छेदो पन होति एव।

पहितेयेव अनुजाननकथावण्णना निड्ढिता।

#### अन्तरायेअनापत्तिवस्सच्छेदकथावण्णना

२००. पाळियं गण्हिंसूति गहेत्वा खादिसु। परिपात्तिंसूति पलापेसु, अनुबन्धिंसूति अत्थो।

२०१. सत्ताहवारेन अरुणो उड्डापेतब्बोति एत्थ छदिवसानि बहिद्वा वीतिनामेत्वा सत्तमे दिवसे पुरारुणा एव अन्तोउपचारसीमाय पविस्सित्वा अरुणं उड्डापेत्वा पुनदिवसे सत्ताहं अधिद्धाय गन्तब्बन्ति अधिप्पायो। केचि पन “सत्तमे दिवसे आगन्त्वा अरुणं अनुड्डापेत्वा तदहेव दिवसभागोपि गन्तुं वट्टती”ति वदन्ति, तं न गहेतब्बं “अरुणो उड्डापेतब्बो”ति वुत्तता। सत्तमे दिवसे तत्थ अरुणुड्डापनमेव हि सन्धाय पाळियम्पि “सत्ताहं सन्निवत्ततो कातब्बो”ति वुत्तं। अरुणं अनुड्डापेत्वा गच्छन्तो अन्तो अप्पविस्सित्वा बहिद्वाव सत्ताहं वीतिनामेन्तेन समुच्छिन्नवस्सो एव भविस्सति अरुणस्स बहि एव उड्डापितत्ता। इतरथा “अरुणो उड्डापेतब्बो”ति वचनं निरत्यकं सिया “सत्ताहवारेन अन्तोविहारे पविस्सित्वा अरुणं अनुड्डापेत्वापि गन्तब्बं”न्ति वत्तब्बतो। अञ्जेसु च ठानेसु अरुणुड्डापनमेव वुच्चति। वक्खति हि चीवरक्खन्धके “एकस्मिं विहारे वसन्तो इतरस्मिं सत्ताहवारेन अरुणमेव उड्डापेती”ति (महाव० अट्ठ० ३६४)।

अथापि यं ते वदेयुं “सत्तमे दिवसे यदा कदाचि पविट्ठेन तदिवसनिस्सितो अतीतअरुणो उड्डापितो नाम होतीति इममत्थं सन्धाय अट्ठकथायं वुत्तं”न्ति, तं सहगतियापि न समेति। न हि उड्डिते अरुणे पच्छा पविट्ठो तस्स पयोजको उड्डापको भवितुमरहति। यदि भवेय्य, वस्सं उपगन्त्वा पनस्स अरुणं अनुड्डापेत्वा तदहेव सत्ताहकरणीयेन पक्कन्तस्सापीति एत्थ “अरुणं अनुड्डापेत्वा”ति वचनं विरुज्जेय्य, तेनपि तदिवससन्निस्सितस्स अरुणस्स उड्डापितत्ता। आरञ्जकस्सापि हि भिक्खुनो सायन्हसमये अङ्गयुत्तं अरञ्जानं गन्त्वा तदा एव निवत्तन्तस्स अरुणो उड्डापितो धुतङ्गञ्च विसोधिं सिया, न चेत्तं युत्तं अरुणुगमनकाले एव अरुणुड्डापनस्स वुत्तता। वुत्तज्जि “कालस्सेव पन निक्खमित्वा अङ्गयुत्ते ठाने अरुणं उड्डापेतब्बं। सचे अरुणुड्डानवेलायं तेसं आबाधो वट्टति, तेसं एव किच्चं कातब्बं, न धुतङ्गविसुद्धिकेन भवितब्बं”न्ति (विसुद्धि० १.३१)। तथा पारिवासिकादीनम्पि अरुणं अनुड्डापेत्वा वत्तं निक्खिपन्तानं रत्तिच्छेदो वुत्तो। “उग्गते अरुणे निक्खिपितब्बं”न्ति (चूळव० ९७) हि वुत्तं। सहसेय्यसिक्खापदेपि अनुपसम्पन्नेहि सह निवृत्त्यभावपरिमोचनत्थं “पुरारुणा निक्खमित्वा”ति आदि वुत्तं। एवं चीवरविप्पवासादीसु च सब्बत्थ रत्तिपरियोसाने आगामिअरुणवसेनेव अरुणुड्डापनं दस्सितं, न अतीतारुणवसेन। तस्मा वुत्तनयेनेवेत्थ अरुणुड्डापनं वेदितब्बं अञ्जथा वस्सच्छेदत्ता।

यं पन वस्सं उपगतस्स तदहेव अरुणं अनुड्डापेत्वा सकरणीयस्स पक्कमनवचनं, तं वस्सं उपगतकालतो पड्ढाय यदा कदाचि निमित्ते सति गमनस्स अनुज्जातत्ता युत्तं, न पन सत्ताहवारेन गतस्स अरुणं अनुड्डापेत्वा तदहेव गमनं “अरुणो उड्डापेतब्बो”ति वुत्तता एव। यथा वा “सत्ताहं अनागताय पवारणाय सकरणीयो पक्कमति, आगच्छेय्य वा सो, भिक्खवे, भिक्खु तं आवासं, न वा आगच्छेय्या”ति आदिना (महाव० २०७) पच्छिमसत्ताहे अनागमने अनुज्जातेपि अञ्जसत्ताहेसु न वट्टति। एवं पठमसत्ताहे अरुणं अनुड्डापेत्वा गमने अनुज्जातेपि ततो परेसु सत्ताहेसु आगतस्स अरुणं अनुड्डापेत्वा गमनं न वट्टतीति निड्ढमेत्थ गन्तब्बं। इध आहटन्ति विहारतो बहि आगतड्डाने आनीतं।

अन्तरायेअनापत्तिवस्सच्छेदकथावण्णना निड्ढिता।

#### वजादीसु वस्सूपगमनकथावण्णना

२०३. उपगन्तुं ६८ न वट्टतीति कट्टिकादीनं अभावेन “इध वस्सं उपेमी”ति एवं वचीभेदं कत्वा उपगन्तुं न वट्टति।

२०४. पाळियं पिसाचिल्लिकाति पिसाचदारका। पविसनद्वारं योजेत्वाति सकवाटद्वारं कत्वा। रुक्खं छिन्दित्वाति सुसिरड्डानस्स उपरिभागं छिन्दित्वा। खानुमत्थकेति सुसिरखानुमत्थके। टङ्कितमञ्चो नाम दीधे मञ्चपादे विज्झित्वा अटनियो पवेसेत्वा कतो, सो हेडुपरियवसेन पञ्जतोपि पुरिमसदिसोव होति, तं सुसाने, देवताठाने च ठपेन्ति। चतुन्नं पासाणानं उपरि पासाणफलके अत्थरित्वा कतगेहम्पि “टङ्कितमञ्चो”ति वुच्चति।

वजादीसुवस्सूपगमनकथावण्णना निड्ढिता।

#### अधम्मिककतिककादिकथावण्णना

२०५. महाविभङ्गेति चतुत्थपाराजिकवण्णनायं। परतो सेनासनक्खन्धकेपि अधम्मिकं कतिकवत्तं आवि भविस्सति एव।

२०७. यस्मा नानासीमायं द्वीसु आवासेसु वस्सं उपगच्छन्तस्स “दुतिये वसिस्सामी”ति उपचारतो निक्खन्तमत्ते पठमो सेनासनग्गाहो पटिप्पस्सम्भति। तस्मा पाळियं “तस्स, भिक्खवे, भिक्खुनो पुरिमिका च न पञ्जायती”ति पठमं सेनासनग्गाहं सन्धाय वुत्तं। दुतिये सेनासनग्गाहे पन पुरिमिका पञ्जायतेव, तत्थेव तेमासं वसन्तो पुरिमवस्संवुत्थो एव होति, ततो वा पन दुतियदिवसादीसु “पठमसेनासने वसिस्सामी”ति उपचारातिक्रमे पुरिमिकापि न पञ्जायतीति दट्ठुं।

२०८. पाळियं “सो सत्ताहं अनागताय पवारणाय सकरणीयो पक्कमती”ति वुत्तता पवारणादिवसेपि सत्ताहकरणीयं विना गन्तुं न वट्टतीति वेदितब्बं। कोमुदिया चातुमासिनियाति पच्छिम-कत्तिकपुण्णमाय। सा हि तस्मिं काले कुमुदानं अत्थिताय कोमुदी, चतुन्नं वस्सिकमासानं परियोसानत्ता चातुमासिनीति च वुच्चति।

अधम्मिककतिककादिकथावण्णना निड्ढिता।

वस्सूपनायिकक्खन्धकवण्णनानयो निड्ढितो।

### ४. पवारणाक्खन्धको

#### अफासुविहारकथावण्णना

२०९. पवारणाक्खन्धके पाळियं पिण्डाय पटिकमेय्याति पिण्डाय चरित्वा पटिकमेय्ये । अवक्करपातिन्ति अतिरेकपिण्डपातठपनकं एकं भाजनं । अविसद्दन्ति उक्खिपितुं असक्कुणेय्यं । विलङ्घनं उक्खिपनं विलङ्घो, सो एव विलङ्घको, हत्थेहि विलङ्घको हत्थविलङ्घकोति आह “हत्थुक्खेपकेना”ति । अथ वा विलङ्घकेन उक्खेपकेन हत्थेनातिपि अत्थो, अज्जमज्जं संसिब्बितहत्थेहीति वुत्तं होति ।

२१३. सचे पन वुड्ढतरो होतीति पवारणादायको भिक्खु वुड्ढतरो होति । एवञ्च तेन तस्सत्थाय पवारितं होतीति एत्थ एवं तेन अप्यवारितोपि तस्स सङ्गपत्तिमत्तेन सङ्गपवारणाकम्मं समगकम्ममेव होतीति दट्ठब्बं । तेन च भिक्खुनाति पवारणादायकेन भिक्खुना ।

२३४. बहूपि समानवस्सा एकतो पवारेतुं लभन्तीति एकस्मिं संवच्छरे लद्धूपसम्पदताय समानुपसम्पन्नवस्सा सब्बे एकतो पवारेतुं लभन्तीति अत्थो ।

२३७. पाळियं मिच्छादिट्ठीति “नत्थि दिन्न”न्तिआदि (दी० नि० १.१७१; म० नि० १.४४५; २.९४, ९५, २२५; ३.९१, ११६, १३६; सं० नि० ३.२१०; ध० सं० १२२१) नयपवत्ता । अन्तग्गाहिकाति सस्सत्तुच्छेदसङ्घातस्स अन्तस्स गाहिका । यं खो त्वन्तिआदीसु यं पवारणं ठपेसि, तं दिट्ठेन ठपेसीति तं-सदं अज्झाहरित्वा योजेतब्बं ।

२३९. वत्थुं पकासेन्तोति पुगले परिसङ्कुपत्तिया निमित्तभूतं वत्थुमत्तयेव सन्धाय वुत्तं । यं पन वत्थुं सन्धाय “पुगलो पज्जायति, न वत्थु”ति आह, न तं सन्धायेतं वुत्तं । यदि पन तस्स भिक्खुनो वसनट्ठाने पोक्खरणिता मच्छगहणादि दिस्सेय्य, तदा “वत्थु च पुगलो च पज्जायती”ति वत्तब्बं भवेय्य । तेनाह “पुरिमनयेनेव चोरेही”तिआदि । भिक्खुनो सरीरे मालागन्धञ्च अरिडुगन्धञ्च दिस्वा एवं “वत्थु च पुगलो च पज्जायती”ति वुत्तन्ति वेदितब्बं ।

अफासुविहारकथादिवण्णना निड्ढिता ।

#### भण्डनकारकवत्थुकथावण्णना

२४०. द्वे चातुदसिका होन्तीति ततियपक्खे चातुदसिया सद्धिं द्वे चातुदसिका होन्ति । “भण्डनकारकानं तेरसे वा चातुदसे वा इमे पन्नरसीपवारणं पवारेस्सन्ती”ति इमिना यथासकं उपोसथकरणदिवसतो पट्ठाय भिक्खुनं चातुदसीपन्नरसीवोहारो, न चन्दगतिंसिद्धिया तिथिया वसेनाति दस्सेति । किञ्चापि एवं “अनुजानामि, भिक्खवे, राजूनं अनुवत्ति”न्ति (महाव० १८६) वचनतो पनेत्थ लोकियानं तिथिं अनुवत्तन्तेहिपि अत्तनो उपोसथकमेन चातुदसिं पन्नरसिं वा, पन्नरसिं चातुदसिं वा करोन्तेहेव अनुवत्तितब्बं, न पन सोळसमदिवसं वा तेरसमदिवसं वा उपोसथदिवसं करोन्तेहि । तेनेव पाळियमि “द्वे तयो उपोसथे चातुदसिके कातु”न्ति वुत्तं । अज्जथा द्वादसियं, तेरसियं वा उपोसथो कातब्बोति वत्तब्बतो । “सकिं पक्खस्स चातुदसे, पन्नरसे वा”तिआदिवचनमि उपवुत्थकमेनेव वुत्तं, न तिथिक्कमेनाति गहेतब्बं ।

भण्डनकारकवत्थुकथावण्णना निड्ढिता ।

#### पवारणासङ्गहकथावण्णना

२४१. “पवारेत्वा पन अन्तरापि चारिकं पक्कमितुं लभन्ती”ति इमिना पवारणासङ्गहे कते अन्तरा पक्कमितुकामा सङ्गं सन्निपातापेत्वा पवारेतुं लभन्तीति दस्सेति ।

पवारणासङ्गहकथावण्णना निड्ढिता ।

पवारणाक्खन्धकवण्णनानयो निड्ढितो ।

### ५. चम्मक्खन्धको

#### सोणकोळिविसकथादिवण्णना

२४२. चम्मक्खन्धके उण्णपावारणन्ति उभतो लोमानि उट्ठापेत्वा कतं उण्णमयं पावारणं, उभतो कप्पासपिचुं उट्ठापेत्वा वीतपावारोपि अत्थि, ततो निवत्तनत्थं “उण्णपावारण”न्ति वुत्तं ।

अट्ठचन्दपासाणेति सोपानमूले उपट्ठं अन्तो पवेसेत्वा ठपिते अट्ठपासाणे । पाळियं विहारपच्छायायन्ति विहारपच्चन्ते छायाय, विहारस्स वट्ठमानच्छायायन्तिपि वदन्ति ।

२४३. भोगाति उपयोगत्थे पच्चत्तवचनं । अच्चायताति अतिआयता खरमुच्छना । सरवतीति मधुरसरसंयुता । अतिसिथिला मन्दमुच्छना । वीरियसमथन्ति वीरियसम्पयुत्तसमथं । तत्थ च निमित्तं गण्हाहीति तस्मिञ्च समभावे सति यं आदासे मुखनिमित्तं विय निमित्तं उपज्जति, तं समथनिमित्तं, विस्सनानिमित्तं, मग्गनिमित्तं, फलनिमित्तञ्च गण्हाहि निब्बत्तेहीति, एवमस्स अरहत्तपरियोसानं कम्मट्ठानं कथितं ।

२४४. छटानानीति छ कारणानि । अधिमुत्तोति पटिविज्झित्वा ठितो । नेक्खम्माधिमुत्तोतिआदि सब्बं अरहत्तवसेन वुत्तं । अरहत्तञ्चि सब्बकिलेसेहि निक्खन्तत्ता नेक्खम्मं, तेहेव च पविचित्ता पविवेको, ब्यापज्जाभावतो अब्यापज्जं, उपादानस्स खयन्ते उपपन्नत्ता उपादानक्खयो, तण्हक्खयन्ते उपपन्नत्ता तण्हक्खयो, सम्मोहाभावतो असम्मोहोति च वुच्चति ।

केवलं सद्धामत्तकन्ति केवलं पटिवेधपज्जाय असम्मिस्सं सद्धामत्तकं । पटिचयन्ति पुनपुनं करणेन वड्ढिं । वीतरागताति मग्गपटिवेधेन रागस्स विगतत्ता एव नेक्खम्मसङ्घातं अरहत्तं पटिविज्झित्वा सच्छिकत्वा ठितो होति । सेसपदेसुपि एसेव नयो । पविवेकाधिमुत्तोति “पविवेके अधिमुत्तो अह”न्ति एवं अरहत्तं ब्याकरोतीति अत्थो ।

सीलब्बतपरामासन्ति सीलञ्च वतञ्च परामसित्वा गहितग्गहणमत्तं । सारतो पच्चागच्छन्तोति सारभावेन जानन्तो । अब्यापज्जाधिमुत्तोति अब्यापज्जं अरहत्तं ब्याकरोति ।

अमिस्सीकतन्ति अमिस्सकतं । किलेसा हि आरम्भणेन सद्धिं चित्तं मिस्सं करोन्ति, तेसं अभावा अमिस्सीकतं । भुसा वातवुट्ठीति बलववातक्खन्धो ।

उपादानक्खयस्स चाति उपयोगत्थे सामिवचनं । दिस्वा आयतनुप्पादन्ति चक्खादिआयतनानं उप्पादञ्च वयञ्च दिस्वा । चित्तं विमुच्चतीति इमाय विपस्सनापटिपत्तिया फलसमापत्तिवसेन चित्तं विमुच्चति ।

सोणकोळिविसकथादिवण्णना निड्ढिता ।

#### दिगुणादिउपाहनपटिक्खेपकथावण्णना

२४५. सकटवाहेति द्वीहि सकटोहि परिच्छिन्ने वाहे । “वाहे”ति बहुवचनस्स हिरज्जविसेसनत्तेपि सामज्जापेक्खाय “हिरज्ज”न्ति एकवचनं कतं ।

२४६. अहारिदुक्खवण्णाति अल्लारिदुक्खलवण्णा, तित्तकाकपक्खवण्णातिपि वदन्ति। रजनन्ति उपलितं नीलादिवर्णं सन्धाय वुत्तं। तेनाह “चोळकेन पुञ्जित्वा”ति। तज्झि तथा पुञ्जिते विगच्छति। यं पन चम्मस्स दुग्गन्धापनयनत्थं काळरत्तादिरजनेहि रज्जितता काळरत्तादिवर्णं होति, तं चोळादीहि अपनेतुं न सक्का चम्मगतिकमेव, तस्मा तं वट्टतीति दडुब्बं।

खल्लकन्ति सब्बपण्हिपधानचम्मं, अपरिगल्लनत्थं पण्हिउपरिभागे अपिधाय आरोपनबन्धनमत्तं वट्टति। विचित्राति सण्ठानतो विचित्रपटा अधिपेता, न वण्णतो सब्बसो अपनेतब्बेसु खल्लकादीसु पविट्टता। बिळालसदिसमुखता महाउलूका “पक्खिबिळाला”ति वुच्चति, तेसं चम्मं नाम पक्खलोममेव।

दिग्गुणादिउपाहनपटिक्खेपकथावण्णना निड्डिता।

#### अज्झारामेउपाहनपटिक्खेपकथादिवण्णना

२५१. उण्णाहि कतपादुकाति एत्थ उण्णामयकम्बलेहि कता पादुका सङ्गहन्ति।

२५२. गङ्गामहकीळिकायाति गङ्गामहे कीळिकाय। तत्थ हि इत्थिपुरिसा यानेहि उदककीळं गच्छन्ति। पीठकसिविकन्ति फलकादिना कतं पीठकयानं। पटपोतलिकं अन्दोलिका। सब्बम्पि यानं उपाहनेनपि गन्तुं असमत्थस्स गिलानस्स अनुज्जातं।

२५४. वाळरूपानीति आहरिमानि वाळरूपानि। चतुरङ्कुलाधिकानीति उदलोमीएकन्तलोमीहि विसेसदस्सनं। चतुरङ्कुलतो हि ऊनानि किर उदलोमीआदीसु पविसन्ति। वानचित्रो उण्णामयत्थरणोति नानावण्णेहि उण्णामयसुत्तेहि भित्तिच्छेदादिवसेन वायित्वा कर्ताचित्तरणो। धनपुष्पकोति बहलरागो। पकिततूलिकाति तूलपुण्णा भिसि। विकतिकाति सीहरूपादिवसेन वानचित्राव गक्कति। उदलोमीति “उभतोदसं उण्णामयत्थरण”न्ति दीधनिकायदुक्कथायं वुत्तं। कोसेय्यकट्टिस्समयन्ति कोसियसुत्तानं अन्तरा सुवण्णमयसुत्तानि पवेसेत्वा वीतं। सुवण्णसुत्तं किर “कट्टिस्सं, कसट”न्ति च वुच्चति। तेनेव “कोसेय्यकसटमय”न्ति आचरिय-धम्मपालत्थेरेन वुत्तन्ति वदन्ति। रतनपरिसिब्बितन्ति सुवण्णलितं। सुद्धकोसेय्यन्ति रतनपरिसिब्बनरहितं।

अजिनमिगचम्मानं अतिसुखुमत्ता दुपट्टतिपट्टानि कत्वा सिब्बन्तीति वुत्तं “अजिनप्यवेणी”ति। रत्तवितानेनाति सब्बरत्तेन वितानेन। यं पन नानावण्णं वानचित्तं वा लेपचित्तं वा, तं वट्टति। उभतोलोहितकूपधानेपि एसेव नयो। “चित्रं वा”ति इदं पन सब्बथा कप्पियता वुत्तं, न पन उभतोउपधानेसु अकप्पियता। न हि लोहितक-सद्दो चित्ते वत्तति, पटलिग्गहणेनेव चित्तकस्सपि अत्थरणस्स सङ्गहेतवप्पसङ्गतो, कासावं पन लोहितकवोहारं न गच्छति। तस्मा वितानेपि उभतोउपधानेपि वट्टति। सचे पमाणयुत्तन्तिआदि अज्जप्पमाणातिक्कन्तस्स बिब्बोहनस्स पटिक्खित्तभावदस्सनत्थं वुत्तं, न पन उच्चासयनमहासयनभावदस्सनत्थं तथा अवुत्तता। तं पन उपधानं उपोसथिकानं गहट्टानं वट्टति। उच्चासयनमहासयनमेव हि तदा तेसं न वट्टति। दीधनिकायदुक्कथादीसु किञ्चापि “ठपेत्वा तूलिकं सब्बानेव गोणकादीनि रतनपरिसिब्बितानि वट्टन्ती”तिआदि वुत्तं, विनयदुक्कथायेव कप्पियाकप्पियभावे पमाणन्ति गहेतव्वं।

अज्झारामेउपाहनपटिक्खेपकथावण्णना निड्डिता।

#### गिहिविकतानुज्जातादिकथावण्णना

२५६. अभिनिस्सायाति अपस्साय। विसुकायिकविष्फन्दितानन्ति पटिपक्खभूतानं दिड्डिचित्तविष्फन्दितानन्ति अत्थो।

२५७. यतिन्द्रियन्ति मनिन्द्रियवसेन सज्जतिन्द्रियं।

२५८. पाळियं अट्टकवगिकानीति सुत्तनिपाते (सु० नि० ७७२ आदयो) अट्टकवग्गभूतानि सोळस सुत्तानि। एवं चिरं अकासीति एवं चिरकालं पब्बज्जं अनुपगन्त्वा अगारमज्जे केन कारणेन वासमकासीति अत्थो। सो किर मज्झिमवये पब्बजितो, तेन भगवा एवमाह। एतमत्थं विदित्वाति कामेसु दिड्डादीनवा चिरायित्वापि धरावासेन पक्खन्दन्तीति एतमत्थं सब्बाकारतो विदित्वा।

आदीनवं लोकेति सङ्खारलोके अनिच्चतादिआदीनवं। निरुपधिन्ति निब्बानं। “अरियो न रमती पापे”ति इमस्स हेतुमाह “पापे न रमती सुची”ति। तत्थ सुचीति विसुद्धपुग्गलो।

२५९. काळसीहोति काळमुखवानरजाति। चम्मं न वट्टतीति निसीदनत्थरणं कातुं न वट्टति, भूमत्थरणादिवसेन सेनासनपरिभोगो वट्टतेव।

गिहिविकतानुज्जातादिकथावण्णना निड्डिता।

चम्मक्खन्धकवण्णनानयो निड्डितो।

### ६. भेसज्जक्खन्धको

#### पञ्चभेसज्जादिकथावण्णना

२६०. भेसज्जक्खन्धके पित्तं कोट्टुब्भन्तरगतं होतीति बहिसरीरे व्यापेत्वा ठितं अबद्धपित्तं कोट्टुब्भन्तरगतं होति, तेन पित्तं कुपितं होतीति अधिप्पायो।

२६१-२. पाळियं नच्छादेन्तीति रुचिं न उप्पादेन्ति। सुसुकाति समुहे एका मच्छजाति, कुम्भिलातिपि वदन्ति। संसट्टन्ति परिस्सावितं।

२६३. पिट्टेहीति पिसितेहि। कसावेहीति तचादीनि उदके तापेत्वा गहितऊसरेहि। उब्भिदन्ति ऊसरपंसुमयं। लोणबिलन्ति लोणविसेसो।

२६४-५. छकणन्ति गोमयं। पाकतिकचुण्णन्ति अपक्ककसावचुण्णं, गन्धचुण्णं पन न वट्टति। पाळियं चुण्णचालिनिन्ति उदुक्खले कोट्टितचुण्णपरिस्सावितं। सुवण्णगेरुकोति सुवण्णतुत्थादि। पाळियं अज्जनूपिसनन्ति अज्जने उपनेतुं पिसितब्बभेसज्जं।

२६७-९. कबळिकाति उपनाहभेसज्जं। घरदिन्नकाबाधो नाम घरणिग्या दिन्नवसीकरणभेसज्जसमुद्धितआबाधो। ताय छारिकाय पग्घरितं खारोदकन्ति परिस्सावने तच्छारिकं पक्खिपित्वा उदके अभिसिञ्चिते ततो छारिकतो हेड्डा पग्घरितं खारोदकं। पाळियं अकटयूसेनाति अनभिस्सङ्गतेन मुग्गयूसेन। कटाकटेनाति मुग्गे पचित्वा अचालेत्वा परिस्सावितेन मुग्गयूसेनाति वदन्ति।

पञ्चभेसज्जादिकथावण्णना निड्डिता।

#### गुळादिअनुजाननकथावण्णना

२७२-४. गुळकरणन्ति उच्छुसालं। अविस्सत्थाति सासङ्का।

२७६. अप्यमत्तकेपि वारेन्तीति अप्यमत्तके दिन्ने दायकानं पीळाति पटिक्खिपन्ति । पटिसङ्कापीति एतकेनपि यापेतुं सक्का, “अवसेसं अज्जेसं होतू”ति सल्लक्खेत्वापि पटिक्खिपन्ति ।

२७९. वत्थिपीळनन्ति यथा वत्थिगततेलादि अन्तोसरीरे आरोहन्ति, एवं हत्थेन वत्थिमह्नं । सम्बाधे सत्थकम्मवत्थिकम्मानमेव पटिक्खित्तत्ता दहनकम्मं वट्टति एव ।

गुळादिअनुजाननकथावण्णना निड्डिता ।

#### यागुमधुगोळकादिकथावण्णना

२८२-३. पाळियं दसस्स ठानानीति अस्स पटिग्गाहकस्स दस ठानानि कारणानि धम्मेनाति अत्थो । अनुपवेच्छतीति देति । वातज्ज ब्यपनेतीति सम्बन्धो, वातज्ज अनुलोमेतीति अत्थो । सग्गा ते आरब्धाति तया देवलोका आराधिता ।

यागुमधुगोळकादिकथावण्णना निड्डिता ।

#### पाटलिगामवत्थुकथावण्णना

२८६. पाटलिगामे नगरं मापेन्तीति पाटलिगामस्स समीपे तस्सेव गामखेतभूते महन्ते अरज्जप्पदेसे पाटलिपुत्तं नाम नगरं मापेन्ति । यावता अरियं आयतनन्ति यत्तकं अरियमनुस्सानं ओसरण्डानं । यावता वणिप्पथोति यत्तकं वाणिजानं भण्डविककीणनड्डानं, वसनड्डानं वा, इदं तेसं सब्बेसं अगगनगरं भविस्सतीति अत्थो । पुटभेदनन्ति सकटादीहि नानादेसतो आहटानं भण्डपुटानं विककीणनत्थाय मोचनड्डानं । सरन्ति तळाकादीसुपि वत्तति, तन्निवत्तनत्थं “सरन्ति इध नदी अधिप्पेता”ति वुत्तं सरति सन्दतीति कत्वा । विना एव कुल्लेन तिण्णाति इदं अप्यमत्तकउदकम्पि अफुसित्वा विना कुल्लेन पारप्पता ।

पाटलिगामवत्थुकथावण्णना निड्डिता ।

#### कोटिगामेसच्चकथावण्णना

२८७. पाळियं सन्धावितन्ति भवतो भवं पटिसन्धिग्गहणवसेन सन्धावनं कतं । संसरितन्ति तस्सेव वेवचनं । ममज्जेव तुम्हाकज्जाति मया च तुम्हेहि च, सामिवसेनेव वा मम च तुम्हाकज्ज सन्धावनं अहोसीति अत्थो गहेतब्बो । संसरितन्ति संसरि । भवतण्हा एव भवतो भवं नेतीति भवनेत्तीति वुत्ता ।

२८९. “नीला होन्ती”ति वुत्तमेवत्थं विवरितुं “नीलवण्णा”तिआदि वुत्तं । नीलवण्णाति नीलविलेपना । एस नयो सब्बत्थ । पटिवट्टेसीति पहरि । अम्बकायाति अम्बाय । उपचारवचनज्जेतं, मातुगामेनाति अत्थो । उपसंहरथाति उपनेथ, “ईदिसा तावत्तिसा”ति परिकप्पेथाति अत्थो । इदज्ज भिक्खूनं संवेगजननत्थं वुत्तं, न निमित्तग्गाहत्थं । लिच्छविराजानो हि सब्बे न चिरस्सेव अजातसत्तुना विनासं पापुणिस्सन्ति ।

कोटिगामेसच्चकथावण्णना निड्डिता ।

#### सीहसेनापतिवत्थुआदिकथावण्णना

२९०. सन्धागारेति राजकिच्चस्स सन्धारणत्थाय निच्छिदं कत्वा विचारणत्थाय कतमहासभाय । गमिकाभिसङ्कारोति गमने वायामो । धम्मस्स च अनुधम्मन्ति तुम्हेहि वुत्तस्स कारणस्स अनुकारणं, तुम्हेहि वुत्तस्स अत्थस्स अनुरूपमेवाति अधिप्पायो । सहधम्मिको वादानुवादोति परेहि वुत्तकारणेन सकारणो हुत्वा तुम्हाकं वादो वा इतो परं तस्स अनुवादो वा । कोचि अप्यमत्तकोपि गारखं ठानं न आगच्छतीति किं तव वादे गारखकारणं नत्थीति वुत्तं होति ।

२९३. अनुविच्चकारन्ति अनुविदिताकारं । रतनत्तयस्स सरणगमनादिकिरियं करोति । सहसा कत्वा मा पच्छा विप्पटिसारी अहोसीति अत्थो । पटाकं परिहरेय्युन्ति धजपटाकं उक्खिपित्वा “ईदिसो अम्हाकं सरणं गतो सावको जातो”ति नगरे घोसेन्ता आहिण्डन्ति ।

२९४. निमित्तकम्मस्साति मंसखादननिमित्तेन उप्पन्नपाणातिपातकम्मस्स ।

सीहसेनापतिवत्थुआदिकथावण्णना निड्डिता ।

#### कप्पियभूमिअनुजाननकथावण्णना

२९५. अनुप्यगे एवाति पातोव । ओरवसहन्ति महासहं । तं पन अवत्वापीति पि-सद्देन तथावचनम्पि अनुजानाति । अट्टकथासूति अन्धकट्टकथाविरहितासु सेसड्ठकथासु । साधारणलक्खणन्ति अन्धकट्टकथाय सह सब्बड्ठकथानं समानं ।

चयन्ति अधिद्वानउच्चवत्थुं । यतो पट्टायाति यतो इट्ठकादितो पट्टाय, यं आदिं कत्वा भित्तिं उट्ठापेतुकामाति अत्थो । “थम्मा पन उपरि उगच्छन्ति, तस्मा वट्टन्ती”ति एतेन इट्ठकपासाणा हेट्ठा पतिट्ठापितापि यदि चयतो, भूमितो वा एकङ्कुलमत्तम्पि उगता तिड्डन्ति, वट्टन्तीति सिद्धं होति ।

आरामोति उपचारसीमापरिच्छिन्नो सकलो विहारो । सेनासनानीति विहारस्स अन्तो तिणकुटिआदिकानि सङ्गस्स निवासगोहानि । विहारगोनिसादिका नामाति सेनासनगोनिसादिका । सेनासनानि हि सयं परिक्षित्तानिपि आरामपरिक्षेपाभावेन “गोनिसादिकानी”ति वुत्तानि । “उपट्ठपरिक्षित्तोपी”ति इमिना ततो ऊनपरिक्षित्तो येभुय्येन अपरिक्षित्तो नाम, तस्मा अपरिक्षित्तसङ्ख्यमेव गच्छतीति दस्सेति । एत्थाति उपट्ठादिपरिक्षित्ते । कप्पियकुटिं लद्धं वट्टतीति गोनिसादिया अभावेन सेसकप्पियकुटीसु तीसु या काचि कप्पियकुटि कातब्बाति अत्थो ।

तेसं गोहानीति एत्थ भिक्खूनं वासत्थाय कतम्पि याव न देन्ति, ताव तेसं सन्तकंयेव भविस्सतीति दट्ठब्बं । विहारं ठपेत्वाति उपसम्पन्नानं वासत्थाय कतगेहं ठपेत्वाति अत्थो । गेहन्ति निवासगेहं, तदज्जं पन उपोसथागारादि सब्बं अनिवासगेहं चतुकप्पियभूमिविमुत्ता पञ्चमी कप्पियभूमि । सङ्गसन्तकेपि हि एतादिसे गेहे सुट्ठ परिक्षित्तारामत्तेपि अब्भोकासे विय अन्तोवुत्थादिदोसो नत्थि । येन केनचि छन्ने, परिच्छन्ने च सहसेय्यप्पहोनेके भिक्खुसङ्गस्स निवासगेहे अन्तोवुत्थादिदोसो, न अज्जत्थ । तेनाह “यं पना”तिआदि । तत्थ “सङ्घिकं वा पुगलिकं वा”ति इदं किञ्चापि भिक्खुनीनं सामज्जतो वुत्तं, भिक्खूनं पन सङ्घिकं पुगलिकञ्च भिक्खुनीनं, तासं सङ्घिकं पुगलिकञ्च भिक्खूनं गिहसन्तकट्टाने तिड्डतीति वेदितब्बं ।

मुखसन्निधीति अन्तोसन्निहितदोसो हि मुखपवेसननिमित्तं आपत्तिं करोति, नाज्जथा । तस्मा “मुखसन्निधी”ति वुत्तो ।

तत्थ तत्थ खण्डा होन्तीति उपट्ठतो अधिकं खण्डा होन्ति । सब्बस्मिं छदने विनट्टेति तिणपण्णादिवस्सपरितायके छदने विनट्टे । गोपानसीनं पन उपरि वल्लीहि बद्धदण्डेसु ठितेसुपि जहितवत्थुका

हन्ति एव। **पक्खपासकमण्डल**न्ति एकस्मिं पस्से तिण्णं गोपानसीनं उपरि ठिततिणपण्णादिच्छदनं वुच्चति।

**अनुपसम्पन्नस्स दातब्बो अस्साति**आदिना अकप्पियकुटियं वुत्थाम्पि अनुपसम्पन्नस्स दिन्ने कप्पियं होति, सापेक्खदानञ्चेत्थ वट्ठति, पटिग्गहणं विय न होतीति दस्सेति।

**२९९. पाळियं कन्तारे सम्भावेसीति** अप्पभक्खकन्तारे सम्पापुणि।

कप्पियभूमिअनुजाननकथावण्णना निड्डिता।

#### केणियजटिलवत्थुकथावण्णना

**३००. जटिलोति** आहरिमजटाधरो तापसवेसधारको यञ्जयुत्तो लोकपूजितो ब्राह्मणो। **पवत्तारो** पावचनवसेन वत्तारो। येसं सन्तकमिदं, येहि वा इदं गीतन्ति अत्थो। **गीतं पवुत्तं समिहितन्ति** अञ्जमञ्जस्स परियायवचनं वुत्तन्ति अत्थो। **तदनुगायन्तीति** तं तेहि पुब्बे गीतं अनुगायन्ति। एवं सेसेसु च।

**यावकालिकपक्कानन्ति** पक्के सन्धाय वुत्तं, आमामि पन अनुपसम्पन्नेहि सीतुदके महित्वा परिस्सावेत्त्वा दिन्नपानं पच्छाभत्तम्पि कप्पति एव। अयञ्च अत्थो महाअट्ठकथायं सरूपतो अवुत्तोति आह “**कुरुन्दियं पना**”तिआदि। “**उच्छुरसो निकसटो**”ति इदं पातब्बसामञ्जेन यामकालिककथायं वुत्तं, तं पन सत्ताहकालिकमेवाति गहेतब्बं। **इमे चत्तारो रसाति** फलपत्तपुष्पउच्छुरसा चत्तारो।

पाळियं **अग्गिहुत्तमुखाति** अग्गिजुहनपुब्बका। **छन्दसोति** वेदस्स। **साविन्ती मुखं** पठमं सञ्जायितव्वाति अत्थो। **तपतन्ति** विजोतन्तानं।

केणियजटिलवत्थुकथावण्णना निड्डिता।

#### रोजमल्लादिवत्थुकथावण्णना

**३०१. बहुकतो बुद्धे वाति** बुद्धे कतबहुमानोति अत्थो। सो खो अहं, भन्ते आनन्द, जातीनं दण्डभयतज्जितो अहोसिन्ति सेसो। एवञ्च सति “**एवाह**”न्ति पुन अहं-गहणं युज्जति। **विवरीति** “**विवरतू**”ति चिन्तामत्तेन विवरि, न उट्ठाय हत्थेन।

**३०३. अञ्जतरोति** सुभदो वुट्ठपब्बजितो। **द्वे दारकाति** सामणेरभूमियं ठिता द्वे पुत्ता। **नाळियावापकेनाति** नाळिया चेव थविकाय च। **संहरथ** इमेहि भाजनेहि तण्डुलादीनि सङ्कट्ठयाति अत्थो। **भुसागारेति** पलालमये अगारे, पलालपुज्जं अब्भन्तरतो पलालं सङ्कट्ठित्वा अगारं कर्तं होति, तथाति अत्थो।

रोजमल्लादिवत्थुकथावण्णना निड्डिता।

#### चतुमहापदेसकथावण्णना

**३०५. परिमइन्ताति** उपपरिक्खन्ता। **द्वे पटा देसनामेनेव वुत्ताति** तेसं सरूपदस्सनपदमेतं। नाञ्जनिवत्तनपदं पत्तुण्णपटस्सापि देसनामेन वुत्तता।

**तुम्वाति** भाजानानि। **फलतुम्बो** नाम लाबुआदि। **उदकतुम्बो** उदकघटो। **किलञ्जच्छत्तन्ति** वेळुविलीवेहि वायित्वा कतछत्तं। **सम्भिन्नरसन्ति** मिस्सीभूतरसं।

चतुमहापदेसकथावण्णना निड्डिता।

भेसञ्जक्खन्धकवण्णनानयो निड्डितो।

### ७. कथिनक्खन्धको

#### कथिनानुजाननकथावण्णना

**३०६. कथिनक्खन्धके सीसवसेनाति** पधानवसेन। **कथिनन्ति** पञ्चानिसंसे अन्तोकरणसमथताय थिरन्ति अत्थो। **सो नेसं भविस्सतीति युज्जतीति** “सो तुम्हाक”न्ति अवत्त्वा “नेस”न्ति वचनं युज्जति। **ये अत्थतकथिनाति** न केवलं तुम्हाकमेव, ये अञ्जेपि अत्थतकथिना, तेसं भविस्सतीति अत्थो। अथ वा वोति तदा सम्मुखीभूतेहि सद्धि असम्मुखीभूते च अनागतं च भिक्खु सब्बे एकतो सम्पिण्डेत्वा वुत्तं, तुम्हाकन्ति अत्थो। **सो नेसन्ति** एत्थ सो तेसन्ति योजेतब्बं। तेनाह “अत्थतकथिनानं वो, भिक्खवे, इमानि पञ्च कप्पिस्सन्ती”ति। **मतकचीवरन्ति** मतस्स चीवरं। “वुत्थवस्सवसेना”ति इदं पच्छिमवस्सवुत्थानम्पि साधारणन्ति आह “**पुरिमिकाय वस्सं उपगन्त्वा पठमपवारणाय पवारिता लभन्ती**”ति। **उपगता वा न लभन्तीति** पच्छिमिकाय वुत्थवस्सेपि सन्धाय वुत्तं।

**खलिमक्खितसाटकोति** अहतवत्थं सन्धाय वुत्तं। “**अकातुं न लभन्ती**”ति इमिना अनादरिये सति दुक्कटन्ति दीपेति।

“**अपलोकेत्वा**”ति इदं अञ्जेसं वस्संवुत्थभिक्खुनं अदत्त्वा दातुकामेहि कत्तब्बविधिदस्सनं। यदि एवं कम्मवाचाय एव दानं अवुत्तन्ति आह “**कम्मवाचा पना**”तिआदि। कथिनचीवरं विय कम्मवाचाय दातुं न वट्ठतीति अपलोकेत्वाव दातवन्ति अधिप्पायो।

**३०८. महाभूमिकन्ति** महाविसयं, चतुवीसतिआकारवन्तताय महावित्थारिकन्ति वुत्तं होति। **पञ्चकन्ति** पञ्चखण्डं। एसेव नयो सेसेसुपि। **पठमचिमिलिकाति** कथिनवत्थतो अञ्जा अत्तनो पकतिचिमिलिका। **कुच्छिचिमिलिकं कत्त्वा सिब्बितमत्तेनाति** थिरजिण्णानं चिमिलिकानं एकतो कत्त्वा सिब्बनस्सेतं अधिवचनन्ति वदन्ति। महापच्चरियं, कुरुन्दियञ्च वुत्तवचनन्ति दस्सनं, ब्यञ्जनतो एव भेदो, न अत्थतोति दस्सनत्थं कतन्तिपि वदन्ति। **पिट्ठिअनुवातारोपनमत्तेनाति** दीघतो अनुवातस्स आरोपनमत्तेन। **कुच्छिअनुवातारोपनमत्तेनाति** पुथुलतो अनुवातस्स आरोपनमत्तेन। **रत्तिनस्सगियेनाति** रत्तिअतिक्कन्तेन।

**३०९. हतवत्थकसाटकेनाति** अतिजिण्णसाटको। **न हि तेनाति**आदीसु तेन परिवारागतपाठेन इध आनेत्वा अवुच्चमानेन कथिनत्थारकस्स जानितब्बेसु न किञ्च परिहायति, तस्स सब्बस्स इधेव वुत्तताति अधिप्पायो।

**३१०. माता वियाति मातिका**, इवत्थे क-पच्चयो दट्ठब्बो। तेन सिद्धमत्थं दस्सेन्तो आह “**मातिकाति मातरो**”तिआदि। **अस्साति** एतिस्सा मातिकाय। पक्कमनन्तिको कथिनुम्भारो एव हि सयं अत्तनो उपपज्जतीति एवमभेदूपचारेन “मातिका”ति वुत्तो उम्भारस्सेव पक्कमनन्ते सम्पुत्तितो, तब्बिनिमुत्ताय च मातिकाय अभावा, तप्पकासिकापि चेत्थ पाळि “मातिका”ति वत्तुं युज्जति। सापि हि पक्कमनन्तिकुम्भारण्णकासनेन “पक्कमनन्तिका”ति वुत्ता। एसेव नयो सेसेसुम्भारेसुपि। **पक्कमनन्ति** चेत्थ उपचारसीमातिक्कमनं दट्ठब्बं।

कथिनानुजाननकथावण्णना निडुत्ता ।

#### आदायसत्तकथावण्णना

३११. “न पुन आगमिस्स”न्ति इदं आवासपलिबोधुपच्छेदकारणदस्सनं । पञ्चसु हि चीवरमासेसु यदा कदाचि न पच्चेस्सन्ति चित्तेन उपचारसीमातिक्कमेन आवासपलिबोधो छिज्जति । पच्चेस्सन्ति बहिउपचारगतस्स पन यत्थ कथंचि न पच्चेस्सन्ति चित्ते उपन्नमत्ते छिज्जति । **पठमं चीवरपलिबोधो छिज्जतीति** न पच्चेस्सन्ति पक्कमनतो पुरेतरमेव चीवरस्स निडुत्तता वुत्तं । “कतचीवरमादाया”ति हि वुत्तं । अत्यत्तकथिनस्स हि भिक्खुनो याव “सङ्गतो वा दायककुलादितो वा चीवरं लभिस्सामी”ति चीवरासा वा लङ्घवत्थानं सहायसम्पदादियोगं लभित्वा सङ्घाटिआदिभावेन “छिन्दित्वा करिस्सामी”ति करणिच्छा वा पवत्तति, ताव चीवरपलिबोधो अनुपच्छिन्नो एव । यदा पन यथापत्थितट्टानतो चीवरादीनं सब्बथा अलाभेन वा चीवरासा चेव लङ्घानं कत्वा निडुत्तनेन वा नडुविनड्वादिभावेन वा चीवरे निरपेक्खताय वा करणिच्छा च विगच्छति, तदा चीवरपलिबोधो उपच्छिन्नो होति ।

सो च इध “कतचीवरं आदाया”ति वचनेन पकासितो । एवं उपरि सब्बत्थ पाळिवचनक्कमं निस्साय नेसं पठमं, पच्छा च उपच्छिज्जनं वुत्तन्ति दट्टब्बं । सब्बथापि च इमेसं उभिन्नं पलिबोधानं उपच्छेदेनेव कथिनुब्भारो, न एकस्स । तेसञ्च पुब्बापरियेन, एकक्खणे च उपच्छिज्जनं दस्सेतुं इमा अट्ट मातिका ठपिताति वेदितब्बा । **अन्तोसीमायन्ति** चीवरनिडानक्खणयेव छिन्नता वुत्तं । **नेविमं चीवरं कारेस्सन्ति** चीवरे अपेक्खाय विगतता करणपलिबोधस्सापि उपच्छिन्नतं दस्सेति । यो पन अप्पिच्छताय वा अनत्थिकताय वा सब्बथा चीवरं न सम्पटिच्छति, तस्स बहिसीमागतस्स सब्बथापि चीवरपलिबोधाभावेन न पच्चेस्सन्ति सन्निडानमत्तेन **सन्निडानन्तिको** कथिनुब्भारो वेदितब्बो । **सो पनाति** पलिबोधुपच्छेदो । **अयं पनाति** आसावच्छेदको कथिनुब्भारो विसुं वित्थारेत्वा वुत्तो, इध न वुत्तोति सम्बन्धो ।

**अनासाय लभतीति** “यस्मिं कुले चीवरं लभिस्सामी”ति आसा अनुपन्नपुब्बा, तत्थ चीवरासाय अनुपन्नट्टाने यत्थ कथंचि लभतीति अत्थो । **आसाय न लभतीति** आसीसितट्टाने न लभतीति अत्थो । **इध न वुत्तोति** इध सवनन्तिकानन्तरे न वुत्तो । **तत्थाति** तस्मिं सीमातिक्कन्तिके । **सीमातिक्कन्तिको** नाम चीवरमासानं परियन्तदिवससङ्घाताय सीमाय अतिक्कमनतो सज्जातो । केचि “बहिसीमाय कालातिक्कमो सीमातिक्कमो”ति मञ्जन्ति, तेसं अन्तोउपचारे चीवरकालातिक्कमेपि कथिनुब्भारो असम्मतो नाम सियाति न चेत्तं वुत्तं । तस्मा यत्थ कथंचि कालातिक्कमो सीमातिक्कमोति वेदितब्बो । एत्थ च पाळियं “कतचीवरो”ति इदं उपलक्खणमत्तं, अकतचीवरस्सापि कालातिक्कमेन सीमातिक्कन्तिको होति, द्वे च पलिबोधा एकतो छिज्जन्ति । एवं अज्जत्थापि यथासम्भवं तंतं विसंसेनाभावपि कथिनुब्भारता, पलिबोधुपच्छेदपकारो च वेदितब्बो । “सहुब्भारे द्वेपि पलिबोधा अपुब्बं अचरिमं छिज्जन्ती”ति इदं अकतचीवरस्स पच्चेस्सन्ति अधिडानसम्भवपक्खं सन्थाय वुत्तं, तेसु अज्जतराभावपि सहुब्भारोव होति ।

३१२-३२५. समादायवारो आदायवारसदिसोव । उपसगगमेवेत्थ विसेसो । तेनाह “**पुन समादायवारेपि...पे०... तेयेव दस्सिता**”ति । विष्पकतचीवरे पक्कमनन्तिकस्स अभावतो “**यथासम्भव**”न्ति वुत्तं । तेनेव विष्पकतचीवरवारे छळेव उब्भारा वुत्ता, चीवरे हत्थगते च आसावच्छेदिकस्स असम्भवा, सो एतेसु वारेसु यत्थ कथंचि न वुत्तो, विसुज्जेव वुत्तो । विष्पकतवारे चेत्थ आदायवारसमादायवारवसेन द्वे छक्कवारा वुत्ता ।

ततो परं निडानसन्निडानासनन्तिकानं वसेन तीणि तिकानि दस्सितानि । तत्थ ततियत्तिके **अनधिदित्तेनाति** “पच्चेस्सं, न पच्चेस्स”न्ति एवं अनधिदित्तेन, न एवं मनसिकत्वाति अत्थो । ततियत्तिकतो पन परं एकं छक्कं दस्सितं । एवं तीणि तिकानि, एकं छक्कञ्चाति पठमं पन्नरसकं वुत्तं, इमिना नयेन दुतियपन्नरसकादीनि वेदितब्बानि ।

पाळियं आसाद्वादसके बहिसीमागतस्स कथिनुद्धारसु तेसम्पि चीवरासादिवसेन चीवरपलिबोधो याव चीवरनिडाना तिडुतीति आह “**सो बहिसीमागतो सुणाति ‘उब्भत्तं किर तस्मिं आवासे कथिनन्ति...पे०... सवनन्तिको कथिनुद्धारो’**”ति । एत्थ च सवनक्खणे आवासपलिबोधो पठमं छिज्जति, निडिते चीवरपलिबोधोति वेदितब्बो ।

दिसंगमिकनवके **दिसंगमिको पक्कमतीति** न पच्चेस्सन्ति पक्कमति, इमिना आवासपलिबोधाभावो दस्सितो होति । तेनेव वस्संवुत्थावासे पुन गन्त्वा चीवरनिडापितमत्ते निडानन्तिको कथिनुद्धारो वुत्तो । “**चीवरपटिविंसं अपविलायमानो**”ति इमिना चीवरपलिबोधसमङ्गिकत्तमस्स दस्सेति, **अपविलायमानोति** आकङ्खमानो । सेसं सुविज्जेय्यमेव ।

आदायसत्तकथावण्णना निडुत्ता ।

कथिनक्खन्धकवण्णनानयो निडुत्तो ।

## ८. चीवरक्खन्धको

### जीवकवत्थुकथादिवण्णना

३२९. चीवरक्खन्धके **कम्मविपाकन्ति** कम्मपच्चयउत्तुचिताहारसमुद्धितं अप्पटिबाहियरोगं सन्थाय वुत्तं कम्मजस्स रोगस्स अभावा ।

३३०. पाळियं **संयमस्साति** सङ्गहणस्स । अविजसज्जनस्साति अत्थो “यो संयमो सो विनासो”तिआदीसु (पे० व० २३७) विय । एतस्स संयमस्स फलं उपजानामाति योजना । तमेव फलं दस्सेन्ती आह “**वरमेत्तं...पे०... आसित्तं**”ति । केचि पन “संयमस्साति आनिसंसस्स, उपयोगत्थे चेत्तं सामिवचन”न्ति (सारत्थ० टी० महावग्ग ३.३२९-३३०) अत्थं वदन्ति ।

३३६. **उस्सन्दोसोति** सज्जातपित्तादिदोसो । **सब्बत्थाति** सकलसरीरे ।

३३७. **महापिण्डियकोजवन्ति** हत्थिपिण्डियं अत्थरितब्बताय “महापिण्डिय”न्ति लङ्घसमञ्जं उण्णामयत्थरणं ।

३३८-९. **उपडुकासिन्** खममानन्ति अडुकासिअघनकं । पाळियं **किं नु खोति** कतमं नु खो ।

३४०-३४२. **उपचारेति** सुसानस्स आसन्ने पेदेसे । **छुट्त्वा गताति** किञ्चि अवत्त्वा एव छुट्त्वा गता, एतेन “भिक्खु गण्हन्तू”ति छुट्ठिते एव अकामा भागदानं विहितं, केवलं छुट्ठिते पन कतिकाय असति एकतो बहुसु पविट्टेसु येन गहितं, तेन अकामभागो न दातब्बोति दस्सेति । समाना दिसा पुरत्थिमादिभेदा एतेसन्ति सदिसाति आह “**एकदिसाय वा ओक्कमिंसू**”ति । **धुरविहारट्टानेति** विहारस्स सम्मुखट्टाने ।

जीवकवत्थुकथादिवण्णना निडुत्ता ।

### भण्डागारसम्मुतिआदिकथावण्णना

३४३. **विहारमज्जेति** सब्बेसं जानन्तथाय वुत्तं । **वण्णावण्णं कत्वाति** पटिवीसप्पहोनकताजानन्तथं हलिहियादीहि खुट्टकमहन्तवण्णेहि युत्ते समे कोट्टासे कत्वा । तेनाह “**समे पटिवीसे ठपेत्वा**”ति । **इदन्ति** सामणेणानं उपडुपटिवीसदानं । **फातिकम्मन्ति** पहोनककम्मं । यत्तकेन विनयागतेन सम्मुज्जनीबन्धनादिहत्थकम्मेन विहारस्स ऊनकता न होति, तत्तकं कत्वाति अत्थो । **सब्बेसन्ति**

तत्पुष्पादवस्सावासिकं गणहन्तानं सब्बेसं भिक्खून्, सामणेराज्यं । भण्डागारिकचीवरेपीति अकालचीवरं सन्धाय वुत्तं । एतन्ति उक्कुट्टिया कताय समभागदानं । विरज्झित्वा करोन्तीति कत्तब्बकालेसु अकत्वा यथारुचितकखणे करोन्ति ।

एतकेन मम चीवरं पहातीति द्वादसगघनकेनेव मम चीवरं परिपुण्णं होति, न ततो ऊनेनाति सब्बं गहेतुकामोति अत्थो ।

भण्डागारसम्मुतिआदिकथावण्णना निड्डिता ।

#### चीवररजनकथादिवण्णना

३४४. एवञ्चि कतेति वड्डाधारस्स अन्तो रजनोदकं, बहि छल्लिकज्ज कत्वा वियोजने कते । न उत्तरतीति केवलं उदकतो फेणुड्डानाभावा न उत्तरति । रजनकुण्डन्ति पक्करजनदुपनकं महाघटं ।

३४५. अनुवातादीनं दीघपत्तानन्ति आयामतो, वित्थारतो च अनुवातं । आदि-सद्देन द्विन्नं खन्धानं अन्तरा मातिकाकारेण ठपितपत्तञ्च “दीघपत्तं”न्ति दड्डब्बं । आगन्तुकपत्तन्ति दिगुणचीवरस्स उपरि अज्जं पट्टं अप्पेन्ति, तं सन्धाय वुत्तं । तं किर इदानि न करोन्ति ।

३४६. पाळियं नन्दिमुखियाति तुड्डिमुखिया, पसन्नादिसामुखायाति अत्थो ।

३४८. अच्छुपेय्यन्ति पतिदुपेय्यं । हतवत्थकानन्ति पुराणवत्थानं । अनुद्धरित्वावाति अगळे विय दुब्बलद्वानं अनपनेत्वाव ।

३४९-३५१. विसाखवत्थुम्हि कल्लकायाति अकिलन्तकाया । गतीति जाणगति अधिगमो । अभिसम्परायोति “सकिदेव इमं लोकं आगन्त्वा दुक्खस्सन्तं करोती”ति आदिना (सं० नि० ५.१०४८) वुत्तो जाणाभिसम्परायो, मग्गजाणयुत्तेहि गन्तब्बगतिविसेसोति अत्थो । तं भगवा ब्याकरिस्सति । “ददाति दानं”न्ति इदं अन्नपानविरहितानं सेसपच्चयानं दानवसेन वुत्तं । सोवग्गिकन्ति सग्गसंवत्तिकं ।

३५९. अट्टपदकच्छन्नेनाति अट्टपदकसङ्घातजूतफलकलेखासण्ठानेन ।

३६२. पाळियं नदीपारं गन्तुन्ति भिक्खुनो नदीपारगमनं होतीति अत्थो । अगळगुत्तियेव पमानन्ति इमेहि चतूहि निक्खेपकारणेहि ठपेन्तेनापि अगळगुत्तिविहारे एव ठपेतुं वट्टतीति अधिप्पायो । निस्सीमागतन्ति वस्सानसङ्घातं कालसीमं अतिक्कन्तं, तं वस्सिकसाटिकचीवरं न होतीति अत्थो ।

चीवररजनकथादिवण्णना निड्डिता ।

#### सङ्घिकचीवरुपादकथावण्णना

३६३. पञ्च मासेति अच्चन्तसंयोगे उपयोगवचनं । वड्डि पयोजेत्वा ठपितउपनिक्खेपतोति वस्सावासिकस्सत्थाय दायकेहि वड्डि पयोजेत्वा ठपितउपनिक्खेपतो । “इध वस्संवुत्थसङ्गस्सा”ति इदं अभिलापमतं । इध-सद्दं पन विना “वस्संवुत्थसङ्गस्स देमा”ति वुत्तेपि सो एव नयो । अनत्थतकथिनस्सापि पञ्च मासे पापुणातीति वस्सावासिकलाभवसेन उप्पन्नता अनत्थतकथिनस्सापि वुत्थवस्सस्स पञ्च मासे पापुणाति । वक्खति हि “चीवरमासतो पड्डाय याव हेमन्तस्स पच्छिमो दिवसो, ताव वस्सावासिकं देमाति वुत्ते कथिनं अत्थतं वा होतु अनत्थतं वा, अतीतवस्संवुत्थानमेव पापुणाती”ति (महाव० अट्ट० ३७९) । ततो परन्ति पञ्चमासतो परं, गिम्हानस्स पठमदिवसतो पड्डायाति अत्थो । “कस्मा? पिड्डिसमये उप्पन्नता”ति इदं “उदाहु अनागतवस्से”ति इमस्सानन्तरं दड्डब्बं । पोत्थकेसु पन “अनत्थतकथिनस्सापि पञ्च मासे पापुणाती”ति इमस्सानन्तरं “कस्मा पिड्डिसमये उप्पन्नता”ति इदं लिखन्ति, तं पमादलिखितं पिड्डिसमये उप्पन्नं सन्धाय “अनत्थतकथिनस्सापी”ति वत्तब्बतो । वुत्थवस्से हि सन्धाय “अनत्थतकथिनस्सापी”ति वुत्तं, न च पिड्डिसमये उप्पन्नं वुत्थवस्सस्सेव पापुणातीति सम्मुखीभूतानं सब्बेसमि पापुणन्तो । तेनेव वक्खति “सचे पन गिम्हानं पठमदिवसतो पड्डाय एवं वदति, तत्र सम्मुखीभूतानं सब्बेसं पापुणाति । कस्मा? पिड्डिसमये उप्पन्नता”ति (महाव० अट्ट० १७९) ।

दुग्गहितानीति अगहितानि । सङ्घिकानेवाति अत्थो । इतोवाति थेरानं दातब्बतोव, इदानेवाति वा अत्थो ।

सङ्घिकचीवरुपादकथावण्णना निड्डिता ।

#### उपनन्दसक्यपुत्तवत्थुकथावण्णना

३६४. “सत्ताहवारेण अरुणमेव उट्टापेती”ति इदं नानासीमाविहारेसु कत्तब्बनयेन एकस्मिन् विहारे द्वीसु सेनासनेसु निवुत्थभावदस्सनत्थं वुत्तं, अरुणुड्डापनेनेव तत्थ वुत्थो होति, न पन वस्सच्छेदपरिहाराय । अन्तोउपचारसीमायपि यत्थ कत्थाच अरुणं उट्टापेन्तो अत्तना गहितसेनासनं अप्पविट्ठोपि वुत्थवस्सो एव होति, गहितसेनासने पन निवुत्थो नाम न होति, तत्थ च अरुणुड्डापने पन सति होति । तेनाह “पुरिमस्सि बहुतरं निवसति नामा”ति, एतेन च इतरस्मिं सत्ताहवारेणापि अरुणुड्डापने सति एव अप्पकतरं निवसति नाम होति, नासतीति दीपितं होति । नानालाभेहीति विसुं विसुं निबड्डवस्सावासिकलाभेहि । नानूपचारेहीति नानापरिक्खेपनानाद्वारेहि । एकसीमाविहारेहीति द्विन्नं विहारानं एकेन पाकारेण परिक्खित्तता एकाय उपचारसीमाय अन्तोगतोहि द्वीहि विहारेहि । सेनासनग्गाहो पटिप्पस्सम्भतीति पठमं गहितो पटिप्पस्सम्भति । तत्थाति यत्थ सेनासनग्गाहो पटिप्पस्सद्दो, तत्थ ।

उपनन्दसक्यपुत्तवत्थुकथावण्णना निड्डिता ।

#### गिलानवत्थुकथावण्णना

३६५-६. भूमियं परिभण्डं अकासीति गिलानेन निपन्नभूमियं किलिड्डानं धोवित्वा हरितुपलितं कारेसीति अत्थो । भेसज्जं योजेतुं असमत्थोति परेहि वुत्तविधिम्पि कातुं असमत्थो । पाळियं गिलानुपड्डाकानं चीवरदाने सामणेराजं तिचीवराधिड्डानाभावा “चीवरज्ज पत्तञ्चा”ति आदि सब्बत्थ वुत्तं । सचेपि सहस्सं अघति, गिलानुपड्डाकानज्जेव दातब्बन्ति सम्बन्धो ।

गिलानवत्थुकथावण्णना निड्डिता ।

#### मतसन्तकथादिवण्णना

३६९. अज्जन्ति चीवरपत्ततो अज्जं । अप्पगघन्ति अतिजिण्णादिभावेन निहीनं । ततोति अवसेसपरिक्खारतो । सब्बन्ति पत्तं, तिचीवरज्ज ।

तत्थ तत्थ सङ्गस्सेवाति तस्मिं तस्मिं विहारे सङ्गस्सेव । पाळियं अविस्सज्जिकं अवेभङ्गिकन्ति आगतानागतस्स चातुहिसस्स सङ्गस्सेव सन्तकं हुत्वा कस्सचि अविस्सज्जिकं अवेभङ्गिकं भवितुं अनुजानामीति अत्थो ।

३७१-२. अवकनाळमयन्ति अवकण्डमयं । अवकदुस्सानीति अवकवाकेन कतदुस्सानि, पोत्थकगतिकानि दुक्कटवत्थुकानीति अत्थो । दुपट्टचीवरस्स वा मज्जेति यं निद्रिते तित्पट्टचीवरं होति, तस्स मज्जे पटलं कत्वा दातव्वानीति अत्थो ।

३७४. “सन्ते पतिरूपे गाहके”ति वुत्तता गाहके असति अदत्त्वा भाजितेपि सुभाजितमेवाति दट्ठव्वं ।

३७६. दक्खिणोदकं पमाणन्ति “एतकानि चीवरानि दस्सामी”ति पठमं उदकं पातेत्वा पच्छा देन्ति । तं येहि गहितं, ते भागिनोव होन्तीति अधिप्पायो । परसमुद्देति जम्बुदीपे । तम्बपणिदीपज्झि उपादायेस एवं वुत्तो ।

मतसन्तककथादिवण्णना निद्रिता ।

अट्टचीवरमातिकाकथावण्णना

३७९. पुगलाधिद्धाननयेन वुत्तन्ति “सीमाय दान”न्तिआदिना वत्तब्बे “सीमाय देती”तिआदि पुगलाधिद्धानेन वुत्तं । “अपिचा”तिआदिना पठमलेडुपातभूतपरिक्खेपारहद्धानतो बहि दुतियलेडुपातोपि उपचारसीमा एवाति दस्सेति । धुवसन्निपातद्धानादिकम्पि परियन्ते ठितमेव गहेतव्वं । लोके गामसीमादयो विय लाभसीमा नाम विसुं परिसिद्धा नाम नत्थि, केनायं अनुज्जाताति आह “नेव सम्मासम्बुद्धेना”तिआदि । एतेन नायं सासनवोहारसिद्धा, लोकवोहारसिद्धा एवाति दस्सेति । “जनपदपरिच्छेदो”ति इदं लोकपसिद्धसीमासहत्थवसेन वुत्तं । परिच्छेदबन्तरे पन सब्बं जनपदसीमाति गहेतव्वं, जनपदो एव जनपदसीमा । एवं रट्टसीमादीसुपि । तेनाह “आणापवत्तिद्धान”न्तिआदि ।

पथवीवेमज्जे गतस्साति याव उदकपरियन्ता खण्डसीमता वुत्तं, उपचारसीमादीसु पन अबद्धसीमासु हेडुपथवियं सब्बत्थ ठितानं न पापुणाति, कूपादिपवेसारहद्धाने ठितानज्जेव पापुणातीति हेडुप सीमाकथायं वुत्तनयेन तंतसीमट्टभावो वेदितव्वो । चक्कवाळसीमाय पन दिन्नं पथवीसन्धारकउदकद्धानेपि ठितानं पापुणाति सब्बत्थ चक्कवाळवोहारता ।

बुद्धाधिवुत्थोति बुद्धेन भगवता निवुत्थो । पाकवट्टन्ति निबद्धदानं । वत्ततीति पवत्तति । तेहीति येसं सम्मुखे एस देति, तेहि भिक्खुहि । दुतियभागे पन थेरासनं आरुळ्हेति याव सङ्गनवका एकवारं सब्बेसं भागं दत्त्वा चीवरे अपरिक्खीणे पुन सब्बेसं दातुं दुतियभागे थेरस्स दिन्नेति अत्थो । पंसुकूलिकानम्पि वट्टतीति एत्थ “तुहं देमा”ति अवुत्तताति कारणं वदन्ति । यदि एवं “सङ्गस्स देमा”ति वुत्तेपि वट्टेय्य, “भिक्खूनं देम, थेरानं देम, सङ्गस्स देमा”ति (महाव० अट्ट० ३७९) वचनतो भेदो न दिस्सति । वीमसितव्वमेत्थ कारणं ।

पारुपितुं वट्टतीति पंसुकूलिकानं वट्टति । भिक्खुसङ्गस्स च भिक्खुनीनज्ज दम्मीति वुत्ते पन न मज्जे भिन्दित्वा दातव्वन्ति एत्थ यस्मा भिक्खुनिपक्खे सङ्गस्स पच्चेकं अपरामट्टता भिक्खुनीनं गणनाय भागो दातव्वोति दायकस्स अधिप्पायोति सिज्जाति, तथा दानज्ज भिक्खुपि गणत्वा दिन्ने एव युज्जति । इतरथा हि कित्तकं भिक्खूनं दातव्वं, कित्तकं भिक्खुनीनन्ति न विज्जायति, तस्मा “भिक्खुसङ्गस्सा”ति वुत्तवचनम्पि “भिक्खून”न्ति वुत्तवचनसदिसमेवाति आह “भिक्खू च भिक्खुनियो च गणत्वा दातव्व”न्ति । तेनाह “पुग्गलो ...पे०... भिक्खुसङ्गग्गहणेन अग्गहितत्ता”ति । भिक्खुसङ्ग-सहेन भिक्खुनज्जेव गहितत्ता, पुगलस्स पन “तुहज्जा”ति विसुं गहितत्ता च तत्थस्स अग्गहितत्ता दट्ठव्वा, “भिक्खुनज्ज भिक्खुनीनज्ज तुहज्जा”ति वुत्तद्धानसदिसत्ताति अधिप्पायो । पुगलपधानो हेत्थ सङ्ग-सदो दट्ठव्वो । केचि पन “भिक्खुसङ्गग्गहणेन गहितत्ता”ति (सारत्थ० टी० महावग्ग ३.३७९) पाठं लिखन्ति, तं न सुन्दरं तस्स विसुं लाभग्गहणे कारणवचनत्ता । तथा हि विसुं सङ्गग्गहणेन गहितत्ताति विसुं पुगलस्सपि भागग्गहणे कारणं वुत्तं । यथा चेत्य पुगलस्स अग्गहणं, एवं उपरि “भिक्खुसङ्गस्स च तुहज्जा”तिआदीसुपि सङ्गादि-सहेहि पुगलस्स अग्गहणं दट्ठव्वं । यदि हि गहणं सिया, सङ्गतोपि, विसुम्पीति भागद्वयं लभेय्य उभयत्थ गहितत्ता ।

पूजेतव्वन्तिआदि गिहिकम्मं न होतीति दस्सनत्थं वुत्तं । “भिक्खुसङ्गस्स हरा”ति इदं पिण्डपातहरणं सन्धाय वुत्तं । तेनाह “भुज्जितुं वट्टती”ति । “अन्तोहेमन्ते”ति इमिना अनत्थते कथिने वस्सानं पच्छिमे मासे दिन्नं पुरिमवस्संवुत्थानज्जेव पापुणाति, ततो परं हेमन्ते दिन्नं पच्छिमवस्संवुत्थानम्पि वुत्थवस्सत्ता पापुणाति । हेमन्ततो पन परं पिड्डिसमये “वस्संवुत्थसङ्गस्सा”ति एवं वत्त्वा दिन्नं अनन्तरे वस्से वा ततो परेसु वा यत्थ कत्थचि तस्मिं वुत्थवस्सानं सब्बेसं पापुणाति । ये पन सब्बथा अवुत्थवस्सा, तेसं न पापुणातीति दस्सेति । सब्बेसम्पीति हि तस्मिं भिक्खुभावे वुत्थवस्सानं सब्बेसम्पीति अत्थो दट्ठव्वो । “वस्संवुत्थसङ्गस्सा”ति वुत्तता सम्मुखीभूतानं सब्बेसन्ति एत्थापि एसेव नयो । अतीतवस्सन्ति अनन्तरातीतवस्सं ।

उदेसं गहेतुं आगतोति उदेसे अग्गहितेपि अन्तेवासिकोवाति वुत्तं । गहेत्वा गच्छन्तोति परिनिद्रितउदेसो हुत्वा गच्छन्तो । “वत्तं कत्वा उदेसपरिपुच्छादीनि गहेत्वा विचरन्तान”न्ति इदं “उदेसन्तेवासिकान”न्ति इमस्सेव विसेसनं, तेन उदेसकाले आगन्त्वा उदेसं गहेत्वा गन्त्वा अज्जत्थ निवसन्ते अनिबद्धचारिके निवत्तेति ।

अट्टचीवरमातिकाकथावण्णना निद्रिता ।

चीवरक्खन्धकवण्णनानयो निद्रितो ।

## ९. चम्पेय्यक्खन्धको

कस्सपगोत्तभिक्खुवत्थुकथादिवण्णना

३८०. चम्पेय्यक्खन्धके तन्तिबद्धोति तन्ति वुच्चति ब्यापारो, तत्थ बद्धो, उस्सुक्कं आपन्नाति अत्थो । तेनाह “तस्मिं आवासे”तिआदि ।

३८७-८. हापनं वा अज्जथा करणं वा नत्थीति जत्तिकम्मस्स जत्तिया एकत्ता हापनं न सम्भवति, तस्सा एकत्ता एव पच्छा जत्तिठपनवसेन, द्विक्खत्तुं ठपनवसेन च अज्जथा करणं नत्थि । परतोति परिवारे । तन्ति पब्बाजनीयकम्मं, तस्साति अत्थो ।

कस्सपगोत्तभिक्खुवत्थुकथादिवण्णना निद्रिता ।

द्वेनिस्सरणादिकथावण्णना

३९५. एसाति “बालो”तिआदिना निद्रिडुपुगलो, अप्पत्तोति सम्बन्धो । तत्थ कारणमाह “यस्मा”तिआदि । तत्थ आवेणिकेन लक्खणेनाति पब्बाजनीयकम्मस्स निमित्तभावेन पाळियं वुत्तता असाधारणभूतेन कुलदूसकभावेन । यदि हेस तं कम्मं अप्पत्तो, कथं पन सुनिस्सारितोति आह “यस्मा पनस्स आक्कमानो सङ्गो पब्बाजनीयकम्मं करेय्याति वुत्तं, तस्मा सुनिस्सारितो”ति । तत्थ वुत्तन्ति कम्मक्खन्धके (चूळव० २७) वुत्तं ।

एत्थ पन कुलदूसककम्मं कत्वा पब्बाजनीयकम्मकतस्स तेरसककण्डकटुकथायं “यस्मिं विहारे वसन्तेन यस्मिं गामे कुलदूसककम्मं कतं होति, तस्मिं विहारे वा तस्मिं गामे वा न वसितव्व”न्तिआदिना (पारा० अट्ट० २.४३३) या सम्मावत्तना वुत्ता, सा इतरेनापि पूरेतव्वा । यं पन पटिप्पस्सद्धकम्मस्स कुलदूसकस्स तत्थेव अट्टकथायं “येसु कुलेसु कुलदूसककम्मं कतं, ततो पच्चया न गहेतव्वा”तिआदि वुत्तं, तं न पूरेतव्वं कुलसङ्गहस्स अकतत्ता । एवं सेसकम्मेसुपि । यदि एवं “तज्जनीयकम्महारस्स नियसकम्मं करोति...पे०... एवं खो, उपालि, अधम्मकम्मं होती”तिआदिवचनं (महाव०

४०२) विरुज्झतीति? न विरुज्झति सङ्खसन्निधानवसेन तज्जनीयादिकम्मरहत्तस्स सिञ्जनतो। यस्स हि सङ्खो “तज्जनीयकम्मं करोमा”ति सन्निधानं कत्वा कम्मवाचं सावेन्तो पब्बाजनीयकम्मवाचं सावेत्ति, तस्स कम्मं अधम्मकम्मं होति। सचे पन “तस्सेव पब्बाजनीयकम्ममेव करोमा”ति सन्निधानं कत्वा तदेव करोति, तस्स तं कम्मं धम्मकम्मन्ति वेदितव्वं।

एवमिध “निस्सारण”न्ति अधिपेतस्स पब्बाजनीयकम्मस्स वसेन अत्थं दस्सेत्वा इदानीं तदञ्जेसं तज्जनीयादीनं वसेन निस्सारणे अधिपेते “अप्पत्तो निस्सारण”न्ति इमस्स पटिपक्खवसेन सम्पत्तो निस्सारणं, “तज्जे सङ्खो निस्सारेति। सुनिस्सारितो”ति अत्थसम्भवं दस्सेतुं पुन “तज्जे सङ्खो निस्सारेतीति सचे सङ्खो”ति आदि वुत्तं। तत्थ तत्थाति तज्जनीयादिकम्मविसये, एकेनापि अङ्गेन निस्सारणा अनुज्जाताति योजना। पाळियं अप्पत्तो निस्सारणन्ति एत्थ आपन्नो आवेणिकवसेन तज्जनीयादिसङ्खान्तं निस्सारणं पत्तोति अत्थो गहेतव्वो।

द्वे निस्सारणादिकथावण्णना निड्डिता।

चम्मेय्यकखन्धकवण्णनानयो निड्डितो।

## १०. कोसम्बककखन्धको

### कोसम्बकविवादकथावण्णना

४५१. कोसम्बककखन्धके सचे होति, देसेस्सामीति विनयधरस्स वचनेन आपत्तिदिट्ठिं पटिलभित्वा एवमाह। तेनेव पाळियं “सो तस्सा आपत्तिया अनापत्तिदिट्ठिं होती”ति वुत्तं। नत्थि आपत्तीति उदकस्स ठपनभावं अजानित्वा वा ठपितं छुट्टेत्वा विस्सरित्वा वा गमने असञ्चिच्च असत्तिया अनापत्तिपक्खोपि सम्भवतीति विनयधरो तत्थ अनापत्तिदिट्ठिं पटिलभित्वा एवमाह। तेनेव पाळियं “अञ्जे भिक्खू तस्स आपत्तिया अनापत्तिदिट्ठिनो होन्ती”ति वुत्तं। परिसायपिस्स अनापत्तिदिट्ठिया उपपन्नता “अञ्जे”ति बहुवचनं कतं। अनापत्तिदिट्ठिं अहोसीति सुत्तन्तिकत्थेरस्स विनये अपकतञ्जुताय विनयधरस्स वचनमत्तेन सो एवमहोसि, सा पनस्स आपत्ति एव उदकावसेस्स ठपनभावं जत्वा ठपितता। वत्थुमत्तजानने एव हि सेखिया सचित्तका, न पण्णत्तिविजानने। तेनेव पाळियं “तस्सा आपत्तिया अनापत्तिदिट्ठिं होती”ति सम्बत्थ आपत्ति इच्चेव वुत्तं। “आपत्ति आपज्जमानो”ति इदं विनयधरत्थेरो “तया इदं उदकं ठपित”न्ति अत्तना पुट्टेन सुत्तन्तिकत्थेरेन “आमावुसो”ति वुत्तवचनं सरित्वा पण्णत्तिअकोविदताय सञ्चिच्चेव अकासीति आपत्तिदिट्ठिं हुत्वाव अवोच। तेनेव पाळियं “अञ्जे भिक्खू तस्सा आपत्तिया आपत्तिदिट्ठिनो होन्ती”ति वुत्तं।

४५३. “न ताव भिन्नो”ति इदं उक्खिपनतदनुवत्तनमत्तेन सङ्खो भिन्नो नाम न होति, तं निस्साय पन उभयपक्खिकानं पक्खं परियेसित्वा अञ्जमञ्जं कोधवसेन कायवचीकलहवट्टनेनेव होतीति इममत्थं सन्धाय वुत्तं। तेनाह “सो च खो कलहवसेना”ति। सम्भमअत्थवसेनाति तुरितत्थवसेन।

४५४. अकारणेति आदि अनुक्खिपित्वाव उपायेन सज्जापेत्वा हितेसिताय आपत्तितो मोचेतुं युत्तट्टाने कोधचित्तवसेन विहेठनत्थाय कतभावं सन्धाय वुत्तं, न पन कम्मङ्गस्स अभावं सन्धाय। तेनेव पाळियं “आपत्ति एसा, भिक्खवे, नेसा अनापत्ति...पे... उक्खित्तो एसो भिक्खू”ति आदि वुत्तं।

४५५. “अधम्मवादीनं पक्खे निसिन्तो”ति इदं उपलक्खणमत्तं, धम्मवादीनं पक्खे निसीदित्वा अधम्मवादीनं लद्धिं गण्हन्तोपि धम्मवादीनं नानासंवासको होति एव। कम्मं कोपेतीति तं विना गणस्स अपूरणपक्खं सन्धाय वुत्तं। यत्थ वा तत्थ वाति धम्मवादीनं पक्खे वा अधम्मवादीनं पक्खे वाति अत्थो। इमे धम्मवादिनोति गण्हातीति तंतंपक्खगतं भिक्खू याथावतो वा अयाथावतो वा “इमे धम्मवादिनो”ति गण्हाति, अयं तंतंपक्खगतानं अत्तानं समानसंवासकं करोति।

४५६. उपदंसेन्तीति पवत्तेन्ति। पाळियं एत्तावताति “एत्तकपदेसं मुञ्चित्वा निसिन्ना मयं कोधचित्ते उपपन्नेपि अञ्जमञ्जं अननुलोमिकं कायकम्मादि पवत्तेतुं न सक्खिस्सामा”ति सल्लेक्खेत्वा दूरे निसीदितव्वन्ति अधिप्पायो। तेनाह “उपचारं मुञ्चित्वा”ति।

४५७. पाळियं भण्डनजाताति आदीसु कलहस्स पुब्बभागो भण्डनं नाम। हत्थपरामासादि कलहो नाम। विरुद्धवादो विवादो नाम।

४५८. परिपुण्णकोसकोट्टागारोति एत्थ कोसो नाम सुवण्णमणि आदिभण्डागारसारगम्भो। कोट्टं वुच्चति धञ्जस्स आवसनट्टानं, कोट्टभूतं अगारं कोट्टागारं, धञ्जसङ्गहट्टानं। अब्भुव्यासीति युद्धाय अभिमुखो निक्खमीति अत्थो। एकसङ्घातम्पीति एकयुद्धम्पि। धोवनन्ति धोवनुदकं।

४६३. परियादिन्नरूपाति कोधचित्तेन परिग्गहितसभावा।

४६४. तं न जानन्तीति तं कलहं न जानन्ति। ये उपनद्धन्तीति यथावुत्तं कोधाकारं चित्ते बन्धन्ति। पाकटपरिस्सयेति सीहादिके। पटिच्छन्नपरिस्सयेति रागादिके। पाळियं नत्थि बाले ९७ सहायताति बालं निस्साय सीलादिगुणसङ्घाता सहायता नत्थि, न सक्का लद्धन्ति अत्थो।

४६६. अत्तकामरूपाति अत्तनो हितकामयमानसभावा। अनुरुद्धाति एकसेसनयेन तिण्णम्पि कुलपुत्तानं आलपनं, तेनेव बहुवचननिद्देशो कतो। खमनीयं सरिरें यापनीयं जीवितं “कच्चि वो सरिरेञ्च धारेतुं, जीवितञ्च यापेतुं सक्का”ति पुच्छति। तर्थाति एकसत्थे निपातो, एकसेन मयं भन्तेति अत्थो। यथा कथन्ति एत्थ यथाति निपातमत्तं, यथाकथन्ति वा एको निपातो कारणपुच्छनत्थो, केन पकारेनाति अत्थो। एकञ्च पन मञ्जे चित्तन्ति एकस्स चित्तवसेन इतरेसम्पि पवत्तनतो सब्बेसं नो एकं विय चित्तन्ति अत्थो। कच्चि पन वो अनुरुद्धाति एत्थ वोति निपातमत्तं, पच्चत्तवचनं वा, कच्चि तुम्हेति अत्थो। अम्हाकन्ति निड्डारणे सामिवचनं, अम्हेसु तीसु यो पठमं पटिककमतीति अत्थो।

कोसम्बकविवादकथावण्णना निड्डिता।

### पालिलेय्यकगमनकथावण्णना

४६७. येन पालिलेय्यकन्ति पच्चते उपयोगवचनं, यत्थ पालिलेय्यको गामो, तत्थ अवसरीति अत्थो। दहरपोतकेहीति भिङ्गच्छापेहि। “ओगाहि”न्तिपि पाठो, नहानपोखरणन्ति अत्थो।

उदानगाथायं पन — रथईससदिसदन्तस्स नागस्स हत्थिनो एतं विवेकनिन्नं चित्तं नागेन बुद्धनागस्स विवेकनिन्नचित्तेन समेति। कस्मा? यं यस्मा एकोव रमति वने, तस्मा एवं योजना दट्टव्वा।

पालिलेय्यकगमनकथावण्णना निड्डिता।

### अट्टारसवत्थुकथावण्णना

४६८. यथा धम्मो तथा तिट्ठाहीति यथा धम्मो च विनयो च ठितो, तथा तिट्ठ, धम्मवादीपक्खे तिट्ठाति अत्थो।

४७३. “यो पटिबाहेय्य, आपत्ति दुक्कटस्सा”ति इदं सामग्गीभेदस्स अकारके सन्धाय वुत्तं। ये पन भेदकारका विरुद्धा अलज्जिनो, तेसं पटिबाहितुं वट्ठति तेसं सन्तकस्सपि सेनासनस्स

विनासनवचनतो। “विवित्तं कत्वापि दातव्वं”न्ति वुत्तता पन यथावुद्धं वरसेनासनं अदत्त्वा वुद्धानम्पि असञ्जतानं सञ्जतेहि विवित्तं कत्वा दातव्वन्ति ददुव्वं।

४७५. **कम्मवाचाय ओसारेत्वा**ति एत्थ उक्खित्तस्स भिक्खुनो आपत्तियापन्नभावं पटिजानित्वा सम्मावत्तनेन उक्खेपकानं समुपपन्नओसारणच्छन्दस्स पगेव जातत्ता पटिप्पस्सम्भनकम्मवाचाय उक्खित्तानुवत्तका सयमेव नं ओसारेसुन्ति ददुव्वं।

४७६. **अत्थतो अपगता**ति सामग्गीअत्थविरहिता, तुच्छव्यञ्जनाति अत्थो।

४७७. **अप्पटिच्छन्नाचारो**ति अप्पटिच्छादेतव्वसुन्दराचारो। **अनपगत**न्ति कारणतो अनपेतं। आदातव्वतो गहेतव्वतो आदायन्ति आचरियवादो वुत्तोति आह “आदायं अत्तनो आचरियवाद”न्ति।

**अट्टहि दूतङ्गेही**ति “सोता च होति सावेता च उग्गहेता च धारेता च विञ्जाता च विञ्जापेता च कुसलो च सहितासहितस्स नो च कलहकारको”ति (अ० नि० ८.१६) एवं वुत्तेहि अट्टहि दूतङ्गेहि। सेसमेत्थ, हेट्ठा च सब्बत्थ सुविञ्जेय्यमेवाति।

अट्टारसवत्थुकथावण्णना निड्डिता।

कोसम्बकक्खन्धकवण्णनानयो निड्डितो।

इति समन्तपासादिकाय विनयडुकथाय विमतिविनोदनियं

महावग्गवण्णनानयो निड्डितो।

॥ नमो तस्स भगवतो अरहतो सम्मासम्बुद्धस्स ॥

## चूळवग्गवण्णना

### १. कम्मक्खन्धको

#### तज्जनीयकम्मकथावण्णना

१. चूळवग्गस्स पठमे कम्मक्खन्धके ताव “**बलवाबलव**”न्ति इदं एकपदं। “बलवबलव”न्ति वत्तव्वे आकारं कत्वा “बलवाबलव”न्ति वुत्तं। तच्च “दुक्खदुक्ख”न्ति आदीसु विय अतिसयत्थे वत्ततीति आह “**सुद्ध बलवं पटिवदथा**”ति, अति विय बलवं कत्वा पटिवचनं देथाति अत्थो।

२. पाळियं **आपत्ति आरोपेतव्व**ाति एत्थ किञ्चापि “मा खो तुम्हे आयस्सन्तो एसो अजेसी”ति आदिके भण्डनादिजनके वचने पञ्जत्ता काचि आपत्ति नाम नत्थि मुसापेसुञ्जादीसु एतस्स अप्पविडुत्ता, तथापि भिक्खूहि विसुं, सङ्गमञ्जे च “मा, आवुसो, भिक्खू अञ्जमञ्जं पयोजेत्वा भण्डनादिं अकासि, नेदं अप्पिच्छतादीनं अत्थाय वत्तती”ति एवं अपञ्जत्तेन वुच्चमानस्स भिक्खुनो अनादरियेन अनोरमनपच्चया वा अञ्जवादविहेसादिकरणपच्चया वा या आपत्ति होति, सा आपत्ति आरोपेतव्वा दिट्ठिविपन्नस्स वियाति एवमत्थो ददुव्वो।

यस्स पन इदं वचनं विनाव कायवाचाहि आपन्ना लहुकापत्ति अत्थि, तस्सपि आरोपेतव्व्वाव। यं पन कम्मवाचाय “अत्तना भण्डनकारका”ति अत्तना-सद्दगहणं, “येपि चञ्जे भिक्खू भण्डनकारका... पे... ते उपसङ्गमित्वा”ति आदिवचनञ्च, तं वत्थुवसेन गहितं। यो पन सयमेव भण्डनकारको होति, अञ्जे पन भण्डनकारके उपसङ्गमित्वा “मा खो तुम्हे”ति आदिवचनं न वदति, तस्सापेतं कम्मं कातव्वमेव। करोन्तेहि च “सुणातु मे, भन्ते, सङ्गो, अयं इत्थन्नामो भिक्खू भण्डनकारको... पे... सङ्गे अधिकरणकारको। यदि सङ्गस्स पत्तकल्ल”न्ति आदिनाव कम्मवाचा कातव्व्वा। यो च अञ्जेपि भिक्खू कलहाय समावपेति, तस्सापि एवमेव कम्मवाचं कातुं वट्ठति अञ्जेसं समादापनस्सपि भण्डनकारको एव पविसनतो। अञ्जेसं समादापनाकारम्पि वत्ताव, कम्मवाचं कातुमात्रेणपि च तेहि वुत्तवचनत्थमेव गहेत्वा तदनुगुणं योजेत्वाव कातव्वं, न इधागतवसेनेव सब्बेसम्पि इधागतवसेनेव वचनासम्भवा। भूतेन वत्थुना कतमेव हि अविपन्नं होति, नाञ्जन्ति गहेतव्वं। एस नयो नियस्सकम्मादीसुपि।

तज्जनीयकम्मकथावण्णना निड्डिता।

#### अधम्मकम्मद्वादसकथादिवण्णना

४. **अप्पटिञ्जाय कतन्ति** वत्थुं वा आपत्तिं वा असम्पटिच्छापेत्वा कतं। यो पन सब्बेसं पस्सन्तानं एव वत्थुवीतिककमं कत्वा पच्छा कम्मकरणभयेन “न करोमी”ति मुसा वदति, तस्स भिक्खून् सम्मुखे वीतिककमकरणमेव पटिञ्जा। तथतो जाननत्थमेव पटिञ्जाय करणं अनुञ्जातं। यत्थ पन सन्देहो होति, तत्थ सम्पटिच्छापेत्वाव कत्तव्वन्ति गहेतव्वं।

“**पाराजिकापत्तिया वा**”ति इदं लिङ्गनासननिमित्तताय पाराजिकस्स कम्मेन अतिकिच्छनीयतो वुत्तं। “**सङ्गादिसेसापत्तिया वा**”ति इदं पन परिवासादिनिस्सारणकम्मस्स आवेणिकस्स विज्जमानत्ता वुत्तं। यं पन परतो “अधिसीले सीलविपन्नो होति... पे... तज्जनीयकम्मं करेय्या”ति (चूळव० ६) वुत्तं, तं “आयतिं संवरे ठत्वा वुद्धानं करोही”ति ओवदियमानस्स अनादरियादिपच्चयलहुकापत्ति सन्धाय वुत्तं। सीलविपत्तिमूलकञ्चि लहुकापत्ति आपन्नो इध अभेदूपचारेन “अधिसीले सीलविपन्नो”ति वुत्तो “अतिदिट्ठिया दिट्ठिविपन्नो”ति एत्थ विय।

यथा च दिट्ठि गहेत्वा वोहरन्तस्स “इतो दिट्ठितो ओरमाही”ति अवत्वा कतकम्मं केवलाय दिट्ठिविपत्तिया कतत्ता **अनापत्तिया कतं** नाम अधम्मकम्मं होति, एवं सीलविपत्तिं आपज्जित्वा लज्जधम्मे ओक्कन्ते यथाधम्मं वुद्ध्य संवरे ठातुकामस्स कतं तज्जनीयादिकम्मं केवलाय सीलविपत्तिया कतत्ता **अदेसनागामिनिया कतं** नाम अधम्मकम्मं होति। तेनेव नियस्सकम्मेपि “अपिस्सु भिक्खू पकता परिवासं देत्ता”ति आदिना संवरे अट्टानमेव कम्मनिमित्तभावेन वुत्तं। अदन्तं दमनत्थमेव हि तज्जनीयादिकम्मानि अनुञ्जातानीति। केचि पन “अदेसनागामिनियाति इदं पाराजिकापत्तियेव सन्धाय वुत्तं, न सङ्गादिसेस”न्ति (सारत्थ० टी० चूळवग्ग ३.४) वदन्ति, तं सुक्कपक्खे “देसनागामिनिया आपत्तिया कतं होती”ति इमिना वचनेन विरुज्जति। सङ्गादिसेसस्सापि च परियायतो देसनागामिनिवोहारे गच्छमाने “आपत्तिया कतं होती”ति वुत्तवारतो इमस्स वारस्स विसो न सिया, अट्टकथायम्पेत्य विसेसभावो न दस्सितो। तस्मा वुत्तनयेनेवेत्थ अधिष्ठायां गहेतव्वो।

६. **सब्बा निपीति** तज्जनीयनियस्सपब्बाजनीयकम्मानि तीणिपि। **अञ्जकम्मस्स वत्थुना**ति तज्जनीयतो अञ्जस्स कम्मस्स वत्थुना अञ्जकम्मकरणं नाम कोचि दोसोपि न होतीति अधिष्ठायां। कारणमाह “**कस्मा**”ति आदिना।

८. **पन्नलोमाति** पतितमानलोमा।

अधम्मकम्मद्वादसकथादिवण्णना निड्डिता।

### नियस्सकम्मकथादिवण्णना

११. नियस्सकम्मे पाळियं अपिस्सूति अपिचाति इमस्मिं अत्थे निपातसमुदायो। **निस्साय ते वत्थब्बन्ति** एत्थ केचि कल्याणमितायत्तवृत्तितं सन्धाय वुत्तन्ति वदन्ति, अज्जे पन निस्सयग्गहणमेवाति, उभयेनपिस्स सेरिविहारो न वट्ठीतीति दीपितन्ति दट्ठब्बं।

२१. पब्बाजनीयकम्मे “**पब्बाजनीयकम्पं पटिप्पस्सम्भेतुं**”ति इदं पक्कमनादिं अकत्वा सम्मावत्तन्तानं वसेन वुत्तं।

३३. पटिसारणीयकम्मे **नेव भिक्खुवचनं, न गिहिवचनन्ति** एत्थ परियायतोपि भिक्खू परखुंसनं न वदन्ति, गहट्ठा पन सरूपेनेव अक्कोसितुं समत्थापि उपकारीसु अकारणं एवरूपं न वदन्ति, त्वं गिहगुणतोपि परिहीनोति अधिप्पायो।

३९. “**अङ्गसमन्नागमो पुरिमेहि असदिसो**”ति इमिना तज्जनीयादीनं वुत्तकारणमत्तेन इदं कातुं न वट्ठीतीति दीपेति। इध वुत्तेन पन गिहीनं अलाभाय परिसक्कनादिना अङ्गेन तानिपि कातुं वट्ठीतीति गहेतब्बं। एत्थ च “सद्दं पसन्नं दायकं कारकं सङ्खुपट्टाकं हीनेन खुंसेती”ति वुत्तता तादिसेसु गिहीसु खुंसनादीहि गिहपटिसंयुत्तेहि एव अङ्गेहि कम्मरहता, न आरामिकचेटकादीसु खुंसनादीहि। तत्थापि दायकादीसु खमापितेसु कम्मरहता नत्थि, आपत्तिं च यत्थ कत्थचि देसेतुं वट्ठीति। यो चे तित्थकत्तुं खमापियमानोपि न खमति, अकतकम्मेनपि दस्सनूपचारे आपत्तिं देसेतब्बा। सो चे कालकतो होति, देसन्तरं वा गतो, गतिदिसा न जायति, अन्तरामग्गे वा जीवितन्तरायो होति, कतकम्मेनपि अकतकम्मेनपि सङ्गमज्जे यथाभूतं विज्जापेत्वा खमापेत्वा आपत्तिं देसेतब्बाति वदन्ति। धम्मिकपटिस्सवस्स असच्चापने पन तेसं सन्तिकं गत्वा “मया असमवेक्खित्वा पटिस्सवं कत्वा सो न सच्चापितो, तं मे खमथा”तिआदिना खमापने वचनकमो जापेतब्बो।

४१. पाळियं **मङ्कुभूतो नासक्खि चित्तं गहपतिं खमापेतुन्ति** तिसयोजनमग्गं पुन गत्वापि मानथद्दताय यथाभूतं दोसं आविकत्वा अखमापनेन “नाहं खमामी”ति तेन पटिक्खित्तो मङ्कुभूतो खमापेतुं न सक्खि, सो पुनदेव सार्वथिं पच्चागन्त्वापि माननिग्गहत्थायेव पुनपि सत्थारा पेसितो पुरिमनयेनेव खमापेतुं असक्कोन्तो पुनागच्छि। अथस्स भगवा “असन्तं भावनमिच्छेय्या”तिआदिनाव (ध० प० ७३) धम्मं देसेत्वा माननिम्मथनं कत्वा अनुदूतदानं अनुज्जासीति दट्ठब्बं।

४२. “**नो चे खमति... पे... आपत्तिं देसापेतब्बो**”ति वुत्तता पगेव गहट्ठो खमति चे, दस्सनूपचारे आपत्तिदेसनाकिच्चं नत्थीति गहेतब्बं।

४६. उक्खेपनीयकम्मेसु तीसु अरिडुवत्थुस्मिं **आपत्तिं आरोपेत्वा**ति विसुं सङ्गमज्जेव पापिकाय दिट्ठिया अप्पटिनिस्सज्जनपच्चया दुक्कटं, समनुभासनपरियोसाने पाचिचित्तियं वा आपत्तिं आरोपेत्वा। एत्थापि कम्मवाचाय “तथाहं भगवता”तिआदि वत्थुवसेन वुत्तं। येन येन पकारेन दिट्ठिगतिका वोहरिंसु, तेन तेन पकारेन योजेत्वा कम्मवाचा कातब्बा। गहणाकारं पन विनापि “सुणातु मे, भन्ते, सङ्गो, इत्थन्नामस्स भिक्खुनो पापिकं दिट्ठिगतं उप्पन्नं, सो तं दिट्ठि अप्पटिनिस्सज्जति, यदि सङ्गस्स पत्तकल्लं”न्ति एवं सामज्जतोपि कम्मवाचं कातुं वट्ठीति।

६५. “**यं दिट्ठिं निस्साय भण्डनादीनि करोती**”ति इमिना दिट्ठिं निस्साय उप्पन्नानि एव भण्डनादीनि इध अधिष्येतानि, न केवलानीति दस्सेति। यो पन “भण्डनादीनं करणे दोसो नत्थी”ति दिट्ठिको हुत्वा भण्डनादिं करोति, सापिस्स दिट्ठि एव होति, तस्सपि अप्पटिनिस्सग्गे कम्मं कातुं वट्ठीति।

नियस्सकम्मकथादिवण्णना निट्ठिता।

कम्मखन्धकवण्णनानयो निट्ठितो।

## २. पारिवासिकखन्धको

### पारिवासिकवत्तकथावण्णना

७५. पारिवासिकखन्धके **अन्तमसो मूलायपटिकस्सनारहादीनम्पीति आदि**-सद्देन मानतारहमानत्तचारिकअब्भानारहे सङ्गण्हाति। ते हि पारिवासिकानं, पारिवासिका च तेसं पकतत्तद्धाने एव तिट्ठन्ति। **अधोतपादट्टपनकन्ति** यत्थ ठत्वा पादे धोवन्ति, तादिसं दारुफलकखण्डादिं। **पादघंसनन्ति** सक्खरकथलादिं। “**वत्तं करोन्ती**”ति एत्तकमत्तस्सेव वुत्तता सङ्घिविहारिकादीहिपि अभिवादानादिं कातुं न वट्ठीति।

“**पारिसुद्धिउपोसथे करियमाने**”ति इदं पवारणादिवसेसु सङ्गे पवारन्ते अनुपगतछिन्नवस्सादीहि करियमानपारिसुद्धिउपोसथम्पि सन्धाय वुत्तं। **अत्तनो पाळियाति** नवकानं पुरतो।

“**पारिवासिकस्सेवा**”ति इदं अब्भानारहपरियोसाने सब्बे गरुकट्टे सन्धाय वुत्तं। तेसम्पि पच्चेकं ओणोजनस्स अनुज्जातता तदवसेसा पकतता एव तं न लभति।

**चतुस्सालभत्तन्ति** भोजनसालाय पटिपाटिया दिय्यमानभत्तं। **हत्थपासे ठितेनाति** दायकस्स हत्थपासे पटिग्गहारुहन्टानेति अधिप्पायो। **महापेळभत्तेपीति** महन्तेसु भत्तपच्छिआदिभाजनेसु उपेत्वा दिय्यमानभत्तेसुपि।

७६. **पापिटुतराति पाराजिकापत्तीति** उक्कंसवसेन वुत्तं। सज्जरितादिपण्णत्तिवज्जतो पन सुक्कविस्सट्टादिका लोकवज्जाव, तत्थापि सङ्गभेदादिका पापिटुतरा एव।

“**कम्मन्ति पारिवासिककम्मवाचा**”ति एतेन कम्मभूता वाचाति कम्मवाचा-सद्दस्स अत्थोपि सिद्धोति वेदितब्बो। **सवचनीयन्ति** एत्थ “सदोस”न्ति (सारत्थ० टी० चूळवग्ग० ३.७६) अत्थं वदति। अत्तनो वचने पवत्तनकम्मन्ति एवमेत्थ अत्थो दट्ठब्बो, “मा पक्कमाही”ति वा “एहि विनयधरानं सम्मुखीभाव”न्ति वा एवं अत्तनो आणाय पवत्तनककम्मं न कातब्बन्ति अधिप्पायो। एवञ्च केनचि सवचनीये कते अनादरेन अतिक्कमितुं न वट्ठीति, बुद्धस्स सङ्गस्स आणा अतिक्कन्ता नाम होति।

**रजोहतभूमीति** पण्णसालाविवसेसनं। **पच्चयन्ति** वस्सावासिकचीवरं। **सेनासनं न लभतीति** वस्सग्गेन न लभति।

**अपण्णकपटिपदाति** अवरिद्धपटिपदा। **सचे वायमन्तोपीति** एत्थ अविसयभावं जत्वा अवायमन्तोपि सङ्गहति।

८१. **अविसेसेनाति** पारिवासिकुक्खित्तकानं सामज्जेन। **पच्चवण्णच्छदनब्रद्धानेसूति** पच्चपकारच्छदनेहि छन्नट्टानेसु।

**ओबद्धन्ति** उट्टानादिव्यापारपटिबद्धं। पीळितन्ति अत्थो। **मज्जे वा पीठे वाति** एत्थ वा-सद्दो समुच्चयत्थो, तेन तट्टिकाचम्मखण्डादीसु दीघासनेसुपि निसीदितुं न वट्ठीतीति दीपितं होति।

**न वत्तभेददुक्कटन्ति** वुट्ठतरस्स जानन्तस्सापि वत्तभेदे दुक्कटं नत्थीति दस्सेति। “**वत्तं निक्खिपापेत्वा**”ति इदं पारिवासादिमेव सन्धाय वुत्तं।

पारिवासिकवत्तकथावण्णना निट्ठिता।

पारिवासिककखन्धकवण्णनानयो निड्ढितो ।

### ३. समुच्चयकखन्धको

#### सुक्कविस्सट्ठिकथावण्णना

९७. समुच्चयकखन्धके वेदयामहन्ति जानापेमि अहं, आरोचेमीतिअत्थो । अनुभवमीतिपिस्स अत्थं वदन्ति । पुरिमं पन पसंसन्ति आरोपनवचनत्ता । आरोचेत्वा निक्खिपितब्बन्ति दुक्कटपरिमोचनत्थं वुत्तं । केचि पन “तदहेव पुन वत्तं समादियित्वा अरुणं उट्ठापेतुकामस्स रत्तिच्छेदपरिहारत्थमी”ति वदन्ति ।

“सभागा भिक्खू वसन्ती”ति वुत्तत्ता विसभागानं वसनट्ठाने वत्तं असमादियित्वा बहि एव कातुम्पि वट्ठतीति दट्ठब्बं । “द्वे लेट्ठुपाते अतिक्कमित्वा”ति इदं विहारे भिक्खूनं सज्झायादिसदसवनूपचारविजहनत्थं वुत्तं । “महामगगतो ओक्कम्मा”ति इदं मगगपटिपन्नानं भिक्खूनं उपचारातिक्कमनत्थं वुत्तं । गुम्बेन वातिआदि दस्सनूपचारविजहनत्थं ।

“सोपि केनचि कम्मेन पुरे अरुणे एव गच्छती”ति इमिना आरोचनाय कताय सब्बेसुपि भिक्खूसु विहारगतेसु ऊने गणे चरणदोसो वा विष्णवासदोसो वा न होति आरोचितत्ता सहवासस्साति दस्सेति । तेनाह “अयञ्चा”ति आदि । अब्भानं कातुं न वट्ठतीति कतम्पि अकतमेव होतीति अत्थो ।

सुक्कविस्सट्ठिकथावण्णना निड्ढिता ।

#### पटिच्छन्नपरिवासकथावण्णना

१०१. सुद्धस्साति सभागसङ्घादिसंसं अनापन्नस्स, ततो वुड्ढितस्स वा । अज्जस्मिन्ति सुद्धन्तपरिवासवसेन आपत्तिवुड्ढानतो अज्जस्मिं आपत्तिवुड्ढाने । पाळियं “पटिकस्सितो सङ्गेन उदायि भिक्खु अन्तरा एकस्सा आपत्तिया...पे... मूलायपटिकस्सना”ति इदं करणवसेन विपरिणामेत्वा मूलायपटिकस्सनाय पटिकस्सितोति योजेतब्बं । अथ वा “मूलाय पटिकस्सना खमति सङ्घस्सा”ति उत्तरपदेन सह पच्चत्तवसेनेव योजेतुम्पि वट्ठति ।

“उदायिं भिक्खुं अन्तरा एकस्सा आपत्तिया...पे... मूलाय पटिकस्सित्वा”ति एत्थ अन्तरा एकस्सा आपत्तिया हेतुभूताय उदायिं भिक्खुं मूलाय पटिकस्सित्वा मूलदिवसे आकट्ठित्वा तस्सा अन्तरापत्तिया समोधानपरिवासं देतूति योजना । आविकारापेत्वा विस्सज्जेतब्बाति तस्स अतेकिच्छभावं तेनेव सङ्घस्स पाकटं कारेत्वा लज्जिगणतो वियोजनवसेन विस्सज्जेतब्बो ।

सत्तं आपत्तियोति कायसंसगादिवसेन एकदिवसे आपन्ना सत्तं आपत्तियो । दससत्तन्ति सहस्सा आपत्तियो । रत्तिसत्तं छादयित्वानाति योजेतब्बो । सब्बपरिवासकम्मवाचावसानेति हेट्ठा दस्सितानं द्विन्नं सुद्धन्तपरिवासानं, तिण्णं समोधानपरिवासानञ्चाति इमेसं सब्बेसं परिवासानं कम्मवाचापरियोसाने । पुरिमनयेनेवाति पटिच्छन्नपरिवासे वुत्तनयेन ।

विहारूपचारतोपीति बहिगामे भिक्खूनं विहारूपचारतोपि । “द्वे लेट्ठुपाता अतिक्कमितब्बा”ति इदं भिक्खूनं सवनूपचारातिक्कमनं वुत्तं । गामस्साति न वुत्तन्ति गामस्स उपचारं मुञ्चितुं वट्ठतीति न वुत्तं । तेन गामूपचारे ठितापि तत्थ दस्सनसवनूपचारे अतिक्कमित्वा ठिता भिक्खुं च भिक्खुनियो च तस्सा रत्तिच्छेदं न करोन्तीति दीपेति ।

अनिक्खित्तवत्तभिक्खूनं वुत्तनयेनेवाति उपचारसीमाय पविट्ठानं वसेन रत्तिच्छेदं सन्धाय वुत्तं । तस्मिं गामेति भिक्खुनीनं निवासनगामे । अत्तानं दस्सेत्वाति यथा आरोचेतुं सक्का, तथा दस्सेत्वा । “सम्मन्तिवा दातब्बा”ति इमिना सम्मताय सहवासेपि रत्तिच्छेदो न होतीति दस्सेति ।

मूलायपटिकस्सितस्साति मूलायपटिकस्सितस्स पुन परिवुत्थपरिवासस्साति अत्थो । तिस्सन्ति मूलापत्तिया सह द्विन्नं अन्तरापत्तीनञ्च ।

१०८. सचे पटिच्छन्नाति निक्खित्तवत्तेनापन्नार्पितं सन्धाय वुत्तं । पाळियं पञ्चाहपटिच्छन्नवारे अन्तरापत्तिकथाय “एवञ्च पन, भिक्खवे, छारत्तं मानत्तं दातब्ब”न्ति इदं मूलायपटिकस्सनाकम्मवाचानन्तरमेव दातुं वुत्तं न होति । मूलायपटिकस्सितस्स पन पञ्चदिवसानि परिवसित्वा याचितस्स मानत्तचरणकाले आपन्नाय ततिथाय अन्तरापत्तिया अप्पटिच्छन्नाय मानत्तदानं सन्धाय वुत्तं । एवञ्च दिन्नमानत्तस्स एकेन छारत्तेन पुब्बे दिन्नमानत्ताहि तोहि आपत्तीहि सह चतस्सन्मि आपत्तीनं मानत्तं चिण्णमेव होति । इमिना पन नयेन अब्भानारहकाले आपन्नाय अन्तरापत्तिया, पक्खपटिच्छन्नवारे अन्तरापत्तीसु च पटिपज्जनं वेदितब्बं । “एकाहपटिच्छन्नादिवसेन पञ्चा”ति इदं एकाहपटिच्छन्नादीनं चतुन्नं पच्चेकपरिवासदानमानत्तदानाव्भानानि एकेकं कत्वा वुत्तं । “अन्तरापत्तिवसेन चतस्सो”ति इदम्पि मानत्तदानाव्भानानि तस्मिं तस्मिं मूलायपटिकस्सने एकत्तं आरोपेत्वा वुत्तं ।

पटिच्छन्नपरिवासकथावण्णना निड्ढिता ।

#### समोधानपरिवासकथावण्णना

१२५. “यस्मा पटिच्छन्ना अन्तरापत्ती”ति इदं समोधानपरिवासदानस्स कारणवचनं, न पन चिण्णपरिवुत्थदिवसानं मक्खित्तभावस्स, अप्पटिच्छन्नाय अन्तरापत्तिया मूलायपटिकस्सने कतेपि तेसं मक्खित्तभावसम्भवतो । तस्मा “मानत्तचिण्णदिवसापि परिवुत्थदिवसापि सब्बे मक्खिताव होन्ती”ति इमस्सानन्तरं “समोधानपरिवासो चस्स दातब्बो”ति एवमेत्थ योजना कातब्बा । तेनाह “तेनेवा”ति आदि ।

समोधानपरिवासकथावण्णना निड्ढिता ।

#### अगधसमोधानपरिवासकथावण्णना

१३४. “एकापत्तिमूलकञ्चा”ति इमिना “एका आपत्ति एकाहपटिच्छन्ना, एका आपत्ति द्वीहपटिच्छन्ना”ति आदिनयं दस्सेति । अप्पटिच्छन्नभावं दस्सेतुन्ति अजाननादिना पटिच्छन्नायपि आपत्तिया मानत्तारहतावचनेन अप्पटिच्छन्नभावं दस्सेतुं । “एकस्स, आवुसो, मासस्स भिक्खु मानत्तारहो”ति (चूळव० १५३) हि वुत्तं । एत्थ एकस्स अजाननपटिच्छन्नमासस्स परिवासारहो न होति, केवलं आपत्तिया अप्पटिच्छन्नता मानत्तारहो होतीति अधिप्पायो । पाळियं मक्खधम्मोति मद्दितुकामता । सङ्घादिसेसानं परिवासदानादिसब्बविनिच्छयस्स समुच्चयत्ता पनेस समुच्चयकखन्धकोति वुत्तोति वेदितब्बो ।

अगधसमोधानपरिवासकथावण्णना निड्ढिता ।

समुच्चयकखन्धकवण्णनानयो निड्ढितो ।

### ४. समथकखन्धको

### सतिविनयकथादिवणना

१९५. समथक्खन्धके खीणासवस्स विपुलसतिं निस्साय दातब्बो विनयो चोदनादिसारुपानं विनयनुपायो **सतिविनयो**।

१९६. **चित्तविपरियासकतो**ति कतचित्तविपरियासो। **गगं भिक्खुं...पे०... चोदेन्ती**ति एत्थ पन उम्मतकस्स इदं **उम्मतकं**, अज्झाचिण्णं। तदेव चित्तविपरियासेन कतन्ति चित्तविपरियासकतं। तेन उम्मतकेन चित्तविपरियासकतेन अज्झाचिण्णेन अनाचारेन आपन्नाय आपत्तिया गगं भिक्खुं चोदेन्तीति एवमत्थो दडुब्बो। पठमं मूळो हुत्वा पच्छा अमूळहभावं उपगतस्स दातब्बो विनयो **अमूळहविनयो**।

२०२. धम्मवादीनं येभ्युभावसम्पादिका किरिया **येभ्युयसिका**ति इमस्मिं अत्थे स-कारागमसहितो इक-पच्चयन्तोयं सद्दोति दस्सेतुं आह “**यस्सा**”तिआदि। तत्थ **यस्सा किरियाया**ति गूळहकविट्ठकादिना सलाकग्गाहापककिरियाय। येभ्युयभावं निस्सितसमर्थकिरिया येभ्युयसिकाति एवं येभ्युयसिकासदस्स अत्थो गहेतब्बो। एवञ्चि अयं अधिकरणसमथो नाम होति। यथावुत्तसलाकग्गाहेन हि धम्मवादीनं येभ्युयभावं सिद्धे पच्छा तं येभ्युयभावं निस्सायेव अधिकरणवूपसमो होति, न धम्मवादीनं बहुतरभावसाधककिरियामत्तेन।

२०७. “**सेसमेत्थ तज्जनीयादीसु वुत्तनयमेवा**”ति एतेन तज्जनीयादिसत्तकम्मानि विय इदम्पि तस्सपापियसिकाकम्मं असुचिभावादिसयुत्तस्स, सङ्खस्स च विनिच्छये अतिट्ठमानस्स कत्तब्बं विसुं एकं निग्गहकम्मन्ति दस्सेति। एतस्मिञ्चि निग्गहकम्मे कते सो पुग्गलो “अहं सुद्धो”ति अत्तनो सुद्धिया साधनत्थं सङ्गमज्झं ओतरितुं, सङ्गो चस्स विनिच्छयं दातुं न लभति, तं कम्मकरणमत्तेनेव च तं अधिकरणं वूपसन्तं होति।

कथं पनेतं कम्मं पटिप्पस्सम्भतीति? केचि पनेत्थ “सो तथा निग्गहितो निग्गहितोव होति, ओसारणं न लभति। तेनेव पाळियं ओसारणा न वुत्ता”ति वदन्ति। अज्जे पन “पाळियं न उपसम्पादेतब्बन्तिआदिना सम्मावत्तनस्स वुत्तत्ता सम्मावत्तित्वा लज्जिधम्मे ओक्कन्तस्स ओसारणा अवुत्तापि तज्जनीयादीसु विय नयतो कम्मवाचं योजेत्वा ओसारणा कातब्बा एवा”ति वदन्ति, इदं युत्तं। तेनेव अट्ठकथायं वक्खति “सचे सीलवा भविस्सति, वत्तं परिपूरेत्वा पटिप्पस्सिद्धिं लभिस्सति। नो चे, तथानासितकोव भविस्सती”ति (चूळव० अट्ठ० २३८)। **तस्सपापियसिकाकम्मन्ति** च अलुत्तसमासोयेव। तेनाह “**इदं ही**”ति आदि।

सतिविनयकथादिवणना निड्डिता।

### अधिकरणकथावणना

२१५. विरूपतो विपरिणामट्ठेन चित्तं दुक्खं विपच्चतीति आह “**चित्तदुक्खत्थं वोहारो**”तिआदि। **उपवदना**ति चोदना। **तत्थेवा**ति अनुवदने।

**आदितो पट्टाय च तस्स तस्स कम्मस्स विज्जातत्ता**ति वित्थारतो आगतकम्मवग्गस्स आदितो पट्टाय वण्णनामुखेन विज्जातत्ता विनिच्छयो भविस्सतीति योजना।

२१६. पाळियं **अज्झत्तं वा**ति अत्तनि वा अत्तनो परिसाय वा। **बहिद्धा वा**ति परस्मिं वा परस्स परिसाय वा। **अनवस्सवाया**ति अनुप्पादाय।

२२०. “**विवादाधिकरणं कुसलं अकुसलं अब्याकत**”न्ति इदं पुच्छावचनं। **विवादाधिकरणं सिया कुसलन्ति**आदि विसज्जनं। एस नयो सेसेसुपि।

२२२. सम्मुत्तिसभावार्यपि आपत्तिया कारणूपचारेन अकुसलाब्याकतभावेन वुच्चमाने कुसलस्सापि आपत्तिकारणत्ता तदुपचारेन “आपत्ताधिकरणं सिया कुसलं”न्ति वत्तब्बं भवेत्थ, तथा अवत्ता “नत्थि आपत्ताधिकरणं कुसलं”न्ति एवंवचनस्स कारणं दस्सेतुं “**एत्थ सन्धायभासितवसेन अत्थो वेदितब्बो**”ति वुत्तं। एत्थ चायमधिप्पायो — यदि हि आपत्ति नाम परमत्थधम्मसभावा भवेत्थ, तदा “आपत्ताधिकरणं सिया अकुसलं”न्तिआदिवचनं युज्जेत्थ। यस्मा दडुद्धोससिक्खापददुक्कथादीसु दस्सितदोसपसङ्गतो परमत्थसभ आवता न युत्ता, एकन्तसम्मुत्तिसभावा एव सा होति, तस्मा “सिया अकुसलं सिया अब्याकत”न्तिपि निपरियायतो न वत्तब्बा। यदि पन अकुसलअब्याकतधम्मसमुद्भित्तमेव उपादाय परियायतो “सिया अकुसलं सिया अब्याकत”न्ति वुत्तं। तदा कुसलधम्मसमउद्भित्तमपि उपादाय परियायतो “आपत्ताधिकरणं सिया कुसलं”न्तिपि वत्तब्बं भवेत्थ। यतो चेत्तं वचनं आपत्तिया अकुसलाब्याकतूपचाराहत्तस्स कुसलूपचाराहत्तस्स विसुं कारणसम्भावं सन्धाय भासितं, तस्मा यं तं कारणविसेसं सन्धाय इदं भासितं, तस्स वसेनेवेत्थ अत्थो वेदितब्बो।

इदानी पन यो अङ्गप्पहोनकचित्तमेव सन्धाय आपत्तिया अकुसलादिभावो वुत्तो, नाज्जं विसेसकारणं सन्धायति गणहेत्थ, तस्स गाहे दोसं दस्सेन्तो “**यस्मिं ही**”तिआदिमाह। तत्थ **पथवीखणनादिके**ति पथवीखणनादिनिमित्ते पण्णत्तिवज्जे। **आपत्ताधिकरणे कुसलचित्तं** अङ्गन्ति पण्णत्तिं अजानित्वा कुसलचित्तेन चेतियङ्गणादीसु भूमिसोधनादिवसेन पथवीभूतगामविकोपनादिकाले कुसलचित्तं कारणं होति। **तस्मिं सतीति** तस्मिं आपत्ताधिकरणे विज्जमाने कुसलचित्तसमुद्भित्तनेन कुसलवोहारारहाय आपत्तिया विज्जमानायाति अधिप्पायो। **सारत्थदीपनि**यं (सारत्थ० टी० चूळवग्ग ३.२२२) पन “तस्मिं सती”ति इमस्स “तस्मिं कुसलचित्ते आपत्तिभावेन गहिते”ति अत्थो वुत्तो, तं न युज्जति “यस्मिं”न्ति य-सहेन परामट्ठस्सेव आपत्ताधिकरणस्स “तस्मिं”न्ति परामसितब्बतो।

**न सक्का वत्तुन्ति** यदि सम्मुत्तिसभावार्यपि आपत्तिया अकुसलादिसमुद्भित्तनेन अकुसलादिवोहारो करीयति, तदा कुसलवोहारोपि कत्तब्बोति “नत्थि आपत्ताधिकरणं कुसलं”न्ति न सक्का वत्तुं, अज्जत्था अकुसलादिभावोपिस्स पटिक्खितपितब्बोति अधिप्पायो। **तस्मा**ति यस्मा कुसलादीनं तिण्णं समानेपि आपत्तिया अङ्गप्पहोनकत्ते कुसलवोहारोव आपत्तिया पटिक्खितो, न अकुसलादिवोहारो, तस्मा **नयिदं अङ्गप्पहोनकं चित्तं सन्धाय वुत्तन्ति** “आपत्ताधिकरणं सिया अकुसलं सिया अब्याकतं, नत्थि आपत्ताधिकरणं कुसलं”न्ति इदं आपत्तिया समुद्भापकत्तेन अङ्गप्पहोनकं कारणभूतं चित्तमत्तं सन्धाय न वुत्तं, अज्जत्था “आपत्ताधिकरणं सिया कुसलं”न्तिपि वत्तब्बोति अधिप्पायो। एतेन आपत्तिया अकुसलादिभावोपि केनचि निमित्तेन परियायतोव वुत्तो, न परमत्थतोति दस्सेति। यथाह “यं कुसलचित्तेन आपज्जति, तं कुसलं, इतरेहि इतर”न्ति।

**इदं पनाति**आदीसु अयं अधिप्पायो — “आपत्ताधिकरणं सिया अकुसलं सिया अब्याकतं”न्ति इदञ्चि यं किञ्चि कदाचि कत्थिचि कारणं भवन्तं अनियतकारणं सन्धाय वुत्तं न होति। यं पन सब्बसिक्खापदेसु आपत्तिया कारणं भवितुमरहति, इदमेव कारणं सन्धाय वुत्तं। अकुसलञ्चि पण्णत्तिं जत्वा वीतित्थकमन्तस्स सब्बापत्तिया कारणं होति, लोकवज्जापत्तिया पन पण्णत्तिं अजानन्तस्सपि कारणं होति। केवलं पण्णत्तिवज्जापत्तीसु कुसलाब्याकतचित्तपवत्तिक्खणे एव अकुसलं न वत्तति, तदज्जत्थ सयमेव पवत्तति। अब्याकतं पन कायवचीभूतं कुसलाकुसलादीनं पवत्तिक्खणे निरोधसमापन्नस्स सहसेय्यापत्तियन्ति सब्बापत्तिया अङ्गमेव होति छन्न् अपत्तिसमुद्धानां कायवाचङ्गविरहितत्ताभावा। तस्मा इमेसं अकुसलाब्याकतानं सब्बापत्तिमूलकत्तमेव सन्धाय इदं आपत्तिया अकुसलत्तं, अब्याकतत्तञ्च वुत्तं। यत्थ पन पथवीखणनादीसु कुसलमपि आपत्तिया कारणं होति, तत्थापि आपत्तिया तदुपचारेन कुसलत्तवोहारो अयुत्तो सावज्जानवज्जानं एकत्तवोहारस्स विरूद्धता। यदग्गेन अज्जमज्जं विरूद्धा, तदग्गेन कारणकारियवोहारोपि नेसं अयुत्तो। तस्मा तत्थ विज्जमानमपि कुसलं अब्बोहारिकं, कायवचीद्वारमेव आवेणिकं कारणन्ति।

तत्थ **एकन्ततो अकुसलमेवा**ति अकुसलचित्तेन समुद्भूततो कारणूपचारतो एवं वुत्तं। **तत्था**ति लोकवज्जे। **विकप्पो नत्थी**ति सिया-सदस्स विकप्पनत्थत्तं दस्सेति। **अकुसलं होतीति** अकुसलसमुद्भित्ताय कारणूपचारेन अकुसलं होति। **सहसेय्यादिवसेन आपज्जनतो अब्याकतं होतीति** इत्थियादीहि सह पिड्डिपसारणवसपवत्तकायद्वारसङ्घातरूपाब्याकतवसेनेव आपज्जितब्बतो कारणूपचारेनेव आपत्ति अब्याकतं होति। **तत्था**ति तस्मिं पण्णत्तिवज्जापत्ताधिकरणे। **सज्जिच्चासज्जिच्चवसेना**ति पण्णत्तिं जत्वा, अज्जत्त्वा च आपज्जनवसेन **इमं विकप्पभावं सन्धाय** अकुसलत्तअब्याकतत्तसङ्घातं यथावुत्तं इमं विकप्पसभावं सन्धाय इदं वचनं वुत्तं।

यदि एवं असज्जिच्चापज्जनपक्खे कुसलेनापि आपज्जनतो तम्पि विकप्पं सन्धाय “आपत्ताधिकरणं सिया कुसलं”न्तिपि कस्मा न वुत्तन्ति आह “**सचे पना**”तिआदि। “अचित्तकानं”न्ति वुत्तमेवत्थं

समुद्धानवसेन विभावेतुं “एळकलोमपदसोधम्मादिसमुद्धानानम्पी”ति वुत्तं। अचित्तकसमुद्धानानं “कुसलचित्तं आपज्जेय्या”ति एतेन सावज्जभूताय आपत्तिया कारणूपचारेनापि अनवज्जभूतकुसलवोहारो अयुत्तोति दस्सेति। “न च तत्था”ति आदिना कुसलस्स आपत्तिया कारणत्तं विज्जमानम्मि तथा वोहरितुं अयुत्तन्ति पटिक्खिपित्वा कायवाचासङ्घातं अब्बाकतस्सेव कारणत्तं दस्सेति। तत्थ **चलितप्पवत्तानन्ति** चलितानं, पवत्तानञ्च। चलितो हि कायो, पवत्ता वाचा। एत्थ च कायवाचानमञ्जतरमेव अङ्गं। तञ्च...पे०... अब्बाकतन्ति एवं अब्बाकतस्स आपत्तिकारणभावेनेव वुत्तता। “आपत्ताधिकरणं सिया अकुसलं सिया अब्बाकत”न्ति इदं कारणूपचारेन परियायतो वुत्तं, न निप्परियायतोति सिञ्जति।

यं पन **सारत्थदीपनि**यं (सारत्थ० टी० चूळव० ३.२२२) आपत्तिया निप्परियायतोव अकुसलादिसभावत्तं समत्थेतुं बहुं पपञ्चितं, तं न सारतो पच्चेतब्बं दुडुदोससिक्खापददुक्कथायमेव पटिक्खित्तता। तेनेवेत्थापि “यं चित्तं आपत्तिया अङ्गं होतुं”ति आदिना अकुसलचित्तस्सापि आपत्तिया कारणत्तेन भिन्नताव दस्सिता। यं पनेत्थ वत्तब्बं, तं हेट्ठा दस्सितमेवाति इध न वित्थारयिम्ह। एवं **वीतिक्कमतो यो वीतिक्कमोति** एत्थ अकुसलचित्तेन जत्था वीतिक्कमन्तस्स कायवचीवीतिक्कमसमुद्दिता आपत्तिवीतिक्कमोति वुत्तो। एस नयो अब्बाकतवारंपि।

अधिकरणकथावण्णना निड्डिता।

#### अधिकरणवूपसमनसमथकथादिवण्णना

२२८. पाळियं **विवादाधिकरणं एकं समथं अनागम्माति** आदि पुच्छा। **सियाति** आदि विस्सज्जनं। **सियातिस्स वचनीयन्ति** एतेनेव वूपसमं सियाति वत्तब्बं भवेय्याति अत्थो। **सम्मुखाविनयस्मिन्ति** सम्मुखाविनयत्तस्मिन्ति भावप्पधानो निद्देशो दडुब्बो। एवं सब्बवारेसु। “**कारको उक्कोटेतो**”ति इदं उपलक्खणमत्तं, यस्स कस्सचि उक्कोटेन्तस्स पाचित्तियमेव। उब्बाहिकाय खीयनके पाचित्तियं न वुत्तं तत्थ छन्ददानस्स नत्थिताय।

२३५. **वण्णावण्णायो कत्वाति** खुद्दकमहन्तेहि सञ्जाणेहि युत्तायो कत्वा। तेनाह “**निमित्तसञ्जं आरोपेत्वा**”ति।

२४२. **किच्चाधिकरणं ...पे०... सम्मतीति** एत्थ सम्मुखाविनयेन अपलोकादिकम्मं सम्पज्जतीति अत्थो दडुब्बो।

अधिकरणवूपसमनसमथकथादिवण्णना निड्डिता।

समथक्खन्धकवण्णनानयो निड्डितो।

### ५. खुद्दकवत्थुक्खन्धको

#### खुद्दकवत्थुकथावण्णना

२४३. खुद्दकवत्थुक्खन्धके **अट्टपदाकारेनाति** जूतफलके अट्टगम्भराजिआकारेन। **मल्लकमूलसण्ठानेनाति** खेळमल्लकमूलसण्ठानेन। इदञ्च वट्टाधारकं सन्धाय वुत्तं, कण्टके उट्टापेत्वा कतवट्टकपालस्सेतं अधिवचनं।

२४४. **पुथुपाणिक्कन्ति** मुट्ठि अकत्वा विकसितहत्थत्तलेहि पिड्डिपरिकम्मं वुच्चाति। एतमेव सन्धाय “**हत्थपरिकम्मं**”न्ति वुत्तं।

२४५. **मुत्तोलम्बकादीनन्ति** आदि-सदेन कुण्डलादि सङ्गन्हाति। **पलम्बकसुत्तन्ति** ब्राह्मणानं यञ्जोपचितसुत्तादि आकारं वुच्चाति। **वल्यन्ति** हत्थपादवल्यं।

२४६. **द्वङ्गुलेति** उपयोगबहुवचनं, द्वङ्गुलप्पमाणं अतिक्कामेतुं न वट्टतीति अत्थो। एत्थ च दुमासस्स वा द्वङ्गुलस्स वा अतिक्कन्तभावं अजानन्तस्सापि केसमस्सुगणनाय अचित्तकापत्तियो होन्तीति वदन्ति।

**कोच्छेनाति** उसीरतिणादीनं बन्धित्वा समं छिन्दित्वा गहितकोच्छेन। **चिक्कलेनाति** सिलेसयुत्तलेने। **उण्हाभितत्तरजसिरानम्पीति** उण्हाभितत्तानं रजोकिण्णसिरानं। **अदहत्थेनाति** अल्लहत्थेन।

२४८-९. **साधुगीतन्ति** अनिच्चतादिपटिसञ्जुत्तं गीतं। **चतुरस्सेन वत्तेनाति** परिपुण्णेन उच्चारणवत्तेन। तरङ्गवत्तादीनं सब्बेसम्पि सामञ्जलक्खणं दस्सेतुं “**सब्बेसं...पे०... लक्खणं**”न्ति वुत्तं। यत्तकाहि मत्ताहि अक्खरं परिपुण्णं होति, ततोपि अधिकमत्तायुत्तं कत्वा कथनं **विकारकथनं** नाम, तथा अकत्वा कथनमेव **लक्खणन्ति** अत्थो। **बाहिरलोमिन्ति** भावनपुंसकनिद्देशो, यथा बहिर्द्धा लोमानि दिस्सन्ति, एवं धारेन्तस्स दुक्कटन्ति अत्थो।

२५०. पाळियं **तरुणञ्जेव अम्बन्ति** तरुणं असञ्जातबीजं एव अम्बफलं। **पातापेत्वाति** छिन्दापेत्वाव। “**मत्तावण्णिता**”ति इदं “परे निन्दन्ती”ति सासनहितेसिताय वुत्तं। न **परियापुणिसूति** नासिक्खिसु।

२५१. **चत्तारि अहिराजकुलानीति** सब्बेसं अहिभेदानं चतूसु एव सङ्गहतो वुत्तं। **अत्तपरित्तं कातुन्ति** अत्तनो परित्ताणं कातुं।

**विरूपक्खेहि मे मेत्तन्ति** विरूपक्खजातिकेहि नागेहि सह मय्हं मित्तभावो होतु, मेत्ता होतुति अत्थो, ते सुखिता निदुक्खा अवेरा होन्तुति अधिप्पायो। एवञ्चि मेत्ताफरणं होति। सेसेसुपि एसेव नयो। **अपादकेहीति** अहिकुलेहि सह सब्बसत्तेसु ओधिसो मेत्ताफरणदस्सनं। **मा मं अपादको हिंसीति** ताय मेत्ताय अत्तरक्खाविधानदस्सनं।

**सब्बे सत्ताति** आदि अत्तानं उपमं कत्वा सब्बसत्तेसु अनोधिसो मेत्ताफरणदस्सनं। तत्थ **मा कञ्चि पापमागमाति** कञ्चि सत्तं लामकं दुक्खहेतु, दुक्खञ्च मा आगच्छतु।

एवं मेत्ताय अत्तगुत्ति दस्सेत्वा इदानीं रतनत्तयानुस्सरणेन दस्सेतुं “**अप्पमाणो**”ति आदि वुत्तं। तत्थ पमाणकरधम्मा अकुसला, तब्बिपाका च पमाणा, तत्पटिपक्खा सीलादयो गुणा, तब्बिपाका च लोकियलोकुत्तरफलानि अप्पमाणा, ते अस्स अत्थीति **अप्पमाणो**, अप्पमाणा वा अपरिमेयगुणा अस्सातिपि **अप्पमाणो**। **पमाणवन्तानीति** यथावुत्तपमाणकरधम्मयुत्तानि। **अहिविच्छिकाति** सरीसपाणञ्जेव पभेददस्सनं। **उण्णनाभीति** लोमसनाभिको मक्कटो। **सरबूति** घरगोळिका।

**पटिक्कमन्तूति** अपगच्छन्तु, मा मं विहेसयिसूति अत्थो। **सोहं नमोति** एत्थ “करोमी”ति पाठसेसो। यस्मा मया मेत्तादीहि तुम्हाकञ्च मय्हञ्च रक्खा कता, यस्मा च सोहं भगवतो नमो करोमि, विपस्सीआदीनं सत्तन्मि नमो करोमि, तस्मा पटिक्कमन्तु भूतानीति योजना।

**अञ्जम्हीति** कामरागे असुभमनसिकारादिना छेतब्बेति अत्थो। **अङ्गजानन्ति** बीजविरहितं पुरिसनिमित्तं। बीजे हि छिन्ने ओपक्कमिकपण्डको नाम अभब्बो होतीति वदन्ति। एके पन “बीजस्सापि छेदनक्खणे दुक्कटापत्ति एव कमेन पुरिसिन्द्रियादिके अन्तरहिते पण्डको नाम अभब्बो होति, तदा लिङ्गनासनाय नासेतब्बो”ति वदन्ति। **तादिसं वा दुक्खं उप्पादेन्तस्साति** मुट्ठिप्पहारादीहि अत्तनो दुक्खं उप्पादेन्तस्स।

२५२. पाळियं तुह्मेसो पत्तोति “यो च अरहा चेव इद्धिमा च, तस्स दिन्ममेवा”ति सेट्ठिना वुत्तं, तं सन्धाय वदति। तं पत्तं गहेत्वा तिकखत्तुं राजगहं अनुपरियायीति एत्थ वेळुपरम्पराय बद्धपत्तस्स उपरिभागे आकासे नगरं तिकखत्तुं अनुपरियायित्वा ठितभावं सन्धाय “पत्तं गहेत्वा”ति वुत्तं, न पन थैरो हत्थेन पत्तं सयमेव अग्गहंसि। केचि पन वदन्ति “इद्धिबलेन तं पत्तं वेळुपरम्परतो मुञ्चित्वा थैरं अनुबन्धमानो अट्ठासि, सो च अनेन हत्थेन गहितो विय अहोसी”ति। तथा ठितमेव पन सन्धाय “भारद्वाजस्स हत्थतो पत्तं गहेत्वा”ति वुत्तं। ते च मनुस्सा...पे०... अनुबन्धिसूति ये च मनुस्सा पठमं पाटिहारियं नाहंसु, ते अम्हाकम्पि पाटिहारियं दस्सेहीति थैरमनुबन्धिसु। थैरो च सीहब्बग्घादिरूपं गहेत्वा विकुब्बनिद्धिं दस्सेति, ते च अच्छरियम्भुतजाता उच्चासद्दा महासद्दा अहेसुं। तेनाह “किं नु खो सो, आनन्द, उच्चासद्दो महासद्दो”ति। इद्धिपाटिहारियं न दस्सेतब्बन्ति एत्थ “यो पकतिवण्णं विजहित्वा कुमारवण्णं वा दस्सेति, नागवण्णं वा...पे०... विविधम्पि सेनाब्बूहं दस्सेती”ति (पटि० म० ३.१३) एवमागतो अत्तनो सरीरस्स विकारापादनवसम्पत्ता विकुब्बनिद्धिं अधिप्येताति आह “अधिद्वानिद्धिं पन अप्पटिक्खिता”ति। पकतिया एको बहुकं आवज्जति, सत्तं वा सहस्सं वा सत्तसहस्सं वा आवज्जेत्वा जाणेन अधिद्वानिद्धिं “बहुको होमी”ति (पटि० म० ३.१०) एवं दस्सिता अधिद्वानवसेन निष्फन्ना अधिद्वानिद्धिं नाम। गिहिविकटानीति गिहिसन्तकानि।

२५३. पाळियं न अच्छुपियन्तीति न फुसितानि होन्ति। रूपकाकिण्णानीति इत्थिरूपादीहि आकिण्णानि।

२५४. भूमिआधारकेति दन्तादीहि कते वलयाधारके। एतस्स वलयाधारकस्स अनुच्चताय ठपिता पत्ता न परिपतन्तीति “तयो पत्ते ठपेत्तुं वट्ठती”ति वुत्तं। अनुच्चतज्झि सन्धाय अयं “भूमिआधारको”ति वुत्तो। दारुआधारकदण्डाधारकेसूति एकदारुना कतआधारके, बहूहि दण्डेहि कतआधारके च। एते च उच्चतरा होन्ति पत्तेहि सह पतनसभावा। तेन “सुसज्जितेसू”ति वुत्तं। भमकोटिसदिसोति यत्थ भमकरणादि पवेसेत्वा लिखन्ति, तस्स भमकस्स कोटिया सदिसो। तादिसस्स दारुआधारकस्स अवित्थिण्णताय ठपितापि पत्तो पततीति “अनोकासो”ति वुत्तो।

आलिन्दकमिड्डिकादीनन्ति पमुखमिड्डिकादीनं, उच्चवत्थुकानन्ति अत्थो। बाहिरपस्सेति पासादादीनं बहिकुट्टे। तनुकमिड्डिकायाति वेदिकाय। सब्बत्थ पन हत्थप्पमाणतो अब्भन्तरे ठपेत्तुं वट्ठति। आधारे पन ततो बहिपि वट्ठति।

पाळियं ओट्टोति मुखवट्ठि। पत्तमाळकन्ति उपचिकानं अनुद्धहनत्थाय भूमितो उच्चतरं कतं वेदिकाकारमाळकं। महामुखकुण्डसण्णानाति महामुखचाटिसण्णाना। लग्गेन्तस्स दुक्कटन्ति केवलं पत्तं लग्गेन्तस्स, न थविकाय लग्गेन्तस्साति वदन्ति। वीमसितब्बं। अज्जेन पन भण्डकेनाति अज्जेन भारबन्धनेन भण्डकेन। “बन्धित्वा ओलम्बेत्तु”न्ति वुत्तता पत्तत्थविकाय अंसबद्धको यथा लग्गितट्टानतो न परिगळति, तथा सब्बत्थापि बन्धित्वा ठपेत्तुं वट्ठति। बन्धित्वापि उपरि ठपेत्तुं न वट्ठतीति उपरि निसीदन्ता ओत्थरित्वा भिन्दन्तीति वुत्तं। तत्थ ठपेत्तुं वट्ठतीति निसीदनसङ्काभावतो वुत्तं। बन्धित्वा वाति बन्धित्वा ठपितछत्ते वा। यो कोचीति भत्तपूरापि तुच्छपत्तोपि।

२५५. परिहरित्तुति दिवसे दिवसे पिण्डाय चरणत्थाय ठपेत्तुं। पत्तं अलभन्तेन पन एकदिवसं पिण्डाय चरित्वा भुञ्जित्वा छट्ठेत्तुं वट्ठति। तेनाह “तावकालिकं परिभुञ्जितुं वट्ठती”ति। पण्णपुट्टादीसुपि एसेव नयो। अभुं मेति अभूति मद्दं, विनासो मद्दन्ति अत्थो। पाळियं पिसाचो वतमन्ति पिसाचो वतायं, अयमेव वा पाठो। पिसाचिल्लिकाति पिसाचदारका। छवसीसस्स पत्तोति छवसीसमयो पत्तो। पकतिविकारसम्बन्धे चेत्तं सामिवचनं।

चब्बेत्वाति निट्ठमित्वा। “पटिगहं कत्वा”ति वुत्तता उच्छिद्दुहत्थेन उदकं गहेत्वा पत्तं परिफोसित्वा धोवनधंसनवसेन हत्थं धोवितुं वट्ठति, एत्तकेन पत्तं पटिगहं कत्वा हत्थो धोवितो नाम न होति। एकं उदकगण्डुसं गहेत्वाति पत्तं अफुसित्वा तत्थ उदकमेव उच्छिद्दुहत्थेन उक्खिपित्वा गण्डुसं कत्वा, वामहत्थेनेव वा पत्तं उक्खिपित्वा मुखेन गण्डुसं गहेत्तुम्पि वट्ठति। बहि उदकेन विक्खालेत्वाति द्वीसु अङ्गुलीसु आमिसमत्तं विक्खालेत्वा बहि गहेत्तुम्पि वट्ठति। पटिखादितुकामोति एत्थ न सयं खादितुकामोपि अज्जेसे खादनारहं ठपेत्तुं लभति। तत्थेव कत्वाति पत्तेयेव यथाठपितट्टानतो अनुद्धरित्वा। लुञ्चित्वाति ततो मंसमेव निरवसेसं उप्पट्टेत्वा।

२५६. किण्णचुण्णेनाति सुराकिण्णचुण्णेन। मक्खेतुन्ति सूचिं मक्खेतुं। निस्सेणिम्पीति चतूहि दण्डेहि चीवरप्पमाणेन आयतचतुरस्सं कत्वा बद्धपटलम्पि। एत्थ हि चीवरकोटियो समकं बन्धित्वा चीवरं यथासुखं सिब्बन्ति। तत्थ अत्थरितब्बन्ति तस्सा निस्सेणिया उपरि चीवरस्स उपत्थम्भनत्थाय अत्थरितब्बं। कथिनसङ्गाताय निस्सेणिया चीवरस्स बन्धनकरज्जु कथिनरज्जूति मज्झिमपदलोपोसमासोति आह “याया”तिआदि। तत्थ यस्मा द्विन्नं पटलानं एकस्मिं अधिके जाते तत्थ वलियो होन्ति, तस्मा दुपट्टचीवरस्स पटलद्वयम्पि समकं कत्वा बन्धनकरज्जु कथिनरज्जूति वेदितब्बं।

पाळियं कथिनस्स अन्तो जीरतीति कथिने बद्धस्स चीवरस्स परियन्तो जीरति। कथिननिस्सितज्झि चीवरं इध निस्सयवोहारेन “कथिन”न्ति वुत्तं “मज्जा घोसन्ती”तिआदीसु विय। अनुवातं परिभण्डन्ति कथिने बन्धनरज्जूहि चीवरस्स समन्ता परियन्तस्स अजीरणत्थं येहि केहिचि चोळकेहि दीघतो अनुवातं, तिरियतो परिभण्डज्ज सिब्बित्वा कात्तुं यत्थ रज्जुको पवेसेत्वा दण्डेसु पल्लिवेठेत्वा चीवरसमकं आकट्ठितुं सक्का, तादिसन्ति अत्थो। केचि पन “कथिनसङ्गातेसु किलज्जादीसु एव अजीरणत्थाय अनुवातपरिभण्डकरणं अनुज्जात”न्ति वदन्ति। तस्स मज्जेति पुराणकथिनस्सेव अन्तो। भिक्खुनो पमाणेनाति भिक्खुनो चीवरस्स पमाणेन। अज्जं निस्सेणिन्ति दीघतो च तिरियतो च अज्जं दण्डं ठपेत्वा बन्धितुं।

विदलकन्ति दिगुणकरणसङ्गातकिरियाविसेसस्स अधिवचनं। तेनाह “दुगुणकरण”न्ति। पवेसनसलाकन्ति वलीनं अग्गहणत्थाय पवेसनकवेळुसलाकादि। पाळियं पटिगहन्ति अङ्गुलिकञ्चुकं।

२५७. पाति नाम भण्डपुनको भाजनविसेसो। पाळियं पटिगहत्थविकन्ति पातिआदिभाजनत्थविकं। चिनिन्ति उच्चवत्थुपरियन्तस्स अपतनत्थाय इड्डकादीहि चिनिन्ति। आलम्बनबाहन्ति आलम्बनरज्जुदण्डादि। परिभिज्जतीति कटसारदिकं कथिनमज्जे भङ्गं होति। उस्सापेत्वाति दण्डकथिनं सन्धाय वुत्तं।

२५८-९. उदकं अकप्पियन्ति सप्पाणकं। उपनन्धीति वेरं बन्धि। अद्धानमग्गो पटिपज्जितब्बोति एत्थ अद्ध्योजनं अद्धानमग्गो नाम, तं पटिपज्जितुकामस्स सज्जिच्च विहारूपचारातिक्कमने आपत्ति। असज्जिच्च गतस्स पन यत्थ सरति, तत्थ उत्त्वा सङ्घाटिकण्णादिं अनधिद्वहित्वा गमने पदवारेन आपत्तीति वेदितब्बं। न सम्मतीति न पहीति।

२६०. अभिसन्नकायाति सेम्हादिदोससन्निचितकाया। तत्थ मज्जेति अग्गळपासकस्स मज्जे। उपरीति अग्गळपासकस्स उपरिभागे। उदकट्टपनट्टानन्ति उदकट्टपनत्थाय परिच्छिन्दित्वा कतट्टानं।

२६१. पाळियं उदपानन्ति कूपं। नीचवत्थुकोति कूपस्स समन्ता कूलट्टानं, भूमिसमं तिड्ढतीति अत्थो। उदकेन ओत्थरिथ्यतीति समन्ता वस्सोदकं आगन्त्वा कूपे पततीति अत्थो।

२६२. वाहेन्तीति उस्सिज्जन्ति। अरहट्ठट्टियन्तं नाम चक्कसण्णानं अनेकारं अरे अरे घटिकानि बन्धित्वा एकेन, द्वीहि वा परिभ्रमियमानयन्तं।

२६३. आविद्धपक्खपासकन्ति कण्णिकमण्डलस्स समन्ता ठपितपक्खपासकं। मण्डलेति कण्णिकमण्डले। पक्खपासके ठपेत्वाति समन्ता चतुरस्साकारेन फलकादीनि ठपेत्वा।

२६४. नमतकं नाम सन्थतसदिसन्ति केचि वदन्ति। केचि पन “रुक्खतचमय”न्ति। चम्पखण्डपरिहारेनाति अनधिद्वहित्वा सयनासनविधिनाति अत्थो। पेळायति अङ्गुससोळसंसादिआकारेन कताय भाजनाकाराय पेळाय। यत्थ उण्हापायासादिं पक्खिपित्वा उपरि भोजनपातिं ठपेन्ति भत्तस्स उण्हाभावाविगमनत्थं, तादिसस्स भाजनाकारस्स आधारस्सेतं अधिवचनं। तेनेव पाळियं “आसित्तकूपधान”न्ति वुत्तं। तस्स च पायासादीहि आसित्तकाधारोति अत्थो। इदञ्च आसित्तकूपधानं पच्चन्तेसु न जानन्ति कात्तुं, मज्झिमदेसेयेव करोन्ति। केचि पन “गिहिपरिभोगो अयोमयादि सब्बोपि आधरो आसित्तकूपधानमेव अनुलोमेती”ति वदन्ति, एके पन “कप्पियलोहमयो आधरो मळोरिकमेव अनुलोमेती”ति। वीमसित्वा गहेतब्बं। पुब्बे पत्तगुत्तिया आधरो अनुज्जातो। इदानीं भुञ्जितुं मळोरिका अनुज्जाता। छिद्दन्ति छिद्दयुत्तं। विद्धन्ति अन्तोविनिविद्धिद्धं। आविद्धन्ति समन्ततो छिद्दं।

२६५. पत्तं निक्कुज्जितुन्ति एत्थ कम्मवाचाय असम्भोगकरणवसेनेव निक्कुज्जनं, न पत्तानं अधोमुखदुपनेन। तेनाह “असम्भोगं सङ्गेन करोतू”तिआदि, तं वट्ठं कम्मवाचाय सङ्गेन सङ्गि

असम्भोगं सङ्गो करोतूति अत्थो।

पतं निक्कुज्जेयाति वड्डस्स पतनिक्कुज्जनदण्डकम्मं करेय्य। असम्भोगं सङ्गेन करणन्ति सङ्गेन वड्डस्स असम्भोगकरणं। यथा असम्भोगो होति, तथा करणन्ति अत्थो। निक्कुज्जितो...पे०... असम्भोगं सङ्गेनाति एत्थ सङ्गेन असम्भोगो होतीति अत्थो दट्ठब्बो। एवं भगवता असम्भोगकरणस्स आणत्तता, कम्मवाचाय च सावितता, अट्टकथायञ्च “कोचि देय्यधम्मो न गहेतब्बो”ति वुत्तता पत्ते निक्कुज्जिते तस्स सन्तकं जत्वा गण्हन्तस्स दुक्कटमेवाति गहेतब्बं।

अच्चयोति जायप्पटिपत्तिं अतिक्कमित्वा पवत्ति, अपराधोति अत्थो। मं अच्चगमाति मं अतिक्कम्म पवत्तो। तं ते मयं पटिगणहामाति तं ते अपराधं मयं खमाम। भिक्खून् अलाभाय परिसक्कतीति आदीसु अलाभाय परिसक्कनादितो विरतोति एवमत्थो गहेतब्बो। असम्भोगं भिक्खुसङ्गेनाति एत्थ “कतो”ति पाठसेसो।

२६८. याव पच्छिमा सोपानकळेवराति पठमसोपानफलकं सन्थाय वुत्तं। तज्झि पच्छा दुस्सेन सन्थतता एव वुत्तं। “पच्छिमं जनतं तथागतो अनुकम्पती”ति इदं थेरो अनागते भिक्खून् चेलपटिकस्स अक्कमनपच्चया अपवादं सिकखापदपञ्जत्तिया निवारणेन भगवतो अनुकम्पं सन्थायाह। अपगतगम्भाति विजातपुत्ता। तेनाह “मङ्गलत्थाया”ति।

२६९-२७०. बीजनन्ति चतुरस्सबीजनि। एकपण्णच्छन्ति तालपण्णादिना एकेन पत्तेन कतच्छत्तं।

२७४-५. अनुरक्खणत्थन्ति परिगहेत्वा गोपनत्थं। दीधं कारेन्तीति केसेहि सङ्घि अच्छिन्दित्वा ठपापेन्ति। चतुकोणन्ति यथा उपरि नलाटन्तेसु द्वे, हेड्डा हनुकपस्से द्वेति चत्तारो कोणा पञ्जायन्ति, एवं चतुरस्सं कत्वा कप्पापनं। पाळियं दाठिकं ठपापेन्तीति उत्तरोट्टे मस्सुं अच्छिन्दित्वा ठपापेन्ति। रुधीति खुद्वकवणं।

२७७. पाळियं लोहभण्डकंसभण्डसन्निचयोति लोहभण्डस्स, कंसभण्डस्स च सन्निचयोति अत्थो। बन्धनमत्तन्ति वासिदण्डादीनं कोटीसु अपातनत्थं लोहेहि बन्धनं। तन्तकन्ति आयोगवायनत्थं तदाकारेन पसारिततन्तं।

२७८. “यत्थ सरति, तत्थ बन्धितब्ब”न्ति एतेन असञ्चिच्च कायबन्धनं अबन्धित्वा पविट्टस्स अनापतीति दस्सेति। मुरजवट्टिसण्ठानं वेठेत्वा कतन्ति एवं बहुरज्जुके एकतो कत्वा नानावण्णेहि सुत्तेहि कतन्ति केचि वदन्ति। एकवण्णसुत्तेनापि वलयघटकादिविकारं दस्सेत्वा वेठितम्पि मुरजमेव। विकारं पन अदस्सेत्वा मट्ठं कत्वा निरन्तरं वेठितं वट्टति। तेनेव दुतियपाराजिकसंवण्णनायं वुत्तं “बहुरज्जुके एकतो कत्वा एकेन निरन्तरं वेठेत्वा कतं ‘बहुरज्जुक’न्ति न वत्तब्बं, वट्टती”ति। मुद्दिक्कायबन्धनं नाम चतुरस्सं अकत्वा सज्जितं। पामङ्गदसा चतुरस्सा। मुद्दिक्कसण्ठेनेनाति वरकसीसाकारेन। पासन्तोति दसापरियोसानं।

२७९. पाळियं गण्ठकफलकं पासकफलकन्ति एत्थ दारुदन्तादिमयेसु फलकेसु गण्ठकपासकानि अप्पेत्वा चीवरे ठपेत्तुं अनुज्जातं। कोट्टो विवरियतीति अनुवातो विवरियति।

२८०-१. पाळिकारकोति भिक्खून् यथावुट्ठं पाळिया पतिट्ठापको। तस्सापि तथा पारुपित्तं न वट्टति। पाळियं मुण्डवट्ठीति मल्लादयो।

२८२. पमाणङ्गुलेनाति वट्टकी अङ्गुलेन। केचि पन “पकति अङ्गुलेना”ति वदन्ति, तं चतुरङ्गुलपच्छिमकवचनेन न समेति। न हि पकतङ्गुलेन चतुरङ्गुलपमाणं दन्तकट्टं कण्ठे अविलग्नं खादितुं सकाति।

२८५. पाळियं सकाय निरुत्तिया बुद्धवचनं दूसेन्तीति मागधभासाय सब्बेसं वत्तुं सुकरताय हीनजच्चापि उग्गण्हन्ता दूसेन्तीति अत्थो।

२८९. मा भिक्खू ब्याबाधयिस्सूति लसुणगन्धेन भिक्खू मा बाधयिस्सु।

२९१. अवलेखनपीठरोति अवलेखनकट्टानं ठपनभाजनविसेसो। अपिधानन्ति पिधानफलकादि।

खुद्वकवत्थुकथावण्णना निट्ठितो।

खुद्वकवत्थुक्खन्धकवण्णनानयो निट्ठितो।

## ६. सेनासनक्खन्धको

विहारानुजाननकथावण्णना

२९५. सेनासनक्खन्धके सिसिरेति सिसिरकाले हिमपातवसेन सत्ताहवहलिकादिवस्सपातवस्सेन च उप्पन्नो खरो सीतसम्फस्सो अधिप्पेतोति आह “सम्फुसितको”ति। “ततो”ति इदं कतुअत्थे निस्सक्कवचनं, तेन च विहारेन वातातपो पटिहज्जतीति अत्थोति आह “विहारेन पटिहज्जती”ति।

२९६. आविञ्छनछिदन्ति यत्थ अङ्गुलिं वा रज्जुसङ्कलिकादिं वा पवेसेत्वा कवाटं आकङ्कन्ता द्वारबाहं फुसापेन्ति, तस्सेतं अधिवचनं। सेनासनपरिभोगे अकप्पियं नाम नत्थीति दस्सनत्थं “सचेपि दीपिनड्डेना”ति आदि वुत्तं। चेतिथे वेदिकासदिसन्ति वातपानदारुं वा जालं वा अट्टपेत्वा दारुद्वाने चेतिथे वेदिकाय पट्टादीनि विय इट्टकादीहि उट्ठं, तिरियञ्च पट्टिकादयो दस्सेत्वा चतुछिदयुत्तं कतं। थम्भकवातपानं नाम तिरियं दारुनि अदत्वा उट्ठं ठपितदारुहि एव कतं। चोळकपादपुञ्चनं बन्धितुन्ति वातपानप्पमाणेन पादपुञ्चनसदिसं चोळकादिना बन्धित्वा वग्गुलिआदिप्पवेसननिवारणत्थं, कथेतुन्ति अत्थो। मिट्टकन्ति मञ्चाकारेन कट्टमत्तिकादीहि कतवेदिकाकारं।

२९७. चतुरस्सपीठन्ति समचतुरस्सं। अट्टङ्गुलपादकं वट्टतीति अट्टङ्गुलपादकमेव वट्टति। पमाणातिक्कन्तोपि वट्टतीति समचतुरस्समेव सन्थाय वुत्तं। आयतचतुरस्सा पन सत्तङ्गपञ्चङ्गापि उच्चपादा न वट्टन्ति। वेत्तेहेव चतुरस्सादिआकारेन कतं भट्टपीठन्ति आह “वेत्तमयं पीठ”न्ति। दारुपट्टिकाय उपरीति अटनिआकारेन ठितदारुपटलस्स हेड्डा उट्ठं पादं कत्वा। पवेसनकालज्झि सन्थाय “उपरी”ति वुत्तं। एळकस्स पच्छिमपादद्वयं विय वट्टाकारेन ठितत्ता पनेतं “एळकपादपीठ”न्ति वुत्तं। पलोठेन्तीति सह मज्जेहि पवट्टेन्ति। रुक्खे, लता च मुञ्चित्वा अवसेसं गच्छादिकं सब्बम्पि तिणजाति एवाति आह “येसं केसञ्चि तिणजातिकान”न्ति आदि।

उपदहन्तीति ठपेन्ति। सीसप्पमाणं नाम यत्थ गीवाय सह सकलं सीसं ठपेत्तुं सक्का, तस्स च मुट्ठिरतनं वित्थारप्पमाणन्ति दस्सेन्तो “वित्थारतो”ति आदिमाह। इदञ्च बिम्बोहनस्स उभोसु अन्तेसु ठपेतब्बचोळप्पमाणदस्सनं। तस्स वसेन बिम्बोहनस्स वित्थारप्पमाणं परिच्छिज्जति, तं वट्टं वा चतुरस्सं वा कत्वा सिब्बितं यथा कोटितो कोटि वित्थारतो पुथुलद्वानं मुट्ठिरतनप्पमाणं होति, एवं सिब्बितब्बं। इतो अधिकं न वट्टति, तं पन अन्तेसु ठपितचोळं कोटिया कोटि आहच्च दिग्गुणं कतं तिक्कणं होति। तेसु तीसु कण्णेसु द्विन्नं कण्णानमन्तरं विदत्थिचतुरङ्गुलं होति, मज्झद्वानं कोटितो कोटि आहच्च मुट्ठिरतनं होति, इदमस्स उक्कट्टप्पमाणं। तेनाह “तीसु कण्णेसू”ति आदि।

“कम्बलमेव...पे०... उण्णभिसिसङ्खमेव गच्छती”ति सामञ्जतो वुत्तता गोनकादिअकप्पियम्पि उण्णमयत्थरणं भिसियं पक्खिपित्वा सयितुं वट्टतीति दट्ठब्बं।

मसूकेति चम्ममयभिसियं। चम्ममयं पन बिम्बोहनं तूलपुण्णम्पि न वट्टति। पाळियं **सेनासनपरिक्खारदुस्सन्ति** सेनासनपरिक्खारकरणत्थाय दुस्सं। **भिसि ओनन्धितुन्ति** भिसित्थविकाय पक्खिपित्वा बन्धितुं। **परिभिज्जतीति** मच्चादितो सारियमाना पीठकोटिआदीसु निसीदन्तेहि घंसियमाना भिसि परिभिज्जति। **ओनद्धमज्जन्ति** भिसि एकाबद्धं कत्वा बद्धमज्जं। पाळियं **छवि उप्पाटेत्वा हरन्तीति** भिसिच्छविं चोरा हरन्ति। **फोसितुन्ति** चोरेहि हरितस्स पच्चा हरितसज्जाणफुसितबिन्दूनि दातुं। **भित्तिकम्पन्ति** नानावण्णेहि विभित्तिराजिकरणं। **हत्थकम्पन्ति** हत्थेन यं किञ्चि सज्जाकरणं।

२९८. पाळियं न निपततीति न अल्लीयति। **पटिबाहेत्वाति** घंसित्वा। न निबन्धतीति **अनिबन्धनीयो**, न लग्नकोति अत्थो।

२९९. “करोही”ति वत्तुम्पि न लब्धतीति आणत्तिया एव पटिक्खित्ता द्वारपालं “किं न करोसी”ति आदिना परियायेन वत्तुं वट्टति। **जातकपकरणन्ति** जातकपटिसंयुतं इत्थिपुरिसादि यं किञ्चि रूपं अधिपेतं। “परेहि कारापेतु”न्ति वृत्ता बुद्धरूपम्पि सयं कातुं न लभति। पाळियं **पञ्चपटिकन्ति** जातिआदिपञ्चप्पकारवण्णमट्टं।

३००. **उपचारो न होतीति** गम्भस्स बहि समन्ता अनुपरिगमनस्स ओकासो नप्पहोति। **रुक्खं विज्झित्वाति** तच्छित्तसारदारुं अग्नसमीपे विज्झित्वा। **कत्वाति** छिहे कत्वा। कप्पकतं विय सारखाणुके आकोटेत्वा एवं कतमेव “आहरिमं भित्तिपाद”न्ति वृत्तं। **उपत्थम्भनत्थं भूमियं पतिट्ठापेतुन्ति** जिण्णभित्तिपादेन बहि समानभारं खाणुकप्पसीसेन उस्सापेत्वा मूलेन भूमियं पतिट्ठापेतुं। **परित्ताणत्थन्ति** उल्लित्तावलित्तकुटिया ओवस्सनड्डानस्स परित्ताणत्थं। **किटिकन्ति** तालपण्णादीहि कतपदलं। **महितमत्तिकन्ति** ओवस्सनछिदस्स पिदहनत्थं वृत्तं।

**उभतोकुट्टं नीहरित्वा कतपदेस्सत्ताति** यथा बहि ठिता उजुकं अन्तो निसिन्ने न पस्सन्ति, एवं द्वाराभिमुखं पिदहनवसेन भित्तिञ्च अज्जतो द्वाराञ्च योजेत्वा कतड्डानं वदति। **समन्ता परियागारोति** समन्ततो आविद्धपमुखं। **वंसं दत्त्वाति** पुरिसप्पमाणे पादे निखणिता तेसं उपरि पिड्डिवंससदिसं पस्सवंसं ठपेत्वा ओसारत्वा। एकं दण्डकोटिं अतिउच्चाय विहारभित्तिकोटिया एकं कोटिं नीचे वंसपिड्डियं ठपनवसेन दण्डके पसारत्वा। **चक्कलयुत्तो किटिकोति** कवाटं विय विवरणथकनसुखत्थं चक्कलबन्धकिटिकं। पाळियं **उग्घाटनकिटिकन्ति** आपण्णादीसु अनत्थिककाले उक्खिपित्वा, उपरि च बन्धित्वा पच्चा ओतरणकिटिकं, कप्पसीसेहि वा उपत्थम्भनीहि उक्खिपित्वा पच्चा ओतरणकिटिकम्पि।

३०१. **पानीयं ओतप्पतीति** पानीयभाजनेसु ठपितपानीयं आतपेन सन्तप्पति।

३०३. **तयो वाटेति** तयो परिकखेपे। **वेळुवाटन्ति** सब्बं दारुपरिकखेपं सङ्गन्हाति। **कण्टकवाटन्ति** सब्बसाखापरिकखेपं।

३०५. **आलोको अन्तरधायीति** यो बुद्धारम्माणाय पीतिया आनुभावेन महन्तो ओभासो अहोसि, येन चस्स पदीपसहस्सेन विय विगतन्धकारो मग्गो अहोसि, सो बहिनगरे छवसरीरसमाकुलं दुग्गन्धं बीभच्छं आमकसुसानं पत्तस्स भयेन पीतिवेगे मन्दीभूते अन्तरधायि।

**सतं हत्थीति** गाथाय हत्थिनो सतसहस्सानीति एवं पच्चेकं सहस्स-सहेन योजेत्वा अत्थो जातब्बो। **पदवीतिहारस्साति** “बुद्धं वन्दिस्सामी”ति रतनत्तयं उद्दिस्स गच्छतो एकपदवीतिहारस्स, तप्पच्चयकुसलफलत्तस्साति अत्थो। तस्स सोळसमो भागो **कलं** नाम, तं सोळसिं कलं यथावुत्ता हत्थिआदयो सब्बे नाग्घन्ति नारहन्ति, निदस्सनमत्तज्जेतं। अनेकसतसहस्सभागम्पि नाग्घन्ति।

**अन्धकारो अन्तरधायीति** पुन बलवपीतिया आलोके समुप्पन्ने अन्तरधायि। **आसत्तियोति** तण्हायो। **वयकरणन्ति** देय्यधम्ममूलं नवकम्मं।

३०९. **ददेय्याति** नवकम्मं अधिट्ठातुं विहारे इस्सरियं ददेय्याति अत्थो। **दिन्नोति** नवकम्मं कातुं विहारो दिन्नो, विहारे नवकम्मं दिन्नन्ति वा अत्थो।

३१३-४. **सन्थागारेति** सन्निपातमण्डपे। **ओकासेति** निवासोकासे। **उद्दिस्स कतन्ति** सङ्घं उद्दिस्स कतं। **गिहिविकटन्ति** गिहीहि कतं पज्जत्तं, गिहिसन्तकन्ति अत्थो।

विहारानुजाननकथावण्णना निट्ठिता।

### सेनासनगाहकथावण्णना

३१८. “**छमासच्चयेन छमासच्चयेना**”ति इदं द्विक्खत्तुं पच्चयदानकालपरिच्छेददस्सनं, एवं उपरिपि। “तं न गाहेतब्ब”न्ति वचनस्स कारणमाह “**पच्चयेनेव हि त**”न्ति आदिना, पच्चयज्जेव निस्साय तत्थ वसित्वा पटिजग्गना भविस्सन्तीति अधिप्पायो।

**उब्भण्डिकाति** उक्खित्तभण्डा भविस्सन्ति। **दीघसालाति** चङ्कमनसाला। **मण्डलमाळोति** उपड्डानसाला। **अनुदहतीति** पीळोति। “**अदातुं न लब्धती**”ति इमिना सज्जिच्च अददन्तस्स पटिबाहने पविसनतो दुक्कटन्ति दीपेति।

“न गोचरगामो घट्टेतब्बो”ति वृत्तमेवत्थं विभावेतुं “**न तत्थ मनुस्सा वत्तब्बा**”ति आदि वृत्तं। **वितक्कं छिन्दित्वाति** “इमिना नोहारेन गच्छन्तं दिस्वा निवारेत्वा पच्चये दस्सन्ती”ति एवरूपं वितक्कं अनुप्पादेत्वा। **भण्डप्पटिच्छादनन्ति** पटिच्छादनमण्डं। सरीरप्पटिच्छादनचीवरन्ति अत्थो। “**सुद्धचित्तताव अनवज्ज**”न्ति इदं पुच्छित्तक्खणे कारणाचिक्खनं सन्थाय वृत्तं न होति असुद्धचित्तस्सपि पुच्छित्तपह्विसज्जने दोसाभावा। एवं पन गते मं पुच्छिस्सन्तीतिसज्जाय अगमनं सन्थाय वृत्तन्ति दट्टुब्बं।

**पटिजग्गतब्बानीति** खण्डफुल्लपटिसङ्करणसम्मज्जनादीहि पटिजग्गतब्बानि। **मुद्वेदिकायाति** चेत्तियस्स हम्मियवेदिकाय घटाकारस्स उपरि चतुरस्सवेदिकाय। **कस्मा पुच्छित्तब्बन्ति** आदि यतो पकतिया लभति। तत्थापि पुच्छनस्स कारणसन्दस्सनत्थं वृत्तं।

**पटिक्कम्माति** विहारतो अपसक्कित्वा। तमत्थं दस्सेन्तो “**योजनद्वियोजनन्तरे होती**”ति आह। **उपनिक्खेपं ठपेत्वाति** वड्डिया कहापणादिं ठपेत्वा, खेत्तादीनि वा नियमेत्वा। **इति सद्भादेय्येति** एवं हेडा वृत्तनयेन सद्भाय दातब्बे वस्सावासिकलाभविसयेति अत्थो।

**वत्थु पनाति** तत्तुप्पादे उप्यनरूपियं, तज्ज “ततो चतुपच्चयं परिभुज्जथा”ति दिन्नखेत्तादितो उप्यन्तता कप्पियकारकानं हत्थे “कप्पियभण्डं परिभुज्जथा”ति दायकेहि दिन्नवत्थुसदिसं होतीति आह “**कप्पियकारकानं ही**”ति आदि।

**सङ्घसुडुतायाति** सङ्घस्स हिताय। **पुगलवसेनाति** “भिक्खू चीवरेन किलमन्ती”ति एवं पुगलपरामासवसेन, न “सङ्घो किलमती”ति एवं सङ्घपरामासवसेन।

“कप्पियभण्डवसेना”ति सामज्जतो वृत्तमेवत्थं विभावेतुं “**चीवरतण्डुलादिवसेनेव चा**”ति वृत्तं। **च**-कारो चेत्थ पन-सहत्थे वत्तति, न समुच्चयत्थेति दट्टुब्बं। पुगलवसेनेव, कप्पियभण्डवसेन च अपलोकनप्पकारं दस्सेतुं “**तं पन एवं कत्तब्ब**”न्ति आदि वृत्तं।

**चीवरपच्चयं सल्लक्खेत्वाति** सद्भादेय्यतत्तुप्पादादिवसेन तस्मिं वस्सावासे लब्भमानं चीवरसङ्घातं पच्चयं “एत्तक”न्ति परिच्छिन्दित्वा। **सेनासनस्साति** सेनासनगाहापनस्स। “**नवको वुट्ठतरस्स, वुट्ठो च नवकस्सा**”ति इदं सेनासनगाहस्स अत्तनाव अत्तनो गहणं असारुप्पन्ति वृत्तं, द्वे अज्जमज्जं गाहेस्सन्तीति अधिप्पायो। **अट्टपि सोळसपि जने सम्मन्ति**तु वट्टतीति एककम्मवाचाय सब्बेपि एकतो सम्मन्ति तु वट्टति। निगहकम्ममेव हि सङ्घो सङ्घस्स न करोति। तेनेव **सत्तसतिकक्खन्थके** “उब्बाहिककम्मस्समुत्तियं अट्टपि जना एकतोव सम्मताति।

आसनधरन्ति पटिमाधरं । मग्गोति उपचारसीमब्भन्तरगते गामाभिमुखमग्गे कतसाला वुच्चति । एवं पोक्खरणीरुक्खमूलादीसुपि ।

लभन्तीति तत्रवासिनो भिक्खू लभन्ति । विजटेत्वाति “एकेकस्स पहोनकप्पमाणेन वियोजेत्वा । आवासेसु पक्खिपित्वाति “इतो उपपन्नं असुकस्मिं असुकस्मिञ्च आवासे वसन्ता पापेत्वा गण्हन्तू”ति वाचाय उपसंहरित्वा । पविसितब्बन्ति महालाभे परिवेणे वसित्वाव लाभो गहेतब्बोति अधिप्पायो ।

अयम्पीति एत्थ यो पंसुकूलिको पच्चयं विस्सज्जेति । तेनेव विस्सट्ठो अयं चीवरपच्चयोपीति योजना । पादमूले ठपेत्वा साटकं देन्तीति पच्चयदायका देन्ति । एतेन गहट्ठेहि पादमूले ठपेत्वा दिन्नम्पि पंसुकूलिकानम्पि वट्टतीति दस्सेति । अथ वस्सावासिकं देमाति वदन्तीति एत्थ पंसुकूलिकानं न वट्टतीति अज्झाहरित्वा योजेतब्बं । वस्संवृत्यभिक्खून्ति पंसुकूलिकतो अज्जेसं भिक्खून् ।

उपनिबन्धित्वा गाहापेतब्बन्ति इध रुक्खादीसु वसित्वा चीवरं गण्हाति पटिबन्धं कत्वा गाहेतब्बं ।

पाटिपदअरुणतोतिआदि वस्सूपनायिकदिवसं सन्धाय वुत्तं । अन्तरामुत्तकं पन पाटिपदं अतिक्कमित्वापि गाहेतुं वट्टति । निबद्धवत्तं ठपेत्वाति सज्झायमनसिकारादीसु निरन्तरकरणीयेसु कत्तब्बं कतिकवत्तं कत्वा । कसावपरिभण्डन्ति कसावरसेहि भूमिपरिकम्पं ।

तिविधम्पीति परियत्तिपटिपत्तिपटिवेधवसेनं तिविधम्पि । सोधेत्वाति आचारादीसु उपपरिक्खित्वा । एकचारिकवत्तन्ति भावनाकम्पं । तज्झि गणसङ्गणिकं पहाय एकचारिकेनेव वत्तितब्बत्ता एवं वुत्तं । दसवत्थुककथा नाम अप्पिच्छकथा, सन्तुडि, पविवेक, असंसग्ग, वीरियारम्भ, सील, समाधि, पज्जा, विमुत्ति, विमुत्तिजाणदस्सनकथाति इमा दस ।

दन्तकट्टुखादनवत्तन्ति दन्तकट्टुमाळके निक्खित्तोसु दन्तकट्टेसु “दिवसे दिवसे एकमेव दन्तकट्टुं गहेतब्बं”न्तिआदिना (पारा० अट्ठ० १.१०९) अदिन्नादाने दन्तपोनकथायं वुत्तं वत्तं । पत्तं वा...पे०... न कथेतब्बन्ति पत्तगुत्तथाय वुत्तं । विसभागकथाति तिरच्छानकथा । खन्थकवत्तन्ति वत्तकखन्थके (चूळव० ३६५) आगतं पिण्डचारिकवत्ततो अवसिद्धवत्तं तस्स “भिक्खाचारवत्तं”न्ति विसुं गहितत्ता ।

इदानीं यं दायका पच्छिमवस्संवृत्यानां वस्सावासिकं देन्ति, तत्थ पटिपज्जनविधिं दस्सेतुं “पच्छिमवस्सूपनायिकदिवसे पना”ति आरद्धं । आगन्तुको सचे भिक्खूति चीवरे गाहिते पच्छा आगतो आगन्तुको भिक्खु । पत्तट्टानेति वस्सग्गेन पत्तट्टाने । पठमवस्सूपगताति आगन्तुकस्स आगमनतो पुरेतरमेव पच्छिमिकाय वस्सूपनायिकाय वस्सूपगता । लद्धं लद्धन्ति पुनप्पुनं दायकानं सन्तिका आगतागतसाटकं ।

नेव वस्सावासिकस्स सामिनोति छिन्नवस्सत्ता वुत्तं । पठमेव कतिकाय कतत्ता “नेव अदातुं लभन्ती”ति वुत्तं, दातब्बं वारेन्तानं गीवा होतीति अधिप्पायो । तेसमेव दातब्बन्ति वस्सूपगतेसु अलद्धवस्सावासिकानं एकच्चानमेव दातब्बं ।

भतिनिविट्टन्ति पानीयुपट्टानादिभतिं कत्वा लद्धं । सङ्घिकं पनातिआदि केसज्जि वाददस्सनं । तत्थ अपलोक्कनकम्पं कत्वा गाहितन्ति “छिन्नवस्सानं वस्सावासिकञ्च इदानीं उपपज्जनकवस्सावासिकञ्च इमेसं दातुं रुच्चती”ति अनन्तरे वुत्तनयेन अपलोक्कनं कत्वा गाहितं सङ्घेन दिन्नत्ता विब्भन्तोपि लभति । पगेव छिन्नवस्सो । पच्चयवसेनं गाहितं पन तेमासं वसित्वा गहेतुं अत्तना, दायकेहि च अनुमतता भतिनिविट्टम्पि छिन्नवस्सोपि विब्भन्तोपि न लभतीति केचि आचरिया वदन्ति । इदञ्च पच्छा वुत्तत्ता पमाणं । तेनेव वस्सूपनायिकदिवसे एव दायकेहि दिन्नवस्सावासिकं गहितभिक्खुनो वस्सच्छेदं अकत्वा वासोव हेट्ठा विहितो, न पानीयुपट्टानादिभतिकरणवत्तं । यदि हि तं निविट्टमेव सिया, भतिकरणमेव विधातब्बं । तस्मा वस्सग्गेन गाहितं छिन्नवस्सादयो न लभन्तीति वेदितब्बं ।

“सङ्घिकं होती”ति एतेन वुत्थवस्सानम्पि वस्सावासिकभागो सङ्घिकतो अमोचितो तेसं विब्भमेन सङ्घिको होतीति दस्सेति । लभतीति “मम पत्तभागं एतस्स देथा”ति दायके सम्पटिच्छापेत्तेनेव सङ्घिकतो वियोजितं होतीति वुत्तं ।

वरभागं सामणेस्साति तस्स पठमगाहत्ता, थरेन पुब्बे पठमभागस्स गहितत्ता, इदानीं गह्ममानस्स दुतियभागत्ता च वुत्तं ।

सेनासनग्गाहकथावण्णना निट्टिता ।

उपनन्दवत्थुकथावण्णना

३१९. पाळियं उभयत्थ परिबाहिरोति कमेन उभयस्सपि मुत्तत्ता वुत्तं, न सब्बथा उभयतो परिबाहिरत्ता । तेनाह “पच्छिमे...पे०... तिट्ठती”ति ।

३२०. यं तिण्णं पहीतीति मज्जपीठविनिमुत्तं यं आसनं तिण्णं सुखं निसीदितुं पहीति, इदं पच्छिमदीघासनं । एत्थ मज्जपीठरहितेसु असमानासनिकापि तयो निसीदितुं लभन्ति । मज्जपीठेसु पन द्वे । अदीघासनेसु मज्जपीठेसु समानासनिका एव द्वे निसीदितुं लभन्ति दुवगस्सेव अनुज्जातत्ता ।

हत्थिनखो हेट्ठाभागे एतस्स अत्थीति हत्थिनखो, पासादो । पासादस्स नखो नाम हेट्ठिमभागो पादनखसादिसत्ता, सो सब्बादिसासु अनेकेहि हत्थिरूपेहि समलङ्कितो ठितो । तस्सूपरि कतो पासादो हत्थिकुम्भे पतिट्ठितो विय होतीति आह “हत्थिकुम्भे पतिट्ठित”न्ति । सुवण्णरजतादिविचित्रानीति सङ्घिकसेनासनं सन्धाय वुत्तं । पुग्गालिकं पन सुवण्णादिविचित्रं भिक्खुस्स सम्पटिच्छित्तुमेव न वट्टति “न केनचि परियायेन जातरूपरजतं सादितब्बं”न्ति (महाव० २९९) वुत्तत्ता । तेनेवेत्थ अट्टकथायं “सङ्घिकविहारे वा पुग्गालिकविहारे वा”ति न वुत्तं, गोनकादिअकप्पियभण्डविसये एव वुत्तं एकभिक्खुस्सापि तेसं गहणे दोसाभावा । गिहिविकटनीहारेनाति गिहीहि कतनीहारेन, गिहीहि अत्तनो सन्तकं अत्थरित्वा दिन्ननियामेनाति अत्थो । लब्धन्तीति निसीदितुं लब्धन्ति ।

उपनन्दवत्थुकथावण्णना निट्टिता ।

अविस्सज्जियवत्थुकथावण्णना

३२१. अरञ्जरोति बहुउदकगण्हनिका महाचाटि, जलं गण्हितुमलन्ति अरञ्जरो ।

थावरेन च थावरन्तिआदीसु पज्जसु कोट्टासेसु पुरिमद्वयं थावरं, पच्छिमत्तयं गरुभण्डन्ति वेदितब्बं । समकमेव देतीति एत्थ ऊनकं देन्तम्पि विहारवत्थुसामन्तं गहेत्वा दूरतरं दुक्खगोपं विस्सज्जेतुं वट्टतीति दट्ठब्बं । वक्खति हि “भिक्खून् च महग्घतरं...पे०... सम्पटिच्छित्तुं वट्टती”ति (चूळव० अट्ठ० ३२१) । जानापेत्वाति भिक्खुसङ्घस्स जानापेत्वा, अपलोकेत्वाति अत्थो । “ननु तुम्हाकं बहुतरा रुक्खाति वत्तब्बं”न्ति इदं सामिकेसु अत्तनो भण्डस्स महग्घतं अजानित्वा देन्तेसु तं जत्वा थैय्यचित्तेन गण्हतो अवहारो होतीति वुत्तं ।

विहारेन विहारो परिवत्तेतब्बोति सवत्थुकेन अज्जेसं भूमियं कतपासादादिना, अवत्थुकेन वा सवत्थुकं परिवत्तेतब्बं । अवत्थुकं पन अवत्थुकेनेव परिवत्तेतब्बं । केवलं पासादस्स भूमितो अथावरत्ता । एवं थावरेसुपि थावरविभागं जत्वाव परिवत्तेतब्बं ।

“कप्पियमज्जा सम्पटिच्छित्तब्बा”ति इमिना सुवण्णादिविचित्तं अकप्पियमज्जं “सङ्घस्सा”ति वुत्तेपि सम्पटिच्छित्तुं न वट्टतीति दस्सेति । “विहारस्स देमा”ति वुत्ते सङ्घस्स वट्टति, न पुग्गलस्स खेत्तादि

वियाति ददुब्बं । एतेसूति मञ्चादीसु । कपियाकपियं वुत्तनयमेवाति आसन्दीतूलिकादिविनिच्छयेसु वुत्तनयमेव । अकपियं वाति आसन्दीआदि, पमाणातिवकन्तं बिम्बोहनादि च । महग्घं कपियं वाति सुवण्णादिविचित्तं कपियवोहारेन दिन्नं ।

“काळलोह...पे... भाजेतब्बो”ति वुत्तता वट्टकंसलोहमयमि भाजनं पुगलिकमि सम्पटिच्छित्तुमि परिहरितुमि वट्टति पुगलपरिहरितब्बसेव भाजेतब्बताति वदन्ति । तं उपरि “कंसलोहवट्टलोहभाजनविकति सङ्घिकपरिभोगेन वा गिहिविकटा वा वट्टती”ति आदिकेन महापच्चरिवचनेन विरुज्झति । इमस्स हि “वट्टलोहकंसलोहानं येन केनचि कतो सीहळदीपे पादगणहनको भाजेतब्बो”ति वुत्तस्स महाअडुकथावचनस्स पटिकखेपाय तं महापच्चरिवचनं पच्छा दस्सितं । तस्मा वट्टलोहकंसलोहमयं यं किञ्चि पादगणहनकवारकमि उपादाय अभाजनीयमेव । गिहीहि दिव्यमानमि पुगलस्स सम्पटिच्छित्तुमि न वट्टति । परिहारियं न वट्टतीति पत्तादिपरिक्खारं विय सयमेव पटिसामेत्वा परिभुज्जितुं न वट्टति । गिहिसन्तकं विय आरामिकादयो चे सयमेव गोपेत्वा विनियोगकाले आनेत्वा पटिनेन्ति, परिभुज्जितुं वट्टति । “पटिसामेत्वा भिक्खून् देथा”ति वत्तुमि वट्टति ।

पण्णसूचि नाम लेखनीति वदन्ति । “अत्तना लद्धानिपी”ति आदिना पटिगहणे दोसो नत्थि, परिहरित्वा परिभोगोव आपत्तिकरोति दस्सेति । यथा चेत्थ, एवं उपरि अभाजनीयवासिआदीसु अत्तनो सन्तकेसुपि ।

आनामासम्पीति सुवण्णादिमयमि सब्बं तं आमसित्वापि परिभुज्जितुं वट्टति । उपक्खरेति उपकरणे । अडुबाहुप्पमाणा नाम अडुबाहुमत्ता । अडुब्याममत्तातिपि वदन्ति । योत्तानीति चम्मरज्जुका ।

अट्टुलसूचिदण्डमतोपीति तसरदण्डादिसूचिआकारतनुदण्डकमतोपि । रित्तपोत्थकोपीति अलिखितपोत्थको । इदञ्च पण्णप्पसङ्गेन वुत्तं ।

“घट्टनफलकं घट्टनमुग्गरे”ति इदं रजितचीवरं एकस्मिं मट्टे दण्डमुग्गरे वेत्तेत्वा एकस्स मट्टफलकस्स उपरि ठपेत्वा उपरि अपरेन मट्टफलकेन निकुज्जित्वा एको उपरि अवकमित्वा तिड्ढति । द्वे जना उपरि फलकं द्वीसु कोटीसु गहेत्वा अपरापरं आकट्टनविकट्टनं करोन्ति, एतं सन्धाय वुत्तं । हत्थे ठपापेत्वा हत्थेन पहरणं पन निड्डितरजनस्स चीवरस्स अल्लकाले कातब्बं । इदं पन फलकमुग्गरेहि घट्टनं सुक्खकाले थड्ढभावविमोचनत्थंति ददुब्बं । अम्बणन्ति एकदोणिकनावाफलकेहि पोक्खरणीसदिसं कतं । पानीयभाजनन्तिपि वदन्ति । रजनदोणीति एकदारुनाव कतं रजनभाजनं । उदकदोणीपि एकदारुनाव कतं उदकभाजनं ।

भूमत्थरणं कातुं वट्टतीति अकपियचम्मं सन्धाय वुत्तं । तत्थ भूमत्थरणसङ्केपेन सयितुमि वट्टतियेव । “पच्चत्थरणगतिक”न्ति इमिना मञ्चादीसु अत्थरितब्बं महाचम्मं एळकचम्मं नामाति दस्सेति ।

छत्तमुट्ठिपण्णन्ति तालपण्णं सन्धाय वुत्तं । पत्तकटाहन्ति पत्तपचनकटाहं ।

अविस्सज्जियवत्थुकथावण्णना निड्डिता ।

#### नवकम्मदानकथावण्णना

३२३. पाळियं पिण्डनिकखेपनमत्तेनातिआदीसु खण्डफुल्लट्टाने मत्तिकापिण्डट्टपनं पिण्डनिकखेपनं नाम । नवकम्मन्ति नवकम्मसम्मुति । अगळवट्टि नाम कवाटबन्धो । छादनं नाम तिणादीहि गेहच्छादनं । बन्धनं नाम दण्डवल्लिआदीहि छदनबन्धनमेव । चतुहत्थविहारेति वित्थारप्पमाणतो वुत्तं । उब्बेधेतो पन अनेकभूमकत्ता वट्टकीहत्थेन वीसतिहत्थोपि नानासण्ठानविचित्तोपि होति । तेनस्स चतुवस्सिकं नवकम्मं वुत्तं । एवं सेसेसुपि ।

पाळियं सब्बे विहारेति भुम्मत्थे उपयोगबहुवचनं । एकस्स सब्बेसु विहारेसु नवकम्मं देतीति अत्थो । सब्बकालं पटिबाहन्तीति नवकम्मिका अत्तनो गाहितं वरसेय्यं सम्पत्तानं यथावुट्ठं अकत्वा उत्तुकारेपि पटिबाहन्ति ।

“सचे सो आवासो जीरती”ति आदि पाळिमुत्तकविनिच्छयो । मञ्चट्टानं दत्त्वाति मञ्चट्टानं पुगलिकं दत्त्वा । तिभागन्ति ततियभागं । एवं विस्सज्जनमि थावरेन थावरपरिवत्तनट्टाने एव पविसति, न इतरथा सब्बसेनासानं विनस्सनतो । सचे सद्धिविहारिकानं दातुकामो होतीति सचे सो सङ्गस्स भण्डकट्टपनट्टानं वा अज्जेसं भिक्खुनं वसनट्टानं वा दातुं न इच्छति, अत्तनो सद्धिविहारिकानज्जेव दातुकामो होति, तादिसस्स तुहं पुगलिकमेव कत्वा जग्गाति न सब्बं तस्स दातब्बन्ति अधिप्पायो । तत्थ पन कत्तब्बविधिं दस्सेतो आह “कम्म”न्ति आदि । एवञ्हीति आदिहि वयानुरूपं ततियभागे वा उपट्टभागे वा गहिते तं भागं दातुं लभतीति अत्थो ।

येनाति तेसु द्वीसु भिक्खुसु येन । सो सामीति तस्सा भूमिया विहारकरणे सोव सामी, तं पटिबाहित्वा इतरेन न कातब्बन्ति अधिप्पायो । सो हि पठमं गहितो । अकतट्टानेति चयादीनं अकतपुब्बट्टाने । चयं वा पमुखं वाति सङ्घिकसेनासानं निस्साय ततो बहि चयं बन्धित्वा, एकं सेनासानं वा । बहिकुट्टेति कुट्टतो बहि, अत्तनो कतट्टानेति अत्थो ।

नवकम्मदानकथावण्णना निड्डिता ।

#### अज्जत्रपरिभोगपटिकखेपादिकथावण्णना

३२४. वट्टिकम्मत्थायाति यथा तम्मूलगथतो न परिहायति, एवं कत्तब्बस्स एवं निष्फादेतब्बस्स मञ्चपीठादिनो अत्थाय ।

चक्कलिकन्ति पादपुञ्छन्तं चक्काकारेन कतं । परिभण्डकतभूमि वाति काळवण्णादिकतसण्णभूमि वा । सेनासनं वाति मञ्चपीठादि वा ।

“तथेव वळज्जेतुं वट्टती”ति इमिना नेवासिकेहि धोतपादादीहि वळज्जनट्टाने सञ्चिच्च अधोतपादादीहि वळज्जन्तस्सेव आपत्ति पञ्जत्ताति दस्सेति ।

“द्वारम्पी”ति आदिना सामञ्जतो वुत्तता द्वारवातपानादयो अपरिकम्मकतापि न अपस्सयितब्बा । अजानित्वा अपस्सयन्तस्सपि इध लोमगणनाय आपत्ति ।

अज्जत्रपरिभोगपटिकखेपादिकथावण्णना निड्डिता ।

#### सङ्गभत्तादिअनुजाननकथावण्णना

३२५. उद्देसभत्तं निमन्तनन्ति इमं वोहारं पत्तानीति एत्थ इति-सदो आदि अत्थो, उद्देसभत्तं निमन्तनन्ति आदिवोहारं पत्तानीति अत्थो । तम्पीति सङ्गभत्तमि ।

सङ्गभत्तादिअनुजाननकथावण्णना निड्डिता ।

#### उद्देसभत्तकथावण्णना

भोजनसालायाति भत्तुद्देसद्वानं सन्धाय वुत्तं । **एकवळञ्जति** एकद्वारेन वळञ्जितब्बं । **नानानिवेसने**सूति नानाकुलस्स नानूपचारेसु निवेसनेसु ।

**निसिन्नस्सपि निद्वायन्तस्सपी**ति अनादरे सामिवचनं, वुड्डतरे निद्वायन्ते नवकस्स गाहितं सुग्गहितन्ति अत्थो ।

**विससद्वुत्तो**ति यथारुचि वत्तुं लभनतो निरासङ्कद्वुत्तो । **पुच्छासभागेना**ति पुच्छावचनपटिभागेन । ‘‘एका कूटट्टितिका नामा’’ति वुत्तमेवत्थं विभावेतुं ‘‘**रञ्जो वा ही**’’ति आदि वुत्तं ।

**सब्बं पत्तस्सामिकस्स** होतीति चीवरादिकम्पि सब्बं पत्तस्सामिकस्सेव होति, मया भत्तमेव सन्धाय वुत्तं, न चीवरादिन्ति वत्त्वा गहेतुं न वट्टतीति अत्थो ।

**अकतभागोनामा**ति आगन्तुकभागो नाम, अदिन्नपुब्बभागोति अत्थो ।

**किं आहरीयतीति अवत्त्वा**ति ‘‘कतरभत्तं वा तथा आहरीयती’’ति दायकं अपुच्छित्त्वा । **पकतिट्टितिकाया**ति उद्देसभत्तट्टितिकाय ।

उद्देसभत्तकथावण्णना निड्डिता ।

#### निमन्तनभत्तकथावण्णना

**विच्छिन्दित्वा**ति ‘‘भत्तं गण्ठथा’’ति पदं अवत्त्वा । तेनेवाह ‘‘**भत्तन्ति अवदन्तेना**’’ति ।

**आलोपसङ्खेपेना**ति एकेकपिण्डवसेन, एवञ्च भाजनं उद्देसभत्ते न वट्टति । तत्थ हि एकस्स पहोनकप्पमाणेनेव भाजेतब्बं ।

**आरुळ्हायेव मातिकं, सङ्गतो अट्ट भिक्खू**ति एत्थ ये मातिकं आरुळ्हा, ते अट्ट भिक्खूति योजेतब्बं । उद्देसभत्तनिमन्तनभत्तादिसङ्घिकभत्तमातिकासु निमन्तनभत्तमातिकाय ठितिवसेन आरुळ्हे भत्तुद्देसकेन वा सयं वा सङ्गतो उद्दिशापेत्त्वा गहेत्त्वा गन्तब्बं, न अत्तनो रुचिते गहेत्त्वाति अधिप्पायो । **मातिकं आरोपेत्त्वा**ति ‘‘सङ्गतो गण्हामी’’ति आदिना वुत्तमातिकाभेदं दायकस्स विञ्जापेत्त्वाति अत्थो ।

**पटिबद्धकालतो पन पट्टाया**ति तत्थेव वासस्स निबद्धकालतो पट्टाय ।

निमन्तनभत्तकथावण्णना निड्डिता ।

#### सलाकभत्तकथावण्णना

**उपनिबन्धित्वा**ति लिखित्वा । **गामवसेनपी**ति येभुय्येन समलाभगामवसेनपि । **बहूनि सलाकभत्तानी**ति तिसं वा चत्तारीसं वा भत्तानि । ‘‘सचे होन्ती’’ति अज्झाहरित्वा योजेतब्बं ।

**सल्लकखेत्वा**ति तानि भत्तानि पमाणवसेन सल्लकखेत्वा । **निग्गहेन दत्त्वा**ति दूरं गन्तुं अनिच्छन्तस्स निग्गहेन सम्पटिच्छापेत्त्वा दत्त्वा । **पुन विहारं आगन्त्वा**ति एत्थ विहारं अनागन्त्वा भत्तं गहेत्त्वा पच्छा विहारे अत्तनो पापेत्त्वा भुज्जितुम्पि वट्टति ।

**एकगेहवसेना**ति वीथियम्पि एकपस्से घरपाळिया वसेन । **उद्दिशित्वापी**ति असुककुले सलाकभत्तानि तुहं पापुणन्तीति वत्त्वा ।

**वारगामे**ति अतिदूरत्ता वारेन गन्तव्वगामे । **सट्ठितो वा पण्णासतो वा**ति दण्डकम्मत्थाय उदकघटं सन्धाय वुत्तं । **विहारवारो**ति सब्बभिक्खूसु भिक्खत्थाय गतेसु विहाररक्खणवारो ।

**तेसन्ति विहारवारिकानं । फातिकम्ममेवा**ति विहाररक्खणकिच्चस्स पहोनकपटिपादनमेव । **एकस्सेव पापुणन्ती**ति दिवसे दिवसे एकेकस्सेव पापितानीति अत्थो ।

**रससलाकन्ति उच्छुरससलाकं । ‘‘सलाकवसेन गाहितत्ता पन न सादितब्बा’’**ति इदं असारुप्पवसेन वुत्तं, न धुतङ्गभेदवसेन । ‘‘सङ्गतो निरामिससलाका...पे... वट्टतियेवा’’ति (विसुद्धि० १.२६) हि विसुद्धिमग्गे वुत्तं । **अग्गभिक्खामत्तन्ति** एककटच्छुभिक्खामत्तं । **लद्धा वा अलद्धा वा स्वेपि गण्हेय्यासी**ति लद्धेपि अप्पमत्तताय वुत्तं । तेनाह ‘‘**यावदत्थं लभति...पे... अलभित्वा ‘स्वे गण्हेय्यासी’**ति वत्तब्बो’’ति ।

**तत्था**ति तस्मिं दिसाभागे । **तं गहेत्त्वा**ति तं वारगामे सलाकं अत्तनो गहेत्त्वा । **तेना**ति दिसंगमिकतो अज्जेन तस्मिं दिसंगमिके । **देवसिकं पापेतब्बा**ति उपचारसीमाय ठितस्स यस्स कस्सचि वस्सग्गेन पापेतब्बा । एवं एतेसु अगतेसु आसन्नविहारे भिक्खून् भुज्जितुं वट्टति इतरथा सङ्घिकतो ।

**अम्हाकं गोचरगामेवा**ति सलाकभत्तदायकानं गामं सन्धाय वुत्तं । **विहारे थेरस्स पत्तसलाकभत्तन्ति** विहारे एकेकस्सेव ओहीनत्थेरस्स सब्बसलाकानं अत्तनो पापनवसेन पत्तसलाकभत्तं ।

सलाकभत्तकथावण्णना निड्डिता ।

#### पक्खिकभत्तादिकथावण्णना

**‘‘स्वे पक्खो’’**ति अज्ज **पक्खिकं न गाहेतब्बन्ति** अट्टमिया भुज्जितब्बं सत्तमिया भुज्जनत्थाय न गाहेतब्बं, दायकेहि नियमितदिवसेनेव गाहेतब्बन्ति अत्थो । तेनाह ‘‘**सचे पना**’’ति आदि । **स्वे लूखन्ति** अज्ज आवाहमङ्गलादिकरणतो अतिपणीतभोजनं करीयाति, स्वे तथा न भविस्सति, अज्जेव भिक्खू भोजेस्सामीति अधिप्पायो ।

पक्खिकभत्ततो उपोसथिकस्स भेदं दस्सेन्तो आह ‘‘**उपोसथङ्गानि समादित्थि**’’ति आदि । **निबन्धापितन्ति** ‘‘असुकविहारे आगन्तुका भुज्जन्तू’’ति नियमितं ।

**गमिको आगन्तुकभत्तम्पी**ति गामन्तरतो आगन्त्वा अवूपसन्तेन गमिकचित्तेन वसित्वा पुन अज्जत्थ गच्छन्तं सन्धाय वुत्तं । आवासिकस्स पन गन्तुकामस्स गमिकभत्तमेव लब्धति । ‘‘**लेसं ओट्टेत्वा**’’ति वुत्तत्ता लेसाभावे याव गमनपरिबन्धो विगच्छति, ताव भुज्जितुं वट्टतीति आपितन्ति दट्टब्बं ।

**तण्डुलादीनि पेसेन्ति...पे... वट्टतीति** अभिहट्ठिक्खत्ता वट्टति । **तथा पटिग्गहितत्ता**ति भिक्खानामेन पटिग्गहितत्ता ।

**अविभत्तं सङ्घिकं भण्डन्ति** कुक्कुचुप्पत्तिआकारदस्सनं । एवं कुक्कुचं कत्वा पुच्छितब्बकिच्चं नत्थि, अपुच्छित्त्वा दातव्वन्ति अधिप्पायो ।

पक्खिकभत्तादिकथावण्णना निड्डिता ।

सेनासनकखन्धकवण्णनानयो निडितो ।

## ७. सङ्गभेदकखन्धको

### छसक्यपब्बज्जाकथादिवण्णना

३३०. सङ्गभेदकखन्धके पाळियं अनुपियं नामाति अनुपिया नाम । हेड्डा पासादाति पासादतो हेड्डा हेड्डिमतलं, “हेड्डापासाद”न्तिपि पाठो । अभिनेतब्बन्ति वपितखेत्तेसु पवेसेतब्बं । निन्नेतब्बन्ति ततो नीहरितब्बं । निद्धापेतब्बन्ति सस्सदूसकतिणादीनि उद्धरितब्बं । उज्जुं कारापेतब्बन्ति पुज्जं कारापेतब्बं, अयमेव वा पाठो ।

३३२. परदत्तोति परेहि दिन्नपच्चयेहि पवत्तमानो । मिगभूतेन चेतसाति कत्थचि अलग्गताय मिगस्स विय जातेन चित्तेन ।

३३३. मनोमयं कायन्ति ज्ञानमनेन निब्बत्तं ब्रह्मकायं, “किं नु खो अहं पसादेय्यं, यस्मिं मे पसन्ने बहुलाभसक्कारो उप्पज्जेय्या”ति पठमं उप्पन्नपरिवितक्कस्स मन्दपरियुद्धानताय देवदत्तस्स तस्मिं खणे ज्ञानपरिहानि नाहोसि, पच्छा एव अहोसीति दडुब्बं । तेनाह “सह चित्तुप्पादा”तिआदि । द्वे वा तीणि वा मागधकानि गामखेत्तानीति एत्थ मगधरुद्धे खुद्दकं गामखेत्तं गावुत्तमत्तं, मज्झिमं पन दियड्डगावुत्तमत्तं, महन्तं अनेकयोजनम्पि होति । तेसु मज्झिमेन गामखेत्तेन द्वे वा खुद्दकेन तीणि वा गामखेत्तानि, तस्स सरोरं तिगावुत्तप्पमाणो अत्तभावोति वुत्तं होति ।

३३४. सत्थारोति गणसत्थारो । नास्सस्साति न एतस्स भवेय्य । तन्ति सत्थारं । तेनाति अमनापेन । सम्मन्तीति चौवरादिना अम्हाकं सम्मानं करोति, परेहि वा अयं सत्था सम्मानीयतीति अत्थो ।

३३५. नासाय पित्तं भिन्देय्यन्ति अच्छपित्तं वा मच्छपित्तं वा नासापुटे पक्खिपेय्युं । अस्सतरीति वळवाय कुच्छिस्मिं गद्रभस्स जाता । तस्सा हि गहितगम्भाय विजायितुमसक्कोत्तिया उदरं फालेत्वा पोतकं नीहरन्ति । तेनाह “अत्तवधाय गम्भं गण्हाती”ति ।

३३९. पोत्थनिकन्ति छुरिकं, “खर”न्तिपि वुच्चति ।

३४२. मा कुञ्जर नागमासदोति हे कुञ्जर बुद्धनागं वधकचित्तेन मा उपगच्छ । दुक्खन्ति दुक्खकारणत्ता दुक्खं । इतोति इतो जातितो । यतोति यस्मा, यन्तस्स वा, गच्छन्तस्साति अत्थो । मा च मदीति मदी तथा न कातब्बोति अत्थो ।

३४३. तिकभोजनन्ति तीहि भुज्जितब्बं भोजनं, ततो अधिकेहि एकतो पटिग्गहेत्वा भुज्जितुं न वट्टनकं गणभोजनपटिपक्खं भोजनन्ति अत्थो । कोकालिकोतिआदीनि देवदत्तपरिसाय गणपामोक्खानं नामानि । कप्पन्ति महानिरये आयुकप्पं, तं अन्तरकप्पन्ति केचि । केचि पन “असङ्ख्येय्यकप्प”न्ति ।

छसक्यपब्बज्जाकथादिवण्णना निडिता ।

### सङ्गभेदकथावण्णना

३४५. परस्स चित्तं जत्वा कथनं आदेसनापाटिहारियं । केवलं धम्मदेसना अनुसासनीपाटिहारियं । तदुभयम्पि धम्मी कथा नाम । ताय थेरो ओवदि । इद्धिविधं इद्धिपाटिहारियं नाम । तेन सहिता अनुसासनी एव धम्मी कथा । ताय थेरो ओवदि ।

“थुल्लच्चयं देसापेही”ति इदं भेदपुरेक्खारस्स उपोसथादिकरणे थुल्लच्चयस्स उपोसथकखन्धकादीसु पठममेव पञ्चत्तता वुत्तं, इतरथा एतेसं आदिकम्मिकत्ता अनापत्तियेव सिया ।

३४६. सरसीति सरो । महिं विकुब्बतोति महिं दन्तेहि विलिखन्तस्स । इदञ्च हत्थीनं सभावदस्सनं । नदीसूति सरेसु । भिसं घसमानस्साति योजना । जग्गतोति यूथं पालेन्तस्स ।

३४७. दूतेय्यं गन्तुन्ति दूतकम्मं पत्तुं, दूतकम्मं कातुन्ति अत्थो । सहितासहितस्साति युत्तायुत्तस्स, यं वत्तुं, कातुञ्च युत्तं, तत्थ कुसलो । अथ वा अधिपेतानाधिपेतस्स वचनस्स कुसलो, व्यञ्जनमत्ते न तिड्ढति, अधिपेततथमेव आरोचेतीति अत्थो ।

३५०. गाथासु जातूति एकंसेन । मा उदपज्जथ मा होतूति अत्थो । पापिच्छानं यथागतीति पापिच्छानं पुगलानं यादिसी गति अभिसम्परायो । तं अत्थजातं । इमिनापि कारणेन जानाथाति देवदत्तस्स “पण्डितो”तिआदिना उपरि वक्खमानाकारं दस्सेति ।

पमादं अनुचिण्णोति पमादं आपन्नो । आसीसायन्ति अवस्संभावीअत्थसिद्धियं । सा हि इध आसीसाति अधिपेता, न पत्थना । ईदिसे अनागतत्थे अतीतवचनं सहविदू इच्छन्ति ।

दुब्भेति दुब्भेय्य । विसकुम्भेनाति एकेन विसपुण्णकुम्भेन । सोति सो पुगलो । न पदूसेय्य विसमिस्सं कातुं न सक्कोतीति अत्थो । भयानकोति विपुलगम्भीरभावेन भयानको । तेनापि दूसेतुं न सक्कुणेय्यतं दस्सेति । वादेनाति दोसकथनेन । उपहिंसतीति बाधति ।

सङ्गभेदकथावण्णना निडिता ।

### उपालिपज्हाकथावण्णना

३५१. न पन एत्तावता सङ्गो भिन्नो होतीति सलाकग्गाहापनमत्तेन सङ्गभेदानिब्बत्तितो वुत्तं । उपोसथादिसङ्गकम्मे कते एव हि सङ्गो भिन्नो होति । तत्थ च उपोसथपवारणासु जत्तिनिड्डानेन, सेसकम्मेसु अपलोक्नादिकम्मपरियोसानेन सङ्गभेदो समत्थोति दडुब्बो ।

“अभब्बता न वुत्ता”ति इदं “भिक्खवे, देवदत्तेन पठमं आनन्तरियकम्मं उपचित”न्तिआदिना आनन्तरियत्तं वदता भगवता तस्स अभब्बतासङ्काता पाराजिकता न पञ्चत्ता । एतेन आपत्ति विय अभब्बतापि पञ्चत्तिअनन्तरमेव होति, न ततो पुरेति दस्सेति । इध पन आदिकम्मिकस्सपि अनापत्तिया अवुत्तता देवदत्तादयोपि न मुत्ताति दडुब्बं ।

तयो सतिपट्ठानातिआदीसु तयो एव सतिपट्ठाना, न ततो परन्ति एकस्स सतिपट्ठानस्स पटिक्खेपोव इध अधम्मो, न पन तिण्णं सतिपट्ठानत्तविधानं तस्स धम्मत्ता । एवं सेसेसुपि हापनकोड्डासेसु । वट्टनेसु पन छ इन्द्रियानीति अनिन्द्रियस्सपि एकस्स इन्द्रियत्तविधानमेव अधम्मो । एवं सेसेसुपि । न केवलञ्च एतेव, “चत्तारो खन्धा, तेरसायतनानी”तिआदिना यत्थ कत्थचि विपरीततो पकासनं सब्बं अधम्मो । याथावतो पकासनञ्च सब्बं धम्मोति दडुब्बं । पकासनन्ति चेत्य तथा तथा कायवचीपयोगसमुट्ठापिका अरूपकखन्धाव अधिपेता, एवमेत्थ दसकुसलकम्मपथादीसु अनवज्जट्टेन सरूपतो धम्मेषु, अकुसलकम्मपथादीसु सावज्जट्टेन सरूपतो अधम्मेषु च तदज्जेसु च अब्याकतेसु यस्स कस्सचि कोड्डासस्स भगवता पञ्चत्तक्कमेनेव पकासनं “धम्मो”ति च विपरीततो पकासनं “अधम्मो”ति च दस्सितन्ति दडुब्बं । कामज्जेत्थ विनयाद्योपि यथाभूततो, अयथाभूततो च पकासनवसेन धम्माधम्मेषु एव पविसन्ति, विनयादिनामेन पन विसेसेत्वा विसुं गहितत्ता तदवसेसेमेव धम्माधम्मकोड्डासे

पविसतीति दडुब्बं।

**इमं अधम्मं धम्मोति करिस्सामाति** आदि धम्मञ्च अधम्मञ्च याथावतो जत्वाव पापिच्छं निस्साय विपरीततो पकासेन्तस्सेव सङ्गभेदो होति, न पन तथासज्जाय पकासेन्तस्साति दस्सनत्थं वुत्तं। एस नयो “अविनयं विनयोति दीपेन्ती”ति आदीसुपि। तत्थ **निय्यानिकन्ति** उक्कट्टन्ति अत्थो। “**तथेवा**”ति इमिना “एवं अम्हाकं आचरियकुल”न्ति आदिना वुत्तमत्थं आकट्ठति।

**संवरो पहानं पटिसङ्गाति** संवरविनयो, पहानविनयो, पटिसङ्गाविनयो च वुत्तो। तेनाह “**अयं विनयो**”ति। “पज्जत्तं अपज्जत्त”न्ति दुक्कं “भासितं अभासित”न्ति दुक्केन अत्थतो समानमेव, तथा दडुल्लदुक्कं गरुकदुक्केन। तेनेव तेसं “**चत्तारो सतिपट्टाना...पे०... इदं अपज्जत्तं नामा**”ति आदिना सदिसनिहेसो कतो। **सावसेसापत्तिन्ति** अवसेससीलेहि सहितापत्तिं। नत्थि एतस्स आपन्नायं सीलावसेसाति **अनवसेसापत्ति**।

३५४. पाळियं **समग्गानञ्च अनुग्गहोति** यथा समग्गानं सामग्गी न भिज्जति, एवं अनुग्गहणं अनुबलपदानं।

३५५. **सिया नु खोति** सम्भवेय्य नु खो। **तस्मिं अधम्मदिट्ठीति** अत्तनो “अधम्मं धम्मो”ति एतस्मिं दीपने अयुत्तदिट्ठि। **भेदे अधम्मदिट्ठीति** “अधम्मं धम्मो”ति दीपेत्वा अनुस्सावनसलाकग्गाहापनादिना अत्तानं मुज्जित्वा चतुवग्गादिकं सङ्गं एकसीमायमेव ठिततो चतुवग्गादिसङ्गतो वियोजेत्वा एककम्मादिनिष्पादनवसेन सङ्गभेदकरणे अधम्मदिट्ठिको हुत्वाति अत्थो। **विनिधाय दिट्ठिन्ति** या तस्मिं “अधम्मं धम्मो”ति दीपने अत्तनो अधम्मदिट्ठि उपज्जति, तं विनिधाय पटिच्छादेत्वा “धम्मो एवाय”न्ति विपरीततो पकासेत्वाति अत्थो। एवं सब्बत्थ अत्थो वेदितव्वो।

**भेदे धम्मदिट्ठीति** यथावुत्तनयेन सङ्गभेदने दोसो नत्थीति लद्धिको। अयं पन “अधम्मं धम्मो”ति दीपने अधम्मदिट्ठिको हुत्वापि तं दिट्ठिं विनिधाय करणेन सङ्गभेदको अतेकिच्छो जातो। **एवं भेदे वेमतिकोति** इमस्स पन भेदे वेमतिकदिट्ठिया विनिधानमपि अत्थि। सेसं सममेव। **तस्मिं धम्मदिट्ठिभेदे अधम्मदिट्ठीति** अयं पन भेदे अधम्मदिट्ठिं विनिधाय कतत्ता सङ्गभेदको अतेकिच्छो जातो। सुक्कपक्खे पन सब्बत्थ “अधम्मं धम्मो”ति आदिदीपने वा भेदे वा धम्मदिट्ठिताय दिट्ठिं अविनिधायैव कतत्ता सङ्गभेदकोपि सतेकिच्छो जातो। तस्मा “अधम्मं धम्मो”ति आदिदीपने वा सङ्गभेदे वा उभोसुपि वा अधम्मदिट्ठि वा वेमतिको वा हुत्वा तं दिट्ठिं, विमतिकञ्च विनिधाय “धम्मो”ति पकासेत्वा वुत्तनयेन सङ्गभेदं करोन्तस्सेव आनन्तरियं होतीति वेदितव्वं।

उपालिपज्जाकथावण्णना निड्ठिता।

सङ्गभेदककखन्धकवण्णनानयो निड्ठितो।

## ८. वत्तकखन्धको

आगन्तुकवत्तकथावण्णना

३५७. वत्तकखन्धके **पत्थरितव्वन्ति** आतपे पत्थरितव्वं। पाळियं **अभिवादापेतव्वोति** वन्दनत्थाय वस्सं पुच्छनेन नवको सयमेव वन्दतीति वुत्तं। **निल्लोकेतव्वोति** ओलोकेतव्वो।

आगन्तुकवत्तकथावण्णना निड्ठिता।

आवासिकवत्तकथावण्णना

३५९. “यथाभाग”न्ति ठपितट्ठानं अनतिककमित्वा मज्जपीठादिं पप्फोटेत्वा पत्थरित्वा उपरि पच्चत्थरणं दत्त्वा दानमपि सेनासनपज्जापनमेवाति दस्सेन्तो आह “**पप्फोटेत्वा हि पत्थरितुं पन वट्ठित्येवा**”ति।

आवासिकवत्तकथावण्णना निड्ठिता।

अनुमोदनवत्तकथावण्णना

३६२. **पज्जमे निसिन्नेति** अनुमोदनत्थाय निसिन्ने। **न महाथेरस्स भारो होतीति** अनुमोदकं आगमेतुं न भारो। **अज्झिड्ढोव आगमेतव्वोति** अत्तना अज्झिड्ढेहि भिक्खूहि अनुमोदन्तेयेव निसीदितव्वन्ति अत्थो।

अनुमोदनवत्तकथावण्णना निड्ठिता।

भत्तगवत्तकथावण्णना

३६४. **मनुस्सानं परिविसनट्ठानन्ति** यत्थ अन्तोविहारेपि मनुस्सा सपुत्तदारा आवसित्वा भिक्खू नेत्वा भोजेन्ति। **आसनेसु सतीति** निसीदनट्ठानेसु सन्तेसु। **इदं, भन्ते, आसनं उच्चन्ति** आसने समभूमिभागे पज्जत्तं थेरासनेन समकं आसनं सन्धाय वुत्तं, थेरासनतो पन उच्चतरे आपुच्छित्वापि निसीदितुं न वट्ठति। यदि तं आसन्नमपि नीचतरं होति, अनापुच्छापि निसीदितुं वट्ठति। **महाथेरस्सेव आपत्तीति** आसनेन पटिबाहनापत्तिया आपत्ति। **अवत्थरित्वाति** पारुतसङ्गाटिं अवत्थरित्वा, अनुक्खिपित्वाति अत्थो।

पाळियं “**उभोहि हत्थेहि...पे०... ओदनो पटिग्गहेतव्वो**”ति इदं हत्थतले वा पच्छिपिड्ढिआदिदुस्सण्ठिताधारे वा पत्तं ठपेत्वा ओदनस्स गहणकाले पत्तस्स अपतनत्थाय वुत्तं, सुसज्जिते पन आधारे पत्तं ठपेत्वा एकेन हत्थेन तं परामसित्वापि ओदनं पटिग्गहेतुं वट्ठति एव। **उभोहि हत्थेहि...पे०... उदकं पटिग्गहेतव्वन्ति** एत्थापि एसेव नयो।

**हत्थधोवनउदकन्ति** भोजनावसाने उदकं। तेनाह “**पानीयं पिवित्वा हत्था धोवितव्वो**”ति। तेन परियोसाने धोवनमेव पटिक्खित्तं, भोजनन्तरे पन पानीयपिवनादिना नयेन हत्थं धोवित्वा पुन भुज्जितुं वट्ठतीति दस्सेति। पोत्थकेसु पन “पानीयं पिवित्वा हत्था न धोवितव्वो”ति लिखन्ति, तं पुरिमवचनेन न समेति परियोसाने उदकस्सेव “हत्थधोवनउदक”न्ति वुत्तता। **सचे मनुस्सा धोवथ, भन्तेति** आदि निड्ठितभत्तं निसिन्नं थेरं सन्धाय वुत्तं। धुरे द्वारसमीपे।

भत्तगवत्तकथावण्णना निड्ठिता।

पिण्डचारिकवत्तकथावण्णना

३६६. पाळियं **ठापेति वाति** तिड्ढ भन्तेति वदन्ति।

३६७. **अत्थि, भन्ते, नक्खत्तपदानीति** नक्खत्तपदविसयानि जातानि अत्थि, अस्सयुजादिनक्खत्तं जानाथाति अधिप्पायो। तेनाह “**न जानाम, आवुसो**”ति। **अत्थि, भन्ते, दिसाभागन्ति** एत्थापि

एसेव नयो। केनज्ज, भन्ते, युत्तन्ति केन नक्खत्तेन चन्दो युत्तोति अत्थो।

३६९. अङ्गणेति अब्भोकासे। एवमेव पटिपज्जितब्बन्ति उद्देसदानादि आपुच्छित्तब्बन्ति दस्सेति।

३७४. निवद्धगमनत्थायाति अत्तनोव निरन्तरगमनत्थाय। उहदिताति एत्थ हद-धातुस्स वच्चविस्सज्जनत्थायाह “बहि वच्चमक्खिता”ति।

पिण्डचारिकवत्तकथादिवण्णना निड्डिता।

वत्तक्खन्धकवण्णनानयो निड्डितो।

## ९. पातिमोक्खदुपनक्खन्धको

पातिमोक्खदुहेसयाचनकथावण्णना

३८३. पातिमोक्खदुपनक्खन्धके पाळियं नन्दिमुखियाति ओदातदिसामुखताय तुड्डमुखिया। “उड्डस्तं अरुण”न्ति वत्थापि “उद्दिस्तु, भन्ते, भगवा”ति पातिमोक्खदुहेसयाचनं अनुपोसथे उपोसथकरणपटिकेपस्स सिकखापदस्स अपञ्जत्तता थेरेन कतन्ति दट्टुब्बं। कस्मा पन भगवा एवं तुण्हीभूतोव तियामरत्तिं वीतिनामेसीति? अपरिसुद्धाय परिसाय उपोसथादिसंवासकरणस्स सावज्जतं भिक्खुसङ्घे पाकटं कातुं, तज्ज आयतिं भिक्खून् तथापटिपज्जनत्थं सिकखापदं जापेतुं। केचि पनेत्थ “अपरिसुद्धमि पुगलं तस्स सम्मुखा ‘अपरिसुद्धो’ति वत्तुं महाकरुणाय अविस्सन्तो भगवा तथा निसीदी”ति कारणं वदन्ति। तं अकारणं पच्छापि अवत्तब्बतो, महामोग्गल्लानत्थेरेनापि तं बाहायं गहेत्वा बहि नीहरणस्स अकत्तब्बतापसङ्गतो। तस्मा यथावुत्तमेवेत्थ कारणन्ति। तेनेव “अट्टानमेतं, भिक्खवे, अनवकासो, यं तथागतो अपरिसुद्धाय परिसाय उपोसथं करेय्य, पातिमोक्खं उद्दिसेय्या”ति (अ० नि० ८.२०; चूळव० ३८६; उदा० ४५) वत्त्वा “न च, भिक्खवे, सापत्तिकेन पातिमोक्खं सोतब्ब”न्तिआदिना (चूळव० ३८६) सापत्तिकपरिसाय कत्तब्बविधि दस्सितो।

सङ्कस्सरसमाचारन्ति किञ्चिदेव असारुपं दिस्वा “इदं इमिना कतं भविस्सती”ति परेहि सङ्काय सरितब्बसमाचारं, अत्तना वा “मम अनाचारं एते जानन्ती”ति सङ्काय सरितब्बसमाचारं। समणवेसधारणेन, सङ्घिकपच्चयभागगहणादिना च जीविकं कण्हेन्तो “अहं समणो”ति पटिज्जं अदेन्तोपि अत्थतो देन्तो विय होतीति “समणपटिज्जं ब्रह्मचारिपटिज्जं”न्ति वुत्तं। अवस्सुतन्ति किलेसावस्सनेन तित्तं। सज्जातदुस्सिल्यकचवरत्ता कस्सम्बुजातं, असारताय वा कस्सम्बु विय जातं। बहिद्वारकोटुका निक्खामेत्वाति द्वारसालतो बहि निक्खमापेत्वा।

३८४. महासमुद्दे अभिरमन्तीति बहुसो दस्सनपविसनादिना महासमुद्दे अभिरत्तिं विन्दन्ति। न आयतकेनेव पपातोति छिन्नतटमहासोब्भो विय न आदितोव निन्तोति अत्थो। ठितधम्मोति अवड्डितसभावो। पूरत्तन्ति पुण्णत्तं। नागाति सप्पजातिका।

पातिमोक्खदुहेसयाचनकथावण्णना निड्डिता।

पातिमोक्खसवनारहकथादिवण्णना

३८६. उदाहरितब्बन्ति पाळिया अवत्त्वा तमत्थं याय कायचि भासाय उदाहट्मि उदाहटमेवाति दट्टुब्बं।

पुरे वा पच्छा वाति जत्तिआरम्भतो पुब्बे वा जत्तिनिड्डानतो पच्छा वा।

३८७. कतञ्च अकतञ्च उभयं गहेत्वाति यस्स कतापि अत्थि अकतापि। तस्स तदुभयं गहेत्वा। धम्मिकं सामग्गिन्ति धम्मिकं समग्गकम्मं। पच्चादियतीति उक्कोटनाधिप्पायेन पुन कातुं आदियति।

३८८. आकारादिसज्जा वेदितब्बाति आकारलिङ्गनिमित्तनामानि वुत्तानीति वेदितब्बानि।

पातिमोक्खसवनारहकथादिवण्णना निड्डिता।

अत्तादानअङ्गकथादिवण्णना

३९८. पुन चोदेतुं अत्तना आदातब्बं गहेतब्बं अधिकरणं अत्तादानन्ति आह “सासनं सोधेतुकाभो”तिआदि। वस्सारत्तोति वस्सकालो। सोपि हि दुब्भिकखादिकालो विय अधिकरणवूपसमत्थं लज्जिपरिसाय दूरतो आनयनस्स, आगतानञ्च पिण्डाय चरणादिसमाचारस्स दुक्करत्ता अकालो एव।

समनुस्सरणकरणन्ति अनुस्सरितानुस्सरितक्खणे पीतिपामोज्जननतो अनुस्सरणुप्पादकं। विगतूपक्विकलेस...पे०... संवत्ततीति एत्थ यथा अब्भहिमादिउपक्विकलेसविरहितानं चन्दिमसूरियानं सस्सिरिकता होति, एवमस्सापि चोदकस्स पापपुग्गलूपक्विकलेसविगमेन सस्सिरिकता होतीति अधिप्पायो।

३९९. अधिगतं मेत्तचित्तन्ति अप्पनाप्पत्तं मेत्तज्ञानं।

४००-१. “दोसन्तरो”ति एत्थ अन्तर-सद्दो चित्तपरियायोति आह “न दुड्डचित्तो हुत्वा”ति।

कारुज्जं नाम करुणा एवाति आह “कारुज्जताति करुणाभावो”ति। करुणन्ति अप्पनाप्पत्तं वदति। तथा मेत्तन्ति।

अत्तादानअङ्गकथादिवण्णना निड्डिता।

पातिमोक्खदुपनक्खन्धकवण्णनानयो निड्डितो।

## १०. भिक्खुनिक्खन्धको

महापजापतिगोतमीवत्थुकथावण्णना

४०३. भिक्खुनिक्खन्धके “मातुगामस्स पब्बजितता”ति इदं पञ्चवस्ससततो उड्डं सद्धम्मस्स अप्पवत्तनकारणदस्सन्। सुक्खविपस्सकखीणासववसेन वस्ससहस्सन्तिआदि खन्धकभाणकानं

मतं गहेत्वा वुत्तं। **दीघनिकायडुकथायं** पन “पटिसम्भिदापत्तेहि वस्ससहस्सं अट्ठासि, छळभिज्जेहि वस्ससहस्सं, तैविज्जेहि वस्ससहस्सं, सुक्खविपस्सकेहि वस्ससहस्सं, पातिमोक्खेहि वस्ससहस्सं अट्ठासि”ति (दी० नि० अट्ठ० ३.१६१) वुत्तं। **अङ्गुत्तर** (अ० नि० अट्ठ० ३.८.५१) -**संयुत्तडुकथासुपि** (सं० नि० अट्ठ० २.२.१५६) अज्जथाव वुत्तं, तं सब्बं अज्जमज्जविरुद्धमपि तंतं भाणकानं मतेन लिखितसीहळडुकथासु आगतनयमेव गहेत्वा आचरियेन लिखितं ईदिसे कथाविरोधे सासनपरिहानिया अभावतो, सोधनुपायाभावा च। परमत्यविरोधो एव हि सुत्तादिनयेन सोधनीयो, न कथामग्विरोधाति।

महापजापतिगोतमीवत्थुकथावण्णना निड्ढिता।

**भिक्षुनीउपसम्पदानुजाननकथावण्णना**

४०४-८. पाळियं **यदग्गेनाति** यस्मिं दिवसे। **तदाति** तस्मियेव दिवसे। **विमानेत्वाति** अवमानं कत्वा।

४१०-१. **आपत्तिगामिनियोति** आपत्तिं आपन्नायो। **कम्मविभङ्गेति** परिवारे कम्मविभङ्गे (परि० ४८२ आदयो)।

४१३-५. पाळियं द्वे **तिस्सो भिक्षुनियोति** द्वीहि तीहि भिक्षुनीहि। **न आरोचेन्तीति** पातिमोक्खुद्देसकस्स न आरोचेन्ति।

४१६. **दुस्सवेणियाति** अनेकदुस्सपट्टे एकतो कत्वा कतवेणिया।

४१७. **विसेसकन्ति** पत्तलेखादिवण्णविसेसं। **पकिणन्तीति** विक्किणन्ति। **नमनकन्ति** पासुकट्टिनमनकबन्धनं।

४२२-५. **संवेल्लियन्ति** कच्छं बन्धित्वा निवासनं। **तयो निस्सयेति** रुक्खमूलसेनासनस्स तासं अलम्भनतो वुत्तं।

४२६-८. **अट्टेव भिक्षुनियो यथावुड्ढं पटिबाहन्तीति** अट्ट भिक्षुनियो वुड्ढपटिपाटियाव गण्हन्तियो आगतपटिपाटिं पटिबाहन्ति, नाज्जाति अत्थो। **अनुवादं पट्टपेन्तीति** इस्सरियं पवत्तेन्तीति अत्थं वदन्ति।

४३०. **भिक्षुदूतेनाति** भिक्षुना दूतभूतेन। **सिक्खमानदूतेनाति** सिक्खमानाय दूताय।

४३१. **न सम्मतीति** नप्पहोति। **नवकम्मन्ति** “नवकम्मं कत्वा वसतू”ति अपलोकेत्वा सङ्घिकभूमिया ओकासदानं।

४३२-६. **सन्निसिन्नगम्भाति** दुविज्जेय्यगम्भा। **महिलातिथ्येति** इत्थीनं साधारणतिथ्ये।

भिक्षुनीउपसम्पदानुजाननकथावण्णना निड्ढिता।

भिक्षुनिकखन्धकवण्णनानयो निड्ढितो।

## ११. पञ्चसतिककखन्धको

**खुदानुखुदकसिक्खापदकथावण्णना**

४३७. पञ्चसतिककखन्धके पाळियं “**अपावुसो, अम्हाकं सत्थारं जानासी**”ति इदं थेरो सयं भगवतो परिनिब्बुतभावं जानन्तोपि अत्तना सहगतभिक्षुपरिसाय आपनत्यमेव, सुभदस्स वुड्ढपब्बजितस्स सासनस्स पटिपक्खवचनं भिक्षुनं विज्जापनत्यञ्च एवं पुच्छि। सुभदो हि कुसिनारायं भगवति अभिप्पसन्नाय खत्तियादिगहट्टपरिसाय मज्जे भगवतो परिनिब्बानं सुत्वा हट्टपहट्टोपि भयेन पहट्टाकारं वाचाय पकासेतुं न सक्खिस्सति, इधेव पन विजनपदेसे सुत्वा यथाज्झासयं अत्तनो पापलङ्घिं पकासेस्सति, ततो तमेव पच्चयं दस्सेत्वा भिक्षु समुस्साहेत्वा धम्मविनयसङ्गहं कारेत्वा एतस्स पापभिक्षुस्स, अज्जेसञ्च ईदिसानं मनोरथविघातं, सासनट्टितञ्च करिस्सामीति जानन्तोव तं पुच्छीति वेदितव्वं। तेनेव थेरो “एकमिदाहं, आवुसो, समय”न्तिआदिना सुभद्वचनमेव दस्सेत्वा धम्मविनयं सङ्गायापेसि। **नानाभावोति** सरीरेन नानादेसभावो, विण्णवासोति अत्थो। **विनाभावोति** मरणेन वियुज्जनं। **अज्जथाभावोति** भवन्तरूपगमनेन अज्जाकारणत्ति।

४४१. “**आकङ्कमानो...पे०... समूहेन्या**”ति इदं भगवा मया “आकङ्कमानो”ति वुत्तता एकसिक्खापदमि समूहनितव्वं अपस्सन्ता, समूहने च दोसं दिस्वा धम्मसङ्गहका भिक्षु “अपज्जत्तं न पज्जापेस्साम, पज्जत्तं न समुच्छिन्दिस्सामा”तिआदिना पुन “पज्जत्तिसदिसाय अकुप्पाय कम्मवाचाय सावेत्वा समादाय वत्तिस्सन्ति, ततो याव सासनन्तरधाना अपटिबाहियानि सिक्खापदानि भविस्सन्ती”ति इमिना अधिप्पायेन अवोचाति दडुब्बं। तेनेव महत्थेरापि तथेव पटिपज्जिंसु।

**गिहिगतानीति** गिहीसु गतानि। खत्तियमहासारादिगिहीहि जातानीति अत्थो। चित्तकधूमकालो अत्तनो पवत्तिपरियोसानभूतो एतस्साति **धूमकालिकं**।

४४३. **ओळारिके निमित्ते करियमानेपीति** “आकङ्कमानो, आनन्द, तथागतो कप्पं वा तिड्ढेय्य कप्पावसेसं वा”ति एवं थूलतरे “तिड्ढतु, भगवा, कप्प”न्ति याचनहेतुभूते ओकासनिमित्ते कम्मे करियमाने। **मारेन परियुड्ढितचित्तोति** मारेन आविड्ढित्तो।

४४५. **उज्जवनिकायाति** पटिसोतगामिनिया। कुच्छितो लवो छेदो विनासो **कुलवो**, निरत्यकविनियोगो। तं न गच्छन्तीति **न कुलवं गमेन्ति**।

खुदानुखुदकसिक्खापदकथावण्णना निड्ढिता।

पञ्चसतिककखन्धकवण्णनानयो निड्ढितो।

## १२. सत्तसतिककखन्धको

**दसवत्थुकथावण्णना**

४४६. सत्तसतिककखन्धके **भिक्षुग्गेनाति** भिक्षुगणनाय। **महीति** हिमं।

४४७. **अविज्जानिवुत्ताति** अविज्जानीवरणेन निवुत्ता पटिच्छन्ता। **अविद्वसूति** अज्जाणिनो। **उपक्किलेसा वुत्ताति** तेसं समणब्राह्मणानं एते सुरापानादयो उपक्किलेसाति वुत्ता। नेत्ति या तण्हाय सहिता **सनेत्तिका**।

४५०-१. अहोगङ्गाति तस्स पब्बतस्स नामं । पटिकच्चेव गच्छेय्यन्ति यत्थं नं अधिकरणं वूपसमितुं भिक्खू सन्निपतिस्सन्ति, तत्थाहं पठममेव गच्छेय्यं । सम्भावेसुन्ति सम्पापुणिसु ।

४५२. अलोणिकन्ति लोणरहितं भत्तं, व्यञ्जनं वा । आसुताति सब्बसम्भारसज्जिता, “असुता”ति वा पाठो ।

४५३. उज्जविसूति नावाय पटिसोतं गच्छिसु । पाचीनकाति पुरत्थिमदिसाय जातता वज्जिपुत्तके सन्धाय वुत्तं । पावेय्यकाति पावेय्यदेसवासिनो ।

४५४. ननु त्वं, आवुसो, वुड्ढोति ननु त्वं थेरो निस्सयमुत्तो, कस्मा तं थेरो पणामेसीति भेदवचनं वदन्ति । गरुनिसस्यं गणहामाति निस्सयमुत्तापि मयं एकं सम्भावनीयगरं निस्सयभूतं गहेत्वाव वसिस्सामाति अधिप्पायो ।

४५५. मूलादायकाति पठमं दसवत्थूनं दायका, आवासिकाति अत्थो । पथव्या सङ्कत्थेरोति लोके सब्बभिक्खूनं तदा उपसम्पदाय वुड्ढो । सुञ्जताविहारेनाति सुञ्जतामुखेन अधिगतफलसमापत्तिं सन्धाय वदति ।

४५७. सुत्तविभङ्गेति पदभाजनीये । इदञ्च “यो पन भिक्खु सन्निधिकारकं खादनीयं वा भोजनीयं वा”ति (पाचि० २५३) सुत्ते यावकालिकस्सेव परामट्टता सिङ्गीलोणस्स यावजीविकस्स सन्निधिकतस्स आमिसेन सङ्घि परिभोगे पाचित्तियं विभङ्गनयेनेव सिञ्जतीति वुत्तं, तं पन पाचित्तियं विभङ्गे आगतभावं साधेतुं “कथं सुत्तविभङ्गे”ति आदि वुत्तं । तत्थ हि लोणमेत्थ सन्निधिकत्तं, न खादनीयं भोजनीयन्ति लोणमिस्सभोजने वज्जिपुत्तका अनवज्जसज्जिनो अहेसुं । तथासज्जीनम्पि नेसं आपत्तिदस्सनत्थं “सन्निधिकारे असन्निधिकारसज्जी”ति इदं सुत्तविभङ्गं उड्डटन्ति वेदितव्वं ।

तेन सङ्घिनन्ति पुरेपटिगगहितलोणेन सङ्घि । दुक्कटेनेत्थ भवितव्वन्ति “यावकालिकेन, भिक्खवे, यावजीविकं पटिगगहित”न्ति अवत्वा “तदहुपटिगगहित”न्ति वचनसामत्थियतो पुरेपटिगगहितं यावजीविकं यावकालिकेन सङ्घि सम्भिनरसं कालेपि न कप्पतीति सिञ्जति, तत्थ दुक्कटेन भवितव्वन्ति अधिप्पायो । दुक्कटेनपि न भवितव्वन्ति यदि हि सन्निधिकारपच्चया दुक्कटं मञ्जथ, यावजीविकस्स लोणस्स सन्निधिदोसाभावा दुक्कटेन न भवितव्वं, अथ आमिसेन सम्भिनरसस्स तस्स आमिसगतिकता दुक्कटं मा मञ्जथ । तदा च हि पाचित्तियेनेव भवितव्वं आमिसत्तुपगमनतीति अधिप्पायो । न हि एत्थ यावजीविकन्ति आदिनापि दुक्कटाभावं समत्थेति ।

पाळियं राजगहे सुत्तविभङ्गेति आदीसु सब्बत्थ सुत्ते च विभङ्गे चाति अत्थो गहेतव्वो । तस्स तस्स विकालभोजनादिनो सुत्तेपि पटिक्खित्ता विनयस्स अतिसरणं अतिक्कमो विनयातिसारो । “निसीदनं नाम सदसं वुच्चतीति आगत”न्ति इदं विभङ्गे च आगतदस्सनत्थं वुत्तं । तं पमाणं करोन्तस्साति सुगतविदत्थिया विदत्थित्तयप्पमाणं करोन्तस्स, दसाय पन विदत्थिद्वयप्पमाणं कतं । अदसकम्पि निसीदनं वट्ठति एवाति अधिप्पायो । सेसमिध हेड्डा सब्बत्थ सुविज्जेय्यमेव ।

दसवत्थुकथावण्णना निड्डिता ।

सत्तसत्तिकखन्धकवण्णनानयो निड्डितो ।

इति समन्तपासादिकाय विनयड्डुकथाय विमतविनोदनियं

चूळवग्गवण्णनानयो निड्डितो ।

॥ नमो तस्स भगवतो अरहतो सम्मासम्बुद्धस्स ॥

## परिवारवण्णना

महावग्गो

## पञ्जत्तिवारवण्णना

१. विसुद्धपरिवारस्स सीलकखन्धादिधम्मकखन्धसरीरस्स भगवतो विनयपरियत्तिसासेन खन्धकानं अनन्तरं परिवारोति यो विनयो सङ्गहं समारुब्धो, तस्स दानि अनुत्तानत्थवण्णनं करिस्सामीति योजना ।

समन्तचक्खुनाति सब्बज्जुतञ्जाणेन । अतिविसुद्धेन मंसचक्खुनाति रत्तिन्दिवं समन्ता योजनप्पमाणे अतिसुखुमानिपि रूपानि परस्सनतो अतिविय परिसुद्धेन पसादचक्खुना । “अत्थि तत्थ पञ्जत्ती”ति आदीसु अत्थि नु खो तत्थ पञ्जत्तीति आदिना अत्थो गहेतव्वोति आह “तत्थ पञ्जत्ति...पे०... केनाभतन्ति पुच्छा”ति ।

२. पुच्छाविस्सज्जनेति पुच्छाय विस्सज्जने । विनीतकथाति विनीतवत्थुकथा, अयमेव वा पाठो ।

द्वङ्गिकेन एकेन समुद्धानेनाति अङ्गद्वयसमुदायभूतेन एकेन । अङ्गद्वयविमुत्तस्स समुद्धानस्स अभावेपि तेसु एकेनङ्गेन विना अयं आपत्ति न होतीति दस्सनत्थमेव “एकेन समुद्धानेना”ति वुत्तं । इदानीं तेसु द्वीसु अङ्गेषु पधानङ्गं दस्सेतुमाह “एत्थ हि चित्तं अङ्गं होती”ति आदि । यस्मा पन मग्गेनमग्गपटिपत्तिसङ्घाताय कायविज्जत्तिया सेवनचित्तेनेव सम्भवे सति अयं तं अङ्गद्वयं उपादाय भगवता पञ्जत्ता आपत्तिसम्पुत्ति होती, नासति । तस्मा तं चित्तं कार्यविज्जत्तिसङ्घातस्स कायस्स अङ्गं कारणं होति, न आपत्तिया । तस्स पन तंसमुद्घितकायो एव अङ्गं अब्यवहितकारणं, चित्तं पन कारणकारणन्ति अधिप्पायो । एवं उपरिपि सब्बत्थ चित्तङ्गयुत्तसमुद्धानेसु अधिप्पायो वेदितव्वो । “एकेन समुद्धानेन समुद्घाती”ति आदिपरिवारवचनेनेव आपत्तिया अकुसलादिपरमत्थसभावता पाळिअड्डकथासु परियायतोव वुत्ता, सम्पुत्तिसभावा एव आपत्तीति सिञ्जति समुद्धानसमुद्घितानं भेदसिद्धितीति गहेतव्वं । इममत्थं सन्धायाति आपन्नाय पाराजिकापत्तिया केहिचिपि समथेहि अनापत्तिभावापादनस्स असक्कुण्यत्तसङ्घातमत्थं सन्धाय ।

३. पोराणकेहि महाथेरेहीति सङ्कीर्तितयतो पच्छा पोत्थकसङ्कीर्तिकारकेहि छळभिञ्जापअसम्भिदादिगुणसमुज्जलेहि महाथेरेहि । चतुत्थसङ्कीर्तिसदिसा हि पोत्थकारोहसङ्कीर्ति ।

१८८. महाविभङ्गेति भिक्खुविभङ्गे । सोळस वारा दस्सिताति येहि वारेहि आदिभूतेहि उपलक्खित्ता अयं सकलोपि परिवारो सोळसपरिवारोति वोहरीयति, ते सन्धाय वदति ।

पञ्जत्तिवारवण्णना निड्डिता ।

## समुद्धानसीसवण्णना

२५७. पाळियं निब्बानञ्चेव पञ्चतीति एत्थ यस्मा सङ्गतधम्मो उपादाय पञ्चता सम्मुत्तिसच्चभूता पुग्गलादिपञ्चति परमत्थतो अविज्जमानत्ता उप्पत्तिविनासयुत्तवत्थुधम्मनियतेन अनिच्चदुक्खलक्खणद्वयेन युताति वत्तु अयुत्ता, कारकवेदकादिरूपेण पन परिकप्पितेन अत्तसभावेन विरहितत्ता “अनत्ता”ति वत्तु युत्ता। तस्मा अयं पञ्चत्तिपि असङ्गततत्तसामञ्जतो वत्थुभूतेन निब्बानेन सह “अनत्ता इति निच्छया”ति वुत्ता। अविज्जमानापि हि सम्मुत्ति केनचि पच्चयेन अकतत्ता असङ्गता एवाति।

करुणासीतलत्तं, पञ्चापभासितत्तञ्च भगवतो दस्सेतुं “बुद्धचन्दे, बुद्धादिच्चे”ति एतं उभयं वुत्तं। हायति एतेनाति हानि, दुक्खस्स हानि दुक्खहानि, सब्बदुक्खापनूदनकारणन्ति अत्थो। पिटके तीणि देसयीति यस्मा अञ्जेपि महावीरा सम्मासम्बुद्धा सद्धम्मं देसयन्ति, तस्मा अङ्गीरसो पिटकानि तीणि देसयीति योजना। महागुणन्ति महानिसंसं। एवं नीयति सद्धम्मोति यदि विनयपरियत्ति अपरिहीना तिडुत्ति, एवं सति पटिपत्तिपटिवेधसद्धम्मोपि नीयति पवत्तीयति, न परिहायतीति अत्थो।

विनयपरियत्ति पन कथं तिडुतीति आह “उभतो चा”तिआदि। परिवारेण गन्थिता तिडुतीति योजेतब्बं। तस्सेव परिवारस्साति तस्मिं एव परिवारे। समुद्धानं नियतो कतन्ति एकच्चं समुद्धानेन नियतं कतं। तस्मिं परिवारे किञ्चि सिक्खापदं नियतसमुद्धानं अञ्जेहि असाधारणं, तं पकासितन्ति अत्थो।

सम्भेदं निदानञ्चञ्जन्ति सम्भेदो सिक्खापदानं अञ्जमञ्जसमुद्धानेन संकिण्णता, निदानञ्च पञ्चत्तिद्वानं, अञ्जं पुग्गलादिवत्थादि च। सुत्ते दिस्सन्ति उपरीति हेड्डा वुत्ते, उपरि वक्खमाने च परिवारसुत्ते एव दिस्सन्ति। यस्मा च एवं, तस्मा सकलसासनाधारस्स विनयस्स ठितिहेतुभूतं परिवारं सिक्खेति, एवमेत्थ योजना दट्टब्बा।

सम्भिन्नसमुद्धानीति अञ्जेहि साधारणसमुद्धानानि। आदिमि ताव पुरिमानयेति सब्बपठमे पञ्चत्तिवारे आगतनयं सन्धाय वदति, तत्थ पन पञ्चत्तिवारे “पठमं पाराजिकं कत्थ पञ्चत्तिन्ति, वेसालियं पञ्चत्त”न्तिआदिना (परि० १) निदानम्पि दिस्सति एव। परतोति आगतभावं पन सन्धाय परतो आगते सुत्ते दिस्सतीति वेदितव्वन्ति वुत्तं। तस्साति उभतोविभङ्गपरियापन्नस्स सिक्खापदस्स।

२५८. अनियता पठमिकाति आपत्ति अपेक्खित्वाव इत्थिलिङ्गं कतं, पठमानियतं सिक्खापदन्ति अत्थो। पाळियं नानुबन्धे पवत्तिन्ति वुद्धानिपितं पवत्तिन्ति अननुबन्धनसिक्खापदं।

२६०. एळकलोमसिक्खापदवत्थुस्मिं “भिक्खुनियो एळकलोमानि धोवन्तियो रजन्तियो विजेट्थियो रिञ्चन्ति उद्देसं परिपुच्छ”न्ति (पारा० ५७६) आगतत्ता इमं रिञ्चन्ति-पदं गहेत्वा सिक्खापदं उपलक्खितन्ति दस्सेन्तो “विभङ्गे ‘रिञ्चन्ति उद्देसं’न्ति आगतं एळकलोमधोवापनसिक्खापद”न्ति आह।

वस्सिकसाटिकसिक्खापदन्ति असमये वस्सिकसाटिकपरियेसनसिक्खापदं (पारा० ६२६ आदयो)। रतनसिक्खापदन्ति रतनं वा रतनसम्मत्तं वा पटिसामनसिक्खापदं (पाचि० ५०२ आदयो)।

२६५. पाळियं बुद्धजाणेनाति पटिविद्धसब्बञ्जुतञ्जाणेन।

२६७. “न देसेन्ति तथागता”ति एतेन छत्तपाणिस्स धम्मदेसनापटिक्खेपं दस्सेति।

२६९. अकतन्ति अञ्जेहि अमिस्सीकतं, नियतसमुद्धानन्ति अत्थो। अकतन्ति वा पुब्बे अनागतं, अभिनवन्ति अत्थो।

२७०. समुद्धानिह सङ्गहन्ति एत्थ सङ्गिपन्ति सङ्गहन्ति सदिससमुद्धानानि एत्थाति सङ्गेषो, समुद्धानसीसं। नेति विनेति कायवचीदुच्चरितन्ति नेत्ति, विनयपाळि, सा एव धम्मोति नेत्तिधम्मोति आह “विनयपाळियधम्मस्सा”ति।

समुद्धानसीसवण्णना निड्डिता।

## अन्तरपेय्यालं

### कतिपुच्छावारवण्णना

२७१. कति आपत्तियोति पाराजिकादीसु पञ्चसु आपत्तीसु मेथुनादिन्नादानादि अन्तोगधभेदं अपेक्खित्वा जातिवसेन एकत्तं आरोपेत्वा पुच्छा कता। कति आपत्तिक्खन्त्याति अन्तोगधभेदं अपेक्खित्वा पच्चेकं रासट्टेनाति एत्तकमेवेत्थ भेदो। विनीतानियेव विनीतवत्थुनीति आपत्तितो विरमणानि एव अविपटिसारपामोज्जादिधम्मानं कारणत्ता वत्थुनीति विनीतवत्थुनी, तानि एत्थ अत्थतो विरतिआदिअनवज्जधम्मा एव। वेरं मणतीति वेरहेतुत्ता “वेर”न्ति लद्धनामं रागादिअकुसलपक्खं विनासेति।

धम्मस्सवनगं भिन्दित्वा गच्छतीति बहूसु एकतो निसीदित्वा धम्मं सुणन्तेसु तं धम्मस्सवनसमगमं कोपेत्वा उड्डाय गच्छति। अनादरोवाति तुस्सितव्वद्धाने तुड्डिं, संविजितव्वद्धाने संवेगञ्च अपवेदेन्तो एव। कायपागब्भियन्ति उन्नतिवसेन पवत्तनकायानाचारं।

२७४. मेत्ताय सम्भूतं मेत्तं, कायकम्मं। उभयेहिपीति नवकेहि, थरेहि च। पियं करोतीति तं पुग्गलं पेमद्धानं करोति, केसन्ति आह “सब्रह्मचारीन”न्ति।

पुग्गलं पटिविभजित्वा भुञ्जतीति पकतेन सम्बन्धो। तमेव पुग्गलपटिविभागं दस्सेतुं “असुकस्सा”तिआदि वुत्तं।

भुजिस्सभावकरणतोति तण्हादासब्बतो मोचेत्वा समथविपस्सनासु सेरिविहारिताकरणतोति अत्थो। निव्यातीति पवत्तति। सम्मादुक्खक्खयाय संवत्ततीति अत्थो।

कतिपुच्छावारवण्णना निड्डिता।

### छापत्तिसमुद्धानवारवण्णना

२७६. पठमेन आपत्तिसमुद्धानेनाति केवलं कायेन। पाराजिकापत्तिया एकन्तसच्चित्तकसमुद्धानत्ता “न हीति वत्तब्ब”न्ति वुत्तं। सङ्गादिसेसादीनं दुक्कटपरियोसानानं पञ्चन्नं अचित्तकानम्पि सम्भवतो “सिया”ति वुत्तं, आपज्जनं सिया भवेय्याति अत्थो। हीनुक्कट्टेहि जातिआदीहि ओमसने एव दुब्भासितस्स पञ्चत्तता सा एकन्तवाचाचित्तसमुद्धाना एवाति।

दुतियसमुद्धाननये वाचाय एव समापज्जितव्वपाटिदेसनीयस्स अभावा “न ही”ति वुत्तं।

ततिये पन वोसासमानरूपं भिक्खुनि कायवाचाहि अनपसादनपच्चया पाटिदेसनीयसम्भवतो “सिया”ति वुत्तं।

ओमसने पाचित्तियस्स अदिन्नादानसमुद्धानत्तेपि तप्पच्चया पञ्चत्तस्स दुब्भासितस्स पञ्चमेनेव समुपत्तीति दस्सेतुं चतुत्थवारे “दुब्भासितं आपज्जेय्याति न हीति वत्तब्ब”न्ति वत्ता पञ्चमवारे “सियाति वत्तब्ब”न्ति वुत्तं। कायविकारेनेव ओमसन्तस्स पनेत्थ दुब्भासितभावेपि कायकीळाभावाभावतो दुक्कटमेवाति दट्टब्बं।

छट्टुवारे पन विज्जमानोपि कायो दुब्भासितस्स अङ्गं न होति, पञ्चमसमुद्धाने एव छट्टुम्पि पविसतीति दस्सेतुं “न ही”ति पटिक्खित्तं, न पन तत्थ सब्बथा दुब्भासितेन अनापत्तीति दस्सेतुं। न हि दवकम्यताय कायवाचाहि ओमसन्तस्स दुब्भासितापत्ति न सम्भवति। यच्चि पञ्चमेनेव समापज्जति, तं छट्टेनपि समापज्जति एव धम्मदेसनापत्ति वियाति गहेतब्बं। सेसं समुद्धानवारे सुविज्जेय्यमेव।

छआपत्तिसमुद्धानवारवण्णना निड्डिता।

#### कतापत्तिवारवण्णना

२७७. दुतिये पन कतिवारे पठमसमुद्धानेन आपज्जितब्बानं आपत्तीनं लहुदस्सनसुखत्थं कुटिकारादीनि एव समुद्घटानि, न अज्जेसं अभावा, सञ्चरितादीनम्पि विज्जमानत्ता। एवं दुतियसमुद्धानादीसुपि। “कप्पियसज्जी”ति इमिना अचित्तकत्तं दस्सेति। “कुटिं करोती”ति इमिना वचीपयोगाभावं। उभयेनापि केवलं कायेनेव दुक्कटादीनं सम्भवं दस्सेति। एवं उपरिपि यथानुरूपं कातब्बं।

“एकेन समुद्धानेन समुद्घटन्ती”ति इदं इध विसेसेत्वा दस्सितानं कायतोव समुद्घटानं वसेन वुत्तं, अविसेसतो पन ता आपत्तियो इतरसमुद्धानेहिपि यथारहं समुद्घटन्ति एव। एवं उपरिपि।

“तिणवत्थारकेन चा”ति इदं सङ्गादिसेसवज्जितानं चतुन्नं आपत्तीनं वसेन वुत्तं।

२७९. संविदहित्वा कुटिं करोतीति वाचाय संविदहति, सयञ्च कायेन करोतीति अत्थो।

कतापत्तिवारवण्णना निड्डिता।

#### आपत्तिसमुद्धानगाथावण्णना

२८३. ततियो पन गाथावारो दुतियवारेन वुत्तमेवत्थं सङ्गहेत्वा दस्सेतुं वुत्तो। तत्थ कायोव कायिकोति वत्तब्बे वचनविपल्लासेन “कायिका”ति वुत्तं। तेनाह “तेन समुद्घटिता”ति, कायो समुद्घटनं अक्खत्तोति अत्थो।

विवेकदस्सिनाति सब्बसङ्गतविवित्तता, ततो विवित्तहेतुत्ता च नीवरणविवेकञ्च निब्बानञ्च दस्सनसीलेन। विभङ्गकोविदाति उभतोविभङ्गकुसलाति आलपनं। इध पनेवं अज्जो पुच्छन्तो नाम नत्थि, उपालित्थेरो सयमेव अत्थं पाकटं कातुं पुच्छाविसज्जनञ्च अकासीति इमिना नयेन सब्बत्थ अत्थो वेदितब्बो।

आपत्तिसमुद्धानगाथावण्णना निड्डिता।

#### विपत्तिपच्चयवारवण्णना

२८४. चतुत्थे पन विपत्तिपच्चयवारे सीलविपत्तिपच्चयाति सीलविपत्तिपअच्छादनपच्चया।

२८६. दिट्ठिविपत्तिपच्चयाति दिट्ठिविपत्तिया अप्पटिनिस्सज्जनपच्चया।

२८७. आजीवविपत्तिपच्चयाति एत्थ आगम्म जीवन्ति एतेनाति आजीवो, चतुपच्चयो, सोव मिच्छापत्तिया विपन्नता विपत्तीति आजीवविपत्ति, तस्सा आजीवविपत्तिया हेतु, तदुप्पादनतपरिभोगनिमित्तन्ति अत्थो।

विपत्तिपच्चयवारवण्णना निड्डिता।

#### अधिकरणपच्चयवारवण्णना

२९१. पञ्चमे अधिकरणपच्चयवारे किच्चाधिकरणपच्चयाति अपलोकनवचनजत्तिकम्मवाचासङ्गतकम्मवाचापच्चया। पञ्चाति एत्थ अधम्मिककतिकदिं अपलोकेत्वा करोन्तानं अनिमित्तन्ति अत्थो। पञ्चमे अधिकरणपच्चयवारे किच्चाधिकरणपच्चया अपलोकनावसाने दुक्कटं, अधिष्णयादिना जत्तिकम्मादिं करोन्तानं थुल्लच्चयादि च सङ्गहतीति दट्टुब्बं। अवसेसा आपत्तियोति सोतापत्तिफलसमापत्तिआदयो। “नत्थञ्जा आपत्तियो”ति इदं विपत्तिआदिभागिनियो सावज्जापत्तियो सन्धाय वुत्तं।

अधिकरणपच्चयवारवण्णना निड्डिता।

### समथभेदं

#### अधिकरणपरियायवारवण्णना

२९३. छट्टे परियायवारे अलोभो पुब्बङ्गमोतिआदि सासनट्ठितिया अविपरीततो धम्मवादस्स विवादं सन्धाय वुत्तं। अट्टारस भेदकरवत्थूनि ठानानीति धम्मादीसु अधम्मोतिआदिना गहेत्वा दीपनानि इधेव भेदकरवत्थूनि, तानि एव कायकलहादिविवादस्स कारणत्ता ठानानि, ओकासत्ता वत्थूनि, आधारत्ता भूमियोति च वृत्तानि। अब्बाकतहेतूति असेक्खानं विवादं सन्धाय वुत्तं। द्वादस मूलानीति कोथो उपनाहो, मक्खो पलासो, इस्सा मच्छरियं, माया साठेय्यं, पापिच्छता महिच्छता, सन्दिट्ठिपरामासिता आधानग्गाहीदुप्पटिनिस्सज्जितानीति इमेसं छन्नं युगळानं वसेन छ धम्मा चेव लोभादयो छ हेतू चाति द्वादस धम्मा विवादाधिकरणस्स मूलानि।

२९४. चुदस मूलानीति तानेव द्वादस कायवाचाहि सद्धि चुदस अनुवादाधिकरणस्स मूलानि।

२९५. पथवीखणनादीसु पण्णत्तिवज्जेसु कुसलाब्बाकतचित्तमूलिका आपत्ति होतीति दस्सेतुं “अलोभो पुब्बङ्गमो”तिआदि वुत्तं। सत्त आपत्तिक्खन्था ठानानीतिआदि सत्तन्नं आपत्तिक्खन्थानं पटिच्छादनपच्चया आपत्तिसम्भवतो वुत्तं। “आपत्ताधिकरणपच्चया चतस्सो आपत्तियो आपज्जती”ति (परि० २९०) हि वुत्तं। “छ हेतू”ति इदं कुसलानं आपत्तिहेतुवोहारस्स अयुत्तताय वुत्तं, न पन कुसलहेतूनं अभावतो। “अलोभो पुब्बङ्गमो”ति हि आदि वुत्तं। आपत्तिहेतवो एव हि पुब्बङ्गमनामेन वुत्ता।

२९६. चत्तारि कम्मनि ठानानीतिआदीसु अपलोकनवाचा, जत्तिआदिवाचायो च कम्मानीति वुत्तं। ता एव हि एकसीमायं सामग्गिमुपगतानं कम्मपत्तानं अनुमतिया सावनकिरियानिष्फत्तिसङ्घातस्स सङ्गणकिच्चसभावस्स किच्चाधिकरणस्स अधिद्वानाभावेन “ठानवत्थुभूमियो”ति वुच्चन्ति। एकं मूलं सङ्घोति येभुय्यवसेन वुत्तं। गणजत्तिअपलोकनानज्हि गणोपि मूलन्ति। जत्तितो वाति जत्तिजत्तिदुतियजत्तिचतुत्थकम्मवाचानं जत्तिरूपत्ता, जत्तिपुब्बकत्ता च वुत्तं। कम्मजत्तिकम्मवाचाजत्तिवसेन हि दुविधासु जत्तीसु अनुस्सावनापि कम्ममूलकन्त्वेव सङ्गहन्ति। जत्तिविभागो चायं उपरि आवि

भविस्सति ।

“इमे सत्त समथा...पे... परियायेना”ति इदं पुच्छावचनं । “सिया”ति इदं विसज्जनं । “कथञ्च सिया”ति इदं पुन पुच्छा । विवादाधिकरणस्स द्वे समथातिआदि पुन विसज्जनं । तत्थ “वत्थुवसेना”ति इदं “सत्त समथा दस समथा होन्ती”ति इमस्स कारणवचनं । “परियायेना”ति इदं “दस समथा सत्त समथा होन्ती”ति इमस्स कारणवचनं । चतुब्बिधाधिकरणसङ्घातवत्थुवसेन च देसनावकमसङ्घातपरियायवसेन चाति अत्थो ।

अधिकरणपरियायवारवण्णना निड्ढिता ।

#### साधारणवारादिवण्णना

२९७. सत्तमे साधारणवारे साधारणाति विवादाधिकरणस्स वूपसमनकिच्चसाधारणा । एवं सब्बत्थ ।

२९८. अट्टमे तब्भागियवारे तब्भागियाति विवादाधिकरणस्स वूपसमनतो तप्पक्खिका ।

साधारणवारादिवण्णना निड्ढिता ।

#### समथासमथस्ससाधारणवारवण्णना

२९९. नवमे समथासमथसाधारणवारे “सब्बे समथा एकतोव अधिकरणं समेन्ति उदाहु नाना”ति पुच्छन्तेन “समथा समथस्स साधारणा, समथा समथस्स असाधारणा”ति वुत्तं । विवादादिअधिकरणक्कमेन तब्बूपसमहेतुभूते समथे उद्धरन्तो “येभ्युसिका”ति आदिमाह । सम्मुखाविनयं विना कस्सचि समथस्स असम्भवा सेसा छपि समथा सम्मुखाविनयस्स साधारणा वुत्ता, तेसं पन छन्तं अज्जमज्जापेक्खाभावतो ते अज्जमज्जं असाधारणा वुत्ता । तब्भागियवारेपि एसेव नयो ।

समथासमथस्ससाधारणवारवण्णना निड्ढिता ।

#### समथसम्मुखाविनयवारादिवण्णना

३०१-३. एकादसमवारेपि सम्मुखाविनयोतिआदि पुच्छा । येभ्युसिका सतिविनयोतिआदि विसज्जनं । एवं विनयवारे कुसल-वारे ततो परेसुपि पुच्छाविसज्जनपरिच्छेदो वेदितब्बो ।

तत्थ सम्मुखाविनयो सिया कुसलोतिआदीसु तस्मिं तस्मिं विनयकम्मे, विवादादिमहि च नियुत्तपुग्गलानं समुप्पज्जनककुसलादीनं वसेन सम्मुखाविनयादीनं, विवादादीनञ्च कुसलादिभावो तेन तेन उपचारेन वुत्तो । यस्मा पनेतस्स सम्मुखाविनयो नाम सङ्गसम्मुखतादयो होन्ति, तेसञ्च अनवज्जसभावता अकुसले विज्जमानेपि अकुसलतूपचारो न युत्तो आपत्ताधिकरणस्स अकुसलतूपचारो विय, तस्मा नत्थि सम्मुखाविनयो अकुसलोति अत्थो ।

३०४. ततो परेसु यत्थ येभ्युसिका लब्धति, तत्थ सम्मुखाविनयो लब्धतीतिआदि सम्मुखाविनयस्स इतरेहि समथेहि नियमेन संसट्ठत्तं, इतरेसं पन छन्तं अज्जमज्जं संसग्गाभावञ्च दस्सेतुं वुत्तं ।

समथसम्मुखाविनयवारादिवण्णना निड्ढिता ।

#### संसट्ठवारादिवण्णना

३०६. अधिकरणन्ति वा समथाति वा इमे धम्मा संसट्ठातिआदि समथानं अधिकरणेसु एव यथारहं पवति, अधिकरणानि विना तेसं विसुं अट्टानञ्च दस्सेतुं वुत्तं । विनिब्भुजित्वा नानाकरणं पज्जापेतुन्ति अधिकरणतो समथेहि वियोजेत्वा असंसट्ठे कत्वा नानाकरणं अज्जमज्जं असंसट्ठताय ठितभावसङ्घातं नानत्तं पज्जापेतुं अधिकरणवूपसमक्खणे एव तेसं असंसग्गं पज्जापेतुं किं सक्काति पुच्छति ।

अधिकरणन्तिआदि गारहवाददस्सनं । सो मा हेवन्ति यो एवं वदति, सो “मा एवं वदा”ति वचनीयो अस्स, न च लब्धति समथानं अज्जत्र अधिकरणा वूपसमलक्खणन्ति पहानावत्थानसङ्घातं नानाकरणं पटिक्खपति । लक्खणतो पन अधिकरणेहि समथानं नानाकरणं अत्थेवाति दट्ठब्बं । समथा अधिकरणेहि सम्मन्तीति अपलोचनादीहि चतूहि किच्चाधिकरणेहि सब्बेपि समथा निड्डानं गच्छन्ति, नाज्जेहीति इममत्थं सन्धाय वुत्तं । तेनेव वक्खति “सम्मुखाविनयो विवादाधिकरणेन न सम्मति । अनुवाद...पे... आपत्ताधिकरणेन न सम्मति, किच्चाधिकरणेन सम्मती”तिआदि (परि० ३११) ।

३०७-३१३. विवादाधिकरणं कतिहि समथेहि सम्मन्तीतिआदिको सम्मतिवारो । तदनन्तरो सम्मतिनसम्मतिवारो च अधिकरणेहि समथानं संसट्ठत्तं, विसंसट्ठतञ्च दस्सेतुं वुत्तो । समथा समथेहि सम्मन्तीतिआदिको समथाधिकरणवारो समथानं अज्जमज्जं, अधिकरणेहि च अधिकरणानञ्च अज्जमज्जं, समथेहि च वूपसमावूपसमं दस्सेतुं वुत्तो ।

३१४. समुट्ठापेतिवारो पन अधिकरणेहि अधिकरणानं उप्पत्तिप्पकारदस्सनत्थं वुत्तो । न कतमं अधिकरणन्ति अत्तनो सम्भवमत्तेन एकम्पि अधिकरणं न समुट्ठापेतीति अत्थो । कथञ्चरहि समुट्ठापेतीति आह “अपि चा”तिआदि । तत्थ जायन्तीति अनन्तरमेव अनुप्पज्जित्वा परम्परपच्चया जायन्तीति अधिप्पायो । “धम्मो अधम्मो”तिआदिना उभिन्नं पुग्गलानं विवादपच्चया अज्जमज्जखेमभङ्गा होन्ति, तप्पच्चया तेसं पक्खं परियेसनेन कलहं वड्ढन्तानं विवादो कज्जि महापरिसं सङ्गपरिणायकं लज्जि आगम्म वूपसमं गच्छति । तथा अवूपसमन्ते पन विवादो कमेन वड्ढित्वा सकलेपि सङ्गे विवादं समुट्ठापेति, ततो अनुवादादीनीति एवं परम्परक्कमेन वूपसमकारणाभावे चत्तारि अधिकरणानि जायन्ति । तं सन्धायाह “सङ्घो विवदति विवादाधिकरण”न्ति । सङ्घस्स विवदतो यो विवादो, तं विवादाधिकरणं होतीति अत्थो । एस नयो सेसेसुपि ।

संसट्ठवारादिवण्णना निड्ढिता ।

#### भजतिवारवण्णना

३१८. तदनन्तरवारे पन विवादाधिकरणं चतुन्नं अधिकरणानन्तिआदि अधिकरणानं वुत्तनयेन अज्जमज्जपच्चयतेपि संसग्गभावदस्सनत्थं वुत्तं । विवादाधिकरणं चतुन्नं अधिकरणानं विवादाधिकरणं भजतीतिआदीसु विवादाधिकरणं चतूसु अधिकरणेसु विवादाधिकरणभावमेव भजति, नाज्जाधिकरणभावं, चतूसु अधिकरणेसु विवादाधिकरणत्तमेव निस्सितं विवादाधिकरणमेव परियापन्नं विवादाधिकरणभावेनेव सङ्गहितन्ति एवमत्थो गहेतब्बो ।

३१९. विवादाधिकरणं सत्तन्नं समथानं कति समथे भजतीतिआदि पन चतुन्नं अधिकरणानं वूपसमने सति नियतसमथे दस्सेतुं वुत्तं । तत्थ कति समथे भजतीति अत्तनो उपसमत्थाय कित्तके समथे उपगच्छति, कित्तके समथे आगम्म वूपसमं गच्छतीति अत्थो । कति समथपरियापन्नन्ति अत्तानं वूपसमेतुं कतिसु समथेसु तेहि समानवसेन पविट्ठं । कतिहि समथेहि सङ्गहितन्ति वूपसमं करोन्तेहि कतिहि समथेहि वूपसमकरणत्थं सङ्गहितं ।

भजतिवारवण्णना निड्ढिता ।

## खन्धकपुच्छावारो

पुच्छाविस्सज्जनावण्णना

३२०. उपसम्पदकखन्धकन्ति पब्बज्जाखन्धकं (महाव० ८४) । सह निहेसेनाति **सनिहेसं** । “सन्निहेसं”न्ति वा पाठो, सो एवत्थो । **निदानेन च निहेसेन च सद्धिन्ति** एत्थ पञ्जत्तिट्ठानपुग्गलादिपकासकं निदानवचनं निदानं नाम, तन्निदानं पटिच्च निहिट्ठसिक्खापदानि निहेसो नाम, तेहि अवयवभूतेहि सहितं तंसमुदायभूतं खन्धकं पुच्छामीति अत्थो । **उत्तमानि पदानीति** आपत्तिपञ्चापकानि वचनानि अधिपेत्तानि । **तेसं...पे०... कति आपत्तियो होन्तीति** तेहि वचनेहि पञ्जत्ता कति आपत्तिक्खन्धा होन्तीति अत्थो । ननु आपत्तियो नाम पुग्गलानञ्जेव होन्ति, न पदानं, कस्मा पन “समुक्कट्टपदानं कति आपत्तियो”ति सामिवसेन निहेसो कतोति आह “**येन येन हि पदेना**”तिआदि । पाळियं **उपोसथन्ति**आदि उपोसथक्खन्धकादीनञ्जेव (महाव० १३२ आदयो) गहणं ।

पुच्छाविस्सज्जनावण्णना निड्ढिता ।

## एकुत्तरिकनयं

एककवारवण्णना

३२१. एकुत्तरिकनये पन **अजानन्तेन वीतिक्कन्ताति** पण्णात्तिं वा वत्थुं वा अजानन्तेन वीतिक्कन्ता पथवीखणनसहसेय्यादिका, सापि पच्छा आपन्नभावं जत्वा पटिकम्मं अकरोन्तस्स अन्तरायिकाव होति ।

**पारिवासिकादीहि पच्छा आपन्नाति** वत्तभेदेसु दुक्कटानि सन्थाय वुत्तं । तस्मिं खणे आपज्जितब्वअन्तरापत्तियो सन्थायाति केचि वदन्ति, तस्स पुब्बापत्तीनंअन्तरापत्ति-पदेनेव वक्खमानत्ता पुरिममेव युत्ततरं । **मूलविसुद्धिया अन्तरापत्तीति** मूलायपटिकस्सनादीनि अकत्वा सब्बपठमं दिन्नपरिवासमानत्तविसुद्धिया चरणकाले आपन्नअन्तरापत्तिसङ्घातसङ्घादिसेसो । **अग्घविसुद्धियाति** अन्तरापत्ति आपन्नस्स मूलाय पटिकस्सित्वा ओधानसमोधानवसेन ओधुनित्वा पुरिमापत्तिया समोधाय तदाग्घवसेन पुन दिन्नपरिवासादिसुद्धिया चरणकाले पुन आपन्ना अन्तरापत्ति ।

**सउस्साहेनेवाति** पुनपि तं आपत्तिं आपज्जितुकामताचित्तेन, एवं देसितापि आपत्तिं न वुट्ठातीति अधिप्यायो । धुरनिकखेपं अकत्वा आपज्जने सिखापत्तदोसं दस्सेन्तो आह “**अड्डमे वत्थुस्मिं भिक्खुनिया पाराजिकमेवा**”ति । न केवलञ्च भिक्खुनिया एव, भिक्खूनप्पि धुरनिकखेपं अकत्वा थोकं थोकं सप्पिआदिकं थेय्याय गण्हन्तानं पादग्घनके पुण्णे पाराजिकमेव । केचि पन “अड्डमे वत्थुस्मिं भिक्खुनिया पाराजिकमेव होतीति वुत्तत्ता अड्डवत्थुकमेवेतं सन्थाय वुत्तं”न्ति वदन्ति ।

**धम्मिकस्स पटिस्सवस्साति** “इध वस्सं वसिस्सामी”तिआदिना गिहीनं सम्मुखा कतस्स धम्मिकस्स पटिस्सवस्स, अधम्मिकस्स पन “असुकं पहरिस्सामी”तिआदिकस्स पटिस्सवस्स असच्चापनेन आपत्तिं नत्थि ।

**तथा चोदितोति** अधम्मेन चोदितो, सयं सच्चं, अकुप्पे च अट्ठत्वा पटिच्छादेन्तोपि अधम्मचुदितको एव । पञ्चानन्तरियनियतमिच्छादिट्ठियेव **मिच्छत्तनियता** नाम । चत्तारो मग्गा **सम्पत्तनियता** नाम ।

एककवारवण्णना निड्ढिता ।

दुकवारवण्णना

३२२. दुकेसु सयमेव सपुग्गलोति आह “**मुदुपिट्टिकस्सा**”तिआदि । **आदि-सहेन** अङ्गजातच्छेदअत्तघातादिआपत्तियो सङ्गहिता ।

**भण्डागारिकचित्तकम्मानि वाति** गहट्ठानं भण्डपटिसामनं, इत्थिपुरिसादिपटिभानचित्तकम्मानि वा । “**चीवरादीनि अदेन्तो आपज्जती**”ति इदं “उपज्झयेन, भिक्खवे, सट्ठिविहारिको सङ्गहेतब्बो अनुगहेतब्बो...पे०... पत्तो दातब्बो”तिआदि (महाव० ६७) वचनतो अनादरियेन आमिससङ्गहं अकरोन्तस्स दुक्कटं, भिक्खुनिया पाचित्तियञ्च सन्थाय वुत्तं । निस्सट्ठचीवरादीनं अदानआपत्तिपि एत्थेव सङ्गहिता ।

पाळियं **देसेन्तोति** सभागापत्तिं, अदेसनागामिनिआदिञ्च देसेन्तो । निदानुहेसे आपत्तिं अनाविकरोन्तो, न देसेन्तो च आपज्जति नाम । **ओवादे अगण्हन्तोति** भिक्खूहि भिक्खुनिओवादेत्थाय वुत्तं वचनं अगण्हन्तो बालगिलानगमियविवज्जितो । अत्तनो परिभोगर्थं दिन्नं अञ्जस्स दाने, सङ्घाटिं अपारुपित्वा सन्तरुत्तरेन गामप्पवेसनादीसु च आपत्तियोपि अपरिभोगेन आपज्जितब्वापत्तियोव । **पमानन्ति** सङ्गभेदानन्तरियनिष्फत्तिया लक्खणं । **बालस्साति** निस्सयग्गहणविधिं अजानन्तस्स लज्जिबालस्सेव । **लज्जिस्साति** व्यत्तस्स निस्सयदायकसभागतं परिवीमसन्तस्स । विनये आगता अत्था वेनयिकाति आह “**द्वे अत्था विनयसिद्धा**”ति ।

पाळियं **अप्यत्तो निस्सारणन्ति** एत्थ पब्बाजनीयकम्मं विहारतो निस्सारणत्ता निस्सारणन्ति अधिपेत्तं, तञ्च यस्मा कुलदूसकं अकरोन्तो पुग्गलो आपत्तिबहुलोपि आवोणकलक्खणेन अप्यत्तो नाम होति, तस्मा अप्यत्तो निस्सारणं । यस्मा पन आपत्तादिबहुलस्सापि “आकङ्कमानो सङ्घो पब्बाजनीयकम्मं करेय्या”ति (चूळव० २७) वुत्तं, तस्मा सुनिस्सारितो, सब्बथा पन सुट्ठो निरापत्तिको दुन्निस्सारितोति दट्ठब्बो ।

**अप्यत्तो ओसारणन्ति**आदीसु उपसम्पदाकम्मं एत्थ ओसारणं अधिपेत्तं, तञ्च हत्थच्छिन्नादिको एकच्चो पटिक्खित्ता अप्यत्तोपि सोसारितो, पण्डकादिको दोसारितोति अत्थो ।

दुकवारवण्णना निड्ढिता ।

तिकवारवण्णना

३२३. तिकेसु **लोहितुप्पादापत्तिन्ति** पाराजिकार्पत्ति । **आवुसोवादेनाति** “आवुसो”ति आलपनेन । **आपत्तिन्ति** दुक्कटापत्ति । **सेसा रत्तिञ्जेव दिवा चाति** एत्थ अरुणुगमने आपज्जितब्वापठमकथिनादी (पार० ४५९) सब्बा आपत्तियोपि रत्तिन्दिवानं वेमज्जेयेव आपज्जितब्वत्ता ततियकोट्टासञ्जेव पविट्ठाति दट्ठब्बा । अथ वा उट्ठस्ते अरुणे आपज्जितब्वत्ता दिवा आपज्जितब्वेसु एव पविट्ठाति दट्ठब्बा, अत्थङ्गते सूरिये भिक्खुनियो ओवादेनापत्तियो, पन रत्तन्धकारे पुरिसेन सट्ठि सन्तिट्ठनापत्ति च रत्तियञ्जेव आपज्जितब्वत्ता ।

पुरेभत्तं कुलानि उपसङ्कमनअनतिरिक्तभोजनादीनि दिवा एव आपज्जितब्वानि । केचि पन “भोजनपटिसंयुत्तानि सेखियानि, गणभोजनादीनि च दिवा एव आपज्जितब्वानी”ति वदन्ति । तस्मा ईदिसा आपत्तियो मुञ्चित्वा सेसाव ततियकोट्टासं भजन्तीति वेदितव्वं ।

न ऊनदसवस्सोति दसवस्सस्स बालस्सेव पज्जत्तसिक्खापदत्ता वुत्तं । सद्धिविहारिकअन्तेवासिकेसु असम्मावत्तनापत्तिं, अलज्जीनं निस्सयदानादिमि दसवस्सोव आपज्जति, वुट्ठापिनि द्वे वस्सानि अननुबन्धादिमि ऊनदसवस्सा आपज्जन्ति । **अब्बाकतच्चित्तो**ति सुपन्तस्स भवङ्गचित्तं सन्धाय वुत्तं ।

**अप्पवारेन्तो**ति अनादरियेन अप्पवारेन्तो केनचि पच्चयेन अप्पवारेत्वा काळपक्खचातुद्दसे सङ्गे पवारेन्ते तत्थ अनादरियेन अप्पवारेन्तो तमेव आपत्तिं काळेपि आपज्जतीति जुण्हे एवाति नियमो न दिस्सति, पच्छिमवस्संवुत्थो पन पच्छिमकत्तिकपुण्णमियमेव पवारेतुं लब्भतीति तत्थ अप्पवारणापच्चया आपत्तिं आपज्जमानो एव जुण्हे आपज्जतीति नियमेतब्बोति दट्ठब्बं । **जुण्हे कप्पतीति** एत्थापि एसेव नयो ।

“अपच्चुद्धरित्वा हेमन्ते आपज्जती”ति इमिना “वस्सानं चातुमासं अधिद्धातु”न्ति नियमवचनेनेव अपच्चुद्धरन्तस्स दुक्कटन्ति दस्सेति । वस्सानुपगमनअकरणीयेन पक्कमादयोपि वस्से एव आपज्जति । वत्थिकम्मादिमि गिलानो एव । अधोतपादेहि अक्कमनादीनिपि अन्तो एव आपज्जति । भिक्खुनिया अनापुच्छा आरामप्पवेसनादि च अन्तोसीमायमेव । निस्सयपटिपन्नस्स अनापुच्छादिसापक्कमनादि च बहिसीमायमेव । पातिमोक्खुद्देसे सन्तिया आपत्तिया अनाविकरणापत्तिसमनुभासनऊनवीसतिवस्सूपसम्पादनादिसब्बअधम्मकम्मापत्तियोपि सङ्गे एव । अधम्मेन गणुपोसथादीसुपि गणादिमज्जे एव । अलज्जिस्स सन्तिके निस्सयग्गहणादिपि पुगलस्स सन्तिके एव आपज्जति ।

**तीणि अधम्मिकानि अमूळहविनयस्स दानानीति** यो उम्मतकोपि वीतिककमकाले, अनुम्मतो सञ्चिच्चेव आपत्तिं आपज्जित्वा भिक्खूहि पच्छा चोदितो सरमानो एव “न सरामी”ति वदति, यो च “सुपिं विय सरामी”ति वा मुसा वदति, यो च उम्मतककाले कतं सब्बमि सब्बसं वट्ठीतीति वदति, इमेसं तिण्णं दिन्नानि तीणि अमूळहविनयस्स दानानि अधम्मिकानि ।

**अपकतत्तो**ति विनये अपकतज्जू । तेनाह “आपत्तानापत्तिं न जानाती”ति (परि० ३२५) । “दिट्ठिञ्च अनिस्सज्जन्तानयेव कम्मं कातब्ब”न्ति इदं भिक्खूहि ओवदियमानस्स दिट्ठिया अनिस्सज्जनपच्चया दुक्कटं, पाचित्तियमि वा अवस्समेव सम्भवतीति वुत्तं ।

**मुखालम्बरकरणादिभेदो**ति मुखभेरीवादानादिप्यभेदो । **उपधातेतीति** विनासेति । **बीजनिग्गाहादिके**ति चित्तं बीजनिं गाहेत्वा अनुमोदनादिकरणाति अत्थो ।

तिकवारवण्णना निड्ढिता ।

**चतुक्कवारवण्णना**

३२४. चतुक्केसु **सो**ति गिहिपरिक्खारो । **अवापुरणं दातुन्ति** गब्भं विवरित्वा अन्तो परिक्खारदुपनत्थाय विवरणकुञ्चिकं दातुं । सङ्कत्थाय उपनीतं सयमेव अन्तो पटिसामितुमि वट्ठीति । तेनाह “अन्तो ठपापेतुञ्च वट्ठीति”ति ।

आदिकम्मिकेसु पठमं पुरिसलिङ्गं उपज्जतीति आह “**पठमं उप्पन्नवसेना**”ति । पाळियं **अनापत्ति वस्सच्छेदस्सा**ति वस्सच्छेदसम्बन्धिनिया अनापत्तिया एवमत्थो । **मन्तभासाति** मन्ताय पज्जाय कथनं । “**नवमभिक्खुनितो पट्टाया**”ति इदं “अनुजानामि, भिक्खवे, अट्ठन्मं भिक्खुनीनं यथावुट्ठं अवसेसानं यथाकतिक”न्ति (चूळव० ४२६) वचनतो आदितो अट्ठन्मं भिक्खुनीनं पच्चुट्ठातब्बत्ता वुत्तं ।

“**इध न कप्पन्तीति वदन्तोपि पच्चन्तिमेसु आपज्जती**”तिआदिना सञ्चिच्च कप्पियं अकप्पियन्ति वा अकप्पियं कप्पियन्ति वा कथेन्तस्स सब्बत्थ दुक्कटन्ति दस्सेति ।

**पुब्बकरणन्ति वुच्चतीति** अट्ठकथासु वुत्तं, तानि इध परिवारे उट्ठटानीति अधिप्पायो । इधाधिप्पेतानि पन दस्सेन्तो “**छन्दपारिसुद्धी**”तिआदिमाह ।

चतुक्कवारवण्णना निड्ढिता ।

**पञ्चकवारवण्णना**

३२५. पञ्चकेसु **आपुच्छित्वा चारस्स अभावो**ति पिण्डपातिकस्स “निमन्तितो सभन्तो”ति इमस्स अङ्गस्स अभावा तेन सिक्खापदेन तस्स सब्बत्था अनापत्तीति अधिप्पायो । **सुसानं नेत्वा पुन आनीतकन्ति** सुसाने पेतकिच्चं कत्वा निक्खन्तेहि न्हत्वा छड्डितानि निवत्थपारुतवत्थानि एवं वुच्चन्ति ।

पाळियं **पञ्चहाकारेही**ति पञ्चहि अवहारङ्गेहि । वत्थुतो पन गरुकलहुकभेदेन पाराजिकथुल्लच्चयदुक्कटानि वुत्तानि । इत्थिपुरिससंयोगादिकं किलेससमुदाचारहेतुकं **पटिभानचित्तकम्मं** नाम । **पज्जासहस्सं पुच्छी**ति समथविपस्सनाकम्मद्वानेसु पज्जासहस्सं सम्मज्जित्वा ठितं दहरं पुच्छि । इतरापि दहरो अत्तनो गतमग्गत्ता सब्बं विस्सज्जेसि, तेन थेरो पसीदि । **वत्तं परिच्छिन्दी**ति वत्तं निट्ठापेसि । **किं त्वं आवुसो**तिआदिकं थेरो खीणासवो सम्मज्जनानिसंसं सब्बेसं पाकटं कातुं अवोचाति दट्ठब्बं ।

“जण्णुकेहि पतिट्ठाय पदचेतिय”न्ति पाठसेसो । **चोदनं कारेस्सामीति** भगवता अत्तानं चोदापेस्सामि, अत्तानं निग्गण्हापेस्सामीति अत्थो ।

**एत्तकं गहूपगन्ति** एत्तकं अधिकरणवूपसमत्थाय गहेतब्बवचनन्ति यथा सुत्वा विज्जातुं सक्कोति, एवं अनुगणहन्तीति योजना । एत्थ च “अत्तनो भासपरियन्तं अनुगहेत्वा परस्स भासपरियन्तं अनुगहेत्वा”ति एकं, “अधम्मेन करोती”ति एकं, “अप्पटिज्जाया”ति एकञ्च कत्वा पुरिमेहि द्वीहि पञ्चङ्गानि वेदितब्बानि । **वत्थुन्ति** मेथुनादिवीतिककमं । **कथानुसन्धिविनिच्छयानुलोमसन्धिवसेन वत्थुं न जानातीति** चोदकेन वा चुदितकेन वा वुत्तकथानुसन्धिना तेसं वचनपटिवचनानुरुपेन वदन्तो कथानुसन्धिना वत्थुं न जानाति नाम, तञ्च सुत्तविभङ्गे विनीतवत्थुसङ्कातेन विनिच्छयानुलोमेनेव वदन्तो विनिच्छयानुलोमसन्धिवसेन वत्थुं न जानाति नाम । **अत्तिकम्मं नाम होतीति** अत्तिकम्मं निड्डितं नाम होतीति न जानातीति सम्बन्धो । **अत्तिया कम्मप्पत्तो**ति अत्तिया निड्डितायपि कम्मप्पत्तो एव होति । अनुस्सावनट्टाने एव कम्मं निड्डितं होतीति अत्तिकम्मं निड्डितं नाम होति, तं अत्तिया कारणं न जानातीति अत्थो ।

पाळियं **पञ्च विसुद्धियो**ति आपत्तितो विसुद्धिहेतुत्ता, विसुद्धेहि कत्तब्बतो च पातिमोक्खुद्देसा वुत्ता ।

पञ्चकवारवण्णना निड्ढिता ।

**छक्कवारादिवण्णना**

३२६. छक्कादीसु पाळियं **छ अगारवा**ति बुद्धधम्मसङ्घसिक्खासु, अप्पमादे, पटिसन्धारे च छ अगारवा, तेसु एव च छ गारवा वेदितब्बा । “**छब्बस्सपरमता धारेतब्ब**”न्ति इदं विभङ्गे आगतस्स परमस्स दस्सनं ।

३२८. पाळियं **आगतेहि सत्तही**ति “पुब्बेवस्स होति मुसा भणिस्स”न्तिआदिना **मुसावादसिक्खापदे** (पाचि० ४) आगतेहि सत्तहि ।

३२९. तं **कुतेत्थ लब्भा**ति तं अनत्थस्स अचरणं एत्थ एतस्मिं पुगले, लोकसन्निवासे वा कुतो केन कारणेन सक्का लज्जुन्ति **आघातं पटिविने**ति ।

३३०. सस्सतो लोकोतिआदिना वसेनाति “सस्सतो लोको, असस्सतो लोको। अन्तवा लोको, अनन्तवा लोको। तं जीवं तं सरीरन्ति वा, अज्जं जीवं अज्जं सरीरन्ति वा। होति तथागतो परम्मरणा, न होति तथागतो परम्मरणा। होति च न होति च तथागतो परम्मरणा, नेव होति न न होति तथागतो परम्मरणा”ति (म० नि० १. २६९) एवं आगता दस अन्तग्गाहिका दिट्ठियो सन्धाय वुत्तं। मिच्छादिट्ठिआदयोति मिच्छादिट्ठिमिच्छासङ्कप्पादयो अट्ठमिच्छाजाणमिच्छाविमुत्तीहि सट्ठि दस मिच्छता। तत्थ मिच्छाजाणन्ति मिच्छादिट्ठिसम्पयुत्तो मोहो। अविमुत्तस्सेव विमुत्तसज्जिता मिच्छाविमुत्ति नाम।

विपरीताति सम्मादिट्ठिआदयो सम्माजाणसम्माविमुत्तिपरियोसाना दस। तत्थ सम्माविमुत्ति अरहत्तफलं, तंसम्पयुत्तं पन जाणं वा पच्चवेक्खणजाणं वा सम्माजाणन्ति वेदितब्बं।

एकुत्तरिकनयो निट्ठितो।

## उपोसथादिपुच्छाविस्सज्जनावण्णना

३३२. उपोसथादिपुच्छासु पवारणगाथाति दिट्ठादीहि तीहि ठानेहि पवारणावाचा एव। एवं वुत्तानं पन छन्दोविचितिलक्खणेन वुत्तजातिभेदा गाथा।

छक्कवारादिवण्णना निट्ठिता।

महावग्गवण्णनानयो निट्ठितो।

पज्जत्तिवग्गो

## पठमगाथासङ्गणिकं

सत्तनगरेसु पज्जत्तसिक्खापदवण्णना

३३५. अट्ठुसतानीति पज्जासाधिकानि तीणि सतानि। विग्गहपदेन मनुस्सविग्गहं वुत्तं।

अतिरेकन्ति पठमकथिनं। काळकन्ति सुद्धकाळकं। भूतन्ति भूतारोचनं। भिक्खुनीसु च अक्कोसेति “या पन भिक्खुनी भिक्खुं अक्कोसेय्या”ति (पाचि० १०२९) वुत्तं सिक्खापदं।

द्वेपि च भेदाति द्वे सङ्गभेदसिक्खापदानि। अन्तरवासकनामेन अज्जातिकाय भिक्खुनिया हत्थतो चीवरपटिग्गहणं वुत्तं। सुत्तन्ति सुत्तं विज्जापेत्वा वायापनं। विक्कालेति विक्कालभोजनं। चारित्तन्ति पुरेभत्तं पच्छाभत्तं चारित्तं। नहानन्ति ओरेनद्धमासनहानं।

चीवरं दत्त्वाति समग्गेन सङ्गेन चीवरं दत्त्वा खिच्चनं। गिरग्गन्ति नच्चगीतं। चरियाति अन्तोवस्सं चारिकचरणं। तत्थेवाति वस्संवुत्थाय चारिकं अपक्कमित्वा तत्थेव निवासनं पटिच्च पज्जत्तसिक्खापदं। छन्ददानेनाति पारिवासिकेन छन्ददानेन।

पाराजिकानि चत्तारीति भिक्खुनीनं असाधारणानि। सोळसाति आदितो पज्च सिक्खापदानि, कुलदूसनज्जाति छ, भिक्खुनीनं असाधारणानि दस निस्सगियानि।

चतुत्तिंसाति पठमकथिनसुद्धकाळकचीवरपटिग्गहणरूपियचीवरवायापनकोसेय्यमिस्सकएळकलोमधोवापनदुतियपत्तवज्जितानि भिक्खुविभङ्गे द्वावीसति, भिक्खुनीनं असाधारणानि द्वादस चाति चतुत्तिंसं। छपज्जाससतन्ति वेसालियादीसु पज्जत्तानि द्वत्तिससिक्खापदानि ठपेत्वा सेसा छपज्जाससतं।

दस गारह्हाति वोसासअपटिसं विदितसिक्खापदद्वयज्च ठपेत्वा सेसानि दस पाटिदेसनीयानि। द्वे सत्तति सेखियानि सुरुसुरुकारकसामिसेनहत्थेनपानीयथालकपटिग्गहणससित्थकपत्तधोवनानि तीणि ठपेत्वा सेसानि सेखियानि।

सेय्याति अनुपसम्पन्नेन सहसेय्यसिक्खापदं। खण्णेति पथवीखण्णं। गच्छ देवतेति भूतगार्मसिक्खापदं वुत्तं। सप्पाणकं सिज्चन्ति सप्पाणोदकसिज्चनं। महाविहारोति महल्लकविहारो।

अज्जन्ति अज्जवादकं। द्वारन्ति याव द्वारकोसा अग्गळट्टपनं। सहधम्मोति सहधम्मिकं वुच्चमानो। पयोपानन्ति सुरुसुरुकारकसिक्खापदं।

एळकलोमोति एळकलोमधोवापनं। पत्तो चाति दुतियपत्तो। ओवादोति भिक्खुनुपस्सयं उपसङ्कमित्वा ओवादो। भेसज्जन्ति चतुमासपच्चयपवारणासिक्खापदं। आरज्जिकोति चतुत्थपाटिदेसनीयं। ओवादोति ओवादाय वा संवासाय वा अगमनं।

३३७. “ये च यावततियका”ति पज्हरस्स “इमे खो यावततियका”ति विस्सज्जनं वत्त्वा तदनन्तरं “साधारणं असाधारण”न्तिआदिपज्जानं विस्सज्जने वत्तब्बे यस्मा तं अवत्त्वा “कति छेदनकानी”तिआदिके अट्ठ पज्हे अन्तरा विस्सज्जेत्वा तेसं अनन्तरा “वीसं द्वे सतानि भिक्खून्...पे०... छचत्तारीसा भिक्खून्, भिक्खुनीहि असाधारणा”तिआदिना उक्कमेनेव साधारणादिपज्हा विस्सज्जिता, तस्मा तं उक्कमविस्सज्जनकारणं दस्सेतुं “यस्मा पन ये च यावततियकाति अयं पज्हे”तिआदिमाह।

३३८. धोवनज्ज पटिग्गहोतिआदिगाथा अट्ठकथाचरियानं गाथाव। छब्बस्सानि निसीदनन्ति द्वे सिक्खापदानि। द्वे लोमाति तियोजनातिक्कमधोवापनवसेन द्वे एळकलोमसिक्खापदानि। वस्सिका आरज्जकेन चाति वस्सिकसाटिका परियेसनआरज्जकेसु सेनासनेसु विहरणसिक्खापदेन सह।

पणीतन्ति पणीतभोजनविज्जापनं। ऊनन्ति ऊनवीसतिवस्सुपसम्पादनं। मातुगाप्पेन सट्ठिन्ति संविधाय गमनं वुत्तं। या सिक्खाति यं सिक्खापदं। निसीदने च या सिक्खाति पमाणातिक्कन्तनिसीदनकारापने यं सिक्खापदं। तथा वस्सिका या च साटिकाति एत्थापि।

पाळियं सतं सत्तति छच्चेविमे होन्ति उभिन्नं असाधारणाति भिक्खुनं भिक्खुनीहि असाधारणा छचत्तारीस, भिक्खुनीनं भिक्खुहि असाधारणा तिसाधिकं सतज्जाति एवं उभिन्नं असाधारणा च छसत्ततिअधिकं सतं सिक्खापदानीति अत्थो। सतं सत्तति चत्तारीति उभिन्नं साधारणसिक्खानं गणना चतुसत्ततिअधिकं सतं सिक्खापदानीति अत्थो।

विभत्तियोति आपत्तिकखन्था चेव उपोसथपवारणादयो च अधिप्पेता। ते हि पाराजिकादिभेदेन, भिक्खुउपोसथादिभेदेन च विभजीयन्ति। तेनाह “विभत्तियो”तिआदि। तेसन्ति अट्ठन्तं पाराजिकादीनं। द्वीहीतिआदि विवादाधिकरणादीनं समथेहि वूपसमदस्सनं।

सत्तनगरेसु पज्जत्तसिक्खापदवण्णना निट्ठिता।

### पाराजिकादिआपत्तिवण्णना

३३९. इदन्ति “पाराजिकन्ति यं वुत्तं”न्तिआदिना वुत्तं वचनं सन्धाय वदति। इदञ्चि हेट्ठा “गरुक लहुक”न्तिआदिना उद्धटपज्हेसु अनागतम्पि “सब्बानिपेतानि वियाकरोहि, हन्द वाक्यं सुणोम ते”ति एत्थ यथावुत्तानि अज्जानिपि “सब्बानिपेतानि वियाकरोहि, हन्द वाक्यं सुणोमा”ति एवं गहितमेवाति दस्सेन्तो “इमिना पन आयाचनवचनेन सङ्गहितस्सा”तिआदि वुत्तं।

अतिवस्सतीति ओवस्सति, वस्सोदकं पविसतीति अत्थो। धम्मानन्ति यथा चतुपच्चये धारयतीति धम्मो, तेसं। तेनाह “सङ्गतधम्मान”न्ति। गाथासङ्गणिकन्ति गाथासङ्गहो, ते ते अत्था गाथाहि सङ्गहेत्वा गणीयन्ति कथीयन्ति एत्थाति हि गाथासङ्गणिकं।

पाराजिकादिआपत्तिवण्णना निट्ठिता।

पठमगाथासङ्गणिकवण्णनानयो निट्ठितो।

## अधिकरणभेदं

### उक्कोटनभेदादिकथावण्णना

३४१. “अलं आवुसो”ति अत्तपच्चत्थिके सज्जापेत्वाति पत्तचीवरादिअत्थाय अलं भण्डनादिकरणन्ति विवादादीसु दोसदस्सनमत्तेन सज्जापेत्वा अज्जमज्जं खमापेत्वा वूपसमेन्ति, न पन अज्जमज्जं आपत्तानापत्तिदस्सनवसेनाति अधिप्पायो। तेनाह “पाळिमुत्तकविनिच्छयेनेवा”ति।

विसमानि कायकम्मादीनि निस्सितो भिक्खु विसमनिस्सितो नाम, मिच्छादिट्ठिनिस्सितो गहननिस्सितो, बलवन्ते पुरिसे निस्सितो बलवनिस्सितो नामाति दस्सेन्तो “एको विसमानी”तिआदिमाह।

उक्कोटनभेदादिकथावण्णना निट्ठिता।

### अधिकरणनिदानादिवण्णना

३४२. आपत्तिं निस्साय उप्पज्जनकआपत्तिवसेनाति परेसं, अत्तनो च आपत्तिं पटिच्छादेत्तानं वज्जपटिच्छादीनं पाराजिकादिआपत्तिमेव सन्धाय वुत्तं, न सब्बापत्तियो। किच्चं निस्साय उप्पज्जनककिच्चानन्ति उक्खेपनीयादिकम्पं निस्साय उप्पज्जनकानं तदनुवत्तिकाय भिक्खुनियया यावततियानुस्सावनानं किच्चानं वसेन, न सब्बेसं किच्चानं वसेनाति।

३४४. पाळियं “कतिहि अधिकरणेही”ति पुच्छाय “एकेन अधिकरणेन किच्चाधिकरणेना”ति वुत्तं। “कतिसु ठानेसू”ति पुच्छाय “तीसु ठानेसु सङ्गमज्जे, गणमज्जे, पुगलस्स सन्तिके”ति वुत्तं। “कतिहि समथेही”ति पुच्छाय “तीहि समथेही”ति वुत्तं। तीहिपि एतेहि एको वूपसमनप्पकारोव पुच्छितो, विस्सज्जितो चाति वेदितब्बो।

३४८. विवादाधिकरणं होति अनुवादाधिकरणन्तिआदीसु विवादाधिकरणमेव अनुवादाधिकरणादिपि होतीति पुच्छाय विवादाधिकरणं विवादाधिकरणमेव होति, अनुवादादयो न होतीति विस्सज्जनं।

अधिकरणनिदानादिवण्णना निट्ठिता।

### सत्तसमथनानात्थादिवण्णना

३५४. अधिकरणपुच्छाविस्सज्जनं पाळियं विपच्चयताय वोहारोति विरूपविपाकाय अज्जमज्जं दुक्खुप्पादनाय कायवचीवोहारो। मेधगन्ति बुद्धिप्पत्तो कलहो।

अनुसम्पवङ्कताति विपत्तिचोदनाय अनु अनु संयुज्जनवसेन निन्तता।

अभ्युस्सहनताति अतिविय सज्जातुस्साहता। अनुबलप्पदानन्ति चोदकानम्पि उपत्थम्भकरणं। कम्मसङ्गहाभावेनाति सङ्गसम्मुखतादिमत्तस्स सम्मुखविनयस्स सङ्गादीहि कत्तब्बकिच्चेसु सङ्गहाभावा।

सत्तसमथनानात्थादिवण्णना निट्ठिता।

अधिकरणभेदवण्णनानयो निट्ठितो।

### दुतियगाथासङ्गणिकं

### चोदनादिपुच्छाविस्सज्जनावण्णना

३५९. दुतियगाथासङ्गणिकाय “चोदना किमत्थाया”तिआदिका पुच्छा उपालित्थेरेन कता। “चोदना सारणत्थाया”तिआदिविस्सज्जनं भगवता वुत्तं। उपालित्थेरो सयमेव पुच्छित्वा विस्सज्जनं अकासीतिपि वदन्ति।

मन्तग्गहणन्ति तेसं विचारणागहणं, सुत्तन्तिकत्थेरानं, विनयधरत्थेरानञ्च अधिप्पायगहणन्ति अत्थो। पाटेक्कं विनिच्छयसन्निट्ठापनत्थन्ति तेसं पच्चेकं अधिप्पायं जत्वा तेहि समुट्ठापितनयम्पि गहेत्वा विनिच्छयपरियोसापनत्थन्ति अधिप्पायो।

“मा खो तुरितो अभणी”तिआदिना अभिमुखे ठितं कञ्चि अनुविज्जकं ओवदन्तेन विय थेरेन अनुविज्जकवत्तं कथितं।

अनुयुज्जनवत्तन्ति अनुयुज्जनककमं, तं पन यस्मा सब्बसिक्खापदवीतिककमविययेपि तंतंसिक्खापदानुलोमेन कत्तब्बं, तस्मा “सिक्खापदानुलोमिक”न्ति वुत्तं। अत्तनो गतिं नासेतीति अत्तनो सुगतगमनं विनासेति।

अनुसन्धित-सद्दो भावसाधनोति आह “अनुसन्धितन्ति कथानुसन्धी”ति। वत्तानुसन्धितेनाति एत्थापि एसेव नयो। वत्तानुसन्धितेनाति आचारानुसन्धिना, आचारेन सङ्घि समेन्तिया पटिज्जायाति अत्थो। तेनाह “या अस्स वत्तेना”तिआदि।

पाळियं सञ्चिच्च आपत्तिन्ति आदि अलज्जिलज्जिलकखणं भिक्खुभिक्खुनीं वसेन वुत्तं तेसज्जेव सब्बपकारतो सिक्खापदाधिकारत्ता। सामणेरादीनम्पि साधारणवसेन पन सञ्चिच्च यथासकं सिक्खापदवौतिकमनादिकं अलज्जिलज्जिलकखणं वेदितब्बं।

कथानुसन्धिवचनन्ति चुदितकअनुविज्जकानं कथाय अनुसन्धियुत्तं वचनं न जानाति, तेहि एकस्मिं कारणे वुत्ते सयं तं असल्लकखेत्वा अत्तनो अभिरुचितमेव असम्बन्धितत्थन्ति अत्थो। विनिच्छयानुसन्धिवचनञ्चाति अनुविज्जकेन कतरस्स आपत्तानापत्तिविनिच्छयस्स अनुगुणं, सम्बन्धवचनञ्च।

चोदनादिपुच्छाविस्सज्जनावण्णना निड्ढिता।

## चोदनाकण्डं

### अनुविज्जककिच्चवण्णना

३६०. पाळियं यं खो त्वन्तिआदीसु त्वं, आवुसो, यं इमं भिक्खुं चोदेसि, तं किम्हि दोसे चोदेसि, कतराय विपत्तिया चोदेसीति अत्थो। एवं सब्बत्थ।

३६१. असुद्धपरिसङ्कितोति असुद्धाय अट्टाने उप्पन्नाय परिसङ्काय परिसङ्कितो। तेनाह “अमूलकपरिसङ्कितो”ति।

३६४. पाळियं उपोसथो सामगत्यायाति विसुद्धानं भिक्खुनं अज्जोञ्जनिरपेक्खो अहुत्वा उपोसथो उपोसथद्वानं सन्निपतित्वा “परिसुद्धिं आयस्मन्तो आरोचेथ, परिसुद्धेत्थायस्मन्तो, परिसुद्धो अहं आवुसो”ति आदिना अज्जमज्जं परिसुद्धिवीमंसनारोचनवसेन अयुत्ते विवज्जेत्वा युत्तेहेव कायचित्तसामगगीकरणत्थाय।

विसुद्धाय पवारणाति दिट्ठसुतादीहि अज्जमज्जं कथापेत्वा विसुद्धिस्सम्पादनत्थायाति अत्थो। उभो एतेति आमिसपुगलनिस्सयने एते उभो।

अनुविज्जककिच्चवण्णना निड्ढिता।

## चूळसङ्गामं

### अनुविज्जकस्स पटिपत्तिवण्णना

३६५. तत्र हीति तस्मिं सन्निपाते। अत्तपच्चत्थिकाति लज्जिपेसलस्स चोदकपापगरहीपुगलस्स अनत्थकामा वेरीपुगला। सासनपच्चत्थिकाति अत्तनो अनाचारानुगुणं बुद्धवचनं पकासेन्तो तण्हागतिका, दिट्ठिगतिका च। अज्झोगाहेत्वाति अलज्जिअभिभवनवसेन सङ्गमज्जं पविसत्वा। सो सङ्गामावचरोति सो चोदको सङ्गामावचरो नाम। दिट्ठसुतमुत्तम्पि राजकथादिक्कन्ति दिट्ठसुतवसेनेव राजचोरादिकथं, मूतवसेनपि अन्नादिकथञ्च अकथेन्तेनाति योजेतब्बं। कप्पियाकप्पियनिस्सिता वाति आदीसु रूपारूपपटिच्छेदपदेन सकलअभिधम्मत्थपिटकत्तं दस्सेति। समथाचारादीहि पटिसंयुत्तन्ति सकलसुतन्तिपिटकत्तं। तत्थ समथाचारो नाम समथभावनाकमो। तथा विपस्सनाचारो। ठाननिसज्जवत्तादिनिस्सिताति सङ्गमज्जादीसु गरुचित्तिकारं पच्चुपट्टपेत्वा ठानादिकमनिस्सिता चेव चुट्टसमहावत्तादिवत्तनिस्सिता च, आदि-सदेन अपिच्छतादिनिस्सिता चाति अत्थो। पज्जे उप्पन्नेति केनचि उप्पन्ने पज्जे पुच्छते। इदञ्च उपलक्खणमतं, यं किञ्चि उपडितं धम्मं भासस्सुति अधिप्पायो।

कुलपदेसो नाम खत्तियादिजातियम्पि कासिकराजकुलादिकुलविसेसो। एतमेवाह “कुलपदेसो खत्तियकुलादिवसेनेव वेदितब्बो”ति। सन्निपातमण्डलेति अत्तनो अनुविज्जमानपकारं सङ्गस्स आपत्त्यं उट्ठाय सङ्गसन्निपातमज्जे इतो चितो च परेसं मुखं ओलोकेन्तेन न चरितब्बं। यथानिस्सिनेनेव धम्मविनयानुगुणं विनिच्छयं यथा सब्बे सुणन्ति, तथा वत्तब्बन्ति अत्थो।

पाळियं अचण्डिकतेनाति अकतचण्डभावेन, अफरुसेनाति अत्थो। “हितानुकम्पिना”ति एतेन मेत्तापुब्बभागो वुत्तो। “कारुणिकेन भवितब्ब”न्ति इमिना अप्पनाप्पत्तकरुणा वुत्ता। “हितपरिसविकना”ति इमिना करुणापुब्बभागो। तेनाह “करुणा च करुणापुब्बभागो च उपट्ठापेतब्बोति अयं पदद्वयेपि अधिप्पायो”ति। लज्जियाति लज्जिनी।

अनुयोगवत्तं कथापेत्वाति “कालेन वक्खामी”ति आदिना (परि० ३६२) वुत्तवत्तं। अनुयुज्जनाचारकमेनेव अनुयुज्जनं अनुयोगवत्तं नाम, तं कथापेत्वा तेनेव कमेन अनुयुज्जापेत्वाति अत्थो। उज्जमद्वेनानाति एत्थ अज्झाहरितब्बपदं दस्सेति “उपचरितब्बो”ति। “धम्मेषु च पुगलेसु चा”ति इदं “मज्झत्तेन भवितब्ब”न्ति पकतेन सम्बन्धितब्बन्ति आह “धम्मेषु च पुगलेसु च...पे... मज्झत्तोति वेदितब्बो”ति। यज्जि यत्थ कत्थाचि कत्तब्बं, तं तत्थ अतिक्कमन्तो मज्झत्तो नाम न होति, धम्मेषु च गारवो कत्तब्बो। पुगलेसु पन मेत्ताभावेन पक्खपातगारवो। तस्मा इमं विधिं अनतिककन्तोव तेसु मज्झत्तोति वेदितब्बो।

३६६. संसन्दनत्थन्ति आपत्ति वा अनापत्ति वाति संसये जाते संसन्दित्वा निच्छयकरणत्थं वुत्तन्ति अधिप्पायो। अत्थदस्सनायाति साधेतब्बस्स आपत्तादिउपमेय्यत्थस्स चोदकचुदितके अत्तनो पटिज्जाय एव सरूपविभावनत्थं। अत्थो जानापनत्थायाति एवं विभावितो अत्थो चोदकचुदितकसङ्गानं जापनत्थाय निज्जापनत्थाय, सम्पटिच्छापनत्थायाति अत्थो। पुगलस्स ठपनत्थायाति चोदकचुदितके अत्तनो पटिज्जाय एव आपत्तियं, अनापत्तियं वा पतिट्ठापनत्थाय। सारणत्थायाति पमुट्ठसरापनत्थाय। सबवनीयकरणत्थायाति दोसे सारितेपि सम्पटिच्छित्त्वा पटिकम्मं अकरोन्तस्स सबवनीयकरणत्थाय। “न ते अपसादेतब्बा”ति इदं अधिप्पेतत्थदस्सन्। तत्थ अविसंवादकट्टाने ठिता एव न अपसादेतब्बा, न इतरेति दट्ठब्बं।

अप्पच्चयपरिनिब्बानत्थायाति आयाति पटिसन्धिया अकारणभूतपरिनिब्बानत्थाय। परिनिब्बानज्झि नाम खीणासवानं सब्बपच्छिमा चुत्तिचित्तकम्मजरूपसङ्घाता खन्धा, ते च सब्बाकारतो समुच्छिन्नानुसयताय पुनर्भववाय अनन्तरादिपच्चया न होन्ति अज्जेहि च तण्हादिपच्चयेहि विरहितत्ता। तस्मा “अप्पच्चयपरिनिब्बान”न्ति वुच्चति। तन्ति विमुत्तिआणदस्सन्। तेनेवाह “तस्मि”न्ति। विनयमत्तनाति विनयविनिच्छयो। सोतावधानन्ति सोतस्स ओदहनं, सवनन्ति अत्थो। तेनाह “यं उप्पज्जति जाण”न्ति। यथावुत्ताय विनयसंवरादिकारणपरम्पराय विमुत्तिया एव पधानत्ता सा पुन चित्तस्स विमोक्खोति उट्ठटोति आह “अरहत्तफलसङ्घातो विमोक्खो”ति। अथ वा यो यं किञ्चि धम्मं अनुपादियित्वा परिनिब्बानवसेन चित्तस्स चित्तसन्ततिया, तप्पटिबद्धकम्मजरूपसन्ततिया च विमोक्खो विमुच्चनं अपुनप्पवत्तिवसेन विगमो, एतदत्थाय एतस्स विगमस्सत्थाय एवाति एवं निगमनवसेनपेत्थ अत्थो वेदितब्बो।

३६७. अनुयोगवत्तगाथासु कुसलेन बुद्धिमत्ताति सम्मासम्बुद्धेन। कतन्ति निब्बत्तितं, पकासितन्ति अत्थो। तेनेवाति आदीसु तेनेव कताकतस्स अजाननेव पुब्बापरं अजाननस्स, अज्जस्सपि भिक्खुनो यं कताकतं होति, तम्पि न जानातीति अत्थो। अत्तनो सदिसायाति यथावुत्तोहि दोसेहि युत्तताय अत्तना सदिसाय।

अनुविज्जकस्स पटिपत्तिवण्णना निड्ढिता।

## महासङ्गामं

### वोहरन्तेन जानितब्बादिवण्णना

३६८-३७४. महासङ्गामे पाळियं सङ्गामावचरेनाति अनुविज्जकं सन्धाय वुत्तं। वत्थूति मेथुनादिर्वीतिकमो। निदानन्ति वेसालिआदिपञ्जत्तिद्वानं। पुग्गलो अकारको जानितब्बोति एत्थ सङ्गे वा गणे वा परिणायकभूतो पुग्गलोति दट्ठब्बं।

३७५. विस्सट्टिसिक्खापदन्ति नीलादिदसन्नं सुक्कानं मोचनवसेन वुत्तं सुक्कविस्सट्टिसिक्खापदं। तज्जि तेलादिमन्दवण्णानं नीलादिपचुरवण्णानं वसेन “वण्णावण्णा”ति वुत्तं। पचुरत्थे हि इध अवण्णोति अ-कारो।

३७९. याव अकनिट्ठुब्रह्मानो द्विधा होन्तीति एत्थ अविहादिसुद्धावासिका अञ्जभूमीसु अरिया धम्मवादीपक्खं एव भजन्ति, इतरे दुविधम्पीति दट्ठब्बं।

वोहरन्तेन जानितब्बादिवण्णना निड्डिता।

## कथिनभेदं

### कथिनअथतादिवण्णना

४०४. कथिने अनागतवसेनाति उदकाहरणादिपयोगे उपपन्ने पच्छा धोवनादिपुब्बकरणस्स उपपत्तितो तप्पयोगस्स अनागतवसेनेव अनन्तरपच्चयो। पच्चयत्तञ्चस्स कारियभूतस्स यस्मा निष्फादेतब्बत्तं निस्साय पच्चया पवत्ता, न विना तेन, तस्मा तेन परियायेन वुत्तं, न सभावतो सब्बत्थ। तेनाह “पयोगस्स ही”तिआदि। तत्थ पयोगस्स सत्तविधम्पि पुब्बकरणं पच्चयो होतीति सम्बन्धो। कारणमाह “यस्मा”तिआदि। पुब्बकरणस्सत्थायाति पुब्बकरणस्स निष्फादनत्थाय। पुरेजातपच्चयेति पुरेजातपच्चयस्स विसये। एसाति पयोगो। धोवनादिधम्मेसु एकम्पि अत्तनो पुरेजातपच्चयभूतं धम्मं न लभति, अत्तनो उपपत्तितो पुरेजातस्स पुब्बकरणस्स अभावाति अत्थो। लभतीति पच्छाजातपच्चयं पुब्बकरणं लभति, पच्छाजातपच्चयो होतीति अत्थो।

पाळियं पन्नरस धम्मा सहजातपच्चयेन पच्चयोति एत्थ पुब्बकरणस्साति वा पयोगस्साति वा अञ्जस्स कस्सचि पच्चयुप्पन्नस्स अपरामट्ठत्ता पन्नरस धम्मा सयं अञ्जमञ्जसहजातपच्चयेन पच्चयोति एवमत्थो गहेतब्बो, तेहि सह उपपज्जनकस्स अञ्जस्स अभावा। एवं उपरि सब्बत्थ। तेनाह “सहजातपच्चयं पना”तिआदि। मातिका च पलिबोधा चाति एत्थ च-सद्वेन पञ्चानिस्सानि गहितानीति दट्ठब्बं। एवं मातिकानञ्च पलिबोधानञ्चाति एत्थापि। तेहिपि अत्थो अनन्तरमेव मातिकादीहि सह जायन्ति। तेनेव “पन्नरस धम्मा सहजातपच्चयेन पच्चयो”ति वुत्ता। आसाति चीवरासा। वत्थूति आसाय निमित्तभूतं अनुप्पन्नचीवरं। “दस्साम करिस्सामा”ति हि दायकेहि पटिज्जातचीवरं निस्साय अनन्तरं उपपज्जमाना चीवरासा अनन्तरपच्चयादिभावेन वुत्ता। आसानञ्च अनासानञ्चाति लब्धमानकचीवरे उपपज्जनकचीवरासानञ्चेव अलब्धमाने चीवरे उपपज्जनकअनासानञ्च, आसानं, तब्बिगमानञ्चाति अत्थो। खणे खणे उपपत्तिभेदं सन्धाय “आसान”न्ति बहुवचनं कत्तं, आसाय, अनासाय चाति अत्थो। तेनाह “आसा च अनासा चा”ति।

कथिनअथतादिवण्णना निड्डिता।

### पुब्बकरणनिदानादिविभागवण्णना

४०६-७. छ चीवरानीति खोमादीसु छसु अञ्जतरं सन्धाय वुत्तं। सब्बसङ्गाहिकवसेने पन “चीवरानी”ति बहुवचनं कत्तं। पाळियं पनेत्थ वत्थु, आसा च अनासा चातिआदीसु अत्थते कथिने आपिसंसवसेन उपपज्जनकपच्चासाचीवरं “वत्थू”ति वुत्तं। कथिनचीवरं हेतुपच्चय-सद्वेहि वुत्तन्ति वेदितब्बं।

४०८. पच्चुद्धारो तोहि धम्मेहीतिआदि कथिनत्थारत्थाय तिचीवरतो अञ्जं वस्सिकसाटिकादिं पच्चुद्धरितुं, अधिद्वहत्वा अत्थरितुञ्च न वट्ठतीति दस्सनत्थं वुत्तं। “वचीभेदेना”ति एतेन केवलं कायेन कथिनत्थारो न रहतीति दस्सेति।

पुब्बकरणनिदानादिविभागवण्णना निड्डिता।

### कथिनादिजानितब्बविभागवण्णना

४१२. येसु रूपादिधम्मेसूति “पुरिमवस्संवत्था भिक्खु, पञ्चहि अनूतो सङ्गो, चीवरासा, धम्मेन समेन समुप्पन्नं चीवर”न्ति एवमादीसु येसु रूपाधमधम्मेसु। सतीति सन्तेसु। मिस्सीभावोति संसग्गता समूहपञ्जत्तिमत्तं। तेनाह “न परमत्थतो एको धम्मो अत्थी”ति।

४१६. एकतो उपपज्जन्तीति कथिनुद्धारेन सह उपपज्जमानाहा होन्तीति अत्थो। कथिनत्थारतो हि पभुति सब्बे कथिनुद्धारा तं तं कारणन्तरमागम् उपपज्जन्ति, तस्मा सब्बे एकुप्पादा नाम जाता। तेसु अन्तरुब्भारसहुब्भारा द्वे एव तं विहारं अनत्थतकथिनविहारसदिसं करोन्ता सयं सकलेन कथिनत्थारेन सह निरुज्जन्ति उद्धारभावं पापुणन्ति। अवसेसा पन तं तं पाटिपुग्गलिकमेव कथिनत्थारं द्विन्नं पलिबोधानं उपच्छिन्दनवसेन निरोधेत्ता सयं उद्धारभावं पापुणन्ति, न सकलं कथिनत्थारं। कथिनुद्धारानञ्च निरोधो नाम तं तं कारणमागम् उद्धारभावपत्ति, एवञ्च उपपत्ति नाम कथिनुद्धारो एव। तेनाह “सब्बेपि अत्थारेन सद्धिं एकतो उपपज्जन्ती”तिआदि। तत्थ पुरिमा द्वेति “एकुप्पादा एकनिरोधा”ति पाळियं पठमं वुत्ता अन्तरुब्भारसहुब्भारा द्वे। तेसूति पक्कमनन्तिकादीसु। उद्धारभावं पत्तेसूति उद्धारभावपत्तिसङ्घातनिरोधं पत्तेसूति अत्थो। अत्थारो तिड्ढतीति कतचीवरं आदाय पक्कन्तादिपुग्गलं ठपेत्वा तदवसेसानं पलिबोधसम्भावतो कथिनत्थारो तिड्ढति।

कथिनादिजानितब्बविभागवण्णना निड्डिता।

पञ्जत्तिवग्गवण्णनानयो निड्डितो।

### सङ्गहवग्गो

## उपालिपच्चकं

### नप्पटिप्पस्सम्भनवग्गवण्णना

४२१. समग्गेहि करणीयानीति विवादाधिकरणेहि पुब्बे असमग्गा हुत्वा पच्छा सामग्गिं उपगतेहि कत्तब्बानि। किं पन असञ्जतमिस्सपरिसाय सद्धिं लज्जिनो सामग्गिं करोन्तीति आह “उपोसथपवारणादीसु ही”तिआदि। तत्थ ठितासूति उपोसथपवारणासु अपवत्तीसु। उपत्थम्भो न दातब्बोति उपरुपरि अपवत्तनत्थाय मयम्पि उपोसथं न करिस्सामातिआदिना कलहस्स उपत्थम्भो न दातब्बो, धम्मेन विनयेन सामग्गिं कत्वा समग्गेहेव असञ्जता भिक्खु विनेतब्बाति अधिप्पायो। तेनाह “सचे सङ्गो अच्चयं देसापेत्वा”तिआदि। भिक्खुनो नक्खमतीति केसुचि पुग्गलेसु अप्पमत्तकदोसदस्सेनेन न रुच्यति। दिट्ठुविकम्पम्पि कत्वाति “न मेतं खमती”ति सभागस्स भिक्खुनो अत्तनो दिट्ठिं आविकत्वा। उपेतब्बाति सासनहानिया अभावा सामग्गिं अकोपेत्वा कायसामग्गी दातब्बा, ईदिसे ठाने अलज्जिपरिभोगो आपत्तिकरो न होति, वट्ठतियेव। ये पन सासनविनासाय पटिपन्ना, तेहि सह न वत्ति, आपत्ति एव होति सासनविनासो च। तेनाह “यत्र पन उद्धम्”न्तिआदि।

“दिट्ठविकम्पं न वट्ठती”ति इमिना दिट्ठिया आविकतायपि आपत्तिं दस्सेति ।

४२२. कण्हवाचोति रागदोसादीहि किलिडुवचनो । अनत्यकवचनस्स दीपनं पकासनं अस्साति अनत्यकदीपनो । मानं निस्सायाति विनिच्छयकरणं तव भारोति सङ्गेन भारे अकतोपि “अहमेवेत्य वोहरितुं अरहरूपो”ति मानं निस्साय । यथादिट्ठियाति अनुरूपलद्धिया । यस्स हि अत्यस्स यादिसी दिट्ठि अनुरूपा, तं गहेत्वा न ब्याकताति अत्थो । अस्स अत्तनोति अधम्मादिअत्थं सन्धाय वदति, न पुगलं, अस्स अधम्मादिअत्थसङ्घातस्स अत्तनो सरूपस्स या अनुरूपा दिट्ठीति अत्थो । लद्धि निक्खिपित्वाति अनुरूपलद्धिं छुट्वा, अगहेत्वाति अत्थो । तेनाह “अधम्मादीसु धम्मादिलद्धिको हुत्वा”ति । अथ वा अत्तनो लद्धिं निगूहित्वा पुगलानुगुणं तथा ब्याकरोन्तो न यथादिट्ठिया ब्याकता नाम । इमस्मिं पक्खे अधम्मादीसु धम्मादिलद्धिको हुत्वाति एत्थ अधम्मादीसु धम्मादिलद्धिको विय हुत्वाति अत्थो गहेतब्बो ।

नप्पटिप्पस्सम्भनवगवण्णना निड्डिता ।

#### वोहारवग्गादिवण्णना

४२४. कम्मजतीति कम्मभूता जति । अनुस्सावननिरपेक्खा जतिकम्मभूता जतीति अत्थो । कम्मपादजति नाम जतिदुतियकम्मादीसु अनुस्सावनकम्मस्स पादभूता अधिद्धानभूता जति । नवसु ठानेसूति ओसारणादीसु नवसु ठानेसु । द्वीसु ठानेसूति जतिदुतियजतिचतुत्यकम्मेसु ।

सुत्तानुलोमन्ति उभतोविभङ्गे सुत्तानुलोमभूते महापदेसे सन्धाय वुत्तं । विनयानुलोमन्ति खन्धकपरिवारानुलोमभूते महापदेसे । सुत्तन्तिके चत्तारो महापदेसेति सुत्ताभिधम्मपिटकेसु अनुज्जातपटिक्खित्तसुत्तानुलोमवसेन नयतो गहेतब्बे चत्तारो अत्थे ।

४२५. दिट्ठिनं आविकम्मानीति आपत्तिलद्धीनं पकासनानि, आपत्तिदेसनाकम्मानीति अत्थो ।

यथा चतूहि पञ्चहि दिट्ठि आविकता होतीति यथा आविकते चतूहि पञ्चहि एकीभूतेहि एकस्स पुगलस्स सन्तिके आपत्तिं देसिता नाम होति, एवं देसेतीति अत्थो । एवं देसेन्तो च अत्तना सङ्घि तयो वा चत्तारो वा भिक्खू गहेत्वा एकस्स सन्तिके देसेति । एवं देसेतुं न वट्ठति । देसिता च आपत्तिं न वुड्डाति, देसनापच्चया दुक्कटञ्च होति । द्विन्नं तिण्णं पन एकतो देसेतुं वट्ठति ।

४४४. अदस्सेनेनाति इमस्स अकप्पियं परिवज्जेन्तानं विनयधरानं पटिपत्तिया अदस्सेनेन, तेसं दिट्ठानुगातिं अनापज्जेनेनातिपि अत्थो गहेतब्बो । अकप्पिये कप्पियसअजतायाति रजतादिअकप्पिये तिपुआदिसज्जिताय । पुच्छित्वा वा अज्जेसं वा वुच्चमानं असुणन्तो आपज्जतीति एत्थ पुच्छित्वा असुणन्तो वा पुच्छियमानं असुणन्तो वाति पच्चेकं योजेतब्बं । एकरत्तातिक्कमादिवसेनाति अधिद्वितचोवरेन विप्पवसित्वा एकरत्तातिक्कमेन पाचित्तियं आपज्जति । आदि-सदेन छरत्तातिक्कमादीनं सङ्गहो ।

४५०. अनत्थं कलिसासनन्ति अनत्थावहं कोधवचनं आरोपेन्तो दोसं आरोपेन्तो उपहवाय परिसक्कतीति अत्थो ।

४५४. वोहारनिरुत्तियन्ति तस्स तस्स अत्यस्स वाचकसद्दे पभेदगतजाणप्पत्तो न होतीति अत्थो ।

४५५. परिमण्डलव्यञ्जनारोपणे कुसलो न होतीति परिमण्डलेन पदव्यञ्जनेन वत्थुं, परेहि वुत्तं जानितुञ्च असमत्थोति अत्थो ।

४५८. अनुस्सावनेनाति अनु अनु कथनेन । तेनाह “ननु तुम्हे”तिआदि, यं अवोचुम्ह, स्वायं पकासितोति सम्बन्धो । तत्थ यन्ति इदं यस्मा वचनापेक्खं न होति, वचनत्थापेक्खमेव, तस्मा तेन वचनेन नानाकरणाभावं पकासयिस्सामाति यमत्थं अवोचुम्हाति अत्थो गहेतब्बो । तेनेव “स्वाय”न्ति पुल्लिङ्गवसेन पटिनिहेसो कतो, तस्स सो अयं नानाकरणाभावोति अत्थो ।

४६७. मज्जपदादीसुपि नळाटं पटिहज्जेय्याति अन्धकारे चम्मखण्डं पज्जपेत्वा वन्दितुं ओनमन्तस्स नळाटं वा अक्खि वा मज्जादीसु पटिहज्जति । एतेन वन्दतोपि आपत्तिअभावं वत्वा वन्दनाय सब्बथा पटिक्खेपाभावञ्च दीपेति । एवं सब्बत्थ सुत्तन्तरेहि अप्पटिक्खित्तेसु । नग्गादीसु पन वन्दितुं न वट्ठतीति । एकतो आवट्ठोति एकस्मिं दोसागतिपक्खे परिवत्तो पविट्ठोति अत्थो । तेनाह “सपत्तपक्खे ठितो”ति । वन्दियमानोति ओनमित्वा वन्दियमानो । वन्दितब्बेसु उडेसाचरियो, निस्सयाचरियो च यस्मा नवकापि होन्ति, तस्मा ते वुड्ढा एव वन्दियाति वेदितब्बा ।

४७०. पुब्बे वुत्तमेवाति सहसेय्यादिपण्णातिवज्जं । इतरन्ति सचित्तकं ।

वोहारवग्गादिवण्णना निड्डिता ।

### अपरदुतियगाथासङ्गणिकं

#### कायिकादिआपत्तिवण्णना

४७४. “कति आपत्तियो”तिआदिना उपालित्थेरेन विनयस्स पाटवत्थं सयमेव पुच्छित्वा विस्सज्जनं कतं । भिक्खुनीनंयेव...पे०... अट्ठवत्थुका नामाति भिक्खुनीनं पज्जता एका एव आपत्ति अट्ठवत्थुका नामाति अत्थो ।

४७५. कम्मञ्च कम्मपादका चाति एत्थ यस्मा जतिकम्मेसु जति सयमेव कम्मं होति, जतिदुतियजतिचतुत्थेसु कम्मेसु अनुस्सावनसङ्घातस्स कम्मस्स जतिपादकभावेन तिड्ढति, तस्मा इमानि हे “जतिकिच्चायी”ति वुत्तानि ।

पाचित्तियेन सङ्घि दुक्कटा कताति दससुपि सिक्खापदेसु एकतोउपसम्पन्नाय वसेन वुत्तदुक्कटं सन्धाय वुत्तं । पठमसिक्खापदम्हीति भिक्खुनोवादवग्गस्स पठमसिक्खापदविभङ्गे (पाचि० १४४ आदयो) । अधम्मकम्मेति भिक्खुनोवादकसम्मुतिकम्मे अधम्मकम्मे जाते आपज्जितब्बा द्वे आपत्तिनवका, धम्मकम्मे द्वे आपत्तिनवकाति चत्तारो नवका वुत्ता । आमकथञ्जं विज्जापेत्वा भुज्जन्तिया विज्जापनादिपुब्बपयोगे दुक्कटं, अज्झोहारे पाचित्तियं । पाचित्तियेन सङ्घि दुक्कटा कतायेवाति वुत्तं ।

विजहन्ती तिड्ढतीतिआदीसु यदा भिक्खुनिया एकेन पादेन हत्थपासं विजहित्वा ठत्वा किञ्चि कम्मं कत्वा ततो अपरेन पादेन विजहित्वा ठातुकामता उपपज्जति, तदा सा यथाक्कमं “विजहन्ती तिड्ढति, विजहित्वा तिड्ढती”ति इमं वोहारं लभति । अज्जथा हिस्सा गामूपचारमोक्कन्तिया विसेसो न सिया हत्थपासविजहनस्सापि गमनत्ता । निसीदति वा निपज्जति वाति एत्थापि यथावुत्ताधिप्पायेन अद्डासनेन हत्थपासं विजहन्ती निसीदति, सकलेन वा आसनेन विजहित्वा निसीदति, अद्दसरीरेन विजहन्ती निपज्जति, सकलेन सरीरेन विजहित्वा निपज्जतीति योजेतब्बं ।

कायिकादिआपत्तिवण्णना निड्डिता ।

#### पाचित्तियवण्णना

४७६. **सब्बानि नानावत्थुकानी**ति सप्पिनवनीतादीनं पञ्चन्नं वत्थूनं भेदेन पाचित्तियानि पञ्च नानावत्थुकाणि । एस नयो पणीतभोजनविसये **नव पाचित्तियानी**ति आदीसुपि । एतेन भेसज्जपणीतभोजनसिक्खापदानि एकेकसिक्खापदवसेन पञ्जत्तानिपि वत्थुभेदेन पच्चेकं पञ्चसिक्खापदनवसिक्खापदसदिसानि भिक्खुनीनं पाटिदेसनीयापत्तियो वियाति दस्सेति । तेनेव “नानावत्थुकानी”ति वुत्तं । सप्पि एव पटिग्गहेत्वा अनेकभाजनेसु उपेत्वा सत्ताहं अतिक्रामेन्तस्स भाजनगणनाय सम्भवन्तियो बहुकापि आपत्तियो एकवत्थुका एव होन्ति, एवं सप्पिभोजनमेव बहूसु ठानेसु विज्जापेत्वा एकतो वा विसुं विसुमेव वा भुज्जन्तस्स आपत्तियो एकवत्थुका एवाति दड्ढब्बा ।

पाळियं **एकवाचाय देसेय्य, वुत्ता आदिच्चवन्धुना**ति एत्थ “देसेय्याति वुत्ता”ति इति-सहं अज्झाहरित्वा योजेतब्बं । एवं सेसेसुपि ।

**भेदानुवत्तकानि**ति एत्थ आदि-सद्दो लुत्तनिदिट्ठो । यावततियका च सब्बे उभतोविभङ्गे आगता, सङ्गादिसेससामञ्जेन एकं, पाचित्तियसामञ्जेन च एकं कत्वा “**यावततियके तिस्सो**”ति वुत्तन्ति दड्ढब्बं । एत्थ च जत्तिया दुक्कटं, द्वीहि कम्मवाचाहि थुल्लच्चयापि सन्ति एव । तानि मातिकाय न आगतानि । मातिकागतवसेन हेत्थ “**तिस्सो**”ति वुत्तं ।

**सङ्गादीही**ति सङ्गाणपुग्गलेहि कारणभूतेहि । **अब्भुण्हसीलो**ति परिसुद्धभावूपगमनेन अभिनवुप्पन्नसीलो । अभिनवुप्पन्नज्झि “अब्भुण्ह”न्ति वुच्चति, परिसुद्धसीलोति अत्थो । तेनाह “**पाकतिको**”ति ।

“**कोसम्बककखन्धके वुत्तानिसंसे**”ति इदं कोसम्बककखन्धके “सचे मं इमे भिक्खू आपत्तिया अदस्सने उक्खिपिस्सन्ति, न मया सद्धिं उपोसथं करिस्सन्ती”ति आदिना आपत्तिया अदस्सने आदीनवं दस्सेत्वा परेसप्पि सङ्गाय आपत्तिदेसनाविधानमुखेन सामत्थियतो पकासितो । एकतो उपोसथकरण, पवारणाकरण, सङ्गकम्मकरण, आसर्णेनिसीदन, यागुपानेनिसीदन, भत्तगोनेनिसीदन, एकच्छन्नेसयन, यथावुद्धुअभिवादनादिकरणसङ्गाते अट्टानिसंसे सन्धाय वुत्तं ।

**चतुन्नन्ति** विनयपिटके आगतानं वसेन वुत्तं । **कतमा पन साति** सा चतुब्बिधा अच्चयदेसना कतमाति अत्थो । **अभिमारा**नन्ति मारणत्थाय पयोजितधनुग्गहानं । **उपट्टादिकायाति** सहसेय्यसिक्खापदवत्थुस्मि आगताय ।

**अट्टन्नं भिक्खुनी**नन्ति थेरासनतो पट्टाय अट्टहि भिक्खुनीहि इतराय आगताय वुट्टाय भिक्खुनिया आसनं दातब्बं । अट्टन्नं पन भिक्खुनीनं नवकाय आगताय अदातुम्पि वट्टति । ताय पन सङ्गनवकासने लङ्घोकासे निसीदितब्बं । अथ वा अट्टन्नं वुट्टानं भिक्खुनीनं इतराय नवकतराय आसनं दातब्बं । **कम्मानि नवा**ति ओसारणादीनि नव एव ।

पाचित्तियवण्णना निड्डिता ।

**अवन्दनीयपुग्गलादिवण्णना**

४७७. **दस जना**ति “दस इमे, भिक्खवे, अवन्दिया”ति आदिना (परि० ३३०) वुत्ता नवकअनुपसम्पन्ननानासंवासकमातुगामपण्डका पञ्च, पारिवासिकादयो च पञ्चाति दस जना ।

**द्वादस कम्मदोसाति** दोसयुत्तकम्मानि द्वादसाति अत्थो । **कम्मसम्पत्तियो**ति सम्पन्नकम्मानि, विसुद्धकम्मानि ति अत्थो । **एतदेवाति** धम्मेन समग्गमेव ।

अनन्तं निब्बानं अजिनि जिनित्वा पटिलभतीति अनन्तजिनोति आह “**परियन्त**”इच्चादि । **स्वेवाति** सो एव भगवा ।

“**विनयं पटिजानन्तस्स, विनयानि सुणोम ते**”ति आदिना उपालित्थेरेनेव एकं विनयधरं सम्मुखे ठितं पुच्छन्तेन विय पुच्छित्वा तेन विस्सज्जितं विय विस्सज्जनं कतं । तत्थ **विनयं पटिजानन्तस्साति** विनयं जानामीति पटिजानन्तस्स । **विनयानी**ति विनयं तथा वुच्चमाने सुणोम ।

४७८. पाळियं **पाराजिका**ति आदि उभतोविभङ्गेसु आगतेसु अग्गहितग्गहणवसेन वुत्तं ।

अवन्दनीयपुग्गलादिवण्णना निड्डिता ।

**सेदमोचनगाथा**

**अविप्पवासपज्हावण्णना**

४८९. **सेदमोचनगाथासु अकप्पियसम्भोगो**ति अनुपसम्पन्नेहि सद्धिं कातुं पटिक्खित्तो उपोसथादिसंवासो एव वुत्तो । **पज्हा मेसाति** एत्थ म-कारो पदसन्धिकरो । **एसाति** च लिङ्गविपल्लासवसेन वुत्तं, पज्हो एसोति अत्थो । **पज्ह-सद्दो** वा द्विलिङ्गो दड्ढब्बो । तेनाह “**एसा पज्हा**”ति आदि ।

**गरुभण्डं सन्धाय**ति गरुभण्डेन गरुभण्डपरिवत्तनं सन्धाय । **दसाति** दस अवन्दियपुग्गले । **एकादसेति** अभब्बपुग्गले । **सिक्खाय असाधारणो**ति खुरभण्डं धारेतुं अनुज्जातसिक्खापदेन भिक्खूहि असाधारणसिक्खापदोति अत्थो ।

**उब्भक्खके न वदामीति** अक्खतो उद्धं सीसे ठितमुखमग्गेपि पाराजिकं सन्धाय न वदामि । **अधोनाभिन्ति** नाभितो हेट्ठा ठितवच्चपस्सावमग्गेपि विवज्जिय अज्जस्मिं सरीरप्पदेसे मेथुनधम्मपच्चया कथं पाराजिको सियाति अत्थो ।

**छेज्जवत्थुन्ति** पाराजिकं ।

अविप्पवासपज्हावण्णना निड्डिता ।

**पाराजिकादिपज्हावण्णना**

४८०. **दुस्सकूटिआदीनी**ति आदि-सद्देन अच्छतरतिपुपट्टादीहि, तिणपण्णादीहि च पटिच्छन्नकूटियो सङ्गहाति । तादिसाय हि कूटिया बहि ठत्वा अन्तो ठिताय इत्थिया मग्गे दुस्सादिना सन्थतं कत्वा पवेसेन्तोपि पाराजिको सिया । **लिङ्गपरिवत्तं सन्धाय वुत्ताति** लिङ्गे परिवत्ते पटिग्गहणस्स विजहनतो पुन अप्पटिग्गहेत्वा परिभुज्जनापत्तिं सन्धाय वुत्तं ।

पाळियं **भिक्खू सिया वीसतिया समागता**ति वीसतिया सङ्घाताय भिक्खू समागता, एतेन सब्बकम्मरहतं सङ्गस्स दस्सेति ।

**निवत्थोति** गाथाय अन्तरवासकेन निवत्थो उत्तरासङ्गेन दिगुणं कत्वा पारुतसङ्घाटियो । इति तानि तीणिपि चीवरानि काये गतानेव भिक्खुनिया बिन्दुमत्तं काळकं उदकेन धोवितमत्ते निस्सगियानि होन्तीति अत्थो ।

इत्थिं हनेति गाथाय न मातुभूतं इत्थिं हनेय्य, न पितुभूतं पुरिसं हनेय्य । अनरियन्ति तज्ज अनरहन्तमेव हनेय्य, एतेन अरहन्तधातकोपि न होतीति दस्सेति । अनन्तरं फुसेति आनन्तरियं फुसतीति अत्थो ।

४८१. सुष्यतिट्ठित-निग्रोधसदिसन्ति योजनवित्थतं रुक्खं सन्धाय वुत्तं ।

सत्तरसकेसूति भिक्खुनीनं पञ्जतसत्तरसङ्गादिसेसेसु ।

पाराजिकादिपञ्चावण्णना निट्ठिता ।

## पञ्चवग्गो

### कम्मवग्गवण्णना

४८३. कम्मवग्गो ठपितउपोसथपवारणानं कत्तिकमासे सामगिया कताय सामग्गीपवारणं मुञ्चित्वा उपोसथं कातुं न वट्ठतीति आह “ठपेत्वा कत्तिकमास”न्ति । सचे पन तेसं नानासीमासु महापवारणाय विसुं पवारितानं कत्तिकमासब्भन्तरे सामग्गी होति, सामग्गीउपोसथो एव तेहि कत्तब्बो, न पवारणा । एकस्मिं वस्से कतपवारणानं पुन पवारणाय अवहितत्ता । सामग्गीदिवसोति अनुपोसथदिवसे सामग्गीकरणं सन्धाय वुत्तं । सचे पन चातुदसियं, पन्नरसियं वा सङ्घो सामग्गिं करोति, तदा सामग्गीउपोसथदिवसो न होति, चातुदसीपन्नरसीउपोसथोव होति । उपरि पवारणायपि एसेव नयो ।

पञ्चवक्कट्ठित्वा ठपितदिवसोति भण्डनकारकेहि उपट्ठता वा केनचिदेव करणीयेन पवारणासङ्गहं वा कत्वा ठपितो काळपक्खचातुदसीदिवसोव । द्वे च पुण्णमासियोति पुब्ब-कत्तिकपुण्णमा, पच्छिमकत्तिकपुण्णमा चाति द्वे पुण्णमासियो । एवं चतुब्बिधम्पीति पुण्णमासीद्वयेन सङ्घि सामग्गीपवारणं, चातुदसीपवारणञ्च सम्पिण्डेत्वा वुत्तं । इदञ्च पकतिचारित्तवसेन वुत्तं । तथारूपपच्चये पन सति उभिनं पुण्णमासीनं पुरिमा द्वे चातुदसियोपि काळपक्खचातुदसिया अनन्तरा पन्नरसीपीति इमेपि तयो दिवसा पवारणादिवसा एवाति इमं सत्तविधम्पि पवारणादिवसं ठपेत्वा अञ्जस्मिं दिवसे पवारेतुं न वट्ठति ।

४८४. अनुस्सावनकम्मं कत्वाति पठमं अनुस्सावनं सावेत्वा “एसा जत्ती”ति अनुस्सावनानन्तरमेव सकलं जत्तिं वत्त्वा, परियोसाने “एसा जत्ती”ति वत्त्वाति अधिप्पायो ।

४८५. ख्वायन्ति व्यञ्जनपभेदो अधिप्पेतो । दसथा व्यञ्जनबुद्धिया पभेदोति एत्थ दसथा दसविधेन व्यञ्जनानं पभेदोति योजेतब्बं । केनायं पभेदोति आह “व्यञ्जनबुद्धिया”ति । यथाधिप्पेतत्थव्यञ्जनतो व्यञ्जनसङ्घातानं अक्खरानं जनिका बुद्धि व्यञ्जनबुद्धि, ताय व्यञ्जनबुद्धिया, अक्खरसमुट्ठापकचित्तभेदेनेवाति अत्थो । यं वा संयोगपरं कत्वा वुच्चति, इदम्पि गरुकन्ति योजना ।

तत्थ आयस्मत्तोतिआदीसु यानि अनन्तरितानि स-कारम-कारादिव्यञ्जनानि “संयोगो”ति वुच्चन्ति, सो संयोगो परो यस्स अ-कारादिनो, सो संयोगपरो नाम । रस्सन्ति अकारादिव्यञ्जनरहितं सरं । असंयोगपरन्ति “यस्स नक्खमती”तिआदीसु य-कार न-कारादिव्यञ्जनसहितसरं सन्धाय वुत्तं । त-कारस्स थ-कारं अक्त्वा वग्गन्तरे सिथिलमेव कत्वा “सुणाटु मे”तिआदि वदन्तोपि दुरुत्तं करोतियेव ठपेत्वा अनुरूपं आदेसं । यज्झि “सच्चिकत्थपरमत्थेना”ति वत्तब्बे “सच्चिकट्टपरमट्टेना”ति च “अत्थकथा”ति वत्तब्बे “अट्टकथा”ति च तत्थ तत्थ वुच्चति, तादिसं पाळिअट्टकथासु दिट्ठपयोगं, तदनुरूपञ्च वत्तुं वट्ठति, ततो अञ्जं न वट्ठति । तेनाह “अनुक्कमागतं पवेणिं अविनासेनेना”तिआदि ।

दीधे वत्तब्बे रस्सन्तिआदीसु “भिक्खून्”न्ति वत्तब्बे “भिक्खुन्”न्ति वा “बहूसू”ति वत्तब्बे “बहुसू”ति वा “नक्खमती”ति वत्तब्बे “न खमती”ति वा “उपसम्पदापेक्खो”ति वत्तब्बे “उपसम्पदापेक्खो”ति वा एवं अनुरूपट्टानेसु एव दीधरस्सादि रस्सदीधादिवसेन परिवत्तेतुं वट्ठति, न पन “नागो”ति वत्तब्बे “नगो”ति वा “सङ्घो”ति वत्तब्बे “सघो”ति वा “तित्सो”ति वत्तब्बे “तिसो”ति वा “याचती”ति वत्तब्बे “याचन्ती”ति वा एवं अनुरूपट्टानेसु वत्तुं । सम्बन्धं, पन ववत्थानञ्च सब्बथापि वट्ठतीति गहेतब्बं ।

४८६. सेससीमासुपीति अतिमहतीआदीसु दससुपि ।

४८८. चतुवग्गकरणेति चतुवग्गेन सङ्गेन कत्तब्बे । अनिस्सारिताति उपोसथट्टपनादिना वा लङ्घिनानासंवासकभावेन वा न बहिकता । अट्टकथायज्झि “अपकतत्तस्साति उक्खित्तकस्स वा, यस्स वा उपोसथपवारणा ठपिता होन्ती”ति (परि० अट्ठ० ४२५) वुत्तत्ता ठपितउपोसथपवारणो भिक्खु अपकततो एवाति गहेतब्बं । परिसुद्धसीलाति पाराजिकं अनापन्ना अधिप्पेता । परिवसादिकम्मेसु पन गरुकट्टापि अपकतत्ता एवाति गहेतब्बं । अवसेसा...पे... छन्दराहाव होन्तीति सङ्घतो हत्थपासं विजहित्वा ठिते सन्धाय वुत्तं । अविजहित्वा ठिता पन छन्दराहा न होन्ति, तेषि चतुवग्गादितो अधिका हत्थपासं विजहित्वाव छन्दराहा होन्ति । तस्मा सङ्घतो हत्थपासं विजहित्वा ठितेनेव छन्दो वा पारिसुद्धि वा दातब्बा ।

कम्मवग्गवण्णना निट्ठिता ।

### अपलोकनकम्मकथावण्णना

४९६. एतरहि सचेपि सामणेरोतिआदीसु बुद्धादीनं अवण्णभासनम्पि अकप्पियादि कप्पियादिभावेन दीपनम्पि दिट्ठिविपत्तियञ्जेव पविसति । तेनेव वक्खति “तं लङ्घि निस्सज्जापेतब्बो”ति । भिक्खूनम्पि एसेव नयो । मिच्छादिट्ठिकोति बुद्धवचनाधिप्पायं विपरीततो गण्हन्तो, सो एव अन्तर्गाहिकाय दिट्ठिया समन्नागतोति च वुत्तो । केचि पन “सस्सतुच्छेदानं अञ्जतरदिट्ठिया समन्नागतो”ति वदन्ति, तं न युत्तं, सस्सतुच्छेदग्गाहस्स सामणेरानं लिङ्गनासनाय कारणत्तेन हेट्ठा अट्टकथायमेव (महाव० अट्ठ० १०८) वुत्तत्ता, इध च दण्डकम्मनासनाय एव अधिप्पेतत्ता ।

तस्सापि दातब्बोति विज्जमानं मुखरादिभावं निस्साय अप्पटिपुच्छित्वापि पटिञ्जं अगग्हेत्वापि आपत्तिं अनारोपेत्वापि देसितायपि आपत्तिया खुंसनादितो अनोरमन्तस्स दातब्बोव । ओरमन्तस्स पन खमापेन्तस्स न दातब्बो ।

ब्रह्मदण्डस्स दानन्ति खरदण्डस्स उक्कट्टदण्डस्स दानं । तज्जनीयादिकम्मे हि कते ओवादानुसासनिप्पदानपटिकखेपो नत्थि । दिन्नब्रह्मदण्डे पन तस्मिं सङ्घि तज्जनीयादिकम्मकतेहि पटिकिखत्तम्पि कातुं न वट्ठति, “नेव वत्तब्बो”तिआदिना आलापसल्लापादिमत्तस्सापि नकारेन पटिकिखत्तत्ता । तज्झि दिस्वा भिक्खु गीवं परिवत्तेत्वा ओलोकनमत्तम्पि न करोन्ति, एवं विवज्जेतब्बं निम्मदनकरणत्थमेव तस्स दण्डस्स अनुज्जातत्ता । तेनेव छन्नत्थेरोपि उक्खेपनीयादिकम्मकतोपि अभायित्वा ब्रह्मदण्डे दिन्ने “सङ्गेनाहं सब्बथा विवज्जितो”ति मुच्छितो पपति । यो पन ब्रह्मदण्डकतेन सङ्घि जत्त्वा संसट्ठो अविवज्जेत्वा विहरति, तस्स दुक्कटमेवाति गहेतब्बं अञ्जथा ब्रह्मदण्डविधानस्स निरत्थकतापसङ्गतो । तेनाति ब्रह्मदण्डकतेन । यथा तज्जनीयादिकम्मकतेहि, एवमेव ततो अधिकम्पि सङ्घं आराधेन्तेन सम्मावत्तित्तब्बं । तज्ज “सोरतो निवातवुत्तो”तिआदिना सरूपतो दस्सितमेव । तेनाह “सम्मावत्तित्वा खमापेन्तस्स ब्रह्मदण्डो पटिप्पस्सम्भेतब्बो”ति ।

यं तं भगवता अवन्दियकम्मं अनुज्जातन्ति सम्बन्धो । “तस्स भिक्खुनो दण्डकम्मं कातुं”न्ति सामञ्जतो अनुज्जातपकारं दस्सेत्वा पुन विसेसतो अनुज्जातपकारं दस्सेतुं “अथ खो”तिआदिपाळि उट्ठटाति वेदितब्बं । इमस्स अपलोकनकम्मस्स ठानं होतीति अपलोकनकम्मस्स सामञ्जस्स पवत्तिट्ठानं होतीति । विसेसव्यतिरेकेन अविज्जमानम्पि तदञ्जत्थ अपवत्तिं दस्सेतुं विसेसनिस्सितं विय वोहरीयति । “कम्मञ्जेव लक्खण”न्ति इमिना ओसारणादिवसेन गहितावसेसानं सब्बसं अपलोकनकम्मस्स सामञ्जलक्खणवसेन गहितत्ता कम्मञ्जेव लक्खणमस्साति

कम्मलकखणन्ति निब्बचनं दस्सेति । इदञ्च वुत्तावसेसानं कम्मानं निष्ठानड्डानं, सङ्खारकखन्धम्मायतनानि विय वुत्तावसेसखन्धायतनानि दडुब्बं । तेनेव वक्खति “अयं पनेत्थ पाळिमुत्तकोपि कम्मलकखणविनिच्छयो”तिआदि (परि० अट्ठ० ४९५-४९६) । यथा चेत्थ, एवं उपरि अत्तिकम्मादीसुपि कम्मलकखणं वुत्तन्ति वेदितव्वं । **तस्स करणन्ति** अवन्दियकम्मस्स करणविधानं ।

“**न वन्दितव्वो**”ति इमिना वन्दन्तिथा दुक्कटन्ति दस्सेतीति दडुब्बं । सङ्गेन कतं कतिकं जत्वा महनं विय हि सङ्गसम्मूर्तिं अनादरेन अतिकमन्तस्स आपत्ति एव होति ।

**भिक्षुसङ्गस्सापि पनेतं लब्धतियेवाति** अवन्दियकम्मस्स उपलकखणमत्तेन गहितत्ता भिक्षुसङ्गस्सापि कम्मलकखणं लब्धति एव ।

सलाकदानड्डानं **सलाकगं** नाम । यागुभत्तानं भाजनड्डानानि **यागगभत्तगानि** नाम । एतेसुपि हि ठानेसु सब्बो सङ्गो उपोसथे विय सन्निपतितो, कम्मञ्च वग्गकम्मं न होति, “मयमेतं न जानिम्हा”ति पच्छा खिद्यन्तापि न होन्ति । खण्डसीमाय पन कते खिद्यन्ति । सङ्घिकपच्चयज्झि अच्छिन्नचीवरादीनं दातुं अपलोकेन्तीह उपचारसीमड्डानं सब्बेसं अनुमतिं गहेत्वाव कातव्वं । यो पन विसभागपुग्गलो धम्मिकं अपलोकनं पटिबाहति, तं उपायेन बहिउपचारसीमागतं वा कत्वा खण्डसीमं वा पविसित्वा कातुं वट्टति ।

यं सन्धाय “अपलोकनकम्मं करोती”ति सामञ्जसो दस्सेति, तं अपलोकनकम्मं सरूपतो दस्सेतुमाह “**अच्छिन्नचीवरं**”इच्चादि । यदि अपलोकेत्वाव चीवरं दातव्वं, किं पन अप्पमत्तकविस्सज्जकसम्मृतियाति आह “**अप्पमत्तकविस्सज्जनकेन पना**”तिआदि । **नाळि वा उपडुनाळि** वाति दिवसे दिवसे अपलोकेत्वा दातव्वस्स पमाणदस्सनं । तेन यापनमत्तमेव अपलोकेतव्वं, न अधिकन्ति दस्सेति । **एकदिवसंयेव** वातिआदि दसवीसतिदिवसानं एकस्मिं दिवसेयेव दातव्वपरिच्छेददस्सनं, तेन याव जीवन्ति वा याव रोगा वुड्डहतीति वा एवं अपलोकेतुं न वट्टतीति दस्सेति । **इणपतिबोधन्ति** इणवत्थुं दातुं वट्टतीति सम्बन्धो । तञ्च इणायिकेहि पल्लिबुद्धस्स लज्जिपेसलस्स सासनपकारकस्स पमाणयुत्तमेव कप्पियभण्डं नियमेत्वा अपलोकेत्वा दातव्वं, न पन सहस्सं वा सतसहस्सं वा महाइणं । तादिसज्झि भिक्षवाचरियवत्तेन सब्बेहि भिक्षूहि तादिसस्स भिक्षुनो परियेसित्वा दातव्वं ।

**उपनिक्खेपतीति** चेतिपटिजगनत्थाय वड्डिया पयोजेत्वा कप्पियकारकेहि ठपितवत्थुतो । **सङ्घिकेनपीति** न केवलञ्च तत्तुप्पादतो पच्चयदायकेहि चतुपच्चयत्थाय सङ्गस्स दिन्नवत्थुनापीति अत्थो ।

**सङ्गभत्तं कातुं न वट्टतीति** महादानं देन्तेहिपि करियमानं सङ्गभत्तं विय कारेतुं न वट्टतीति अधिप्पायो ।

“**यथासुखं परिभुज्जितुं रुच्चती**”ति वुत्ता अत्तनो परिभोगप्पहोनकं अप्पं वा बहुं वा गहेतव्वं, अधिकं पन गहेतुं न लभति । **उपोसथदिवसेति** निदस्सनमत्तं, यस्मिं किस्मिञ्च दिवसेपि कतं सुकतमेव होति । करोन्तेन “यं इमस्मिं विहारे अन्तोसीमाय सङ्गसन्तकं...पे०... यथासुखं परिभुज्जितुं म्हां रुच्चती”ति एवं कतिका कातव्वा, तथा द्वीहि तीहिपि “आयस्मन्तानं रुच्चती”ति वचनमेव हेत्थ विसो । **तेसम्पीति** रुक्खानं । **सा एव कतिकाति** विसुं कतिका न कातव्वाति अत्थो ।

**तेसन्ति** रुक्खानं । सङ्गो सामीति सम्बन्धो । **पुरिमविहारेति** पुरिमे यथासुखं परिभोगत्थाय कतकतिके विहारे । **परिवेणानि कत्वा जग्गन्तीति** यत्थ अरक्खियमाने फलाफलानि, रुक्खा च विनस्सन्ति, तादिसं ठानं सन्धाय वुत्तं, तत्थ सङ्गस्स कतिका न पवतीति अधिप्पायो । ये पन रुक्खा बीजानि रोपेत्वा आदितो पट्टाय पटिजगिता, तेपि दसमभागं दत्वा रोपकेहेव परिभुज्जितव्वा । **तेहीति** जग्गकेहि ।

**तत्थाति** तस्मिं विहारे । **मूलेति** आदिकाले, पुब्बेति अत्थो । **दीघा कतिकाति** अपरिच्छिन्नकाला यथासुखं परिभोगत्थाय कतिका । **निक्कुक्कुच्चेनाति** “अभाजितमिद”न्ति कुक्कुच्चं अकत्वाति अत्थो । **खिद्यन्मत्तमेवेतन्ति** तेन खिद्यन्तेन बहुं खादन्तानं दोसो नत्थि अत्तनो परिभोगप्पमाणस्सेव गहितत्ता, खिद्यन्तीपि अत्तनो प्होनकं गहेत्वा खादितव्वन्ति अधिप्पायो ।

**गणहथाति न वत्तव्वाति** तथावुत्ते तेनेव भिक्षुना दिन्नं विय मज्जेय्युं, तं निस्साय मिच्छाजीवसम्भवो होतीति वुत्तं । तेनाह “**अनुविचरित्वा**”तिआदि । **उपडुभागोति** एकभिक्षुनो पटिवीसतो उपडुभागो । देन्तेन च “एत्तकं दातुं सङ्गो अनुज्जासी”ति एवं अत्तानं परिमोचेत्वा यथा ते सङ्गे एव पसीदन्ति, एवं वत्त्वा दातव्वं ।

**अपच्चासीसन्तेनाति** गिलानगमिक्खिस्सरादीनं अनुज्जातपुग्गलानम्पि अत्तनो सन्तकं देन्तेन अपच्चासीसन्तेनेव दातव्वं, अननुज्जातपुग्गलानं पन अपच्चासीसन्तेनापि दातुं न वट्टतीति । सङ्घिकमेव यथाकतिताय दापेतव्वं । अत्तनो सन्तकम्पि पच्चयदायकादी सयमेव विस्सासेन गणहन्ति, न वारेतव्वा, लड्ढकप्पियन्ति तुण्ही भवितव्वं । **पुब्बे वुत्तमेवाति** “कुड्डो हि सो रुक्खेपि छिन्देय्या”तिआदिना तुण्हीभावे कारणं पुब्बे वुत्तमेव । तेहि कतअनत्थाभावेपि कारुज्जेन तुण्ही भवितुं वट्टति, “गणहथा”तिआदि पन वत्तुं न वट्टति ।

**गरुभण्डता...पे०... न दातव्वन्ति** जीवरुक्खानं आरामड्डानीयत्ता, दारुनञ्च गेहसम्भारानुपगतत्ता “सब्बं त्वमेव गण्हा”ति दातुं न वट्टतीति वुत्तं । **अकतावासं वा कत्वाति** पुब्बे अविज्जमानं सेनासनं कत्वा जगितकाले फलवारे सम्पत्ते ।

अपलोकनकम्मकथावण्णना निड्डिता ।

#### अत्थवसवग्गादिवण्णना

४९८. **विपाकदुक्खसङ्कातानं सम्परायिकवेरानन्ति** एत्थ पाणातिपातादिवेरेन निब्बत्तता, वेरप्पत्तिया हेतुता च “विपाकदुक्खवेदना”ति वुत्ता । पाणातिपातादिपञ्चवेरविनिमुत्तानम्पि अकुसलानं वेरेहि सह एकतो सङ्गहन्तं “**दसअकुसलकम्मपथपभेदानं**”न्ति पुन वुत्तं ।

४९९-५००. **तं कम्मन्ति** तज्जनीयादिकम्ममेव, सत्ता आपत्तिकखन्धा पञ्जत्तं नामाति सम्बन्धो । **अन्तरा केनचि अपञ्जत्ते सिक्खापदेति** इमस्मिं कप्पे आदितो पट्टाय याव अम्हाकं भगवतो अभिसम्बोधि, ताव अन्तराकाले ककुसन्धादिं ठपेत्वा केनचि अपञ्जत्ते सिक्खापदेति अत्थो । **विनीतकथा सिक्खापदन्ति** विनीतवत्थूनि एव । तानि हि तंतंसिक्खाकोट्टासानं पकासनतो “सिक्खापद”न्ति च आपत्तिअनापत्तीनं अनुपज्जापनतो “अनुपञ्जत्त”न्ति च वुच्चन्ति ।

अत्थवसवग्गादिवण्णना निड्डिता ।

सङ्गहवग्गवण्णनानयो निड्डितो ।

इति महावग्गो, पञ्जत्तिवग्गो, सङ्गहवग्गोति तीहि महावग्गेहि पटिमण्डितो **परिवारोति** वेदितव्वो ।

इति समन्तपासादिकाय विनयड्डकथाय विमतिविनोदनियं

परिवारवण्णनानयो निड्डितो ।

#### निगमनकथावण्णना

अवसानगाथासु उभतोविभङ्ग-खन्धक-परिवारेहि विभत्तता विभागपटिदेसना यस्मिं विनयपिटके । सो उभतोविभङ्ग-खन्धक-परिवारविभत्तदेसनो आहाति योजना । **तस्साति** विनयपिटकस्स ।

सत्थु महाबोधीति दक्खिणसाखं सन्थाय वदति । यं पधानघरं नाम परिवेणं, तत्थ चारुपाकारेन सञ्चितं परिक्खित्तं यं पासादं कारयि, तत्र तस्मिं महानिगमसामिनो पासादे वसताति योजेतब्बा ।

बुद्धसिरिं उद्दिस्सित्वा निस्साय, तस्स वा अञ्जेसनम्पि पटिच्च या इद्धा परिपुण्णविनिच्छयताय समिद्धा विनयसंवण्णना आरद्धाति योजना ।

सिरिनिवासस्साति सिरिया निवासनट्टानभूतस्स सिरिपालनामकस्स रञ्जो । जयसंवच्छरेति विजययुत्ते संवच्छरे । आरद्धकालदस्सनत्थं पुन “जयसंवच्छरे अयं आरद्धा”ति वुत्तं ।

काले वस्सन्ति युत्तकाले वस्सनसीलो । देवोति मेघो ।

निगमनकथावण्णना निड्डिता ।

#### निगमनकथा

एत्तावता च आरद्धा, विनयड्ढकथाय या ।  
वण्णना नातिवित्थिण्णा, परिपुण्णविनिच्छया ॥

पञ्जासभाणवाराय, तन्तिया परिमाणतो ।  
समिज्झनिट्ठिपरमा, या विमतिविनोदनी ॥

अनन्तरायेन कता, अयं निड्डमुपागता ।  
यं तं निड्डं तथा सब्बे, पाणिनो समनोरथा ॥

थेरेहि विनयञ्जुहि, सुचिसल्लेखवुत्तिहि ।  
अविस्सत्थातिवित्थिण्ण-गन्थभीरू हिपत्थितं ॥

करोन्तेन मया एवं, विनयअत्थवण्णनं ।  
यं पत्तं कुसलं तेन, पत्त्वा सम्बोधिमुत्तमं ॥

विनयत्थं पकासेत्वा, यो सोपायेन लक्खणं ।  
सोपायं विमतिच्छेद-जाणचक्खुपदायकं ॥

विरद्धत्थविपल्लास-गन्थवित्थारहानिया ।  
विसुद्धि पापयिस्सामि, सत्ते संसारदुक्खतो ॥

लोकियेहि च भोगेहि, गुणेहि निखिला पजा ।  
सब्बेहि सहिता होन्तु, रता सम्बुद्धसासनेति ॥

विमतिविनोदनीटीका निड्डिता ।